


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<http://books.google.com>







BIBLIOTHÈQUE DE L'ACADÉMIE














IACOBI BRVCKERI

REG. SOC. SCIENT. BEROL. MEMBRI


157944

# HISTORIA CRITICA PHILOSOPHIAE



A  
TEMPORE RESVSCITATARVM  
IN OCCIDENTE LITTERARVM

AD  
NOSTRA TEMPORA.



TOMI IV. PARS ALTERA.

---

*LIPSIAE*

APVD BERNH. CHRISTOPH. BREITKOPF.


MDCCXLIV.

VILLE DE LYON  
Biblioth. du Palais des Arts





## P R A E F A T I O.

 Tandem, quod diuinæ benevolentiae debemus, ultimum Tibi, *Lector humanissime*, volumen historiae criticae philosophiae exhibemus, cum ceteris, si argumenti dignitatem spectes, non comparandum modo, sed illis quoque anteferendum. Pandit enim historiam philosophiae eclecticae, quae abiecto inepto, quod tot secula philosophantium ingenia fascinauit, sectae studio, iusta animi libertate in ipsam rerum philosophicarum naturam inquirendo, ex domesticis principiis veritates praestantissimas detexit, sparsasque per innumeras sectas veritates aptis omnes locis atque articulis colligauit. Quod studium eclecticum post quosdam frustraneos conatus virorum nonnullorum doctorum quidem, at idoneis ad hoc faxum voluendum, viribus destitutorum tanta ingenii, quod maximum nactus erat, felicitate aggressus est illustrissimus Britanniae philosophus Franciscus Baconus Verulamius, ut ab eo tempore certatim ad emendationem philosophiae sobriae non sine successibus exoptatissimis cucurrerit, quicquid melius et candidius pectus formatum possidebat. Certe, ipsa veritate historiae concinente, affirmare licet, vnus fere seculi spatio plus luminis, elegantiae et nitoris philosophiae succreuisse, quam tot seculorum decursu, quibus a mundi incunabulis ad seculum post orbem redemptum septimum decimum, vidit humana societas. Quae ple-

## P R A E F A T I O.

plenius enarrare eo magis nostrarum partium esse duximus, quo magis inter maxima temporum nostrorum beneficia reputandum est, quod tantam nobis philosophiae lucem Numen accenderit, deserintque ingenia nugari, ausa vero sint proprio vultu eum solem contueri, ex quo veritatum quarundam radii ad sectarum quarumcunque conditores dimanauerunt. Ast difficillimum tamen laborem hunc deprehendimus, talemque, quem attingere magis in vniuersali philosophiae historia, quam perficere licebat. Nam si ea omnia fuisse enarranda fuissent, quae vel noua excogitauit philosophantium natio, vel vetera emendauit, et ad meliores rationes reuocauit, opus sane scribendum fuisset, eo quod iam dedimus, maius et prolixius. Vt itaque meta laboris esset, isque intra limites ab initio constitutos contineretur, primo quidem ab eorum philosophorum historia, (nisi vbi quaedam *ὡς ἐν παρόδῳ* fuerant tangenda) abstinuimus, qui viuunt hodie et orbem philosophicum meritis suis ornant. Quod ideo monendum hoc loco esse putauimus, ne vel ignorauisse vel contempsisse praestantissimos philosophos censeremur. Rationem autem eius consilii facilem et apertam deprehendimus, rati, certius, meliusque post fata demum philosophorum historiam describi, vbi fauor cessauit et odium, quibus animi passionibus plerumque in praeceptis scriptores pariter et lectores agi solent. Et haec quoque causa est, cur illustris viri CHRISTIANI WOLFII, qui hodie praecipue patriam nostram philosophiae fama nobilitauit, historiam omittendam esse censuerimus \*. Quamuis enim, et tanta sint viri summi de philosophia merita, et factorum philosophiae eius tam insignis diuersitas atque maximum momentum, vt cum quauis se-

\* Dedimus autem imaginem, et historiam viri summi in Pinacotheca scriptorum nostra aetate illustrium dec. I. ad quam recurrendum illis est, qui merita eius de orbe philosophico nosse cupiunt.



## P R A E F A T I O.

ſectarum nobiliſſimarum fortuna queat comparari, perſuaſiſſimi tamen ſumus, criticam philoſophiae Wolfianae hiſtoriam veram, et legibus ſuis facientem ſatis non niſi a poſteris, et exſpirante, quae nunc viget, aetate conſcribi poſſe. Id quod illi non inuiti concedent, qui Cartefianae vel Puſendorfianae philoſophiae hiſtoriam in hoc volumine attente conſiderauerint, quae neutra viuus iſtis heroibus ita conſcribi potuit, vt iam calamo vni veritati litanti licet. Porro cum omnes, qui noua ſyſtemata condiderunt, adducere, nec poſſibile eſſet, neque magnopere commendandum, facile ſub tanto onere ſuccubituro inſtituto noſtro; in id potiſſimum conſiſi ſumus, vt eorum maximorum virorum, res, ſtudia, conſilia, ſcripta, philoſophandi rationem et ſyſtemata integra enarraremus pleniusque traderemus, qui ſe aliis duces in re tantae molis praeſbuerunt, quales poſt conatus Bruni, Cardani et Campanellae vanos et inutiles, ſe praeſtiterunt, Verulamius, Hobbefius, Cartefius, Leibnizius, Thomafius, quos in ſtadio philoſophiae eclecticae ſe anteſignanos ceteris dediffe, ex dictis lectori abunde conſtabit. Hi quibus animis, quibus conſiliis, quibus mediis ad innouandam emendandamque philoſophiam acceſſerint, qua ratione tantum opus ſint aggreſſi, quam faciem nouae, quam commenti ſunt, philoſophiae expreſſerint, quid perfecerint, in quo deſuiſſe laudatiſſimis conſiliis euentus felicitatem iudicatum ſit, ea libertate atque modestia, qua maxima nobis contentione vſis licebat, expoſuimus, vt et vnius veritatis nos habuiſſe curam, omneque partis ſtudium abieciſſe conſtaret, et manifeſtum tamen eſſet, aequos nos praeſbuiſſe meritis tantorum virorum, qui licet non omnia viderint, nec omnibus placuerint, tales tamen merito iudicantur eſſe, quorum immortalis ad poſteros perduret gloriae memoria. Ita vero exiguum

## P R A E F A T I O.

guam tantum historiae philosophiae eclecticae partem absolueri licebat; restabant innumera per singulas philosophiae partes inuenta noua, emendata vetera, quibus dici non potest, quanta lumina ad philosophiam accesserint, quis illi honor creatus sit. Ne itaque in hac quoque parte deficiat nostra tractatio, singulas disciplinas percurrendo, non integram quidem et specialem earum historiam condidimus, quod a nostra tractatione longius abest, ast ea tamen summa accurataque fide attulimus, quae ad eclecticae philosophiae historiam pertinent, et ex quibus intelligi potest, quid in philosophia emendatum auctumque atque innouatum sit. Quo pacto licuit eorum philosophorum historiam enarrare, quibus nihil praestantius, nihilque illustrius in rationali, naturali et morali philosophiae parte vidit erudita ciuitas. Reliqua strictim quidem tetigimus, genuinos autem fontes, qua potuimus fide indicauimus, ex quibus ea proprio labore haurire potest lectoris industria. Adiecimus in fine philosophiae Asiaticae, qualis hodie viget, praecipue inter Indos, Sinenses, et Iaponenses historiam, quae tractatio etsi abesse ex hoc opere poterat, nolimus tamen illam vel ob eam causam omittere, quod infinitis virorum maximorum disceptationibus agitata est: quibus arbitrium quidem non interponere ausi sumus, diximus tamen eo lubentius sententiam modeste nostram, quo certiores sumus, seductos interdum partis studio viros doctissimos, in arcanis doctrinae orientalis rationibus perspiciendis nonnihil coecutiisse. Et hoc quidem pacto difficillimum iter, quod iterato cursu, ingressi sumus, Numine fauente, viresque corporis et animi clementer largiente, absoluiamus, opere integro historiae criticae philosophiae, ad vmbilicum perducto. De quo ea, quae ad totum primum praefati sumus, Lectorem recordari iubemus,

## P R A E F A T I O.

mus, eiusque aequitatem et benevolentiam nobis eo magis exoramus, quo magis in tenui recularum nostrarum conditione praeter amplissimam voluntatem hanc neglectam eruditionis partem excolendi, pauca sunt, quae nobis ipsis satis faciant. Qui si tot annorum spatio, quibus in hoc faxo voluendo defudauimus, interdum dormitauerimus, si, non obstante summa, quam adhibuimus, attentionis et fidei diligentia, multoties cespitauerimus, si in infinitis dogmatibus exponendis, et diiudicandis, innumerisque libris legendis et excerpendis, si in tot annorum historia critice expendenda nostra nos industria fefellerit, humanitatis veniam eo magis exspectamus, quo magis aequum esse putamus, perperam dicta nobis ignoscere, qui argumentum a nemine haecenus ad finem perductum absoluere, aggressi sumus, et in plerisque duce caruimus; coacti per densissima dumeta saepe numero repere, viam nobis nouam sternere, et ex prolixis haud raro libris ea congerere, quae iustam non philosophorum modo, sed et dogmatum historiam exhiberent. Vnde addenda quoque et emendanda nonnulla singulis tomis subiunximus. Quae autem recte dicta sunt, ea diuinae clementiae, quae inter tot curas alias nobis adfuit, omnia adscribimus, et deuotissimum animum pro innumeris benevolentiae speciminibus, quae inter scribendum toties experti sumus, maiestati Numinis pie offerimus. Inter quae illud potissimum depraedicandum esse iure suo putamus, quo tot acutissimorum hominum opiniones, decreta, et sententias, excutiendo, integraque systemata examinando, laetissimo argumentorum pondere conuicti sumus, quo propius ad Christianae religionis veritatem, simplicem quidem fucoque eruditionis humanae carentem, at diuina tamen maiestate fulgentem doctrinae collinearunt, eo magis veritate se illas commendauisse:

## P R A E F A T I O.

dauisse: quo pacto dici non potest, quanta nobis sanctissimae fidei certitudo enata sit, et quoties sapientiae humanae tot tricis a regia via retractae nos fastidium ceperit, ad coeleste iubar aeternae sapientiae oculos attollentes. Qui fructus huius laboris, si quoque Lectori aequo pioque obtigerit, laeti, nos omni molestia, quam deuorauimus, esse defunctos, recordabimur, habebimusque viros cordatos, perlectis his Voluminibus, nobis consentientes, his Antonii versiculis calamum tandem ponentibus:

*Percurri, fateor, sectas, attentius omnes.  
Plurima quaesui, per singula quaeque cucurri,  
Nec tamen inueni melius, quam credere Christo.*

Scrib. Kaufbyrac, VIII. Cal. Maii.

A. O. R. clp lcccxl i i i.



### *Additamentum Praefationis.*

Quum in tantam Liber hic molem excreuerit, ut a discentibus bene multis, vix sine molestia comparari et peruolui posse, pro facultatum atque temporis ratione, videretur; consulendum tamen esse studiosae iuuentutis etiam vtilitatibus existimauerim: facile ab amicis exorari me passus sum, ut Epitomen quoque maioris operis per omnes eius partes cundo, quanta fieri posset solertia, concinnarem, eamque vno volumine, eoque medioeri, in octaua, quam vocant, forma, comprehenderem. Vt sibi potissimum academicis destinatus erit labor hic, et intra vnus anni sparium a Bibliopola publicari commode poterit; *introductionis* vices in *Historiam* hanc *Philosophiae Criticam* subiturus. Quo ipso conamine nouo, si indefessum de Orbe Litterato bene merendi studium meum, magis adhuc patuisse deprehendero, non male me operam istam collocasse existimabo.



IACO.

IACOBI BRVCKERI  
HISTORIA CRITICA  
PHILOSOPHIAE

A  
RESTAVRATIONE LITERARVM  
AD NOSTRA TEMPORA.

T O M I IV.  
P A R S   A L T E R A.





HISTORIAE  
CRITICAE PHILOSOPHIAE  
PERIODI TERTIAE,  
A RESTAURATIONE LITERARVM  
AD NOSTRA TEMPORA,

---

*PARS ALTERA,*  
DE STUDIO PHILOSOPHIAE ECLECTICAE  
POST RENATAS LITERAS.

LIBER PRIMVS.  
DE RESTAURATORIBVS PHILOSOPHIAE  
ECLECTICAE VNIVERSAE.

---

CAPVT PRIMVM,  
DE CAVSSIS ET OCCASIONE RESVSCITANDI  
PHILOSOPHIAM ECLECTICAM.



§. I.

Non satis aequa fortuna gauisam fuisse, quae cum rena-  
scentibus literis restaurari quoque coepit, philosophiam, *Ordo tracta-*  
ex iis, quae in antecedentibus copiose disseruimus, est *tionis.*  
certissimum atque manifestum. Non tamen ad nostra  
vsque tempora deformati mansere veri doni huius di-  
uini vultus, sed ita superum fauor mortali generi prospexit, vt tandem  
rectior et elegantior philosophiae facies enitesceret. Nempe restituta

A 2

tandem

VILLE DE LYON  
Biblioth. du Palais des Arts

tandem et post multas pugnas victoria potita est philosophia eclectica, electa et conculcata sectaria philosophandi ratione. Abiecto enim indigno humana ratione hoc iugo, et contempto seruili auctoritatis et antiquitatis praeiudicio coeperunt magna quaedam et acuta ingenia non aliorum quidem placita, sed sua lumina consulere, principia vera, vniuersalia, certa seligere, conclusiones iis inaedificare, et suae meditationis beneficio proprium atque domesticum sibi philosophiae systema condere; veritates autem per sectas omnes sparsas, separatas suisque dogmatibus iunctas in commodum aptumque systematis sui locum reponere: nihil vero probare et admittere, quod non rationis iudicio et veritatis euidentia sibi demonstratum certumque videretur esse. Et hoc quidem pacto, magni nonnulli et ingenio excelsi atque illustres virt omnem philosophiam emendare innouareque sunt annisi, multo maior pars in speciali scientiarum philosophicarum circulo id tentauit, eo euentu, vt, quae nostrorum temporum est felicitas, apud sanos et rerum intelligentes omnes sectae nomen studiumque velut indignum philosopho merito sit exosum. Et hanc laetam quidem ac fortunatam philosophiae periodum fataque ex voto fluentia iam porro describemus; adiecturi in fine velut auctarium aliquod, quid de gentium extra Europam viuentium philosophia sit statuendum, quaeque illis arriferint placita philosophica paucis enarraturi.

*Eclectica  
philosophia  
quid designet?*

§. II. Quid eclecticae philosophiae nomine tituloque intelligamus, ex dictis satis constat: id vero probe tenendum, ne falsam nobis et ineptam eclectici philosophi fingamus imaginem. Nempe ille solus nobis eclecticus philosophus est, qui procul ire iusso omni auctoritatis, venerationis, antiquitatis, sectae, similibumque praeiudicio ad vnam rationis connatae regulam respicit, exque rerum, quas considerandas sibi statuit, natura, indole, et proprietatibus essentialibus clara et euidentia principia haurit, ex quibus iustis ratiocinandi legibus vsus, conclusiones deinde de problematibus philosophicis deducit: hac vero norma posita, in legendis aliorum philosophorum meditationibus ac expendendis examinandisque doctrinarum aedificiis nihil recipit, quod non rationum seueritati et demonstrationis rigori faciat satis. Quo pacto Trus, Rutulusue fuit, veritas illi re omni alia potior est, nec turpius ac indignius aliquid quam iurare in verba magistri. Non extollemus ambitiose, hulus philosophandi generis praestantiam, dignitatem et vtilitatem, nec quo modo circa veritates versetur, quibus medijs vtatur, quoue tramite incedat, prolixè exponemus, haec enim et a scopo nostro aliena sunt, et a viris doctis passim copiose tradita, quos consulere oportet eum, qui haec scire pluribus cupierit. Nobis paucis modo monendus Lector nonnulla est, sine quibus inoffenso in sequentibus pede incedere vix licet. Nempe cauendum

a) Prae reliquis legendi doctissimi viri Io. GHR. STURMII in Exerc. de Phil. sectar. et eclect. Phil. eclect. T. I. et ARNOLDVS W.

SENFELDVS Dissertationibus quatuor de philosophia sectaria et eclectica.



dum omnino est, ne eclecticam philosophiam cum syncretistica confundamus, et lucem comparemus cum tenebris. Quamvis enim syncretistica philosophia, cuius indolem naturamque *Parte huius Tomi superiore* luculenter delineauimus, eclecticicos vultus prae se ferat, hancque personam ementiat, ipsa tamen male sana opinionum toto coelo inter se diuersarum conciliatio, et inepta, quae ex hac concordia exsurgunt systemata, nec iis facientia satis a quibus desumpta sunt, nec ad veritatem aliquid conferentia satis produnt, quam fallaci larua decipiat, et quanto intervallo ab eclectica philosophia distet. Neque illi quoque eclectici philosophi dicendi sunt, qui ipsam quidem concatenatam systematis alicuius philosophi connexionem sequuntur, in conclusionibus autem nonnullis dissentiant, quod multos fecisse recentiori aetate, licet veterum Graecorum philosophorum placita receperint, ex iis, quae in superioribus dicta sunt, liquet. Nihil enim isti in ipso systemate mutant, nec principiorum fidem vellicant, sed vel addunt nonnulla vel demunt, et aliter interdum explicant. Pauci quidam ipsorum principiorum veritate in dubium vocata, quaedam reiciunt, et noua surrogant, potiore tamen partem recipiunt, liberioribus autem meditationibus in conclusionibus vtuntur: qui si paulo audentius progredierentur, facile inuisum seruitutis iugum excuterent, at auctoritatis praeiudicium totum abiicere non audent. Hos si semi-eclecticos appellare libet, per nos licebit, modo inter veros eclecticicos non collocentur, a quibus longe absunt, vt memorabili, quod in *superiore Parte* enarrauimus, Nicolai Taurelli exemplo constat. Ineptos autem corrafores, qui sine ordine centones magis consuunt, quam veritates nectunt, ex philosophantium choris totos eiiciendos, hancque eclecticae philosophiae iniuriam non affricandam esse, Lector facile intelliget, si veram philosophiae indolem considerauerit. Tandem et hos ex isto albo expungendos esse constat, qui eclecticorum philosophorum decreta, opiniones, dogmata coeca fide recipiunt, et vel magistrorum ambitione vel seruilis ingenii timiditate adducti, sectas eclecticae philosophiae somniant. Quod licet omni rationi philosophicae contrarium sit, toties tamen factum est, quoties noua secta caput extollere coepit. Ipsi enim sectarum conditores fuere eclectici, et data opera tritam ab aliis viam reliquerunt. Ast discipuli et praeceptorum ambitione, et inepta admiratione seducti in verba eorum iurantes laudabili via deserta, sectae studium praetulerunt. Quem morem vtinam cana tantum antiquitas, et Graecia atque Latium, seruauisset, nec essent hodie in tanta philosophiae luce, qui dum quauis occasione veram philosophiam iactant, sectam tamen meditantur. Vtinam non recentiorum temporum decoribus obessent nouarum sectarum, quae passim audita sunt, et hodie quoque audiuntur, nomina. Fidem eius rei desideranti vna, quae in sequentibus dabitur, Cartesianismi historia, abunde faciet satis. Nempe adeo cara multis est inuentionis gloria, vt nisi sectarum caterua et nominis appellatione gaudeant,

deant, nihil ex detecta veritate sibi esse commodi et iucunditatis statuunt. Qui an philosophi veri mores exprimant, lectori iudicandum et ex veteri Graecia exempla minus invidia, quam hodierna, plena colligenda relinquimus. Quanquam ineptum quoque discipulorum studium sectam ex eclectica philosophia haud raro condere solet. Cuius luculentum exemplum Socratis schola exhibet, quae licet plerarumque sectarum mater fuerit, dubium tamen est, vtrum maior vnquam fuerit philosophus eclecticus Socrate?

*Causae, cur  
tam fere sur-  
rexisse philo-  
sophia ecle-  
ctica.*

§. III. Magnos sane profectus et incrementa laetissima habuisset philosophia, si cum ipso renascentis aetatis suae flore, et initis philosophandi, quae sub auspiciis restauratae eruditionis politioris cepit, eclectica methodo vti licuisset. Ast aliter euenisse, et ad finem fere seculi XVI depressam et ignotam iacuisse philosophiam eclecticam fata philosophiae, quae seculo hoc habuit, quaeque fusc supra descripsimus, comprobant. Vt taceamus enim, ante Baconem Verulamium vix vnum alterumque, interque eos Iordanum Brunum, infelicem philosophum fuisse, qui innouandae vniuersae philosophiae manum admouerit, eosque, quibus sectarium iugum displicuit, in solo naturalis philosophiae genere aliquid, quod *ἐκλεζν* saperet, fuisse ausos; etiam in hac philosophiae parte ante Bernardinum Telesium nemo a veterum via recessit: quin is ipse noua suam Parmenideis coniungere, quam sine duce ire, maluit. Vnde recte illi facere censendi sunt, qui vera et aperta eclecticae philosophiae initia a Verulamo deriuant, licet noua dare et Brunum et Cardanum ante eum, sed irrito conatu, fategisse, ex dicendis constabit. Causa autem cur non citius et cum ipsis renascentis philosophiae incunabulis eclectica philosophia caput extulerit haud vna est, sed plures concurrerunt. Et ipsum quidem resuscitatae eruditionis exordium in causa fuisse dicendum est, cur eclectica philosophia neglecta, sectaria triumphauerit. Ex illis enim quae in limine superioris partis de studio reformationum eruditionis circa philosophiam diximus, manifestum est, viros istos doctos arti criticae, ac antiquitatum et veteris literaturae studio ita addictos fuisse, vt in his eruditionis partibus summam doctrinae laudem ponerent. Cui praecudio cum amplissime faueret philosophia Graecanica, quae et veterem eruditionem commendabat, et abunde suppeditabat, ex quo philologiae studio alimenta peterent, dici non potest, quam concitatis gressibus viri eruditi in amplexus philosophiae sectariae cucurrerint; desperantes, fore, vt ex libero philosophandi innouandique cum ratione genere gloria literarum, quam affectabant, enasceretur. Accedit, quod his studiorum generibus occupati, et in grammaticis, in criticis, in historia veteri ritibusque antiquorum omnem vitam versati atque in puluere forulorum in bibliothecis volutati, tempus sibi tantum eripere vel nequuerint, vel noluerint, quantum ad eclecticam philosophiam suo ex ingenio et improbi laboris pleno aliorum examine fingendam requiritur. Neque dubitamus ignauiam

ignauiam multorum accusare, qui taedia nouarum inuentionum et molestiam meditationis refugientes maluerunt veteres duces sequi, quam sine cortice nauare, nouamque tentare viam. Haud paucos quoque viros cetera praeclaros doctosque ignorantia, quid sit eclectica philosophia, decipit. Quamuis enim ratio illis dictauerit, non aliam, quam eclecticam philosophiam, venerando sapientiae naturalis nomine esse dignam, veram tamen eius indolem non pernouerunt, rati satis bene se eclectice philosophari, si vna secta duce electa, reliquas non contemnerent, sed quaedam ex iis in sua arua deriuarent. Quo pacto Philippum Melanchthonem de eclectica philosophia statuiffe, supra, vbi de eius philosophia actum, ipsius verbis declarauimus. Quamuis autem acutius nonnulli cernerent, et quid ad eclecticam philosophiam requiratur, intelligerent, ita tamen aliis et magis quidem necessariis detenti sunt, vt lumina sua ad emendandam philosophiae conditionem adhibere non possent. Sane dubium minime est, quin, vt acutissime videbat, philosophiae liberiores restituisset naturam Lutherus, magnus sectarii iugi contemtor osorque, nisi maioribus intentus diuiniorum doctrinam repurgare, et conscientiarum feruitutem soluere fuisset aggressus. Cui par animo magno et fiducia pleno non fuit Philippus, cuius timiditas haud parum contulit, vt in sectaria via haerere pergeret, eius autem auctoritas in ecclesia Protestantium vera causa est, cur tam diu eclectica philosophia caput, in ea extollere nequiverit. Inter Romanae ecclesiae addictos autem, adeo auctoritatis et antiquitatis praeiudicium seculo XV et XVI, quibus honos esse coepit literis, obtinuiffe notum est, vt mirum non sit, contemptum veterum, licet maxime rationalem inter exosas artes fuisse relatum, quibus secessum ab ecclesia meditabantur, qui non coeco omnia obsequio recipiebant. Tacemus arctam, quae inter certa illius ecclesiae dogmata et philosophiam sectariam, praecipue Peripateticam, intercedit, connexionem atque concordiam, et pericula alia, quae ab eclectica philosophandi methodo timenda erant hominibus, quibus nihil intolerabilius, quam ex cathedra praeceptis examen interponere. Illud certum, in eius ecclesiae gremio conatus eclectice philosophantium obliquis haud raro oculis esse intuitos et pro viribus eos impediuisse, penes quos summa in sacris potestas erat. Id quod vnus Telefii, fatorumque philosophiae Telefianae in antecedente parte enarratorum exemplum satis superque demonstrat, comprobabitque funestus tragicusque Iordani Bruni exitus in sequentibus describendus, et Galilaei historia, quanti constiterint facta illius rei pericula. Ita vero deterreri necesse erat illos, qui his sacris philosophicis liberi operari animo conabantur, vt vel mente premere, vel prorsus suppressere laudabilia consilia inciperent. Sane longiori tempore quam vno seculo opus erat, vt tam alte radicata praeiudicia, et quae inde enata sunt odia tollerentur; nec hodie in his coetibus desunt, qui non obstante tam clara philosophiae melioris luce, quae virorum praestantissimorum in illa quoque

quoque ecclesiae communione oculos collustrauit, veterum morem retineant, id quod nostrorum dierum docet experientia, quae clarissimo viro FRANC. IOSEPHO GRIENWALDIO<sup>b</sup> querendi occasionem suppeditauit, non fuisse tantum seculo XVI aduersarios et obtrectatores melioris philosophiae, qui neruos philosophis nouum quid tentantibus roferint, eosque variis clandestinisque conuitiis dilaniarint, censuris autem atque dictaturis exagitauerint, sed hodie quoque iuratos Peripati sectatores, (id quod se expertum loqui ait) in liberae et sanioris philosophiae cultores idem audere. Alia quae huc afferri possunt, et in his imprimis eruditissimi literarum elegantiorum aduersus sycophantas Iuuauientes vindicis<sup>c</sup> testimonia tacemus, cum talia bonis doctisque viris hodie in istis coetibus inuisa esse et detestandum hoc eclecticicae philosophiae odium videri constet. Fatendum autem, vbique fere sectariorum philosophorum inuidiam in id manibus pedibusque fuisse connisam, vt molimina eclecticicae philosophiae non clamoribus modo et scriptiunculis, sed artibus quoque clandestinis sufflaminaret, id quod sectariae philosophiae historia supra enarrata attendenti luculenter exponet. His cum accederet falsa multorum persuasio, nihil intentatum reliquisse veteres, et ita exhaustisse Graecos philosophiam omnem, vt addi, quod nomen habeat et momentum prae se ferat, possit fere nihil, mirum non est, prima eclecticicae philosophiae conamina in ipsa, quod aiunt, herba fuisse suffocata.

*Occasio exci-  
tatae philoso-  
phiae eclecti-  
cae.*

§. IV. Tandem, licet sero, miserta humani generis diuina clementia, vt dispellerentur nubes, et sapere serio discerent philosophi, animos compulit. Scilicet adeo graue visum est sectariae philosophiae iugum, adeo intolerabile inepti philosophandi generis imperium viris cordatis, quae de meliore luto finxerat praecordia Titan, vt indignabundi tandem id abjicerent, irati sibi ipsis, quod tamdiu seruire coeco philosophorum Graecorum obsequio sustinuissent. Quamuis enim et de se modeste sentirent, et veterum doctrinae plurimum tribuerent, recte tamen mentem eorum subiit cogitatio, et sibi rationem inditam esse, et licere non minus ipsis, quod Graecanicarum sectarum conditoribus licuisset. Itaque cum SENECA *non se cuiquam mancipabant, nullius nomen ferebant, multum magnorum virorum iudicio tribuebant, aliquid et suo vindicabant*<sup>d</sup>. Qua in re non auctores modo sectarum omnes exemplo suo praeiuisse recordabantur, vt Tomo secundo pluribus demonstratum, sed et commendationes eclecticicae philosophiae ex doctorum ecclesiae calamo profectas ob oculos habebant. Eos enim, et inter hos imprimis Clementem Alexandrinum valde hoc philosophandi genus extulisse, licet Syncretismum cum *ἐκλέξας* turpi errore confunderent, in historia philosophiae Christianorum veterum multis locis dedimus probatum. His rationibus muniti hisque igniculis accensi cum in se descendissent, inuenissentque amplissimas ingenii

b) In Albo Bauariae iatricae p. 145. exemplo Wimpinaei, philosophi Paracelsi adducto.

c) IO. CASPERII Vindiciae adu. sycoph. Iuuau. c. 2. p. 6. seqq. d) Ep. 45.

ingenti optimi magnaque iudicandi acie instructi diuitias enata inde est cogitandi philosophandique confidentia, qua nouum tentare iter et ad veritatem cognoscendam suo Marte grassari ausi, dici non potest, quanta celeritate in eo cursu profecerint. Plurimum autem ad laudatissimos conatus contulit, quod et naeuos philosophantium intelligerent, et imprimis praeiudicia detexissent, quibus velut compedibus philosophos haecenus vinxerat philosophia sectaria. His enim ruptis et abiectis ita horruerunt superstitionis, ignauiae, obsequii imperium, ut omnibus, quibus licebat, viribus in libertatem se vindicarent. Cuius rei specimen non aliunde vel iucundius vel vtilius hauriri potest, quam a magno VERVLAMIO, vero eclecticae philosophiae parente, qui in *nouo Organa*, libro bonae frugis et seminum philosophiae verae et liberae pleno id ante omnia egit, ut idola ista, quibus adorandis occupata philosophantium natio, veritatis numen haecenus neglexerat, prosterneret.

§. V. Praeter has causas autem, fatendum, alias quoque concurrere, specie quidem minus honestas, et vituperandas magis quam laudandas, at quae ex accidenti, ita dirigente Numinis prouidentia, eclecticam philosophiam mirifice promouerunt. Inter eas odium in philosophos sectarios, maxime Peripateticos, aliosque ex vulgo eruditorum plurimum ad noua audenda contulisse, et contradictionis studium ad experiendum nouum iter compulisse, exempla satis superque loquuntur. Certe IORDANVM BRVNVM hoc imprimis calcari concitatum nouam philosophiam tentauisse, haec verba eius produunt:

*Causae aliae  
concurrentes.*

*Mensurae inspirato mihi vera inde elementa  
Vt sophiae species longum suppressa per aeuum  
Emicet atque aegras vultu reuocata sereno  
Solentur mentes errorumque excruciantes  
Discutiat nebulas. Populus superabimus unum,  
(Clamauit quondam sceleroso Monychus ore,)   
Saxa trabesque super totosque inuoluit montes.  
Obruite immanis cumuli sub pondere Caecum  
Viuacemque animam missis elidite syluis,  
Oibrynque arboribus spoliare et Pelion umbris,  
Vt tam crescat onus, ne habeat quas spiritus auras.  
Concipiat, frustra tentet se tollere in altum,  
E dorso obducti reuoluto pondere mundi.  
Iam Deus adsurgit melior, glomeramina coeca  
Disticiens, fortisque manu tanto aggere vulso  
Praecepti illustrem magis imo exurgere fundo.*

Haec enim non in sophistas modo diu ante nos inuiolabilis philosophiae simpli-

a) De minimi inuentione L. I. c. 1. p. 98.

*Hist. philos. Tom. V.*



*simplicitatem commentationum multiplicatione, excussionibus atque quaestionibus pro ingenii ostentatione obruentes; sed in nostra quoque tempora dicere in adiecta expositione profaica fatetur, qua praesumptuosorum et arrogantissimorum grammaticorum diluuium, recitatis a fonte Graecorum textibus, synopsis, erotematibus etc. (Philippi scholam fugillare, et Italorum quoque Peripateticorum curas pungere videtur) philosophiam in extremam confusionem perduxisse conqueritur.* Iunxit se apud nonnullos odio vulgaris philosophiae ambitio, noua, insolita, paradoxa et a communi philosophantium sensu abeuntia sectandi studio se efferens. Quae licet haud raro monstrosa dogmata parere soleat, accidit tamen, ut progressu temporis, cum elegantes veritatis vultus conspiceret coepisset, simpliciore mente et rectiori sensu in ea via procederet, et se ipsam quasi ad amplectendam veri disciplinam castigaret. Tandem ipse rei insolitae successus felix et inexpectatus mirum in modum promouit philosophiae eclecticae studium. Quod initio quidem sola doctrina philosophiae naturalis experta est, quae omni expectatione maiora incrementa cepit ex quo expirante seculo XVI in Italia primum, auctore Telebio, nouum iter tentatum et in rationes naturales non mediis dialecticis, ut Peripatetici solebant, sed experientia ministra inquiri coeptum est. Tum enim societates istae philosophicae primum conditae sunt, quarum studiis et industriae nouum philosophandi genus amplissime promotum est. Quod dein exemplo fuit viris doctis, ut in reliquis philosophiae partibus similia fusciperent. Quo pacto rationali primum, et tum demum morali philosophiae nouus honor additus, et eclectica in iis methodus est adhibita. Donec nouo quasi orbe philosophico, auctore et duce Verulamio, prodeunte meliora ingenia certatim hanc viam ingrederentur, quibus imprimis Cartesius et Gassendus exemplum praeiungere, ducesque se praeberunt. Quos acumine ingenii, libertate philosophandi, felicitate inuentionis, gloria nominis superauere seculi XVIII lumina. De quibus iam in sequentibus ex instituto dicere, et qua ratione tum philosophiam in genere, tum singulas philosophiae partes adiuerint, pro instituti modo et limitibus enarrare pergemus.

*Philosophia  
eclectica se-  
ctis carens.*

§. VI. Respuere philosophiam eclecticam, sectas earumque nomina, ex eius indole est manifestissimum: impossibile itaque eius historiam per sectarum discrimina, ut hactenus a nobis factum, describere: licet conamina nonnullorum tandem in sectarium aliquod studium desierint, id quod imprimis Cartesio accidit, qui cum maxime eclectice philosopharetur, incertum tamen, an ambitionis cupiditate, ut nouae sectae auctor haberetur, vel discipulorum contentione tandem sectae conflandae occasionem subministravit, cuius historiam suo loco accurate trademus. Id enim non methodi, sed hominum, vitio tum accidit, et hodie quoque apud nonnullos solet accidere: ipsi tamen et modo et libertati philosophandi derogat plane nihil. Nuper demum vir quidam celeberrimus, et iudicii acumi-

acumine praestantissimus *f* eclecticorum agmina in duas familias diuisit, metaphysicam et mathematicam, quarum illa a Cartesio haec a Gassendo ceperit initium. Has ita distinctas esse vult, vt illa *rationando*, haec *experiundo magis et obseruando verum inueniri posse statuat*, illa *paucis sensibus*, plurima *meditationi et rationi*, haec *paucis rationi*, plurima *sensibus et rerum contemplationi tribuat*: illa *paucis ex metaphysicorum praeceptis longam dogmatum seriem ducat*, *viamque sibi per haec ad Dei, animorum, corporum, totiusque vniuersitatis naturam certe et accurate cognoscendam patere confirmet*: haec *metaphysices decreta haud quidem respuat*, at *sufficere neget ad perfectum philosophiae aedificium extruendum*: contra *diuturnum usum, assiduam rerum considerationem, repetitam saepius periculationem optima discendi et proficiendi adiumenta esse contendat*: illa *multa explorare nobis esse cognita existimet*, et *facile se se adduci ideo patiatur, vt in artis et disciplinae formam praecepta sua cogat*; haec *infinita nos fugere putet*, suosque *de innumeris rebus, nihil, quam dubitare, doceat, dum tempus et vsus maiorem lucem afferat*; *systemata denique vt vocantur conscribendi officium aut plane vires superare mortalium censeat, aut posteris committere iubeat*. Non refragabimur, si quis hac distinctione vti velit, quae in se vera est, et modum philosophandi recentiorum multorum luculenter describit; malumus tamen ab ea abstinere, eo quod illi, qui metaphysici vocantur, non tantum fuerint mathematici primi ordinis, sed et mathesi in hac philosophandi methodo, pluribus modis fuerint vsi: hi vero qui mathematici dicuntur, in solis theorematibus et propositionibus particularibus haud haereant, sed ad metaphysica axiomata ascendant: id quod exemplo Mallebranchii et Leibnizii, qui principes sectae metaphysicae constituuntur, itemque Io. Lockii et Isaaci Newtoni, qui agmen mathematicae familiae ducere dicuntur, attento Lectori facile constare potest. Paulo, nisi fallimur, luculentius dixeris, diuidi in duas classes eclecticorum philosophos recentioris aetatis posse, syntheticam et analyticam. Et synthetici quidem illi nobis sunt, qui paucis nonnullis iisque vniuersalissimis axiomatibus vsi, ad rerum genera speciesque et indiuidua quoque contemplanda descendunt, hisque obseruationes et experientiam disciplinarum mathematicarum et phylicarum accommodant, in quo philosophandi genere nemo superauit illustrem Leibnizium. Analytici autem illi nobis dicuntur, qui ad rerum singularium naturam experientia et calculo detegendam attendi, hypotheses inde construunt, ex quibus de natura rerum vniuersali deinde disputant. Mixtum tamen ex his duabus classibus philosophorum eclecticorum genus dari, quod de rebus ad spirituales naturas pertinentes synthetice disputat, de rebus autem corporeis resolutionis via vtitur, non est, quod negemus. Posthabito itaque familiarum discrimine potiores primo eclecticicos philosophos, qui in vniuersa philosophia emendanda aciem fre-

B 2

gerunt,

*f*) Summe reu. MOSHEMIVS Hist. Christ. recent. Sec. XVII. l. 1. c. 4. §. 31. p. 403. seqq.

gerunt, et immortale inde nomen consecuti sunt, accurate enarrabimus, vitaeque atque philosophandi rationes ab iis adhibitas explicabimus; tum per singulas disciplinas philosophicas eundo, quid magnorum virorum diligencia in iis singulare nouumque praestiterit, pro instituti modo explanabimus. Cuncta enim referre, esset singularum disciplinarum philosophicarum peculiarem condere historiam, id quod et scopo nostro aduersatur, et res infiniti fere laboris est. Indicabimus tamen fontes, ex quibus curioso Lectori plura haurire copiose liceat.

\*\*\*\*\*

## CAPVT SECVNDVM.

## DE IORDANO BRVNO NOLANO.

## §. I.

*Scriptores de  
Iordano Bruno.*

**P**rimus, quantum quidem nobis constat, qui totum philosophiae circulum mutare, et philosophiam dare nouam eamque abstrusissimam ausus est, fuit IORDANVS BRVNVS, a patria NOLANVS dictus. Cuius viri tanta est in historia ciuitatis eruditae recentiori celebritas, vt pauci, qui acta literaria seculi XVI, vel per transennam inspexerunt, censendi sint, qui eum et opinionum *παράδοξων* nouitate et tragico vitae exitu famosum ignorent. Miramur itaque deesse hodiernum accuratam, quam tamen res eius valde memorabiles omnino merentur, huius viri historiam, et quaecunque de eo scripta sunt, sunt autem illa plurima, scopas magis dissolutas esse, quam criticam tractationem, multa erroribus infecta, pleraque manca et imperfecta esse. Cuius potissima nobis caussa videtur esse insignis raritas librorum Bruni, qui adeo disparuere, vt non nisi in instructissimis bibliothecis inueniantur, nullibi autem pene omnes deprehendantur, sed dispersi passim lateant, vnde difficillimum est, consultis omnibus eius viri res atque placita enarrare. Accedit vita hominis vaga, defultoria et incerta, qua factum, vt de rebus eius parum innotuerit, et pleraque coniecturis magis detegi, quam certis testimoniis disci possint. Exorandus itaque nobis Lector est, vt si nostra quoque non fecerit satis tractatio, qui praeter excerpta a viris doctis ex Bruni liberis facta, non nisi vnico Bruni libro philosophico *de Minimo*, iisque quos de arte Lullistica scripsit, vti potuimus, non negligentiam accuset nostram, sed memoriarum de hoc viro inopiam. Consulemus autem, quotquot nobis feliciores vel eius libros passim inspexerunt, vel de rebus eius narrationem aliquam dederunt, et adhibito iudicio, quid secundum leges fidei historicae statuendum sit, candide exponemus, nostramque modeste explicabimus sententiam. Et inter illos quidem, qui de vitae eius circumstantiis quaedam tradiderunt, primo loco collocandus est



est ~~GASSAR~~ SCIOPPIVS: is enim postridie mortis tragicæ, quam passus est Brunus, epistolam de eo scripsit ad Conradum Rittershusium, quæ addita libro rarissimo pseudonymo, in Germania sine mentione loci et anno excuso hoc titulo: *Machiauellizatio, qua unitorum animos dissociare nitentibus respondetur, in gratiam domini archiepiscopi castissimæ vitæ, Petri Pazman, succincte excerpta, Saragossæ per Didacum Ibarram* clō lō cxxi. 4. Ex eo epistolam Scioppii repetiuerē, BURC. GOTTH. STRUVIUS <sup>a</sup> IO. TOLANDVS <sup>b</sup> et MATVRINVS VEISS. LA CROZE <sup>c</sup>. Et ad hanc quidem epistolam velut fide dignam prouocant, quotquot Brunum inter atheos numerant, et iusto eum supplicio ob horrenda dogmata sublatum contendunt. Se enim supplicii de eo summi testem *αὐτόπτην* esse, et sententiam ab officio S. inquisitionis latam et praelectam Bruno suis auribus audiuisse testatur Scioppius, et rationes affert, quibus probet, non ob deserta castra Romanensis coetus, sed ob atheismi impietatem flammis eum vitricibus deletum esse. Fatemur autem hoc non obstante, valde subleſtam nobis videri fidem famosi grammatici. Cuius animum, ut solent apostatae oſores esse ordinis, quem reliquerunt acerrimi, truculentum et sanguinem protestantium indignissimo modo sitientem nemo ignorat, qui vel *Classicum* eius *sacrum* legit, vel de eo ſando aliquid audiuit: qui tanto furore percitus fuit, ut cum eam epistolam ad Conradum Rittershusium Lutheranum scriberet, non neget, etsi Lutherani non comburantur Romae, aliam tamen rationem Romanos de Luthero inuituros fuisse, si eum tenuissent. Eum itaque ex animi sui sententia hoc hominis ex Romanensium castris ad Lutheranos transfugae supplicium probauisse, non est, quod magnopere dubitemus. At utebatur tamen amicis multis inter horum coetuum affeclas Scioppius, et imprimis Rittershusio hospiti olim et praeceptorum plurimum debebat: cum autem probe videret, ſacuitiam Romanam magna partes eas, ad quas seceſſerat, inuidia cumulaturam, hac potissimum epistola eam declinare, persuadereque amicis Lutheranis voluit, non velut Lutheranum, sed tanquam atheum Brunum atrocissimo mortis genere e viuis esse sublatum. Nec id prorsus celare Scioppius vel ita caute de supplicio Bruni scribere ~~poterat~~, ut non aliquoties proderet, atheismum Bruni *πρόφασιν* tantum esse, ut inuisus ordinis apostata extingueretur. Fatetur enim diserte, ~~idum prorsus Lutheranum aut Calvinianum, nisi~~ RELAPSVM aut publice scandalosum ullo modo Romae periclitari, nedum ut morte puniatur. Quibus verbis Lutheranis quidem tutam apud Romanos fidem esse asserit, idque in sequentibus exemplis quoque corroborat, at relapsos vitæ manere pericula, diserte tradit; sunt autem relapsi Scioppio apostatae si non omnes, certe ordinis, qui vocantur. Annon ita luculenter prodit

B 3

Sciop-

<sup>a</sup>) T. V. A. A. Literar.

<sup>b</sup>) loc citando

<sup>c</sup>) Entretien sur divers sujets d'histoire p. 287.

Præiuit his, qui primus eius epistolæ mentionem

fecit IO. HENR. VESINVS de Zoroastre p. 5. ex quo ſus hauiſit NICOPAMVS, Adit. ad Biblioth. Neapol. p. 90.

Scioppius, Brunum ex Dominicanorum ordine ad protestantes transfugam periclitari de vita debuisse? Nec inficiari potest in hac epistola Scioppius, si *Rittersbusius* tunc Romae fuisset, ex plerisque omnibus *Ital*is auditurum fuisse, *Lutheranum* esse combustum, et ita non mediocriter de saeuitia eorum in opinione sua confirmari debuisse. Quae frigide quidem ita excusat, vt dicat: *Italos* suos inter haereticos alba linea non signare, neque discernere nouisse, sed quicquid est haereticum, illud *Lutheranum* esse putare; hoc vero pacto omnes *Italos* testes contra se adducit, eos quoque, qui cum Scioppio sententiam officii praelectam audiuerunt, et facile intelligere potuissent, ob impia et Christiano nomine indigna dogmata e medio sublatum fuisse Scioppium, nisi conuicti fuissent, *Lutheranum* nomen rogum illi accendisse, et conquisita esse illa *παράδοξα*, vt inuidia illa factio premeretur. Ipse sane Scioppius, canina dicitate, qua famam laudemque omnem literarum gloria partam apud viros bonos dudum decoxit, luculenter prodidit, se eundem, cum officio *S.* inquisitionis animum seruare, et hunc morem sequi, vt qui tantopere a placitis Romanae ecclesiae dissident, horrendorum dogmatum accusati ferali rogo digni habeantur. Scribit enim mendaci calamo et indigna viro docto ratione: *De ipso vestro Luthero aliam forte rationem iniremus. Quid enim dices, si afferam et probare tibi possim, Lutherum non eadem quidem, quae Brunus, sed vel absurdiora magisque horrenda, non dico in conuiuialibus, sed in iis, quos viuus edidit libris, tanquam sententias, dogmata et oracula docuisse? Mone quaesio si nondum satis nouisti eum, qui veritatem tot saeculis sepultam nobis eruit, et faciam ipsa tibi loca in quibus succum quinti istius euangelii deprehendas, quamuis istic anatomiam Lutheri a Pistorio habere possitis. Nunc si et Lutherus Brunus est, quid de eo fieri debere censes, nimirum tardipedi Deo dandum infelicibus vstulandum lignis: QUID ILLIS POSTEA, QVI EVM, PRO EVANGELISTA, PROPHETA, TERTIO ELIA HABENT? HOC TIBI COGITANDVM RELINQVO: Tantum vt hoc mihi credas, Romanos non ea seueritate erga haereticos experiri, qua creduntur, et qua debebant forte erga illos, qui scientes, volentes pereunt. Non mouebimus litem impudentissimo calumniatori de atroci mendacio, quod viros doctos candidosque hodie in hac ipsa ecclesiae communione detestari nouimus, indigna enim sunt, quae refutentur; sed id modo vrgemus, satis prodidisse Scioppium, se atque Romanos ignem minitatos esse et Luthero et illis, qui eum pro euangelista, id est, doctore vero habent. Frustra itaque gentilia *βδελύματα* et dogmata nefanda inter Christianos non audita praetendit Scioppius, et excusatione sua parum fidei inuenit, cum plurimis exemplis constet, quanto rigore in eos olim saeuierit Italia et Hispania, qui discessum in religione fecerunt, maxime vero in eos, qui sacros ordines deseruerunt. Parum itaque fidei ob dictas causas Scioppii testimonium ad veram Brunii historiam*

floriam describendam affert, licet circumstantias eius vitae potiores enumeret, quas non omnes cum veritate conspirare infra faciemus manifestum. Post Scioppium diu de Bruno silentium in orbe literario obtinuit, sine dubio, quod libri eius vel ob obscuritatem neglecti, vel ob sententiarum nouitatem contemti, vel ob mortis genus suspecti facti sunt. Recentiori autem aetate famosissimus, qui Bruno tribuitur libellus *de Bestia triumphante*, quem anxie quaesitum curiositas fecit albis coruis rariorem occasionem suppeditauit de Bruno eiusque vita atque placitis paulo accuratius dispiciendi. Nempe et PETERVS BAYLE<sup>d</sup> de Bruno, non quidem omnia, multa tamen valde memorabilia attulit, quae infelicitis philosophi historiae plurimam lucem commodant, et IOANNES TOLANDVS<sup>e</sup>, *de genere, loco et tempore mortis eius* nonnulla differuit, et δ πάλυ LA CROSIVS<sup>f</sup>, de eo doctissime commentatus est; cū eo autem de Bruni placitis et impietate amice eruditeque disputauit Cel. HEVMANNVS<sup>g</sup>. Clarissimus NICERONIVS<sup>h</sup> quoque vitam eius enarrauit. Nemo tamen horum biographiam Bruni integram condere aggressus est; multa tamen egregie tetigit, quem honoris et amicitiae causa nominamus illustris CAROLVS STEPHANVS IORDANVS<sup>i</sup>. Quaedam etiam Baelianae narrationi adiecit Anglos, qui *Diffionarii critici auctarium* ediderunt<sup>k</sup>, ex nouis literariis intelligimus. Itaque iusta et integra Bruni historia hactenus desideratur, quam post tantos viros dare, a nostra paupertate alienum est. Afferemus tamen symbolam nostram, et Lectorem tantum, quantum nobis licebit, ea docebimus, quae, qualis ille vir fuerit, quae fata habuerit, quibusque potissimum placitis innouare philosophiam aggressus sit, si non plene, accurate tamen exponere apta sunt. Optamus autem, vt hanc philosophicae historiae particulam vir quidam doctus, omnibusque Bruni libris instructus aliquando perfectam nobis sistat atque suis numeris absolutam.

§. II. Patria Nolanum ex regno Neapolitano fuisse Iordanum Bruno *Bruni vita in* num, Scioppus, et post eum reliqui tradunt omnes, ipse in *Acrotismi Italia et Gal-* inscriptione *Nolanum Comoeracensem* se vocat. Parentes eius et nata-  
lem ignoramus<sup>l</sup>. In adolescentia bonis literis excultum fuisse, scripta eius nos dubitare non sinunt, in quibus veteris philosophiae notitia, et mathematicarum disciplinarum peritia vtramque faciunt paginam. Huic eruditioni accedebat memoriae vis maxima, ingenium autem magnum et imaginationis virtus non modo summa, sed foecunditate quoque imagi-  
num

d) *Dict. T. I. art. Brunus* p. 679. seqq.

e) *Opusc. posthum. Tom. I.*

f) *loc. cit.*

g) *Act. phil. Vol. III. p. 424. add. Vol. I. p. 514 seqq. Vol. II. p. 380 810. seqq.*

h) *T. XVII. Memor. ad Hist. Liter. vir. illustr. spectant. p. 200 seqq.*

i) *In Disquisitione Hist. Lit. de Iordano Bruno Nolano.*

k) p. 26. nos nihil eius vidimus.

l) Colligimus autem ex Oratione valedictoria Wittebergensi, §. 16. ortu fuisse nobilem. Conqueritur etiam, eorum, qui ipsi honorem et obsequium debebant, conuitis et calumnias se pertulisse, seruitiorum murmura audiuisset etc. ex quibus conicimus, aut aluisse eum familiam, antequam monasterium ingrederetur, aut quendam inter suos magistratum sacrum in monasterio gessisse.



num ita grauida, vt extra se tantum non raperetur, qualia ἐν θουσιώσμοις exempla passim in exordiis librorum eius deprehenduntur. His auxiliis fretus ad scientiarum philosophicarum et theologicarum disciplinam se contulit, et vt commodius literis sacris pariter atque elegantioribus vacare posset, secessum monasterii ambiit, familiaeque Dominici nomen adscripsit <sup>m</sup>. Ibi dubium non est, quin et philosophiae atque mathesi, et sanctioribus scientiis se dederit, has enim possessiones fundo suo eum acquisuisse, relicto claustro mature <sup>n</sup> demonstrauit. Parum tamen temporis Graecae linguae studio accuratiori tribuisse, scripta eius passim produnt, in quibus, quae Graecae sunt originis, saepenumero perperam scripta sunt. Cum autem animo excelso, imperterrito et errorum contemptore vteretur, ad examinanda theologiae et philosophiae decreta recepta delatus, multa inuenit, quae displicerent. Accessit vita hominum sacrorum, inter quos viuebat, dissoluta et offendiculo plena, quam cum liberiori ore carperet, dici non potest, quantas hac re tragoedias sibi excitauerit. Habemus vtriusque rei, et reprehensae suorum doctrinae atque vitae, et factorum, quae ex ea passus est, acerbissimorum testimonia ab ipso profecta. In *Oratione consolatoria* enim, *quam in fine exequiarum, Iulii ducis Brunsvicensium* habuit <sup>o</sup>, ita inter alia de hoc statu et conditione sua in patria pronuntiat: *In mentem ergo, in mentem Itale, reuocato, te a tua patria honestis tuis rationibus atque studiis pro veritate exulem, hic ciuem; ibi gulae et voracitati lupi Romani expositum, hic liberum; ibi superstitioso insanissimoque cultui adstrictum, hic ad reformatiores ritus adhortatum.* Et alio loco <sup>p</sup> extremam barbariem et auaritiam fordidissimam suorum acerbè accusat. Paulo clarius de his eius iudiciis et improbata suorum doctrina differit Scioppius, tradens, eum *de transsubstantiatione dubitare, immo eam prorsus negare, et statim virginitatem B. Mariae in dubium vocare coepisse*, non addit tamen, vtrum posterius ante vel post partum Θεοτόκου negauerit. Et prius quidem facile concefferimus in homine, dogma huius generis non concoquente, quod a philosophia omni tantopere abhorret: impie autem et petulanter de B. Virgine Θεοτόκῳ pronunciaſſe, vni Scioppio ob rationes supra adductas minime fidentum esse, certi sumus. Nam et improbus mos pessima quaeque siue vera sint, siue falsa et conficta de apostatis disseminandi innumeris exemplis in vulgus notus est, atque a moribus Scioppii non alienus; et nihil tale in scriptis Bruni inuenitur, neque inter tot atheismi accusationes, vnquam quantum recordamur, illi obiectum est. Vno sane teste tot nominibus suspecto Bruno hanc impietatis notam inuri, ab omni aequitate alienum, et a

m) Omittunt tamen eum scriptores Hist. Lit. Dominicanae.

n) Iam anno 1580. quo adhuc in monasterio haesit, edidit Venetiis librum de compendioſa architectura et complemento artis Lullii, vid. D V V E R S I S S A Supplem. Bibl. Gesneri p. 30. anno 1584.

autem libellum de la Cause principio et vno ibi. Vid. BAYLE loc. cit. not. D.

o) Recusam debemus Cel. H E V M A N O A C H phil. Vol. III. p. 432. seqq.

p) In Orat. valedict. l. c.

et iustis quoque ratiocinandi legibus abhorrens merito videtur. Quaecunque autem fuerint, quae ipsi in ecclesia Romana displicuerunt, illud certum, graues eum ab ipso adolescentiae suae tempore passum fuisse inimicitias; id quod occasionem ei subministravit de factorum suorum iniquitate his conquerendi versibus :

*At nos, quantumvis satis versemur iniquis  
Fortunae longum a pueris luctamen adors.*

Grauiissime autem de iniuriis quas eam ob causam pertulit, deque perfectione, qua premebatur conquestus est in *Oratione valedictoria* Wittebergae habita, in qua inter alia ita differit: *Non subisse me pudet paupertatem, inuidiam, et odium meorum, execrationes, ingratitude eorum, quibus prodesse volui atque profui, extremae barbariei et avaritiae sordidissimae effectus: ab iis qui mihi amorem, seruitium et honorem debebant, conuitia, calumnias, iniurias, etiam infamias, neque pudet expertum esse irrisiones, contemptus ignobilium - labores, dolores, exilium.* Quae omnia quidem qualia fuerint, specialius describere, deficientibus monumentis non licet, suspicamur autem, Brunum in claustro suo aliquo loco vel munere positum, quo seruitium et honorem postulare debebat, ob liberiores de placitis suis dissertationes, et improbam suorum vitam barbaram et impuram familiam istam et confodales in se armauisse, vt censuris atque afflictionibus monasticis excruciatum, tandem de libertate cogitans exilium ipse elegerit. Neque tamen solus religionis dissensus in causa fuisse videtur illius mali, quo cumulatus erat, sed ipsam quoque Musae suae diligentiam studiumque circa scientias optimas versatum illi patriam, domum, facultates, honores, et quiduis aliud extra ipsas amabile eripuisse, in *Panegyrico* supra laudato, fatetur. Actum se tantumnon esse in desperationem, nisi animum vere heroicum tot tantisque, quibus premebatur malis, opposuisset, ipse narrat, adeo vt vnam mulieris infidelis perfidiam factorum suorum iniquitati defuisse asserat, et de fratrum ignorantiae inuidia, ambitione sophistarum, calumniis maleuolorum, murmuribus seruitiorum, susurribus mercenariorum, contradictionibus domesticorum, suspicionibus stupidorum, zelo hypocritarum, odio barbarorum, furore plebeiorum, et similium hominum iniuriis acerbè conqueratur. Non succubuit tamen fortunae aduersae, sed fortissimos illi humeros obiciens, cum cedere tandem cogeretur, patriam reliquit et exul abiit, vt frui libertate sentiendi et credendi posset. Nam quod P. BAYLE<sup>q)</sup> habet, eiectum e patria esse, accuratum haud est, quamuis is ad Valentis Acidalii<sup>r)</sup> testi-

q) De Numero et figura c. 1. p. 38. sqq. Aeth. phil. Vol. I. p. 514.

r) In Praef. libri de Causa, principio et vno apud BAYLE loc. cit. not. D. in ea legatur Gallicae ad Elisabetham Angliae reginam, Michaelem Castellanaum ipsum sua auctoritate contra inimi-

cos texisse, praedicat. Et hinc sine dubio causa deriuanda est, cur libri eius nonnulli, antequam in Germaniam delaberetur, editi, Parisiis prodierint.

s) loc. cit.

t) Epist. 2. p. 10.

testimonium prouocet. Is enim exulem modo vocat, qualis quoque est qui sponte in exilium abiit, nec spem habet sine periculo redeundi. Ipse se loco supra adducto *patriam dimisisse et domum atque facultates contempsisse* ait, quae exilium sponte electum innuunt. Ipse quoque Scioppius, eum patriam reliquisse et Geneuam abiisse indicat, id quod, eo auctore, anno 1581 factum \*. Docebant tum magna auctoritate in schola Geneuensi Calvinus et Beza, quos dissentientes non aequo semper tulisse animo, et in eos quos a doctrinae Christianae puritate secessum fecisse suspicabantur, seuerius statuuisse, nemo ignorat, et vel vna Serueti historia satis superque comprobatur. Facile itaque credimus Scioppio narranti, biennio Geneuae commorantem, tandem quod Calvinismum per omnia non probaret, ibi eiectionem esse. Nam et simile fatum Simoni Simonio circa idem tempus euenisse, ex vitae eius historia, quam in *an-recedenti Parte huius Tomi* dedimus, constat, Bruni autem ingenium non in philosophia modo, sed in sacra quoque doctrina eclecticum et *παρὰδόξον* nobis persuadet, acrius eum et cum contentione quadam placita sua defendisse. Relicta Geneua Lugdunum abiit, cum Caluini quoque partibus accedere nollet, dein Tholosam, hinc Parisios deuenit, ut tradit Scioppius. Magna iam tum cum delectatione audiebantur apud Parisienses, qui in Aristotelem declamabant, et haud exigua eorum fama erat, qui decretis Peripateticis se opponere audebant, id quod Petri Rami exemplo constare potest, et Guillemi Postelli quoque confirmatur, de quo Gatterius apud LAVNOIVM v narrat; *eum anno 1581 tanto auditorum, quasi ad rediuium et inusitatae aetatis doctorem accurrentium numero docuisse, ut vix credi posset*; quem tamen, notum est, acerrimum in academia Parisiensi bellum in Aristotelem commouisse. Brunus ergo, cui non alius, quam Aristoteles, philosophus magis inuisus fuit, ut famam et discipulorum plausus aucuparetur, philosophiae emendationem crepare publice coepit. Dedit ob eam causam epistolas ad Henricum III Galliae regem, et Ioannem Filescum vniuersitatis tum rectorem, itemque ad Parisienses, quae eius verba sunt, *et alios e generosissimo Galliarum regno philosophos sensationis philosophiae dogmatum amicos et defensores*. Si quoque fides Scioppio, meruit ista compellatione, ut inter professores philosophiae extra ordinem docentes reciperetur, ordinarium locum occupaturus, nisi sacris missae mysteriis interesse iussi essent professores ordinarii. Fatemur tamen scrupulum de hac eius dignitate atque munere isto nobis enasci ex eo, quod neque BVLAEVUS \*, neque LAVNOIVS eius vilo modo mentionem fecerint, licet prior de impugnato ab eo Aristotele apud Parisienses deque epistola ad rectorem vniuersitatis nonnul-

u) Annum 1580 ponit Niceronius, sed contradicente Scioppio, qui sine graui ratione et obiectura coniecturam deferendus haud est. Nec ex libris anno 1582. Parisiis editis sequitur, eo anno iam ad Gallos Brunum transisse.

v) De Fortuna Arist. in acad. Paris. c. XIV. p. 272.

x) Hist. Vniuers. Paris. T. VI, p. 786. 787.

nonnulla monuerit ?; non omiffuri, vt erant in huius generis exemplis colligendis diligentiffimi, fi veftigium eius rei in chartophylacio academiae inueniffent. Illud certum, publica difputatione defendiffe Brunum nouae philofophiae theoremat, leguntur enim *articuli de natura et mundo, a Nolano in principibus Europae academiis propofiti*, quos Ioannes Hennequinus, nobilis Parifiensis, sub eiusdem felicibus auspiciis contra vulgaris et cuiuscunque aduerfariae philofophiae profeffores triduo Pentecofte in vniuerfitate Parifiorum defendendos euulgauit, breuibus adiectis rationibus: additur; *Excubitor, seu Io. Hennequini apologetica declamatio habita in auditorio regio Parifienfis academiae anno clō lō l x x x v i*, pro Nolani articulis. Has fchedas ipfe Brunus in Saxoniā delatus anno clō lō l x x x v i i i ipfe vulgauit, praefixo titulo: *Acro- tismus, seu rationes articulorum phyficorum aduerfus Peripateticos Parifiis propofitorum* \*. Quam vero ibi fortunam Brunus fecerit, partim ex zelo profefforum Parifiensium pro vulgari philofophia, partim ex breui, quam Lutetiae fuit, morā facile colligi potest. Aegerrime enim tuiffie doctores Parifienses contemtā Aristotelis auctoritatem et publicis statutis, pontificis quoque atque regis auctoritate interpofta, libertatem nouatorum repressiffe, multis demonftrauit LAVNOIVS, et nos fupra in vita Berigardi et Gaffendi luculentis exemplis atque testimoniis comprobauimus. Brunus autem et Aristotelem mire contemnebat, et eius fe- ctatores velut bruta et fecem 'philofophorum defpiciebat, et in profeffores mira calami orisque intemperie declamare solebat. Nam vocare Aristotelem omnium sub nomine principum philofophorum ftupidiffimum haud cunctatus eft, et philofophos fophiftarum nomine haud femel acerbe per- ftrinxit: quale illud eft, quod in carmine *de Minimo* \* habet :

*Sic rationis opus, fic viuida vis aciei  
Humani fenfus, partes, quibus applicet illis  
Menfuras quibus expendat, praecōcipit, ipfe  
In foribus, quarum palans a finibus ingens  
Turba fophiftarum caecos nihilominus orba  
Longius abduxit, quam per compendia poffint,  
Aut leuibus notis meliora capeffere dicta.*

Ex quibus recte, nifi fallimur, intelligimus, Brunum, philofophiae fuae atque oris libertate coactum Parifiensiumque inuidia preffum aut eiectum ea vrbe effe, aut fponfe abiiffe, vt fe perfecutioni infidiis que fubduceret.

§. III. Relictis Parifiis ad Anglos feceffiffe Londinique confediffe *Bruni inter Anglicum.* Brunum tradit Scioppius, quem omnes fere, qui Brunī hiftoriam attigerunt, fequuntur. Addit ille, edidiffe iftic libellum *de Bestia triumphante*, hoc eft, papa. Et in hoc quoque plerorumque affenfum Scioppius meruit.

C 2

Offen-

y) Eo auctore conftat, anno 1585. Brunum Pa-  
rifis contra Aristotelem difputare coepiffe.

z) NICODEM. BAYLE II. cc.  
a) p. 5. conf. p. 98.

Offendimus autem insolubiles in hac narratione nodos, quos non nisi *Alexandri* ensis secuerit. Et de libello quidem isto famoso infra plura dicemus, ostensuri annum editionis, quem in titulo prae se fert, locumque quem nominat<sup>b</sup>, cum hoc itinere Anglico non conspirare. Idem de cæteris huius itineris circumstantiis pronuntiandum est. Nam ex *BVLBY* testimonio, et ex *Acrosticho* Bruni indubitatum est, festo Pentecostes anni *clo lo LXXXVI* eum adhuc integra fama atque plausu Parisiis vixisse, et publice pro eo verba dicta esse. Relinquere itaque Lutetiam ante mensem Iunium vel Iulium non potuit, si etiam ponamus, quod non sine omni verisimilitudine dicitur, ita crabrones sua disputatione irritasse Brunum, ut fuga sibi consulere et deserere arenam, quam victor *hactenus* obtinuerat, coactus sit. Ast medio anno *clo lo LXXXVI* Wittebergae fuisse, ex *Oratione eius valedictoria* ea in academia habita, luculenter, nisi fallimur, demonstrari potest. In ea enim ita disserit: *Vos me suscepistis, intraque vestros lares fere biennii spatio fouistis, et Iouia quidem mente pertulistis, et iniquis meis minime placidas aures porrexistis* etc. Habuit autem eam orationem VIII Idus Mart. anni *clo lo LXXXVIII*, ex quo sequitur, si fere biennii spatio Wittebergae haesit, non ferius illuc, quam mense Iulio anni *clo lo LXXXVI* peruenisse. Ergo aut prorsus confictum est illud iter Anglicum, aut male in hoc tempus translocatum, aut aliquot tantum diebus Angliam tum a limine salutauit, quo tamen supposito, tempus non habuit, quod requirebatur ad edendum de Bestia triumphante libellum satyricum. Aut ante suum ad Geneuenfes discessum in Angliam abiit, id quod inde coniecere quis possit, qui Gallico ad Anglos legato *Castelnauo* adhaesit, cui librum *Cena de le Cinere* anno *clo lo LXXXIV* inscripsit, teste *P. BAYLE*<sup>d</sup>. Quodcunque elegeris, vacillat fides Scioppii, quem vaga narrantium traditione deceptum hoc iter Anglicum in alienum tempus reiecisse, nobis est probabilissimum. Nam fuisse Brunum in Anglia, ex eius *Furoribus heroicis*, Italico sermone scriptis patet, quos in insula edidit, teste *P. BAYLE*<sup>e</sup>, et Philippo Sidneo armigero, qui humaniter eum exceperat, et officiis quibuscunque profectus erat inscripsit<sup>f</sup>.

*Brani mora  
Wittebergae.*

§. IV. Certior autem nullique dubitationi obnoxia est mora Bruni, in Germania. Et exul quidem amicis, necessariisque omnibus destitutus inops et pauper Wittebergam se conuertit, et sacra, quibus Lutheri sequaces adhaerent, professus est, magna animi contentione internecinum contra Romanum pontificem odium testatus. Discimus id ex *Oratione valedictoria* supra

b) Paris. 1584.

c) loc. cit.

d) Id illis quoque statuendum est, qui libellum de Bestia triumphante Philippo Sidneo Angliae armigero dicatum et Parisiis 1584. editum ab eo esse contendunt. His vero obstat Scioppii relatio.

e) l. c. n. D.

f) Si verum est, quod *BAYLE* loc. cit. tradit, librum de Bestia triumphante Paris. 1594. editum demum esse, recte inde inferitur, post annum demum 1591. eum in Angliam transisse, dicatur enim est Philippo Sidneo equiti Anglo. Ast dicemus infra alios, qui ipsi quoque libellum viderunt, annum 1584. ponere. Nihil itaque pro certo definimus.



supra iam in partes vocata, in qua se venisse inter alios, ait, istius domus sapientiae visendae amore concitatum, flagrantem spectandi Palladii istius ardore, pro quo se subisse non pudeat pauperiorem, inuidiam et odium suorum etc. Impense quoque laudat Wittebergenfium humanitatem, quod miserum et contemptum benigne fouerint et receperint, et docere quoque libertate philosophica permiserint. Dabimus ipsa Bruni verba, cum haec omnia mire illustrent. Ita vero differit: Adde, quod, cum Germanos doctrina adeo excultos inuenerim, ut etiam cognoscerem, eosdem minime omnium moribus esse barbaros et agrestes, cum ad vos pro laribus vestris perlustrandis peruenissem, natione exterius, exul, transfuga, ludicrum fortunae, corpore pusillus, rerum possessione tenuis, fauore destitutus, multitudinis odio pressus, et ideo stultis et ignobilissimis illis contemptibilis, qui nusquam nobilitatem agnoscunt, nisi ubi aurum fulget, tinnit argentum, et similibus sibi fauor tripudiat et applaudit. Vos doctissimi grauissimi, et morigeratissimi senatores non spreuistis, et studium meum, non a vestrum omnium studio prorsus alienum, non adeo improbauistis, ut pateremini philosophicam libertatem et vestrae humanitatis insignis specimen temerari: sed me vestrae Mineruae, illius inquam virginis vestraeque matris familias amore coecum desipientemque suscepistis, intraque vestros lares fere biennii spatio fouistis et Iouia quadam mente pertulistis, et iniquis meis minime placidas aures porrexistis. Ex quo loco patet, philosophiam Brunum apud Wittebergenses docuisse, non quidem publica auctoritate conductum, ut tradit Scioppius, aut priuata tamen licentia toleratum. Quod autem Aristotelicam philosophiam impugnauerit, minime dubitandum est, quoniam meditationes et disputationes suas, Parisiis in Aristotelicos habitas Wittebergae Acrotismi rubro praefixo anno clō lō lxxxviii vulgauit. Verisimile autem est, eadem oris et mentis libertate paradoxa sua philosophica ventilasse eo in loco Brunum, qua in Italia et Gallia usus erat; adeoque in professores philosophiae Aristotelicae haud raro dicaci dicendi iudicandique genere insurrexisse. Idem ex libro de Minimo patere, et haud obscure eum in illo Philippi scholam sugillare, supra iam obseruauimus. Erat enim animo impotenti, et cum pulchrius se sapere crederet, contemptui alios habebat, praecipue scholarum publicarum doctores. Ita vero nouam sibi inuidiam Brunum conflasse, non est, quod pertinaciter in dubium vocemus, cum ipse in laudata oratione innuat, aduersariorum querelas ad senatum academicum fuisse delatas. Et haec forte causa fuit, cur Wittebergam nondum exacto biennio toto iterum reliquerit. Licet ecclesiastica quoque sentiendi libertas, qua in doctrina sacra non minus, quam in philosophia, utebatur, eum hoc loco pellere potuerit. Neque tamen eiectum neque publicis inimicitiis pressum et ad relinquenda haec Musarum castra coactum fuisse, ex oratione valedictoria patet, in qua beneuolentiam Wittebergenfium mire laudat, et se Lutheri placitis mordicus esse addictum

addictum simulat, placide autem discessum meditari, actis publice gratis proficitur. Vnde perperam CROSAEO <sup>g</sup> assertum, eum ex hac academia eiectionem fuisse. Haec enim omnia, quae adduximus, huic ignominiae refragantur, et honestis titulis ex illa schola Brunum discessisse aperte loquuntur. Illam autem orationem typis eo anno edidit, in cuius titulo se doctorem vocat, quem gradum, incertum in qua doctrinae facultate, aut in Italia accepit, aut Parisiis; certe sine eo hoc loco cathedram superiorem, quam vocant, conscendere ei non licuisset.

*Ars Lullistica  
a Bruno Wittebergae do-  
cta.*

§. V. Praeter physicam, metaphysicam, et mathefin, quibus disciplinis eo tempore se totum dedisse Brunum ex scriptis eius tum editis evidens est atque indubitatum, artem quoque Lullianam eum Wittebergae docuisse valde verisimile est. Huic enim arti plurimum Brunum tribuisse, ex libellis *de Umbris idearum*, *de compendiosa architectura et complemento artis Lullii*, *de imaginum, signorum et idearum, compositione, ad omnia inventionum, dispositionum et memoriae genera; de umbris idearum; et, cantu Circae ad memoriae praxin ordinato*, quos vel ante hoc tempus in Italia et Gallia vulgauerat, vel hoc demum tempore typis ediderat, est notissimum. Patetque ex libellis his ex parte operibus Lullii suffixis, quanta imaginationis ferocia et luxuria in hac arte vel tradenda vel exercenda versatus sit. In omnem autem partem orationis aciem vertere, et de quocunque argumento differtare arti Lullianae proprium est. Et his sine dubio rationibus nituntur, qui, Brunum in academia Wittebergenfi publica oratione diabolum laudauisse affirmant. Non procul hoc a moribus et arte Lullistarum abesse, vltro fatemur <sup>h</sup>, licet si hoc scopo illud argumentum tractauerit, minori, quam obici solet, invidia id fecisse censendus sit. Ipsa quoque *Oratio valedictoria* eius, vt recte obseruatum Cel. HEVMANNO <sup>i</sup>, Lulliana artificia redolet. Ast haec tamen omnia non sufficiunt, vt hanc narratiunculam admittamus tanquam veram, cum fidei historicae regulis prorsus aduerfetur. Testes enim eius traditionis non alios habemus vel antiquiores, quam BARTHOL. KECKERMANNVM <sup>k</sup>, et GASP. DORNAVIVM <sup>l</sup>, quorum hic tamen satis prodit, incerto se eam rumori debere. Hos secuti sunt alii, Taubmannus, Vossius, Allatius, Crofaeus, quorum loca attulit HEVMANNVS <sup>m</sup>. Ast in re nulla verisimilitudine gaudente hi sane testes inepti sunt, qui in tanta rei singularitate et iniquitate adstruenda αὐτίκοι requiruntur. Quod si tale quid ausus esset oratione publica Brunus, an vel toleratus fuisset in ista academia, vel oratione valedicere et beneuolentiam professorum ambitiose praedicare potuisset, Lectoris iudicio expendendum relinquimus, et sine formidine oppositi inter fabulas hanc

g) loc. citat.

h) Vide quae apposite monuit Cl. HEVMANNVS in Act. phil. Vol. II. p. 392.

i) Ibid.

k) System. Rhetor. Spec. I. p. 1647.

l) Dedic. Amphitheatri sapientiae Socraticae.

m) loc. cit.

hanc narrationem reponimus. Solent autem fabularum plerumque occasiones existere, nec huc quoque defuisse originem, dubitandum est. Et Cel. HEVMANNVS quidem, qui magna accuratione Bruni historiam fabulis liberavit, inde hanc ignominiam infelici fuisse affricam philosopho putat, quod in lectionibus Lullianis ingenium ostentando diabolum laudare posse stulte magis, quam impie, iactauerit: nec repugnemus, si quis ita incaute Brunum calumniae huius occasionem exhibuisse ipsum contenderit. Totam tamen vitae Bruni scenam vno oculi ictu perlustrantibus nobis verisimilius est, fabulam hanc tunc demum eusam esse, cum Brunus flammis vlticibus a Romanis esset deletus. Cum enim nimis inuidiosum esset, veritatem fateri, eum ob apostasiam ordinis horrendo mortis genere fuisse sublatum, quaerendae erant προφάσεις et impietas horribilis praetendenda, ut iuste tam atroci supplicio enecatus crederetur. Cum autem Wittebergae docuisset, et publice quoque orationem habuisset, occasio ita enasci potuit commoda, oratori Lulliano, de argumento quouis differere aucto hanc culpam tribuere. Nec hoc a moribus Inquisitorum alienum erat, quibus Witteberga fudes erat in oculis, et apud quos dira et nefanda quaevis de Luthero et schola Wittebergenfi non credebantur modo, sed et obiciebantur. Quales calumniae hodie nondum desierunt, licet tam impudentes, ut viros honestos, a Lutheri partibus alienos, earum pudeat. Quaecunque autem vera fabulae origo fuerit, illud lectorem, veri amantem et eius legibus utentem, concessurum speramus, non posse eam probari, ut animo certitudinem historicam vel etiam verisimilitudinem sectanti fiat satis. Merito itaque cum illustri LEIBNIZIO aliisque viris doctis, putidum mendacium ex historia philosophica eiicimus.

§. VI. Witteberga, Pragam delatum esse Brunum, ibique librum *de Immenso et infinito*, itemque *de Innumerabilibus*, et rursum alium *de Umbris et ideis* inque iis horrenda prorsus absurdissima docuisse tradit porro Scioppius, cuius auctoritatem sequuntur CROSAEVS NICERONIVS et illustris IORDANVS P. Ast hoc quoque loco multa sunt, quae crucem figunt, et narrationem Scioppii suspectam faciunt. Quamvis enim librum *de Specierum scrutinio et lampade combinatoria* Pragae esse editum asserat MORHOFIVS <sup>q)</sup>, cuius fide stare nos posse non inuiti concedimus, nondum tamen inde sequitur, Brunum Pragam Witteberga commigrauisse, quemadmodum misere ratiocinatur Scioppius, Pragam eum delatum fuisse, quia libri eius ipsi Scioppio ex hoc loco fuerint submissi. Credi vero vlla verisimilitudinis specie non potest, Brunum, qui animum pontificiis sacris prorsus aduersum in oratione valedictoria prodidit, et de crudelitate cleri tam acerbè questus erat, tot scilicet

n) Recte is ad exempla Ayzeri, cuius processus Satanae contra Christum notissimus est, et Abrahami a S. Clara prouocatur.

o) Leibniziana p. 142. IORDAN. I. c. HEVMANN. I. c.

p) loc. cit.

q) Polyhik. T. I. Lib. 2. c. 5. §. 29. p. 355.

cet mala et inexauditas vexationes, quod ait, expertus, in vniuersitatem iisdem sacris addictam abiisse, et nouis se periculis exposuisse, anno vero, vt dicemus, sequenti iterum in academiam Lutheranam commigrauisse. Falsum quoque est, librum *de Vmbris idearum* Pragae editum esse, qui in titulo annum cło 15 LXXXII<sup>7</sup> prae se fert, quo nondum ad Germanos Brunus delatus erat. Librum autem *de Immensō*, tot, quod vult Scioppius, blasphemis plenum Pragae potuisse imprimi, quis rerum gnarus crediderit? Ast plane confictam esse huius libri editionem Pragensē, ex eius inscriptione patet, cuius testimonio constat, librum hunc *de Monade, numero et figura, consequens quinque de minimo, magno et mensura, item de innumerabilibus, immensō et infigurabili, seu de vniuerso et mundis, libros octo* prodiisse *Francofurti anno cło 15 XCI*, forma, quam vocant, octaua<sup>8</sup>; in cuius dedicatione ad Henricum Iulium Brunswicensium ducem et episcopum Halberstadiensem narrat librum se *de Minimo* illi principi inscripsisse. Ast hic quoque *de Minimo* liber Francofurti editore Wechelo eodem anno cło 15 XCI<sup>9</sup> prodiit, ante cuius editionem absolutam fato abreptum Germania Brunum excessisse editor refert. Ergo non fuit amplius inter Germanos, cum liber *de Immensō* prodiret, id quod satis probat, falsam esse narrationem Scioppii, qui aut malae fidei, vt Brunum ob mutata singulis annis religionis professionem calumnia opprimeret, aut, si aliorum relatione deceptus est, supinae negligentiae omnino reus est dicendus, hocque specimine satis manifestauit, parum certitudinis fideique in eius narratione quoad pleraque deprehendi. Illud autem facile nobis persuaderi patimur, Brunum, qui inter Lullistas haud ignobile nomen tuebatur, habuisse in ea arte, quae tum temporis inter Germanos passim magnifice extollebatur, suos Pragae affectas et admiratores, quorum cura libelli nonnulli Lulliani ab eo profecti ea in vrbe editi sint<sup>10</sup>. Quae coniecturae an cum ipso facto consentiant, illi certius iudicabunt, qui editiones Pragenses viderunt. Nos enim eas modo vidimus, quae operibus Lullii apud Argentoratenses editis adiectae leguntur.

*Reliqua Germaniae loca ubi Brunus haesit.*

§. VII. Certiori fidei gradu scimus, apud Helmstadienses Brunum anno cło 15 LXXXIX<sup>11</sup> fuisse versatum, inuitatum gratia et benevolentia ducum Brunswicensium Iulii, et Henrici Iulii. Et illius quidem fauore fuisse gauisum ex *Oratione consolatoria, a Bruno in academia Iulia in fine sollemnissimarum exequiarum illustrissimi potentissimique principis, Iulii, ducis Brunswicensium, Lunaeburgensium etc. prima mensis Iulii*, „anno cło 15 LXXXIX<sup>12</sup> habita, constat, in qua „prouidentia quadam, „factum esse, *ait*, vt nescio quo vento seu tempestate ad regionem hanc „hiscē compulsum fuerit diebus, quibus funeri celsissimi principis inter- „esset

<sup>7</sup>) IDEM I. c. p. 370.  
<sup>8</sup>) Aët. philof. Vol. I. p. 507.

<sup>9</sup>) De Specierum scrutinio Pragae 1588. MORAUER. I. c. T. I. L. II. c. 5. §. 29. p. 356.

„efflet“. *Quanta autem illius principis, quem eruditorum asylum recte dixeris, gratia frui Bruno licuerit, ex his eius verbis intelligitur: „In mentem ergo, (ita ad seipsum orationem dirigit,) in mentem, Itale, reuocato, te a tua patria honestis tuis rationibus atque studiis pro veritate exulem, hic ciuem; ibi gulae et voracitati lupi Romani expositum, hic liberum; ibi superstitioso insaniissimoque cultui adstrictum, hic ad informatiores ritus adhortatum; illic tyrannorum violentia mortuum, hic optimi principis amoenitate atque iustitia viuum.“* Ex quibus verbis recte, nisi nos omnia fallunt, colligimus, Brunum huius Moecenatis beneficentia post discessum Wittebergensem, sustentatum in eius terris vixisse. Idem de Henrico Iulio testatur Ioannes Wechelus \*, liberaliter Brunum et honorifice ab eo habitum fuisse. Iulio mortuo ad Francofurtenses Brunus delatus est, vt librorum suorum editioni praeesset. Quibus cum typographum Ioannem Wechelum inuenisset anno clo lo xc in ea vrbe haesit, schemata ipse sua manu sculpsit, operarumque se correctorem praebuit; alia industriae monumenta affecta habuit, alia animo concepit. Verum et hoc loco persecuta eum fatorum iniquitas sequente anno eiecit, incertum quo casu, quaeue de causa, certe graui et inexpectata, parumque laeta. Id enim Wecheli verba fati manifeste produnt, Id. Febr. anni clo lo xci scribentis \*, *cum vltimum duntaxat superesset operis de Minimo folium, casu repentino auulsum, extremam ei, vt ceteris manum imponere non potuisset, perque literas rogauisset, vt quod sibi per fortunam non liceret, ipse pro se suo nomine praestaret.* Eodem tamen anno clo lo xci liber quoque *de Monade, numero et figura* prodit, eidem principi inscriptus, quem operis quoque Wechelianis debemus. Cum in hoc carmine libros suos, *Sigillum sigillorum; de principio, causa et vno, de principiis rerum; de sphaera;* in partes vocet, liquet inde, eos iam tum typis fuisse vulgatos.

§. VIII. Ex Germania quo delatus sit, certo definire non audemus; coniecimus autem haud contemnendis rationibus in Britanniam eum fecississe. Ibi enim fuisse, ex iis quae supra de carminibus eius, quibus titulum fecit, *li Heroici furori*, quaeque in secessu hoc Anglico composuit, indubitatum est. Quamuis autem suspicari nos posse, supra iam monuerimus, Brunum cum legato Galliae regis, ad Anglos Castelnauio, cuius praesidio contra persecutiones inimicorum tegebatur, anno clo lo lxxxix illuc concessisse, quo pacto cohaereret annus editionis libri *de Bestia triumphante*, quem qui viderunt huic anno tribuunt, et Philippo Sidneo inscriptum esse referunt: Hoc tamen pacto reliqua, iter nempe Helueticum, Gallicumque non conspirant. Nobis itaque verisimilli-

*Ex Germania  
quo delatus  
Brunus.*

u) Recendi eam fecit Cel. HEYMANNVS  
Aët. philof. Vol. III. p. 498.

x) In Dedicatione libri de Minimo.  
y) loc. cit.

simillimum videtur, Brunum paradoxarum sententiarum inuidia vbique pressum et exagitatum tandem ex Germania ad Britannos secessisse, et a Philippo Sidneo liberaliter habitum omnique officiorum genere recreatum fuisse. Conuersatum autem cum foeminis quoque Anglorum ex laudibus earum, quas *Heroicis furoribus* adnexuit, colliges. Quodsi inter Britannos tum vixit, diu ibi eum non haesisse oportet. Anno enim clō Io xcii Valens Acidalius ad Michaelē Forgazium, Baronem Gimēsii Patauī haerentem ita scripsit: *Quaero etiam vnum: Iordanus Brunus, is quem Wittebergae nosti, Nolanus Bataui nunc apud vos viuere et docere dicitur. Ita ne est? et quid hoc hominis in Italia audet, ex qua ut olim fatebatur, exul abiit; miror, miror, nec rumori adhuc fidem habeo, etsi ipsum a fide dignissimis. Tu me docebis, et aut certum aut falsum facies.* Non subiungitur quidem inter epistolas Acidalii a fratre eius editas responsio Forgazii, dubitandum autem non est, quin reuera ea in academia Brunus, nescio qua leuitate animi ductus, haeserit, et philosophiam suam paradoxam nonnullis tradiderit. Venetiis enim in manus inquisitionis venisse testatur Scioppius. Aut itaque animo desultorio actus Brunus, patriam repetere ausus est, aut animi confidentia periculum, quod praeuidere poterat, contempsit. Id quod facile nobis persuadere possunt verius eius in libro *de Numero* 4:

*At nos, quantumvis satis versetur iniquis  
Fortunae longum a pueris luctamen adorfi  
Propositum tamen inuicti seruamus et ausus,  
Quis vel forte Deo tantummodo teste valemus,  
Vel non visque adeo aegroti sumus atque sopiti,  
Vel certe sensum morbi retinemus, et ultro  
Temnimus, et mortem minime exhorrescimus ipsam.  
Viribus ergo animi baud mortali subdimus ulli.*

*Fata Brunni  
ultima.*

§. IX. In Italia cum haereret, aliquandiu tutus latuit, tandem cum, quod coniciimus, oris libertate vteretur, eosque corripere, quos tangere piaculum est, maximum in suum caput malum cumulauit. Venetiis enim anno clō Io xcvi ab inquisitione prehensus et carceri inclusus est, sine dubio, quod innotuisset, eum non modo ab ecclesiae Romanae communione defecisse, sed et sacrum ordinem deseruisse, quales apostatas ordinis, quos vocant, seuerē punire solet sacrae inquisitionis officium. Videtur autem et verborum, quod solebat, vehementia atque impudentia, et librorum, qui in Italiam missi erant, quique horrendas blasphemias continere dicuntur Scioppio, diuulgatione, in vrbe Patauina, quam in ditione Venetorum sitam tutam ab insidiis inquisitorum putabat, indicium praebuisse atque occasionem cum capiendi atque ferali rogo imponendi. Enarrabimus rei euentum Scioppii verbis, qui testis

2) Epistolarum a fratre editarum secunda p. 20.

3) L. I, v. 38, seq.

testis fuit ἀντίπαρτος et αὐτήκοος, et eodem die, quo miser ignibus vstulatus periiit, sem omnem ad Rittershusium perscripsit, vt inuidiam, in quam incurere horrendo facinore Romanos intelligebat, apud Germanos deprecaretur. Is ita rem tradit: „Tandem Venetiis in inquisitionis manus peruenit, vbi diu satis cum fuisset, Romam missus est, et saepe a S. officio, quod vocant inquisitionis, examinatus, et a summis theologis conuictus; modo quadraginta dies obtinuit, quibus deliberaret. Modo promissit palinodiam, modo denuo suas nugas defendit, modo alios quadraginta dies impetrauit. Sed tandem nihil egit aliud, nisi vt pontificem et inquisitionem deluderet. Fere igitur biennio postquam hinc in inquisitionem deuenit, nupera die nona Februarii in supremi inquisitionis palatio, praesentibus illustrissimis cardinalibus S. officio inquisitionis, qui et senio et rerum usu et theologiae iurisque scientia reliquis praestant, et consultoribus theologis et seculari magistratu, Urbis gubernatore, fuit Brunus ille in locum inquisitionis introductus, ibique genubus flexis sententiam contra se pronuntiari audiit. Ea autem fuit huiusmodi: narrata fuit eius vita, studia et dogmata, et qualem inquisitionis diligentiam in conuertendo illo et fraterne adhibuerit, qualemque ille pertinaciam et impietatem ostenderit. Inde eum degradarunt, vt dicimus; prorsusque excommunicarunt, et seculari magistratui tradiderunt puniendum, rogantes, vt quam clementissime, et sine sanguinis profusione puniretur. Haec cum ita essent peracta, nihil ille respondit aliud, nisi minabundus: maiori forsan cum timore sententiam in me dicitis, quam ego accipiam. Sic a lictoribus gubernatoris in carcerem deductus ibique octiduo asseruatus fuit, si vel nunc errores suos reuocare vellet. Sed frustra. Hodie igitur ad rogam suam deductus est. Cum saluatoris crucifixi imago ei iamiam morituro ostenderetur, toro eam vultu aspernatus est. Sicque vstulatus misere periit, renuntiaturus, credo in reliquis illis, quos finxit mundis, quonam pacto homines blasphemiet et impii a Romanis tractari soleant. Haec Scioppius, Romae xvii Febr. anni c1610c, cuius narrationi velut fide dignae calculum adiecerunt, eamque repetuerunt, IO. HENR. VRSINVS<sup>b</sup>, THEOPHILVS SPIZELIUS<sup>c</sup>, IO. TOLANDVS<sup>d</sup>, IO. FR. BVDDEVS<sup>e</sup>, IAC. FR. REIMMANNVS<sup>f</sup>, M. VEISS. LA CROZE, P. NICERONIVS<sup>g</sup> aliique, qui tragicum vitae Bruni exitum enarrarunt. Aliter tamen visum aliis, dubitauit enim de fide Scioppii, qui Bruni inter eruditos Neapolitanos meminit NICODEMVS<sup>h</sup>, quem sequitur P. BAYLE<sup>i</sup>, HAYMIVS autem<sup>k</sup>, qui libros raros inter Italos collegit, nescio, quo auctore, in effigie tantum crematum esse asserit. Nobis non satis caussae videtur suppetere, vt de re ipsa,

D 2

eiusque

b) l. c. p. 5. ubi tamen falsum est die 9. Febr. Brunum fuisse extinctum.

c) De Atheismo.

d) l. supra cit.

e) Thel. de Atheismo c. 1. §. 24.

f) Hist. Atheismi Sect. III. c. 4. §. 16. p. 374.

g) l. c.

h) Addit. ad Toppii Biblioth. Neap. l. c.

i) l. c.

k) Notizia dei librai nella ling. Ital. p. 184.



eiusque certitudine historica dubitemus. Licet enim in haud paucis fidem Scioppii supra in dubium vocauerimus, hoc tamen loco, ubi de mortis Brunianae genere sermo est, illi deneganda haud est. Ea enim narrat, quae si facta haud fuissent, vel aliter gesta, reticuisset, nec incerto rumore scripsisset, cum probe praeuideret, haud exiguam Romanis inuidiam apud exteros ea conflatum esse; ideo autem ipso executionis die ad Rittershusium scripsit, ut famam rei insolentis, communemque Romanorum opinionem per vulgus, ut fatetur, sparsam, Lutheranum hominem fuisse combustum praeuideret. Quamuis etiam ea quae narrando acceperat, perperam falseque ad Rittershusium perscripsit, ut supra demonstratum, in describendis tamen fatis ultimis Bruni errare vix potuit, cum ipse, ut scribit ad amicum, S. inquisitionis officio interfuisset, dum sententia contra eum lata est. Itaque hac ratione rem euenisse, omnino verum esse putamus. Neque enim haec, licet horrore plena, a consuetudine inquisitionis tum abhorrebant. At de vera mortis causa paulo intricatior difficiliorque quaestio est. Et fuisse quidem Brunum velut apostatam, qui ex sacro ordine ad Lutheranos defecisset, diro mortis genere e vitis sublatum, omnes tum Romani credebant, id quod ipse fatetur Scioppius. Is autem meliora, ut ait, edoctus, cum sententiam latam causasque condemnationis coram tribunali audiuisset, Rittershusium docet, eum blasphemiae causa fuisse interemtum. Pollicem in eo premunt Scioppio, Vrsinus, Spizelius, Buddeus, Reimannus, et qui omnium prolixissime et doctissime hanc causam ornauit Cel. LA CROZE<sup>1)</sup>; contrarium autem ingeniosa apologia tuitus est praestantissimus HEVMANNVS<sup>2)</sup>; ille enim ob atheismi et impietatis culpam vltices flammis Brunum pertulisse, hic ob desertum ordinem et defectionem ad Lutheranos sublatum, paradoxas autem opiniones tantum ad emolliendam horrendi supplicii inuidiam adductas esse contendit. Difficile autem est, in hac quaestione arbitri partes suscipere, et iudicium accuratum interponere, cum ad verisimilitudinis gradus et momenta probe ponderata res omnis redeat, id quod haud raro a diuersis lectoribus diuerso animo et effectu solet institui. Dicemus nos sententiam nostram, eiusque rationes ita explicabimus, ut integrum sit lectori, quas certiores putat, partes sequi. Duo autem in hac quaestione enodanda probe distinguenda sunt, quae inter se confusa disceptationem virorum doctorum fecere ambiguam et incertam, scilicet, vtrum Brunus atheismum in crustauerit, et impiis atque blasphemis doctrinis religionem naturalem et reuelatam euerterit? et tum, vtrum ob haec atheismi et impietatis vestigia Brunus flammis addictus sit<sup>3)</sup>? et annon illis in speciem modo adductis, vera causa fuerit apostasia ordinis? Et prius quidem momentum accuratius expendendi occasionem nobis commodiorem subministrabit sequens tractatio: ad posterius autem, si Scioppii fide standum

1) l. c. m) L. c. Cui exemplo praecituit Mox-  
HOFFVS I. supra laudato.

2) Conf. LEBMIZ. Epp. Vol. IV. p. 37.



dum est, omnino ita respondendum est, blasphemiam commouisse patres inquisitionis officio praefectos, ut igne vindice hoc scandalum tollerent. Ast suspectum valde Scioppium esse, quod ita inuidiam saeuitiae declinare et a Romanis suis auertere voluerit, cum omnium, ipso fatente, consensu traderetur, Brunum ob desertum monasterium ecclesiamque Romanam in cineres fuisse redactum, supra iam haud contemnendis rationibus euicimus, et ipsa epistolae Scioppianae lectio satis superque suadet. Fatemur autem, circumstantiis omnibus probe ponderatis, eam, quam tam studiose a Romanis amoliri satagit Scioppius, sententiam videri nobis vero longe similiorem, et ipsum Scioppium studium supplicii Bruni excusandi pingendique malam causam prodere, et innuere, dicis modo causa heterodoxas assertiones ab inquisitione fuisse adductas. Quamuis enim paradoxa dogmata in coetu Romanensium, isto potissimum tempore, aequis auribus audita non semper sint, et interdum ab inquisitionis officio censuram aliquam meruerint, vix tamen exemplum ostendi potest, eorum assertores, immo atheismi haud obscuros patronos capite plexos fuisse, modo ecclesiae auctoritati caput submittere, et iudicio eius se suasque opiniones tradere non recusauerint. Cuius exempla qui postulat, eum recolere memoria illa iubemus, quae de Pomponatio, Portio, Cremonino Caesalpino aliisque in media Italia impietatis femina spargentibus suo loco diximus. Posito itaque, de quo tamen adhuc disputandum est, Brunum mundis suis innumerabilibus aliisque opinionibus a communi scholarum et ecclesiae decretis dissonantibus, in ipsam religionem Christianam et naturalem iniurium fuisse, non tamen nobis persuadere possumus, tam feralem in eum sententiam pronuntiaturus fuisse sacri tribunalis iudices, ipso Minoë et Rhadamanto seueriores, si in gremio Romanae ecclesiae mansisset, et illi obsequium detulisset, opiniones suas eius censurae iudicioque submittendo. Ast desertores sacrorum ordinum et ad haereticos quos vocant delapsos mortis poena haud raro fuisse affectos, praetextum autem et colorem ab impietate et blasphemia fuisse petiitum, tot exemplis probat inquisitionis historia, ut ad vnum LIMBORCHIVM<sup>o</sup> prouocare liceat, si haec omnia iustis rationibus suffulta exemplisque illustrata verisimillima esse pronuntiandum sit.

§. X. Bruniani ingenii characterem qui desiderauerit cognoscere, illi scripta viri singulari prorsus indole praediti legenda sunt: vnum autem cum cura, et quam imprimis postulat, attentione lectum, satis superque docebit, quam mira animi conditione et ingenii singulari natura ab aliis differat. Prima autem, quae in eo vigeat, imaginationis vis fuit, adeo effusa et extra orbitam raptā, ut nisi nos omnia fallant, vix simile vagantis per innumeras easque mire inter se connexas complicatasque imagines ingenii exemplum inuenire liceat. Hinc ad concipienda sibi animi *ιδωλα*, conceptusque miros, insolentes, abstrusos, et paucissimis, ex iis praefertim,

*Character  
ingenii Bruniani.*

D. 3

<sup>o</sup>) In Historia Inquisitionis.

fertim, qui adaequatas et claras ideas sectantur, comprehensibiles adeo pronus est, ut his obruere lectorem, et innumeris imagunculis replere, quam ordine singula et simpliciter enumerare, malit. Hoc non in carminibus modo prodidit, in quibus incredibilis quaedam imaginationis licentia et lasciuientis ingenii fertilitas latet, sed in iis quoque, quae dicendi genere non adstricto scripsit, ubique ea occurrunt, adeo ut de abstractissimis metaphysices notionibus miras ubique imagines seminet. Immo in ipsis eius orationibus notionum confusarum et ex hac fertilitate sua quasi mole obrutarum exempla mirumque chaos vocum nihil certi significantium, sed mentis ideas confundentium deprehenduntur. Cuius si quis exemplum illustre valdeque memorabile cupiat, quo dictis fides concilietur, eum epilogum *Orationis valedictoriae* legere iubemus, miraturum, quo ruat oratoris entusiasmo quodam correpti, ingeniique emoti furor et insana affectio. Et hinc causa deriuanda est, cur Lullianae arti tantum Brunus pretium statuerit, quantum vix alius, curque aliquot libellis, *de specierum scrutinio; de progressu et lampade venatoria Logicorum; de artificio perorandi; de imaginum, signorum, et idearum compositione*; aliisque supra iam ex parte adductis de ista arte merere conatus sit. Non detinebimus Lectorem istis nugis, curiosum earum ad MORHOVIUM<sup>p</sup> remittentes, sed verba modo Bruni adducimus, quibus quantus in ea arte Lullistica vel Nullistica potius, vir fuerit, ipse, ne nesciremus, prodidit. Scribit enim<sup>q</sup>: *Nobis ita successisse praesumimus, ut quicquid ab antiquioribus hac de re fuit consideratum, praeceptum et ordinatum, non sit conueniens pars inuentionis nostrae, quae est inuentio supra modum praegrans, cui appropriatus est liber magnae clauis. Nobis enim datum est, illam inuenisse et perfecisse, nec locis materialibus (verificatis, seu per sensus exteriores) ultra non indiguimus, nec ordini locorum memorandorum ordinem adstrinximus, sed puro phantasiae architecto innixi ordini rerum memorandarum locorum ordinem adligauimus.* Facile largimur Bruno hanc gloriam, neminem veterum vel recentiorum adeo infantiuisse, qui vna *Logicae venatoriae* lectione conuicti scimus, quanto furore imaginationis somnia in ista arte sequatur, et ad nauseam usque depingat. Nimia autem imaginationis extra orbitam vagantis licentia, suppressi iudicandi vim, et haud raro, quo plus est ingenii, eo minus esse iudicii, nemo ignorat, qui humanae mentis vires atque operationes intelligit, et historia intellectus humani innumeris exemplis comprobatur. Bruni autem omnium manifestissime demonstrat. Desideratur enim ubique fere in huius philosophi meditationibus scripto comprehensis illa iudicandi acies, quae ingenii commenta a veritatibus solidis distinguit, in nexus systematum penetrat, rationibus verisimilitudine decipientibus causas veras, et ad rerum naturam indolemque pertinentes opponit, ac

quid

p) I. c. T. I. pag. 371. Conf. BAYLE I. c. not. C.

q) De umbris idearum, apud MORHOV. I. c. p. 270.



§. XI. Quamvis autem haec ita se habere, et virtutem philosophi magni primariam denegandam esse Bruno ex his consequatur, non tamen putandum est, nihil veri vidisse Brunum, nec veritatem ullam detexisse. Cum enim maxima philosophandi cogitandique libertate vteretur, lectione autem in veterum philosophorum scriptis esset satis exercitatus, et mathematicarum insuper scientiarum adminiculis suffultus, multa vidit, ubi a paroxysmo ineptientis imaginationis paulo liberior effulsit, animus, quae haud vna ratione probari possunt debentque, et nostrorum temporum felicitas velut insignes veritates demonstravit. Eam enim ingeniorum paradoxorum naturam esse, ut inter mille luxuriantis imaginationis naenias interdum incognitas easque praestantissimas veritates eruant, aurumque interdum ex stercore producant, non ignorant, qui ingeniorum historiam callent. Dari huius rei exempla haud pauca ex scriptis Bruni possent, si id ageremus, ut specialem Bruni historiam scriberemus, facile vero Lector ex iis, quae diligentiae virorum doctissimorum debemus, qui Bruni historiam tetigerunt, eius rei exempla petere poterit, etiam si libris Bruni destitutus. Illud autem non praetereundum, Brunum multa vidisse, quae recentiores philosophi, nescio an forte fortuna, an luminibus Brunianis usi, velut praestantissimas veritates detexerunt, asserueruntque. Inter quos imprimis Cartesium esse, qui, quod in multis Bruni vitulo arauit, pridem obseruatum P. D. HÜETIO, G. G. LEIBNIZIO, MOR-

HOFIO.

*Brannus veri-  
tates quas-  
dam docet.*

8) Leibniziana p. 143.

HOFIO <sup>1</sup>, CROSAEO <sup>2</sup>, IORDANO <sup>3</sup> aliisque, qui, ne nimii simus, ipsi consulendi sunt. Nos ut dictis fidem faciamus, ad duo eius rei promouamus specimina, quorum alterum vortices Cartesii sunt, et globi illi in infinito aëre circum centra sua acti, aliaeque physicae Cartesianae hypothefes, alterum dubitatio ad philosophiae principia vel initia potius reuocata. Vtrumque caput passim probatum Bruno, qui tamen prius a Democrito posterius ab Academia accepit. Nec negat Brunus, se veterem philosophiam resuscitauisse, canens <sup>4</sup>:

*Vfus, principiumque erimus, quando sapientum  
Dogmata priscorum priscis clarissima verbis  
Ex fundo eruiamus tenebrarum*

Neque cum Cartesio tantum Bruno in quibusdam, quae ille pro nouis venditauit, conuenit, sed alios quoque philosophos nonnulla noua aut debere Bruno, aut cum eo saltem incisos facere recte obseruatum illustri IORDANO <sup>5</sup>, qui Gassendum et Leibnizium huc aduocat. Et illum quidem in describenda atomorum natura, si non Bruni vitulo arare, id quod haud facile quis dixerit, cum eo tamen conspirare, ex illis intelligitur, quae de atomis in libro de *Minimo* <sup>6</sup> passim differit. Illustrem Leibnizium autem, quem Bruni libros legisse constat <sup>7</sup>, nonnulla vel ab eo recepit, vel illi saltem aequalia tradidisse, exemplis facile probari potest. Vidit enim et asseruit ante Leibnizium Brunus non esse possibile, in specie vlla duo omnino concordantia vel aequalia indiuidua comperire <sup>8</sup>; mundi partes, et quae in eo sunt, ad vniuersi perfectionem conducere <sup>9</sup>, malum esse nihil, quod non alicubi sit bonum, optima omnia, quae a natura gubernantur <sup>10</sup>, Dei voluntatem esse necessitatem, neque tamen eam libertati praeiudicare, velle enim immutabilem substantiam immutabiliter, sed non aliena sed propria voluntate, adeoque id ipsam libertatem esse <sup>11</sup>, et similia, quae magno acumine postea ornauit vir summus. Ex quibus constat, inter plurimas ineptias, ut solet accidere ingenis paradoxis, interdum praestantissimas veritates vidisse Brunum, quae satis euincunt, pulcherrime de philosophia mereri potuisse, si sobrie magis philosophari, quam somniis imaginationis pasci voluisset. Maxime vero in doctrina de systemate mundi veritates hodie magnis viris probatas asseruit, et partim ex schola Pythagorae, cui amplissime fauebat, partim ex disciplina Copernici, cui plurimum tribuebat <sup>12</sup>, hausit, nonnullas impetu quodam ingenii et casu detexit. Inter quas imprimis commendat, qui *Scripturam Coperni-*

t) l. c. T. II. L. I. c. 15. §. 6. p. III.

u) l. c. p. 320.

x) l. c. p. 10. add. Aët. erud. 1682. p. 187. BAY-

1. x. Diät. l. c.

y) De Minimo c. 1. v. 150. p. 6.

z) loc. cit.

a) p. 10.

b) Epist. Vol. III.

c) De Minimo p. 71.

d) lb. p. 132.

e) Ibid. p. 133.

f) Metaph. p. 9.

g) De Vniuerso L. III. c. 9. Aët. phil. Vol. I. p. 884. Erraritaque MORHOFIVS T. I. p. 875. qui Brunum Copernico priorem istas veritates vidisse, hunc autem prius publicauisse putat. Obiit enim Copernicus cum in eunis adhuc vagiret Brunus.

*peruizantem* edidit Io. IACOBVS ZIMMERMANNVS, quod statuerit, duorum generum stellas esse, soles immobiles et terras mobiles; mundos reliquarum planetarum nostro esse substantia similes; terram non minus lunae lumen aliquod tribuere, quam lunam terrae; habere sua centra suosque vortices et soles, et quae circa illos voluantur planetarum globos; addi his possunt alia, tellurem in planetam mutandam <sup>h</sup>; cometas esse planetas, proprio circulo gaudentes <sup>i</sup>, tellurem non seruare regularem illam sphaericitatem exacte <sup>k</sup>, et quae alia sunt, recentissimis viro- rum praestantissimorum obseruationibus pluribus probata, quae satis produnt, nec disciplinam Bruno defuisse, nec felicitatem inueniendi, si nugari noluisse. Ast suppressit has virtutes, scintillasque istas extinxit, vanitas hominis, et Pythagorica deliria sectantis et imaginationi habenas prorsus laxantis, vnde tot absurda et a sanioris iudicii calculo prorsus destituta in eius scriptis occurrunt, qualia sunt: periodicus rerum omnium recursus, et circulus, quem et anima in reuolutione sua subit <sup>l</sup>, metempsychosis more Pythagorico asserta, intelligentia siue anima rebus omnibus indita cum actu cognitionis, vnde res omnes, etiam minimae sensum et ~~cognitionem~~ habent, numeros, figuras et nomina naturam rebus inscribendo <sup>m</sup>; earum essentiam insculpsisse, hisque numeris rite intellectis Pythagoram, Zoroastrem, Apollonium Tyaneum, Hermetem miracula patrauisse <sup>n</sup>; numerorum nominumque mutatione, mutari posse hominum statum et conditionem <sup>o</sup>; fata hominis eius manibus esse inscripta, immensitatem Dei necessario requirere vt sint infiniti mundi <sup>p</sup>; quia in Deo idem sit, posse et esse, ideo omnia quoque esse, quae ille potest <sup>q</sup>, esse sibi gentum propositionibus obscuris *remurmurantem*, esse in sole quoque animantia hominibus praestantiora, quae, vt ignis, nutriantur, esse <sup>r</sup> naturam numen <sup>s</sup>, hancque Deum in rebus credendam et nomenclandam; nullum esse lapidem sine anima, eiusque virtutes per somnia, affectuum commotiones, et repressiones se esse expertum <sup>t</sup>, cui hypothesei insulas fabulas de spectris, lemuribus, incolisque variis elementorum inaedificat. Quae multa cum in scriptis Bruni passim occurrant, satis produnt, eum cum ratione infanuisse.

§. XII. Ex hac ingenii Bruni affectione sequitur, ineluctabilem obscuritatem et confusionem in eius philosophematis regnare debere. Id ipse scriptorum eius lectio adeo euidenter comprobatur, vt P. BAYLE <sup>u</sup> *Obscuritas et confusio in scriptis Brunianis.* qui acumine utebatur insolito, et haud raro in abstrusos scriptorum sensus mira felicitate penetrabat, fassus sit, praecipuas eius doctrinas, mil-  
lies

h) De Min. p. 65.

i) De Vniu. L. VI. c. 20. p. 564.

k) Ibid. L. IV. c. 17. p. 441.

l) De Minimo p. 13. 21.

m) Metaphys. p. 102.

n) De Numero c. 1. p. 10.

o) Ibid. c. 6. p. 93.

p) De vniuerso L. I. c. 6. p. 173.

q) Ib. c. 10. p. 341.

r) Ibid. L. IV. c. 7. p. 379.

s) Ibid. c. 10. p. 492.

t) p. 500.

u) loc. cit.

lies obscuriores esse omnibus iis, quae dixere sectatores Thomae Scotique, nos certe obscuriorem vnquam philosophum non deprehendisse, et vacuos haud raro ab eius lectione, licet cum attentione repetita recessisse, sponte fatemur. Causas autem tantae obscuritatis nemo diu quaesiuert, qui ingenii eius characterem supra delineatum probe considerat. Ita enim cum eo comparatum erat, vt inter innumeras, quas sibi fingeat, ideas et notiones miris plexibus inter se complicatas, distinguere, et suis quasque locis ponere haud posset. His confusis inter se animi conceptibus cum inusitata signa et imagines tribueret, dici non potest, quam obscurus et nihil significans euaserit. Accessit dictio poetica, in qua Lucretium imitando antiquas voces affectabat, ipsas grammaticae regulas autem studio haud raro negligebat, idque et licitum sibi esse, et nouae philosophiae suae haud parum decoris afferre contendebat. Quibus cum iungeret sententias, notionesque nouas, inauditas, hasque miris praecisionibus metaphysicis formatas, at insolentibus imaginibus vestitas, saepius autem ad furorē vsque artis poeticae licentia vteretur, fieri aliter non potuit, quam vt Heraclito fieret obscurior. Accidere haec Bruno non temperamenti tantum vitio, sed et affectata, vt maior in obscuris videretur, et mysteria vendere crederetur diligentia. Canit enim:

Non haec fercula vulgo  
Porriginus, porro hinc ad malas commoda, genti  
Instituenda damus, quae non intelligat ipsa  
Omnia.

Ita vero dum latebras quaerit, et velo se tegit, Pythagoreos, vt videtur, imitatus, ne tanta mysteria vulgo patefcerent; philosophorum numero se ipsum expungit. Nec ita Dauus fuit Brunus, vt non ipse intelligeret, verborum proprietatem et claritatem a philosopho requiri; scribit enim: *Si quispiam ab hoc philosophiae non populari genere verborum cum proprietate simplicitatem tentauerit excludere, magis parricidii et sacrilegii reus esto, quam si Deorum sacrosantas imagines profanauerit.* Obscuritati Bruni iungi potest debetque spiritus, quem fouit, contradictorius, quo non vni tantum Aristotelis scholae, sed omnibus omnino

*Bruni spiritus contradictorius.*

v) En quae eo eius verba, de Minim. exist. L. I. c. 1. v. 128. seqq. p. 5. seqq.  
Nec sciolus quisquam e cataclysmo grammaticorum  
Per quos obuersum est sophiae genus omne, putetur  
Dignus, qui accedat, titulo quocunque superbus  
Vt se vel doceat, vel de istis indicet expertus  
Luminis. Ac stultus quaedam minus esse Latine  
Insultet dicta, vt et rebus deroget alte  
Descriptis, sed verba putet vocerque Deorum  
Aptata his numeris quadrantia sensibus hisce  
Quamlibet inuitus, siquidem sua rondera dictis  
Sensa dabunt nostris ubi linor suppositatus  
Cesserit; incipietque nouae comprehendit artes  
Quid claudant, et quid promant; tunc vi meritum

Multa renascentur, quae iam cecidere cadentque  
Quae fuerant in bonore vocabula nam volet usus  
Vt sui principiumque erimus, quando sapientum  
Dignata praeceptorum praeclara clauissima verbis  
E fundo erimus tenebrarum, pro nouitate  
Si sit opus verum quocunque e fonte trabantur  
Commodius, vocum auctores erimusque nouarum,  
Grammatici verbis at nobis verba ministrant,  
Ii obseruent usum, quem nos indicimus ollis.  
Nec genus insipiens temerata mente proternum  
Confundat species, turbet genus omne, ut: bique  
Artes in crepidam retrahantur grammaticalem.

w) De Minimo L. I. c. 1. ad v. 152. p. 8.

omnino philosophis se opposuit. Testem damus inscriptionem articulo-  
 rum, quos ad disputandum Parisiis proposuit, quam heic repetimus:  
*Articuli de natura et mundo, a Nolano in principibus Europae acade-  
 miis proposti, quos Ioannes Hennequinus, nobilis Parisiensis, sub eius-  
 dem felicibus auspiciis contra VULGARIS ET CVIVSCVN-  
 QVE ADVERSARIAE PHILOSOPHIAE professores triduo  
 Pentecostes in vniuersitate Parisiorum defendendos euulgauit, breuibus  
 adiectis rationibus* \*. Talis cum esset, hocque sibi constitutum habe-  
 ret, vt omnibus contradiceret, non potuit non, vbi vera, clara, certa  
 deerant, falsa, obscura, ambigua afferre, eaque vt pingeret, anfractuoso et  
 tenebris abscondito probandi genere vti. Ex quibus omnibus, quem in-  
 ter philosophos locum Brunus occupet, Lector, nobis non monentibus,  
 intelligit. Et meruit quidem in eo laudem Brunus, quod sectariam phi-  
 losophiam maximo odio sit persecutus, probe enim intelligebat, verae  
 eam sapientiae e diametro esse contrariam, et obstacula philosophanti haud  
 pauca obicere; de qua re mentem ita suam declarat †:

*Nam vos, o Musae, quacumque ex parte venitis  
 Appositae, excipiet gratae sopiae genus altum  
 Quamlibet eque schedis Cumanae verba Sibyllae,  
 Euandrique rogis referantur, cuncta probantur.*

Quae non ad antiquata modo et reprobata a grammaticis verba pertinent,  
 sed ad philosophiam quoque ipsam, de qua in antecedentibus dixerat:

*quando sapientum  
 Dogmata priscorum priscis clarissima verbis  
 E fundo eruimus tenebrarum - - -*

Ex hoc quidem respectu ferri excusarique posset, quod omnibus philoso-  
 phis, qui tunc sectarii erant, se opposuerit. Neque magnopere impro-  
 bari potest, quod eos philosophos detestatus sit, qui panis lucrandi causa  
 philosophantur ‡, quamuis ipse inopia pressus πρὸς ἅλφιστα philosopha-  
 tus sit; obitare enim mercenariam diligentiam philosophiae eclecticae, et  
 haud pauca impedimenta obicere, experientia multoties docuit. Immo  
 nec in eo peccasse censendus est, quod Aristotelem vbiq̃ue impugnauerit:  
 licet enim in eo modum excesserit, quod philosophorum stupidissimum  
 Aristotelem appellet §, fatendum tamen, in nullo minus argumento pla-  
 cere posse Aristotelem, quam in eo, quod sibi tractandum nouisque hy-  
 pothesibus illustrandum sumserat Brunus, nempe physico. Hinc non  
 modo Parisiis, vt dictum, eum publice oppugnauit, sed et passim in car-  
 minibus suis calamus in eum strinxit, et scholam Peripateticam mire ex-  
 agitauit, multisque rationibus adortus est, vt variis speciminibus in eius

E 2

scriptis

x) NICODEMI, BAYLE, II. cc.  
 y) De Min. L. I. c. 1. v. 152. seq. p. 6.

z) De Immenso p. 145. conf. IORDAN. L. c. p. 26.  
 a) De Minimo p. 49.



scriptis constat. Immo quod mireris, inter medios Aristotelis, duce Philippo, sectatores Wittebergae recentiores philosophos magno cum Lycei contemptu Aristoteli praefert, et Albertum M. ait <sup>b</sup>, ipso principe Aristotele, cui indignissime, utpote cucullatus, pro temporis illius ratione fuerit addictus, numeris multis fuisse superiorem, Copernicum plus intellexisse in duobus capitibus, quam Aristotelem et omnes Peripateticos in vniuersa eorum naturali contemplatione; Palingenii quingenta carmina praestare Atticismo et Romanismo omnium, qui sub vexillo Peripatetico comitius loquendo et stultissime sentiendo militarint. Et in his quidem omnibus laudandus magis, quam vituperandus Brunus est. Nec deneganda quoque ei laus est, quod in mathematicis disciplinis non proletarie versatus fuerit, earumque adminiculo haud pauca viderit in naturali doctrina, quae veritati propiora sunt <sup>c</sup>. Ast his tamen omnibus non obstantibus et intellectus et voluntatis virtutibus destituebatur, quae ad emendandam philosophiam requiruntur. Quamquam enim animo regebatur magno, excelso, errorum contemptore, et imperterrita in subiugandis praeiudiciis, nec ab eruditione erat imparatus, iudicii tamen acumine destitutus, ut supra probatum, totumque imaginationis deliriis se permittens, veram viam inuenire non potuit. Male itaque fecit, quod eas disciplinas attigerit, quae iudicio facem non praeferebant, feliciter absolui nequeunt, qualis est metaphysica, quam, melius sibi consulisset Brunus, si intactam praetermisisset: Porro improbi laboris patientiam Bruno defuisse, eumque ingenio fidentem extemporali tantum diligentia in scriptis suis concinnandis fuisse versatum, et supina metri negligentia prodit, et fatetur, qui eius metaphysicam edidit, Raphaël Egelinus, licet id in laudibus eius ponat: eam enim, refert <sup>d</sup>, dictasse Brunum *stantem pede in vno; tam rapido*, ita hanc incuriam extollit, *fuit ingenio et tanta vi mentis!* Quod an mentis post serio et diu examinatas rerum circumstantias pronunciantis et attente philosophantis acumen prodat, Lectoris arbitrio definiendum relinquimus, certi, multa paradoxa, monstrosa et inepta in ipso partu suffocaturum fuisse Brunum, si lente philosophando festinare, quam nimium properando coecos catulos parere maluisset.

*Philosophia  
Bruni qualis  
generis sit?*

§. XIII. Ex his, vero, quae diximus, iudicandum est, vtrum inter reformatores restauratoresque philosophiae Bruno locus dandus sit, vel, an, quod nonnulli faciunt <sup>e</sup>, philosophiae Democriteo-Epicureae restauratoribus sit adiiciendus? Et verum quidem est, Brunum atomorum hypothesein, mundos infinitos vorticesque globorum coelestium hisque similia a Democrito et Epicuro mutuo accepisse. Ast sensu longe alio et diuer-

<sup>b</sup>) In Orat. valedict. §. 10. Aët. phil. Vol. II. p. 425.

<sup>c</sup>) Inuenies autem in his quoque ingenii prurientis, et affectatae nouitatis fundamento carentis naeuos.

<sup>d</sup>) Conf. Aët. philos. Vol. III. p. 425.

<sup>e</sup>) Cel. GENTZKE Hist. phil. S. III. c. 2. p. 154. reprehendente BYDDE Annot. ad hist. phil. c. 6. §. 3. p. 377.

diuerso atomis in natura rerum secundum Brunum vsus est, quam eas adhibere solebat schola Epicuri. Quod vt luculento specimine probemus, en duas de atomis assertiones Brunī: *Nobis*, inquit *f*, *vacuum simpliciter cum atomis non sufficit, certam quippe oportet esse materiam, qua conglutinentur*. Qua materia, vt recte doctissimo CROSÆO *g* vilum, intelligit mentem siue animam mundi per omnia fufam, de qua carmen de Minimo ita auspicatur:

*Vt mens naturae subiectis insita rebus  
Momentis graduanda suis depromit, et aptis  
Ordinibus consans, numeris discriminat alte;*

Altera ista est, qua sensum et cognitionem adeoque et vitam atque motus principium atomis siue minimis tribuit *h*: quae cum Epicuri systemate constare non posse, ex comparatione vtriusque clarissime intelligitur. Doctissimus CROSÆVS autem, qui diligenter et attente in Brunī scriptis versatus est, et probe viderat, ab Epicuro et Democrito eum haud raro recedere, in eam sententiam concessit *i*, esse eius philosophiam naturalem, nihil aliud, quam systema physicum Epicuri Pythagoreismo incrustatum. Quod an commodè dici possit, valde dubii haeremus, eo quod Epicureum systema quam primum atomis et vacuo tertium aliquod principium additur, totum neruo suo dissolutum concidit et euanescit. Accedit quod, monente ipso viro summo, atomi Brunī alterius naturae sint, quam Epicuri; nempe rotundae, et terminis suis quas partes esse non vult, sese mutuo contingentes, quam hypothefin latissime prosequitur in libro *de Contemplatione ex minimo*. Vnde si veteri cuidam sectae adscribendus esset Brunus, Semipythagoreus rectius diceretur, quos constat, ipsas quoque atomos rotundas posuisse, ast aliud quoque ad eas regendas, formandas vniendas principium adhibuisse. Ipse sane Brunus in haud paucis Pythagorea philosophemata secutus est, qualia sunt *j*:

*Non audita Samii sacra verba parentis;  
An non ipsa fluens vario cum tempore raptim  
Continuo mutata venit de partibus vltro,  
Adscitis nouiter, primis abeuntibus moles?  
Nunquid materies eadem tua corporis est nunc  
Partibus ac toto qualis paulo adfuit ante?*

Hanc enim hypothefin: cuncta fluere, nec hodie esse, quod heri fuit, quodcunque materiae debetur, Pythagoreos tradidisse, et ab iis Heraclitum accepisse, ex illis, quae *Tomo primo* *k* dicta sunt, notum est. Ipsa quoque de monade doctrina, et dogma de mundi systemate solem centrum habente,

E 3.

habente,

*f*) De Minimi exist. c. 2. p. 10.

*g*) A& phil. Vol. II. l. c.

*h*) De Minimo L. III. p. 102. A& phil. I. c.

p. 796.

*i*) loc. cit.

*j*) De Numero c. 2. p. 24.

*k*) p. 1074. 499. 1113. 1135.

habente, Pythagorea sunt. Ast ab hac quoque schola in haud paucis secessit, id quod vna de mundis innumerabilibus hypothefis, deamata Bruno Venus, probat. Pythagoreae scholae enim mundus tantum vnus est, extra coelum autem infinitum; et extra mundum inane est, in quod et ex quo mundus respiret<sup>1</sup>. Quod ex Pythagoreorum schola in suum systema Zeno Cittieus quoque transtulit. Alia, ne nimii simus, non cumulamur. Rectius itaque ad eclecticae philosophiae restauratores, at parum felices, Brunum referendum esse putamus. Certe id ipse voluit, scribit enim<sup>2</sup>:

- - - *Inspirato mihi vero vnde elementa  
Vt sopiae species longum suppressa per aeuum  
Emicet atque aegras vultu reuocata sereno  
Soletur mentes errorumque excruciantes  
Discussat nebulas.*

Quem philosophiae scopum si recte attigisset Brunus, gloria illi primum restitutae philosophiae eclecticae omnino esset tribuenda. Verum enim vero obstabant infelici philosopho iudicii paupertas, imaginationis lasciuias, et ineptus mos confarcinandi veterum hypothefes, vt nouam philosophiam effingeret, quae inde monstrum magis, quam aptum et rationale systema prodiit. Nempe systemate atomistico veterum, potissimum scholae Italicae, cum systemate emanatiuo coniuncto, vsurus, cum videret Pythagoreos vtrumque etiam sequi, et nouum tamen dare vellet, eiusmodi *Φιλοσοφούμενα* dedit, quae, dum noua affectat, partim obscura, incerta et nihil significantia sunt, partim intolerabilia, absurda, et si verum dicendum, interdum impia: quamquam iniuriam Bruno facere eos, ex dicendis, patebit, qui Spinozismi eum reum faciunt.

*Scripta  
Bruni.*

§. XIV. Scripsit plurima Brunus, quem extemporali facultate scribendi fuisse vsu modo monuimus. Ipse ad multos libros suos prouocat, quorum tamen haud exigua pars, dubitamus, an lucem viderit? nonnullos enim affectos non perfecisse ex dedicatione libri *de Minimo* intelligitur. Eorum, qui lucem viderunt, nobisque innotuerunt indicem hoc loco dabimus, quoniam sunt rarissimi<sup>3</sup>. Ita vero, si fides titulorum inscriptionibus, iuxta temporum seriem prodierunt. I. *La cena de le Cineri descritta in cinque dialoghi* clōlōLXXX. II. *De umbris idearum*, Paris LXXXII. III. *Ars Memoriae*, Paris clōlōLXXXII. IV. *Il Candelago Comedia*, Paris clōlōLXXXII. V. *Cantus Circaeus ad memoriae praxin ordinatus*, Paris LXXXIII. VI. *De la causa, principio et vno*, Ven. clōlōLXXXIV. VII. *De l' infinito, vniuerso et mundi*. Ven. clōlōLXXXIV. VIII. Eodem anno prodierunt apud Parisios dicitur: *Spaccio della bestia triomfante*. IX. *Cabala del cavallo Pegaseo con l'aggiunte*

1) ARIST. Phys. L. III. c. 4. PLAT. de Plac. phil. L. II, c. 9.

2) De Inuent. minimi c. 1. p. 97.

3) Conf. Cl. VOGT, Cat. Libr. rar. p. 139.

*aggiunte dell' asino Cillenico*, Par. clōlōlxxxv. IX. *De gli heroici furori*, Par. clōlōlxxxv. X. *De progressu et lampade venatoria logicorum*, clōlōlxxxvii. XI. *Acrotisimus, siue rationes articulorum phisicorum aduersus Aristotelicos*, Witteb. clōlōlxxxviii. XII. *Oratio valedictoria habita ad amplissimos et clarissimos professores atque auditores in academia Wittebergensi anno clōlōlxxxviii*. XIII. *De specierum scrutinio et lampade combinatoria R. Lulli*, Prag. clōlōlxxxviii, recusa Argentorati clōlōcli. cum Lullii operibus. XIV. *Oratio consolatoria habita in illustri celeberrimaque academia Iulia in fine solennissimarum exequiarum illustrissimi et potentissimi principis Iulii, Ducis Brunsvicensium i. Iulii clōlōlxxxix*. Helmstadii. XV. *De triplici minimo et mensura*, Francofurti clōlōlxc. XVI. *De Monade numero et figura, consequens quinque de minimo, magno et mensura, item de innumerabilibus, immenso et infigurabili, seu de vniuerso et mundis libri octo*, Francofurti clōlōlxc. libris constat duobus diuersis, sed vna paginarum serie continuatis. XVII. *De imaginum, signorum et idearum compositione*, Francof. clōlōlxc. XVIII. *Summa terminorum metaphysicorum ad capeffendum logicae et philosophiae studium ex Iordani Bruni Nolani entis descensu MSc. excerpta, nunc primum luci commissa a RAPHAELE EGLINO, Iconio Tigurino, Tig. clōlōlxcv*. Prodiit hic libellus ex praelectionibus Bruni Wittebergae clōlōlxxxvii. habitis. XIX. *Artificium perorandi, edente ALSTEDIO*, Francof. clōlōlccxii. Haec Bruni scripta nobis innotuerunt, quorundam copiam fecit vel HEVMANNVS, qui et rariorum recensitionem exhibuit. Ipse Brunus libros suos laudat, *de sigillo sigillorum* <sup>a</sup>, *de imaginibus*, *de principiis rerum*, *de sphaera*, *de physica magia*, et his similes, forte nunquam editos, sed aut cogitationibus tantum destinatos, aut affectos. Non sine attentione autem hoc loco dimittendum est, annos editionum interdum sublesta fidei esse, immo nec locum editionis verum semper exprimi. Namque *Coenam cinerum* editionis anni clōlōlxxx frustra in catalogis praestantissimarum bibliothecarum se quaesiuisse notat doctissimus VOGTIVS <sup>b</sup> et NIC. FRANC. HAYM in *Notitia librorum rariorum Italica lingua scriptorum*, Parisiensem anni clōlōlxxxiv nominat: ex quo, si addatur, quod supra monuimus, ante annum clōlōlxxxiv ex Italia Brunum non discessisse, concludimus, aut falsum esse titulum libri, aut VERDIERIVM <sup>c</sup>, a quo accepit P. BAYLE in eo designando errauisse. CL. BAYERVS <sup>d</sup>, autem obseruauit, non Parisiis sed Londini videri lucem adspexisse; vnde coniicimus, ad euitandam patriae suae inuidiam, qua circa annum clōlōlxxx et sequentes valde premebatur Brunus; Parisienses editiones nomen ementitas in Italia produisse.

## §. XV.

a) Extare etiam Italico sermone discimus ex relatione P. BAYLE l. c. not. D.  
 b) Vid. NICKERON, l. c.

c) loco citato.  
 d) In Bibl. Gallie.  
 e) Mem. Lib. rar. p. 279.

*Philosophiam  
Bruni deline-  
are difficilli-  
mum.*

§. XV. Restat vt de noua, quam meditatus est Brunus, philosophia narrationem instituto nostro conuenienter exhibeamus, et quid ex veteribus selectum suum fecerit quid nouum addiderit, ac qua ratione cuncta in systemate aliquo connexa atque concatenata exposuerit, dicamus. Ast, vt verum fateamur, aqua heic nobis haeret, nec hanc tractationis nostrae partem ita absoluendi nobis copia est, qualem vel in aliis habuimus, vel in argumento curioso exoptamus, vt Lectori ex asse fiat satia. Id quod non negligentiae nostrae tribuatur, rogamus, sed caussis duabus, quae obstitere, quo minus hoc quoque loco historici pleni et perfecti defungeremur officio. Nempe ita obscura sunt philosophumena Brunii, et tantopere tum verbis obsoletis, insuetaque atque confusa partium orationis constructione abscondita, tum notionum ipsarum vagarum, incertarum et praecisionibus mentis quidem formatarum, at ineptis et tenebricosis imaginibus depictarum insolentia, numerique poetici nox tanta, vt nostra quidem mentis oculorumque acies; licet omnem contentionem adhibeat, non satis perspiciat, qua ratione totum eius systema cohaereat, suisque membris connexum sustentetur. Neque dubitamus affirmare, Brunum, ingenio extra orbitam vagante ductum, ipsum coherentis doctrinae aedificium sibi non exstruxisse, et frustraneam esse omnem diligentiam, quae lucem tenebris Cimmeriis Brunii inferre satagit. Quam certe ignorantiam nostram fateri non erubescimus; scilicet:

*Nescire velle, quae magister pessimus  
Docere non vult, docta inscitia est.*

Deinde libros Brunii rarissimos, praesertim physicos et metaphysicos ipsos euoluendi nobis occasio defuit, qui ex vno libro *de Minimo* discere potuimus, qualis philosophus nobis Brunus sit habendus. Reliqua viris doctis BAYLIO, CROSAEO, HEVMANNO debemus, quorum fide placita eius cognouimus. Ita vero officio, prout decet, defungi nostro non licebat, qui nostris videre oculis cupimus, vbi de integro philosophi alicuius systemate iudicandum est. Itaque malumus paginas nostras imperfectas hoc loco esse, quam incerta narratione Lectorem naso suspenso deducere. Verum ne nos molestiam laborisque taedium defugisse videamur, et nihil habeat lector, vnde Brunii philosophiam intelligat, primo quidem ea philosophi paradoxi philosophumena describemus, quae iterata et attenta lectione libri difficillimi *de Minimo*, obseruauimus: tum adiciemus ea, quae laudatissimorum virorum triga notauit, et quid nobis de philosophia Brunii iudicandum videatur, modeste tandem exponemus.

*Bruni placita  
ex libro de  
Minimo.*

§. XVI. Liber *de Minimo*, geometricus, physicus et metaphysicus est; vbique enim notiones geometricas, physicas et metaphysicas miscuit, quod non potuit non totam tractationem, vt reliqua taceamus supra tacta, reddere incertam, fluctuantem atque atra nocte obscuriorem. Est

**EST** autem minimum auctori et obiectum numeri et magnitudinis, et omnium elementarum adeoque et geometricam atque arithmetica, et physica rerum omnium substantiam constituit. Hoc enim primum eius principium metaphysicum, physicum, mathematicum est:

- - - - minimum substantia rerum est,  
 Atque id idem tandem opperietur super omnia magnum.  
 Hinc monas hinc atomus, totusque hinc undique fusus  
 Spiritus, in nulla consistens mole suisque  
 Omnia constituens signis, essentia tota,  
 Si res inspicias, hoc tandem est, materiesque;  
 Quandoquidem minimum sic integrat omnia, ut ipsum  
 Ni substernatur, reliquorum non fiet bilum.  
 Esto nulla monas, numerorum non erit ullus:  
 Namque ea constituit species, statuens genus omne.  
 Quo circa in cunctis primum est fundamen, ut unde  
 Et Deus, et natura parens, atque explicat alte  
 Quod super omne genus perstat, quod et in genere omni est etc.

Verbo minimum est, substantia prima ex quo omnia oriuntur, componunturque, et in quod omnia tandem resolvuntur, adeoque

- - - - ipsum sunt omnia tandem  
 Ut monas est omnis numerus.

Nempe magna diligentia probare contendit Brunus, continuum in infinitum diuisibile non esse, magnisque machinis Peripateticos refutat, quo iure, quauē iniuria? alibi dicendum. Ex hac generalissima idea minimi axiomata geometrica quamplurima deducit, hoc loco, ubi alia agimus, non describenda, licet satis singularia sint et παραδοξα. Dabimus tamen breuem totius de Minimo contemplationis συναγωγαν, ut de genio Bruni metaphysico Lectori paulo plura constent. Nempe 1) maximum est mirimum multiplicatum. 2) Tolle minimum, et deerit maximum. 3) Naturae et artis subiectum est a minimo, et consistit in minimo. 4) Minimum est potentissimum. 5) Claudat omnem monadum et numerorum magnitudinem. 6) Minimum componit, auget, format. 7) Minimo opposita sunt omnia. 8) Minimum omnia promit, 9) minimum omnia terminat, 10) vitam defert, 11) disseminat omnia; 12) est intimum infernorum; 13) est omnia, 14) ubique est praesens et semper; 15) ex minimo potest cognosci maximum. 16) Ratio citius potest deuenire ad minimum, quam ad maximum. 17) Minimi non est pars. 18) Minimum si tangit, toto se tangit. 19) Minimum suo fine plura potest attingere minima. 20) Minimum attingit sibi aequale. 21) Minimo non datur minus. 22) Minimum est, quod ita est pars, ut eius nulla sit pars vel simpliciter, vel secundum species. 23) Minimum est quantum, et efficit quantum. 24) Minimum reale infra minimum

Hist. philos. T. V.

F

senfile

senfile subfidet. 25) Minimum realem nullam scientiam definit. 26) Minimum qua minimum, est indifferens. 27) Minimi tot sunt genera, quot sunt species. 28) Minimum est vnibile, 29) insolubile; 30) non patitur se penetrari, 31) non miscetur, 32) est tantum attingibile; 33) facit, vt corpora sint solida; 34) attingit minimum, 35) est rotundum, 36) minimi propria vna semper figura. 37) Minimo tantum minus vacuum. 38) In minimo dimensio est originaliter indifferens. 39) Minimum cum maximo habet vnā figurā. 40) Minimum habet minimam terminī partem. 41) Minimum est inalterabile. 42) Minimum est sex punctis attingibile. 43) In minimo maxima curuitas. 44) Minimum est omnium mensura. 45) Circulus est typus minimi. 46) Minimo minimum non est maius. 47) Minimum est finibile datis punctis minimi. etc. En araneorum tela, quibus maxima subtilitate nectendis instruendisque ita insudat auctor, cuncta, velut membra disiecta diffocians, vt patientia et attentione incredibili opus sit, si quis colligere omnia et sociare cupiat. His autem, quae ad euertendas quasdam geometrarum regulas in fine libri applicat, multa physica et metaphysica porro immiscet, ex quibus, vt genium hominis intelligat lector, sequentes assertiones excerptimus:

I. Splendentia sidera, veri mundi sunt  $\mathcal{S}$ .

II. Noui telluris facies fulgens est, vere sanctum et venerabile fidus.

III. Mens super omnia Deus est, mens insita omnibus natura; mens omnia peruadens ratio.

IV. Deus dictat, et ordinat: natura exequitur atque facit, ratio contemplatur et discurrit.

V. Deus est monas omnium numerorum fons, simplicitas omnis magnitudinis et compositionis substantia, et excellentia supra omne momentum; innumerabile, immensum.

VI. Natura est numerus numerabilis, magnitudo mensurabilis, momentum attingibile.

VII. Ratio est numerus numerans, magnitudo mensurans, momentum aestimans.

VIII. Influit Deus per naturam in rationem. Ratio attollitur per naturam in Deum. Deus est amor, efficiens, claritas, lux; natura est amabile, obiectum, ignis et ardor; ratio est amans, subiectum quod a natura accenditur, et a Deo illuminatur.

IX. Sensus est oculus in carcere tenebrarum rerum colores et superficiem veluti per cancellos, et foramina prospiciens: ratio tanquam per fenestram lumen a sole deriuans, et ad solem percussum, quemadmodum in corpore lunae speculari. Intellectus in aperto, et quasi ex alta specula vndique oculus super omnem particularitatem, turbam et confusionem in vniuerso, et distinctione specierum ipsum praefulgentem solem speculari.

X. Ra-

S) De Exist. Minimi c. 1.



X. Ratio se facile in mentem attolleret, nisi variorum affectuum in oceano fluctuans distraheretur : quando natura comparatum est, ut diuersis animae facultatibus ad totidem opera et effectus variis operationibus et actibus accingatur et expediatur.

XI. Ad certum felicitatis genus non debemus sapere, plusquam oportet; ad felicitatem vero simpliciter, cum scire sit de genere bonorum, non plus actui debet esse praescriptus modus, quam a natura atque Deo praescriptus est ei, quam nullam frustra voluit esse, potentiae.

XII. Qui philosophari concupiscit, de omnibus principio dubitans, non prius de altera contradictionis parte definiat, quam altercantes audierit, et rationibus bene perspectis atque collatis, non ex auditu, fama, multitudine, longaeuitate, titulis et ornatu: sed de constantis sibi atque rebus doctrinae vigore sed de rationis lumine, veritate inconspicua, iudicet et definiat.

XIII. Non plus sapientiae et bonitati, quam ignorantiae et iniquitati voces atque verba subministrant. Horum simplicitate veritas et doctrina, quorum ornatu inertia gaudet et astutia, et quorum varietate cum quadam mercenaria sollicitudine vanitas insolescit.

XIV. Nihil variat rerum substantia; nempe immortalis est, nec gignitur, nec corrumpitur; sed gignuntur ex ea omnia et soluuntur in ipsam; ex ea augentur crescentia, et in eam deficiunt.

XV. Minimum est substantia rerum, quatenus videlicet aliud a quantitatis genere significatur; corporearum vero magnitudinum, prout est quantitatis principium. Est, inquam materia, seu elementum efficiens, finis, et totum, punctum in magnitudine vnius et duarum dimensionum. Atomus priuatiue in corporibus, quae sunt primae partes, atomum negatiue in iis quae sunt tota in toto atque singulis, ut in voce, anima, et huiusmodi genus; monas rationaliter in numeris, essentialiter in omnibus.

XVI. Optimus Maximus est substantiarum substantia, et entitas qua entia sunt, ideoque monadis nomine celebratur.

XVII. Vacuum simpliciter cum atomis non sufficit, certam quippe oportet esse materiam qua glutinentur.

XVIII. Numerus est accidens monadis, et monas est essentia numeri: sic compositio accedit atomo, et atomus est essentia compositi.

XIX. Semper fuit materia, nec hodie corpus est, quod heri fuit.

XX. Corpus itaque hominis substantia non est, nec mors ad corporis substantiam pertinet, multoque minus ad animam.

XXI. Quum rerum substantia minime sit solubilis, mors non est timenda, sed transitus expectandus secundum Pythagoram.

XXII. Compositum nullum substantia vera est.

XXIII. Solum per indiuiduam animae substantiam sumus id quod sumus, quam circum veluti centrum quoddam vbique totum atomorum ex-

F 2

glome-

c) De Exist. Minimi c. 2.

d) c. 3.

glomeratio fit et agglomeratio. Vnde per natiuitatem et adolescentiam spiritus architectus expanditur in hanc, qua consistimus, molem, et a corde diffunditur: in quod tandem veluti telae istius stamina complicans, sese recipiat, vt ex eadem, per quam processerat viam, intraueratque portam, recedat demum et egrediatur. Natiuitas ergo est expansio centri, vita consistencia sphaerae, mors contractio in centrum.

XXIV. Pro conditione, qua anima se gessit in vno corpore, ad aliud fortitendum disponitur, inquit Pythagoras, Saduchimi, Origenes et alii e Platonici multi. Itaque non est tanquam fortuita illa sedium mutatio, sicut partium ex quibus corporea moles compaginatur. Quapropter aliae per corpora humana discurrunt, aliae in heroum corpus assumuntur, aliae vero in deteriora deturbantur. Haec illi, qui aeterna omnia quadam reuolutione exagitata intelligunt, praeter vnum.

XXV. Omnia quodammodo circumeunt, et circulum imitantur \*.

XXVI. Simpliciter monadum monas vna reperta est, quae multum et magnum complectitur, omneque in ista integranda means, dans entibus esse. Illa Deus est, extans totum, infinitum, verum, omne, bonum vnum.

XXVII. Quae in composito, discreto sensibilibusque consistunt, sunt aliud atque aliud, et semper fluunt.

XXVIII. Deus est monadum monas, nempe entium entitas.

XXIX. Quod vnum non est, nihil est.

XXX. In minimo, simplici, monade opposita omnia sunt idem, par et impar, multa et pauca, finita et infinita.

XXXI. Id ostenditur in Deo, qui idem dicitur vbique et nusquam, infra omnia fundans, super omnia gubernans, intra omnia non inclusus, extra omnia non exclusus, omnia per excellentiam et comprehensionem, nihil per definitionem, principium omnia promens, finis omnia terminans: medium nectens et discriminans omnia, centrum vbique, intimum internorum, extremum nusquam, quia metitur et concludit omnia, immensus et inexaequabilis ipse, in quo sunt omnia, et qui in nullo neque in se ipso, quia indiuiduus et simplicitas ipsa, sed est ipse.

XXXII. Maximus et velocissimus motus et simpliciter tardus seu maxima quies, vnum atque idem sunt. Hinc diuina sapientia, quae attingit omnia, et est in omnibus, dicta est mobilissima omnium, quia vbique manet, et immobilissima, quia ocissime attingit a fine vsque ad finem, et disponit omnia inter suos vbique terminos: tribuitur illi motus, quia est vegetatio et vita, cuius virtute omnia mouentur. Tribuitur illi quies, quia est ipsa aeternitas, et substantia in qua et per quam omnia sunt et manent.

XXXIII. In inquirenda veritate ratio atque finis quam maxime attendenda, et gradibus atque ordine certo opus est, ita vt primum fundamina falsi prima tollantur, et tum demum ad speculationem, et ab ea ad praxin est progrediendum \*.

XXXIV.

\*) De Exist. Minimi. c. 4

γ) c. 5.

**XXXIV.** Materia finita quantacunque obiecta partibus constat non infinitis, cui apponendo magnitudinem sicut et numero finito multitudinem, infinitum percurrere licet. E contra vero a finita magnitudine partes adimenti et subdiuidenti minimum sicut a finito numero numerum subtrahenti monadem tandem occurrere necesse est.

**XXXV.** Tota duratio est infinitum instans, idem, principium et finis.

**XXXVI.** Tellus non magis est in medio, quam luna, sol, polus et omnia. In quam contemplationem deuenire non potuerunt, quibus eius motum circa proprium centrum non percepisse licuit.

**XXXVII.** Principium et fundamentum errorum omnium tum in physica, tum in matheſi est resolutio continui in infinitum.

**XXXVIII.** Proprie indiuiduum dicitur esse vbique, et quia spacium est infinitum, centrum dicitur esse vbique, atomum dicitur esse omnia.

**XXXIX.** Minimum indefinitum est, at non infinita eius subordinatione opus est, non confundendum autem minimum artis, cum minimo naturae<sup>a</sup>.

**XL.** Minimum naturae a minimo sensus distinguendum est, hoc enim quasdam qualitates habet, quibus ad sensum habet analogiam, quae nonnisi a compositione dimanabunt: minima quippe iuxta primam formam, qua minimum et corpora sunt indifferentia habentur omnia, quod vero subinde eorum haec quidem sunt sensibilia, illa vero non, oportet quadam adiectione fieri, ac non est credibile, vllam huiuscemodi qualitatem super prima materia immediate fundari<sup>a</sup>.

**XLI.** Propterea principia materialia sunt distincta.

**XLII.** Post ipsum, quem per istius corporis contubernium incurrit, solis occasum a minimo et monade ad magnum et multum indeque ad innumerabile et immensum apprehendendum anima definito proficiscitur ordine atque regreditur: quemadmodum ab Hespero singulariter viso ad multitudinem, vt inde a multitudine per innumerabilitatem stellarum iterum repetendam ad exorientis solis praeuium phosphorum singulariter vltimo visum reflexo peruenire valet actu, vt hac ipsa via minime profundioribus tenebris cum infelicium spirituum multitudine submersa, adque exoptatissimae diei monadis adspectum promota beatifici tum demum solis pleniori lumine perfundantur<sup>b</sup>.

**XLIII.** Bonum et malum, iocundum et moleſtum, pulchrum atque turpe nihil est simpliciter et absolute, sed horum quaedam ad varias collata species et indiuidua eadem eodem se habentia modo subiecta contrarias a sensibus nanciscuntur denominationes, sicut et reuera contrarios inducunt affectus; nempe talia relatiua sunt<sup>c</sup>.

**XLIV.** Philosophia vt didicit a particularibus abstrahere, et rerum naturam atque conditionem ad absolutum, quantum possibile est, deducere iudicium, aliter vtile et bonum simpliciter, aliter vtile et bonum ad speciem humanum contractum definiat oportet.

F 3

XLV.

<sup>a</sup>) c. 6.

<sup>a</sup>) c. 9.

<sup>b</sup>) Contempl. ex min. c. 1. p. 55.

<sup>c</sup>) c. 2.

XLV. Extra et ultra propositum sensuum et sensibilem non egredientibus definiendum videtur, nihil esse absolute, quod ad unam vel alteram contradictionis partem verius referatur <sup>a</sup>:

XLVI. Non vltus est, qui fallat fallaturae sensus, quandoquidem semper de proprio obiecto pro suo modulo, qui propria, vera et vnica est mensura, diiudicat.

XLVII. Sensibilia vera sunt, non iuxta communem aliquam et vniuersalem mensuram, sed iuxta homogeneam, particularem, propriam, mutabilem atque variabilem mensuram.

XLVIII. Naturalia omnia continue alterantur, trepidant, mouentur, exagitantur <sup>c</sup>.

XLIX. Non est possibile in specie vlla duo omnino concordantia vel aequalia indiuidua comperire, non solum pro habitudine ad alia, sed vel etiam absolute in physica potentia, ratio ex effluxu influxuque atomorum continuo deriuanda <sup>f</sup>.

L. Praeter atomos nihil simpliciter plenum, nihil simpliciter vacuum praeter spatium intra coeuntium trium in plano, et quatuor in solido atomorum concursum intermedians <sup>e</sup>.

LI. Quaecunque fiunt, mutantur lapsaque ruunt continue aliud ad aliud, non entia sunt <sup>b</sup>.

LII. Anima habet naturam atomam; ea vero substantialiter accepta, denotat daemonem seu animam quae est in toto corpore, vel etiam in toto vitae telluris horizonte, cuius vita viuimus, et in cuius esse fumus: tum actu quodam communi quo in tota sphaera viuimus: tum proprio quo viuimus in horizonte seu semisphaerico, vnde cultus attactusque magicos fieri inuenimus, qui ad longius absentes, etiam defunctos et a recenter defunctis, quorum scilicet non fuerint incinerata cadauera, demanant, quandoquidem anima vbique suam corporis agnoscit materiam: Tum actu quodam magis proprio, quo viuimus, in hoc organizato corpore ad nos ipsos illius quamuis auulsa parte pertinente, et sub nostrae animae moderamine constituta. Tum demum actu propriissimo iuxta eam conditionem, qua ab oceano substantiae spiritualis per cordis portam et ad eundem oceanum per eandem portam ingredimur et egredimur animi.

LIII. Nulla species atomorum est corruptibilis vel mortalis, vel generabilis; sed quaedam sunt accidentia certa; et cum sunt, non sunt per compositionem intrinsecam; et cum non sunt, id est, quando non sunt in aliquo subiecto velut pars; accidentaliter non sunt. Quedam vero proprie intrinsecaeque natura aeterna, immortalia, incomponibilia, indissolubilia; nempe animae, Dii, Deus.

LIV. Circulo quadratum, aequare impossibile <sup>i</sup>.

LV. Certa essentia rerum est, et numerus; velut est hoc, heic, nunc. Dein

d) c. 3.

e) c. 4.

f) c. 5.

g) c. 4.

h) c. 6.

i) c. 8.



Dein super omne est infinitum verum ens, vnum, bonum, atque monas rerum cunctarum essentia <sup>k</sup>.

LVI. Infinitum vere est proprieque globosum <sup>l</sup>.

LVII. Influxus nullus est, ex iis, quos ingens distantia ab orbe subiecto diremit.

LVIII. Nihil in vniuerso adeo est exiguum, quod ad eximit integritatem atque perfectionem non conducatur <sup>m</sup>.

LIX. Nihil item malum est quibusdam et alicubi, quod et quibusdam et alibi non sit bonum et optimum.

LX. Hinc ad vniuersum respicienti nihil occurret turpe, malum, incongruum: neque enim varietas atque contrarietas efficit, quo minus omnia sint optima, prout videlicet a natura gubernantur; quae velut phonascus contrarias voces extremas atque medias ad vnā optimam symphoniam dirigit et perducit.

Haec potiora sunt, quae ex tenebrosa Bruni sylua in lucidiorem paulo campum producere visum est, vt constaret, quo pacto et metaphysice, et physice, et mathematice Brunus philosophari soleat. Quamquam enim pleraque quae in hoc libro *de Minimo* occurrunt, geometrica sunt, metaphysica tamen et physica vbique miscuit. Et in metaphysicis quidem nouam subtilitatem quaerit, vt nouam philosophiam condatur. Quid enim subtilius, quam minimum distinguere ab atomo? Ast id supponit vbique Brunus, prodens minimum sibi notionem esse metaphysicam, atomum physicam, quod ex eius definitionibus patet. Nam

*Est minimum, cuius pars nulla est, prima quod est pars <sup>n</sup>;*

*Est atomus minimum longum latum atque profundum*

*Corporis et potis est pars esse ac terminus ipsa.*

Quae duo nisi distinguantur Brunus intelligi non potest. In physicis autem scholae Italicae amore raptus noua vbique molitur, et dum veritates quasdam physicas in ea deprehendit, v. c. terram moueri circa solem; planetas esse mundos habitabiles, etiam totum systema theologicum recipit, vt in sequentibus dicemus. Et haec quidem ab ipsius Bruniani libri lectione suppeditata sunt. Iam viri quoque docti audiendi sunt, qui alios Bruni libros legerunt, et placita eius ex illis designauerunt, vt quantum-pote Bruni philosophiam intelligamus, eiusque pernoscamus faciem.

§. XVII. Diligenter euoluit Bruni libros desideratissimus L A CRO- *Bruni cogita-*  
ZE <sup>o</sup>, qui cum demonstrare vellet, Spinozisticum systema placuisse Bru- *ta ex libris*  
no, ex libro *de Immenso et innumerabilibus* has eius assertiones excer- *de immenso.*  
psit, vt nigrum iis theta praefigeret:

I. Diui-

k) c. 14.

l) De lauent. min. c. 2.

m) De Princip. mens. et fig. c. 1.

n) p. 149.

o) loc. cit.

I. *Diuina essentia est infinita.*

II. *Modum essendi modus possendi sequitur.*

III. *Modum possendi consequitur operandi modus.*

IV. *Deus est simplicissima essentia, in qua nulla compositio potest esse, vel diuersitas intrinsece.*

V. *Consequenter in eodem idem est esse, posse, agere, velle, essentia, potentia, actio, voluntas, et quicquid de eo vere dici potest, quia ipse ipsa est veritas.*

VI. *Consequenter Dei voluntas est super omnia, ideoque frustrari non potest, neque per se ipsam neque per aliud.*

VII. *Consequenter voluntas diuina est non modo necessaria, sed etiam est ipsa necessitas, cuius oppositum non est impossibile modo, sed etiam ipsa impossibilitas.*

VIII. *In simplici essentia non potest esse contrarietas vlllo modo, neque inaequalitas: voluntas, inquam, non est contraria et inaequalis potentiae.*

IX. *Necessitas et libertas sunt vnum, vnde non est formidandum, quod cum agat necessitate naturae, non libere agat, sed potius, immo omnino, non libere ageret, aliter agendo, quam necessitas et natura immo naturae necessitas requirit.*

X. *Potentia infinita non est, nisi sit possibile infinitum: non est inquam potens, facere infinitum, nisi sit potens fieri; quae enim impossibilis vel ad impossibile potest esse potentia?*

XI. *Sicut est mundus in hoc spatio, ita et potest esse in simili spatio isti spatio, quod, hoc mundo ablato, possumus aequale huic mundo remanens intelligere.*

XII. *Huic spatio, in quo est mundus, simile spatium extra mundum non est ratio, quae tollat, neque faciat esse finitum.*

XIII. *Mundus in simili spatio extra istud non esset huic mundo impedimento, neque maior ratio esset, qua hic formidet ruere illum, quam ille istum, quandoquidem vbique medium est in infinito secundum rei veritatem, sursum vero atque deorsum secundum certam eorum, quae sunt in vno vniuscuiusque ordine habitudinem.*

XIV. *Melius est esse, quam non esse, dignius est facere, quod est bonum, quam non facere. Ponere ens et verum improporcionabiliter melius est, quam finire non ens, et nihil.*

XV. *Potentia et voluntas naturalis frustrari non debet, et ad infinitam durationem spatium esse sine proprio actu; tum enim potentia ad impossibile referretur.*

XVI. *Potentiam infinitam, extensiuam sit, siue intensiuam, ad esse frustrari est, sic actu malum infinitum poni sicut et actu est spatium infinitum.*

XVII. *Sicut hoc spatium potest recipere hunc mundum et ornari, ita et simile*

simile quodcunque spatium ab ipso indifferens, simili non absente principio, similem concepisse.

XVIII. Ornamentum istius spatii huiusque mundi perfectio nihil est, quod addat vel subtrahat vel sufficientiae, vel indigentiae praestet ornamento atque perfectioni alius cuiusque spatii, quominus non ita actuari exigit illud, quam actuatium rerum plenitudine sit istud.

XIX. De Deo et de natura, quam optime sentiendum.

XX. De rebus maximis nihil temere citra sensum atque rationem defendendum. Haec pro systematis sui mundani existentia metaphysice ratiocinatur Brunus; recte an secus? nostrum in praesentia non est discutere, qui eius hypotheses et φιλοσοφούμενα tantum enarramus. Paralogismos eius, qui non intelligit, ei ductorem doctoremque commendamus Crotaeum, qui eos probe detexit. Ast is alia porro et παραδοξώτερα ex Bruni scriptis excerpfit, quae, ne reticeamus, quantum nobis innotuit, Brunianae philosophiae aliquid, hic quoque apponemus.

XXI. Atomis solis non constant elementa, inde relinquendus Democritus, iisque adiungenda mens diuina moderans cuncta.

XXII. Haec mens subiectis infusa rebus numeris omnia secundum gradus conflat.

XXIII. Bonum verum et perfectum dicitur vnum immixtum, simplex, abstractum, immobile per se.

XXIV. Lux supra, non est lux sine corpore, id est umbra sine fundamento, et verbum sine significato, sed lux quae spatium habet, quae ubique tota, quae immobilis, quae denique Deus est.

XXV. Vultum hunc rerum decet esse perennem rerum ad naturam spectantibus et genituram.

XXVI. Mundus est aeternus; et semper fuit, et est, et non potest esse aliter.

§. XVIII. Porro legit librum Bruni de *Causa, Principio et Vno* Italica lingua scriptum, et has ex eo assertiones selegit P. BAYLE:

I. Ens, quod reuera existit, non nisi vnum esse potest, idque infinitum, immobile, indiuisibile, sine discrimine totius et partis, principii et principiatum.

II. Extensio infinita reducitur necessario ad indiuiduum, ut numerus infinitus ad unitatem reuocatur.

III. Forma substantialis nunquam perit, differunt enim forma et materia, ut potentia et actus. Ex quo sequitur, vniuersum non nisi esse vnum.

IV. Inde

a) De Immenso p. 467.

b) De Max. p. 251.

c) De Vniu. p. 532.

d) Ib. p. 494. 546.

e) loc. cit.

IV. Inde porro concluditur, materiam spirituum a materia corporum nihil prorsus differre \*.

V. Recte itaque statuit Dauid de Dinanto : materiam esse substantiam diuinam.

VI. Causa efficiens et causa formalis vniuntur in vno subiecto, quod est anima mundi.

VII. Differt tamen causa formalis generalis, quae vna modo est, a causis formalibus particularibus, quae in infinitum multiplicantur.

VIII. His rite perpenſis felicitas humanae vitae sublato inani mortis terrore, confirmatur, et Acherontis metus tollitur, quo solent corrumpi vitae humanae deliciae.

Haec Baylius, quem dolemus haud plura ex isto libro descripsisse, in quo clarius mentem suam de origine naturae substantiarum detexisse videtur. Incerti enim haeremus, vtrum Baylius praeiudicio Spinozismi vbique inueniendi occupatus recte in omnibus Bruni mentem exposuerit, cum sint in aliis eius scriptis nonnulla, quae aliter statuisset Brunum, quam Spinozam clarissime euincant.

*Bruni Φιλοσοφούμενα  
excerpta ab  
Heumanno.*

§. XIX. Tandem Cl. HEUMANNVS \* quoque haud pauca notant Bruniana dogmata, quae vero physica magis sunt quam metaphysica. Dabimus etiam eorum hoc loco indicem.

I. Natura vniuerso configurando distinguit naturalibus figuris, virtutes proprietates, ipsaque omnium in eorum superficie nomina depingit, sculpsit et intexit.

II. Dantur magi, qui mutatis nominibus numeros quoque mutant, et hoc pacto ipsum rerum statum.

III. Intersectionibus circulorum magna et occulta hominum sensus virtus est.

IV. Accurata inter numeros et figuras analogia intercedit.

V. Vnitatis natura a centro ad circumferentiam remigrat, et ad centrum a circumferentia migrat, ita vero dat temperiem compositis, sanitatem corporibus, animis virtutem.

VI. Vnitas est rerum cunctarum essentia tota; dyas origo boni atque mali, id est, contrariorum.

VII. Habet homo duas animas, appetitum sensitivum siue animale, et intellectivum siue rationale, hi duo eius daemones sunt.

VIII. Tres sunt partes hominis, corpus, anima et spiritus, qui est vehiculum quod inter animam atque corpus mediat.

IX. Metalla mutare in perfectiora, possibile.

X. Grauitas et leuitas corporum oritur ex anima mundi.

XI. Mun-

n) Id aut perperam accepit Baylius, aut ita intelligendum est, ratione fontis et originis eadem esse spiritum et materiam. Alias enim e diametro

contraria ponebat Brunus spiritum et materiam. vid. de Minimi Exist. c. 4. v. 18. seqq. p. 14. seqq.

\*) Locis citatis.

- XI. Mundus, cum sit infinitum vniuersum, figura caret.
- XII. Quia vult animae vis, cuncta moueri, corporaque in proprium semper versarier orbem, oritur inde vita.
- XIII. Spatium est quantitas continua physica triplici dimensione constans, in qua corporum magnitudo capiatur, natura ante omnia corpora et citra omnia corpora consistens, indifferenter omnia recipiens citra actionis passionisque conditiones immiscibile, impenetrabile, non formabile, illocabile, et extra omnia corpora comprehendens, et incomprehensibiliter intus omnia continens, quo loci munus actuale habente locato nihil potest esse aequalius, a quo ne cogitatione quidem dimensiones locatorum corporum erunt separabiles.
- XIV. Deus est essentia simplicissima, ergo in eo idem est posse et esse, itaque quia Deus potest facere mundum infinitum, etiam fecit.
- XV. Maculae lunae terram exhibent, lucidae partes maria.
- XVI. Singulorum annorum periodo terra circa solem voluitur.
- XVII. Lux et calor non nisi in corpore composito esse possunt.
- XVIII. Viuunt in sole certae creaturae viuentes, quarum tamen naturam ignoramus: par autem est eas nutriri vt ignem, hae interdum apparent hominibus.
- XIX. Solem constituunt et partes et igneae lucidaeque et terrestres atque aquosae, sibi in corpore globoso succedentes.
- XX. Et in terra et in aëre viuentes creaturae sunt, corpore subtili vestitae, inde spectra.
- XXI. Natura numen est, et haec Deus in rebus credenda et nominanda est.
- XXII. Terrae grauitas est ab aqua terram comprimente.
- XXIII. Cometa est species telluris mundusque per orbem oblique ad visum hunc speculari corpore latus; raro autem conspicitur, quia eius circulus non venit ad eam oculorum nostrorum et solis oppositionem, vt specularem reddat lucem, nisi raro, quando scilicet ita deuenerit vtrumque astrum, vt splendor ille excitatus in corpore astri habeat ad oculos nostros reflexionem.

§. XX. Haec singularia et memoratu digniora laudatis viris doctis ex Bruni *Φιλοσοφουμένων* visa sunt, quae quoque tot iudiciis et conuiciis laceffita famae Bruni haud parum obfuerunt. Dolendum autem Brunum, hominem nullo acurato ordine philosophantem ideam systematis sui physici et metaphysici (terminologiam metaphysicam quam edidit excipimus, quae mere Scholastica et Aristotelica est) nullam dedisse, vnde difficillimus labor est, de vero et genuino sensu eius sententiam ferre. Inde vero factum, vt quod vni atheum, impium, blasphemum, non ferendum visum, alteri videretur facile ferendum et ingenio Bruni *ἐπεροκλίτω*, absurdius et ineptius loquenti quam statuenti condonandum; quodque qui ab

*Fundamentum philosophiae Bruni.*



illis Spinozismi accusatur, ab his ab ista labe absoluator, et is inter martyres connumeretur. Nos de impietate Bruni in sequentibus dicemus: quod ad ipsum eius systema attinet, non diffitemur quidem, non satis de eius vero et genuino sensu nos ex iis certos esse, quae nobis de placitis Bruni innotuerunt, ita ut accuratum de eo iudicium dari possit. Nec negamus, ex iis, quae ex libro *de Immenso* excerptit CROSAEVS, et quae ex libro *de Vno, Causa et Principio* retulit P. BAYLE, Spinozisticum sensum emergere posse. At vnam tantum substantiam sensu Spinozistico statuiffe Brunum, dicta nos non conuincunt, licet ens vnum tantum, immobile, reuera existens statuatur. Haec enim si cum iis comparentur, quae alibi dixit, patet ex eo, Brunum non Spinozisticum sed emanatum systema secutum esse; secundum quod ex vno immenso et infinito fonte mediante principio aliquo effluerunt et ab aeterno orta sunt cuncta, adeoque ita inesse et existere suo, quod dicunt, ab eo dependent, ut quicquid sunt et existunt, ex illo fonte habeant. Haec innumeris philosophis olim deamata si Bruno tribuimus, tota eius metaphysica recte cohaeret: et verisimillimum est, Brunum, admiratione scholae Pythagoricae, praecipue Semipythagoreorum, et Eleaticorum, quos comitius de rebus naturalibus differere, quam Stagiritam, censebat, seductum, eorum principia physica et metaphysica recepit, et Democriti atque Epicuri, et ex recentioribus Copernici cothurnis miro connubio adaptauisse. Quod ne sine teste dixisse videamur, en luculentum Bruni locum, in quo manifesta enarratione systematis metaphysici obscurissimis meditationibus suis, de vno, ente infinito, anima mundi, effluxu et refluxu ad vnum, deque minimis in immensis lucem egregiam affudit. Ita nempe differit: *Vniuersum Xenophani metaphysico unicum, absolutum. Parmenidi eius discipulo a diuinitate ad naturam et a natura ad naturalia descendentem, rursumque a naturalibus per naturam in diuinam speculationem contendenti, triplex definitur, in effectu, typo, archetypo, seu materialiter, formaliter, efficienter, vel explicatim, complicatim, summatim. Nempe in numero, in ordine, in monade, scilicet per singula, per omnia, per totum. Vbi primo modo est vniuersum subsistenter, secundo consistententer, tertio existenter: primo item mobiliter, secundo stabiliter, tertio immobiliter. Haec suam quoque esse opinionem haud obscure prodit, ita pergens: Iuxta rationem primi ad quodlibet aspicimus, ut sua incommunicabili proprietate distinctum, seorsim, et in se vnum est. Iuxta secundi rationem ad omnia conuertimur, quae AB EODEM PRINCIPIO MANANT, IN EODEM CONSERVANTE PERSEVERANT, ET AD EVNDEM FINEM CONSPIRANT. Iuxta absolutiorem tertii contemplationem experimur, ut particularia omnia ad certas species, omnes subinde species ad subalternata genera, quae tandem ad vnum communissimum generalissimumque esse, ens, idque ad absolutissimam entitatem, veritatem, monadem ascendit. Ibi unitas*

y) De Minimo p. 133.

nume-

numerorum omnium fons, multitudinem omnem atque varietatem immultiplicabilis et inuariabilis incommunicabiliter et inuariabiliter complectitur. Sic a luce in tenebris et composita ascendimus ad lucem simplicem et absolutam, ut ab illa cognita ad istius iudicium examen atque moderamen descendamus. Vides, Lector, subordinationem principiorum, secundum quam ex vno realiter existente omnia sunt, et existentiam atque veritatem habent, idque mediante natura, id est anima mundi, et in infinita emanata diffluunt, in primum vero ens, vnum totum tandem sublata subsistentia particulari refunduntur. Quo pacto systema scholae Italicae quoque, et Parmenidem similiter differuisse, ex iis, quae suo loco diximus, constat. His positis nihil est in systemate Bruni metaphysico et physico, quod non cohaereat, licet Spinozae vestigia premere videatur. Nam hac emanatione ex infinito ente, per se existente, et omnibus essentiam et existentiam largiente, posita, sequitur, 1) omnem hunc actum emanationis esse necessarium, et pertinere ad essentiam Dei; 2) infinitas posse et debere constitui emanationes et principiata emanatiua, quae ab eo ente participant, et in quibus illius virtus infinite multiplicetur, et demonstretur, adeoque infinitos esse debere mundos: eo quod melius sit esse, quam non esse, nec cum ente infinito posse stare non ens et nihil. 3) Esse quoque eius emanationis durationem infinitam, immo cum necessitate naturae fiat. 4) Ab aeterno debuisse istas emanationes ex ente vno, siue monade absoluta scaturiuisse, esseque ideo mundos infinitos aeternos. Porro 5) ens reuera, id est, per se existens, non nisi vnum esse, infinitum immobile indiuisibile; si enim plura essent, plures fontes darentur, nec ab vnus illius ente participarent omnia existentia. 6) In eo cum hic fons rebus omnibus ex se essentiam et existentiam largiatur, progredi inde formam substantialem, nec eam posse esse ob vnum fontem multiplicem. His concessis, sequitur quoque 7) Materiam rerum omnium esse substantiam diuinam, quae emanauit ad res singulares constituendas; 8) causam formalem effluxus vnicam applicando ad particularia formas gignere innumeras; 9) quaeque in ente vno siue monade in potentia sunt, per istam emanationem progredi in actum. 10) In his autem omnibus principiatio aliquo mediatore opus esse quod extrema vniat, et influxum ex supremo accipiendo cum inferioribus communicet, hancque naturam esse. 11) Eam autem ob hoc munus, huncque locum et vires, non animae mundi nomen tantummodo tueri, sed et Deam habendam esse, eo quod per eam et ad eam adscendendo tandem ad primum vniuersi fontem reducamur. Sed et reliqua quae Spinozistica videntur, hinc lucem capiunt; nam 12) natura cuncta conglutinans, lux increata, et anima rerum omnium immobilis, actiuaque, siue

*Natura subiectis insita rebus*

*Momentis graduanda suis depromis, et aptis*

*Ordinibus consans, numeris discriminat alte*

G 3

non

non est monas prima, ut vult CROSAEVS <sup>2</sup>, sed principiatum illud, quod in loco supra adducto naturam vocauit, et inter diuinitatem atque naturalia medium collocauit. Quo mediante <sup>13</sup>) cum particularia omnia existant, moueanturque, et diuino ex fonte participant, patet inde, cur Deus dicatur esse extans totum, infinitum, verum, omne, bonum, vnum, monadum monas etc. Tandem et <sup>14</sup>) lux illa, quae spatium habet, vbique tota etc. inde fluit, cum omnes fere systematis emanatiui fautores fontem primum velut infinitam lucis abyssum considerauerint, et ignis scholae Pythagorae, praecipue Hippasi et aliorum Semipythagoreorum hoc inuoluat. Vnde coniecimus, Brunum Deum et eius emanationes simili fere modo sibi concepisse. Quaecunque autem eius mens fuerit, illud dubio carere putamus, vnum Bruni siue monadem non sensu Spinozistico, sed emanatiuo sumendum esse; aliquoties enim gradationem principiatorum emanatiuorum vsque ad primum principium emanans memorat, inter quae, ut hactenus dicta alio loco illustri claudamus, maxime notabile philosophema expendere iubemus Lectorem, quod supra §. XV. thesi LI. ex libris de Minimo attulimus, comparareque cum thesi XLI. hae duae assertiones enim clare innuunt, Brunum ex monade numerum, materiam, spiritus, entia serie emanatiua ita deduxisse, ut spiritualia entitatem largiantur, materia in minima diuisa semper fluctuet fluatque, et ab illis formas imprimendo discernatur formeturque. Haec qui recte intellexerit, reliqua Bruni παραδόξα facile mente comprehendet; clausis enim sunt, quae reliqua eius mysteria referari possunt.

*Iudicium de  
Philosophia  
Bruni.*

§. XXI. Ex his, nisi fallimur, iudicium de philosophia Bruni, quantacunque etiam eius obscuritas sit, fieri potest. Qui enim ea, quae toties de systemate emanatiuo, miro toties habitu vestito, aliquoties disseruimus, mente repetit, facile de Bruniana philosophia iudicabit. Nempe cum simplicitatem diuinioris doctrinae Brunus forderet, et ingenio simul vteretur phantastico atque ad imaginationis frena laxanda vehementer prono, difficultatibus, quas systema mundi eiusque ortus atque generatio neccere solet, modum positurus, et philosophiam quandam simul excogitaturus, quam Aristoteli opponere posset, ad eiusmodi philosophiam emanatiuam deuenit, qua rerum omnium naturam, existentiam, et quicquid in rebus reale esset, ad causam fontemque vnum referret, rerum autem fluxarum naturam ex minimorum dispositione deriuaret. Quod qua felicitate Brunus executus sit, lectoris iudicio definiendum relinquimus. Nobis id praecipue obseruandum, Brunum in mathematicis et playficis haud infelicitur exercitatum, malo ausu in metaphysicos campos fuisse digressum, et notionum imaginariarum fulerisque nullis nisi ingenii exorbitantis delirio nixarum praefidio, systemati in se inepto nec satis cohaerenti fundamenta subiecisse, hocque pacto cothurnos haud raro adaptasse socco, iunxisseque equos gryphis. Cum autem Pythagorea cum

cum Democriticis miro Syncretismo confunderet, vel systema magis Semi-pythagoreum cum Epicureo misceret, ipsas autem emanationis leges ineptis numerorum, figurarumque geometricarum notionibus turbaret, mirum non est, systema eius et enthusiasticum atque paradoxum euasisse, et innumeris naeuis atque paralogismis scatere, et multa exhibere, quae, si verborum obscuritatem, et notionum incertitudinem tollas, plane nihil significant.

§. XXII. Ex his celebris illa quaestio de Bruni atheismo soluenda, *Brunus an  
atheus?* quam post alios recentissima aetate erudita et amica disputatione excusserunt, viri praestantissimae doctrinae nobisque amicissimi MATVR. VEISSIERE LA CROZE <sup>a</sup> et CHRISTOPHORVS AVG. HEVMANNVS <sup>b</sup>. Impietatem autem iam viuo Bruno obiectam esse, querelae eius de inimicorum accusationibus, quas toties Lectori occinit, satis produnt. Maxime vero impietatis praetextus feralem Bruno rogam accelerauit. Teste enim Scioppio <sup>c</sup> in sententia de eius capite lata haec ei dogmata atheis et profanis opinionibus detestanda obiciebantur: *Mundos esse innumera-  
biles, animam de corpore in corpus, immo et alium in mundum migrare,  
vnam animam bina corpora informare posse, magiam esse rem bonam et  
licitam: spiritum S. nihil esse aliud nisi animam mundi, et hoc voluisse  
Moysem dum scribit, eum fuisse aquas; mundum esse ab aeterno, Moy-  
sen miracula sua per magiam operatum esse, in qua plus profecerat,  
quam reliqui Aegyptii: eum leges suas confinxisse, sacras litteras esse  
somnia, diabolum saluatum iri, solos Hebraeos ab Adamo et Eva ori-  
ginem ducere, reliquos ab iis duobus, quos Deus pridie fecerat, Chri-  
stum non esse Deum, sed fuisse magum insignem et hominibus illuisse,  
ac propterea merito suspensum, (Italice impiccato) non crucifixum esse,  
prophetas et apostolos fuisse homines nequam, magos et plerosque su-  
spensos.* Haec Scioppius refert, illi crimini data esse a tribunali S. in-  
quisitionis. Scioppio fidem adhibuere Vrsinus aliique supra enumerati. Cel-  
LA CROZE autem ex instituto, recte et non praeter meritum haec ei  
tribui contendit, eo quod in libris eius eiusmodi impietatis specimina  
vbiq. deprehendantur. Idem visum P. BAYLE <sup>d</sup>, IO. FR. BVDDEO <sup>e</sup>,  
CAR. STEPH. IORDANO <sup>f</sup>, et qui gentis suae censorem apud Britannos  
egit auctori *Spectatoris* <sup>g</sup>. Hi non blasphemiae tantum et conuictiorum in  
religionem reuelatam iactorum Brunum accusant, sed es Spinozismum ei  
sine haesitantia tribuunt, accusato, quod vnam tantum substantiam, infi-  
nitis modificationibus distinctam asseruisset. Aliter tamen visum viris  
doctis aliis, qui licet non negarent, absurda, paradoxa et leuia plurima  
inter veritates nonnullas egregias Brunum asseruisse, atheismi tamen  
vestigia se deprehendere non potuisse, constanter asserunt, et magis in-  
genium Bruni phantasticum et cum ratione infaniens quam atheisticum,  
et

<sup>a</sup>) II. cc.

<sup>b</sup>) II. cc.

<sup>c</sup>) Thef. de Atheismo c. 1. §. 24.

<sup>d</sup>) I. c. §. 3. p. 10. seqq.

<sup>e</sup>) Tom. IV. disc. XXVII. p. 157.

<sup>f</sup>) In Epist. ad Rittershus. laudata.

<sup>g</sup>) I. c. not. C.

et impietate in Deum detestabile, accusant. Inter quos praeter **SORZELVUM**<sup>b</sup>, **MORHOFIVM**<sup>c</sup>, **ARNOLDVM**<sup>k</sup>, plurimum pro excusando Bruno militauit **CEL. HEVMANNVS**<sup>l</sup>. Nos more nostro utriusque partis rationes adducemus, et tum nostram quoque modeste subiungemus *ἐπι-κρίσιν*, audiemus autem **CEL. Crofaeum**, quo nemo vel acutius vel doctius Brunum atheismi impietatisque profanae convincere satagit. Cuncta huc redeunt: 1) statuere Brunum, naturam vnā, seu vniuersum vnum esse Deum. Naturam enim esse illi lucem increatam et aeternam, quae sit anima omnium rerum immobilis instar vacui, actiua tamen. Hanc esse monadem, in hac luce infinita omnia esse vnum, vniusque naturae et Dei nomine appellanda venire, cum ab ea vna vegetentur. Sic in vnoquoque mundorum ex indefinito animarum numero animam vnā exurgere, omnesque mundorum animatorum vnitates in vnā vniuersi naturam conspirare, et hanc Bruno Deum esse, spiritum omnia replentem, totius ordinatorem. 2) Adamum neque protoplasten fuisse, neque omnium hominum patrem, sed hunc vnius gentis Iudaicae conditorem auctoremque esse, praeter hunc reliquis extitisse duos alios. 3) Religionem Christianam fabulam esse rectae rationi contrariam: id euincere, non libellum modo de *Bestia triumphante*, sed et loca quaedam alia in eius scriptis, idem prorsus dicere; et vbiuis fere patefcere, quod nunquam Christianae religionis mentionem faciat sine aliqua contumeliae aut contemtionis nota. Traducere quoque falsae mortis aeternae cruciatus etc. 4) Idem porro de Mosaica ceterisque religionibus esse affirmandum. 5) Nullam illi esse creationem rerum, immo quicquid in infinitum extat, id aeternum esse, et necessario existere. Id enim cum connexionem et relationem necessariam inter causam et effectum, secundum Brunum requirere, qua vel vno momento temporis potentia immensa et infinita subsistere nequiuisset, quin effectum, item infinito et immenso actuaretur: et a Bruno diserte affirmare, quod rerum series et semper fuerit, et sit, et non possit esse aliter. 6) Animas hominum reliquorumque animalium e corporibus in corpora illi migrare. Haec **Crofaeus**; quae tamen non omnia atheismum innuunt, sed ex parte profanum tantum et a veritate religionis Christianae abhorrentem animum produunt. Erudite et speciosis argumenti delicati rationibus causam hanc egit vir celeberrimus, non minori ingenio respondit eruditissimus **HEVMANNVS**. Is male imponi Bruno personam hominis astuti et improbi contendit, nec habendum esse pro ingenioso nequam; sed fuisse, dicit hominem non malum, ingenio praeditum simplici, et eius sapientiae cuius opinione inflatum gereret animum, ostentatorem minime callidum. Ideo non durius interpretanda videri eius verba, quae nec satis circumspecte scripta sint, nec peruide-

<sup>h</sup>) De perf. hominis, Pars III. p. 468. Verf. Germ. Gallica exhibet **BAYLE** l. c. p. 681.

<sup>i</sup>) Polyhist. T. I. L. I. c. 8. §. 22. T. II. L. II. c. 15. p. 260. L. II. P. II. c. 11. §. 5. p. 343.

<sup>k</sup>) Hist. Eccl. et haeret. Part. II. L. XVII. c. 16. §. 8.

<sup>l</sup>) Act. Phil. Vol. II. p. 330.



fic Brunus absurditates omnes, quae ex iis deriuari possint. Id confirmare aniles superstitiones, toties a Bruno defensas. Nec verisimile esse, maluisse eum, si atheus fuisset, in castra Lutheri tantis cum molestiis et periculis transire, quam cum tot atheismi fautoribus in ecclesiae Romanae gremio cautius sua premendo manere. Immo et hoc praeiudicium non leue esse, quod, atheus si fuisset, facile mutata religionis externae professione vitam redemisset. Neque vero rationes Crofaeanas esse omni exceptione maiores contendit vir celeberrimus. Quod enim voluntatem Dei necessitati subiecerit; id de necessitate essentiae intelligendum esse. Naturam autem Bruni non minus quam Stoicorum ad meteorologiam rhetoricam referendam, nec nimis premendam esse. Locum adductum Bruni de conditoribus hominum ex aliorum sententia loqui videri. Infectionem Christianae religionis intelligendam tantum esse, de partibus pontifici Romano addictis, quibus se infensissimum praebebat. Moysen autem inter magos a Bruno relatum, philosophum dicere non impostorem. Incertum porro esse, annon aeternitatem vniuersi tantum intellexerit, sensu durationis, non initii; tandem, adeo obscura, ambigua et lubrica esse, quae de transmigratione animarum Brunus differit, ut inde animus veri sitiens de certa eius mente securus esse nequeat. Nobis inter tantae doctrinae viros arbitri partes sumere nec licet, nec vacat; dicemus autem, ita poscentibus tractationis nostrae legibus, quid nobis de hoc argumento videatur, ut habeat Lector, quod cum laudatissimorum virorum dissertationibus comparet. Et I. quidem impietatis siue atheismi crimen a profanarum opinionum et paradoxarum doctrinarum colluue distinguendum esse, monemus. Fecit neglecta haec observatio, ut multoties in historia atheismi laberentur viri docti, cum Deum non statim tollat, vel in Numen iniurius secundum naturae praecepta peccet, qui audaces manus sacris paginis iniicit, et intolerabili ausu diuinas veritates laceffere sustinet. Idque in hac quaestione eo magis obseruandum est, quo magis ex dicendis constabit, ab opintonibus profanis, ineptisque et Christianum philosophum non decentibus Brunum absolui non posse, licet ab atheismi crimine sit liberandus. His praemissis II. ea quae desideratissimus Crofaeus attulit, de natura vna, monade, ente, substantia, luce, in qua sint omnia velut in esse suo, nondum Spinozismum aliquem, nobis quidem rem accurate atque pensitantibus, euincere visa sunt. Quamuis enim, ut ex supra dictis liquet, non magnopere repugnandum esse censeamus afferenti, Deum Bruno lucem increatam, infinitam, subsistentem per se esse, in qua omnes atomi velut in oceano natent quasi et existant; multis tamen locis, atomum materiatem, quae cum minimo metaphysico Bruni confunderi non est, ab ista luce increata ita distinxit, ut huius effluxum, quae est mundi anima, velut vacuum Democriti et Epicuri atomis opponat, et conglutinandis atomis velut principium aliquod coordinatum adiungat; quae

m) De Exist. Minimi p. 10.  
Hist. philos. Tom. V.

quae cum ipse obseruauerit doctissimus Crotaeus, miramur, non animaduertisse virum cetera perspicacissimum, hoc pacto vnam naturam siue substantiam Spinozae prorsus euertere. Nec his magnopere obstant, quae de vna natura, vno ente, monade monadum etc. toties occidit Nolanus philosophus? haec enim non ad rerum substantias, sed ad earum existentiam, ortum, dependentiam atque emanationem pertinent. Id ex illis thesibus quas supra §. XVI, ex libro *de Minimo* excerptimus, manifestissimum esse putamus, in quibus distinguit inter animam substantialis naturae indiuiduae naturae, et animam telluris in synodo magna; et inter animam synodi totius, quae est in vniuerso; et inter supremam animam animarum Deum, spiritum omnia replentem, totius ordinatorem, supra et extra omnem ordinem. Haec, si sensu Spinozistico vnam naturam Bruni intelligas, consistere nullo modo possunt, recte autem, omnia et accurate cohaerent, si Brunum, quod supra iam monuimus statuamus, emanatio systemati adhaesisse, et ex vno substantiarum fonte per varias emanationum classes et genera rerum omnium ortum asseruisse. Hoc enim locus ille <sup>a)</sup>, ad quem prouocauimus, diserte probat, in quo posito Deo summo supra omnem ordinem, variae animarum classes, quae ex eo effluxerunt ponuntur: Nec dubitamus, Brunum eodem fere modo vt Orientalis et Aegyptiaca, Cabbalistica et Alexandrina philosophia fecit, Deum sibi velut lucem quandam infinitam et incorpoream depinxisse, ex cuius sinu varii radii emanauerint, quibus rerum corporearum siue minimorum materialium animetur congeries. Quae hypothesis satis quidem absurda est, nec insignibus naevis caret, et quod vltro fatemur, in naturam Dei peccat, at Spinozistica haud est, cum inter Deum, medium emanationis siue principiatum primum, et emanantia accurate distinguat, et participationem quidem diuinae essentiae inferat, non vero ipsam Dei naturam cum creatura confundat. Et hoc quidem sensu, non vero Spinozistico, ea sumenda sunt, quae de causa formali, substantiali, potentia, actu etc. ex Peripateticorum schola ad hoc systema inepte translatis dixit Brunus, quae ad inurendam ei Spinozismi maculam perperam adhibuit P. BAYLE. Verbo, vnum Bruni cum vno Pythagorico et Parmenideo comparandum est, vt intelligatur, quantum ab vno Spinozistico vel etiam Stoico differt; quod illo deterius est. Res enim omnes, quotquot existunt, si Brunum, Pythagoreos, Platonicosque sequentem audias, ex vno fonte, Deo, sunt et acceperunt, quicquid sunt, et lux illa diuina omnem illis realitatem, quam vocant, contulit: at multis tamen modis ab illa scaturigine sua differunt, licet per gradationes varias ad originem tandem suam queant reduci. Et haec causa quoque est, cur rerum omnium vicissitudines ac refluxum ad monadem obscuris quidem et satis confusis notionibus Brunus asseruerit <sup>b)</sup>. Cum ergo Deum a mundis innumerabilibus ita Brunus distinxerit, vt hos cum illo mediante tantum architecto mundi, id est, anima

a) p. 74.

b) De Minimi Exist. c. 5. p. 21.

anima quadam vniuersali coniungat, sicque vniuersum, hoc medio, participante in eo subsistere et esse dicat, patet inde, non tam atheismum, quam enthusiasmum Bruno obiici posse, quo res creatas omnes diuinitate quadam repleuit, easque non modificationes Dei Spinozisticas vel partes deitatis Stoicas esse, sed producta emanationis diuinae sensu Pythagoreo et Platonico censuit. Ex his vero III. aeternitas vniuersi, quae a mundorum infinitorum ortu et interitu per varias vicissitudines existente distinguenda est, intelligi eo sensu potest, quo Brunus intelligi voluit. Vniuersum enim non libere extitisse, sed ex necessitate diuinae naturae effluxus suos per omnem aeternitatem, produxisse, non poterat non asserere, cum semel statuisset, quicquid in Deo et ex Deo est, et ab eo fit, fieri necessario, hancque necessitatem voluntatis cum necessitate essentiae ita coincidere, vt plane eadem sit, et maximam Dei libertatem constituat. Quae ἀνάγκη vt ipsum veterum Pythagoreorum, Heracliti et Stoicorum (qui omnes vno ex fonte hauserunt) fatum est, ita aeternas periodos effluxus et refluxus inuoluit. Ast haec ad vniuersi tantum aeternitatem pertinent, et infinitis quoque mundis patrocinantur, singulorum autem mundorum ortum et interitum non tollunt. Posito enim systematis emanatiui principio, sequitur inde, mundos absoluto cursu reductum iri ad nouas emanationes constituendas, emendatumque iri eorum imperfectiones vel potius ex complexu nouo atomorum mediante anima mundi novos orituros planetas. Ita enim Brunus expulso Peripateticorum coelo immobili philosophatur: *Habemus nos, ubi Dei infiniti potentis, omnipotentisque naturae virtutem possibilitatemque proprio actu non exspoliata contemplerur, admiremurque, - - nouam item tellurem, huius in speciem lunae, Veneris, atque Iouis de opacitate obscuritate elementanorumque corporum sentina confurgat:*

*Convexum coeli implicitis orbesque meantes  
Ordinibus, nixum geminum super axe polorum  
Vna dies dabit exitio celeberrima mundum  
Quam melior species coelo pandetur ab alto.*

Nihil itaque noui hac mundi aeternitate asserit Brunus, nec naturam siue mundum cum Deo confundit, sed ob emanationis naturam participationem tantum aeternitatis ex fonte suo vniuerso emanatiuo, non vero partibus successiuis tribuit, quae atheismum quidem non inuoluunt, at satis tamen inepta sunt et pantheismo cuidam incrustando frigidam suffundunt. Ex his IV. transmigratio animarum, qualem Brunus tradidit, lucem, nisi fallimur, satis claram mutuatur. Μετεμψύχωσιν enim Brunum sensu scholae Pythagorae recepto statuisse, nobis negandum non esse videtur; nam recitata Pythagorae et Platoniorum de animae migratione sententia addit: *Haec illi, qui aeterna omnia quadam reuolutione exagitata intelligunt,*

H 2

praeter

p) Ibid. v. 31. seqq.

q) Ibid. p. 65.

*praeter unum, id est Deum.* Quibus verbis ipsum systema emanatium satis luculenter depingit, cui calculum eum adiecisse satis haecenus evidenter probauimus; illa enim reuolutio vt ex emanationis necessitate et motu periodico exsurgit, ita adeo placuit Bruno, vt singulari capite libri *de Minimo* demonstrare conetur, *omnia quodammodo circuire et circulum imitari.* Quae satis quidem ingenium eius paradoxum, entusiasmo infectum, et phantasticum produnt, nihil tamen ad atheismum euincendum faciunt, cum Deus fons potius sit omnis illius reuolutionis, tantum abest, vt hac μετεμψυχώσεως Dei naturam tollat. Interdum tamen, vt satis incertus fuit Brunus, μετενσωμάτωσιν magis Stoicam, quam μετεμψυχώσιν Pythagoream tradere videtur, nempe statuendo redire animas in animam mundi, et ex ea iterum in noua corpora ita dilabi, vt huic numero vel substantiae atomi adglomeratae adhaereant; iisque implicatus animus nouum hominem constituat. Reduci autem in concordiam secum Brunus potest, si eam Pythagoreae μετεμψυχώσεως explicationem illi tribuamus, quam suo loco <sup>r</sup> accurate exposuimus. Et hae quidem rationes ex philosophia Bruni desumptae sunt, quibus atheismum eius euincere, perperam, nisi fallimur, viri docti contendunt, systema Spinozisticum cum emanatiuo confundentes. V. Reliqua ad irrisam a Bruno religionem Christianam pertinent, et huc omnia loca spectare dicuntur, quae ex scriptis Bruni attulit doctissimus Crotaeus. Ast ea obscurum per aequae obscurum probare, et incertum esse, vtrum vel gentilem superstitionem, vel Christianorum quorundam corruptiones, an ipsam religionem Christianam tangant, fatebitur quilibet, qui ea accurate inspexerit. Prout enim quis de Bruni religione opinionem tenet, ita explicari ea vel sinistro, vel tolerabili sensu possunt. Fatemur tamen ea, quae de recentiorum hominum religione fraudibus plena, et anili superstitioni iuncta attulit, videri maxime verisimiliter in eas partes dicta esse, quas reliquerat, et imprimis mores artesque ecclesiae Romanae, quas pessimas dicebat, et Vatiniano persequeretur odio, persecutionis, vt videtur iniquitate exacerbatus, fugillare. Id nos ipse Scioppius docet, tradens bestiae triumphantis titulo papam eum traducere voluisse. Patiuntur quoque omnia ea loca, quae adduci solent, hunc sensum, vt ordinis clericorum sycophantias, imposturasque exagitasse dicatur. His vero opponit Cel. Crotaeus librum pestilentissimum *Bestiae triumphantis*, in qua omnem religionem, etiam Christianam, acerbissime vulnerasse visus est. Adeo vero rarus libellus iste est, vt ipsi viri docti, qui magno pretio redemptum <sup>r</sup> viderunt, de titulo, loco et anno impressionis valde inter se differant. Non enarrabimus famosae satyrae historiam, quae ad nostros limites non pertinet; dabunt, quantum satis harum lautitiarum cupidis viri doctissimi A V G V-

STVS

<sup>r</sup>) T. I. p. 1092.

<sup>s</sup>) 300. Florenis redemptus aliquoties est. Vid. Nou. lis. Lipf. 1726. p. 278. Cl. B V N E M A N N I

Cat. libror. rariss. p. 13. Tanti nugae miserandae veneunt. Rectius inter Bigotianos libros exiguu pretio venditus est, teste Ν Ι Ε Ε Ρ Ο Μ Ι Ο Ι. C.

STVS BAYERVS *f* et IOANNES VOGTIVS', quibus eruditas de libris rarioribus tractationes debemus, apud quos plures quoque nominantur, qui hunc libellum descripserunt. Nos id hoc loco monemus, nondum extra controuersiae aleam positum esse, quod ab ipso Bruno liber, teste P. BAYLE, ineptus et confusus, scriptus sit. Habet is hunc titulum: *Spaccio de la bestia trionfante, proposto da Giorre, effettuato dal confeglo, reuelato da Mercurio, recitato da Sophia, udita da Saulino, registrato dal Nolano. Divise in tre dialogi, subdiuise in tre parti. Consacrato al molto illustre et eccellente cavalliere, Sig. Philipppo Sidneo. Stampato in Parigi clo 16 LXXXIV.* Esse hunc impressionis locum annumque fictitium, non alia demonstratione opus est, quam, quae ex rationibus chronologicis historiae Bruni desumitur: hoc enim, quem prae se liber fert anno, nondum ad Gallos dilapsus erat Brunus, quae sine dubio causa est, cur viris doctis visum sit, non apud Gallos sed Britannos libellum equiti Anglo dictum prodiisse. Ast non minoribus difficultatibus laborare iter Anglicum Bruni, si ante annum clo 16 XCII, contigisse dicatur, supra exposuimus: quae causa esse videtur, cur P. BAYLE libellum anno clo 16 XCIV dicat prodiisse, nisi calami vel typorum vitio erratum sit. Nec si dicas, Italicam editionem Parisiorum nomen mentiri, verisimile est, tam libera satyra in omnem religionem, maxime vero in ecclesiam Romanam debacchari ausum fuisse hominem adhuc in Italia versantem. Ipse quoque Brunus in nullo, quod eius genuinum esse nouimus, scripto ad illum libellum prouocat, qui tamen frequenter et edita et affecta in partes vocare solet. Viderint itaque, qui curiosius arcana literaria scrutantur, an non libellus ipse ab homine aliquo nequam Bruno suppositus sit, cum percreebisset bestiae triumphantis titulo, (id quod ex Scioppii relatione nouimus) acerbissimam in pontificem Romanum et coetus eius sequaces satyram euulgasse, ut hoc titulo auidius cariusque emeretur liber, quo simili artificio Tolandum in vulganda libelli huius versione Anglica usum fuisse narrat venerabilis MOSHEMVS \*. De ipso vero libro, quem non legimus, pronuntiare nihil audemus; fatemur autem, suspectas nobis esse narrationes scriptorum, qui eius mentionem faciunt. Quamuis enim in eo omnes consentiant, superstitionem philosophiae contrariam, et religionis auctoritate abutentem valde exagitasse auctorem, alii tamen ad solam tractationem moralem eum referunt, alii satyram in pontificem exhibere pronuntiant, alii religionem omnem exhiberi, et Christianam quoque imposturae argui perhibent. Quae satis euincunt, aut non accurate inspexisse eos libellum, aut ita obscurum esse, ut vera auctoris mens coniecturis tantum queat definiri; nihil autem certi de vera eius sententia constare. Quod si libellus Brunum verum parentem agnoscat, suspicamur, hominem implacabili odio diris persecutionibus cleri Romani aduersus istos coetus accen-

H 3

sum,

*f*) Memor. libr. rar. c. 71. p. 219.

*r*) Car. libr. rar. p. 141.

*u*) In Vita Tolandi §. 32. p. 173. Suppositum

queque censet auctor dissertationis, qua Cl. Menetae de tribus impostoribus respondetur p. 4. l.



sum, acerba satyra eum depexum dare voluisse, ideoque magno conatu et liberrimo calamo in superstitionem Christianorum fuisse inuectum. Solitum enim fuisse id facere, vna oratio valedictoria apud Wittebergenses habita luculenter demonstrat. Cum autem systema sibi physicum et metaphysicum construxisset, quod a placitis Christianae doctrinae haud parum deuiat, et nonnulla dogmata inter fabulas refert, quae in ciuitate sacra inter summas leges referuntur, quale est de praemiis atque poenis post hanc vitam, omnino verisimile est, hominem audacem animique impotentis talia quoque inter superstitiones monachales retulisse, et sic in ipsam quoque religionem peccauisse. Certe paradoxa, et a placitis Christianis multis nominibus discedentia somnia Brunum fouisse, quale est praeadamitarum fabula, negare non audemus, et ipsum eius systema philosophicum attentis suadet. Quae ab improbitate Brunum liberari non posse satis quidem certo sunt testimonio, at atheismum tamen non euiuncunt, forte mitiorem quoque et benigniorem interpretationem admittunt, de quo illi statuent, quibus ipsius libelli legendi copia occurrit: multo minus ad excusandam Romanae inquisitionis saeuitiam sufficiunt. Et haec quidem de Iordano Bruno Nolano.

\*\*\*\*\*

## CAPVT TERTIVM, DE HIERONYMO CARDANO.

### §. I.

*Historiae H.  
Cardani scri-  
ptores.*

**E**odem inter reformatores philosophiae caractere, quo Brunus, innotuit HIERONYMVS CARDANVS, in philosophiae pariter atque artis medicae historia celeberrimus, qui, dubium est, vtrum virtutibus illustrior fuerit, quam vitiis. Amplissimum is ipse de vita sua commentarium scripsit, quem, vt erat Proteo mutabilior, aliquoties refinxit. Teste enim Cl. REIMMANNO <sup>a</sup> sciagraphia libelli *de Libris propriis* adiecta est eius libris *de Consolatione*, editamque esse anno clō lō xxxvii, alibi idem vir doctus innuit <sup>b</sup>. Quo auctore quoque nouimus Basileae anno clō lō xlii, vna cum aliis quibusdam eius lucubrationibus prodiiisse. Et NAVDAEVS <sup>c</sup> Norimbergensem editionem anni clō lō xlii, atque Venetam anni clō lō lvii nominat. Vltimam tamen manum imposuit huic narrationi Cardanus, post editionem anni clō lō lxii, quo libellum istum cum libris *IV Somniorum Synefiorum* aliisque apud Basileenses vulgavit anno clō lō lxxv, vt ipse refert <sup>d</sup>. Qui liber cum rarius compareret, laudanda est illustris doctrinae viri, GABRIELIS NAV-

DAEI

a) Hist. Atheismi sect. III. c. 4. §. 11. p. 366.

b) In Cat. Bibl. Reimmann, P. II. p. 407.

c) In Iud. de Cardano.

d) c. 4. p. 9.

**D**ATI industria, qui eum apud Parisienses <sup>e</sup> recudi fecit, addito iudicio de Cardano pulcherrime et accurate scripto, quod Cardani postea operibus praefixere editores Lugdunenses, et nonnulli perperam pro biographia Cardani habent; cum characterem tantummodo, ingenii, morum, doctrinae Cardani contineat. Quamvis autem adeo veritati litauerit in describenda vitae suae historia philosophus famosissimus, ut quae parum ipsi decora sunt et existimationem nominis eius laedunt, minime reticuerit, quin eas ἀνομαλίας descripserit, quas si tacuisset, hodie ignorarentur, unde, quam fidem hic praestet scriptor de se ipso intelligitur <sup>f</sup>: dolendum tamen, maluisse Cardanum, per diuersa argumenti capita historiam suam distribuere, quam recto filo et integra serie eam delineare. Ita enim factum, ut quaedam in ea desint, quae non omisisset, si iustum historiae ordinem fuisset secutus. Desideramus ergo hodie adhuc viri καὶ ταῖς ἐν-Φημίαις καὶ δυσΦημίαις celeberrimi biographiam accuratam suisque numeris absolutam. Quamvis enim haud pauca collegerint ad historiam Cardani pertinentia P. BAYLE <sup>g</sup>, TOMASINVS <sup>h</sup>, GHILINVS <sup>i</sup>, COR- TIVS <sup>k</sup>, TELLERVS <sup>l</sup>, CHRISTIVS <sup>m</sup>, TEISSIERVS <sup>n</sup>, quos secuti sunt recentiores <sup>o</sup>, qui literariam historiam in vulgus notissimis libris sunt complexi; integra tamen de Cardano tractatione hodie caremus. Nos instituti memores, eiusque legibus circumscripti, ad ea potissimum respicimus, quae virum et vita, et doctrina et moribus παράδοξον, et suos manes frequenter passum, propius noscendum offerunt, produntque, quid in nouanda philosophia praestiterit, quam philosophi imaginem expresse- rit, quo pacto vel adiuuerit philosophiam vel corruperit, quaeque alia sunt, ad nostros limites pertinentia.

§. II. Habuit Cardanus patriam Mediolanum, natus autem est Pa- Cardani na-  
piae. Annum natiuitatis ipse in libro *de Vita propria* definit <sup>p</sup> cło 10 VIII riuitas, paren-  
Cal. Octobr. hora noctis prima non exacta, sed paulo magis dimidia, et ta- tes, pueritia.  
men besse minore. Ast obscurum esse, vtrum numerus VIII. ad annum, vel ad mensis diem pertineat, iam vidit P. BAYLE <sup>g</sup>, obseruatumque H. BAILLETO <sup>r</sup>, incertissimos esse scriptores de die annoque natali et emor- tuali Cardani. Recte autem coniecit acutissimus Baylius, vtrumque nu- merum, tum qui cło 10 VIII ponit, tum qui annum cło 10 signat, valde suspectum esse; narrare enim Cardanum <sup>s</sup>: in capite octauī anni laborasse se dysenteria cum febre ex morbo epidemio et pestilenti, et conualuisse, dum

e) 1743. 8. recusum libellum dedere Amstelodamenses. 1654. 12. qua editione vrimur.

f) Multa de vita sua quoque tetigit Cardanus in explicatione geniturae suae ad calcem Comm. in Ptolemaeum de astrorum iudiciis, qui locus cum ista biographia comparari meretur.

g) Dict. T. I. Art. Cardan.

h) Elog. p. 55.

i) Theatr. P. I. p. 115.

k) Notit. Dei medici scriptori Milanesi p. 74.

l) Monum. ined. trim. XI. art. 1. ex schedis Iac. Thomasi.

m) Noct. Acad. Spec. I. Obf. 3.

n) Elog. T. III. p. 109.

o) Vitam Cardani descripsit quoque SAVI-  
NVS Hist. Acad. reg. inscript. T. XIII. art. 2.

p) c. 2. p. 5.

q) l. c. not. A.

r) Deshayes personnelles T. I. p. 46.

s) c. 4. p. 10.

dum Galli deuictis in Abduae confiniis Venetis, celebrarent triumphum, quem a fenestra spectare licuerit. Ast accidisse istam pugnam anno cło cło IX, prid. Id. Mai. ex quo sequatur, Cardanum circa aequinoctia autumnalia anni cło cło VIII dysenteria correptum septennem tunc puerum fuisse, adeoque eius natiuitatem in annum cło cło I, VIII Cal. Octobr. reponendam esse. Quam coniecturam confirmat totum caput quartum, ex quo paulo curatius attendenti palam erit, ita numerare Cardanum vitae suae annos, vt cum annis seculi XVI tum decurrentis coincident, et natiuitatis tempus in primum seculi XVI annum cadat. Omnem autem dubitationem eximit genitura Cardani, qualem ipse in calce *Commentarii in Cl. PTOLEMAEI libros de astrorum iudiciis* <sup>ff</sup> exhibuit. Ex ea enim patet, Cardanum V. Cal. Ian. anno cło cło conceptum, anno cło cło I, VIII. Cal. Oct. hora VI. min. XL. a meridie natum fuisse; adeoque acu rem tetigisse P. Baylium, nec causam amplius esse, cur de natali Cardani in partes scriptores abeant, qui forte non dissensissent, nisi laudati libri raritas tanta esset, vt paucissimis eam inspicere et verum tempus natale Cardani ex eo discere licuisset. Genere editus est antiqua stirpis nobilitate illustri, quod in ipso tractationis limine <sup>r</sup> enarratis familiae suae heroibus exponit, quod tamen sua aetate ita ad incitas redactum fuisse retulit Naudaeus <sup>u</sup>, vt vix ex plebe Cardanus vnus adhuc Mediolani tum vixerit. Patrem habuit Facium Cardanum, Iurisconsultum, sed et medicinae peritia ac literis mathematicis atque philosophicis clarum <sup>\*</sup>, cuius genesin filius exposuit <sup>v</sup>, et potiores vitae eius circumstantias delineauit, quaedam etiam de eo inter medicos Mediolanenses attulit BARTHOL. CORTIVS <sup>z</sup>, qui videndus. Ab hoc parente male se acceptum esse non dissimulat, et frustra tentatis abortiuis medicamentis editum se a matre fatetur; quam a patre discedentem eum peperisse haud obscure ipse innuit <sup>a</sup>. Id quod occasionem suppeditauit MOTTAE VAYERIO <sup>b</sup>, NAVDAEO, TEISSIERIO, BAYLIO <sup>c</sup>, suspicandi, ex thoro illegitimo eum prodiisse. Quam tamen suspicionem satis leuem esse, ex eo intelligitur, quod ipse Cardanus vtriusque parentis maiores, et legitimam stirpem enarret: immo Claram Micheriam, nostri matrem a patre viduo in senectute ductam esse in vxorem ipse CARDANVS alio loco <sup>d</sup> disertè testetur. Non tam natus, quam a matre, tribus perpetuis diebus in partu conflictata extractus tanquam mortuus, cum capillis nigris et crispis, recreatus balneo vini calidi superstes euasit tandem <sup>e</sup>. Id quod indicium aerumnarum sibi fuisse tradit <sup>f</sup>. Primo mense nutricem ipsa die, qua aegrotauit, ex peste amisit, ipsique carbunculi quinque in facie, crucis in effigiem, superuenerunt, vt vnus foret in nasi apice, quibus postea

ff) p. 59.

r) c. 1. p. 3.

u) Naudaeana p. 16, 17.

x) De Vita propr. c. 3. p. 7. 8.

y) l. c. p. 62.

z) l. c. l. II. p. 53.

a) Locis citatis.

b) Ep. 63 T. XI. Opp. p. 63.

c) Locis citatis.

d) De Genef. p. 65.

e) De Vit. propr. c. 4. p. 9.

f) De Genef. p. 56.

postea locis tubercula renouata sunt. Tertio demum anno ablactatus, quarto Mediolanum delatus a patre et matre sine causa verberatus, toties aegrotauit ad mortis periculum<sup>g</sup>. Anno aetatis octauo dysenteria cum febris epidemica laborans, non prius in spem salutis rediit, quam cum prorsus ut mortuum utrique parentes defleuissent<sup>h</sup>: patre a B. Hieronymo auxilium pro filio deprecante et impetrante, licet is se daemonem quoque familiarem habere palam profiteretur: quem mire eiusmodi fabulis superstitionem olentibus gauisum fuisse filius alio loco<sup>i</sup> luculento exemplo docet. Nondum restitutus plane ex morbo cecidit e scala cum malleo, graui vulnere frontem laesit, et simili ratione multoties, si ipsum audis, vitae et sanitatis pericula adiit, quae tamen apud ipsum, prolixè ea enarrantem<sup>k</sup> legenda sunt, ex quibus intelligitur, ut animo et temperamento, ita fato singularem prorsus Cardanum fuisse. Propius ad rem nostram spectat eius educatio; ipse enim queritur<sup>l</sup>, patrem se ut seruum duxisse miram pertinacia, immo saeuitia; quod diuino quidem consilio potius factum esse, quam patris culpa, tum maxime, quod mater et matertera consenserint, iudicat<sup>m</sup>, reapse tamen si non omnis, haud leuis tamen, causa vitae Cardani tantis prudentiae et stultitiae vicibus actae fuisse videtur. Erat autem pater Cardani et legum et artium satis peritus, et mathematicarum disciplinarum, etiam earum, quae secretiores habentur, probe gnarus<sup>n</sup>. Ipse igitur filium anno circiter nono arithmeticae rudimenta, et quasi tunc arcana familiariter eum docuit: paulo post etiam Arabicae astrologiae praecepta tradidit, et memoriam in eum artificialem instillare conatus est, ad quam tamen memoriam se minime aptum fuisse fatetur<sup>o</sup>. Ad maiora progressus pater post duodecimum annum docuit eum sex Euclidis libros, cum eorum valde studiosus esset; iuris quoque legumque scientiam ei valde commendauit: quia autem in eo instituto a prima iuuentute manserat, ut vitae consulere, credebaturque, studia medicinae magis huic proposito conducere, quam legum, et ut propiora fini, et ut orbi communia toti, et omnibus seculis; tamen ut candidiora ac quae rationi, aeternae naturae legi non hominum opinionibus inniterentur, ideo haec ipsa cum philosophia amplexatus est, non iurisprudentiam<sup>p</sup>. Quod ita male habuisse parentem ait, ut, cum deferri studia a se iurisprudentiae, ut philosophiam sequeretur, animaduerneret, fleuerit eo praesente, indolueritque, non iisdem eum studiis incumbere, quod nobiliorum disciplinam arbitraretur, quae esset ad opes et potentiam aptior, et ad familiam euehendam faceret. At ille voto firmo proposito, tum rationibus

g) De Vit. prop. p. 10.

h) Ibid.

i) De Subtilit. L. XIX. p. m. 687. ubi ex patris schedis narrat, daemones quosdam Auerrois patronos cum parente fuisse congressos.

k) C. 30. p. 78. seqq.

l) C. 4. p. 11.

m) De Genitur. p. 69.

n) Conf. Corte notizie storiche intorno a medici Scrittori Milanesi L. II. p. 53.

o) C. 3. p. 8.

p) Ita ipse c. 10. p. 34.

onibus adductis, tum quod parum illum etiam absque impedimento profecisse videret, immotus ad illius adhortationes mansit. Abiit itaque exacto XIX anno in Ticinensem academiam, XXI peracto rursum Papiam se contulit <sup>q</sup>. Ibi audiuit in philosophia Brandam Porrium, et Franciscum Faegium Nouariensem, in medicina vero Matthaeum Curtium <sup>r</sup>, sub quo publice disputauit, et professus tum est Euclidem in gymnasio, dialecticam paucis diebus, tum et primam philosophiam, primum pro fratre Romulo Seruita, post pluribus pro quodam medico Pandulfo <sup>s</sup>. Bellorum tumultibus autem coactus domum remigrare, moram longam haud fecit, sed post initium anni XXIV Patauium se contulit, vbi Curtium se et Memoriam in medica arte audiuisse ait. Ibi lauream quoque in artibus accepit laetante parente, qui paulo post fatis concessit. Sub huius anni finem factus est rector eius academiae, in fine sequentis medicinae doctor. Peracto magistratu academico, cum patriae fata pertimesceret, hortatu amici in Saccense oppidum se contulit, et eo loco patriae calamitates, annonae caritatem, pestem, bellicos tumultus euitauit. Quibus remittentibus anno c<sup>l</sup>o l<sup>o</sup> x x i x rediit Mediolanum, at reiectus a collegio et matre etiam morosa, rediit in oppidulum, sed graui pectoris morbo oppressus, quo tamen se voto ad B. Virginem solutum esse ait <sup>t</sup>. Frequenter enim ad religionis auxilia solebat recurrere in angustiis, adeo, vt scribat <sup>u</sup>, *se non solum diuinæ maiestatis memorem fuisse, sed et B. Virginis Mariae beatique Martini, somnio monitum, vt sub eius patrocinio aliquando quietiorem vitam et perennem duceret.* Itaque irata numina habuisse Cardanus censendus est, quod somnii vaticinio delusus ad vitae finem, quiete frui non potuerit. Anno eius seculi trigesimo primo duxit uxorem Luciam Bandarinam ex oppido Saccensi <sup>v</sup>, quae, teste TOMASINO <sup>w</sup> plus ingenio et perspicacia valuit quam opibus; quam satis imprudenter duxisse ipse refert <sup>x</sup>, nec negat, annis XV, quibus secum vixerit, omnium malorum, quae sibi in tota vita acciderint, causam fuisse. Cum enim duorum filiorum, et vnus filiae parentem cum fecisset, ilias malorum ex hac prole illi enata est. Formati enim a patre magnam sapientiae et stultitiae mixturam patiente, non potuere ita adolescere, vt solatia inde illis, a quibus sati erant, exurgerent. Inde innumerae Cardano calamitates enatae, quas ipse copiose enarrat <sup>y</sup>, fassus candide, maximum se errorem in filiorum educatione admisisse, quem satis acerbe luere coactus est. Filius enim natu maior ob propinatum vxori puerperae venenum securi in carcere percussus est, minor natu omni flagitiorum genere

pa-

q) C. 4. p. 11.

r) Docuit Curtius medicinam non Papiae modo, sed et Bononiae, Florentiae, Pisis, Patauii. Gratiolus apud Clementem VII. P. M. obiit 1544. Scripta eius enarrat MERCKLIN. Linden, renov. pag. 793.

s) pag. 12.

t) C. 4. p. 13.

u) C. 22. p. 61. seq.

x) pag. 14.

y) Elog. T. I. p. 55. Ipse de Genit. p. 113. ingeniosam et mediocriter pulchram, animosam, per uicacem, indomitam describit.

z) De Vir. propr. c. 26. p. 68. seq.

a) pag. 70.



patrem exorciauit, nec carceris metu ab eo coërceri potuit. Vnde damnum suum deflere non debuerat <sup>a</sup>, quod ab anno XXI adXXXI oblaesus in genitalibus non potuerit concumbere cum mulieribus, quamuis fateatur <sup>c</sup>, *cogitationem assiduam Venereorum perpetuo ipsum torfisse, et quod facto implere non licuit, aut fecisse potentem puduit, cogitatione assidua mentitum esse voluptatem.* Quam libidinofam cogitationem causam habuisse Venerem Saturno et Mercurio complicatam, et Martem utrique luminari ingeniose nugatur. Cum autem Sacca Gallareatum aeger se contulisset, adeo paupertate pressus est, ut *se defuisse* dicat <sup>d</sup>, *pauperem esse, quia nihil ipsi relictum fuerit.* Paulo tamen laetior fortuna arridere coepit, cum XXXIV annis iam perfectis Mediolani mathematicas artes profitendi occasionem nactus esset; et oblata quoque fuit bienio post conditio docendae Papiæ medicinae, ast non accepit, quia spes non erat, unde sumeret stipendium. In id itaque connisus est, ut in collegium medicorum Mediolanensium reciperetur. Quo diu quidem exclusus, anno vero clō lō xxxix receptus praeter omnium spem amicorum potentium auxilio, post anno clō lō xliii medicinam Mediolani publice professus est. Sequentiautem cum domus eius ruiisset <sup>e</sup>, Papiæ medicinam docuit, anno tamen sequente in patriam rediit, quod stipendium non numeraretur. Quamuis autem inopia eum liberare conarentur amici, et Moronus cardinalis conditiones haud aspernendas anno clō lō xlvi ei offerret <sup>f</sup>, difficilis tamen et superciliosus, et suae fortunae minime obsequens eas aspernatus est <sup>g</sup>. Similiter anno sequenti per Andream Vesaliū, quo amico utebatur, oblata ei est conditio lō ccc coronatorum in singulos annos a rege Daniae, cum victus impensa soluenda: verum et hac fortuna uti nesciuit, cum et regionis intemperies et aliena eum sacra deterrent. Et hoc quidem pacto stulti Cardani mores eius saepe fortunam impediuerunt, quam egregie formare potuisset, si scenae inferuire suisque fatis uti sciuisset. Nam prolixam narrationem instituit <sup>h</sup> honorum, munerum et commodorum ipsi delatorum, quae tamen omnia contempsit, licet cum paupertate, inuidia, persecutione, et mille calamitatibus in Italia conflictaretur, animo meticulofo, diffidente sibi et suspicaci impedimenta illi inexpectata obliiciente. Quae quidem omnia in explicatione genesis suae siderum influxui tribuit, morum autem hominum intelligentes facile comprehendent, eum suae fortunae fabrum fuisse. Anno clō lō li ab Eduardo rege vocatus in Scotiam regis sumtibus abiit, medendique felicitate illustris tanta auri summa, ut in ea aula maneret, inuitatus est, ut se verecundari dicat <sup>i</sup> summam explicare, et in paucis annis fuisset ditissimus. Ast nec regio placebat <sup>k</sup>, nec, quod non

I 2

liceret

b) C. 2. p. 6.  
c) De Genit. p. 87.  
d) C. 4. p. 14.  
e) pag. 15.  
f) C. 32. p. 99.

g) pag. 15.

h) C. 32. p. 95. seq. coll. cum tr. de Genituris pag. 91.  
i) De Vita propr. c. 32. p. 99.  
k) p. 16. 99. conf. B A Y L E Dict. art. Cardan. not. E. T. II. p. 52.

liceret pecunias per trapezitas ac cursores in Angliam, quanto minus Galliam aut Italiam traducere. Igitur exactis mensibus decem domum rediit, et vocationes haud contemnendas atque opimas moribus suis ductus recusauit. Tandem anno clō lō LXXII a Bononiensi senatu vocatus eam academiam adiit. Anno clō lō LXX incertum qua culpa, carceri inclusus est, in quo tamen praeter libertatem amissam omnia fuere ciuilitate administrata, tandem domum dimissus, ita tamen, ut ea carcer ipsi esset. Qua custodia dies centum sexaginta et tres detentus est. Ex quo vanitatem Cardani, et iactabundi, et arti genethliacae securius fidentis intelligere licet, ita de se scribentis <sup>1</sup>: *Toties per calumniam accusatus, nunquam tamen exilii aut carceris poena intentata est, cum tamen pene crucifigendum conciuēs mei, quibus nihil veritate ipsa grauius est ac voce libera, clamarent.* Eodem anno Romam, incertum spontaneo exilio, an indicto, abiit, et priuatus degit. Collegium Romanum tamen eum recepit, et summus pontifex pensionem exhibuit. „Quo tempore, se vidisse „Cardanum, narrat THUANVS <sup>2</sup>, paucis ante obitum annis et adlocutum esse diuerso ab aliis cultu incedentem, ac saepius admiratum esse, „cum celeberrimi tot scriptis hominis recordatio subiret, neque tamen „quidquam in eo, quod tantae famae responderet, animaduertit. „Tandem deliro similior, quam philosopho, expirante anno clō lō LXXVI obiit. Et eum quidem, cum tribus diebus minus septuagesimum quintum annum impleuisset, eodem quo praedixerat, anno et die, videlicet XI Cal. Oct. clō lō LXXVI defecisse, ob id, ne falleret, mortem suam inedia accelerasse creditum, tradit THUANVS <sup>3</sup>: vnde in eo, quo utebatur P. BAYLE <sup>4</sup>, exemplari historiae Thuanī, typothetae errorem fuisse oportet, annum emortualem Cardani clō lō LXXV ponentem, quem ideo critico obelo confixit Baylius. Quamuis autem in anno non errauerit Thuanus, in die tamen errasse censendus est. Ipse enim Cardanus in vitae suae enarratione <sup>5</sup> scribit, *testamenta plura se condidisse ad hanc usque diem, quae sit Calendarum mensis Octobris ultima.* Quod vero de morte eius, praedictionem astrologiae iudiciariae explente assertit Thuanus, solo rumore incerto disseminatum fuisse videtur, cum vaticinia Cardani ex astris multorum vocibus velut certissimae depraedicaretur. Ipse enim in *Explicatione geniturae* suae <sup>6</sup>, ubi de morte agit, non ausus est, vitae finem decernere, licet de plerisque satis confidenter statuisse, sed ut artis incertissimae famae succurreret, mortem futuram esse dixit iuxta qualitates locorum et ideo varietatem temporum, et vel anno LVI fore ex moerore, vel LXVIII ex acuta febris laterali morbo. Immo ait, se non credere, quod superaturus sit ad annum LXXIII, hunc autem tunc ostendere mortem mistam ex febre, paralyfi, catarrho, haemorrhoi-

1) De Genitur. p. 57. Ex hoc vero loco patet, oris intemperie sibi malum suo iumento accersiuisset Cardanum.

2) Hist. sui temp. L. XLII. ad annum 1576.

n) l. c. o) l. c. not. F. TRISSIER. Elog. T. III. p. 97. 98. Ex his emendanda, quae diximus in Germ. Hist. Philos. Op. T. VII. p. 92.

p) c. 36. p. 112.

q) p. 134.

morrhoidalibus.<sup>r)</sup> Ex quibus patet, non falsum tantum suo vaticinio fuisse Cardanum, sed ne istum quidem annum, quo rebus mortalium ereptus est, praedixisse. Vnde fabula quoque putanda est, quod adiicitur, inedia mortem accelerasse, ne fidem artis prodere videretur. Ceterum, vtrum verum sit, quod in *Naudaeanis* traditur<sup>u)</sup>, Romam delatum spe galeri cardinalitii potiundi veneno sublatum esse, deficientibus certioribus testimoniis definiri non potest, licet prius de Cardano, tumente et delirante queat quis suspicari.

§. III. Facile ex hac breui vitae Cardani historia character animi eius plane singularis et *παράδοξος* intelligi potest, quem magna mixtura sapientiae et stultiae tum ingenii exorbitantis, tum voluntatis miro affectuum aestu agitatae et in praeceps actae illustrem fuisse, censendum est. Quam inaequalitatem animi eius recte notauit THUANVS<sup>r)</sup>, et reprehendit FRANC. SANCHEZ<sup>u)</sup>, *in tanta doctrina, irrationalem haud raro, et deliro potius, quam sapienti similem fuisse*. Et ipse quidem, vt satis aperte de se solebat differere, illustria vitia inter praeclaras virtutes non reticuit. Vnde suam genituram explicans<sup>u)</sup>, quas animi qualitates accepisset, praemissa ambitiosa veritatis affectatione, se ex siderum dispositione, ait, „esse ad manuum opificia aptum, animo philosophico et „scientiis accommodato, ingeniosum, elegantem, bene moratum, voluptuarium, laetum, pium, fidum, sapientiae amatorem, meditandum, varia machinantem, mente praestanti, ad discendum pronum, ad „officia promptum praestanda, aemulatorem optimorum, inuentorem rerum nouarum, et absque magistri opera proficientem, moribus moderatis, curiosum rerum medicarum, studiosum miraculorum, architectum, captiosum, dolosum, amarulentum, arcanorum gnarum, sobrium, industrium, laboriosum, diligentem, solertem, in diem viuentem, nugacem, religionis contemptorem, iniuriae illatae memorem, inuidum, tristem, insidiatorem, proditorem, magum, incantatorem, „frequentibus calamitatibus obnoxium, suorum osorem, turpi libidini „deditum, solitarium, inamoenum, austerum, sponte etiam diuinantem, „zelotypum, lasciuum, obscenum, maledicum, obsequiosum, senum „conuersatione se delectantem, varium, ancipitem, impurum, dolis mulierum obnoxium, calumniatorem, et omnino incognitum, PROPTER „NATVRAE ET MORVM REPVGNANTIAM, etiam his, „cum quibus assidue versetur.“ Quae licet de dispositione astrorum tantum intelligenda esse videantur, tantum tamen abest, vt disciplinae bonitate ea emendata esse crediderit Cardanus, vt potius luculenta in tractatu de vita propria testimonia descripserit, ex quibus indubitato constat, eundem reuera illum fuisse, qualem sidera praedixisse, ex intima sui conscientia, ad quam prouocat, delineat. Et magnum quidem sui admiratorem

I 3

torem

r) Conf. TESSIER l. c. p. 104.  
s) loc. cit.

r) De Arte nihil sciendi p. 193.  
u) In Genitur. XII. p. 84.

torem fuisse, insanaque opinione de se suaque praestantia et dotium excellentissimarum usu occupatum, totus ille commentarius loquitur, in quo \* tanto veritatis studio se flagrasse ait, ut mendacium se dixisse, haud recordetur, gratum quoque fuisse, et iustitiae amantem, contemptorem honorum et diuitiarum, animo magnum et in aduersis patientem, in secundis moderatum, et maximis difficultatibus ferendis tollendisque parem, moribus inuariabilem et constantem, studiis deditissimum et peruicacem, amicitia fidelem, tacendi peritum et gratum fouisse, et naturae vitia arte et disciplina emendauisse. Ast proprio, quod de se nobis obtrudit, testimonio *fidendum* secure non esse, recte viris doctis obseruatum est; falsum enim esse, monent, quod frequenter iactat, nunquam se mentitum esse, et securum de mendacii suspicione, ut qui in veritatis studio consenuerit. Fateturque GABRIEL NAVDAEVS <sup>2</sup>, cetera virtutum Cardani admirator, se mendacissimum illum fuisse deprehendisse, et ab hoc vitio reliqua demum velut e fonte promanasse, quae a nonnullis deliramenta vocantur, non leuibus de causis se existimare. Quod ne a se dictum inconsulto fuisse, quis sibi persuadeat, signatis id tabulis confirmat, et manifestas contradictiones, quarum una necessario mendacio efficta esse debet, Cardano in hac vitae suae historia reliquisque eius scriptis excidisse luculenter demonstrat. Auaritiae autem et habendi cupiditati sine modo litauisse si non alibi constaret una, quam HILARIUS PIRCKAYMERVS exhibet <sup>3</sup>, narratio satis superque confirmat. „Is enim cum „Cardanum salutandi gratia adiret, interrogatum se esse, tradit, ab eo: „num pecuniam afferret? cumque ille, se praeter necessarios ad iter numeros quicquam attulisse, negaret, respondisse Cardanum: se non curare transalpinos, nisi numos adferrent. Et ex eo tempore se, ait, non „Cardanum amplius, sed *Καρδαίων* eum vocauisse.“ Neque in ea temperamenti, morum, fortunaeque varietate id valde mirandum est: cum et ipse Cardanus ludis rem omnem haud semel perderet, et inopia vltima valde premeretur, et temperamenti melancholici inclinatione ad *αίχρον κέρδιον* ferretur. Quamuis autem ab ambitiosis se moribus alienum esse clamet, falsum tamen id esse, et insigni mendacio affirmatum, ipse incautus prodidit. Integro enim capite <sup>4</sup>, cogitationem de nomine perpetuando explicat, ita quidem, ut delirus potius videatur, cum et ipse fateatur, *cupiditatem suam gloriae inter tot et aduersa, et impedimenta, stolidam, non tantum stultam, fuisse; non tamen unquam concupiuisse gloriam et honores, imo spreuisse* <sup>5</sup>. Et tota quoque quam de genitura sua scripsit, tractatio id euincit, in qua inter alia *multum interesse veritatis*, ait <sup>6</sup>, *si se laudauerit, cum non tam turpe sit, seipsum laudare, quam*

x) Vid. c. 14. p. 46. c. 22. p. 61.

z) In Iudicio de Cardano.

a) De Ratione peregrinandi, МѢРОС. По- lyhist. T. I. L. I. c. 15. §. 40. p. 163.

b) c. 9. p. 28.

c) Nempe cum ambitione hominis certabat

timor, suspicio, et meticulosa diffidentia, quae honores oblatos et desideratos eum accipere impediebant.

d) p. 83. conf. IAC. THOMAS de Plagio §. 376. 377.

*quam iucundum, quod iuste id facere possit.* Contendit quoque mores suos tales esse, ut nec laudare citra iactantiam, nec vituperare citra amenitatem posse videatur. Quod annon ineptum gloriae captatorem prodat, lectori expendendum relinquimus. Illud recte THOMASINO observatum; *laudis ac gloriae maxime appetentem fuisse, ac immodica sciendi cupiditate ideo flagrasse, ut ad immortalitatis apicem perveniret, ac ob eam rem studiorum labores omnes et molestias alacrem exantlasset.* Quamquam autem pertinaciter negare nolumus, non vitiis modo, sed virtutum quoque specie Cardanum illustrem fuisse: virtutis tamen verae indolem considerantibus, manifestum est, mixturam quandam temperamenti, et circumstantiarum moralium, larvam tantummodo virtutum exhibuisse, cum sine voluntatis emendatione a stultitiae morbo et affectuum imperio, quibus laborabat Cardani animus, virtus vera esse nequeat. Vnde qualis mixtura dementiae, quam magnis ingeniis semper fere adesse dixit Seneca, Cardanum exagitauisse, dici possit, et quid de eius virtutibus iudicandum sit, intelligitur. Illud recte observatum NAVDABEO: *Cardanum ex intemperie quadam animi nusquam aequalis et compositi absurda multa fecisse, et minime sibi in omnibus consentanea locutum fuisse: esse enim melancholicos plerosque superbos, nimiumque sibi blandientes, et elatos, ventosaeque habere ingenia, et magnarum rerum, ut nominis, honoris, auctoritatis desiderio flagrantia; esse praeterea suspicaces, morosos, invidiosos, malevolos, simultatum tenaces, immites ἀσέβους, et velut in extremo confinio naturae humanae positos, ut coelestem vel belluinam aut mixtam interdum ex utraque, levissimo impulsu suscipiant.* Talem enim reuera Cardanum fuisse, ipse, ut in ebuccinandis vitiis suis laudem gloriamque quaerebat, non inficias iuit. Ait enim \*, „se natura sua esse „iracundum, simplicem, Veneri deditum, et ex his tanquam principiis „profluxisse saevitiam, pertinaciam contentiosam, asperitatem, imprudentiam, iracundiam, ultionis desiderium, etiam ultra vires. Esse se „frigidi cordis timidum, et cerebri calidi, assuevisse vultum in contrarium „semper efformare, ideo simulare se posse: parum esse pium et lingua incontinentem, maxime iratum, ut pudeat et taedeat sui, vitam se Sardana- „paleam anno, quo praefuit gymnasio Patauino egisse. Praecipue inter vitia „sua singulare et magnum se agnoscere et tamen sequi fatetur, ut libentius „nil dicat, quam quod audientibus non displiceat, atque in hoc sciens ac volens perseveret, licet non ignoret, quantum inimicorum vel hoc solum „conciliet. Esse se incontinentem in vita, cum nosceret optime, quae sequi „expediret, et oporteret, in deliberando porro celerem nimis, et pene praecipitis ob hoc consilii, et in quovis negotio impatientem morae. Deditum „quoque fuisse immodice ab ipsa adolescentia ludo latrunculorum, quo, quantum familiaris rei iacturam passus sit, compendio nullo non esse facile dictum. Sed aleam etiam longe deterius cessisse, filiis ad aleam instructis, et domo „aleato-

\*) c. 13. p. 40.



„aleatoribus saepe patefacta.“ Quae omnia ita tantum excusat Cardanus, vt omnes homines manes suos pati dicat, et ignorantiam conditionis esse asserat, nolle scire, quae scimus, et rem vi velle comprimere. Quod socios quidem illi stultitiae haud paucos esse probat, a vitiorum sentina vero non absoluit. Neque haec vitia soli naturae malignitati et siderum influentiae, quod caussatur, tribuenda sunt, sed caussa haud levis haesit in habitu animi acquisito, et praua voluntatis dispositione crebrioribus actibus in alteram naturam transeunte. Quanquam enim accepisse indolem a natura *ἀνομαλόν* videri poterat, eam tamen tantum abest, vt sapientiae praeceptis emendauerit, vt potius insolenti morum pertinacia confirmauerit. Cuius testimonium esse potest, quod tot damna expertus, ludorum amorem non deposuerit, adeo vt omnes pene facultates decoxerit, et ad caedem vsque eapropter progressus sit, quod iracundiae locum tam amplum fecerit, vt a vulneribus et plagis haud abesset, et quae his sunt similia. Parum quoque a voluntario stultitiae charactere eum absoluit, quod ad conuersationem, praesertim senex, parum idoneus fuerit, solitudinis cum daemone suo, quem sibi fingeat, amantior, et nullius fere, vt ipse testatur, amicus, eo quod omnes vermibus, pediculis, foetore, anima insidiosa et improba gaudere iniquissima suspicione crederet, et nihil ex hominum conuersatione speraret, vt alias leues et ficulneas quas affert <sup>f</sup>, rationes taceamus. Talis cum animus esset, incessus, qui animum prodere solet, non nisi singularis et dementis similis esse potuit. Eum enim inaequalem esse, tacitisque cogitationibus varia ratione commotum, et mox properantem, mox lentum, prout impetus animi et cogitatio perpetua dominabatur, ipse fassus est <sup>g</sup>. Nec in vestitu sapientis constantiam praebuit. Quem cum saepe mutaret, mox splendida veste comparuit, mox vilissima et detrita <sup>h</sup>. Et hanc quidem haud raro rationum oeconomicarum negligentia genuit, cum multoties cum inopia et paupertate colluctaretur. Nam et parentum opibus casu detritis, et dignitate vana ornatus, et multa in detrimentum rei ab aemulis passus, et familia multa exhaustus, et a collegio medicorum diu reiectus, ipse quandoque prodigus et inconsideratus: corpore infirmus, furtis dilapidatus profusus in emendis libris, loco domicilii saepe cum damno mutato, alea aduersa oppignoratis ornamentis vxoris et suppellectile, mirum, ipse fatetur <sup>i</sup>, esse, quod non carens mendicare coepo- rit. Addi his potest, quod porro tradit <sup>k</sup>, ab obitu patris ad annum vs- que XLVI perpetuo ferme litigauisse, et quae alia sunt, quae indolem vitamque *ἀνομαλόν* et a recta via prorsus deflectentem produnt, quae facilius est excusatione pingere, quam ad virtutis praecepta exigere. Ast mirari desinamus, virum, cui insolitus eruditionis vigor, praetereaue, certo tempore magnus animus et acies ingenii praeclara aderat, in tantae dementiae circulis oberrauisse. Tota enim hominis vita *παράδοξος* fuit, peregri-

f) c. 53. p. 224.  
g) c. 21. p. 60. 61.  
h) c. 20. p. 59.

i) c. 25. p. 67.  
k) c. 28. p. 73.

peregrina, et delirans, vt certissimum sit, cum temperamenti vitio imaginationem deuiantem et extra obitam vagantem accepisset, ad extrema quaeuis admittenda fuisse pronissimum, et facile attentis persuadere, quod helboro ad purgandum cerebrum opus habuerit. Talia enim de se praedicat, quae a sanae mentis homine proficisci haud possunt, et nemini quoque persuadebuntur, nisi qui eadem cum Cardano chorda oberrauerit. Hinc eiusmodi de se singularia et ex parte quoque *δαίμονα* iactauit, quae

*Credat Iudaeus Apella, non ego.*

Talia sunt: praeuisa futura in somniis et interdiu monito per voces deis, quae se absente gererentur, adhibita ecstasis quoties vellet, conspecta sole splendente sidera atque luna, visa spectra atque lemures, splendor circa se obseruatus, qui eum muniret aduersus aemulos, et imprimis genius ille, quem se variis modis monuisse et dormientem et vigilantem et futurorum praesentientem fecisse, tum peculiari capite *libri de Vita propria* tum in aliis scriptis, ostendat. Quae aut hominem cum impudentia et infania de se mentientem produnt, aut caput Anticyris dignum, et ita imaginationis deliriis corruptum, vt febricitantium somnia pro summis veritatibus haberet, et aliis quoque persuaderi cuperet. Et NAVDABVS quoque haec pro mendaciis et nugis habet, quas Cardanus, cum non ita sui compos esset, velut in publicum theatrum ridenda inuexerit; ductus potissimum loco quodam libri *de Rerum Varietate* <sup>m</sup>, quo sibi nullum daemonem aut genium adesse, fatetur, sed pro bono genio datam esse rationem, patientiamque magnam in laboribus bonum animum, et alia, ait. At, licet praeacte negare nolimus, in haud paucis gloriae ex singulari fato hauriendae studio fuisse mentitum Cardanum, et vafre quaedam excogitauisse, ita tamen comparatum est temperamentum Cardani, vt et superstitioni apertas ianuas monstrauerit, et ad imaginationis per interualla quaedam viuaciori impetu exagitatae deliria fuerit pronissimum, quibus occupatus et abreptus Cardanus ea se sentire, videre, audire credidit, quae nullibi, nisi in emoto eius cerebro, accidere <sup>n</sup>. Id commentarium eius *de Vita propria* legenti innumeris speciminibus constare potest, ex quibus discas, furenti et insanienti, quam prudenti et cum ratione agenti viro eum fuisse familiorem. Qualia sunt, quod pavorosus aliquando, mox ornatus in publicum prodierit, quod Romae diuerso ab aliis cultu spectandus incesserit; quod Bononiae curru vectus sit, tribus tantum rotis suffulto; quod mox concitato gressu, mox valde lentus ambulauerit, quod doloris ita amans fuerit, vt si eo careret, dentibus mor-

l) c. 47. p. 186.

m) L. XVI. c. 99.

n) Accepisse Cardanum ineptam de genio *πυθίαν* opinionem a patre Facio, ipso filio in hoc argumento magis nugiuendule ex iis intelligi pot-

est, quae affert ANTONIVS RVSCA de Inferno Statu Daemonum L. IV. c. 15. p. 377. cuius verba affert THOMAS BANGIUS in Cosmo orientis exercit. l. p. 60.

mordendo eum sibi concitauerit; quod ad demonstrandum animum heroicum, se ipsum interficere cogitauerit, et quae alia sunt quam plurima, quae non sine taedio lectoribus centies in biographia sua occinit, quae testimonio sunt luculentissimo, Cardanum haud raro rationis deliquium passum fuisse maximum, et tum ex temperamento, tum ex arte nimia insaniuisse. Quales homines corruptae et exorbitantis imaginationis deliria pro certissimis veritatibus habere, nemini ignotum esse putamus, qui semel huius commatis homines vidit et differentes audiuit.

*Intellectus  
vitia in Car-  
dano maxi-  
me superstitio.*

§. IV. Oedipo opus non habet Lector, ut intelligat, ex qua fonte tot dementiae specimina orta sint, quae inter praeclaras doctrinae virtutes Cardani vitam contaminarunt. Hominem enim huius generis deliria suis vicibus patientem inepta multa et absurda facere, mirum haud est. Dolendum autem non in vitae modo actionibus eiusmodi insaniam Cardanum ostendisse, sed habuisse quoque eam influxum satis magnum in intellectum eius atque eruditionem ipsam, quam egregiam cetera aluit et produxit. Et insigniter quidem ea se dementia prodidit in anili superstitione, qua omnem veri philosophi characterem turpiter conspurcavit. Licet enim se religionis et Dei cultus obseruantissimum iactet<sup>e</sup>, velitque is videri, qui stupenda illa et admiranda, quibus se praeditum esse gloriatur, dona ad vnius Numinis fontem referat, totus quoque religione occupatus compareat, si verum tamen fatendum, anili superstitione corruptus nihil minus quam verae pietatis indolem expressit. Religiosum enim se tantum in spectrorum, lemurum, somniorum, ominum, et quas alias naenias plenis horreis affert, apud ipsum legendas<sup>e</sup>, consideratione et attentione praestitit, et tam turpiter se dedit, ut mirandum sit, virum philosophiae praesidiis munitum tam egregie in his rebus nugari, eaque pro certissimis veritatibus nobis obtrudere potuisse, quae nonnisi febricitantium deliriis similia pueris atque vetulis possunt persuaderi. Et haec quidem tum temperamenti melancholici dispositione, tum parentis similiter ineptientis educatione ipsi naturaliter contigisse, non negamus. At emendare naturalem stultitiam cum debuisset philosophiae praeceptis, nobilissimam scientiam ad incrustandum superstitionis ineptae patrocinium adhibuit. Cuius exemplum esse potest, quod insomnia tanti fecerit, ut SYNESII tractationem *de Insomniis* edendo inque eam commentando, velut pretiosam philosophiae partem earum interpretationes commendauerit. Eiusdem prorsus commatis est, insanum quod astrologiae iudiciariae, quam puer iam a patre didicit, statuit pretium, quo posset, colore philosophico incrustatum. Tanta enim huius artis vanissimae veneratione captus est, ut in CLAUDII PTOLEMAEI *libros quatuor de astrorum iudiciis libros*, qui *constructionis quadripartitae* titulo noti sunt, prolixos commentarios ediderit, in quorum prooemio, acerbissimam illis dicam scribit, *qui cum gloriam ex maledicto, quam eruditione comparare non poterant, quaerentes*,

e) c. 22. p. 61. 62.

p) c. 43. p. 147. et passim.

tes, sacrae huic disciplinae, inter ceteras ut splendidissimae bellum intentassent, procaciori lingua, incertum an stultius an imperitius, impudentius, an inconstantius aduersus illam prophano eo ore, quo tanta mentiuntur, debacchati sunt. Viri quidem, in re non bene perspecta imperitissimi; indeque iudices iniquissimi: in ceteris audacissimi et petulantissimi, nec plus nouis quam antiquis institutis, aut amicis quam inimicis, conformes ac fidi. Nec his contentus, ut fiduciae, quam in ea arte collocauit, ostentationem adderet, duodecim geniturarum exempla in calce adiecit, ex CC. geniturarum exemplis selecta, quas praeclare fidem facere arti isti sciebat. Ast quam turpiter fallat, fallaturque, vel ex vno, quod prolixè descripsit, themate suo genethliaco patet, quod licet vasserrime suis circumstantiis attemperauisset, attamen multa habet falsa, et quae vanitatem eius frustrato euentu produnt. Similia illi obiecerunt viri docti passim, et imprimis hostes astrologiae, quod nec in themate Ioannis Baptistae filii, aut Aimari Raconeti, vel Edoardi VI, aliisue quicquam horum euentuum, qui postea consecuti sunt, obseruarit: neque enim laqueum filio, mortem violentam Raconeto, breuem aetatem Edoardo praedixisse, sed successus e directo contrarios. Vnde miramur, tanto opere fidem habuisse apud multos Cardanum, ut crederent, plus eum praedixisse, quod euentu probaretur, quam humano consilio et coniciendi arte fieri queat. Maxime vero maculam famae suae affricuit, et iudicii defectum prodidit Cardanus, quod statuisset miracula omnemque, quae IESV CHRISTO Θεανθρώπων euenit, vitae fatorumque seriem ex themate eius genethliaco posse deriuari. Nam non solum acerbe virorum doctorum censuris ideo notatus est, sed et, si fides editori Scaligeranorum, Romae in carcere ideo detentus est, quod genethliacon Christo scripisset, et si NAVDAEVS audiendus est, ideo in discrimen capitis venit. Immo et plagii et malitiosi animi in eiusmodi impietatis nugis gloriam quaerentis ideo suspectus factus est, eo quod ante ipsum simile tentauerint Albumasar, Albertus M. Petrus de Alliaco et Tyberius Ruffilianus, Sextus Calaber, ipse tamen, qui ex Bacchone, Pico Mirandulano, aut Commentariis Roberti Holkot id scire poterat, vasserrime id reticuerit, ut gloria ipsum maneret, quod primus fuerit, qui Christum commentitiis astrorum iudiciis subiecerit. Fuerunt quoque nonnulli, qui de religione eum suspectum eo nomine habuerunt, et atheismi maculam ideo inusserunt, ut infra dicemus. Apologiam tamen suo modo pro Cardano scripsit GABR. NAVDAEVS, non quod leuitate et dementia eum vacare in ea re crederet, sed quod exempla virorum in ecclesia magni habitorum secutum fuisse ostenderet. Nos ab insigni amentiae et delirii culpa libera-

K 2

rari

q) THVANVS loc. cit.

r) Comm. in Ptolem. de Iudiciis astrorum L. II. p. m. 360. seqq. edit. Lugdun.

s) Vid. THVANVS, SCALIGER, NAVDAEVS, BAYLE II. ca. Obs. Halens. T. X.

Obs. 9. §. 7. p. 221. Io. ANDR. SCHMIDJVS Diff. de Themate Christi natalitio impie et absurde erecto, alique.

t) Scaligerana prima p. m. 48.

u) loc. cit.

rari non posse ea propter Cardanum, recte iudicari, putamus, cum conatus ille leuitatis et delirantis ingenii characterem haud vnum habeat. Ex vero enim de eo scripsit TANAQVIL FABER \*: *Hunc libellum Cardani etiamnum adolescens legi. Miratus sum, et risi, et nunc rideo; nam excitata memoria est. Quid enim si de die natali Iesu Christi non constet? (et verum est, non constare;) Quid si alius eodem solo, eodem coelo, eodem momento natus esset, an is fuisset, qui fuit Christus? dein genethliacum illius scribere, qui ex Spiritu S. conceptus esset? quae res? an quia in Euangelio scriptum legimus: nondum venit hora mea? apage. Possent et aliae rationes afferri, quibus constat, inter dementiae specimina quae Cardanus edidit, hoc praeclarissimum esse, nisi breuitati esset litandum. Quae causa quoque permouit editores operum Cardani, Basileensem an. 1601 LXXXVIII, et Sponium, ut hunc locum plane omitterent; unde editiones, in quibus comparet, Basileensis anni 1601 LIV, fol. et Lugdunensis anni 1601 LV, in forma octaua, factae sunt rarissimae. Ast, fatemur quoque, iniuriam illi fecisse SCALIGERVM \*\*, ex cuius ore plerique, qui librum rarissimum non viderunt, id repetunt, scribentem, cymbalum hoc genethliacorum, ita Cardanum apposite vocat, Domini nostri Iesu Christi thema edidisse, et omnia, quae illi acciderunt, ex positu stellarum necessario contigisse, ratiocinatum esse. Nam hoc a scopo Cardani alienum prorsus esse, et turpem impietatis notam praeter meritum ei inurere, ipsa nos docet verborum Cardani inspectio. Dabimus ea, cum editiones haud castratae rarissime occurrant, sunt vero ista: *Ex his tandem deuenio ad id, quod est pro exemplo maximo omnium eorum, quae dicta sunt: et est genesis domini nostri Iesu Christi, in qua tot videbis et tanta mirabilia, ut iudices, quod etsi naturalibus rationibus solum insistentum esset, Christi natiuitatem fuisse admirabilem, naturamque illi tribuisse, quantum concursu omnium coelorum excogitari poterat, et naturaliter legem nostram esse legem pietatis, iustitiae, fidei, simplicitatis, charitatis, optimeque institutam: nullumque habituram finem, nisi post reditum eclipticarum, in quo fiet nouus status vniuersi. Nec tamen me velle credas dicere, quod vel diuinitas in Christo vel miracula eius, vel vitae sanctitas, vel legis promulgatio ab astris pendeant. Sed sicut natura illum ornauit optimo temperamento, pulchritudine corporis, sanitate perpetua, grauitate intuitus, quae omnia ferme ex Iosephi in de bello Iudaico testimonio colliguntur, sic etiam Deus optimus et gloriosus optima constitutione astrorum atque admirabili genesis illius adornauit etc.* Satis clare Cardanus quaestionis statum explicat, et Christi diuinitatem, miracula, vitam, legem astris subiecta fuisse negat: adeoque contrarium eorum affirmat, quae post Scaligerum ab omnibus ei imputantur. Sed id modo contendit, cum in tam graui momento omnia prorsus sapientissi-*

ma

x) Ad I. c. Scaligeran.  
z) Praef. in Manilium.

y) Vid. Cl. Vogtius in Cat. libror. rar. pag. 167. seq.



ma constituisset diuina sapientia, praeter diuina, miraculosa extraordinaria accessisse etiam in ea hora, quam illius natiuitati decreuerat, illum astrorum positum, ex quo in res naturales, quaeque eorum influxui subiacent, praeclara, singularia, magnifica, gloriosa et tanto concursu digna necessario fuissent deriuanda. Quae satis quidem inepta sunt, cum et incertissimis artis regulis, et vanissimae hypothese, astrorum irradiationibus res naturales subesse, et falsae opinioni ecclesiam, diem, horam et momentum horae natiuitatis Domini constanter obseruauisse, inaedificentur, ast cuncta, quae pro salute hominum fecit Saluator, astrorum necessitati non submitunt, et non nisi fauentem coeli dispositionem ex libera Dei voluntate electam innuunt. Verum quamuis a religionis contemptu ex hac parte liberandum esse censeamus, fatemur tamen, cerebri emoti et artis leuissimae amore furentis specimina haud pauca in hac genitura D. N. comparere. Est enim adeo ferocit, vt ex hoc themate secundum Ptolemaei regulas explicato, tantum arti isti praesidium oriri putet, vt non nisi stulte et absurde ea reiici possit: inaudita tamen confingit, v. g. cometen in natiuitate I. C. comparuisse, et momentum natiuitatis pro lubitu comminiscitur, et adeo ineptit, vt stellam Herculem vocatam, praesignificauisse tot ordines militum sacrorum, Teutonicorum, Ensisferorum etc. nugeatur. Tacemus reliqua his neque meliora neque prudentiora, quae Cardano merito inter delirantes ex arte locum faciunt.

§. V. In caussa fuit haec animi Cardani ἀνομαλία, vt de impietate *Cardanus an* esset suspectus, et variis de causis nonnullis viris doctis ob atheismum *Atheus?* vaperetur. Inter quos agmen ducit MARTINVS DEL-RIO, qui composuisse eum, ait, librum de animae mortalitate, nunquam editum, sed amicis familiaribus furtim tantummodo ostensum. Eum secutus est MARINVS MERSENNVS, qui vt ardenti in atheos zelo flagrauit, ita potissimum inter impietatis patronos Cardanum numerare, eumque inter atheorum monstra referre nullus dubitauit; commotus maxime, loco quodam libri de *Subtilitate*, quo quatuor religionum genera, Christianum, gentile, Muhamedanum et Iudaicum, inter se disputando committit, nulli victoria decreta. Vnde colligit, Cardanum librum de tribus impostoribus non tantum referre, sed et approbare, vel saltem eandem doctrinam propagare videri. THEOPHILO RAYNAUDO vero ideo homo nullius fidei et religionis audit, quod inter clancularios atheos secundi ordinis apud suo principem locum obtinuisset. Aliorum loca, diligenter adducta a S. rev. REIMMANNO tacemus. Ast alii viri docti, qui paulo magis temperandum sibi esse in inurenda atheismi nota prudenter statuunt, eo

K 3

magis

a) *Disquis. magic.* Tom. I. Lib. II. q. 26. f. 2. pag. 550.

b) In libro longe rarissimo, quem Q. q. in *Genesim* appellauit, p. 1830.

c) Lib. XI. p. m. 449 Repetit ea MORHOEVS Polyhist. T. I. Lib. I. c. 8. §. 6. p. 70.

d) *Erotem.* de bonis et malis libris erot. IV. pag. 44.

e) *Hist. Atheism.* Sect. III. C. 4. §. II. p. 365. add. quos adducunt TRISSIER I. C. et Iac. Thomasius apud IOACH. FELLER. *Monum.* inedit. trim. XI. art. 1. p. 543.

magis ab hoc *ἔγκληματι* liberandum esse Cardanum autumant, quo certius ex historia eius constat, non tam impietate quam superstitione, quod extremorum in religione, alterum est, atheismo contrarium, potissimum peccauisse, et proinde magis pro demente et insaniente habendum esse, quam pro impietatis vindice. Non excitabimus nomina auctorum, facile apud Cel. REIMANNVM *f* inuenienda, sed ad vnum SAMVELEM PARCKERVM *g* prouocamus, qui eleganter de imputato Cardano atheismo differuit. „Is enim postquam obseruauisset, ideo Caesalpino, Berigardo „et huius generis atheis aliis nonnullos Cardanum annumerandum censere, quod omnia diuinæ prouidentiae phaenomena astris aliisque causis „naturalibus adscribi voluerit, statuaturque ad generationem animalium „perfectorum non aliud principium requiri, nisi calorem coelestem, ex „quo sequi putent, omnia animalium genera sine numinis prouidentia sed „sola fiderum vi gigni: monet, iudicium nimis acre de eo minime vtro „illos ferre, et veniam ei dandam esse, si quid impium forsan dixerit. „Magnum enim eius ingenium magna dementiae mixtura eum contaminasse, unde cum per interualla in insaniam incideret, idem illi, quod „aliis omnibus insanis contigerit, vt qui multa dicant, quae nec sentiant „nec meminerint. Quod vbi luculentis exemplis a Naudaeo collectis demonstrauisset, et imprimis obseruauisset, imprudenter dictorum partim „ab inaequalitate ingenii atque morum, partim ab immensa et immoderata gloriae cupiditate haud postremam causam deriuandam esse, extremam vitae calamitatem eum in tantas angustias redegissee contendit, vt „insanire coactus fuerit, id quod luculentis quoque testimoniis confirmat. „Addit autem, alioqui in omni philosophiae genere tam pie philosophatum esse, vt philosophorum nemo religiosius: in scriptis quae ad mores „spectant, religionem vitaeque futurae spem vnicum vitae beatae fundum esse statuere, vbique clamare, nullam mortalium, nisi a morte, felicitatem esse, denique hoc vno momento res humanas stare, si summi „Numinis prouidentiae curae simus, etc. In physicis Deo omnium auctore semper vsum esse, atque rerum naturae rationes a finibus, quos ipse „in mundo condendo habuit, inuestigandas esse, voluisse, eosque ipsum complures inuenisse et exposuisse, eo animi acumine, vt magnus philosophus fuisset, si Peripateticus non esse ausus fuisset. Et denique in „astrologicis, quamquam tantam astris vim adscribi voluerit, astra tamen „Numinis prouidentiae subiecisse, neque iis tanquam causis principibus vsum fuisse, sed tanquam primæ ministris, et tam varia vbique, cum in „astrologia sua, tum in ceteris suis inanibus disciplinis, de Deo diuinaeque prouidentia commentatum esse, vt, quicumque legat, non omnino „atheum, sed totum fanaticum fuisse concluderit.“ Hactenus Parckerus, cuius iudicium de Cardano ideo adduximus, quoniam totam fere causam pro eo ita perorauit, vt facile ab hac macula absolui possit. Quare pauca addimus,

f) loc. cit.

g) De Deo Disp. I. S. 35. p. 72.

addimus, et ea modo monemus, quae speciali quadam ratione Cardano obijciuntur. Inter quae ingenii futilitas in definiendis fati Christi Saluatoris demonstrata haud paucos coëgit, ut crederent, et religionem Christianam, et omnem Numinis providentiam intus et in cute risisse Cardanum. Id vero falsum esse, ex adductis supra eius verbis manifestum est, in quibus diuinitatem, miracula, religionemque a Christo conditam minime se pro naturali astrorum effectui habere, fatetur. Qui autem suspitione contemptae clanculum religionis eum premunt, quod in *Naudaeorum*<sup>b</sup> & *Menagianorum*<sup>c</sup> collectione traditur, vel incertos rumusculos sequuntur, vel interdum a delirante et sibi ipsi haud conscio temere effusa et imprudenter dicta male ad systema impietatis illi imputandum rapiunt. Nec meliora sunt, quae de mortalitate animae ab eo asserta dicuntur, quo et Auerroismus illi a SCALIGERO<sup>d</sup> obiectus pertinet. Librum enim illum quod scripserit, nondum euictum est, animae autem immortalitatem toties omne mortalis vitae et infandarum calamitatum solatium adducit<sup>e</sup>, ut qua ratione Auerroismo fauere potuerit, non appareat. Nec contentio illa inter religiones dominantes quam ei obicit Merfennus, euincit, eum eandem tibi inflauisse, cum modo intendat, ostendere, esse in hominis natura dissensum ab aliis. Ita vero partes Christiani roborat, et reliquorum instruit, ut causae bonae nihil inde sit timendum. Igitur tametsi imprudenter, et inepte nonnulla dixisse Cardanum, quibus impietas facile abuti possit, fateamur, ab atheismo tamen hominem non tam malitiosum, quam dementem absoluendum esse censemus. Nostri hac in parte sunt, G. ARNOLDVS<sup>f</sup>, P. BAYLE<sup>g</sup>, IO. FR. BVDDEVS<sup>h</sup>, I. FR. REIMMANNVS<sup>i</sup>, G. D. MORHOFIUS<sup>j</sup>, SAM. PARCKERVS<sup>k</sup>.

§. VI. Altera quae Cardano inuritur ignominia, magia est, cuius suspectus fuisse dicitur BODINO<sup>l</sup>, quamque suspitionem potissimum apud Scotos inualuisse historiae Scotiae scriptores obseruant<sup>m</sup>, eo quod Ioannem Hamiltonum, archiepiscopum S. Andreae, primatem Scotiae a deplorato frustra a medicis tentato morbo liberauisset, fatalem vitae exitum, quem suspensus tandem passus est, praedixisset. Et hac quoque occasione praedictiones eius astrologicae in partes vocantur, quibus, teste THVANO iudicialiae fidem apud multos adstruxit, dum certiora per eam, quam ex arte possint, plerumque promeret. Eas enim sine commercio impuro cum spiritu aliquo fatidico fieri non potuisse iudicant. Ast praeter ius fasque hac ignominia obruitur Cardani memoria. Memorabilis

*Cardanus  
magiae an  
suspectus?*

b) p. 117.

j) T. IV. p. 408.

k) Exerc. CCCVII. in Card.

l) De Vita propr. p. 66. librum autem de Immortalitate animae se conscripisse tradit.

m) Hist. eccles. et haeret. P. II. L. XVII. p.

324.

n) l. c. not. D.

o) Thes. de Atheismo l. c. §. 24.

p) loc. cit.

q) l. c. p. 110.

r) loc. cit.

s) De Mag. daem. p. 438.

t) Vid. quos assert B A Y L E l. c. not. E.

rabilis enim ista curatio archiepiscopi, quam ipse admirandam fuisse, depraedicat, aut artis et experientiae medicae Cardano non denegandae opus fuit, aut casus fortuiti \*, certe tanta non fuit, ut sine daemonum commercio fieri non potuerit. Quae vero de praedicta eius morte ignominiosa traduntur, testimonio fide digno carent, et ex vulgi rumusculis sunt, inde forte orta, quod huic archiepiscopo commentarios *de Astro-  
rum iudiciis* inscripserit. In qua dedicatione tamen vestigium eius rei vel adamatae ab Hamiltono artis iudiciariae apparet nullum. Ut taceamus, vix ausurum fuisse Cardanum viro, quem inter maximos Moeenates re-  
tulerat, exitus adeo lugubres et funestos praedicere. Quae vero vatici-  
nia eius astrologica concernunt, sane ridiculi illi sunt, qui spirituum re-  
velationes in partes vocant. Non iam contendemus, utrum verum sit,  
quod multa praedixerit, quae eventu postea sunt comprobata, cum in  
genituris illis, quas typis vulgavit, aperta falsitatum et mendaciorum  
exempla sint, et una de filio infelici praedictio magno eius malo Car-  
danum fefellerit: sed id in praesentia monemus, et coniectandi acu-  
mine, et hariolandi audacia, et prognosticorum ambiguitate, et even-  
tu nonnullorum ex accidente, totam illam felicitatem constituisse, ut  
palpare possunt, qui occasionem habent, libellum *de Genituris* in-  
spiciendi. Frustra quoque daemon Cardani, quo toties gloriatus  
est, in partes vocatur. Ille enim aut delirantis cerebri, aut mendacis \*  
oris opus fuit, ut supra observatum; certe huc plane nihil facit, cum non  
nisi praesensionibus quibusdam eum se cognovisse Cardanus asserat, quae  
aliunde quoque, si ex morbida *imaginatione* non fuissent profectae, ortum  
habere potuissent. Rectius illi agunt, qui Cardano, licet lucidis nonnun-  
quam intervallis illustri, cerebrum delirii vehementia a pueritia emotum  
et educationis prauitate quoque corruptum, tum factorum aduersitate et  
calamitatibus in praeceptum actum, atque ingentium et singularium ope-  
rum meditatione perpetua extra orbitam raptum, adeoque ingenium fa-  
naticum et enthusiasticum tribuunt, quod innumeris *ἀνομαλίαις* demon-  
stravit, furenti haud raro similiorem fuisse quam sapienti. Quamvis au-  
tem talis fuisse omnino censendus sit, non potest tamen negari, inge-  
nium Cardani, ubi ex paroxysmo vires collegit, sibi quoque redditum est,  
magnis passibus ad praeclara fuisse progressum. Ea enim huius generis  
hominum natura est, ut post grauissima deliria et mille ineptias, aliquando  
aestuantis animi remissionem nacti, acutius haud raro aliis cernant, et in-  
terdum pulchra atque egregia proferant. Nec dubitandum, quin inter  
maxima orbis ingenia Cardanus eminisset, nisi illa amentiae mixtura dotes  
a natura datas, corrupisset. Verum haec interdum mortalitatis fata sunt.

*Eruditio Car-  
dani impri-  
mis philoso-  
phica.*

§. VII. Talis et vitae moribus et ingenii caractere fuit Cardanus.  
Eruditionem eius magnam fuisse, et praeclaram apud omnes in confesso  
est.

v) Id ipse totum non negat, c. 40. pag. 133.

x) Id visum N A V D A R O I. c. et in Apologia  
magiae accusatorum c. 13. p. m. 245.



est. Inde illustria, quae a viris doctis certatim meruit, elogia profecta sunt, quibus ipse peculiare caput libri *de Vita propria* <sup>y</sup> auxit, inter quos fuisse quoque quosdam sibi parum fauente notat. Alia cumulauit editor libelli *de Vita propria* <sup>z</sup>, Thuani, Martini Henrici, Iulii Caesaris Scaligeri, Ioannis Baptistae Siluatici, Iacobi Philippi Thomadini, Iulii Capacii, Petri Rami, Thomae Campanellae aliorumque. Quibus ea addi possunt, quae collegerunt THOMAS POPE-BLOUNT <sup>a</sup>, TEISSIERIVS <sup>b</sup>, P. BAYLE <sup>c</sup>, IAC. THOMASIVS <sup>d</sup>, quae facile augeri possent <sup>e</sup>, si id ageremus. Consentunt in eo viri doctissimi, quod aduersarii eius, SCALIGERI <sup>f</sup>, verbis describimus, fuisse virum maximum atque incomparabilem, et ingenium habuisse diuinum, licet ob eius inaequalitatem in pluribus desipiat. Nec tacendum vocari eum ab Andrea Alciato, singulari elogii genere, virum inuentionum. Neque tamen in perspicendis eius erroribus, et naevis, qui ex anomalia temperamenti et mixtura ingenii orti sunt, coecutierunt viri docti, qui passim eum notauerunt <sup>g</sup>. Inter quos, similis ingenii homo est, IORDANVS BRVNVS <sup>h</sup>, qui eum rudem et amentem fabulatorem, licet, ipso centies doctiorem vocat. Maxime vero ob tot obseruationes nouas, singulares, valdeque doctas, quibus philosophiam et artem salutarem locupletauit, extolli solet. Quibus non modo nouator, sed et reformator philosophiae potuisset haberi, si satis animi habuisset, vt a communi via in totum deflecteret <sup>i</sup>, et satis prudentiae constantis et diuturnae, vt integro systemate philosophiam transformare potuisset. Ipse in libro *de Vita propria*, peculiari capite <sup>j</sup> ea enarrat, quae in diuersis disciplinis digna adinuenerit. Inter quae, vt mathematica et medica praetereamus, haec sunt, in dialectica: „Quod cum vna fuisset nota, Aristotelica, rem et vsum diuiserit, „vt singuli, discipuli Euclidisticae, Ptolemaicae, Archimedicarum, Hippocraticarum, Galenicarum et Scotticarum praecepta perciperent. Praeterea quod „dilemmatis vsum extenderit, amplificationis splendorem auxerit, laborumque plurium mensium, vnius horae spatium imitari, supplere aut „aequare docuerit. Quod in naturali philosophia sustulerit ignem ab elementorum numero, omnia docuerit esse frigida: non commutari elementa inuicem; palingenesiam; qualitates veras esse tantum duas, calorem et humidum, vim salis et olei, non esse in mistis principium ad generationem animalium perfectorum, nisi calorem coelestem; Deum „debere dici immensum: omnia quae partes habent diuersas ordinatas, „animam

y) Csp. 48. p. 192. seq.

z) p. 229. seqq.

a) Conf. celebr. auct. p. 641.

b) loc. cit.

c) loc. cit.

d) In FELLERI Monumentis ineditis l. c.

e) Conf. MIRAEVS de Script. eccl. Sec. XVI. c. 80. p. 175. SCIOFF. Amphotid. Sciopp. p. 120.

Hist. philos. Tom. V.

BORCLER. Bibl. crit. pag. 489. LEIBNIZ. Theodic. §. 254.

f) Praef. in Manilium.

g) Vid. TEISSIER, l. c. BRUNNVS Hist. phil. c. VI. §. 12. p. 406.

h) De Immenso et innumerabili L. VI. p. 403.

i) PARCKER. l. c.

j) c. 44. p. 166.



„animam habere, et vitam; animae nostrae immortalitatem iuxta philo-  
 „sophos veram, non umbratilem: numero omnia constare, vt in plan-  
 „tis foliorum et feminum certo: principium similitudinis esse modum  
 „agendi ab vno agente et vna materia, ab hoc sequi tot varietates et pul-  
 „chritudinem; terram esse per se, et non vt mistum cum aqua: inde  
 „prominere in partibus oppositis saepe: cur oriens sit melior occidente?  
 „cur recedente sole post solstitia, tam calor quam frigus multis diebus  
 „augeatur? quid fatum et quomodo: de causis rerum mirabilium, velut  
 „cur mille aleae in mille iactibus, si sint legitimae, necessario iaciant  
 „monadem? ab omnibus foliis plantarum putridis diuersum iuxta folio-  
 „rum naturam animal generari: naturam nullam esse, sed rem fictam et  
 „vanam, principium multorum errorum ab Aristotele introductam, so-  
 „lum vt Platonis opinionem nomine euerteret. Deducendam contem-  
 „plationem rerum naturalium ad artem et opus. In morali philosophia,  
 „quod docuerit, aequalitatem conditionis omnium non solum hominum,  
 „sed etiam viuentium: vnde coniectari naturaliter licet compensationem  
 „a morte actionum in hominibus vtilitatem capere ex aduersis: quatenam  
 „optima vita, et quomodo cum aequalitate stare possit? tria esse regna:  
 „quod in regno humano melius persaepe esset, nescire quid bonum vel  
 „malum, si nescias quantitatem, in aliis autem secus; sicut etiam de fe-  
 „licitate in vnoquoque: cognitio morum hominum primo in genere post,  
 „iuxta gentes, et reliqua, vt consuetudines, demum huius proprie vel  
 „alterius.“ Haec ipse noua et a se inuenta designat Cardanus. Faten-  
 „dum quoque Cardanum ingenio fertilissimo et inuentionibus supra modum  
 „apto vsum, vbi a paroxysmo delirii vacuus fuit, multa egregie protulisse,  
 „acumen haud raro singulare demonstrauisse, et cogitationibus valde supra  
 „vulgus philosophorum se extulisse, eam autem lectionis copiam demon-  
 „strauisse, quam omnino mireris. His accessit animus satis magnus et  
 „erectus ad conculcandos errores temporis diuturnitate et errantium au-  
 „thoritate confirmatos et in vsum receptos. Cuius memorabile specimen  
 „dedit in libro, quem *de Methodo medendi* inscripsit, in quo magna  
 „animi fiducia, graue, ita ipse scribit<sup>k</sup>, *certamen aggressus inueteratos*  
 „*errores, ac apud totum pene orbem diutino usu firmatos abolere tentauit*,  
 „non solum errores ipsos, causamque errorum retexens, sed et veram me-  
 „dendi rationem explicans. Quae animi constantia acerbam quoque saty-  
 „ram in medicos genuit, quae *Sectionis primae* epilogum absoluit. Quod  
 „si ea considerantur, quae de argumento naturali scripsit, quo celeberrimi  
 „libri *de Subtilitate & varietate rerum* pertinent, omnino agnoscendum,  
 „aliam dare Cardanum philosophiam naturalem potuisse, si et integrum sy-  
 „stema condere voluisset, et iudicio integro et accurato semper vti, sibi-  
 „que ab imaginationis morbis cauere valuisset. Cuius vt specimen habea-  
 „mus, ex multis selecta pauca, vt de philosophia Cardani lectori con-  
 „stet:

k) Praef. p. 5.

stet: Statuit nempe Cardanus: dari materiam primam etiam actu, eandemque quantitatem quandam retinere; cumque omnem ab initio orbem compleuisset, vacuum esse non potuisse, eo quod vacuo aucto materiam tolli necesse esset. Esse tria principia vbique materiam, formam et animam: esse tres in vniuersum motus naturales, primum ac validissimum a forma elementi, secundum e directo huic contrarium, tertium grauium ad inferna, leuium ad superna: accedere principiis naturalibus locum et motum. Tria tantum esse elementa, aquam, terram, aërem, et ex horum numero eximendum ignem. Esse ea omnia frigidissima et caloris expertia, dissidere autem in humido: omnem vero lucem esse calidam et miscere, et omne astrum ob id esse calidum. Esse autem proprie elementum, quod nec pabulo indiget, nec sponte corrumpitur, nec vagatur, sed certam tenet sedem, maximam habens molem, eamque secundum naturam ac ad generationem paratam. Ignem esse summam caliditatem cum siccitate coniunctam; frigus nihil esse actu, sed solam esse caloris priuationem: tria tantum vere in mistis esse, terram et aquam pro materia, et coelestem calorem agentem: aërem ideo esse, vt subiiciatur radiis fiderum, illorumque vires excipiat; eum semper moueri: terram esse in medio mundi, flumina oriri, quia aër in aquam transeat, niue et imbribus assiduus ad hoc non parum conducentibus. Substantiam coeli esse variam et inaequalem: lunae lumen non vniuersum a sole pendere, multo minus fiderum reliquorum; sed propriam quoque lucem habere. Habere omnia fidera lumen, motum, ac magnitudinem propriam: lumen esse lucis similitudinem, iunctam habentem et claritatem et calorem; coelestem nunquam quiescere, et vbique praesentem habere animam, nec fatigari posse. Cometen esse globum in coelo constitutum, qui a sole illuminatus videtur, et dum radii transeunt barbae aut caudae effigiem formant. Generari colores omnes ex tribus, subiecta materia, luce, seu potius lumine, quod ei miscetur, et medio. Plantas habere sensum, etenim et odisse, et amare, et membra habere functionibus plena; generari animalia imperfectiora ex putridis, eamque generationem intendi a natura, quod exiguo tempore absoluantur. Hominem non esse animal, quia praeter animam, mentem quoque acceperit. Intellectum esse rem ipsam quae intelligitur, voluntatem autem cum fertur extra, nec est idem obiecto huic, sed similis. Haec ex innumeris Cardanus in libris *de Subtilitate*, quae mira, vt solet, materiarum confusione et cumulo spargit magis, quam disponit, vt facile intelligas, ingenium foecundum plus subministrasse, quam ordinare poterat iudicium. Idem in libris *de Varietate rerum* obtinet, quae supplementum esse possunt librorum *de Subtilitate*. Etiam in iis suis cogitationibus infixus, haud raro a trita via discedit, et sibi propria habet. Talia sunt: cometen nulla substantia propria constare, sed in coelo fieri, neque vno solo, sed in singulis, quemadmodum et lactea via; eorum effectus prodire a tenuitate aëris, sine qua non con-

spiciantur. Non esse qualitates primas, praeter duas calorem et humidum. Mentem, ut remotissima est a primis principiis, eo esse praestantior. Multorum esse intellectum vnum, eumque videri singulorum esse, quia plures vni idem sunt <sup>1</sup>. Mentem non ipsam errare, nec offuscari, sed turbari ea, quae sunt ante illam, quibus functio eius impeditur. Esse etiam per se perspicuam et aeternam extrinsecus aduenientem, adeoque falso mortalem existimari. Terram esse velut spongiam aqua plenam. Res et affectus naturales sensim declinare ex vna in aliam, omniaque, quae natura participans, affectu etiam participare, atque ideo in eis quicquam inueniri raro sincerum: si legibus astrorum standum, necesse esse anno Christi cccc magnam mutationem facturam esse <sup>2</sup> in Christi lege; lunam in eccentrico orbe non reuolui: esse influxum siderum, eamque vim occultam, qua omnia mortalia reguntur, quod qui negant, longe magis eos Heroftrato impios esse: daemones in res naturales nihil posse, nec casu omnia fieri, sed ordinem in coelestibus et mirum et constantem manifestissimum esse: esse autem influxum, quam certam caloris coelestis mensuram in magnitudine, vi, tempore actionis, nobis autem incerta. Causam cur plures se morti, ob religionis cultum exposuerint, non esse a Deo, sed humorem illum atrum, qui quosdam stupefacit, alios facit amentes: Deum enim innocentium calamitate non delectari <sup>3</sup>, sed suam cuique stultitiam damno esse. Gigni itaque has dispositiones generalibus siderum constitutionibus, quae cum validae sint, in his, qui in philosophia exercitati non sunt, opiniones firmissimas et absonas gignere, quae postquam per pessimos quosdam et auarissimos viros in vnam redigantur atque firman-  
 tes, quas non pudeat dicere: Dei hoc esse dogma. Mentem esse sempiternam substantiam, imaginem verarum rerum a materia secretarum, extrinsecus homini aduenientem <sup>4</sup>: indigere autem vehiculo, quo corrupto eius operatio corrumpatur. Esse immortalem, quinque modis demonstrari posse, nec pluribus, nempe ex propria substantia, ex iis, quae illi eadem sunt, ex operationis modo, ex similibus in opere ipso intus, aut extra. Esse mentem quidem et intellectum omnem extensum, et quasi immensum, sed non limitibus comprehensum, sed absque termino, et quasi coextendi omnibus: contrahi et extendi, fulgere et obscurari, filere et operari, hocque praesertim, quoniam initium operis eius a quodam corporeo originem ducat, quo corrupto intellectus operatio marcescat: Esse quoque aliam plenam suis numeris aliam imperfectam, quae imperfectio in rebus aeternis quoque locum habeat. Cum mens ipsa ardens fuerit in Deo, tunc nostram naturam supra se ipsam efferri, miraculaque contingere:

1) Patet ex adiecta ratione, cur vnus tantum sit intellectus, distare Cardanum ab opinione Auerrois.

m) Ita in editis. Scribere volebat, factum iri.

n) Haec L. II. p. m. III. dicta ex eorum ge-

nere sunt, quae incogitanter effudit Cardanus non recordatus, ita martyrum beatorum gloriam pro infamia haberi.

o) P. 524. Haec Platonice magis quam Peripatetice dixit Cardanus.

re<sup>p</sup>: traduci enim humanam mentem ac quasi copulatam altiori corpus secum eleuare. Haec ex ingenti obseruationum naturalium farragine a Cardano allato facile ostendunt, Cardano nec nouitatem philosophicarum sententiarum, nec varietatem denegari posse, quibus addi merito debet immensa lectionis copia innumeris experimentis et obseruationibus rerum naturalium suffulta, quae hylen quandam physicam haud contemnendam peritis lectoribus, qui iudicio instructi sunt, suppeditare potest. Ast conuincet quoque lectorem ipsa vtriusque libri lectio, certis principiis raro inhaesisse Cardanum, et innumeris imaginibus cerebrum replendo, adeo vagari in tractatione rerum, vt Phaëtonis Instar extra orbitam raptus nesciat, quo deferatur. Hinc factum, vt iudicandi acie prorsus suffocata in eiusmodi virum hunc praecipitia deiecerit furens sui que impotens imaginatio, vt tandem casu grauissimo praeceps datus sit. Inde non modo ordine in meditatione nullo utitur, sed ad eiusmodi quoque opiniones deducitur, quae iudicandi vim emotae mentis vitio aegrotauisse sole meridiano clarius loquuntur. Et quamuis satis subtiliter distinguat, claras tamen ideas non confectando, ipse, quid sibi velit, haud raro non intelligit. Maxime autem contradicendi studium, quo se impense delectari fassus est, ita deuia eum deduxit, cumque Aristotelem oppugnare constituisset, magnoque Peripateticorum odio duceretur<sup>q</sup>, quos aequo se animo ferre non posse profitetur, et tamen Peripateticis notionibus, terminis et principiis affatim esset imbutus, non potuit non frequenter Andabatarum more pugnare, et verbis magis, quam rebus, philosophiam innouare. Ex quibus, nisi nos omnia fallunt, recte concluditur, quamuis emendare non tamque dare philosophiam Cardanus tentauerit, quo nomine etiam inter ~~delectatores~~ philosophiae eum collocat SORELIVS<sup>r</sup>; et quamuis, in interuallis filis lucidis, quae dementiae insultuum expertia fuere, multa praedare viderit dixeritque; attamen ingenio vere phantastico corruptum parum utilitatis et emendationis philosophiam ab eo accepisse, nec in albo philosophorum magnum eum nomen mereri; quod si reliquam doctrinae intellectilem consideres, ei doctrinam magnam denegandam magnopere non esse existimamus, quemadmodum non pertinaciter repugnabimus, si quis contenderit, in medendi arte plurimum illum non experientia tantum, sed et ratiocinatione valuisset, de qua tamen eius eruditionis laude medicorum filii dispicient. Nos, ineptum ad reformandam philosophiam Cardanum fuisse, vel ex eo solo colligi posse putamus, quod scripserit: *Delectatus sum in philosophia Aristotele, et Plotino mysticisque illis inuentionibus.* Quas vehementer eum deperiisse, vel ex vna, quam in libris

L 3

bris

p) Etiam hic prodit, quod alibi gloriatur, a Plotino non parum mysteriorum philosophiae se didicisse.

q) Vid. de Ver. L. III. p. 147. L. VI. p. 242. f. L. VII. p. 277. et sic passim, de Aristotelis sectatoribus L. VII. p. 267. Aristotelem tamen inter vi-

ros duodecim subtilitate praestantes numerat de Subtil. L. XVI. p. m. 573. edit. Bas. 1664. quae optima est.

r) De Perfect. hom. L. III. p. 429. vers. Germ.

s) De Vita propr. c. 18. p. 58.

bris de *Rerum varietate* instituit, tractatione de mente humana, eiusque vnione cum Deo, et mediis eo ducentibus, constat, ea enim tota mysticos sapit, et enthusiasmo repletum habuisse Cardanum caput, euincit. Nec meliorem characterem Cardani nobis effingunt, omina, somnia, spectra, auguria, vaticinia, quibus velut vermibus scatet tota Cardani historia <sup>1</sup>, vel infanus Astrologiae apotelesmaticae amor, quo ductum non puduit iniurias in eos euomere atrocissimas, qui huius generis nugas vilipendunt <sup>2</sup>. Accedit his confusio in eius cerebro regnans, quae se toties in scriptis eius prodit, et infinitis digressionibus molestant lectionem facit; quamque veram obscuritatis eius matrem fuisse recte pronuntiauit Naudaeus. Innumeris enim cogitationibus repletus aliter scribere non potuit, licet verisimillimum sit, paupertatem, quam suo sibi iumento attulit, quamque ephimeridibus scribendis se leuauisse aliquando, ait, eum coegisse, vt et scriptiones suas maturando minus digereret, et dicendorum copia oneraret, vt amplius largiusque inde praemium laboris referret. Nec silentio praetereundum, quod exemplis quoque probauit NAVDAEVS <sup>3</sup>, expilasse Cardanum interdum alios, suppressio eorum nomine, vnde passim <sup>4</sup> inter plagii reos eum connumerari videas.

*Scripta Cardani et stili ratio.*

§. VIII. Scripsit multa vir magna diligentia et extemporanea scribendi facultate gaudens, ex quibus edita plurima, quaedam vel affecta tantum vel suppressa et neglecta delitescunt. Catalogum eorum ipse dedit <sup>5</sup>, et repetiit TOMASINVS <sup>6</sup>, ordine disposuit GABR. NAVDAEVS <sup>7</sup>, et ex huius consilio decem voluminibus collegit vulgauitque CAROLVS SPONIVS <sup>8</sup>. Eorum pleraque ad naturalem philosophiam artemque salutarem spectant, quaedam mathemata illustrent. Logicam tamen attigit, et in argumento morali defudans, de *Utilitate capienda ex aduersis*, de *Consolatione*, de *Summo Bono*, de *Humana Conditione*, de *Arcanis politicis* differuit. Quorum libellorum editiones indicat Cl. STOLLIVS <sup>9</sup>, quem vide. In his scribendi ratione vsus est libera, et aperta, ast nec compta, nec elaborata, ita tamen, vt ab inquinato Aponensis, Pomponatii aliorumque medicorum stilo et negligentia in dicendo sibi cauere. Recte quoque obseruatum NAVDAEO, elegantius eum scribere, et videres amoenissimas sectari, cum libet; credo, quod interdum maiori, quam solebat, studio in scribendo exerceretur. Obscuritas itaque Cardani non ab elocutione deriuanda est, quae satis aperta est et perspicua, sed a rerum obscuritate, notionum vagarum incertitudine, principiorum confusione et frequen-

d) Similibus nugis scatet Liber XVI. de Var. rerum, vbi talia de daemonibus et mortuis tanquam verissima narrat, e. g. daemones incubos monstra ex foeminis gignentes, et similia, vt aperte pateat, sanum illi synciput non fuisse.

e) Vid. Praef. in Ptolemaeum de Iudiciis Astro- rum, et in libris de Subtilitate passim.

u) loc. cit. p. 37.

x) THISSIER l.c. THOMASIVS de Plagio n. 376. p. 109. MEYERHOF, Polyh. T. II. L. II. c. 2. §. II.

y) De Vita propr. c. 45. p. 170.

z) loc. cit. p. 55.

a) loc. cit.

b) Lugduni 1663. fol.

c) Hist. Lit. P. II. et III.



frequentibus etiam digressionibus, quibus lectorem nihil tale expectantem a via deducit, ut vix redire ad pristina vestigia valeat. Tacemus multa supposita et breuiter dicta, aut in differendi contentione animo magis comprehensa, quam expressa literis, quo pacto scriptores haud raro transilire nonnulla solent, quae magnas lectoribus tenebras offundunt.

§. IX. Multos sibi eruditionis copia amicos comparauit Cardanus, *Amici et inimici Cardani.* quorum indicem ipse in libro *de Vita propria* <sup>d</sup>, exhibet; in quo magna comparent nomina, non modo virorum doctrinae laude clarissimorum, sed et munerum generisque dignitate illustrissimorum. Inter quos Christophorus Madratius cardinalis, episcopus Tridentinus, beneficiis et liberalitate egentem sustentauit. Laudat etiam Caroli Borromaei et Marci Antonii Amulii cardinalium amicitiam, quemadmodum Ioannem Hamiltonum primatem Scotiae magno eum fauore complexum fuisse, supra docuimus. Ast qui fautorum et amicorum beneuolentia recreabatur, innumeris quoque inimicorum atque aemulorum odiis, conuiciis, infidiis periclitabatur, quas et emergendi studium, et vitae varietas, et imprimis contradicendi pertinacia ipsi comparauere. Maxime medicorum ratio acerbe in eum inuecta est, cui tam inuisus fuit Cardanus, ut diu in medicorum collegium in ipsa patria recipi non posset. Horum enim vlcerata ita fortiter tangebatur, ut mirum non sit, pignis illos atque calcibus Cardanum, strenuum *ιατρομασιχα* petiuisse. Et hos quidem non solum spernere se didicisse, sed eorum vanitatis misereri scribit <sup>e</sup>, ast dolorem tamen ex indignatione profectum passim prodidit; contemptu eorum inuidiam viturus. Non acerbiorum autem aduersarium nactus est, Iulio Caesare Scaligero, viro summo. Is quamuis artis criticae et disciplinarum philologicarum, quam philosophicarum, esset peritior, gloriae Cardani tamen inuidia accensus, cum et ipse artem salutarem profiteretur, arma contra Cardanum mouenda esse constituit, et libros de subtilitate, magna tum doctrinae fama apud omnes commendatos aggressus est. Nouem tamen, a prima editione annos elabi passus est, antequam contra Cardanum librum vulgaret, tandem satis spissum opus *Exercitationum exotericarum de subtilitate aduersus Hieronymum Cardanum* edidit, quod valde tum quidem commendauit illustris auctoris fama apud omnes maxima et praeclara de doctrina eius vniversali opinio <sup>f</sup>. In huius scriptionis praefatione, magnificas quidem laudes tribuit Cardano, et suam scribendi industriam valde extenuat, in ipsa autem tractatione toties Cardano, de fama detrahit, quoties carpi eum posse iudicabat. Inde factum, ut, ubi rebus non valeret, verbis eum perimere, et critico obelo configere contenderet, eum autem, quem ambitiose in praefatione laudauerat, mille conuiciis laceraret. Hinc

d) c. 15. p. 49.

e) c. 16. p. 53.

f) Vid. Epistola Io. CRATONIS ad Iose-

phum Scaligerum, editioni Wechelinae anni 1582. praemissa.

Hinc accensus ira, quod Aristotelem contempsisset, conuiciatorem, latratorem, canem vocat <sup>a</sup>, et commentarios eius confusissimam rhapsodiam nominat, et sententias illi nequitiae et impietatis imputat <sup>b</sup>, inter quas imprimis ille intellectus vnus est, quem sensu illi Auerroistico tribuit; et millies deliria, nugas pueriles, ingenium turbidum, inscitiam, temeritatem, ventosum ingenium et similia exprobrat, vt facile appareat, laudes in Cardanum cumulas in limine, amarum tantum satyram exhibere. Respondit ad opus Scaligeri prolixum Cardanus, *Actionemque primam edidit in calumniatorem librorum de subtilitate*, in quo praetermissio ex contemptu et indignatione nomine, hunc calumniatorem librorum suorum de subtilitate ait, dum moliri suo Marte nihilaudeat, opus suum ideo aggressum esse, vt mutuis altercationibus hominibus innotesceret: eum autem, putat, aut non admodum iudicio valuisse, aut liuore quodam victum esse, cum tantus non sit, quantum sui illi gnathones fuerint in re literaria. Reprehendit autem in eo, quod calumniis ac criminationibus, tum maledictis absque offensa, immo etiam absque cognitione hominis vlla ipsum inceserit, et laudationem in epistola praemissa ad calumniam et iniuriam irrisiorem adiecerit, malo quoque animo de religione accusare nitatur: quae violentissimi inimici aut virulentissimi animi indicia manifesta esse pronuntiat, illique obicit, quod toties Aristotelis atque Auerrois innixus principiis atque auctoritate, (qua scilicet salua mundi aeternitate ab illis probata Christi diuinitas et spes remunerationis bonorum atque malorum auferatur,) ipsum audeat de impietate insimulare. Quibus integritatem pietatemque suam a nemine haecenus in dubium vocatam opponit, licet de rusticitate et odio suorum conquerendi causam habeat, et quo potest modo eruditionem Scaligeri in dubium vocat, intimam ei barbariem obicit, et ridet, quod eum ne quidem grammaticus esset, de omnibus disciplinis scribere ausus sit. Et hoc quidem pacto magno animo et acerbo dicendi genere Scaligero respondet, quem maleuolo et inepto scripsisse animo in tota hac actione more suo demonstrat, et eum rodit, quod vitia editionis primae, non attendens ad emendationes posterioris, ipsi imputauerit. Dici non potest, quantum existimationi suae hac lite Scaliger nocuerit, cum ex comparatione scripti vtriusque clarissime constaret, impotente Scaligerum animo et ambitione atque inuidia lymphatum supra vires suas hanc contentionis ferram reciprocare coepisse. Vt enim innumera sophismata taceamus, quibus Cardanum aggressus est, recte obseruatum GER. IO. VOSSIO <sup>i</sup>, *contradicendi studium, sophista dignius esse quam philosopho, et maiorem etiam modestiam, dum false adeo tractet Cardanum, merito passim requiri, praesertim si cogites, scribere aduersus virum summum, studiis quidem humanitatis et metaphysicis non paulo inferiorem: at non scientia naturae, matheos; autem omnibus disciplinis, in quibus pa-*  
*rum*

g) pag. 153.  
h) pag. 987.

i) De Theolog. gentili Libr. III. cap. 8. pag. 203.

*rum omnino Scaliger viderit, albis quod dicitur, equis praeuertentem.* Quod Vossii iudicium aequissimum esse, et ipsa comparatio docet, et dudum a viris doctis, IO. SPERLINGIO <sup>k</sup> et RVDOLPHO GOCLE-  
NIO <sup>l</sup>, qui in exercitationes Scaligeri animaduerterunt, est ostensum; id quod breui quoque at accurata obseruatione factum a SORELLIO <sup>m</sup>. Pas-  
sim <sup>n</sup> ideo Scaligeri praecipitantiam, et in hoc quidem doctrinae genere *ἀπαιδευσίαν* reprehendi notarique videas, licet variarum rerum, ad histo-  
riam naturalem pertinentium copiam, quam ex vastae literaturae penu Scaliger depromebat, aequus quilibet laudauerit. Mirandum ergo, et nominis potissimum magnitudini, qua fruebatur Scaliger, adscribendum est, quod teste B. IO. FR. BVDDEO <sup>o</sup> tantae olim hic liber auctoritatis fuerit, vt nemo philosophus censeretur, qui eum non legisset, et, quod PAGANINVS GAUDENTIVS <sup>p</sup> indignatur, *multi cum profiterentur se adhaerere doctrinae Peripateticae, ex volumine de subtilitate contra Cardanum depromserint dicta ac sententias, inque iis conquieuerint, nihil ultra quaerentes, perinde ac si voces forent atque oracula ex cortina Lycei ex fonte Aristotelici Peripati prolata. Cum tamen multoties vel non intellexerit Aristotelem et perperam interpretatus sit, vel ab eo recesserit.* Id quod integra dissertatione demonstrauit luculenter idem GAUDENTIVS <sup>q</sup>. Quodsi parcius in Cardanum fuisset inuectus, si verum quaestionis statum excussisset, si a vocum disceptatione et criticis disquisitionibus sibi temperauisset, si doctrinam attulisset, in philosophia naturali et mathematicis magis exercitatum, sique suis ipse monitis fuisset obsecutus, famae suae, qua illustri et maxima fruebatur, hanc labem non aspersisset. Prudenter enim monuit <sup>r</sup>, *non desunt circumscripti animi quorundam et seruiles, qui in tenebris ignauo marcescere otio, quam in luce ac puluere cum labore versari malunt. Quid turpius, quam ex omnium rerum domino atque dictatore, intellectu nostro efficere mancipium alienae libidinis?*

k) In Meditationibus super subtilitates Scaligeri.

l) In Aduersariis ad exotericas aliquot I. C. Scaligeri exercitationes.

m) loc. cit.

n) NAUDAENS I. C. p. 19. 20. BAYLE

I. C. not. X. BOECLER, Bibl. crit. pag. 692.

STOLLIVS Hist. lit. p. 547. SORELL. I. C. p. 434.

o) Introd. in hist. theol. L. I. p. 265.

p) In Excussione exoterica de nonnullis, quae non Peripatetice dixisse videtur I. C. Scaliger in opere de Subtilitate, quae in Sylloge disserit. cum tr. de Pythagorea animarum transmigratione Pisis 1641. 4. prodit, p. 200.

q) loc. cit.

r) Ex. VI. §. 4. p. 29.



## CAPVT QVARTVM, DE FRANCISCO BACONO VERVLAMIO.

### §. I.

*Historia Ba-  
coni de Veru-  
lamio unde  
petenda?*

**I**n feliciter haecenus emendatio philosophiae suscepta fuit. Aut enim parum viderunt philosophi, qui relicta via sectaria nouam tentare aggressi sunt, aut, cum quaedam vidissent, nec animi nec ingenii satis habuerunt ad telam, quam exorsi erant, pertexendam, et ad nugas diuertentes philosophiam parum reformauerunt. Et hoc quidem fato seculum XVI usum est. Miserata vero humani intellectus tandem diuina prouidentia seculo XVII lucem clariorem restituit, et elegantiorum atque perfectiorum philosophandi modum introduxit, excitato Francisco Bacono, Barone de Verulamio, Vice-Comite S. Albani, Angliae cancellario, quo vix maius et excelsius ingenium ista aetas tulit, ut praeiudiciorum errorumque fontes detegeret, nouam viam panderet, hinc ad philosophiam emendandam afferret prorsus egregiam, et, cum nouum ipse philosophiae systema condere in animo non haberet, eas tamen obseruationes, regulasque spargeret, quibus aetas subsequuta diligenter usata tandem emendatos philosophiae vultus restituit. Hunc itaque verum primumque parentem philosophiae eclecticae, virumque de philosophia omnium maxime et praestantissime meritum recte appellaueris, dignum, cuius historiam accurate teneamus. Quam primus descripsit, documentis domesticis et *autopsiæ* adiutus GVILELMVS RAWLEY, illustrissimo viro, cum in viuis esset, et post eius funera reginae Angliae a sacris, et theologiae professor, eamque operum Verulamii a se editorum *tomò ultimo* <sup>a</sup> adiunxit. Ex quo hauserunt sua, qui historiam literariam seculi XVII enarrantes hoc ornamentum non praetermiserunt FREHERVS <sup>b</sup>, WITTIVS <sup>c</sup>, BAYLE <sup>d</sup>, DELA HOVSSEY <sup>e</sup>, auctores *Bibliothecae Thomastianae* <sup>f</sup>, alii. Recentissima aetate cum nouae scriptorum Verulamii editiones a Britannis cuderentur, semel atque iterum summi viri vita adiecta est. Eam enim *Epistolis* et aliis a Verulamio relictis scriptis praefixit, et hoc *Supplementum operum* <sup>g</sup> eius in limine hoc pacto ornavit ROBERTVS STEPHANVS <sup>h</sup>. Cumque plenior ex chartis passim delitescens operum Verulamii editionem vulgaret MALLETVS <sup>i</sup>, nouam et ipse biographiam maximi viri attexuit, quam se ex fontibus fide dignissimis

a) Tom. VI. edit. Amstelod. 1663. 12.

b) In theatro p. 773.

c) Memor. philos. Dec. II. p. 150.

d) Dict. T. I. art. Bacon. p. 417. quem interpretes Britannici valde auxerunt. n. XVII.

e) Memoires critiques T. I. p. 358.

f) Vol. II. p. 704.

g) Lettres and remains of the Lord Chancellor Bacon Lond. 1734. 4.

h) Vid. Litter. magazine 1735. Jan. art. 1.

i) Lond. 1740.

gnissimis et intemeratis rerum testimoniis hausisse affirmat <sup>k</sup>. His ductibus nos quoque, instituto nostro insistentes vitam eius viri delineabimus, quem vnum plus ad verae philosophiae nitorem restituendum contulisse, quam seculorum, ante eum plurimorum philosophos primi nominis, fatebuntur, qui acutissimi viri meditationes, observationes et inuenta cum veteris et mediæ orbis philosophici luminibus sine partis studio comparabunt.

§. II. Editus est in lucem FRANCISCUS BACONVS, BARO DE VERVLAMIO, VICE-COMESS. ALBANI in Anglia magnorum ingeniorum ferace anno 1561, x1 Cal. Febr. <sup>l</sup> Patrem habuit Nicolaum Baconum, Elisabethae reginae a consiliis, equitem auratum, magni sigilli Angliae custodem, virum et eruditionis, praesertim iurisprudentiae, nomine celebrem, et in tanto generis et honoris fastigio modestiae laude GILB. BURNETO <sup>m</sup> commendatissimum; matrem Annam Cocam, Antonii Cocæ equitis aurati, qui Eduardi sexti institutioni praefectus fuit, filiam, quam et pietate virtuteque eminuisse et doctrina praepollentem fuisse testatur biographus Baconi, RAVLAEVUS <sup>n</sup>. Favente Numine illud Bacono natiuitatis tempus contigit, quo valde amabantur literae, etiam apud illustres viros ipsamque procerum regni purpuram commendatissimae. Quam amplum autem a natura indolis optimae fundum accepisset, et quae vis ignea ingenii illi ineffet, non modo postea proditum est, cum emendare philosophiam insigni felicitate esset aggressus: sed mature quoque et in ipsa pueritia apparuit, ipsamque Elisabetham reginam, excelsi animi et ingenii foeminam, testem habuit. Cum enim insolita acuminis admirandi, et doctrinae in tam tenera aetate inusitatae specimina puer praecox subinde ederet, istis commendatus summis, qui in aula viuebant, proceribus, ipsi tandem reginae traditus est. Quae ut versatissima ingenii diuitiis fuit, ita Baconum puerum difficilioribus quaestionibus tentare haud semel, iucundum habuit. Ad quas tanta iudicii maturitate, tanta dicendi grauitate respondit, ut supra modum contenta regina, puerique indolem felicissimam et prorsus diuinam admirata eum dominum custodem sigilli minorem appellarit. Inerat enim responsis eius et iudicandi vigor in aetate puerili infrequens, et ingenii iucunditas atque elegantia, quibus mire captus est reginae animus. Cuius exemplum narrant <sup>o</sup>: interroganti, quot annos natus esset? ingeniose, puerum adhuc, respondisse, se regimine eius felici duobus annis iuniorem esse. Talis cum esset, maturandum, quo ad literarum studia properabat, iter rati parentes, annos natum duodecim in academiam Cantabrigiensem miserunt, tutela commissum Ioannis Whitgifti, qui S. Trinitatis collegio,

*Natiuitas et  
educatio Ba-  
coni.*

M 2

cui

k) Vid. Bibl. Britannique Tom. XV. P. I. art. 3.

m) Hist. reform. Angliae P. II. p. 380. ed. Angl.

l) Qui annum 1561. ponunt, eos falli ex epithio constare potest.

n) l. e. p. 5. ubi linguarum, quae eruditae vocantur, callentem fuisse, narrat.

o) Citati.

est adscriptus est, tunc praeerat, Cantuariensem autem archiepiscopatum magna postea prudentiae doctrinaeque laude ornauit. Et tum quidem magno ardore discendique desiderio in artes liberales et philosophiam Aristotelicam, quae una tunc in scholis Angliae personabat, incubuit. Quam tamen, nondum sedecim annos natus vilipendere coepit, non quod Aristoteli diuini ingenii laudem denegaret, hanc enim illi saepe, postea quoque, tribuit, sed quod disputationibus et contentionibus eam tantummodo natam, humanae vitae commodis autem inueniendis et promouendis ineptam sterilemque esse, probe cerneret. Ipse itaque, admodum adolescens sine cortice nauare, et excellentissimis, quas a natura acceperat, animi dotibus ad tentandam nouam philosophandi viam uti constituit.

*Aetas iuuenilis Baconi.*

§. III. Emensus artium liberalium, et philosophiae, quale definiri in academia solet, iter a parente ad artes politicas efformari coepit. Cum enim inter fratres natu esset minimus, terris patriis fratribus datis opus erat, ut ingenii copiis ad accipienda praeclara munera aditum sibi pararet. In Galliam ideo in comitatu legati ad Gallorum regem, Amicii Powletti, missus est. Quamuis autem iuuenilis aetas prudentia carere videri poterat, indolis tamen bonitas ita annorum adolescentiam emendauit, ut maximam ex eo itinere utilitatem referret, et prudentiam quoque singularem conscriptis anno aetatis vndeugesimo obseruationibus, *de Statu Europae* ostenderet. A legato quoque ad reginam missus in Galliam remeavit, eo consilio, ut iudicium inter peregrinos perfecte maturefceret. Magna tamen clades eum inopinantem in hac peregrinatione oppressit. Pater enim illi praematureto fato ereptus est, cumque terras patrias fratres iure occupassent, pecunia quoque, quam pater illi patrimonio carenti ad coemenda quaedam latifundia destinauerat, inter quinque fratres diuisa est. Paulo duriori ergo fortuna eo tempore usus fuit, quam tamen virtutis et doctrinae magistrum habuit. De vitae genere vero post reditum ex Gallia statuenti, iuris Angliae municipalis studium et professio placuit, sine dubio, ut ita sibi de necessariis aliquanto felicius dispicere posset. Breui autem ingenio optimo et diligentia iugi adiutus ita profecit, ut, licet, velut *παράγωγος*, ut ipse postea dictare solebat, et subsidiariam operam istud studium haberet, mature tamen tractationibus exasciatis, quales pauci dare possunt, ostenderet, se mysteria iuris legumque, praecipue quae ad patriam spectabant, omnia intime pernouisse. Itaque nondum in legis scientia tyrocinium egressus inter aduocatos extraordinarios a regina allectus est, hospitiumque sibi in societate Greienfi delegit. Maxime tamen ad emendandas disciplinas, et praecipue philosophiam emulandam, natioque nitori restituendam respicere nunquam oblitus est. Cuius eo tempore specimen edidit, quod: *Temporis partus maximus*, inscripsit; quod cum periisset, *Instauratio* inde eius magna enata est.

§. IV.

p) Hoc ex ore eius auditum refert RAVLAEVS l. c. p. 7.



§. IV. Legum custodiam et iuris sacris destinatus quidem Baconus *Aetatis viri-  
lis fata.* erat et conuictu, et vitae professione; at animo tamen et affectu in artes politicas et officia status magis propendebat. Quare aulae se tradere, et fortunam tentare, qua et ipse possit volitare per ora virum, constituit. Quamuis autem indoles egregia et doctrina praestantissima Baconum in aula commendatissimum fecissent, ita vt nec colloqui cum eo dedignaretur regina, nec de iure legibusque, ipsisque regni negotiis eum consulere negligeret, hincque facilius et liberius illi ad aulam principis, quam reliquis eius professionis, aditus pateret, neque munere tamen, neque emolumento frui potuit insigni: vno munere substituti registrarii in camera stellata excepto; cuius causam fuisse dicit MALLETVS, quod in clientelam se comiti Essexiae dedisset, qui, cum nostrum promouere conaretur, ab inimicis, quos iam tum habebat potentissimos, impeditus est. Quod cum aegerrime ferret Baconus, adeo vt insulae relinquendae consilium caperet, ab eo a comite reuocatus est, qui, vt patriae tantum pignus seruaret, latifundium ei aliquod clo clo ccc libris Anglicis venale ex suis facultatibus comparauit. Addit, quem sequimur, MALLETVS, (reliqui enim hoc tacent) ingratisimum tamen se tanto Moecenati praestitisse Baconum, inductum ab eius aduersariis, vt detectionem criminis perduellionis infelicis huius comitis post eius exitum ederet, qua perfidia apud Anglos nominis tot meritis alias illustris celebritatem mire conspurcauerit. Quam vero fortunae fauorem patrocinio apud Elisabetham consequi non poterat, ingenii doctrinaeque commendatione nactus est. Valde enim gratus factus est in aula Iacobi I. apud quem literis valde fauentem commendatissimum fecit liber praestantissimus, *de Augmentis Scientiarum*. Aulae tamen fata hoc loco expertus est, obstante praeter alios eius fortunae Eduardo Coco, equite aurato, gloriae ex literis Bacono partae valde aemulo. Peruicit autem Baconi constantia, regique probata eruditio, qua ita illi traditus est, vt eum anno clo clo c vii sollicitatorem generalem constitueret. Quo tamen munere impediri non potuit, quo minus philosophiae inseruiret, cuius testimonium fuit edita anno clo clo c x tractatio *de Sapientia veterum*. Fatis autem erepto Cecilio comite, qui viuus valde Bacono aduersatus erat, muneri splendido et opimo Atturati regis generalis siue procuratoris primarii et generalis praefectus, et emolumentis atque redditibus valde ditatus est. Quos cum dos quoque uxoris postea auxisset, quam partim numerata pecunia, partim terris quoque lautam et amplissimam acceperat, tantum tamen abest, vt in re splendida ad rationes oeconomicas attenderet, et familiae magnificentiam atque seruitiorum licentiam paulo arctius restringeret, vt potius magnam ex neglectu earum opum iacturam sentiret, scilicet studiis magis et meditationi intentus. Quod non vno hoc illi nomine noxium fuit, sed ad artes quoque in aulis exerceri solitas viam strauit, quibus sibi ipsi exitium parauit. Nempe corrumpi se muneribus passum esse, virum cetera admirabilem,

fide dignis sibi constare testimoniis MALLETVS affirmat. Et tum quidem in dies fauentior illum fortuna arrisit, in sanctius enim consilium regis adoptatus et anno clō Io c x v i i auxilio Villierii, qui ducis Buckinghamiensis nomine orbi innotuit, quemque rex vehementer amauit, custodiae regni sigilli praefectus est. Hic enim cum minus quam noster, eruditione et prudentia valeret, Baconi doctrina et iudicio vti solebat. Eo itaque parario tandem anno clō Io c x i x cancellarius Angliae, Baro Verulamius, et sequente anno, Vice-Comes S. Albani constitutus est. Illustri autem aulae splendore licet fulgeret Baconus, literarum curam tamen non deposuit, sed inter media aulae statusque, quem vocant, negotia, anno clō Io c x x *Nouum organum* edidit, opus duodeuiginti annorum, at immortalis gloriae.

*Baconi fata  
aduersa et vi-  
ta ad mortem  
vsque.*

§. V. Haecenus fauentissimis fideribus vsus erat Baconus, et doctrinae claritate illustris, et negotiorum publicorum administratione satis felix. Ast decreuit subito, quae incrementa haecenus laetissima sumserat, fortuna Verulamii. Rem totam tacet Raulaeus, ita vero narrant scriptores Britanni citati: Pecuniae indigens rex, eas sibi artes delegerat, quas regni leges non solent permittere. Quales cum nonnulli, vt solet in aulis, proponerent, qui monopolium quoddam regi persuadebant, quod non poterat non graue esse et exitiale regni subditis; illi a Buckinghamiae duce commendati, id apud regem obtinuerunt, vt regio diplomate confirmarentur. Id patroni sui suasu, et munus illecebris inductus, regni sigillo roborauerat Baconus, qui in corradendis facultatibus ad eas artes confugiebat, vt familiarum, quam splendidam habebat, alendae sufficeret. Non potuit non res ea displicere regni proceribus, qui facile intelligebant, exitialia huiusmodi consilia fore patriae. Grauius itaque de hac iniuria in comitiis regni conquesti sunt. Qui cum in auctorem eius inquirerent, dux Buckinghamiae negotio periculoso se extricaturus regi persuasit, vt in cancellarium omnem eius rei culpam transferret. Rex, vt solitudine se liberaret, Baconum permouit, vt periculo caput exponeret, nec culpam deprecaretur, pollicitus, curaturum se, ne detrimentum ex ea re caperet. Damnatus ergo a iudicibus est, indicta multa quatuor millium librarum, expunctus ex numero procerum regni, et carceri in castello Londinensi traditus. Cui cum breui tempore esset inclusus, a rege liber dimissus, sententia autem ista, post aliquot annos, reuocata et irrita declarata, restitutusque honoribus Baconus, adeo vt primis comitiis, sub Carolo I. rege indictis, interesse, iterum iuberetur, et reuisceret ingentium meritorum eius memoria, oblitteratis obliuione his, quas memorauimus, famae eius maculis. Ab eo tempore, quamuis reparato honore et fama, id posset, a negotiis aulae regni-que tractandis abstinuit, sibi-que et Musis suis vixit: fortunae aulicae inconstantiam et leuitatem, studiorum dulcedine ac philosophiae iucunditate pensando. Cum autem nec oeconomicas rationes valde curaret,

curaret, nec fido seruitio vteretur, tandem paupertate vir maximus et meliore fato dignus ita pressus est, vt et regem, et regni heredem supplex adiisse nonnullis dicatur, vt inopiae suae succurrerent. Vixit itaque in vmbra et otio studiis et contemplationibus addictus, quas luci et tumultui aulico expertus caute praeferebat, tempusque et legendo et scribendo terens, vtilem se reipublicae literariae praestare sategit. Vltimo enim quinquennio, quo se totum negotiis ciuilibus subtraxit, scriptorum suorum maximam partem exarauit. Tandem anno cło lccxxvi, III. Id. April. febris catarrhali lenta extinctus anno aetatis LXVI in aedibus comitis Arundeliae, in villa de High-Gate prope Londinum, ad quas animi tantum reficiendi causa diuerterat, obiit, exuuiæ mortalitatis in ecclesia S. Michaelis fano S. Albani vicina depositae; quia ecclesia illa ex vrbis vetustate Verulamii ruderibus sola superest, epitaphio scripto, quale viro meritis illustri debebatur.

§. VI. Factum esse a natura Verulamium ad emendandas scientias, maxime philosophicas, et scripta eius docent, et indoles, quam acceperat, loquitur. Cum enim a pueritia meditationi esset addictus, iudicio autem vteretur acerrimo, facileque in nexum veritatum et ipsa rerum principia atque fundamenta alte penetraret, haud difficile fuit viro summo, disciplinarum naeuos et defectus detegere, et magis sana atque salubria suppeditare. Et prima quidem tentamina, at quae ad iustam maturitatem et perfectionem quandam excreuere, ciuitati eruditae anno cło lcv. exposuit, edita incomparabili aetatemque latura tractatione *de Augmentis Tr. de augmentis scientiarum.* Eam patrio sermone Verulamius conscripserat, Latina autem veste donari curauerat a Playfero, professore Cantabrigiensi. Qui cum verborum, quam rerum, magis esset curiosus, ipse Baconus manum admouendo, virosque doctos Herbertum, Hobbesium, aliosque in partes curarum vocando, opus perfecit. Ergo comparate intelligendus est, RAVLAEVS scribens, *in hoc opere e lingua vernacula proprio Marte in Latinam transferendo auctorem plurimum desudauisse, et multis subinde ac variis additionibus locupletauisse.* Ipse enim Raulaeus in Praefatione operis ad lectorem scribit, Baconum, cum animum adiecisset, vt liber in Latinam linguam verteretur, quod inaudiuisset, illud apud externos expeti, eius translationem ab insignioribus quibusdam eloquentiae virtis elaboratam propria quoque recensione castigatam iam emitte. Dicit vix potest, quanta comprobatione et plausu virorum doctorum et tum, cum ederetur, opus sit exceptum, et ad nostros dies in honore habitum. Id quod immensae, quae in id congestae sunt laudes satis demonstrant. Vnus nobis, at quantus vir! LEIBNITIVS, testis omni exceptione-

g) Bibl. vniu. T. XI. p. 45. BAYLE l. c. non tantum ad extremam paupertatem redactum, quamuis nec diuitiis affluentem obiisse ait Malletus.  
r) Est apud POPE - BLOUNT l. c. in eo scientiarum lumen, facundiae lex vocatur, et lau-

datur, quod omnia sapientiae naturalis et ciuilis arcana euoluisset.  
s) In noua methodo iurisprudentiae P. I. §. 32. conf. BVDDEVS Praef. ad Artē cogitandi p. 15.

ceptione maior est, cui liber audit incomparabilis. Quanquam autem ad doctrinam de eruditione vniuersali, siue in genere considerata opus proprie pertinet, quo nomine integrum hoc loco recensere superfedemus, ipsi Lectori vtilissimi et ad augendas intellectus copias vtilissimi lectionem iterum iterumque commendantes: non praetereundum tamen hoc loco est, illustrissimum auctorem omnium scientiarum partitiones exorsum, omnem doctrinam, secundum tres facultates intellectus: memoriam, phantasiam, rationem, in tres classes fuisse partitum, in historiam, poësin et philosophiam. Ita enim, his positis classibus, non historiam modo acute distribuit, itemque poësin, sed philosophiam quoque. Cuius matrem communem constituit philosophiam primam, tria autem genera ponit, de numine, de natura, de homine. Et illam quidem, quae de numine tractat, philosophiam, theologiam naturalem vocat, eique adiicit appendicem doctrinam de angelis et spiritibus. Naturalem philosophiam autem in speculatiuam et operatiuam distribuit; et illius dicit partes esse physicam et metaphysicam; illam in causam efficientem et materiem; hanc in causam finalem et formam inquirere. Refert autem ad physicam speculatiuam doctrinam de principiis rerum, de fabrica rerum, siue de mundo et de varietate rerum, quae vel de concretis agit, et historiam naturalem complectitur, vel de abstractis, ubi de schematizmis materiae et de motibus agi debet. Metaphysicam partitur in doctrinam de formis et de causis finalibus. Operatiuam doctrinam de natura distinguit in mechanicam et magiam, expurgata significatione sumto hoc vocabulo, illique duas tribuit appendices, *inuentarium* opum humanarum, et catalogum polychrestorum. Mathematicam quoque et puram et impuram ad appendicem magis philosophiae naturalis, quam ad scientias substantiuas, referendam esse asserit. Porro doctrinam de homine, in philosophiam humanitatis et ciuilem distribuit, et illius capita constituit, de corpore, et de anima hominis, quoad statum siue personam, et foedus animae ac corporis. Personam hominis autem secundum eius miseriam et praerogatiuas considerat; foedus secundum indicationes et impressiones, quo etiam physiognomiam et interpretationem somniorum naturalium refert. Dein corpus hominis considerando, medicinam in cosmeticam, athleticam et voluptuariam diuidit, et medicinae tria assignat officia, conseruationem sanitatis, curationem morborum, et prolongationem vitae. Philosophiae humanae circa animas, partes esse vult doctrinam de spiraculo, de anima sensibili siue producta; tum de substantia et facultatibus animae, earumque vsu et obiectis. Ad quas appendicem constituit, doctrinam de diuinatione naturali et de fascinatione, et facultates animae tres facit, sensibilem, in motum et sensum. Vsum porro ex obiecto facultatum animae humanae expendens, logicam inde et ethicam oriri docet. Et partes quidem logicae facit quatuor, inueniendi, iudicandi, retinendi et tradendi. Inuentiuam autem artium et argumentorum esse monet, et ex illa experientiam literatam et organum nouum extruit;

ex

ex hac promptuariam et topicam facit, generalem atque specialem. Iudicandi artem vel inductionem vel syllogismo absolui, et hunc reductionem rectam et inuersam comprehendere, obseruat; tum analyticam et de elenchis huc pertinere, ait, elenchos autem esse, vel sophismatum, vel hermeniae, vel idolorum, ostendit, idola partitur in imagines tribus, specus et fori. Arti retinendi doctrinam de memoria ipsa, eius praenotionem et emblemata vindicat. Traditiuae disciplinae doctrinam omnem de sermone eiusque methodo, illustratione, organo, locutione, scriptione, totamque grammaticam, literariam atque philosophantem etc. propriam esse vult, singularem quoque tradendi prudentiam extruit, et huc varia methodorum genera reuocat: tum rhetoricam, et quae illi adhaerent, illustrationem sermonis absolueret tradit, qua occasione de critica quoque et paedagogica agit. Tandem Ethicam in doctrinam de exemplari, siue bono simplici et comparato, et georgica animi partitur, et diuisiones boni varias affert, culturam animi autem doctrina de characteribus animorum, de affectibus et curationibus siue remediis absoluit. Ciuilem doctrinam de conuersatione; de negotiis et de republica praecipere iubet. Et negotia vel vitae ambitum, vel occasiones sparsas comprehendere monet. Doctrinam autem de imperio omittit, et desiderata tantum addit, de proferendis finibus imperii, et de iustitia vniuersali siue de fontibus iuris. Epilogum vero de legitimo vsu rationis humanae in diuinis, de gradibus vnitatis in ciuitate Dei, et de emanationibus scripturarum, occupatum esse iubet. Constare ex breui hac *διατυπώσει* operis praestantissimi, potest, quanta ingenii vastitate et iudicii acumine omnem scientiarum circulum Verulamius complexus sit; et imprimis, quod ad rem nostram pertinet, quanta et quotuplicia noua ad philosophiam pertinere viderit, monuerit, viamque monstrauerit. Quae si cum antecedentibus temporibus, et seculo ipsius aetatem sequente comparantur, admirationem lectorem subire necesse est, quod vnus vir tot et tanta viderit et obseruauerit, quae tot secula ignorarunt, et nostrorum temporum felicitas eius vestigiis insistent, eoque faciem praeferente singulatim demum explorauit exposuitque. Tacemus desideria per omnes ferme scientias sparsa, quibus maximo iudicio defectus in disciplinis etiam philosophicis detexit, occasionemque exhibuit castius philosophaturis ea explendi, quibus antecedens aetas caruerat.

§. VII. Ita praeparata via referatisque disciplinarum adytis, de nouo quoque, qui fideliter ad veritatem viam monstraret, duce sollicitus fuit Verulamius. Qui licet eo tempore magnis muneris publici curis detineretur, philosophiae incrementa et emendationem tamen promouere non neglexit. Enatum inde spatium annorum, quod nonnulli volunt duodeviginti Nouum Organum, tanti laboris, industriae et acuminis insculpti opus, vt primum inter sua scripta locum obtinere ipse auctor iudicauerit. Nouum organum.

Cum

c) RAU LAEVS, l.c. p. 16.

Hist. philos. Tom. V.

N

Cum enim probe intelligeret \*, logicam, quae velut instrumentum veritatis inquirendae in scholis tunc tradebatur, aptiorem esse disputationibus scholasticis fouendis, quam rerum naturae detegendae, probe autem nosset, intellectum humanum sibi ipsi hoc pacto negotium faceffere, neque auxiliis veris, quae in hominis potestate sunt, vti sobrie et commode, indeque multiplicem rerum ignorationem, et ex ignoratione rerum detrimenta innumera: omni ope connitendum existimauit, si quo modo commercium istud mentis et rerum restitui posset in integrum, aut saltem in melius deduci. Quoniam autem id fieri posse ex auxiliis atque adminiculis Dialecticae nulla prorsus spes suberat, propterea quod notiones rerum primae, quas mens haustu facili et supino recondit atque accumulat, vnde reliqua omnia fluunt, vitiosae sunt et confusae et temere a rebus abstractae; neque minor sit in secundis et reliquis libido et inconstantia; ex quo fit, vt vniuersa ista ratio humana, qua vtimur, quoad inquisitionem naturae, non bene congesta et aedificata sit, sed tanquam moles aliqua magnifica sine fundamento: ideo de melioribus praefidiis dispiciendum esse ratus est, quibus scientiarum et artium atque omnis humanae doctrinae in vniuersum instauratio a debitis excitata fundamentis, praestaretur. Cum autem in priore, quem de *Augmento scientiarum* scripsit, tractatu obseruauisset, ratiocinationem omnem fieri aut syllogismo, aut inductione, illo scholis relicto, hanc potissimum regulis atque praeceptis muniendam sibi sumsit. Probe enim videbat isto syllogismorum necessendorum artificio veritatem iuuari eiusque cognitionem promoueri parum posse. Qua de re, quae momentum habet, dignus est, qui ipse audiatur. Ita vero differit \*: „Nos demonstrationem per syllogismum reiicimus, eo quod confusius agat, et naturam emittat e manibus. Tametsi enim nemini dubium esse possit, quin, quae in medio termino conueniunt, ea et inter se conueniant, quod est mathematicae cuiusdam certitudinis: nihilominus hoc subest fraudis, quod syllogismus ex propositionibus constet, propositiones ex verbis, verba autem notionum tesserae et signa sint. Itaque si notiones ipsae mentis, quae verborum quasi anima sunt, et totius huiusmodi structurae ac fabricae basis, male ac temere a rebus abstractae et vagae, nec satis definitae et circumscriptae, denique multis modis vitiosae fuerint, omnia ruunt. Reiicimus igitur syllogismum, neque id solum quoad principia, sed etiam quoad propositiones medias, quas educit sane atque parturit vtcunque syllogismus, sed operum steriles, et a practica remotas, et plane quoad partem actiuam scientiarum incompetentes. Quamuis igitur relinquamus syllogismo et huiusmodi demonstrationibus famosis ac iactatis iurisdictionem in artes populares, et opinabiles, tamen ad naturam rerum, inductione per omnia, et tam ad minores propositiones, quam ad maiores, vtimur. Inductionem „enim

n) Ita ipse in Praefatione.

x) p. 4. seq.



„enim censemus eam esse demonstrandi formam: quae sensus tuetur, et naturam premit, et operibus imminet, ac fere immiscetur.“ Nempe sensuum potius, quam abstractionum ministerio auxilia conquirenda esse statuit, et ad experimenta descendendum esse iudicat, quibus sensuum imperfectio tolli queat. Maxime autem impedimenta illa, quae ex idolis oriuntur (hoc autem nomine praeiudicia, quae recentiores vocant, intelligit) remouenda esse, commendat, quae vel ex philosophorum placitis et sectis, et ex peruersis demonstrationum legibus, vel ex innato intellectus vitio oriuntur. Quare redargutionem, ut ipse vocat, siue emendationem philosophiae explicandam esse, et tum demum ostendendum, qua ratione intellectus atque res, siue mens et vniuersum inter se concordent, docet, et tum vias quoque ineundas esse statuit, quibus ad metam perueniri possit. Quem in finem phaenomena vniuersi, hoc est, omnigenam experientiam atque historiam naturalem adiungit, ut interpretis loco sit, in explicanda rerum natura. Ex quibus intelligitur, Verulamium, hanc logicam siue organum suum proprie philosophiae naturali dedicauisse, et ideo experientiam et historiam fundamenti loco strauisse, ne, quod a Peripateticis factum est, vanis et incertis notionibus generatibus, abstractis, vagis, nihilque significantibus, quae naturam rerum nunquam recludunt, humanus intellectus decipiatur, sed in ipsum naturae conclaue a certo fidoque duce introducatur. Quo pacto autem illustris auctor hunc finem obtinendum esse putauerit, et quibus regulis intellectum instruxerit, ut metam hanc consequatur, prolixa enarratione depingere hoc loco breuitati consulentibus non licet: et legenda ipsa nobilissima tractatio ab illis est, qui in rerum naturalium inquisitione feliciter progredi cupiunt. Quae si paulo plus luminis et perspicuitatis haberet, et nouorum terminorum et partitionum artificio lectorem non remoraretur, longe plura, quam factum est, contulisset ad philosophiae emendationem. His enim obstantibus a plerisque hoc organum nouum neglectum est. In quo si hae labeculae negligantur, observationes praestantissimae continentur, quibus rerum naturalium et scientiarum fere omnium termini egregie possunt amplificari. Nullibi enim sectae inhaeret, vel nouam sectam condere cupit, pulchre de ea re pronuntians: *Primo postulandum videtur, ne existiment homines, nos more antiquorum Graecorum aut quorundam nouorum hominum, Telesii, Patricii, Seuerini, sectam aliquam in philosophia condere velle. Neque enim hoc agimus, neque etiam multum interesse putamus, ad hominum fortunas, quales quis opiniones abstractas de natura et rerum principis habeat: neque dubium est, quin multa huiusmodi, et vetera reuocari, et noua introduci possint; quemadmodum et complura themata coeli supponi possunt, quae cum phaenomenis sat bene conueniunt, inter*

N 2

se

y) Vid. WALCH. Hist. logic. in Parerg. Acad. p. 639. STOUTT. Hist. liter. P. II. c. 2. §. 22. p. 441.

z) c. 116. p. 123.



*se tamen dissentiunt. At nos de huiusmodi rebus opinabilibus, et simul inutilibus non laboramus.* Quae a magno sapientiae naturalis antistite prudenter pronuntiata, vtinam nostro tempore omnium versarentur ob oculos, quo hypothesium plena sunt omnia, et in tanta eclecticae philosophiae luce, sectaria passim nomina audiuntur. Sed vt ad Baconi Organum reuertamur, illud imprimis, quantivis id pretii opus esse demonstrat, quod praeiudiciorum absurditatem, et damna, quae ex iis intellectui in veritate inquirenda subnascuntur, maxima luculenter ostenderit. Obesse enim veritati monet \*, quod homines id sibi modo proponant, vt ex ea, quae praesto est, massa, nihil amplius sumant, aut quaerant, quam quantum ad vsum professorium, aut lucrum, aut existimationem, aut huiusmodi compendia conuertere possint: quod omnia haec vel traditionum caligini, vel argumentorum vertigini et turbini, vel casus et experientiae vagae et inconditae vndis et ambagibus, permixta fuerint. Quod antiquitatis opinio inepta iudicium detineat, cum nostra potissimum tempora respectu mundi, grandaeuitatem et antiquitatem, atque ideo senilem quoque prudentiam et maturius iudicium inuoluant. Quod pusillanimitas sit, auctoribus infinita tribuere, auctori autem auctorum, tempori, ius suum denegare, cum veritas non auctoritatis, sed temporis filia sit. Quod ipsorum operum, quorum copia iam pridem facta est humano generi, admiratio, ad acquiescendum in iis homines compulerit, incremento accedente admiratione simplici et prope puerili ab eorum astu et artificio, qui scientias tractauerunt et tradiderunt. Quod homines vaniloqui et phantastici, qui partim ex credulitate, partim ex impostura, genus humanum promissis onerarunt, omnem conatum magnanimitatem destruxerint. Quod a pusillanimitate et pensorum, quae humana industria sibi proposuit paruitate et tenuitate, detrimenta in scientias inuecta sint, artis infirmitate in naturae calumniam conuersa. Quod superstitio et zelus religionis coecus et immoderatus, aduersarius, molestus et difficilis philosophiae euaserit, vel falsa et sectaria philosophia corpori religionis immixta, vel aditu alicui philosophiae, quamvis emendatae, pene intercluso. Quod in moribus et institutis scholarum, academiarum, collegiorum, et similium conuentuum, qui doctorum hominum sedibus et culturae eruditionis destinantur, omnia progressui scientiarum aduersa inueniantur; inuidia, auctoritate, nouorum odio, dominantibus, et bonorum conatibus praemiis carentibus. Quodque tandem desperatio hominum et impossibilitatis suppositio maximum progressibus scientiarum et nouis pensis ac prouinciis in iis suscipiendis obstaculum posuerit. Quae omnia, vt ingentes intellectus humani morbos viuidis depingunt coloribus, causasque per tot secula impeditorum profectuum atque incrementorum disciplinarum certissimas exponunt, ita, quantam ad artium et philosophiae emendationem Verulamius attulerit, manifestum faciunt. Recte itaque

\* c. 81. seqq. p. 82. seqq.

itaque et ex merito laudarunt viri docti <sup>b</sup> hoc nouum Organum, quo oculos philosophantibus Baconus aperuit, ut deuiis tandem aliquando relictis in via regia philosophari inciperent.

§. VIII. His praeclaris laboribus periclitanti philosophiae succurrere, et aegrotanti intellectui humano medicinam afferre tentauit Verulamius regni adhuc negotiis districtus. Vbi autem ex aulae tempestate ad philosophiam solam, velut in tranquillum portum, se contulisset, totus id sibi muneris datum esse putauit, vt eiectis scholarum nugis meliorem philosophiam restitueret. Quam licet vniuersam emendare cuperet, ad naturalem tamen partem animi quadam propensione inclinauit. Inde enata scripta maximi viri praestantissima, cedroque digna, quae ingenii vastitatem et iudicii acerrimi profunditatem in eo probant. Quibus licet opus, quod moliebatur, ad perfectionem non perduxerit, fatendum tamen est, hylen rerum atque obseruationum praestantissimarum posteritati virum summum exhibuisse, ex qua cautius atque prudentius philosophantes vberimum sapientiae sincerioris argumentum hauserint, verumque esse, quod grato ore professus est SAM. PUFENDORFIVS<sup>c</sup>, eam, quae est pulchrius nostro tempore efflorescentis philosophiae gratiam, isti viro non minima ex parte deberi. Testamur scripta excellentissimi auctoris non lucernam modo olentia, sed et iudicium testantia et ingenii felicitatem singularem: *Historiam naturalem ventorum, densi et rari, sympathiae, vitae et mortis, de forma calidi, de motu, cogitata et visa physica, descriptionem globi intellectualis, thema coeli, de fluxu et refluxu maris; Parmenidis, Telestii et Democriti philosophiam, indicia de interpretatione naturae, siue impetus philosophicos, de sapientia veterum, syluam sylvarum siue hystoriam naturalem, nouam Atlantidem.* Et haec quidem omnia ad naturalem disciplinam pertinent. Neque tamen, vt animo vasto cuncta erat complexus a morali philosophia emendanda perficiendaque abstinuit; scripsit enim *Sermones fideles ethicos, politicos, oeconomicos*, vt alia minora taceamus. Et in illis quidem systematico, a qua scholarum methodo valde abhorrebat, ordine non progreditur, obseruationes autem partim ex humanae mentis natura deductas, partim ex aliis scriptoribus, maxime Michaeli Montano et Machiauello, collectas suisque meditationibus apte innexas porrigit, et hoc quoque pacto eclectice philosophatur. Ipse autem in *dedicatione* ad ducem Buckinghamiae, *ex fructibus optimis, quos calami sui laboribus exhibere potuerit, hos sermones esse, et acceptissimos quoque fuisse, scribit, quia videantur praeter ceteris hominum negotia stringere, et in sinus fluere.* Id quod verum esse, ipsa attenta harum meditationum ex philosophia practica haustarum consideratio docet. Quae profundae quidem sunt, et intellectu difficiles, adeoque lectorem poscunt in philosophiae mysteriis non inexercitatum,

N 3

attentum

<sup>b</sup>) Vid. BAYLE L. c. et quos laudat.

<sup>c</sup>) Specim. controuers. c. I. §. 5. Erid. Seand. p. 205.

attentum et meditationis molestiam non subterfugientem: ast fracto putamine dulcissimos nucleos se offerre, fatebuntur; qui eius rei experientiam habuerint. Accurate enim virtutum vitiorumque characteres, confinia malorum, laruas simulationis, rationem temperamentorum ostendit, dignus qui iterum iterumque legatur. Quae causa fuit, ut commendatissima diu fuerit elegantis libelli lectio, praesertim, cum narrationibus, exemplis, apophthegmatibus, sententiis, comparationibus iucundus sit; dignus itaque ille visus fuit, qui et Gallico et Germanico vestitu aliquoties compareret <sup>d</sup>. Adeo autem in morali argumento Verulamius placuit RAPINO <sup>e</sup>, ut in eo plus valuisse, quam in reliquis, censeret. Nos vero ubique Baconum magnum deprehendi, maiorem futurum, si luculentior esset, sine contrarii metu pronuntiamus, et ad scripta quoque historica, inter quae historia Henrici VII, Angliae regis eminet, prouocamus, in quibus quanta prudentia et accurazione rerum gestarum seriem ad vitam et actionem retulerit, satis demonstravit. Laudandi itaque sunt, qui viri summi, et posteritati nunquam obliuiscendi, scripta collegerunt, vnoque fasce, comprehensa ediderunt, quod apud Batauos <sup>f</sup>, Germanos <sup>g</sup> et ipsos tandem Britannos <sup>h</sup> factum, quibus amplissimam scriptorum Verulamianorum syllogem debemus.

*Desiderata in  
Bacono.*

§. IX. Intelligi ex hactenus dictis potest, qualis quantusque vir fuerit Baconus, quidque ad perficiendam emendandamque philosophiam contulerit. Dolendumque et ipsam viri maximi ingenii profunditatem, moremque meditandi, et quandam terminologiae nouae et insolitae atque partiendi affectationem, et argumenti difficultatem, aliquam praeterea sermonis Latini repugnantiam, quae auctori obstitit, ut commode et perspicue mentem suam exprimeret, et cui medicam aliorum virorum doctorum manum interdum admouisse supra diximus, obscuram et molestam facere lectionem libellorum cetera aureorum. Quibus si lector obtingat accuratus, attentus, et philosophicorum mysteriorum non ignarus, meditationi autem adfuetus, et relegendi laboris patiens, innumeros veritatis thesauros exhibent, et horreum aliquod rerum praestantissimarum atque obseruationum pulcherrimarum subministrant. In quibus tamen caueas, nouum systema philosophiae quaeras: illud enim docendi genus auersatum fuisse Baconum supra monuimus. Id autem constitutum sibi habuit vir summus, ut duplici ratione laboranti philosophiae succurreret. Nam et defectus, naeuos et errores, quos in omni scientiarum genere detexerat, vniuersales oculis lectorum exponere, et viam ostendere fategit, qua iugi meditatione illi tolli, et augeri emendarique disciplinae artesque possint. Cui fini tot regulas, cautiones, media adaptauit, ut merito

d) Et Gallicam Balduini et Germanicam enarrat STOLLIVS l. c. P. III. c. 1. §. 52. p. 621.  
conf. Biblioth. Thomasiæ Vol. II. p. 704.  
e) Reflex. sur la morale §. 9.

f) Amstelod. 1662. VI. Vol. in 12. quibus VII. volumen postea accessit. Ea editione nos utimur.  
g) Francofurti 1665. Lips. 1694. fol.  
h) London. 1740. IV. Vol. lingua Anglica.

rite immortalis eius inter philosophos hodie quoque sit memoria. Et ad perennitatem eius gloriam omnino pertinere censendum est, quod eius consiliis occasio suppeditata sit Britannorum genti ab eo tempore tanta cum laude naturalem philosophiam artesque mathematicas perficienti; excitandi societatem scientiarum, tamdiu cum gloria superaturam, quamdiu honos erit literis<sup>1)</sup>. Non filebimus tamen, fuisse quaedam, quae in tanto laudum cumulo nonnullis in Bacono displicuerint.

Nam et pulcherrimis corporibus sui naevi sunt, et nihil est in mortalitate ab omni parte beatum, ut taceamus, non omnibus placere potuisse Verulamium, qui nemini, nisi veritati placere studuerat; et ita in inuestiganda veritate incessisse, ut ab omni sectae studio longissime discederet.

Id quod illis non potuit non displicere, qui saluam sectae suae auctoritatem cupiebant, licet ingenii magnitudo, quam ubique prodit Verulamius, eum laudare illos coegerit.

Inter quos imprimis notandi CONRINGIVS et RAPINVS.

Et ille<sup>2)</sup> quidem ita de Bacono pronunciat: *Baconis scripta non eandem*

*merentur laudem. Homo ingenio fuit vasto, sed nec a veterum doctrina*

*instructus, nec quidquam moderati agitans, dum principatum affectat*

*per nouitates in omni philosophia. In physicis eius libellis nihil placet,*

*praeter empiricam industriam, quam laudo; perinde ac rideo eius ἀπει-*

*δωσίαν, ut Aristotelice loquar. Inter politica perplacet historia Henrici VII.*

*Reliqua ut non asperneris, tamen non est, quod laudes. Et*

*alio loco ita de eius libris sententiam pronunciat: De Verulamii libro,*

*quem de augmentis scientiarum inscripsit, nec dum aliter sentio, quam*

*ante hac. Veterum et verae προπαιδευτικῆς doctrinae plane imperitus*

*fuit; imo supinus et superbus veterum omnium contemtor. Laudaueris*

*illum librum ob studium promouendi boni eruditionis publici, ob commen-*

*datam experientiam rerum, quae vulgo negligi solet, ob pauca quae-*

*dam, non vane monita alia. Cetera solet ludere vocabulis, noua scili-*

*cet fingere, aut vetera flectere in nouum sensum, et sub illo schemate*

*meras ineptias producere, tanquam nouiter a se obseruata, et inuenta*

*doctrinae oracula: ingenio tamen valuit, nec a iudicio fuit destitutus.*

*Sermones fideles ipsius plurimum habent bonae frugis; nec displicet sa-*

*pientia veterum saltem ob verisimiles coniecturas diuinitis ingenii, nec*

*enim sub fabularum inuolucro, multum adeo sapientiae latitare mihi*

*persuadet. Scio sane, iam olim Stoicos theologiam gentilium ausos ita*

*interpretari, sed irritum et nostris quoque aurei aevi Christianis irritum*

*conatum. Inter omnia autem Verulamii perplacet Henrici VII. Angliae*

*regis historia, quamuis et ibi obseruaueris hominis κακιστίαν et voca-*

*bulariam ostentationem atque insolentiam. Non expendemus veritatem*

*eorum, quae a Conringio Bacono obiciuntur, hoc enim alium locum,*

*aliud-*

<sup>1)</sup> THOMAS SPRAAT. Hist. de la société royale L. I. f. 16; p. m. 43.

<sup>2)</sup> Conringiana p. 19. 76. 77.

aliudque institutum postulat; sed id modo observamus, Conringium licet virum insigniter doctum, in naturali philosophia impense fuisse delectatum Aristotele, quem supplendum potius et experientia recentiorum augendum, quam exagitandum atque deferendum putabat: literaturae autem veteris fuisse peritissimum, et sine ea ad verum eruditionis cultum neminem perueniri posse, credidisse, adeoque nec Aristotelicae, nec veteris doctrinae contemptum atque neglectum potuisse pati. In omnia alia autem abibat Verulamius, non tam πολυζωρίας laude, quam philosophiae cognitione, inclarescens. Is enim reiecta omni auctoritate non homines, sed naturam sequi constituerat, ut eius indolem et arcana rimaretur; credebaturque antiquitatis opinionem non puerascenti mundo, sed senescenti aetati nostrae deberi. Itaque veterum doctrinas impedimentum in natura secessibus perquirendis nequere statuebat, et speculationes inutiles ostentationi magis profuturas, quam utilitati: qua ratione inductus professorias consuetudines hominum academicorum, quibus unius auctoris sententiae, velut carceri, includuntur, ridebat contemnebatque. Id quod non potuit non altum Conringio vulnus infligere, qui hanc academicam eruditionem maximo loco ponebat. Fatendum tamen, non prorsus abire a vero Conringii censuram, Verulamio affectationem vocabulorum novorum, et terminorum sine necessitate innovatorum obliquentem. Nouam enim hanc philosophandi linguam obesse magis quam prodesse philosophantibus, experientia multis exemplis docuit. Nec dubitandum, quin haec potissimum causa alleganda sit, cur scripta Verulamii, ut egregia et optima frugis plena, magis laudentur, quam legantur. Deterreret enim ista vocabularia obscuritas, molestiam in legendo afferens, lectoris animum, qui spectra sibi et lemures adduci suspicatur. Aliud displicuit RAPINO<sup>1)</sup>, qui ingenium Bacono vagum tribuit, quod de rebus nunquam enucleate differit; et nimiam eius doctrinam illum accuratum non esse finire putat: unde pleraque eius dogmata, vltioris meditationis potius ansam praebere, quam axiomata, quae sequi possimus autumat. Non negat, opiniones eius aliquid acuti et splendentis habere, at, si verum dicendum, ignis potius scintillas, quam constantem et nativam lucem referre iudicat. Credulitatem quoque circa relationes observationum naturalium ei obiicit, in moralibus tamen plus ingenii, quam in ceteris emicare contendit. Potest ex parte concedi Rapino, quod in Verulamio reprehendit; nam plenas scientiae naturalis institutiones eum tradere minime voluisse, contentum, si in viam philosophantes deduxisset, supra observauimus. Ast quam lucem in Verulamio desiderat, timendum, ne Rapinus ignem fatuum intellexerit, sine flamma, sine virtute, externo splendore micantem. Narrationibus autem interdum deceptum fuisse, quod et THOMAS SPRAAT<sup>2)</sup> observat, ignoscendum viro per maximam vitae partem negotiis publicis occupato, et bona fide aliorum testimo-

1) Reflexions sur la philosophie §. 18.

2) loc. cit.



testimoniis nitenti. Speciose magis illud a συμπατριώταις SAM. PARKERO \* et RAD. CUDWORTHIO \* reprehenditur, quod finalium caussarum inquisitionem longe a physicae suae prouinciis amouisset, eo quod illa remoriarum instar scientiarum quasi velificationem retardauerit, quod cum hominis speciosis istis et vmbratilibus caussis adhaerescant, non vterius in physicae scientiae cursu velificare curarint. Quo pacto enervari contemplationem atque demonstrationem sapientiae diuinæ existimat. Quo nomine imprimis Cudworthum magno viro minus fauere, eumque inter occultos impietatis erga Deum patronos numerasse videri obseruatum est eruditissimo MOSHEMIO †: certe nullam occasionem negligit sententias et verba eius tacite perstringendi, forte odio Hobbesii ductus, quem apud Verulamium plurimum valuisse constat. Verum iniuriam fieri Verulamio ea in re, eleganter pleque de Deo statuenti, ex eius scriptis est eidentissimum: qui ideo caussas finales ex physica proscripsit, et ad theologiam remisit, ne ab inquisitione causae formalis et materialis retinerentur philosophi, sed naturam ipsam consulerent: quo nomine Democritum Platoni praetulit, indignante Cudwortho, cui ideo Plato tantopere deamatus est, quod disciplinam naturalem omnem diuinitatis consideratione repleuisset. Non disputabimus hoc loco, vtrum recte hoc fiat, nec ne, facile id intelligent, qui didicerint ex recentiorum philosophorum obseruationibus, etiam finales caussas facere ad rerum naturam cognoscendam: ast excusandum tamen esse Baconum iudicamus, qui, cum malo scopo minime duceretur, ab exoterica philosophia, ad pernoscendos interiores naturae recessus philosophantes ducere voluit, et ablegatis in alium campum principiis metaphysicis sensum et experientiam veros duces sequendos esse statuit, non eo, quo Hobbesium ductum fuisse animo conqueruntur, vt pietatis sensum subrueret. Alia quae manibus viri illustrissimi obiciuntur, qualis est, historiae literariae consilium impossibile, hoc loco, ad quem non pertinet, praeterimus.

§. X. Meruit his praeclarae doctrinae speciminibus Verulamius laudes, quae homini erudito tribui possunt, maximas, consentiente in eo tota ciuitate erudita, esse Baconum inter maxima ingenia et vtilissima recentioris aetatis praesidia numerandum, eumque fuisse, qui praecipue nostro seculo velut classicum cecinescit, et signum sustulerit, vt in rebus philosophicis aliquid vterius et exquisitius tentaretur. Qua de re iudicia virorum doctorum collecta a THOMAS POPE-BLOUNTIO † consuli possunt, quibus haud minor farrago addi posset, si id ageremus. Videndi autem sunt THOMAS SPRAAT † et P. BAYLE † alique. Nec minoribus animi, quam ingenii virtutibus excelluit, si verum est, quod

n) Disp. III. de Deo §. 16. p. 283.

o) Syst. intell. p. 320. seq. 329.

p) Ad loc. cit.

q) loc. cit.

r) loc. cit.

s) loc. cit.

quod de eo narrat, qui a sacris domesticis fuit **Baceno G V I L. R A V - L A E V S.** Is enim praeter ingenium vere philosophicum, pietatem eius cultumque diuinum extulit laudibus, maxime quod hoc philosophiae suae principium posuerit: philosophiam primoribus tantum labiis degustatam a Deo abducere, utpote quae causas secundas ultra debitum magni faceret, philosophiam autem plene haustam ad Deum denuo ducere. Cum regium procuratorem ageret, capite damnatis iudicem se semper iustum, aequum, quin misericordem quoque praeiuit. Quanquam autem regi erat deuotissimus, adeo, ut suae calamitatis inde faber existeret, ut supra narratum, a consiliorum tamen vehementia et violentia abhorruit, prudentiamque atque moderationem in consulendo adhibuit. In amicorum conuersatione ita se iucundum vtilemque ac modestum praeiuit, ut ipsa mensa Platonice conuiuium exhiberet, et non venter magis atque palatum, quam aures et animus, reficerentur. Ipsos vero inimicos venia magis, amore et misericordia, quam vindicta persequutus est. Qualis cum esset, mirum non est, tum in magna fortuna singularem modestiam, tum rebus secundis euerfis magnam illum constantiam atque patientiam conseruauisse. Vixit autem sobrius, et licet diaeta minime parca, sed liberali potius, vteretur, ab omni tamen voluptatis confectione abhorruit, maxime ad stomachum attentus. Seruandae sanitatis causa autem mane grana circiter tria nitri quotidie in iusculo tenui et tepido sumit, et quoties humores excrementitios corpus grauare sentiret, infuso rhabarbari aliquoties repetito illud leuauit: ab aliis medicaminibus abstinuit, nisi quod podagrae dolores interdum medicamento, quod ipse inuenerat, feliciter extinxerit. Singulare autem est, et memoria dignum, quoties luna defecisset, ipso quoque id ignorante, animi eum deliquium passum fuisse, redeuntibus illico viribus, quamprimum splendorem luna recuperauisset. Alium Baconum aevi medii Anglorum ornamentum haud leue, suo nobis loco memoratum, caue confundas cum Angliae cancellario.

\*) Extat ad calcem *Mist, nat.* Vol. IV.



CAPVT

\*\*\*\*\*

## CAPVT QVINTVM. DE THOMA CAMPANELLA.

### §. I.

**I**isdem, quibus Verulamius in Britannia renouare philosophiam ag-  
gressus est, temporibus in Italia comparuit THOMAS CAM-  
PANELLA a miri ingenii homo et ad nouandas res valde  
pronus, qui et ipse sinceriores philosophiae vultum exprimere, et me-  
liorem eius sensum restituere magna industria conatus est. Cuius histo-  
ria tum ob nouum, quod formare coepit, philosophiae genus, tum ob  
mira, quae eius auctor habuit fata, aduersa pleraque et dura, valde memo-  
rabilis est. Eam ipse in syntagmate *de Libris propriis et recta ratione stu-*  
*dendi* b haud parum illustrauit, multi autem viri diuersissimis hominum iu-  
diclis famosi historiam obiter tetigerunt, hoc loco non enumerandi. Vir  
quoque celeberrimus, magnaue doctrinae gloria hodie clarissimus,  
ERNESTVS SALOMO CYPRIANVS, *Vitam Campanellae* paulo  
pleniorum iustaque tractatione digestam dare constituit. Quam cum *Aca-*  
*demico Programme* prius delineauisset, tandem vitam Campanellae in-  
tegram delineauit, apud Amstelodamenses editam c. Quae cum eleganter,  
vt solet vir doctissimus scripta esset, coemta tandem in officinis librariis  
disparuit. Eam itaque desideratam a lectoribus cum recudere statuissent  
bibliopolae, insigne auctarium addidit d doctorum virorum de Campa-  
nellae vita, philosophia et libris schediasmata complectens. Compre-  
henditur in eo MORHOFII *Examen philosophiae Campanellae de*  
*sensu rerum*, ex eius dissertatione *de Paradoxis sensuum* repetitum;  
GABR. NAVDAEI *Epistola ad Campanellam; Vita Campanellae*, a  
IACOBO ECHARDO, monacho Dominicano in *Tomo secundo Scripto-*  
*rum ordinis Praedicatorum* enarrata, cui amplam adiecit recensionem  
scriptorum Campanellae, iudiciorumque virorum doctorum de iis expo-  
sitionem, et varia eruditorum testimonia de Campanella. Cumque in  
nonnullis acius fugillasset Cyprianum Echardus, quod ferre non posset  
libere, notari reprehendique a Scriptore protestantium sacris addicto ho-  
minem Dominicanae olim familiae adscriptum, et in communione eccle-  
siae Romanae fatis functum, ad ea more suo docte modesteque in *Prae-*  
*fatione* respondit. Alios, qui historiam literariam enarrarunt, quales sunt

O 2

TOP-

a) Campanellae nomen tintinnabulum innuit.  
Hinc imagini eius apud CRASSVM Tom. II, p.  
246. hoc Epigramma additum:

*Exprimit elatae sat nomen mentis abyssum*

*Exprimit agnomen famae et oblique sonum.*

Et huc sine dubio respexit ipse Campanella fronti-  
spicio Tomi I. Operum Parisiis editorum, quod  
Noallius, episcopo et duci fratribus inscripfit, cam-

panam praefigens cum insignibus illius gentis, et  
epigraphe: *a la schola del primo senno.*

b) Prodiit Paris. 1642. 8. curante G. NAV-  
DAEO et in Collectione scriptorum de methodo  
studiorum Elzeviriana pag. 368. itemque in Cre-  
niana.

c) 1705. 8.

d) 1722. 8.

TOPPIVS <sup>e</sup>, NICODEMVS <sup>f</sup>, ERYTHRAEVS <sup>g</sup>, CRASSVS <sup>h</sup>, NICERONIVS <sup>i</sup>, aliosque per se notos, facileque, vbi libet, consulendos, ex parte quoque infra allegandos, hoc loco praeterimus. In his tamen omnibus iudicio et attentione ad fidei historicae leges opus est, vt selectis vel veris vel verisimilibus recta inde emergat viri laudati ab his, culpat ab illis, historia.

*Campanellae  
natiuitas, e-  
ducatio, ado-  
lescentia.*

§. II. Edidit Campanellam Calabria, olim magna Graecia dicta, et sodaliti Pythagoreorum olim et recentiori aetate Telefii tentaminibus, in philosophiae historia fatis celebrata, in ea enim Stylum patriam habuit, virorum doctorum haud infoecundam. In eo oppido honestae famae atque conditionis parentibus natus est anno c<sup>lo</sup> c<sup>lo</sup> lxxviii, III. Non. Sept. Puer quinquennis adhuc, quod ipse narrat <sup>k</sup>, literulis ac pietati adeo studiosam operam dedit, vt quicquid vel sui vel paedagogi de diuinis ecclesiasticisque rebus dicerent, animo conderet. Anno autem decimo tertio, grammaticae, poëticaeque artis praecepta ita tenuit, vt, quicquid liberet, prosa ac metro posset eloqui, et carmina haud infelici vena plurima funderet. Talis cum esset adolescens praecocis ingenii a parentibus literarum studiis dicatus est. Qui cum Neapoli Iulium Campanellam, iurisprudentiae lectorem, agnatum haberet, ab eo vocatus, illuc concedere a parente iussus est. Aliam autem, et quidem sanctiorem eruditionis partem, et praeterea militiam sacram vt eligeret, effecere exempla summorum virorum Alberti M. atque Thomae, quos in familia S. Dominici ad ingens gloriae culmen fuisse enixos didicerat <sup>l</sup>. Itaque cum ex ea familia concionatorem eloquentiae laude florentem audiuiisset, logicesque ab eodem principia praegustasset, illi ordini nomen dedit. Vnde falsum esse constat, quod ERYTHRAEVS <sup>m</sup> tradit, Campanellam, tredecim annorum adolescentem sacris, quas Dominicus praescripsit, legibus nomen dedisse. Postea ad coenobium S. Georgii, oppidi in Brutiis, quod Morgentia quoque dicitur, missus est, vt literarum cursum, quem ingressus erat, prosequeretur, logicam et philosophiae partes reliquas auditurus. Quo loco, cum extemporali fingendi facultate valeret, carminibus conditis, aliquod sibi nomen adolescens comparauit. Tum in Consentinum conuentum translatus, dici non potest, quanta animi alacritate, et ignea quadam vi animi in philosophiam totus incubuerit. Et fuit nonnemo <sup>n</sup>, qui ex condiscipulo quodam Campanellae, viro graui et fide digno se accipisse, dixit; „inter commilitones Campanellam rudiori Minerua effectum „visum, adeoque in contemptu et risu habitum fuisse. Accidisse autem „dum per claustrum deambulare, vt in peregrinum quendam incideret, „quem

e) In Bibliotheca Neapolitana.

f) In Additionibus ad B. N.

g) Pinacoth. vir. illustr. P. I. p. 41.

h) loc. cit.

i) Memor. liter. Tom. I.

k) De Vita propria art. 1. p. 369. ed. Elzeuir.

l) Ibid.

m) loc. cit.

n) Carolus Cassa, professor linguarum exoticarum senensis, qui in Calabria monachus olim vixit, apud CYPRIAN. l. c. p. 4.

„quem in museolum adductum per octiduum seorsim secum habuerit, et „ab eo arcana disciplinarum miro artificio in eo temporis spatio didicerit, „adeo, ut alius prorsus homo euaderet, studiorum dexteritate ac ingenii „excellencia prorsus mutatus. Hunc autem peregrinum fuisse rabbi- „num quendam, qui Cabbalae beneficio per pauca et breuissima principia „tantum Campanellae doctrinae lumen accenderit, ut is breui tempore ef- „set, quem alii stuperent.“ Cui narrationi ut fides detrahatur, ut alia, quae verisimilitudinis leges migrant taceamus, una ipsius Campanellae narratio sufficit, qui se valde adolescentem ingenio effloruisse narrat. Unde patet, virum illum doctum, ex cuius epistola hanc narratiunculam attulit praestantissimus CYPRIANVS, a Campanellae condiscipulo deceptum fuisse, praesertim cum talia de Campanella nugiuenduli Consentini conuentus alumni traderent, quae vel admirationem vel inuidiam conflare apta videbantur. Propius ad veritatem accedit, et memorabile magis hoc loco est, quod de studiis suis, et mature contempta philosophia Peripati ipse Campanella recitat <sup>o</sup>: *Cum esset anxius, quod veritas non sincera, sed potius falsitas pro veritate in Peripato versari sibi videretur, Aristotelis commentatores Graecos atque Latinos Arabesque se examinasse omnes, et haesitare magis coepisse, in dogmatiscorum, ideoque perscrutari voluisse, an quae dixerint ipsi in mundo etiam Dei legantur, quem codicem esse Dei viuum ex doctrinis sapientum intellexerit. Cumque doctores suis argumentis satisfacere baud possent, quae contra ipsorum lectiones promeret, statuisse ipsum libros omnes percurrere, Platonis, Plinii, Galeni, Stoicorum et Democriticorum, praecipue vero Telestianos, ac cum mundi codice primario conferre, ut ex originali et autographo, quid veri exemplaria haberent, et quid falsi, agnosceret.* Dignus est hic locus Campanellae, ut attente consideretur, disci enim ex eo potest, quo potissimum modo ad philosophiam nouam condendam mature delatus sit. Nempe non tam Aristotelis contemptum, cuius ingenium mirifice alias extulit, quam philosophiae Peripateticae, praecipue qualis scholastica methodo in monasteriis tradi solebat, ieiunam atque sterilem conditionem Campanellae nauseam mouisse, et aliam melioremque philosophiam appetendam commendauisse, ex hac narratione est manifestissimum. Nam acute vidit Campanella, naeuosque Lycei mature perspexit, et quam egregie Peripatetica philosophia deficeret, praeclare intellexit. Testem damus tractationem eius *de Gentilismo non retinendo* <sup>o</sup>, in qua, affirmata prius quaestione: vtrum liceat nouam post gentiles condere philosophiam, id quod auctoritate PP. Graecanicam philosophiam velut inutilem reiciendum exemplisque Telefii, Valefii et Paracelsi confirmat, et ex sacris oraculis philosophiam haurire suadet, ad quaestionem, vtrum liceat Aristoteli contradicere? ita respondet, ut Aristotelicae physiologiae

O 3

capi-

o) loc. cit.

p) Integer titulus hic est: Ad doctorem gen-

tium Thomae Campanellae Srylenfis O. Pr. de gentilismo non retinendo quaestio unica. Paris. 1593.

capitales, propter quos reprobari debet, errores non sine acumine detegat atque enarret. Recte enim obseruat, docere Aristotelis philosophiam, mundum carere initio esseque aeternum, non dari prouidentiam, Deum rerum extra se existentium ideas non habere, esseque illum agens necessarium sine libertate, nec mouere physice sed moraliter et obiectiue; esse inter homines casum et fortunam; religionem inuentam esse ad ducendam plebem, et futurorum spem metumque a legislatoribus eum in finem esse inuentum, cum nec praemiis post mortem nec poenae locus sit; esse animas mortales, nec alios dari angelos, nisi intelligentias sphaerarum motrices, earumque essentiam in intelligendo constare: tandem non dari Inspirationem diuinam. Quae omnia et PP. testimoniis roborat, et haeresium matrem Lycei philosophiam esse eamque Auerroisum et Machiauellisum genuisse contendit, et Iandunum, Niphum, Pomponatium, Portum aliosque, Aristotelis sequaces immortalitatem animae ex vera mentis suae sententia non fuisse professos arbitratur. His subiicit, licere a magistro, in cuius verba iuraueris, desciscere, praesertim cum imperium Aristoteles eo tempore obtinuerit, quo ad eam ignorantiam et barbariem defecerit clerus, ut vix legere posset. Quae satis ostendunt, Campanellam mature, et accurate quidem tum ipsius philosophiae Peripateticae consideratione, tum historiae face praeunte intellexisse, quam inepta sit ea philosophandi ratio iis, qui veritatem sitiunt. Porro et id non sine attentione dimittendum est, abiecto semel sectariae philosophiae praeiudicio Campanellam per omnium sectarum libros decurrentem veritatem vbique quaesiuisse, et quae tradita a philosophis inuenit, ad naturam rerum, cui veritatem a conditore impressam esse cernebat, exegisse. Quod consilium ut vere eclecticum est, ita dubium non est, quin veram viam Campanella inuenisset, si naturam, quam ingenium suum consulere, maluisset.

*Campanella  
ad Telesum  
transiens.*

§. III. Sed ut e diuerticulo, quo nos ratio philosophandi a Campanella adolescente inita deduxit, reuertamur, cum libero tunc coelo, suisque se viribus permittere, et veriolem, quam inter Peripateticos inueniri posse videbat, philosophiam sectari constituisset, ex secessu quem Balbiae, Brutiorum in oppido sibi delegit, ad nouam philosophiam condendam duodeuiginti annorum iuuenis progressus est. Occasionem eius rei ita narrat ERYTHRAEVS<sup>1</sup>, quem sequitur more suo LAVR. CRASSVS<sup>2</sup>: *Magister, unde prima doctrinae rudimenta acceperat, a fratribus Franciscanis Conuentualibus ad publicas disputationes Consentiam inuitatus, cum subito implicitus morbo venire non potuisset, subrogauit in suum locum Thomam; qui ita praeclare, ita docte, traditas sibi partes exegit, ut esset omnibus miraculo, ac Telesii, cuius ille ne nomen quidem inaudierat, ingenium in eum immigrasse diceretur: quo ille audito, eius philosophi librum intra paucos dies deuorauit, eiusque philosophandi rationem penitus perspexit ac probauit.* Valde vero veremur,

vt

q) loc. cit.

r) loc. cit.



ut haec attento lectori se probent, cum verisimile non sit, Campanellam iuuenem qui nihil prorsus de Telesio audiuerat eius nouam philosophiam ita tenuisse. Certe ipse Campanella aliter nobis rem narrat. Scribit enim <sup>s</sup>: Cum publice disputaret Consentiae, nedum cum fratribus suis priuatim, inuenisse se parum quietis in responsis illorum; sed Telesium ipsum delectauisse, tum ob libertatem philosophandi, tum quia ex rerum natura, non ex dictis hominum penderet, propterea cum mortuo Telesio, quem viuentem alloqui non licuisset, elegeram afixisset, Altum montem oppidum adiuisset ibique Platoniorum et medicorum libros ab optimis viris subministratos perlegisse. Ex his enim, recte, nisi fallimur, colligitur, Campanellam, cui inter Calabros Consentiae versanti Telesii nomen et philosophia, tunc recenti fama per ora virorum volitans ignota esse non poterat, vidisse et legisse Telesianum de rerum natura opus, captumque libertate philosophandi, qua usus est Telesius, tum quidem in castra eius transiuisse. Eo enim tempore recens et magna erat celeberrimi viri apud Calabros gloria, quae iuuenem altos spiritus gerentem, et supra vulgus philosophorum se efferre cupientem inuitasse videtur, ut ex sterili deserto philosophiae Peripateticae ad iucundos Telesianae philosophiae campos deflecteret. Vbi autem in fecesu suo philosophico Telesianam de natura rerum sapientiam didicisset, ad eam publico in certamine defendendam progressus est. Nempe Telesium impugnaverant IACOBVS ANTONIVS MARTA Neapolitanus, edito libro, quem *Pugnaculum Aristotelis* inscripsit, ut Tomo tertio dictum. Qui cum valde aduersario pro Aristotele instaret, excitatus est Campanella a Ioanne Francisco Brancha Castrouillarense medico, et Plinio quodam, itemdem medico, ut contra hunc antagonistam in aciem procederet. Hi cum animum librosque ipsi subministrarent, apologiam tandem contra Telesii oppugnatorem confecit, in qua se, ait, totam philosophiam Peripateticam in examen adduxisse, philosophorum priscorum ac medicorum decretis simulque naturae placitis et sensu confutauisse, pugnaculum istius auctoris, sic ut quem defendere profitebatur, hunc potius offendere palam ostenderit. Librum hunc dum supra viginti annos vix natus vndecim mensibus, si fides ERYTHRAEO <sup>u</sup>, scripsit, cum vndecim annis opus suum Marta parturiuisset. Quem, ut excuderetur, Neapolin Campanella attulit. Qua occasione mirum est, quod illi accidisse idem narrat: E navi egressus cum praeter aedem S. Mariae Nouae Franciscanorum, ligneo utentium focco transiret, ex turba euntium ac praetereuntium incensum esse cupiditate cognoscendi, quid intus rei ageretur; atque disputationibus operam dari cognouisse, in quibus cuius contradisserendi facultas daretur. Itaque sese certamini, una cum aliis, obiecisse, coepisseque

<sup>s</sup>) loc. cit.

<sup>s</sup>) Conf. B. IO. GEORGIUS LOTTERVS nostras, in eleganti schediasmate de Bernardino

Telesio eiusque philosophia e. 10. p. 51. seqq.

<sup>t</sup>) loc. cit.

<sup>u</sup>) loc. cit.

pisseque ea, quae tanquam firma et rata ponebantur, tot argumentis, tam validis, tam apte arguteque conclusis, labefactare atque conuelleret, ut ouanti similis reductus sit domum, a fratribus sui ordinis, ac postero die, et aliis deinceps multis, coactus sit in eruditam illam aciem certamenque descendere, unde semper, magna cum laude victor discedebat. Fieri id potuisse, a iuvene alacri, et disputandi peritissimo, nemo temere negauerit; maiorem tamen, quam vnus Erythraei habet testimonium, fidem et verisimilitudinem desideramus. Quicquid autem eius rei fuit, illud certum, eo tempore Campanellam Neapolin concessisse, eaque in vrbe librum apologeticum contra Martam pro Telefio typis commisisse. Quod licet incertum esse putet MORHOFIVS \*, minime tamen de eo dubitandum est. Extat enim liber hoc titulo: *Philosophia sensibus demonstrata, et in octo disputationes distincta, aduersus eos, qui proprio arbitratu non autem sensata duce natura philosophari sunt: ubi errores Aristotelis et asseclarum ex propriis dictis, et naturae decretis conuincuntur, et singulae imaginationes pro ea a Peripateticis fictae prorsus reiiciuntur, cum vera defensione Bernardini Telefii Consentini, philosophorum maximi antiquorum sententiis, quae hic dilucidantur et defenduntur, praecipue Platoniorum confirmata: ac dum pro Aristotele pugnat Iacobus Antonius Marta, contra se ipsum et illum pugnare ostenditur* †. Ex quo libri titulo patet, Campanellam tum quidem in Telefii castra transiisse, et ex magni viri, qui summam in istis oris celebritatem nominis consecutus erat, apologia gloriam quaesiuisse. Totum enim Telefianum factum non esse Campanellam, et proprium, quod sibi finxit systema probat, et inde constat, quod Telefium in haud paucis, tum in libris *de re astronomica*, tum *de sensu rerum* ‡ refutauerit. Verum tum quidem satius erat Campanellae, magni celebrisque viri nomine ad innouandam philosophiam uti, quam proprium fundum consulendo, novum systema dare, quod in homine iuvene facile contemni posset.

*Fata Campanellae libere philosophantii.*

§. IV. Magnam ex ista contentione inuidiam Campanellae fuisse exortam, facile intelligere potest, qui ad mores Scholasticorum tum adhuc regnantium attenderit, quibus piaculum fuit, Aristotelis auctoritatem contemnere. Praesertim cum a cucullato fratre id fieret, cuius sodales in verba Stagiritae iurauerant, et quibus decorum videbatur, pro Aristotele intra sacros limites recepto tanquam pro aris et focis pugnare. Accessit fatis acerba et audax Campanellae disputandi ratio; qui cum acerrimo ingenio esset praeditus, et praecepta infido atque arenoso fundamento innixa magnis arietibus concuteret, nec auctoritate fratrum, quamuis superiorum aetate, moueretur, et praeterea a philosophia, simili modo ad sanctiorem disciplinam progrediretur, suis contentionibus et disputationibus crabrones non irritare non poterat. Id quod apposite monet

ERY-

x) Polyhist. Tom. II. Lib. II. Part I. cap. 13. pag. 213.

y) Neapoli apud Horatium Saluianum 1591. 4.  
z) Vid. L. I. c. 13. p. 43. 44. edit. Germ.

ERYTHRAEVS, narrans: *Illud sui nominis famam, supra quam dici potest, in immensum auxisse, quod cum in illis disputationibus, theologorum quoddam placitum in contentionem certamenque deductum esset, ac multa doctē arguteque in utramque partem essent allata, nescio quod docti cuiusdam, ex suo ordine, senis dictum, utpote verum cum plausu excepisse, et in coelum laudibus extulisse: at senem iratum, tacesis, dixisse, nec te immisce, de theologicis hic rebus ambigitur, quas tu ne primoribus quidem labris attigisti. Ea hominis in primis iracundi dicto exarsisse illum, nec tulisse; ac, vide, dixisse quam ego sim harum rerum ignarus ac rudis, ut possim te decem annos in disciplina habere, ac postea adigere, ut fatearis, te nihil scire, vel intelligere. Ac reprebensum senis illius argumentum, et sanctorum patrum sacrarumque literarum testimoniis confirmatum, tanquam amentatam bastam, ita coepisse ingenii lacertis ac viribus intorquere, ut omnium concessu fuerit iudicatum, a Campanella semper omnes, illo autem die, etiam ipsum a sese superatum. Hanc victoriam magnos illi, in omnem vitam, bellorum tumultus excitauisse: primum a sene illo, cuius contumaciam retudisset, apud quaestores fidei accusatum, quod tantam vim doctrinae, cuius ne literam quidem didicisset, ex inferorum fontibus haustam ebibisset etc. Et his quidem insultibus, cum animum fortem et imperterritum, tum potentiam Marchionis Lauelli, Mario Tuso filio fauente opposuit, et in reformanda philosophia gnauiter perrexerit. Scripsit enim in ea domo commentarios duos, vnum de sensu rerum, de quo infra dicendum, alterum vero de Inuestigatione. Et ad libros quidem de sensu a se componendos, fuisse se comotum, ait, disputatione habita in comitiis publicis, et seorsim a Ioanne Baptista Porta, qui scripserit physiognomoniam, ubi sympathiae et antipathiae rerum dixerit non posse reddi rationem, cum eius librum examinauisset. De inuestigatione autem scripsisse, quoniam visus sibi sit Peripatetismus et Platonismus largam per viam, et non rectam ad rerum notitiam perducere adolescentulos. Propterea ex solo sensu, et his, quae per sensum nouimus, redactis ad nouem genera sensibilibus, putauisse, se facere posse, ut quilibet de quacunque re, non per vocabula tantum, ut Raymundo Lullio mos est, sed per sensibilia obiecta ratiocinari posset. Eo quoque tempore scripsit quoddam Metaphysicae Nouae exordium, in quo metaphysicorum principia statuebat, necessitatem, fatum, harmoniam. Sed et Pythagoricam philosophiam carmine Lucretiano auspicatus erat, motus ex Ocelli Lucani lectione et Platonicorum dictis. Neque tamen vel animi magnitudo vel patroni potentia securitatem illi praestare, et ab aduersariorum insultibus et insidiis liberum reddere potuit, ipsa doctrinae eius excellentia in inuidiam conuersa, cum, vnde tam subito cecidit euasisset, se nescire, et nescio quos eruditionis fontes accusandos*

a) loc. cit. Art. I. p. 371.

*Hist. philos. T. V.*

dos esse obtrectatores dicerent. Itaque cedendum ratus Romam se contulit, verum et hoc loco virtutis comitem non modo gloriam, sed inuidiam quoque expertus est, id quod factum anno clō lō xcii. Vt igitur tutius sibi asylum inueniret, Florentiam se conuertit, quo loco Ferdinandum primum magnum Hetruriae ducem amplissime fauere philosophis intellexerat. Huic itaque librum *de Sensu rerum magno* dedicauit. Neque tamen fortunam ex omni parte fauentem ibi expertum fuisse oportet; abiit enim Venetias, ac Patauium, libros ibi editurus. Cum autem Bononiae haereret, illi dicti libri omnes, cum physiologiae edendae libro primo, quo contra omnes sectas disputauerat, furto sublata sunt. Neque tamen aduerso hoc foetuum suorum fato deterritus, Patauii coepit Empedoclis philosophiam instaurare, scripsit quoque nouam physiologiam secundum propria principia, et Telesium defendit statuentem animal esse vniuersum et cetera <sup>b</sup>. Hos tamen libros omnes in itinere, quod Romam fecit, amisit, Bononiae subductos inuenit in sancto officio, quos tamen non repetiit, meliores denuo refecturus. Romae meliorem, quam antea, fortunam expertus, et amicos quoque nactus est complures sacri collegii patres. Eo loco dictauit praeter alia multa physiologiae compendiolum, quod postea TOBIAS ADAMVS in Germania edidit <sup>c</sup>, *Prodromi totius philosophiae Campanellae* nomine, de quo infra dicendum. Vnde perperam fuisse suspicatum, patet, Iacobum Thomassium <sup>d</sup>, Adamum hoc compendium ex scriptis Campanellae ipsum compilasse. Anno vero clō lō xcvi. Neapolim repetiit, et paululum ibi commoratus recessit inde in patriam ac Styli sedem fixit. Eo autem tempore non modo acerrimus Romanae ecclesiae promachus videri, sed et Thomistarum partibus addictissimus censeretur. Illud enim multae, quas contra haereticos pro stabilienda pontificis Romani auctoritate scripsit, lucubrationes quas ipse copiose enumerat <sup>e</sup>, testantur; hoc suscepta in patria Styli contra Molinam de auxiliis gratiae disputatio euincit. Quales tamen contentiones eum ideo potissimum iniisse verisimile est, vt noua eius philosophia, sub orthodoxiae clypeo tutius lateret.

*Carcer et miseria Campanellae.*

§. V. Vitam haecenus desultoriam egerat Campanella, iam stabilem, at aerumnosam et miserabilem, ei destinauere fata durissima. Nempe inopinanter oppressit carceris molestia et grauis inquisitio apud Neapolitanos, sic vt de vita periclitaretur, eo quod maiestatis reus haberetur. Obscurum vero est, qua potissimum de causa ita inclementer Campanella habitus sit. Rem autem ita se habuisse narrat CAESARIUS ABRANCHIDORUS <sup>f</sup>, Taurinensis: *Omniū fidem superarent, si quae nostra memoria atque nuper adeo Dominicanus monachus fuit molitus,*

b) Ibid.

c) 1617. 4. Francofurti.

d) In FELLER Monumētis ineditis trim. XII. p. 637.

e) Art. 2. p. 372. seq.

f) In Orat. praemonitoria de Ortu pontificum, quae extat in monitis politicis de curiae Romanae potentia moderanda, vnde repetiit CYPRIANVS l. c. l. p. 17.

litus, euentum sortiri potuissent. Is est frater Thomas Campanella, etiamnum in viuis, et fruitur aura squalidi carceris Neapolitani. Qui elati ingenii monachus, cum nullo esset apud Romanos numero, et ad magna procedere sese posse desperaret, praesentem vitae statum stomachatus, Roma in regnum Neapolitanum concessit, nouam ibi religionem, nouumque imperium spirans. Sed homo nudus et incustoditus cum rem tantam tamque arduam aggredi non valeret, nec pestiferi sui virus contagione procures ulli inficerentur, armis viam sibi faciundam satius duxit. Itaque cum Turcis de Crotone, nobilissima Italiae in sinu Tarentino ciuitate, quam ille instituto suo peropportunam ratus vnice delegit, tradenda et consignanda pepigit, Zigalemque bassam cum classe Turcica euocauit. Ea enim in potestatem redacta cogitabat cum exercitu ad montana Calabriae rectis itineribus contendere, illisque occupatis atque infessis, excogitatae suae religionis leges ac ceremonias, tanquam a Deo in montium fastigiis acceptas, prorogare, et mellito eloquentiae flumine, cuius naturali suauitate cuncta exorabula aduocatorum, et decipulas magorum, et artificia dicentium facile conciliauit, inundatos vulgi animos scite permulcere, et ad imperata sibi facienda conformare. Ad hunc enim modum dictitare solet, omnes legum latores noua orsfuros imperia, omnesque generis humani seductores, horrorem mandatis suis et obsequelam parasse, ut montana in speciem religionis, sed reuera sui causa praesidiis, aduersus repentinos tumultus aut finitimorum vim, anticiparent: ita Nembrodam, Abrahamum, Moysen, Dauidem, ipsum Christum, ita Minoem, Numam, Mahometum alios, fecisse, asseuerat. Non cogitauit homo miser, non bellorum, sed pacis auctorem Deum esse, et ceteras religiones, quippe falsas, vi aut astu fundatas, solam Christianam, ut veram et unicam, iustitia, lacrymis, precibus stabilitam fuisse, veteres Christianos occidi, quam occidere maluisse, sic cognominatos, quod fidei sui testimonium proprio sanguine obfirmauerunt. Verum, dum ita totius Italiae imperium animo suo agit, et iam classis Turcica in alto apparet, ab vno ex complicibus, siue atrocitate inauditi facinoris, patratuque periculosissimi, territo, seu poenitentia, ut aiunt coniurationis ducto, proditio detegitur, Campanellaeque captus et vinctus Neapolim perducitur. Quo in carcere ubi plusquam Spartana nobilitate crudelia tormentorum genera superauit, de proregis sententia ad perpetuam custodiam condemnatus. Difficile est, de hac narratione, quantum veritatis ei insit, statuere. Illud dubio caret, aulam Hispanicam eum similis culpae habuisse suspectissimum, fuisseque societatem coniuratorum, qui cum eo in eandem suspicionem inciderint. Ipse enim refert, non solum se comprehensum fuisse, sed calamitatis socios habuisse cruciatos et peremptos. Habuisse autem istam accusationem plurimum coloris inde colligitur, quod adeo quaestione fue-

rit cruciatus, ut dici vix possit. Testatur quoque ERYTHRAEVS, Neapolis perduellionis reum factum, quod regnum illud hostibus prodere conatus esset, eiusque criminis suspitione coniectum in carcerem esse, ita crudeliter habitum, ut ruptis circa sedem venis arteriisque omnibus sanguinis vis fisci haud posset. Vtrum autem ab eo crimine innocens fuerit, difficulter res omnis expediri potest. Quamvis enim septies, ut ipse scribit <sup>b</sup> tormento durissimo examinaretur, postremumque perduraret horis quadraginta; funiculis arctissimis ossa usque secantibus ligatus, pendens manibus retro contortis de fune super acutissimum lignum, qui carnis sextertium in posterioribus ipsi deuorauit, et decem sanguinis libras tellus ebibit; nullius tamen criminis conuinci potuit. Neque si apertam perfidiam in regem Hispaniae admisisset, ex carcere tandem fuisset dimissus. Ast quasdam tamen circumstantias valde verisimiles exasperasse aulam, et inquisitores permouisse, ut crudelissima quaestione toties eum examinarent, extra dubium quoque ponendum esse videtur. Et ipse quidem in *Prooemio Atheismi triumphati ad Scioppium* scripto, quod vulgavit BYRCARDVS GOTTHELF STRVVIUS ὁ πᾶν, de examinis quaestionibus haec refert: *Quinquies citatus in iudicium, primo causam dixi interrogantibus, qui literas scit, cum non didicerit? ergone daemonium habes. At ego respondi, me plus olei, quam ipsi vini, consumpsisse, et mihi ab eis dictum fuisse sacra suscipienti: accipe spiritum sanctum. Secundo accusatus, quod tempore nocturno quid contra praelatum parauerim, quod sane mihi non modo propter philosophiam non admittenti, sed visus defectu laboranti erat impossibile. Deinde accusarunt me, quod composuerim librum de tribus impostoribus, qui tamen inuenitur typis excusus annos triginta ante ortum meum ex utero matris. Deinde quod sentirem cum Democrito: quoniam ego iam contra Democritum libros edideram. Item quod de ecclesiae republica et doctrina male sentirem, cum tamen ipse de Monarchia Christianorum scripserim, ubi ostendi, nullum philosophum potuisse sic rectam depingere rempublicam, ut Romae ab Apostolis instituta est. Item quod sim haereticus; ego autem scripseram dialogum contra haereticos nostri temporis. Nunc tandem me rebellem haereticumque fecerunt, quoniam praedico signa in sole et luna et stellis contra Aristotelem aeternantem mundum. Hoc autem facinus rebellionis molimen esse interpretantur, quicumque Machiauellistico sunt animo, putantes omnem doctrinam et conatum esse dominandi gratia excogitatum etc.* Verum haec ipsam quaestionem primariam nondum recludunt. Et fuere nonnulli, qui ex verbis TOBIAE ADAMI, Campanellae addictissimi concludunt, innocentem eum haud fuisse; scribit enim <sup>i</sup>: *Virum istum, cum donis suis abuti velle visus esset, occulto Dei iudicio ad frugem ipsum reuocante, ingenti-*

<sup>b</sup>) In *Prooemio Atheismi triumphati*, quod exar. in STRVVIi AG. literar. fascic. II.

<sup>i</sup>) In *Praef. Prodromi*.



*gentibus miseriarum fluctibus tanquam exemplar fragilitatis humanae involutum esse etc.* Alii huc ipsius Campanellae verba rapiunt fatentis <sup>k</sup>: *Ego non me bonum vendico, sed unum ex his scelestissimum. Hoc ergo tantum assero, eos non habere contra me tantum, quantum sufficit meo iudicio ad punitionem meam. Nemo iniustus punitur, sed multi iniuste agunt. At etsi diabolus essem, inauditus mori contra canones et leges non debeo, praesertim cum pollicear ecclesiae Dei tot tantaque beneficia ipsique regi. Quid prodest regi et ecclesiae mors mea? At si promissa praestitero, ingentia bona erunt illis.* Verum ut candide fateamur, nihil esse in utroque loco putamus, quod causam innocentiae Campanellae perimat. Quamquam enim facile concedi potest, Campanellam doctibus animi doctrinaeque auctis intumuisse, ideoque eum ad humilitatis econditionem depresso diuinam prouidentiam; inde vero eum animi sui miseriam et imprudentiam agnouisse; non tamen ex eo colligi potest, illum in fidem regi suo debitam tam insolenter peccauisse, sed communis fortis ea confessio est, quae vera humilitate errores natiuos agnoscit, unde ad perduellionis crimen consequentia haud valet. In tanta vero rei et circumstantiarum varietate difficile est, aliquid certi statuere. Quod si tamen coniecturae locus est, conspiratio quaedam in regem, maxima cul-pae illi tributae causa fuisse videtur, quod nempe eam vel exorsus sit, vel nutruerit. Vix enim ratio quam alia dari potest, quare plurimi alii simul capti tormentis subiecti, et perempti fuerint, qui eorum accusari non potuerunt, quorum ille accusatus est. Et prius quidem enarratae hactenus circumstantiae minime suadent: posterius autem nobis omnino probabile est, ipso Campanella in verbis supra ex *Prooemio Atheismi triumphati* recitatis clauem praebente. Eo enim loco conqueritur, *rebellem ipsum fecisse aduersarios, quoniam praedixerit signa in sole et luna et stellis* - - *hoc autem facinus rebellionis molimen esse eos arbitrari, putantes omnem doctrinam et conatum esse dominandi gratia excogitatum.* Ex his vero colligimus, Campanellam astrologiae iudiciariae nimis deditum, ut ex libris eius astrologicis patet, ex fiderum positu et constellatione magnam dominatus mutationem lymphatum, ut solent hi homines, praedixisse <sup>l</sup>: quibus cum nonnulli, qui coniurationem contra regem interant, confirmarentur, hancque praedictionem in rem suam verterent, et forte ad Campanellam prouocarent, omnino factum esse, ut coniurationis istius particeps habitus ideoque durissimis tormentis cruciatus sit. Quae cum primam capiendi eum et quaestioni subiiciendi occasionem suppeditauissent, ipse autem nefandi facinoris conuinci tantum non potuisset, quantum illi dicebant, ut ipse luculenter scribit, omnem his

## P 3

verbis

<sup>k</sup>) loc. cit.

<sup>l</sup>) Dabimus verba eius ex sched. de Libris propriis art. 3. p. m. 376. quibus satis luculenter haec coniectura confirmatur: „Composui paulo post articulos prophetales quindagesim pro defensione dictorum meorum, unde ansam arripuerant fa-

ciendi me reum maiestatis, et hoc ex dictis prophetarum Sibyllarum et sanctorum, et ex politica et astrologica praedictione. Paulo ante autem dixerat, persecutionem, quae tot alios tandem exercuit, ipsum quoque maiestatis reum fecisse,“

verbis rei suspicionem non a se remouens<sup>m)</sup>; aliae dein accusationes de eius doctrina atque vita dictante aduersariorum<sup>n)</sup>, praecipue cucullatorum, inuidia et persecutione excogitatae sunt, quibus miser tot annis vexatus est. Fanatica enim huius furfuris insania exagitatum fuisse Campanellam ex loco quodam atheismi<sup>o)</sup> clarum est, vbi ita ineptit: *Ad impiorum opprobrium praestolor etiam in terra praeludium paradisi coelestis, aureum seculum, felicitate plenum, a quo facto iterum flagello de funiculis creaturarum, ut inquit S. Catharina Senensis, excludentur increduli derisores pietatis.* Sed quaecunque causa immanis, quae in Campanellam exercita est saeuitiae fuit, illud ex ipsius narratione<sup>p)</sup> certum, quinquaginta eum carceribus hucusque clausum et afflictum fuisse. Viginti enim atque septem circiter annis detentus fuit modo in castro Ovi, modo in arce noua, vel etiam in castro S. Ermi. Adeo autem saeuit furor hostium in Campanellam, ut librorum ei copia denegaretur, et a studiis prorsus prohiberetur: qui tamen non diu durauit. Restituta igitur scribendi, ipsiusque literarii commercii cum viris eruditis licentia, carceris taedia scribendis libris leuauit, viros autem doctos, quotquot Neapolim venerant, familiariter, praesentibus tamen custodibus alloqui, et nouam philosophiam docere potuit. Inter quos cum etiam esset Tobias Adami nobilis Saxo<sup>r)</sup>, qui admodum philosophematis Campanellae capiebatur, is domum reuersus, partem lucubrationum, quas Campanella eius fidei crediderat, vulgauit. Qualia autem eo tempore scripserit, ipse in schediasmate de *Libris propriis* prolixè enarrauit, quod, ne nimii sumus, ad eundem est. Memorari autem inter ea merentur, liber de *Monarchia Hispanorum*<sup>s)</sup>, et *philosophia realis in quatuor partes secta*, quem vtrumque foetum in Germania Adamus edidit. Quae vero in carcere elaborauit, ea anno 1601, vrgente nuntio apostolico ei erepta sunt. Commiserati tamen infelicis philosophi sunt Fuggeri nostrates, tum in aulis archiducum Austriae valde gratiosi et potentes, et pro eo liberando in aula regis Hispaniarum omnem lapidem mouerunt. Paulus V. quoque P. M. de ea re multoties per nuntios tractauit, et anno 1607 Neapolim Scioppium misit, qui eum a ministerio Hispanico obtineret. Et fortasse successissent patrocinantium preces, nisi denuo fidere infausto afflatus Campanella nouam de se suspicionem excitauisset. Tradit enim

ECHAR-

m) Haud parum confirmatur ista coniectura verbis Campanellae de *Libris propr.* p. 375. „Scripsi rythmos prophetales et psalmodiam quadruplicem de Deo et omnibus eius operibus, atque hac poetica ratione roboravi etiam amicos, ne in tormentis desicerent.“

n) c. 15.

o) Prooem, l. c.

p) Is cum nobili quodam Bunavio per Graeciam, Syriam, Palaestinam iter fecit, reduxque Neapoli octo menses haesit, vbi Campanellae familiariter innotuit. Obiit consiliarius Saxo-Vinariensis anno 1643. Laudat eum Bézolys Diss. de Educa-

zione, c. 8. Politicorum l. VI. conf. TENZELII Colloquia mentis 1689. p. 1278.

q) Edoctum se, aliter sentientem, esse, Campanellam librum tum deum suum de monarchia Hispanica composuisse, cum ex Hispanorum vinculis esset liberatus, scribit LEIBNIZIUS Epp. Vol. IV. p. 11. sed falsum in eo esse, ex ipsius Campanellae narratione de *Libris propriis* art. 3. p. 377. patet. Verum tamen est, quod contra G. Arnoldum obseruat, librum hunc carceris causam non fuisse, quem in carcere demum scripsit.

**EDWARDVS** \*: celebrem illum Petrum Giron, Offinae ducem anno cło lccxi Neapolitanum proregem constitutum, Campanellam in carcere inuisere solitum, eiusque consiliis in administratione regni vsum fuisse; id autem Campanellae exitio fuisse. Nam prorege illo affectati regni accusato et prodicionis reo deprehenso, velut eiusdem sceleris participem Thomam iterum durius vexari coepisse, eiusque carcerem in plures annos esse prorogatum.

§. VI. Tandem, cum inaudita pertinacia Campanellam fortuna sinistra tot annos misere exercuisset, fauentior eius vultus illum respexit, et liberationis hora, post tam diuturnum carcerem appropinquauit. Sedente enim Urbano VIII, qui vt ipse literatissimus erat, et viris doctis impense fauebat, ita Campanellam ex pluribus in eius gratiam scriptis noscebat, et amabat, interprete et mediatore Innocentio Maximo, episcopo Catanensi, et partes quoque suas, atque auctoritatem, qua in aula fruebatur, interponente Seraphino Rinaldi Nucerino, Dominici sodalitis adscripto eo res deducta est, vt iubente rege catholico Philippo IV. a prorege Neapolitano Albae duce, quoad causam regiam innocens declararetur <sup>s</sup>. Factum id anno cło lccxxvi, quo Id. Maii liber dimissus, Romae ad S. Officium accelerauit. Romae tamen in S. Officio carcere quidem detentus est, sed nomine magis quam re tali, cum amicis liberrimus ad eum aditus pateret. Cuius causam ipse quidem nunquam enarrauit, sunt autem qui tradant, illum haeresin simulasse, et ab inquisitionis Hispanicae tribunali, ad quod delatus fuerat, ad sacrum tribunal Romanum appellasse, in vrbemque ea ratione deductum, tum aperta strophā, quam eo tantum struxerit animo, vt a diutina illa durissimaque captiuitate Neapolitana liberaretur, ab Urbano VIII beneuole exceptum <sup>s</sup>. Alii autem contendunt, summum pontificem Thomam sacro tribunali sistendum postulasse, quod aduersus doctrinam catholicam scripsisset, cum perduellionis haecenus nullo modo conuinci potuerit. Quae verisimilitudine non carent, eo quod aliquo modo in custodia S. Officii detentus est. Tandem anno cło lccxxix plenae libertati Campanella restitutus est, et iubente pontifice codices eius quoque illi redditi sunt, quos magister S. palatii haecenus detinuerat. Cumque inopia rerum et paupertate premeretur, constitutum ei a pontifice in singulos menses honestissimum stipendium, admissus inter domesticos atque familiares, multisque gratiarum documentis cumulatus est. Id quod occasionem suppeditauit Gabrieli Naudaeo, quo amicissimo Campanella utebatur <sup>s</sup>, pontificem maximum publico panegyrico in confesso omnium ordinum anno cło lccxxxii, ob collata in Campanellam beneficia publice laudandi. Neque tamen tanto praesidio securus vivere in vrbe potuit, Hispanis ministris aegre ferentibus, quod quaecunque scripsisset, dixissetque ex curiae Romanae sententia impune ferret. Mordē-

*Liberatio  
Campanellae  
et acta ad vi-  
tae finem.*

<sup>s</sup>) loc. cit.

<sup>t</sup>) Cirati, et imprimis ipse l. c. art. 5. p. 382.

<sup>s</sup>) Conf. EDWARDVS loc. cit.

<sup>t</sup>) Vid. Epist. Naudaeae, 82. p. 623.

Mordebat quoque homines, quod ad Gallos conuersus eorum amicitia frequentius vteretur: vnde nouarum molitionum metu, licet vano, excitato, iterum infidiae illi paratae sunt, vt clam surreptus Neapolin iterum duceretur. Quas cum intellexisset, conspirante pontifice cum legato Galliae Francisco de Noailles, mutata veste Minimorumque habitu indutus, in eurru legati Vrbe anno clocxxxix clam egressus est, in via literis legati vrbium proceribus passim commendatus \*. In via Massiliam appellens, lectica a Nicolao Peirescio Aquas Sextias accersitus, et opipare in eius domo exceptus, atque liberaliter aliquot menses habitus est. Ita ex longinquo malo recreatus et a Peirescio sumtibus ad faciendum iter instructus Lutetiam anno clocxxxv aduenit, regemque Ludouicum XIII salutauit. Ibi fauentem expertus est primum regni administrum Armandum cardinalem Richelaeum: quo parario a rege annuo stipendio mille librarum regia munificentia donatus est. In ea vrbe, eruditorum asylo, reliquum vitae exegit apud praedicatores ad S. Honorati vicum, rege ita requirente. Narratque ECHARDVS \*, honorabiliori exceptum hospitio ab eruditis vel etiam magnatibus saepius inuisum, vt cuius ingenium in colloquiis mire emicaret, a rege etiam identidem in consilium accersitum, vbi praesertim de rebus Italiae ageretur: vsumque amicitia Puteanorum, Moraei, Diodati, Vayerii, Gassendi, Gaffarelli, Patini, Mersenni, aliorumque, tandem grauiori febri correptum, spiritum Deo pie reddidisse anno clocxxxix, VII. Cal. Iunii, aetatis LXXI. Quem annum sibi fatalem futurum fatumque sibi fiderale metuisse ab eclipsi refert IDEM, illum tamen diem viuendo non attigit.

*Character  
ingenii Cam-  
panellae.*

§. VII. Fuisse Campanellam virum ingentis, et portentosi ingenii, apud omnes in confesso est. Egregiis enim atque abundantissimis naturae muneribus instructus, fertilitate autem facultatis, quae imagines fingit, maxima gauisus est. Ex quo potissimum fundo magnus ille scriptorum numerus promanauit, in quibus mira imaginationis Campanellae foecunditas velut in speculo quodam resplendescit. Immo, si de iis taceamus, tot tamen scientiarum typi, quos delineauit, tot depicta operum conamina, quae in tractatu de *Libris propriis* enarrauit, luculenta eius rei sunt testimonia. Tacemus alia, adducta a Cel. STOLLIO †, qui videndus. Nec deneganda est Campanellae lectio satis prolixa et cum attentione instituta, atque in optimis disciplinarum auctoribus magna diligentia versata, id quod vel ex vna, quam schediasmati de *Libris propriis* adiecit tractatione de *Recta ratione studendi* elucet, in qua de plerisque veterum scriptoribus celebrioribus, et de recentioribus haud paucis philosophis, poetis, oratoribus, historicis, scriptoribus epistolarum, mathematicis, medicis, legistis, theologis, iisque qui varia scripserunt, ita differit, vt pateat, non nudos

u) Multis haec narrat et beneficia Noalliae gentis depraedicat in Opp. philosophic. Tomi I, dedicatione.

x) loc. cit.

y) Hist. Literar. P. II, c. 1. §. 91. p. 404. seq.

nudos cum librorum titulos inspexisse, sed cum cura euoluisset totos, et attentionem in iis examinandis haud paruam adhibuisse. Nec dubium est, quod nonnullis viris doctis obseruatum<sup>2)</sup>, quin Cardanum potissimum ob oculos habuerit, quem valde ea aetate commendauit lectionis vastitas. Inde simia Cardani dictus est, nec immerito. Nam non virtutibus modo intellectus sed naeuis quoque Cardano omnino similis est, maxime in eo, quod imaginationis vis iudicandi facultatem suppressit, et imprimis eam partem perdidit, qua prudenter studiorum cursus solet regi. Illius multa quidem in omnibus eius operibus occurrunt vestigia, non tamen luculentiora specimina sunt, quam quae de diuinis et coelestibus, deque hominum cum iis connexione et commercio satis παραδοξως differit. Qualia sunt: immutaturum hominem, Deum amicum habentem, fide rerum naturalium cursum, et miracula perpetraturum, ita ut sopitum rerum naturalium sensum moueat, ac sibi obedientem reddat<sup>3)</sup>: instare praeludium paradisi coelestis, aureum seculum, felicitate plenum in terris<sup>4)</sup>, dari magiam, non modo diuinam, sed et naturalem, quae existat ex stellarum et medicinae notitia, coniuncta cum religione et fiducia, sitque adeo excellens Dei donum, ut ea rite usi, saepe ad supernaturalem magiam et commercium cum superis perueniant<sup>5)</sup>. Possit hominem, si similem sibi cum aliquo faciem et cetera corporis membra esse sibi persuaserit, non ingenium tantum illius, sed et animi sensa illico cognoscere. Et quis quaeso non in eo iudicium desiderauerit, qui se iactat sanatum a morbo lienis cuiusdam mulieris verbis et precibus, in aspectu deficientis lunae<sup>6)</sup>? qui vaticiniis per cribrum fidem certam adhibuit<sup>7)</sup>? qui futura homini fata praedicere ausus est<sup>8)</sup>, qui persuasum sibi habet, cum mali quippiam ipsi immineat, inter somnum et vigiliam audire se solere vocem clare loquentem et nomen suum inuocantem<sup>9)</sup>? qui sibi apparere daemones et colloqui tradit. Ast haec et similia tum in libro *de Sensu Rerum*, tum alibi vendit Campanella: satis istis nugis prodens, quo potissimum morbo animus eius aegrotauerit. Maxime vero praeter singularia, paradoxa et peregrina innumera, quae per scripta sua sparsit Campanella, inepta, quam astrologiae μαρτυρίη tribuebat fiducia, et opinio de ea, philosopho prorsus indigna, euincit, abreptum Campanellam ardentis imaginationis furore, limites a iudicandi vi luxurianti facultati positos prorsus euertisse, vagumque ita et habenis laxatis incertum discurrisse. Id quod ex *Astrologicorum* libris<sup>10)</sup>, quos edidit, abunde patet, in quibus siderum influxum diuinae quidem

2) Sorberiana p. 59. STOLL. l. c. ipse ad Cardanum interdum prouocat, vid. Astrolog. L. V. c. 3. art. I. p. 203.

a) De Sensu rerum L. IV. c. 2. p. 265.

b) Atheismi triumph. c. 18.

c) De Sensu rerum L. IV. c. 1. p. 260. seqq.

d) Ibid. Lib. IV. c. 18. p. 340. ubi plura huius generis deliria reperies.

e) Ibid.

f) Conf. CYPRIAN. l. c. p. 42.

g) Multo ineptius est, quod hanc vocem ex sensu aeris esse putat l. c. Lib. III. c. 10. p. 235.

h) Vtimum editione Francofurt. 1630. 4.

quidem providentiae directioni non subtrahit, at magnam tamen illis vim tribuit, et posse eam remediis repelli vel declinari statuit. Et profecto, pueriles nugas, omni iudicandi potestate erepta, fouisse Campanellam ex his institutionibus astrologicis luculenter conspicitur: monet enim, fatales eclipsium eventus (qualem ipse in anno emortuali valde timuit, et ad anilia superstitionis remedia recurrit, quanquam eam viuendo postea non attigit, vt supra dictum) euitari posse, clausa diligenter domo, incenso suffitu aromatico, instructa musica Venerea, aliisque mediis magicis. Nonnunquam autem plane ineptit, e. c. monens, vt, cui captiuitatem praedicant siderum vaticinia, in pedibus auxilium quaerat et fuga dilabatur, id quod auctorem, qui sibi captiuitatem praenuntiasse siderum constellationes asserit<sup>1</sup>, non fecisse, nec durum et longinquum carcerem maturata fuga euitauisse, merito miramur. Ex quibus omnibus, parca licet, vt in his decet, manu allatis, sole meridiano clarius est, Campanellam ad emendandam philosophiam et sistendam nouam eius et elegantiorum faciem prorsus fuisse ineptum. Nec mirandum adeo, quamuis errori audacter se opposuerit, et animo ingenti ad reformandam philosophiam accesserit<sup>2</sup>, quibus animi virtutibus solent accingi, qui philosophiam emendare aggrediuntur, multum eum mouendo nihil promouisse. Destituebatur enim iudicio in veras rerum rationes, naturam atque connexionem penetrante, et decipiebatur frequenter imaginationis ferocientis infania et furore; quo factum, vt magna quidem, excelsa, sublimia haud pauca sibi animo fingeret, et adea efformanda consilia conferret, at delatus ad paradoxam, ineptam, vagam ex inania post montes parturientes enatum tantum murem viderit. Certe qui scripta eius philosophica considerant, duo, nisi fallimur, certissime inuenient; nempe et *παράδοξοφιλιαν* ineptam et solido fundamento nullo nixam, et contradictiones frequentes, saltem diffidia auctoris a se ipso. Id quod aliter euenire non potuit, cum haud semel tantum systema suum mutauerit, auxerit, castigauerit, adeo vt difficile sit Campanellam secum conciliare, ne dicamus, cum aliis.

*Laudes et  
merita Cam-  
panellae.*

§. VIII. Quamuis autem inter ingenia heteroclitica Campanellam non minus, quam Cardanum, numerandum esse, ex dictis sit manifestissimum: fatendum tamen, feliciora eum habuisse et valde lucida interualla, quibus multo acutius, quam alii, viderit. Vnde non negamus, veritates haud paucas easque egregias in scriptis Campanellae deprehendi. Cuius vna tractatio *de Gentilismo non retinendo* pulchrum prorsus et eruditum specimen est, in quo, naeuos philosophiae Peripateticae mira felicitate detexit. Et simili pacto in regulis illis, quibus de recta ratione studendi, et imprimis philosophandi praecepit, multa sunt prorsus salutaria et digna, quae philosophiae studiosi diligenter sequantur. Maxime autem in ciuili argumento eius doctrina eminebat, cuius liber *de Monarchia Hispanica*,

<sup>1</sup>) Lib. V. c. 3. art. 1. p. 52. seqq.

<sup>2</sup>) Laudatur ideo a SORRELLO de Perfectione hominis P. III. p. m. 485.



*Hispanica*, quem in carcere dictavit nobili cuidam Austroico spem liberationis ipsi facienti<sup>1)</sup>, exemplum est, in quo peritiam rerum publicarum praecipuarum huius aevi in dudum captivo utique admirandam esse iudicavit HERM. CONTRINGIVS<sup>m)</sup>. Qui et *Aphorismos* eius *Politicos*, quos Latine verfos *partem tertiam philosophiae realis* inscripsit Tobias Adami valde laudat, quod arguant capax atque versutum auctoris ingenium: licet fateatur quoque, eos tangere perquam multa politicae philosophiae, plene autem nihil exsequi; plura etiam docere perperam. Sed et illud inter splendorum ingenii Campanellae, a nebulis imaginationis non suppressos pertinet, quod sobrie et acute haud raro de scriptoribus, maxime philosophicis, iudicaverit, satis lynceus in perspiciendis aliorum naevus, qui in suis dignoscendis talpa fuit coecior. Cuius si quis exemplum desideret, eum illa legere iubemus<sup>n)</sup>, quae de Aristotele prudenter monuit, et in quibus laudata ingenii Aristotelici sublimitate et magnitudine reprehendit in eo obscuritatem, euitas et neglectas quaestiones arduas, tectam callide sententiam, cum in rebus parvi momenti prolixus esset, et minutissima sectaretur: porro contemptum veterum philosophorum; quodque in metaphysicis grammaticum magis quam philosophum se praestiterit, et aliena magis, quam sua tradiderit, saepe etiam contradictionem incurrat, dum ex diuersis auctoribus sua philosophemata depromat: denique quod in logicis superfluum sit in tractatis et mancus in tractandis, et quae alia sunt, suo loco quaerenda, quae magno iudicio dicta esse intelligent, qui Aristotelem attente et sine praeiudicio legerunt. Imprimis autem praeclare vidit Campanella, quibus mediis sanctior philosophandi ratio posset promoueri, nec dubitandum est, quin ad veram philosophiae naturam totus peruenisset, si hac via incedere, quam ingenium suum sequi, maluisset. „Pulcherrime enim „monet“; philosophantes ante omnia rei, de qua philosophari cupiunt, „historiam exploratam sibi, non ex parte, sed totam habere debere, eam- „que per testes non deceptos nec deceptores esse cognoscendam et exa- „minandam: nulli philosophorum aut legislatorum sectae ita esse inhae- „rendum, ut putes ipsos ab errore fuisse immunes: omnium hominum „libros legendos, nec statim respuendos, quae nostro intellectui dissonant. Cum impossibilis aliqua propositio nobis apparuerit, non statim „eam pro impossibili habendam ac praedicandam, sed retinendum assen- „sum, donec undique conquisitis rationibus veritas eruatur.“ Quanquam autem nugatus est Campanella, quod leuibus ratiociniis rebus omnibus sensum inesse, mundumque totum animal esse machinamque viuentem et sentientem statuit, laudandus tamen in eo est vehementer, quod in naturali disciplina ad sensum magis et experientiam, quam ad abstractiones vanas et inutiles prouocauerit. Quod utinam in metaphysicis non fecisset, et a tentanda spirituum natura abstinuisset, in quibus conatibus

Q 2

somnia

1) Contringiana p. 315.

m) De ciuili prudentia c. 14.

n) De recta ratione studendi p. 398.

w) loc. cit.

somniis haud raro, quae pro experientia excipiebat, inausus turpiter delusus est.

*Culpata in  
Campanella.*

§. IX. Et haec quidem omnia in Campanella laude sua non fraudanda esse, aequus rerum iudex facile pronunciauerit: ast sunt alia in hoc viro, atro imprimis colore notata, quae animum philosophica, ne dicam, Christiana pietate recte imbutum, et contra falsas regulas minime munitum produnt. Inter quae id recte notatum fuisse in Campanella a praestantissimo CYPRIANO<sup>p</sup>, quod extinguendos fuisse post comitia Augustana protestantes, ne haeresis latius serperet, scripserit<sup>q</sup>, fatebuntur omnes, quotquot indolem ciuitatis Christianae, legumque quas princeps illi optimus tulit, intelligunt, noruntque omnem eas violentiam a Christiano populo longe arce-re, et aliis prorsus armis defendere sua moenia, quam quae Campanella malis artibus instructus suadet. Quod quamuis mire displiceat ECHARDO, sodalem suum impietatis ideo postulari, qui principes Protestantes antiquam religionem euertisse, cupiditate stabiliendi imperii sui clamat, et Campanellam recte potuisse suum regem excitare ac vrgeri ad tuendam catholicam Romanamque ecclesiam putat; impudens tamen monachus, rerum in Germania tum gestarum prorsus ignarus non vidit, summis principibus, qui in comitiis Augustanis aderant, et contra vim apertam fuerant protestati, nihil minus cordi fuisse, quam religione abuti, qui fidem Carolo V toties praestitere. Vt taceamus, si verum id esset, commendasse tamen Campanellam factiosa et ad bella ferenda apta principia, nec in ciuitate ferenda, nec in ecclesia audienda. Nos non miramur hanc impudentiam et malignitatem animi in Campanella, recordantes et temporis illius, quo vixit miser philosophus, quod huiusmodi consiliis ferale bellum accendit: et miseriae eius, cum aulae Romanae blandiri quouis modo, ad obtinendam ex diuturno et molesto carcere liberationem conatus sit, et hoc quoque pacto tandem Hispanorum crudelitatem euaserit. Hoc vero pessimo principio posito mirum non est, plurima eum admisisse confectaria, quae ciuilem doctrinam castiorem nempe et prudentiorem, contaminant. Qualia sunt, quod militares copias passim ad tuendam et amplificandam Romani pontificis auctoritatem et potentiam suadeat: quod Austriacis contra Protestantes in Germania commendet, vt spargantur inter eos perpetua discordiae semina, commota quaestione de praeminentia; quod dolos fraudesque subuertendae paci aptas suppeditauerit: et quae alia sunt, quae non facile spongia insultantis scriptoris absterguntur, et a candidis viris, cui non ignota est legis Christianae indoles, etiam in ipso ecclesiae Romanae gremio merito reprobantur.

*Campanella  
atheismi po-  
qulatur.*

§. X. Grauius adhuc ἔγκλημα est, et haud leuem famae Thomae maculam adspergit, obiecta impietas, et atheismi haud facile excusanda impudentia. Quamuis enim aperte impiis Numinis osoribus patrocina-

tum

p) P. 32.

q) De Monarch. Hispan. c. 27.

rum fuisse eum nemo dixerit, haud obsecris tamen rationibus sibi constare contendunt, qui eius apologiam pro religione, quam *Atheismi triumphari* titulo ornavit, legerunt, tacito pectore hanc perfidiam animo Campanellam pressisse, et ita frigide causam Dei egisse, ut eam prodere voluisse hostibus sit manifestissimum. Ita CONRINGIUS<sup>1)</sup>, BOECLERVS<sup>2)</sup>, MORHOVIUS<sup>3)</sup>, BVDDEVS<sup>4)</sup>, alii \* laudati a Ven. REIMANN<sup>5)</sup>. Et iam viuo Campanellae similem impietatem fuisse obiectam, ex prologo eius libri constat, quo accusatum se esse ait, quod librum de tribus impostoribus composuerit. Auxere hanc suspicionem libri eius *de Sensu rerum et magia*, quos dignissimos esse putavit MAR. MERSENNVS<sup>6)</sup>, qui flammam sentiant et fumo incantentur, quae alibi<sup>7)</sup> repetit, licet alias Campanellam magni fecerit, eumque inter amicos numerauerit<sup>8)</sup>. Vnde eos magno conatu refutavit Athanasius Rhe-  
tor, Graecus presbyter Byzantinus, Campanellae aequalis, qui acriter eo nomine castigasse Thomam dicitur<sup>9)</sup>. Fatemur nos, nimis acres du-  
rosque esse censores Campanellae in inurenda atheismi nota. Non obii-  
ciemus, quod imprudenter ECHARDO excidit: *Hanc obiectionem esse*  
*heterodoxorum ex odio catholicae Romanaeque ecclesiae, cui noster mi-*  
*rum, ipsis etiam testibus, affectus fuerit, et cuius desertores ubique op-*  
*pugnet et premat acrius, profectam, adeoque parui pendendam;* adeo  
enim immemor sui fuit scriptor Dominicanae familiae, ut non recorda-  
tus sit, quod ipse nos docebat, Mersemmum nec heterodoxum: nec odio  
ecclesiae Romanae detentum flammis dignam profanam Campanellae im-  
pietatem iudicauisse; nec monebimus, leuiora esse Campanellae tela,  
quam quae protestantibus eius generis iram extorqueant. Sed ad ipsa  
Campanellae scripta et assertiones prouocamus, quorum magna pars con-  
sistere non posset sublato Numine. Id quod vnam, quam de immortalitate  
animae in suspectis *de Rerum sensu*<sup>10)</sup> libris habet, demonstrationem  
consulenti est manifestissimum. Et tantum abest, ut atheismo fauerit  
Campanella, ut potius in contrarium delapsus esse vitium censendus sit,  
nempe enthusiasmum. Nec iure obiici posse Campanellae excogitata  
nova atheorum dubia et infirmitatem responsionum, ex indole hominis  
et assueta insuper docendi scribendique methodo patet. Supra enim eu-  
ctum, iudicio plerumque defecisse Campanellam, ingenio supra modum  
lasciuuisse. Huic enim excogitarum obiectionum multitudo adscri-  
benda erat, postulante insuper methodo scholastica, quam in clauistro di-  
dicerat, ut, quotquot exculpi possent, dubiorum cateruae adducantur:  
illi responsionum debilitas et eneruis actio tribuenda. Nec defuisse ani-

Q 3

mum

1) Conringiana p. 52.

2) In Ann. Taciti L. I. c. 3. p. 57.

3) Polyhist. L. I. c. 8. §. 21.

4) Theol. de Atheismo c. 1 §. 24. p. 132.

5) LA CROZE Entretien p. 381.

6) Hist. Atheismi Sect. III. c. 4. §. 18. p. 378.

7) Qu. in Genesin col. 1164.

8) p. 130. 707. 708. 939.

9) ECHARD. l. c.

10) IDEM l. c.

11) L. II. c. 25. p. 145.

num Campanellae, impietatis fautores refutandi, ex variis scriptorum eius locis constat, quibus atheorum insaniam ridet et perstringit. Non negamus, inesse scriptis Campanellae quaedam, quae et pie et caute magis possent dici, et animum proderent, Numinis metu et religionis reuerentia non satis munitum, plura esse, quae si consequentias vrseris, malam sententiam euincunt. At cum hoc iniquum esse ac ineptam de atheismo statuendi regulam, aequus Lector ipse intelligit, tum illa non tam animo a Dei cultu et religione abhorrenti, quam imprudentiae ingenii Campanellae anomali tribuenda sunt. Magis enim iudicii defectum, quam voluntatis perfidiam testantur. Quae vero de sensu rerum scripsit, inepta quidem sunt, et philosopho reformatoris personam induente indigna, at nec noua tamen, sed multoties, et ante Campanellam a Telelio recocta, et in Numen minime iniuria, quod omnino supponunt. Ferri autem debent in homine tot calamitatibus iactato, tot ingenii praecipitiis tentato, tot librorum lectione et scriptione obruto, et inde iudicii deliquium passo istae anomaliae, et infirmitati magis, quam malitiae adscribenda ea sunt, quae a vera regula sensuque pietatis recedere videntur.

*Scripta Campanellae.*

§. XI. Scripsit fere innumera Campanella, adolescens, iuuenis atque vir; neque senis industria emarcuit. Multa incepit, et affecta reliquit haud pauca furto vique sublata amisit et resuscitauit, quam plurima amicis tradidit edenda, qui eius pennis postea se exornarunt. Multa adhuc sunt, quae extant a Campanella profecta, licet rarius occurrentia: nec pauciora, quae passim in bibliothecis latent, nondum vulgata. Et plerorumque indicem quidem atque historiam ipse Campanella enarravit in schediamento *de Libris propriis*; accurate et editos et enarratos recensuit I. ECHARDVS, qui triplicem scriptorum Campanellae dedit catalogum; primum iuxta syntagma *de Libris propriis*, alterum, prout ab eo fuerunt in X Tomos distributa ad calcem *Philosophiae rationalis*: tertium operum, quae reuera typis prodierunt, seruata editionum chronologia, et additis virorum eruditorum, si quae emanauerunt, censuris. Addidit his indicem quartum operum, quae typis non prodierunt, sed MSc. in bibliothecis variis delitescunt. Hunc consulat, qui de scriptis Campanellae certior fieri, eiusque literariam historiam plenius noscere cupit. Multa ex his scriptis in Galliam secum adportauerat, sed cum nec doctrina de praedestinatione Thomistis placeret, qualem ille tradebat, nec ferre possent multa in pontificis maximi gratiam dicta, Galli eo quod ecclesiae Gallicanae libertati intolerabilia viderentur, ea edere in vulgus ausus non est. Notari autem ex editis a nobis merentur, *philosophia sensibus demonstrata*, *prodromus philosophiae instaurandae*; *de Sensu rerum et magia*; *Realis philosophiae epilogisticae partes quatuor*; *Atheismus triumphatus*; *de Gentilismo non retinendo*; *Astrologicorum libri sex*; *Philosophiae*

e) Vid. SINCERI *Observationes de Libris rariis* T. I. p. 104. T. II. p. 25. 209. VOGT, *Cat. libr. rar.* p. 161. 162.

*sophiae rationalis partes quinque, ciuitas solis, quae est idea reipublicae imaginariae; Vniuersalis philosophiae seu metaphysicarum rerum iuxta propria dogmata partes tres: de Monarchia Hispanica et de libris propriis et recta ratione studendi.* In his quae affatim carpas, complura inuenies; multa autem deprehendes, quae laudem merentur, et doctrinam spirant. Vnde haud pauci Campanellae eruditionem laudibus extulerunt, quorum loca congesse CYPRIANVS f, ECHARDVS g, POPE-BLOUNTIVS h.

§. XII. Integrum philosophiae cursum reformare constituerat Campanella; non in iuuentute solum, qua eas tractationes edidit, quas supra enarrauimus, sed senex quoque, et ad maiorem animi fatorumque tranquillitatem perductus. Quem in finem opera in decem tomos distributa edere in animo habuit, vulgatoque tomo primo subiunxit huius consilii adumbrationem, ex qua patet, dare eum voluisse praeter *Philosophiae rationalis partes quinque, grammaticam, dialecticam, rhetoricam, poeticam, historiographiam*, quae typis editae sunt, *Philosophiam realem physiologiam, ethicam, politicam, oeconomicam complectentem*; et libros simul *de Sensu rerum et magia, et astrologicos* exhibentes: tum *Philosophiae vniuersalis siue metaphysicae partes tres*. Vt taceamus *Opuscula miscellanea*; ex parte quoque argumentum philosophicum complectentia. Eorum autem nihil praeter partem primam et quartam prodiit. Ex qua, vt ex libris supra enarratis, *de Sensu rerum*, ex *Prodromo philosophiae instaurandae* et ex *Vniuersali philosophia*, et ex *Reali philosophia epilogistica*, eius nouum, quod condere coepit systema hauriendum est. Non petitur locus et instituti nostri ratio, vt plenam doctrinae philosophicae Campanellae exhibeamus *διὰ τὴν πᾶσιν*; in infinitum fere si hanc viam sequi velimus, excursura huius vltimae partis tractatione. Vt tamen constet, quibus potissimum hypothesibus emineat Campanellae philosophia, singulares eius sententias, quae potiores sunt strictim enarrabimus; iis omis- sis, quae vel contra Peripateticos, vel pro Telebio disputauit, quae ad philosophiam polemicam pertinent, et alio loco delineanda sunt.

§. XIII. In dialecticis hae potissimum Campanellae assertiones memorabiles sunt: *Dialectica Campanellae.*

I. Dialectica est ars, seu instrumentum rationale sapientis, quo fermentationem in omni scientia moderantur.

II. Tres sunt partes logicae, definitiua, enunciativa, at argumentiua, nempe secundum tres actus intellectus, conceptionem, enunciationem, et discursum.

III. De-

f) loc. cit.

g) loc. cit.

h) *Cens. cel. auct. p. 436. LOTTEN, de Telebio p. 56. seq.*

i) Dabimus paulo pleniorum logicae Campanellae

*διὰ τὴν πᾶσιν*, cum, qui historiam philosophiae rationalis scripserunt, eam vix nominatenus adducant, vid. *cel. WALCHII Hist. log. §. 19. Parerg. scatt. p. 661.* cuius sine dubio causa est libri raritas.

III. Definitio idem est, ac terminus; ille vero vel perfectus vel imperfectus.

IV. Termini sunt semina, definitiones vero principia doctrinalium: inuentio ad metaphysicum spectat, doctrina ad logicum.

V. Logica naturalis est participatio quaedam diuinae artis et rationis, seu verbi Dei, a quo dicimur rationales: logica artificialis est ars directiua, actuum rationes humanae in omni scientia.

VI. Terminus est signum notionum mentis quo, quicquid cognoscit, distincte notificat, et ita orationis constitutum est.

VII. Quid sint transcendens, genus, species, differentia, proprium et accidens, physice et notionaliter ex vniuersali et diuisiua notionum operatione animae declarandum est.

VIII. In diuino intellectu est vniuersale causatum, modo significatorum a se; in intellectu humano est vniuersale causatum ab ipso intellectu ex similitudine multorum singularium comprehensorum in vnum, vnoque propter hoc nomine donatorum, ideoque significatum et praedicatum de indiuiduis. Non itaque datur vniuersale a parte rei.

IX. Transcendens est terminus, vniuersalissimam communitatem omnium rerum communitatem significans.

X. Genus est terminus significans similitudinem essentialem multorum communitatum particularium.

XI. Species est terminus significans communitatem et similitudinem essentialem indiuiduorum.

XII. Indiuiduum vagum, est terminus significans existentiam incommunicabilem, communem omnibus indiuiduis signatis, id est singularitatibus cuiusque rei finitae.

XIII. Differentia est terminus, significans id, quod per se diuiditur genus, et constituitur species, et praedicatur de genere disiunctim, et de specie copulativim, et de indiuiduis sicut species.

XIV. Definitio est terminus complexus ex genere et differentia, praedicabilis conuertibiliter de definito, et de suis suppositis.

XV. Proprium est terminus, significans rerum condiciones peculiares.

XVI. Accidens est terminus significans id, quod rebus accidit praeter earum essentiam, aut potentiam, aut intentionem, aut voluntatem, aut ordinem, aut consuetudinem.

XVII. Repugnans praedicabile est terminus indicans effectum impotentiae vel non entitatis, vel finitatis, quam omne finitum ens participat.

XVIII. Transcendens vnum est, omnia continens, propterea secundum rem non facit praedicationes: sed secundum rationem plures notiones de eodem contemplante fiunt praedicationes et praedicamentum metaphysicum.

XIX. Ens non distinguitur per singularitates sicut species, nec per differentias, sicut genera, sed per diuersos modos essendi, diuersa genera constituentes generalissima.

XX.



XX. Praedicamentum est coordinatio praedicabilium a generalissimo vsque ad indiuidua per specierum differentias progrediendo.

XXI. Venari praedicamenta, metaphysici est.

XXII. Ens finitum vel per se est, vel subest, vel inest, vel praest, vel adest, vel coëxistit, vel inexistit, vel prodest etc.

XXIII. Quatuor sunt praedicamentorum genera; alia enim praedicant existentialiter et coexistentialiter de subsistentibus; alia praedicant essentiam partialiter, alia totaliter: alia genus habent analogum.

XXIV. Prima substantia, quae basis omnium, nec in villo subiecto est, est spatium vniuersitati corporum subsans: hoc sensu Deus improprie est substantia.

XXV. Secunda substantia, quae proprie et principaliter, sed non maxime subsistat, nec subsistit, nisi forte imperfecte tertia, quae certo subsistit.

XXVI. Est itaque substantia ens finitum, reale, per se subsistens, perfectum, accidentium per se proximumque subiectum.

XXVII. Quantitas, quae secundum praedicamentum est, est intima mensura substantiae materialis, estque triplex; numerus, pondus, moles siue mensura.

XXVIII. Tertium praedicamentum constituit forma seu figura, quae est qualitas, seu modus et dispositio termini substantiae ad vsum regnantis potestatis ordinata. Transfertur autem, ad ipsam rei intrinsecam qualitatem essentialem, terminantem rei constitutionem.

XXIX. Quartum praedicamentum est vis seu facultas, quae est potestativae essentialitatis virtus, ad actum et actionem emergens. Reducuntur autem omnes facultates, ad potestatiuas, cognoscitiuas, et appetitiuas.

XXX. Quintum praedicamentum est operatio siue actus: estque perennis actus habitualis internae virtutis conseruans essentiam in sua existentia propter se editus et non in aliud.

XXXI. Sextum praedicamentum est actio: quae est potentiae actus effectiuus, similitudinis causae agentis in patientem.

XXXII. Septimum praedicamentum est passio, quae est actus impotentiae deperditivus propriae entitatis et receptio alienae.

XXXIII. Octauum praedicamentum est similitudo, quae est influxus unitatis participiumque.

XXXIV. Dissimilitudo est nonum praedicamentum, estque vere diuisionis influxus.

XXXV. Decimum praedicamentum est circumstantia, quae est, quicquid circa aliquid est ipsi inhaerens, siue adhaerens, siue inoperans, siue alio pacto ad ipsum pertinens, non tamen illius essentiam ingreditur.

XXXVI. Diuisio est totius in partes, quae sibi insunt redactio, siue sit quantitativum, siue integrale, siue essentiale, siue potestativum, siue vniuersale.

XXXVII. Definitiones fiunt ex his, quae sentimus, et transferuntur ad insensibilia.

XXXVIII. Vocabula sunt definitiones secundum naturam, non autem secundum nos.

XXXIX. Definitio est epilogus considerabilium circa rem vnamquamque, et quod eis per sensum colligitur: constatque ex similitudine et dissimilitudine.

XL. Modus definiendi varius est, quia varius modus essendi.

XLI. Non entium datur definitio, ut et singularium.

XLII. Quorum esse est vnum simplex, definitio est vna et simplex; et vice versa, deesse composito. Deus autem caret definitione, non enim suscipit differentiam, nisi negatiuam.

XLIII. Descriptio est oratio indicans essentiam rei per proprietates et effectus et similitudines.

XLIV. Nomen est terminus per se significans essentiam, pure rerum; verbum, actum rerum.

XLV. Praepositio est oratio perfecta indicatiua, verum vel falsum significans: estque vel simplex vel composita etc.

XLVI. Propositio categorica est vel absoluta vel modalis.

XLVII. Suppositio est acceptio termini substantiui in propositione extrinsece se habentis ad standum pro aliquo suo significato.

XLVIII. Argumentatio est processus intellectus a noto ad ignotum cognoscendum et declarandum et probandum.

XLIX. Fundamentum scientiae humanae est sensus.

L. Syllogismus sensatus fit ex duabus propositionibus, in quarum altera praedicatur subiectum conclusionis, in altera praedicatum, de pronomine demonstratiuo.

LI. Inductio est argumentatio a partibus sufficienter enumeratis ad suum totum vniuersale.

LII. Expositio est probatio vnius propositionis per clariiores et aequipollentes propositiones.

LIII. Consequentia est propositio composita ex duabus, quarum altera ex altera dependet, et per illatiuam notam perficitur.

LIV. Syllogismus est oratio perfecta complexa tribus terminis et duabus propositionibus: ex quibus positis et rite ordinatis, necesse est conclusionem euenire: habetque formas quatuor.

LV. Enthymema est syllogismus truncatus, in quo tacetur vel maior vel minor, quoniam est notissima.

LVI. Exemplum est aliquid ostendere de vno singulari per aliud singulare, in quo idem praedicatum inest.

LVII. Argumentum est vel demonstratiuum, quod caussat scientiam, vel probabile quod caussat opinionem.

LVIII.

LVIII. Scire, est rem per causas nosse; impossibile autem est, id fieri posse perfecte.

LIX. Ex sensitua demonstratione oritur intellectiua.

LX. Sentire est scire, estque scientia de singularibus et contingentibus saepe maior, quam de vniuersalibus, aeternis et necessariis.

LXI. Intrant quidem principia communia omnem demonstrationem, sed virtualiter et mediate, immediate autem sola propria.

LXII. Ignorantia est triplex, alia negatiua, alia priuatiua, alia contraria, huc sophismata pertinent.

LXIII. Propositiones probabiles sunt, quae videntur probabiles aut multis, aut paucis iisque doctis.

LXIV. Sunt autem earum sedes quatuor, testimonium, causa, effectus et signum.

Summa haec est logicae Campanellae, quam innumeris fere distinctionibus, axiomatibus regulis repleuit. In qua id sibi potissimum constitutum habuit, ut ab Aristotele recederet. Quod an semper re ipsa, et non magis nomine, et termino fecerit? an pleniora et lucidiora attulerit? an non eandem, quam Peripatetici meruerunt, dicam patiat? an ad veritatem inquirendam viam aperuerit planiorem et apertiore, Lectori, philosophiae rationalis perito examinandum atque definiendum relinquimus.

§. XIV. In naturali philosophia, si *prodromum philosophiae instaurandae*; siue *compendium dissertationis de natura rerum* sequimur, ita *Physica Campanellae*. statuendum esse censuit Campanella:

I. Duce sensu philosophandum est: eius enim cognitio omnis certissima est, quia fit obiecto praesente.

II. Sensus distinguitur in praesentem sensationem et anticipationem, siue sensationem praeteritam, quae secundum certitudinis locum occupat, ut tertium obtinet discursus, qui fit ab his notis per sensum ad ea quae non sentimus, sed similitudine horum indagantur.

III. Vltimum intellectio tenet, quae separat communia a particularibus.

IV. Communis scientiae sedes est discursus et ratio, quia non omnia possumus sentire: et ratio eo certior est, quo sensu vicinior est: e contra imbecillior, quo imaginatione magis appropinquat et a sensu se alienat.

V. Rerum essentia et existentia vnum idemque est, quae enim non habent existere non habent esse.

VI. Quaecunque physica existunt in loco aliquo existunt.

VII. Locus est substantia prima incorporea, immobilis apta ad receptandum omne corpus.

VIII. Locus non habet contrarium; potest enim omnia corpora recipere.

IX. Non igitur datur sursum et deorsum, nec graue et leue, nisi sicut a nobis inuenta signa.

X. Locus est extra mundum et forte infinitus.

XI. Vacuum non datur, quia omnia corpora sentiunt, et mutuo tactu gaudent, at datur per violentiam.

XII. Tempus est duratio successiva rerum; estque numerus motus non secundum se, sed secundum existimationem nostram.

XIII. Omnis mensura est mensura respectu animae; sic tempus mensura nobis est motus, et secundum se est duratio essentiae vniuersorum.

XIV. Tempus mensurat quietem, et potest apprehendi sine motu: componiturque ex instantibus, sensu indiuisibilibus, quae imaginatio tamen diuidit semper, sed frustra.

XV. Tempus incepisse non probatur; sed creditur cum spatio simul factum esse.

XVI. In medio spatii vacui Deus posuit materiam, id est, corpus inconstructum, aptum ad constructionem recipiendam; eique appositae causas agentes duas, calorem scilicet et frigus, quae in communem massam, ut suam, egerunt.

XVII. Inde duo mundi corpora prima effecerunt, calor scilicet coelum ex materia deuicta et attenuata, frigus terram, ex portione correpta et condensata.

XVIII. Robustior calor cito attenuauit portionem suam, et vndiquaque profiliens in peripheriam, vbi dicimus sursum accessit, frigus inimicum fugiens, et in gyrum actus coelos expandit, ac sentiens suam tenuitatem a frigore corripitur exsuperarique, in quibusdam partibus se vniit; et refulset, et ibi coelum stella dicitur.

XIX. In extremo coeli, vbi sua vnio a frigore terrae non poterat impediri, facta est multitudo stellarum, quae fixae dicuntur.

XX. Luna, quia vicina est terrae, ex partibus minus tutis est constituta, ex se non lucentibus.

XXI. Sol vero ex longe copioso vnitoque calore constitutus est, et calor vnitus lucem emisit, et factus est tantus, qui terram continuo possit oppugnare.

XXII. Frigus, alia agens causa, abire in gyrum, sentiens calorem, mole sua constipauit, et vndeque fugare volens, inimicum circularem fecit, ideo terra se sustinet in sublimiori medio immota, quia quodcumque moueretur, a calore oppugnaretur.

XXIII. Sol circa terram circumuolutus eam oppugnando, si attenuat, facit aërem, et vaporem, partes nostri coeli: si eliquat, aquam; si indurat, lapides, si vtrumque plantas; si eliquat simul, indurat et attenuat, animalia. Sed ex liquore et vapore fiunt innumerae rerum species.

XXIV. Materia est corpus: quia sine corpore nihil est, nisi chimaera.

XXV. Forma est materia extremitas et finis.

XXVI. Componuntur autem res ex causa patiente et agente cum suis integritatibus tantum.

XXVII.

XXVII. Non habet corpus constructionem nisi a calore et frigore illud in effigies efformantibus.

XXVIII. Corpus non agit, sed recipit rerum actiones et formas.

XXIX. Materia inuisibilis est, et ideo nigra.

XXX. Omnes colores componuntur ex tenebris materiae et luce solis.

XXXI. Lux est albedo viua; albedo vicinissima est luci, postea albidum, deinde puniceum, inde croceum, viride, purpureum, albugnum fuscum, postremum tenebris contiguum.

XXXII. Lux est caloris color et species, facies, apparentia, lux, ut oculis obicitur, ut tactui, calor.

XXXIII. Frigoris facies est ignota, quia non aduenit ad nos, forte est nigrum, nempe contentum facie materiae.

XXXIV. Coelum tenuissimum, aptum ad motum, terra densissima propter quietem, illud calidissimum, haec frigidissima.

XXXV. Omnis ignis mundi a sole est deriuatus.

XXXVI. Sol mouetur continuo, et nunquam eandem terrae portionem calefacit.

XXXVII. Planetæ parui sunt, qui nequeunt ad nos, qui urat, calorem demandare.

XXXVIII. Putrescere non potest coelum, quia ignis non putrescit, extranea admittendo, quibus fiat putredo.

XXXIX. Formæ non latent in materiae sinu, sed sunt omnes portiones causarum agentium; figurae vero, quæ veræ formæ sunt, efficiuntur in corpore ab agentibus.

XL. Aqua non habet frigus summum.

XLI. Sunt itaque duo elementa, quæ videmus, sol et terra, omnia ex se ipsis generantes.

XLII. Sunt autem lux et tenebræ eorum facies, motus et quies operationes eorundem, rarum et densum, humidum et ficcum, effectus in materia.

XLIII. De principiis autem quaerentibus intelliguntur non vniuersalia logica, sed physica et realia, id est, in efficiendo, non in praedicando.

XLIV. Accidens est illud, quod præter intentionem agentis fit; hinc calor et frigus non sunt accidentia, quia sunt intenta a natura.

XLV. Neque tamen calor et frigus substantiæ sunt, quia non sunt res subiectæ, sed causæ agentes: nihil autem accidens est in natura, nisi in respectu.

XLVI. Conditiones Elementorum sunt, ut maxima omnium sint corpora, ut habeant actiuas causas, sint maxime contraria, et ab aliis non generentur, sed sese generent, suis facultatibus.

XLVII. Duæ extremæ sunt materiae dispositiones, densitas et tenuitas; hæc efficitur ab vno calore, illa ab vno frigore.

XLVIII. Dum calor agit in densitatem, antequam veniat ad tenuitatem,

in hos deducit gradus: in lentorem, mollitiem, viscositatem, lubricitatem, fluorem, vaporem et tenuitatem.

XLIX. Tenuitas est summa explicatio materiae densitas summa constrictio, et ideo densa non admittunt terminum tangentis.

L. Calor non generat siccitatem, sed latentem manifestat.

LI. Cometae fiunt ex vaporibus tenuibus copiosisque a luce solis illuminatis, efficientibus comam in aduersa parte; quando transvehitur lux, mouentur autem ad motum coeli.

LII. Aër non est elementum, quia non potest aërem generare, sed generatur a sole: nec habet actiuitatem summam: sed est omnis portio coeli, a frigore terrae oppugnata et solis calore resecta.

LIII. Similiter aqua non est elementum, non potest enim generare aquam; necesse frigida sed calida.

LIV. Mare gignitur in profundis terrae partibus vbi terra fit liquida, nec partes tenues possunt abscedere, et ipsa exusta terra liquoribus mixta liquefit, exque talibus fontibus fit mare.

LV. Aquae dulces gignuntur ex vaporibus terrae in cavitatibus condensatis, et exeunt ad orificium fontis: in aëre autem aquae fiunt ex delatis illuc vaporibus, et spissatis.

LVI. Non datur nisi vnus locus: quia locus loco non est contrarius, et motus non fit ratione loci, sed contrarii fuga et conseruationis appetitu.

LVII. Terrae purae nullus motus competit; coelum vero mouetur propter calorem.

LVIII. Motus diuiditur in actionem et operationem: actio requirit patiens, nam est effusio similitudinis agentis in patiens: passio vero est eiusdem receptio. Actio tendit ad finem; operatio vero non, sed si finiatur, destruitur operans.

LIX. Motus, qui est operatio, est actus existentis in actu; sed qui est passio, est actus entis in potentia et ideo terminabilis.

LX. Vnum est coelum, et stellae mouentur suo calore, pro diuersitate gradus caloris.

LXI. Non datur motus raptus, nec excentrici nec epicycli, sed eleuantur et deprimuntur planetae secundum accessum et recessum a sole, a quo lucem participant maiorem.

LXII. Feruntur in obliquum, quia poli mundi non sunt stabiles, sed mouentur trepidando, modo in austrum inclinati, modo in septentrionem.

LXIII. Ens vnum quodque agit, vt se ipsum conseruet in esse, quo est: ideo alterius entis contrarium sentiens illud destruere studet, et suam indere similitudinem in contrarii entis materia, vt tuto viuat in suo. Hinc innotescunt actiones: calore terram frigidam destruere exoptante.

LXIV. Quoniam sol longe terra est maior viribusque robustior, quaecunque generat, sua donat natura, scilicet calore. Omnia enim entia nostra



nostra natura calida sunt: quia vero frigus et densitas terrae resistit, dantur tantum eis medii gradus calor.

LXV. Fit ergo rerum diuersitas ex diuersis modis agendi et gradibus diuersis ipsius caloris diuersaque e materia.

LXVI. Cum agit calor, primum se indit materiae, in quam agit, dein attenuat materiam, licet in re dissimulari partes remanentes crassiores reddantur. Pars autem attenuata subito eleuatur; et tum alba efficitur: postremo rem attenuatam mouet.

LXVII. Hoc pacto generantur, nix, grandines, fulmina etc.

LXVIII. Lapides alii fiunt ex fluore terrae a calore fuso, deinde a frigore stricto, vel tenuium abscessu; alii fiunt ex materia liquida deuictaque a calore, vnde perspicui sunt.

LXIX. Ex eiusmodi viscoso fluore in quo tamen partes insunt tenues, et ideo extra superficiem terrae exsudante, fiunt plantae.

LXX. Animal omne fit vbi calor tenuis ingenerat spiritum, qui elabi non potens e crassitie, in cuius medio gignitur, ad sui ingenium. Itaque sentiens a contrariis se suamque domum oppugnari, et calore proprio resolui, fingit sibi organa apta ad sui nutrimentum et vitam.

LXXI. Quicquid est in corpore, instrumentum est spiritus animalis in cerebro residentis, qui per neruos discurrens, totum, quo vult, agit corpus, sique sentit se feruari, bonum iudicat, si destrui, malum.

LXXII. Animalia dupliciter fiunt: alia enim sponte oriuntur, ingenito a sole spiritu in crassa mole, quae tunc fieri maxime contingit, cum entia nostra putrefieri inceperint, quae vero e pluribus constant portionibus, dissimularibusque nequaquam sponte oriri possunt: hinc similia ex similibus animantibus nascuntur.

LXXIII. Differentia maris et foeminae ex inopia copiaque caloris fit.

LXXIV. Falsum est, foeminas non emittere semen, nam testes habent interius, sed minus calidum habent minusque crassum.

LXXV. Semen animatum esse oportet.

LXXVI. Omnes animalis operationes actionesque ab vna eduntur anima.

LXXVII. Idem spiritus omnia operatur in omnibus sensoriiis.

LXXVIII. Omnia sentiunt: omnes autem sensationes tactus sunt.

LXXIX. Sensus quilibet immutatio est spiritus ab obiecto suo vires effundente.

LXXX. Tactus est in corpore vniuerso, magis vero exquisitus, vbi spiritus ad externorum bonorum malorumue vires discernendas opus habet magis.

LXXXI. In cerebro sensus princeps est.

LXXXII. Obiectum oculorum, lux est non color.

LXXXIII. Quicquid auditur est sonus, id est motus robustior nostri spiritus motione continua.

LXXXIV.

LXXXIV. Odor rei tenuis est substantia, quae spiritum in spongia narium attingens immutat, estque realis.

LXXXV. Sapor est actio innati caloris fapidorum, linguae calore perciti et materialiter agentis.

LXXXVI. Sensationes, quae in sensoriis fiunt, ad cerebri spiritum deferuntur, qui omnia iudicat, ab his quidem immutationibus immutatus vires bonas malasque discernens.

LXXXVII. Sensus vnus est, at sensationes organaque sentiendi plura. Vna discurrens sentiensque anima.

LXXXVIII. Quia anima cogitando supra coelum in infinitum ducitur, ideo a causa infinita et diuina, Deo esse concluditur, adeoque immortalis.

LXXXIX. Triplici viuimus substantia, corpore scilicet spiritu et mente. Corpus est organum, spiritus vehiculum mentis, mens vero apex animae in horizonte habitans, quae spiritum et corpus informat.

XC. Fontes omnium passionum sunt duo oppositi dolor et voluptas; hic sensus boni, ille mali, ad haec sequuntur ceteri affectus, et hinc etiam virtutes sumunt ortum, quae prout magis conseruant, magis virtutes sunt.

Pauca haec sunt ex innumeris, quae in libris phisicis Campanella multis narrationibus, methodo haud raro vsus scholastica in crustauit. Quae magnam eum partem ex veteribus Parmenidi, et ex recentioribus Telefio debere, instituta comparatio ad oculum demonstrabit. Ex his itaque de Campanellae quoque physiologia facile iudicare licet.

*Summa translationis de sensu rerum.*

§. XV. Satis haec de naturalis philosophiae placitis ex mente Campanellae dicta videri possunt; ast, tantam sibi fecit Thomas vel famam vel infamiam hypothese illa, qua sensum rebus omnibus tribuit, eaque est libri, in quo illam explicuit, raritas, vt deesse aliquid narrationi nostrae conquesturi sint, qui his rebus delectantur, nisi singularis atque paradoxae opinionis summam atque rationes explicemus. Enarrabimus ideo Campanellae de sensu rerum sententiam, qua licet breuitate, vt ex ea constet, vtrum vel vera dixerit vel impietati affinia, et sanis omnibus explodenda. Huc autem potiora redeunt:

I. Ens nullum aliis dare potest, quod ipsum in se non habet: adeoque, quicquid est in affectibus, est etiam in causis.

II. Cum vero animalia sensum habeant, sensus autem ex nihil non oritur, necessario affirmandum est, elementa, ipsorum causas sentire, et quidem omnia.

III. Sentit ergo coelum et terra et mundus animaliaque inter ipsum manent, sicut vermes intra ventrem corporis humani, qui hominis intellectum et voluntatem et sensum non percipiunt, quoniam ipsorum sensui non proportionantur.

IV. Sensus

1) Lib. I. c. 1. p. 2.

IV. Sensus est perceptio passionis cum discursu rei existentis actus; et non potentiae purae informatio eiusque differentiae.

V. Est autem sensus non sola passio perfectiua, sed etiam corruptiua.

VI. Cum quid sentimus, non totam illius vim et formam suscipimus.

VII. Sensus itaque fit non per informationem, sed per immutationem.

VIII. Sensus non solum passio est, sed fit simul cum discursu tam celeri, quod non percipitur.

IX. Memoria est sensus anticipatus, reminiscencia autem renouatus in simili.

X. Discursus est sensus similis in simili.

XI. Omnia animalia habent spiritum liberum intra cellas proprias, habent et memoriam et discursum: non autem plantae, quia ligatum in angusta crassitie obtusumque sunt sortitae spiritum.

XII. Anima est res tenuis, patibilisque ab omni re sibi dissimili, non autem a prorsus simili, unde spiritus spiritum et aërem minus sentit.

XIII. Si sensus est passio, omniaque elementa ac elementata patiuntur, omnia ergo sentiunt.

XIV. Sensus non passio sola est, sed perceptio passionis et iudicium de obiecto passionem inferente.

XV. Sine sensu mundus est chaos, nec corruptio aut generatio sequitur; quae sine contrario, eiusque sensu non datur.

XVI. Rerum naturalium operationes, in quibus ipsarum manifestatur sensus, non a Deo, nec ab angelis, nec ab anima mundi, nec ab intellectu agente, sed ab ipsis formis naturalibus fit, at non sine Deo.

XVII. Instinctus est impulsus sentientis naturae; hinc qui instinctu res agi ponunt, sensu ponant, oportet. Concedunt enim, naturalia omnia agere propter finem: eum igitur cognoscant, sitque instinctus impulsus cognoscentis naturae, necesse est.

XVIII. Quaecunque accidentia ab instinctu fiunt, effectus sunt sensus partium, totiusque mundi.

XIX. Cuncta entia abhorrent vacuum, ergo sentiunt, mutuoque gaudent contactu, mundusque est animal.

XX. Datur autem vacuum tantum violenter non vero naturaliter.

XXI. Spatium natum ad locandum trahit ad se corpora, non quidem instrumentis, sed appetitu sensu: nam et illi inest potentia, sensus et amor, efficiendi tale, quale a Deo creatum est: non potest autem esse ipse Deus: sed est basis vniuersalis entitatis, creata vna cum corporibus. Ideo res cum voluptate ad ipsum trahuntur, accurruntque ad id implendum. Ex quo sequitur, non modo sensu mutui contactus vniri mundum, sed et gaudio ex repletionem vacui, in quo res se dilatant et multiplicant.

XXII. Con-

l) c. 2. p. 11. m) c. 6. p. 16. n) c. 7. p. 21. o) c. 8. p. 25. p) c. 9. p. 35. q) c. 10. p. 37. r) c. 12. p. 40.  
Hist. philos. Tom. V. S

XXII. Contrarietas non dissoluit mundum, immo ad unionem incitat, et partes ad pugnandum alteram contra alteram, et ad succurrendum inani, certando prae altera, alteram occupare illud, et se amplificare, generare et effundere ab inimica timentem, ac spontanea ira congregi conspiciuntur.

XXIII. Stultum est, afferere mundum sensus expertem esse, quoniam caret oculis, auribus, pedibus et manibus. Haec enim instrumenta conveniunt spiritui animali, materia crassa circumsepto: at mundo ad motum sufficit rotunda figura, manus eius sunt radii et virtus diffusiva, oculi, stellae ac luminaria.

XXIV. Materia uniuersalis, quae est locus omnium formarum, moles est corporea. Ea autem non patitur in vim formarum susceptione, sed gaudet et appetit formas, ergo sentit: omnis enim appetitus a cognitione suboritur. Eius autem appetitus sensusque conformatur ad sensum omnis formae: et quia inuisibilis est et tenebrosa appetit colorem, varietateque ornari formis.

XXV. Neque anima, neque sensus neque forma vlla de materiae sine educitur, sed ab agentibus effunditur causis.

XXVI. Ex fabrica et origine animalis constat, animam esse spiritum tenuem, calidum, mobilem, aptum pati proptereaque sentire.

XXVII. Vere omnia animae sunt plena, ut patet ex sponte natis, quoniam omnibus inest calor.

XXVIII. Omnia entia ab igne motum habent, estque anima motiua spiritus calidus.

XXIX. Idem spiritus est anima cognoscens irascibilis et concupiscibilis et motrix: in quibus actibus omnibus necesse est tribuere sensum irascibili et concupiscibili.

XXX. Ex concoctione, nutritione, augmento et decremento sequitur, spiritum esse animam, operarique ut principale agens, nec posse ab anima regi, nisi ipse sentiat praeceptum.

XXXI. Varii modi sunt sentiendi, significandique; illi autem ostendunt unicum esse sensum in omni re, et res sentire, res sentire, existimare, et transcurrere, et perspicere, et sapere.

XXXII. Omnes sensus sunt tactus; at sensoria et sentiendi modi differunt, propter crassitiam et gracilitatem organorum ob id formarum.

XXXIII. Res ergo durissimae modicum sentiunt, magis plantae, et his melius liquores: ventus autem et aer facillime sentiunt: lux vero et calor maxime sensitiua sunt entium omnium, quae in mundo sunt: mundus ipse

s) Illustrationis causa, ad theoriā suā de febribus nouā prouocat p. 46. quae nostro tempore magno plausu a medicis summis recepta est: „febris esse rem vtilem; nisi enim accenderetur spiritus contra morbum, et motus pulsusque non velociore solito vehementiores ederet, et calore non augetur, contra inimicum calorem,

„remaneret ipse victus subitoque mortuus: quod sit quando in febre vincitur,“ etc.

r) L. II. c. 1. p. 48.

u) c. 2. p. 50.

x) c. 3. p. 52.

z) c. 4. p. 54.

a) p. 59.

b) c. 8. p. 67.

c) c. 9. p. 70.

d) c. 10. p. 80.

e) c. 11. p. 83.

f) c. 12. p. 87.

ipse sentit totus, alibi magis alibi minus: ut nares non sentiunt piperis calorem, nec lingua sonum aëris, nec auris lucem etc. <sup>g</sup>

XXXIV. Offa, pili, nervi, sanguis, spiritus, omnes sentiunt; licet passionum omnium partium non perveniant ad animal, vel non ita valenter <sup>h</sup>.

XXXV. Non datur sensus communis <sup>i</sup>.

XXXVI. Anima non est corporis forma, sed domina et accola, excepta mente humana; nempe est agens causa interclusa et intra operans in corpore <sup>k</sup>.

XXXVII. Memoria est in sentiente spiritu reponenda, idemque sentis et recordatur <sup>l</sup>.

XXXVIII. Eadem anima sentiens et memorativa, est etiam imaginativa et discursiva <sup>m</sup>.

XXXIX. Est in brutis sensus, memoria, disciplina, discursus et intellectus universalis, sed non divinum, ut in homine: qui praestat eis etiam in omnibus, tum ob meliora organa interiora, tum ob spiritum puriorem, lucidiorem et nobiliorem, tum ob perfectionem, quam spiritus habet a mente immortalis ipsi indita <sup>n</sup>: inde enim rationalis est.

XL. Mens autem hominis et immortalis est, et divina: descendit enim a causa infinita ad quam tendit, religione. Idem constat ex scientiis, quas mens hominis tractat <sup>o</sup>.

XLI. Omnia entia sunt et operantur tanquam instrumenta prima sapientiae, summumque bonum est in aeternitatem conservari, omniaque hoc appetere, et suo consequi modo <sup>p</sup>.

XLII. Ex imitatione auctoris naturae cognoscitur homo illi convenire. Natura autem est ars, quam Deus rebus indit omnibus, ut ad fines suos perducantur; estque intrinseca cunctis, et constat metaphysicis primalitatibus, potentia, sapientia, amore, ex quibus ens omne constituitur, aliud magis aliud minus <sup>q</sup>. Est itaque diviniissima hominis natura, quae imitatur intrinsecam naturam animalium, omniumque rerum in exterioribus artificiis.

XLIII. Sensus est cognitio vera, abdita vel addita, memoria languida, discursus extranea, intelligentia remota, omnesque communes sunt menti humanae ac spiritui, ipsaque huius forma est et immortalis <sup>r</sup>.

XLIV. Spiritus aut anima in corpore consultat divinam interdum aliquam intelligentiam. Haec intelligentia, si prima sapientia non est, erit anima mundi <sup>s</sup>.

XLV. Si homini praeter spiritum corporeum necessaria est mens immortalis, multo magis necesse est inesse mundo, nobilissimo entium, animam excellentissimam quocunque angelo superiorem, quae totius curam gerat.

XLVI. Necessaria est eiusmodi anima mundi, quia nulla creata natura,

S 2

praeser-

g) p. 93. h) c. 13. p. 94. i) c. 17. p. 115. k) c. 18. p. 117. l) c. 20. p. 123. m) c. 21. p. 126.  
n) c. 23. p. 138. o) c. 25. p. 145. p) c. 26. p. 156. q) c. 27. p. 164. r) c. 30. p. 174. s) c. 32. p. 194.

praesertim inferior, potest suscipere influxum Dei infinitum, sed cum modificatione finita. Hinc colligitur, mundum habere spiritum, qui est coelum, crassum corpus, quod est terra, sanguinem, qui est mare, mentem isthanc animam.

XLVII. Coelum, stellaeque ignis naturae constant ac sentiunt: calor enim sensitivus est; ex quo constat, coelum stellasque sensu acutissimo praeditas esse.

XLVIII. Coelum stellaeque motu regulari, irregularique a propria virtute sensitiva conservationis propriae gratia feruntur omnes singulaeque.

XLIX. Coelum propria virtute movetur, stellaeque a seipsis intra coelum, et possibile est eas, non autem sphaeras animari ab angelis.

L. Non inepte existimandum videtur, stellas mutuo significare proprias alteram alteri conceptiones, dum lucem quaeque suam in alteram transfundunt: ipsarumque sensum voluptuosum esse; non tamen sciunt, quod tota anima mundi scit, aut mundus totus.

LI. Animae beatae habitantes sic viuas lucidasque mansiones, res naturales vident omnes diuinasque ideas: habent quoque lumen gloriosius etc.

LII. Deus sui manifestationes gloriosas plurimum facit in coelo, at nos videre eas non possumus, propter vapores aërem perpetuo occupantes: cum purgabitur igne mundus, omnia conspicientur.

LIII. Egressa anima ex hoc antro opaco, videbit aërem, ventum, angelos, omniaque tenuissima entia; plus autem videbit, quae purior extiterit. Spiritus noster enim aëreus fiet aër et coelum: mens immortalis autem non remanet in aëre, sed usque ad stellas transfertur, nisi corporis labe maculata fuerit, ibique deificatur et glorificatur.

LIV. Sensum habent, lux, ignis, tenebrae, frigus et terra: habent enim appetitum, et vim, et motum, inimicum opprimendi, et sensus atque operationes eius destruendi.

LV. Aëri velut coeli parti sensus negandus non est, licet perturbator insit. Nutrire enim eum spiritum nostrum, experientia edocti scimus. Idem de ventis dicendum.

LVI. Aër est spiritus communis, et desert scientiam spirituum animalibus inclusorum ab altero in alterum. Quapropter multi sagaces spiritus ardentes ex aëre persentiscunt, quod cogitat alter homo; quia cogitatio est motus spiritus, qui exiliter communicatur aëri. Hinc diuinant melancholici: hincque diuersi vocis soni diuersos in animo produunt effectus.

LVII. Aër afficitur rebus praesentibus futurisque atque nobis communicatur. Fitque id potissimum in somno: dormiens enim homo cognitionem rerum ab aëre in spiritu captat mirificam, quam vigilando non sentit.

LVIII. Quam-

1) L. III. c. 1. p. 197. u) c. 2. p. 200. x) c. 3. p. 206. y) c. 4. p. 203. z) p. 210.  
a) p. 211. b) c. 6. p. 216. c) c. 7. p. 218. d) c. 9. p. 225.



**LXVII.** Quamvis enim insomnia suboriantur aut ab affectibus causisque intrinsicis, aut ex motionibus vigiliae tempore illatis, relictisque in spiritu, aut a Deo, aut ab intelligentiis, sunt tamen plurima quoque, quae aëri tribuenda videntur.

**LIX.** Prophetia naturalis in spiritu, supernaturalis in mente fit \*.

**LX.** Omnes aquae et liquores sentiunt, quia a calore, generantur et informantur. Sensum autem habent aëre obtusiores f. Id actiones et appetitus aquarum docet: hinc sympathiae et antipathiae liquorum. Similis ratio est lapidum et metallorum, quorum tamen sensus est obtusissimus g.

**LXI.** De sensu plantarum nemini dubitandum est, cum vescantur, nutriantur, crescant, semina et natos producant, non secus ac animalia b. Cumque plantis insint ossa, medulla, nervi, venae, fibrae, corium, os, vesicae, arma, et prolixa, ne moriantur penitus, faterendum est, animalia esse, sensuque abundare. Sed et ficca ligna sentiunt, vi enim inflexa et soluta sibi, resiliunt, contrariam enim positionem odio habent et refugiant.

**LXII.** Datur triplex magia, diuina, quam homo absque auxilio diuino non intelligit et nihil operatur; naturalis, ex stellarum et medicinae notitia addita tamen religione, ut fiducia operantis ingeneretur, et diabolica, quae maleficiis et venenis vititur et a diabolo ludificatur c.

**LXIII.** Ad magiam coelestem requiritur amicitia Dei et fides: qua quod habetur, hic potest in eius amicitia ita confidere, quod res creatas, prout opus est, immutare queat per miraculum. Fides autem requiritur: non haesitans et historica, sed intrinseca, et cordis puritas; non sola imaginatio. Hinc profecta sunt miracula vatum et apostolorum d.

**LXIV.** Miracula facta absque Dei amicitia, non vera sunt miracula, sed naturalis magiae opera, aut diaboli, aut astutiae, imperitos ludificantis e.

**LXV.** Magia diaboli aemula est diuinae, et naturae viribus occultis astitur f.

**LXVI.** Scientiae artesque omnes naturali magiae seruiunt, sed quaedam magiae g.

**LXVII.** Qui spiritus, qui in homine est, tenuitatem, vel mobilitatem, vel luciditatem vel calorem immutare contrariis vel consimilibus, vel vehementibus vel blandis rebus agendo in ipsum nouit, is affectus quoque immutabit, et bene operabitur magice.

**LXVIII.** Reperitur in cadaueribus sensus, id experientia confirmat, et ex sensu obtuso constat, qui remanet in corpore mortuo. Hinc ebullire solent cadauera interfectorum praesente homicida h.

**LXIX.** In rebus diu consumptis remanet sensus antecedens et recens: experimurque quoque passiones affectusque proprios et peculiare sentien-

S 3

tis

o) c. II. p. 235.

g) c. 13. p. 247.

i) L. IV. c. 1. p. 265.

l) c. 9. p. 271.

n) c. 6. p. 282.

f) L. III. c. 12. p. 241.

h) c. 14. p. 151.

k) c. 2. p. 265.

m) c. 5. p. 281.

o) c. 9. p. 295.

is naturae: e. c. pulsato tympano ex pelle lupina, dirumpitur os: quin non modo remanet sensus, consumto sentiente, sed etiam multiplicatur, et alia in se conuertit, vt patet ex morfu araneae Appulae et canis rabidi.

LXX. Animalia, plantae ac mineralia propter ea, quod proprias passiones nobis communicant, ingrediuntur omnia magiae vsum.

LXXI. Manat ex oculis vis immutatiua, et per consensum actiua.

LXXII. Fiducia naturali soni quoque et characteres afficere possunt animos; mouetur enim efficacissime imaginatio.

LXXIII. Verba quoque et voces in absentes effectus pariunt plurimos; sed saepe daemones dolose interueniunt.

LXXIV. Neccessaria mago optimo astrologia est. Generatio enim, corruptio, alterationes, anni tempora, aëris mutationes, animalium germinationes efficiuntur luminaribus et stellis.

His potissimum assertionibus decantata illa de sensu rerum fabula Campanellae constat. In qua exornanda, pingenda, commendandaque multam eruditionem et lectionem amplissimam ostendisse philosophum infelicem, nemo temere negauerit. Ast eo minus toti tractationi iudicii et luminis inesse, fatebitur, qui perpetuos paralogismos, quibus nec prima quidem fundamenta carent, obseruauerit. Maxime vero dum effectus quosdam enumerans, eorum causam dicit esse sensum, fallaciam non causae, vt causae, quam vocant, frequenter admittit, et talia pro rationibus affert, quae quaestionem ipsam tangunt, et illa certiora vel clariora non sunt. Vt taceamus aniles fabulas, quas in libro quarto cumulauit, quas ex Cardano, Porta aliisque hausisse videtur. Recte itaque explosa est haec fabula a viris doctis; licet nec primo nec soli Campanellae arripserit. Quotquot enim ex veteribus mundum fecere *ἐμψυχον*, ab his placitis abhorreere non potuerunt: ipse autem Campanella, se hanc assertionem a Telesio accepisse non negat. Tacemus Cabbalistas recentiores aliosque, quibus omnia sensata videntur.

*Campanellae  
metaphysica.*

§. XVI. Diu nos detinuit Campanella, rerum naturalium causas enarrans: ne igitur taedium Lectori obrepit, reliqua, quae dicenda sunt, contrahemus, et paucis verbis exponemus, quid in metaphysicis Campanellae placuerit. In quibus eo foecundior fuit viri paradoxi calamus, quo facilius fuit, nouos terminos, canones, axiomata condere, quibus haud raro voces magis, quam res ipsas innouauit. Summam autem placitorum metaphysicorum nemo breuiori at lucido tamen et perspicuo compendio enarrauit, quam qui in finem suum depositos habuit foetus

Cam-

p) c. 10. p. 299.

q) c. 15. p. 376.

r) c. 18. p. 340.

s) Vid. MOERER: Diss. de Paradoxis sc-

sum c. 1. quem locum vitae Campanellae sufficit cel. CYPRIANVS p. 76. seqq. conf. Polyb. lib. T. II. L. II. P. I. c. 14. §. 3. p. 241. seqq.

Campanellae literarios, TOBIAS ADAMVS. Hunc si audis, id tibi monstrandum in *Metaphysicorum Libris XIII.* sumfit Campanella, quam „paucum hoc fit et exiguum, quod ab hominibus sciatur de rebus idque „omne manum et ex parte, et non uti res ipsae sunt in sese, sed prout „capi a nobis possunt. Considerari autem, ait, res creatas, tanquam ex „ente et nihilo compositas, docerique, ens transcendentali sua compositione ex tribus primalitatibus, tanquam caractere diuino constare, patientia, sapientia et amore, uti nihilum ex impotentia, ignorantia et odio. Quia omnis res est, quia potest, scit, et amat esse hoc quod est, et periclitando hoc posse esse, aut scire, et velle esse, subito etiam ipsum suum esse perdere, et perire ob nihilitatem illam annexam, (quod non esset omne vel totum ens,) et in aliam essentiam transire ad transmutationem rerum et generationem. Ex primo itaque ac summo et solo vero ente (in quo ineffabili modo primalitates illae longe infinites altiori et incomprehensibili essentiali simplicitate et perfectione sine ulla nihilitatis admixtione, tanquam in fonte concurrant, et vnum sint, ratione tamen distinctae) quod omnes res ex nihilo produxerit, creaturarum naturam in tali compositione deriuari, quarum primalitatum obiecta sint essentia, veritas, bonitas supra quae seminentur et influant necessitas, facultas et harmonia. Hoc modo primum et vnum ens ideas suas inexhaustibiles variis modis per durationem rerum, (quae sit tempus, imago semper idem permanentis aeternitatis) transportari facere cum instrumentis suis, siue causis agentibus calore et frigore, in materiam, siue molem corpoream, sustentatam in spatio seu loco, basi huius mundi, quod in Deo habeat suam firmitudinem vel stabilitatem. Haec principia illa metaphysica sunt, quibus nouum aedificium inaedificat Campanella, disputans pressius de Deo, de intelligentiis et angelis et anima, de origine ipsorum, de principio et vita mundi, de symptomatibus seu morbis et morte mundi, seu interitu et renouatione, de hominibus et ipsorum legibus, de vero, de falso, de vno, de numeris, et multitudine, de veritate religionum, et de essentia rerum inuisibilium, de mutatione rerum coelestium, et humanarum, et de examine principiorum omnium sectarum et scientiarum etc. Donec tandem ad beatitudinem deuoluatur, quam demonstrat, nihil aliud quam ipsam essentiam esse, vel huius perfectionem et unitatem, ad quam religione et puritate adscendatur, ut animi quasi fulciantur et religantur. Extraque Deum quaeri non posse, qui ipse solus sit fons et finis omnium, quae esse habent aut desiderant, aeternus, gloriosus, benedictus in omnia secula. Haec Adamus. Similia ipse CAMPANELLA enarrat, cum his conferendus, qui libros quoque XXIX. de *Theologia* se scripsisse ait iuxta metaphysicam suam. Sed et mathematicas scientias se metaphysica ratione fundandas instaurare coepisse ait. Vbiq; enim primalitatibus suis intentus Campanella, omnes disci-

t) In Praefat. Prodrōmi.

u) De Libris propriis art. 3i p. 379.

*Campanellae  
philosophia  
moralis.*

disciplinas in hunc modum refinxit et reformauit \*. Mirum itaque non est, politicam eius quoque istis speculationibus metaphysicis inniti, ut ex ciuitate solis patet, quam longe praestantiorum esse Platonica aut alia quauis ipse tactat, viri autem docti longe infra MORI *Vtopiam* esse iudicauerunt. Verum de his longius differere instituti ratio, et prolixior, quam postulat, tractatio prohibent. Consulendus autem CAMPANELLAE *Epilogismus* a TOBIA ADAMO editus, quem valde commendat GABR. NAVDAEVS †, quem tamen nimium dedisse auctoris amicitiae omnino pronunciandum est. Summa enim eo tendit: in essentia Dei esse tres primalitates, siue ens primum essentiarum potentia, sapientia et amore, atque omnes huius trinitatis effectus, hoc est, omnes creaturas, eam repraesentare, earumque quamlibet in tantum existere, et viuere, in quantum in ea perseverarent, potestatis, sapientiae et amoris radii ac participationes. Quippe vnumquemque mortalium communi lege aut tanquam potentem viuere, aut tanquam sapientem, aut tanquam amantem et bonum, fierique posse, ut hae dotes omnes, aut saltem duae, in vno homine appareant. Degenerasse autem mortales ab his diuinitatis radiis, et obtentu potentiae, sapientiae et amoris diuini ad omnem libidinem abuti; huc ergo reuocandos et emendandos esse hominum animos. Quae quo loco habenda sint, Lector rerum moralium non ignarus, nobis non monentibus intelligit. Certe si metaphysica haec principia in moralem doctrinam traducta, inter se comparentur, patebit, haud procul ab entusiasmo Campanellam abfuisse. Quem ingenii eius characterem vel vna, quam de magia diuina dedit, tractatio satis superque comprobatur. Talis cum fuerit Campanella, non felicius fuisse in reformanda philosophia, quam in reliquis conatibus suis, censendus est.

\*) p. 375.

†) Bibliograph. c. 2. p. m. 25.



CAPVT

## CAPVT SEXTVM.

## DE THOMA HOBBSIO.

## §. I.

**Q**uod in Britannia magnis moliminibus exorsus est, perficere autem, quod ad alia vocaretur, non potuit illustris philosophus FRANCISCUS BACONUS de Verulamio, id, eius sine dubio exemplo excitatus, et forte consiliis quoque adiutus praestare conatus est THOMAS HOBBSIVS, vel, ut plerique pronuntiant, HOBBSIVS. Cui viro natura larga manu ea dona distribuit, quae ad maximos in philosophia profectus suscipiendos sufficiunt. Quae cum ita adhibuerit, ut singulari inde fama in orbe philosophico inclaresceret, eius memoria hoc loco suo iure meritoque renouanda est. Et ipse quidem nobis reliquit vitae suae historiam, quam versibus comprehendit senex annos quatuor supra octoginta natus: paulo prolixiorē scripsit nonnemo et auctario illustratum Carolopolis 1650. c. lxxxi edidit anonymus, literis R. B. notis aliquod indicium faciens. Quem Radulphum Bathurst esse, virum magna de Hobbesio opinione occupatum, plerisque viris doctis visum, verum autem auctorem esse Richardum Blackburn observauit PETERVS BAYLE. Praeter hunc ANTONIVS WOOD, quoque, cui antiquam *Historiae et antiquitatum academiae Oxoniensis* opus debemus, Hobbesii res gestas in hoc commentario historico enarravit; quae tamen narratio a censoris manu magnam mutationem passa est, quamvis viuo adhuc Hobbesio ista celeberrimi philosophi biographia esset conscripta. Ethos quidem fontes adierunt, quotquot de Hobbesii vita exponere, eiusque fata literaria descripserunt, quos, velut notissimos, hoc loco non excitamus, in sequentibus ex parte adducendos. Nos eos ipsos fontes non negli-

*Fontes historiae litterariae Hobbesii.*

a) Esse hunc Io. Awbrey, contendit CUR. THOMASIVS Hist. iur. natur. p. 82.

b) Vid. Poëms eius in honorem Hobbesii scriptum, quod libro de Natura hominis praefixum reperit THOM. BORE-BLOUNT. Cens. cel. 1702. p. 1046. seqq.

c) Vid. REIMMANN. Hist. liter. Germ. P. I. p. 101. PLACCIVS de Pseudon. p. 311. MOLIER. ad MORHOE. Polyh. T. II. p. 118. STRUVIVS Introd. in Hist. liter. c. 9. alii.

d) Lett. T. III. p. 829.  
e) Rem paucis sic habet: Inseruerat Woodius Historiae Oxoniensis vniuersitatis L. II. p. 376. seq. elogium Hobbesii, siue suo calamo, siue, quod non nulli volunt, Auberii exaratum. Quod cum latine verteretur, aedis Christi decanus autem, Ioannes Fellus, episcopus postea Oxoniensis vir cele-

berrimus, et versionis et editionis sumus faceret, multa mutauit, laudes Hobbesio detraxit, censorias voces apposuit. Id cum auctor aegre ferret, nec mutare posset, ad Hobbesium retulit. Qui ut suae famae consuleret, epistolam ad auctorem Historiae Oxon. scripsit, et ad ea, quae sibi iniuria videbantur, respondit, quae epistola quoque Oxonii vulgata est. Eam pessime tulit Fellus, et reprehensio Woodio, quod cum Hobbesio rem communicasset, ad finem Antiquit. Ox. epistolam satis acerbam in Malmesburiensem philosophum adiecit, eo quod Hobbesius, re ad regem delata veniam famae suae defendendae accepisset. Nihil tamen ad hanc epistolam reposuit Hobbesius capularis iam senex et liticularum pertractus. Ipsas epistolas et elogium exhibet biographus p. 54. seqq.

negligemus, addemus autem ex obseruationum literariarum penu, quod lucem vitae famigeratissimi philosophi accendere aptum est.

*Natus, educatio, iuuentus Hobbesii.*

§. II. Natus est Thomas Hobbes in Anglia, Malbesburiae, agri Wiltoniensis oppido, Non. Aprilis anno c1610 LXXXVIII. Patrem habuit ecclesiasten eius loci, cui Thomam mater peperit Hispanae classis, quae inuincibilis dicebatur, et exitium minabatur Britanniae, metu adeo perculsa, ut puellum praemature partu eniteretur. Quod licet animo viuaci et valenti minime nocuerit, causa tamen fuit valetudinis tenerioris, quam tamen exercitatione prudenti firmavit, et iusta diaetae ratione atque viuendi moderatione ad extremam senectutem perduxit. Praemature autem in puero ingens vis animi emicuit, octennis enim tantam docilitatem praceptoribus ostendit, ut linguarum eruditae pracepta et artium elementa insolita felicitate disceret, cuius, puer adhuc, specimen dedit, Euripidis Medeam metro Latino ex Graeco eleganter conuertendo. Qua animi acris et ingenii promptissimi praestantia adeo carus praepetori factus est, ut eum in sinu gestaret, et hunc solum ante aequales incitaret atque excoleret. Iactis hunc in modum praecoci industriae literarum fundamentis, dignus iudicatus est, qui non obstante tenera aetate (annos enim natus erat quatuordecim,) ad Oxonienses Musas anno c1610 cIII ablegaretur, auunculo, Francisco Hobbessio sumtus studiorum faciente, qui moriens quoque modicum ei fundum testamento legauit. In ea academia quinquennium studiis operam nauans, logicam et physicam peripateticam accurate didicit, et lauream quoque philosophicam nactus est. Ita consuetudo studiorum cursu absoluto in familiam Guilelmi Cauendish, baronis de Hardwick, ac non multo post comitis Deuoniae transiit, qui moribus atque studiis filii nati maximi regendis eum praefecerat. Quam spartam ita ornauit, ut et hero suo esset carissimus, et magnos profectus sentiret adolescens nobilis. Prudentiam viuendi autem tantopere patri probauit, ut eum iuueni iter Gallicum et Italicum suscipienti comitem adiungeret. In quo alimenta eruditionis quaesiuit Hobbessius, viros doctrinae laude florentes compellauit, indolem populorum et rerum publicarum explorauit, veneranda antiquitatis monumenta contemplatus est, et imprimis ad philosophiam et elegantiores literas respexit. Ita collectis doctrinae diuitiis cum domum rediisset, largius in domo heri sui otium nactus ad priora studia reuersus, magnoque literaturae academicae taedio affectus est. Probe enim videbat, scholae pulueri atque umbris eam magis conuenire, quam luci ciuili, parumque vsus praestare in vita humana atque societate. Ipsa quoque philosophia Peripatetica mature ei suspecta visa est, tum quod logicis et metaphysicis argutiis bella magis feri inania, quam veritatem erui cerneret, tum quod ethicam imaginariis notionibus animum decipere intelligeret, et physicam non experientia naturae, sed ingeniorum somniis niti perspiceret. Haec itaque senticeta perhor-

perhorrescens, et vulgaris philosophiae odio ductus ad lectionem veterum scriptorum se accinxit, et quos doctissimos inter Graecos et Latinos noverat, philosophos, poetas, historicos, rhetores, diurna nocturnaque manu versavit, et apiculae instar quae praestantissima et dulcissima iudicabat, in suos fauos retulit. Qua contentione studiorum licet totus occuparetur, nulli tamen veterum ingenium suum mancipavit, nec suo ingenio fidens contemptis aliis scenicam sibi philosophiam conflavit, sed eas doctrinae opes ex uniuerso scientiarum orbe congeffit, quibus accedente iudicii maturitate praestantissima effingi doctrina posset. Talis cum esset, maximo viro, Francisco Bacono Verulamio commendatus est, quem viros quosdam doctos secum habuisse, ut in Latine vertendis scriptis suis ipsum adiuuarent, supra diximus. Qua occasione quoque Edoardo Herberto de Cherbury innotuit, quorum virorum summorum amicitia factum est, ut magnis animis ad philosophiam eclecticam, et conculcandam philosophiam vulgarem excitaretur. Valde tum in Anglia feruebant dissidia democratiae fauentium, quae cum magna patriae mala fouere noster cerne- ret, ciues suos ad meliores et saniores regulas reuocaturus Thucydidem in Anglicum sermonem traduxit, et Britannis legendum tradidit <sup>f</sup>, quam versionem anno 1600 cxxviii, additis tabulis geographicis et indice, praefixaque dissertatione de vita et scriptis Thucydidis edidit, recusam apud Londinenses anno 1600 cxxxiv. Quo labore licet diligentiae laudem retulerit, visus tamen est nonnunquam nimia licentia a fontibus Graecis discedens, virtutem interpretis neglexisse. Ita dum elegantioribus literis delectatur, et philosophiae sensum, tum ex veterum lectione, tum ex consuetudine Verulamii, haurit, a consueta eam tradendi ratione valde diuersum, magnum methodi scholasticae ipsarumque scholarum odium sensit enasci, quae causa est, cur toties in scriptis suis non in docendi modum tantum, qui in academiis obtinebat, sed in ipsas quoque scholas declamauerit, ut vel ex vno *Leuiathanis capite quadragesimo sexto*, quod *de tenebris ab inani philosophia inscriptum* <sup>h</sup>, patet. Ex quo tamen specimine

T 2

f) Conf. F A S S I C. Bibl. Graec. Vol. I. p. 828.

g) Not. ad Marmora Arundelliana.

h) Potiora quae more suo magna fiducia hoc loco differit Hobbesius eo redeunt: Veram originem philosophiae dedisse tranquillitatem atque otium, a quo scholae nomen acceperit: non autem dari otium nisi in pace; nec pacem sperari alibi posse, quam in rebus publicis maioribus. Quales cum veteres Graeci non haberint, ideo philosophiam apud eos florere non potuisse, usque dum Persis deuictis Athenienses caput efferre coeperint. Tunc enim restituta tranquillitate, otiosos homines, et agendi incurios philosophiam excolere atque docere coepisse. Inde enatus esse sectas philosophorum scholasque earum publicas, exiguo societatis humanae usu, aut plane nullo. Experientem enim fuisse Platonis academiam geometriae, qua Archimedi accepta referenda sit, Peripateti-

cam scholam autem in argutis dialecticis et rhetoricis consensuisse. Neque tamen in vnam omnes sectam coniurauisse. Transiisse autem Graecanicam philosophiam ad Iudaeos quoque; et in ecclesia Christiana veteri tum caput efferre coepisse, cum Graecorum plurimi sacrae ciuitati adscriberentur. Maxime autem tum Aristotelicam obtinuisse; ex qua exortae sint haereses damnatae a synodo Nicaena, non consultis Lycei praeceptis: eam tamen sobrietatem sequentia tempora interpretationibus friuolis corrupisse. Tum incrementa maxima coepisse Peripateticismum, et illis imprimis, qui Aristotelis formas separatas deperierint, daemonologiam Homeri et Hesiodi placuisse. Romano Pontifice autem ad regiam potestatem euecto, Leonem instigauisse Carolum, ut scholas publicas erigeret, idque factum primo apud Parisios, et tum alibi. Cum autem ex voluntate et placito



mine constare quoque potest, multa commiscuisse Hobbesium, et imprimis philosophicae historiae non multum fuisse peritum, eo quod meditationi plus tribueret, quam lectioni.

*Actas adulta Hobbesii.*

§. III. Magnam autem cladem acceptura videbatur fortuna Hobbesii, cum anno clc lxxvi, Guilelmus Devoniae comes, et biennio post, filius quoque, cuius studiorum moderator ille fuerat, acerbo satis Candiana domui fato extinguerentur. Orbatus enim Moecenae optimo et beneficentissimo, noua de futura sorte sua consilia agitare coactus est. Leniendi vero doloris captandaeque occasionis gratia iter literarium suscepit, relictaque patria ad Gallos profectus est, conditionem ei offerente Geruasio Clifton, viro nobilissimo, qui eum filio suo peregre profecturo comitem in itinere iungere cupiebat, et hoc duce in aliena terra studiorum incrementa eum quaerere praeoptabat. Annum iam quadragesimum tum transgressus erat Hobbesius, adeoque iudicio maturo ad omnia attendebat, et accuratas sibi notiones fingere, atque concinno ratiocinari ordine conabatur. Quem scopum vt vtilissimum, immo necessarium esse philosophiae studio vidit, ita artium mathematicarum praesidio obtinere se posse sperauit. Quamuis enim abstractarum meditationum iucunditate parum tangeretur, nec subtilitatem ingenii in demonstrationibus mathematicorum supra modum extolleret, eo quod a communis vitae vsu remotiores esse crederet, vidit tamen pulchre, earum methodo in inquirenda veritate egregie intellectum iuuari, et cynosuram inueniri, qua inter scopulos ad certitudinis portum nauigare liceat. Euclidi itaque operam dare coepit, cuius demonstrandi rationem cum percepisset, nauseare coepit vulgaris philosophiae confusionem, quae vt calx sine arena, misere con-

placito pontificis omnia gererentur, factum inde esse, vt Scholastici, Aristotelem cum Scriptura S. confunderent, eiusque doctrinam vna praeponerent, eo potissimum respicientes, vt dogmata ecclesiae Romanae defenderentur, et ad obsequium pontifici praestandum homines commouerentur. Ita ex philosophia Aristotelica enata fuisse theologia Scholasticam, in qua cuncta eo redeant, vt statuatur: dari essentias quasdam ab entibus suis superatas, quales sint intelligentiae Aristotelicorum orbibus assilientes. Ex his autem essentis et formis substantialibus separatis irrepsisse in ecclesiam daemonologiam eam ineptam, quae cuncta superstitione repleuerit. Sed et hunc inde errorem fuisse prognatum, dari substantias incorporeas, omni quantitate destitutas, inde qualitates occultas, specificas, et similes nugae produisse: inde didicisse homines, libertatem voluntatis suae extollere, bella sacra commendare, et similia probare: immo omnem labem horum seculorum ex philosophia Graecanica in scholas publicas introducta fuisse enaram. Pater ex breui hoc dissertationis Hobbesianae compendio, quam inuisae scholae et academiae Hobbesio fuerint: nam nec

Protestantium scholas eum excepisse, inde constar, quod Scholastica philosophia tum inter Anglos adhuc valde floruerit. Ast falsum fuisse in plerisque Hobbesium, ex iis, quae de philosophia mediae aevi dicta sunt, euidenter patet; et manifestum est, aut valde coecutiisse in eius historia Hobbesium, aut obrorto collo eam rapuisse, vt placitis illam suis attemperaret, id quod candide falsus est, magnus cetera Hobbesii defensor NICOL. HIER. GUNDLINGIUS *deru*, Gundlingium. Vol. II. p. 338. Falsum enim est, philosophiam apud Graecos ante Persas deuictos et Platonis ueritatem non floruisse, aut hunc philosophum de Geometria nihil meruisse; falsum quoque, Lyceum in logicis et rhetoricis tantum fuisse versatum; falsum, Aristotelem asseruisse formas substantiales separatas; falsum, daemonologiam mythologorum cum eo conspirare; falsum, in primitiua ecclesia valuuisse ante alios Aristotelem; falsum, cultus angelorum primum fontem aperuisse Peripateticam philosophiam etc. Ita ex nobilissimae scientiae neglectu errores pariunt magni saepe philosophi.

connexa, ruinam ipsi minari palam videbatur, cum ex mathematicarum disciplinarum fundamentis, et certis principiis vtilissimas in genus humanum veritates peruenisse vidisset. Dolet autem biographus eius, ferius illum animum ad mathesin adiecisse, feliciorem futurum in eruendis veritatibus, et aduersariorum ictibus minus exponendum, si his se praefidiis citius muniuisset. Et his quidem studiis in Italico itinere delectatus est Hobbesius: domum autem redux reuocatus a vidua comitis Deuoniae anno clō lōc xxxi, filium tredecennem melioribus literis erudiendum accepit, et ad pulchra quaeuis egregie formauit.

§. IV. Adolescente paulo discipulo, cum terris peregrinis inuisendis *Iter Hobbesii* aptus videretur, Hobbesius delectus est, qui ducem se ei per Galliae pro- *Gallicum* uincias praeberet. Factum id anno clō lōc xxxiv, qua aetate virilem ma- *prius.* turitatem attigerat vis iudicandi in Hobbesio. Campum autem in hoc regno nactus est amplissimum, eo, quo cupiebat, modo in philosophia proficiendi. „Cuius incitamentum ipsi praeuuisse ait biographus, quod „ex iis, quae longo rerum usu atque acri mentis studio compererat, ani- „mo alte defixa insedisset sententia, in natura omnia mechanice fieri, et „ex vna materia variis motuum generibus et mensuris agitata vniuersa re- „rum phaenomena exfurgere, tam quoad animalium sensationes, quam „ceterorum corporum affectiones.“ His igitur rationibus commotus magna diligentia scientiae naturali explorandae se tradidit. Magna eo tempore contentione feruebat philosophiae studium Lutetiae, magnique viri contemptis sterilibus Aristotelis nugis de sanioribus et pulchrioribus sapientiae praeceptis cogitabant. Igitur non sibi soli fidens, cum videret viros nonnullos praeclaros atque doctissimos magna industria in rerum philosophicarum, maxime quod ad rerum naturam attinebat, adyta penetrare, eorum amicitia atque consuetudine uti constituit. Inter quos imprimis Petrus Gassendus fuit, qui eo tempore magnis moliminibus philosophiam Epicuream restaurabat. Quae cum mechanicis atque corporeis notionibus pleraque definire videretur, valde arrisit Hobbesio, eandem mechanicarum regularum normam, sensationibus ideisque hominis adaptanti. Et gratissima quoque fuit Gassendo Hobbesii amicitia, eo quod abiectis eum praeiudiciis libere philosophari, et receptas hypotheses alacriter conculcare cerneret. Eadem philosophandi industria commendauit quoque Hobbesium Marino Mersenno, cuius in *Tomo antecedente* iam facta est mentio. Is enim cum impense virorum doctorum amicitia delectaretur, in omni philosophiae genere autem haud parum esset versatus, vinculum quasi, teste SORBIERIO fuit, quo viri docti communi amicitia coalescerent, et canalis, quo inter se meditationes suas philosophi communicarent. Adeo autem eruditioni fauebat Mersennus, ut licet Minimorum ordini esset adscriptus, viros tamen doctos a Romanae

T 3

ecclesiae

i) In Vita Gassendi.

ecclesiae communione secessum facientes non perhorresceret, sed iustum doctrinae morumque integritati pretium statueret. Et hi quidem duumviri magnifice de Hobbesii eruditione et philosophia statuebant: adeo ut Gassendus ad Sorberium scripserit <sup>k</sup>: „Neminem se nosse, qui sit inter „philosophandum magis a praeiudicio liber, quique penitius, quicquid „rerum edisseruerit, introspiciat.“ Merfennus autem iudicaverit, incomparabilem virum esse Hobbesium, et singulis difficultatibus ita satisfacere, ut planum iter exhibeat. Sed haec tum maxime de Hobbesio pronuntiata sunt, cum libello de ciue philosophiae suae specimen edidisset, ut infra dicemus. Et his quidem instigantibus et calcar addentibus magno animo in exploranda rerum morumque natura Hobbesius progressus est. Postea ex Gallia in Italiam profectus Pisis aliquandiu haesit; quo loco cum magna doctrinae fama viveret Galilaeus Galilaei, qui in siderali scientia tum maxime omnium valere iudicabatur, eius consuetudine Hobbesius eo lubentius usus est, quod rerum naturalium interpretem esse longe felicissimum comperisset. Qui cum idem studiorum genus complecteretur, et eandem quoque morum atque temperamenti rationem teneret, amicitia inde inter eos enata est arctissima; ecclesiasticorum virorum invidia, quod biographus observat, utrumque censuris acerrimis vexante. Qua de re infra dicendum.

*Hobbesii studia politica.*

§. V. Collectis animi diuitiis cum comite suo anno cLo Io cxxxvii domum rediens Hobbesius, amicitiam, quam cum viris praestantissimis in Gallia et Italia inierat, instituto literarum commercio coluit atque continuavit. Maxime autem cum Merfennio illam summa necessitudine copulatam conservavit. Gliscere eo tempore iam coeperant dissidia Britannorum, bello intestino accendendo aptissima, quae in apertam postea flammam eruperunt. Nempe democratico regimini valde fauentes Scoti episcoporum factioni ipsique aulae ministerio graues esse non desinebant, et aliam sibi reipublicae faciem exoptabant. Aegre id tulit Hobbesius, cumque, quod biographus eius narrat <sup>l</sup>, et maximo regem officio obsequioque prosequeretur, et decumano in democraticos odio laboraret, de medicina animis ex philosophiae remediis afferenda cogitare, deque eiusmodi principiis dispicere coepit, quibus maiestatis ius, potentia, necessitas, commoda supra omnem dubitationem ponerentur, et intelligerent ciues sui, quantum patriae interesset, ab intestino bello abstinere. Ex quibus meditationibus enatus est liber eius *de Ciue*, et post hunc ille, quem *Leuiathanis* nomine inscripsit, quibus et clarum sibi et famosum valde apud suos nomen fecit, prout nempe lectores reperit. Eo autem res omnis ab eo, interprete biographo, reuocabatur: *Sine pace impossibilem esse incolumitatem, sine imperio pacem, sine armis imperium, sine opibus in unam manum collatis nihil valere arma, neque metu armorum* quic-

<sup>k</sup>) Epistola utraque praefixa est libro de Ciue,

<sup>l</sup>) p. 29;

quicquam ad pacem proficere posse illos, quos ad pugandum concitas malum morte magis formidandum: nempe dum consensum non sit de iis rebus, quae ad salutem aeternam necessariae creduntur, pacem inter ciues non posse esse aeternam. Sed de his insequentibus dicemus. Hoc loco autem id notandum, Hobbesum circa id tempus ideo de his principis disseminandis cogitasse, ut seditiosorum animos cohibendo imperii maiestatem, quibus posset, artibus, confirmaret, et futura bella intestina auerteret. Non negat id ipse Hobbesius, qui in *Praefatione ad lectores* discrete ita: „Feci non eo consilio ut laudarer, sed vestri causa, „lectores, qui cum doctrinam, quam afferō, cognitam et perspectam „haberetis, sperabam fore, ut aliqua incommoda in re familiari, quoniam „res humanae fine incommodo esse non possunt, aequo animo ferre, quam „reipublicae statum conturbare malletis. Ut iustitiam earum rerum, quas „facere cogitatis, non sermone vel consilio privatorum, sed legibus ciui- „tatis metientes, non amplius sanguine vestro ad suam potentiam ambi- „tiosos homines abuti pateremini. Ut statu praesenti, etsi non optimo, „vos ipsos frui, quam bello excitato, vobis interfectis, vel aetate con- „sumtis, alios homines alio seculo statum habere reformationem, satius „duceretis. Praeterea qui magistratui civili subditos sese esse nolunt, „onerumque publicorum immunes esse volunt, in ciuitate tamen esse, atque „ab ea protegi et vi et iniuriis postulant, ne illos, ciues, sed hostes explorato- „resque esse putaretis, neque omnia, quae illi pro verbo Dei vobis vel palam, „vel secreto proponunt, temere reciperetis.“ Quibus alia adiungit, quae in concionatores et confessores inuehitur, qui imperantem interfici, foe- „dusque ciuium contra ciues et rebellionem iniuri posse tradant. Quae in eius aetatis homines seditionem mouentes, et contra aulam se erigentes „distulisse Hobbesio summum, quo regias partes prosequeretur, studium, „exodium partis aduersae, vidit, quam primum libellum acrem et erudi- „tum legit REN. CARTESIVS <sup>m)</sup>, et ex istius temporis circumstantiis eru- „ditae obseruauit illustris GILB. BURNETVS <sup>n)</sup>. Neque id valde miran- „dum videbitur ad circumstantias Hobbesii paulo curatius attendenti. A „pueritia enim in obsequio hominum monarchiae addictissimorum, et in „regis fidem coniurantium erat educatus, et a Deuoniae comite magnis be- „neficiis sustentatus, vnde et filio eundem librum inscripsit, quod axio- „mata haec in ea familia inualuissent. Vehementer autem a tumultu et se- „ditione populi abhorrebat Hobbesii animus, meditationi, otium et tran- „quillitatem poscenti, addictissimus. Praeterea et Peripateticam philoso- „phiam, et scholas, in quibus ea docebatur, et doctores eius, valde odio „habebat, ut supra dictum, quos imperio non vehementer fauere crede- „bat. Ast ex huius quidem generis hominibus tum constabat, regni sena- „tus, quem Parlamentum vocant, qui aulae atque imperio parum fauebant; „vnde

m) Epist. T. II. p. 104. BAILEY, Vit. Car-  
tesii T. II. p. 174.

n) Hist. temporis sui T. I. ad ann. 1661. conf.  
BAILEY Dict. T. II. Art. Hobbes, not. E.

unde motus illi surgere coeperunt, ex quibus ferale tandem bellum ciuile inter Britannos enatum est. Hos dum improbat, dum alia et contraria inculcat, dum factam et inuiolatam et omni ciuium potestate superiorem maiestatem cupit, et aulae partes strenue tuetur, in odium Democraticorum incurrit vehementissimum, quod exilium illi genuisse mox dicemus. His itaque circumstantiis, quae circa haec, de quibus differimus, tempora contigerunt, ita concurrentibus aliter fieri non potuit, quam ut tot pessimorum hominum moliminibus consideratis, omnes homines natura malos esse statueret, et ad eos reprimendos supra modum, regis maiestatem et potentiam extolleret. Neque a veri similitudine prorsus abit cel. **BVDDEI** ° coniectura, fabulam eam status naturalis ideo effinxisse Hobbesium, ut Carolo II. placeret. Certe tum, cum librum edidit, inter Gallos versatus, huc respexisse, valde est probabile. Sed de his postea quoque nonnulla dicemus. Iam ad Hobbesii historiam redeundum.

*Hobbesii fuga  
in Galliam.*

§. VI. Latuerant haec sub cinere seditionum inter Britannos molimina; omnibus autem in peius ruentibus, circa annum clp lō c xl futurae calamitatis signa haud incerta prudentiores praeuidebant. Nempe indies auctis Scotorum Anglorumque dissidiis, cum regiae partes valde premi coepissent, indictum est mense Nouembri generale regni concilium, quod cum aulae factionem tuiturum esse speraretur, contrarium accidit, et in ipso congressu atque senatus istius initis tantus animorum aestus regi insensu comparuit, ut quae inde exorturae essent calamitates prudens quilibet non sine dolore persentisceret. Maxime autem, inito statuum regni foedere cum Scotis, regis auctoritas diminui, episcoporum partes premi, quique regis potentiam tuebantur, magnis cladibus poenisque affici coeperunt. Inter quos cum acerrime nomen profiteretur suum Hobbesius, praeuidit fore, ut in tuto amplius manere salus sua nequeat. Cedendum itaque Democraticorum furori censens spontaneum exilium elegit, et incolumitatis suae asylum Galliam respexit, in qua habere se amicos potentes fauentesque, honoremque haberi literis intelligebat. Concessit autem Lutetiam Parisiorum, ut consuetudine virorum doctorum frui, et conuersationis dulcedine exilii molestiam leuare posset. Id quod eo facilius fieri potuit, cum in hoc eruditorum Prytaneum undique conduxisset viros doctrinae laude celeberrimos, eminentissimi Richelii cardinalis, qui tunc ad gubernacula imperii sedebat, munificentia. Cum his ergo sermones quotidianos conferebat, horum conuentibus diligenter intererat, cum his de quaestionibus philosophicis et mathematicis differebat, hos in examinanda experimentis natura adiuuabat, his suas meditationes explorandas et diiudicandas offerebat, verbo, his utebatur ad egregie promouendos doctrinae suae limites. Maxime autem Gassendi et Mersenni amicitia, dudum sibi conciliata, non sine delectatione frui Hobbesio licuit, cum quaedam opinionum similitudo eos, imprimis Dinien-

sem

\*) Hist. iuris natur. p. 34.

fem philosophum coniunxisset. Merfeno autem intercedente circa idem tempus cum Cartesio quoque amicitiam inilit, et commercium epistollicum instituit, in quo de natura ac legibus motus quam directi, quam reflexi aliisque argumentis ad dioptricen spectantibus vterque philosophus amice inter se concertarunt. Sed ad argumentum quoque philosophicum transgressi sunt. Cartesius enim, vt infra dicendum, meditationes suas philosophicas de Deo menteque humana, reliquisque philosophiae principiis generalibus, quas suo loco ex instituto describemus, ad Merfennum miserat, vt virorum doctorum de iis iudicium exploraret. Qui cum omnibus fere eruditis amicitia esset coniunctus, passim censuras virorum doctorum collegit, et Hobbesio quoque, quem acerrime philosophari sciebat, has meditationes examinandas tradidit. Is cum eas examini suo more subiecisset, quid ipsi videretur, Merfeno scripto consignauit. Valde autem ab ipso Cartesii principio dissentiebat Hobbesius, qui substantiam incorpoream ne cogitari quidem posse credebat, adeoque ex hoc primo axioma, quod Cartesius statuminauerat: Ego cogito, ergo sum, concludebat, rem cogitantem esse corporeum quid; eo quod subiecta omnium actuum videantur intelligi solummodo sub ratione corporea, siue sub ratione materiae. Hinc ampla disputandi materia enata. Quamuis autem BAILLETVS <sup>p</sup> scribat, Cartesium, gauisum quidem, quod egregio philosopho et praestantissimae doctrinae homine philosophorum numerum auctum esse ex Merfeno intellexisset, non potuisse vero ex his obiectionibus de ingenii eius soliditate et profunditate iudicium facere; fatebuntur tamen, qui responsiones Cartesii cum obiectionibus Hobbesii comparabunt <sup>r</sup>, valde pressisse Malmesburiensem philosophum Cartesium, et ad angustias redegisset. Sane Cartesius vltioris disceptationis cum Hobbesio aleam apud Merfennum studiose declinavit, nec se porro cum hoc Anglo congregi velle, indicauit, eo quod ingenium pertinax, singulare et huius affectatione periculosum illi inesse crederet, quod nec accuratione nec ratiocinandi virtute valde valeret. Quod annon victoriam Hobbesio adscribat, aduersario contemtu magis, quam rationibus pugnante, certe an causam suam non prodiderit Cartesius, Lectori expendendum relinquimus.

§. VII. Viuebat tum securitatis caussa Parisiis Carolus, Anglicani regni haeres, princeps Walliae, cui noster commendatus est, vt philosophiae disciplinarumque mathematicarum elementa illi traderet. Ita nouis vinculis regiae parti mancipatus, cum in patria eius res prorsus euerti cerneret, et imprimis religionis obtentu imperium concuti, regem misere premi, Democratiam maximo regni malo erigi cerneret, mederi animis philosophiae ope

p) BAILLET. Vit. Cartesii L. VI. c. 3.

q) Extant tertio loco inter Obi. et Resp. T. I. Opp. philos. CARTESII p. m. 80. seqq.

ope conatus, meditationes suas de ciuitate, quas iam diu prefferat perfecit, librumque de Ciue, anno clō lō c x l i i absolutum edidit, pauca tamen exemplaria inter amicos distribuenda imprimi curauit. Quem foetum tamen cum lambere et emendare subinde perrexisset, tandem anno clō lō c x l v i i in eam formam redegit, qua nunc habemus. Qui cum egregie Gassendo atque Merfeno placuisset, quorum de ista tractatione epistolae laudibus Hobbefii plenae libello solent praefigi, eorum commendatione Samuel Sorbierius in Hollandiam profecturus, exemplum, quod vltimam auctoris limam iam erat expertum, ad Batauos attulit, editionemque curauit, qui anno clō lō c x l i x quoque Gallicam eius libri versionem confecit et in vulgus edidit, auctoris et libri elogio praemisso. Egisse id in isto libro Hobbefium, vt coniurationes et seditiones ciuium contra regem et naturae imperii et vtilitati ac securitati subditorum esse aduersas ostenderet, sanguinolenta, quae iam tum nonnulli fouebant, consilia, quae regi tandem exitalia fuerunt, perimeret, et sectariorum proteruiam, late tunc grassantem perdomaret, supra iam tetigimus. Hoc itaque tempore vulgatiorem fieri libri editionem facile permittebat Hobbefius, licet primam editionem valde carceribus pressisset, et intra amicos tantum vulgasset. Tum enim singularia prorsus axiomata et principia sua, et populo ingrata et hominibus ecclesiasticis, imperium supra modum euehencia displicitura esse plurimis ciuibus suis intelligebat, et inuidiam ex eo pertimescebat haud paruam. Ast cum omnia in patria euerti conculcarique regis auctoritatem, immo prorsus imperium perire videret, nec, quod in patria speraret, haberet, tandem mentem suam aperte declarare eo minus veritus est, quo magis sperabat fore, vt in tanta rerum confusione iterum regia causa euaderet superior, ex qua sibi quoque emolumentum, cum in regii principis familia esset, promittebat. Mirum itaque non est talia praecepisse Hobbefium in eo libro, quae moderata principia in imperio sectantibus displicere solent. Sed et eodem tempore, ampliori Commentario, rem omnem illustrare, et rationibus philosophicis immanem et furem populi belluam aggredi constituit, ex quo *Leuiathan* eius enatus est; quo haud parum apud theologos Angliae sibi obfuit, vt deinceps dicemus.

*Controuersia  
Hobbefii de  
necessitate, li-  
bertate, fu-  
re et fortuna.*

§. VIII. Nouae autem controuersiae anno clō lō c x l v i, agitatae ferram reciprocauit, haerens apud Parisienses Hobbefius cum episcopo Derienfi Bramhallo, de libertate, necessitate, et fortuna, quae libellis quoque eristicis agitata est. Quae cum momentum habeat in philosophiae historia, paucis tangenda hoc loco est, facem nobis praeferente illustri L E I B N I Z I O, qui summam quoque sententiae Hobbefianae exposuit, moreque suo erudite illustrauit. Conuenerant apud Noui Castrum ducem Derhamus et Hobbefius, et de libertate, fato, necessitate, quatenus in res hominum, et praecipue in eius animum influxum habent, disse-

r) App. ad Theodiceam p. m. 425. seqq.



disserere, et rationes inter se miscere coeperant. Cum autem in isto colloquio rem non satis enucleatam crederet episcopus, misit ad ducem dissertationem de eo argumento, eo consilio, ut haberet Hobbesius, cui perspicue ordineque responderet. Non tacuit Malmesburiensis philosophus, sed quae sibi viderentur, acute regeffit, rogauit autem ducem, cauere, ne in vulgus exiret ipsius responsio, facile enim fieri posse, ut assertionibus, licet per se verissimis abuterentur homines non satis rem omnem edocti. Ipsius tamen Hobbesii culpa factum, ut foetus iste in vulgus prodiret. Cum enim amico cuidam Gallo, communicare eum promississet, a iuvene aliquo Anglo in Gallicam linguam verti curauit; qui eius ἀπὸ γράφον sibi seruatum post reditum in Angliam inscio Hobbesio vulgavit. Qua editione commotus Bramhallus iterum, et publice quidem, ad illam dissertationem respondendi consilium cepit. Cui responsioni editae nouas rationes opposuit Hobbesius, et hos libellos vno fasciculo comprehensos postea Londini anno cło lcc lvi typis commisit. Sunt in his libellis, ut solet plerumque in eristicis fieri, nonnulla, quae animum acerbiorum, et quodam partis aduersae odio flagrantem produnt, cum episcopus, sui ordinis auctoritate securus vehementer interdum disputet, Hobbesius, ut magno animo theologos et omnem scholarum doctrinam contemnebat, aduersario quamuis dignitate illustri non parcat. Sed in ipsa quoque disputatione hunc affirmauisse nonnulla, narrat Leibnizius, quae ἀνθολῆς vitium ipsi persuasisse, est verisimile, qualia sunt, quae defendi nullo modo possunt: doctrinam de Deo deque diuinis pendere ex determinatione imperantis, Deumque non magis causam esse bonarum actionum, quae a creaturis eduntur, quam malarum; Deum ideo iustum esse, quoniam a nemine puniri cogique possit. Quae tamen et similia, nemo mirabitur, qui cogitauerit, Hobbesium potestatis, quae suprema est, absolutae notione occupatum, qua scilicet firmari posse imperium credebat, ad eam retulisse, quicquid de Deo statuendum esse credebat, et praeterea, inepto praeiudicio, non nisi corpora esse posse substantias, talia admittere debuisse, quae et in Deum iniuria sunt, et prouidentiae eius parum honorifica, et materialismo cuidam incrustando aptissima. His enim principiis physicis atque moralibus semel positus non potest non necessitas quaedam physica, libertati maxime aduersa oriri. At statuit Hobbesius: *In regno Dei naturali regnandi, et puniendi eos, qui leges suas violant, ius Deo esse a sola potentia irresistibili: indeque ius oriri, a quo decedendum nemini sit, si quis ceteros potentia in tantum anteeat, ut resistere ei ne omnes quidem coniunctis viribus possint.* Ex quo, quod ipse non negat, sequitur, *posse Deum iuste affligere vel etiam interficere peccatorem, etsi non peccasset.* Quae omnia fatalem quandam atque inuitabilem necessitatem inuoluunt, cum quaecumque ex absoluta Dei voluntate fieri debent,

V 2

bent,

s) Questions touchant la liberté, la nécessité et le hazard éclaircies et débattues entre les Dr. Bram-

hall, eveque de Derry et Thomas Hobbes de Malmesbury.

t) De Ciue c. 15 §. 5. p. na. 248.

bent, ea fieri necesse sit, eo quod nihil eius potentiam remorari possit, et si minus illud fiat, Deum potentia carere, qua id efficiat, dicendum sit. Qualia dogmata Hobbesio in mentem venisse eo minus mirandum est, quo pauciores eo tempore erant, qui Arminii partibus fauentes Caluini dogmati de praedestinatione nuntium mittere volebant, recte id obseruante GILB. BURNETO V.C. \*. Ita vero euerfa iusti aequique notionis et fundamento, cum ad vnam absolutam potentiam res imperii omnis, etiam diuini, reuocaretur, via patuit aperta Hobbesio regis normam ad vnam potentiam reducendi. Ast hoc quidem pacto illi ipsi parti, cuius causam tantis moliminibus tuebatur Hobbesius, vehementer nocuit, cum non potuerit non ille absolutissimus, et quae inde exsurgit necessitas fieri suspectissima. Neque dubitandum, quin ab his quoque causis deriuandum sit quod absolutam illam necessitatem reiicere coeperint magni nominis et auctoritatis praesules, qui Anglicanae ecclesiae praefuerunt. Quibus non minus exosa est \* absoluta illa Hobbesii potentia, omni iusto aequoque euertendo apta, quam decretum Caluini absolutum, cum vtrumque eo redeat, cuncta hominum necessitatis lege teneri. Eandem postea tibiam inflauit BEN. SPINOZA †.

*Hobbesius regis gratia excidens.*

§. IX. Verum redeundum in viam, et historia Hobbesii pertexenda est. Is anno cloc XLIX vehementi febris correptus de vita periclitauit: quem cum ad Romanae ecclesiae gremium reuocare vellet Merfennus, suscepta dissertatione de potestate ecclesiae Romanae remittendi peccata, responsum accepit ab Hobbesio: *Mi pater, haec omnia iamdudum mecum disputavi; eadem disputare nunc molestum erit. Habes, quae dicas amoeniora? Quando vidisti Gassendum.* Ex quibus facile intellexit Merfennus, hominem patriae suae sacris valde addictum mutari haud posse. Is quoque sacra ipsi administrante episcopo Dunelmensi, secundum ritus ecclesiae Anglicanae, supremo viatico se muniuit; praeter omnium spem tamen iterum conualuit. Anno cloc CL sermone patrio vulgauit librum *de Natura humana, et corpore politico*; praefationem praemisit vir celeberrimus Sethus Wardus, tunc astronomiae professor Sauilianus, postea episcopus Sarisberiensis; quem librum reliquis Hobbesii praefert, qui mores Britannorum critico oculo speculatus est RICH. STEELE ‡, carmine autem maximopere extulit RADVLPHVS BATHURST §, eo quod communem doctrinam et vulgi placita relinquere sit ausus. Canit enim:

*Non hic scholarum friuola aut cassi logi  
Quales per annos forte plus sepiem legit,  
Vt solle pleno prodeat, rixae artifex,*

*Vanas-*

u) Hist. sui Temp. ad ann. 1661. T. I. p. m. 211.

x) Vid. S. REU. MENZERSVS de Doctrina ecclesiae Anglicanae, de Praesentia reali in S. coena et de Praedestinatione p. 65. seq. MÖSHERM. ad Cudw. p. 1202.

y) In Tract. pol. L. II. §. 250.

z) Specter. T. I. p. 223.

a) Conf. POFER-BLOUNT. Conf. cel. aud. p. 1043.

*Vanæque merces fuit lingua crepet,  
Sed sancta rerum pondera, et sensus graues,  
Quales parari decuit, ipsa cum fuit  
Pingenda ratio, et vindici suo adstitit.*

In hac vero tractatione cum fundamenta iecisset illius, quod systemati suo civili subternendam esse iudicauit, dogmatis de natura, inclinatione et affectibus hominis: anno sequente ipsam doctrinam politicam, vel si mauis, iuris naturalis iusto fasce comprehensam suisque vinculis connexam vulgauit, edito *Leuiathanis* opere, sermone vernaculo<sup>b</sup>. Quo nomine intelligebat potentiam populi inconditam, quam rationibus euertere, regiam autem potestatem, siue imperium absolutum confirmare, et quae arcana democritia foueat, quae damna afferat, ostendere satagebat. Dici vix potest, quantam attentionem bellua illa politica, quam *Leuiathanis* nomine insigniuit, ipseque eius auctor Hobbesius illo libro meruerint. Et fatebantur quidem haud pauci, eruditionem, acumen et lumina multa ei inesse, et ciuilibus doctrinae aedificium construere singulare quidem et paradoxum, ast mirabile et elegantissimum. Verum displicuit valde theologis, et nil tale metuens Hobbesius suspectus factus est, quod non modo doctrinam puriorem vellicare, sed ipsum quoque regnum, cui tantopere fauere videbatur, subruere et Cromuelli partibus clam fauere videretur. Et fautores quidem Hobbesii iniquam, quae excepit istum librum, famam, quaeque inde auctorem secuta est, inuidiam, quae opus illud scriptis etiam publicis damnauit, et inter monstra philosophica retulit, ex eo potissimum deriuant, quod satellitum spiritualis monarchiae arcanas artes detexisset, et cieri vitia reuelando vlcera tetigisset. Ast si episcopos Angliae; viros graues, audias, ideo suspectus bonis omnibus liber factus est, quod non solum reuelationem variis locis euertere clandestine esset ausus, sed et ad eiusmodi placita tandem descendisset, quae fulciendae democratiae, magno Angliae malo tunc obtinenti essent aptissima. Quod hoc loco definire eo minus opus erit, quoniam in sequentibus famosi libri synopsin et decretorum Hobbesianorum summam exhibere animus est, ex qua ipse Lector attentus facile iudicium discet interponere. Illud autem hoc loco praetermittendum haud est, Hobbesium eo tempore, vel ob *Leuiathanis* dogmata, vel ob alias causas valde regiae factioni factum esse suspectum, quod Cromuellianis partibus animum adieciisset, forte quod minus fauentes sibi regis amicos fuisset expertus. Nam non solummodo *FELIX*<sup>c</sup> obiicit encomiastae Hobbesii, silentio eum pressisse illa, quae ad partes Cromuellianas fouendas egerit Hobbesius, et ipse in vitae suae historia carmine expressa, non fileat, hanc suspicionem ipsi fuisse exitiosam. Canit enim:

## V 3

Nam

<sup>b</sup>) Prodiit Latine Londini 1676. et Belgice per STRVVIVS, Introd. in Hist. lit. c. 9. p. 47. BAY-  
 AL. BERCKELIUM Amst. 1667. 8. Conf. LEL. c. not. F. <sup>c</sup>) loco supra cit.

*Nam regi accusor falso, quod facta probarem.  
Impia Cromuelli, ius scelerique darem.  
Creditur, aduersis in partibus esse videbar,  
Perpetuo iubeor regis abesse domo.*

Constanter eam culpam negauit Hobbefius, et causam omnem, in irritatum clerum Anglicanum coniecit; qua verisimilitudine? hoc loco dispiciendum non est. Illud autem ex dictis patet, Hobbesium regis gratia excidentem, ex eius familia eiectum fuisse, cum animum erga regem mutauisse crederetur. Haec itaque vera causa fuit, cur Parisiorum urbem media hyeme saeuiente relinqueret: falsumque est, quod ad declinandam facti inuidiam biographus eius tradit: *Hobbesium, calumniis religionis specie laruatis a praeualentibus aduersariis regia domo eiectum, tantoque praesidio orbatum Romanae ecclesiae, spiritualis monarchiae satellitum metu correptum esse, quorum odium implacabile se se merito incurrisse senserit, ob detectas in Leuiathane ecclesiasticorum technas, regni tenebrarum dolos, et pontificis Romani potestatem malis artibus occupatam, qua in ciuilibus potestatis iura inuolando, qua simplici ac imperitae plebeculae sanctis praestigiis illudendo, ideoque Parisiis se minus tutum iudicantem, media hyemis tempestate aufugientem in patriam se contulisse.* Nam a clero Romano eo tempore parum illi periculi metuendum erat, cum liber Anglico idiomate editus extra insulam vix legeretur. Ast vel offensus regis mandato Cromuellianis se partibus iungere voluit, aut, si innocens in ea parte fuit, ab ipsa regis, quae valde potens erat Parisiis, factione sibi timuit. Certe in Angliam delatum cui se parti iungeret incertum haesisse, ideoque virorum doctorum societate animum pascere ommissis factionibus ciuilibus voluisse, est verisimile. Eos autem valde sibi, Londino sede electa, fauentes inuenit, interque eos Guilelmum Harueum, et Ioannem Saldenum amicos expertus est.

*Acta Hobbessii  
in Angliam  
reducis.*

§. X. Parum propitias res regni sibi esse credebat Hobbefius, itaque tumultibus vrbs et studiis factionum subducere se prudenter constituit. Praebuit autem fugientibus Hobbessii Musis asylum exoptatissimum Deuonienfium comitum familia: in quam anno 1653 receptus totus se philosophiae tradidit, et senii ingruentis taedia meditationibus leuauit. Telam autem quam dudum inceperat, pertexturus, logicam atque physicam tractationibus suis moralibus adiecit: et imprimis librum *de Corpore* in quo rerum naturalium elementa exposuit, absoluit, et Latine primum anno 1655, mox anno vertente vernacula, vna cum sex lectionibus ad professores mathematicae Sauilianos edidit; Geometriam quoque suam tunc vulgauit. In illis multa desiderari posse in Euclide et geometrarum demonstrationibus statuebat, quae res, mirum est, quantum illi motuum et molestiarum concitauerit; nam acerrimum inde mathematicorum bel-

d) Conf. SAM. REYHER. diss. de Euclide c. IV. §. 6. p. 31.

lum enatum est, nec acerbitate carens nec conuiciis, quod vicennium et amplius perduravit; nec nisi tandem Hobbesii morte extingui potuit. Oblecerunt autem geometrae Hobbesio, magnam in sublimiori geometria ignorantiam, quae cum alto supercilio coniuncta eum seduxerit, ut ea reprehenderet, quae non satis intellexisset. Quod quo iure quae in iuria factum sit, non hoc loco exponi potest, sed in geometriae historia debet enarrari, consulendaque ipsa scripta *απερίβλητα* sunt, quae viri illi docti, non seruata semper animorum modestia tum ediderunt, quorum titulos nominant CHR. THOMASIVS <sup>e</sup> et CL. STOLLIVS <sup>f</sup>. A rerum naturalium consideratione ad hominis contemplationem progressus est philosophus Britannus, eiusque facultates, earumque obiecta, motum et reliqua, quae huc referri solent, more suo suisque principiis vsus explicuit, ex quo secunda philosophiae eius pars enata est, in qua de facultatibus affectibusque humanis, de imaginatione, memoria, intellectu, ratiocinatione, appetitu, voluntate, bono, malo, honesto, turpi et similibus multa singularia et ab aliorum philosophorum decretis abeuntia attulit, edito libro, *de Homine* anno cło IocLVIII. Sic ut tribus sectionibus integrum philosophiae suae systema absolueret, quarum prima de corpore, secunda de homine, tertia de ciue tractabat. Primae autem sectioni, logicam, seu, quo nomine ipse appellat, computationem praemisit, inque ea de philosophia in genere, et de nominibus; tum de philosophia prima, siue notionibus generalibus naturali philosophiae praemittendis, de loco et tempore, corpore et accidente, causa et effectū, potentia et actu differuit. In secunda sectione autem, de homine tractans, occasione argumenti de natura visionis totam fere opticam exposuit. Tertiae notissimos, quos supra tetigimus libros politicos inseruit <sup>g</sup>. Ex quo systemate, constare potest, suo se iudicio totum in philosophiae corpore construendo permisisse Hobbesium, et nouatoris in philosophia, atque philosophi eclectici nomine omnino esse designandum.

§. XI. Secutus annus cło IocLX, halcyonia nobilissimae insulae restituit, rebellionum furiis eiectionis, profligata tyrannide, et reuocato post multorum annorum exilium Carolo II. quo pacto tota rerum facies mutata est, ut alibi dicendum. Redeuntem principem, cui artium mathematicarum elementa tradiderat, salutare tum constituit Hobbesius, ideoque relicto rure, in quo degebat, Londinum aduolabat, regiae gratiae, qua excederat, iterum se traditurus. Quem more suo clementer excepit rex; curru enim aedes Sarisburienses, in quibus tunc cum moecenata morabatur Hobbesius, praeteruectus, cum illum conspicatus esset, ad se vocari iussit, et manu ad osculandum porrecta, de rebus eius atque salute sciscitatus est, eumque, se atque res suas deuotissimis precibus eius clementiae

*Reliqua Hobbesii vitae, quae ad mortem.*

<sup>e</sup>) Cautel. circa Praecogn. Iurisprud. c. XI.  
<sup>f</sup>) Hist. Lit. Part. I. cap. 7. §. 1. p. 227. conf.

Biblioth. iuris imperant. cap. I. pos. VII. §. 2.  
 pag. 70.

<sup>g</sup>) Conf. MURHOF. Polyhist. T. II: L. I. c. 15. p. 117.

mentiae tradentem bono animo esse iussit: saepius quoque, aditum parante Samuele Coopero, pictore praestantissimo ad secretiora colloquia a rege admissus, deque eius gratia certior factus est. Quod mirari quis forte queat, cum suspectus Hobbesius fuerit, quod a partibus regis ad Democraticos clam defecisset: at mirum tamen videri non debet reputanti, defuisse tum pericula, quae ex illa factione aula metuerat, ipsum quoque Hobbesium, a tumultu turbisque partium ad quietia studia se transtulisse; quibus accedit, satis intellexisse regem, Hobbesium episcopis valde inuisum adhiberi posse, ut illi haberent quocum congregarentur, unde dixisse regem ferunt <sup>h</sup>, uti se Hobbesio ad acuendos molossorum suorum dentes. Ita vero securus Hobbesius in secessu suo philosophiam colere iuuareque gnauius perrexit, huncque in finem opera philosophica reuulsa et emendata vnoque fasce comprehensa emittere in lucem constituit. Quod licet in insula facere prohiberetur, eo quod episcoporum vigilantia cauebat, ne principia et axiomata eius, quae pessimi commatis illis esse videbantur, disseminarentur, obtinuit tamen apud Batauos, et ex officina Blauiana Latine versa in publicum prodire iussit <sup>i</sup>. In cuius fylloges parte prima comprehenduntur logica, philosophia prima, physica et liber de ciue, in secunda, scripta mathematica, in tertia, *Leuiathan*, in quarta auctoris vita. Ita absoluto, qualem sibi definiuerat, cursu philosophico, ad iurisprudentiam Anglicanam et ad perficiendas artes mathematicas se conuertit, et de iure municipali siue legibus Anglicanis commentarium scripsit, quem doctissimos iuris interpretes in pretio habuisse et in scriniis MSc. seruauisse ait biographus <sup>k</sup>. Tum geometriam, quam innumeris parallogismis foedatam et corruptam hactenus fuisse sibi persuadebat, ab ipsis fundamentis restituere et difficillima problemata ingenii sui felicitate soluere aggressus est. Erat enim in ea opinione <sup>l</sup>, naturam se quantitatis, lineae, anguli, rationis seu proportionis primum detexisse, solue- reque se illa aenigmata posse, quibus frustra hactenus ingenia mathematica insudauerant, qualia sunt, quadrato aequare circulum; cubum duplicare, datum circuli arcum iuxta datam rationem dispartiri, rectam lineam parabolicae aequalem inuenire etc. Quamuis autem hoc nomine egregie mathematicis passim vapularet, ut infra dicemus, non caruit tamen ingenium, quod acre et excelsum nutriebat, et doctrina minima proletaria admiratoribus cultoribusque, quos et Anglia illi suppeditabat, et exterorum opinio formabat; inter quos legatos quoque atque principes ad Hobbesium, tanquam ad singulare gentis suae ornamentum confluisse asserit biographus <sup>m</sup>, narratque Cosmum Mediceum, Ferdinandi II. filium, Etruriae principem, tanti philosophi fama permotum, illum saepius conuenire dignatum fuisse; et insignem scientiam quamplurimum admiratum iconem

h) PVFENDORF. *Erid. Scand.* p. 106. Sorbieri, *Histor. literar. Part. II. cap. I. §. 98. pag. 413.*

alii.

k) Pag. 49.

i) 1668. II. Vol. 4. Nouam editionem olim

l) Ibid. p. 53.

multos fuisse Lipsienses nos docet STOLLIVS

m) Pag. 51.

nem eius et libros vniuersos inter rarissima bibliothecae Mediceae *κειμήλια* reponendos domum secum deportauisse. Quibus addi potest, in academiis quoque innotescere et caput efferre coepisse philosophiam Hobbesianam, studiosa iuuentute nouitatis auida, vt plerumque accidere nouimus, eius opiniones in publicis velitationibus, passim defendente. Id quod tamen famae atque existimationi Hobbesii cessit in opprobrium, incautis iuuenibus eiusmodi assertiones fundamentis Hobbesianis inaedificantibus, quae satis periculosa videbantur. Id quod imprimis Danieli Scargil, artium baccalaureo et collegii corporis Christi in academia Cantabrigienſi socio, viro feruidi quidem et praecocis ingenii, at vitae solutioris, accidit. Is enim principiis Hobbesianis vsus in publica disputatione has theses ventilandas proposuit: „Ius dominii fundari in potentia; iustitiam „moralem pendere a ciuilibus institutis; scripturam sacram in legem sacra- „cra solummodo ex auctoritate magistratus; supremi magistratus iussis, „etsi legibus diuinis quae de moribus latae sunt, contrariis obtemperan- „dum esse.“ Addit, qui haec narrat biographus, adiecisse, vt suspi- cari licet, aliam inuidiae augendae gratia censores: gloriosum esse athe- um cenſeri. Quibus assertionibus ab eo, maxima pertinacia atque acrimonia defensus, vehementer patres academici, et imprimis theologi com- moti sunt, rati, pietati et moribus infidias strui, et aperte hisce dogma- tibus hominem impietati patrocinari: vt itaque malo serpenti maturato consilio remedium adhiberent, ad senatum academicum citatum atheismi criminis postularent, et acriter reprehensum ob proteruiam carcere punien- dum esse decernunt: tum gradu priuatum et sodalitate exutum, acade- mia expellunt, postquam in templo prius publico theses has, impias et ex- orco profectas, atque humanae societati perniciosissimas esse profiteri fu- isſet coactus. Quam tragoediam suae famae dispendio agi facile intellexit Hobbesius, ideoque quocunque loco potuit, de vi sibi illata, et se tra- ducto immerito velut omnis pietatis et numinis ipsius hoste, deque de- tortis in sequiorem sensum placitis suis, adeoque turpiter et inique damna- tis conquestus est, furdas autem plerorumque aures inuenit, cum et ipsa *παράδοξοφιλία* eius bonis omnibus esset inuisa, et principia illa moralia vehementer suspecta haberentur, ipse autem intempestiuus satyris acade- micos doctores, et totum fere ordinem ecclesiasticum contra se irritauis- set. Satis id sensit Hobbesius, cum elogium eius antiquitatibus Oxoni- ensibus Latine versis inseruisset Antonius Wood; expunxisse enim ex iis laudes Hobbesii et stigma memoriae eius inuississe Ioannem Fellum, frustra quoque Hobbesium se scripta epistola apologetica, contra hanc ignomi- niam defendisse, ex iis repetendum est, quae initio capitis de hac re dixi- mus. Pertaesus ergo societatis hominum, quam inuidia non carere, ex- periebatur, anno c1616cLXXIV Londino rus concessit, confirmato ani- mo,

n) Pag. 51.

*Hist. philos. Tom. V.*

X



mo, nunquam in urbem redeundi, id quod etiam aetas valde decrepita suadebat, erat enim senex capularis, nonagenario proximus. At cum delicias in literis per omnem vitam quaesivisset, ne in tam prouecta quidem aetate ab iis abstinuit, et otium, cui se tradiderat, matheosos, poëseos, et physicae praeceptis vsuique dicauit, nec a scribendo abstinuit, sed libros aliquot ex Homeri Odyssaea, specimen integri operis Homericum mox prodituri, vernaculo sermone euulgauit; in quo frigus quidem senile at Maeonii simul senis spiritum sermone Anglicano commode expressum viri docti obseruauerunt. Quod cum placere eruditis intellexisset, anno sequente totum Homerum patrio carmine prodire iussit, dissertatione de *Heroici poëmatibus virtutibus* praemissa. Anno clō lō c lxxvi controuersiam de libertate et necessitate humanarum actionum cum Beniamino Laney, episcopo Eliensi olim agitatum eruditus viris scripto cognoscendam tradidit, et biennio post *Decameron physiologicum*, siue de *Naturali philosophia libris decem* luce donauit. Nec ab argumento politico abstinuit, sed *Belli ciuilibis Anglicani historiam* conscripsit. Quam cum regi obtulisset, vt imprimendi facultatem concederet, repulsam tulit; ab amico autem, inscio Hobbesio in lucem ea emerfit, quod ne fraudi ipsi apud regem esset, diligenter cauit, metuens ne ea propter regis indignationem experiretur<sup>o</sup>. Ast metu eum liberauit instans fatum; circa medium Octobris enim anno clō lō c lxxix vrinae suppressione correptus est, desperantibus de salute eius medicis, quod aetate grandiori vires corporis prorsus exhaustas nossent: accessit paucis post diebus dexteri lateris paralyfis, quae linguae vsu eum priuauit. Quo casu ita vires senio exhaustae defecerunt, vt tandem prid. Non. Decembr. eius anni mortalitatis exuias deponeret, patroni sui cura funere satis decoro, licet pompa non magna elatus. Vixit coelebs, licet a commercio cum foeminis non abhorreret<sup>p</sup>, annos xci.

Character  
Hobbesii.

§. XII. Concedenda Hobbesio laus ingenii magni, iudicii acris et profundi, et doctrinae haud vulgaris, quam si non meditatione tantummodo, sed lectione quoque formare augereque voluisset, pulchrior ea atque solidiori habitu ornata prodiiisset. Patet enim ex scriptis eius, quae argumentum historicum tangunt, qualis *Historia ecclesiastica* est *Carminibus elegiaco* concinnata<sup>q</sup>, in qua papatus historiam delineauit, non defuisse ei acrimoniam iudicii ad causas arcanas prudenter respicientis et obseruationes pulcherrimas inde deriuantis; ast caruisse eum lectione sufficienti et ad integra rerum momenta se ita extendenti, vt vera inde rerum consideratio emergere possit; tacemus morem praeposterum historiae documenta ad hypotheses suas transferendi, easque eo loco inueniendi, quo alii istis opinionibus non occupati nihil huius generis vident. Factum autem

<sup>o</sup>) p. 75. <sup>p</sup>) Hoc ab aduersariis ei obiectum. Quod apologia diluit more suo GYNDLINGIUS Obf. T. I. Obf. II, §. 2. p. 40.

<sup>q</sup>) Prodiit Londini 1688. 8. Vid. Bibl. Thomae Vol. I. p. 314.

autem ista iudicandi peritia, ut, licet systematis atque hypotheseos praeiudicio occupatus, multas veritates detegeret, et passim scriptis suis inspergeret, quae si lectorem prudentem et intelligentem inveniunt, usum haud exiguum praestare possunt. Sed adiutus valde ea in re Hobbesius est, a mathematicarum disciplinarum methodo, qua accurate ratiocinari, et ordine progredi edoctus est, nec dubitandum est, quin in inquirendae veritatis itinere plurimum profecisset, si deamatae hypothesei minus inhaesisset, nec semel supposito falso aliquo axiomate, ex vno fonte, eiusdem mathematicae methodi ductu innumera consectaria deduxisset, quae cum πρώτων ψεύδων intimo nexu cohaerentia non potuere non specie demonstrationis mathematicae lectorem decipere, id quod vel ex vno independentis atque absolutae potentiae axiomate admissio satis superque liquet. Et ex hoc quoque opinionis semel electae studio, non autem ex iudicandi inopia, aut methodi ignorantia deriuandum esse videtur, quod sibi ipsi interdum contradicat, incertusque haereat, quo pacto elabi possit, ne sententiam deserere cogatur. Nempe veritates interdum obstabant euidentes, quae cum negari non possent, torqueri eas, et ἐκοντας ἀκοντας in partes rapi necesse erat: quod commune vitium eorum esse, qui systemata condunt, et ex hypothesei ita philosophantur, ut vno cothurno omnia adaptent, experientia, plurimis exemplis nos docuit. Cetera autem praeiudicia, et imprimis illud, quod ab auctoritate et antiquitate peti solet, magno animo exuerat, et plus suo iudicio, quam aliorum tribuebat, sectae autem studium, cane peius et angue nouerat, et suo Marte atque ingenio quam aliorum ductu, philosophari malebat; attentionemque et industriam haud paruam in meditando ostendebat: quibus accessit experientia haud vulgaris, partim enata ex vitae longioris usu, partim acquisita ex hominum magnorum et exercitatione subactorum consuetudine, partim aucta temporum difficillimorum occasionibus. Quibus circumstantiis omnino meretur philosophorum magni nominis albo adscribi. Et euitasset forte Hobbesius illos scopulos, ad quos in philosophando naufragium fecisse plerisque censetur, si in alia tempora incidisset. Tanta enim ista aetas corruptione laborabat inter Britannos, et ad ea extrema progressa erat Presbyterianorum, quos vocant, factio, cuius furor tandem in regicidium desiit, ut mirum non sit, Hobbesium, hominem acrem, et episcopaliū partibus, quas meliori iure uti statuebat, mirum quantum addictum infenso in illam animo fuisse accensum, et ad opprimendum rationibus eius insaniam in eiusmodi principia conspirasse, quae paulo liberior animus vix potest admittere. Testem damus virum summum GILBERTVM BURNETVM, qui quantis tum vitiis inquinatus fuerit Presbyterianorum clerus, luculentis Duglassii, Diksoni, Blairii, Ruthfordii, Bailii, Cantii Gillispyssii, Godwini, Oweni, Carrii, Herrii aliorumque exemplis probatum dedit. Cumque eodem historico fide dignissimo

gnissimo auctore, ipse quoque episcopalis factionis clerus insignibus naeu-  
uis non caruerit, et ignauia atque negligentia res ecclesiae perdiderit,  
mirum non est, Hobbesium, qui opinionibus paradoxis et satyris acerbis  
genus irritabile vatum alte vulnerauerat, eoque nomine magnam cleri in-  
uidiam patiebatur, vehementer in ecclesiasticum ordinem fuisse inuectum,  
et huius odio imperii potentiam tantopere euexisse. Sane in hos animum  
Hobbesii vehementer fuisse accensum, non reticuit biographus, cui Hob-  
besius intus et in cute notus erat. Is enim ipsi titulo narrationis suae  
Hobbesii characterem expressurus, hoc ANGELI POLITIANI ' epi-  
gramma aculeatum atque acerbum in limine apposuit:

- - *Qui nos damnant, histriones sunt maximi,  
Nam Curios simulant, et viuunt Bacchanalia.  
Hi sunt praecipue quidam clamosi, leues,  
Cucullati, lignipedes, cincti funibus,  
Superciliofum incurui - ceruicum pecus.  
Qui quod ab aliis habitu et cultu dissentiunt,  
Tristesque vultu vendunt sanctimonies,  
Censuram sibi quandam, et tyrannidem occupant,  
Pavidamque plebem territant minaciis.*

Plura de hoc, quod inter clerum Anglicanum et Hobbesium intercessit,  
odio dicere opus non est, quia satis id ex illis patebit, quae infra de eius  
aduersariis dicemus. Tot igitur tantaeque existimationis homines, cum  
insensibilissimos se hostes habere crederet, non potuit non animus eius fau-  
ciari, et vindictae causa ad eiusmodi decreta delabi, quae sine hoc odio,  
qua erat animi sagacitate, ipse forte expunxisset. Fatendum tamen, tem-  
peramenti quoque rationem Hobbesio obstitisse, quo minus in saniori phi-  
losophia recto itinere progrediretur, quamuis abunde dotibus ingenii ad  
id a natura instructus. Nempe temperamento utebatur cholericum-melan-  
cholicum, quod et sui fiduciam ei satis magnam ingerebat, et contra quos-  
uis illum contradictionibus omnis generis armabat, et quandam morum  
difficultatem inspirabat, quae odio magis, quam benevolentia, aduersus  
illos, quos alte despiciebat, se extulit. Quam animi indolem auxit edu-  
catio, cum pleraque, contemptis scholis aut didactos didicisset, cuius ge-  
neris homines spiritu plerumque contradictorio regi, experientia docet  
atque exempla comprobant. Solent autem, qui receptis omnibus opi-  
nionibus se opponunt, ex contradicendi studio haud raro in contraria,  
eaeque inepta currere, suisque plerumque luminibus obesse. Quod vitium  
in Hobbesii scriptis sine magno labore lector deprehendet, et in ipso eo  
conflictu, de quo supra egimus, sibi proditum esse, affirmavit Cartesius:

Ioannes

1) Prolog. in PLAUTI Menaechnos.

2) Id ex computatione actionum Hobbesii faci-

le colligi potest: nec audiendus est biographus,  
qui temperamentum sanguineo-melancholicum ei  
tribuit.

Ioannes Fellus autem ad locum quendam libelli *de Principiis et ratione geometrarum* prouocat \*, quo scripsit Hobbesius: *In magno quidem periculo versari video existimationem meam, quia a geometris fere omnibus dissentio. Eorum enim, qui de iisdem rebus mecum aliquid ediderunt, aut solus ego insano, aut solus non insano; tertium non est, nisi quid, dicet forte aliquis, insaniamus omnes.* Quae licet ab aduersario adducta sint, et suspecta ideo videri queant, non reliciendum tamen magni LEIBNIZII testimonium \*, quem acerrimum pariter et aequissimum ingeniorum arbitrum fuisse apud omnes in confesso est; is Hobbesii animum ad paradoxa inclinasse, eumque commouisse, ut aliis contrarium se demonstraret, adeo, ut nec ab argumento ab inuidia ducto abstineret, obseruat. Ipsa enim scriptorum Hobbesianorum lectio satis id superque confirmat.

§. XIII. Coniiciet ex hoc Hobbesii caractere a nobis depicto lector attentus, non defuisse laudatores pariter atque reprehensores Hobbesii: nempe prout vel addictos parti suae vel aduersos reperit. Et magnas quidem eum laudes reportauisse, ex vna vitae eius historia, et, quae illi praefixa sunt, carminibus encomiasticis satis superque notum est, plura autem virorum doctorum elogia de eo collegerunt THOMAS POPE BLOUNT † et MAGIRVS ‡, quibus multa addi possent, si id ageremus. Non praetereundum autem, quod non parum honorificum Hobbesio est, Carolum Ludouicum, Palatinum electorem, quo inter principes vix vnus rectius viris doctis pretium statuere nouit, praeclare de Hobbesio sensisse \*. Extollunt autem, qui Hobbesio fauent, magnam in eo linguarum, Graecae Latinaeque, peritiam, et in hodiernis exercitationem haud vulgarem; iudicium acerrimum, et in societatis humanae et ciuilis compagem altissime penetrans, adeo, ut, vbi etiam a vero aberraret, occasionem tamen ad talia meditanda afferat, quae fortasse alias nemini in mentem venissent. Maxime autem in eo laudant, quod vnus omnium in philosophando a praepiudiciis liberrimus sit, et penitissime quicquid rerum edisserit, introspeciat, vel profundissime quoque argumentum scrutetur †. His testimonium vitae laudabiliter et philosophum decenter actae adiiciunt amici eius ‡, laudantes in eo Dei auctoris et originis rerum omnium, intra angustos tamen humanae rationis cancellos nullatenus circumscribendi agnitionem; religionisque, quatenus in ecclesia Anglicana, resectis superstitionis ineptiis legibus regni stabilitur, ex animo receptae constantiam et defensionem: officiorum, patriae, regi, societati vtilissimorum commendationem, fidelitatem regi praestitam, amicitiam sancte custoditam; munificentiam in cognatos testamento quo-

X 3

que

u) In Epist. adiecta calci Antiq. Oxon.

x) loc. cit.

y) Conf. cel. auct. p. 1043. conf. Biographus

p. 109.

z) Eponymol. crit. p. 448.

a) Leibniziana p. 137.

b) GASSENDVS I. c.

c) Biographus p. 52.

que atque donationibus demonstratam, liberalitatem erga pauperes, grauitatem sermonis, facetilis tempestiuis temperatam; animum apertum, simplicem, aliosque instruendi cupidum, et ad conceptus animi impet- tiendos facillimum: tum, comem et mansuetum, nisi forsan nouitii ali- qui, ingenii ostentandi gratia friuolis ipsum quaestionibus et cauillis tor- querent; quique in neminem inueheretur, nisi qui laeserit prius. Quibus addunt eius encomiastae, ingenium ad omnia natum atque institutum, iu- dicium perspicax, animum indefesse cogitabundum, et in ea, cui se addi- xisset materia, pertinacissime commorantem, lectionem non magnam qui- dem, at in optimis tamen auctoribus versatam, et ab intempestiua legen- di intemperie, qua ignorantia et confusio alitur, prudenter sibi temperantem, eum tandem, quem illustrissimi alique summi viri amicitia sua iudicaue- rint dignissimum.

*Reprehensio-  
nes Hobbesii.*

§. XIV. Pulcherrimas esse has laudis Hobbesianae tabulas nemo ne- gauerit; at si alios, et hos quidem et numero et auctoritate non mino- res, audias, vix peius vnquam philosophus quisquam audit. Non nega- uit id, qui plenis plaustris encomia in Hobbesium congeffit, vitae eius enarrator <sup>a</sup>, indignatus illis, *qui magnam in republica literaria tyranni- dem affectant, et talem tantumque virum, ut humani generis pestem et capitalem religionis, omnisque ciuilis consortii inimicum proscribant, eiusque philosophiam tamquam pessime moratam, impietate, iniustitia, nequitia, discordia denique foetam e manibus hominum excutere con- tendant.* Inter quos fuisse multos intempestiuo contra Hobbesium affe- ctu concitatos eo minus negandum esse videtur, quo certius est, multos in eum insurrexisse solo inuiso nomine audito; haud paucos, quod pulchre SAMUEL PUFENDORFIVS obseruauit <sup>c</sup>, eum maximo cum superci- lio condemnauisse, abs quibus minime lectus fuerit aut intellectus. Ast displicuisse tamen vehementer Hobbesium viris quoque prudentibus, mo- deratis atque grauissimis, et non personae magis, quam opinionum para- doxarum odio ductis, quos tyrannidem in republica literaria exercuisse dici non potest, fatendum est. Id quod ipse Lector intelliget, si ea potissi- mum capita enarrauerimus, in quibus atro carbone notandus Hobbesius visus est. Ea vel ad animi vitia, vel ad opinionum et placitorum impietatem referri videas. Et culpari quidem videas in Hobbesio magnam in artibus mathematicis ignorantiam. Quanquam enim omnibus se vnum geome- tris opponebat, et totam mathematicorum gentem prae se contemnebat, errorisque arguebat, infantiam tamen et meros eosque pueriles paralo- gismos illi obiecerunt, Wallisius, Roberuallius, Schottenius alii, qui ad- uerfuseum satis infestis et contumeliosis signis concurrerunt: idque eo ma- gis, cum, fatente eius biographo <sup>f</sup>, ab arithmetica speciosa, tanquam blanda ingeniorum seductrice prorsus abhorruerit. Aliis eius naturalis philosophia minus placuit, qui ferre non potuerunt, imaginariis eum hy- pothe-

<sup>a</sup>) pag. 98.

<sup>c</sup>) Praef. ad I. N. et G.

<sup>f</sup>) pag. 49.

pothesibus plus detulisse, quam experientiae, solidis atque accuratis observationibus nixae. Quo nomine in regiam, quae Londini congregari coeperat, societatem, inuectus est, quam etsi laudauisse videri voluit, reprehendit tamen <sup>e</sup>, quod de generali motus doctrina excolenda minus sollicita proletariis experimentorum minutiis se addiceret nimis, saepe numero dicere solitus: si ex multifaria experimentorum farragine congesta philosophi titulus exsurgeret, nihil ob stare, quo minus mulierculae, olitores, pharmacopoei, et ciniffiones chymici in philosophorum album referrentur.<sup>g</sup> Quales voces excidere potuisse Hobbesio iuuentutem in magni Verulamii consortio exigenti et illustrem philosophum inductionem experimentis factam toties inculcantem audienti, merito miramur. Quae res effecit, ut a naturae sacerdotibus maxime Boyleo magnis arietibus confoderetur, conuincereturque satis modice apud eum habitare philosophiam <sup>h</sup>. Plura et extantiora sunt, quae in morali philosophia Hobbesii acutissimorum virorum seueritas reprehendenda notauit, et quae multis libris aduersariorum ei caterua obiecit. Monent enim: terram eam esse, et litibus in aeternum ferendis atque humanae societati evertendae aptam, eoque minus ferendam, quo minus dissentientibus inter se opinionibus constet, quarum vna tollat alteram atque conficiat. Apertam sapere impietatem *πρώτον ψεύδας* ab Hobbesio fundamenti loco positum: nihil esse naturae iustum vel iniustum, bonum et malum, honestum vel inhonestum, sed omnem hanc actionum humanarum moralitatem ex pactis, et summi potissimum magistratus iudicio, voluntate atque decreto esse deriuandam: id enim velle ius omnium in omnia, in statu naturali ab Hobbesio tantis nisibus assertum et defensum: eoque legem naturalem omnem, et hominis obligationem, antequam imperio alterius se aut vi coactus, aut metu compulsus subiecerit, plane tolli. Sequi autem inde, quod ipsum quoque Hobbesio non displicuerit: imperium, siue potestatem summam, absolutam esse, nec legibus ullis circumscriptam. Quod quam nefarium et a Christiana, immo naturali quoque pietate alienum sit, cum vidisset Hobbesius, eo quod omnem religionem ad legis civilis eam constituentis auctoritatem reuocet; ipsum a suo principio defecisse, ne omnem Numinis sensum ac religionem exuisse videretur, ideoque religionem aliquam communem, et pietatem quandam naturalem, quae a priuatis et a magistratu non dependeat, admisisse <sup>i</sup>, coactumque leges quasdam naturales concedere, pacto non stabilitas, quas naturaliter migrare nefas sit <sup>k</sup>. Porro quoque inconstantem Hobbesii animum, monent, turpiter in ipsam illam potestatem, quam regi velificaturus tantopere euexerat, peccauisse, eo quod Cromuellianis partibus postea fauentior, ad illas partes philosophiam suam attemperauisset: hincque contradictiones philosopho indignas esse enatas, cum enim homini in statu naturali

ius

g) Ibid. p. 47.

h) Conf. B. V. R. N. E. T. I. c. T. I. p. m. 211. et scripta Mathematicorum recensita a biographo et in

Bibliotheca iuris imperantium c. 1. p. 7. §. 8. p. 77.

i) De Homine c. 14. p. 78.

k) De Ciue c. 6. §. 13.

iur in omnia tribuisset, vt pacto tamen, quo imperium ad vnum deuoluitur, sua constet firmitas, ad leges iterum naturales, dictamenque rectae rationis circa ea, quae agenda vel omittenda sunt prouocauisse', at vt elabendi rimam haberet, in conclusiones eas logicas, de rebus agendis aut omittendis commutauisse, hoc vero pacto summi imperantis potentiae neruos incidisse, frustra ad scripturae auctoritatem prouocauisse, quam ipsam quoque vim legis ex voluntate summae potestatis habere asseruerit. Maxime autem vrgent, qui Hobbesio infesta signa opposuerunt, bella, inimicitias, lites armorumque vim necessario ex hoc iure naturali Hobbesio oriri, cum ex iure hominis salutem suam, vi, et belli auxilio quaerendi, si pax desit, id necessario sequatur. Fas enim hoc pacto esse homini, ea moliri omnia, quae ad vitam suam conseruandam facere possunt, quin republicas ideo ab hominibus sceleratis turbari posse, si aliter vitae salutisque suae consulere nequeant, eo quod ad sui conseruationem id facere intelligant. Nec obitare huic naturali principio ab Hobbesio posito renuntiationem iuris sui et consensionem in imperium alterius, cum, si sceleratus suae conseruationi obesse potestatem supremam intelligat, necessario ad legem illam vniuersalem, quae causa consensus sui fuerat, recurrat. Non enim obtemperaturum esse hominem illi, in quem ius suum transtulit, si se conseruare eius ope non posse intelligat, sicque facem seditionibus praeferrit, et ad omnia audenda animum facinorosis accendi posse. Praeterea obseruant, iuris illius ad omnia, quod summi habent imperantes, nullum plane vsum in iure gentium esse, cum singuli reges atque principes summa potestate regnantes ius ita habeant faciendi, quod libet, et hoc modo infinita bella ferendi occasionem inueniant titulosque iustissimos. Sunt et alia, quae magna indignatione in hac Malmesburiensi philosophia reprehendunt viri docti, e. c. leges a sola potentia, cui resisti nequeat, deriuatae, et ex metu poenae obortae; qua definitione salua nemo pro salute imperantis et reipublicae se obiciat, vel sceleris licentiam atque impunitatem nactus, et vinculo, quod poenae metus iniicere solet, solutus, a violando iure absteineat. Sed his immorari diutius ob rationes instituti nostri non licet". Non tacendum tamen fuisse viros nonnullos doctos quibus visum nec tam inepte, nec tam impie philosophatum fuisse Hobbesium a plerisque non satis intellectum. Non enim iuris naturalis, aeterni et diuini institutiones eum voluisse scribere contendunt, sed politicam artem tradere, quae supposita hominum natura, corrupta et affectuum intemperie turbata, quid faciendum sit principi, quid subditis vtilissimum et suadendum sit, exponat. In quo saxo voluendo imprimis industriam atque acumen ingenii demonstrauit cel. GUNDELINGIUS\*, quo colore et verisimilitudine? hoc loco definiri non potest, facileque ex *Leuiatane Hobbesii* intelliget Lector paulo attentior.

§. XV.

l) De Cive L. II. c. 1. § 9.

m) Conf. CUDWORTHVS Syst. int. passim et MOSHEM. ad eum p. 1199.

n) Diss. de Statu naturali Hobbesii in corpore iuris ciuilibus defenso et defendendo Hal. 1709.



§. XV. Praeter haec, quae in ipso systemate Hobbesiano reprehenderunt philosophi, alia quoque sunt, quae in eo solent culpari. Et paedagogicos quidem mores, quos nouo vocabulo paedantismum vocare solemus, ei obiicit cl. VLRICVS HVBERVS<sup>o</sup>, eo quod in morali philosophia, quas plerasque nouas et inauditas habebat sententias, adeo certas indubitatasque praedicet, ut se non disputare, sed computare atque demonstrare affirmet: tam inusitatae certitudinis unam dicat hanc esse rationem, quod nemo eorum, qui de iisdem rebus scripsere, commodo usus sit docendi principio. Esse autem illud: incipit in ipsis dubitandi tenebris filum quoddam rationis, cuius ductu euaditur in lucem clarissimam. Hinc omnia eum Graecorum Romanorumque aliaque morum scita, tanquam praeiudicia missa facere, etiam talia, quae omnium prima putabantur, veluti, hominem esse socialem etc. quod autem e dubitandi tenebris emergens clare distincteque perceperit, hoc eiusmodi esse credidisse, ut ipsum fallere haud posset, nisi, Deum mentis et cogitationis artificem fallaciae arguere vellet; hincque se computare, se demonstrare, se *προσηγορεύειν* gloriari. Hanc studendi viam ingressum, cum in rationalibus sibi plauderet, facile ad existimandum adductum esse, nec in literis Dei interpretandis quicquam illi methodo esse anteuertendum. Hac vero ratione, dum ex ea positione, quicquid clare et distincte percipio illud verum est, concludat, in rebus etiam incertis obscurisque iudicandis nihilo magis se falli posse, quam Deus O. M. deceptor esse queat: vehementer metuendum esse, eam lucem clarissimam, quae ex tenebris methodicae vniuersaeque dubitationis oriatur, nihil esse, quam arrogantem *ἀντινομία* et abruptam *ἀντονομασσύνην*, quae cum aliorum contemptu iustitiae sint verissimi characteres formidabilis paedantismi, quem nobilis ille philosophus palam prae se ferat, quando regibus et principibus operam suam venditet emendandi reformandique omnes academias et professionum disciplinas, ut missis veterum institutis sua principia et instituta pro geometricis veritatibus ubique haberentur. Quam dubitandi viam licet alii quoque hoc vitio non correpti receperint, posse tamen eam Hobbesio ad probandum eius paedantismum obici, eo quod ad doctrinae fastum pergat. Miramur, Clarissimum virum, dum hanc vitii literarii maculam Hobbesio inurit, maluisse in principio quodam logico haerere, et obscure satis atque ambigue ex eo paedantismi suspicionem alere, quam ad apertos eius vitii characteres recurrere, quos expressisse Hobbesium, negari non potest. Spiritu enim contradictorio occupatum, omnibus bella denuntiasse, et ambitione plenum sui vnus lumina toti orbi mathematico velut infanienti opposuisse, contradictionis autem impatientem, et ab opinione semel recepta deflectere nescium fuisse, et magna pertinacia, ad inuidiam vsque progressa disputauisse, supra iam obseruauimus, quae

*Paedantismus et alia vitia Hobbesio obiecta.*

o) Orat. de Paedantismo p. m. 66.

quae omnino scholasticos illos mores philosopho indignos produnt. Addi his potest intolerabilis iactantia dudum a viris doctis in Hobbesio reprehensa, qua se solum aliquid vidisse, et ad suam vsque aetatem omnem terrarum orbem coecutiisse non credebat modo ipse, sed aliis quoque persuadere conabatur. Quod non praeter rem illi vitio verti, vel vna quam libello *de Ciue* praemisit, praefatio satis potest ostendere, in qua ad suam vsque aetatem veros iuris naturalis fontes neminem vidisse, se vero eos detexisse, magna fiducia gloriatur. Vnde facile persuademur, verum esse quod de Hobbesio narrat CONRINGIVS <sup>p</sup>: eum edito libro de Ciue non dubitauisse his verbis gloriari: *Physica res nouitia est, sed philosophia civilis multo adhuc magis, ut quae antiquior non sit libro, quem de ciue scripsi*. Id quod EIDEM <sup>r</sup> occasionem suppeditarit Hobbesio ingenium tribuendi nouitatum studiosum maxime temerarium, praefidens, ineptum. Addi his potest, quod maximopere in Hobbesio reprehenditur, et ex studio hypothesein semel electam mordicus defendendi omnibusque contradicendi sequitur, philosophum Malmesburiensem sibi ipsi contrarium saepe numero esse, atque sibi non constare; cuius vitii supra iam exempla attulimus. Obiecitque ei RAPINVS <sup>r</sup>, eruditionis eius et ingenti, cetera laudator, adeo inconstantem esse et a se diuersum, ut cum toties in Epicuri hortos transiuerit, Aristotelem tamen sequi haud semel voluerit.

*Profanus erga C. R. animus obiectus Hobbesio.*

§. XVI. Nullum tamen ἔγκλημα animum Hobbesii fauciauit magis, et foediorem memoriae eius maculam inussit, quam suspicio clandestini atheismi, toties ei viuo ab Anglicanae ecclesiae theologis obiecti, et mortuo quoque ad hunc diem imputati. Eum enim fuisse contendunt, qui, dum clero infensior malas nonnullorum artes castigare contenderet, in ipsam sanctissimam Christianorum fidem, et oracula sacra iniurium se praestiterit, talia autem principia admiserit, quae Deum quidem externa professione asserant, at reconditam tamen et indirecte probatam impietatem sapiant, et generi ideo humano sint longe periculosissima. Cum autem duo sint accusationis huius capita, vnum de conculcata ab Hobbesio religione reuelata, alterum de eiecta proditaue religione naturali, vtrumque paulo plenius excutiendum est. Et religionis quidem Christianae mysteria euiluisse Hobbesio, plerique qui calamum in eum strinxerunt, conquesti sunt, et ex nostrae quoque ecclesiae gremio obseruauerunt magni nominis theologi IO. FRANC. BVDDEVS <sup>r</sup> et IO. LAVR. MOSHEMIVS <sup>r</sup>. Quod ita quidem ab heroë suo depellit, qui elogium eius scripsit, anonymus <sup>u</sup>, ut dicat, *religionem Christianam eum quatenus in ecclesia Anglicana, resectis superstitionis ineptiis regni legibus stabilitur,*  
ex

p) De ciu. prud. c. 14. HUBER. I. c. BORC-  
LER. praef. Comm. in Grotium, MOHR. Pol-  
tyhist. Tom. II. pag. 116. MOSHEM. ad CUD-  
WORTH. loc. cit.

q) Conringiana p. 76.

r) Reflexions sur la philosophie p. 55. Mos-

HEM. ad Cudworth. p. 74. 1197. Catal. Biblioth.  
Reimmann. p. 985.

s) Introd. in hist. theol. p. 1448. 1765.

t) Ad Cudw. p. 1198.

u) pag. 80.

ex animo amplexum esse, eamque contra pontificiorum simul et sectariorum insultus strenue propugnauisse: controuersias quidem theologicas maxime auersatum esse; quicquid autem ad pietatis exercitia aut bonos mores conferret, plurimi fecisse: sanctius illi et reuerentius visum de Deo credere, quam scire. Sacerdotes interim inculpare solitum esse, qui Christianam religionem absolutam atque simplicem vel superstitione macularent, vel inanibus interdum et profanis speculationibus implicarent. Optime autem populo consultum fore censuisse, si scholasticorum dogmatum vice, aequi rectique praecepta, et cuiusque imperii leges civiles publice recitarentur, quibus homines ad suum erga magistratus obsequium, mutuaque vitae civilis officia formarentur. Ipsum etiam conatum esse maxime, ut post rectos de summo Numine conceptus dictis vitae officiis, tam publicis, quam priuatis ad virtutis et prudentiae dictamen rite fungeretur. Verum enim vero valde veremur, ut haec speciose quidem et in laudem Hobbesii dicta illi sufficere videantur, qui verba sibi dari non passus, ipsa Hobbesii φιλοσοφούμενα, praecipue ea, quae in *Leuiathane* proposuit, attente considerauerit. Talia enim ibi occurrunt, quae a viro Christianae legi ex animo addicto proficisci minime possunt, et leuitatis in religione reuelata Hobbesium magnis argumentis arguunt. Quod ne ad inuidiam in celeberrimum philosophum cumulandam dixisse, videamur, ad caput trigesium tertium dicti libri prouocamus, et aequum atque sanctissimae fidei nostrae amantem Lectorem arbitrum poscimus. In eo enim loco de numero, antiquitate, scopo, auctoritate et interpretibus librorum sacrorum ita differit, ut a profano animo parum abfuisse, et pleraque, quae reuelatio tradit, ad sacerdotum inuentiones retulisse merito videatur. Docet enim: *Libros illos solos canonicos, id est, leges esse in vnaquaque ciuitate, quae summi imperantis auctoritate latae sint; imperantium omnium imperatorem Deum quidem esse, et illi a ciuibus praestandam obedientiam, quicquid in contrarium iubeat rex terrenus. Sed de obedientia Deo praestanda controuersiam nullam esse, sed quando et quid locutus sit Deus, idque ab iis, quibus nulla data est reuelatio supranaturalis, sciri non posse, nisi per rationem illam naturalem, qua pacis et iustitiae obtinendae causa auctoritati summarum potestatum se submiserunt. Quatenus non differant scripturae a legibus naturae, dubium non esse, quin sint leges Dei, auctoritatemque habeant, omnibus, qui ratione naturali praediti sunt, manifestam. Sed auctoritatem hanc non aliam esse, quam quae doctrinae omni morali, si vera sit, attribuenda sit; si leges a Deo ipso factae sint, nempe leges diuinae positiuae, nulla accedente auctoritate humana, illis solis leges esse, quibus Deus ipsas ita promulgauerit, ut nulla illis per ignorantiam relinquatur excusatio. Illos igitur, quibus Deus non reuelauerit supernaturaliter, quod scripturae ab illo sint, vel eos, qui illas praedicant, ab eo missos esse, nulla, ut eas recipiant, auctoritate obligari, praeterquam*

*eius, qui summam habet in ciuitate potestatem. Hanc autem vel civilem esse vel ecclesiasticam: ecclesiam autem siue ciuitatem ecclesiasticam uniuersalem non existere: adeoque quicumque habeat potestatem legitimam faciendi, ut scriptura aliqua pro lege habeatur, potestatem etiam habere, eiusdem scripturae interpretationem approbandi et improbandi.* Non colligemus plura hoc loco, ubi alia omnia agenda sunt, cum haec sufficiant pio lectori, ut ipsi constet, quam periculosa sint et exitiales Hobbesii hypotheses ciuitati Christi: his enim innumera superstruit, quae omnino sunt suspectissima, v. g. non habendos pro prophetis illos, qui religionem aliam docent, quam quae ab eo, qui personam Dei in ciuitate gerit, legibus permittitur etc. Tacemus paradoxa et profana alia passim in isto libro occurrentia. Ad quae deuenisse Hobbesium hominem nec iudicio acri, nec animo erecto destitutum, minime mirandum nobis esse videtur, reputantibus circumstantias Hobbesii. Multa enim per abusum irrepsisse olim in ecclesiam, ipsis DEI praeceptis ab Apostolis traditis contraria probe videbat vir acutus, et imprimis quantis fallaciis artibusque ad erigendam confirmandamque potentiam et utilitatem suam clerus usus esset, nouerat; haec apud protestantes quoque obtinere eo firmiter credebat, et non satis emendatam esse ecclesiam sibi persuadebat, quo plures in nefandis motuum intestinorum apud Anglos tumultibus videbat ex clero, qui nefariis artibus omnia miscerent, quibus grauem dicam scripsit in praefatione libri *de Ciue*; ita quod hominum vitium fuit, ad rem ipsam transferendo, misero paralogismo se ipsum decepit atque alios, et malo morbo medicinam attulit deteriorem; nempe videns sectarios in mille capita et tot opiniones diuidi, et sectarum suarum praetextu uti ad euertendum regnum, ipsam religionem summi imperantis arbitrio subiecit, ut eo fortius rebelles animos constringeret. Id quod eo confidentius ausus est Hobbesius, cum hoc pacto principem suum absoluta potestate frui posse crederet, et ita euitari turbas speraret, quas exitiales esse obtentu religionis sperauerat. Ferre autem non potuit, ut ecclesia a ciuitate dirimeretur, et ab imperante civili constitueretur diuersus alius, qui sacrae ciuitati praeesset. Quod cum in ecclesiae Romanae addictis vehementer improbaret Hobbesius, eam, quam illi Romano pontifici potestatem tribuunt, immo maiorem adhuc tribuit imperanti. Qua in re historiam sacram et ecclesiasticam sibi prudentiae regulas subministrasse sibi persuadebat: ast eam haud satis attente considerauerat, nec ad veram ecclesiasticae societatis indolem respexerat, quo fieri non potuit, ut non de legibus sacris, quibus ninitur, perperam iudicaret. Tacemus notiones sensuales, quas mathematicis ideis interdum refertus, cum contemptu aliorum sibi effictas in sacram doctrinam infarsit, ineptumque de potentia DEI absoluta commentum sacrae doctrinae intrusum, quod falsa ei dogmata persuasisse obseruatum est illustri LEIBNIZIO \*. Mirum itaque non est, in tot deuia fuisse abreptum

x) Leibnitianis loc. cit.

abreptum Hobbesium, multaque affirmauisse odio cleri, quae ferri a Christianis haud possunt.

§. XVII. Quod ad alterum accusationis caput attinet, quod impietatis naturalis culpam Hobbesio tribuit, consensere in eo plerique, qui in illum insurrexere, frigidam atheis Hobbesium suffudisse; imprimis magnae parti Britanniae literatae suspectus eo nomine factus est, inter quos, praeter alios multos a REIMMANNO <sup>y</sup> appellatos, imprimis nominamus BURNETVM <sup>z</sup>, BENTLEIVM <sup>a</sup>, PARCKERVM <sup>b</sup>, CVDWORTHVM <sup>c</sup>. Similem in Malmesburiensem censuram ediderunt etiam extra insulam viri multi doctissimi, inter quos eminet HERM. ALEX. ROELLIVS <sup>d</sup>. Aliis autem, nimis acerbos Hobbesio esse hos iudices visum est, nec inter eos referendus iudicatus est, qui aperte a numine defecissent. Inter quos post GOD. ARNOLDVM <sup>e</sup>, leui manu, ut solet, hac opera perfunctum, aliosque eminuit, qui eleganti eruditione pro Hobbesio apologiam scripsit NICOLAUS HIERONYMVS GUNDLINGIVS <sup>f</sup>. Huc autem, si ea in compendium contrahamus, quibus impietati fuisse patrocinatedum philosophum Britannum viri docti censuerunt, potiora redeunt: adscripsisse eum Deo corpus, et quantitatem illi tribuisse, adeoque velut vniuersi partem considerauisse. Sapientiam DEI esse incomprehensibilem et chimaericam, statuuisse; negauisse de Deo motum, contendisse quoque, non posse omnes homines naturaliter Deum agnoscere: habuisse atheismum non pro peccato iniustitiae, sed imprudentiae; denegasse hominibus ideam de Deo; fustulisse spiritus omnes eorumque operationes; religionem subiecisse legibus imperantis, et metui magis, ignorantiae et fraudibus adscribere, quam Deo. Porro introducere necessitatem quandam fatalem, et omni libertati humanarum actionum contrariam, qua ipsi tandem Deo mali moralis origo tribuenda sit. His nonnulli atheismi in vita demonstrati vestigia, quae se deprehendisse putant, adiiciunt. Grauius esse huius accusationis capita et speciosa, nemo non videt: habent tamen qui Hobbesio fauent, quod non sine verisimilitudine ad eum excusandum defendendumque regerant. Et quod Deum corpus esse atque quantitatem recipere dixerit, non scholastico sed Hobbesiano sensu sumendum esse, monent. Intelligere enim Hobbesium corporis voce, aliquid quod existit realiter habetque magnitudinem aliquam, idemque esse, quod aliis vocatur substantia, et phantasmati opponitur. Quo posito dici non posse, omne corpus esse partem vniuersi, nec sequi inde, quod magnitudinem Deo tribuat, quod habeat eam protali, quae extensa sit vel finita. Esse enim eam magnitudinem infinitam, ipsumque immensitatis attributum: nec potuisse habere ens summum primumque pro parte vniuersi, cuius illud causam efficientem constituerit. Passim

Y 3

sim

y) In Hist. Atheismi Sect. III. c. 8. §. 4. p. 444.

z) l. c. p. 211.

a) De fult. et irrationab. atheismi pag. m. 52.

b) Disp. I. de Deo p. 95.

c) Syst. intell. passim.

d) De Relig. nat. §. 67.

e) Hist. Haer. et eccl. P. II. L. XVI. c. 17. p. 583.

f) Obseru. Select. T. I. obs. II. p. 37. Gundlingian. P. XIV.

finem autem, et quidem in Leuiathane ex via causarum, necessitatem existentiae  
 diuinae eum demonstrauiſſe euicisseque, Deum pro primo motore esse habend-  
 dum. Nec, si concedatur, inepte statuisse Hobbesium, Deum esse corpus, ideo  
 atheismi maculam illi inuri posse, cum similia affirmauerit Tertullianus, im-  
 pietatis ideo non postulatus. Quod autem comprehendere Deum non posse  
 contenderit, de essentia intelligendum esse, supra omnem intellectus com-  
 prehensionem posita, non de existentia, et ita quoque magnitudinem  
 cum immensitate essentiae coincidere. Porro negando de Deo motum,  
 notiones modo Deo minime conuenientes eum reieciſſe, cum omnis mo-  
 tus mutationem inuoluat, quae Deo tribui nequeat. Cumque neget,  
 posse omnes homines praeiudiciis impeditos Deum cognoscere, ad nega-  
 tas modo, quas scholae urgebant ideas innatas id referendum esse, talem  
 enim ideam homini de Deo inesse falsum et experientiae contrarium visum  
 esse Hobbesio, statuenti, omnem Dei ideam esse acquisitam: aſt hanc  
 praeiudiciis omnino posse impediri suffocarique, ut integrarum nationum,  
 quae atheae habentur, exemplo constet. Recte autem intelligendum esse  
 monent Hobbesium, atheismum ex imprudentia magis, quam iniustitia  
 peccare dicentem: nempe ad notionem iniustitiae respiciendum esse, quae  
 ex sola pacti violatione oriatur: atheum itaque iniustum dici non posse,  
 qui nec Deum agnoscat, nec in eius imperium consenserit, adeoque con-  
 tra legem non agat, quamuis stultissimus censendus sit, quoniam se sum-  
 mae potentiae audacter opponat. Verum etiam esse, quod Hobbesius  
 contendit, comprehendere non posse quid sit Deus, quaecunque enim de  
 Deo comprehendamus, negatiua esse, non affirmatiua. Quamuis autem  
 concedi possit, negasse Hobbesium spiritus, inde tamen non sequi, fu-  
 sſſe eum numen, quod possit exiſtere, etiam si spiritus non existant.  
 Principia vero moralia ab eo tradita licet peccent, non tollere vel Deum  
 vel religionem naturalem, sed utrumque supponere: vitia autem iuuen-  
 tutis inhumaniter ad exsculpendum atheismum practicum aduocari.  
 Non patitur locus, vel instituti nostri ratio, ut haec omnia excutiamus,  
 et quod pondus utriusque partis argumentis insit, expendamus. Debet  
 id in peculiari historia atheismi fieri, vel instituta comparatione et inspe-  
 ctis atque consideratis hypothesibus Hobbesii a lectore definiri. Ne vero  
 abeamus ἀσύμβολοι, ita poscentibus tractationis nostrae legibus, paucis,  
 quid nobis de hoc argumento videatur, modeste exponemus. Et pruden-  
 ter quidem in inurenda atheismi macula versandum esse, iterum iterum-  
 que monemus, adeoque distinguendum esse iudicamus inter apertum di-  
 rectumque Numinis hostem, ratiociniis veram DEI existentiam euerten-  
 tem, et inter illum, qui indirecte talia admittit principia, eaque sui sy-  
 stematis fundamenta ponit, quae et religioni euertendae apta sunt, et in  
 ipsam DEI notionem veram iniuria. Attendendum autem esse, quo quis  
 animo, quaeue consequentiarum vel necessitate, vel imprudentia talia asserue-  
 rit, quae latam atheismo viam possunt pandere. Dici non potest, quantum  
 atheismi

atheismi historiam turbauerit neglecta haec observatio. Ea igitur rite considerata, ab atheismi directi infamia Hobbesium liberandum esse censemus. Multoties enim philosophus et Deum esse statuit, et necessario existere multis rationibus euincit, et summam in eo potentiam agnoscit, eosque, qui aut mundum esse aeternum dicunt, aut Deum res humanas negligere asserunt, impios esse et in Deum iniurios affirmat: notionem autem Dei non omnem homini negat, sed comprehensiuam tantum, eo quod intellectus finitus infinitum et immensum ens comprehendere non potest, quo pacto ideam existentiae diuinae homini non denegauit. Tacemus alia, quae consistere in systemate Hobbesiano nequeunt, si Deum tollas. Ast licet inter apertos Numinis hostes Hobbesius referendus minime sit, fatendum tamen, si veritatis magis ratio habenda est, quam laudis ex ingeniosa apologia captandae, excusari Hobbesium, negarique non posse, talia eum affirmauisse, quae religioni naturali pariter atque reuelatae valde aduersantur, euincuntque, si non studio dataque opera, a qua animi malitia libenter eum liberamus, certe supina negligentia et praepudicio facile euitando talia eum praecepisse, quae sanam Dei notionem euertunt, et impletati viam sternunt planissimam. Et quod ad ipsam DEI substantiam, quam corpus dixit Hobbesius, attinet, aut prorsus fallimur, aut intellexit philosophus etiam in *Leuiathane*, qui curas posteriores continet, notionem corporis non modo substantiam certam, realiter existentem et phantasmati siue non-entis oppositam, sed certam quoque substantiam, loco et figura determinatam, adeoque extensione definitam. Scribit enim *diserte*: *Spiritus loco et figura, id est terminis et magnitudine sua aliqua determinatur, et proinde corpus est, utcumque tenue et insensibile.* Non poterat aliter statuere Hobbesius, cum semel inepto isto praepudicio animum repleuisset <sup>b</sup>; *quia quicquid concipimus perceptum est ante in sensatione, ideo nullam inesse homini posse imaginationem rei, quae non sit percipienda sensibus; neminem itaque concipere aliquid posse, nisi ut in loco, et finita aliqua magnitudine praeditum, et diuisibile in partes, neque aliquid esse totum in uno loco, et totum in altero tempore eodem.* Ast videbat simul prorsus ita concidere omnem Dei notionem, quae infinitatem et immensitatem illi tribuit. Certus itaque et pertinax in asserenda hypothesi, nihil existere, quod non sit corpus, habeatque situm et figuram, ad ignorantiae asylum, more toties in orbe philosophico usitato, confugit, et ideam infiniti homini nullam esse, conceptum nullum, adeoque nomen Dei non usurpari asseruit, ut illum concipiamus, sed ut honoremus. Quae satis clare produnt, Hobbesium maluisse de Deo prorsus tacere, hominique eius ideam denegare, quam inepte substantiae definitioni, imaginationis et sensationis perceptioni nixae nuntium mittere. Nec obiici potest Hobbesium de iis tantum substantiis loqui, quas homo potest concipere atque comprehendere, Deum autem, velut substantiam infinitam

g) c. 12. p. m. 36.

h) Ibid. c. 3. p. 13.



infinitam et supra omnes alias substantias positam his limitibus non circumscripsisse. Alio enim loco ita de corpore differit, ut clarissime constet, nihil esse in vniuerso, quod non ista corporis notione comprehendatur. Ita enim scribit <sup>i</sup>: *Corpus significat vniuersaliter* (ita nec Deum excipit) *id quod locum aliquem certum implet siue occupat, nec dependet, ut locus ipse a nostra imaginatione, sed PARS EST realis eius, quod vocamus vniuersum. Vniuersum enim, cum sit corporum omnium aggregatum, nullam habet partem, quae non sit etiam corpus, neque PROPRIE dicitur corpus, quod non sit totius vniuersi aliqua pars.* Ex quo loco id, nisi prorsus coecutimus, euincitur, intellexisse Hobbesium notione corporis non modo substantiam existentem, sed a situ, loco et figura determinatam quantam, qualis cum extra vniuersum esse nequeat, inde sequi, quod sit pars vniuersi. Quae si supponantur, ut disertis Hobbesii verbis affirmantur, non possumus aliter ratiocinari de Deo Hobbesii, quam voluisse, eum esse corpus, id est substantiam realem, quae locum occupat et pars est vniuersi. Non moramur, quod patroni eius clamant, remouisse eum Deum ab his vniuersi partibus, asseruisse eius immensitatem, ideoque supra hominis captum ideam DEI posuisse. Concedemus id viris doctis, qui causam Hobbesii defendendam susceperunt; nihil aliud autem inde lucrabuntur, quam quod supra in argumento quoque morali obseruauimus, Hobbesium principiis semel imprudenter electis pertinacius adhaerentem maluisse sibi contradicere, quam errori nuntium mittere; et talia affirmauisse, quae inter se consistere nequeunt. Illud certe ex hoc loco luculenter demonstratur, quod Gundlingius negauerat, corpus omne, adeoque et Deum, quem corpus esse dixit, esse partem vniuersi. Quod quam absurdum sit de Deo statuere, quilibet intelligit, qui, quid Deus sit, nouit, et ipsius Hobbesii verbis subscribit <sup>k</sup>: *Figuram Deo adscribere esse contra honorem DEI, qui sit infinitus.* Praeterea ita de attributis Dei philosophatur Hobbesius, ut impietatis patroni et ipse eorum coryphaeus Spinoza fauentissima apud eum placita inueniant. e. g. Statuit, contra Dei honorem esse, ei attribuere proprie passiones, poenitentiam, iram, misericordiam <sup>l</sup>, immo attribuendo Deo voluntatem, non debere nos per voluntatem appetitum rationalem intelligere, qualis in homine est, sed diuinam potentiam, qua omnia, quae fiunt, efficit, et ita intellectum quoque Dei esse de diuina et incomprehensibili potentia intelligendum <sup>m</sup>. Licet enim Hobbesius corporeos passionum conceptus, quos solos homini tribuit, remouere videri velit, vident tamen, qui oculis non carent, cuncta eum ex vna diuinae potentiae, quam vnicum eius attributum verum agnoscit, modificatione deriuare. Nam vnicum eius nomen τὸ ΕΣΤ, existere, adeoque sola existentia comprehendere, affirmat. Et eodem talo quoque stat assertio, in regno Dei naturali regnandi

i) c. 34. p. 183. seq.  
k) Ibid. c. 31. p. 170.

l) loc. cit.  
m) De Ciu. c. 15. p. 259.

gnandi et puniendi eos, qui leges suas violant, ius Deo esse a sola potentia irresistibili, non vero a peccato antecedente: id quod omnem sanctitatis, aequitatis et iustitiae diuinæ notionem euertere, et Deum sibi ipsi eripere, prudens quilibet fatebitur. Non disputabimus, qua animi voluntate quoue scopo, bono an malo, talia Hobbesius dixerit; lubenterque patimur, si quis excusationem afferat, eum potentiae idea delusum incommoda magis verba dedisse, quam prauos sensus induxisse; quamuis valde vereamur, ut ubique ita iuuari queat Hobbesius, aut concedendum quoque est, talia haec esse, quae sanis de Deo notionibus prorsus refragentur, et impietati portam latissimam aperiant, nefariisque consiliis occupatos facile ad atheismi scabiem seducant. Id quod reuera euenisse, vnius Ioannis Rostae comitis exemplum probat, qui cum a detestabili, quo totus detentus erat, atheismo tandem ad meliores de Deo sensus rediret, fassus est, facellano suo Roberto Parsonio: stolidam Hobbesii doctrinam, quam tantopere fuerit admiratus et ipsam, et meliorem regni partem seduxisse. Obseruauit autem, qui *Conuersionis eius historiam* descripsit, GILB. BURNETVS \*, eum de Deo Hobbesiano more sensisse, nempe esse quidem Deum maximam potentiam, at aliis tamen attributis, iustitiae, irae, bonitatis, etc. vacuam; hanc potentiam quidem secundum naturam et indolem suam res omnes condidisse, aut affectus, qui curam aut dolorem vel indigentiam et perturbationem indicant, habere nullos, adeoque nec amor apud eum, nec odio, nec praemio, nec poenae locum esse. Quod reliquum est, non inficiandum, veritatis fulgore oculos Hobbesii perfringente, ex errore eum interdum ad se rediisse, et saniora attulisse, aut parum cum principiis eius cohaerentia. Monet etiam praestantissimus MOSHEMVS \*\*, extremis vitae annis Hobbesium apologiam exarauisse, eaque omnia, quae in *Leuiathane* olim scripserat, sapientium iudicio subiecisse; testatum, se cum librum illum componeret, ingenii potius intemperantiae, quam rationi obsecutum esse, nec opiniones eo comprehensas postea defendisse. Antonium Wood id in Athenis Oxoniensibus memoriae prodidisse, et credibile esse, nil contra animi sententiam fecisse hominem, cum et natura procliuis esset, ad ea mordicus retinenda, quae semel complexus erat, et ita infectus arrogantia, ut vix sine conuiciis disputare posset, nec tum esset aliquid, quod metueret, quum aulae imprimis carus esset, magnaue Caroli II. regis beneuolentia frueretur. Non inuidemus Hobbesio hanc gloriam, resipuisse eum ab illis erroribus, quos nec philosophia sobria atque prudens probat, nec ferre potest reuelatio; fatemur autem, scrupulum nobis mouere de fide atque veritate narrationis Woodii auctorem *Vitae Hobbesii*, qui hanc palinodiam non modo prorsus tacet, et obiiisse eum in iis opinionibus, quas rectas et pias credebat, testatur, sed et narrat, ea quae de Hobbesio in antiquita-

n) p. 87. et in Praef. p. 16. 25.

o) l. c. p. 74.

*Hist. philos. Tom. V.*

Z

tiquitatibus Oxoniensibus scripta sunt, magnam mutationem ab editore Ioanne Fello esse passa, eumque contra apologiam Hobbesii amarulentam epistolam operi adiecisse, in qua Malmesburiense animal, irritabile et vanissimum, aegre fert, negare, quod Leviathan liber sit publico damno notus et monstruosissimus. Haec enim anno cło lo cłxxiv scripta sunt, quo extremam iam senectutem Hobbesius attigerat. Editoris itaque fide haec stentque cadantque; cum arrogantia et pertinacia philosophi huius, et imprimis theologorum contemptus, vix ferre videantur, vt respiciisse, et Leviathanis decreta tantopere sibi deamata damnavisse credatur. Passus itaque Deum est Hobbesius, vt in summam cuncta contrahamus, sed talem, qui Dei nomine indignus est: vel si dicendum, quod res, vidit Dei existentiam naturamque esse certissimam: at cum hanc cum absurdis principiis suis conciliare non posset, maluit de Deo ineptire, caussando, Deum nos non intelligere nec capere, adeoque honorandum quidem esse, non vero definiendum. Quod simili modo Epicuro quoque euenisse, eodem, quo Hobbesius, praeiudicio seductum, in cuius castris ille saepius militavit, suo loco ostendimus.

*Adversarii  
Hobbesii.*

§. XVIII. Talis cum fuerit Hobbesius, cumque paradoxa et inaudita plurima asseruerit, quae et noxia atque periculosa videbantur, et quadam pertinacia ab eo defendebantur, mirum non est, cateruas aduersariorum in eum infurrexisse, et non modo insulanos, sed et extra Britanniam viros doctissimos Hobbesium telis suis confixisse. Amplum conscripsit indicem eorum, qui signa aduersus Hobbesium sustulerunt, biographus eius. Inter quos prae aliis nomen tulerunt Ioannes Wallisius professor geometriae Sauilianus, Sethus Wardus, astronomiae professor Sauilianus, Ioannes Bramhallus, episcopus Derriensis, Robertus Boyle, Robertus Sharrockius, Gisbertus Cocquius, Richardus Cumberlandius, Henricus Morus, professor theologiae Cantabrigiensis, Radulphus Cudworthus, Samuel Parckerus, Iosephus Glanvil, et innumera fere cohors Britannorum aliorum, vt taceamus eos, qui aliud agendo Hobbesium refutarunt, Ioannem Franciscum Grandis, Io. Adamum Osiandrum, Regnerum a Mansvelt, Franciscum Schottenium, etc. quorum plerique moralia Malmesburiensis senis principia improbarunt, nonnulli problemata eius geometrica exagitauerunt, quidam doctrinam naturalem confutauerunt. Breuissime omnium autem et solidissime Hobbesiana principia exposuisse et refutauisse Samuel Andreas dicitur LEIBNIZIO. Inter hos vero Hobbesii antagonistas magnum intercedere discrimen, et diuerso pugnae euentu ac diuersa armorum vi et acie eos cum illo fuisse congressos, instituta comparatio docet clarissime. Et solide quidem atque eleganter omniumque optime mora-

p) Plerosque aduersarios Hobbesii enumerant et scripta eorum recensent STRUVIUS in Bibl. philos. c. 8. §. 7. cum add. Lotteri et Kahlui THOMAS. Hist. L. N. p. 84. STOLLIVS Hist. lit. P. III.

p. 635. BVDENVs lřag. p. 1382. Bibl. Iur. imperant. l. c. Biographus Hobbesii p. 96.

q) Leibniziana p. 121.

moralem Hobbesii doctrinam aggressus esse iudicatus est <sup>r</sup> RICHARDVS CUMBERLANDVS, tum cum manus cum Hobbesio consereret, theologiae baccalaureus, postea autem ad Petroburgensium episcopatum euectus, quem literis fata eripuerunt anno 1699. septem supra octoginta annos natum. Huic enim debemus *de Legibus naturae disquisitionem philosophicam, in qua earum forma, summa, capita, ordo, promulgatio et obligatio e rerum natura inuestigantur, quin etiam elementa philosophiae Hobbianae cum moralis, tum ciuilis considerantur et refutantur*. In hac tractatione auctor, methodum, qua dictamina rationis ex vno principio naturali deduci queant, ostendere conatus est. Illud autem eo redit: leges naturae omnes ad vnam de beneuolentia erga rationales omnes esse deriuandas, cuius etiam sanctionem ex effectis ab auctore natura tali beneuolentiae annexis euincere conatur. Quo pacto contrarium prorsus bello omnium in omnes Hobbesii principium supponens, cum Stoicis socialitatem introduxit, a Pufendorffio eodem tempore prolixè stabilitam. Cumque Hobbesius mathematicam quandam certitudinem secutus fuisse videri voluerit, ipse quoque propositiones vniuersales, ex hac beneuolentia naturali atque vniuersali oriundas reduxit ad idoneam similitudinem cum propositionibus matheseos vniuersalis de effectis computationis mathematicae, quae omnes quantitates inter se conferuntur. Hobbesium autem refutaturus, sibi ipsi illum et naturae dictamini repugnare ostendit, negantem leges diuinas proprie dictas vel e natura rerum disci posse, vel e sacris scripturis, nisi reuelatio culque particulariter detur, quod scriptores sacri prophetae fuerint. In qua disceptatione licet maiora lumina, forte desiderari possint, acumen tamen, ordinem et ratiocinandi accuratorem in causa per se meliori, merito viri docti laudarunt. Aliam viam ingressus est ROBERTVS SHARROCKIUS, cui librum *de Officiis secundum ius naturale* debemus; is enim lectione Hobbesium obruere, quam rationibus configere, maluit. GISEBERTVM COQVIVM pastorem Cockingensem autem in *Anatome Hobbesianismi* librum corrasisse theologo inepto dignum, nihilque attulisse memorabile, nisi quod ex Caluino atque Beza furripuerit, obseruatum NICOLAO HIERONYMO GYNDLINGIO, qui videndus. Alios, ne nimii simus, taceamus.

Rich. Cumberlandii I. N. Hobbesii oppositum.

§ XIX. Quamquam autem valde inuisa fuit Hobbesii doctrina, tantum tamen abest, vt sectatores nullos inuenerit, vt potius non solummodo multos habuerit, qui eius doctrinae plauserint, sed magnam quoque politicorum apud Britannos partem eius opiniones amplexum fuisse theologi angli conuesti sint. Cuius causam fuisse tradit vir summus, GILBERTVS BURNETVS, quod in tam corruptis eius aetatis,

Sectatores Hobbesii.

Z 2

prae-

r) THOMAS I. C. REIMANN. Hist. lit. Germ. P. VI. p. 99. STOLLIVS I. C. P. III. c. 2. p. 636. BVDDEVS Hist. phil. c. 6. p. 510. s) Londini 1672. 4. Lubec. 1683. 8.

t) Oxon. 1660. 8. et cum obseru. SAM. REX-  
HERRI 1667.  
u) Sel. Obs. T. I. Obs. 2. §. 3. p. 48. not. K.  
x) loc. cit.

praecipue in aula, moribus Hobbesianorum principiorum usus fuerit maximus et iucundissimus. Fuerunt quoque nonnulli, qui in condendo iuris naturalis systemate (reliqua enim eius placita physica, mathematicaque cum fatis infirma et illepidata sint, sectatores inuenerunt fere nullos) eum secuti, meliorem et luculentiorē dare Hobbesianam philosophiam conati sunt. Inter quos laudari solet LAMBERTVS VEEHUYSEN, auctor *dissertationis de Principiis iusti et decori, continens apologiam pro tractatu clarissimi Hobbesii de Cive*. Quamvis enim plus promississe in titulo, quam in ipsa tractatione praestitisse visus sit; obscurus quoque et confusus appareat, quo nomine castigatur CHRIST. THOMASIO<sup>2</sup>, commendandus tamen in eo est, quod cum omnia se Hobbesii probare non posse asserat, de iure omnium in omnia et contra omnes, de pactis, velut fontibus legis etc. differere quidem constituerit ex studio se ipsum conseruandi, at illud non ex innata hominis corruptione deriuauerit, sed ex consideratione sapientiae diuinae, et ordine ac fine hominis. Quo pacto Hobbesium non tam defendisse, quam emendauisse, et tolerabiliores ei sensus affinxisse iudicandus est<sup>3</sup>. Nonnullis ipse quoque Gassendus in Hobbesianismi conspirationem tractus est, eo quod ius omne ex vtilitate atque pacto deriuauerit. Et valde quidem librum *de Cive* Gassendo placuisse, ex eius epistola ad Samuelem Sorberium certum est<sup>4</sup>: ast aliam viam instituisse Gassendum, Epicuri sequacem, ex iis colligi potest, qui Diemensem philosophum secuti de philosophia morali Epicuri suis locis diximus. Solent et alii huc trahi, eo quod statum belli inter principia iuris naturalis non improbauerint, nominanturque Io. Christophorus Beermannus<sup>5</sup>, Abrahamus Houtuyn<sup>6</sup>, Regifius<sup>7</sup>, Hombergius: quibus eo nomine addi potest Gundlingius<sup>8</sup>. Ast hi licet tam malum et ineptum principium Hobbesii morale esse, quam tum facere aduersarii solent, pernegent, Hobbessiani tamen dici non possunt, cum caetera eius placita integrumque systema non admittant. Ipse vero Spinoza, haud semel Hobbesium pressopede secutus, certe plausu famaeque Hobbesii callide, ut solebat, ad intruendos errores suos usus est, et imprimis negata attributa diuina, et assertam potentiam Dei absolutam, astute ad partes suas defendendas augendasque adhibuit<sup>9</sup>.

*Hobbesius an  
Epicureus?*

§. XX. Fama ergo magis, vel si manis, infamia, quam sectatorum numero et obsequio inclaruit philosophia Hobbessiana. Ea vero vtrum a veterum philosophorum quodam desumpta fuerit, et imprimis annon ab Epicuro accepta videri queat, a viris doctis quaesitum est. Et ipsum quidem

2) Collecq. mensurus 1688. p. 343. Hist. I. N. p. 85.

3) BVDDEVS Hist. I. N. p. 35 REIMMANN. Hist. lit. Germ. P. VI. p. 50. STOLL. Hist. lit. P. III. c. 2. §. 9. p. 634. seq.

4) BVDDEVS Hist. phil. p. 512 GROENING. Bibl. lur. gent. Europ. p. 340.

5) THOMAS loc. cit. p. 86.

6) PVFENDORF. App. de habitu relig. ad vitam ciuilem p. 196. 197.

7) Act. erud. 1692. p. 195. seq.

8) Vid. MORNOF. T. II. p. 117. MOSHEM. I. c. p. 1202.

dem Hobbesium omnes ante se philosophos Graecos, Latinos omniumque gentium tales iudicauisse, qui philosophiam moralem quasi facilem, nullo studio ambiendam, cuiuslibet ingenio naturali expositam et propositam attrectauerint, ex praefatione libri de Ciue intelligitur. Ast viderunt tamen viri docti, et praecipue in Hobbesio examinando acuti atque perspicaces, pluscula eum habere, quae Epicuro debeat. Id instituta sententiarum et opinionum comparatione prolixè demonstrare aggressus est, et haud paruum eo modo nomini Hobbesiano cumulauit inuidiam SAMUEL PARCKERVUS<sup>1</sup>. Idem RAPINO<sup>2</sup> quoque visum, licet is de inconstantia Hobbesii conqueratur, eo quod mox Epicureum se praestet, mox Peripateticum. Eodem nomine, licet tectius, Hobbesium inter impietatis patronos retulit RADVLPHVS CVDWORTHVS<sup>3</sup>. Tacemus MORHOEIVM<sup>4</sup>, PVEENDORFIVM<sup>5</sup>, aliosque, quibus magna visa est intercedere affinitas inter ratas sententias Epicuri et placita physica atque moralia Hobbesii. Nos, si instituti nostri legibus ita poscentibus, sententiam eade re nostram exponere licet, in huiusmodi comparatione caute incedendum esse putamus. Falluntur enim turpiter, et haud raro immerito philosophos odio cumulant, qui ob quandam opinionum similitudinem et affinitatem sectae alicui philosophum suo Marte et ingenio philosophantem adiciunt. Id quod de Hobbesio omnino pronuntiandum est. Cuius si systema integrum siue physicum sit, siue morale, cum systemate Epicureo comparetur, apparebit, potiore ea partem inter se dissentire. Ast quamuis eo nomine Epicureus minime dici possit Hobbesius, fatendum tamen, in duobus capitibus ita belle cum Epicuro eum conspirare, vt a verisimilitudine non abhorreat, si quis dicat, Hobbesium illa ab Epicuro mutuo accepisse. Quod enim docet Hobbesius, nihil nos comprehendere nec intelligere, nisi id fiat per sensationem, adeoque quaecunque intellectui nostro obiecta obuersentur, sensibus definiri, et ideo omnia corpora esse atque partes vniuersi, immo ipsum Deum corpus esse dicendum; id prorsus Epicuri dogma est, qui cum non-enti corpus opponeret, cuncta quoque ad sensus reuocauit, adeo, vt Deos esse corpus negare non auderet, licet, non minus quam Hobbesius, a corpore crasso et ex atomis composito eos remoueret, vt suo loco demonstratum. Vno enim eodemque fonte physico nititur et Epicurus et Hobbesius. Alterum in morali argumento euenit, in quo placuit Hobbesio, affectuum, irae, misericordiae, beneuolentiae locum in Deo haud esse, sed cuncta reduci ad eius potentiam, et ob hoc vnum Deum honorandum esse: ius autem omne ex pacto, quod suauis communis utilitas, deriuandum esse, nec fundamento alio naturali niti. Ast pari quoque ratione philosophatus est Epicurus, cui indignum diuina natura beata visum est, Deo iram, gratiam, et misericordiam tribuere; quique tantopere a rerum humanarum cura Deum remouit, vt nihil ab eo in actiones

homi-

Z 3

g) Disp. I de Deo p. 86. 87.  
 h) Reflexion sur la philosophie §. 18. 17. p. 55.  
 sur la physique §. 9.

i) loc. cit. c. 2. p. 72.  
 k) loc. cit. p. 116.  
 l) Erid. Scand. p. 206.

hominum morales influxum habere possit, sed ius omne ex vtilitate, pactis et conuentionibus firmata prodeat. Vtrum autem in his capitibus adstruendis Epicuri hortos expilauerit Hobbesius, difficile dictum est; cum occasio satis ex vitae eius historia pateat, qua perductus ad ea placita fuit, etiam si de Epicuro nunquam cogitauisset. Alias suspiciones affert SAMUEL PUFENDORFIVS <sup>m</sup>, cuius verba ipsa adducemus, ut Lectori materiam ea de re cogitandi suppeditemus. Is ita scribit: *Arrisit Hobbesio potissimum vetus Epicureorum hypothesis, vel generis conuenientia, vel quod eam in praxi ciuitatum, omnia fere ad sui conseruationem et vtilitatem referentium, conspiceret, vel etiam quod aliquando suspicatus sum, exemplo et aemulatione amicissimi viri, Petri Gassendi, qui cum in physicis maxime Epicureorum dogmata excolenda suscepisset, Hobbes eiusdem in moralibus tradita nouo schemate inducta in theatrum orbis eruditi protrudere instituit. Nisi malis dicere, ipsum vim ingenii ostentare voluisse suscepta defensione hypotheseos tam exosae vulgo et paradoxae. A quo non multum abit, quod serenissimus Magnae Britanniae rex ante aliquot annos Samueli Sorberio de hoc Hobbesio dixerat: se illo viro uti in vicem vrsi ad molossorum vires tentandas et acuendas.* Nos Lectori relinquimus, ut, quancunque velit, causam eligat: illud certum esse putamus, integri systematis, maxime moralis et ciuilis, hoc modo struendi causam fuisse Hobbesio statum patriae et conculcatam regiae partis auctoritatem, id quod ipse in praefatione libri *de Ciue* fatetur, cui cum videret Epicurea nonnulla fauere, facile fuit viro ingenioso ea in partes rapere; eo quod ipsi placuissent. Sapiebat enim in aliis nonnullis quoque Epicureisimum, et imprimis, cum spiritus eorumque operationem negaret <sup>n</sup>. Quod occasionem nonnullis dedit, Hobbesium spectrorum lemurumque terriculamenta noctu expauescentem, ridendi, quod philosophiae suae decretis non paruisset. Id quod negat eius biographus, nos fieri potuisse naturali effectu inuoluntario, aliter sentiente Hobbesio, credimus <sup>o</sup>.

*Delineatio  
Philosophiae  
Hobbesianae.*

§. XXI. Intelligi ex dictis potest, cuius indolis atque generis Hobbesii philosophia, in genere considerata fuerit. Specialem eius *διάρθρωσιν* dare iam instituti ratio postulat. Ast prolixum nimis minutim omnia enarrare, in quibus a trita via abiit Malmesburiensis philosophus. Potiora philosophiae suae praecepta ipse in *Leuiathane* proposuit, in quem librum curis potestioribus editum potiora congeffit, quae ad fulciendum singulare, quod exstruxit, doctrinae aedificium facere iudicabat. Summam

<sup>m</sup>) loc. cit.

<sup>n</sup>) Prolixe, in libro de Natura Hominis, breuitus in *Leuiathane* id prosequitur.

<sup>o</sup>) Causas varias affert B A Y L E I. c. not. N. Veram autem causam illi facile intelligent, qui norunt ideas cum affectu temere; cerebro alte impressas saepius recurrere, et vna praesente totam idearum

cateruam coniunctim prodire, et tunc quoque pristinum affectum sequi. Ita enim metum spectrorum noctu imprimi pueris, et potuisse inde quoque inuito Hobbesio recurrere, quoties idea noctis redibat, ex his notum est, quae de associatione idearum tradidere philosophi.



nam ergo istius famosi libri accurate persequemur, ut hoc pacto facies philosophiae Hobbianae pateat. Cumque in eo illa, quae in computatione, siue logica sua, dixit, repetierit, vultus quoque philosophiae rationalis inde facile potest dignosci. Praemitemus autem, et carptim quidem, ex *Elementorum Philosophiae, sectione prima et secunda*, quae de corpore et de homine agunt, delibabimus ea, quae ad recte intelligendos, doctrinae moralis Hobbessanae sensus facere possunt. De corpore, autem, id est, de natura rerum tractaturus philosophiam primam, generales et abstractas notionum physicarum definitiones exhibentem praemisit, quae eo magis notandae, quo magis abire a receptis scholae definitionibus ad innouandum dogmatum suorum typum Hobbesio placuit. Ita vero praecipit:

I. Res non existentes nominibus suis intelligibiles et computabiles sunt: subternuntur enim ratiociniis nostris phantasmata nostra, quae rebus etiam sublatiis seruamus.

II. Spatium est phantasma rei existentis, quatenus existentis, id est, nullo alio eius rei accidente considerato, praeterquam quod apparet extra imaginantem.

III. Tempus est phantasma motus, quatenus in motu imaginamur prius est posterius, siue successionem.

IV. Spatium spatii et tempus temporis, pars vocatur, quando illud in hoc et praeterea aliud continetur.

V. Partes facere seu partiri spatium et tempus nihil aliud est, quam in ipso aliud atque aliud considerare.

VI. Vnum dicitur quando spatium vel tempus consideratur inter spatia vel tempora alia.

VII. Numerus est vnum et vnum, et sic deinceps.

VIII. Componere spatium vel tempus, est primo vnum post aliud, deinde omnia simul ut vnum considerare.

IX. Quod autem pro omnibus, ex quibus constat, sic ponitur, vocatur, totum, et illa singula, quando ex totius diuisione rursus seorsim considerantur, partes eius sunt.

X. Totum nihil recte appellatur, quod non intelligitur ex partibus componi et in partes diuidi posse.

XI. Duo spatia inter se contigua dicuntur, inter quae aliud spatium nullum est.

XII. Partium ea quae inter partes alias intercipitur media, quae vero non est posita inter duas alias partes, extrema siue terminus dicitur.

XIII. Potentia finitum, id est terminabile dicitur spatium vel tempus, quando numerus spatorum vel temporum finitorum assignari potest, quo maior numerus eorundem in eo spatio vel tempore esse non potest. Potentia

ita autem infinitum est, in quo maior numerus dari potest, quam qui sit datus.

XIV. Quicquid diuiditur, diuiditur in partes rursus diuisibiles, adeoque non datur minimum diuisibile.

XV. Corpus est quicquid non dependens a nostra cogitatione cum spatii parte aliqua coincidit vel coextenditur.

XVI. Accidens est modus corporis iuxta quem concipitur, vel facultas corporis, qua sui conceptum nobis imprimit.

XVII. Extensio corporis idem est, quod magnitudo eius, quae non dependet a cogitatione nostra.

XVIII. Spatium, quod cum corporis cuiuscunque magnitudine coincidit, illius corporis vocatur locus, qui tamen a magnitudine locati differt; et non a superficie ambientis, sed in solido spatio consistit.

XIX. Spatium quod a corpore occupatur plenum, quod non occupatur vacuum appellatur.

XX. Corpora configua sunt, inter quae nullum est spatium; continua quorum est pars communis, et plura, quorum quaelibet duo proxima sunt continua.

XXI. Motus est continua vnus loci relictio et alterius acquisitio; locus autem qui relinquitur terminus a quo, qui acquiritur, terminus ad quem dici solet.

XXII. Quiescere dicitur, quod per aliquod tempus in eodem loco, motum autem, quod fuit prius in alio loco, quam nunc est.

XXIII. Corpora aequalia inter esse dicuntur, quae eundem locum possidere possunt.

XXIV. Vnius et eiusdem corporis vna et eadem semper est magnitudo.

XXV. Aequalis motus est, cum vnus velocitas, per omnem eius magnitudinem computata aequalis est alterius velocitati, per omnem item magnitudinem computatae: par ratio est motus maioris et minoris.

XXVI. Motus magnitudo ita computata, vis vulgo dicitur.

XXVII. Quod quiescit, semper quiescere intelligitur, nisi sit aliud aliud quod corpus praeter ipsum, quo supposito quiescere amplius non possit.

XXVIII. Corpus interire aut generari non potest, sed tantum sub diuersis speciebus aliter atque aliter nobis apparet, et proinde aliter atque aliter nominatur. At accidentia generari et interire possunt, non vero, nisi improprie possunt dici, quod moueantur.

XXIX. Accidens propter quod corpori alicui certum nomen imponimus, siue quod subiectum suum denominat, essentia dici solet.

XXX. Materia prima merum nomen est, et significat corpus generaliter sumtum.

XXXI. Corpus agere dicitur in illud corpus, in quo aut generat accidens aliquod, aut destruit.

XXXII.

XXXII. Accidens siue agentis siue patientis, sine quo effectus non potest produci, vocatur causa sine qua non, et necessarium per hypothesin.

XXXIII. Causa simpliciter, siue causa integra est aggregatum omnium accidentium tum agentium quotquot sunt, tum patientis, quibus omnibus suppositis intelligi non potest, quin effectus vna sit productus, et supposito, quod vnum eorum desit intelligi non potest, quin effectus non sit productus.

XXXIV. Accidentium requisitorum ad effectum in agente aggregatum productum effectum vocatur causa efficiens; in patiente causa materialis. Vbi autem effectus nullus est, ibi nulla est causa.

XXXV. Causa integra ad producendum effectum suum semper sufficit.

XXXVI. Effectus productus est eodem instante, quo causa integra, habetque causam necessariam.

XXXVII. Generatio effectuum continua est.

XXXVIII. Agentia et patientia eadem, diuersis temporibus sed similiter disposita, similes effectus producant.

XXXIX. Causa motus non est, nisi in contiguo et moto corpore.

XL. Mutatio omnis est motus.

XLI. Accidentia respectu accidentium quae antecedunt, siue tempore priora sunt, si ab illis non dependent, vt a causis, contingentia appellantur.

XLII. Causae et effectui respondent, immo idem sunt potentia et actus.

XLIII. Quo instante potentia fit plena eodem producit in actum.

XLIV. Potentia actiua et passiua tantum sunt partes potentiae plenae.

XLV. Actus impossibilis est, ad quem producendum nulla vnquam erit potentia plena.

XLVI. Qui actus impossibilis non est, necessarius est, quia quodcumque possibile est aliquando produci, eo ipso necessario producet, alias impossibile esset.

XLVII. Itaque quicumque actus futurus est, necessario futurus est.

XLVIII. Quaecumque contingunt, contingunt a causis necessariis, vocantur autem contingentia, respectu aliorum euentuum a quibus non dependent.

XLIX. Potentia actiua consistit in motu.

L. Causa formalis, quae est essentia, et finalis, quae est finis ad causas efficientes pertinent.

LI. Cognitio essentiae est causa cognitionis rei.

LII. Differre inter se duo corpora dicuntur, cum de vno eorum dicatur aliquod, quod de altero dici non potest eodem tempore.

LIII. Omnia corpora differunt inter se numero; differunt autem magnitudine, quorum alterum altero maius est.

LIV. Cor-

a) c. II. p. 70. seq.

*Hist. philos. Tom. V.*

A a

LIV. Corporis cuiuscunque cum alio quocunque corpore similitudo vel dissimilitudo, vel aequalitas vel inaequalitas, relatio eius dicitur.

LV. Relatio non est nouum accidens, sed aliquid eorum quae inerant, ante relationem siue comparisonem factam.

LVI. Causae accidentium in vitroque relato sunt causae relationis.

LVII. Si dimensionis lineae sint determinatae, oritur inde quantitas.

LVIII. Magnum et paruum nullo modo intelligi possunt, nisi per comparisonem. Comparatur autem vnaquaeque magnitudo vel ad minorem, vel ad maiorem, vel ad aequalem \*.

LIX. Aestimatio siue comprehensio magnitudinis per comparisonem dicitur ratio: eaque est vel arithmetica vel geometrica.

LX. Conatus est motus per spatium et tempus minus, quod datur, id est, determinatur, siue expositione vel numero assignatur \*.

LXI. Impetus est ipsa velocitas, sed considerata in puncto quolibet temporis in quo fit transitus.

LXII. Resistentia est in contactu duorum mobilium conatus conatui, vel omnino vel ex aliqua parte contrarius.

LXIII. Vis est impetus multiplicatus siue in se, siue in magnitudine mouentis, qua mouens plus vel minus agit in corpus quod resistit.

LXIV. Duae sunt philosophandi methodi, altera a generatione ad effectus possibiles, altera ab effectibus *φαινόμενοις* ad possibilem generationem \*.

LXV. Sensio insentiente nihil aliud est, praeter motum partium aliquarum intus in sentiente existentium, quae partes motae organorum quibus sentimus, partes sunt.

LXVI. Sensionis immediata causa est in eo, quod sensionis organum primum et tangit et premit; illud autem obiectum vocari solet.

LXVII. Ex his integra sensionis definitio nascitur, quod sit ab organi sensorii conatu ad extra, qui generatur a conatu ab obiecto versus interna, eoque aliquandiu manente per reactionem factum phantasma.

LXVIII. Subiectum sensionis ipsum est sentiens; obiectum est id quod sentitur, phantasma sentiendi actus.

LXIX. Non permittit natura sensionis, ut plures res simul sentiantur.

LXX. Imaginatio est propter obiecti remotionem languescens vel debilitata sensio.

LXXI. Ortus perpetuus tum sentientibus tum cogitantibus phantasmatum, solet appellari animi discursus, et communis est hominibus et brutis.

LXXII. Phantasmata dormientium somnia sunt.

LXXIII. Et metus, et sceleris conscientia, et nox, et loca consecrata, adiuta apparitionum historiis phantasmata horribilia etiam vigilantibus excitant, quae spectrorum et substantiarum incorporearum nomina pro veris rebus imponunt.

LXXIV. Aliud

1) c. 12. p. 73.

u) c. 13. p. 77.

x) c. 15. p. 106.

y) c. 25. p. 192.

LXXIV. Aliud sensationis genus est voluptas et dolor, orta ab organi parte extrema per continuam actionem versus cor.

LXXV. Conatus primi motus animalis sunt appetitus et fuga, quos sequitur spirituum animalium in nervos impulsio et rursus retractio, quos sequuntur turgescencia vel relaxatio musculorum et denique artuum extensio vel contractio, qui est motus animalis.

LXXVI. Accedente ad appetitum deliberatione, siue serie cogitationum, oritur inde voluntas.

LXXVII. Causa appetitus existente integra, necessario sequitur voluntas; adeoque voluntati libertas a necessitate non convenit. Concedi tamen potest libertas faciendi ea, quae volumus <sup>a</sup>.

LXXVIII. Magnitudo et duratio uniuersi est inscrutabilis.

LXXIX. Locus in uniuerso vacuus nullus est.

LXXX. Descensus grauium non est ab ipsorum appetitu, sed a vi aliqua telluris <sup>a</sup>.

LXXXI. Differentia grauitatum oritur a differentia impetuum, quibus grauium elementa impingunt.

LXXXII. Sermo siue oratio est vocabulorum contextus arbitrio hominum constitutorum, ad significandam conceptuum seriem earum rerum, quas cogitamus. Significationes ergo naturales, ex necessitate naturae ortae, sermonem non constituunt <sup>b</sup>.

LXXXIII. Scientia et demonstratio oriuntur ex cognitione causarum.

LXXXIV. Theoremata demonstrabilia sunt in iis tantum rebus, quarum causae in nostra potestate sunt, in ceteris tantum demonstrabile est, ita esse posse.

LXXXV. Causae appetitus et fugae, voluptatis et molestiae sunt ipsa obiecta sensuum. Est itaque agere quidem appetentibus liberum, non vero appetere.

LXXXVI. Omnes res, quae appetuntur, bonae vocantur, quae fugiuntur, malae <sup>c</sup>.

LXXXVII. Bonum autem vel verum vel apparens est, inter vera primum sua cuique conseruatio: contra malorum omnium primum, mors.

LXXXVIII. Affectus seu perturbationes animi sunt appetitionis et fugae species, assumtis differentiis ab obiectorum, quae appetimus fugimusue diuersitate et circumstantiis <sup>d</sup>.

LXXXIX. Consistunt autem affectus in diuersis motibus sanguinis et spirituum animalium, prout se varie modo expandunt, modo ad fontem reliciunt: quorum motuum causae sunt phantasmata circa bonum et malum in animo excitata.

XC. Ingenia, id est, hominum ad certas res propensiones oriuntur a

Aa 2

tempe-

<sup>a</sup>) c. 26. p. 203.

<sup>b</sup>) c. 30. p. 250.

<sup>c</sup>) De Hom. c. 10, p. 78.

<sup>d</sup>) c. 11. p. 62.

<sup>e</sup>) c. 12. p. 68.

temperie, ab experientia, a consuetudine, a bonis fortunæ, ab opinione de se ipso, ab auctoribus. Quibus mutatis mutantur ingenia<sup>e</sup>.

· XCI. Ingenia quando assuefcendo ita confirmata sunt, vt facile, nec reluctantè ratione suas edant actiones, dicuntur mores: qui si boni sint, virtutes, si mali, vitia appellantur.

XCII. Quoniam non eadem omnibus bona et mala sunt, contingit eodem mores ab aliis pro virtutibus haberi, ab aliis pro vitiis.

XCIII. Itaque nisi in vita ciuili virtutum et vitiorum communis mensura non inuenitur: quæ mensura ob eam causam alia esse non potest præter vnius cuiusque ciuitatis leges.

XCIV. Religio est hominum, qui Deum sincere honorant, cultus externus<sup>f</sup>.

XCV. Fides præterquam eam qua credimus Deum condidisse, et regere omnia, si sit de rebus quæ supra naturæ humanæ captum posita sunt, opinio est, quæ nascitur ab auctoritate dicentium. Homini ideo privato sine miraculo fides haberi in religionis actu non potest.

XCVI. Quod si religio ab hominibus priuatis non dependet, tunc necessarium est, cessantibus iam diu miraculis, vt dependeat a legibus ciuitatis.

XCVII. Religio itaque philosophia non est, sed in omni ciuitate lex, et propterea non disputanda, sed implenda.

XCVIII. Cultus publicus sine ceremoniis esse non potest, nam cultus publicus is est, quem in signum habiti honoris Deo exhiberi ab omnibus ciuibus, idque locis et temporibus constitutis imperauit ciuitas. Itaque indicandi quid sit decorum, quid non, in publico cultu Dei penes ciuitatem ius est. Signa hæc non a natura operis tantum, sed etiam ab arbitrio ciuitatis pendent.

Hactenus ex multis præcipua ex Hobbefio adducta palam faciunt, quibus fundamentis suam philosophiam inædificauerit. Ipsum iam ædificium eius in Leuiathane exstructum expendendum est, vt intelligatur, cui fini tantam definitionum, ex parte paradoxarum molem congefferit. Ipse enim nonnulla repetiit, vt totius systematis συνάφεια<sup>g</sup> apertius constaret. Ita vero porro præcipit:

§. XXII. I. Nulla est animi conceptio quæ non fuerat ante genita in aliquo sensuum, vel tota simul, vel per partes. Ab his autem primis conceptibus omnes postea deriuantur<sup>e</sup>.

II. Origo itaque omnium sensus est: causa autem sensationis externum, corpus, siue obiectum, quod premit vnius cuiusque organum proprium vel immediate vel mediate.

III. Sensio fit cum obiectum organum premendo mediantibus neruis et membranis continuum efficit totum introrsum in cerebrum, et inde ad cor;

<sup>e</sup>) c. 13. p. 73.

<sup>f</sup>) c. 14. p. 77.

<sup>g</sup>) c. 1. p. 3.

cor; unde nascitur cordis resistentia et *avertitio*, siue conatus cordis liberantis se a pressione per motum tendentem extrorsum, qui motus propterea apparet tanquam aliquid externum. Haec apparitio siue phantasma vocatur sensus.

IV. Qualitates sensiles sunt in ipso obiecto nihil aliud praeter materiae motum, quo obiectum in organa sensuum diuersimode operatur. Ergo obiecta species non emittunt.

V. Simul ac corpus mouebitur, fiet id in aeternum, nisi motus eius ab alio extingatur: idque tantum fit gradatim: id in homine quoque obtinet <sup>b</sup>.

VI. Est itaque imaginatio sensio deficiens, siue phantasma dilutum et evanidum; cuius caussa est praeoccupatio organorum ab obiectis aliis.

VII. Imaginatio et memoria eadem res sunt, illa vocatur quando phantasma consideretur, haec, si dilutio. Memoria multarum rerum experientia dicitur.

VIII. Imaginatio, quae oritur exensione plurium partium, vocatur composita.

IX. Imaginationes dormientium somnia sunt, quae ipsae quoque ante extiterunt vel integrae vel per partes in sensu; exoriuntur autem ab agitatione partium internarum corporis sentientis.

X. Varia intemperies partium corporis internarum, varia efficit somnia.

XI. Inter somnium et cogitationes vigilantium distinguere difficillimum tunc est, quando casu aliquo factum est, ut minime animaduertamus, nos dormiisse. Ita deceptus Marcus Brutus, quod dormitans habuit phantasma terribile, vigilantem se vidisse sibi persuasit. Hoc pacto etiam ex affectu vehementiore imaginatione commota, homines spiritus, umbras, spectra se videre credunt.

XII. Metu spectrorum et phantasmatum sublato, multa ruunt, quibus nituntur astutia, superstitio, et artes aliae, quibus ciues in omni ciuitate male reguntur.

XIII. Imaginatio quae a sermone vel aliis signis voluntariis nascitur, appellatur intellectus, communisque est hominibus cum bestiis. Habet tamen homo intellectum quoque peculiarem.

XIV. Series imaginationum, siue successio vnius cogitationis ad aliam, gignit discursum mentalem.

XV. Nulla autem est transitio ab vna cogitatione ad aliam, cuius similis non extiterat ante inensione.

XVI. Discursus mentalis duplex est, irregularis, vagus et inconstans, in quo tamen quaedam potest deprehendi cogitationum cohaesio; et regulatus, qui ad finem quendam obtinendum adhibetur.

XVII. Discursus quando a designato aliquo fine regitur, vocatur inuestigatio, unde solertia oritur, quae est venatio quaedam per sua vestigia

A a 3

alicu-

b) c. 2. p. 4.

i) c. 3. p. 9.



alicuius causae vel effectus praesentis aut praeteriti: haec reminiscantia dicitur.

XVIII. Discursus siue cogitatio de euentu futuro gignit prudentiam et prouidentiam.

XIX. Signum est antecedenti euentui euentus consequens.

XX. Humani animi actus nullus est naturaliter insitus, talis ut ad exercitium eius nulla alia re indigeat, praeterquam nasci hominem et usum habere quinque eius sensuum: reliqui acquisiti sunt.

XXI. Quicquid imaginamur, finitum est, nulla ergo est idea neque conceptus vocis, infinitus. Ratio haec est, cur nomen Dei usurpemus, non ut illum concipiamus, sed ut honoremus.

XXII. Nemo itaque concipere potest, nisi ut sit in loco, et finita aliqua magnitudine praeditum, et diuisibile in partes: neque aliquid esse totum in vno loco, et totum in altero, tempore eodem, neque duas vel plures res eodem tempore esse posse, eodem loco.

XXIII. Conuersio discursus mentalis in verba, fit sermone. Sermo consistit ex nominibus; nomina aut propria sunt aut communia.

XXIV. Verum et falsum attributa sunt non rerum, sed orationis; ubi autem oratio non est, ibi neque verum est, neque falsum, quanquam error esse possit.

XXV. Consistit itaque veritas in ordinatione recta nominum, quando aliquid affirmamus. Hinc necessitas definitionis intelligitur apud eum, qui ad veram scientiam tendit.

XXVI. Res nominata est, quaecunque cogitari vel in ratiocinatione considerari potest, siue alteri addi ad conficiendam summam vel subtrahi.

XXVII. Actio ratiocinandi vocatur syllogismus, et est consequentiae dicti vnius ad alterum coniunctio.

XXVIII. Dantur nomina insignificancia, quae vel nulla definitione explicata sunt, vel quorum significationes sunt inconsistentes; huius generis est, substantia incorporea.

XXIX. Intellectus, qui homini proprius est, est conceptus natus a sermone. Hunc bruta non habent.

XXX. Inde sequitur affirmationes falsas easdemque vniuersales intelligi haud posse.

XXXI. Qui ratiocinatur, vel totum quaerit additione partium, vel residuum subtractione partis a parte: id quod, si verbis fiat, nihil aliud est, praeter conceptionem consequentiae nominis partis ad nomen totius, vel nominum totius et partis ad nomen partis reliquae. Quicquid ergo arithmetici faciunt in numeris, geometrae in lineis, id logici faciunt in nominibus.

XXXII. Est ratio itaque recta, si pro facultate animi sumitur computatio

tatio nominum generalium, quae ad notationem siue significationem cogitationum nostrarum recipiuntur.

XXXIII. Vfus rationis est multarum consequentiarum a primis nominum definitionibus remotarum inuentio.

XXXIV. Quando aliquis ratiocinatur sine vfu verborum, si id, quod verisimile est, neque praecessit, neque sequitur, id in ratiocinante vocatur error, sed quando ratiocinamur in verbis vniuersalibus, si incidamus, in conclusionem vniuersalem eamque falsam, oritur absurditas, id est, oratio insignificans.

XXXV. Ratio non est nobiscum nata sicut sensus et memoria, nec sola experientia acquisita, sed industria; scilicet apta inprimis impositione nominum; deinde methodo recta procedendo a nominibus ad propositiones, et a propositionibus ad syllogismos, donec veniatur ad cognitionem consequentiarum nominum omnium, quae ad scientiam pertinent. Est enim scientia cognitio consequentiarum vnius facti ad alterum.

XXXVI. Sicut experientia multa fit prudentia, ita scientia multa sapientia est.

XXXVII. Scientiae signa certa et infallibilia sunt, quando, qui scire se dicit, idem alterum docere et veritatem perspicue demonstrare potest.

XXXVIII. Duo sunt motuum in animalibus genera ipsis propria; quorum vnus est vitalis, alter animalis, ille inuoluntarius, hic voluntarius.

XXXIX. Conatus siue motus in animo, qui fit versus causam suam, vocatur appetitus siue cupido, si vero est conatus recedendi, a re aliqua, vocatur auersio. Ex quo intelligitur verum motum adesse.

XL. Quae cupiunt homines, ea amare dicuntur, quae fugiunt, odio habere: quae neque cupiunt, neque fugiunt, contemnere.

XLI. Quicquid appetitus in homine quodcunque obiectum est, illud appellatur bonum; quod auersionis obiectum est, vocatur malum.

XLII. Bonum, quod signis apparentibus promittitur, vocatur pulchrum, et malum, turpe; illius diuersae sunt species, vna in promissione, quae pulchritudo, altera in re, quae dicitur bonitas, tertia in fine, quae est iucunditas; ea vero in medio dicitur vtilitas.

XLIII. Omnis obiecti actio huiusmodi est motus vel conatus consistens in appetitu vel fuga obiecti; apparitio autem istius motus, vocatur voluptas aut molestia animi. Ideo appetitus omnis amorque coniunctus est cum voluptate aliqua, et odium ac fuga cum molestia.

XLIV. Voluptates vel a praesentis obiecti sensatione oriuntur, et sunt sensuales; aliae ab expectatione et praeuisione finium, vel consequentiarum rerum emergunt, haec sunt voluptates animi; diuiduntur autem in gaudium et dolorem.

XLV. Passiones istae simplices, appetitus, cupido, amor, auersio, odium, gaudium et dolor a diuersis considerationibus quandoque variantur etiam nomi-

nominiis, nempe prout vel videntur aliis successuræ, vel prout oblatum appetimus aut fugimus, vel prout multæ simul considerantur.

XLVI. Hinc oriuntur affectuum siue passionum nomina; e. g. religio est metus potentiarum inuisibilium; quæ si publice acceptæ sint, religio est, si non sint, superstitio, si potentiae illæ reuera tales sint, religio recta.

XLVII. Totum passionum aggregatum, tam diu durans, quousque res effecta sit, vel reiecta vocatur deliberatio.

XLVIII. In deliberatione appetitus ultimus siue auersio actioni, de qua deliberatum est, immediate adhaerens vocatur voluntas; actus inquam, non potentia volendi. Vnde sequitur, bestias, quia deliberant, voluntate praeditas esse.

XLIX. Perpetuus in rebus cupitis bonus successus felicitas est.

L. Discursus siue cogitatio, an fiet, vel non fiet, praesumptionem relinquens, dicitur opinio.

LI. Sicut in deliberatione appetitus ultimus est voluntas; ita in quaestione praeteriti vel futuri opinio ultima est iudicium, siue sententia finalis.

LII. Series tota opinionum alternarum dicitur dubitatio.

LIII. Conscientia est cuiusque facti vel cogitati secreta cognitio.

LIV. Si discursus incipit ab alicuius alterius hominis affirmatione, de cuius neque veracitate neque cognitione dubitamus, oritur fides, et si rei, creditio.

LV. Virtus in omni re aliquid est propter eminentiam spectabile, consistitque in comparatione.

LVI. Virtutes intellectuales sunt facultates animi illae, quas laudare, magnificare, et sibimetipsis inesse cupere homines solent, et vulgo bonum ingenium vocantur. Eae autem vel naturales vel acquisitae sunt.

LVII. Hi qui similitudines maxime animaduertunt, aliis raro animaduertas, bonum habere dicuntur ingenium, id est bonam phantasiam; qui vero rerum cogitarum differentias dissimilitudinesque maxime observant, id est, qui inter rem et rem bene distinguunt, bonum iudicium.

LVIII. Ingenium acquisitum methodo et doctrina nullum est praeter rationem, quae orta a recto sermonis usu producit scientias.

• LIX. Ingeniorum diuersitas oritur a passionibus, differentia autem passionum partim a diuersa corporum constitutione, partim a diuersitate consuetudinum et educationis: possunt autem omnes reduci ad potentiam.

LX. Insania est enormis ingensque passio: tales fuerunt, quos euangelica historia vocat, stilo Iudaico, daemoniacos.

LXI. Potentia cuiusque est mediolorum omnium, quae habet ad bonum aliquod futurum adipiscendum aggregatum; estque vel naturalis, vel instrumentalis.

LXII. Humanarum potentiarum maxima est illa, quae ex vnitorum plurimorum

a) c. 7. p. 32.

b) c. 8. p. 34.

p) c. 10. p. 45.

rimorum hominum in vnā personam consensu est composita, siue illa persona naturalis sit, vt homo, siue artificialis, vt ciuitas.

LXIII. Dignitas est valor seu pretium hominis tantum, quanti potentiae eius vsum aliquis vellet emere.

LXIV. Manifestum facere, quanti aliquem aestimemus, honorare vocamus. Huc pertinet, opem polcere, honorare, loco cedere, amare, laudare, adorare, credere, fidere, consilium alicuius audire, imitari.

LXV. Mores vocantur humani generis qualitates illae, quibus pax conseruatur, et ciuitatis status confirmatur.

LXVI. Vitae praesentis felicitas non consistit in tranquillitate siue requie animi, quae in hac vita ob motum perpetuum locum haud habet.

LXVII. Sed felicitas est progressus perpetuus ab vna cupiditate ad aliam. Ad hanc metam non vna via omnium procedunt actiones: alii enim cupiditate potentiae, alii honorum, alii otii et voluptatis, alii scientiarum, alii laudis vel famae post mortem etc. ducuntur, hinc ingens morum diuersitas oritur.

LXVIII. Causas cognoscendi amor hominem ab effectus consideratione ad quaerendam causam acuit, et rursus causam causae, donec veniatur ad cogitationem hanc causam aliquam esse aeternam, siue qua prior esse nulla potuit. Adeo vt, qui profunde in rerum naturalium contemplationem se immerferit, impossibile sit, quin inde disponatur, ad credendum vnum esse Deum et aeternum, quamquam ideam naturae diuinæ animo concipere non possit.

LXIX. Ex ignorantia causarum verarum oritur anxietas; ex illa metus perpetuus, cuius obiectum sunt potentiae inuisibiles, ex quo oritur religio.

LXX. In his autem quatuor rebus, metu spirituum, ignorantia causarum secundarum, cultu eorum, quae timentur, et sumptione fortuitorum pro prognosticis consistit religionis semen naturale.

LXXI. Semina autem haec a duobus hominum generibus culturam nata sunt. Primum genus eorum est, qui secundum suas ipsorum phantasias religionum auctores extiterunt: alterum eorum, quibus ab ipso Deo praescripta et praecepta religio fuit. Vtrorumque autem consilium erat, initiatos suos sibi reddere obedientiores. Illorum religio pars politicae, horum politica pars religionis est.

LXXII. Tum corporis tum animae facultatibus aequales inter se produxit natura homines.

LXXIII. Ab aequalitate naturae oritur unicuique ea quae cupit acquirere spes, cum laesione alterius.

LXXIV. In tanto et mutuo hominum metu securitatis viam meliorem habet nemo anticipatione, id quod sui quoque conseruatio postulat.

LXXV.

q) Cap. 11. pag. 49.

r) Cap. 13. p. 67.

*Hist. philos. Tom. V.*

B b

LXXV. Itaque dominii acquisitio per vim unicuique, ut ad conseruationem propriam necessaria concedi debet.

LXXVI. Quamdiu nulla est potentia coerciua, tam diu conditio hominum est belli vniuscuiusque contra vnum quemque: quicquid autem bello omnium contra omnes naturaliter adhaeret, idem hominum, sine alia securitate, quam quae a cuiusque robore et ingenio expectari potest, necessario comitatur. In hac ergo conditione nullus industriae locus est, quia nullus fructus, nulla terrae cultura, nullae artes, neque societas, sed mortis violentae metus.

LXXVII. Bello omnium contra omnes consequens est, ut nihil dicendum sit iniustum, vi et dolo in bello obtinentibus, nihil proprium, dominium nullum.

LXXVIII. Passiones quibus homines ad pacem perducere possunt, sunt metus, praesertim vero metus mortis violentae, et cupiditas rerum ad bene viuendum necessariarum, et spes per industriam illa obtinendi.

LXXIX. Ius naturale est, libertas quam habet vnusquisque potentia sua ad naturae suae conseruationem suo arbitrio vtendi, et illa omnia, quae eo videbuntur tendere, faciendi.

LXXX. Libertas est impedimentorum externorum absentia.

LXXXI. Lex naturalis est regula generalis ratione excogitata, quam vnusquisque, id quod ad damnum suum sibi tendere videbitur, facere poterit.

LXXXII. In conditione hominum naturali omnium in omnia ius est, ipsis hominum corporibus non exceptis.

LXXXIII. Quamdiu ergo ius illud retinebitur, nulla cuiquam, etsi fortissimus sit, securitas esse poterit.

LXXXIV. Rationis ergo regula generalis est: pacem quidem, dum obtinendae eius spes est, quaerendam esse, quando autem haberi non potest, auxilia vnicuique quaerere et illis uti licitum esse.

LXXXV. Inde oritur secunda: oportere vnumquemque quoties paci et defensionis propriae prouisum erit, a iure suo in omnia, ceteris idem facere paratis, decedere, contentumque esse eadem libertate, quam ceteris concedi vellet.

LXXXVI. In rem aliquam ius suum deponit, qui libertate illa se priuat, quam habet ceteros impediendi, quo minus quilibet eorum iure suo vtatur in rem eandem.

LXXXVII. Deponitur ius vel simplici renuntiatione, quae in medium abicit, nemini tribuens, vel translatione ad alium: idque debet fieri signis idoneis.

LXXXVIII. Quotiescunque ius suum derelinquit aliquis, vel transfert, ea causa id facere intelligitur, ut reciproce ab eo, cui translatum est, ius aliquod vel bonum accipiat.

LXXXIX.

**LXXXIX.** Translatio iuris mutua contractus dicitur.

**XC.** Qui ius aliquod transfert, etiam vsum rei, quantum in se est, transfert.

**XCI.** Pactum etiamsi metu extortum sit in conditione tamen hominum validum est, eo quod contractus est.

**XCII.** Pactum prius posterius inualidum reddit.

**XCIII.** Ad pactorum praestationem constringendi vim habent duo auxilia, vel quia fallere indignum, vel ob metum damni a violatione pacti: metus autem vel est potentiarum inuisibilium, qui est in religione, vel metus potentiae humanae, in ciuitate. Quae vbi non est, solus metus inuisibilis potentiae firmare pactum potest, et hinc iusiurandum ortum est.

**XCIV.** Tertia lex naturae est, praestanda esse pacta. In hac lege consistit natura iustitiae, quae est pactorum praestatio: ea autem valida esse incipiunt, quando constituta est ciuitas, quae ad praestationem cogere potest.

**XCV.** Iustitia commutatiua est iustitia contrahentium, distributiua arbitri cui fides adhibetur.

**XCVI.** Quarta regula est: qui beneficium gratis datum accipit, onari debet, ne danti iusta causa sit beneficii dati poenitendi.

**XCVII.** Quinta regula est: vt se quisque commodum praestet, ob ingeniorum diuersam aptitudinem ad societatem.

**XCVIII.** Lex naturae sexta est: vt vnusquisque accepta temporis futuri cautione praeteritis iniurias poenitentibus et petentibus condonet.

**XCIX.** Septima est: in vitionibus non respiciendum esse ad magnitudinem mali praeteriti, sed ad magnitudinem nascituri boni.

**C.** Octaua est: ne quis alium facto, verbo, vultu aut gestu odisse vel despiciere se significet.

**CI.** Nona est: habendos omnes homines inter se natura aequales.

**CII.** Decima regula est: vt in pace ineunda nemo reseruari sibi poscat ius aliquod, quod cuiquam ceterorum reseruatum nolit.

**CIII.** Vndecima postulat: vt arbiter datus in vtramque partem aequus sit.

**CIV.** Duodecima praecipit; ea quae diuidi non possunt, eorum vsum communem esse.

**CV.** Decima tertia docet: ius integrum vel possessionem primam forte determinandam.

**CVI.** Decima quarta praescribit: quarum rerum neque vsum communis, eae res vel primi occupantis vel primogeniti sunt, forte acquisitae.

**CVII.** Decima quinta est: vt pacis mediatoribus ire et redire tuto liceat.

**CVIII.** Decima sexta iniungit: in sententia arbitri acquiescere.

**CIX.** Decima septima, esse arbitrum idoneum in causa propria, quemlibet prohibet.

CX. Decima octaua eiusdem generis est, vetans, ne pro arbitrio recipiatur cui lucrum, dignitas vel voluptas a victoria partis alterius manifeste oritura est.

CXI. Decima nona postulat: vt in quaestione facti iudicetur secundum testes.

CXII. Leges naturae semper obligant in foro interno, non autem semper in externo, ibi vitium, hic crimen est.

CXIII. Legum naturalium scientia vera et sola ethica est. Ea autem alia non est, praeter scientiam earum rerum, quae in congressibus et societate hominum bonae vel malae sunt.

CXIV. Persona est is, qui suo vel alieno nomine res agit, si suo, propria est, si alieno repraesentatiua dicitur. Est haec brevis adumbratio ipsis Hobbesii verbis facta, eorum fundamentorum, quae ex philosophia rationali, naturali et morali ad constituendam nouam moralem doctrinam consareinauit. Intelligi ex ea ipsius nouae definitiones, regulae et axiomata satis possunt, nec interpretatione opus habent. Superest igitur, vt civilem doctrinam Hobbesii paucis quoque delineemus.

*Philosophia  
civilis Hob-  
besii.*

§. XXIII. I. Causa et finis cur homines libertatis et dominii per naturam amatores in statu civili viuere voluerint, fuit cura conseruationis suae, vitaeque commodioris, id est vt e conditione misera belli omnium contra omnes exirent.

II. Exitum autem e conditione belli omnium contra omnes leges et pacta per se praestare non possunt, debet itaque accedere potentia cogens, quae est in ciuitate.

III. Paucorum hominum conspiratio inter se, securitatem praestare non potest, sed multitudinis.

IV. Multitudo multorum iudiciis et arbitriis gubernata ob dissensum, securitatem illam non promittit.

V. Neque sufficit, vt gubernentur certo tantum tempore, hoste semper recurrente.

VI. Communem autem potentiam constituendi, quae homines securos praestare possit, vnica via haec est, vt potentiam et vim suam omnem in hominem, vel hominum coetum vnum vnusquisque transferat, vnde voluntates omnium ad vnicam reducantur, et eius voluntati et iudicio voluntatem suam submittat.

VII. Haec multitudo illa vna persona est, quae ciuitas et respublica vocatur, et magnus ille Leviathan, cui pacem et protectionem sub Deo immortali debemus omnem.

VIII. Ciuitas auctoritatem et tantarum virium vsum habet, vt terrere voluntates omnium ad pacem inter se et ad coniunctionem contra hostes conformare possit.

IX. Est

c) c. 16. p. 79.

u) c. 17. p. 83.



IX. Est itaque ciuitas persona vna, cuius actionum, homines magno numero, per pacta mutua vniuscuiusque cum vnoquoque fecerunt se auctores; eo fine, vt potentia omnium arbitrio suo ad pacem et communem defensionem vteretur.

X. Ciuitas oritur vel per institutionem vel per acquisitionem.

XI. Instituitur ciuitas, quando homines sponte sua conuenientes singuli cum singulis paciscuntur, vt unicuique homini vel coetui pars maior suffragiis suis personam omnium gerendi ius contribuit, illi omnes obediunt \*.

XII. Summa potestas propter malam reipublicae administrationem habenti tolli non potest.

XIII. Ab habente summam potestatem nemini conferentium fieri potest iniuria.

XIV. Non potest, qui summam habet potestatem a ciuibus occidi, aut quomodocunque iure puniri.

XV. Summae potestati adhaerent, quae ad conseruationem vel violationem pacis tendunt, decernere, et regulas praescribere, quibus, quid sit suum, vnusquisque sciat et fruatur sine molestia a conciuibus.

XVI. Sed et potestas iudicandi, iusque belli et pacis ineundae consiliarios eligendi, honores definiendi huc pertinet: ea enim omnia ad conseruationem ciuitatis pertinent.

XVII. Monarchia ciuitati conuenientior est, quam aristocratia et democratia, vel genera ciuitatum mixta \*.

XVIII. Ciuitas per acquisitionem est, vbi summa potestas acquisita est per vim, ita vt mortis vel vinculorum metu imperata facere vnus personae siue singuli siue pluralitate suffragiorum se obligauerint. Iura autem cum ciuitate per institutionem eadem sunt \*.

XIX. Est etiam dominii acquisitio per generationem, quod paternum dicitur; itemque per victoriam, quod in seruos acquiritur.

XX. Summa potestas, siue ea in vno homine, siue in vno coetu collocata est, tanta est, quantum facere possunt homines, nempe indefinita, licet incommoda sequantur. Conditio hominum enim in hac vita sine incommodis nunquam erit.

XXI. Possunt simul consistere metus, libertas et necessitas, quae vocatur naturae et caussarum. Est autem liber, qui ex iis, quae viribus et arte propria facere potest, quin faciat, quicquid vult, non impeditur \*.

XXII. Legibus autem circumscribitur in ciuitate libertas, nec ea ius vitae et necis impedit. Quod vbi in innocentem exercetur, agit quidem inique et in Deum peccat imperans, non vero iniuste agit.

XXIII. Manet vero libertas circa res illas omnes, quarum ius per pactum transferri vel abiici non potest, vel de quibus leges silent pro summae potestatis arbitrio.

B b 3

XXIV. Obli-

\*) c. 18. p. 86.

y) c. 19. p. 92.

z) c. 20. p. 98.

a) c. 21. p. 104.

XXIV. Obligatio quam ciues habent erga eum, qui summam habet potestatem, tamdiu nec diutius permanere intelligitur, quam manet potentia ciues protegend<sup>b</sup>.

XXV. Systema ciuitatis est numerus quicunque hominum in rem ipsorum communem congregantium: et vel systemata regularia sunt in quibus homo vel coetus vnus personam gerit omnium, vel irregularia. Illa vero vel absoluta sunt vel subordinata, tum politica corpora, tum priuata constituenta<sup>c</sup>.

XXVI. Minister publicus summae potestatis est, qui in rebus, quae ad ciuitatem pertinent, per auctoritatem summam habentis potestatem ciuitatis personam repraesentat.

XXVII. Lex ciuilis vnicuique ciui est regula, qua ciuitas verbo vel scripto vel alio quocunque voluntatis signo idoneo ad distinctionem boni et mali vti imperat. Hac imperans non tenetur<sup>d</sup>.

XXVIII. Consuetudo longa vim obtinet legis, a voluntate eius, qui summam habet potestatem, silentio eius significata.

XXIX. Leges ciuiles illis solis leges sunt, quibus fuere declaratae. Requiritur itaque promulgatio, leges autem naturae per dictamen rationis innotescunt.

XXX. Interpretatio legum naturae non a doctoribus et philosophis dependet, sed ab auctoritate ciuitatis. Non enim veritas sed auctoritas facit legem.

XXXI. Est itaque interpretatio legis naturalis recta sententia summae potestatis legem facto applicantis. Iudici autem incumbit, vt sententiam ferat ex sua ipsius conscientia et ratione naturali, peritiaque propria circa aequum et bonum.

XXXII. Crimina, quae sunt legis transgressionem oriuntur vel a vitio intellectus, quae est ignorantia, vel ab imperitia ratiocinandi, id est, errore, vel a vi passionis<sup>e</sup>.

XXXIII. Poena malum est, transgressori legis auctoritate publica inflictum, eo fine, vt terrore eius voluntates ciuium ad obedientiam conformentur<sup>f</sup>.

XXXIV. Lex publica vnicuique ciui pro conscientia habenda. Falsum itaque est; peccatum esse, quicquid faciat ciuis contra conscientiam.

XXXV. Summi imperantis officia dimetienda sunt ex fine, qui est salus populi<sup>g</sup>.

Potiora haec sunt, quibus ciuitatem instruendam esse monitis politicis credidit Hobbesius: haec ad Christianam ciuitatem eo fine applicat, vt doctri-

b) Hac imprimis assertionem suspectus factus esse videtur aulae, quod democraticorum partibus faueret. Eo enim tum redactus erat rex Angliae, vt ciues amplius protegere haud posset.

c) c. 22. p. 111.

d) c. 26. p. 129.

e) c. 27. p. 137.

f) c. 28. p. 146.

g) c. 30. p. 157.

doctrinam Christianam suis praeceptis non obstare demonstret, unde machinas admouet omnes, ut in partes suas flectat diuina oracula. Quae cum ad philosophiam non pertineant, recte a nobis omittuntur, et sacrae legis interpretibus ac vindicibus examinanda relinquuntur. Adscribemus modo iudicium PUFENDORFII<sup>b</sup>, ut cum delineatione iuris naturalis et ciuilibus Hobbesiani comparari queat. Is ita pronuntiat: *Id sane apparet, hoc praecipue agere Hobbesium, ut potestatem regiam aduersus turbulentos homines, qui tunc Angliam sub obtentu libertatis grauiter exercebant, assereret, simulque ius circa sacra summo imperio ciuili aduersus fanaticos vindicaret. Quod institutum uti in se quidem magnopere probandum est, modo isthoc ius legitimis terminis coërceatur: ita ferri plane non possunt hypotheses ipsius ita crude assumtae, et quae eidem superstruuntur dogmata quaedam a sana ratione abeuntia, et non exiguam labem rebus humanis inferre idonea. Ne de iis memorem, in quibus circa religionem Christianam a vero sensu diuinarum literarum diuersus abit; quibus destruendis operam impendere aliorum est. Neque tamen quisquam rerum intelligens inficias iuerit, inter multa mala reperiri quoque plurima exquisita bona, et quantiuis pretii: et illa ipsa, quae ab eo falsa traduntur, ansam praebuerunt, scientiam moralem et ciuilem ad fastigium perducendi, sic ut de non paucis, quae ad perfectionem istius faciunt, vix cogitare alicui in mentem venisset, absque Hobbesio si fuisset. Et ex his quidem sobrie ac sine praecudicio expensis iudicandum est, quem locum inter reformatores philosophiae et conditores eclecticae sapientiae Hobbesius obtineat?*

b) Erid. Scand. loc. cit.



CAPVT

## CAPVT SEPTIMVM. DE RENATO CARTESIO.

### §. I.

*Cartesianae  
historiae fon-  
tes unde pe-  
tendi?*



felicioribus auspiciis circa eadem tempora, quibus Hobbesius emendare philosophiam aggressus est, nouam viam tentauit RENATVS DES CARTES, vel quo Latino nomine plerisque innotuit, Cartesius \*. Cuius summi philosophi historia eo maiori cura colligi, et critico oculo eius philosophiae fata explorari merentur, quo longiora fata habuit, et ad nostra vsque tempora perdurauit, affeclas nacta viros magnos et acutissimos, quorum studio factum, vt cum maxime eclecticum se praestitisset Cartesius, eius tamen philosophia, auctore quidem suo non inuito, in sectam abiret, quae famam sibi splendidam comparauit. Inde euenit, vt plurimi fontes existerent, ex quibus et viri illius, et philosophiae ab eo vulgatae historia hauriri queat. Quorum haud contemnendam partem nominauit vir doctus GVIL. HENRICVS BECKHERVS; is enim erudito schediasmati: *Num Cartesius recte arbeits annumeretur?* breuem adiecit *Catalogum scriptorum, qui de Cartesio in eius vel vitae monumenta, vel doctrinam nouasque hypotheses inquirendo pluribus disseruerunt.* Nos instituti nostri memores eos hoc loco scriptores potissimum nominamus, quos lucem historiae Cartesiana accendere posse experientia docti nouimus, quosque consuli a Lectore volumus, vt ea illustrentur, quae breuiter et *ὡς ἐν συνόψει* de Cartesio eiusque philosophia dicere nos cogit instituti ratio. Integram autem Cartesianismi historiam a nemine hactenus in tanta huius sectae frequentia et celebritate conditam esse, eo magis miramur, quo magis Cartesianismus, cum a dogmatibus theologicis illi admixtis, tum a doctrinis physicis, quas magno studio ea schola excoluit, magnam recentissima aetate mutationem passus est, quam omnem hoc loco enarrare limites nobis positi non permittunt. Viros itaque doctos, qui hodie Cartesianam sapientiam adhuc amplectuntur, ad hanc orbi literato praestandam operam merito exhortamur, ea interim adducturi, sine quibus vniuersalis philosophiae historia manca est, et nobili parte sua destituta.

*Scriptores vi-  
tae Cartesii.*

§. II. Historiam Cartesii philosophantis, et placitorum quibus totum philosophiae vultum emendare mutareque, atque ornatus pingere conatus est, scire cupientem ante omnia ipsa Cartesii scripta adire oportet, ex quibus omnium optima notitia de rebus et *φιλοσοφούμενοις* eius hauriri potest. Vt enim epistolas celeberrimi philosophi taceamus, in quibus multa

a) Displicuit initio Latinum hoc nomen philosopho, quod gentilitium semper fuerit DES-

CARTES, conf. Obs. sel. Halens. Germ. Obs. XI. §. 13. p. 369. b) Regiomont. 1724. 4.

multa sunt, quae historiam eius tangunt, ipse, quod summum caput historiae Cartesianae est, in tractatu *de Methodo* enarrauit, quo pacto absolute scholasticae philosophiae, quam apud Iesuitas didicerat, curriculo, ad nouam philosophiam delatus sit. Quae autem inter Batauos noua eius philosophandi methodus fata habuerit, ipse in *Apologia aduersus Voëtium* prolixè descripsit. Cartesio fatis functo, cum magnos strepitus eius philosophia edidisset, passim viri eruditi in condenda philosophi famigeratissimi historia diligentiam exhibuerunt suam. Voluere hunc lapidem aggressus est IOANNES TEPELIUS, cui libellum *de Vita et Philosophia Cartesiana* debemus, in quo de Cartesio et occasione, qua ad innouandam philosophiam inuitatus est; de scriptis eius et principiis philosophicis, de adiunctis eius philosophiae, tum de propugnatoribus et oppugnatoribus eius, item de iudiciis virorum doctorum super secta Cartesiani suo modo differit, quae tamen affecta magis quam absoluta Cartesianismi historia dici debet, et pauca sunt, quae ad tantum aedificium extruendum ornandumque afferuntur. In eadem via currendum sibi esse statuit PETRVS BORELLVS, Castrensis, Galliarum regis archiater et philosophus haud obscurae famae, scriptis quoque clarus. Ille enim *Compendium vitae Cartesianae eiusque operum omnium catalogum, observationibus*, quas edidit, medicis adiecit, postea a Londinensibus et Francofurtensibus recusum, et ab HENNINGO WITTENIO *Memoriis clarissimorum philosophorum* insertum. In quo eleganter quidem paucis elogium Cartesii complexus est, at lineas magis historiae duxit, quam integram enarrauit. Tacemus eos, qui leuiori manu opera hac defuncti sunt DANIELEM LIPSTORPIUM<sup>b</sup>, GEORGIUM PASCHIVM<sup>i</sup>, IOANNEM CHRISTOPHORVM STVRMIVM<sup>k</sup>, quique vitam Cartesii operibus eius praefixerunt, vel narrationibus suis ex historia literaria petitis vitam Cartesii inferuerunt, inter quos elegantia se commendauit vir doctus B. NICERONIVS<sup>l</sup>. Nemo autem vel praeclare magis de Cartesii historia meruit, vel melioribus auxiliis instructus ad eam condendam accessit, quam HADRIANVS BAILLETVS, cuius egregia de historia eruditionis merita nemini ignota sunt. Is enim fusa Cartesii historiam delineauit, duobusque voluminibus Lutetiae<sup>m</sup> in publicum exire passus est. Tanta autem diligentia in hoc stadio cucurrit Bailletus, vt similem laborem philo-

c) Recte ideo eas commendat MORHOFFVS Polyhist. T. I. L. I. c. 24. §. 31. p. 295.

d) Norimbergae 1674. 12. vid. SAGITTARIVS Introd. in H. E. T. I. p. 905. MORHOF. l. c. T. II. p. III. STOLLIVS Hist. lit. P. II. c. I. §. 93. p. 408.

e) Vid. DORNIVS ad IONSIUM de Scr. Hist. phil. L. III. c. 31. §. 9. p. 180.

f) 1670.

g) Decad. IV. p. 580. seqq.

h) In Speciminibus philosophiae Cartesianae Lugd. Bat. 1653.

i) De Inuentis nov. antiquis c. 3. p. 143. seqq.

k) Diff. de Cartesio et Cartesianismo, quae extat Philosoph. eclecticae P. I. p. 139. seqq.

l) Memor. literar. T. XXXI. p. 274.

m) 1691. 4.

philosopho vlli esse praestitam non recordemur. Nec singularis attentionis et studii laude Bailletus priuandus est; qui non aliena scrinia expilauit, sed praeter aliorum relationes ipsa potissimum Cartesii scripta, et imprimis eius epistolas consuluit, loca in margine designauit, et non historiae modo Cartesii, sed philosophiae eius quoque, quamdiu is inter viuos superfuit, commentarios edidit. Vnde amplissimi annales eorum, quae Cartesio eiusque philosophiae per dimidium seculum XVII acciderunt, enati sunt. Qui si parcius Cartesium, nec in omnibus, laudasset, si a partis studio magis sibi temperauisset, si infensum in Gassendum, Cartesii aduersarium, animum deposuisset, si a digressionibus longioribus et parum ad rem facientibus abstinuisset, omne profecto punctum tulisset, nec censuram virorum doctorum fuisset passus, qui non omnes P. BAYLII<sup>o</sup> patientia gaudent, minima quaeque in hoc libro annotata cum delectatione perlegentis. Tacemus ea, quae in *Considerationibus super hac vita Cartesii*<sup>o</sup> anonymus quidam, quem BVHVSIVM Iesuitam esse volunt<sup>q</sup>, assumpta Academici persona in hac narratione reprehendit. Quemadmodum, si verum est, quod IO. CHRISTOPH. DORNIVS<sup>r</sup> tradit, librum hunc fuisse prohibitum, valde potentes aduersarios nactum esse Bailletum oportet. Ast falsum est, quod IDEM tradit, contra eandem biographiam prodiisse, *nouas memorias ad Cartesianismi historiam spectantes*. Eas enim satyram esse in Cartesium ab illustri HVETIO editam *huius Tomi Parte prima* iam narrauimus. Prudenter autem et cum commodo lectoris fecit Bailletus, quod molestam libri ingentis lectionem emendaturus, compendium eius ediderit<sup>s</sup>, in quo ea, quae momentum habent, adducta sunt omnia, seruatis tamen, prioris libri diuisionibus. Ad hanc ergo synopsis, quae Belgice quoque prodiit<sup>t</sup>, in sequentibus lectorem remittimus, qui hoc pacto prolixioris tractationis loca nullo negotio inueniet. Illustrabunt autem nonnulla obseruationes egregiae de Cartesio eiusque philosophia quas illustris LEIBNIZIVS literis consignauit ediditque CHRISTIANVS THOMASIVS<sup>u</sup>. Quae vero *Iter Cartesii circa mundum* mentitur satyra, et DANIELEM, Societatis Iesu theologum, virum elegantissimae eruditionis auctorem agnoscit, polemicum et satyricum, non historicum, scriptum est, euertendo systemati Cartesiano ingeniose excogitatum, licet nonnulla quoque tangat historica. Plures addere, eos imprimis, qui historiam philosophicam et ecclesiasticam seculi XVII enarrarunt, nec libet nec licet, nominabimus autem in sequentibus illos, ad quorum fidem prouocandum est.

## §. III.

n) Conf. Cl. JORDAN, Recueil de literaturre p. 17.

o) Lettr. CV. T. II. p. m. 373. coll. Marchand.

p) Reflexions d'un Academicien sur la vie de Mr. des Cartes, envoyées a un des ses amis en Hollande.

q) Vid. Mem. de Mr. Ancillon p. 288. Ibi quoque Baillet's vita exhibetur.

r) l. c. c. 37. p. 221.

s) Paris 1693. 12. qua editione utimur.

t) Interprete BROCKHOVSIO, Amst. 1700. 8.

u) Hist. sep. et stult. T. II. pl. 113. seqq. vnde repetit КОТКОЛТВС Vol. III, Epp. Leibnizii,

**§. III.** Editus est in lucem Cartesius ex generosa auitaque familia multis maiorum decoribus inter Turonenses illustri, patre Ioachimo des Cartes, Senatore supremæ curiæ Britanniae minoris<sup>n)</sup>, natus prid. Cal. Aprilis anno reparatae salutis cō Iō x c v i, apud Hagienfes<sup>y)</sup>. Falsum itaque est, quod BORELLVS<sup>z)</sup> habet, Cartesium vitales auras in vrbe, Castrum Eraldium<sup>a)</sup> dicta, haurire coepisse, quæ quatuor milliaribus ab isto loco distat. Accepit autem Perronii nomen a fundo quodam, cum fratrum trium minimus esset, vt a reliquis distingui posset. Occultauit studiose natalem Cartesius, quod olim Plotinum quoque fecisse suo loco notauimus, veritus ne velana astrologorum curiositas de suo quoque horoscopo sollicita cuiquam suorum ineptiendi occasionem praeberet<sup>1)</sup>. Haereditaria dispositione autem ex matre paulo post partum extincta valetudinem satis infirmam, maxime vero pectus valde debile nactus haud satis virium habere videbatur, vt studiis dicari posset. Ast tanta vis inerat animo, et innata quaedam sciendi curiositas, vt ingenium philosophicum intelligentibus portendere recte videretur. Teste enim biographo<sup>2)</sup>, sedulum se rerum omnium exploratorem praebebat tenellus puer, deque causis atque effectibus rerum omnium, quas sensibus percipiebat, ex patre diligenter quaerebat, insatiabili sciendi desiderio accensus, id quod parenti eius occasio fuit, eum philosophi sui nomine compellandi. Corporis imbecillitas autem in causa fuit, vt de formando ingenio paulo secius parens cogitaret, contentus sanitatem eius confirmauisse. At ostendit puer inter crepundia eam ingenii elegantiam, totque animi supra modum aucti specimina, vt intelligi omnes possent, quam laeti amplique fructus ex hoc agro foecundo essent sperandi. Eum igitur prouide et ludendo magis quam serio instigando colere et prima doctrinae semina inspergere prudens constituit, licet hoc pacto parum proficeretur. Annos autem octo natus ad Iesuitas Flexienses missus, eorumque disciplinae, maxime autem curae Carleti, qui cognatione eum attingebat, traditus est. Qui cum adolescentem Cartesium amore valde esset complexus, in id omnem curam conuertit, vt et corpore et animo pulcherrime formaretur; commendauitque eum Dineto, viro doctissimo ex eodem sodalitie, vt eius studiis totus praeesset. Quos praeceptores Cartesii, ingenii eius elegantia et animi bonitate captos adeo eius amore exarsisse ait Bailletus, vt amicitia inde enata fuerit dulcissima, vsque ad mortem literarum quoque commercio culta et conseruata. Id quod fidei eius relinquimus, non negamus tamen suspectam nobis hac in parte eam esse: epistola Cartesii enim, quam ad Dinetum iam tum prouincialis axiomate vestitum scripsit<sup>3)</sup>, ab ista arctioris amicitiae<sup>4)</sup> significatione abhorret et frigus aliquod Cartesii indignantis societati ipsique Dineto satis arguit. Valde in eo

C c 2

stadio

n) BAILLET. L. I. c. I.  
 y) la Haye en Touraine  
 z) loc. cit.  
 a) Chatelheraut.

b) BAILLET. l. c. c. 2. p. 3.  
 c) c. 4. p. 5.  
 d) Opp. philos. T. I. p. 288.



stadio emetiendo eminuit praecocis adolescentis diligentia et ingenii felicitas, quam ardor discendi inexplibilis fulciebat. Alebat enim indolem facilem, et ad praeceptorum voluntatem atque consilia magna animi alacritate se formantem, aemulatione vero accensus ad id modo animo respiciebat, ut doctrinae progressu alios vinceret. Ita vero cum et alte meditaretur et perspicue cogitaret, non potuit non profectus sentire longe iucundissimos: quos tamen impendebat spes, si non elusa, saltem retardata et imminuta feruidi adolescentis, qui maiora se in florentissimo illo gymnasio apprehensurum esse sibi promiserat, quam reuera euenit. Dabimus ipsius Cartesii verba, eo quod rem mire illustrent, et attentionem mereantur: *Simul ac studiorum curriculum absolui, quo decurso mos est in eruditorum numerum cooptari, plane aliud coepi cogitare. Tot enim me dubiis totque erroribus implicatum esse animaduerti, ut omnes discendi conatus nihil aliud profuisse mihi iudicaret, quam quod ignorantiam meam magis magisque detexissem: Attamen tunc degebam in una ex celeberrimis totius Europae scholis, in qua scibi in vniuerso terrarum orbe doctos viros esse debere cogitabam. Omnibus iis quibus alii ibidem imbuebantur, utcunque tinctus eram. Nec contentus scientiis quas docebamur, libros de quibuslibet aliis, magis curiosis atque a vulgo remotis tractantes, quotquot in manus meas inciderant, euoluēbam. Aliorum etiam de me iudicia audiebam, nec videbam me quoquam condiscipulorum inferiorem aestimari, quamuis iam ex eorum numero nonnulli ad praeceptorum loca implenda destinarentur. Ac denique hoc seculum non minus floridum et bonorum ingeniorum ferax quam ullum praecedentium esse arbitrabar. Quae omnia mihi audaciam dabant de aliis ex me iudicandi et credendi nullam in mundo scientiam dari illi parem, cuius spes facta mihi erat. Quamuis autem haec mature obseruauisset, quinquennium tamen, et quod excurrerat, in isto stadio absolueno ita consumsit, ut humaniorum literarum culturam, quam necessariam sibi fore non ignorabat, initio excoleret, et linguarum notitiam, sine quibus veterum scripta intelligi non posse nouerat, acquireret, maxime autem ad fabulas animum adiiceret, totamque mythologiam animo complecti statueret, eo quod ingenium quodammodo expolire et excitare putabat; historiam vero attente perlustrare inciperet, cuius casus memorabiles animum ad suscipiendas res magnas impellere, et cum prudentia lectam non parum ad iudicium formandum conferre recte iudicabat. Sed et eloquentiae vires meditatus et poeseos dulcedinem contemplatus, vtramque cura et industria sua non indignam existimabat, et hoc pacto per vniuersum humanitatis, quam vocant, campum, impiger coepit decurrere. Ait quoque f: *Lectionem bonorum librorum se non neglexisse, ratum, eam eodem fere modo nobis prodesse, ac si familiari colloquio praestantissimorum totius antiquitatis ingeniorum, quorum illi monumenta sunt, uteremur,**

e) Dis. de methodo.

f) loc. cit.

*mur, et quidem colloquio ita praemeditato, ut non nisi optimas et selectissimas quasque ex suis cogitationibus nobis declarent. Quod ubi narrat BAILLETVS <sup>g</sup>, et hoc pacto illis succurrere vult, qui contemptos neglectosque libros Cartesio obiecerunt, non recordatus est encomiastes, quod in sequentibus narrat, philosophum, cum ab amico rogaretur, ut bibliothecam ipsi suam monstraret, aperto conclavi vitulum cultro anatomico dissectum monstrauisse, et hanc suam bibliothecam esse, dixisse. Voluisse enim Cartesium videri *αυτοδιδαντον*, quique nihil ab aliis acceperisset, aut hac ipsa confessione sua plagii fuisse insinuatum, in sequentibus dicemus. His autem, quae ingenii elegantiam acuunt, disciplinis non contentus ad seueriores quoque scientias animum adiecit, et praemissis artibus mathematicis <sup>h</sup>, quibus ob certitudinem et euidentiali rationum potissimum delectabatur, sed nondum praecipuum earum usum intelligebat, existimans ad artes tantum mechanicas earum usum referendum; ad philosophiam se conuertit; eo quidem animo, ut, cum sciret illam a praestantissimis omnium seculorum ingeniis fuisse excultam, et nihil tamen in ea reperiri, de quo non in utramque partem disputetur, Hoc est, quod non sit dubium et incertum; non tantum ingenio suo confideret, ut aliquid in ea melius a se, quam a ceteris inueniri posse speraret. In quo potest intelligi, animo eum curioso magis et exploratore ad philosophiam accessisse, quam discendi studioso. Nactus autem a praceptoribus veniam ordinariis lectionibus se eximendi, omne tempus ad rimandos philosophorum reliquarumque scientiarum libros retulit, et imprimis ad rationalem et moralem philosophiam animum applicuit. Nulla autem in re desiderium omnia accurate pernoscenti expleri non sine moerore intellexit. Ipse narrat <sup>i</sup>: *Se veterum ethicorum moralia scripta palatiis superbis admodum atque magnificis sed arenae tantum aut coeno inaedificatis comparauisse, eo quod virtutes quidem in coelum laudibus extollant, easque ceteris omnibus rebus longe anteponendas esse recte contendant: sed non satis explicent, quidnam pro virtute sit habendum, et saepe, quod tam illustri nomine dignentur, immanitas potius et durities, vel superbia, vel desperatio, vel parricidium dici debeat. Idem sibi in rationali philosophia euenisse, conqueritur: logicam enim, cui cum analysi geometrica atque algebra studuerat, quod nonnihil ad suum institutum facere posse viderentur, diligentius examinando, animaduertisse se, ait, syllogismorum formas aliaque fere omnia eius praecepta non tam prodesse ad ea, quae ignoramus, inuestiganda, quam ad ea, quae iam scimus, aliis exponenda, vel etiam, ut ars Lullii, ad copiose et sine iudicio de iis, quae nescimus, garriendum. Et quamuis multa quidem habeat verissima et optima, tam multis tamen aliis, vel superuacuis vel interdum etiam noxiis, adiuncta esse, ut illa dignoscere et separare non minus saepe difficile sit, quam Dianam aliquam aut Mineruam ex rudi marmore excitare. Quae consideratio effecit**

C c 3

<sup>g</sup>) c. 4. p. 9.<sup>h</sup>) CARTES, loc. cit.<sup>i</sup>) loc. cit. p. 8. 9.

fecit, ut communi ratiocinandi methodo relicta de noua cogitaret, et paucis regulis, quas legis instar sibi obseruandas praescribebat, cuncta complecteretur; ad quas geometrarum modum ratiocinandi seuerum sibi viam parauisse ait. De qua noua Cartesii methodo cum infra pluribus dicendum sit, hoc loco nihil adiicimus. Illud autem historiae causa addendum, quod porro tradit Cartesius, pauca illa praecepta quae selegerat, accurate obseruando tantam se facilitatem acquisiuisse ad difficultates omnes extricandas, ut intra duos aut tres menses, quos illi studio impenderit, non modo multas quaestiones inuenerit, quas antea difficilimas iudicauerit, sed etiam tandem eo peruenerit, ut circa illas ipsas, quas ignorabat, putaret se posse determinare, quibus viis et quousque ab humano ingenio solui possent. Simili fere modo in morali philosophia versatus est; et quaedam sibi in ea axiomata generalia descripsit, quae infra enarrabimus. Sed has eum emendationes postea concepisce, cum iam tritam viam reliquisset, inde colligimus, quod ipse narret, se quam primum sibi licuit per aetatem praeceptorum custodia exire, literarum studio prorsus reliquisse, id non facturum, si iam tum nouam viam, eamque securiorem fuisset ingressus. Totum enim se tum cum Scepticismo fuisse conflictatum, hancque animi incertitudinem philosophiae primae studium auxisse fatetur, in qua nihil valde solidum et firmum tam instabilibus fundamentis superstruere se posse, peruidebat: et nec lucri causa, nec gloria eas philosophiae scholasticae partes sibi excolendas esse prudens statuebat. Qua de re omnem eam narrationem expendi velimus, quam in dissertatione *de Methodo* instituit, quae longior est, quam ut huc transcribi possit. Interim cum mathematicas artes ob certitudinem deperiret, analysi veterum et algebrae recentiorum operam dedit, vtramque autem parum firmam esse, et quod ingenio solido faceret satis, non exhibere, videbat, eo quod tantum ad speculationes quasdam, quae nullius usus esse videbantur, se extenderet, ac praeterea analysis circa figurarum considerationem tam assidue versaretur, ut dum ingenium acuat et exerceat, imaginandi facultatem defatiget et laedat; algebra vero, ut solet doceri, certis regulis et numerandi formulis ita sit contenta, ut videatur potius ars quaedam confusa, cuius usu ingenium quodammodo turbetur et obscuretur, quam scientia qua excolatur, et perspicacius reddatur. Concedenda autem haec Cartesio laus est, quod defectus huius arithmeticae philosophicae perspicendo ingenii excellentissimi acumine non meliorem tantum viam inuenerit, sed in ea quoque longissime progressus sit. Id quod tamen postea demum euenit, unde nimius est Bailletus, qui collegio Flexiensi hanc gloriam vindicat, quod maximum, quem vnquam orbi concessit, mathematicum produxerit. In ista enim disciplina scholastica, plurimum se fuisse meditaturn, et imprimis id lecto diutius affixum, collectis viribus quas resuscitauerat noctis quies, fecisse, non, negat quidem,

B) CARTES. loc. cit. p. 5.

dem, aut addit simul, parum sibi omnem quam hactenus corraferat, doctrinam satis quod est, fecisse, quamvis praeceptorum fidem et industriam gratus agnosceret.

§. IV. Absoluto, aestate anni c1o loc xii, scholasticae disciplinae curriculo, collegio Flexiensis, in quo supra octennium haeserat, valedixit, et ad parentem rediit. Quamvis autem invidendis elogiis praeceptores eius profectus, quos in disciplinis sibi acquisiverat, commendassent, ipse tamen sibi totus displicuit. Omnem enim studiorum suorum utilitatem hunc modo esse credebatur, quod intelligeret amplissime, se nihil certi solidique adhuc scire. Cuius ratio est, quod eas tantum viro erudito scientias quaerendas esse statuebat, quae ad perspicuam utilemque humanae societati cognitionem perducunt. Itaque literarum studia prorsus relinquere statuit, capto consilio, nullam in posterum inuestigandi scientiam, nisi quam vel in se ipso, vel in vasto mundi volumine posset reperire. Quod consilium obfirmato animo exsecutus libris quoque valedixit, eo quod viam illam, quam quaerebat, ut animo faceret satis, inuenire se in illis posse desperaret. Quod non factum esse ex contemptu literarum librorumque ait BAILLETUS, sed eo tantum nomine, quod nihil ad eam scientiam conferre posse crederet, quam iam tum animo sibi praefixerat: idque dixisse ad amicos, etiamsi pater ipsum studii non addidisset, nec disciplinae curriculum unquam absolovere iussisset, ea tamen se in vernacula scripturum fuisse, quae Latino sermone postea edidderet. Quo quidem pacto Bailletus frigidam suffundit glorianti Cartesio, nihil se debere libris, nihil aliis; aut hoc ipso plagii se suspectum reddidisse ex infra dicendis clarissime patebit. Abiectis vero studiorum partibus, exercitationes corporis, arma, equosque tractando, similiaque, quae nobilitas generis ei suadebat, secutus, hisque confirmatus a parente Lutetiam missus est, ut ex moribus hominum ingenium formaret, vitaeque rationes addiceret. Aut cum filii ingenium acutum et a prudentia non alienum pater nosset, ducem ei non addidit, iuvenemque sine gubernatore huic pelago commisit, vix annos septendecim natum. Sibi ergo relictus Cartesius ab intemperantiae quidem vitio, gloriae forte stimulo actus, animum arcuit, aut sodalitia tamen, conuiuia, ambulationes, ludos atque, quibus a severiori disciplina auocari solent iuuenum animi, sectari coepit; quo, dubium non est, quin prioris industriae fructus omnis intercidisset, nisi occasione captasset, viris grauibz doctisque innotescendi, quorum consuetudine tandem ex hoc somno iterum resuscitatus est. Inter quos fuit Claudius Mydorgius, vir illustris, qui post Vietam summus inter Gallos mathematicos habitus est, et tanta amicitiae fide Cartesio addictus postea vixit, ut non nisi morte dirimeretur. Et tum quoque Marino Mersenno iterum amico usus est, cui in gymnasio Flexiensis primo innotuerat. Qui cum

*Vita iuueni-  
lis Cartesii.*

h) Ibid.

m) cap. 7. pag. 19.

cum Minimorum ordini adscriptus esset, tempusque in excolendis philosophiae mysteriis consumeret, Cartesium sua conuersatione a ludendi intemperie, quae vehementer eum ceperat, retraxit, et ad philosophiam reuocauit. Repetito itaque tum philosophico tum mathematico itinere, pristinam mentem reuocauit Cartesius, et ad eam, quam dudum sibi praefixerat, metam noua contentione currere coepit. Cumque anno sequente Merfennus philosophiam apud Niuernenses docere iussus ipsi eriperetur, societati hominum se subtrahere, studiisque totum se immergere statuit, secessum autem in suburbio S. Germani in domo quadam a tumultu hominum remota quaerens, ad matheleos culturam ita diligentiam suam transtulit, vt sodalium conuersationem cautus euitaret, omnem prouidentiam adhibendo, ne detegeretur, et sic biennio lateret. Quamuis autem ab amicis tandem anno cLo c xvi fuisset deprehensus et ad pristinas voluptates retractus, nullo tamen modo earum vinculis irretiri eum passum est summum, quod philosophiae et mathefi statuebat, pretium studiumque.

*Militia Cartesii.*

§. V. Resumfit ergo Cartesius consilium illud, quod dudum conceperat, ex vasto mundi volumine discedi sapientiam, cumque frater natu maior patrias terras teneret, militiam eligere et castra sequi statuit. Ideo profectus ad Batauos, inter copias Mauritiū voluntarius miles conscriptus est; non quod tropaea et magnam armorum gloriam quaereret, licet hoc vitae genus valde illi commendaret aetatis feruentis et decorum militarium appetentis conditio: sed quod ita commodissimam nancisci se posse occasionem putaret, ea spectandi contemplandique, quae in magno vitae humanae theatro innumeris vicissitudinibus geruntur. Stipendium ideo accepit nullum, idque semel tantum sibi solum seruauit, vt haberet militiae suae rite peractae testimonium. Non enim studiorum amorem abiecerat, nec instituto suo philosophiam artesque mathematicas sua industria emendandi renunciauerat, sed vbi posset, illud gnauiter vrgere pergebat. Itaque cum inter milites praefidarios Bredae esset, occasione problematis alicuius geometrici, quod nonnemo publice affixerat, Isaaco Becmanno, scholae Dordracenae Lectori innotuit, et solutionem illius problematis cum eo communicauit. Qui cum ipse quoque geometriae mysteriis delectaretur, cum eo amicitiam Cartesius iniit, luminibusque suis illius scientiam adauxit, qui tamen neglecto postea Cartesio, eius vitulo arare non erubuit. Eo quoque in secessu tractatum de *Musica* conscripsit, sermone Latino, in quo facilitate scribendi gaudebat: quem maluisset scriniorum suorum carceribus premere, nec amicorum precibus sibi extorqueri passus est, eo quod non satis perfectum esse iudicabat: factum autem, vt, quod tradit Bailletus, nobis autem verisimile non videtur, aduersariorum eius male illi hoc pacto volentium, consilio et

b) BAILLET c. 9. p. 24.

c) Lib. III. c. 6. p. 88.

et opera ederetur, isque fortuna satis ampla vteretur, aliquoties recusatus, et in alias linguas quoque translatus. Non tamen mathematicae disciplinae totum se eo tempore tradidit, sed philosophiam quoque excolere perrexit, et varias de argumentis philosophicis dissertationes viginti annorum iuuenis conscripsit. In quibus eum iam tum rationibus probauisse ait BAILLETVS<sup>p)</sup>, esse bestias machinas et automata. Praeuiisse Cartesio in ea opinione et S. Augustinum, et Gomefium Pereiram, medicum Hispanum, dudum viris doctis obseruatum est<sup>q)</sup>: hos autem Cartesium non legisse affirmat BAILLETVS<sup>r)</sup>, de qua re consulenda sunt, quae differat P. BAYLE<sup>s)</sup>, qui recte obseruat, potuisse ex notione animae, quam sibi Cartesius conceperat, per se istum dogma fluere.

§. VI. Varias vitae humanae scenas intueri in exercitu Batàuico cupiebat Cartesius, quem spes tamen fefellit, cum parum noui, et mutationes fere nullae eo loco suppeditarentur. Inuitabant autem eum in Germaniam magni motus, quos annus clō Io c x i x portendebat. Nam et imperatoris solium vacabat et tumultus Bohemici, bellumque imminens innumeras de humanis rebus obseruationes pollicebatur. Dimissus igitur Francofurtum media aestate aduolauit, vt solenni imperatoris electioni et coronationi adesset<sup>t)</sup>. Quibus persolutis voluntaria iterum militia nomen Bauaricis copiis addixit, vt hoc pacto in magno illo, quod ferale bellum aperiebat, theatro rerum humanarum vicissitudines notare posset. Hiemem Neoburgi ad Danubium transegit: quo loco cum conuersatione cum philosophis careret, solitudine ista ad quandam animi corporisque quietem perductus totum se meditationi permisit. Quamquam autem innouare omnia tunc quidem nondum audebat, subibat tamen animi eius cogitatio, non illis eruditis operibus, quae diuersis viris consummatae eruditionis debentur, eam inesse perfectionem, quae in illis deprehendatur, quae vnum tantummodo auctorem agnoscunt. Nempe tot diuersis auctorum variorum opinionibus inualefcentibus, impossibile esse, vt qui diuersa sapiant, ad eundem omnes scopum collineent. Ex quo postea concludebat, deponenda esse auctoritatis, sectae et systematis praeiudicia, quibus fiat, vt connata ratiocinandi facultas misere corrumpatur. Quamuis autem omnia doctrinae aedificia, quae veteres construxerant, euertere erubesceret, licere tamen sibi credidit in animo suo omne systematis veteris praeiudicium conuellere, et in suo fundo nouum aedificare, ac in se illa tentare, quae cognitionem suam iuuare apta essent. Omnes itaque, quibus hactenus mentem occupatam tenuerat, opiniones semel eiecit, vt, vel nouas surrogare posset, vel veteres ex nouis fundamentis resuscitaret. Quod, licet haud exiguas difficultates ostenderet,

ratus

p) c. II. p. 29.

q) BAYLE Nouvelles de la rep. des lettres 1684. Mars p. 22.

r) loc. cit.

s) Dict. T. III. art. Pereira, not. D. p. 652.

t) BAILLET L. II. c. I. p. 32. seqq.

ratus tamen facilius fieri, si sibi nonnulla emendaret, quam si publicam reformationem suscepisset, sibi hoc pacto soli sapere constituit. Rem ergo aggressus eiicere vetera praeiudicia ex animo moliri coepit. Quem laborem quum facillimum fore sibi persuasisset, difficillimum inuenit, quamuis diu iam in has partes propendisset: magna enim lucta se ipsum quasi superare ab isto consilio coactus est. Et cum hunc in modum se ipsum quasi exuisset, et nudus modo veritatis amor superesset, misere tamen curis distractus est, quibus potissimum mediis ad scopum hunc esset perueniendum. Quae tandem ita cerebrum exhauferunt, ut cum animi ad alia diuertentis recreatio haud adesset, tandem enthusiasmum aliquem pateretur, quo ita affecta mens fuit, ut tandem diuina sibi contingere somnia viderentur; quibus regiam illam, quam quaerebat viam, ad scientiam veram solidamque sibi patefactam esse tum persuadebat. Cum tamen ad se rediisset, nec quid sibi statuendum esset, sciret, ad Deum recurrit, et, ut sine aenigmate, suam ipsi voluntatem designaret, rogauit, concepto quoque ad Deiparam voto, peregrinationis, ad Lauretanam domunculam suscipiendae, si intercessione sua ipse conamina adiuuasset. Cuius voti complementum post annos demum aliquot diua Virgo accepit a Cartesio. Sed et alia erant, quae mire eius animum veritatis inueniendae auidum discruciabant. Nempe cum per integram hyemem colloquiis virorum doctorum atque prudentium careret, quoscumque de rebus literariis, superficialia opera differentes audire poterat, admisit. Inter quos cum nonnulli essent, qui de recens detecto fratrum roseae crucis sodalitis multa narrarent, idque magnis elogiorum cumulis ornarent, iactantes in arcana veritatis via eos supra humani ingenii modulum fuisse progressos, abiectaque antiqua philosophorum via, nouam eos scientiam veramque philosophiam, hactenus latentem detexisse, dicere autem satis non possent, quantis animorum motibus res ista in Germania agigaretur, ad intelligendam ex vero rem omnem vehementer animo accensus est, ut vel ab impostura homines liberaret, vel si noui quicquam isti sodales attulissent, in inquirendae veritatis studio ab iis adiuuaretur. Aliquos ergo detegere, et ubicunque liceret, in illos inquirere constituit. Frustraneus tamen omnis ille Cartesii labor fuit, cum ne vnum quidem offenderet, quem ex isto sodalitis reuera esse credere tuto liceret: et rem omnem acu tetigisset, pro fabula et figmento totam illam fraternitatis famam reputando, nisi tot pro illa conscripti libri apologetici aliud ipsi persuasissent. Hos vero omnes legebat, cum ut rei summam intelligeret, tum ut suis oculis de iactatis inuentionibus cognosceret: quo modo factum, ut, quam de his fratribus conceperat, opinio concideret; cum interim longiorem apud Germanos moram faciens ipse sodalitis huic inuisibili nomen dedisse ab amicis in Gallia crederetur. Nec dubium est, si ea repellantur, quae superiori huius tomi parte de hac fraternitate attulimus, quin



quin agnouerit postea Cartesius, se mire deceptum fuisse, et haec causa fuisse videtur, cur in patriam redux totam fabulam ignorare videri voluerit. Nam, si verum fatendum, in hoc secessu Bauarico eam animi prudentiam, et ab omni praeiudicio liberatam providentiam, quam prae se semper tulit, haud probauit Cartesius, videturque ad philosophorum auxilia tum confugisse, cum de aliis desperauisset; hi enim eiusmodi enthusiasmum commendare solent, ut suo loco dictum. Quod occasionem praebuit H V E T I O \* et D A N I E L I †, amare Cartesium in hisce ineptientem ridendi. Ille vero, cum spe sua excidisset, fore ut aliquem inueniret, qui ingrediendam ipsi viam demonstraret, in priorem animi labyrinthum relapsus est. Reliquum hyemis igitur in exuendis educationis et adolescentiae praeiudiciis consumpsit, animum tamen spernque perueniendi tandem ad metam non deposuit. Solutis hibernis cum in Sueuiam mouerentur copiae Bauaricae, Cartesius ex solitudine ereptus Vlmam delatus est, quo loco legati Gallici conuenerant, de rebus imperii disceptaturi. Ibi quoscunque viros eruditos esse audiebat, et imprimis philosophiae atque artium mathematicarum peritos, adiit, eorumque conuersatione delectatus haud vulgaribus speciminibus, philosophum sub habitu militis latere, demonstrauit. Vixit eo tempore Vlmæ magna doctrinae mathematicae fama insignis Ioannes Faulhaber, vir, teste L E I B N I Z I O ‡ in numerorum doctrina imprimis versatus. Cum eo igitur congredi saepius, et de rationibus arithmeticis atque geometricis conferre multoties coepit, nonnullaque noua detexit. Circa auctumni initia, cum legatos Galliae Vienne sequi constituisset, cum copiis Bauaricis in Bohemiam mouentibus illuc se transtulit, et praelio prope Pragam, quod victoriam imperatoris et confoederatorum exercitus decreuit, interfuit, interque triumphantes urbem ingressus est. Tum in hyberna cum reliquis copiis traductus, pristinam curam recoxit, incertus, quae potissimum via esset eligenda, et cui se vitae generi deberet destinare. Quamquam autem inimicos esse Musarum meditationibus armorum strepitus experientia edoctus nouerat, curiositas tamen animi studiumque videndi terras alio sub sole calentes ei persuasit, ut relictis Bauaricis ad caesareanas copias se conferret, quae ex Bohemia in Hungariam traducebantur. Ibi obsidioni Posoniensi, Tirnauienſi, aliarumque urbium interfuit, et si biographo fides est, militis partes rite expleuit. Cum autem post obsidionem Neoselii frustra tentatam amissumque ducem, non ex voto succedere omnia videret, propositum castra sequendi dimisit, exercitumque reliquit.

§. VII. Non tamen patriae reuiscendae desiderio detentus est Cartesius, cum et bellici tumultus et pestis Lutetiam vastans intutum iter minarentur, sed pristinum consilium perluſtrandi orbis exsecuturus, adperluſtran-

D d 2

\* Memoires pour le Cartesienisme p. 62. seqq.  
 y) In Itinere Cartesii per mundum P. I. p. 14. sq.

z) Loco supra cit. p. 113.

lustrandas boreales regiones, quas nondum viderat, se accinxit: non alio tamen animo, quam quem hactenus seruauerat, ut scilicet, ex conuersatione, ea disceret, quae in libris non reperiebat, cum iam satis bellicam orbis faciem cognouisset. Respexit itaque ad res naturales, climata, ciuiles consuetudines, mores et inclinationes, et, quod ipse scribit <sup>a</sup>, vrbes aulasque exterorum principum inuisendo, cum hominibus diuerforum morum et ordinis conuersando, varia hinc inde experimenta colligendo, et se ipsum in diuersis fortunae casibus probando sic ad omnia, quae in vita occurrebant, attendit, ut nihil, ex quo eruditior fieri posset, sibi videretur deesse. Quippe multo plus veritatis inueniri arbitrabatur in iis rationibus, quibus singuli homines ad sua negotia vtuntur, et quorum malo successu paulo post puniri solent, quam non recte iudicarunt, quam in iis, quas doctor aliquis otiosus in museo sedens excogitauit circa entia rationis, aut similia, quae ad vsum vitae nihil iuuant, et ex quibus nihil aliud expectat, nisi forte, quod tanto plus inanis gloriae sit habiturus, quo illae a veritate sensuque communi erunt remotiores, quia nempe tanto plus ingenii atque industriae ad eas verisimiles reddendas debuerit impendere. Itaque cum scientiam verum a falso dignoscendi summo studio quaereret, ut rectum iter vitae clarius videret, et maiori cum securitate prosequeretur, ex Hungaria in Morauiam ascendit, et per Silesiam et Poloniae limites, Pomeraniam et maris Baltici litora, Marchiam Brandeburgicam, ducatumque Holsatiae in Frisiam orientalem traiecit, et tum occidentalem quoque adiit, periculum vitae vix euadens, cum remigum insidias incurrisset. Ex Frisia ad Batauos transfretauit, ac Belgium quoque Hispanicum inuisit, et vbique perlustratis vrbibus celebrioribus, domum tandem redire constituit. Licet autem haud parum laboris et molestiarum in eo itinere deuorauisset, nec exiguos fecisset sumtus, fassus tamen est <sup>b</sup>, *suo se sine frustratum atque spe egregie falsum esse, seque vix quicquam certi didicisse, quamdiu sic tantum aliorum hominum mores considerauisset: tot enim se in iis propemodum diuersitates animaduertisse, quot antea in opinionibus philosophorum: atque hunc tantum fere fructum ex iis percepisse, quod cum notaret multa esse, quae licet moribus nostris plane insolentia et ridicula videantur, communi tamen assensu apud quasdam gentes comprobentur, didicisse se quoque, nihil nimis obstinate esse credendum, quod solum exemplum vel consuetudo persuaferit; et ita sensim multis se erroribus liberauisset, mentemque veris rationibus aptiorem reddidisset.*

Reditus Cartesii in patriam.

§. VIII. Reuersus est in patriam Cartesius anno cło lcc xxxii, parentemque saluum medio mense Martio apud Redones inuenit <sup>c</sup>. Tum facultatum a matre relictarum portionem sibi debitam ab eo accepit, et ad Pictones abiit, ut eas occuparet, venditurus eas, et munus aliquod sibi comparaturus. Sed obstabant fata, quae hoc pacto de vitae genere illi prospicere pertinaciter recusabant. Repetitis paternis laribus, cum nimis

otiosus

a) De Methodo p. 5.

b) loc. cit.

c) BAILLET, L. II. c. 5, p. 50. seqq.

otiosus sibi videretur, anni sequentis vere Lutetiam profectus est, quae tum vrbs ob magnas Germaniae mutationes tumultu et colloquiis de rerum futurarum serie replebatur. Totus autem obstupuit Cartesius cum audiret, famam publicam ferri, ipsum albo fraternitatis roseae crucis nomen adscripsisse; rumor enim eodem tempore per urbem exierat, caput sodalitii horum philosophorum inuisibilium (ita enim Parisienses eos vocabant, quod nemo eos posset detegere) legatos triginta sex per omnem Europam dispersos emisisse, horumque sex Lutetiam venisse; hos ergo Cartesium detexisse, his se tradidisse sermo publicus tradebat. Id quod male habuit Cartesium, qui iam meliora edoctus probe sciebat, fabulam hanc nihil veri fincerique alere. Vt vero ineptam opinionem ex animis hominum euelleret, frequentiae hominum interesse studuit, ut se inuisibilem philosophum non esse omnes intelligerent. Quo pacto aegritudine Mersegni quoque medelam attulit, qui, cum istam de Cartesio famam percipisset, moleste tulerat, amicum suum fanatico hominum gregi, quem reuera existere ex Fluddi apologia suspicabatur, nomen imprudenter dedisse. Hinc amari illi ioci enati sunt HVERTIO<sup>d</sup>, qui non Cartesium modo, sed Mersemmum quoque false traducit, quod his ineptiis fidem aliquando dederint. Quanquam autem in tanta hominum, quos Lutetia alit, frequentia crebriores occupationes Cartesio enascebantur, ubi tamen ad se ipsum et otia sua rediit, pristina cura de vitae genere eligendo iterum distractus est; totus enim ardebat desiderio ea perficiendi, quorum causa tot molestias subiisset. Diu vero iam in ea versatus erat opinione, artes mathematicas, per se cultas, et ad alias disciplinas vsusque non traductas, exiguum usum praestare. Quo animo arithmeticae primo, et paulo post geometriae quoque studium velut inutile abiecit, ratus ineptum esse numeris et imaginibus cerebrum replere, quibus imaginatio pasci melius, quam intellectus, possit. Id quod mirum videri queat, cum ipsum fatentem supra audiuerimus, quanquam usum matheos nondum agnouisset, mire tamen eum cepisse certitudinem eius et euentiam, solidae doctrinae matrem. Sed, ut recte intelligatur, ad Cartesii scopum attendendum est, qui scientiam aliquam generalem inuestigabat, qua vniuersalia rerum omnium principia traderentur. Cum vero vulgarem algebram et geometriam nihil tale praestare videret, et in numeris atque figuris solum exiguo veritatis vsu versari intelligeret, mathesin quandam vniuersalem venabatur, quae vera, generalia et infallibilia relationum, mensurarum, et proportionum principia ab omni materia abstrahendo traderet. Ex hac enim scientia vniuersali, sperabat, tractum iri ad reliquas disciplinas, quicquid certitudinem et veritatem illis potest largiri. Et vidisse aliquid huius rei Cartesium omnino probabile est, teste enim, qui schedas eius msc. inspexit G. G. LEIBNIZIO<sup>e</sup> notauit in iis, anno cLo lccxx, die XI. Nou. se coepisse intelligere fundamentum inuenti mirabilis. Ast, quid illud sit,

Dd 3

ipse

<sup>d</sup>) loc. cit. p. 70.<sup>e</sup>) loc. cit.

ipse nusquam exposuit, nec hanc methodum vniuersalem publicauit, sed tantum de ea scribere eiusque specimina dare voluit. Vnde recte infert vir illustris, qui, quod Cartesius meditatus erat, feliciori ingenio detexit et perfecit, falli eos valde, qui his, quae edidit, nimis contenti sint, methodumque eius se habere arbitrentur. Nec plus eo tempore naturalis philosophiae, quam reliquis partibus, fauebat, commotus incertitudine observationum, quas fundamento tutiori inaedificatas exoptabat. Vnde ad bene viuendi scientiam omnem suam curam conuertendam esse statuit, et morali doctrinae animum addixit, breui tamen conuictus est, naturalem philosophiam morali vtilem praestare operam, ipsamque artem discernendi verum a falso ad dirigendas actiones suas omnino prodesse. Rediit itaque, reuocatus ad philosophiae studium, ad pristinam consuetudinem, res naturae attente considerandi, persuasus ea cogitatione, medium tutissimum videndi esse notitiam accuratam, quid simus nos ipsi, quid mundus, in quo viuimus, quis creator vniuersi, in quo habitamus? Nec frustra neam hanc suam diligentiam fuisse testatus est, fassus, lumina illa physica, quae nactus sit, plurimum sibi profuisse ad iacienda fundamenta moralis doctrinae certa et solida, facemque praetulisse illi certitudini, quam in aliis partibus, quae ad corporis sanitatem pertinent, frustra quaerimus. Quibus verbis ad eam doctrinae moralis partem respicere videtur, quam de passionibus, (ita enim affectus vocat, Graecos secutus) inscripsit, quamque physice magis quam ethice explicuisse, infra monebimus. Interim cum amicorum interpellationibus saepe Lutetiae in philosophando impediretur, anni cło lccxxiii, vere in Britanniam minorem abiit, et tum ad Pictones, vbi bona a matre haereditario iure ad se translata, consentiente parente, magnam partem vendidit, nomen tamen dynastae Perronii retinuit.

*Iter literarium Cartesii.*

§. IX. Ita facultatibus confarcinatis, cum argentum elocare apud Parisienses tuto haud posset, iter literarium suscipere statuit, Italiamque inuisere se velle parenti significauit, eo quod sciendi et viuendi copiam largiorem ex eo se referre posse sperabat <sup>f</sup>. Et Heluetiam quidem primo adiit, quo eum non tam philosophorum et mathematicorum colloquia traherant, quam animalium, aquarum, montium, mineralium, aliorumque huius generis, quae ferax terra naturae curiosis abunde suppeditat, consideratio: ipsorum virorum doctorum conuersationem ita quaesivit, vt ad actiones eorum non minus, quam ad sermones, esset attentus. Ab Heluetiis ad Rhaetos et ab his ad Tirolenses simili consilio progressus est, et tum Venetias adiit, Laureti autem vota dudum in Germania concepta B. Virgini soluit. Inde Urbem vidit, curiamque pontificis iubilaecam solennitatem anno cło lccxxv indicentis: qua occasione non memorabilia magis antiquitatis monumenta, bibliothecas, statuas, picturas, et quae alia artis opera illustris Roma ostentat peregrinis, considerare, quam in tanta, quae illuc confluebat, hominum frequentia, humani generis mores et chara-

f) De Methodo l. c.

g) BAILLET Lib. II. c. 8. p. 61. seq.

characteres discere studuit. Quos cum ex totius fere Europae nationibus ibi inuenisset, fructum satis amplum itineris sui se nactum esse ratus, rediit in patriam meditatus est. Quem cum in comitatu Iosephi Barberini cardinalis legati ad Galliarum regem, suscipere breviori per mare via potuisset, maluit terra proficisci, ut nobiles Italiae vrbes inuisere posset. Tum Florentiam adiit, qua in vrbe eum celeberrimum astronomum Galilaeum Galilaei conuenisse, et de rebus naturalibus et sideralibus sermones cum eo miscuisse plerique tradunt, negat autem BAILLETVS <sup>b</sup>, quem more suo sequitur NICERONIVS <sup>c</sup>, eo quod ipse Cartesius testatus sit, nunquam se hunc mathematicum vidisse, nec ullam cum eo consuetudinem habuisse. Quod utrum vnus Cartesii testimonio satis tuto negari queat, omnemque verisimilitudinem migret, philosophum naturalis philosophiae et cognoscendorum hominum ita avidum, Florentia non transiisse insalutato Galilaeo, cuius maxima tunc inter mathematicos fama erat, eos expendere iubemus, qui verum esse norunt, quod a tot viris doctis notatum est <sup>d</sup>, et ipsae quoque eius epistolae produnt, fuisse Cartesium immodicum contemptorem aliorum, et famae cupiditate ab artificiis non abstinentem, quae parum generosa videri possint. Florentia Taurinum aduolauit, ut exercitus Gallici Sabaudico iuncti fortitudinis testis esset, Alpiumque altitudinem examinaret. Tandem Lugduno Lutetiam reuersus, sedem ibi fixit, et philosophicam vitam procul a luxu et superbia, decoram tamen agere instituit, praecipue cum absque munere, spe sua delusus, sibi viuere Musisque suis decreuisset, ut eo melius ingenti illi, quod conceperat consilio, inquirendae veritatis, secundum methodum semel praescriptam electamque, velificare posset. Et vixisse quoque moribus plane philosophicis narrat BAILLETVS <sup>e</sup>. Liber enim ab affectuum intemperie, et immoderata ludendi cupiditate, quae eum adolescentem corruerat, temporis meliorem rationem habebat, et licet nulli haec doctrinae certae se addixisset, opiniones tamen moderatas et ab extremis maxime remotas sequebatur in viuendo, nec sua placita prudentiorum decretis praeponebat. Libertatem porro supra omnia faciebat, eamque ob causam actionum indifferentiae valde fauebat, cum nihil semper esse bonum, quod aliquando bonum fuit, crederet. In vita autem ad verisimilitudinem respiciebat, ubi veram opinionem detegere non poterat, et ubi semel aliquid statuisset, illi ita inhaerebat, ut poenitentiae postea locus cum animi molestia haud esset, sed haec bona sibi esse persuadebat, quae hoc nomine ratio deprehendebat; et hoc pacto cum tranquille viueret, neminem habebat, qui studia et consilia eius interpellaret. Quam viuendi imaginem mere Scepticam esse, et iisdem prorsus rationibus a Pyrrhonis schola commendatam magnopere immo exemplis quoque expressam ex historia Scepticismi veteris suo loco tradita est certissimum: quamuis Scepticum tunc fuisse

*Mora Cartesii Parisiensis.*

<sup>b</sup>) loc. cit. pag. 61.  
<sup>c</sup>) loc. cit. pag. 284.

<sup>d</sup>) LEIBNIZ. l. c. p. 117.  
<sup>e</sup>) p. 63.

Car-

Cartesium, nisi ad tempus, et vt certitudinem eo securius venari posset, nemo facile ex hac obseruatione collegerit. Triennium autem Lutetiae Cartesius haesit, amicos in ea mora nactus viros praestantissimos, et imprimis mathematicarum artium peritissimos, quorum tamen nemo Mersenni et Mydorgii amicitiam superabat. Et hoc quoque auctore polien-  
dorum vitrorum optidorum artificium didicit, quod plurimum illi in dioptrici perficiendis vsu postea praestitit. Quamquam autem in suburbio S. Germani sedem sibi fixerat et domicilium elegerat, vt ab inuisentium frequentia esset securior, amicos tamen assiduos penes se habuit: cumque paucos tamen esse videret, quibus manifestare *inueniuntur* sua et abstractas notiones posset, secessum iterum meditatus est, cum paucissimis amicis victurus: quod facilius statuebat, quam licebat exequi, cum valde in publicum exiisset fama Cartesii, et accurrerent viri docti certatim, preces quoque bibliopolae iungerent, vt lumina sua scripto consignata *cum* orbe philosophico et mathematico communicaret. Ita famae celeberrimae onere grauatus, omnibus se subduxit, et plerisque ignotus in extrema *urbis* parte vixit, totus meditationi philosophicae immerfus, donec tandem famuli indicio ab amicis detegeretur.

*Mulimina  
Cartesii phi-  
losophica Lu-  
tetiae.*

§. X. Ita vero tranquillitatis et silentii philosophici dulcedine orbat-  
us Cartesius, et prioribus tumultibus impeditus, ferre libertatem otii sui  
amissam non potuit. Quam vt repararet, relinquendam Parisiorum urbem  
ad tempus anno cld lccxxviii statuit, et ad obsidionem Rupellarum ac-  
currit, voluntariam ibi militiam ideo professus, vt rem omnem, quae in ce-  
lebri illa oppugnatione urbis, occurrebat, eo certius cognosceret. Lute-  
tiam reuersus in conuentu eruditorum, nouum quendam philosophum  
praesentibus viris summis in philosophiam scholasticam declamantem, no-  
uamque exponentem audiuit, et cum solus plaudere recusaret, sententiam  
de ea dixit, ac quod loco veritatis certae verisimiles tantum coniecturas  
attulisset, demonstrauit, exemplo suo comprobans, posse hominem inge-  
nio non destitutum facile rationibus probabilibus in vtramque partem dis-  
serere, nec aliam viam esse discernendi falsum a vero, praeter methodum  
illam naturalem, quam sequendam sibi in philosophando delegisset. Qua  
in re facile in sententiam Cartesii pedibus imus, miramur autem acutissi-  
mum virum haec statuentem in delineando integro naturalis philosophiae  
systemate, meras possibilitates, vel verisimilitudines, ipso non diffidente,  
fuisse secutum, vt infra dicetur. Adeo vero cepit cardinalem Berullium,  
qui tunc aderat, ingenii Cartesii elegantia, vt eius rei explicationem pau-  
lo luculentior sibi exposceret; cui obsecutus Cartesius methodi suae  
utilitatem non in philosophia solummodo, sed in medicina quoque et me-  
chanica, clarissimis exemplis ostendit. Ab eo tempore, magnum in sum-  
mo illo viro nactus est Moecenatem Cartesius; eius enim auctoritate fa-  
ctum,

m) De Chandoux.

ctum, ut ad designandam scriptis philosophiam suam animum adliceret, et hoc quoque celeberrimae congregationis oratorii conditore, fauente accidit, ut plurimum nouae huic philosophiae fauerent, eamque amplificare, quantum possent, conarentur, congregationis istius presbyteri \*.

§. XI. Nouam itaque philosophiam condere, cum statuisset Cartesius \*, *Secessus Cartesii in Hollandiam.* fluctuanti, quae hactenus eum retardauerat, incertitudini ereptus, modum, quo id fieri commodissime posset, explorauit: obstare autem videbantur, et calidioris climatis ratio, et hominum frequentia, quae euitari Lutetiae non poterant. Aliam igitur regionem temperatam magis et secessui philosophico aptiorem, ubi ignotus lateret, sibi eligendam ratus, Hollandiam selegit, resque domesticas amico curandas, Merfенno literarum commercium, commendauit. Transacto autem ruri hyeme, anno c1o 1600 cxxix, ad Batauos ineunte vere concessit inuitis amicis, quorum tamen monitis opponebat animum in sententia sua firmum, cum et Galliae calorem suo temperamento obesse, et Batauas terras miram in otio philosophari cupientibus tranquillitatem offerre esset persuasus, et ibi philosophorum more viuere statuisset. Nempe nusquam sedem stabilem fagebat, euitataque urbium maiorum turba, vel suburbia quaerebat, vel vicos et villas, quas sibi commodas esse deprehendebat, tanta cura locum habitationis suae occultans, ut epistolas fasciculosque non sibi, sed amicis paucis, quibus secessus eius innotuerat, tradi iuberet. In Gallia autem vni Merfенno locum, ubi commorabatur significauit, cui tam cara fuit amici voluntas, ut nemo, quo loco Cartesius versaretur, intelligeret, quique apud Batauos peregrinabantur Galli eo insalutato multoties redirent. Concessit autem Amstelodamo Franequeram, et in arce quadam urbi contigua domicilium elegit, ubi sacra more Romano peragebantur. Soli autem diuinae gloriae philosophiam suam tum solenni voto dedicans, meditationum initium facere de existentia Dei et immortalitate animae humanae statuebat: cum et maxime proprium, et omnium pulcherrimum id argumentum haberet. Vnius tamen luminis naturalis limitibus se concludens, ea omnia seposuit, quae ex sacris reuelationis fontibus desumere solent theologi. Occupabat itaque nobile et acutum Cartesii ingenium theologia naturalis, vel, quo nomine appellabat, metaphysica, horas autem subcitas experimentis physicis et conaminibus dioptricis tribuebat, quae valde iam apud Gallos excoluerat. Semestri exacto ad Amstelodamenfes rediit, et argumentum quoque philosophicum de parhelio a Merfенno transmissum, quod iam in Frisia expendere coeperat, prosecutus est, ex qua meditatione tandem tractatio *de Meteoris* enata est. Ab eo enim tempore magna attentione et industria ad meteora attendit, collectisque obseruationibus necessariis lumen tandem eleganti argumento accendit. Quoniam

n) Conf. quae superiori Parte huius Tomi in Vita P. Baylii ea de re dicta sunt.

o) BAILLET. Lib. III. c. 1. seqq. pag. 81. seqq.



Quoniam vero suam philosophiam vtilem esse volebat humano generi, medicinae et imprimis anatomiae et chemiae operam haud leuem impendit, ratus nihil magis humanae societati prodesse, quam iunctam disciplinis mathematicis artem salutarem. Totam ergo hyemem in secandis contemplandisque animalibus consumsit, et ignis beneficio ea detexit, quae frustra in libris quaesierat. Ita in otio philosophico tranquille tum vivebat Cartesius, paulo turbata tantum quiete a Beckmanno, qui Cartesii inuentiones atque scripta ingratus sibi vindicauerat. Quam tamen molestiam pensauit Merfennus, qui Amstelodami Cartesium inuifit. Constantinopolitanum iter vero, quod ei tunc offerebatur a legato Galliarum regis, reiecit, animique modo recreandi causa Londinum excurrit, et declinationem magnetis in insula explorauit. Primum autem tunc placitorum suorum sectatorem nactus est, Henricum Renerium, virum doctum, et celeberrimis eius aetatis philosophis, maxime Gassendo, amicitia quoque iunctum. Quem cum animo valde complecteretur Cartesius, isque in Gymnasium Dauentrienſe vocatus esset ad docendam philosophiam, illuc quoque concedere Cartesius circa veris initia anno c1610 cxxxiii statuit. Ibi interruptam telam resumens, dioptricam tractatumque de mundo absoluere satagit. Neque in terra sola suis meditationibus commoratus, ad coelestes orbes transcendit, et siderali quoque scientiae industriam addixit suam. Absoluit autem ea aestate physiologiam suam, siue meditationes *de Mundo*. Quas ita concepiſſe ait BAILLETVS, vt relicto mundo praesenti philosophorum disputationibus, nouum sibi mundum a Deo creandum supponeret, producta in spatiis imaginariis tanta materiae mole, quae ad construendum formandumque mundum sufficeret. Huic massae confusae et inordinatae ex sua sententia leges naturales impressisse conditorem fingeat, quibus concurrentibus historiam enascentis mundi, velut praesentis enarrabat. Quam cum infra quoad summam rei ipsis Cartesii verbis depicturi simus, hoc loco nihil addimus, Lectori autem in memoriam reuocamus, quod supra iam obseruauimus, eandem censuram mereri Cartesium, quam in alios verisimilibus tantum rationibus systema philosophicum condentes tulerat, qui, non negante id biographo, solas sibi nascentis mundi origines imaginarias finxit, vna possibilitate, si Diis placet, commendabilem. Haud indiligenter in hoc lapide voluendo hactenus versatus erat Cartesius, et foetum hunc, quem mire diligebat, lambendo, ita perfecerat, vt mitti ad Merfennum, edique Parisiis posset. At retardauit eius cursum et editionem moratus est metus, qui Cartesium incesſerat, cum audiisset, quam male multata esset apud Florentinos celeberrimi Galilaei industria. Cum enim indignis inquisitionis persecutionibus ad canendam palinodiam coactus esset

p) Natus est Hui ad Mosam 1593, iactisque studiorum fundamentis apud Louanienſes, Leodienſes, Leidenſes, Traiecti ad Rhenum magistri iura recepit. Philosophiam docuit Dauentriae primum,

tum Traiecti denatus 1639. defunctum ob Cartesia-  
nam philosophiam illustratam laudauit hist. pro-  
fessor Aemilius. Vld. BAYLE Dict. Tom. I. art.  
Emilius p. 358. q) c. 10. p. 94.

effect vir celeberrimus, et scientiae praemium carcerem retulisset, similem philosophiae suae, tantopere a communibus receptisque scholarum opinionibus deflectentis euentum vaticinatus, aestuare curis coepit, quas partes eligere debeat. Obstabat enim reuerentia et obsequium, quam sedi apostolicae debebat; quo minus opinionem ab ea heterodoxiae stigmatem notatam et reiectam reciperet; at terrae motum circa axem solis tantis verisimilitudinis rationibus radiare videbat, et, quae illi facilitas inesset explicandorum *φαινόμενων* coelestium intelligebat, ut non posset non magnam partem systematis sui physiologici isti hypothesei inaedificare. Itaque cum saluis ceteris tollere eam et abiicere non posset, nollet autem pessimae voluntati Romanorum inquisitorum, (verba damus BAILLETI<sup>r)</sup> se nudum exponere, eam hypothesein commendando, quam non intellectam illi condemnauerant, verba illis dare et oblinere os contendit, licet id neget biographus. Quod qua ratione fecerit, infra, ubi de ista hypothesei agendum, commode magis explicabimus: hoc loco id modo monemus, voluisse videri Cartesium, ac si terrae motum negaret: quodan dignum factum sit philosopho in ea regione viuenti, ubi bruta fulmina ex colle Tarpeio non feriunt, et debebat ipse extra periculum, Lectori expendendum relinquimus. Sed ut ad Cartesii vitam redeamus, cum longius a locis illis esset remotus, quibus commercium literarium cum amicis in Gallia fouebat, anno sequente Amstelodamum rediit; et paulo post amicum<sup>s)</sup> excellentissimis mechanicae operibus illustrem in Daniam comitatus est, iisque axiomatibus atque regulis instruxit, quibus in chemiae, opticae, mechanicaeque artis usu machinis demonstrando praeclarissimum nomen est adeptus. Circa idem vero tempus, dum Cartesius Dauentriam relinquit, scholam hanc Renerius, nouus philosophiae professor Cartesianam facere, tanta prouidentia conatus est, ut nihil inde mali, tumultusque nulli haec Cartesianismi propagati initia sequerentur. Ex quo loco Bailleti clarum est, studium condendae sectae Cartesium potissimum occupauisse, id quod in sequentibus pluribus declarabimus. Displicuit autem Cartesio, solitudinem valde amanti, frequentia Amstelodamensis; redibat ergo in Frisiam, et Leouardiam concedebat, ut quae de mechanica in amici, qui Arausionensi principi seruebat, gratiam meditatus erat, in ordinem redigeret: et his demum perfectis, ut erat mutationis amans, iterum se Amstelodamum conuertit.

§. XII. Non passurum se, apud animum suum constituerat Cartesius, ut ipso viuo scripta sua in vulgus exirent, si vera sunt, quae ex Cartesio tradit BAILLETVS<sup>r)</sup>: fatemur autem, nec sectae condendae studium, quod tam anxie quaesiuisse Cartesium infra demonstrabimus, nec diligentiam, quam in elaborandis cum cura et amicorum manibus tradendis

E e 2

dis

r) c. 12. p. 96.

s) Villebressieux.

v) Lib. IV. cap. 1. 2. pag. 99. Ipse hoc affirmat

CARTESIUS in Epist. ad Dinetum T. I. Opp. phil. p. m. 293. seq.

dis operibus suis adhibuit, satis cum isto proposito concordare, et verisimile nobis esse, ideo tantum ea in parte difficilem se praebuisse amicis Cartesium, ut tanto ardentius ea sectatores expeterent, reciperentque avidius. Quicquid autem illius rei est, illud certum, amicos extorsisse Cartesio novae philosophiae scripto consignatae eulogationem. Itaque ut eorum voluntati obsecundaret, ea quae in chartas coniecerat sibi hactenus servauerat, collegit, digessit, ordine distribuit, et quatuor tractatibus comprehensa, atque privilegio regio munita, Lugduni Bataurorum edidit, praefixo titulo: *Dissertationes de Methodo rationis recte dirigendae, et inquirendae in scientiis veritatis: porro, dioptrica, meteo- ra et geometria, velut specimina illius methodi.* Quamquam autem omnem, quam inuenisse sibi visus est, methodum suam exponere in illo libro sibi non proposuerat, contentus rationes ostendisse, cur in dioptrica et meteoris aliam prorsus viam a communi semita delegisset; in dissertatione tamen de methodo ea adduxit, quae ad emendandas scientias philosophicas et mathematicas illum compulerant, et regulas quasdam, quas sequendas esse in inquirenda veritate sibi praefixerat, exposuit, et qua ratione de Deo, de anima humana, de principiis naturalibus philosophari coeperit, enarravit. Quod non eo se fecisse, ait, animo, ut aliis viam panderet, sed ut iter, quo ipse incessisset haud infeliciter, detegeret. Quae ut a scopo scriptoris merito aliena censentur, ita dicis gratia a Cartesio tantum allata esse, prudens quilibet facile intelligit. Et in tribus prioribus quidem acutum et sublimem se, at lucidum et perspicuum exhibuit Cartesius, quae autem de geometria scripserat, eruditum tantum lectoribus diuque in huius artis praecipis exercitatis se designavisse monuit, adeoque altiora tetigit, quam quae discipuli capere possent. His autem omnibus nomen non praefixit, tentaturus, quam fortunam habitura sint, si auctoris nomen invidiam et contradicendi libidinem non acuisset. Quae etsi laeta satis fuit, libro isto cum plausu excepto, aduersarium tamen nactus est Aegidium Personnam Roberualium, matheseos professorem regium apud Parisienses, et academiae scientiarum adscriptum, virum doctum et haut incelebrem, sed acerbioris in eos animi, quos sibi aduersarios delegerat. Hunc, si vera narrat BAILLETUS, in distribuendo illo libro inter eruditos omiserat Merfennus, nec exemplar tradiderat. Quo siue contemtu siue negligentia exacerbatus Roberualius geometriam Cartesii reprehendere coepit, et publicis tandem scriptis refellere, ex qua contentione tandem controuersia enata est, parum philosophis digna, cum pugnantibus magnis inter se animis irisque concurrerent. Valde molestum hoc fuit Cartesio tranquilla philosophiae otia sectanti: ut itaque animi taedium, quod inde

v) Discours de la methode, pour bien conduire sa raison et chercher la verité dans les sciences. Plus, la dioptrique les meteo- res, et la geometrie, qui sont des essais de cette methode, a Leyde 1636. 4.

x) Natus est apud Sueffionenses 1602. denatus Parisiis 1675. mechanicae laude haud incelebris.

y) pag. 106.

Inde conceperat, pelleret, oppugnationi vrbis Bredae interfuit, eaque capta in Flandriam iter suscepit, praefectum Duaci, quo amico utebatur, visurus, quo parario Francisco Siluio innotuit, cuius maxima tunc inter Belgii Hispanici theologos et philosophos erat existimatio <sup>2</sup>, eumque inter amicos quoque suos numerauit.

§. XIII. Incertas haftenus sedes habuerat Cartesius; tandem vel ista vicissitudine lassatus, vel commoditate viuendi inuitatus stabilem sibi sedem Egmondi, qui iucundus vicus Hollandiae borealis est, et vbi religionis secundum ecclesiae Romanae placita exercitium viget, elegit. Ibi vulgatae methodi et communicatorum cum orbe philosophico et mathematico luminum suorum eum euentum habuit, quem nancisci noua plerumque solent. Aduersarios enim contra nouam philosophiam suam in arenam prodeuntes vidit Libertum Fromondum, qui philosophiam prius Antuerpiae, et tum theologiam Louanii docuerat, et contra Lansbergium orbem terrae immobilem asserendo innotuerat; porro Cornelium Gifelbertum Plempium, Amstelodamensem, qui a sacris Reformatorum ad Romanam ecclesiam transierat, et tum medicinam in academia Louaniensi docebat; denique Ioannem Ciermans ex Societate Iesu theologum, qui tum disciplinas mathematicas in eadem academia tradebat. Et Fromondus quidem loca nonnulla dissertationis *de Methodo et dioptricae*, maxime vero tractatus *de Meteoris* in dubium vocauerat; Plempius, contra ea obiectiones formarat, quae de motu cordis Cartesius adduxerat; Ciermansius praeter geometrica nonnulla explicationes quasdam meteorologicas improbauerat: omnes autem ea humanitate obiciebant Cartesio dubia, vt quod animum eius morderet, non inueniret. Ita vero illis respondit, vt satisfecisse ipsi antagonistaе fassi sint, eosque amicos in posterum habuerit. Sed et plures eius dioptrica tunc aduersarios nacta est; Fermatius enim, Curiae regiae apud Tolosanosenator, quem praeter poeseos Latinae, Gallicae, et Hispanicae, elegantiam commendabat maxima arthum mathematicarum peritia, de refractione disceptationis ferram cum Cartesio reciprocabat, cuius contentionis historiam descripsit celeberrimus DE MAIRAN <sup>3</sup>. Is per Merfennum, quem commune ea aetate virorum doctorum vinculum fuisse, supra iam diximus, dubia sua cum Cartesio communicauit, socium nactus, Petitem, regium architectum operum militarium; quin et geometriam Cartesii postea est aggressus. Auxit hoc bellum mathematicum Stephanus Paschalis <sup>4</sup>, ipse quoque mathematicos

*Secessus Cartesii Egmondianus.*

E e 3

theseos

<sup>2</sup>) VALERIVS ANDREAS Biblioth. Belg.

<sup>a</sup>) Vid. Journ. des Savans 1726. art. I. Histoire de l'academie royale des sciences 1723.

<sup>b</sup>) Stephanum Paschalem, consiliarium status apud Galliarum regem, et Aluernorum supremum iudicem, commendauit partim rerum mathematicarum peritis, quam contra Cartesium Fermatii tr. de Maximis et minimis oppugnantem demon-

strauit, partim memoria Blasii Paschalis filii. Illam pluribus ex Fermatii praefatione exponit BAILLETVS, in opere maiori vitae Cartesianae, add. BAYLE Dict. T. III. art. Pascal. p. 604. not. A. hunc et obseruationes atque cogitationes de religione aduersus Atheos, et famosae Epistolae Prouinciales, quas personato Montakii nomine aduersus theologiam moralem Iesuitarum scripsit,

theseos peritissimus, qui Roberualii partes tuendas amplexus erat, quem tamen ex hac pugna fata aduersa mature retraxerunt. Ast hi tamen omnes, excepto Roberualio, in concordiam cum Cartesio redierunt, de qua lite plura hoc loco dicere non licet, consulendi autem sunt, qui vel geometriae, vel opticae, vel matheos vnuerſae historiam descripserunt. Accesserunt velitationes geometricae aliae, fuisse BAILLETO<sup>c</sup> enarratae, qui videndus. Valde contentiones istae molestae visae sunt Cartesio, tempus magis nouis inueniendis quam defendendis consumere cupienti: vnde renūciare geometriae abstractae constituit, hancque aliis gloriam reliquit<sup>d</sup>: inuenti autem mox alii sunt, qui geometriam eius commentariis explicarent. Id quod praeter nobilem quendam Batauū, quem eleganter et Cartesii nomine non indigne introductionem in eius geometriam scripsisse Bailletus refert, fecit Florimondus de Beaune, dicasterii aulici Bleſensis fenator<sup>e</sup>, vir mathematicarum rerum, et machinarum quoque mathematicarum peritissimus, qui annotationibus doctissimis Cartesii geometriam illustrauit.

*Incrementa  
adolescentis  
philosophiae  
Cartesii inter  
Batauos.*

§. XIV. Geometriae Cartesianae haec fata fuere; philosophiae quoque incrementa eo tempore haud parum promota sunt, eaque valde inter Batauos disseminata est. Cuius potissimum auctor fuit Henricus Regius, medicinae doctor, qui Cartesianam philosophiam partim ex institutione Renerii, partim ex scriptis ipsius Cartesii didicerat, et tantopere eius meditationibus philosophiae fauebat, vt eas suas faceret, constructoque iusto doctrinae philosophicae aedificio Cartesianam sapientiam discantibus vulgaret. Traductus enim Dauentria Traiectum ad Rhenum Renerius, valde Cartesii philosophiam iam commendauerat, eiusque amorem, vti Regio, ita iuuenibus alijs instillauerat. Docebat tum priuatim philosophiam

scripsit, et machina arithmetica, ac inuentiones Toricellianae fecere celeberrimum. Vitam eius delineauit soror PERERIA, quam secutus est P. BAYLE l. c. Nobis in historia philosophiae recentioris indictus praetereundus haud est, cum non ignobile inter philosophos seculi XVI nomen sit consecutus. Admodum puer tam insolito iudicandi acumine gaudebat, vt profundissima matheos problemata solueret, licet eam fere *autodidaxit* didicisset, cum elementa tantum a patre prius hauisset. Et profecto mira sunt, quae de eius praecoci ingenio et doctrina afferunt P. BAYLE l. c. not. C. et HADR. BAILLET. Puer. praecoc. n. 77. p. 303. seqq. Specimen autem eius edidit sedecim annorum adolescens in tractatu de Sectionibus conicis. Qui tam accurate tamque profunda meditatione scriptus xifus est Cartesio, vt credere nollit, a Blasio solo esse profectum, sed aut patris eum, aut alterius viri docti, vitulo arauisse suspicabatur. vid. Epist. 38. Tom. II. quod iudicium vehementer displicuit viris doctis, ipsique DANIELI Irin. Cartesii per mundum P. III. p. 188. licet Iesuitae, qui licet parum faue-

rit Paschali ob lites Societati grauissimis arietibus intentatas; maximam tamen mentis acutissimae vim in eo candide contra Cartesium fastus est, frigidè philosophum suum excusante BAILLETO L. V. c. 6. p. 146. quem inuidia praecocis eruditionis fuisse tactum, vix potest dissimulare biographus, conf. BAYLE not. D. Transiisse autem circa vitae finem in Cartesii castra auctor est BAILLETVS L. VII. c. 9. Quod eius fidei vel ideo relinquimus, quoniam constat, Pascalem, perperuis morbis excruciatum, circa istud tempus abiecto philosophiae studio, theologiam moralem et naturalem tantum excoluisse, vique ingenii ingentem atheos et religionis Christianae hostibus intentasse, vt ex eius meditationibus, licet imperfecte relictis constat, conf. FABRIC. Syllab. Script. de V. R. C. c. 30. p. 555. Plura de eo praeter laudatos dabunt DUPINVS Bibl. script. eccles. T. XVIII. p. 155. WEISMANNVS Hist. eccles. N. T. T. II. p. 456. alij.

c) L. IV. c. 7. seqq. p. 112. seqq.

d) c. 16. p. 127. seq.

e) Conf. BERNIER. Histoire de Blois.

phiam artemque salutarem Regius apud Vltraiectenses; hacque occasione principia Cartesiana, praetextu ex physiologiae habitu et natura quaesito disseminabat, apud iuuenes artis medicae studium sequentes *f*. Quos cum hypothesis simplex, facilis et aperta, conclusionum ordo et concatenata series, perspicuitasque in explicandis naturae *φαινόμεναις* mire cepisset, adeo sibi fauente expertus est, vt omnes in id conspirarent, vt stabilem fortunae eius sedem in hac vrbe pararent. Cuius paulo post egregiam occasionem nacti sunt, vacante cathedra professoris medicinae, qui botanicam et theoreticam eius partem explicabat. Regius itaque, et philosophandi elegantia atque acumine valde apud omnes gratus, et ipsa physiologiae nouae atque inauditae iucunditate commendatus, a discipulis autem, quorum magna pars parentes habebat summo in ea vrbe loco positos vbicunque poterat enixe traditus, publicorum doctorum collegio, fauentibus et plaudentibus cunctis est adiectus. Qui cum Cartesianis luminibus hunc noui muneris splendorem tribueret, Cartesio gratias egit, precatusque eum est, vt iuuare conamina et perficere eruditione sua atque philosophandi peritia vellet. Non denegauit Cartesius Regio amicitiam suam, et non solum de rebus ad medicinam spectantibus, quas tum tractabat, sententiam illi suam aperuit, sed et, quibuscunque posset, modis eruditionem eius philosophicam auxit: factumque inde est, vt inter Cartesianos doctores primum tum locum occuparet, vt ex dicendis constabit. Defecit tamen postea in nonnullis a Cartesio, et sua lumina secutus, secundum propria principia statuere coepit, quod male habuit Cartesium, quod a veritate semel agnita ex parte defecisset. Ast laudandum in Regio est, spiritum sectarium reprobante, et Cartesium in iis non sequente, quae perperam illi dicta videbantur, quod libertatem philosophandi, quam tantopere sibi vindicabat Cartesius, sibi quoque asseruerit, et sectam spirantem praeceptorem deseruerit, licet id valde displicuerit Baillet, qui passim eum reprehendit. Ita vero caput extollente in cathedris philosophicis doctrina Cartesiana dici non potest, quantos ea fautores et sectatores in academia Vltraiectina reperierit, nam praeter viros quosdam illustres, ex magistratu vrbis, et medicos aliquos atque mathematicos, valde placita Cartesiana probabant professores eius scholae Antonius Aemilius et Cyprianus Regnerus. Sed et miraculum illud foeminarum eruditum, Annam Mariam Schurmanniam inter sectatores Cartesianae philosophiae numerat BAILLETVS *ff*. Quod vtrum verum sit, dubium facit character virginis eruditissimae, theosophiam quandam affectantis, et imprimis ea euertunt, quae de colloquio inter Schurmanniam et Cartesium habito, narrat biographus Labadii apud GOD. ARNOLDVM *s*. Sed quaecun-

*f*) BAILLET, l. c. L. V. c. i. p. 130. seqq.

*ff*) l. c. p. 134.

*g*) Supplem. hist. eccles. T. IV. p. 1263. seqq. Narrat eo loco auctor anonymus vitam quoque

Schurmanniae, ex innotuisse eam praeter alios viros doctos ait ex philosophis Gassendo et Merfeno; de Cartesii aurem amicitia et philosophia eo tempore exulta non modo nihil habet, sed potius

quaecunque Schurmanniae sententia de Cartesiana philosophia fuerit, illud certum, non Vltraiecti tantummodo, sed Amstelodami quoque, Leidae, atque Hagae Comitum affeclas Cartesium fuisse nactum, ex quo eius amicorum quoque valde auctus est numerus. Quem tamen minuit Reneri mors, anno cło lo c x x x i x viuis erepti, cuius fato philosophia Cartesiana ad vnus Regii cathedram transiit. Quam tamen in oratione funebri magnifice extulit collega eius Aemilius, laudans Renerum, quod insolita animi virtute auctoritatis praeiudicium eiecerit, et libertate humana sibi vindicata in natura rerum exploranda tanto duce facem praefereunte sit progressus, et gratulatus est vniuersitati vrbique, quod philosophiam veram haecenus humano generi ignotam apud se personantem audiant. Tum orbatus praeceptore Regius, ad vnum Cartesium recurrebat, et vnus primusque omnium discipulorum eius excellebat, adeo vt et stipendium augeretur, et noua ei problematum physicorum explicatio simul demandaretur. Qui si moderationem atque prudentiam eruditioni suae parem possedisset, dubium non est, quin tranquilla Cartesiana philosophiae otia conseruauisset. Ast alia omnia euenerunt, et euanuerunt mature halcyonia, quibus Cartesius eiusque doctrina haecenus fuerat gauisa.

*Controuersiae  
Vltraiectinae  
de Cartesia-  
nismo.*

§. XV. Nempe valde eminebat tum inter theologos Vltraiectinae scholae Gisbertus Voëtius, quem controuersiae Remonstrantium synodusque Dordracena fecerant celeberrimum <sup>b</sup>, quique primum quoque inter

eius sequentia tradit: Cartesium, cum in Sueciam profecturus Schurmanniam inuississet, inuenisse Bibliorum Hebraicorum codicem, in tabula positum, cumque ex virgine audiuisset, delectari se linguae sanctae studio, reposuisse: mirari se, foeminam tam elegantis ingenii pretiosum tempus rebus tam exigui momenti perdere. Respondisse Schurmanniam: operae pretium facere eos, qui eam linguam addiscant, cum versionum tanta certitudo non sit, vt non longe melius sit recurrere ad *ἐκτίθεσθαι*, eo quod interpretes haud raro fallantur. Id vero multo magis in sacro codice euenire, quem nemo accurate interpretari queat, nisi eo spiritu illustratus, a quo sacrae literae profectae sint. Regessisset Cartesium: eadem se olim opinione detentum, linguae sanctae operam dedisse, at lecto primo capite Geneseos, creationis historia, nihil ex ea clari atque perspicui potuisse haurire. Se iraque Moysen, qui intelligi noluerit, et animum magis confusione irretierit, reliquisset. Id adeo faucisse animum Schurmanniae, auctor addit, vt graui inuectiua philosophi impietatem reprehenderet, cauereque, ne vllum ei cum Cartesio esset commercium. Laudasse quoque in schedula, in qua rem hanc notauerat, dominum, quod ab hominibus impiis et profanis ipsam retinuerit. Haec si vera sunt, valde suspecta est Bailleri narratio, qui haud raro ea solet

omittere, quae heroi suo, quem extollendum sibi sumis, parum honorifica esse credebatur.

h) Celeberrimum Voëtii nomen est inter eos, qui Caluinum securi aduersas partes ore calamoque aggressi sunt. Cum Marefio quoque inimicitias aluit, de quibus eius controuersis, quasque in contentionibus Cartesianis atque Cocceianis partes defenderit, annales ecclesiastici superioris seculi consulendi sunt, nec hoc loco enarrari potest: quae autem ad Cartesianismi historiam pertinent, cuius praecipuus aduersarius extitit, in sequentibus notabuntur. Hunc quem acerrimum antagonistam experiebatur Cartesius, ipse velut pessimum depinxit in Epistola ad Dinetum Iesuitarum praepositum prouincialem per Galliam, T. I. Opp. phil. p. 298. scribit enim de eo: „Claret „theologus, concionator, disputator, magnam- „que sibi apud plebeios homines gratiam poten- „tiamque conciliauit, ex eo quod, modo in Ro- „manam religionem, modo in alias quasunque „a sua diuersas, modo in potentiores inuehendo „feruentem et indomitum pietatis zelum prae se „ferat, interdum etiam diſſertis scurrilibus ple- „beculae aures demulceat; quodque multos quo- „tidie libellos, sed a nemine legendos emittren- „do; varios auctores, sed saepius contra se, quam „pro se facientes, ac forte ex indicibus tantum no- „tos citando; et de quibuslibet scientiis, tanquam „si ca-



inter vrbis ministros locum obtinebat. Is cum bellicosum elatioremque gereret animum, quam polemicorum scriptorum lectio haud parum nutriuerat, philosophiam autem aliam non nosset, quam quae scholastico more solebat tradi, quamuis esset Regii amicus, et ad augendam eius fortunam haud parum attulisset, vehementer tamen nouam philosophiam, quam obstare religioni bonisque moribus clamabat, reuera autem suae famae obeffe sibi persuadebat, improbare coepit. Haec tamen Reneri eum retinuerat auctoritas, ast post eius mortem inuidenda, quibus Cartesianam sapientiam commendauerat Aemilius elogia, zelo atque inuidia accenderunt eius animum. Cum vero quae philosophice dicta erant, non intelligeret, ad ea reprehendenda conuersus est, quae in dissertatione de methodo de Dei existentia philosophatus erat Cartesius. Ea enim inuendae atheismi maculae occasionem valde fauentem illi suppeditare videbantur. Edidit itaque dissertationem academicam mense Iunio anni *cl. l. c. xxxix*, de atheismo, in qua praetermisso Cartesii nomine, praecipuas eius, quas de Deo tradidit, meditationes impietatis suspectas reddere conatus est. Vidit id Regius, at cum uti eius amicitia se posse crederet, vulnus Cartesianae philosophiae inflictum dissimulauit, et ut ingruentem tempestatem prudenter declinaret, Cartesianam de naturalibus decreta, problematice tantum iuuentuti proponere constituit, facta auditoribus potestate, ut postquam Scholasticorum quoque placita atque rationes enarrasset, eligerent, quicquid placeret probareturque ipsorum examini. Quam comparisonem ab eo ita institutam fuisse, ut potiores necessario vitae sint Cartesii partes, nobis non monentibus quilibet intelligit. Et fortasse tranquillius haec facta essent, nisi intemperantior iuuenilis Regii animus, a moderatione Cartesii, multa arte quaelita recessisset. Nempe cum in disputatione quadam academica opponens rationibus Cartesianis pugnaret, et praeses eius velitationis Franciscus Senguerdus pro respondente nonnulla regeret, insurgens Regius magna animi ve-

„si earum gnarus esset audacissime sed imperitissime, loquendo, admodum doctus indoctis videatur. Peritiores autem, qui sciunt, quam importunus in aliis prouocandis semper fuerit, et quam saepe, ubi fuit disputandum, conuitia pro rationibus attulerit, turpiterque victus discesserit, si sint diuersae ab eo religionis, palam irascuntur, et contemnunt, cumque iam publice nonnulli sic exceperunt, ut nihil noui deinceps in eum scribi posse videatur, si vero cum illo in religione consentiunt, etsi quantum possunt, excusant, et tolerant, eum tamen in animo non probant.“ Atrociora habet in Ep. ad Voetium T. I. p. 317. seq. Similia sectatores passim de Voetio pronuntiant, inter quos acriter in eum inuehit MALLEBRANCHIUS de Inq. ver. L. IV. c. 6. Facile in hac delineatione manum aduersarii agnoscas, nec enim eruditio ei denegari potest, ut ex

scriptis eius constat; ast magnis iris animisque in omnes eum insurrexisse, qui communem viam deseruisse visi sunt, notius est, quam ut negari excusarique queat, recteque notauit in Praef. ad MALLEBRANCHII librum laudatum LEW-FANTIUS. Nempe ambitione targebat et spiritu persecutorio, et nescio quem dominarum in ecclesia spirabat, id quod haud obscure in notissimo Politiae ecclesiasticae opere prodidit, detegente hos eius conatus LYDOV. MOLINAE, is enim LYDIOMEVS COLVINVS est, qui Papam Ultraiectinum, siue mysterium iniquitatis reductum a cl. Viro Gisb. Voëtio Lond. 1668. 4. edidit. Conf. CHR. THOMASIVS Hist. content. inter imperium et sacerdotium app. c. 1. §. 47. seqq. p. 423. seqq. c. 2. p. 672. seqq.

i) BAILLET. l. c. p. 144. seqq.

Ff

*Hist. philos. Tom. V.*

ni vehementia opponenti vindicare victoriam, moribus conflictuum literariorum contrariis annis est. Id quod valde offendit professorum animos, qui ista imprudentia exacerbati aurem praebere Cartesianismi accusatoribus coeperunt, et ab eo tempore gliscere coepit ille igniculus, qui tandem in apertam flammam erupit. Regius autem et consilium Cartesii de futuri anni doctrina explorare, et quaestiones ei indies novas proponere et partes eius quoque publice contra Plempium defendere perrexit. Illum enim nouam Cartesii sententiam de motu cordis atque sanguinis circulatione Harueanis obseruationibus innixam oppugnauiſſe supra narrauimus, addentes Cartesium amice et accurate respondiſſe. Quam controuerſiam cum noua narratione ita expoſuiſſet Plempius, vt roboratis partibus ſuis Cartesii reſponſiones omitteret, indigne id ferens Regius, malam illi fidem ſcripta ad eum epiſtola exprobrauit, et rationibus ad incitas redactum in partes Cartesii tranſire coegit. Interim Egmondo Harderouicum ſeceſſerat Cartesius, aſt vrgente Regio in agrum Vltraiectinum remeabat, quo loco tamen Voëtii inſidias timens iterum ceſſit, et Lugdunum Batauorum anno 1691 abiit. In qua academia praeter magiſtratus nonnullos fruebatur amicitia Iacobi Golii, quem praeter philologiae orientalis eximiam prorsus notitiam matheseos peritia illi commenda-uerat, tum Bernardi Schottani, qui prius Vltraiecti docuerat, valdeque ibi Cartesio atque Regio fauerat; itemque Claudii Salmaſii, Andreae Riueti, et Abrahami Heydani, cuius nomen poſtea in controuerſiis Carte-

k) Traſtabant illae de natura angelorum, de anima hominis eiusque vnione cum corpore, de anima beſtiarum et plantarum, de vita et motu cordis et ſanguinis circulatione.

l) Vid. BAYLE Diſt. T. II. art. Iaq. Golius p. 527.

m) BAILLET. L. I. c. 8. p. 156. non confundendus eſt cum Ioanne Schottano, quem Cartesianam philoſophiam contra Huetii aggreſſiones deſendiſſe Parte antecedente in Huetii vita diximus.

n) Parum is in philoſophia eminebat, ſed fauebat tamen Cartesio, quem tamen aliquando ſuſpectum habuit, quod Heinſii partes tueretur. BAILLET. L. c. c. 9. p. 161.

o) Etiam hunc videri magis voluiſſe, quam fuiſſe Cartesianum ait BAILLETVS, l. c. p. 153. non enim ſatis aſſecutum fuiſſe mentem Cartesii.

p) Vitam Heydani ex WITTICHII Oratione funebri diſcas, ex qua potiora exhibuit P. BAYLE Diſt. T. II. art. Heydanus p. 699. qui, ne nimis ſimus, ipſe videndus. Huic taedium ſcholaeſticae philoſophiae excitauerat praceptor laehaeus, inepte de formis ſubſtantialibus cum eo diſputans. Itaque praeparatus, cum formas accidentales nouo doctrinae genere traderet Cartesius, adeo iſta hypotheſi caprus eſt, vt in eius caſtra torus tranſiret. Inde factum, vt hanc quoque philoſophiam ad cathedram publicam traductus propagaret, plurimumque eam commendaret, cum eloquentia parem vix haberet. Et hoc viro egre-

gio amico fuiſſe vſum Cartesium, et libenter cum eo conuerſatum, licet miniſterio eccleſiaſtico eſſet affixus, BAILLETVS l. c. narrat, eo quod caret vitiis reliquorum, quibus ab earum conſuetudine Cartesius diſiungebatur. Qui quoque quantae eius in demonſtranda Cartesiana philoſophia vis atque elegancia fuerit, pluribus enarrat. Turbare autem viri docti otia controuerſiae Cartesianae et Cocceianae poſtea exortae, cum ob Diſt. de Sabbatho et die dominica litem ei mouiſſent Cocceii antagoniſtae. Cum enim Cocceium in argumentis de moralitate ſabbathi ſtrenue defenderet, inueniſſe ſe, non quod pueri in faba rati Voëtiani, amicitiam Cartesii et fauorem philoſophiae Cartesianae miris accuſationibus et iniuriis rependerunt. Quade re acerbe ipſe eſt conqueſtus in Conſiderationibus ad res quasdam nuper in academia Batava geſſas p. 40. Nec haec ſola inuidiae atque inſidiarum meta fuit. Nam cum curatores academiae Leidenſis d. 16 Ian. 1676. certas propoſitiones, omnemque metaphyſicam Cartesianam damnaffent, et publico interdicto prohibuiſſent, improbauit factum Heydanus, cum quod iniuriam fieri auctori- bus, talia proidentibus crederet, tum quod indecenter iſta geri inter Proteſtantes putaret. Quod ita offendiſſet curatores, vt inſtigantibus Cartesii et Cocceii aduerſariis Heydanum octogenario proximum munere locoque mouerent, non inuito ſene doctiſſimo, qui haec otia ad praeparandum animum ad beatam analyſin, biennio poſt factam adhibuit.

Cartesianis apud Batauos innotuit. Hoc vero Cartesiana placita probante et discipulis commendante, in ea quoque schola Cartesiana philosophia obtinere coepit: nec efficere multum potuit, qui primus publico scripto contra Cartesium in arenam Hagae Comitum prodiit anonymus, eo quod leui brachio in ea arena fuisset versatus, quae causa fuit, cur congregari cum eo noluerit Cartesius. Ast quod serenum Leidae videbatur coelum, in Ultraiectina academia nubilis opertum tempestatem grauissimam Cartesianae philosophiae minatum est. Nempe auctoritate sua et dicacitate utebatur Voëtius, ut Cartesium, quique eum presso pede sequebatur, Regium redderet suspectissimos, quod religioni Reformatae ecclesiisque protestantium essent infensi. Quod ut more suo consequeretur, de atheismo iterum tertiumque disputans animos quasi praeparauit. Tum Regium aggrediendum esse ratus, paradoxa medica, quae ille Cartesianis placitis suffultus tradebat, adortus est, nouaturiens illi et a placitis scholarum Bataucarum luxurianti audacia recedens ingenium exprobrando, et praecipue dissertationem eius de circulatione sanguinis exagitando. Quibus clamoribus factum, ut professorum animi accenderentur ad sufflammandam, quam Regius tantopere promouebat, harum nouitatum fortunam, et a Bernardo Schottano rectore tacere is iuberetur, licet ipse faueret Cartesio. Quod cum amice potius suauis, quam seuerè iniunxisset Schottanus, at deferri ita prodique veritatem conquereretur Regius, res ad senatum academicum delata et Regius in alio argumento minus nouitatem intrante diligentiam exercere suam, eamque opinionem velut problema aliquod *ὡς ἐν παρῳδῳ* tangere iussus est. Misit ad Cartesium theses suas Regius, ut emendaret, correctasque hunc in modum publice non sine exitu auditorum applausu defendit. Quod cum Voëtium pariter et medicos academiae pessime haberet, responderentque eius demonstrationibus Primrosius et Syluius, non sine bile et satyra eos retudit Regius. In qua apologia multa quidem mutauit emolliuitque Cartesius, impedire autem non potuit, quin publico interdicto caueret senatus academicus, nequid nouitatum introduceretur, unde academia detrimenti quid caperet, vel statuta eius laederentur. Vidit Cartesius per Regii latus se quoque peti: unde conscripta explicatione interdicti senatus academici, sua intelligi non posse demonstrauit: cumque Hoolekio, qui inter magistratus eminebat, et sequente anno consulatum gerebat, rem omnem persuasisset, eo res perducta est, ut liceret Regio lectiones continuare, relictis iis, quae nimis praecipitanter asseruerat, commendataque feruoris iuuenilis moderatione.

§. XVI. Ita dum apud Batauos premitur philosophia Cartesiana, *Fortuna philosophiae Cartesianae in Britanniam* eius in Britanniam transfretante insulans commendatur; et confilium agitant philosophiae fautores Cartesium cum Mydorgio in Angliam adducendi. Cuius auctor erat Carolus Cauendish siue Candisius, qui cum fratre Noui Castri Duce philosophis valde fauebat, et imprimis Cartesianis. *magna et Gallia.*

Ff 2

tesia-

tesianam philosophiam deperire coeperat, eo quod mathematicarum disciplinarum, in quibus ipse excellebat, methodo viam aperire scientiis crederet, qua ad laetiores successus properare, liceret, et ipsae mathe-  
seos partes pulcherrime perfici possent. Facile annuit Cartesius, sine dubio quod patronos nacturum se speraret, quorum impensis atque auspiciis securius laetiusque in philosophia versari posset. Promiserat enim Carolus I. rex magnae Britanniae, de necessariis omnibus sua munificentia iri prospectum. Difficulus autem propinquorum amicorumque nexibus extricari se passus est Mydorgius, qui dum moram nectit, et cunctatur quoque propter illum Cartesius, erumpunt in atrocissimam flammam, et graue excitant incendium iurgia ciuium Angliae, quae cum in bellum tandem ciuile exarsissent, argento ad ferendos belli sumtus traducto, res illa omnis euentu caruit, et Cartesius pristinas sedes seruauit. Molestior autem ex Gallia nuntius illi allatus est, totam Societatis Iesu familiam contra eius philosophiam insurrexisse. Signum praetulerat Petrus Burdinus<sup>r)</sup>, eiusdem sodalitiū philosophus, qui in collegio quod Clarmontii est, docebat, et dioptricam eius thesibus publice ventilatis erat aggressus. Et rogauerat quidem per Merfennum Iesuitas Cartesius, vt obiectiones ipsi suas transmitterent, ast cum tales non accepisset, vidisset autem Iesuitam in publicam arenam literariam contra ipsum descendentem, suspicatus totam societatem, quam arctissime inter se conspirare nouerat, in eum inimico animo consensisse, valde huic conatui indignatus est, et vniuersam societatem, exercitum hostilem esse in suae philosophiae interitum insurgentem iudicauit, eo animo, vt solum se eorum aciei se obicere statueret. Longum esset totam eam historiam enarrare, exponereque quibus suspicionibus sub cinere incendium illud fouerit, quod tandem in apertum contra Iesuitas bellum exarsit, plura dabit, qui prolixè rem narrat BAILLETVS<sup>s)</sup>. Id modo notamus, de bello hoc philosophico scholasticae philosophiae inferendo, et magno animo iraque gerendo, ita cogitauisse Cartesium, vt satis appareat, contradictionis fuisse impatientissimum, et aliquod a lectoribus suis obsequium postulauisse. Quod vtrum deceat talem tantumque philosophiae reformatorem, prudentis Lectoris iudicio definiendum relinquimus. Et ab his originibus graues illae controuersiae exortae sunt, quae non Cartesium modo, sed sequaces quoque, et inter eos Iansenistas nonnullos et presbyteros oratorii cum Iesuitis commiserunt, quas in sequentibus tange-  
mus. Nec negat id DANIEL<sup>r)</sup>, quo auctore ideo Iansenistarum fauorem ambiit Cartesius, vt et aegre hoc pacto Iesuitis faceret, et deuotis mulierculis philosophiam suam commendaret; cuius illum fuisse Parisiis euentum ait, vt per aliquod tempus in foeminarum congressibus, vna Molinismi cum Cartesianismo comparatio audiretur. Eodem tempo-

r) Vid. Epistola ad Dinetum l. c.

s) Vid. c. II. p. 167.

t) l. c. P. III. p. 195.

tempore et patrem et filiam quinquennem, quam in coelibatu genuerat, morte amisit et amare deplorauit.

§ XVII. Adeo ingrata his circumstantiis facta est Cartesio Ultraiecti vicinia, ut domicilium iterum Lugdunum Batauorum transferret; odiosa enim ei erat Voëtii memoria, qui eum velut proditorem a Gallis emissum, ad insidiandum libertati Batauicae et religioni protestantium apud omnes inuisum conabatur reddere: Conquestus praeterea est Cartesius, non contentum suae partis homines contra ipsum concitauisse, etiam catholicos adiuisse, et atheismum atque scepticismum obiciendo, coelum terramque mouisse, nec monasteria Parisiensia praeteriisse: tanta audacia, ut ad inferenda Cartesio atheo signa hostilia ipsum Mersennum inuitaret, et odiosa Vanini cum Cartesio comparatione ad mutandum in philosophum animum eum seducere conaretur. Quod tamen tantum abest, ut Cartesii famae apud Gallos nocuerit, ut potius a Galliarum rege Ludouico XIII. magnificis conditionibus in aulam vocaretur, depraedicante eius merita, qui summae rerum tum praeerat, cardinali Richelio, cui indignum videbatur, eo ornamento patriam carere. Et inuenisset forte Cartesius locum generi et natiuitati suae conuenientem, certe lauto stipendio fuisset mactatus, nisi secessum philosophicum strepitui aulico praeferens, a tumultu ciuili prorsus abhorruisset, maluissetque sibi viuere, quam alieno obsequio. Nempe satis tum suppetebat Cartesio, vnde viueret, cum familiam haud amplam aleret, ast consumtis paulo magis facultatibus deinceps simile aulae beneficium anxie, frustra licet, quaesiuit, ut infra dicemus.

*Cartesius apud Gallos frustra a Voëtio exosus factus.*

§ XVIII. Acta haec sunt anno cloc xl. Anno sequente prodiit secundum opus Cartesii, nempe *Meditationes philosophiae primae, ubi demonstratur existentia Dei et immaterialitas animae*; hunc enim initio titulum auctor tractationi praefixerat; ast edentium negligentia factum, ut pro, voce, *immaterialitas* poneretur, *immortalitas*, vnde hanc tandem ei hederam suspendit Cartesius, qua nunc inter opera philosophica comparet: *Meditationes philosophicae, de prima philosophia, in quibus Dei existentia et animae humanae a corpore distincta demonstrantur.* Has manu tantum descriptas prius ad Mersennum transmiserat, rogans, ut qui viros doctissimos vbique amicissimos haberet, communicata cum illis dissertatione ista, eorum sententiam exquireret. Quod cum in argumento nobilissimo omnino vtilissimum iudicaret Mersennus, amici desiderio paruit, et viris doctis eam dissertationem legendam examinandamque tradidit. Viderunt illae obiectiones cum responsionibus Cartesii lucem ad calcem meditationum, et a septem viris doctis cogitationes exhibent. Primas ad amicos suos transmisit Caterus Doctor Louaniensis, quae cum Cartesianis placitis valde fauerent, sententiam suam eum rogauerant: quibus me-

*Meditationes philosophicae a Cartesio qua fortuna editae.*

Ff 3

dianti-

n) BAILLET. C. 12. p. 170. Hoc criminandi occasionem aduersariis Cartesii praebuit, qui tamen ridendo votum castitatis se non concepit,

respondit. Ep. ad Voët. T. I. Opp. phil. p. 315. Exagitarus idco ab HUYTIO Memoires pour le Cartes. p. 41.

diantibus responsiones quoque ad Cartesium transmissae sunt. Alteras collegerat Merfennus ex ore theologorum et philosophorum Parisiensium, qui et ipse nonnulla ex suis addiderat. Tertias tradiderat Merfennio Thomas Hobbesius, quarum in antecedente capite historiam ex instituto iam enarrauimus. Quartas suggererat Antonius Arnaldus eo tempore adhuc iuuenis, at magnis iam tum passibus ad doctrinae gloriam grassans, et acutum atque elegans ingenium ostendens. Qui inter alia, (ingrato forsitan Cartesio indicio, qui inaudita et noua omnia se afferre iactabat) monuit, principium a Cartesio ad initia philosophandi rite facienda adhibendum: ego cogito, ergo sum: iam adductum fuisse a D. Augustino. Nec is contentus philosophice has meditationes examinauisset; etiam illa critico examine explorauit, quae ad theologiam pertinent, et imprimis monuit inadaequatam definiendi statuendique regulam esse, quicquid clare, distincteque concipiatur, illud verum esse, eo quod in argumento theologico falsa sit. Maxime autem vrgebat notionem corporis, extensionis dimensionibus definiti, repugnare dogmati de transsubstantiatione. Quod ita repulisse Cartesium, ut mentem patrum Tridentinorum euerteret, in Baylii vita, parte huius *Tomi priore* pluribus enarrauimus. Quintas obiectiones faciebat Gassendus, inter aduersarios Cartesii et hypothese diuersissimus, et ratiocinandi arte fortissimus. Quem ita suis arietibus fuisse aggressum Cartesium, ut quod accurate regeret non haberet, in Gassendi historia parte priore *Tomi huius* explicuimus. Valde hanc controuersiam in partes Cartesii rapit, et, ut id obtineat, narrationem pingit suam, BAILLETVS \*, at ita in ea re versatur, ut lectori a partis studio alieno satis non faciat. Quod enim ille contendit, amicitiam vtriusque philosophi labeculam ex parte Gassendi primum accepisse, ex quo Cartesius dissertationem Gassendi *de parhelio* anno cdo 1639 *Romae viso* in tractatu *de Meteoris* silentio praeterierit: inuidumque gloriae Cartesianae quaesuisse causam Gassendum, ut eam obscuraret: id vtriusque philosophi scriptum legentibus, falsum esse apparebit, constabitque Cartesium, rationum Gassendianarum robore prostratum ad verborum aculeos confugisse; quos frigide satis excusat biographus. Vnde iam suo loco ad GERARDI DE VRIES dissertationem de hac contentione vtriusque philosophi celeberrimi lectorem dimisimus. Sextas obiectiones ex eruditorum ore Parisiis et in prouinciis Galliae iterum collegerat submiseratque Merfennus; septimae autem debentur Bourdino Iesuitae.

*Motus Ultra-  
iectini contra  
Cartesium.*

§. XIX. Dum haec in Gallia geruntur, et honesta pugna Cartesii copias aggrediuntur viri docti, nouis tumultibus scenam Ultraiectum aperit, fascibus academicis ad Voëtium delatis, quo non maleuolentior hostem habebat Cartesius. Valde eius insidias timebat Regius, adeoque eum sibi amicum reddere quouis modo tentabat. Itaque honorem praefatus disputationem edendam ei offert, emendationem ipse rogat: vincitur

\* Lib. VI. c. 5. p. 190. seqq.

citur Voëtius, contentusque ad saluandam veteris philosophiae existimationem annotationes quasdam adiecisse, permisit, ut theses nouae corollariorum instar, adiecto Cartesii nomine disputantium examini subiicerentur. Prodiit in scenam Regius praeses, respondente Ioanne de Racy, iuvene doctissimo, et iam tum longe in Cartesianae philosophiae cognitione profecto, (qui eam quoque, apud Leidenenses et tum apud Amstelodamenses philosophiae professor constitutus amplissime inter Batauos propagauit, editaque *Clauae philosophiae naturalis Aristotelicae Cartesiana* \* pro hac docte pugnavit.) Quorum vterque cum exercitissimus esset, pulchra victoria potiti nouae philosophiae gloriam inter iuuenes studiis dicatos valde auxerunt. Quod cum videret Voëtius poenituit ipsum, quod ita facilem se praeuisset, nec mederi aliter rei posse iudicans, quam si academia Regius eiiceretur, huc omnem curam conuertit. Non defuere talia meditati reliqui Peripatetici doctores, quorum auditores, non data respondendi in conflictibus publicis potestate suppositionibus importunis Regium impediuisse conqueritur Cartesius. Ille vero cum in nonnullis a Cartesio deflecteret, disputando pergebat, philosophiae suae patrocinium quaerere, consulto tamen semper Cartesio, qui prudenter multa deleuit, emendauit, caute mutauit, ne aduersariorum inuidia in suum, quod anxie euitabat, caput conuerteretur. Tandem cum satis iam sub cinere ignis emicuisset, in apertam flammam erupit; consensereque duce rectore suo Voëtio, professores, operam dandam esse, ut nouitatibus Regii occurratur. Cuius facilis se obtulit occasio \*\*, cum in disputatione aliqua, quae Regio praeside defendebatur, inter theses ex variis ac inconnexis quaestionibus conflata, haec poneretur: ex mente et corpore non fieri vnum per se, sed per accidens, vocando scilicet ens per accidens id omne, quod ex substantiis duabus plane diuersis constaret, nec ideo negando vnionem substantialem, qua mens corpori coniungitur; nec vtriusque partis aptitudinem naturalem ad istam vnionem; unde apponebatur: illas substantias dici incompletas ratione compositi, quod ex earum vnione oritur. Non probabat terminorum modique loquendi insolentiam Cartesius, licet re ipsa nihil insoliti dici putaret; nec Regius huic asserto magnopere insistebat; attamen sufficere videbatur Voëtio, ad accusandum haereseos medicum eumque ex academia eiiciendum. Qui ubi ista obseruauerat, et ipsum, et reliquos theologiae professores adit, constetatur, se illam thesin non probare, affirmat, se nihil aduersus theologiam sensisse aut scribere voluisse;

\*) Adeo deperiisse Cartesianam philosophiam hunc virum, ex narratione Volderi refert cel. STOLLIVS Introd. in Hist. Lit. P. II. c. 4. §. 41. p. 554. ut quinque numos aureos illi soluendos promiserit, qui vnus erroris philosophiam vel scripta Cartesii possit convincere. Mutauisse autem mentem oportet, si vera sunt, quae ex ipsius ore tradit BENTHEMVS in Statu eccles. et scholastico Batauorum P. II. c. 4. §. 91. p. 383. seq.

mire eum de Cartesianae philosophia statuisset, et improbanis eius usum in disciplinis aliis, eam comparando cum vasis Samiis, quae ad ornatum adhiberi, non autem ad usum, queant. Haec senex pronuntiavit, forte senii seueritate mutatus.

2) Amstelod. 1677. 4.

a) Rem omnem enarrat ipse CARTESIVS in epist. ad Dinetum Opp. T. I. p. 298. seq.



isse; ostendit in eadem academia idem docuisse Gorlaeum<sup>b)</sup>; sed frustra. Edit post paucos dies Voëtius theses, quibus hunc titulum praefigere voluisse scribit Cartesius: *Corollaria admonitoria ex auctoritate S. S. facultatis theologiae ad studiosos proposita*. In iis dictam quaestionem his verbis sugillat: *Sententiam Taurcelli, quem Heidelbergenses theologi appellarunt atheum medicum et vertiginosi iuuenis Gorlaei, qua statuitur, homo ens per accidens, multis impingere modis in physicam, metaphysicam, pneumaticam et theologiam*<sup>c)</sup>. Id quod eo animo faciebat, ut subscripto a collegis libello isto, Regius velut haereseos suspectus ex concilio academico eiiceretur. Adiecit et alia, invidiam nouitate et paradoxo sensu accendere aptissima, quae probato et signato a theologis et concionatoribus libello isto magistratum compellerent, ut res ad synodum ecclesiasticam deferretur, qua moueri loco posse Regium sperabat. Ast Regius, quamprimum strui sibi hunc in modum insidias intellexerat, Hoockium consulem, qui Cartesio fauebat, adit, rogatque auctoritatem suam consiliis perditissimis interponeret. Is Voëtio mandat, et nomen facultatis omittat, et illa debeat, quae existimationem Regii laedere possint. Ast iam impressae erant paginae, quo praetextu cum nihil mutasset Voëtius, in ipso conflictu in opposcentes, quorum plerique discipuli Regii fuerant, vehementer debacchatus et victoriam de noua philosophia reportauisse sibi visus est. Probe vidit Regius ancipitem sibi aleam esse, et si taceret, habitum iri pro victo, si publicis se conflictibus defendere pergeret, strepitus, ut antea fore paratos ad impediendum ne audiretur. Ad aliud ergo consilium delatus, thesibus Voëtii scripto respondere statuit, licet silentium illi consul suassisset. Idem commendabat Cartesius, improbataque Regii imprudentia quod, nouas veritates inuiso nouitatis titulo vendidisset, cum satius fuisset veteri nomine compellatas rationibus nouis immutare, auctor illi erat, ut, quantam posset, modestiam adhiberet, sine pertinacia ea quae incommode dicta vel male expressa videri possent, emendaret, et sinceram atque philosopho dignam erroris confessionem sibi non putaret esse dedecori. Idem Aemilius inculcabat, et amici Cartesii alii. Noluit tamen eorum monitis obsequi Regius, veritus, ne auctoritas sua apud discipulos vilesceret. Annuit tandem Cartesius, ast apologiam emendauit, modestiora supposuit, et aduersario magis honorifica; cuius exemplum adhuc inter epistolas Cartesii extat; iterum tamen silentii tutum esse praemium, monuit. Prodiit itaque libellus apologeticus, ea facie, ut testetur Cartesius, multos, qui eum legerint, existimasse, nihil in eo esse, de quo Voëtius conqueri posset, nisi quod ibi vir pius et ab omni maledicendi studio alienus diceretur. Certerefutatum solidis rationibus

b) Vixit docuitque David Gorlaeus in academia Vltraieftina circa annum 1620. ediditque exercitationes philosophicas, eo anno, in quibus a Peripatetica philosophia plurimum abit, e.g. statuens ignem non esse elementum, sed accidens,

terram et aquam sola elementa esse etc. vid. SORREL de Pers. Hom. P. III. p. m. 479. maxime autem logicam Peripateticam improbauit.

c) Conf. BAYLE Dict. T. II. art. Gorlaeus pag. 577.

nibus, sed interim tam blande ac honorifice compellatum Voëtium, sperabat Regius aut sibi conciliari posse, aut saltem exulceratum eius animum non iri irritatum. Ast omnia alia euenerunt, et qui rationibus victus erat, conuictusque calumniae ad potentiam recurrit, qua valebat, Voëtius, congregat senatum academicum, de libello in se a collega edito conqueritur, postulat condemnetur liber, et eiiciatur ex academia philosophia illa turbatrix. Assenserunt plerique, tres delegati ad magistratum querelas detulerunt: qui ut faceret illis satis, auferri a bibliopola exemplaria iussit, ea fortuna, qua semper libellos prohibitos uti videmus, ut eo curiosius quaererentur et legerentur. Nec quieuit Voëtius, et cum vrbis, tum academiae, patres ita artibus suis circumuenit, ut ex senatus vrbis et academiae decreto Regius praeter medicinam docere aliud prohiberetur, scholaeque priuatae ei interdicerentur. Misit inexpectatam sententiam ad Cartesium Regius; cui ille suadebat, pareret iussis magistratus turbas anteuertere cupientis, et medicinam Hippocraticam atque Galenicam praelegeret, securus, veritatem tamen; quocunque loco liceat, prodituram; scripta autem aduersariorum, (prodierant enim et Voëtius filius et respondens patris in arenam) tuto contemneret. Et hanc quidem tum Ultraiecti fortunam philosophia Cartesiana habuit.

§. XX. Fauentiorum Cartesius expertus est patriam; in qua patres congregationis oratorii, conditoris sui exemplo excitati nouam philosophiam cupide amplectebantur. Societas Iesu autem alebat quidem amicos nonnullos Cartesii, et inter eos, si BAILLETO fides, Carletum et Dinetum, quorum ille nationis Gallicae assistens apud Generalem Romae, hic Prouinciae Gallicae praepositus, et regi a confessionibus erat: quin si audiendus est biographus, nonnulli Cartesii philosophiam non sequebantur quidem, laudabant tamen conatum et consilia: quidam sectatorum Cartesii numero accedebant, vnus et alter publicis scriptis probabant. Ast tanta fortuna et successu exoptato apud societatem fuisse gauisum Cartesianismum, quantum iactat Bailletus, vel ex eo falsum esse cognoscitur, quod supra ex ipso Bailleto retulimus, Cartesium toti ordini Iesuitarum bellum denuntiasse, quod praeunte Bourdino infestae suae philosophiae signa intulisset. Nec negare ausus est encomiastes Cartesii, inuentos quoque in societate fuisse plures, qui gloriae eius aemuli eius placitis contradixerint, eaque culpauerint. Cuius specimen obiectiones septimae contra meditationes eius esse possunt, profectae, ut dictum ex calamo Bourdini, qui non contentus, dioptricam conuellere, philosophiam primam quoque aggressus est, eo scribendi modo, ut de eo acerbas ad Dinetum prouincialem querelas Cartesius deferret, ut ex epistola ad eum patet, quae secundae editioni latinae *Meditationum*, cum responsionibus Cartesii iuncta est. Et verisimile est Cartesio, contradictionis pertinacis impatientissimo, quique victoriam vbique spirabat, molestissimas

*Fauentiora  
Cartesii facta  
in Gallia.*

d) Lib. VI. c. 8. p. 205.

e) loc. cit.

istas

*Hist. philos. Tom. V.*

G g

istas controuersias fuisse: nam et animi leuandi causa domicillum mutabat, et consuetudinem cum viris doctis ad pellendas animi molestias non, ut ante, refugiebat. Inter quos Samuel Sorberius fuit, qui ad Cartesium accurrit, ut quis ille amici sui, Gassendi, aduersarius esset, cognosceret; quem multa quidem de Cartesio bene dixisse, at iniuste cum eo egisse, ipsum cum Gassendo committendo conqueritur biographus <sup>f</sup>. Venere quoque ad eum Regius, Picotius, alique, quos fama philosophi illuc traxerat. Quae haud parum aucta est, cum *Meditationum philosophiae primae* versio Gallica a duce Luineo facta in publicum prodiret, et Clericellierius, quo vix doctiorem et deuotiorem sibi sectatorem Cartesius habuit, *Obiectionibus et responsionibus* similem operam praestaret. Quam versionem ad emendandum sibi traditam ita perfecit Cartesius, ut ab ipso profecta videri posset, et iudice BAILLETO <sup>g</sup>, ipso Latino exemplo euaderet luculentior atque melior.

*Lites Cartesii ad unum*  
1645.

§. XXI. Interim dum amicorum praesentia, in secessu castris Eyn-degeestani, recreatur Cartesius, addere molestiae priori molestiam omnibus viribus fategit furor Voëtii. Qui cum manibus tandem palparet, ipsum famosis libellis et inuectiuis nihil proficere, ex discipulis suis Martinum Schoockium ad cathedram philosophicam Groeningensem promotum <sup>h</sup> instigauit, ut vel nomine vel calamo suo in partem certaminis descenderet: ipse autem in libello *de Confraternitate Mariana*, quae apud Syluaeducenses, relicta religione Romano-Catholica, ad Protestantes, cuiusli nomine transierat, quamque ille tanquam rem idololatriae indirecte fauentem condemnauerat, impotentiae suae habenas laxauit. Prodiit itaque MARTINI SCHOOCKII *Philosophia Cartesiana, siue admiranda methodus nouae philosophiae Renati Descartes*; in cuius praefatione prolixè respondebatur epistolae Cartesii ad Dinetum. Scriptum hoc satis virulentum, quodque id imprimis agebat, ut fauere Cartesium atheismo incrustando lectori persuaderet, aut ab ipso Voëtio confarcinatum, aut eius saltem instinctu, auxiliis, regimine editum esse, contendit Cartesius, qui eius folia prelo adhuc madentia accepit, et illico, cum res periculo non carere videretur, responsionem adornauit. Vulgata ea est hoc titulo: *Epistola Renati Descartes ad celeberrimum virum D. Gisbertum Voëttium, in qua examinantur duo libri nuper pro Voëtio Vltraiectioni simul editi, unus de Confraternitate Mariana, alter de Philosophia Cartesiana* <sup>i</sup>; in qua acriter auctori vapulat Voëtius, et tum iniuriarum, quas in Cartesium euomuerat, tum conuiciorum, quae in Syluaeducenses proceres, quibus ista confraternitas constabat, et in partes Marefii, qui

ciuium

<sup>f</sup>) c. 9. p. 207.

<sup>g</sup>) p. 208.

<sup>h</sup>) Videndus de Martino Schoockio FRAENKVS in Theatro p. 1552. BENTHEMVS in Statu eccles. et scholastico Batavorum, P. II. c. 2. §. 31. p. 239. seqq. Erat Vltraiectionus, inque ea

academia, cum gymnasium illustre adhuc esset, Graecae et Latinae linguae professor constitutus, postea Dauentriam, ad professionem historiarum tandemque Groeningam ad docendam logicam et physicam vocatus est, den. 1669.

<sup>i</sup>) Extat T. I. Opp. philos. p. 307. seqq.

ciuium Syluaeducensium in religione cándorem contra intempestiuos Voë-  
tii clamores defendit, coniecerat, non sine illius dedecore conuincitur:  
sic vt iudicauerit Sorberius <sup>k</sup>, apud posteros nomen Voëtii illaudabile me-  
rito esse futurum. Mirum itaque non est, illo telo alte sauciatum fuisse  
Voëtii animum, qui cum nomen suum grauissima contumelia proscindi  
videret, ad magistratum Vltraiectinum querelas suas contra libellum hunc  
et epistolam ad Dinetum, quae scripta famosa esse dicebat, detulit, et ma-  
ximam fieri in iis iniuriam non sibi modo, sed et omni ministerio euange-  
lico, conquestus est. Inde decreto ciuitatis vtrumque Cartesii scriptum  
damnatur, et campana sonante auctor citatur, vt iniuriarum testimonium  
et probationem coram iudice ederet. Respondit Cartesius epistola Belgi-  
ca, et se, iudicibus, licet incompetentibus, omnem causae suae iusti-  
tiam dictorumque irritatem demonstraturum esse promittit. Ast Voëtius  
productis quinque testibus, quibus calumniae et infamandi criminis con-  
uincere satagebat Cartesium, sententiam contra eum obtinet, et paulo post  
velut criminis reum Cartesium a ministro publico citari curat, ignorante  
per absentiam res gestas Cartesio. Qui cum neque ius fasque, neque  
honorem vllum coli videret, et cuncta tumultuario processu confundi  
indignaretur, timeret autem, ne Vltraiectini magistratus violentia sibi fa-  
maeque suae fraudi esset, ad Arausionensis principis auctoritatem inter-  
cessione oratoris Gallici exoratum confugit, qui audito facinore, omnem  
actionis istius cursum per status Vltraiectinae prouinciae interruptit. Car-  
tesius autem, cum se solum libri istius in Cartesium editi auctorem pro-  
fessus esset Schoockius, hunc in ius vocare Groeningae, et vt iniuria-  
rum in ipsum coniectarum causam dicat, cogere constituit: Voëtio nouo  
libello *σηλιδευτικῷ*, quem personato Theophili Cosmopolitae nomine ef-  
fuderat, rem suam bonis omnibus inuisam magis et execrabilem reddente.  
His curis distracto et vexato Cartesio superuenere instantiae Gassendi,  
siue noua ad responsiones Cartesii exceptio, quam Parisiis per manus do-  
ctorum volutari sibi nondum traditam aegerrime ferebat, praecipue vbi  
curante Sorberio in vulgus apud Batauos edita fuisset. Noluit tamen re-  
spondere Cartesius, licet a Regio instigatus, ne controuersiae ferram diu-  
tius reciprocare videretur, praecipue cum in editione *Principiorum phi-  
losophicorum*, quae prelum tunc exercebat respondendi occasionem capta-  
re vellet. Quo tandem omnis, quae hactenus inter vtrumque philoso-  
phum cuncta erat, amicitia refriguit, cuius culpam omnem in Sorberium  
transfert BAILLETVS <sup>l</sup>, quo colore quaque verisimilitudine? In Gas-  
sendi vita dictum. Interim *Speciminum philosophiae*, siue *Dissertatio-  
nis de methodo, dioptrices, et meteororum* versionem parauerat Curcel-  
laeus pater; qui cum Cartesium rogasset, vt pro iure suo eam emendaret,  
vbique manum auctor textui emendatricem adhibuit, ita vt ipsius Carte-  
sii opus merito haberi possit. Tandem cum iam satis his annis clo lo cXLIII

Gg 2

et

<sup>k</sup>) Vid. BENTHAM, l. c. p. 243.<sup>l</sup>) L. VII. c. 13. p. 216.

et cło I o c x l i v fuisset inter Batauos iactatus, iter in patriam meditatus est, valde timentibus amicis, vt reuertatur, eo quod altius animo infidere acceptas iniurias nouerant. Profectus in Galliam amicos vbique locorum inuifit, fratresque et affinem conuenit, vt rerum domesticarum negotia cum illis componeret; uisitatisque praediis suis in Britannia, tandem autumno ineunte Parisios aduolauit, ibique et principiorum philosophorum, et uersionis speciminum philosophiae editionem absolutam transmissio fasciculo accepit. Inscrispsit librum Elisabethae Friderici V. electoris Palatini filiae, cui iam iam innotuerat, quaeque literis elegantioribus atque philosophia et mathesi eximie erat exculta. Ea enim, cum *Specimina philosophica* legisset, tanto Cartesianismi amore raptata est, ut omnem Cartesii philosophiam complecti animo cuperet, ideoque ad se vocato totam se in disciplinam tradidit, eo successu, ut neminem mysteria sua comprehendisse facilius, et tenuisse melius ipse Cartesius agnosceret. Nec destitit ea deinceps, cum Hollandiam relinqueret, instituto literarum commercio haec lumina conseruare, et ex praeceptoris institutione augere. Ceterum cum breuem fore moram suam Parisiensem Cartesius sciret, ea usus est ad amicos inuifendos, et ineundam reconciliationem cum Iesuitis collegii Clarmontani, tum ad nouos sibi patronos comparandos: inter quos fuit etiam regni cancellarius. Etiam cum Roberuallo reconciliationem tentauit, eam uero quoad externam tactum beneuolentiam obtinuit.

*Lis a Cartesio intentata Schoockio.*

§. XXII. Valde inquietos reddiderat Cartesii amicos, quos apud Batauos habebat, metus, ne in Gallia retineretur: eo autem exemit illos reditus eius circa finem Nouembris anni cło I o c x l i v. Ut uero turbis, quas molestissimas sibi ante euenisse senserat, sese eriperet, uiuere sibi soli in pristina solitudine Egmondiana statuit, ut ab amicis non interpellatus, liberiori meditatione in naturalium rerum inuestigationem incumbere posset. Et ut dulciori tranquillitate frueretur, terminare quoque litem, quam Schoockio Groeningae intentauerat, statuit, praecipue, cum Voëtium ibi quoque malis artibus sibi infensum metueret. Vicit tamen in senatu academico causa Cartesii, citatusque Schoockius, passus est, classicum canente Voëtio se calumum contra Cartesium arripuisse, huncque uerum iniuriarum et calumniarum omnium auctorem esse. Factum id absente Cartesio, et iniunctum ex senatus decreto Schoockio, ut iniuste se egisse agnosceret. Cuius causae acta cum Cartesius accepisset, ea cum epistolis Voëtii ad Mersennum magistratui Ultraiectino transmisit, ut, quibus infidiis ipsum impetisset Voëtius, cognoscerent. Quod tamen, tantum abest, ut, quem exoptabat euentum sortiretur, ut potius, cum totius litis eos pueret, publico edicto caueretur, ne quid in causa Cartesiana prodiret, siue contra eum scriptum sit, siue pro eo defendendo exaratum. Quo uero non obstante, et Voëtius ipse edita sub Schoockii, licet inuiti, nomine epistola, et filius eius tribunalis Groeningani iniquitatem

tatem accusare publicis scriptis non erubuerunt. Maxime Voëtius indignatus Schoockio, quod causam suam prodidisset, vindictam altius meditatus est, retinere tamen eius furorem minae Schoockii, mysterium omne se patefacturum profitentis nisi quiesceret. Aliter Cartesius, si fides BAILLETO ", qui facilem se reconciliationi, tempestate finita prae- buisset, modo eandem animi bonitatem Voëtius ostendisset. Ast is, licet amicitiam illi, deleta veteris iniuriae memoria Cartesius obtulisset, inexpugnabilis animo omnem pacem respuit, et se sibi futuram seruare actionis occasionem velle pronuntiauit. Cartesius itaque, vt molestae liti se tandem aliquando extricaret, omnemque istam causam, viros doctos indecentem, obliuione sepeliret, conscripto ad magistratum Ultraie- ctinum libello apologetico, totam controuersiae sexennio magnis animo- rum motibus agitatae historiam, causae suae iustitiam, iniuriasque ad- uersariorum, complexus est, vt, quae iniustitia grauissima pressus fuerit conuictus tandem ille agnosceret.

§. XXIII. Liberatus hac molesta actione Cartesius, nouos philoso- *Cartesiani*  
phiae suae successus non sine causa sperabat. Nam et Gallorum plurimi *Leidenfes.*  
conatibus philosophicis ciuis sui applaudebant, et Batava terra nouos quotidie cultores suggerebat. Maxime Leidenfis academia eius placitis valde capi visa est, fauentibus Cartesianae philosophiae Golio, Schotano et Heydano, vt supradictum. Nemo verò vel diligentius eius mysteria rimatus est, vel publice ea apertius docuit, quam Hadrianus Heerebordus ", qui cum semel ad Cartesii castra transisset, et rationalem et naturalem philosophiam, cuius *Institutiones Lugduni Batavorum anno 1651. IV* vulgauit, et libris doctissimis atque perspicuis, et voce in cathedra personante iuxta eius mentem tradidit, aliquoties aduersariorum Cartesii inuidiam et persecutiones ideo passus. Quem tamen circumspectius et moderatius causam philosophiae Cartesianae, quam Regium, vrssisse, et hac prudentia solidiorem fortunam et certiora illi fata patauisse obseruat BAILLETVS ". Ast quae hoc pacto succrescebant laetissimo flore Cartesianae sapientiae incrementa, haud parum detrimenti acceperunt a conatibus Regii, quem tamen initia eius tar- *Regii defe-*  
to seruire, tanta diligentia promouisse, vt grauem ideo inuidiam Voëtii *Etio a Carte-*  
subiret, supra narrauimus. Hunc de animae cum corpore vnione a Car- *sio.*  
tesii opinione descuiisse supra iam monuimus, nec alia et defuerunt, in quibus dissentire a Cartesio pulchrum ei visum est, multum in eo defu- dante magistro, vt suis eum limitibus coërceret. Ast aut persecutio- nis molestia, quod coniicit Bailletus, fatigatus, aut suo nimis inge- nio indulgens, aut, quod nobis verisimile videtur, idem sibi in philosophiam ius vindicans, quod Cartesius sibi asseruerat, sine prae- ceptoris cortice natate, et sibi suisque placitis fidere coepit, conditisque

Gg 3

funda-

m) L. VII. c. 5. p. 231.

n) Obiit, teste WITTENIO in Diario 1659. d. 25. Dec. Is libros eius enarrat.

o) L. VII. c. 5. p. 230.

*Fundamentis physicis* a Cartesiana physiologia recessit. Qui tamen, ut honorem Cartesio haberet, scriptum illud ei legendum examinandumque transmissit. Is iam pridem quidem lasciuientem Regii audaciam obseruauerat atque reprehenderat, ast tam longe eum secessisse a placitis ipsius nondum deprehenderat. Itaque cum nihil suae philosophiae apprimae conforme atque simile in istis institutionibus videret, omnis emendationibus totum opus improbavit, et aut mutanda illa praecepta atque ad suae philosophiae regulam refingenda esse, aut sibi necessitatem incumbere monuit, philosophiae studiosos monendi, Regium Cartesianum non esse, nec, quod hactenus factum, eius decreta pro Cartesianis habenda. Gratias pro hac voluntatis suae significatione Cartesio egit Regius, ast non sine artis et rationis praesidio se in eo sako voluendo fuisse diligentem, et analysin accuratam adhibuisse ostendit, promisitque addere hanc declarationem praefationi: se in multis quidem lubenter sequi virum hunc summum, in quibusdam autem contrariam se fouere opinionem, in aliis iudicium suspendere. Quin et alia se additurum pollicebatur, quibus prohiberi posset, ne quis alienam Cartesio sententiam affingeret. Respondet Cartesius, non displicere quidem sibi methodum analyticam ab eo adhibitam, ast deesse Regio eruditionem metaphysicam et theologicam, hincque ferri non posse, quae de commercio inter animam et corpus, de Deo, et similibus dixerit: illa enim omnia sua praecepta de isto argumento corrumpere, nec se eiusmodi errorum participem esse velle. Id tantopere offendit Regium, ut apertissimo dicendi genere disciplinae Cartesianae renunciaret, et sibi systema proprium fingeret, cui ex Cartesianis praeceptionibus inferebat, quod sibi bonum videbatur. Dici non potest, quam displicuerit ista defectio Cartesio, quamuis magistri ore eum allocutus, ad resipiscendum salutaria monita ei dedisse videri vellet. Ipse quoque Bailletus, tanta in eum indignatione istam ob causam exardescit, ut Cartesianae sectae desertorem, plagiarium, schismaticum appellare, indignis historico titulis non erubescat, et ingratum ei animum aliquoties obiiciat. Ast et sectae condendae studium satis ista actione prodidit Cartesius, et imprudentiam suam atque partis fauorem manifestauit Bailletus. Nihil enim factum a Regio, quod non veritatis studiosum deceret, et eclecticae philosophiae regula permetteret. Neque enim plagii accusari potest, cum multa a Cartesio se accepisse fateatur, nec schismaticus dici, qui in verbis magistri iurandum non esse a Cartesio didicerat, et peculiarem sectam condere non affectabat, suo autem iure gaudens suis oculis videre, et quaecunque apud alios veritati consentanea deprehendebat, suis aptare cupiebat. Quae nisi fallimur, manifestum faciunt, non nisi sectae condendae studium hanc Cartesio indignationem dictitasse, adeo verum est, idem peccare, et veteres et recentiores.



§. XXIV. Interim et cultro anatomico et aliis experientiae mediis in naturam rerum penetrare sicque solitudinis sponte electae taedia fallere fategit Cartesius. Quem cum in itinere ad Suecos versatus Canutus, legatus regis Galliae inuideret, et nonnulli viri praestantissimi eius amicitiam ambirent, his deliciis molestiam temperauit, quam instantias Gassendi, ad quas tum respondebat, illi concitasse supra iam tetigimus. Sed et moralem philosophiae partem tum priuatis tentaminibus tangere, et physicam partem ad naturam affectuum, quos Graeco patrioque more passionibus vocauit, transferre coepit: litem autem cum Roberualio de vibrationibus reciprocatam et minus decoram et parum iucundam expertus est. Fouit doctrinae moralis studium Elisabetha princeps, quam Cartesianae doctrinae praeclare fauisse supra diximus. Ea enim cum factorum aduersorum malignitatem philosophiae praesidiis fallere cuperet, cogitationes et philosophemata SENECAE *de Vita beata* Cartesium examinare, suamque ipsi sententiam iussit perscribere, quae et ipsa laudabili exemplo cum nostro communicauit, quid ipsi de summo bono, de anima, de libertate, de affectibus et ratione hominis videretur. Auxit laetitiam Cartesii, his philosophiae suae incrementis valde exultantis cum videret, in gymnasio Bredano, quod tum recens excitatum erat, et curatores eius Riuetum atque Huygenium, et professores Pollotum, Ionssonium aliosque plurimum placitis suis fauere, et hoc ipsum gymnasium illustre Cartesianum reddere. Nampe haec votorum omnium summa philosopho erat, ubique philosophiam suam in sectae speciem transeuntem, videre triumphantem. Iucundissimum ideo fuit philosopho cum ex societatis philosophis plurimos sibi fauere, nec displicere illis nouum philosophandi genus intelligeret. Mirum itaque non est, ferre non potuisse Cartesium, cum Honoratus Fabri ex hac societate theologus et philosophus nouum ipse ex veteri Aristotelica philosophiae systema condidisset, et corrupto vino nouam hederam suspendisset. Et ridiculum fere est, adeo in utramque partem impegisse Fabrum, ut cum apud familiae suae socios Cartesianismi fieret suspectus, Cartesius e contrario crediderit, eum systema suum suae philosophiae opposuisse, eo fine, ut improbari Cartesianae philosophiae placita a sodalibus Iesuitarum orbis philosophicus statueret. Adeo partis studium et suspicio veritatis iudicium corrumpit, et in transuersum agit viros etiam doctissimos. Nihil autem capere animum Cartesii magis potuit, quam quod a Canuto esset edoctus, Christinam Sueciae reginam, cuius de viris doctis ipsisque scientiis fere omnibus iudicium orbis eo tempore tantum non adorabat, maximam de eo opinionem concepisse, spemque esse, fore, ut hac quoque Minerua fauente inter nives et glaciem septentrionis laetissima philosophiae suae incrementa exsurgerent. Ea vero, a Canuto praestantiam acuminis, quod de Cartesio praedicabat, edocta, quaestiones nonnullas morales, pridem in conuentu virorum doctorum ipsa praesente agitatae, legato tradiderat, ut de iis Cartesii sententiam

*Studia Cartesii in solitudine Egmondiana.*

*Incrementa Cartesiani.*

tiam posceret. Versabantur autem illae circa amorem odiumque, eiusque naturam atque usum. Vt itaque tantae reginae desideriis velificaret, dissertationem de amore ad Canutum transmissit, vt eam reginae praelegeret. Quae cum acerrime iudicaret, admirata eius in philosophando felicitatem beneuolentiam ei suam testari legatum iussit.

*Turbae Leiden-  
ses contra  
Cartesium.*

§. XXV. Interruperunt haec gaudia Cartesii turbae, quas Leiden-  
ses theologi, a Voëtio, quod quidem Cartesianae factio suspicabatur, insti-  
gati, mouere coeperant. Proflerat enim in arenam disputationibus publi-  
cis contra Cartesium Iacobus Reuius Dauentriensis, qui haud infimum  
tunc inter theologos eius scholae locum occupabat, meditationes Carte-  
sii euerfurus. Cui succenturiatus aderat Iacobus Triglandius, theologus  
primarius; qui blasphemias esse atque impietati, maxime vero Pelagianis-  
mo fauentes assertiones Cartesii contendebant. Is cum alienos sibi et  
peruersos affingi sensus intelligeret, ad vniuersitatis istius curatores scrip-  
psit, et iniuriarum theologos eos postulauit. Illi citato rectore atque pro-  
fessoribus serio interdixerunt, ne quid dicto scriptoque contra Cartesium  
molirentur, eum vero similiter literis hortati sunt, vt a controuersiae  
serra abstinere. Id quod vehementer displicuit Cartesio, qui non de  
quaestione aliqua philosophica, sed de famae honorisque reparatione pre-  
ces suas ad eos detulerat, et hanc prouidentiam curatorum, suae magis  
scholae, quam alieno nomini inuigilare conquerebatur. Itaque cum  
theologorum factionem in synodis et consistoriis valde potentem metue-  
ret, Pelagiani nominis infamiam perhorrescens, ad Arausionensis princi-  
pis auctoritatem, parario legato Gallico confugit; quod tamen effectum  
non habuit alium, quam vt theologis silentium de argumento huiusmo-  
di, eorum pulpita non tangente, iniungeretur, ipsis tamen eorumque fa-  
mae et existimationi quouis modo parceretur. Quod nec Cartesio pla-  
cuit, nec eius, quos in ista academia habebat sectatoribus, Heydano, Ba-  
nio, Heerebordo, quos fauere Romanensium partibus Cartesianam doctri-  
nam docendo, rumor dictitabat.

*Iter Galli-  
cum Cartesii  
secundum.*

§. XXVI. Altera tum vice patriam inuisere statuerat Cartesius,  
quod iter cum turbae istae parumper sufflaminassent, tandem ruptis repa-  
gulis mense Iunio anni 1650 c. XLVII Haga Lutetiam profectus est, in  
Britanniam minorem postea descensurus, vt rebus domesticis, quod caus-  
sabat, prouideret. Dum vero editionem Gallicam principiorum suo-  
rum, quam confecerat Picotius, expectat, et prorogat terminum, vt eum  
absoluto opere comitem adscisceret, amicos nonnullos in Gallia morte  
praeuentos perdit, maxime Mydorgium, amicum veterem, Merfennum  
aegrum inuenit. Eorum tamen, qui illi fauebant, studio factum, vt apud  
primarium rerum publicarum administrum de stipendio annuo regis nomi-  
ne soluendo illi prospiceretur. Quod cum tria librarum Gallicarum mil-  
lia ei numeranda promitteret, vt et meritorum praemium acciperet, et  
habe-

haberet impensas, quibus in iuuandis scientiis sustentaretur, merito totus inde in admirationem conuersus est, cum ignorasset, quid pro eo egisset amicorum industria. Ita auctus rei neruo, postquam cum Paschale de materia sua subtilissima, de vacui horrore et similibus coram disputauisset, ad Batauos rediit, et solitudinem Egmondianam repetiit, traductis eius silentiis ad meditationes philosophicas et capienda experientiae specimina de vacuo, quae cum Picotio in ea hyeme instituebat. Interrupit tamen labores hos physicos desiderium reginae Sueciae, quae, interprete Canuto, sententiam de summo bono eum rogauerat. Quam cum philosophicis luminibus adhibitis, id enim regina postulauerat, scripto designasset, illique dissertationem de eodem argumento adiunxisset, quam Elisabethae principi olim transmiserat, tota in eius admirationem rapta regina est, quae et propria manu ei gratias egit, et ab eo tempore de eo in Sueciam aduocando cogitauit. Facile his fauoribus usus contempsit REVII *Considerationem theologicam methodi Cartesianae*, tum prodeuntem; et ad REGII *Dissertationem de Anima rationali* breues stricturas edidit, aliaque contra ipsum comparentia secure neglexit.

§. XXVII Vix saeuire hyemis inclementia desierat, cum afferrentur iterum amicorum literae, quibus nuntiabatur, veniret in Galliam, regem enim amplissime illi cupere, et nouum ei stipendium decernere, quin et loco illustri ponere velle, vt maxima tranquillitate ad supremum apicem philosophiae opus perducere posset. Et initio quidem rerum in isto regno publicarum facie persuasus suspecta haec consilia habebat, ast cum ipse regius codicillus, quo nouum illud ei praemium designabatur, ab amico submitteretur, ad iter se ineunte mense Maio anni c160cxlviii, accinxit. Ast Parisios delatus, dici non potest, quam attonitus fuerit, cum se amicorum, qui eum praesentem cupiebant, artibus deceptum, et suis sumptibus istum codicillum redemptum intellexisset, et se frustra istas itineris molestias suscepisse cognosceret. Quin adeo aduersa philosopho ista res fuit, vt qui eum in aulam inuitauerant, eum facietenus tantum noscere se cupere profiterentur, et hanc istius fraudis causam esse dicerent. Quod haud exiguum Cartesio indignationem concitauit, qui et spe sua erat deiectus, et itineris molestia grauatus, et amicorum dolis delusus, id quod amplissimam HVTIO<sup>p</sup> occasionem praebuit false Cartesium ridendi, quod aulae fauores in umbra philosophica delitescens stolide affectus. Ne vero omnis illa mora Parisiensis frustranea esset, effecit ducis Laudanensis diligentia, qui Cartesium cum Gassendo non sine vtriusque gaudio reconciliauit, et similem forte pacem cum Roberualio parauisset, nisi in congressu virorum doctorum, de vacuo ad motum necessario disputanti mathematico adeo ebulliisset sanguis, vt totus igne accensus, non nisi flammam contra Cartesium euomeret, omnemque occasionem eum mordendi,

*Tertium iter  
Cartesii in  
Galliam.*

<sup>p</sup>) Memoires pour Cartesianisme p. 34. seqq.

*Hist. philos. Tom. V.*

Hh

dendi, anxie perquireret. Quibus molestiis, rerumque publicarum in vrbe facie parum laeta fatigatus Galliaeque pertaesus, ineunte mense Septembri ad Batauos suos, et Egmondiana silentia rediit, ab ista, quam animus perpeffus erat, tempestate in securo hoc portu quieturus. Verum vt nihil est in humana vita ex omni parte beatum, ne solitudinem quidem istam moerore vacuam esse mox intellexit, allato nuncio de obitu Merfenni, quem amicum veterem eumque a longo tempore fidissimum et laetissimis speciminibus carissimum erat expertus. Ad quem cum epistolas innumeras fere scripisset, eas, quod ad familiarem datae essent, recuperare studuit, sed frustra. Pleraeque enim Minimorum incuria disiectae perierant, multae Roberualio, diligenter eas quaerenti, inciderant in manus.

*Favor reginae Sueciae, erga Cartesium.*

§. XXVIII. Laetiolem, quam in patria frui licuerat, fortunam et ampliores laborum suorum successus Cartesio promittebat eo tempore Suecia, cuius regina valde Cartesianae philosophiae fauere coeperat, praecipue vbi dissertationem eius *de Passionibus Animae* legisset. Illa enim adeo literatissimae principi placuerat, vt totam illam philosophiam, explorare apud se statueret, qua in re Freinsheimii et Canuti opera vti decreuerat. Intellexit hanc philosophiae suae fortunam Cartesius, cum Elisabethae principis fata votis et suis et illius post pacem initam minime respondere intellexisset, incertusque haereret, quo loco rerum suarum sedem figeret. Mense enim Martio anni 1648 c. XLIX Canuti literis edoctus est, cupere reginam,

q) Natus est Marinus Merfennus Cenomanensis VI. id. Sept. anno 1588. ordinique Minimorum Francisci a S. Paula nomen dedit, denatus Parisiis Cal. Sept. anni 1648. Vir doctus et linguarum orientalium apprime peritus, vnde locum ei in Gallia orientali p. 270. fecit PAVLVS COLOMESIUS. Sed et philosophiam linguarum studio iunxerat; et vtriusque specimen amplum et eruditum, priusquam Cartesio innouisset, ediderat, vulgando Quaestiones in Genesim. In quo vasto libro longeque rarissimo et paucis viso, illud quidem philosophiae restaurandae desiderium praese fert, vt reges principesque hortetur; vt academias huic instituto aptas erigant; fateaturque rerum naturalium ampliolem notitiam opus esse theologo, cum nec Christus venerit, vt nos astrologiam doceret, nec Moyses philosophicas difficultates attigerit, sed rem prout apparet explicauerit. At vehementer tamen, dum contra Atheos quosuis insurgit, et hac quoque suspicione, quemlibet fere a Romana ecclesia dissentientem premir, non Brunum modo, Campanellam similesque reprehendit, sed et Telesium, Keplerum, Galilaenum, Gilbertum pungit. Monendus hoc loco est lector, folia ista, in quibus Merfennus de insigni Atheorum inter Gallos numero conqueritur, atque principes et magistratus hortatur, vt „vbiunque deprehensus fuerit Atheus, debitis suppliciis, quae „nimia esse nequeant, corripiatur, domus illius „suique deque vertatur, et perpetuae notae igno-

„minia ei publice inuratur, etc. in omnibus fere exemplaribus p. 670 ad 676. sublata, iisque alia surrogata fuisse, vt obseruatum NICHOLAI MEMOR. LITER. T. XXXIII. Forte quod vel ipsum auctorem vel censes tam propudiosae narrationis puderet. Eas paginas laudabili consilio anonymus quidam in Bibliotheca Gallica P. XXXIV. S. I. art. 7. recusar exhibuit, cum tantum non penitus disparuerint, et paucissimi eas viderint. Quam recusam harum pagellarum editionem esse sinceram comparata cum exemplari nostro integro et non castrato nos edocuit. Fidei autem in narratione Merfenni desideramus, et ineptum merito eius zelum reprehendimus, qui larnas ei videtur finxisse. Dignum autem eruditorum curiositate putamus, si quis inquirat, quae causa Merfennum coegerit, folia haec abiicere, quaeque vera tam insignis raritatis libri huius causa sit, sic vt vix quatuor exemplaria Parisiis extare non nemo monnerit? In notitiam Cartesii autem delatus, et ei intima amicitia iunctus, non modo valde eius decretis fauit, sed et communis quasi philosophorum castius et emendatius statuentium canalis fuit, et vinculum, quo inter se amicitia conneckerentur. Obiit ex hausta nimis frigida, cum Cartesius eum intuisset non sine amicorum luctu, relictae Cogitationis physico-mathematicis. Francisci Veneti Somnia Pythagorica eum euerisse, superiori huius tomi parte diximus. Vitam eius descripsit HILARIO DE COSTA.

reginam, vt Holmiam veniat, philosophiae praecepta ex ipsius ore hauriendi atidam. Praeuidit Cartesius coeli inclementiam in his septentrionis regionibus sanitati suae fore inimicam; itineris quoque maritimi molestiam, aëremque grauiorem merito pertimescebat, et declinare iter meditabatur: cum noua compellatione Canuti reginae mandato vrgeretur, vt iter maturesceret. Dedit itaque manus, atque instante aestate venturum se est pollicitus, et nauarcho Sueciae Flemmingio ipso Egmondiam profecto, reginaeque voluntatem ei declarante, post editam a Schotano geometriae suae versionem Latinam, quae tamen parum illi probata fuit, ad iter se accinxit, parum tamen animo laetus, cum et suspicionibus angeretur, et Suecorum odia timeret, quos transuersis oculis intueri peregrinorum in aula reginae suae fortunam audiuerat, et ipsius quoque religionis suae professionem sibi obstantem vereretur. Quamuis autem redeunte vere redire se ad pristinas sedes posse certo sperabat, arcano tamen instantis fati sensu aliquo de rebus suis ita disposuit, ac si nunquam ad suos esset reuersurus. Commendataque dissertatione *de Passionibus* Elzeuirlanae typographiae vnus serui comitatu iter ingressus Holmiae calendis Octobris appulit, et a Canuti vxore omnibus humanitatis signis exceptus est. Altera die reginam salutans ea beneuolentiae significatione admissus est, quae inuidiam aliorum prouocare facile poterat. Noluit tamen animare, postulanti, vt rerum suarum sedem, relicta Hollandia inter Suecos figeret. Tum consilium discendi philosophiam Cartesianam ex ore conditoris exequi statuens, primam his meditationibus horam; lecto relicto destinauit, quod et animum attentum magis seruare posset, et otia haberet tranquilliora. Quam reginae voluntatem, vt par erat, obsequio prosecuebatur Cartesius, intelligebat autem facile, et suae viuendae consuetudini valde refragari et haud parum valetudini obesse. Nam in lecto meditari solebat, vt supra iam dictum, et aëris inclementia summo mane valde corpus affligebat. Paruit itaque iussis, et reginam in disciplinam recepit; quae cum ingenii vastitatem persentisceret, consiliis seuerioribus eum adhibere nulla dubitauit, et in rebus quoque ad regimen statuum pertinentibus ad eius prudentiam recurrit. Qua reginae gratia ita solus est Cartesius, vt et amicis inferuaret, et Elisabethae principis Palatinae causam apud reginam ageret, et se doctrina pariter atque morum honestate et grauitate reginae aulaeque valde commendaret. Id quod inuidiam ei conflauit atrocissimam, cum negligi se putarent alii, quos doctrinae, et imprimis philologiae causa in aulam regina acciuerat, et humanitatis studia ab hominibus Gallis deprimi quererentur. Sed et administratorum reginae animi peregrinorum auctoritati qua apud reginam fruebantur, valde inuidebant, vixque pati poterant, alienos mores patriis praeferrí. Quod eo magis infensos Cartesio animos parare poterat, quo magis reginae fiducia eum rebus quoque ciuilibus interdum adhibebat. Nihil tamen haec omnia serenissimam foeminam, in dies laetius philosophantem

phantem impediuerē, quo minus et beneuolentiam Cartesio testaretur, et amplissime eius philosophiae faueret. Quae cum alia quoque, praeten edita, affecta Cartesium habere intelligeret, vehementer eum hortata est, vt philosophiae suae corpus aliquod perfectum, suisque partibus absolutum colligeret, et ea absolueret, quae adhuc restabant. Qua in re morem esse gerendum reginae ratus Cartesius, chartas suas secum allatas lustrauit, et manum illis ultimam admouere, statuit. Fuere autem inter eas tractatus *de homine*, *de formatione foetus*, et *de lumine* siue *mundo*, qui inter posthuma Cartesii prodire, curantibus editionem Claudio Clerfelierio et Ludouico de la Forge, quorum ille praefationem praemisit <sup>r</sup> ad historiam Cartesianorum librorum illustrandam haud parum facientem, hic librum *de Homine*, amplissimis annotationibus illustrauit, vterque de Cartesii philosophia praeclare meruit <sup>s</sup>. Habebat et affecta alia, et inter ea volumina duo epistolarum quae Clerfelierius postea vulgauit, quaeque in huius philosophi vita concinnanda Bailletto maximam lucem praetulere. Tacemus alia, quae fragmenta magis exhibent, quam tractationes integras, quorum titulos et argumentum exhibet BAILLETVS <sup>t</sup> qui videndus. Quae cum reginae oculis paterent omnia, sibi vindicandum esse Cartesium statuit, et vt facilius climatis seueritatem ferre posset, in meridionali regni parte, vel regionibus quoque Germanicis, quae sceptro Suecio parebant, et terras et stipendium insigne trium millium thalerorum ei obtulit. Porro et academiae scientiarum condendae consilium cum Cartesio agitauit, qui cum eius modum descripsisset, peregrinis aditum, mirante regina, denegauit. Redux ex conclauis reginae, cui istud consilium delineauerat, vacillantem valetudinem haud obscure sensit, ipsoque purificationis B. V. festo post S. eucharistiae mysteria percepta pulmonum inflammatione cum febre continua prostratus est. Quem morbum sine dubio aëris inclementia, et turbata viuendi ratio ei contraxit, valde autem auxit pertinacia, qua venae sectionem respuit <sup>u</sup>, turbatis febris violentia, aegroti sensibus. Quorum vsum cum septimo die recepisset, frustra ad hoc remedium recurrit, morbiq; saeuitiae tandem succubuit, mortalem deponens sarcinam III. Id. Febr. 1651.

*Sepulchrum  
Cartesii.*

§, XXIX. Aegerrime tulit tanti viri obitum Christina, et, si fides BAILLETO <sup>x</sup>, lacrymarum imbre demonstrauit, quanto desiderio illustrem

r) Maxime illa notanda sunt, quae de Regio Clerfelierius disserit, quem cum rogasset, vt libro *de homine* figuras necessarias adiceret, repulsam tulit, cassante Regio, fieri posse, vt concordantibus suis meletematibus cum Cartesianis haec excerpissse nonnullis videretur, si ipse manum operi admoueret. Quae dum narrat Clerfelierius, haud obscure prodit, Regium meditationes has physicas Cartesii, dudum in MSt. visas expilasse.

s) Prodiit quoque opusculorum posthumorum Cartesii editio Amstelodami 1701, vid. AG. erud. 1701, p. 532, seqq.

t) loc. cit. cap. 20, p. 275. seqq.

u) Ibid. pag. 281. Boeclerus apud LEIBNIZIUM in notis ad vitam Cartesii quae extant in CHR. THOMASII Hist. Sap. et Stult. T. II. p. 114. Maxime vero delirantem ex morbo Cartesium impendebat medicus regius Weules dictus, homo Barauus; qui olim Voëtii partes erat securus, conf. HÜETIVS l. c. p. 89. CRENIVS Animadu. P. I. p. 136. seqq.

x) Lib. VII. cap. 22. p. 281.

lustrem praeceptorem perdidisset. Legato ideo Galliae dolorem suum testata, locum sepulchri in honestissima regni sui parte ad regum Sueciae pedes, et pompam quoque funebrem atque mausoleum superbum promissit. Ast cum aliter visum esset legato Gallico, in coemeterio peregrinorum sepulchris destinato, sine pompa sepultus est, funus efferentibus ex Gallis honestissimis, qui aderant. Excitatus supra sepulchrum cippus asseribus ligneis cinctus, ut inscriptio sepulchralis addi posset. Ea hoc defuncti elogium retulit: D. O. M. *Regnante Christina, Gustavi I. pronepote, magni filia, aurorum coepta patriaeque terminos victoriis novis promouente, pacem demum armis quaesitam artibus ornante, accitis undique terrarum sapientiae magistris, ipsa in exemplum futura, Renatus Des Cartes, ex eremo philosophica in lucem et ornamentum aulae vocatus, post IV. mensem morbo interijt, et sub hoc lapide mortalitatem reliquit A. C. 1650. vitae suae LIV.* Renatus DESCARTES Perronii dominus, ex antiqua et nobili inter Pictones et Armoricos gente in Gallia natus, acceptas, quantacunque in scholis tradebatur, eruditione expectatione sua votisque minore, ad militiam per Germaniam et Pannoniam adolescens profectus, et in otiiis hybernis naturae mysteria componens cum legibus matheos, utriusque arcana eadem clavi referari posse ausus est sperare, et omisissis fortuitorum studiis in villula solitarius prope Egmondum in Hollandia assidua viginti quinque annorum meditatione ausus peritus est. Hinc toto orbe celeberrimus a rege suo conditionibus honorificis euocatus redierat ad contemplationis delicias, unde auulsus admiratione virtutum maximae reginae, quae quicquid ubique excelluit, suum fecit, gratissimus aduenit, serio est auditus, et desletus obiit. Nouerint posterij, qualis vixerit Ren. des Cartes, ut cuius doctrinam olim suspicient, mores imitentur. Post instauratam a fundamentis philosophiam apertam ad penetralia naturae mortalibus viam nouam, certam, solidam, hoc vnum reliquit incertum, maior in eo esset modestia an scientia? Quae vero sciuit, verecunde affirmavit. Falsa non contentionibus, sed vero admoto refutauit, nullius antiquorum obtrektor, nemini viuentium grauis. Inuidorum criminationes purgavit innocentia morum, iniuriarum negligens, amicitiae tenax. Quod summum tandem est, ita per creaturarum gradus ad creatorem est conatus ascendere, ut opportunus Christo gratiae auctori in auita religione quiesceret. I nunc viator, et cogita, quanta fuerit Christina et qualis aula, cui mores isti placuerunt. Christianissimi regis Ludouici XIV. Ludouici iusti filij, Henrici M. nepotis, Anna Austriaca, optima, prudentissima, fortissima regina, annos et regnum filij regnante, legatus ordinarius Petrus Chanutus, hoc monumentum ad gloriam Dei, bonorum omnium datoris, Gallici nominis honorem, perpetuam memoriam amici carissimi Renati Des Cartes poni curauit anno VII. ab excessu Ludouici iusti. Magnificum hoc esse elogium, nemo non videt, ast post fata quoque inuidiam Cartesio

H h 3

conflare



conflare aptum; quam ioculari voce, si fides HVBETIO <sup>7)</sup>, nonnemo prodidit, vocibus, sub hoc lapide, furtim adiciens, ligneo, eo quod cippus iste lignea compage ad lapidis formam et colorem constructus esset atque dealbatus. Alii mordax cenotaphium, ut inter euntes in partes fieri solet, scripserunt <sup>8)</sup>, quos hoc loco non moramur; carissima tamen amicis semper et sectatoribus philosophi memoria fuit, quam nonnemo epitaphio, carmine Gallico scripto honoravit. Ceterum et amici in Suecia praesentes eius desiderium, quo vrebantur, conditis elogiis leuauerunt, et numo quoque eius laudes consecratae immortalitati apud Batauos sunt. Postquam autem regina in Romanae ecclesiae castra transierat, anno 1650 cineres et ossa Cartesii ex Suecia in Galliam translata et superba pompa in ecclesia S. Genouefae condita, iustaque digna tanto viro eiusque nobilitate atque meritis persoluta sunt.

*Character  
Cartesii ex  
delineatione  
Baileti.*

§. XXX. Dici non potest, quantam auctoritatem fama viri summi apud eos, qui vel amicitia eius usi sunt, vel doctrinam eius secuti obtinuerit. Apud eos enim nemo inuentus est philosophorum veterum et recentiorum, qui cum Cartesio posset comparari. Cuius indicium esse potest, morum, meritorumque eius delineatio, quam consentiente tota Cartesianorum cohorte commentario suo de vita rebusque Cartesii in fine adiecit BAILLETUS <sup>9)</sup>. Quem cum hactenus in enarranda vita maximi philosophi ducem secuti fuerimus, par est, ut hanc quoque, quam de corporis et animi dotibus Cartesii depictam dedit, εἰκόνα, contemplemur. Hoc auctore Cartesius corpore usus est firmo, statura paulo supra mediocritatem assurgente, et cum partibus suis pulchre concordante, vultu laeto et iucundo, semperque sereno; vestitu amictus nec superbo, nec tamen singularem philosophi habitum affectante, et inter Hollandos ad mores regionis adaptato. Vitae genus adhibuit sobrium et frugale, nec deliciis mensae addictum, sed sanitati attemperatum, et lecto diutius non somni tantum causa, sed meditationis quoque, haud raro affixum. Laboris erat patiens, et corpus quoque firmare exercitatione assuetus. Sanitatem autem studiose curauit, et venaesectionem caute prudenterque esse adhibendam statuit, eo quod innumeris nocuisset, ipse ad mortem usque, non alio medico usus, nisi se ipso, eo quod pharmacopoeorum et seplasiariorum artes parui penderet, et diaeta magis et regimine, quam medicaminibus corporis sanitatem posse conseruari, crederet. Familiares et domesticos aluit bonos, intelligentes, virtuti deditos, quos doctrina pariter atque exemplo formare annitebatur, unde factum, ut ex eius seruitio viri docti et elegantes muneribus publicis praeficerentur. Circa bona vero fortunae adeo ἀδιαφορίαν sectatus est, ut, praeter ea, quae familia honeste alenda postulabat, de facultatibus augendis minime omnium esset

<sup>7)</sup> De Rebus ad eum pertinentibus L. III, p. 45. conf. Memoires pour l'histoire de Cartes. p. 99.

<sup>8)</sup> Vid. MAGIRVS Eponymol. crit. p. 186.

<sup>9)</sup> L. VIII, p. 286. seqq.

esset sollicitus, et animum tranquillum contentumque praesenti, omnibus diuitiis haberet potiorum. Inde factum ut fortunae procellis immotum impavidumque pectus obiecerit, eiusque inuidiam pariter atque fauores negligenter satis respexerit, in id potissimum intentus, ut se potius, quam fortunam vinceret, et cupiditates magis mutaret suas atque desideria, quam ordinem mundi inuerti cuperet. Ea autem magnitudine animi sustentabatur, ut omnem aliorum liberalitatem, excepto rege suo, respiceret, et domus, commoditates, numos, oblataque vitae praesidia alia nollet admittere, ne vel vni esset grauis, vel libertatem venderet. Quem tamen animi generosi contemptum diuitiarum nec fastus extulit, nec superbia grauem fecit aliis, quorum abundantia nunquam eum inuidiae ignibus adussit. Ita vero factum, ut patrii reditus in vita solitaria et a molli-  
tie et luxuria longe remota abunde sufficerent. Quamuis autem solitudinem philosophiae causae valde amaret, tantum tamen abest, ut difficiles Timonis mores imitatus sit, ut iucunditas morum, ex tranquillitate animi profecta, et vitae elegantia etiam in eius eremo philosophica eluceret, et quicumque eum adire cupiebant, illis se et facili praerberet et confabulatione dulcissimum. Maluit autem latere, quam per ora virorum ferri, et conuersari magis studuit cum natura rerum, quam cum hominibus. Philosophiae enim praesidio gloriae cupiditatem superauerat, parum curans, quid de ipso alii iudicassent; et quamuis famam honestam non contemneret, placuit ei tamen magis, ignotum latere, quam ab aliis celebrari. Totus autem meditationi philosophicae filens et attentus se immergit, vnde rarior ei sermo et moderatus atque temperans eius usus. Et licet paulo segnior esset ad scribendum, semel tamen arrepto calamo tanta concinnitate, ordine et perspicuitate scribebat, ut omnibus satisfaceret. Lectionem non omnem quidem contemnebat, aut modicam tamen adhibebat, paucis libris instructus, eo quod tot in illis vana, inutilia, superflua eum offenderent. Ingenium autem vastum et vi quadam ignea diuinum nactus, soliditatem, accuratoremque ita seruauit, ut merito geometricum dici possit. Inde factum, ut memoriam, licet fidam satis et patentem, multis parasangis superauerit iudicandi acies in abditissima rerum penetralia, insolita celeritate penetrans, et cum sensu exquisito, recto et acuto, animi iudicium, non minus de rebus profundissimam meditationem postulantibus, quam de iis, quae quotidie in vulgus occurrunt, formans. Huic iunxit amorem veritatis non nisi cum morte dimissum, quem sinceritas animi ita sustentabat, ut totus candor esset, hocque caractere ab aliis cuperet distingui, nec morum elegantiam, ad falsitatem animi vnquam pateretur relabi. Vnde errori quidem ex ignorantia profecto facile ignouit, aut mendacium hostis implacabilis persecutus est. Cumque animo vere bono vteretur, docilitatem eam a natura accepit, quae amplissimis scientiarum campis sufficeret, quaeque emendare errores facile pateretur. Inde enata modestia, tantae virtutis, ut cum perti-

naciam

naciam ex superbia ortam ei aduersarii obiecerint, in iis casibus, quos accusabant, ostenderit, nihil tale infixum esse animo, facileque se veritati cedere. Mores autem mites et humanos adeo amabat, ut vehementiam omnem cane peius et angue oderit, infensissimos hostium latratus simili voce nunquam excipiens, iraeque atque affectuum intemperiei philosophica virtute moderatus, pacemque, ita venatus, ut iniurias quamuis atrocissimas facile obliuisceretur, paratiorque esset ad sepeliendos aliorum errores, quam memoria recolendos et obelo configendos. Ad his debent amicitiae constantia atque fides, et conscientiae integritas nulla perfidia contaminata, facilitas animi a suspicione libera, et in partes meliores prona, certe sententiam ab incertis circumstantiis provide continens, et ad reconciliationem sponte accurrens. Cumque coelebs viveret, semel tantum castitatem laedendo <sup>b</sup>, humilitate coram Deo, et humanae imbecillitatis recordatione illum errorem pie emendauit. Tantam autem Deo creatori reuerentiam exhibuit, ut maxima cautione et prudentia de eo loqueretur scriberetque, et pro existentia Dei aduersus impios demonstranda, quamcunque pugnam laetus susciperet: unde non nisi inuita ei veritate atheismus et scepticismus obiectus est. Nunquam autem theologiae fines laceessere sustinuit; sed rationis lumina eo retulit, ut fidei inde certissima emolumenta nascerentur. Vnde qui inimicam iudicarunt reuelationi eius philosophiam, aut noluisse aut nequiuisse eum intelligere censendi sunt. Qui autem fidem non seruauisse ecclesiae Romanae clamitant, aut de altaris sacramento eum ab illa deuiasse coqueruntur, non recordantur, et pie eum in illius gremio obisse, et transubstantiationis dogma philosophicis luminibus illustrauisse, quamuis accidentium laruas negligeret, et pietatem laudabilem ad finem vitae seruauisse, omnem autem doctrinam suam ecclesiae iudicio humiliter subiecisse. Haecenus Bailletus. Qui cum laudatorem magis quam historicum in his egerit, nec viderit in Cartesio quicquam reprehensione dignum, nos, positis partis studiis, sincero calamo describemus, quid laudandum videatur in viro summo, quid culpandum merito, ut et virtuti meritisque suis constet honos, et habeant, qui philosophari cupiunt, quibus exemplo maximorum virorum discant vitare deuia, regiamque viam recte tenere.

*Laudes Cartesii.*

§. XXXI. Accurate autem ad Cartesii historiam et philosophiam attendentibus, eiusque conatus emendandae philosophiae cum iis, quae ante eum susceperunt magni in orbe philosophico heroës comparantibus manifestum erit, fuisse eum virum ingenio maximo vereque philosophico praeditum, adeoque ei, quod susceperat, negotio omnium aptissimum. Nam et naturali pollebat iudicandi acie, et celeriter atque alte in veritatis causas, et nexus propositionum penetrabat, positisque semel principiis clavis et euidentibus, quid ex illis consequi necesse esset, praeclare intelligebat.

<sup>b</sup>) Filiam extra matrimonium genuerat, quae quinquennis magno parentis luctu obiit.

ligebat. Quam iudicii vim satis produnt innumera, quae pulcherrime de natura animae humanae monuit, quaeque noua tunc erant nullisque cognita haecenus. Nec minori fertilitate imaginandi virtutem sese in Cartesio exseruisse et elegantem imaginum seriem atque ordinatam quasi aciem praeclare disposuisse, ingeniosum physiologiae nouae aedificium satis superque comprobatur. Quas naturalis ingenii Cartesiani virtutes auxit et perfecit scientiarum mathematicarum cognitio, qua multos alios anteuertebat. Earum enim praesidio didicerat euitata scholasticae methodi confusione ordinem in cogitando seruare, notiones formare perspicuas et adaequatas, partes quaestionum enumerare omnes, ideas inter se comparare, resectisque iis, quae ad rem non faciebant, iis inhaerere, ex quibus velut propositionibus vniuersalibus et fundamentalibus, axiomatibusque particulares veritates rite deducerentur. Cuius elegans specimen dedit in dissertatione *de Methodo*, de qua cum infra dicendum sit, hic alia non cumulamur. Ita ordinis, perspicuitatis, et methodi auxilio adiutus, mirum non est, profunde eum in haud paucas veritates penetrauisse. Acceperunt his virtutes animi, quae ad regendum intellectum plurimi faciunt, inter quas eminuit in viro summo animus excelsus, magnus, et a iuuentute sibi ea fiducia praesens, ut sine cortice natum, contentisque ducibus incertis, tum de via veteri tritaque dubitare et recedere, tum nouam solus inire auderet. Aderat etiam rectus in eo animus, qui conculcatis praepiudiciis auctoritatis, antiquitatis, sectae, commodi, et similibus, quibus velut peste quadam corrumpi solent philosophantium ingenia, ad naturam obiectorum, quae exploranda sibi delegerat, candide attendebat, et vnam inquirendae veritatis metam sibi figebat. Ita verò philosophiae scholasticae, quam a pueritia imbiberat, horror quidam et auersio enata est, qua elicere eam totamque deferere, quam pacisci inter lucem et tenebras, illique noua miscere malebat. Recta haec via fuit, quam ingressus ad emendandam philosophiam longe felicius, quam multi ante eum alii, potuit grassari. Eam cum semel elegisset, magni animi constantia per totam fere vitam absolut, et nec muneris, nec coniugii, nec aliarum, quae enasci in vita philosophantibus solent, circumstantiarum impedimentis in eo cursu sufflaminatus est, operam in eo collocans, ne amicorum interpellationes meditationes suas turbarent, quem in finem solitudinem Egmondianam prudenter elegit. Quis non Cartesium ad emendandos immutandosque philosophiae vultus iis mediis accessisse fateatur, quibus paucissimi alii tantum opus aggressi sunt. Nec a disciplinarum subsidiis vacuus fuit, quas adolescens magna contentione didicerat, nec a lectionis copia tantum imparatus, quantum voluit videri, ut supra iam obseruatum. Mille itaque fauoribus sati feliciter de philosophia disponentis instructum Cartesium reformare sapientiam naturalem aggressum esse, et his artibus plurimum profecisse, adeoque mereri ut inter maxima ingenia, qui in orbis philosophici theatro comparuerunt,

*Hist. philos. Tom. V.*

II

sume-

numeretur, non nos modo fatemur, sed concinit quoque, quicquid ingenii diuinis, meritisque immortalibus pretium nouit statuere. Testes volumus non innumeram modo sectatorum cohortem, ad haec nostra tempora durantem, in qua viri fuere hodieque sunt praeclarissimis doctrinae speciminibus ingentem nominis famam adepti, sed alios quoque eosque haud paucos viros eruditos, quibus sectarium quidem Cartesii studium merito displicuit, ast qui nulli tamen dubitauerunt, debitis eum cumulare laudibus, iisque, quae recte ab eo prudenterque dicta sunt, sunt autem plurima, calculum adiicere. Cuius generis testimonia de Cartesio in tanto applaudentium aceruo plurima facile esset colligere, si specialem Cartesii et Cartesianae philosophiae historiam scriberemus: adeundus autem est THOMAS POPE-BLOUNTIVS<sup>c</sup>, qui multa collegit. Ne tamen hoc loco abeamus ἀσύμβολοι, ex innumeris fere, duos producimus, praestantiae ingenii Cartesiani testes idoneos, iustosque doctrinae meritumque eruditione partorum arbitros, viros illustres PAVLUM PELLISSONIVM et GOD. GVIL. LEIBNIZIVM. Quorum ille ita de Cartesio pronuntiat<sup>d</sup>: *Admiror Cartesium, quem maximi apud nos geometrae Fermatius et Robervalius, quibus ego magistris et amicis usus sum, inter primos et praestantissimos orbis geometras numerare nulli dubitant. Meditationes eius metaphysicae sublimes sunt, et cum nobilissimis religionis Christianae veritatibus satis amice conspirant. Eleganter quoque scripta est eius methodus, quam cum puer fere deperiisset, iam praestantissimum specimen iudicii accurati sensusque recti iudicio. Et profecto, quis vel ingenii vel inuentionis quid amplius praestantiusque exogitauerit pulcherrimo illo, quod construxit de mundo problemate? quem nostris oculis exposuit, nostrisque disputationibus tradidit diuina sapientia. Adde his laudibus de hoc summo philosopho, quod et alibi me fecisse memini, praestitisse se eum virum bonum, eumque vere se exhibuisse; suum autem systema non necessitatis titulo obtrusse, ut sectatores nonnulli nimis illi addicti faciunt, sed possibilitatis nomine commendauisse. Sunt tamen inter noua eius dogmata, quae plane borreo etc. Respondit ad ea LEIBNIZIVS ita, ut, quamuis iuuenum multorum morem improbet materiam Cartesii crepantium, ut habeant, quibus veteres contemnunt, et doctrinae antiquae nuntium mittant; licet etiam moneat, falli eos, qui eo solo contenti plus ultra non sapiunt, cum in geometricis quoque, limitibus se nimis circumscripserit; fatetur tamen, se Cartesium maximi facere, eo quod doctissimum se demonstrauerit, plusque legerit, quam sectatores eius credant: posseque de eo dici: esse eum ex illis, qui plurimum omnium inuentis antecessorum addidere. Alio autem loco<sup>e</sup>, postquam ea reprehendisset, quae in Cartesianae philosophia ipsi displicebant, addit: *Sed ista tamen omnia minime impediunt, quin Cartesium**

<sup>c</sup>) Censur. cel. auct. p. 1014.

<sup>d</sup>) Lettres de Mr. Leibniz et Mr. Pellisson de la tolerance p. m. 339.

<sup>e</sup>) Hist. Sep. et. Stult. a CHR. THOMASIO edita p. 122.

*sum inter maximos viros censeamus, qui generis humani opus augere atque etiam inter errandum profunt. Itaque Pythagoram, Democritum, Platonem, Aristotelem, Copernicum, Galilaeum, Baconum et Cartesium, (quibus Ioachimum Iungium adderem, si scripta eius extarent) aliosque, qui sibi homines immortalibus meritis obstrinxere; tamdiu colet posteritas, quamdiu memoria historiis, et virtuti veneratio erit. Adderemus DANIELIS f doctissimi ex Iesuitarum sodalitis Cartesii aduersarii censuram, omnino philosopho decoram, nisi ad ipsum eius libellum elegantissimum, et in Cartesianae philosophiae examine omnium minime negligendum lectorem ablegare nos iuberet instituti ratio, dicendorumque multitudo.*

§. XXXII. Aequos nos hoc pacto Cartesio praeuisse nobis persuademus, honoremque habuisse immortalibus, quibus vir summus eminebat, de philosophia meritis, credimus. Verum ut nihil est ab omni parte beatum, fatemur quoque imbecillitatibus laborauisse Cartesium, haud infimi generis, easque obstitisse, quo minus, quod suscepit reformandae philosophiae opus felicissimis auspiciis absoluisse sit dicendus. Et pulchre quidem ingenium eius praeparauisse, et acuisse quoque iudicium disciplinas mathematicas, non inficiamur, certumque putamus, hanc ei clauem naturae adyta in haud paucis referauisse; et accurate atque ordinate cogitandi artificium suppeditasse: praeterea a multis eum praeiudiciis, quibus impeditur veritatis inquisitio, liberauisse. Ast dolendum magnopere, virum summum, ingenii magis mathematici, quam ipsius artis, vitio in proportionibus, modisque haesisse, et vitioso argumentandi genere, cum modorum atque relationum harmoniam et proportionem indagaret, ad essentias rerum definiendas ea transtulisse, id quod haud vnus erroris fons ei extitit. Cuius rei exemplum atque testimonium, luculentum esse potest, definita per extensionem materiae essentia, quae aperto errore essentiam cum modo confundit. Ast hoc semel posito non poterat non de impossibilitate vacui, de virium mensura et similibus in nouos errores incidere. Certe si detectis modis essentialibus, ultra progressus, limites superasset, quibus male retentus fuit, dubium non est, quin multa recte vidisset, quae aut ignorauit, aut perperam statuit. Vnde eleganter dixit LEIBNIZIVS<sup>g</sup>, Cartesianismum non in ipsa philosophiae verae penetralia peruenisse, sed in vestibulo<sup>h</sup> haerere, et atrium naturae vix esse ingressum, vnde ad propiora et ipsam audientiam naturae properandum sit. Deinde probari in tanti nominis philosopho non potest, quod inter possibilitatem et probabilitatem accurate non distinxerit, et quod supra Pelissonium obseruantem audiuius, contentus fuerit, si ita mundi ortum existere potuisset, prout ipse delinearat, concederetur. Magnum enim in-

*Reprehenda in Cartesio.*

li 2

ter

f) Itin. Cartesii per mundum P. III. p. 185. add. STANHEMIVS, Epist. de Nouissimis in Belgio circa res sacras controuersiis p. 57.

g) Leibniziana p. 7.

h) Antichambre de la philosophie.

ter possibile et verisimile discrimen intercedere, norunt, qui artis rationalis fundamenta et intellectus humani historiam paulo accuratius rimati sunt. Vnde recte hoc nomine Cartesium reprehendit Cl. RVDIGERVS<sup>i</sup>. Quamuis subscribere nolimus RAPINO<sup>k</sup> contententi, Cartesium physiologiam suam pro fabula Romanensi habuisse. Aliter enim ipse CARTESIVS<sup>l</sup>, qui satis modeste ita pronuntiat: *Quamuis forte hoc pacto intelligatur, quomodo res omnes naturales fieri potuerint, non tamen ideo concludi debet, ipsas reuera sic factas esse. Nam quemadmodum ab eodem artifice duo horologia fieri possunt, quae quamuis horas aequae bene indicent, et extrinsecus omnino similia sint, intus tamen ex valde dissimili rotularum compage constant: ita non dubium est, quin summus rerum opifex, omnia illa, quae videmus, pluribus diuersis modis potuerit efficere. Quod equidem verum esse lubentissime concedo, satisque a me praestitum putabo, si tantum ea quae scripsi talia sint, ut omnibus naturae phaenomenis accurate respondeant. Hocque etiam ad usum vitae sufficiet, quia et medicina, et mechanica, et ceterae artes omnes, quae ope physicae perfici possunt, ea tantum quae sensilia sunt, ac proinde inter naturae phaenomena numeranda, pro fine habent. Et ne quis forte sibi persuadeat, Aristotelem aliquid amplius praestitisse, aut praestare voluisse, ipsemet in primo meteorologicorum, initio capituli septimi expresse testatur, de iis, quae sensui non sunt manifesta, se putare sufficientes rationes et demonstrationes afferre, si tantum ostendat, ea ita fieri posse, ut a se explicantur. Sed tamen, ne qua hic veritati fraus fiat, considerandum est quaedam esse, quae habentur certa moraliter, hoc est, quantum sufficit ad usum vitae, quamuis si ad absolutam Dei potentiam referantur, sint incerta. Praeterea quaedam sunt, etiam in rebus naturalibus, quae absolute et plusquam moraliter certa existimamus, etc. Nempe in ea sententia erat Cartesius, sufficere in demonstrandis rationibus sensuum testimonio non patentibus, si afferatur hypothesis, qua phaenomenis sensibus obuiis fiat satis; licet alia quoque dari possit, quae eadem praestet. Ast hoc pacto, non minus Aristotelis vel Epicuri physiologia admitti potest, quam Cartesii, si de sola possibilitate, deque hypothetica rationum veritate sermo sit: id quod vero sitienti minime faciet satis, qui, ubi quoque hypothesein adhibere cogitur, talem adducit, in qua circumstantiarum et rationum inter se apte cohaerentium, et cum phaenomenis pulchre concordantium harmonia magnam gignit verisimilitudinem, vnde quo simplicior hypothesis, legibusque naturalibus conuenientior, imprimis autem experientiae speciminibus confirmator, eo probabiliorem rerum naturalium sistet analyfin. Ad quod si attendisset Cartesius, abstinuisset forte a nonnullis, quae vel naturae legibus aduersantur, vel praeter solam possibilitatem verisimilitudinis habent nihil. Tacemus,*

i) Phys. diuin. L. I. c. 1. § 39. seqq. p. 13. seqq.

l) P. IV. Princip. philosoph. §. 204. seqq. p. m.

k) Reflexions sur la philosophie §. 23. T. II. Opp. p. 353. seqq.

167. seqq.

cemus, quod in Cartesio reprehendit ISAACVS VOSSIVS <sup>m</sup>, supponere quidem philosophum notiones communes, claras, distinctas, postulata afferre satis aequa, et cum ratione non deneganda; ast deinde in demonstrationis serie alta inferere, nec certa nec perspicua, dimissisque principiis evidenter ad hypothèses neque euictas, neque euincendas vnquam, soloque ingenio suo enatas, quales sunt globoli, particulae striatae, elementa tria inuisibilia etc. recurrere. Nihil autem magis Cartesium a veritatis via, quam tam felicibus auspiciis ingressus erat, in deuia abduxit, quam studium sectam condendi, quae omnes alias suis sedibus expelleret, vtque is haberetur, qui errores diuturnos, quos seminauisset philosophia, duobus annorum millibus regnans, solus expulisset, orbemque philosophicum ab ista tyrannide liberauisset. Non fieri iniuriam Cartesio a nobis hoc ei sectae studium hancque φιλοκομπίαν obliuientibus, quicquid de eius modestia iactet Bailletus, historia eius supra enarrata facit testatissimum, et vel vna in Regium partes Cartesianas relinquentem, et eclecticico more philosophari incipientem indignatio paedagogica satis superque euincit. Nec in aliis quoque circumstantiis hanc sibi gloriam se vindicare velle, dissimulare potuit. Hac voluntate actus vehementer commotus est, cum Burdinum Iesuitam publice oppugnasse philosophiam suam intelligeret: ea pupugit philosophum, cum Honoratum Fabri philosophiae systema a suo diuersum edisse didicisset, eo quod Iesuitarum sodalitium factum iri Cartesianum crederet. Nec alia causa fuit, cur tantis moliminibus Ultraiectinos, Leibnizque motus contra suae philosophiae decreta tam impatienter tulerit, vt ad supremarum potestatum auxilia tandem recurreret; quae sane omisisset, si indifferens ei fuisset, vtrum hypothèses suae in istis academicis docerentur nec ne? Ita vero dum sua aliis obtrudit, et indigne fert, si vel abiiciantur, vel refutentur, ipse sibi haud semel in veritate indaganda obstitit. Vnde ex vero pronuntiauit LEIBNIZIVS <sup>n</sup>: *Fuisse Cartesium, vt a viris doctis dudum notatum, et ex epistolis nimium appareat, immodicum contemptorem aliorum et famae cupiditate ab artificijs non abstinentem, quae parum generosa videri possint.* Et alio loco de Cartesio monet <sup>o</sup>, *virum hunc excellentissimae doctrinae veterum et recentiorum lumini, quod veritatis partem continebat, plurima de suo adieciisse, ast immensam quandam et immodicam ambitionem studijque in caput sectae emergendi seduxisse eum, vt hanc veritatematenam, a se continuatam et auctam clauderet, et quasi obseraret; inde factum esse, vt sectatores eam tantum per gyrum voluant reuoluantque et nihil addant ulterius; id vero non sine veritatis detrimento fieri posse.* Neque pro Cartesio causari quis potest, ipsum meditationes suas maximi nominis philosophis examinandas dedisse, et, mediante Merfeno, omnem lapidem mouisse, vt eorum obiectiones intelligeret. Nam ad historiam istarum obiectionum et instantiarum

<sup>m</sup>) De Nat. et propriet. lucis c. 4. p. 5.<sup>n</sup>) l. c. p. 117.<sup>o</sup>) Leibniziana p. 220.



supra enarratam attendentibus, palam erit, hoc ea tantum fini fecisse Cartesium, ut praeuisa philosophorum tela contra hypotheseis novas et inauditas eo felicius certiusque euerteret, iis autem, quae eorum assensum meruerint, munitus maiori splendore in publicum prodiret. Vnde facile quidem ferre potuit, si contra quasdam eius meditationes nonnulla excepissent; ast ubi respondisset, et satisfacere sibi illi negassent, indignissime id tulit, et nec dissensum ferre, nec respondere amplius sustinuit. Id quod aduersus Hobbesium, et multo magis aduersus Gassendum luculenter prodidit, manifestauitque, contradictionis diuturnae se esse impatientissimum, nihilque magis cupere, quam ut philosophia sua apud omnes triumphet. Inde, indignis tanto philosopho, ubi respondere vel noluit, vel non potuit, contemptu vindicare aggressus est. Monuit quoque nonnemo: *rationem scribendi, qua libros suos, et si non omnes, tamen primum editos et fere de indiuisis capitibus composuerat nouae philosophiae conditor, per amplam sane et grauem contradicendi materiam maximae momenti effata condemnandi praebuisse occasionem. Scilicet rupto tandem post longas profundasque meditationes silentio, semet continuo filo introducere loquentem, et sua, aliena, amica, inimica, vera, falsa, proba, improba eodem ore pronuntiantem, ut quid credat confirmetque, quid refellat et improbet, nonnisi multo labore, et repetita auctoris lectione dignosci queat: quo ipso facile acciderit, ut vera viri meditabundi sententia haud obseruetur vel intelligatur, ex aduerso autem peregrina et falsa ei a iudice quoque non malo tribuatur.* Egmondanae enim villae inclusum, a doctorum consortio separatum, veteris methodi pertaesum, et vulgarem scientiam ceu ineptam et inutilem fastidientem, dum priuatis vaset contemplationibus, et in certiora inquirat, parum curare, quibus verbis recepta ab omnibus veritas Ultraiecti vel Lugduni Batauorum exprimeretur, immo et suas meditationes iis quandoque enuntiationibus declarare, quae nisi meliorem habeant sensum quam prima fronte promittunt, etiam mitissimo homini non possint non stomachum mouere. Recte hanc obscuritatem Cartesii, eiusque causas reprehendere virum hunc doctum, lectio scriptorum eius satis euincit: nec mirandum magnopere est, attendentibus, ex mathematicorum scholis ad philosophiam Cartesium processisse, ducemque elegisse methodum mathematicam. Quae, quamuis certissima sit, et falli nescia, si prudenter adhibeatur, potest tamen, si non meditantibus, certe legentibus meditata tenebras haud paucas obicere. Nempe solenne mathematicis cogitationes suas signis notare arbitrariis, quorum vnus ille vsus est, ut distinguere inter se, et comparari sine confusione queant. Eandem rationem in philosophando quoque ingressus Cartesius, teste dissertatione de *Methodo*, in id potissimum primarioque incubuit, ut idearum, notionumque definitiones ex mente sua statueret; verbis arbitraria significati-

one,

p) Vita Cartesii opp. phil. praemissa p. 6.

one, et a recepto sensu haud raro abeuntibus designatas. Has cum in meditando velut fontes omnis cognitionis supponeret, non potuit non plurimis ad receptas vocum significationes respicientibus esse obscurissimus, viderique multa sine ratione innouasse, quae ferri admittique possunt, si vocibus et definitionibus receptis exprimantur. Certe, obscurum inde factum esse, nemo non videt, praesertim, ubi novas definitiones supponit magis quam affert et allegat. Tacemus quandam cogitationum *ὕστερον πρῶτερον* confusionem, eo quod parum attendisse videtur, quae cogitationum series, qui ordo emicet, modo metam attigisset, id quod reprehendit in eo LEIBNIZIUS <sup>1)</sup>, Claubergium discipulum ideo magistro praeferens, quod ordinem, perspicuitatem et breuitatem pulchrius meliusque seruauerit. Nihil autem magis Cartesii memoriam et meritorum gloriam contaminauit, quam plagii suspicio: quod vitium ei viuo iam multoties obiectum est. Obseruatumque LEIBNIZIO <sup>2)</sup>: *praeclare eum in rem suam vertisse aliorum cogitata, hancque rem dissimulatam ipsi in Suecia cum eruditis concertationes peperisse*. Valde ideo in eum insurrexerunt eius aduersarii, et magnam eo nomine in eum cumularunt inuidiam. Cuius exemplum lector ex HVETIO <sup>3)</sup>, capiat rogamus, quem hoc loco exscribere non vacat, meretur autem legi, cum res ipsa multum inde lucem accipiat. Verum non solum aduersariorum haec accusatio fuit, sed viri quoque docti, quos aequos Cartesii admiratores et laudatores fuisse satis constat, hanc eius impotentiam animi libere culparunt, indignatique sunt, non fuisse professum Cartesium per quos profecerit. Possentque satis luculentae obseruationes P. BAYLII <sup>4)</sup>, FONTENELLII <sup>5)</sup>, CROSAEI <sup>6)</sup>, MORHOFII <sup>7)</sup>, aliorumque afferri, si in speciali Cartesii historia condenda nostra versaretur industria. Vnius tamen LEIBNIZII <sup>8)</sup>, verba adducemus, cum quod iustissimum meritorum alienorum, etiam Cartesii, fuisse arbitrum, satis constet, isque in excusandis magis, quam confodiendis virorum doctorum infirmitatibus suam industriam laudabili exemplo posuerit, tum quod rem omnem in manifesta luce collocet. Scribit is hunc in modum, de arante alienis vitulis Cartesio: „Dogmata eius metaphysica, velut circa ideas a sensibus remotas, et animae distinctionem a corpore, et fluxam per se rerum materialium fidem, prorsus Platonica sunt. Argumentum pro existentia Dei, ex eo, quod ens perfectissimum, vel quo maius intelligi non potest, existentiam includit, fuit Anselmi, et in libro contra insipientem inscripto inter eius extat opera, passimque a Scholasticis examinatur. In doctrina de continuo, pleno et loco Aristotelem noster secutus est, Stoicosque in re morali penitus expressit, floriferis vt apes in saltibus omnia libans. In explicatione

1) Leibniziana p. 181.

2) Hist. Sap. l. c. p. 114.

3) Conf. philos. Cartes. c. 8. p. 115; Mémoires pour l'histoire de Cartésianisme p. 24.

4) Dict. Tom. I. p. 681. Tom. IV. p. 4. 100.

5) Eloge de Mr. Leibniz.

6) Entretiens p. 320.

7) Polyhist. T. I. c. 24. §. 32.

8) loc. cit.

„plicatione rerum mechanica Leucippum et Democritum praeceuntes ha-  
 „buit, qui et vortices ipsos iam docuerant. Iordanus Brunus easdem  
 „fere de magnitudine vniuersi ideas habuisse dicitur, quemadmodum et  
 „notauit V. Cl. Stephanus Spleissius, vt de Gilberto nil dicam, cuius  
 „magneticæ considerationes tum per se, tum ad systēma vniuersi appli-  
 „catae, Cartesio plurimum profuerunt. Explicationem grauitatis per  
 „materiae solidioris reiectionem in tangente, quod in physica Cartesiana  
 „prope pulcherrimum est, didicit ex Keplero, qui similitudine palearum  
 „motu aquae in vase gyrantis ad centrum contrusarum rem explicuit  
 „primus. Actionem lucis in distans, similitudine baculi pressi iam veteres  
 „adumbrauere. Circa iridem a M. Antonio de Dominis non parum lucis  
 „accepit. Keplerum fuisse primum suum in dioptriciis magistrum, et in  
 „eo argumento omnes ante se mortales longo interuallo antegressum, fa-  
 „tetur Cartesius in epistolis familiaribus, nam in scriptis, quae ipse edidit,  
 „longe abest a tali confessione aut laude, tametsi illa ratio, quae ratio-  
 „num directionem explicat, ex compositione nimirum duplicis conatus  
 „perpendicularis ad superficiem et ad eandem paralleli, diserte apud Kep-  
 „lerum extet, qui eodem, vt Cartesius, modo aequalitatem angulorum  
 „incidentiae et reflexionis hinc deducit. Idque gratam mentionem ideo  
 „merebatur, quod omnis prope Cartesii ratiocinatio huic innititur prin-  
 „cipio. Legem refractionis primum inuenisse Willebrordum Snellium,  
 „Isaacus Vossius patefecit, quanquam non ideo negare ausim, Cartesium  
 „in eadem incidere potuisse de suo. Negauit in epistolis, Vietam sibi  
 „lectum, sed Thomae Harrioti Angli libros analyticos posthumos anno  
 „clo 1633 editos vidisse, multi vix dubitant; vsque adeo magnus est eo-  
 „rum consensus cum calculo geometriae Cartesiana. Sane iam Harrio-  
 „tus aequationem nihilo aequalem posuit, et hinc deriuauit, quomodo  
 „oriatur aequatio ex multiplicatione radicum in se inuicem, et quomodo  
 „radiorum auctione, diminutione, multiplicatione aut diuisione variari  
 „aequatio possit, et quomodo proinde natura et constitutio aequationum  
 „et radicum cognosci possit ex terminorum habitudine. Itaque narrat  
 „celeberrimus Wallisius, Roberualium, qui miratus erat, vnde Cartesio in-  
 „mentem venisset, palmarium illud, aequationem ponere aequalem ni-  
 „hilo ad instar vnus quantitatis ostenso sibi a Domino de Cauendish li-  
 „bro Harrioti exclamasse: il l'a veu, il l'a veu, vidit, vidit. Reductio-  
 „nem quadrato-quadraticae aequationis ad cubicam superiori iam seculo  
 „inuenit Ludouicus Ferrarius, cuius vitam reliquit Cardanus eius fami-  
 „liaris. Denique fuit Cartesius, vt a viris doctis dudum notatum est, et  
 „ex epistolis nimium apparet, immodicus contemptor aliorum, et famae cu-  
 „piditate ab artificiis non abstinens, quae parum generosa videri possunt.  
 „Atque haec profecto non dico animo obtrectandi viro, quem mirifice  
 „aestimo, sed eo consilio, vt cuique suum tribuatur, nec vnus omnium  
 „laudes absorbeat; iustissimum enim est, vt inuentoribus suis honos  
 „constet,

„constet, nec sublati virtutum praemiis praeclara faciendi studium refri-  
 „gescat. Et vellem ego propositionum aut dogmatum, quae maioris mo-  
 „menti sunt, auctores semper memorari, exemplo mathematicorum,  
 „qui Pythagorae, Platonis, et Archimedis et Euclidis et Apollonii, et  
 „Nicomedis et Dinostrati, et tot aliorum merita singulatim perpetua men-  
 „tione recognoscunt. Optarim etiam, viros insignes spem inanem am-  
 „pliandae tyrannidis in imperio philosophico deponere, et sectae conden-  
 „dae ambitionem exuere, unde inepta partium studia et bella literaria va-  
 „nissima nasci solent, magno scientiae et pretiosi temporis detrimento.  
 „Non distinguuntur apud geometras Euclidei, Archimedei aut Apollonia-  
 „ni: omnium eadem secta est, sequi aperientem se vndeunque verita-  
 „tem. Neque vnquam quisquam orietur, qui totum sibi vindicabit pa-  
 „trimonium eruditionis, aut qui genus humanum ingenio superabit, et  
 „omnes praestinguet stellas exortus vt aethereus sol. Legamus Cartesi-  
 „um, laudemus etiam, immo admiremur; sed non ideo reliquos ne-  
 „gligamus, apud quos multa et magna extant, quae Cartesius non anim-  
 „aduertit.“ Haecenus Leibnizius, cuius monitis prudentissimis bonus  
 „quilibet facile subscripserit, fassus Cartesium alienis plumis haud raro se  
 „seruasse. Non negamus, posse interdum duos scriptores eandem veri-  
 „tatem detegere, licet nihil inter se communicauerint: fatemur etiam, li-  
 „tere philosopho, in veritate indaganda versanti aliorum cogitatis et in-  
 „uentis vti. Ast illud ad integram meditationum seriem trahi non potest,  
 „hoc gratam et ingenui pudoris plenam confessionem postulat, indicantem  
 „per quem profeceris. Ex quo intelligi potest, quid de obiecto Cartesio  
 „plagio iudicandum sit. Apologiam tamen pro Cartesio scripsit BAIL-  
 „LETS<sup>2)</sup>, luscus immo coecus in perspicendis herois sui infirmitatibus,  
 „cuius excusationes eo tendunt, vt affirmet: multitudinem eorum, qui  
 „similem ante eum sententiam professi sunt, extollere pretium et praestan-  
 „tiam philosophiae Cartesianae, et inferuire ad intelligendum, quanti faci-  
 „enda sint ea, quae adiecerit, vel vt erronea corrigeret, vel vt temere  
 „dicta confirmaret, et quae sine principiis et methodo asserta sint, suo lo-  
 „co reponeret: certum quoque esse, plurimos eum auctores, quos tamen  
 „explasse dicitur, ignorauisse: fatendumque plus eum vnum detexisse,  
 „quam reliquos philosophos simul omnes, certe verisimilitudinis excellen-  
 „tia et connexionem propositionum omnes eum anteuertere. Adeo enim  
 „perfectum et absolutum eius systema esse, vt mirum non sit, ea omnia,  
 „quae a veteribus et recentioribus pulchre prudenterque dicta sunt, emen-  
 „data suisque locis reposita apud eum inueniri, quanquam opus non sit fin-  
 „gere, quod ex eorum scriptis ea excerpserit. Ipsum vero Cartesium ita  
 „respondisse, euenire sibi, quod homini accusato; quod alphabeti literas,  
 „vel dictionarium aliquod expilauerit, eo quod literas et voces in iis con-  
 „tentas

2) Lib. VIII. c. 10. p. 315. seqq.

tentas adhibuisset. Ad concatenatam enim cogitationum seriem et consequentiarum necessitatem respicientibus, omnibus patere, hoc furti genus honestissimum esse et innocentissimum, nec se peccasse magis quam oratorem, qui verba ex Calepino transumerit. Ipsum autem primae inuentionis gloriam minime affectasse, sed contentum, quod meditationum suarum auctor fuerit, affirmasse, sufficere sibi, quod nihil asseruerit, quod non certa ipsi ratio dictitasset. Ad eo quoque gloriae huius cupidum non fuisse, ut cum auctores duo ipsius scrinia expilauerint, ipse impunes eos dimiserit. Parum haec omnia ad rem facere, quilibet intelligit, qui responsiones Bailleti examinat. Ipse enim fatetur Bailletus, rei euidentia conuictus, multa apud Cartesium inueniri dicta iam et inuenta ab aliis; quae etiamsi emendasset, suoque systemati infarisset aptissime, aequum tamen erat, eorum nomina non taceri, quibus ducibus usus erat. Nec a lectione veterum et recentiorum imparatum fuisse alio loco BAILLETUS <sup>a</sup>, licet recte satis, fatetur, et res ipsa loquitur. Nec de verbis vel propositionibus nonnullis ab aliis usurpatis sermo est, sed de integris demonstrationibus vel hypothesebus quoque primariis, quarum vnus primusque auctor Cartesius videri voluit, quod nullo in argumento magis, quam in mathematico patuit, et a viris doctis euidentibus speciminibus est comprobatum. Quod an duobus simul auctoribus euenire queat, lectori expendendum relinquimus. Ipse autem Cartesius adeo ἀπαθήs non fuit, ut non vehementer excandesceret, si quis sua ipsi surripuisset, ut ex iis, quae de Isaaci Beckmanni plagio in eum commissio supra narrauimus, constare potest. Non inficiabimur, Cartesio in adolescentia et iuuentute per omnem literaturam vaganti atque librorum lectioni immerso, postquam adulta aetate de nouo systemate cogitare coepisset, multa recurrisse, quae prius legerat, licet, unde ipsi innotuissent, non esset recordatus, et hoc pacto in quibusdam excusari eum posse putamus. Ast haec illis omnibus non conueniunt, quae viri docti passim illi obiciunt, quaeque satis produnt, libros et verba scriptorum eum coram fuisse intuitum, cum his ducibus in meditatione sua interdum vteretur. Reliqua, quae in eo laudauit Bailletus, prolixius non examinabimus, quidque in virtutibus eius vel suspectum vel reprehendendum sit, ambitiose exponemus: concedemus hanc viro summo gloriam, integre eum et philosophice vixisse, nec has quoque ei laudes inuidebimus, a doctrina ecclesiae Romanae eum non declinauisse, quamuis ex iis, quae alibi de Cartesianis circa transubstantiationem placitis diximus, constet, nihil minus eum, quam mentem patrum Tridentinorum, exposuisse; subscribendumque putemus PELLISSONIO <sup>b</sup> affirmanti, impossibile esse, ut eius idea corporis cum doctrina Romanae ecclesiae de corpore I. C. in S. coena concilietur. Videant de his, quorum interest, et imprimis, qui hoc dogma stomacho philosophico concoquere possunt,

<sup>a</sup>) L. I. c. 7. p. 18.<sup>b</sup>) L. c. p. 344.

possunt, vel pro Cartesii orthodoxia pugnant. Quin nec morose refragabimur, si quis putet pertinaciam, et alia vitia ab Huetio aliisque perperam ei obici. De eo enim ex vitae eius historia constare potest. Iniquos autem esse, qui Scepticismum et atheismum ei obiciunt, infra dicemus, quemadmodum audiendi non sunt, qui impie eum obiisse, nugati sunt.

§. XXXIII. Scripsit plurima Cartesius, philosophica et mathematica, quorum fere omnium historiam iam tetigimus. Inter ea geometricis *Scripta Car. refu.* primum locum tribuit PETR. DAN. HUETIVS *f*, satis acer Cartesianae philosophiae censor, his dioptrica iungit, et tunc tractatum de passionibus animae; ultimo loco ponit principia philosophiae. In meteorologicis iudicium non desiderari fatetur, at experientiam, multorumque inde paralogismorum causam esse deriuandam monet. Vulgaria autem in dissertatione de methodo contineri iudicat, non tamen inutilia auctori suo ad quaedam feliciter detegenda. Omnium autem leuissimum scriptum esse censet, quod meditationes philosophicas continet. Inde vero colligit, imaginandi facultatem primum, ingenium sublime secundum, iudicium tertium apud Cartesium locum obtinuisse. Nobis non aliena prorsus a partis studio haec Huetii censura videtur, cum satis probauerit Cartesius, iudicii acumine haud vulgari se uti, vbi hypotheseos amore et praeiudicio fasciatus haud fuit. Id vero ne Cartesiani quidem, et in his acutissimus MALLEBRANCHIUS *e* negarunt, tractationem *de Formatione foetus* omnium minime placere posse. Quae sine dubio causa fuit, cur in editione Gallica recentiori *b* nonnulla emendata, et ordini atque veritati restituta sint.

§. XXXIV. Vidimus hactenus Cartesianae philosophiae natales, in- *Fata philo-* cunabula et adolescentiam, narrauimusque, vitam atque fata Cartesii expo- *phiae Carte-* nendo, quo pacto in lucem prodierint magni viri cogitata, et in corpus *sianae post* aliquod coeuntia recepta fuerint Ultraiecti a Renero et Regio, oppugna- *mortem con-* ta a Voëtio et commilitonibus, Lugduni Batauorum autem magnos viros *disoris.* fautores assecclasque nacta fuerint. Heydanum autem et Heerebordum post Regium primarios Cartesianae philosophiae in usum scholarum tractatae doctores fuisse; et serenissimas quoque foeminas Elisabetham Palatinam et Christinam Sueciae reginam plurimum illi tribuisse, innumeros vero aduersarios eam expertam esse, prolixè satis tradidimus. Ita ad mortem Cartesii, et seculi XVII mediam partem Cartesianismi historiam succincta narratione complexi sumus. Postulat iam institutum, ut quae fata post illustrem conditorem suum habuerit, quibus incrementis, impedi-

Kk 2

mentis,

c) loc. cit.

d) Conf. AND. RITTERI Diss. de religione Cartesii.

e) Creighton in Ep. ad Regium apud DANIEL. Itin. Cartes. P. II. p. 119.

f) Conf. phil. Cartes. c. 8. §. 5. p. 107.

g) De la recherche de la vérité L. II. c. 7. add. MUSEM. ad CUDWORTH. p. 153. 823.

h) Paris 1729. 72.

mentis, fautoribus et aduersariis fuerit porro gauisus, exponamus. Vbi dolemus, eandem Cartesianae philosophiae historiae operam neminem hactenus tribuisse, quam in describendis Cartesii rebus praestitit Bailletus. Quamuis enim de motibus ob Cartesianismum inter Batauos exortis complures disseruerint, nemo tamen hactenus fuit, qui totam Cartesianae philosophiae historiam integra tractatione delinearet. Id quod eo magis miramur, quo magis non tantum in amplissimam sectam hodiernum nondum penitus expirantem transiit, et innumeris fatis memorabilem in theatro philosophico locum meruit, sed et plurima in naturalem potissimum et metaphysicam philosophiae partem commoda ex illa redundauerunt. Neque tamen nobis quoque fatis arctis limitibus circumscriptis Cartesianismi post conditoris fata caput attollentis historiam integram plenamque describere licet, singularem enim tractationem ea postulat, sed more nostro strictim ea afferemus, quae in vniuersali philosophiae historia omitti non possunt. Addemus autem vitas Cartesianorum nonnullorum ad finem paginae, breuitati consulturi, quos omittere ob factorum diuersitatem in hac parte non licet, fontesque indicabimus, vnde plura haurire lectori licebit.

*Laeta initio  
Cartesianismi  
fata sublato  
Cartesio.*

§. XXXV. Sublato e viuis Cartesio, famaue de eius obitu non sine mendaci circumstantiarum rumore per Batauos sparsa, actum de Cartesiana philosophia esse, sibi persuadebant Cartesii aduersarii, gaudebantque in sinu, esse defuisse eum, qui fudes illis erat in oculis: ita enim sperabant, fore, vt, quam nouitas commendasset et auctoris gratia, doctrina cito euilescat. Ast decepti sunt misere: Nam qui prius elegantia et perspicuitate ratiociniorum Cartesianorum capti erant, dimittere doctrinam nouam eo minus voluere, quo minus veterem scholarum philosophiam vt deamarent iterum, in animum potuere inducere. Inde et medici nonnulli in pristina via haerebant, et theologi Lugduni Batauorum Bredaeque docentes eam porro commendare illustrareque pergebant. Quin et alii acceperunt, qui clamores Voëtianos impedire se passi haud sunt, quo minus ad Cartesianam philosophiam respicerent, eamque cum placitis theologicis conciliatam publice traderent. Inter eos, si non primus, quod quidem vult P. BAYLE<sup>i</sup>, non vero patitur Heydani studium supra iam memoratum, inter primos tamen et praecipuos fuit Christophorus Wittichius vir doctus et disertus<sup>k</sup>. Is enim cum adhuc apud Nouiomageneses in ministerio sacro versaretur, Cartesianae philosophiae studium addixit suum, Cocceii quoque partibus tum magno studio inter theologos Batauos

<sup>i</sup>) Dist. T. IV. Art. Wittichius p. 509.

<sup>k</sup>) Natus est Briegae Silesiorum Non. Oct. 1625. a patre iurisprudentiae discendae causa Bremam missus, theologiae studium elegit, inque id diligenter Bredae, Lugduni Batauorum et Groeningae incubuit. Ita eruditionis diuitiis praeclare auctus ad Herbornense gymnasium 1651, et biennio post Duisburgum vocatus est, vbi doctoris

insignia acceperit. Inde Nouiomagenibus operam collocavit suam, anno 1671. autem ad Lugdunensem cathedram euocatus est, cui vsque ad annum 1687. praefuit, quo mortalitatem deposuit. Vid. BAYLE l. c. IAC. GRONOVIVS in Orat. parent. BENTHEM. in Stat. scholast. et eccles. Batauorum P. II c. 2. §. 100. p. 405. Eius Antispinosam edidit frater.

Batauos emergentes complexus. Id quod magnas quidem contentiones cum Samuele Maresio et Melchiore Leydekkero illi attraxit, quibus tamen ita eruditum calamus opposuit, ut doctrinae causa ad Leidensem cathedram traduceretur. In qua constitutus eruditione, industria, perspicuitate vitaeque innocentia tanta auctoritate eminebat, ut plurima inde incrementa Cartesiana philosophia caperet, et frequenti is auditorio eam traderet. Sed scriptis quoque causam Cartesii adiuuit, et impietatis suspicionem ab eo remouit, vulgatis *Annotationibus in Ren. Cartesii Meditationes*, quae posthumae prodire, et imprimis edito *Consensu veritatis in scriptura diuina et infallibili reuelatae cum veritate philosophica a Renato Des-Cartes detecta*, cuius occasione liber II. et III. principiorum philosophicorum dicti Des-Cartes maximam partem illustrantur, cuius editionem alteram, eamque auctam ipse viuis adhuc vulgavit. Hoc magistro praeunte cum haud pauci, qui sacrae doctrinae studiis se dederant, ab eius ore penderent, factum est, ut discipulorum quamplurimi in Cartesii sententiam pedibus irent. Quisquis enim vel theologiae vel medicinae disciplinis addictus scholasticae philosophiae, veterisque *peripateticas* squallorem perhorrescebat, et abiectis tricus Peripateticis elegantius ratiocinanti, aut veritatem altius rimari cupiebat, pronis amplexibus Cartesiana dogmata excepit. Ita vero et methodus Cartesio familiaris inter Batauos et in vicinia ad theologos amplissimis conatibus traducta est, et principia metaphysica Cartesii ad demonstrandam religionis Christianae veritatem et explicanda mysteria nonnulla adhibita sunt. Idque tanta contentione, ut non solum plerumque placere solent, tantoque studio actum, ut praeter omnem expectationem ecclesiae scholaeque Batauorum Cartesii sequacibus replerentur. Nec huius tantum terrae limitibus circumscripta fuit fortuna doctrinae Cartesiana, sed et excitata ab electore Brandenburgico Duisburgensi academia cum ipsis fere eius scholae incunabulis Cartesiana philosophia radices egit amplissimas. Quo loco praestantissime et praeclare de hac philosophia meruit Ioannes Claubergius, vir doctus, acutus, et ad hoc eruditionis genus fere natus. Is enim demonstrata, mox post Cartesii mortem magno illo, qui inter scholasticam et Cartesianam philosophiam intercedit, discrimine, oculos multis aperuit, ut sobrie magis de philosophiae huius studiis statuere, et non obstantibus professorum

Kk 3

clamo-

1) Lugd. Bat. 1682. 4.

2) Natus est Ioannes Claubergius Solingae, comitatus Marchiae oppido VI. Cal. Mart. anno 1622. Bremae praecceptorem nactus Gerardum Neufuille, scholasticam philosophiam horrere coepit, et ad Cartesianam ductus est, cuius elementa accepit Lugduni Batauorum a Ioanne de Raci. Ita vero philosophiae mysteriis initiatus praeclarae eruditionis laudes retulit, dignus iudicatus, cui in academia Duisburgensi philosophiae, et tum theologiae docendae munus crederetur, denatus prid. Cal. Ian. 1665. professor theologiae

primarius. Laudauit eum Leibnizium, et ordinis, doctrinae et perspicuitatis nomine Cartesio praetulisse, supra narrauimus. Peculiare autem est, quod I. D. M. Leibnizian. p. 147. tradit, dixisse Claubergium, se nosse modum eloquendi naturam mentis, sed noluisse indicare. Saepe autem in profundam quandam ecstasim abreptum esse cogitando, et aliquando sic obliisse. Quales ecstases Cartesianas false ridet P. D. A. M. I. E. L. in. Cartes. per mundum P. I. p. 15. et imprimis p. 36. Claubergium petere videtur.

3) Duisburgi 1651. 8.



clamoribus sapere discerent. Ita praeparatis animis cum praeter *Principia philosophiae*, quae naturalem partem tantum explicant, reliquarum scientiarum philosophicarum systema aut institutiones Cartesius non reliquisset, ipse iis usus, quae in dissertatione *de Methodo*, et in *Meditationibus* dixerat Cartesius, nouas *rationalis philosophiae institutiones conscripsit*, et inuidiae declinandae causa cum logica veteri comparauit<sup>o</sup>. In quibus licet non omne punctum tulisse nonnullis visus sit<sup>p</sup>, merito tamen laudanda methodi perspicuitas, et obseruationum farrago haud contemnenda<sup>q</sup>, simili conatu metaphysicam aggressus in *Principiis philosophiae suae ontosophiae et scientia prima de iis, quae Deo creaturisque suo modo communia attribuuntur*<sup>r</sup>, Cartesii meditationes supplere, emendare, et metaphysicam philosophiae partem noua luce collustrare annisus est. Tacemus scripta philosophica alia, iunctim edita<sup>s</sup>, quibus post Cartesium inter primarios huius doctrinae professores meruit referri. Quod in Duisburgensi academia pro propaganda philosophia Cartesiana suscepit Claubergius, id in Groeningensi saterunt facere Iacobus Gouffetius et Tobias Andreae. Et ille quidem licet orientalis literaturae studiis se valde addixisset, magnum inde nomen consecutus<sup>t</sup>, in academiam tamen istam a Braunio traductus, magna quoque industria philosophiam Cartesianam extulit<sup>u</sup>; quam licet initio docere publice, aduersariorum insultus pertimescens, recusaret, postea tamen et viua voce, et calamo pro Cartesii causa pugnavit. Testes volumus, *dissertationes pro Cartesio* duas, quarum una, *Cartesianum mundi systema, non, ut quidam existimant, periculosum esse euincere satagit*<sup>v</sup>; altera sistit *causarum primae et secundarum realem operationem, rationibus confirmatam, et ab obiectionibus defensam; de quibus etiam apologia fit pro Renato Des-Cartes aduersus discipulos eius pseudonymos*<sup>x</sup>. Tobias Andreae<sup>y</sup> autem, qui in ea academia historiam Graecasque literas docuit, et Iacobi Reuui *Considerationibus theologicis assertionem-methodi Cartesianae* et Henrico Regio, in *Breui explicatione mentis humanae*, a Cartesio, ut supra dictum, diuortium facienti; edita *Breui replicatione* respondit. Eadem philosophiae Cartesianae fortuna Franequerae fuit, in qua schola Cartesianam philosophiam licet prudenti moderatoque selectu valde promouit Hermannus Alexander Roëllius, vir doctissimus atque acumine iudicii insignis<sup>z</sup>, quod

o) Logica vetus et noua, Solisbaci 1685.

p) CHR. THOMAS. Intr. in phil. aul. c. 2. §. 6. Praef. ad introd. in philos. rat. §. 12. p. 39.

q) BUNDEVS Isagog. L. I. c. 4. p. 246. STOLZIVS Hist. lit. P. II. c. 1. §. 24. p. 442. seq.

r) Groeningae 1646. vid. REIMANN. Hist. lit. Germ. P. IV. p. 69.

s) Amstelod. 1691. 4. Vitam eius praemisit Henr. Chr. Henninius.

t) Vid. PAUL. COLOMESII Biblioth. Orient. p. 244.

u) BENTHEM. I. c. p. 282.

v) Adiecta est tractatus de viua deque mortua fide Amst. 1696. 8.

x) Leouard. 1776. 4.

y) Natus est Braunsfeldiae in Solmenfi comitatu, 1604. praeceptoresque habuit Herborniae Alstedium et Piscatorem, Bremae Nouauiellanum 1628. Groeningae priuatim docuit, educationi filiorum Iac. Altingii praefectus. Tandem 1634. Graecas literas et historiam tradere iussus, obiit 1674. conf. BENTHEM. I. c. §. 28. p. 236.

z) Edidit eum comitatus Marchiae, promouit Dauentraria ad ecclesiasticis munus 1686. ad theologiam

quod in eleganti differtatione *de Religione naturali* \* demonsttrauit. In ipsa Amstelodamensi vrbe Cartesio non defuisse sectatores, Stephani Curcellaei exemplum probat, quem Cartesii *Principia philosophica* Latine edidisse, supra narrauimus. Addi his potest Ioannes de Raei inter primos Cartesii discipulos conspicuus, et imprimis Balthasar Bekkerus, ecclesiastes Amstelodamensis. Hunc enim non modo famosa controuersia de negata operatione daemonum reddidit celeberrimum, quam infra, ad specialem theologiae naturalis historiam delati, ex instituto enarrabimus; sed et lites Cartesianae in Belgio fecere notissimum. Nam cum anno clocloclviii candidam et sinceram admonitionem de philosophia Cartesianae edidisset, *non quod philosophiae istius causam agere vellet, sed ut rei ignaros doceret, quid de ista philosophia esset statuendum, et ut fratres, ut ait in dedicatione, suos in Frisia moneret, quicquid illud sit, quod huic philosophiae obiceretur, tanti tamen non esse, ut tantas mereatur turbas et nihil quidquam cum orthodoxia ecclesiae reformatae pugnare, sed amice potius conspirare:* placuisse quidem ob moderationem visus est, non modo Schotano, sed ipsi quoque Marefio, in senso Cartesianorum hosti, praecipue ubi cum Voëtio in gratiam redierat. Ast praeter expectationem suam Voëtianae factioni in Frisia valde displicuit; cumque *Catechismus* quoque edidisset, in quo petiisse Marefium iudicabatur, dici non potest, quantas ipsi turbas et persecutiones excitauerit Cartesianismi nomine Marefius †, quae tandem, traductis Cartesii hypothesebus ad negatam daemonum operationem, ei funestae fuere. Tandem nec in Ultraiectina academia non obstante Voëtii zelo defuere Cartesio affectae, mereturque inter theologos eius scholae hoc nomine notari Franciscus Burmannus. Tacemus alios multos, nec doctrinae laude, nec pietatis nomine carentes, qui pulchrum putarunt sacrae disciplinae Cartesianam sapientiam iungere.

§. XXXVI. Credi vix potest, quanta alacritate viri docti in hanc nouam philosophiam incubuerint, cuius res ut praeclare promouerent, non sine sarcasmiss et satyra in scholasticam, quae tunc obtinebat, philosophiam inuecti sunt. Testis eius rei est ANTONIVS HVLSIVS †, qui *publico exceptos esse sibilo* conqueritur, *qui dicerent philosophiam esse theologiae ancillam, cachinno vero, si quis termino aliquo philosophico, etsi in theologicis tritissimo, uteretur.* Nempe *abstinendum sibi, quod profitetur* Io. BRAVNIVS ‡, statuebant, *ab omni prorsus vocabulo,*

giam docendam Franequera 1686. Ultraiectum 1704. denarus est 1718. De controuersis eius de generatione filii infra dicendum. Conf. Iudicium eccles. de Roëllio laudatum a Theol. Lugd. Bat. p. l. 2.

a) Vid. Act. philos. Vol. II. p. 203. conf. BENTHEM. l. c. p. 322. Amicorum albis inscribere solebat:

*Non ego sum veterum non affecta, amice, nonorum  
Sen vetus est, verum diligo sue nouum.*

Idem vero plerosque theologos Cartesianos tenuisse ex dicendis constabit.

b) Accurate rem, totam enarrat S. Reu. MICH. LILIENTHAL, pecul. diss. quae inter Selecta historica et literaria secundum locum p. 18. seqq. occupat. Qui quoque vitam viri famosi usque ad munus Amstelodamense enarrat.

c) Theol. hypoth. P. II. p. 15.

d) Praef. ad doctrin. foederum.

*Noua molimina theologorum Cartesianorum in Belgio.*

lo, et dictione, quae non esset Latina; putabant enim iactabantque, *borridum istum barbarumque sermonem monachalis sapientiae simul inuenisse in theologiam spinosas quaestiones, distinctionesque, quae instar telae araneae multum habeant subtilitatis, sed nihil soliditatis, multas habeant superstitiones, errores, haereses.* Nec hoc solum illos occupabat, sed cum egregie de theologia naturali meruisse Cartesium crederent, eiectionis spectris scholasticis, nouas veritates ex schola Cartesiana ad theologorum cathedras traducere laborabant. Inter quas assertiones nobilissimae sunt: euidentiā esse vnicū criterium veritatis, et ad hunc canonem veritates omnes, etiam theologicās, esse exigandas: dubitationem recte principium omnis cognitionis certae fallique nesciae venditari; loqui oracula sacra de rebus naturalibus secundum captum hominum; ideam Dei ita innatam esse homini, ut inde *euidentiissima* pro eius existentia ratio duci possit: mundum esse indefinitum; primum cogitandi atque philosophandi principium esse: cogito, ergo sum; moueri terram circa solem suo loco nunquam motum; essentiam spiritus quaerendam in cogitatione, materiae in extensione; affirmare et negare, id est, iudicare voluntatem, non intellectum: falli saepissime sensus; esse bruta non animalia sed machinas; *personalitatis* rationem quaerendam esse in negatione; creauisse initio Deum materiam, eique certas motus, ordinis et quantitatis leges praescripsisse, ut primo eius impulsu semel commota, iuxta leges naturales impressas se ipsam fingeret componeretque: hancque rationem hominum obtinere: adeo clarum esse congenitumque rationis lumen, ut non alia interpretationis norma circa scripturam sacram possit adhiberi. *Palmariae* hae assertiones sunt, quibus Cartesianismus aliam in haud paucis articulis faciem theologiae inter theologos Batauos finxit. Quibus deinde inaedificata sunt dogmata alia: de attributis Dei absolutis et relatiuis, de trina substantia personarum diuinarum, de creationis modo mechanico, de hexaëmero creationis, de mundi systemate, de Angelorum existentia et essentia, loco et motu, de vnione animae et corporis, de Hominis sensibus, affectibus, imagine Dei, peccato originis et libero arbitrio, de substantia τοῦ λόγου eiusue personalitate, de Natura fidei, de Natura boni moralis, de Mortis indole, similibusque. Quae enarrare hoc loco ampliori commentatione, esset extra oleas vagari, cum ad ecclesiasticam recentioris aetatis historiam id pertineat, et in scholis theologorum soleat exponi. Consulendi autem non illi modo sunt, qui sacrae ciuitatis annales condiderunt, vel polemīcam theologiam tradiderunt, sed imprimis ipsi ex Cartesianis theologi celeberrimi nominis WITICHIVS, CLAVBERGIVS, ALLINGA, BYRMANNVS, HEIDANVS, alique, cumque his conferendi, qui totis viribus Cartesianam hanc theologiam oppugnauerunt MARESIVS, LEYDEKKERVS, VAN MASTRICHT, alique,

e) Capita pleraque huc pertinentia adductis autorum locis succincte exponunt Io. OLEARIUS in Synopsi controueriarum et ZACH. GRAPIVS in Theologia recens controuerſia.

aliquae magno numero ab illis laudati, qui controuersias Cartesianas inter theologos Batavos enarrarunt. Describi autem vix potest, quantos inde motus, saepe funestos, reique sacrae in ecclesiis Belgicis admodum noxios viderit illa aetas. Cum enim iam viuo Cartesio grauem dicam scripisset Gisbertus Voëtius, isque theologos plerosque in suas partes perduxisset, extincto, quem grauem in vita expertus est leoni insultans coelum terramque miscuit. Qui licet initio cum Samuele Maresio contentionis feram reciprocauisset, cum eo tamen reconciliatus, theologum hunc magnorum animorum et irarum in partes contra Cartesianos pertraxit: quos secuti sunt iunctisque vmbonibus in aciem processerunt, Petrus van Mastricht, Reinerius Vogelsangius, Fridericus Spanhemius, Melchior Leydekkerus, et integrae cohortes Deorum minorum. Ii et in cathedra, et in libris gangraenae huic, ita enim vocabant, latissime serpenti se opposuerunt, maxime vero ad magistratus conuersi, et de impietate indies impudentius liberiusque grassante vehementer conquesti, armare in Cartesianos superiores, et grauissimis interditiis pellere doctrinam infestis signis vehementer instantem totis viribus sategerunt. Quae tamen omnia hoc loco enarrari non possunt, et vel in foederati Belgii historia sacra, vel in specialibus Cartesianismi annalibus latius debent exponi; imprimis autem truae rationes, quae indignissimis modis theologos inter se armauerunt, et in mutua viscera tela ut adigerent, compulerunt, detegi. Ad quae recte tenenda consulti ante omnes alios merentur IRENAEI PHILAETHAE, vel qui hoc personato nomine latet IACOBI RHENFERDII *Breuis et sincera narratio de prima origine litium, quae per quadraginta annos ecclesias Belgicas conturbauit*, vernacula edita<sup>f</sup>, addique FRIDERICI SPANHEMII *Epistola de nouissimis circa res sacras in Belgio dissidiis*, comparari autem GOUSSSETII *Apologia pro Cartesio*. Alios ex nostratibus quoque, qui has controuersias earumque historiam tetigerunt, cum nominauerint cel. PRAEFFIVS<sup>g</sup>, et SAGITTARIUS atque SCHMIDIVS<sup>h</sup>, hoc loco non excitamus.

6. XXXVII. Multum nocuere Cartesianae philosophiae incrementis hae controuersiae, floremque laetissime exurgentem velut imber quidam deprefferunt. Et multum quidem ad id contulere Anti-Cartesianorum clamores et suspiciones, qui causam Dei agi, contaminari doctrinae puritatem, atheismo frigidam suffundi, eleuari reuelationis fidem, conculcari Christianae religionis mysteria, et quae alia fuere *ἐγκλήματα* grauissima, non in cathedris modo academicis et libris eristicis, sed in senatu quoque sacro, immo ad plebem quoque et in suggestu sacro conquesti sunt, et has querelas suas ad magistratus, academiarum moderatores curatoresque,

*Impedimenta Cartesianae philosophiae obiecta.*

f) Kort en opreht Verhaal van de eerste Oorsprong der Broedertwisten, die nu veertig jaaren de Nederlandsche Kerken ontruft hebben, Amst. 1708. 8. Arcanam historiam harum controuer-

sarum ibi detegi obseruat Cl. LILIENTHAL l. c. p. 28. not. 10.

g) Hist. lit. theol. P. II. p. 299.

h) Intr. in hist. eccl. P. I. p. 925. P. II. p. 627.

que, synodorum praefides, et quotquot auctoritate pollebant, detulerunt. Qui cum pauci rem omnem ab ovo, quod aiunt, incipiendo examinare possent, turbasque maximas merito timerent, prouidi, ne quid respublica et ecclesia detrimenti caperet, seueris interdictis Cartesiani incrementa sufflaminarunt, et si extinguere eum minime possent. Ipsorum tamen Cartesii sequacium culpa etiam factum, ut haec factio haud parum in Belgio deprimeretur. Et potior quidem causa apud eos quaerenda est, qui intra limites, quibus se Cartesius prudenter continuit, non consistentes, audacius se efferre, et temerariis magisque suspectis assertionibus magistrum deferere coeperunt. Cuius luculentum esse exemplum potest systema causarum occasionalium, quod tot obiectionibus et criminationibus aduersus Cartesianam philosophiam occasionem dedit. Illud enim minime tactum erat Cartesio, aut cum propior unionis inter animam et corpus ratio esset explicanda, primus Ludouicus de la Forge ad id delatus est, quem secuti sunt, qui amplissime illo usi sunt Mallebranchius, Petrus Syluanus Regis, Christophorus Wittichius, et recentiorum Cartesianorum alii<sup>i</sup>. Valde id displicuit ex Cartesianis illis, quibus rectius factum visum est, intra Cartesii limites subsistere: hos itaque velut Pseudo-Cartesios detestatus est, hisque magistrum opposuit IACOBVS GOVSETIVS<sup>k</sup>. Et recentiori idem aetate obiectum a Cl. RVARDO ANDALA<sup>l</sup> Spinozae, Voldero, Clerico, Geulingio, quod Cartesianae doctrinae puritatem nouis et suspectis hypothesebus corrumperent. Quae occasio extitit lepidissimo Cartesiani itineris per mundum architecto<sup>m</sup> ridendi recentiores Cartesianos, *quod non aequae addicti sint ac primi sectatores, magno isti homini, et unusquisque pro libitu sibi systema formet, ac libere addat vel demat, quodcunque placuerit, illi, quod formauit Cartesius, undiquaque perfectio, quod attingere plane sit corrumpere, sic ut sincerum Cartesianismum cum illustri Clericlerio sepultum esse credendum sit*. His accessit malum longe deterius, et Cartesianismo prorsus pestilens. Nempe usi Cartesianis hypothesebus Arminianorum et Socinianorum haud pauci, iique non contemnendae eruditionis viri, placita sua a decretis Dordracenis deuantia illis in crustauerunt, et quicquid paradoxum, singulare, inauditum in ecclesia sonabat, Cartesiano fucio illitum pictumque in forum adduxerunt, mercesque venales plurimum isto colore commendauerunt. Ita vero grauis Cartesianam philosophiam inuidia secuta est, cum patrocinari heterodoxiae videretur, et pallium crederetur esse, sub quo liberioris audaciae quilibet latere sanosque de Deo et diuinis sensus corrumpere posset. Id vero maxime in synodis ecclesiasticis deploratum, de hac labe ad magistratus querelae delatae sunt, et hinc causa deriuanda est, cur Cartesianae factio inter status Belgii foederati fautores paucos repererit<sup>n</sup>. Nemo tamen maiorem

Cartesia-

i) Conf. si placeat, quae diximus in Hist. de Idem p. 252. seqq.

k) De causar. primae et secundarum operatione.

l) In Examine ethicae Geulingii diff. I. §. 3. sq. p. 3. m) P. I. p. 5. 6.

n) Conf. BAILEI Di. T. IV. art. Wittichius p. 509.

Cartesianae philosophiae existimationi maculam inussit, quam qui anonymus prodiit, auctor pestilentis libri: *Philosophia scripturae interpret*, quem LUDOVICUM MEIERVM medicum Amstelodamensem esse postea compertum est. Is enim tam effreni impudentia machinis Cartesianis, in reuelationem diuinam, et fidem Christianorum sanctissimam insurgere coepit, vt cuncta merito tumultu replerentur, et ipsi Cartesiani eius impietatem toto pectore detestarentur, id quod imprimis fecere Heydanus atque Wittichius. Ipsa folia medici audacis autem et magistratus auctoritate suppressa sunt, et certatim auctor theologorum, Voërii, Maresii, Arnoldi, Vogelsangii, Schotani telis confossus est. Idem vero cum fecisset Ludouicus Wolzogenius isque Cartesianis placitis liberius insisteret, cum famoso auctore facere iudicatus, et ideo a Iohanne van der Wayen publice accusatus, et Socinianismi a classibus ecclesiasticis suspectus habitus est, vnde nouae turbae exortae sunt, alibi latius exponendae. Meierum excepit Benedictus de Spinoza, qui cum Cartesianam philosophiam ad impietatem suam incrustandam adhibuisse crederetur, valde inde ignominia apud multos illa cumulata est. Erat enim Spinoza in Cartesii philosophia haud perfunctorie versatus, eiusque principia geometricè demonstrata ediderat. Hinc cum vnam tantum dari substantiam in suo systemate, velut cardinem, supposuisset, eamque duabus modificationibus, cogitatione et extensione constare affirmauisset, ipsi Cartesio enatae inde consequentiae satis impiae imputatae sunt, quod eius illas philosophia genuisset. Qua in re iniuriam factam esse Cartesio, omnino fatendum est, qui cum essentiam spiritus in cogitatione, materiae in extensione poneret, hasque sibi e diametro oppositas esse fateretur, duas inde easque diuersissimas substantias esse, spiritum et materiam, concluderat. Attamen licet haec ita se haberent, Cartesiana tamen philosophia in Spinozismi suspicionem rapta, huncque genuisse credita est. Id quod magno conatu demonstratum iuit IOANNES REGIVS, qui *Cartesium Spinozismi architectum* edidit. Quam tamen ab eo calumniam depellere studuit RYARDVS ANDALA edito *Cartesio vero Spinozismi euersore, et physicae experimentalis architecto*. Qui tamen non negat, Spinosam, Geulingium hisque similes degeneres esse Cartesii discipulos.

§. XXXVIII. Nouorum autem Cartesianismo fatorum seriem aperuit Cocceianismus, circa idem tempus in Belgio foederato enatus. Nempe cum magna linguarum orientalium, reliquique, qui ad interpretandam scripturam sacram requiritur, apparatus copia abundaret Ioannes Cocceius, professor Franekeranus, et tandem Leidenfis, isque sacrae ciuitatis historiam cum V. et N. Testamenti vaticiniis compararet, et peculiarem inde interpretandi diuinas paginas excogitaret modum, inque haud paucis a

*Cocceianae  
lites Carte-  
sianis im-  
mistae.*

L 1 2

con-

o) Vid. BENTHEM, l. c. c. 2. p. 59.

p) Similem tragoediam in Belgio foederato anno 1707. excitatae lites concurtae.

q) Franek. 1719. 4.

consueta Reformatae ecclesiae interpretatione abiret, nouam autem ipseus theologiae doctrinae methodum istis hypothesebus inaedificaret, magnis ex ea re contentionibus motibusque ecclesia Belgica concussa atque agitata est, quorum historia apud eos quaerenda est, qui rerum ecclesiasticarum notitiam pandunt. Parum autem ipse Cocceius philosophiam curabat<sup>r)</sup>, totus theologiae propheticae certisque canonibus hermeneuticis intentus; cum autem is Maresium, Voëtium similesque haud paucos aduersarios nactus esset, et ferre illi non possent, inualefcere factionem Cocceianam, ad arma conclamatum coelumque terrae commistum est, et vt inuidia cumularentur Cocceiani, cum Cartesiana, eam familia facere, et eandem inflare tibiam ad euertendam ecclesiae orthodoxae doctrinam, aduersarii conquesti sunt<sup>s)</sup>: caussati, arctam Cartesianos et Cocceianos necessitatem iungere, qua alterum genus alterius causam strenue agat: quamuis nonnulli satis aperte professi sint, sibi nihil cum Cartesio esse negotii<sup>t)</sup>. Ita vero dum aduersariorum inuidia Cocceianismum cum Cartesianismo copulat, factum, vt nonnulli ex Cartesianis, auctoritatis praesidio philosophiae praesidio soluti, in Cocceii partes discederent, et non omnia quidem, ast complura tamen eius decreta rata haberent. Id quod nouo ardore incendit vtriusque partis hostes, qui reprimere has acies vehementer studebant. Ab eo tempore magno ecclesiae malo ex vno fonte duo contentionum flumina dimanarunt, ex quibus largiter haufit Erynnis Belgica. Cum enim theologi et Cartesii et Cocceii partes sequentes viderent, sibi cum communi hoste rem esse, syncretismo quodam coeuntes aduersus hostes hos iuncto studio pugnarunt, et vnā sibi causam esse certandi videntes in foedus conspirauerunt. De quo ita GALENVS FARELLVS<sup>u)</sup>, Cocceio valde addictus, differit: *In philosophia Cartesio, in theologia Cocceio faueo, quantum licet viris doctis, non tamen iuro in verborum illorum verba et conceptus. In multis magnos illos viros sequor, in quibus fratres ab illis recedunt, ipsis obloquuntur, quia, vt clare percipio illorum conceptus, vt veri, sic maximi usus sunt in theologia reformatā. Et porro<sup>x)</sup>: Datur vigetque dictos Cocceianos inter et Cartesianos Christiana animorum unio, sine vlla praecedenti confederatione. Quae unionis huius causae? quaeris, manifestae et apertae sunt, quippe horum antagonista ipsos vniuerunt, dum iisdem libellis petebantur et dicti Cocceiani et Cartesiani; coniunxit illos consensus in fundamentalibus, libertas in philosophicis; unionis necessitas ob communes hostes, ac praecipue veritatum mutua amicitia. Ita conflictu cum communi aduersario inito, pro pretio et auctoritate rationis et hypothesium*

r) Immo Lugduni Batavorum Io. de Raei philosophiam Cartesianam profitenti ipse se Cocceius opposuerat. BENTHEM l. c. p. 62.

s) Conf. BAYLE Dict. T. II. p. 311. not. A. art. Dreſſerus. ARNOLD, Hist. Haer. et Eccles. P. II. p. 504.

t) Vid. H V L S I V S Theol. Hypoth. P. II. p. 32.

v) In Diss. hist. de nouissimis in Belgio litibus praef.

x) pag. 131.

frum in scripturae sacrae interpretatione disputatum est, conquerentibus Voëtianis (hoc enim ducis sui nomine potissimum contraria factio appellabatur) everti sensum oraculorum sacrorum ex ingenii cuiuslibet commentis sub rationis et philosophiae nomine obtrusis. Magnis autem animis et non minore eruditione contra Voëtianos Cocceiani pariter atque Cartesiani pugnarunt, et imprimis in id connisi sunt, ut ostenderent, hypothèses, quas velut profanas reiciebant Voëtiani, nec sacris literis nec pietati et doctrinae salutari contradicere, qua de re imprimis ea, quae WITTICHIVS passim scripsit, consulenda sunt: idque non de Cocceianis hypothesebus tantum demonstratum, sed de Cartesianis quoque; indeque enatae Ioannis Amerpoel et Ludouici Beaufort labores, Scripturam sacram cum Cartesio conciliantes, quorum titulos *parte huius tomi superiore* enarrauimus. Quamquam autem nec in sacram doctrinam, nec in sanam se peccare rationem demonstrarent Cartesiani atque Cocceiani, et multa praeclarius atque luculentius explicari, quam a scholastica philosophia factum esset prius, contenderent, euicit tamen antagonistarum factio, ut Belgii foederati status, magnum ecclesiis suis malum ob has nouitates metuentes, seueris interdictis Cartesianismum proscriberent. Maxime eorum auctoritate, post seriam circumstantiarum considerationem et deliberationem in synodo Dordracena prid. non. Oct. anni 1618 cautum, et ut norma agendorum constaret, ita definitum est: „Separandam esse philosophiam a theologia, hancque ex sacris paginis, illam ex sana ratione hauriendam tradendamque iuuentuti. In quaestionibus, quae ex Scriptura sacra queant refutari, non fore licitum philosophis, sacra oracula iuxta propria principia interpretari, sed sensum simplicem reuelationis diuinae, velut certissimum doctrinae omnis fundamentum recipiendum esse, quamuis contraria suadere videatur, ratio. Abstinerendum ergo esse philosophis ab eiusmodi hypothesebus, quae diuinam veritatem in sacris paginis evertant, et imprimis Cartesii φιλοσοφούμενοι neque in scriptis neque in lectionibus et disputationibus publicis proponenda esse. Idem anno sequenti Delphis repetitum, exclusique a muneris sacrispe atque expectatione, quotquot Cartesianam philosophiam essent amplexi. Facile perspexere haud pauci, artibus magis et insidiis, quam veritatis praefidio istas sanctiones vim suam acquisiuisse, factumque inde, ut, quibus auctoritas circa pectus triplex erat, quique fulmina synodorum non metuebant, a Cartesianae philosophiae ideo non abstinerent; multi quoque, iniqua esse ista decreta, et innocentissimam doctrinam Cartesii, ostenderent. Ast inualuerat tamen factio Voëtiana, quae inuidia cumulare Cartesianos pergebat; cumque Cocceianos valde premeret, eodem telo quoque Cartesianos perimere tentabat. Id quod praecipue anno 1618 euenit, quo in academia Batauorum Lugdunensi et Ultraiectina non Cocceianae tantum, sed et Cartesianae opiniones atque placita prohibita sunt. Procefferunt quoque iunctis vmbonibus

L 13

in



in nouam aciem theologi Andreas Essenius, Petrus van Mastricht, Melchior Leydekkerus, Fridericus Spanhemius, omnemque adhibuerunt industriam, et eruditionem quoque haud vulgarem, vt proscriptum Cartesianismum radicitus ex hac schola eiicerent, quanquam hac seueritate non obstante non deerant inter iuuenes literis deditos, qui sarcasmis doctores istos eluderent <sup>z</sup>. Similes concertationes Franekeræ abortiæ sunt, cum Cartesii decretis ducibus, Gisbertus Wesselus Dukerus præfide Ioanne van der Wayen, in dissertatione inaugurali *de Recta ratione statuisse*: Scripturæ diuinitatem, qua auctoritas eius omnis nititur, non aliunde quam ex ratione adstrui posse. Huic enim assertioni et Franequeræ et Ultraiecti contradictum est. Et in illa quidem schola iureconsultus magni nominis et elegantis eruditionis VLRICVS HVBERVS, *Positiones, iuridico-theologicas, de auctoritate Scripturæ*, quas commentario suo *de Iure ciuitatis* <sup>a</sup> inseruerat, nouis positionibus et antithesibus auctas, Dukerianæ dissertationi opposuit <sup>b</sup>; in hac vero GERARDVS VRIES, *in Cartesio vindicato, siue diuina auctoritate a ratione independente, asserta ex ratione pro Cartesio contra propositionem Franekeranam* <sup>c</sup>, ex ipso Cartesio euertere istam assertionem conatus est: quin ex suggestu sacro quoque eandem confodere tentauit Ioannes Regius <sup>d</sup>. Quæ res postea et ipsum Dukerum et alios pro eo in arenam descendentes et apologiam meditantes cum Hubero, et qui eius partes, more quidem suo, placide amplexus erat, Hermannio Witfio <sup>e</sup> disputando commisit, hincque velitationes haud paucae, Dukeri, Brouweri, Roëllii, Ruardi ab Andala, Ioannis van der Wayen, qui pro philosophiæ et rationis vsu in asserenda scripturæ auctoritate steterunt, exortæ sunt, quibus vnus Huberus fortes phalanges, duramque aciem opposuit. Quæ tamen omnia heic speciatim enarrare nostri instituti limites haud patiuntur, et alibi quaerenda sunt <sup>f</sup>; fatendum autem λογομαχίας haud paucas litem istam auxisse, vulnusque facile consolidandum diduxisse, vnde laudabiliter factum ab Hermannio van Halen, theologiæ professore Ultraiectino, quod in *Iudicio de positionibus quibusdam Franequeranis in classe Ultraiectina nupere ventilatis* <sup>g</sup>, ostenderit, quo sensu theses Dukeri, Wayenii, Brouweri ferri queant, et melior interpretationi locus concedi possit. Hac enim ratione ad pacem et tolerantiam multi perduci sunt. Accesserunt noui tumultus ex translatis ab Hermannio Alexandro Roëllio notionibus philosophicis ad doctrinam de generatione filii Dei, deque auctoritate philosophiæ et rationis in theologia, de satisfactione Christi, de poena peccati morteque &c. quibus dum φιλοσοφικῶς <sup>g</sup> et accuratius recepta dogmata definire voluit, a τρόπω παιδείας magis,

<sup>z</sup>) Id Spanhemio obtigit, qui cum more gentis vxore morte sublata arma gentilitia in atrio suspendisset, illa sublata a Cartesianis sunt, et illi loco inscriptum: *Datus vacuus*. Conf. BENTHEM. l. c. c. 4. §. 98. p. 101.

<sup>a</sup>) L. I. c. 26.

<sup>b</sup>) Franeq. 1686. 4.

<sup>c</sup>) Traiect. ad Rhen. 1687. 8.

<sup>d</sup>) Vid. BENTHEM. l. c. p. 64.

<sup>e</sup>) In Diss. epist. de Scripturæ S. auctoritate diuina, ex sola ratione demonstranda, ad Vlr. Huberum Trai. 1687. 12.

<sup>f</sup>) Apud BENTHEM. l. c.

<sup>g</sup>) Trai. 1689. 8.

gis, quam ab ipsa doctrina in ecclesia recepta discessit. Magni inde motus exorti, qui multis turbis philosophiam cumularunt, praecipue cum ex utraque parte non sine pertinacia pugnaretur, sic ut classes et synodi ecclesiarum multoties ideo contra Roëllium decernerent; eoque iam fatis functo non quiescerent. Quae tamen hoc quoque loco exponere, a scopo nostro alienum est, consulendum autem *Iudicium ecclesiasticum, quo opiniones quaedam Cl. H. A. Roëllii Synodice damnatae sunt, laudatum a professoribus theologiae in academia Lugduno-Batava*<sup>b)</sup>, in qua dissertatione totius controuersiae historia, in annalibus ecclesiasticis pluribus delineanda enarratur. Tandem, ut plerumque fieri solet, exhausti diuturna litigatione spiritus deferuescere, et inuidia Cartesiani nominis atque persecutiones mitigari, aut ex altera quoque parte Cartesianae philosophiae incrementa fisci, et subsidere quasi atque decrefcere coeperunt. Quamuis enim non deessent, qui Cartesianam philosophiam et viua voce *Decrefcens Cartesianismus* et scriptis in Belgio propugnarent, inter quos eminuit V. C. Ruardus Andala, theologus Franequeranus<sup>c)</sup>: pauci tamen fuerunt, qui sinceram Cartesii doctrinam exprimerent, et non in multis ab eius sententia discederent. Cuius rationes potissimum ab inualescente philosophia eclectica defumendae sunt, cum clarissime viri docti et acuti perspicerent, etiam sibi suffragii ius in senatu philosophico esse, posseque iis, quae recte et prudenter a Cartesio dicta sunt, multa addi alia, aut plane ab eo, ut erat homo, non visa, aut tradita perperam ideoque mordicus non retinenda. Accessere causae aliae, inter quas refert Cl. HERM. AB. ELSWICH<sup>d)</sup>, quod Cartesiani literas, ad humanitatem spectantes, non eo, quo debebant, studio excolerent, qua de re ad Io. Frid. Gronouium conqueritur MERICVS CASAVBONVS<sup>e)</sup>, et post eum P. D. HVETIVS<sup>f)</sup>, qui obseruat quoque ignorantiam Graecae linguae ab Isaaco Vossio Cartesio in Suecia degenti non sine ignominia fuisse obiectam. Aut quamuis hoc de ipso forte Cartesio, vni philosophiae emendationi et matthesi intento valeat, valde tamen veremur, ut de omnibus, eius placita sequentibus possit

fit

b) 1723.

i) Orationem funebrem collegae habuit Hermanus Veneius, ex qua potiora reperit Museum Brementse Vol. I. p. 173. Natus est Burgwerdiae Frisiae pego 1665. parentibus agricolonibus. Illis mature orbatus ob ingenii enicantis scintillas, a flammis oppidi Bolswardensis praetore et ecclesiastice Iudeo literario commissus et aetatis anno 15. Franequeram ablegatus est, ubi clarissimorum virorum, Blancardi, Vitringae, Rhenferdi, Marckii, Perizonii, Schotani, Andreae, Wayeni institutione egregie formatus est. Sed et Vitraiedtinam, Lugdunensem et Dordracenam scholam lustrauit. Sic pulchre formatus, et S. ministerio initiatus, ecclesiam Arumenensem, et postea Makkumensem, cum Bolswardiensem curauit. Anno vero huius seculi primo Franequeram ad docendam philosophiam inuitatus, et post N. Gurtleri mortem 1713

sacris literis docendis destinatus est, obiit 1727. *ἀρεταίος*. Vir doctus et acutus magnūque Cooceianorum et Cartesianorum deos inter Belgas, quos maximo studio defendit: circa vitae finem Leibnitianis et Wolfianis litibus se immiscens, magnas molestias denorauit. Vrebatur ingenio subtilissimo, sed animo sectario et pertinace. Exstant ex philosophia Exercitationes academicae in phil. primam et naturalem 1708. Syntagma theologicum-physico-metaphysicum, 1710. 4. Examen Ethicae Gaultingii, 1716. Apologia pro vera et saniore philosophia 1718. Cartesius Spinozismi euerfor. 1716. Qu. physicae 1720.

k) Diss. de Fort. Arist. in acad. Protestant. §. 30. p. 92.

l) In Epist. Isaaci subiunctis ab ALMELORVENIO, p. 17.

m) Conf. Phil. Cartes. c. VIII. §. 7.

Fata Carte-  
sianismi in  
Germania.

fit affirmari, cum haud paucos nobis Cartesianos enumerent annales literarii, qui elegantioribus non minus literis quam philosophiae cognitione ornati sunt. Idem ELSWICHIVS huc etiam refert, visam fuisse Cartesii philosophiam sublimiorem, quam capi possit; falsumque esse THOMAM BARTHOLINVM, mentem suam nimis angustam esse ad omnium illius secretorum cognitionem. Nobis praecipua causa decrefcentis inter Belgas et Germanos Cartesianismi in fatis philosophiae sectariae quaerenda videtur; quae sectam novitatis, auctoritatis, opinionis praesidio plerisque commendatam deprimunt, quamprimum nova doctrinae facies emicat. Certe Cartesianam philosophiam, quae vrgente Cl. Andrea Petermanno Lipsiae quoque radices egerat, mox suppressit eclectica philosophiae facies, circa initia seculi labentis resuscitata. Et hoc pacto factum quoque, ut, cum illustris CHRISTIANVS WOLFIVS, Cartesianam vestigia secuturus, moralem doctrinam a Cartesio derelictam, excolere statuisset, ipse eclectice tandem non vero Cartesianae philosophatus sit. Et haec forte causa quoque fuit, cur inter Germanos Cartesii philosophia parum laetis incrementis usa fuerit. Nam ad finem fere seculi elapsi Aristotelica philosophia multis magnisque sustentata fulcris, ut suo loco demonstratum, ita regnauerat, ut emergere Cartesianae praecepta non potuerint. Circa ineuntis autem seculi XVIII auspicia vix ea surrexerat, cum Christianus Thomaeus omnis sectariae philosophiae iuratus hostis Cartesianam quoque conuellere coepisset; quamvis iam ante eum theologi nonnulli, imprimis IOANNES OLEARIVS, et IO. ADAMVS OSIANDER praeceptis Cartesii, quae ad theologiam referri tum solebant, bellum indixerint, ut alios taceamus, qui infensis signis Cartesianas copias adorti sunt, enarratos a MORHOFIO, STRUVIO aliisque, qui videndi. Ipse quoque illustris Leibnizius, qui circa ista tempora novam philosophiam conceperat, et cuius maxima fuit in orbe philosophico existimatio, cum acerrime videret, quibus naevus Cartesianae philosophiae praecepta laborarent, eius incrementis inter Germanos obfuisse recte censetur. Fuit tamen in academiis Protestantium unus et alter, qui fauentes Cartesianismo aures praebuit. Nam in schola Herbornensi ille personare coepit, Bremaeque DANIEL LIPSTORPIVS, editis *Speciminibus philosophiae Cartesianae*, ei patrocinatus est, et in eadem urbe IO. EBERHARDVS SCHWELINGIVS, iuris et philosophiae naturalis professor, pro Cartesio contra P. D. Huetium modeste dimicavit, id quod Lipsiae quoque

n) De Pulmone p. 84.

o) Vid. Pinacotheca script. illustr. nostra cura edita Dec. I. in elogio illustris viri.

p) In Synopsi controversiarum.

q) Nulandius, Schulerus, Cyriacus Lentulus, alii.

r) In Polyhist. T. II. I. citando.

s) In Biblioth. philosophica, BVDDEVS Hist. phil. c. VI. p. 467.

t) BARTHOLD. FRIND. in Theatro philos. p. 315.

u) Vid. BVDDEVS l. c. c. VI. §. 26. p. 463.

MORHOF. Polyhist. T. II. L. II. P. II. c. 6. p. 295. seqq. Edidit etiam Copernicum redituum, seu de vero mundi systemate, Lugd. Bat. 1653. 4.

x) Edidit is Exercitationes cathedrales in P. D. Huetii Censuram philosophiae Cartesianae Bremae 1690. 8. quas ob auctorem contemnit quidem, ac ob modestiam laudat HUVETIVS de Vita sua p. m. 162.

quoque factum a IO. ANDR. PETERMANNO <sup>2</sup>: quo loco quoque Michael Rhegenius <sup>3</sup> et Gabriel Wagnerus <sup>4</sup>, Cartesium nostris commendare coeperunt, pertracti eo nomine in controuersiam cum Christiano Thomasio. Halae autem placita Cartesiana ab aliis licet accepta <sup>5</sup>, exigua fortuna disseminauit Ioannes Sperlette. Qui vero Io. Christophorum Sturmium Cartesianis accensent, parum accurate loquuntur. Is enim multa quidem Cartesii probauit, in haud paucis autem ab eo recessit <sup>6</sup>.

§. XXXIX. Transiit, si nonnullis fides est <sup>7</sup>, Cartesiana philosophia ad Transyluanos, Heluetios, Hungaros et Polonos, id quod credi facile potest, memoria recolenti, ex his regionibus haud paucos iuuenes ad academias Batauas conuolare solere, qui cum nouam philosophiam didicissent, ut natura, praecipue iuuenum, nouitatis est auida, eam domum deportatam propagare, seque ista sapientia haecenus ignota efferre sine dubio conati sunt. Nec a veri similitudine alienum est, doctores et scholasticos, et ecclesiasticos se nouae doctrinae opposuisse, et magistratus commouisse, ut illa publica auctoritate prohiberetur. Nihil enim in his omnibus est, quod non saepe euenerit, et eadem olim fabula lusa est, et iudetur in posterum, nec in his annotandis prolixitate opus est. Enarrandum vero, quid in reliquis regionibus Cartesianae philosophiae contigerit, in quibus uiuo adhuc Cartesio eam iam innotuisse supra uidimus. Et in Belgio quidem Hispanorum regis sceptro parenti, maxime Louanii, valde et theologos nonnullos et medicos assertis Cartesii quibusdam contradixisse, habuisse autem ibi quoque sectatores clandestinos ex antecedente narratione constat. Vix autem veri simile videtur, uiuo adhuc Cartesio eius philosophiam in istis terrarum partibus ita triumphauisse, ut publice doceretur, praecipue cum potiore Societatis Iesu partem aduersam habuisset. Ast post Cartesii fata suprema mitiori fortuna eius doctrinae gausa, eaque et in cathedra uiua voce, et in libris calamo tradita est. Cuius exemplum esse potest Antonius le Grand, medicus et philosophus Ducensis, qui cum prius Stoicos esset secutus, adeo ut eorum ἀπαρθεῖν peculia-

<sup>2</sup>) In Vindicatione philosophiae Cartesianae aduersus censuram P. D. Huetii, in qua pleraque iniquiora Cartesii loca clare explanantur. Lips. 1708. 4.

<sup>3</sup>) Erat is Transyluanus et circa annum 1688. Cartesiana semina Lipsiae spargere coeperat, edito Specimine logicae Cartesianae, et Claubergii Physica contracta. Illam reprehendit more suo CAR. THOMASIVS in Introd. in philosophiam aulicam, cui cum ille respondisset non sine sale satyrico, Thomasio in Praef. Logicae Germ. exceptus et plagium ei obiectum est, conf. Bibl. vniu. T. XV. art. 10. p. 320. STOLLE Hist. lit. P. II. c. 2. §. 30. p. 449.

<sup>4</sup>) Vid. REIMMANN, Hist. lit. Germ. P. IV. p. 110. seqq.

<sup>5</sup>) Vid. ill. JORDAN. Recueil de littérature p. 67. qui logicam eius ex arte cogitandi, reliqua a quodam Benedictino monacho Robert Des Gabetis eum accepisse monet. Carus is erat P. Baylio.

<sup>6</sup>) Dictum de eo parte antecedente. Eius diff. de Cartesio et Cartesianismo extat T. I. Phil. eclect. diff. 3.

<sup>7</sup>) VAL. ALBERTI Diff. de Cartesianismo et Cocceianismo, OLEARIUS l. c.

peculiaris libello \* commendaret, postea ad Cartesium transiit, et pro eius placitis docte et ingeniose pugnavit, ita tamen, ut scholastico Cartesianam philosophiam habitu ornare conaretur. Quo fine edidit *f*: *Philosophiam veterem e mente Renati des Cartes more scholastico breuiter digestam*. Bruta quoque carere sensu esseque machinas ingeniosa dissertatione propugnauit, et *institutiones philosophiae secundum principia Renati Cartesii noua methodo adornata et explicata* *h* edidit: quin pro Cartesio Samueli Parckero, acriter in Cartesium inuecto respondit, hisque meruit inter primarios Cartesianae philosophiae doctores referri.

*Inter Britannos.*

§. XL. In Britannorum quoque insulam penetrauisse famam Cartesiani, fuisseque qui eum istuc inuitarent, elegantia doctrinae eius captos, supra tradidimus. Ast fuere quidem nonnulli, qui Cartesianismo nomen darent; plures tamen inuenti sunt, qui a noua philosophia abhorrerent; certe eam negligerent. Cuius causa partim in Peripateticos conueniendum est, partim in Hobbesianos. Et Peripateticam quidem doctrinam, praecipue naturalem, nouis obseruationibus in crustauerat, et elegantiori vestitu ornauerat Kenelmus Digbaeus; ex cuius schola prodiit Thomas Anglus *g*, presbyter, qui iam vertente anno 1650 c. xlv. *i* *Institutiones Peripateticas ad mentem summi viri clarissimique philosophi Kenelmi equitis Digbaei* ediderat. Is cum magna animi subtilitate mysteria Scholasticorum rimatus, ab iis secedere et tamen Peripateticismum sequi constitisset, a Digbaeo, cuius opiniones miro consensu amplectebatur, Cartesio viuo adhuc commendatus est, ut cum eo de noua sua doctrina conferret. Qui cum docilem eum nacturum se esse discipulum speraret, mire spe sua delusus est. Valde enim is a dogmatibus Cartesiani abhorruit, easque oppugnare, et nouam Peripateticismi Digbaeani rationem sequi, quam Cartesio manus dare maluit. Quod ideo sic euenisse obseruat. BAYLETVS *k*, quoniam difficultates theologicas, quas magno numero et subtilitate haud exigua excogitauerat, ille more suo contempsisset, nec ad eas, prout sperabat, responderet. Multo magis tamen Cartesianismo obstitit Hobbesii philosophia, quae eo tempore magnum puluerem inter Britannos excitabat. Dum enim gens acuta ad domesticum philosophum attendit, et vel populari facie philosophiae eius capta in eius placita descendit, vel ab ea abhorrens impiam esse et iniquam contendit, peregrinae philosophiae aures praebere non potuit. Accidere autem alia quoque ex Hobbesianismo, quae Cartesianae philosophiae apud Anglos funesta fuere. Nempe plurimum quidem distabat doctrina Hobbesii ac Cartesiani praeceptis, et in quibusdam quoque e diametro illis erat contraria: e. c. Hobbesius omnem substantiam corpus esse dixit: Cartesius inter corpus et spiritum essentia-

e) Homme sans passion.

f) Lond. 1671. 12.

g) Ibid. 1678. Norimb. 1679. 8. addi potest eius *Historia naturalis* Lond. 1673. 8. conf. Мороз. Polyhist. T. II. L. L. c. 15. §. 9. p. 114.

h) Consulendus de eo P. BAYLE Dict. T. I. art. Anglus p. 238.

i) Lugduni.

k) T. II. p. 245. Biographiae maioris.

essentiale discrimen intercedere statuit. Ast his tamen, non obstantibus et Hobbesiani ad declinandam inuidiam, conspirare cum magistro suo Cartesianos iactabant, et aduersarii Hobbesii, in eodem impietatis ludo haerere vtrumque, idque agere, vt numinis prouidentiam, operationem, influxum in res mundi huius tollerent, clamabant. Ita factum, vt cum ad commune insulae incendium, quod Hobbesius excitauerat, delendum theologi Britannii certatim concurrerent, et Hobbesii placita telis suis confoderent, Cartesii quoque dogmata simul perimerentur. Maxime autem infestis armis in Cartesium insurrexerunt, theologi Oxonienses magni nominis Radulphus Cudworthus et Samuel Parckerus. Et ille quidem in prolixo *Systematis intellectualis* opere inter clandestinos numinis hostes et Hobbesium et Cartesium numerare, et hunc multis onerare suspicionibus nullus dubitauit. Valde vir doctissimus vrgebat naturas generatrices, quas a Deo productas et instructas diuinae existentiae et sapientiae specimen esse, contra impietatis patronos asseribat. Eas cum proscripti ex naturali disciplina fines rerum non paterentur, et imprimis impressus semel materiae motus, quo mechanicis legibus omnia formari dixit Cartesius, euerteret, in Cartesii placita, tecto quidem plerumque nomine vehementer aliquoties inuectus est, ita tamen, vt facile sentias, virum doctissimum aut non recte Cartesii placita intellexisse, aut ἀνθολῶς vitio illis ea imputauisse, quae non sine iniuria ei obiiiciuntur<sup>l</sup>. Similiter argumentum pro existentia Dei ex idea eius petitum inter sophismata referre, et aliam ei faciem effingere conatus est<sup>m</sup>, quae tamen forte ipsi Cartesio iam placuit. Tacemus alia, passim a Cudwortho in eo reprehensa, „qui concedit quidem“, physicam Cartesii, si partem intuearis mechanice, tam apte, composite sciteque ab ingeniosissimo viro fuisse dispositam, tam et descriptam, vt dubitandum non sit, quin acutissimos veterum, „qui hac via et ratione philosophati sunt, si minus superauerit, certe assequutus sit; ast esse tamen iudicat in ea nonnulla, quo vehementer auctoritatem et dignitatem eius diminuant.“ Inter quae primo loco ponit, quod reiectis naturis genetricibus, vniuersum terrarum orbem, quatenus corporibus constat, ex necessario motu materiae, in minutissimas partes tantum diuisae, ac orbem conuersione sua efficientis, sine vlllo intelligentis naturae auxilio et ope extitisse asseueret, sicque admirabilem illum concentum rerumque in orbe existentium ordinem neglexerit, materiam autem necessario existere, ipsaque natura sua infinitam et aeternam esse decreuerit. Quo tamen, Cartesium se inter numinis hostes non referre posse, monet, cum talia suae disciplinae fundamenta iecerit, quibus saluis illi salui et incolumes esse nequeant, quibus cum Deo et religione bellum est. Acrius in Cartesium in insula insurrexit SAMUEL PARCKERVS, qui in elegantibus disputationibus *de Deo et prouidentia diuina* duobus locis<sup>n</sup> oppugnare Cartesii decreta velut religioni et pietati

Mm 2

inimi-

l) p. 150.

m) p. 886. seqq.

n) p. 192.

o) Disp. III. p. 221. VI. 489. seqq.

„inimica aggressus est. „Is Cartesium quidem ab initio impietatem animo non fuisse meditatam concedit, sed putat, cum a vita militari, nullis artibus, nisi mathematicis, eruditus ad literas accessisset, iisdem mechanicis legibus, quibus castra et statua vir solertissimus extruxerat, mundos quoque extrui posse iudicauisse: ast hoc pacto ita philosophiam tractauisse, vt sua philosophandi opinione omnem de naturae opifice scientiam plane sustulerit. Quanquam enim ipsam materiam e qua factus sit mundus hic aspectabilis, initio a Deo procreatam, in particulas certae cuiusdam magnitudinis diuisam, certaque motus quantitate incitatam esse voluerit, cum tamen datis istis ipsam se suis legibus neque a Deo definitis, in hanc vniuersi fabricam sponte extruxisse concluderit, nimis perspicue Deum, quem rerum opificio praeesse praefatus esset, ab eodem penitus exclusisse. Atque propterea nonnunquam se subuereri fatetur, ne in periculum aut inuidiam veniret, pauca ista, quae hypothesi suae supposuit, supposuisse: praesertim cum eam ab eo principio exorsus sit, a quo athei omnes exordiantur, veram physiologiam a rerum finibus non esse accersendam. Altero vero loco valde succenset Cartesio, quod maxima sui fiducia et aliorum applausu elatus omnium scientiarum inuentionem sibi arripuisse visus sit, quippe, cum summo ingenii acumine praestiterit, et noua quaedam in geometria inuentis, continuo applausu, quem inde tulerit, adeo elatum fuisse, vt scientiarum fines prouehere non satis gloriae cogitaret, nisi et noua omnium fundamenta iaceret.“ Quod quam inepte fecerit, ex dubitatione eius asserta prolixè demonstrare conatur. Non afferemus argumenta viri doctissimi, apud ipsum legenda; sed id modo obseruamus, ad inuidiam conflandum Cartesio nihil vel eloquentiae vel acuminis omittere scriptorem celeberrimum, quae causa quoque fuit ANTONIO LE GRAND, vt peculiari *Apologia* Parckero *pro Cartesio* responderet. Media inter hos incessit via, tertius ex eadem academia theologus Henricus Morus. Is viuo adhuc Cartesio innotuerat, et haud pauca probauerat, vnde amicū litterarum commercium inter eum atque Cartesium enatum est. Erepto autem fatorum necessitate Cartesio, a Clerfeliario anno 1655, ad seruandam hanc de Cartesio eiusque disciplina opinionem erat excitatus. Ast quamuis inique ferret, Cartesium impietatis postulari, non dubitauit tamen meditationibus Cartesii fortissimas obiectiones opponere. Inde enata subtilissimo viro *epistola, quae apologiam complectitur pro Cartesio, quaeque introductionis loco esse poterit ad vniuersam philosophiam Cartesianam*<sup>p)</sup>. In ea Cartesium quidem aduersus stolidos et imperitos censors defendit, ast et in nonnullis virum magnum non satis attentionem probauisse, in aliis nimis prudentem esse affectauisse, in quibusdam mathematicam certitudinem nimis quaesiuisse, hisque ex fontibus errores quos-

p) Cum hac epistola comparandum eius Enchiridion metaphysicum, quaeque de eius systemate

metaphysico in Parte antecedente diximus, conferenda cum Cartesiano, vt discrimen inde appareat.



quosdam admisisse contendit. Valde vñit hæc epistola Cartesianos, præcipue quod inter mille laudes, quas in Cartesium Morus cumulat, contendere tamen sategit, quaedam astute ad saluandam hypothesin excogitasse Cartesium, non vero serio ea tenuisse. Qualia esse credit asserta: bruta esse meras machinas; fines rerum non esse inuestigandos, quibus Cartesium, putat, sibi præcauuisse ab importunis sciscitationibus et odiosis quaestionibus hominum captiosorum. Omittimus alia apud ipsum legenda: Grauem ideo dicam Moro scripsit BAILLETVS<sup>1)</sup>, et nescio cuius leuitatis accusauit, quod post inuidendas laudes magistrum ista inuidia cumulauisset. Ast quod Cartesianis displicuit, placuit viris doctis, partis studio non addictis, qui talia Morum dubia obiecissee obseruant, quibus soluendis hætenus Cartesiani impares fuerint<sup>2)</sup>. Qua de re illi consulendi sunt, quos in Mori vita, *parte huius Tomi præcedente* excitauimus. Ista autem theologorum contentione factum est, vt cum impietati late tunc inter Anglos grassanti fauere videretur philosophia Cartesiana, illa in academia Oxoniensi prohiberetur, id quod tamen in Cantabrigiensi factum non est<sup>3)</sup>. Nihil autem fortunæ Cartesianæ physiologiae magis obstitit, quam quæ hoc seculo vergente magnis luminibus ornata prodiit physica Newtoniana. Ea enim cum hypotheses, experientia et rationibus munitas Cartesiano systemati opponeret, in contrariam sententiam, tanto duce præeunte deflectere coepit Britannorum natio, et tantum non exspirauit Cartesianismus inter Anglos. Reuocauit enim Newtonus vacuum, quod Cartesius proscripserat, cumque is ex solo impulsu corporum naturalium motum deriuasset, ille repulsum et attractionem inter rerum naturalium causas retulit, et duritiem atque grauitatem, qualitates esse essentialia statuit, qua ratione non potuit non vortices Cartesii reuicere. Quæ ab eo tempore Cartesianos in Gallia viuentes cum philosophis Anglis mire commiserunt<sup>4)</sup>, quæ tamen hoc loco enarrare, ob instituti rationem et paginae angustiam non licet.

§. XLI. Ex Britannia in Galliam transfretantibus varia et diuersa Cartesianæ philosophiæ fortuna occurrit. Et quibus quidem fati, viuo adhuc auctore vsa fuerit, supra iam enarratum est, expositumque, haud paucos sectatores et admiratores eam fuisse nactam. Conditore vero sublato non nihil eius incrementa sufflaminata sunt, Roberualio, qui Vaticano contra Cartesium incensus odio erat, et Gassendo rationibus et disputationibus eius auctoritatem imminuentibus. Addi his potest Petrus Daniel Huetius Abrincensium episcopus, vir longe doctissimus, magnæque in ciuitate erudita existimationis. Is primo quidem post desertam philosophiam scholasticam in Cartesii castra transierat, vt supra in vita eius

*Fata phil.  
Cartesianæ  
in Gallia.*

Mm 3

eius

<sup>1)</sup> L. VII. c. 15. p. 261.

<sup>2)</sup> RAPIN. Reflexions sur la philosophie p. 284. Nouvelles de la rep. des lettres 1684. p. 301.

<sup>3)</sup> FEIND. Theatr. philos. p. 317.

<sup>4)</sup> Conf. MONMOR. Diff. sur les principes de physique de Mr. de Cartes comparez a ceux des philosophes Anglois; Europe sauante 1718. Oâ. art. 3.



eius dictum, at postea ad scepticos defecit, et fortissimas phalanges in *Con-*  
*sura philosophiae Cartesianae* ei opposuit, ut suo loco dictum. Cui rei  
 pondus addidisse Iesuitarum amicitiam, qua intima Huetius fruebatur, admo-  
 dum verisimile est. Horum enim auxilio, ut ipse fatetur, ad scepticismum  
 delatus est, cuius ope potissimum Cartesianismus euertere conatus est.  
 Plurimum autem Cartesianae scholae hi insultus Huetiani nocuerunt. Ma-  
 gna enim auctoritate et eruditionis opinione vivebat Parisiis Huetius, qui  
 cum in argumento potissimum theologico Cartesianam disciplinam in su-  
 spicionem adduxisset, eamque ridiculam quoque facere excogitatis fabellis  
 Milesiis, studuisset, effecit, ut qui *ὁρθόδοξοι* videri cuperent, ab aper-  
 ta Cartesianismi professione desisterent. Non potuere tamen radices  
 quas Cartesianismus in Gallia egerat euertere, cuius variae causae possunt  
 offerri. Et primo quidem, ad eius existimationem plurimum contulisse  
 studia dissidentium partium, recte observatum Huetio. „Alii  
 „enim Peripateticam tuebantur doctrinam, a multis iam seculis in scholis  
 „receptam, alii eam pessumdare conabantur et extinguere, futurum rati,  
 „ut una quoque patronos eius et defensores in contemtionem adduce-  
 „rent.“ Deinde studium physicum et mathematicum haud parum Car-  
 tesianam disciplinam commendavit, cum iam pridem Gassendus virique  
 docti alii animum eruditae adiecissent, aliquid novi in iis doctrinae gene-  
 ribus audendi. Ipsi quoque Cartesii sequaces, praecipue, qui hominem  
 viuum nouerant, de amplificandis sectae huius limitibus summopere fue-  
 runt solliciti. Erant autem tum, magna eius sectae columina, teste  
 Huetio, Claudius Clerselierius et Iacobus Rohaltus, quibus tere-  
 tius addi potest, Petrus Syluanus Regis. Et ille quidem viuum Cartes-  
 sium magna veneratione prosecutus erat, et mortuum deinde constan-  
 ter coluit, cui studio Cartesiano quoque opera Cartesii posthuma debe-  
 mus, ut supra dictum. Qui cum perspicue et eleganter Cartesii placita  
 posset exponere, et moribus vteretur humanissimis atque iucundissimis,  
 non modo aduersariorum Cartesii amicitiam meruit, sed et Cartesianae  
 factionis incrementa valde promouit. Adeo vero huius philosophi sa-  
 pientiam deperibat, ut et filium ea institueret, mature tamen sibi ite-  
 rum ereptum, et ob praeclaram Cartesianae eruditionis notitiam fi-  
 liam Rohaltio elocaret, in matrimonium teste MARVILLIO.  
 Et hic quoque philosophus plurimum ad promouendam philosophiam

u) Comm. de Rebus ad eum pertin. L. VI.  
 p. m. 162.

v) loc. cit.

x) Respicit sine dubio Iesuitas.

y) loc. cit.

z) Fuit is Ambienensis, vir doctus et ingenio  
 praeditus philosophico atque mathematico, qui  
 postea eruditionis partibus eminuit. Maxi-  
 me autem physicae disciplinae addictus, meruit  
 laudes discipuli P. S. REGIS in disc. de Hist.  
 phil. p. 203. laudentis, „quod ex principiis Carta-

„stianis plenissime scripserit de materiis, quas leniter  
 „duntaxat perstrinxerat Cartesius quodque expé-  
 „rientiae testimoniis hypothesen eius firmaverit.“  
 Contaminauit tamen hanc gloriam eruditionis phi-  
 losophicae moribus paedagogicis, unde ridicula  
 nonnulla de eo narratur, et traductus in scenam  
 est a Moliéro.

a) VIGNEUL MARVILLE Mel. de lit.  
 T. I. p. 379. ed. rec.

b) HUETIVS l. c.

c) loc. cit.

Cartesianam inter Gallos contulisse censendus est. Is a Clerfelierio ex mathematicorum circulis, quibus felicissime studium operamque suam addixerat, quasque publice profitebatur ad Cartesianam subfellia traductus erat, cum libros Cartesianos nonnullos, a se Gallice versos ei legendos examinandosque exhibuisset. Cum enim ingenio frueretur acerrimo, et profundae meditationi assueto, systema philosophicum Cartesii a fundamentis rimatus, noua tandem lumina nactus est, eaque viua primum voce cum philosophiae cultoribus communicauit: deinde scripto tradita, et obseruationibus aucta, in *Institutionibus Physicis* <sup>d</sup> vulgauit, quae magno eruditorum plausu exceptae sunt. Horum et similium studio factum, vt viri quoque summi et munerum auctoritate illustrissimi Cartesianae doctrinae fauere pergerent. Inter quos imprimis magna nomina Iacobus Benignus Bossuetus, et Hubertus Mommorius notandi sunt. Et de illo quidem hoc nobis tradit Huetius <sup>e</sup>: „Iam diu erat, cum se Cartesianis partibus addixerat Benignus Bossuetus, tum Condomensis, et deinde Meldensis episcopus. Studium certe illud suum palam dissimulabat satis caute: at priuatim aliquando super nonnullis dogmatis huius capitibus, amicae quidem, at acres tamen habitae fuerant inter nos concertationes. Ad eum nihilominus officiose mihi libellum meum aduersus Cartesii figmenta procusum; adiunctis etiam literis, pro veteri nostra et frequenti consuetudine, in quibus scriptum erat, dubitare me, acceptumne ei foret huiusmodi munusculum, probatis ei et placitis sententiis tam aduersarium; at officii tamen mei pristinaeque nostrae amicitiae rationem mihi ante omnia habendam duxisse; ac porro sperare me, in hac opinionum diuersitate nullam intercessuram animorum disiunctionem. Respondit ille, aliquantulum, vt videbatur subiratus, vix posse se ferre aequo animo scripsisse me probare sibi Cartesianam doctrinam, quam officere fidei in scriptione mea ipse praedicauerim. At ego contra subieci statim per aliam epistolam, perspectum habere me quam recti essent et integri ipsius de fide sensus, quos et scriptis et dictis tot iam ante annos declarasset; neque plus me voluisse aut potuisse detrahere ex eis, cum Cartesio fauere eos dixi, quam detrahitur ex integritate fidei sancti doctoris Thomae Aquinatis cum Aristotelis, vel ex illa vetustiorum patrum ecclesiae, cum Platonis dicuntur sequaces fuisse.“ Haec Huetius, ex cuius verbis manifestum est, Cartesianam quidem doctrinam mire viris summis inter Gallos placuisse, ast pressam heterodoxiae accusatione et suspicione, non potuisse se publice efferre, sed clanculum habitam esse atque assertam. Idem de Ludouico Huberto Mommorio obseruandum. Is enim cum, quod in antecedente parte notatum, Petro Gassendo, quem hospi-

d) 1671. Lond. 1682. Bruxel. 1708. Conf. A. E. 1713. p. 444. Latine vertit Theoph. Bonetus, annotationibus auxere Samuel Clarke et Anr. le

Grand. Conf. Meauef. Polyhist. T. II, L. I. c. 15. §. 9. p. 114.  
e) loc. cit.

hospitio et domestico rerum usu exceperat; assentiri crederetur teste eodem H V E T I O <sup>f</sup> occulte tamen fauebat Cartesio, cui palam aduersabatur Gassendus; nec aliam ob causam creditus est conuentum philosophorum apud se instituisse, quam ut eorum animos Cartesianis dogmatis assuefaceret, et in hanc sectam sensim pertraheret. Maxime autem Cartesianae philosophiae fauit congregatio oratorii; cuius conditorem, amplissime cupiuisse Cartesio in huius vita dictum est. Inde enim factum, ut magni ex hac congregatione philosophi existerent, qui lumina Cartesiana insigni splendore auxerunt. Iter quos agmen ducit Nicolaus Mallebranchius infra commodiore nobis loco enarrandus <sup>g</sup>. Sed et Iansenistarum agmina, et imprimis eorum primipili in Cartesii castris militauerunt, notaque sunt inter Cartesii affeclas magna Nicolii, Arnaldi Paschalisque nomina: qui licet in nonnullis tritam ab eo viam relinquerent, in plerisque tamen eius principia secuti sunt, iisque nouas obseruationes inaedificauerunt. Et Arnaldum quidem contra meditationes Cartesii obiectiones nonnullas tradidisse Merfeno, supra retulimus; at eo modo, ut Cartesium maxime illum fecisse BAILLETVS <sup>h</sup> testatus sit; qui et alibi <sup>i</sup> monet, Arnaldum ante edita a Cartesio principia philosophica iam similem doctrinam fuisse professum, qua ratione ductus inter Cartesianos Arnaldum referri posse negat P. BAYLE <sup>k</sup>. Ast aut dicis gratia, et ad conciliandum Cartesio Iansenistarum applausum, haec attulit Bailletus, aut de nonnullis tantum capitibus id intelligendum est. Arnaldum enim reliquosque portus Regii socios ita Cartesium sibi in philosophia ducem elegisse, ut eius placitis obseruationes proprias superstruerent, ex *Arte cogitandi*, quod istorum philosophorum opus est, satis intelligitur: quamuis non omnia probarent, et ipse Arnaldus magna vehementia in Mallebranchii hypotheses insurgeret, ut infra dicetur. Nihil autem magis probat, quam addicti Cartesianismo Iansenistae fuerint, quam lites inde inter ipsos et Iesuitas enatae, quae incrementa philosophiae Cartesianae haud parum sufflaminarunt, ut taceamus eorum vehementia contra Voëtium eiusque affeclas, Cartesii aduersarios religionis obtentu acerrimis velitationibus demonstratam. Rem paucis ita habet: Esse sudem Iansenistas in oculis Iesuitarum nemo ignorat, nisi rerum recentiori aetate in ecclesia gestarum plane rudis et ignarus. Fecit illud animorum diuortium, ut quibus possent modis se lacefferent inuicem, et imprimis pati Societas non posset, quod istud Iansenistarum sodalitium iuuentutem literas elegantiores atque philosophiam non sine laude plausuque discipulorum doceret, unde nonnullae censurae prodierunt, quibus satis manifeste animum in illos acerbum Societas demonstravit <sup>l</sup>. Ergo quae a Iansenistis

<sup>f</sup>) loc. cit.

<sup>g</sup>) Eum tamen in nonnullis a Cartesio descivisse observatum REGISIO l. c.

<sup>h</sup>) l. c. p. 184. Conf. PERRAULT Hommes illustres p. 57. 58.

<sup>i</sup>) T. II. Operis maioris p. 124.

<sup>k</sup>) Dict. T. I. art. Arnaud not. Cc. p. 348. Conf. DANIEL Voyage du monde de Des-Cartes P. III. p. 204. 205.

<sup>l</sup>) Vid. BAYLE Dict. T. III. art. Nicolle not. E. p. 504.

senſitis recepta erat, Cartefiana philoſophia eo magis illam inuidiam ſenſit, quo magis iam viuente Cartefio Iefuitae ab ea ſe abhorrere eſſent profeſſi. Ita vero non ad hos ſolos, ſed ad omnes Cartefii ſequaces iſta aduerſitas tranſiit, inque id conniſi ſunt ſocietatis ſodales, vt totam Cartefianam doctrinam inuiſam redderent, atque ſuſpectam. Occaſionem autem naſti ſunt egregiam ex tranſubſtantiationis, quam vocant dogmate, et explicatione Cartefianorum modi praefentiae glorioſi corporis Chriſti in altaris ſacramento. Nam Cartefium ab ipſo Arnaldo ideo reprehenſum eſſe, quod modus huius praefentiae a Tridentini concilii patribus definitus cum notione corporis a Cartefio data conſiſtere non poſſet, eum vero peculiarem excogitauiſſe explicationem, vt oſtenderet, hoc non obſtante et reſecto licet inſulſo accidentium commento, eundem praefentiae modum, qui tranſubſtantiationis voce definitur, ſalutis ſuis principiis conſtare poſſe, ſupra ex inſtituto explicuimus. Aſt aliorum non idem de Cartefii explicatione iudicium fuit, et minime omnium Iefuitarum, qui peruerti corrumpique ſenſus puros eccleſiae Romanae et ad nouitates philoſophicas inepte trahi clamabant, ſicque *heterodoxias* ſuſpicionem partes Cartefianas vehementer premebant. Quod ne ſolis rumuſculis et intra auditoria perſonaret, prodiit ex hoc ſodalitio Valeſius, qui peculiari libello Cartefianos eo nomine aggreſſus eſt: cuius rei hiftoriam cum in Vita P. Baylii iam enarrauerimus, actum non agemus, ſed lectorem ad *partem prior*em huius tomi remittimus. Effecerunt autem iſtae Iefuitarum contentiones, vt vehementi inuidia laborare Cartefianiſmus inceperit, quique illi adhaerent, de fide temerata apud pleroſque male audirent, magnisque motibus curſus Cartefianae factionis laetiſſime haecenus graſſantis fuſſa-minaretur. Cuius eſſe exemplum poteſt, quod Petrus Syluanus Regis <sup>vir</sup>,

m) Editus eſt in lucem inter Aginneſes, (Salueta de Blanquefort) Petrus Syluanus Regis anno 1632. Poſitis litterarum et philoſophiae rudimentis apud Iefuitas Cadurci, theologiae in alma Parieſiſi operam dedit. Ibi occaſionem naſtus ab ore Iacobi Rohalt pendendi, Cartefianam philoſophiam amplexus eſt, eamque paucis menſibus totam perdidicit. Deinde ad Tolofanos delatus anno 1665. conuentus Cartefianos inſtituit, a plerisque viris doctis, immo a foeminis quoque honeſtioribus frequentatos. Naraturque in Nouis liter. Hamburg. 1707. p. 228. eum aliquando diſſertationem philoſophicam, ſecundum principia Carreſii Gallica lingua exaratam in eo conuentu publice ventilaſſe, eamque foeminiae Tolofanae, ex primariis, quae philoſophiam Cartefianam ipſo magiſtro didicerat, tuendam tradidiſſe: eam autem magna cum laude et eruditionis gloria obiectionibus virorum doctiſſimorum reſponſiſſe. Ita vero Tolofaniſ factus cariſſimus, ſtipendium publicum ex aerario meruit. Valde autem fauentem ſibi habuit marchionem Vardeſium, qui cum

Cartefianam philoſophiam eſſet amplexus, eum Aquas Mortuas, cui vrbi agroque praeerat, traduxit, quo auctore quoque Montepellulanum anno 1671. tranſiit, et Cartefianam doctrinam magno applauſo in ſynodis eius philoſophiae cauſa inſtitutis propagaui. Tanto etiam virorum doctorum conſenſu et admiratione in aedibus Lemerianis anno 1680. ſimiles conuentus Parieſiſi inſtituit, vt locus auditores non caperet. Vix autem ſemelſtri ſpatio Cartefianam philoſophiam hoc pacto docuerat, cum Valeſio Iefuita Cartefianos heterodoxiae accuſante, coelumque et terram miſcente, Regiſius conuentus eiſmodi habere prohiberetur. Vid. DES MAREZ et Vie de Mr. Bayle p. 25. Nempe Regio mandato iniunctum fuiſſe profeſſoribus Parieſiſibus Cartefio fauentibus ab archiepiſcopo, vt iuxta cenſuras academiae, et decreta ſenatus regni Ariſtotelicam philoſophiam preſſius ſequerentur, reſert PELLISSONVS Lettr. de la tolerance T. IV. p. m. 345. Ipſe tamen archiepiſcopus Regiſio valde fauens multoties priuatum cum eo colloquium inſtituit.

Patronis

*Hift. philoſ. Tom. V.*

Nn



vir doctus et acutus, quique eo tempore inter Cartesianos facile principatum tenebat, metu compulsus sit, conuentus philosophicos, quos eo tempore magna audientium frequentia et approbatione instituerat, dimittere, Mallebranchius autem et Bernierus, quos nomine aggressi erant Iesuitae, omnes ingenii neruos et machinas quascunque adhiberent, vt nihil se in ecclesiae suae fidem doctrinamque peccasse demonstrarent. Et haec caussa quoque fuisse videtur, cur philosophi nonnulli, qui Cartesio fauebant, sub Gassendi potius, atomisticam philosophiam minori inuidia diffeminantis symbolis latere, quam Cartesianum nomen affectando persecutiones pati voluerint; qualem fuisse Laurentium de Memes<sup>7</sup>, qui marchioni Vardefio Cartesianam philosophiam tradidit, Bernierium, Mommorium aliosque, memoriae eius aetatis literariae testantur. Ceterum non Parisiis tantum Cartesianos haec tempestas suppressit, sed Cadomi quoque academia, et imprimis Petrus Callyus eam sensit,

Patronis autem intercedentibus, superatisque difficultatibus veniam tandem nactus edidit, 1690. *Syſtema philosophiae, logicam, physicam, metaphysicam et ethicam secundum principia Cartesii complexum*, vid. A. E. 1692, p. 135. 179. Notauit in iis, haud pauca Io. Baptista du Hamel, cui tamen auctor 1692 respondit, et ad Cartesianae philosophiae censuram ab Huetio editam nonnulla eodem anno regeſſit. Id quod adeo moleſtum habuit Huetius, vt fabulam illam iocularem de Cartesii historia suo loco enarratam Regisio inscriberet, et ſale ſatyrico ita hunc philoſophum perfricaret, vt ipſe in Comm. de vita ſua p. 163. fateatur, „neque perſonae ſuae neque dignitati „conueniſſe, mimicis huiusmodi iocis popello „literato luſus praebere, ideoque ſedulo cauiffe, „ne nomen ſuum innoſceſceret.“ Teſtis tamen hoc ipſo eſt epiſcopus Abrincenſis, inter praeclariffima Cartesianae ſcholae ornamenta eo tempore numeratum fuiſſe Regisium, Anno 1699. ſcientiarum academiae adſcriptus eſt. Tanta autem eius exiſtimatio fuit, vt reſte FONTENELLIO in Hiſt. renouatae academiae regiae ſcientiarum p. 177. Marchio Vardefius genero ſuo duci de Rohan in teſtamento iniungeret, vt in ſua familia eum ad mortem vsque aleret, in qua etiam 1707 menſe Ianuario obiit. Idem Condaeuum quoque principem, ducem Albanenſem, aliosque principes viros ei vehementer fauiſſe obſeruat. Conf. STOLLIVS Hiſt. lit. P. II. c. 1. §. 95. p. 411. Act. philoſ. Vol. I. p. 1062. Quamuis autem Cartesium ſequeretur, tantum tamen abeſt, vt ſeruili ſtudio in eius verba iurauerit, vt non modo innumera addiderit, ſed in haud paucis quoque ab eo receſſerit, experientia et meditatione meliora ſuggerentibus. vt reſte obſeruatum CLE-  
RICO Bibl. vniu. T. XXI. P. I. p. 74. ſeqq. P. II. p. 28. Qui ſenſus eccleſiasticus quoque ex diſſertatione praeliminari ſatis patet, qua philoſophicam hitoriam pulcherrime, licet breuiſſime ſtriſſimque enarrauit, vt T. I. p. 37. dictum. Cuius interpres Latinus, magnas in eum laudes licet ore

valde barbaro cumulauit. Edidit Regisius quoque 1704 *Traſtationem de Concordia rationis et fidei*. Praeter Regisium autem inter Cartesianos illuſtres numerat Franciſcum Bayle, profeſſorem Tolofanum МОЛЮНОВС Polyhiſt. T. II. L. I. c. 15. §. 9. p. 114. cui debemus *Syſtema philoſophiae vniuerſale* 1669 editum, et *Inſtitutiones phyſicas* 1700. 1703. 4. vid. A. E. 1702. p. 387. ſeqq. 452. ſeq.

n) Meminit Cartesiani cuiusdam cuius nomen tacet perſonatus MARVILLIVS *Melange de liter.* T. I. p. 381. 382. quem, ait, fuiſſe marchionis Vardefii in Cartesianae philoſophia praeceptorum, inque eo philoſophandi genere excelluiſſe; deſeruiſſe autem ordinem religioſum, et more Mallebranchii in ſolitudine illuminationem Cartesianae philoſophiae expeſtauiſſe; valde vero excoluiſſe hitoriam inſectorum, et artium mathematicarum praecepta duci L--- tradidiſſe, tandem ſine ſacramentorum vſu ſubito vita emiſſaſſe. Eſſe hunc Laurentium Meſſiam, qui reſiſto Carthuſiano ſodalitio ſub nomine aſcitiſſi Michaelis Neuraei ſaruit, ex Huetii Comm. de rebus ad eum pertinentibus L. III. p. m. 70. facile conſtare poteſt. Narrat enim eo loco Abrincenſium epiſcopus, hunc Michaelē Neuraeum, (cuius in Gassendi hitoria facta eſt mentio, eo quod Gassendi partes contra I. B. Morinum defendiſſet) veniſſe Cadomi cum principibus Longauiſſanis adhuc pueris; quorum regendis ſtudiis fuerit praeſectus. Exque Chaeuraei Miſcellaneis reſert, fuiſſe eum natum Iulioduni in Piſtonibus, Laurentium Meſſiam vero nomine dictum, Carthuſiano nomini ſolemniſſimis votis adſtriſſum, totosque triginta annos apud Burdigalenſes egiffe, et vitae tandem huius ac germani nominis perſectum, aliam induiſſe perſonam, ac Lutetiae demum Michaelē Neuraeum factum, nouoque cultu ornatum prodiſſe. Huic enim Huetii narrationi circumſtantiae a Maruillio allatae omnino conueniunt.

fenfit. Qui cum prius philosophiam Aristotelicam diu docuisset, tandem in Cartesiana philosophia adyta, narrante H V E T I O <sup>o</sup>, „se insinuauerat, „tamque vehementi in eam studio exarserat, vt tradita a se tot annos praecepta „et dogmata palam eiuraret, nec aliud quicquam creparet, vel in publicis le- „ctionibus vel in priuatis colloquiis, quam Cartesium. Is enim, eodem aucto- „re valde, vt dictum, Iesuitarum factione fauente, narrante tam inconsidera- „te tamque licenter id fecit, vt cum rerum sacrarum attingeret doctrinam, „minime temperaret sibi, quin eam quoque respergeret Cartesianis com- „mentis et corrumpere. Id quod ipsi demum noxae et dedecori fuit, „atro carbone seueraque censura notato.“ Quin et reliquis professori- „bus Cartesio fauentibus regis mandato ab archiepiscopo Parisiensi serio in- „iunctum est, vt dimisso Cartesianismo ex lege senatus regni atque vniuer- „sitatis Aristotelem sequerentur <sup>r</sup>. Ita vero vbique triumphante in Car- „tesianos Iesuitarum inuidia cedendum quoque tempestatis furori fuit con- „gregationis oratorii patribus, quos auide Cartesianismum amplexos fuisse „supra diximus. Illi enim tandem solenni conuentione cum Iesuitis pacti „sunt, de non amplius tradendo Cartesianismo vel fauendo Iansenismo, „cuius conuentionis exemplum in collectione tractatum ad hanc contro- „uersiam pertinentium, quam P. BAYLIO <sup>r</sup> debemus, occurrit, vt in „eius vita dictum, vbi plura quoque huc pertinentia allata sunt, ad quae „breuitatis causa lectorem remittimus. Neque id in sola regni metropoli „factum, sed Cartesiana philosophia in aliis quoque academiis Galliae si- „mile fatum extitit, et imprimis Cadomensis academia, seuerus superio- „res experta est, sine dubio quod Callyus imprudentia sua eos irritauisset. „In ea nempe schola anno c<sup>lo</sup> I<sup>o</sup> C L X X V I I Cartesiani doctrina, velut „heterodoxa publice interdicta est, quamuis in aliis vniuersitatibus, quas „vocant, idem rigor nondum obtinuisset <sup>r</sup>. Paulo tamen post in Ande- „gauensi idem edictum est, cumque regis auctoritas, qua Iesuitae tum ex „voto utebantur, accederet, ad alias quoque academias similia mandata di- „manarunt. Cuius persecutionis, quae Cartesianismum in Gallia tum ve- „hementer afflixit, occasionem Iesuitae nacti sunt, ex patrum congrega- „tionis nonnullorum imprudentia, qui cum Cartesiana disciplinae vehe- „menter essent addicti, publice eam profiteri, et ad sacram quoque doctri- „nam transferre nulli dubitarunt. Eos itaque tum in aula, tum apud con- „gregationis praefectum generalem Senaltium heterodoxiae accusarunt, „effeceruntque, vt in academia Andegauensi aliisque regni locis, vbi pa- „tres congregationis docebant, illi a superioribus Cartesianam philosophiam „profiteri prohiberentur <sup>r</sup>. Qui licet peculiari epistola ad generalem ordi- „nis data, vehementer orarent, vt, cum ducenti fere essent, qui de Car- „tesiano-

Nn 2

tesiano-

o) l. c. p. 16.

p) PELLISSON l. c.

q) Conf. DES MAIZEAUX. Vita Baylii p. 25.

r) DANIEL l. c. Cartesii per mundum P. III.

s) Vid. Collectio eorum, quae gesta sunt in academia Andegauensi, quae 1677. prodiit, DANIEL l. c. quem tamen fuisse Iesuitam, Lectorem merito recordari iubemus.

tesianorum dogmatum veritate essent conuicti, liceret ipsis suis luminibus suaque libertate sentiendi uti, superare tamen Iesuitarum insultus et potentiam non potuerunt; coactique sunt, inita conuentione cum Iesuitis, ut dictum, Cartesianae philosophiae nuntium mittere, accedente decreto ordinis, ut a Cartesianis et Iansenianis hypothefibus sibi cauerent. Et hoc quidem pacto Cartesianae philosophiae fortuna, potentia societatis et insidiis grassantibus in academiis Galliae, quae Romanae ecclesiae decretis addictae sunt, euerfa diu est. Nec laetior ea fuit in academiis Galliae reformatis. In quibus cum passim Cartesiani dogmata personarent, (P. Bayle enim eam Sedani docuisse suo loco dictum) factum tamen artibus eorum, qui pellere regno partibus Reformatorum addictos studebant, ut academiae istae mature soluerentur, tandemque omnis reformatorum turba Gallia, reuocato edicto Nannetenfi, eiiceretur, quo pacto factio Cartesianae philosophiae contraria, quam Iesuitae tunc in aula Gallica potentissimi, maxime formabant, et sustinebant, plenissime triumphauit. Paulo tamen laetior fortuna circa finem seculi elapsi Cartesianam philosophiam arrisit, languente tandem et desidente inuidia, quae Cartesianos prefferat. Cum enim nec Cartesiani, Mallebranchius, Regius similesque, seruii studio soli Cartesio adhaerent, sed eclecticos potius philosophos referre cuperent; et studium philosophiae naturalis apud externos valde cultum et ab academia scientiarum regia eleganter promotum cogeret Iesuitas, comtioris philosophandi generis gratia scholasticam philosophiam tandem ex parte deserere, ne soli in pristino sterquilinio desipere viderentur, nonnulli ex ea societate viri docti in Cartesii disciplinam, licet moderata ἐκλέξας traducti sunt, alique ecclesiasticis muneribus aucti hunc auctorem sequi non erubuerunt, vnde Lauallii, Rabuelis, Rapini, Catelani aliorumque haud ignota sunt nomina, quorum studio et eruditionis elegantia factum est, ut cum Cartesianismus fere desierit inter gentes alias, magni nominis Cartesianos exhibeat Gallia, qui pro his partibus contra Newtoni et Leibnizii affeclas magno animo magnaeque doctrinae speciminibus militarunt. Tacemus Mallebranchii sectatores, quos nostra aetate inter philosophos Gallos nomen haud vno specimine extulisse, annales literarii abunde testantur.

*Fata Cartesianae philosophiae in Italia.*

§. XLIII. Restat philosophiae Cartesianae fata perquirentibus Italia; in Hispania enim his literis honorem non haberi et in academiis infelix tantum scholasticae philosophiae lolium sterilesque dominari auenas ex Cl. MAIANTII querimonia nouimus. Italia autem, quamuis elegantiorum literarum alma mater recte audiat, Cartesianae tamen philosophiae nouitatem ob causas notissimas, tum quidem ferre non potuit. Vix enim penetrauerant meditationes Cartesii Romam, Alpesque superaue-  
rant, cum XII Cal. Dec. anno cło b c l x i i i a S. congregatione cardinalium

1) In Vita Iac Martini eius Epp. praemissa.

2) ANNUM 1643. ponit FABRICIVS in Syll. script. de V. R. C. p. 328. not.

dinalium decerneretur, ne eas vel scripta atque opera Cartesii alia, quis cuiusunque gradus vel conditionis in posterum vel imprimat vel legat vel retineat; quo pacto albo librorum prohibitorum inscripta, et nigro commate insignita sunt. Magno id Peripateticae et Scholasticae philosophiae commodo factum est, quae his fulcris sustentata passim in ea regione triumphauit. At cum magna et excelsa ingenia ad naturalem potissimum philosophiae partem excolendam nervos omnes intenderent, idque desertis nugis Scholastico-Peripateticis legibus mechanicis experientia firmatis facere conniterentur, non modo quicquid veritatem sectae studio superiorem habuit ad seligenda ea, quae in Cartesii doctrina recte dicta sunt, liberali studio se conuertit, et quod opportune nuper nonnemo monuit, nouae philosophiae sectatores post diuturna cum Scholasticis certamina ad tranquillum tandem pacis portum peruenerunt, quo pacto ex Cartesii disciplina transfusum est, quicquid cum ratione et experientia conuenire deprehensum est, nec bruta amplius fulmina incutere metum potuere: sed et inuenti sunt, qui Cartesii meditationes et philosophemata publice defenderent. Id quod expirante seculo elapso fecisse Michaellem Angelum Tardellam, professorem Patauinum, et pro Cartesii de anima placitis ex Augustino disputauisse, respondisse vero Matthaei Georgii obiectionibus contra philosophiam Cartesianam auctor est P. E. TRVS, BAYLE. Eandem tibiam cum aduersus Cartesianos et recentiorum philosophiam omnem inflasset, ANANVS quidam, Bibliothecarius Casanetensis Romae, qui *Philosophiae Neopaleae librum prodromum contra Nouistas et Cartistas* (Cartesianos intelligit,) vulgavit, ex merito poenas ideo dedit doctissimo VENTURELLIO, qui quam inepte scholastici contra novos philosophos disputent, eleganti satyra demonstrauit. Tacemus, quae ex ordine Minorum hanc in rem erudite scripsit FORTVNATVS A BRIxia, matheos et naturalis philosophiae in academia Brixienfi professor; quae licet ad eclecticam philosophiam pertineant, maxime tamen pro mechanica philosophia a Cartesio restituta verba faciunt, et non ob stare pristina praeiudicia viris doctis satis probant.

§. XLIV. Et haec quidem brevis delineatio factorum philosophiae Cartesianae est, quae tamen primas magis lineas suppeditat, quam iustam celeberrimae sectae historiam. Quam secundum omnes philosophiae partes accurate deductam, demonstrantemque, quid Cartesii placitis addiderint sectatores, in quo recefferint, quid ei debeant recentiores, quid re-

N n 3 iecerint,

a) Comparanda elegans Praelectio illustrissimi Io. POLENI Marchionis Patavii 1740. habita, qua Institutionum philosophiae mechanicae experimentalis specimen exhibuit.

x) Noua literaria Florentiae publicata, Tom. II. p. 537.

y) Lettr. 168. T. II. p. m. 650. Io. Alphonsus Borellum inter Cartesianos Italos numerat

MORHOFFVS Polyhist. T. II. L. II. P. I. c. 6. §. 6. qui tamen eclectice tantum Cartesio vsus est.

z) Lettera del P. Lettore Venturelli a P. Maestro Agnani bibliothecario Casanetense di Roma, in tomo il libro, philosophia neopalea. Raven. 1738. 4.

Sectatores  
Cartesii quo-  
modo consi-  
derandi?



fecerint, quaeque alia sunt, ad specialem historiam sectae alicuius pertinentia, haecenus desideramus. Quemadmodum autem, ut ex dictis liquet, pauci forte inveniuntur, qui Cartesium nude sequantur, et non multa addant de suo, vel propriis principiis utantur, id quod inter Cartesianos illis potissimum accidit, qui systema logicum et ethicum Cartesianis principiis inaedificarunt: quorum neutrum Cartesius perfecit, et exemplo vnius Mallebranchii, post Cartesium, celeberrimi in hac schola philosophi, constare potest, qui magistrum in multis reprehendit deseruitque, et noua plurima Cartesianismo inuexit\*: ita fatendum quoque, paucos esse inter eos, qui eclectice philosophari et rationem atque experientiam consulere, quam aliquod sectae caput sequi malunt, qui non praeclara multo Cartesio debeant, haud ignobili specimine, merito inter magna nomina aevi nostri philosophum celeberrimum referri. Certe si aliud praestitisset nihil, quam quod maximo animo seruire scholasticae philosophiae lugum abiiciendi, et nouam viam ingrediendi exemplum orbi philosophico dederit, et quod multi prius inutilibus conatibus aggressi sunt, perfecit, ut in libertatem se afferuerint erecta ingenia, plurimum de philosophia tenuisse, merito esset dicendus.

*Cartesianā  
philosophia  
unde hau-  
rienda.*

§. XLV. Restat ut Cartesianae quoque philosophiae more nostro breuem et succinctam exhibeamus διωτυπωσιν. Quam dare laboris non adeo molesti est, ex quo, quae Cartesius coeperat, perfecerunt sectatores, et integrum philosophiae suis partibus absolutae aedificium excitarunt Clauhergius, Regius, le Grand, alii. Ast hos multa addidisse de suo, et vscq; principiis a Cartesio positis integras disciplinas philosophicas a magistro leuiter et velut in transitu tactas ex suo extruxisse, in antecedentibus monuimus. Hos itaque in compendium redactos heic loquentes introducere, esset Cartesianorum quidem, non autem ipsius Cartesii decreta philosophica delineare, a qua prolixitate institutum nostrum abhorret, faciliq; labore ipse Lector libros vbique obuios consulere, et quid Cartesianis placuerit, instituta comparatione decernere poterit. Nos scopi nostri legumque, quas nostrae tractationi praescripsimus, memores, ad solum Cartesium respiciemus, et quid noui attulerit reformator philosophiae celeberrimus, expendemus<sup>a</sup>. Vnam autem naturalem partem, et metaphysicam, non tamen totam plenius ipse Cartesius descripsit, de rationali pauca, de morali paucissima tradidit, hancque, quam in extremis vitae annis attigit, totam non excultam reliquit. Faciemus itaque scopo nostro satis, si quae ad logicam et ethicam pertinent, ex dissertationibus *de Methodo* et *de Passionibus animae* adduxerimus, subiecerimus autem ex *Meditationibus de philosophia prima*, atque *Principiis philosophiae* reliquisque scriptis philosophicis, quibus nouum

<sup>a</sup>) Obseruatum id quoque R & G 15 l. c. p. 204.

<sup>a</sup>) Breuem delineationem principiorum Cartesianorum exhibet R & G 15, l. c. p. 180. seqq. qui

et p. 198. seqq. nouas veritates, a Cartesio detectas enumerat.

tum philosophiae suae aedificium construxit. Adiciemus autem, quae passim de his dogmatibus monuerunt viri docti, ut doctrinae quoque Cartesianae historia critica lectori pateat.

§. XLVI. Scripsit sibi Cartesius, cum desertis sterilibus logicorum Peripatetico-Scholasticorum campis nouam in inquirenda veritate viam tentaret, has regulas easque obseruandas accurate atque tenendas sibi ipsi iniunxit:

*Cogitationes  
Cartesii de  
methodo in-  
ueniendi ve-  
rum.*

I. Nihil pro vero admittendum, vnquam, nisi quod certo et euidenter verum esse cognoscitur, hoc est, omnis praecipitantia atque anticipatio in iudicando diligentissime vitanda, nihilque amplius conclusione completendum, quam quod tam clare et distincte rationi patet, ut nullo modo in dubium vocare possit.

II. Difficultates quae examinandae sunt, in tot partes diuidendae, quot expedit ad illas commodius resoluendas.

III. Cogitationes omnes, quae veritati quaerendae impendendae sunt, certo semper ordine promouendae, incipiendo scilicet a rebus simplicissimis et cognitu facillimis, ut paulatim et quasi per gradus ad difficiliorum et magis compositarum cognitionem ascendatur, in aliquem etiam ordinem illas mente disponendo, quae se mutuo ex natura sua non praecedunt.

IV. Tum in quaerendis mediis tum difficultatum partibus percurrendis tam perfecte singula enumeranda sunt, et ad omnia circumspectiendum, ut nihil omissum esse certum sit.

„Ad hanc regularum quaternionem peruenisse se geometriae ope non negat, sed longas, ait, valde simplicium et facilium rationum catenas, quarum ope geometrae ad rerum difficillimarum demonstrationes deducuntur, ansam ipsi dedisse, existimandi, ea omnia, quae in hominis cognitionem cadunt, eodem pacto se mutuo sequi, et dummodo nihil in illis falsum pro vero admittamus, semperque ordinem, quo vna ex aliis deduci possint, obseruemus, nulla esse tam remota, ad quae tandem non perueniamus, nec tam occulta, quae non detegamus. Cumque ex vsu geometrarum facilem sibi hanc methodum fuisse ostendisset, reuera se dicere posse asserit, pauca illa praecepta, quae selegisset; obseruando, tantam se facilitatem acquisiuisse ad difficultates omnes extricandas, ut intra duos aut tres menses, quos illi studio impenderit, non modo multas quaestiones inuenerit, quas antea difficillimas iudicasset; sed etiam tandem eo perueniret, ut circa illas ipsas, quas ignoraret, putaret se posse determinare, quibus viis et quousque ab humano ingenio solui possent. Quin et hoc addit: hanc ipsi methodum in eo praecipue placuisse, quod per illam videretur certus esse, in omnibus se vti ratione, si non perfecte, saltem, quam optime ipse posset, sentiretque eius vsu paulatim ingenii sui tenebras dissipari, et illud veritati distinctius et clarius perspiciendae affuesieri.“ Patet ex dictis Cartesium his regulis suppositis, et canonum

num instar in inquirenda veritate sibi praescriptis integram rationalis scientiae partem comprehendere non constitutum habuisse, sed deserta sterili arte syllogistica, quam puer imbiberat, viam, quam ex mathematica methode certam nouerat et securam, sibi selegisse, vt in tanta itineris incertitudine et viarum diuersitate hodegum haberet, a quo sine erroris metu ad veritatem deduceretur. Nam quae ad intellectus humani naturam, vires, operationes, morbos et similia pertinent, philosophus in *Principiis philosophiae* exposuit, hoc loco contentus methodum inquirendae veritatis certam et securam tradidisse. Ex his vero constat, perperam in Cartesio reprehendere nonnullos<sup>b)</sup>, *praecepta haec iusto breuiora esse, nec ingenium quoddam posse aptum reddere ad sensum veri et falsi, praesertim cum sint nimis generalia, cum tamen larga ipsi fuerit occasio vitia logicae Aristotelicae emendandi. Nihil tradidisse de ratione verum inueniendi, de probabilitate, de definitionis legitima indole, de variis ratiocinandi modis etc.* Recte haec Cartesio obiciuntur, si supponas, omnem ratiocinandi artem eum istis regulis complecti voluisse. Ast id scopo eius contrarium est, et verbis apertis repugnat, quibus se de methode tantum atque via in veritate detegenda ineunda istis canonibus sollicitum fuisse docet. Id quod recte viderunt eius discipuli et de perficienda hac philosophiae parte mature cogitarunt<sup>c)</sup>; ex quibus inter primos Claubergius derelictum a Cartesio campum occupauit, et artem ratiocinandi regulis instruxit plenioribus. Porro et hoc quoque ex dictis liquere potest, consulto ea, quae ad analysin spectant, Cartesium omisisse, quae ex geometrarum vsu et exercitatione ipsi erant notissima; ea enim tum quidem adhibere in noua ista methode non poterat. Grauiora sunt, quae in his regulis reprehendit PETRVS POIRETVS<sup>d)</sup> acerrimus Cartesianae disciplinae censor atque arbiter. Monet is falso in prima supponi rationis facultatem esse eo vsque sanam, vt alio lumine, quam naturali, non sit opus, et deinde, eam hoc suo lumine clare et distincte videre posse non modo quaedam rerum generaliora, sed omnia etiam remotissima et occulta; denique ab iis, quae suo modo non detegit nec videbit, summo opere esse cauendum. Et haec falsa supposita causam esse putat Poiretus, cur in rerum principiis postmodum quaerendis a vero toties aberrauerit, naturamque mentis in cogitandi principio quaesiuert. Alteram regulam in se bonam inutilem fuisse Cartesio obseruat, quod vbi ad rem ventum est, distinctiones primas, capitales, necessarias omiserit. In tertia methodi lege et applicanda aberrauisse censet Cartesium, et a Dei sufficientia, post primum illud, cogito, philosophandi exordium debuisset desumere: falsum autem esse pronuntiat, omnium simplicissima esse et omnium cognitu facillima, cum contrarium pateat ex Dei aeternitate. His autem non recte positis nec enumerationem posse fieri mediorum,

nec

b) Conf. Ven. WALCHIVS Hist. log<sup>2</sup> L. II. c. 1. §. 16. Parerg. academ. p. 643. seqq.

c) Enumeratos IDEM l. c. §. 18. p. 649. seqq.

d) In vera Methodo inueniendi verum P. III. c. 2. p. 12. 169. seqq.

nec difficultatum recensionem rectam, adeoque inutiles esse has regulas Cartesii. Sunt in hac censura Poirreti nonnulla, quae pondus habent, saltem ostendunt, nec sufficere has regulas, nec esse adeo vniuersales, ut non in multis fallat, certe dubia et incerta haereat applicatio. Ast immiscet Poiretus, iam tum Bourignoniae somniis captus ea, quae Cartesianarum regularum pretium non eleuant. Nempe totus ipse rationi humanae infensus, cum inter ratiocinationem formalem et materialem (veniam vocibus metaphysicis expetimus) non distinxisset, ea quae de rationis insufficientia in certo argumenti obiectique genere recte dicuntur, infeliciter hypotheseos praeiudicio occoecatus ad ipsam rationis formam naturamque, de qua loquitur, quamque instruit Cartesius, inepte transtulit. Quae si corrupta et insufficiens dici potest ad veritatem inquirendam, de omni humana cognitione actum est. Id quod voluit Poiretus, nempe ut irrationalis, quam persuadere conatur, enthusiasmus, et illuminatio passiva, quamuis *αλογος* triumpharet. Alia, quae viri docti passim monuerunt, breuitatis causa omittimus, id vnum monentes, neque illos ad scopum Cartesii respexisse, qui obseruauerunt, inutiles esse has regulas iis veritatibus, quae in vitae humanae praxi quotidie occurrunt, ubi eiusmodi inquirendi processus nec locum nec tempus habet. Quamuis enim haec recte prudenterque dicantur, reuocandum tamen in memoriam, Cartesium methodum tantum philosophicam instruxisse, et intellectum in argumento graui et theoretico dirigere voluisse. Tacemus hominem diu illis regulis exercitatum facile eam sibi certe et accurate ratiocinandi consuetudinem acquirere, ut promte et e vestigio in rebus ad vitam ciuilem pertinentibus iis uti possit. Verum de his alii dispiciant.

§. XLVII. De morali philosophiae parte non nisi circa extremos vitae annos cogitauit Cartesius, Elisabetha Palatina, et Christina Suecorum regina problematibus moralibus eius meditationem excitantibus. Inde causa deriuanda est, cur inter opera eius philosophica nihil appareat, quod ad ethicam referri debeat. Tractatus enim *de Passionibus animae* non ethicus est, sed physicus. Occurrunt tamen in epistolis eius nonnulla, quae rogatus de argumento morali, amicis et imprimis foeminis illis serenissimis perscripsit. Ast cum meditari de philosophia inciperet, et sibi certam quam sequi decreuerat, viam praescripisset, in argumento quoque moralis scientiae canones quosdam constituit, non quod iustum sibi moralis doctrinae aedificium iam tum exstrui cuperet, sed ut haberet aliquod, dum illud aedificetur, in quo posset haud incommode habitare. Nempe, ut ipse monet, ne dubius et anxius haereret circa ea, quae sibi agenda essent, quamdiu ratio suaderet, incertum esse, circa ea, de quibus deberet dubitare, atque ut ab illo tempore viuere inciperet, quam

*Regulae morales Cartesii.*

e) PETRVS de VILLEMANTY in *Scepticismo debellato* c. 31, p. 227. STOLLIVS *Hist. lit. P. II. c. 2. §. 23. p. 441. seq.*

*Hist. philos. Tom. V.*

quam felicissime fieri possit. Et hoc quidem sine se ethicam sibi quandam ad tempus effinxisse scribit, quae his regulis continebatur, vt

I. Legibus atque institutis patriae obtemperaret, firmiterque illam religionem retineret, quam optimam iudicabat, et in qua Dei beneficia ab ineunte aetate erat institutus; atque se in caeteris omnibus gubernaret iuxta opiniones quam maxime moderatas, atque ab omni extremitate remotas, quae communi vsu recepta essent apud prudentissimos eorum, cum quibus sibi esset viuendum. Ad has nimietates imprimis promissiones referendae sunt, quibus nobismet ipsis libertatem mutandae postea voluntatis adimimus. Quia enim nihil in mundo est, quod semper in eodem statu permanet, vita ita instituenda est, vt iudicia indies meliora fieri possint.

II. Vt quam maxime constans et tenax propositi semper esset, nec manus indubitanter atque incunctanter in iis agendis perseueraret, quae ob rationes valde dubias vel forte nullas suscepisset, quam in iis, de quibus plane esset certus. Quia enim in vita multa agenda sunt, quae differre plane non licet, certissimum est, quoties circa illa quid reuera sit optimum agnoscere non possumus, illud debere nos sequi, quod optimum videtur vel certe, si quaedam talia sunt, vt nulla nos vel minima ratio ad vnum potius, quam ad contrarium faciendum impellat, alterutrum tamen debemus eligere, et postquam vnam semel sententiam sic sumus amplexi, non amplius illam vt dubiam, in quantum ad praxin refertur, sed vt plane veram et certam, debemus spectare, quia nempe ratio, propter quam illam elegimus, vera et certa est.

III. Vt semper se ipsum potius, quam fortunam vincere studeret, et cupiditates proprias, quam ordinem mundi mutaret: atque vt in vniuersum sibi firmiter persuaderet, nihil extra proprias cogitationes absolute esse in nostra potestate; adeo vt quicquid non euenit, postquam omne, quod in nobis erat, egimus vt eueniret, inter ea quae fieri plane non possunt, et philosophico vocabulo impossibilia appellantur, sit a nobis numerandum. Longissima tamen exercitatione et meditatione saepissime iterata opus est, vt animum nostrum ad res omnes ita spectandas assuefacere possimus.

Pertinere has regulas morales, magis ad prudentiam viuendi feliciter, quam ad emendandum et ad felicitatem muniendum animum, adeoque minimam moralis doctrinae partem attingere, ipse non negat Cartesius, et has se tantummodo elegisse non diffitetur, vt interim agendi aliquam normam haberet, donec meditatione ad certiora esset delatus. Adeoque ex his regulis de Cartesii mente circa argumentum ethicum iudicium fieri non potest, sed consulendae epistolae sunt, in quibus praemeditata diu inter-

f) *Κόρον θέγμην* hoc Stoicorum, vid. EPICETI Enchiridion.

interdum attulit. De quibus tamen obseruat PETRVS POIRETVS, cum primum legisset, eas profecto velut de coelo labentes non suspexisse solum, sed et toto pectore fuisse amplexum, ob egregia atque pia ac fundamentalia ethices cogitata hinc inde, sua quidem opinione pristina exstantia. At postquam deinde omnia simul conspiceret et diligentius perpendere coepisset, vidisse se de eiusmodi ethica idem iudicium fieri posse, quod ipse de ethnicorum moralibus scriptis fecerit: superba esse palatia, arenae imposita, nec quid pro virtute et pro summo bono habendum sit, explicantia. Arenam enim esse vel coenum potius, dogma illud inane, quod pacificandis animis nostris afferat, de Deo, voluntatis nostrae propensiones omnes non praeuidente modo, et ab aeterno decernente, sed et eas nobis singulas infundente, quod et fatum Spinozianum redoleat, tum vero animum ad virtutem obrundat atque vitiiis quibuscunque defendendis poenitentiaeque excutiendae potius, quam ut virtutem promoueat. Idem summum quoque bonum, quod Cartesius, quatenus ad nos spectat, vnicuique esse nihil aliud, quam libertatem arbitrii, aut potius illius bonum, dixit, virtutemque Cartesianam, qua quis ea faciat, quae meliora esse iudicat, valde confodit, et libertatem admittere tantum summum bonum ostendit et media acquirendae virtutis inepta a Cartesio adhiberi putat, quae sunt, nihil eorum negligere, quae ad inquisitionem veri faciunt, tum cognitionem ipsam veri bonique, iudiciaque de illis, decreta denique firma vitam secundum iudicia illa regendi, quae velut insufficientia et rationis actiuitate nixa reprehendit, suis hic quoque hypothesibus intentus. Ex quibus tamen intelliget Lector, quibus oculis, acutis, an hebetibus in morali doctrina viderit Cartesius? Cuius discipuli an feliciores fuerint <sup>b</sup> in condendis systematibus ethicis, in quibus pauca Cartesium sapiunt, ex commentariis eorum rite examinatis decernendum est. Eiusmodi *Ethica Cartesiana, siue ars bene beateque viuendi ad clarissimas rationes et sanae mentis ideas, ac solidissima Renati Cartesii principia formata*, Gallice et Latine <sup>i</sup> prodiit, quae consulenda.

§ XLVIII. In metaphysica philosophiae parte, quam in *Meditationibus* et in *Principiis Philosophiae* exposuit, ita statuit Cartesius: *Metaphysica Cartesii, de principiis cogitandi.*

I. Quoniam ab infantia multa de rebus sensibilibus iudicia tulimus prius quam integrum rationis nostrae usum haberemus, multis praeiudiciis a veri cognitione auertimur: a quibus non aliter videmur posse liberari, quam si semel in vita de iis omnibus studeamus dubitare, in quibus vel minimam incertitudinis suspicionem reperiemus.

O o 2

II. Quin

<sup>g</sup>) De Erud. Triplici L. III. §. 50. p. 760.

<sup>h</sup>) Conf. ТРОМАС. Caut. circa Praecognita ita-

ris c. 14. §. 31. BVDDEVS Hist. phil. c. 6. p. 432.

<sup>i</sup>) Gallice 1692. 12. Latine Halae 1719. 8.

II. Quin et illa etiam, de quibus dubitabimus, utile erit, habere pro falsis, ut tanto clarius, quidnam certissimum et cognitu facillimum sit inueniamus.

III. Sed haec interim dubitatio ad solam contemplationem veritatis est restringenda. Nam quantum ad usum vitae, quia per saepe rerum agendarum occasio praeteriret, antequam nos dubiis nostris exsoluere possemus, non raro quod tantum est verisimile, cogimur amplecti<sup>k</sup>: vel etiam interdum et si e duobus vnum altero verisimilius non appareat, alterutrum tamen eligere.

IV. Imprimis dubitabimus, an ullae res sensibiles aut imaginabiles existant, tum quia deprehendimus interdum sensus errare, tum, quia quotidie in somniis innumera sentire videmus, quae nusquam sunt, nullaque sic dubitandi signa apparent, quibus somnum a vigilia dignoscatur.

V. Dubitabimus etiam de iis, quae pro maxime certis habuimus, etiam de mathematicis demonstrationibus, quaeque putauimus hactenus principia per se esse nota: tum quia vidimus aliquando nonnullos errasse in talibus, tum maxime quia audiuius esse Deum, qui potest omnia, et a quo sumus creati; ignoramus enim, an forte nos tales creare voluerit, ut semper fallamur, etiam iis quae nobis quam notissima apparent. Multo magis id fieri potest, ab alio vel a nobis ipsis.

VI. sed interim hanc nobis libertatem esse experimur, ut semper ab iis credendis, quae non plane certa sunt et explorata, possumus abstinere, atque ita cauere, ne vnquam erremus. Haec famosissima illa Cartesii dubitatio philosophica est, quam cum in meditationibus quoque pro initio philosophandi adhibuisset, maximam sibi suisque philosophematis inuidiam confluxit. Nemo enim inter aduersarios fuit, qui non acerba contentione hanc ei dubitationem velut ratione carentem, et innumeris difficultatibus expositam obiiceret. Plerisque vero hoc pacto perniciosum in philosophiam scepticismum introduxisse visus est. Qua de re ambitiosa prolixitate utriusque partis rationes adducere, et quid in scepticismi Cartesio inurendi causa adductum sit enarrare nec loci huius, nec instituti est, sed in speciali Cartesianismi historia debet exponi. Consuli autem praeter P. VILLEMANDAEVM<sup>l</sup>, GVIL. HENR. BECKHERVM<sup>m</sup> et Ven. IO. GVIL. FEURLINVM<sup>n</sup>, illi possunt, quos celeberrimi WALCHII adduxit industria<sup>o</sup>; maxime autem adeundus CLAVBERGIUS, qui peculiari tractatione, *Initiationem philosophi, siue dubitationem Cartesii ad metaphysicam certitudinem viam aperientem*<sup>p</sup> delineauit. Nobis hoc loco ex ingenti obseruationum cumulo, quae a tot in hoc argumento scriptoribus afferri

k) Desumptum hoc ex schola Academicorum.

l) In Scepticismo debellato c. 2. §. 9.

m) Diss. quod Cartesius de omnibus initio suadens dubitare, atheis ideo et scepticis ascribendus non sit. Regiom. 1724.

n) Diss. de Dubitatione Cartesiana et an Carte-

sio atheismus et scepticismus imputari possit. Ien. 1711. 1712.

o) Parerg. acad. p. 802. seqq. BVDAN: Thes. de atheismo c. 1. §. 25 p. 152.

p) Lugd. Batav. 1655. 12.

affert solent, ea tantum feligimus, quae iudicium Lectoris instruere, et docere eum possunt, quale momentum ipsa haec controuersia habeat, in quo laudandus sit Cartesius vel excusandus, itemque quae in eius dubitatione culpanda sint? Et fuisse quidem philosophum usum Scepticismo, et vniuersalem quandam dubitationem philosophari incipientibus suafisse, adductae supra assertiones clarissime loquuntur. Ast, si verum fatendum, non ideo in Scepticorum castris militat, qui Scepticorum armis vtitur. Ea enim Cartesius non ad oppugnandam sed confirmandam demonstrandamque veritatem adhibuit. Scopus scilicet Cartesii non erat, omnem veritatis cognitionem euertere; sed iugulatis tantum praeiudiciis, veritatem sine rationum examine suadentibus magis quam conuincentibus, mentem ad certam veritatis notitiam, sensumque minime fallacem deducere. Nam haec eius ratiocinationis consequentia fuit: ego dubito, ergo cogito, si cogito, ergo sum daturque scientia, quo ratiocinio certissimum veritatis criterium, quo omnis Scepticismus vniuersalis feliciter eueri potest, attulit, euicitque dari quandam veritatem omni dubitatione superiorem. Hoc itaque sensu, dum dubitationem tantum σοφὸν φάρμακον esse voluit, contra praeiudiciorum morbum, Scepticismus non nisi inuita veritate et aequitate Cartesio potest tribui. Nec adeo noua et inaudita ea res est, vt non viderint philosophi, ad eliciendos errores praeiudicatos plurimum eiusmodi dubitationem prodesse, et omnino ad euertenda pueritiae praeiudicia optimum medicamentum afferi. Vnde iam apud CICERONEM dictum: *Hoc liberiores et solutiores sumus, quod integra nobis est iudicandi potestas: neque vt omnia, quae praescripta, et quasi imperata sint, defendamus, vlla necessitate cogimur; nam caeteri primum ante nos tenentur adstricti, quam, quid esset optimum, iudicare potuerunt. Deinde infirmissimo tempore aetatis aut obsecuti amico cuidam, aut vna alicuius, quem primum audierunt oratione capti, de rebus incognitis iudicant, et ad quamcunque sunt disciplinam quasi tempestate delati, ad eam tanquam ad saxum adhaerent.* Tacemus alia, in eodem libro occurrentia, quibus Lucullus ostendit, ipsam Scepticorum dubitationem, et incertitudinem ad iudicium veri falsique, cogniti et incogniti ducere: et more Antiochi eam ita rationem suscipiendam esse, vt doceantur quae a quouis accipi oporteret, et quae repudiari, sicque hoc ipsum, ex quo omne veri falsique iudicium esset, percipere eos debuisse. Inter recentiores ante Cartesium, Iordanum, Brunum eandem dubitationem simili modo in libro de *Minimo* commendauisse, ex iis, quae supra de eo adduximus, constat. Et hinc factum, vt aduersarii Cartesii, plagium in hoc quoque dogmate ipsi obliicerent. Qui quamuis propria meditatione hanc viam philosophandi inuenire potuerit, primus tamen eam non detexit, dudum a dogmaticis ostensam: quo pacto omnis Scepticismi suspicio concidit. Ast quamuis lubenter praestantissimum philosophum a Scepticismi labe, hoc

O o 3

quidem

q) Qu. Academ. L. II. c. 10.

r) H V E R I V S Cens. phil. Cartes. c. 8. p. 115.



quidem sensu, quo morbum intellectus significat, absoluiamus, fatendum tamen, dubitationem Cartesii nec scopo, quem sibi praefixerat, respondere, nec carere vitio insigni. Nempe dum ad exuenda praeiudicia dubitationem adhibet, aliud necessario sibi praeiudicium finxit; posse fieri, ut, qui nos creauit, ita nos formauerit, ut perpetuo fallamur, vel ut nosmet tantum somniando, nobis imaginemur esse veritates illas, quas ex praeiudicio hausimus. Si enim veritates primae atque formales, quae citra discursum menti obuersantur, et de certitudine eam sua luce et euidencia conuincunt, pro praeiudicio haberi possunt, multo magis ista fictio praeiudicata suspecta habenda est, adeoque inepto fundamento dubitatio ista nititur. Quae cum ad euidentiissimas propositiones, ideis, quas innatas dixit Cartesius, constantes extendatur, et solis praeiudicatis suppositionibus roboretur, parum inde vel ponderis vel utilitatis habet, et finem intentum minime obtinet. Id quod contra meditationes Cartesii in *Instantiis* sole meridiano clarius demonstrauit Gassendus. Cui cum respondere vellet Cartesius, rei euidencia conuictus, ipse ad eas notiones, quae animo cogitanti iam adsunt, prouocare necesse habuit. Nempe cum Gassendus obiecisset, eum, dum ita rationes inducit: cogito ergo sum, hanc maiorem supponere, qui cogitat, ille est, atque ita praeiudicium adhibere, respondit, *huius generis propositiones, praeiudicia appellari haud posse, quod animo tam euidentes appareant, ut ab iis credendis sibi temperare nequeat, cum forte de illis cogitare incipiat, ac proinde mentem praeiudicio imbutam nondum habeat.* Qua responsione quam feliciter Cartesius rem suam iuuerit, lectori expendendum relinquimus, cogitanti Cartesium, has propositiones omni dubitatione ob certitudinem et euidenciam superiores esse, negare non posse. Nec est, quod pro Cartesio afferas, et pro eo excusando adduxit ABRAHAMVS HEIDANVS<sup>s)</sup>, dubitationem hanc tantum intelligendam esse de suspensione iudicii affirmantis vel negantis. Nam ipso Cartesio arbitro, huius generis propositiones primae adeo euidentes sunt, ut ab assensu se cohibere animus minime queat. Tacemus, vitiosum admittere circulum Cartesium, dum, supponendo fieri posse, ut Deus ipsum fallat, ut se esse somniaret, qui non sit, attamen ex cogitationis actu existentiam suam, exque hac et idea innata concludit, Deum ipsum fallere non posse, eo quod optimus sit. Quem paralogismum recte in eo reprehendit RAD. CVDWORTHVS<sup>t)</sup>. Nec ad saluandum Cartesium afferri potest, quam alibi admisit, hypothesis, Deum posse contradictoria; hoc enim supposito admissio possibile esset, ut ego cogitem et tamen non sim, id quod frustra ad has veritates hanc dubitationem extendi, confirmat. Verum haec paucis. Iam pergendum in philosophematis Cartesii:

VII. Si

s) T. III. Opp. p. 279.

t) Apud P. BAILE Dist. T. III. art. Maldonat. not. I. p. 296.

u) Syst. intell. c. V. l. 1. §. 94. p. 882.

VII. Si autem relucientes illa omnia possumus dubitare, ac etiam falsa esse fingere, non tamen ideo nos, qui talia cogitamus, nihil esse fingere possumus, repugnat enim, ut putemus, id quod cogitat, eo ipso tempore, quo cogitat, non existere.

VIII. Proinde haec cognitio: ego cogito, ergo sum, est omnium prima et certissima, quae cuilibet ordine philosophanti occurrat. Facile ex his ipsis Cartesii verbis intelligi potest, sermonem esse non de principio aliquo, vel constituyente vel diiudicante veritatem, sed de principio philosophantis, a quo scilicet initium philosophandi capit, a particulari ad vniuersale ascendens. Vnde explodi illi merentur, qui hanc propositionem verum principium primum et vniuersalissimum esse contendunt, cum et existentiam rei supponat, et contradictionis principium, impossibile est idem simul esse et non esse, inuoluat.

IX. Examinantes, quoniam nos sumus, qui omnia, quae a nobis diuersa sunt, supponimus falsa esse, perspicue videmus, nullam extensionem, nec figuram, nec motum localem, nec quid simile, quod corpori sit tribuendum, ad naturam nostram pertinere, sed cogitationem solam, quae proinde prius et certius, quam vlla res corporea cognoscitur.

X. Cogitationis nomine intelliguntur ea omnia, quae nobis conscia in nobis fiunt, quatenus eorum in nobis conscientia est; atque ita non modo intelligere velle, imaginari, sed etiam sentire, idem hic est, quod cogitare.

XI. Haec mentis nostrae cognitio multo euidentior est, quam corporis.

XII. Cum autem mens, quae se ipsam nouit, et de aliis omnibus rebus adhuc dubitat, vndiquaque circumspicit, ut cognitionem suam vterius extendat; primo quidem inuenit apud se multarum rerum ideas, quas quamdiu tantum contempletur, nihilque ipsis simile extra se esse affirmat vel negat, falli non potest. Inuenit etiam communes quasdam notiones, et ex his varias demonstrationes componit, ad quas quamdiu attendit, omnino sibi persuadit esse veras. Sed quia non potest semper ad illas attendere, cum postea recordatur se nondum scire, an forte talis naturae creata sit, ut fallatur etiam in iis, quae ipsi euidentissima apparent, videt se merito de talibus dubitare, nec vllam habere posse certam scientiam, priusquam suae auctorem originis agnouerit.

XIII. Considerans deinde inter diuersas ideas quas apud se habet, vnā esse entis summe intelligentis, summe potentis, et summe perfecti, quae omnium longe praecipue est, agnoscit in ipsa existentiam, non possibilem et contingentem tantum, quemadmodum in ideis omnium aliarum rerum, quas distincte percipit, sed necessariam et aeternam.

XIV. Magisque hoc credit, si attendat, nullius alterius rei ideam apud se inueniri, in qua eodem modo necessariam existentiam contineri animaduert-

u) Conf. W A L E N. Hist. log. L. II, c. 2. §. 53. Parerg. acad. p. 732. seqq.

aduerfat. Ex hoc enim intelliget, iftam ideam entis fumme perfecti non effe a fe effictam, nec exhibere chimaericam quandam, fed veram et immutabilem naturam, quaeque non poteft non exiftere, cum neceffaria exiftentia in ea contineatur. Hoc decantatifimum illud argumentum pro exiftentia DEI eft, de quo magna noſtra aetate quaefitio inter eruditos fuit. Et ipſum quidem ratiocinium non nouum eft et a Cartefio excogitatum, fed dudum a ſcholasticis adhibitum examinatumque, maxime ab Anſelmo, vt ſupra ex LEIBNIZIO obſeruatum; et plures quoque notauit I. A. FABRICIVS \*. Licet autem magnopere et ſibi et ſectatoribus iſta argumentatione placuerit Cartefius, fuerintque viri naturalis ſapientiae conſultiſſimi ANTONIVS LE GRAND †, FRANC. LAMY ‡, HERM. ALEX. ROELLIVS §, IO. CLAVBERGIVS ¶, NIC. MALLEBRANCHIVS † alique, qui magnum cauſae Dei praefidium in eo poſuerint; parum tamen probatum fuit aliis, et iam pridem Thomae Aquinati reiectum, poſtea autem viris doctis poſt Cartefium variis de cauſis ſuſpectum; inter quos imprimis PETRVS GASSENDVS fuit, qui in *Instantiis* paralogiſmum admitti dudum obſeruauit. Idem Cartefio obiectum ab HVTETIO, aliisque, maxime vero a viro elegantiffime docto SAMVELE WERENFELSIO, qui cum Ioanne Henrico Suicero, et Iſaaco Iaquelotio ea de re contendit, aſſecclam nactus Brillonium doctorem Sorbonicum, cui reſponderunt praeter Iaquelotum, Franciſcus Lami atque Montreus, philoſophiae et mathematicum profeſſor Pariſienſis, quam controuerſiam librosque huc pertinentes alibi † enarrauimus, quae breuitatis cauſa non repetimus. Obſeruatum autem viris his doctis eſt † ſupponere Cartefium exiſtentiam DEI vel poſſibilem vel actualem, adeoque vitioſo circulo concludere. Aliis † viſus ideam infiniti et perfecti pro re infinita et perfecta, quae non niſi a Deo eſſe poſſit, venditaſſe, et fallacia ambiguae locutionis deluſus ex eo, quod ens perfectiſſimum ſiquidem exiſtat, neceſſario exiſtat, concluſiſſe, illud etiam exiſtere †. Aliis *ὅτι πρῶτον* poſuiſſe, iudicatum; eo quod idea perfectionis diuinae ideam exiſtentiae praefupponat: alii ideam nominalem ſiue definitionem entis per ſe exiſtentis ad ideam realem entis iſtius actu extra nos exiſtentis inepte traductam eſſe conqueſti ſunt. Alii † tamen temperamentum aliquod interunt, faſſi, tunc ſolidiſſimum hoc argumentum eſſe, ſi idea illa de Deo, perfectiſſimo ente omnium entium cauſa, certis rationibus collecta, exque rerum natura obuia mentis iudicio et intimo conſcientiae ſenſu agnita perceptio viuata et fortis intelligatur. Ita enim ex idea cauſae, cuius effectum tenemus, exiſtentiam eius recte colligi, et primae ac perfectiſſimae

x) Script. de V. R. C. c. X. p. 327.

y) Inſtit. philoſ. P. II. art. 3.

z) Memoires de Trevoux 1701. p. 108. ſeqq.

a) De Relig. nat.

b) Ex. de Cognitione Dei et noſtri 1685. 2.

c) Rech. de la verité T. II. p. 96. ſeqq.

d) In Hiſt. de Idéis 3. III. §. 3. p. 277. ſeqq.

e) Cel. CHR. WOLFFIVS Rat. praelect. ſuar.

S. 2. c. 3. §. 44. p. 156.

f) De Atheiſmo c. III. p. 370. Phil. theor. P. VI.

c. 3. §. 8. p. 361.

g) S. CLARKE de l'Exiſtence de Dieu c. 4.

p. 30.

h) FABRICIVS l. g.

fectissimae quidem vnam certissimam et necessariam. Id quod iam HENRICO MORO<sup>i</sup> visum, qui hanc ideam Dei *nullum arbitrarium figmentum esse*, monet, *ad libitum nostrum excogitatum, sed necessariam et naturalem humanae mentis emanationem, eo quod hanc certam et inalterabilem ideam in anima sua nullo pacto delere possit.* At hoc quoque modo, obiiciunt, qui ad ratiocinii formam paulo seuerius attendunt, supponi existentiam ideae diuinæ ipsiusque Dei necessariam aliunde collectam, et ex ea deinde ob connotatam existentiam naturæ diuinæ argumentum illud otiose repeti. Nobis arbitrii quidem partes sumere haud licet, fatemur autem, non modo ob latentem equiuocationem ineptum, certe inutile argumentum videri, sed supponi quoque, vbi more Cartesiano adhibetur, ideam entis supremi a creatore impressam, et homini naturalem et inuitabilem, qualis illa est, ego cogito. Quod quamuis formaliter circulum non committat, aequè tamen incertum et ab atheo negatum pro demonstrationis fundamento ponit. Non monebimus alia a scopo nostro paulo remotiora, et imprimis incertissimam argumenti huius ambiguitatem, sed ad præstantissimos viros CUDWORTHVM<sup>k</sup> et MOSHEM IVM<sup>l</sup> lectorem ablegamus, qui quot inter se diuersis significationibus hoc argumentum exponi queat, nec tamen insigni vsu et certitudine gaudeat, demonstrauerunt. Illud autem præterire non licet, illustrem Leibnizium, licet sophisma in argumentatione Cartesii ipse deprehenderit<sup>m</sup>, attamen verissimum esse, si recte explicetur, censuisse<sup>n</sup>, nempe si prius possibilitas entis perfectissimi ostendatur. Deum enim solum hoc privilegio gaudere obseruat, quod necessario existat, si possibilis sit, et quemadmodum possibilitatem eius nihil impediat, quod limitum expers, nec vllam negationem, vel contradictionem inuoluit, hoc vnum sufficere iudicat ad cognoscendam existentiam DEI a priori. Nempe, vt apposite obseruatum cel. HANSCHIO<sup>o</sup>, ad rationem sufficientem respicit illustris philosophus, quam in ipso Deo eius existentia agnoscit; et propter quam non existentia Dei absolute impossibilis est. Cum quod absolute necessarium existit; eius existentia in eo solo rationem sufficientem inueniat, quod nullam inuoluat contradictionem; sic vt sola possibilitas Dei principium sit existentiae eius. Quæ acutius concludere, et quæ argumento Cartesiano desunt supplere, omnino fatendum est. Quamuis etiam in hoc ratiocinio ita emendato nonnullis quaedam videantur deesse; quæ de re quid nostra ætate disputatum satis acriter sit, hoc loco exponi non potest. Tacemus SAM. CLARCKIUM<sup>p</sup> aliosque qui

neruos

i) In Antidot. adu. atheismum L. I. c. 8.

k) System. intell. c. 5. §. 1. §. 102. p. 894.

l) Ad h. l.

m) A. E. 1684. p. 539. add. Cl. HOLLMANNVS Instit. phil. P. III.

n) In Princip. philos. §. 45. Suppl. A. E. T. VII. f. 11. p. 514.

o) Ad h. l. Princ. phil. geometrice demonstrat. p. 112.

p) De Exist. Dei P. I. c. 4. p. 31.

neruos huius ratiocinii intendi posse, vt recte concludat, arbitrantur, quos enumerare nec licet, nec libet.

XV. Quia Dei, siue entis summi ideam habemus in nobis, iure possumus examinare, a quam causa illam habeamus, tantamque in ea immensitatem inueniemus, vt plane ex eo simus certi, non posse illam nobis fuisse inditam, nisi a re, in qua sit reuera omnium perfectionum complementum, hoc est, nisi a Deo realiter existente.

XVI. Ex hoc, quod iam sumus, non sequitur, nos in tempore proxime sequenti etiam futuros, nisi aliqua causa, nempe eadem illa, quae nos primum produxit, continuo velut reproducat, hoc est, conseruet. Facile enim intelligimus, nullam vim esse in nobis, per quam nos ipsos conseruemus: illumque in quo tanta est vis, vt nos a se diuersos conseruet, tanto magis etiam se ipsum conseruare, vel potius nullius conseruatione egere, ac denique Deum esse.

XVII. Ad hanc ideam DEI nobis ingenitam respicientes, videmus illum esse aeternum, omnisium, omnipotentem, omnis bonitatis veritatisque fontem, rerum omnium creatorem, et omnem perfectionem infinitam in se habentem.

XVIII. Nihil potest Deo competere, in quo limitatio vel imperfectio deprehenditur. Ita in natura corporea quia simul cum locali extensione diuisibilitas includitur, estque imperfectio esse diuisibilem, certum est, Deum non esse corpus. Eadem ratio est sensus, qui passionem innuit, inde Deum sentire nullo modo putandum est, sed tantummodo intelligere et velle, et quidem non vt nos per operationem, sed per vnica et simplicissimam actionem.

XIX. A Deo ad creaturas philosophando descendentibus, quam maxime recordandum, et Deum auctorem rerum esse infinitum et nos omnino finitos.

XX. Ita si Deus aliquid reuelet, quod naturales ingenii nostri fines excedat, non recusabimus illi credere, quamuis non clare intelligamus.

XXI. Eandem ob causam nunquam disputandum de infinito, de quo nos, qui finiti sumus, nihil determinare possumus.

XXII. Illa omnia, in quibus sub aliqua consideratione nullum finem poterimus inuenire, non quidem affirmabimus esse infinita, sed vt indefinita spectabimus.

XXIII. Itaque nomen infiniti soli Deo reseruandum, quia in eo solo ex omni parte non modo nullos limites agnoscimus, sed etiam positue nullos esse intelligimus, alias res, aliqua ex parte limitibus carere, sed negatiue tantum eorum limites, si quos habeant, inueniri a nobis non posse confitemur.

XXIV. Ita denique nullas vnquam rationes circa res naturales, a fine, quem Deus aut natura in iis faciendis sibi proposuit, desumemus, quia non tantum nobis debemus arrogare, vt eius consiliorum participes nos esse

esse putemus, sed ipsum ut causam efficientem omnium rerum considerantes videbimus, quidnam ex eius attributis circa effectus sensibus nostris apparantes lumen naturale concludendum esse ostendat. Etiam hoc ex primariis dogmatibus est, quae magnam Cartesianae philosophiae invidiam conflarunt, eo quod haud leue demonstrandae Dei sapientiae, ipsiusque eius existentiae praesidium argumentumque eneruet et abiiciat. Monuit id iam GASSENDVS<sup>q</sup>, valdeque reprehendit, quod a physica consideratione usum causarum finalium reiecerit, eo quod, ubi de Deo agitur, praecipuum ita argumentum contemserit, quo diuina sapientia, providentia, potentia atque adeo existentia lumine naturae stabiliri possit. Id ex usu partium in plantis, in animalibus, in hominibus patere, et magnos quoque viros ex speculatione anatomica corporis humani ad DEI notitiam assurgere. Saepe quoque in causis physicis agentis ad materiam concursus, formamque non posse detegi, at ex praestantissimo usu ineffabilem prorsus providentiam demonstrari, ut ex valvulis cordis pateat. Falsum autem esse quod asserat, temerarium esse inuestigare fines Dei; hoc enim de finibus tantum occultis dici posse: non vero de iis, quos in propatulo posuit, quique non multo labore innotescant, et ad laudem Dei faciant. Nec sufficere ideam innatam, quam non omnes homines ita sentiant, ut Cartesius, sed simplicioribus non inuidendum esse, quod ex inspectione operis cognoscere glorificarique opificem possint. Neglexit has obiectiones et solo contemptu in responsionibus refutavit Cartesius, cum vim earum observauisset. Inde vero grauis subinde dicat illa scripta ab aduersariis, maxime a theologis Anglis, qui cum viderent, Hobbesium similesque fines rerum ad proscribendam ex orbe DEI sapientiam negare obseruandos, Cartesium etiam impietatis suspectum habuere. Diligenter in hanc assertionem calamum strinxit RAD. CUDWORTHVS<sup>r</sup>, acerbius eo nomine in ipsum Cartesium inuectus est SAMUEL PARCKERSVS<sup>s</sup>, qui cum usum mechanismi sine causarum finalium respectu ad rerum naturalium historiam explanandam improbasset, atheismi culpa non plane vacare Cartesium contendit, eo quod philosophiam ita tractauerit, ut sua philosophandi ratione omnem de naturae opifice scientiam plane tolleretur; at qui, cum semel e physica sua omnem finis contemplationem ablegasset, cum omni suo mechanico acumine omnique mathematico apparatu naturam rerum inuestigare aggressus, nisi fuitiles et inanes quasdam fabulas magno cum labore finxerit et somniauerit, et, quod in sequentibus adiecit; in ethicis pium, dicere omnia a Deo propter nos facta fuisse, quanquam sit in physicis ridiculum, id populo adblandiendi causa plane subiecisse visus sit. Tacemus alios, qui pro argumento a rerum finibus petito docte perorauerunt, fuisse enumeratos a I. A. FABRICIO<sup>t</sup>. Fatemur autem, iniurios in Cartesium illos esse, qui

Pp 2

impietatis

q) In Obiect. T. I. Opp. Cart. p. 192.

r) Syst. intell. c. 5 S. 1. §. 53. p. 119. seqq.

s) De Deo disp. III. §. 15. p. 289. seqq.

t) Syll. Script. de V. R. C. c. 7. p. 286. seqq.  
POIRET. de Erud. tripl. L. III. §. 28. p. 644.

impietatis maculam illi eapropter inurunt, cum nihil minus intenderit philosophus, quam DEI sapientiam ex orbe proscribere<sup>u)</sup>, sed ad physicas tantum causas efficientem, materialem, formalem, respiciendum esse statuerit, certus ex iis solis Deum posse evidentissime demonstrari. Qua in re praeceuntem habuit magnum VERVLAMIVM<sup>v)</sup>, qui tantum abest, ut in naturali scientia finalium causarum considerationem passus sit, ut potius omnem eam scientiam corrumpere, et superstitionem introduxisse statuerit: notatus ideo PAKCKERO<sup>x)</sup>, et CUDWORTH<sup>y)</sup>. Verum licet ab atheismi infamia eo nomine liberandus sit Cartesius, probari tamen non potest, quod fines rerum naturalium hominis indagacioni patescerent neglexerit, quibus si non rerum natura referari, sane via proxima ad eam aperiri potest, ut vel solae observationes anatomicae euincunt.

XXV. Quia Deus est summe verax et dator omnis luminis, adeo ut repugnet plane, ut nos fallat, siue ut proprie et positue sit causa errorum, quibus nos obnoxios esse experimur: hinc sequitur, omnia quae clare et distincte percipimus, vera esse, et dubitationes ante recensitas omnes tolli. Atque si aduertamus, quid in sensibus, quid in vigilia, quid in somno clarum sit atque distinctum, illudque ab eo quod confusum est et obscurum distinguamus, facile, quid in qualibet re pro vero habendum sit, agnoscemus.

XXVI. Quia vero saepe contingit nos falli, causa errorum non ad Deum referenda est; nam non ab intellectu sed a voluntate pendent, suntque si ad Deum referantur merae negationes, si ad nos, priuationes.

XXVII. Duo tantum in nobis cogitandi modi generales sunt, perceptio, quae est operatio intellectus, et volitio siue operatio voluntatis. Nam sentire, imaginari et pure intelligere, sunt tantum diuersi modi percipiendi, ut et cupere auerfari, affirmare, negare, dubitare, sunt diuersi modi volendi.

XXVIII. Ad iudicandum requiritur quidem perceptio intellectus, sed etiam voluntas requiritur, ut rei aliquo modo perceptae assensio praebeatur. Non autem perceptio integra semper necesse est, sed assentimur quoque obscuris.

XXIX. Perceptio valde finita est, voluntas quodammodo infinita, quae ultra ea quae clare percipimus, extendi potest, hoc cum facimus, fallimur.

XXX. Neque tamen Deus errorum nostrorum auctor dici potest, quod nobis intellectum finitum dedit, id enim intellectui creato conuenit; at quod latissime pateat voluntas, hoc ipsius eius naturae conuenit, et summa hominis perfectio est, quod agat per voluntatem, hoc est, libere, et actionum suarum auctor sit.

XXXI. Quod itaque in errores incidamus, defectus quidem est in nostra actione, siue in usu libertatis, sed non in nostra natura.

XXXII.

u) Periculum ex hac assertione enatum non praecuidisse Cartesium recte obseruat Poirer. in Vera Methodo P. III. §. 15. p. 197.

v) Orig. nov. L. II. §. 2. de Augm. scient. L. III. c. 4.

x) l. c. §. 16. p. 183.

y) l. c. p. 822.

**XXXII.** Quod autem sit in nostra voluntate libertas et multis ad arbitrium vel assentiri vel non assentiri possimus, manifestum et inter notiones innatas referendum est. Miro hypotheseos praeiudicio seductus Cartesius, in palmariis his assertionibus a regia via diuagatur, multoties ideo ab aduersariis castigatus. Cum enim semel statuisset, passionem animae ad intellectum actionem, ad voluntatem esse referendam, non potuit non inepta consequentia concludere affirmationem, negationem, dubitationem esse opus voluntatis. Quod tamen et sensui et experientiae ipsique hominis conscientiae contrarium est, quibus scimus, iudicium intellectus in affirmatione et negatione se maxime prodere, et aliud esse velle, aliud iudicare affirmando vel negando. At his non obstantibus foedus error ad sectatores transit aliosque genuit haud minores, ut ex dicendis patescet.

**XXXIII.** Quia tantam esse tamque immensam DEI potestatem agnoscimus, ut nefas esse putemus existimare, fieri a nobis aliquid posse, quod non sit ab ipso praeordinatum: facile in concilianda libertate nostra cum Dei praeordinatione difficultatibus possumus nos intricare. Quas ut euitemus, cogitandum, mentem nostram esse finitam, Dei autem potentiam et praeordinationem infinitam, adeoque hanc nos satis non comprehendere, certe autem et euidenter libertatis, quae in nobis est, conscios esse, hancque ideo negari vel de ea dubitari haud posse.

**XXXIV.** Nihil nos vnquam falsum pro vero admitteremus, si tantum iis assensum praebeamus, quae clare et distincte percipiemus.

**XXXV.** Ad perceptionem, cui certum iudicium debet inniti, requiritur non modo, ut sit clara, sed etiam ut sit distincta. Clara est, quae menti attendenti praesens et aperta est, distincta autem, quae cum clara sit, ab omnibus aliis ita seiuncta est, et praecisa, ut nihil plane aliud, quam quod clarum est, in se contineat. Possunt enim esse perceptiones clarae, sed non distinctae.

**XXXVI.** Omnia quae sub perceptionem nostram cadunt, vel tanquam res rerumue affectiones considerantur, vel tanquam aeternae veritates, nullam existentiam extra cogitationem nostram habentes.

**XXXVII.** Duo tantum rerum genera sunt, substantia cogitans siue mens, et substantia extensa siue corpus, illa rerum intellectualium, haec materialium.

**XXXVIII.** Substantia res est, quae ita existit, ut nulla alia re indigeat ad existendum. Hoc autem nomen Deo et creaturis non conuenit vniuoce, hi enim nisi ope concursus DEI existere non possunt.

**XXXIX.** Sunt autem et mens et corpus substantiae qua solo DEI concursu egent ad existendum.

**XL.** Vna est cuiuscunque substantiae praecipua proprietas, quae ipsius naturam essentiamque constituit, et ad quam omnes aliae referuntur.



**XL I.** Extensio in longum, latum et profundum substantiae corporae naturam constituit, et cogitatio naturam substantiae cogitantis. Etiam in hac thesi reprehensionem meruit Cartesius, quod subiectum in quo sunt attributa proprietatesque cum ipsis attributis confundendo, naturam substantiae in illis posuisset. Accedit, quod una proprietate materiae, extensione, et spiritus, cogitatione, omnem substantiarum naturam comprehenderit, cum alia quoque iis attributa aequae essentialia adesse queant. Quale corporis attributum esse vim actiuam, quae praeter vim mortuam siue inertiae corpori cuius adest, contra Cartesianos contendit Leibnizius <sup>a</sup>: similiterque in mente adesse desiderium siue cupiditatem luminis et laetae acquiescentiae, hancque vim eius actiuam esse, qua nihil menti essentialius intimiusque sit, acutis rationibus contendit PETRVS PORRETUS <sup>a</sup>. Aliorum cogitata breuitatis causa omittimus.

**XL II.** Omne aliud, quod corpori tribui potest, extensionem praesupponit, estque tantum modus quidam rei extensae, ut et omnia, quae in mente reperimus, sunt tantum diuersi modi cogitandi.

**XL III.** Duratio, ordo et numerus, non sunt substantiae, sed modi, sub quibus res consideramus.

**XL IV.** Per modos plane idem intelligitur, quod alibi per attributa vel qualitates, sed cum consideramus substantiam ab illis affici vel variari vocamus modos, cum ab ista variatione talem posse denominari, vocamus qualitatem, ac denique cum generalius spectamus tantum ea substantiae inesse vocamus attributa. Perhorruit accidentis nomen Cartesius, multos in eo recentiores sectatores nactus <sup>b</sup>: quod accidens non semper ad substantiam aliquid pertinere eamque modificare significet, sed aliquid innuat, quod ad substantiam demum accedat. Vnde ipsi Aristotelici accidens modo in oppositione ad substantiam ponunt, modo in oppositione ad essentiam, illudque praedicamentale, hoc praedicabile vocant. Quae cum fundamentum habeant nullum, et confusas gignant ideas, rectius fecisse Cartesius iudicatus est, quod modorum vel proprietatum vocem elegeret.

**XL V.** Alia sunt in rebus ipsis, quarum attributa vel modi esse dicuntur, alia vero in nostra tantum cogitatione. Talia sunt tempus, numerus et vniuersalia omnia, quae tantum sunt in abstracto, modique cogitandi.

**XL VI.** Fiunt vniuersalia tantum ex eo, quod una et eadem idea utamur ad omnia indiuidua, quae inter se similia sunt cogitanda.

**XL VII.** Numerus in ipsis rebus oritur ab earum distinctione, ea triplex est, realis, modalis, rationis.

**XL VIII.** Distinctio realis proprietatum est inter duas vel plures substantias,

<sup>a</sup>) Dicemus de hac assertionem Leibnizianam in cap. seq. contra eam substantiae notionem Cartesianam pec. diff. defendit RYARD. ANDALA in *Pentad. diss. phil.* n. 1.

<sup>a</sup>) *Cogit. ration.* f. III. §. 20. p. 11.

<sup>b</sup>) Vid. *Wicelaberrimi P. CROVSAZ. Log. P. I. S. II. c. 1. §. 2. p. 460.* ed. Gall. et SAM. FRID. HOLMANN *Philos. prim. P. II. §. 355. f. p. 936. 99.*

stantias, quas realiter distinctas esse ex hoc solo percipimus, quod vnam absque altera clare et distincte intelligere possimus.

XLIX. Distinctio modalis est duplex, alia scilicet inter modum proprie dictum: et substantiam cuius est modus, alia inter duos modos eiusdem substantiae.

L. Distinctio rationis est inter substantiam et aliquod eius attributum, sine quo ipsa intelligi non potest, vel inter duo talia attributa eiusdem alicuius substantiae.

LI. Cogitatio et extensio spectari possunt vt constituentes naturae substantiae intelligentis et corporeae, tuncque non aliter concipi debent, quam ipsa substantia cogitans et substantia extensa, hoc est, quam mens et corpus, quo pacto clarissime atque distinctissime intelliguntur.

LII. Cogitatio et extensio etiam sumi possunt pro modis substantiae, quatenus scilicet vna et eadem mens, plures diuersas condiciones habere, et vnum atque idem corpus, retinendo suam eandem quantitatem pluribus diuersis modis potest extendi. Tunc quoque modaliter a substantia distinguuntur, et clare ac distincte non minus, quam illa possunt intelligi.

LIII. Eadem ratione diuersi cogitationum et extensionum modi optime percipi possunt, si tantum vt modos rerum, quibus insunt, spectemus.

LIV. Sensus, affectus, appetitus clare percipi possunt, si accurate caueamus, ne quid amplius de iis iudicemus, quam id praecise, quod in perceptione nostra continetur, et cuius intime conscii sumus. Cauendum autem, ne res extra mentem existentes perceptionibus nostris, quas de illis habemus iudicemus similes, v. c. colorem.

LV. Praecipua errorum causa a praedudiciis infantiae procedit, in qua secundum sensum perceptionem de rebus ipsis iudicamus. Eorum praedudiciorum deinde obliuisci adulti maturisque annis non possumus.

LVI. Praeterea mens nostra non sine aliqua difficultate ac defatigatione potest ad viles res attendere omniumque difficillime ad eas, quae nec sensibus nec imaginationi praesentes sunt. Hinc fit, vt multi nullam substantiam intelligant, nisi imaginabilem, et corpoream, et etiam sensibilem, et putent, nihil posse subsistere quod non sit corpus.

LVII. Quarta errorum causa est, quod conceptus nostros verbis, quae rebus accurate non respondent, alligamus.

LVIII. Itaque ad serio philosophandum veritatemque omnium rerum cognoscibilem indagandam primo omnia praedudicia sunt deponenda, nec opinionibus prius receptis a nobis fidem habenda, nisi adhibito examine veras esse comperiamus. Deinde ordine attendendum est ad notiones in nobis, et eae tantum pro veris habendae, quas clare et distincte cognoscimus, et ex his conferentes cum iis, quae confusius antea cogitabamus, vsum

c) His pungere Cartesium Hobbesii hypothesi ex iis, quae supra de obiectionibus Hobbesii

contra meditationes Cartesii attulimus, manifestum est.

sum claros conceptus formandi acquiremus. Auctoritati vero et reuelationi diuinæ potius, quam proprio nostro iudicio, fides habenda. Et hæc quidem de principiis cognitionis humanæ tradidit Cartesius.

*Cartesii phi-  
losophemata  
de rebus ma-  
terialibus.*

§. XLIX. Principiis cogitationis subiecit philosophus principia rerum materialium <sup>d</sup>.

I. Quicquid sentimus, nobis aduenit a re aliqua, quæ a mente nostra diuersa est, et sensus nostros afficit. Sentimus autem materiae extensæ ideam menti nostræ exhiberi, quæ si non esset, sed Deus eius ideam obiiceret, deceptor dicendus esset. Quod quia esse nequit, concludendum est existere rem extensam suisque proprietatibus gaudentem. Hanc vocamus corpus et materiam.

II. Menti nostræ corpus quoddam magis acriter quam reliqua alia corpora coniunctum esse, concludi potest ex eo, quod perspicue aduertamus dolores aliosque sensus nobis ex improviso aduenire, quos mens est conscia non a se sola proficisci, nec ad se posse pertinere ex eo solo, quod sit res cogitans, sed tantum ex eo, quod alteri cuidam rei extensæ ac mobili adiuncta sit, quæ res humanum corpus appellatur. Tangit hac thesi Cartesius difficillimam quæstionem de vnione animæ et corporis, quam tamen hoc loco non exposuit, sed alii loco referuauit. Ipse cum videret, systema influxus magnis multisque premi difficultatibus, vt his se liberaret ad assistentiam quandam confugit, quæ communionem metaphysicam magis, quam physicam, inferret. Cuius fundamentum in eo posuit, quod secundum legem naturæ, eadem motus quantitas in corpore conseruetur, quam legem ab animo infringi non posse statuebat. At hanc tamen motus directionem mutari posse, eamque liberam animæ esse ita statuit, vt motus, qui in fluidis nostri corporis est, suam ab anima directionem nanciscatur, atque in hanc magis partem deflectat quam in aliam. Et hoc quidem pacto agere animam vnitam cum corpore sibi persuasit. Nostri instituti et loci huius non est, ea operose exponere, quæ huic systemati assistentiæ (ita enim a systemate influxus, occasionalium causarum, et harmoniæ præstabilitæ distinguitur) opponi solent. Dabimus autem magni LEIBNIZII <sup>e</sup> verba, qui cuncta more suo acute et eleganter enarrauit. „Monet is, ostendi non posse, quo modo directionem istam animæ efficiat, nec esse in anima nec in corpore, id est, neque in cogitatione, neque in massa quicquam, quod ad explicandam hanc vnius per alterum, immutationem seruire possit, et siue anima quantitatem virtutis, siue lineam directionis in corpore mutare dicatur, vtrumque aequè in explicabile esse.“ Repertas quoque post Cartesii tempora, duas veritates, magni in hoc negotio momenti. Quarum prima est, quod quantitas virtutis absolutæ quæ conseruatur, diuersa sit a quantitate motus, altera, quod conseruetur, etiam directio eadem in omnibus simul corporibus, quæ inter se agere suppo-

<sup>d</sup>) Part. II. Princ. philos.

<sup>e</sup>) Theodicee §. 59.

supponuntur, quomocunque demum sibi mutuo occurrant, dum scilicet seruetur directio centri grauitatis communis. Si lex ista Cartesio nota fuisset, corporum directionem aequae ac virtutem imperio animae subtraheretur fuisse. Putat autem illustris philosophus, si Cartesio hae leges naturae innotuissent, perductum fore ad harmoniam praestabilitam; nempe ex ea regula de manente eandem directione, motum ab anima independentem, atque a priorum motuum directionibus esse determinandum dicturum fuisse. Id quod tamen mutationes animae corpori harmonicas simul poscit, quae ad Leibnizianam hypothesin pertinent. Viderunt Cartesii sectatores, maxime Mallebranchius eiusque affeculae, Cordemaeus alique has difficultates, cumque faterentur, ab anima nihil proficisci aut pendere effectiue, quod in copore sit, nihil a corpore quod sit in anima: motus corporis omnes immediate ac vnice a diuina virtute et actione deriuarunt, quae pro occasione volitionum mentis atque ad earum praesentiam motus illos sola efficit; et ad praesentiam atque occasione motuum in corpore nostro a Deo excitatorum, perceptiones animae producit et mutat: vtrumque autem exequitur secundum certas a se ipso semel arbitrarie latas, quarum vigore ad hunc motum haec perceptio et vice versa ad alium producit alia. Sicque assistentiae systema, quod Cartesio placuit in systema caussarum occasionalium, quod vocant, commutarunt, de quo videndi MALLEBRANCHIUS<sup>f</sup>, CORDEMAEVS<sup>g</sup>, quique in hac parte Cartesianos sequitur I. CHR. STURMIUS<sup>h</sup>. Verum ne sic quidem Cartesius emendatus videri, et Cartesiana philosophia de hoc mysterio luculentius decreuisse iudicari poterat, cum innumeris premantur difficultatibus, quae a Cartesianis adducuntur, secundum quorum placita minime tamen in saluo sunt leges naturae et motus, vt clare satis demonstratum LEIBNIZIO<sup>i</sup>, et ratio sufficiens legum generalium naturae dari nequit, perpetua autem miracula supponuntur. De quibus tamen hoc loco, vbi Cartesii, non autem Cartesianorum sententiam exponimus, plura dicere non licet. Adeundus autem, qui erudite rem omnem enarrat illustris GEORG. BERNARDVS BULFINGERVS<sup>k</sup>.

III. Sensus perceptiones non referuntur nisi ad istam corporis humani cum mente coniunctionem, et nobis quidem ordinarie exhibent, quid ad illam externa corpora prodesse possint, aut nocere, non autem, nisi interdum et ex accidente nos docere, qualia in se ipsis existant.

IV. Natura corporis, siue materiae non consistit in pondere, duritie, colore, aut similibus, sed in sola extensione.

V. Nec obstat, quod corpora pleraque videantur sic posse rarefieri, ac condensari, vt rarefacta plus habeant quantitatis, quam condensata.

Nam

f) T. III. Inq. verit. p. 178.

g) De dist. corporis et mentis Dissert. IV. pag. 83.

h) Phys. elect. T. I. p. 135. 137. seq.

Hist. philos. Tom. V.

i) l. c. §. 60. 340. Journal des sçauans 1695. p. 456. Recueil de div. Pièces T. II. p. 230.

k) De Harm. praestabil. Part. IV. §. 73. seqq. p. 76. seqq.

Nam in ipsis nihil aliud quidquam contingit, quam figurae mutatio, intercedentibus interuallis, corporibus aliis repletis, atqui ideo non minus tunc extensa sunt, quam cum maius spatium amplectuntur.

VI. Quantitas a substantia extensa in re non differt, sed tantum ex parte nostri conceptus, ut et numerus a re numerata. Qui autem substantiam corpoream a quantitate eius distinguunt, confusam tantum substantiae incorporeae notionem habent, quam falso tribuunt corporeae.

VII. Non etiam in re differunt spatium siue locus internus, et substantia corporea in ea contenta sed tantum in modo, quo a nobis concipi solent. Reuera enim extensio in longum, latum et profundum, quae spatium constituit, eadem plane cum illa est, quae constituit corpus. Nam in idea corporis, reiectis omnibus aliis remanet extensio in longum, latum et profundum, quae etiam continetur in idea spatii non modo corporibus pleni, sed etiam eius, quod vacuum vocatur.

VIII. Est itaque differentia in modo tantum cogitandi, dum extensionem loci, ab extensione corporis in mente separamus. Quippe nomina loci aut spatii non significant quicquam diuersum a corpore, quod dicitur esse in loco, sed tantum eius magnitudinem, figuram et situm inter alia corpora designant. Fluunt assertiones hactenus enarratae ex idea corporis, cuius essentiam in extensione philosophus ponit. Hac enim definitione supposita inferebat, ubicunque est extensum, in longum latum et profundum, ibi esse corpus, ex quo prona consequentia deriuabat, spatium cum corpore reipso coincidere, et non nisi mente separari posse, adeoque non dari vacuum. Valde huic thesi contradixerunt, quotquot a Cartesio discessum fecerunt, et corporis definitionem aliam dederunt; prout nempe ideam spatii et vacui in systemate suo definire e re sua esse iudicarunt. Maxime illustris Newtoni schola vacuum reuocando Cartesianae se magnis moliminibus opposuit, ut Gassendi sectatores taceamus, quae enarranda tamen in speciali naturalis disciplinae historia sunt. Quamuis autem post Leibnizium τὸν πάντι multi quoque fuerint, qui spatium inter non-entia, siue conceptus mentis negatiuos tantum referant <sup>1</sup>, et solam non-contiguitatem, (ita loqui amant) rerum existentium esse, decernant <sup>2</sup>, ideoque Gassendum et sequaces, spatium tertium quid praeter substantiam et accidens, in entibus vere positueque existentibus esse arbitantes <sup>3</sup> deferant, reprehendunt tamen Cartesium, quod spatium corpus esse dixerit, eo quod vel negatiuam vel relatiuam ideam in positiuam conuertendo, ipsam spatii notionem prorsus euerterit. Alii, inque

1) Vid. Principia philosophiae ab HANSCHIO edita, def. 5. 7. 61. p. 21. seqq. et in Coll. epistolarum diuersarum T. I. p. 31. Est autem illustri viro spatium ordo coëxistentium; eum sequitur cel. WOLFIVS Metaphys. Germ. §. 46. 134. et Ontol.

§. 589. et Cl. HAMBERGERVS Elem. phys. §. 2. ut alios taceamus.

m) V. C. SAM. CHRIST. HOLLMANN. Metaphys. §. 221. p. 723.

n) Phys. S. I. L. I. c. 1. 2.

que his **LOCKIUS** <sup>o</sup>, id imprimis Cartesianae loci, spatique Ideae, et quae ea nititur corporis, opposuerunt, quod nec locus nec spatium, nec in genere extensio, soliditatem, resistantiam, aliasque corporis proprietates habeat, unde pro vacui possibilitate et existentia acute pugnat philosophus Anglicus. Quae latius hoc loco excutere, quidque in his verum aut falsum sit, dispicere, Lectoris industriae relinquimus, solam Cartesiani dogmatis historiam strictim enarrasse contenti.

IX. Differunt nomina loci et spatii, quia locus magis expresse designat situm, quam magnitudinem et figuram, ad quae notio spatii respicit. Spatium semper sumimus pro extensione, locum autem aliquando consideramus, ut rei, quae in loco est, internum, et aliquando ut ipsi externum. Et internum quidem plane idem est, quod spatium, externus autem sumi potest pro superficie quae proxime ambit locatum. Per superficiem autem hic intelligitur solus terminus, qui medius est inter ipsum corpus ambiens, et id quod ambitur, quique nihil aliud est, quam modus.

X. Vacuum autem philosophico more sumtum, in quo nulla sit substantia, dari non potest.

XI. Non fieri potest, ut aliquae atomi, siue materiae partes ex natura sua indiuisibiles existant. Cum enim, si quae sint, debeant esse extensae, quantumuis paruae fingantur, possumus adhuc vnamquamque ex ipsis in duas aut plures minores cogitatione diuidere, ac proinde cognoscere, esse diuisibiles. Recedit in hac assertione Cartesius a Democrito et Epicuro, et qui hos sequitur Gassendo. Ast hac ratione dum diuisibilitatem corporis et materiae infinitam propugnat, infinitum mathematicum, quod et indefinitum vocant, CONIMBRICENSES <sup>r</sup> infinitum sectione appellauere, vel diuisionem quoque mentalem cum reali confudisse visus est. Obseruatum enim acutissimis viris, **LEIBNIZIO** <sup>s</sup>, **WOLFIO** <sup>r</sup>, non dari compositum, nisi existat prius simplex, monadasque nec compositas nec diuisibiles; monuit quoque desideratissimus **SCHVCHZERVS** <sup>r</sup>, puncta physica siue atomos non posse sumi sensu mathematico, quoniam ex iis corpus nunquam posset exsurgere: aliis obseruatum <sup>r</sup> nullum quantum simultaneum quaecunque et quantumcunque illud etiam sit, actu ipso infinitum esse posse, adeoque nec in infinitum diuidi realiter, neque plus producere per diuisionem ex re aliqua licere, quam ante illam in eadem iam adest.

XII. Ex his cognoscimus, hunc mundum, siue substantiae corporeae vniuersitatem nullos extensionis suae fines habere.

Qq 2

XIII.

o) De Intellectu humano L. II. c. 13. §. 11. seqq. p. 186. seqq.

p) Ad Phys. Arist. L. VI. c. 2. p. 221. seqq. ubi more suo prolixè disputant, verum indiuisibilia sint entia positiua et realia in continuo?

q) Princip. philos. ab **HANSCHIO** illustr. theor. 107. schol. 4. et theor. 4. et 5.

r) Metaphys. Germ. §. 76. 582. vterque tamen diuisibilitatem in infinitum mathematicam admittit.

s) Physic. P. I. c. 2. §. 7. p. 20. seqq.

t) **CL. HOLLMANN**. Phys. P. I. c. 1. §. 10. p. 51. seqq.

XIII. Etiam colligi inde potest, non aliam esse materiam coeli, quam terrae, atque omnino, si mundi essent infiniti, non posse non illos omnes ex vna et eadem materia constare, nec proinde plures, sed vnum tantum esse posse, quia materia extensa omnia spatia imaginabilia, in quibus alii isti mundi esse deberent, iam occuparent.

XIV. Materia in toto vniuerso vna et eadem existit, nempe quae est extensa; omnesque proprietates, quas in ea clare percipimus, ad hoc vnum reducuntur, quod sit partibilis, et mobilis secundum partes et proinde capax illarum omnium affectionum, quae ex eius partium motu sequi posse percipimus.

XV. Omnis ergo materiae variatio, omniumque eius formarum diuersitas pendet a motu.

XVI. Est autem motus translatio vnus partis materiae, siue vnus corporis, ex vicinia eorum corporum, quae illud immediate contingunt, et tanquam quiescentia spectantur in viciniam aliorum.

XVII. Non plus actionis requiritur ad motum quam ad quietem. Sunt enim motus et quies nihil aliud in corpore, quam duo diuersi modi.

XVIII. Motus proprie sumtus non refertur, nisi ad corpora contigua eius quod mouetur; nec refertur nisi ad ea corpora contigua, quae tanquam quiescentia spectantur. Valde displicet haec definitio Io. Clerico<sup>u)</sup>, eo quod vsui loquendi recepto contraria, aptior sit obscurandae naturae motus per se clarae, quam obscurae rei illustrandae: putatque is, inuenisse Cartesium hanc definitionem ideo potissimum, vt terra, quae communi motu, cum vortice suo circa solem moueri dicebatur, posset simul dici quiescere, quod respectu vicinarum partium vorticis non moueatur, vt vitaretur censura inquisitionis Romanae, quae sententiam eorum, qui terram moueri aiunt, damnarat. Nec multum falli Clericum facile nobis persuadent ea, quae in *Tertia principiorum parte*<sup>x)</sup>. Cartesius monuit, posse proprie loquendo quidem motum nec de terra, nec de planetis aliis praedicari; ast secundum vsum vulgi motum sumendo, dicendum esse, planetas et solem ipsum fixasque, et, incongrue quidem, terram moueri. Inde in definitione Cartesiana, quae si cetera spectes, ipsumque sensum intuearis, motum nihil dicit esse aliud, quam mutationem loci relatiui, siue situs, nonnemo<sup>y)</sup> pro ambiguis Cartesii vocibus, *immediate contingunt*, aliam minus ambiguam, v. c. ambiunt, vel circumdant, substituendam esse monuit. Ceterum hanc definitionem motus passiuo sensu accipiendam, et a motu actiuo, siue vi illa, quae corpus ex loco vno in alium quendam transfert et eius situm mutat, distinguendam esse, nobis non monentibus lector attentus facile intelligit, neglectam tamen hanc obseruationem induxisse B. I. FR. BVDDEVM<sup>z)</sup>, vt perperam

u) Phys. L. V. c. 5. §. 3. p. m. 98.

x) §. 28.

y) HOLLMANN. Phys. P. I. c. 1. §. 19. p. 60.

z) Phys. P. V. c. 1. §. 12.

perperam quaedam huic definitioni motus Cartesiana oblikeret, obseruat-  
tum cel. HOLLMANNO <sup>a</sup>.

XIX. Et si autem vnumquodque corpus habeat tantum vnum motum  
sibi proprium, participare tamen etiam potest ex aliis innumeris, si nempe  
sit pars aliorum corporum alios motus habentium.

XX. Praeterea ille vnicus cuiusque corporis motus, qui ei proprius est,  
instar plurium potest considerari; sed ideo tales motus non sunt reuera  
distincti; nam vnumquodque punctum corporis, quod mouetur, vnam  
tantum aliquam lineam describit.

XXI. Ex hoc autem quod dictum: loca omnia corporibus plena esse,  
semperque easdem materiae partes aequalibus locis coaequari, sequitur,  
nullum corpus moueri posse, nisi per circulum, ita scilicet, vt aliud ali-  
quod corpus ex loco, quem ingreditur, expellat, hocque rursus aliud,  
et aliud, vsque ad vltimum, quod in locum a primo relictum eodem tem-  
poris momento, quo derelictus est, ingrediatur. Plurimum huic asser-  
tioni contradixerunt, qui motum non dari sine vacuo contendunt.

XXII. Reperitur tamen in motu isto aliquid, quod mens quidem per-  
cipit esse verum, sed tamen, quo pacto fiat, non comprehendit, nempe  
diuisio quarundam particularum in infinitum, siue indefinitum, atque in  
tot partes, vt nullam cogitatione determinare possimus tam exiguum, quin  
intelligamus, ipsam in alias minores reapse esse diuisam.

XXIII. Causa motus aut vniuersalis est, et primaria, aut particularis.

XXIV. Causa motus vniuersalis non alia esse potest, quam Deus ipse,  
qui materiam simul cum motu et quiete in principio creauit, iamque per  
solum suum concursum ordinarium, tantundem motus et quietis in ea to-  
ta, quantum tunc posuit, conseruat. Nam quamuis ille motus nihil  
aliud sit in materia mota, quam eius modus, certam tamen et determina-  
tam habet quantitatem, quam facile intelligimus eandem semper in tota  
rerum vniuersitate esse posse, quam in singulis eius partibus mutetur.

XXV. Itaque cum vna pars materiae duplo celerius mouetur, quam  
altera, et haec altera duplo maior est, quam prior, tantundem motus est  
in minore quam maiore, ac quanto motus vnius partis lentior sit, tanto  
motus alicuius alterius ipsi aequalis sit celerior. Lex haec πολυθρύλλη-  
τος localis motus est, quam ad explicandas rerum naturalium causas Car-  
tesiani quam maxime in vsum vocant <sup>b</sup>. Ast quid in ea desideret Leib-  
nizius supra iam dictum. Aliis vero visum <sup>c</sup>, experientiam ipsam suffi-  
cientia nobis fundamenta non suppeditare, ex quibus de rei huius vel ve-  
ritate vel falsitate iudicare dicereque liceat, motum in quibusdam corpo-  
ribus cessantem in alia transire, sicque motum partium collectum, mo-  
tum totius iterum eadem quantitate euadere. Sed quia corpus inertia la-  
borat,

Qq 3

a) l. c. §. 20. p. 62. not. 2.

b) Vid. CLAUVERE. Disp. phys. XVIII. n. 15.

LE GRAND. Instit. philos. P. IV. c. 15. n. 25. et  
Cartesiani reliqui tantum non omnes.

c) HOLLMANN. l. c. §. 49. p. 87.



borat, omniq; vi mouenti semper pro ratione massae resistit, atque ad quietem magis quam motum propendet, sed et illud modo vis motricis ad motum corporis cuiuscunque impenditur, quicquid post superatam eiusdem resistantiam superest, necessario inde consequi, vt quotiescunque motus aliquis corpori cuidam nouo, antea quiescenti, communicandus est, semper quantitati vis motricis tantum decedat, quantum ad vincendam prioris corporis resistantiam impendendum erat, adeoque et illa toties minor euadat, quoties nouus in corpore, antea quiescente motus excitandus erat. Quoniam quantitas vero illa motus quae in corpore aliquo in motu posito datur, infinita non est, neque ideo in infinitum minui potest, deficere illum plane oportere. Quo pacto aliquam successiue motus quantitatem in mundo minui contra Cartesium concludunt. Quemadmodum vnus quoque corporis motu nonnunquam plura alia successiue in motum redigi ita posse contendunt, vt motus illorum coniunctim acceptus, primi mouentis impetum longissime superet, sicque noua aliqua, quae antea nondum adfuit, motus quantitas in mundo oriatur. Quae latius hoc loco exequi velexaminare quoque et Cartesianorum responsiones adducere esset extra oleas vagari.

XXVI. Causae secundariae motus sunt regulae quaedam siue leges naturae, quibus motus particulares nituntur. Horum prima est, vnamquamque rem, quatenus est simplex et indiuisa, manere quantum in se est, in eodem semper statu, nec vnquam mutari, nisi a causis externis. Vnde concludendum est, id quod mouetur, quantum in se est, semper moueri.

XXVII. Altera lex naturae est, vnamquamque partem materiae non tendere vnquam, vt secundum vllas lineas obliquas pergat moueri, sed tantummodo secundum rectas; etsi multae saepe cogantur deflectere propter occursum aliarum, et in quolibet motu fit quodammodo circulus, ex omni materia simul mota. Ex quo sequitur, omne corpus quod circulariter mouetur, perpetuo tendere, vt recedat a centro circuli quem describit.

XXVIII. Tertia naturae lex haec est: vbi corpus quod mouetur, alteri occurrit, si minorem habeat vim ad pergendum secundum lineam rectam, quam hoc alterum ad ei resistendum, tunc deflectitur in aliam partem, et motum suum retinendo solam motus determinationem amittit, si vero habeat maiorem, tunc alterum corpus secum mouet, ac quantum ei dat de suo motu, tantundem perdit.

XXIX. Causa huius legis est, quod differentia sit inter motum in se spectatum, et ipsius determinationem versus certam partem, qua fit, vt ista determinatio possit mutari motu integro remanente. Displacere haec Leibnizio, controuersiae ferram ea de re cum Cartesianis nonnullis reciprocanti, eo quod directionem motus mutari in mundo non posse statue-

d) Idem summus philosophus Isaacus Newtonus, et qui eum sequuntur contendunt, negare Leibnizii affectae, qua de re consulendi, qui de hac quoque quaestione disputarunt clarissimi viri

VOLTERRIVS, in Metaphysica Neutoniانا c. 9. et KAHLIVS in Comparatione Metaph. Neut. et Leibnizianae c. 9. p. 152. seqq.

statueret, supra iam tetigimus, et infra quoque, ubi de magni viri principis dicendum, tangemus.

XXX. Vis cuiuscunque corporis ad agendum in aliud, vel ad actionis alterius resistendum in eo consistit, quod vnaquaeque res tendat, quantum in se est, ad permanendum in eo statu, in quo est. Hinc enim id quod alteri coniunctum est vim habet nonnullam ad impediendum, ne disiungatur, id quod disiunctum est, ad manendum disiunctum, id quod quiescit ad perseverandum in sua quiete, atque ex consequenti ad resistendum iis omnibus, quae illam possunt mutare etc.

XXXI. Vis illa debet aestimari tum a magnitudine corporis in quo est, et superficiei secundum quam istud corpus ab alio disiungitur; tum a celeritate motus, ac natura et contrarietate modi quo diversa corpora sibi mutuo occurrunt.

XXXII. Motus motui non est contrarius, sed quieti, et determinatio in unam partem determinationi in partem oppositam.

XXXIII. Nihil particulas duorum corporum ita potest inter se vnire et firmiter coniungere, quam ipsarum quies.

XXXIV. Fluidorum particulae aequali vi versus omnes partes mouentur, et corpus durum in fluido existens a minima vi potest determinari ad motum.

XXXV. Corpus durum ab alio duro impulsus, non omnem suum motum ab eo mutuatur, sed partim etiam a fluido circumiacente. Non tamen potest ab isto fluido maiorem celeritatem acquirere, quam habet a duro a quo impulsus est.

XXXVI. Cum corpus fluidum totum simul versus aliquam partem fertur, necessario secum defert corpus durum, quod in se continet.

XXXVII. Cum corpus durum a fluido sic defertur, non idcirco mouetur.

§. L. Principiis rerum materialium tractationem de mundo ad spectabili inaedificauit Cartesius, quae tertiam eamque copiosissimam principiorum philosophiae partem constituunt. Ex qua tamen omnia, ad quae satis speciali consideratione descendit philosophus, hoc loco repetere, limites tractationis nostrae satis arcti non patiuntur. Adducemus ergo potiora tantum, reliqua Lectorem apud ipsum Cartesium legere iubemus. Ita vero statuit:

*Principia  
Cartesii de  
Mundo aspe-  
ctabili.*

I. Quamuis in ethicis sit pium dicere, omnia a Deo propter nos facta esse, nempe ut tanto magis ad agendas ei gratias impellamur, eiusque amore incendamur, nequaquam tamen est verisimile, sic omnia propter nos facta esse, ut nullius alius sit eorum usus; essetque plane ridiculum et ineptum id in physica consideratione supponere.

II. Lunae a terra distantia circiter triginta terrae diametros aequat, solis

solis vero sexcentas vel septingentas. Ex quo colligimus, lunam esse multo minorem terra, sed solem multo maiorem.

III. Terra a coelo conspecta non apparitura esset, nisi ut planeta Iouë aut Saturno minor. Cauendum itaque, ne lunam, vel terram vel solem magnitudine stellas superare credamus.

IV. Non solem modo sed et omnes stellas fixas propria luce fulgere, ex uiuidis, quos vibrant, radiis, et distantia a sole remota intelligi potest.

V. Luna e contrario et alii planetae lucem a sole mutantur, ut ex luce placidiori, quam fixarum, et minore a sole distantia concluditur.

VI. Terra non minus ob opaca, quibus conflata est, corpora solis radios excipientia et reflectentia, lumen habet a planetis non differens.

VII. Potest sol inter fixas stellas, terra inter planetas ideo numerari.

VIII. Stellae, quae eandem a se mutuo distantiam eundemque ordinem seruant, fixae dicuntur, quae vero assidue inter se situm mutant, planetae siue errantes appellantur.

IX. Copernici hypothesis systematis mundani simplicior est, quam Tychonis, non autem inter se differunt, in quantum hypotheses sunt, quae eodem modo phaenomenis satisfaciunt.

X. Potest motus terrae verius quam Tycho, et curiosius, quam Copernicus fecit, proponi hac hypothesis: 1) Fixae supponendae sunt a Saturno quam maxime distantes; 2) Sol instar flammae ex materia quidem valde mobili constare dicendus, sed non ideo ex vno loco in alium migrare. 3) Fixae omnes, asserendum, in eadem sphaera non versari, sed vnamquamque vastum spatium circa se habere aliis fixis destitutum; porro concedendum 4) coelos esse fluidos, siue materiam coeli esse liquidam, 5) coelosque omnia corpora in se contenta secum deferre; 6) terram vero in coelo suo quiescere, sed nihilo minus ab eo deferri; 7) idemque sentiendum de omnibus planetis. Ex quibus concessis, et definitione motus supra data in partes vocata sequitur: terram proprie loquendo reliquosque planetas non moueri, nec ullos planetas, quamuis a coelo transferantur; quia non transferuntur ex vicinia partium coeli, quae illos immediate contingunt, quatenus istae partes coeli ut immotae considerantur. Quin nec secundum usum vulgi, nisi incongrue, motus de terra praedicari potest, vulgus enim a terrae partibus ut immobilibus spectatis stellarum loca determinat, hasque eatenus moueri iudicat, quatenus a locis ita determinatis recedunt.

XI. Ita sublato omni scrupulo de terrae motu tota materia coeli, in qua planetae versantur, concipienda est in modum cuiusdam vorticis, in cuius centro est sol, gyrare assidue ac eius partes soli viciniore celerius moueri quam remotiores, ac planetas omnes, e quorum numero est terra, inter

\* e) Euitandae censurae Romanae, quam in Galilaicum seuerissimam fuisse compererat Cartesius, et palpi inquisitoribus obtrudendi gratia operose ita

philosophum suum verbis facere voluisse, ex supra dictis repetendum est.

per eandem istius coelestis materiae partes semper versari. Ex quo solo omnia phaenomena facillime intelliguntur.

XII. Sed cogitandi porro in maiori illo coelestis materiae vortice, alii minores vortices, vnus in cuius centro sit Iupiter, alter in cuius centro sit terra, qui in easdem partes, ac maior vortex ferantur, qui vortices affeculas Iouis, et lunam terrae circa hos planetas deferant constituto tempore.

XIII. Non vero putandum, omnia contra planetarum accurate in eodem plano semper consistere, nec circulos, quos describunt, esse omnino perfectos.

XIV. Aberrationes planetarum a plano eclipticae vocantur motus in latitudinem; ipsorum autem circuitiones circa solem vocantur motus in longitudinem.

XV. Vix fieri potest, quin causae, ex quibus omnia phaenomena clare deducuntur, sint verae.

XVI. Quamuis mundus ab initio creatus fuerit cum omni sua perfectione, nihilominus ad naturam rerum intelligendam longe melius est considerare, quo pacto secundum principia simplicia et cognitu facilia omnia velut ex seminibus quibusdam oriri potuerint. Supponi itaque quaedam libere possunt, modo omnia, quae ex ipso consequuntur, cum experientia consentiant.

XVII. Supponemus itaque omnem illam materiam, ex qua hic mundus adspectabilis est compositus, fuisse initio diuisam a Deo in particulas quam proxime inter se aequales et magnitudine mediocres, siue medias inter illas omnes, ex quibus iam coeli atque astra componuntur, easque omnes tantundem motus in se habuisse, quantum iam in mundo reperitur; et aequaliter fuisse motas, tum singulas circa propria sua centra, et separatim a se mutuo, ita vt corpus fluidum componerent, quale coelum putamus: tum etiam plures simul circa alia quaedam puncta aequae a se mutuo remotae, et eodem modo dispositae, ac iam sunt centra fixarum; nec non etiam circa alia aliquanto plura, quae aequent numerum planetarum; ita vt tot varios vortices componerent, quot iam astra sunt in mundo. Decantatissima haec Cartesii hypothesi est, qua motus stellarum causam probabiliorum quam Peripatetici fecerant, reddere conatus est; quaeque non ingenii modo, sed et verisimilitudinis laudem nacta est. Non vero primus vortices excogitauit Cartesius, sed ex Democriti et Epicuri disciplina traductos rationibus astronomicis instruxit, et ad systema solare explicandum adhibuit. Habuitque vir summus habetque hodie affeculas satis multos et acutos, qui pro vorticibus velut pro aris focusque dimicarunt. Ast displicuerunt quoque magnis naturae interpretibus, maxime illustri NEWTONO, cuius vestigia in impossibilitate vorticum demonstranda pressit Cel.

f) Princip. philos. nat. L. II. propos. LII. §. p. Praef. ad Princ. philos. Eum Angli philosophi  
347. et Opt. P. III. L. I. passim conf. COTESII certatim sequuntur.

Hist. philos. Tom. V.

Rr

Cel. MA V P E R T V I S <sup>g</sup>. Obiecerunt autem, si globus quidam alterius cuiusdam globi vortici innaret, vortices inde tandem esse exorturos, qui in infinitum propagarentur, et a se inuicem perpetuo magis magisque recederent; itemque in vorticibus planetas celerius in apheliis, et tardius in periheliis moueri oportere. Vnde reiectis vorticibus Cartesianis vim centrifugam et centripetam, quae corporibus planeticis inesse deprehenditur, in partes vocare, eiusque temperamento et proportioni mutuae reuolutiones circa solem tribuere maluerunt <sup>h</sup>. De qua tamen re in physicorum institutionibus plura quaerenda sunt, consulendique qui Newtonianis obiectionibus responderunt, inter quos eminet vir illustris Io. P O L E N V S <sup>i</sup>. Ceterum obseruandum hoc quoque loco est, Cartesium hactenus quidem principiis, quantum licebat, clavis, perspicuis et in se rectis usum esse, certe, vbi errauit, humani ingenii vitio et imbecillitate errauisse. Quam viam si semper fuisset secutus, dubium non est, quin altius in naturae adyta penetrauisset. Ast hac regia via semel relicta ad hypotheses excogitatas sine ratione delabatur, et ingenii commenta pro causis postea naturalibus venditat. Quod licere sibi quidem putabat Cartesius, contentus hypotheses attulisse, ex quibus de phaenomenis naturae ratio quaedam idonea reddi posset. Ast duplici modo peccauisse is aliis visus est. Monuerunt enim non sufficere philosopho hypothesein effingere, qua faciat satis, et hypothesein illam non esse absurdam, id est, possibilem; sed ad verisimilitudinem quoque et experientiam, quibus fulciatur esse respiciendum. His vero haud raro carere Cartesii philosophemata, passim viderunt viri docti, et ingenue fassi sunt, inter quos imprimis magnus est CHR. HUGENIUS <sup>k</sup>. Deinde etsi ingenii laudem systemati Cartesiano non denegant, reprehendunt tamen, parum attendisse philosophum ad leges naturae, hasque ex ingenio magis, quam consulta natura, adduxisse, ideoque eius hypotheses parum facere satis. Id quod de ipsis Cartesii vorticibus viri quidam acuti obseruarunt, in quibus tamen cardo physiologiae Cartesianae vertitur. Monuerunt enim hanc hypothesein suppositumque vorticeis motum, non descensum corporum partialium versus centrum, sed axem solum, illius corporis totalis, versus quod feruntur, euincere. Qua de re, quid in *Actis eruditorum Lipsiensibus* <sup>l</sup> disceptauerint illustres philosophi LEIBNIZIUS, BERNOULLIUS, PAPINUS alii, consulendum est. Vnde emendare hypothesein Cartesianam conatus illustris HUGENIUS <sup>m</sup>, quem et alii secuti sunt, materiae subtilissimae vorticeis alicuius talem tribui motum, quo non circulis sibi mutuo parallelis circa nucleum vorticeis sui feratur, sed quaqua-

uerfum

g) Diff. de Astrorum figura diuersa Gallice edita, c. 3. vid. Journal des Savans 1733. Iun. art. 6. p. 227. seqq.

h) NEWTON, I. c. L. II.

i) Dial. de Vorticibus coelestibus Patanii 1712. edito. Conf. illustris BERNOULLIUS in notis cogitationibus de Systemate Cartesii Paris 1730.

editis Bibl. Italique. T. XI. art. 1. Tom. XIV. art. V. p. 145.

k) In Cosmotheoro L. II. p. 148.

l) 1686. p. 91. 1690. p. 228. 232. 1689. p. 183. seq.

m) In Diff. de Gravitate, Gallice edita, p. 135. A. E. 1690. p. 561.

uerſum potius in ſpatio ſphaerico ab aliis corporibus incluſo circa eundem ita gyretur, vt motu ſuo infinitos circulos maximos, infinitis fere punctis ſe interſecantibus deſcribat, ſicque vndiquaque omnia ad nucleum centri ſui vrgeat. Quae licet experientia et ratiociniis commendare philoſophus praetantiſſimus conatus ſit, impoſſibilia tamen aliis viſa ſunt; de quibus tamen alio loco \* diſpiciendum. Tacemus theologos, qui pati in hypotheſibus Cartesiaſis non potuerunt, quod cauſſam agentem ex hac rerum naturalium conformatione excluſerit, quam ob cauſſam dicam ſatis grauem ei ſcripſerunt PETRVS POIRETVS <sup>o</sup>, et SAMVEL PARCKERVUS <sup>p</sup>. Sed redeundum ad rerum naturalium generationem ſecundum Cartesium. Is ita porro viam iſtam proſequitur:

XVIII. Huic ſuppoſito porro addendum, omnes materiae particulae initio fuiſſe tam in magnitudine, quam in motu inter ſe aequales.

XIX. Hae particulae initio non potuerunt eſſe ſphaericae, quia plures globuli ſimul iuncti ſpatium continuum non replent: aſt ſucceſſu temporis non potuerunt non fieri rotundae, quandoquidem varios habuerunt motus circulares, quibus anguli, dum ſibi mutuo occurrerunt, attriti ſunt.

XX. Cum autem nullibi ſpatia omni corpore vacua eſſe poſſint, cumque illae rotundae particulae ſimul iunctae perexigua quaedam interualla inter ſe relinquant, neceſſe eſt iſta interualla, quibusdam aliis materiae ramentis minutisſimis, figuras ad ipſa implenda aptas habentibus, easque pro ratione loci occupandi perpetuo mutantibus, impleri. Nempe id quod ex attritis angulis deiicitur, adeo eſt minutum, et tantam celeritatem acquirit, vt ſola vi ſui motus in ramenta innumerabilia diuidatur, ſicque impleat omnes angulos, quos aliae materiae particulae ſubingredi nequeunt.

XXI. Quo minora ſunt iſta particularum aliarum ramenta, eo facilius mouentur, atque in alia adhuc minutiora comminui poſſunt,

XXII. Sed et multo celerius mouentur et agitantur, quam aliae materiae particulae, a quibus tamen ſuam agitationem acquirunt, quia dum hae per rectas et patentes vias feruntur, expellunt iſta per obliquas et anguſtas.

XXIII. Inde duo exſurgunt rerum elementa; primum eſt illius materiae, quae tantam vim agitationis habet, vt aliis corporibus occurrendo in minutias indefinitae paruitatis diuidatur, et figuras ſuas ad omnes angulorum ab iis relictorum anguſtias implendas accommodet. Alterum eſt eius, quae diuiſa eſt in particulas ſphaericas, valde quidem minutas, ſed tamen certae ac determinatae quantitatis, et diuiſibiles in alias multo minores.

XXIV. His tertium addi poſſe, ex dicendis conſtabit, quod partes vel magis craſſas vel figuras minus ad motum aptas habet.

XXV. Ex primo elemento ſol et ſtellae fixae, ex ſecundo coeli, ex tertio terra cum planetis et cometis orta ſunt.

Rr 2

XXVI.

n) Conf. quos nominat Cl. HOLLMANNVS  
Phyſic. P. I. c. 1. §. 64. p. 102.

o) De Erud. triplici L. III. §. 34. ſeqq. p. 657. ſqq.

p) Diſp. III. de Deo §. 15. Diſp. VI. §. 15. et quae  
Cudworthus paſſim mouit.

XXVI. Nempe creuit initio paulatim materia primi elementi, ex eo quod particulae secundi assiduo motu se inuicem magis magisque attererent; cumque maior eius quantitas fuit in vniuerso, quam necesse erat ad implenda exigua illa spatia, quae inter particulas sphaericas secundi elementi sibi mutuo incumbentes reperiuntur, quidquid ex ea residui fuit, postquam spatia ista impleta sunt ad centra confluit, ibique corpora quaedam sphaerica fluidissima composuit, nempe solem ac stellas fixas.

XXVII. Est autem lex naturae, vt corpora omnia, quae in orbem aguntur, quantum in se est, a centrīs sui motus recedant.

XXVIII. Globuli itaque secundi elementi satis magna vi recedere conantur a centrīs vorticum in quibus gyran- tur, et retinentur hinc inde ab alijs globulis circumpositis.

XXIX. Efficit hic conatus, vt corpora solis et fixarum sint rotunda.

XXX. Sed et porro efficit, vt materia coelestis ab omnibus punctis circumferentiae cuiusque stellae vel solis recedere conetur.

XXXI. Neque tamen globuli materiae coelestis se mutuo impediunt in isto conatu, quia perpetuo sunt in motu.

XXXII. Omnes lucis proprietates in isto conatu inueniuntur, adeo vt lux eius ope cerni posset, tanquam ex stellis manans, etsi nulla vis esset in ipsis stellis.

XXXIII. Cuiusque vortice coelorum poli tangunt partes aliorum vorticum ab eorum polis remotas. Inflectitur autem motus istorum vorticum aliquo modo, vt inter se consentiant.

XXXIV. Vortices isti sunt magnitudine inter se inaequales, vt ex varietate in situ fixarum patet.

XXXV. Materia primi elementi ex polis cuiusque vortice fluit versus centrum, et ex centro versus alias partes.

XXXVI. Idem autem de materia secundi elementi non potest intelligi, quia a materiae primi elementi motu impeditur.

XXXVII. Globuli secundi elementi, qui proximi sunt centro cuiusvis vortice, minores sunt, ac celerius mouentur, quam illi, qui paulo magis ab eo distant, idque vsque ad certum terminum, vltra quem superiores inferioribus celerius mouentur, et quantum ad magnitudinem, sunt aequales.

XXXVIII. Globuli secundi elementi variis modis simul mouentur, quo fit, vt plane sphaerici reddantur.

XXXIX. Varii sunt gradus celeritatis in minutis primi elementi.

XL. Quia quaedam materiae primi elementi ramenta reliquis minus diuisa et minus celeriter agitata, figuras necessario acceperunt valde angulosas et ineptas; fit inde, vt facile sibi mutuo adhaereant, magnamque partem suae agitationis transferant in illa alia ramenta, quae minutissima sunt, et celerrime agitantur.

XLI. Tales minutiae sibi mutuo adhaerentes praecipue inueniuntur in ea materia primi elementi, quae a polis ad centra vorticum fertur.

LXII.

**XLII.** Quia saepe transeunt per angusta illa spatia triangularia, quae in medio trium globulorum secundi elementi se mutuo tangentium, reperiuntur, debent induere figuram triangularem. Quantum ad longitudinem autem, sufficit concipere illas tanquam exiguas columnas, tribus striis in modum cochlearum intortis excauatas, ita ut gyrando transire possint per illos angustos meatus triangulares.

**XLIII.** Istaе particulae striatae ab oppositis polis venientes contrario modo sunt intortae.

**XLIV.** Quando materia ista primi elementi ad corpus solis alteriusue sideris peruenit, ibi omnes eius minutiae maxime agitatae cum nullis globulorum secundi elementi minutis impediuntur, in similes motus consentire laborant. Vnde fit, ut illae striatae, nec non etiam aliae multae paulo minores, quae ob figuras nimis angulosas molem nimis magnam tantam agitationem refugiunt, ab aliis minutissimis separentur, ac sibi mutuo facile adhaerentes propter inaequalitatem suarum figurarum moles aliquando permagnas componant, quae intimae coeli superficiei contiguae, sideri ex quo emerferunt, adiunguntur, et ibi resistentes illi actioni, in qua vis luminis consistit, similes sunt illis maculis, quae in solis superficie conspici solent.

**XLV.** Illae maculae sole egressae et sibi mutuo nonnihil adhaerentes, componunt ibi magnam quandam molem rarissimam, et aetheri terrae circumfuso non abfimilem.

**XLVI.** Multi quoque sunt meatus in istis maculis per quos libere transeunt particulae striatae.

**XLVII.** Fieri potest, ut totus vortex aliquando a circumiacentibus vorticibus absorbeatur, et eius stella mutetur in planetam vel cometam.

**XLVIII.** Vastissimum illud spatium, in quo iam vnicus vortex primi coeli continetur, initio in quatuordecim pluresue vortices diuisum concipi potest, eosque ita fuisse dispositos, ut sidera, quae in centrīs suis habebant, multis paulatim maculis tegerentur, et deinde illi vortices vni ab aliis destruerentur, modo iam descripto vnus citius alius tardius pro diuerso eorum situ, adeo ut cum illi tres, in quorum centrīs erant Sol, Iupiter et Saturnus, ceteris essent maiores, sidera quae in centrīs minorum Iouem circumstantium versabantur, versus Iouem delapsa sint, et quae in centrīs duorum aliorum Saturno vicinorum; versus Saturnum: et Mercurius, Venus, Terra, Luna et Mars, quae sidera etiam singula suum vorticem prius habuerunt, versus solem; ac tandem etiam Iupiter et Saturnus, vna cum minoribus sideribus illis adiunctis confluerint versus eundem solem, ipsis multo maiorem, postquam eorum vortices fuere absumti; sidera autem reliquorum vorticum, si vn-

R r 3

quam

q) Ex hac theoria cometarum originem, naturam, modum, phaenomena lare P. III. §. 128 seqq. deriuat, quae, cum prolixiora sint, quam ut locum in hac pagina capiant, apud ipsum Cartesium

legi merentur, comparanda autem sunt cum iis, quae de cometarum natura obseruauerunt acutissimi naturae interpretes Heuclius, Newtonus, Cassinus, Halleyus alique.



quam plura fuerint, quam quatuordecim in hoc spatio, nisi cometas abierint.

XLIX. Quod quidam planetae sunt aliis a sole remotiores, id ex eo contingit, quod eorum, qui soli viciniore sunt, soliditas sit minor, quam remotiorum.

L. Quod luna non modo circa solem, sed simul etiam circa terram gyret, causa esse videtur, quod cum non minorem habeat vim agitationis quam terra, in eadem sphaera cum sole debeat versari, et cum mole sit minor, aequalem habens vim agitationis, celerius debeat ferri.

LI. Causa cur omnes planetae, quamvis motus circulares semper affectent, nullos tamen circulos perfectos vnquam describant, sed modis omnibus tam in longitudinem quam in latitudinem aliquantulum aberrent, ea est, quia cum omnia corpora, quae sunt in vniuerso, contigua sint, atque in se mutuo agant, motus vnusquisque a motibus aliorum omnium dependet, atque ideo innumeris modis variatur.

*Cartesii sententia de terra.*

§. LI. Haec de rebus coelestibus ex hypothesei semel admissa visa Cartesio, de rebus ad terram spectantibus ita porro statuit:

I. Vt terrae genesin ex adductis hypotheseis intelligamus, fingendum: terram fuisse olim ex sola materia primi elementi conflatam, et vastum vorticem circa se habuisse, in cuius centro consistebat: sed cum particulae striatae, aliaeque non minutissimae minutiae, istius materiae primi elementi sibi mutuo adhaerent, sicque in materiam tertii elementi verterentur, ex iis primo maculas opacas in terrae superficie genitas esse; deinde particulas tertii elementi, quae ex continua istarum macularum dissolutione remanebant, per coelum vicinum diffusas, magnam ibi molem aeris vel aetheris successu temporis composuisse, ac denique postquam iste aether valde magnus fuit, densiores maculas circa terram genitas eam totam contexisse atque obtenebrasse. Cumque ipsae non possent amplius dissolui, ac forte permultae sibi mutuo incumbere, simulque vis vorticis terram continentis minueretur, tandem ipsam vna cum maculis et toto aëre, quo inuoluebatur, in alium maiorem vorticem, in cuius centro est sol, delapsam esse.

II. Terrae ita paulo post delapsurae versus solem tres regiones concipi possunt. Harum intima continere videtur materiam primi elementi, se, ut in sole, commouentis; media tota occupatur a corpore valde opaco et denso; tertia magna est congeries particularum tertii elementi multum materiae coelestis circa se habentium.

III. Illae particulae ex plurimis ramentis primi elementi minutissimis sibi mutuo adiunctis, componuntur, atque satis magnae sunt, ut impetum

r) Quid in hac planetarum theoria desiderant viri docti, ex illustris NEWTONI Principi-

cip. phil. nat. Lib. II. propos. 52. seqq. discip. potest.

tum globulorum secundi elementi circa se motorum sustineant, ex quorum tamen occurfu nonnihil possunt immutari.

IV. Sunt quoque maiores globulis secundi elementi, sed iisdem minus solidae et minus agitatae.

V. Eae ab initio sibi mutuo incubuerunt, varia vero circa ipsas intervalla materiae primi et secundi elementi relicta sunt.

VI. Porro globuli secundi elementi istis immisti eo minores initio fuerunt, quo centro terrae viciniore, meatusque habuerunt inter ipsos angustiores.

VII. Non semper crassiores inferiores fuere tenuioribus.

VIII. Cum globus terrae in tres istas regiones distinctus versus solem devolutus est, vortice eius absumto, non magna quidem mutatio in intima et media eius regione potuit oriri, sed quantum ad exteriorem, primum duo, deinde tria, postmodum quatuor et plura alia corpora diuersa in ea distingui debuerunt.

IX. Corporum horum productio pendet a globulorum coelestium motu generaliter spectato, gravitate, lumine, calore.

X. Motus globulorum coelestium, siue continua eorum agitatio efficit, ut particulis tertii elementi corpora omnia tertiae terrae regionis componentibus, immisti varios effectus producant.

XI. Primus est, quod pellucida reddat ea omnia corpora terrestria, quae liquida sunt, et constant particulis tertii elementi tam tenuibus, ut globuli isti circa ipsas in omnes partes ferantur. Sed et corpora dura sunt pellucida, quae dum formabantur, et adhuc liquida erant, pellucida fuerunt, quorumque partes retinent eundem situm, in quo posita sunt a globulis materiae coelestis, dum circa ipsas nondum sibi mutuo adhaerentes movebantur: contra illa omnia opaca sunt, quorum particulae simul iunctae ac connexae sunt a vi aliqua externa, motui globulorum coelestium ipsis immistorum non obsequente.

XII. Secundus effectus est, quod vna corpora ab aliis secernat et liquores expurget.

XIII. Tertius effectus est, quod aquae aliorumque liquorum guttas in aëre alioque liquore ab iis diuerso pendentes reddat rotundas.

XIV. Per eundem motum globuli isti coelestes, totius molis terrae occurfu impediti, ne secundum lineas rectas ferantur, omnes eius partes versus medium propellunt: atque in hoc gravitas corporum terrestrium consistit.

XV. Quamvis particulae materiae coelestis eodem tempore multis diuersis motibus creentur, omnes tamen earum actiones ita simul conspiciunt, ac tanquam in aequipondio consistunt, vnaque aliis opponitur, ut ex hoc solo, quod terrae moles obiectu suo earum motibus aduersetur, quaquaversum aequaliter propendeant ad se ab eius vicinia, et tanquam

ab

ab eius centro remouendas, nisi forte aliqua exterior caussa diuersitatem in hac re constituat.

XVI. Vis luminis in se spectata nihil aliud est, quam pressio quaedam, quae fit secundum lineas rectas a sole in terram extensas: quia tamen ista pressio non aequaliter omnibus particulis tertii elementi, quae supremam terrae regionem componunt, applicatur, variae inde motiones in particulis istis excitantur.

XVII. Haec particularum terrestrium agitatio, siue orta sit a lumine, siue ab alia quavis caussa, calor vocatur. Perseuerat autem vnaquaeque ex particulis terrestribus sic agitata, in suo motu iuxta leges naturae, donec ab aliqua caussa sistatur, adeoque ideo calor sublato lumine aliquamdiu remanet.

XVIII. Terra ad viciniam solis accedente, minores globuli, maioribus qui eam complectuntur, locum relinquunt, hicque in illa cum impetu ruentes in multas tertii elementi particulas impingunt, praesertim in crassiores, ipsasque infra caeteras detrudunt, atque ita efficiunt, ut istae crassiores infra ceteras depulsae figurasque habentes irregulares et varias, arctius inter se nectantur quam superiores, et motus globulorum coelestium interrumpant. Hinc fit, ut suprema terrae regio in duo corpora valde diuersa distinguatur, quorum superius est rarum, fluidum, pellucidum, inferius autem aliquatenus densum, durum, opacum.

XIX. Particulae autem terrestres in tria summa genera possunt distinguui. Quaedam sunt in varia quasi brachia diuisae, atque hinc inde expansae velut rami arborum, aliae solidiores sunt et figuram habent cuiuslibet rudis angulosi; aliae denique sunt oblongae ac ramis destitutae instar bacillorum. Ex his inter se variis modis mistis corpora alia et ab his diuersa extiterunt, nempe aer, aqua, terrae crusta interior crassissima ex qua metalla oriuntur, ac denique terra exterior, quae ex lapidibus, argilla, arena et limo est conflata. Et ex his quoque montes, campi, maria exorta sunt.

XX. Aer nihil aliud est, quam congeries particularum primi elementi, tam tenuium et a se mutuo disiunctarum, ut quibuslibet motibus globulorum coelestium obsequantur, ideoque corpus est valde rarum, fluidum et pellucidum.

XXI. Quia eius particulae sunt fere omnes flexiles, quo celerius aguntur, eo latius se extendunt, et idcirco maiorem spatii sphaeram requirunt ad motum suum. Ex quo intelligitur, per calorem nihil aliud quam accelerationem motus in istis particulis, et per frigus eiusdem imminutionem debere intelligi.

XXII. In aqua duae tantum particularum species reperiuntur, quarum  
vnae

s) Ingeniose versatur Cartesius in his explicandis, quae tamen, cum prolixiora sint, quam ut

pagina ea capiat, apud ipsum P. IV. §. 32. seqq. legenda sunt.

ymae sunt flexiles, aliae inflexiles, atque si ab inuicem separentur, hae salem, illae aquam dulcem componunt.

XXIII. Terra interior constat particulis cuiusuis figurae, ac tam crassis, ut globuli secundi elementi ordinario suo motu eas secum non abriplant, sed tantum deorsum premendo graues reddant, ac per meatus, qui plurimi inter ipsas reperiuntur, transeundo non nihil commoueant. Hinc inaequaliter calor terram interiorem peruadit, et diuersae particulae exoriuntur, v. g. succi acres et acidi, materia oleaginea, sulphuris, quae in tria genera diuiduntur, succum acrem, oleagineam materiam et argentum viuum.

XXIV. Cum infra campos et montes sint cauitates aquis plenae, multi quotidie vapores, vsque ad exteriorem camporum superficiem atque ad summa montium iuga perueniunt; vbi frigore succedente torpescunt, et amissa vaporis forma rursus in aquam vertuntur, et hinc origo fontium repetenda.

XXV. Semper tanta quantitas aquae a mari versus radices montium redit per meatus patentissimos, quanta ex montibus egreditur. Hinc mare ex fluminibus non augetur.

XXVI. Exhalationum particulae tenuissimae, et ita celeriter agitantur, ut in oleum verti nequeant, si forte in rimas et cauitates terrae magna copia affluant, pingues ibi et crassos fumos componunt, ac deinde, si quae forte ignis scintilla in illis cauitatibus excitetur, protenus illi accenduntur, atque subito rarefacti, omnes carceris sui parietes magna vi concutiant, praesertim cum multi spiritus ipsis sunt admisti, et ita oriuntur terrae motus.

XXVII. Particulae terrestres, cuiuscunque sint magnitudinis aut figurae, cum singulae seorsim primi elementi motum sequuntur, ignis formam habent, ut etiam habent aeris formam, cum inter globulos secundi elementi volitantes eorum agitationem imitantur.

XXVIII. Ut autem ignis alicubi excitatur, debent aliqua vi expelli globuli coelestes, ab interuallis nonnullarum partium terrestrium, quae deinde ab inuicem disiunctae atque in sola materia primi elementi natantes, celerissimo eius motu rapiantur et quaquaversus impellantur.

XXIX. Particulae in meatibus corporum terrestrium ex materia primi elementi efformatae non modo variarum attractionum, quales sunt in electo et magnete, sed et aliorum innumerabilium et admirandorum effectuum causae esse possunt.

XXX. Humana anima, etsi totum corpus informet, praecipuam tamen sedem habet in cerebro, in quo solo non modo intelligit, et imaginatur, sed etiam sentit: hocque opere neruorum, qui fili instar a cerebro ad omnia reliqua membra protenduntur, iisque sic annexi sunt, ut vix vlla pars humani corporis tangi possit, quin hoc ipso moueantur aliquot neruorum extremitates per ipsam sparsae, atque earum motus, ad alias

*Hist. philos. Tom. V.*

Ss

eorum

eorum neruorum extremitates in cerebro circa sedem animae collectas transferatur \*. Motus autem, qui sic in cerebro a neruis excitantur, animam siue mentem intime cerebro coniunctam diuersimode afficiunt, prout ipsi sunt diuersi. Atque hae diuersae mentis affectiones siue cogitationes ex istis motibus immediate consequentes sensuum perceptiones, siue, vt vulgo loquimur, sensus appellantur.

XXXI. Horum sensuum diuersitates primo ab ipsorum neruorum diuersitate, ac deinde a diuersitate motuum, qui in singulis neruis fiunt dependent.

XXXII. Sunt autem septem sensuum diuersitates, quarum duae pertinent ad sensus internos, aliae quinque ad externos.

XXXIII. Nerui qui ad ventriculum, oesophagum, fauces aliasque partes internas, explendis naturalibus desiderijs destinatas, protenduntur, faciunt vnum ex sensibus internis, qui appetitus naturalis vocatur.

XXXIV. Neruuli qui ad cor et praecordia, quamuis perexigui sint, faciunt alium sensum internum, in quo consistunt omnes animi commotiones siue παθήματα et affectus \*\*. Hinc ex dilatatis neruulis affectus iucundi, ex constrictis et non satis dilatatis tristes affectus oriuntur.

XXXV. Distinctae cogitationes, quas habemus de iis, quae amplectenda sunt, vel optanda vel fugienda, toto genere ab istis affectibus distinguuntur.

XXXVI. Sensuum externorum quinque, propter tot diuersa obiectorum genera numerantur.

XXXVII. Nerui in vniuersi corporis cutem desinentes a quibuslibet terrenis corporibus tangi possunt, et ab illis integris moueri; quotquot vero diuersis modis vel mouentur, vel a motu suo ordinario impediuntur, tot in mente diuersos sensus excitant, ex quibus tot tactiles qualitates denominantur.

XXXVIII. Cum isti nerui solito vehementius agitantur, sed ita tamen, vt nulla laesio in corpore inde sequatur, hinc fit sensus titillationis, menti naturaliter gratus; si vero aliqua laesio inde sequatur, fit sensus doloris.

XXXIX. Alii nerui per linguam et partes ei vicinas sparsi, ab eorundem corporum particulis ab inuicem disiunctis, et simul cum salua in ore natantibus, diuersimode mouentur, prout ipsorum figurae sunt diuersae, sicque diuersorum saporum sensus efficiunt.

XL. Duo etiam nerui siue cerebri appendices extra caluariam non exsertae, mouentur ab eorundem corporum particulis disiunctis, et in aëre volantibus, non quidem quibuslibet, sed iis, quae satis subtiles ac simul satis viuidae sunt, vt in nares attractae per ossis spongiosi meatus vsque ad illos

\*) Prolixius hanc sensuum explicationem vrget in Dioptric. c. IV. §. 1. seqq. p. 53. seqq.

u) Fusc haec explicat in tr. de Passionibus animae.

los nervos perveniant, et a diversis eorum motibus fiunt diversorum odorum sensus.

XLII. Duo atque nervi in intimis aurium cavernis reconditi excipiunt tremulos et vibratos totius aëris circumiacentis motus. Aër enim membranam tympani concutiens, subiunctam trium ossiculorum catenulam, cui isti nervi adhaerent, simul quatit, atque ab horum motuum diversitate diversorum sonorum sensus oriuntur.

XLIII. Denique nervorum opticorum extremitates tunicam, retinam dictam, in oculis componentes non ab aëre, nec a terrenis ullis corporibus ibi moventur, sed a solis globulis secundi elementi, unde habetur sensus luminis et colorum \*.

XLIV. Anima non quatenus est in singulis membris, sed tantum, quatenus est in cerebro ea, quae corpori accidunt in singulis membris, nervorum ope sentit.

XLV. Talis est nostrae mentis natura, ut ex eo solo quod quidam motus in corpore fiant, ad quaslibet cogitationes, nullam istorum motuum imaginem referentes possit impelli, et speciatim ad illas confusas, quae sensus, siue sensationes dicuntur.

XLVI. Nihil a nobis in obiectis externis deprehenditur sensu, praeter ipsorum figuras, magnitudines et motus.

XLVII. Cum itaque ea sit animae nostrae natura, ut diversi motus locales sufficiant ad omnes sensus in ea excitandos, experiamurque illos reipsa, varios sensus in ea excitare, non autem deprehendamus quicquam aliud, praeter eiusmodi motus, a sensuum externorum organis ad cerebrum transire: omnino concludendum est, non etiam a nobis animadverti ea, quae in obiectis externis sensibilibus qualitatibus, vel etiam formarum substantialium nominibus indigitamus; nec esse quicquam aliud quam istorum obiectorum varias dispositiones, quae efficiunt, ut nervos nostros variis modis movere possint.

XLVIII. Dantur particulae corporum insensibiles, quarum figurae et motus ex simplicissimis et maxime notis principiis determinandi sunt.

§. LII. Haec in principiis philosophiae statuit Cartesius. Subiicienda iis pauca, quae de passionibus hominum nova dixit in peculiari tractatione: *Cartesii dogmata de passionibus animae.*

I. Quicquid fit, aut recenter accidit, dicitur passio, respectu subiecti cui accidit, et actio, respectu illius qui in causa est, ut contingat.

II. Non datur ullum subiectum, quod in animam nostram agat magis immediate, quam corpus cui iuncta est, hinc quod in ea est passio, in hoc actio est.

III. Calor et motus membrorum procedunt a corpore, et cogitationes ab anima, non vero dare potest anima motum et calorem corpori.

SS 2

IV. Viui-

\*) Conf. Dieptr. c. 3. p. 53.

IV. Viuidiores et subtiliores omnes partes sanguinis, quas calor in corde rarefacit, ingrediuntur indefinenter et maxima cum copia cavitates cerebri; et hae componunt spiritus animales, qui in cerebro separantur ab aliis sanguinis partibus minus subtilibus. Sunt itaque hi spiritus corpora, sed tenuissima, et quae mouentur celerrime.

V. Sola causa omnium motuum membrorum est, quod quidam musculi contrahantur, et qui ex aduerso respondent, iis extendantur. Causa autem quare hic musculus potius contrahatur, quam qui illi opponitur, est quod ad eum confluant paulo plures cerebri spiritus, quam ad alium.

VI. Oriuntur autem isti spirituum animalium motus, praeter actionem animi, ex varietate motuum qui excitantur in organis sensuum per ipsorum obiecta, et ex inaequali agitatione eorum spirituum, et varietate partium quibus constant.

VII. Possunt autem omnia membra moueri per obiecta sensuum, et per spiritus absque opera animae.

VIII. Nihil itaque restat quod tribuamus animae, exceptis cogitationibus nostris.

IX. Eae duorum generum sunt, quaedam sunt actiones, aliae passionnes siue affectus.

X. Actiones sunt omnes nostrae voluntates, quia experimur eas directe venire ab anima nostra, et videntur ab illa sola pendere.

XI. E contrario passionnes animae sunt omnes species perceptionum siue cogitationum, quae in nobis reperiuntur. *Πᾶτον ψεύδος* hanc diuisionem operationum mentis humanae esse Cartesio in delineanda natura affectuum dudum obseruatum est viris doctis, inter quos Cartesianam pathologiam strictim enarravit et examinavit CHRISTIAN. THOMASIVS. Cum enim non in voluntate modo, sed in intellectu quoque percipiamus agere animam atque pati, non potuit non a vera via aberrare Cartesius, qui mechanismi amore illectus omnem affectuum considerationem ad motus mechanicos retulerat, cum nihil in iis remanere menti praeter perceptiones passiuas decerneret. Quo fundamento euerso, eo quod in affectibus non pati modo sed et agere mentem sentiamus, tota pathologia Cartesianae corruit.

XII. Voluntates nostrae sunt duplices; quaedam sunt actiones animae, quae in ipsa anima terminantur; e. c. amare Deum; aliae, quae terminantur ad nostrum corpus, ut est voluntas mouendi corpora.

XIII. Perceptiones nostrae etiam sunt duarum specierum; et quaedam animam pro causa habent, aliae corpus. Illae sunt perceptiones nostrarum voluntatum, et omnium imaginationum aut aliarum cogitationum, quae ab ea pendent: quae tamen licet passionnes sint, attamen denominatione a nobiliori petita actiones dicuntur.

XIV.

y) In *Præxi ethicæ* c. 2. §. 30 - 41. p. 58. seqq.

XIV. Perceptiones, quae fiunt in consideratione rei quae non est, vel quae solummodo intelligibilis est, pendent praecipue a voluntate et magis actiones quam passiones sunt. Aliae vero, quae pro causa habent solum corpus, nempe spiritus diuersimode agitados passiones sunt.

XV. Perceptiones quae referuntur, ad res extra nos positas, scilicet ad obiecta sensuum nostrorum, producuntur ab his obiectis, quae excitando quosdam motus in organis sensuum externorum, excitant quoque nonnullos motus opera neruorum in cerebro, qui efficiunt, ut anima illa sentiat.

XVI. Sunt etiam perceptiones, quas ad corpus, aliaeque, quas ad animam nostram referimus.

XVII. Passiones animae sunt perceptiones, aut sensus, aut commotiones animae, quae ad eam speciatim referuntur, quaeque producuntur, conseruantur et corroborantur per aliquem motum spirituum.

XVIII. Anima est vnita omnibus corporis partibus coniunctim; eius autem functiones maxime exercentur in cerebro, non vero toto: sed in certa quadam glandula admodum parua, sita in medio substantiae ipsius, quae pinealis dicitur. Et hanc praecipuam animae sedem esse cognoscimus inde, quia omnes partes cerebri duplices sunt, vna autem cogitatio, quae in vna sede debet vniri, qualis sola illa glandula est. In corde autem esse nequit, quia alteratio cordis ex passione sequens non sentitur, nisi opera neruuli, qui ex cerebro in illud descendit.

XIX. Hinc intelligi potest, quomodo anima et corpus agant inuicem, nempe anima ex hac sede radios emittit per reliquum corpus, opera spirituum, neruorum, et ipsiusmet sanguinis, et tenuia filamenta nostrorum neruorum ita distribuuntur per singulas eius partes, ut occasione diuersorum motuum, qui ibi excitantur ab obiectis sensibilibus aperiant varie poros cerebri, quo fit, ut spiritus animales ingrediantur musculos. Glandula ista quoque et a spiritibus potest varie moueri et ab animae perceptionibus, vnde spiritus deinde per neruos in musculos deducuntur.

XX. Potest autem eadem causa excitare diuersas passiones in variis hominibus, quia non omnia cerebra eodem sunt disposita modo, ut motus glandis eandem perceptionem efficiat, motusque spirituum eosdem

XXI. Praecipuus effectus in hominibus omnium passionum est, quod incitent et disponant eorum animas ad volendum ea, quibus sua corpora praeparant.

XXII. Voluntas adeo libera est sua natura, ut nunquam possit cogi: hinc omnis actio animae in eo consistit, quod eo ipso solo, quod vult, efficit, ut glandula, cui arctissime coniuncta est, se moueat modo conuenienti ad producendum effectum, qui huic voluntati respondeat.

Ss 3

XXIII.

a) Finnt autem haec, secundum Cartesium non per influxum corporis in animam, sed per assisten-

tiam, ut supra iam dictum, et ex Meditationibus patet.



XXIII. Cum anima vult recordari alicuius rei, haec voluntas efficit, ut glans sese inclinans successiue horsum et illorsum, impellat ad partes varias cerebri spiritus, usque dum inuenerit eam, in qua sunt vestigia, quae reliquit obiectum, cuius volumus recordari.

XXIV. Si cum Imaginari volumus aliquid, quod nunquam vidimus, haec voluntas vim habet mouendi glandem modo conueniendi ad impellendos spiritus versus eos poros cerebri, quorum apertione hoc potest repraesentari. Ita dum mouere volumus corpus nostrum, haec voluntas efficit, ut glans impellat spiritus animales ad musculos, qui huic rei inferuiunt.

XXV. Passiones nostrae nequeunt directe excitari vel auferri per actionem nostrae voluntatis, sed demum indirecte, per repraesentationem rerum, quae solent iungi passionibus, quas habere volumus, et quae contrariae sunt iis, quas nolumus reiicere.

XXVI. Vna homini inest anima, quae et sensitua est et rationalis: est itaque conflictus inter partem superiorem et inferiorem animae nihil aliud, quam lucta inter motus, quos corpus per suos spiritus et anima per suam voluntatem simul excitare annuntur in glande.

XXVII. Ex euentu horum conflictuum quisque potest cognoscere robur aut debilitatem suae animae, nam illi, in quibus naturaliter voluntas facilius potest vincere passiones et sistere motus corporis, qui eas oomitantur, habent animas fortiores. His arma propria sunt, iudicia firma et determinata de cognitione boni et mali, secundum quae decreuerunt actiones vitae suae dirigere. Et animae omnium maxime imbecilles sunt, quarum voluntas non ita se determinat, ad sequenda certa quaedam iudicia, sed se patitur semper abduci, a praesentibus affectibus.

XXVIII. Non autem sufficit animae vis absque cogitatione veritatis.

XXIX. Nulla tam imbecillis est anima, quae non possit, cum bene dirigitur, acquirere potestatem absolutam in suas passiones.

XXX. Passiones omnes possunt excitari ab obiectis, quae mouent sensus, et haec obiecta sunt earum causae frequentiores et magis principales.

XXXI. Affectus varios in nobis excitant obiecta, quae mouent sensus, non ratione omnium varietatum quas habent, sed solum ratione variorum modorum, quibus nobis vel prodesse vel nocere, aut in genere ad nos spectare possunt.

XXXII. Vfus omnium passionum in eo solo consistit, quod disponant animam, ad res eas expetendas, quas natura nobis dicat esse utiles, et persistendum in ea voluntate; prout etiam eadem agitatio spirituum, quae solet eas producere, disponit corpus ad motus, qui inferuiunt earundem rerum executioni.

XXXIII. Admiratio, quae eo quod nouum et valde differens, ab eo, quod antea noueramus, percellitur, prima videtur esse omnium passionum.

Valde

Valde vapulat Cartesius moralis philosophiae scriptoribus, quod inter affectus, qui commotiones voluntatis nostrae, ipso non diffidente, sunt, admirationem retulerit, quae non nisi ad intellectus iudicium referri potest, adeoque naturam affectus minime habet.

XXXIV. Admirationi iuncta est existimatio vel contemptus, unde oriuntur passiones magnanimitatis et humilitatis.

XXXV. Cum magni facimus vel parvi obiecta, quae consideramus ut liberas causas capaces bene vel male agendi, oritur veneratio vel despectus. Et haec quidem passiones possunt excitari, ut nullo modo deprehendamus, utrum obiectum quod excitant, sit bonum vel malum.

XXXVI. Cum aliquid ut bonum respectu nostri id est, ut nobis conveniens repraesentatur, id sui amorem, malum, odium excitat.

XXXVII. Ab eadem consideratione boni et mali nascuntur ceterae passiones, quae secundum tempora distinguuntur.

XXXVIII. Si possumus sperare et metuere, licet eventus rei expectatae a nobis nullo modo pendeat, procedit inde animi fluctuatio, qua disponimur ad deliberandum et consultandum. Etiam in hac assertione confudit Cartesius operationem intellectus, cum actione voluntatis. Is enim fluctuat, qui de nexu idearum certus non est, nec assensum dare potest. Verum vix aliter ratiocinari poterat Cartesius, cum semel statuisset, quicquid actuum in mente est, non ad intellectum, sed ad voluntatem pertinere.

XXXIX. Consideratio praesentis boni excitat in nobis gaudium, praesentis mali tristitiam.

XL. Bonum, quod a nobis ipsis praestitum fuit, dat nobis acquiescentiam internam, quae omnium aliarum passionum dulcissima est. Aut confundit in hac assertione animi tranquillitatem siue *εὐθυμία*, cum laetitia, aut perperam in affectuum siue commotionum animae numero id ponit, quod illarum finis et status contrarius est.

XLI. Non dantur nisi sex primitivae passiones, nimirum, admiratio, amor, odium, cupiditas, laetitia et moeror: caeterae omnes ex his componuntur.

XLII. Admirationis causa est in solo cerebro, reliquorum etiam in corde, in liene, in iecore, et in omnibus aliis partibus corporis, quatenus inserviunt productioni sanguinis, et deinde spirituum.

XLIII. Languor est dispositio, ad relaxationem et cessationem omnis motus, quae sentitur in omnibus membris, induciturque a passionibus violentis, et tendit tandem in animi deliquium. Satis prodidit Cartesius, de tremore, languore, lipothymia, risu, lacrymis etc. fuse differendo magis se ad physicam quam moralem indolem affectuum respexisse. Unde recte nonnullis iudicatum, tractationem hanc de passionibus animae magis ad physicam quam ethicam Cartesianam esse referendam. Certe quae prolixè de motibus passionum in corpore disputat, physica tantum sunt, et animae functiones non tangunt.

XLIV.

a) Id ex P. III. art. 190. satis clare patet.

XLIV. Passiones secundum institutum naturae referuntur omnes ad corpus, nec animae imputantur, nisi quatenus corpori iuncta est: adeo ut earum usus naturalis sit incitare animam, ad consentiendum et contribuendum iis actionibus, quae inferuire possunt conservando corpori aut illi aliquatenus perfectius reddendo.

XLV. Quamvis usus passionum sit maxime naturalis, non semper tamen bonus est, cum multa sint corpori noxia, quae nullam ab initio tristitiam, immo quae aliquam laetitiam praebent; et alia dentur ipsi utilia, quamvis primo obtutu incommoda et tristitia sint. Bona et mala quoque multo maiora repraesentantur quam sunt. Idcirco experientia uti debemus et ratione ad distinguendum bonum a malo, et eorum iustum valorem cognoscendum, ne vnum pro alio sumamus, aut quidpiam cum excessu sectemur. Maior usus redundat ad animam.

XLVI. Quae nullo modo a nobis pendent, quantumvis bona queant esse, nunquam feruide appetenda sunt, quia occupando nostras cogitationes abducunt studium nostrum a rebus aliis, quarum acquisitio pendet a nobis.

XLVII. Saepe itaque debemus reflectere ad divinam providentiam, et cogitare, impossibile esse, aliquid evenire alio modo, quam ab aeterno ea determinavit, ut illa sit instar fati vel immutabilis necessitatis, quae opponenda est fortunae, ad eam subruendam, ut chimaeram, quae non aliunde, quam ex errore intellectus nostri provenit.

XLVIII. Quia maior pars cupiditatum nostrarum sese extendit ad res, quae totae a nobis non pendent, nec totae ab aliis debemus exacte distinguere in illis, quod non nisi a nobis pendet, ut ad id solum nostram cupiditatem protendamus<sup>b</sup>.

XLIX. Quoad residuum et si eius successum censere debeamus fatalem et immutabilem, nec citra illud se occupet nostra felicitas, considerandae tamen sunt rationes, ex quibus plus vel minus sperari possit, ut inferuiant dirigendis nostris actionibus.

L. Ita vero cupiditas nostra in eo debet expleri, cum eam sequuti fuerimus, quicquid inde mali nobis obuenerit, quia cum hoc malum fuerit respectu nostri inevitabile, nulla subsuit causa optandi, ut ab illo eximeremur, sed solummodo id faciendi, quod optimum intellectus noster potuit cognoscere.

LI. Nostrum bonum et malum pendet praecipue a commotionibus internis, quae non nisi ab ipsa anima in ea excitantur: in quibus differunt ab his passionibus, quae semper pendent a quodam motu spirituum. Id quod ex laetitia intellectuali intelligi potest, quam etiam ex passionibus tristibus capimus.

LII.

<sup>b</sup>) Haec Stoica esse, et Stoico fundamento de fati necessitate inniti, vel ex vno EPICUREI Enchiridio patet. Recteque observatum LXXII.

WIZIO Epp. Vol. IV. p. 37. plurimum favere Cartesium Stoicis.

LII. Omnes tumultus, qui aliunde veniunt, nullam vim habent nocendi animae nostrae, modo semper satis habeat apud se, unde contenta sit, sed potius augeat eius laetitiam. Ut autem anima nostra ita contenta sit, nihil aliud debet, nisi virtutem sectari.

LIII. Quicumque ita vixit, ut conscientia sua ei exprobrare nequeat, ipsum nunquam neglexisse ea facere, quae meliora iudicauerit, is virtutem sectatus est, et inde percipit satisfactionem, quae tam potens est ad eum felicem reddendum, ut violentiores motus affectuum nunquam sat habeant virium ad turbendam tranquillitatem animae ipsius.

LIV. Omnes passionibus natura sua bonae sunt, nihilque nobis vitandum ex illis praeter earum prauos usus aut excessus.

LV. Remedium generale contra omnes excessus affectuum est, quod ubi sentitur sanguinis commotio, praemoneri et meminisse oporteat, omnia quae sese imaginationi offerunt non alio spectare, quam ad animae deceptionem: cum itaque passio ea demum persuadet, quorum executio dilationem patitur, abstinendum a ferendo de illis exemplo iudicio, et alio vertendae sunt cogitationes, donec tempus et quies plane sedauerint commotionem quae est in sanguine. In actionibus autem, de quibus consilium sumendum ex arena, debet voluntas ferri ad rationes contrarias passioni.

LVI. Delectationes animae cum corpore agentis pendent plane ab effectibus.

LVII. Et si bestiae ratione careant, et forte omni cogitatione omnes tamen motus spirituum et glandis, qui excitant in nobis passionibus, in illis quoque sunt, et inferuiunt conseruandis et confirmandis, non ut in nobis, affectibus, sed motibus nervorum et muscutorum, qui eos comitari solent.

Etiam hoc inter singularia Cartesii dogmata est, bruta non nisi machinas corporeas esse, et similitudine tantum nonnullas animae operationes effingere. Quod tamen non primus excogitavit, sed ante eum iam venditavit scriptor Hispanus *παράδοξολογος* GOMEZ PEREIRA, in *Margarita Antoniana*, unde a nonnullis plagium ei obiectum, ut observatum P. BAYLIO. Ast forte praeter rem; ipsa enim cogitationis natura siue substantia cogitans, quam homini tribuit, et ex qua immaterialitatem et immortalitatem animae derivavit, pati non potuit, ut animam immateriali brutis adscriberet, quam hos effectus edere non posse, et plane impossibilem esse inde sequebatur, unde recte concluditur, ut systematis hanc ei thesin enatam esse. Ita enim coactus est, bruta pro meris nudisque machinis habere, licet aliquo loco <sup>c</sup> probabilitatem tantum opinioni suae asserat. Secuti sunt magistrum magno numero sectatores Schuylius, Le Grand, Cordemaeus, Rohaltius, Poissonius, Geulincxius, quorum loca notat P. BAYLE <sup>f</sup>. Fatendum tamen opinionem, quae parum probabilitatis

c) P. I. art. 50. p. 21. Quae fusa repetit de Methodo p. 47. et in epp. P. I. ep. 54. p. 107. ep. 67. p. 122. P. II. ep. 2. p. 6.

*Hist. philos. Tom. V.*

d) Dict. T. III. art. Pereira p. 650.

e) Ep. 67. ad Henr. Mor. p. 122.

f) L. c. et art. Rotarius not. D.

titatis habet, et paralogismo nititur, deseruisse, saltem suspectam habuisse Cartesianos nonnullos, interque eos, præter Craanium, Medicum, Leidensem; ipsum REGISIVM<sup>b</sup> qui maluit ἐπεχέειν. Qui autem Cartesium refutasse videri voluit Iesuita PARDIES<sup>i</sup>, defendisse potius et rem bonam pessime egisse a fodalibus iudicatus est<sup>k</sup>. Specioso tamen argumento non metaphysico tantum, quod a natura cogitationis humanae menti propria deriuauit Cartesius, sed physico quoque ab artificiosissima organorum, sensibus motibusque imprimis inservientium structura, corporumque in eadem organa agentium impulsu desumpto, pro hac thesi Cartesiani pugnant; quibus argumentum ab experientia petatum, et actiones brutorum rationales enarrans, quod post alios<sup>l</sup> HIERONYMVS RORARIUS<sup>m</sup> comfit, aduersarii opponunt, et ad eas brutorum actiones prouocant, quae facultatem res percipiendi, occasione praesentium praeteritas reuocandi in memoriam, et secundum imaginationes agendi, inuoluunt. De quibus tamen hoc loco dispicere pluribus non licet, adeunda autem sunt, quae eleganter differunt doctissimus GEORG. HENR. RIBOVIVS<sup>n</sup>, et qui cuncta strictim, et, more suo, erudite persecutus est Cel. HONN. MANNVS<sup>o</sup>.

*Iudicium  
Leibnizii de  
Cartesio.*

§. LIII. Potiora haec sunt, quae de philosophia rationali, naturali et morali scripta reliquit Cartesius. Discurrit haud raro in epistolis ad alia, sed cum systematico ea nexu non exposuerit, atque inter differendum tantum asseruerit, haud raro sibi non constat, ut vel ex una eius de virtute doctrina incerta et dissona intelligi potest. Quare plura in praesentia, ubi specialem Cartesianae philosophiae historiam non scribimus, non addimus, lampada hanc, multum lucis recentioris philosophiae historiae illaturam aliis relinquentes. Nec prolixa quoque dissertatione post ea, quae fuscè supra attigimus, de pretio, usu et naevis Cartesianae doctrinae agendum esse putamus, cum tantum allatum sit, quantum ad ferendum iustam sufficit sententiam. Addamus tamen viri summi G. LEIBNIZII censuram, eo magis audiendam, quo magis laudandum, esse in Cartesio, quod laude non caret, ast notandum quoque, quod improbandum est, aliquoties<sup>p</sup> monuerit, et hoc pacto aequitatem probauerit. Is de Cartesio eiusque conatibus philosophicis ita differit: „Subiiciam nonnulla, quae mihi inter cogitata Cartesio ipsi debita imprimis laudanda videntur. In metaphysicis argumenta Scepticorum ad bonum „vsum

g) BAYLE I. c. conf. quae de hac lite notat. Nouvelles de la rep. des lettres 1684. p. 19.

h) Inst. phil. L. VII. P. II. T. V. p. 126.

i) De la connoissance des bêtes.

k) Suite du voyage du monde de Mr. des Cartes pag. 9. 10.

l) BAYLE art. Rorarius.

m) Quod animalia bruta saepe ratione melius utantur homine; edidit libellum G. NAVDAEVS 1645. recudi fecit, G. H. R. 1801 vs Helmst. 1728.

n) In Disp. praemissa libro Rorarii, de anima brutorum.

o) Pneumatolog. c. 5. §. 247. seqq. p. 400. seqq. add. Dissertationes vernaculae nuper a Cl. WINCKELMANNO Lips. 1741. de hoc argumento editae.

p) Leibniziana p. 340. 350. Recueil de philos. T. II. p. 135. Theodicée passim. Epp. Vol. I. ep. 160. 176. 195. 200. Vol. II. p. 123. Vol. IV. p. 14. 39.

q) In Iudicio de Cartesio apud THOMASIVM Hist. Sap. et Stult. T. II. p. 119. et Vol. III. Epp. p. 328. 349.

„vsum praeclare traduxit. In Physicis agnouit materiae partes aliquas  
 „actu subdividi sine fine, item motum seu loci mutationem esse aliquid  
 „in se relatum. Debetur ipsi vorticum a veteribus coeptorum distincti-  
 „or explicatio, et ad philosophiam Gilberti magnetica applicatio.  
 „Tentamentum praeclarum circa aestum maris, explicatio iridis aliorum-  
 „que emphaticorum, et specimen elegans ratiocinandi circa genesin falis.  
 „Et in multis aliis etiam, vbi non assentior, ipsum philosophandi filum  
 „mirifice placet, et sane vix pagina apud eum occurrit, vnde non vtile  
 „aliquid et nouum disci possit; itaque in referendis his sum parior. De-  
 „nique addam aliqua, quae nonnihil offendunt. Quantitatem motus  
 „pro quantitate potentiae motricis accepit et ideo seruandam pu-  
 „tauit. Materiam cum extensione confudit; vnionem seu firmi-  
 „tatem a quiete deriuauit, quae a motu est. Elementa sua, globulos  
 „imprimis, quos vocat, secundi elementi et particulas striatas aliaque si-  
 „milis gratis confinxit et frustra. Vortices creauit immensa celeritate di-  
 „stantiis proportionali. Porro brutis sensum negat, fictorum potius  
 „quam verorum animalium genesin explicat. Et vt ad grauiora veniam,  
 „reiecit argumentum diuinitatis a prouidentia et dignis sapiente finibus  
 „rerum, et pro rationibus captu facilioribus metaphysica sola substituit.  
 „Dubitationem ad ipsas primas assertiones maxime manifestas, nescio quo  
 „consilio produxit, quasi nihil certo sciri possit, nisi supposita Dei exi-  
 „stentia, quod ipsum credidisse, nemo credet, aut quasi veritas ipsa pen-  
 „deat ab arbitrio Dei, ita vt voluntate eius constitutum, trianguli tres  
 „angulos esse duobus rectis aequales. Insinuasse videtur, vnum in re-  
 „bus actorem esse Deum, quo abusus Spinoza, vnam tantum substantiam  
 „in rebus esse voluit, ipsum scilicet Deum hoc est naturam vniuersi, cu-  
 „ius ceterae sint modi materiae. Statuit etiam Cartesius, materiam  
 „omnes successiue formas accipere, ita vt nihil tam absonum fingi possit,  
 „quin tandem aliquando aut alicubi in vniuerso contingat, quod est haud  
 „dubie per consequentiam omnem sapientiae et pulchritudinis rationem  
 „ne dicam prouidentiam tollere: quanquam ipsi hanc consequentiam non  
 „imputem, nec ab ipso animaduersam sperem; aliaque huiusmodi, quae  
 „puto defendi non posse, et nonnihil Spinozae praelusisse.

§. LIV. Examinandam Lectori relinquimus censuram Cartesii Leib-  
 nizianam, quam, caussabuntur, qui pro Gallo philosopho militant, ni-  
 mis virum illustrem suis hypothesebus adaptasse. Illud dubio carere exi-  
 stimamus, multa vidisse Cartesium, vel plane non visa, vel non recte  
 deprehensa ab aliis; multa ab iis, qui antecesserunt accepta longe melius  
 et elegantius tradidisse, ingenium probauisse admodum felix et foecun-

T t 2

dum,

*Desiderata in  
 Cartesii Phi-  
 losophia.*

r) Guil. Gilberto, philosopho Anglo, qui teste Haruae in explorandam magnetis naturam quinquaginta millium impendit, debemus philosophiam nouam de Magnete Amst. 1600. fol. editam, in qua demonstrauit virtutem magneticam

terrestri globo a natura insitam terramque magnum esse magnetem. Huius observationibus innixus esse visus est Cartesius. Conf. I. B. du HAMME de corporum Affect. L. II. c. 6. p. 193.

dum, ratiocinandique solertia ductum plurimum profecisse. Ast fatendum quoque, ad incerta haud raro immo conficta penitus, et nulla verisimilitudine se probantia principia eum confugisse, quin a recta regiaque via incautos lectores deducendo in devia, nulla ratione ex labyrintho emergendi filum suppeditantia, fuisse digressum. Tacemus prima, quae toti philosophiae suae supponit, fundamenta, falsa, vel ficta tamen, ut ipse concessit hypothesei nixa, palatium inaedificatum habere splendidum quidem, ast facile ruiturum. Quod ne onerandae tantum virum inuidiae causa dixisse videamur, omissa iam de dubitatione ab eo inculcata disputatione, de qua supra dictum, ad vnum lepidum dogma prouocamus, quo cunctas rerum naturas non ab intellectu diuino, sed voluntate deriuat. Scribit enim <sup>r</sup>: „Repugnat Dei voluntatem non fuisse ab aeterno indifferentem, ad omnia, quae facta sunt, aut vnquam fient, quia nullum bonum vel verum, nullum credendum, vel faciendum, vel omittendum fingi potest, cuius idea in intellectu diuino prius fuerit, quam eius voluntas se determinarit, ad efficiendum, ut id tale esset. Neque hic loquor de prioritatem temporis, sed ne quidem prius fuit ordine, vel natura, vel ratione ratiocinata, ut vocant, ita scilicet, ut ista boni idea impulerit Deum ad vnum potius, quam aliud, eligendum.“ Ex quo sequitur, omnipotentiam Dei etiam ad contradictoria extendi, libere enim fatetur <sup>s</sup>: *Non opus esse quaerere, qua ratione Deus potuisset ab aeterno facere, ut non fuisset verum, his quatuor esse octo; id a nobis non posse intelligi.* Nec obstat, quod alio loco <sup>t</sup> naturas rerum aeternas et immutabiles esse dixerit: hoc enim respectu hominum, non vero potentiae diuinae eum affirmauisse, ex dissertationis Cartesianae serie elucescit. Ast infirmum hoc esse, et tanti acuminis philosophum indecens, intelliget, quisque vel primas notiones comprehendit; recteque pronunciauit CVDWORTHVS <sup>u</sup>, *pueros tam inficetis et stultis immensam virtutem Dei cogitationibus contaminare, nec decuisse Cartesium, philosophum ceteroquin subtilem et peracutum horum imbecillitatem et delirationem imitari.* Et certe mirandum haud obesa naris virum ad hanc opinionem potuisse delabi, vnde facile nobis persuaderi patimur a IO. CLERICO <sup>v</sup>, cum et sequaces, qui in eandem opinionem consenserunt, propter utilitates quasdam, quas ad se redituras putabant, hanc sententiam propugnasse, et ita loquutos fuisse, ut ne fidem dogmatibus theologicis ecclesiae suae detrudere viderentur: cum enim statuissent, essentiam corporis in extensione esse sitam, id non potuisse cum transubstantiatione conciliare, nisi essentias rerum, diuina potentia, esse mutabiles dixissent. Quamuis hac causa etiam non considerata, certum sit, ineptum praeiudicium, quod supra iugulauius; omnem actionem, et hinc omne quodque

<sup>r</sup>) Respons. ad Obiect. 6. p. m. 139.

<sup>s</sup>) §. 8. p. 141.

<sup>t</sup>) Med. 5.

<sup>u</sup>) Syst. intell. c. V. f. 1. §. 21. p. 767.

<sup>v</sup>) Ontol. c. IV. §. 8. conf. c. XIV. §. 11.



que iudicium non ad intellectum, sed ad voluntatem pertinere, quae liberrima sit, hunc errorem gignere potuisse, ut acute vidit LEIBNIZIVS 7. Quaecunque autem erroneae opinionis causa sit, certe specimen haud leue est, ex quo colligamus, magnum cetera virum suos quoque manes fuisse passum, et talia affirmavisse, quae inter elementa philosophica ferri non possunt.

§. LV. Grauius, quod Cartesio obiicitur, ἔγκλημα quod apud *Cartesius an* multos haud parum infamiae eius nomini alleuit, est atheismus, cui si non *atheismi* directe, indirecte tamen fauisse, in suspicionem a nonnullis adductus *fauor?* est. Et viuo quidem Cartesio impietatem a factione Voëtiana fuisse obiectam, supra in eius vita enarrauimus. Eo autem satis functo non defuerunt, qui Cartesianismum atheismi scholam esse dicerent; praesertim ubi Benedictus de Spinoza Cartesianis definitionibus et hypothesebus ad incrustandum atheismum vsus fuisse videri coepit, qua de re quid inter Ioannem Regium contra Cartesium et Ruardum Andalam pro Cartesio disputatum, supra tetigimus. Calcauit Regii vestigia AVBERTVS DV VERSE 2, quibus addi possunt Spizelius et Osiander apud G. ARNOLDVM 3 et I. F. REIMMANNVM 4, PHILARETVS personatus 5, VALENTINVS GREISSINGIVS 6, et notissimae foeminae Schurmannia et Bourignon 7, ut alios supra ex parte iam nominatos taceamus 7. Absolvere tamen ab hac iniuria Cartesium haud pauci contenderunt, inter quos apologiam pro Cartesio contra Parckerum scripsisse Grandium supra quoque inuimus 8. Sed et tertia virorum doctorum pars est, quae cum probe vidisset, Cartesium Dei existentiam atque discrimen inter corpus et mentem essentiale fundamenti instar ad extruendam nouam, quam meditabatur, metaphysicam vel philosophiam primam adhibuisse, ab atheismi quidem crimine eum liberauit: at reprehendit tamen, talia eum interdum affirmavisse, quibus incaute viam impietatis patronis strauit, quaeque frigidam illis suffundere apta sunt. Ita de Cartesio statuisset magnos viros, Morum, Cudworthum, Leibnizium, ex supra dictis constat. Addi his possunt, qui de religione, scepticismo, et atheismo Cartesio obiecto erudite disseruerunt RITTERVS, FEVERLINVS, BECKHERVS 9 alii. Nobis, si more nostro sententia dicenda, omnes aequitatis leges migrarunt, qui atheismi data opera incrustati eum accusarunt, cum contrarium meditationes eius legentibus sit manifestissimum. Tolle enim existentiam DEI, tolle essentiale inter corpus atque mentem discrimen,

T t 3

annon

y) Theodicæ P. II. §. 185.  
 z) Impie conuincit, conf. BAYLE Lett. T. I. p. 190. ed. Marshand.  
 a) Hist. eccles. et haeret. P. II. L. XVII. c. 20. p. 504.  
 b) Hist. atheismi p. 413.  
 c) In Dedic. ethicae Geulingii.  
 d) Exerc. duobus de Atheismo contra Cartesium et Matth. Krauzen Witteb. 1677. 8.

e) Conf. BAYLE Dict. T. I. p. 649.  
 f) Conf. laudati STOLLIO Hist. lit. P. II. c. 3. §. 28. p. 597.  
 g) Conf. nominati REIMMANNO l. c.  
 h) Il. cc. add. MORHOF. Polyhist. T. II. p. III. seqq. BVDDEVS de Atheismo c. I. p. 152. GVIL. DEHNAM Theol. phys. L. V. c. I. p. 385.



annon tota peribit philosophia Cartesii? Nec illi quoque audiendi esse videntur, qui propter physiologiam ex folis mechanismi legibus extructam hanc ei turpem notam inurunt. Quamvis enim melius forte fecisset, si ad causam quoque efficientem rationalem eiusque fines respexisset, causam tam materialem tantum, considerando peccare in Deum eo minus potuit, quo minus mechanismus ab eo suppositus constare potest, nisi supponatur, certam motus quantitatem a Deo materiae inditam, certisque legibus eum motum alligatum esse. Ast quamvis haec ita se habeant, et ex atheorum clandestinorum numero sit expungendus, dolemus tamen non malo quidem scopo, at inaduerterentia quadam nonnulla asseruisse Cartesium, quae a profanae mentis philosophis non adhiberi modo in impietatis patrocinium possunt, sed et adhibita quoque ex parte sunt. Qualia sunt, scepticorum dubia maxima vi instructa, sensuum fallacia usque ad absurdum extensa, veritates primae certae, et naturae suae evidentes dubitationi obiectae, potentia DEI ad contradictoria relata, actionis omnis causa vera ad vnum Deum restricta, essentia spiritus in cogitatione posita, confusa rerum essentia cum modis essentialibus, aliaque. Quarum tamen assertionum consequentias ab atheismi fautoribus impie in usum traductas cum non praeuiderit, multo minus intenderit Cartesius, ignoscendum ei magis hoc esse, quam exprobrandum, aequus quilibet facile concefferit. Ceterum non nihil fanaticismi in Cartesii philosophia quoque occurrere illis videri oportet, qui cum Pythagorae et Platonis placitis eam comparauerunt. Obseruauit id praeter CVDWORTHVM<sup>i</sup>, ο πᾶν LEIBNIZIVS<sup>k</sup>, monuitque dogmata eius methaphysica circa ideas a sensibus remotas, et animae distinctionem a corpore, et fluxam per se rerum materialium fidem prorsus Platonica esse. Addi his forte possent plura, nisi satius esset ab eiusmodi comparatione abstinere. Non omittendum tamen Cartesium, dum actionem omnem ad Deum velut causam vnicam et immediatam refert, occasionem dedisse, ad quendam entusiasmum digrediendi. Quod qui negat, eum vel systema causarum occasionalium, vel hypotheses alias Mallebranchianas, praecipue de origine idearum animo meditari atque expendere iubemus. Adeo in rebus humanis nihil est ab omni parte beatum perfectumque.

i) l. c. p. 192.

k) Memorabile, quod refert LEIBNIZIVS in Diss. de Stilo phil. Nizolio praemisso, et Epp. Vol. II, p. 106. habere se ex narratione doctissimorum virorum, ipsum illum magnum Cartesium non mediocriter confusum fuisse, quum esset ei

monstratum, complura eius philosophemata, quae nouiter inuenta putabat in Platone et Aristotele quorum tamen ille contemptum praeferebat, tum in naturalibus, tum in ciuilibus tradita clare, contineri cf. Vol. IV. p. 48.



CAPVT OCTAVVM.  
DE GODOFREDO GVILELMO  
LEIBNIZIO.

§. I.

**P**roduximus haecenus in scenam viros summos quos emendandae *Germaniae* philosophiae genuit Italia, Anglia, Gallia, quove euentu in for- *industria in* mandis veris eius vultibus sedulitatem atque ingenium probaue- *excolenda* rint, pro instituti modo enarrauimus. Restat Germania nostra, quae *philosophia* *eclectica.* tantae felicitatis, quantam vera de rebus ad cognitionem humanam pertinentibus cura promittit, memor serius quidem, quam reliquae Europae regiones, at satis eleganter exoptatoque successu in restituenda philosophia eclectica defudauit. Cui par tanto conatui largita est prouidentia diuina ingenium, GODOFREDVM GVILELMVM LEIBNIZIVM; quem si reliquis, quos vnquam orbis literarius produxit, heroibus addumeremus, et inter maximos aetatis recentioris viros collocemus, nihil faciemus, quod non recte nos fecisse, et ciuitatis eruditae consensus, et sequens viri summi demonstrabit historia. Tanta enim tamque ingentia sunt viri famigeratissimi, et non *πολυζωρίας* tantummodo laude celebrissimi, sed matheseos quoque et philosophiae cognitione admirandi meriti, vt quantum ex eo ornamenti ad patriam, quantum vtilitatis ad literas omnes, maxime ad philosophiam, et quae cum ea conspirat mathematicam disciplinam accesserit, nemo ignoret, qui non rerum in orbe erudito gestarum plane rudis est atque hospes. Is cum post Cartesium novam philosophiae faciem valde memorabilem effinxerit, inter restauratores philosophiae eclecticae suo iam merito est enarrandus.

§. II. Tanta cum laude artibus propemodum et disciplinis omnibus illustrandis, augendis, emendandis per totam septuaginta annorum vitam infudauit illustris Leibnizius, vt et viuus ignoraretur a nemine, de *Scriptores historiae Leibnizianae.* scientiarum fatis curioso, et post fata non deessent, qui viri summi historiam, meritaque de literis commentariis exponerent. Quod saxum voluendum sibi delegerat ipse Leibnizius, qui ad PELLISSONIVM historiam vitae, morum, laborum et cogitationum transmisit, quam in vulgus non exiisse eo magis dolemus, quo magis in explorandis ingenii animique viribus atque moribus maximam vir summus perspicaciam probauit, in epistolis autem ad amicos scriptis luculenter prodidit, eam sibi *φιλανθρωπίας* vim atque imperium non inesse, quod vel veritati officeret, vel inanem ipsi gloriae sine meritis affectationem commendaret. Fatis functus, cum maximum sui desiderium reliquisset in eruditorum animis vir incomparabilis,

a) Vid. PELLISSON Lettres de la tolerance p. m. 319.

bilis, nonnullorum in eo versata est industria, ut biographiam eius luci publicae sistendo illud aliquatenus lenirent, et quid in eo amiserint literae, quantisque per eum accessionibus auctae fuerint, accurate docerent. Fecerunt id, fatis erepto Leibnizio, plerique, qui commentarios de rebus literariis, tum edidere: laudabili exemplo praeunte, quae nostri patria fuit Lipsia, in quo bonarum mentium optimarumque scientiarum emporio, post *Nova literaria*<sup>b</sup>, singulis hebdomadibus vulgari solita praestantissimi *Actorum eruditorum* collectores<sup>c</sup> Leibnizianam memoriam, condito ex more elogio immortalitati consecrarunt. Qui cum scire res magni viri potuerint, quocum familiariter vixerunt, et prolixo quoque eas exponendi occasionem habuerint, nobis ante omnes duces eligendi sunt, ut, quis in orbis literati theatro fuerit Leibnizius intelligi possit. Quamvis enim prolixiora dare et ex instituto summi mathematici et philosophi historiam conscribere susceperint VV. CC. SEBASTIANVS KORTHOLTVS<sup>d</sup>, IO. GEORGIUS ECKARDVS<sup>e</sup> et DANIEL EBERHARDVS BARINGIVS<sup>f</sup>, nihil tamen haecenus eorum lucem vidit. Secuti sunt acta eruditorum scriptores ephemeridum literariarum<sup>g</sup> et alii, certatim in id conitentes, ut defuncti memoriae iusta soluerent et nominis eius gloriae calamos suos dicarent. In quo tamen pietatis et humanitatis officio nemo superasse censi potest, elegantissimae eruditionis virum BERNARDVM FONTENELLIVM. Cum enim diu academiae scientiarum, quae regiis auspiciis Parisiis floret, membrum fuisset Leibnizius, atque ex more laudatissimo eius ad lares meliores translata vita, merita, laudes in confesso academiae essent enarrandae, instructus notitia de tanto viro ab Eccardo Leibnizii familiari vir saeundissimus, elegantissimum herois incomparabilis elogium anno clocccxvii, Id. Nou. recitavit. Quod cum plausu omnium exceptum *Historiae illustris societatis* a se conditae inseruisset Fontenellius, nostris quoque hominibus vernacula legendum traditum et *Theodicae Leibnizianae*<sup>h</sup> cum observationibus nonnullis adiectum est. Cuius editio cum recuderetur, adiectae sunt annotationes tum ab Eccardo, tum ab anonymo, quem Baringium esse, verisimillimum viris doctis<sup>i</sup> visum est. Quamvis autem ab homine familiari, rerumque Leibnizii peritissimo memoriae istae profectae sint, quibus usus est Scriptor Gallus, dolendum tamen, et elogii indolem obstitisse Fontenellio, quo minus iustam tanti viri historiam conderet, et relationes nonnullas suspectas, quasdam falsas esse. Tacemus alios, qui vitam Leibnizianam pro scopo instituti sui tetigerunt, quod post IO. FABRICIVM<sup>k</sup>, IOACHIMVM FRIDERICVM FELLERV<sup>l</sup>, CHRISTIA-

NVM

b) 1717. p. 369.

c) 1717. Jul. art. 12. p. 312. seqq.

d) *Nova lit. Lipf.* 1719. p. 80. Is imitaturus erat Cassendianam vitam Peirescii.

e) Elogium FONTENELLII. l. c. de quo tamen dubitat anonymus observator ad h. l.

f) *Nou. lit.* 1723. p. 374.g) *Journal des Savans* 1717. Dec. art. 5. Europe

savante 1718. Nou. art. 7. Mem. de Trevoux 1721. art. 3.

h) p. 142. seqq.

i) Cl. LUDOVICI l. citando c. l. §. 4. p. 4.

k) *Hist. bibl. suae* Vol. I. p. 317.

l) Is Otio Hannoverano additiones ad vitam Leibnizii in A. E. enarratam praemisit. Fuit autem is quoque ex familiaribus Leibnizii.

NVM GRVNDMANNVM ", FRID. GENTZKENIVM ", IAC. FRID. REIMMANNVM ", THEOPH. STOLLIVM ". Germanos ex Gallis fecit elegantissimus NICERONIVS ". Horum tamen omnium studium cum imperfectum merito visum fuerit, magno eruditi orbis commodo et plausu integram atque suis numeris absolutam Leibnizii historiam scribere suscepit vir eruditissimus, et de philosophiae recentioris historia praeclare meritus CAROLVS GVNTHERVS LVDOVICI. Debemus indefessae diligentiae et pulcherrimae eruditionis viro prolixos commentarios de *Philosophia Leibniziana* ", (ita enim inscriptio habet,) quos tamen historiae Leibnizianae philosophiae prodromum tantum et delineationem ampliorem esse voluit, illam suo tempore plenissimam descripturus. Adeo vero in iucundissimo et erudito libro accuratorem, ordinem, perspicuitatem et fidem praestitit vir doctissimus, ut ad hunc vnum fontem lectorem tuto ablegare possimus, ceteras unde sua hausit auctor, scaturigines ex eo facile reperturum, idque vnum doleamus, Latino sermone non exaratum istum librum esse, ut quantus vir fuerit Leibnizius, etiam exteris inde luculentius constet. Nos secundum leges instituti nostri consuleis virorum doctissimorum, quos nominauimus, laboribus, ipsa quoque Leibnizii scripta, maxime *Epistolas* ab eruditissimo CHRISTIANO KORTHOLO edita ", et *Collectanea* ex ore viri summi a Cl. FELLEBO hausta ", quaeque in ephemeridibus passim occurrunt, ad Leibnizii historiam pertinentia consulemus, et breuem quidem ac succinctam ut descriptionis nostrae modus postulat, veram tamen et a partis studio alienam habemus illustris philosophi historiam.

§. III. Edidit polyhistorum Leibnizium Lipsia, tot ingeniorum praeclarissimorum mater et altrix, anno clocx lvi, IX. Cal. Iul. st. v. parentibus familiae decoribus ", et literarum meritis conspicuis, patre Friderico Leibnizio, facultatis philosophicae assessore, et moralis doctrinae doctore publico viro eruditissimo ", matre Catharina, Guilelmi Schmuckii, I. V. D. et professoris filia. Cum parentum vterque, et naturali ingenii acumine et reliquis quoque praefidiis abundaret, quibus ad praeclara quaevis formari solent elegantiora ingenia, feliciori natiuitatis sorte in vrbe tanto successu Musis operante, Leibnizius uti non potuit. Patrem autem sexennis puer amisit, a matre, magnae prudentiae et pietatis foemina rite educatus. Qui cum

*Natiuitas et  
educatio  
Leibnizii.*

a) In Ossibus et cineribus literarum anno 1716. defunctorum p. 16

b) In Hist. phil. p. 178.

c) Hist. lit. germ. P. III. p. 576. P. IV. p. 147. P. V. p. 262. seq.

d) Hist. liter. P. II. c. 1. p. 488. seqq.

e) Memoires T. II. p. 64. Praefixit quoque editioni Amstelodamensi Theodiceae anni 1734. vitam auctoris L. DE NEUVILLE, quam Latine versam adiecerunt editores Tubingenses nouae versionis Latinae 1739.

f) Lips. 1737. 8. II. Vol.

g) Lips. 1738-1742. IV. Vol.

h) Edidit ea Otii Hannouerani, f. Miscellaneorum Leibnizianorum titulo Lips. 1718. 8. quae tamen, nescio quo iure, displicuere Eccardo. vid. A. E. 1718. p. 214.

i) Enumerat ea LVDOVICI l. c. §. 14. pag. 28. seqq.

k) Programmata in funere publice vulgata et vitam enarrantia leges l. c.

cum paulo adolefceret, scholae Nicolaiticae traditus, diuini quod nactus erat, ingenii scintillas praemature prodidit, condiscipulis non industria modo, sed felicitate quoque ingenii cito superatis. Totus enim in disciplinarum optimarum studium cum exardesceret, non contentus lectionibus, quas peritissimorum praeceptorum industria suppeditabat, adolefens admodum in patris bibliothecam optimis libris refertam se abscondit, et contemnis riuulis ad humanitatis fontes, scriptores veteres Graecos et Latinos, accurrit, iugi lectione atque meditatione ardentem veteris literaturae sitim restincturus <sup>γ</sup>. Incidit autem in Liuium atque Virgilium, optimos dicendi fingendique auctores, quos cum difficiles nimis tenero adulescenti praeceptores dissuassent, perucit tamen ignea vis animi eius, ut vtrumque totum fere deuoraret: tanta memoriae fidelitate, ut ad senium vergens, poetarum principem totum fere atque integrum ex memoria recitare posset. Ita vero formata est praestantissima viri summi quam in humanitatis studiis postea ostendit, peritia, qua elegantissimis suae aetatis calamis et prosa et ligata oratione inferiorem se non esse apud omnes demonstrauit. Sed et rhetores, poetas, historicos, philosophos, et quicquid bonorum scriptorum ei suggerebat paterna suppellex tanta diligentia et iudicandi solertia legit adolefscens praematurae indolis, ut egregia τῆς ἐγκυκλοπαιδείας notitia ei succresceret, et ante dies virilibus studiis esset aptus. Sane eo tempore collegisse diuini ingenii virum eas elegantioris literaturae, maxime antiquae, opes, quibus velut gemmis eius scripta interstinguuntur, ex scriptis eius in iuuenili aetate editis est manifestissimum. Ita cum ante aetatem animi vis robur eximium acquisiuisset, altius ingressus stadium ad academicorum studiorum cursum animum applicuit, et quindecim annos natus anno cōloclxxi, albo academiae patriae nomen dedit. Quo facto dici non potest, quantum animorum succreuerit adulescenti ignea animi virtute exsuperanti ad prosequendum gnauius eum cursum, quem intenderat. Igitur lectioni, auditioni, meditationi totus immerfus, non vni literarum generi inhaesit, sed quoscunque scriptores fors obtulisset, supra aetatis vires iudicio instructus ita legit, ut seuerè examinaret, et in horrea memoriae longe fidissimae referret, quicquid eruditioni futurae posset esse vtilissimum. Ita theologorum, iuris peritorum, medicorum, philosophorum, auctorumque aliorum, quos eruditionis lumen commendabat, libros nocturna diurnaue manu versando inexpectatos inde fructus retulit. Quod si difficiliora occurrissent, ad praeceptorum oracula accurrens auxilium implorabat, quod tamen ex proprio fundo, aciem animi in partes vocando, omnium optime hauriebat. Erat inter eos, a quorum ore pendebat omnium sine dubio eruditissimus Iacobus Thomaſius, cuius excellentissimam doctrinam in *antecedente Parte* ex merito deprae-

<sup>γ</sup>) A&L. erud. I. c. et post hos reliqui. Inter praecoces ideo eruditos locum suo iure postulat Leibnizius. De quibus praecocibus eius studiis

ipse plura enarrat Vol. I. ep. 176. p. 276. seq. hic omnino legenda, ut ingenii eius excellentia intelligatur.

depraedicauimus. Is cum vastissimam lectionem cum iudicio accurate copulasset, et imprimis veteris philosophiae, maxime Graecanicae, raro eius aetatis inter Germanos exemplo, esset consultissimus, Leibnizium, acerrimi ingenii adolescentem ad haec mysteria accurate cognoscenda maxima dexteritate adduxit <sup>2</sup>, ea felicitate euentus, vt in philosophiae historia paucos postea sibi pares haberet Leibnizius, mirabile vero sit, virum tot difficillimis geometrarum et historicorum laboribus distractum tantum in eo eruditionis genere vidisse. Candide gratoque animo agnouit Leibnizius, quantum per hunc virum profecisset. Cuius rei testimonia peti plurima possunt ex epistolis Leibnizii ad Thomasium in collectione Kortholtiana occurrentibus <sup>3</sup>. Maxime autem eius rei testimonium extare vir summus voluit in epistola ad hunc praeceptorum suum data, quam recusis eius cura NIZOLII commentariis praemisit, et in qua de Aristotelica philosophia cum recentiori reconciliabili disputat, et de Cartesii sectatoribus iudicat. *In ea enim mire γεῦμα historiae philosophicae Thomasianum extollit, quod quantum inter nudas nominum recensiones et profundas de sententiarum connexionibus rationes interfit, ostenderit, et philosophiae magis quam philosophorum historiam ab eo expectat, testatus omnes veterum recessus eum lustrauisse, et recentiorum inuenta, quando mereantur, non aspernari; atque illos illustrare, hos examinare vnum optime posse.* Talem cum Thomasium iudicaret atque deprehenderet Leibnizius, mirum non est in philosophia addiscenda plurimum illi tribuisse, sic vt fateatur <sup>4</sup>: *ingratus sim, si tibi in philosophia multa me debere negem.* Et hanc quoque animi fiduciam postea conseruauit erga Thomasium Leibnizius, ex quo iucundissimum literarum commercium enatum inter vtrumque est, quod quantum qualemque discipulum educauerit Thomaeus praeclare loquitur. Fallimur autem, aut ex hac causa deriuandum quoque est, magnum quod veteribus philosophis Leibnizius statuit pretium, quos, imprimis Pythagoram et Platonem, praetulisse recentiorum plerisque in epistolis ad amicos <sup>5</sup> multoties prodidit. Sed vt ad praeceptores Leibnizii reliquos reuertamur, in mathematicis Ioannem Kuhnium, in philosophia etiam Ioannem Adamum Scherzerum et Fridericum Rappoltum audiuit. Et ille quidem scholastici acuminis laude tum praeclarus habebatur: hic autem in veteris philosophiae mysteriis probe versatus audaciori conatu coeperat feruile iugum scholasticae philosophiae abiicere, vnde meruit a CHRISTIANO THOMASIO <sup>6</sup> cum Io. Christophoro Sturmio primi eclectici nomine laudari, quibus ex merito Leibnizium iam tum addidit personatus Realis de Vienna <sup>7</sup>. Tantis viris, quorum doctrinam multiplicem foetus literarii

V v 2

abunde

2) Laudat id ipse Leibnizius Vol. I. ep. 170. p. 270. cf. Vol. II. ep. 14. p. 142.

a) I. c. Vol. III. p. 22. 30. 45. 48. 49. 55.

b) Vol. III. Epp. p. 43.

c) Vid. Ep. ad Hanschium Vol. III. p. 64. sqq.

Vol. IV. p. 35. 37. vbi se etiam Stoicis plurimum fauere ait. Vol. I. p. 270.

d) Introd. in philos. aul. e. 1. §. 93. p. 44.

e) Vid. REIMANN. Hist. Liter. German. Vol. III. p. 467.

abunde testantur, praeceptoribus usus, omni spe citius profundiusque in artium adyta penetrauit Leibnizius, et futurae magnitudinis haud obscura indicia prodidit. Id quod latere non potuit Thomassium, futuram, quam in orbe erudito, obtenturus esset, fortunam locumque illustrem, nostro admodum iuueni praesagientem <sup>f</sup>.

*Mura Leibnizii  
lenensis et  
promotio  
academica.*

§. IV. Ita in patria academia seuerioribus disciplinis rite initiatus ad Musas Salanas abiit, et in lenensi schola magnos tum viros Erhardum Weigelium <sup>e</sup>, mathematicarum disciplinarum peritia insignem, et Ioannem Andream Bosium <sup>h</sup>, historiarum doctorem publicum, et criticae artis praesidio magna cum laude in historia veteri versatum, in iurisprudentia autem, cui se patris auique materni exemplo addixerat, Ioannem Christophorum Falcknerum duces studiorum habuit. Quos maximo Leibniziani ingenii commodo illi praeceptores obtigisse, si non ipso euentu constaret, satis tamen id disci posset ex laudatissimorum virorum doctrina, multis speciminibus inter eruditos tum probata. Maxime autem plurimum incrementorum ad Leibnizianam eruditionem accessit, ex lectionibus Weigelii, qui arithmeticae et mechanicae mysteria profundius rimabatur, hisque Pythagoream philosophiam iungere tentabat <sup>i</sup>. Hoc enim duce usus Leibnizius, facile in ista penetralia peruenit, diuini ingenii felicitate adiutus, quae clausa mansere praeceptor. Cuius exemplum esse potest arithmetica tetractyos, quam instituerat Weigelius, quam sibi de arithmetices dycticae arcano cogitandi occasionem suppeditauisse, non negat Leibnizius <sup>k</sup>. Et huic quoque praeceptoris eius tribuendum videtur, quod eo tempore ad syncrētismum inter veteres et recentiores philosophos, a quo abhorrebat Thomassius inclinauerit. Weigelium enim inter Aristotelem et nouatores pacisci voluisse, ipse nos docet Leibnizius <sup>l</sup>: qui quanti hunc philosophum fecerit, loco quodam <sup>m</sup> satis testatum fecit. Non vero apud lenenses virorum doctorum praecepta audiuisse contentus, ipse quaerere veritatem, et nouam viam tentare suscepit, nomenque ideo dedit quaerentium collegio, quod sodalitium de nouis veritatibus inquirendis maxime tum erat sollicitum <sup>n</sup>. His studiis auctus et politus in patriam rediit, et pristina oracula consuluit, acceptaque prima, quam vocant, laurea, tantum abest, vt philosophiae studium seposuerit, vt duce Thomasio veterum Graecorum, maxime Platonis et Aristotelis commentarios

<sup>f</sup>) citati.

g) Videndus de eo REIMANN. I. c. Vol. III. p. 178. IV. p. 61. 136. 153. 181. 248. 251. 387. STOLL. Hist. Lit. P. I. p. 323. 335. 704. seqq.

h) V. ZEVMEER. Vit. prof. phil. lenens. REIMANN. I. c. Vol. V. p. 238. seqq. STOLL. I. c. p. 156. 262. 723.

i) Edidit eius rei specimen in Tr. Vernaculo: in Descriptione arithmeticae philosophiae moralis secundum numeros Pythagorae eiusque tetractyn. qui lenae 1674. 8. prodit.

k) Epp. Vol. II. p. 491.

l) In Ep. Nizolio praemissa, quae etiam Vol. II. Epp. extat p. 133.

m) Apud STOLLIVM Hist. Lit. P. III. c. 4. § 17. p. 674.

n) Eam societatem instituerat Bosius, vid. STREUVIVS Intr. in Hist. Lit. c. 10. § 31. p. 521. Eodem tempore florebat etiam Societas Pythagorea lenae, auctore Weigelio instituta, quae de arithmetica Pythagorica sollicita erat. Etiam huius partem fuisse Leibnizium omnino verisimile est.



tarios sedulo euolueret, Scholasticorum cum iis cogitata conferret, et recentiorum inuenta cum illis componeret, maxime autem Cartesiana placita examinaret, profundisque meditationibus ita se immergeret, vt, quod ad Burnetum nobilem Scotum scribit <sup>a</sup>, quindecim annorum adolescens, totos dies in sylua oberraret, et disceptationem inter Aristotelem et Democritum institueret; saepius autem, nouis luminibus exortis veterem sententiam exueret. Vt autem vires quoque publico specimine periclitaretur, praefide Iacobo Thomasio *de Principio indiuidui* in arenam philosophicam descendit. Quod argumentum licet ex sententia Scholasticorum haustum esset, auctore pro entitate Nominalium contra Thomistarum materiam signatam pronuntiante, in eo tamen et acumen iudicii probauit, et errores ex recepta Scholasticorum sententia oriundos detexit <sup>b</sup>, et quam profunde Aristotelis sententiam perspexerit, demonstrauit. Tacemus corollaria, quae ingenium Leibnizii supra iuueniles annos eminens produunt. Istis peractis, et suscepto ad Ioannem Strauchium Brunswicensem syndicum itinere, redux in patriam honores in philosophia summos more maiorum petiit, meritosque nondum duodeuiginti annos natus, anno 1694 accepit: et tum ad iuris legumque disciplinam maiori contentione conuersus Schacherum et Schwendendoerferum Ictos Lipsienses praeceptores habuit. Adeo vero philosophiae deliciis inescatus ab eius penitiori meditatione non destitit, vt magno labore id tum temporis ageret, qua ratione Platonem cum Aristotele conciliare posset. Viribus itaque satis atque eruditione instructus, qui docentis iura publico specimine tueretur, *Quaestiones philosophicas ex iure collectas* in arenam deduxit, ventilandasque viris doctis exhibuit: idem sub Schwendendoerfero in iure suscepit, argumento disceptationis literariae *de Conditionibus* proposito. Addunt *Actorum eruditorum* collectores, etiam in philologico argumento vires tentaturum Leibnizium, *de Scriptoribus Laconicum Lipsii scribendi genus imitantibus* schediasma meditatam multis collegisse, haud iniucunda, editione tamen posthac ab aliis laboribus impedita. Vt vero in philosophica facultate academiae patriae locum aliquando obtinere posset, iuxta leges et statuta *de Complexionibus* <sup>c</sup> publice disputauit. In qua dissertatione anno 1696 habita, tum primum paulo clarius emicuit, quam ingenium eius magnitudinem portenderet. Multa enim excelsa, singularia, et profundam meditationem prodentia cum attulisset, maxime veritatum nonnullarum, quas aetate maturior in meridiana luce collocauit, auroram iam tum coelo philosophico induxit. Qua de re vel sola, quae more recepto adiecit,

V v 3

corol-

<sup>a</sup>) Leibniziana p. 43.

<sup>b</sup>) Conf. eruditam praefationem, quam dissertationis huius aequi praemisit I. THOMASIVS inter eius praef. XLIII. p. 246. seqq. In eo testis est, Leibnizium, (17. aetatis annum agentem) in-

genium et industriam, iam per hanc sane virentem adhuc aetatem difficillimis iisdemque prolixissimis controuersis parem ostendisse

<sup>c</sup>) Inseruit Dissertationem Vol. II. Epp. p. 48. Cl. KORTMOLTVS.



corollaria exemplum praebent luculentum. Ex qua tractatione <sup>r</sup> enata Leibnizio *Ars combinatoria*, eodem anno edita, in qua ex arithmeticae fundamentis complicationum ac transpositionum doctrina nouis praeceptis exstruitur, et usus ambarum per vniuersum scientiarum orbem ostenditur, noua etiam artis meditando, seu logicae inuentionis semina sparguntur. Adiecit in fine *Demonstrationem existentiae Dei ad mathematicam certitudinem exactam* <sup>s</sup>. Valde placuit ingeniosum scriptum viris passim eruditis, qui probe viderunt, nouas meditationes haud plane nullius vsus in eo aperiri, spargi semina inuentionis, et pulchra multa afferri: multa aliorum παραρρήματα acute configi. Quae causa fuit, vt inconsulto licet auctore, anno clō Io c x c. Francofurti recuderetur <sup>t</sup>. Id quod tamen valde displicuit Leibnizio, „eo quod libellum non satis esse „limatum, nec praesentibus eius cogitatis ac personae vbique responden- „tem iudicaret, et veniam olim annis datam, in quibus aliqua interdum „luxuriantis ingenii audacia laudetur, nunc a se peti non posse perspiceret.“ Vnde in *Actis eruditorum* editionem istam improbari iussit, indicauitque, quibus in articulis meliora iam ipsi arrisissent. Quibus tamen non obstantibus magnae auctoritatis viris labor iste probatus est <sup>u</sup>, eo quod ad faciliorem iurisprudentiae methodum cuncta attemperauisset. Talis cum esset, licet vigesimum aetatis annum vix attigisset <sup>x</sup>, summos in vtroque iure honores petere ausus est; et obtinisset eos sine dubio, cum spectatissima iam tum eius eruditio in patria fuisset, nisi lepido errore <sup>y</sup>, quem causis arcanis, et quod nondum maturus annis crederetur, tribuunt *Acta eruditorum*, repulsam fuisse passus, a qua ipse iure consultorum ordo sine dubio abhorruisset, si ab eo res tum stetisset.

*Studia Leib-  
nizii acade-  
mica Altdor-  
fii.*

S. V. Indignatus hanc iniuriam Leibnizius, de alio loco circumspexit, in quo praeclarae, quam possidebat doctrinae maior ratio haberetur, obtinerique honores diu meriti possent. Ad Noricam ideo, quae Altdorfii floret, academiam eodem anno abiit. In quo itinere, cum ake sibi animo infixisset, quod postea symboli loco adhibuit <sup>z</sup>, partem vitae, quoties perditur hora, perire; de emendanda iurisprudentia nouaque atque faciliiori methodo introducenda meditatus est, et cogitationes sine librorum apparatu <sup>a</sup>, solius mentis beneficio, conceptas in chartam retulit, quas biennio post typis vulgavit. Vbi autem Altdorfii appulisset, ad examen more consueto admissus, ita praeclarissimam eruditionem doctoribus legis,

<sup>r</sup>) Continet enim initia istius libelli.

<sup>s</sup>) Eam repetit Cel. LVDOVICI l. c. c. 7. p. 315. seqq.

<sup>t</sup>) 1691. m. Febr.

<sup>u</sup>) GODOFR. STRAVCHIVS Diff. de Syllogismo iuridico §. 5. apud LVDOVICI l. c. p. 313. seqq. add. MOHRHOF. Polyhist. T. I. p. 360. seqq.

<sup>x</sup>) Conf. Vol. ep. 176. 277.

<sup>y</sup>) Nempe cum in aedibus decani consilii sui

indiciu ex more facere vellet, ab vxore eius, adolescentiam illius contemneute repulsam passus dicitur. LVDOVICI l. c. p. 45. qui recte obseruat, bellum nondum Aristotelicis et scholasticis tum indixisse Leibnizium, vt ea propter impeditur, quam causam nonnulli allegant.

<sup>z</sup>) Conf. LVDOVICI l. c. c. XX. §. 322. Vol. II. p. 228.

<sup>a</sup>) In itineris diuersiorumque strepitu destitutus libris, Aët. erud. l. c.

legis, qui in ea schola tum viuebant, probauit, vt ad dissertationem inauguralem, secundum academiae statuta sine praefide habendam lubentissime admitteretur. Disputauit viginti annorum iuuenis *de Casibus perplexis in iure* <sup>b</sup> tanto omnium applausu, vt non bonus modo quilibet, de hoc nouo academiae ornamento reipublicae eruditae gratularetur, sed et senatus academicus, egregie consultum isti scholae putaret, si in doctum numerum reciperetur. Obtulit itaque nouo doctori ius atque potestatem legum scientiam extra ordinem docendi: Quam conditionem tamen reiecit, cum aulicam potius anhelaret. Ideo relicta Altdorfio Norimbergam concessit, vt, et viros ibi doctos conueniret, et praeclaros artifices, quibus semper abundauit vrbs celeberrima, inuideret. Ibi in societatem quorundam incidit, qui in summum chemiae arcanum, (lapidem philosophorum vocant,) inquirebant. Qui cum maxime sacra atque silentio tecta mysteria sua haberent, eo ipso vehementer accenderunt Leibnizii animum, cupientem discere, quibusnam hi homines thesauris inhiarent, quibus modis finem, toties alios frustrantem obtinere sibi pollicerentur, ratus nonnulla se ab eis, vt fieri haud raro solet, discere posse, quae ad recludendos naturae recessus facere possent. Simulabat ergo alchemistorum mysteriorum insignem quandam notitiam conscripta ex libris huius generis epistola aenigmatum ipsi auctori imperscrutabili plena. Quam cum directori exhibuisset, facile obtinuit, vt dicto certo stipendio societati isti a secretioribus chartis esse, et librorum arcanorum compendia describere iuberetur. Id quod ingenio Leibniziano, insigni ἀρχωνίᾳ praedito non potuit non euenire vtilissimum; cum ea breui teneret omnia, quae magnis sumptibus istud sodalitium congererat <sup>c</sup>.

§. VI. Non neglexit tamen, his intentus, virorum doctorum consuetudinem Leibnizius, vnde quaque alimenta quaerens doctrinae, quam alebat, indies crescentis. Maxime Iusto Iacobo Leibnizio, ecclesiastae Norimbergensi <sup>d</sup> innotuit, viro eleganter docto, nostrum autem sola nominis cognatione attingenti <sup>e</sup>. Is illustri Boineburgio, viro summo, et praeter prudentiam aulicam insigni eruditione conspicuo, qui tum Norimbergam diuerterat, Leibnizium commendauit, cum et heroem illum magnis fauere ingeniis nosset, et Leibnizium ea scientiarum omnis generis notitia pollere intellexisset, quae illustris viri curiositati abunde posset satisfacere. Vix autem conuenerat eum Leibnizius, cum ingenii magnitudinem et iudicandi solertiam vastae omnium fere scientiarum peritiae iunctam admiratus Boineburgius, de beneuolentia sua eum iuberet esse certissimum, sponderetque, in eo versaturum curam suam, vt serenissimo, cui seruiebat, electori Moguntino eum tradat, et ad aulae ministerium aditum

Commendatus Boineburgio Leibnizius.

b) Eam postea recudi fecit, additis dissert. 99. Phil. ex iure, et de Conditionibus, vulgatis titulo Speciminum iuris, Francofurti 1672. 4.

c) Citati.

d) Huic addi potest Dillherrus.

e) Edidit is Memorabilia Bibl. Norimb.

aditum paret. Cui scopo obtinendo praeclaras de iurisprudentiae et historiarum pomœriis dilatandis cogitationes augere, prolixè, hisque se ornamentis eum commendare iussit. Paruit optimo consilio Leibnizius, et ut Moguntiae propior esset, Francofurtum abiit, fortunae suae fabrum ita acturus, ut, quae cupiebat, honestissimis nominibus consequi posset. Quod eo facilius facere licebat, cum abunde haberet, quibus omni ministerii generi sufficeret, et consilia literaria concepisset, ingentem utilitatem pollicentia.

*Traditus  
Leibnizius  
Moguntinae  
electori.*

§. VII. Intellexerat illustris Boineburgius, quantum emolumentum ad aulam heri sui ex tanto viro redundare posset, eumque ideo electori valde commendauerat. Qui cum ipse viris meritorum gloria insignibus optime cuperet, ab eo vocare Leibnizium Moguntiam Boineburgius iussus est. Is ubi aduenit, et salutandi electoris veniam nactus est, in primo congressu beneuolentiam principis sibi conciliauit. Qui ut intelligeret, quid de eo esset sperandum, specimen doctrinae edere constituit, quaeque de iurisprudentiae emendandae modo et ratione deque noua methodo in chartam coniecerat, in ordinem redacta vulgare et inscribere nomini electoris statuit. Prodiit ita hoc anno cło 10 cıxviii, *Noua methodus docendae discendaeque iurisprudentiae, cum subiuncto catalogo desideratorum in iurisprudentia f.* Qui libellus mole exiguus, at meditationum praestantia magnus, vehementer viris doctis placuit, qui gauisi sunt confusum illud chaos, quo premitur legum peritia, et difficillimum redditur eius studium in ordinem redigi posse, inuentumque esse, qui hoc Auglae stabulum purgaret. Ipse quoque celeberrimus auctor, quamuis de se modeste, praecipue de aetatis iuuenilis laboribus iudicaret, multa se noua et proficua detexisse, semper affirmauit, licet non deessent, qui vetera nouis melioribus praeferre mallerent s. Nec quod non nemo <sup>b</sup> magnae auctoritatis in eo reprehendit, de sola methodo demonstratiua in eo libello sollicitus fuit, et ut illa in legum scientiam introduceretur, suaserit, sed innumeros quoque, quibus ea premitur, defectus, ostendit, et quae impedimenta, ad promouendam scientiam elegantissimam, remouenda essent, quae media neglecta, prudentissime detexit. De quo tamen alibi dicendum, cum ad hanc nostram tractationem non pertineat, et adeundus, qui in compendio cuncta enarrauit Cl. FELLERS <sup>i</sup>. Ipse autem Leibnizius, cum intellexisset, placuisse admodum electori consilium noui corporis iuris condendi, quod ordine, elegantia et perspicuitate se magis commendaret, eodem adhuc anno, breui scriptione *Corporis iuris reconcinnandi* rationem explicuit, et cum viris doctis atque iurisprudentiae peritis communis laboris consilium aggressus,

f) Francof. 12.

g) Opposuit his laboribus protribunalia N. e. CHR. LYNCKERVS Giesse 1669. conf. Leibniziana p. 143.

h) Illustris LVDWIGVS. vid. LVD. I. c. p. 323.

i) In Supplem. vitae Leibnizianae Otio Hannover. praemisso.

gressus, ipsam iuris collectionem natio ordini restituere aggressus est. De quo eius studio, cum nobis prolixioribus esse non liceat, consulendi sunt, qui historiam iuris recentioribus tradunt, quaeque accurate enarrauit doctissimus LVDOVICI <sup>k</sup>. Idem consiliorum ingentium capax Leibnizii animus tentare tum coepit in omnibus disciplinis, vnde ALSTEDII *Encyclopaediam* emendare, augere, et perficere animo concepit et Hensenthalerum in laboris societatem pertraxit. Quae tamen conamina maiora et grauiora, quae superuenerunt, negotia breui suppresserunt, quamuis animum consiliumque nunquam abiecerit Leibnizius, et iam senex de ea re cum illustri Wolfio egerit <sup>l</sup>, vt similis encyclopaedia insigni cum orbis eruditi vtilitate tandem procuderetur <sup>m</sup>.

§. VIII. Impediuerunt autem Leibnizium, talia meditantem curae publicae, cuius pars esse iussus est. Nempe cum se regno Poloniae abdicasset Ioannes Casimirus <sup>n</sup>, deque nouo rege disceptarent proceres, qui electionis diem VI. Non. Mai. anni sequentis indixerant, inter coronae candidatos nomen quoque professus est Philippus Guilelmus, Palatinus dux Neoburgicus, cui Boineburgium rerum suarum administrum commendauerat, spectata viri excellentissimi prudentia, rerumque ciuiliu cognitio atque experientia. Cuius beneuolentia cum totus gauderet Leibnizius, eius molimina eruditione sua, incertum iussus, an sponte? luare statuit. Enatum *Specimen demonstrationum politicarum pro eligendo rege Polonorum, nouo scribendi genere ad claram certitudinem exactum*, quod laruato nomine Georgii Vlicouii Lithuani Leibnizius edidit <sup>o</sup>. In quo libello ita vim animi etiam in rebus ad prudentiam ciuilem pertinentibus demonstrauit Leibnizius <sup>p</sup>, vt virum sibi vtilissimum in aulam suam pertrahere omnibus modis princeps laudatus conaretur, frustraneo tamen euentu cum Moguntiam praeferre Neoburgo a Boineburgio persuasus constituisset. Neque tamen tunc quoque in alium quasi orbem raptus philosophiae curam seposuit, sed emendare sensum de philosophia rectum, quo posset modo, perrexit. Hinc cum MARIJ NIZOLII librum *de Veris principiis et vera ratione philosophandi contra pseudo-philosophos*, cuius in antecedente Parte mentio iam facta est, quique tum prorsus disparuerat, a Boineburgio accepisset, vt et diuturni carceris squalore scriptorem, in quo esset acuminis satis, plurimum eloquentiae philosopho dignae, libertatis nimium <sup>q</sup>, protraheret, ad sananda bonarum literarum, quae passa erant, mala, recudi fecit, annotationes adiecit, quibus nimiam

k) l. c. p. 54. 326.

l) A. E. l. c.

m) Cogitationes Leibnizianae de Encyclopaedia disci possunt ex Epp. Vol. III. p. 264. cf. FELLERI Monum. inedita Trim. II. p. 112. seq.

n) Factum id anno 1668. d. 16. Sept. conf. B. CONNORRI Descriptio Poloniae et magnae Lithuaniae p. 172. seqq.

o) Vilnae, vt est in titulo 1669. 12.

p) Conf. Boeclerus in Aet. Erud. l. c.

q) Vid. Dedicatio ad Boineburgium.

miam libertatem inter repagula aliqua coërcuit, praefixitque duas dissertationes, quarum vna, de Stilo philosophico differit, et praeclara multa de Nizolio de ratione dicendi scribendique in philosophia, de habitu linguarum ad philosophiam, de perspicuitate dicendi inter philosophandum, de pretio scholasticae philosophiae statuendo, de secta Nominalium, de vsu metaphysicae, de vniuersalium natura, de scriptis Aristotelis, deque similibus cumulat: altera epistolaris ad Iacobum Thomassium de scribenda historia philosophica, de Cartesio, Aristotele, Scholasticis, horumque philosophorum placitis, maxime autem de conciliatione inter Aristotelem et recentiores disputat. Patet autem ex his dissertationibus, quamuis multos receptae philosophiae naeuos iam vidisset, maluisse tamen concordiam tum inter veteres et recentiores inire, quam illos totos deferre. Quem veterum amorem per totam quidem vitam non deposuit, maxime tamen eo tempore, quo nouum systema condendi consilium nondum fouerat, prodidit, vnde ista quoque ad syncretismum propensio enata est, quam in istis dissertationibus manifestauit, quam in quadam epistola candide, vt hanc historiae philosophicae pestem valde oderat, confodit IACOBVS THOMASIVS. Valde commendatos sibi habuit Leibnizii conatus Boineburgius, qui, vt praeclare iudicabat, multum incrementorum ad literas a Leibnizio profectum iri intelligebat. Vt itaque sponte currenti calcar adderet, tradere eum principibus summa cura annisus est, vt actus gloriae stimulo Leibnizius in iuuandis disciplinis, eo maiori contentione pergeret. Sensit eius commendationis effectum Leibnizius mature, anno 1701, inter consiliarios supremi iudicii reuisorii assessores in aula Moguntina cooptatus, annoque sequenti adductus in notitiam magni principis Ioannis Friderici Brunsvicensium et Luneburgensium ducis, qua fundamentum futurae felicitatis noster posuit, ab eo tempore intemerata optimi principis gratia vsus. His calcaribus nouo instinctu auctus Leibnizius, quacunque ratione posset, velificare studiis Boineburgii, et iuuare scientias conatus est. Inde enata praeter *Defensionem logicam SS. Trinitatis per noua inuenta logica, contra Wiffouatium*, hominem Socinianum, in gratiam Boineburgii conscriptam,

r) Vtramque laudabili consilio recudi fecit Cl. KORTHOLOVS, Vol. II. p. 63. seqq. qui annotationes quoque Leibnizianas Vol. IV. p. 68. exhibet. In hac dissertatione priore carpit Io. BAPT. ROESCHORIUS, diss. de Phil. conciliatrice §. 15. quod inter syncretistas Leibnizius Scaligerum, Digbaeum, et Thom. Anglum retulerit, qui ecclesiastici fuerint. At immerito reprehendi virum illustrum ea, quae de his philosophis supra diximus, satis euincunt.

s) Non hoc ita intelligendum, ac si Leibnizius veterum umbras recentiorum lumini praeuulisset. Sed cum in Aristotele notiones terminosque vagos et incertos deprehenderet, eorum significationem ex recentiorum observationibus determinauit, hocque ipso alium longe Aristotelem nobis dare voluit,

quem reuera fuit. Vidit id, vt mire perspicax erat, in dignoscendis inter se philosophorum sententiis, IACOBVS THOMASIVS, factus in responsione sua, quae Vol. III. Epp. p. 30. seqq. extat, sibi non persuaderi, Aristotelem a recentioribus philosophis non adeo dissidere, licet agnoscat, dogmata eius quaedam loquendique modos eiusmodi esse, vt conciliare volentibus faciant spem aliquam concordiae, vereri autem se, ait, vt illa pax quae ipso satis volente sanciri, siquidem mentem philosophi paulo penitus rimemur, sed et reliqua merentur legi, prorsus enim sunt egregia et syncretismo huic evertendo aptissima.

t) l. c. nam in eundem sensum ad eum scripserat iterum Leibnizius l. c. p. 26.

scriptam, *Hypothesis physica noua, quae phaenomenorum naturae plerorumque caussae ab unico quodam vniuersali motu in globo nostro supposito neque Tyconicis, neque Copernicanis aspernando, repetuntur*, quam etiam *Theoriam motus concreti* vocauerat \*. Eam societati Britannicae inscripsit, eo quod ex Oldenburgero intellexisset, coniecturas has ei non ingratas fore. Supponit autem globum solarem, globum terrestrem, et spatium intermedium, massa quiescente, quam aetherem vocat plenum. Et in globo quidem solis atque terrae motum statuit circa proprium centrum, siue internum, et alium motum in sole, quo agat extra se, varie circularem, et radios emittentem, qui agant in globum terrestrem, totum initio homogeneous, eumque mirifice mutant, admissio ab eo dehiscente aethere. Hinc tot ictibus plerisque centrorum euntibus maiorem materiae partem in fundum collectam terram dedisse, aquam supernatauisse, aërem emicuisse, intrusum aetherem omnia intus peruasisse in bullas interceptum hypothetice asserit. Ex quo colligit, terram nostram etsi radiis lucis dehiscens in partes heterogeneas abierit, vbique tamen subtilissimo aethere penetrari; eumque proportionatam sibi subtilitate partium radiorum lucis actionem potissimum recipere. Cum igitur terra agatur circa proprium centrum ab occidente versus orientem, subtilissimum aetherem terram circumdantem contrario motu non tantum retardationis, sed et obnitentiae, lucem sequutum, motum iri ab oriente versus occidentem. Et hunc vniuersalem motum in globo nostro terraqueo esse putat, a quo potius, quam ab atomorum figuris aut ramentorum de vorticum varietatibus, res repetendae sint. Quaque ratione fieri debeat, ingeniose, vt sunt Leibniziana omnia, explicat, et ex innumerabilibus bullis, ex fluidi aestuatione et fusione per lucem seu calorem exortis, semina rerum et stamina specierum, receptacula aetheris, corporum basin, consistentiae causam, et fundamentum omnis varietatis in rebus, impetusque in motibus deriuat. Quae tamen huc transcribere omnia, delineareque qua ratione vir summus maximis ingenii viribus nouam physiologiam effinxerit, tractationis scopus dicendorumque ratio impedit. Legenda autem tota dissertatio est, vt quam elegans atque foecundum iam tum viri magni ingenium fuerit, intelligatur. Mirum itaque haud est, placuisse foetum hunc nouum non modo viris passim doctis, sed et societati regiae Londinensi, cuius iussu editio repetita est; ipsum quoque schediasma illustrem CHRISTIANVM KNORRIVM Cabbalae denudatae auctorem, assumpti Christophori Peganii nomine Germanis legendum dedisse \*. Ast non inficiandum tamen, haud pauca in hac dissertatione postea viro summo displicuisse, cum sententiam mutauisset, viris quoque nonnullis eruditis y ab iis as-

Xx 2

fertio-

u) Recusam dedit KORTHOLTVS, l.c. Vol. IV. p. 279.

x) Ad calcem THOM. BROWNII Pseudoxiae epidemicae, quam Germanice edidit vir illustris Norimb. 1680. 4.

y) Vid. ill. WOLF. Tent. phys. P. III. KASCHW-BIVS in Elementis physico-mechanicis, Io. WAL-LISIVS, Philosophical transactions n. LXXIV. p. 3227.

serutionibus dissentientibus. Quoniam autem in hac noua hypothesi physica effingenda, motus leges supponendae erant, ideo philosophus acutissimus nouam quoque *Theoriam motus abstracti* delineauit \*, cuius regulis theoriam motus concreti inaedificauit: eam autem, post hanc demum editam publici iuris fecit, et academiae regiae Francicae scientiarum inscripsit. In schediasmate, haec ob arctam propositionum connexionem in epitome non delineando, sed ipso, cum breue sit, inspiciendo, id sibi constituit, et indiuisibilem naturam illustraret, cohaesionis rationem detegeret, hypothesin afferret, vnde omnia naturae phaenomena, mechanice explicari possent etc. Multa in hoc breui sed acuto scripto sunt, quae placitorum, postea viro celeberrimo propriorum semina continent. Inter quae referri potest, quod monadibus eius praelusit dogma: *Omne corpus esse mentem momentaneam, seu carentem recordatione, quia conatum simul suum et alienum contrarium non retineat ultra momentum, adeoque careat memoria sensu actionum passionumque suarum, atque cogitatione*, quibus assertis Hobbesium secutus fuisse non nemini \* perperam visus est. Ast multa in hac quoque theoria motus abstracti postea improbavit Leibnizius, ad alias cogitationes delatus. Cuius exemplum hypothesi dynamica esse potest, quam tunc quidem nondum conceperat, vnde hoc loco cum Democrito, Gassendo et Cartesio essentiam corporis in sola massa inerte posuit. Addi his debet *Notitia opticae promotae* in qua noua vitrorum optidorum poliendorum artificia tradidit, de quibus etiam cum Benedicto de Spinoza, in ea arte mire versato per literas egit <sup>b</sup>.

Leibnizii  
inter Gallicum  
prius.

§. IX. Haecenus in coelo Germanico nouum philosophiae omnisque literaturae sidus exortum resplendescere Leibnizius; iam de fati eius ita disponere incipiebat prouidentia, vt regionibus sub alio sole calentibus innotesceret, quanto scientiarum bono is natus esset. Occasionem subministravit Boineburgius, qui negotiorum transigendorum filiique regendi causa Leibnizium rogauit, vt in Galliam concederet, aliquam ibi ob dictas causas moram acturus. Factum, id anno 1686 c10 c1x xii. Quod iter exoptatissimum Leibnizio accidit, qui cum ingenio, doctrinaque esset instructissimus, facile vidit, ex virorum praestantissimorum, quos tum Gallia, maxime Lutetia Parisiorum nutrebat, consuetudine plurimum incrementi accepturam esse ipsius eruditionem, ingenii excellentiam autem illis fore commendatissimam. Consultis itaque exploratisque in itinere memorabilibus <sup>c</sup>, quae ad naturalem et eruditam historiam pertinent, cum in Gallia aduenisset, fama iam tum notissimus, et dotibus ingenii diuini admirabilis, viros doctos certatim sibi amicos comparauit. Quorum tanta erga

a) Extat quoque Epp. Vol. III. p. 409. seqq.

a) Io. RAPHSONO Epist. miscell. p. 97. 163. Cui respondit CHR. AVG. SALIG. Diss. Philosophumena veterum ac recentiorum de anima eiusque immortalitate, Vireb. 1714 §. 60.

b) Vid. SPINOZAE Opera posthuma, vnde repetiit Cl. LUDOVICI l. c. §. 295. p. 337. seqq.

c) Indicem adhibebat MONCONYSSII Itinerarium, vid. FELLER l. c.

erga illum fuit fiducia, ut maximi momenti consilia de rebus ad disciplinarum cultum pertinentibus cum eo communicarent, eiusque arbitrio haud parum in controuersis inter se enatis auctoritatis deferrent. Cuius specimina tum in epistolis eius, tum alibi haud contemnenda occurrunt. Maxime tum temporis caput inter Gallos efferre coeperat geometria sublimior atque interior, in qua eo tempore hospitem se adhuc plane fuisse alicubi fatetur. Ast eo tempore Christiani Hugonii, cui post Galilaeum et Cartesium plurimum tum debebat ista scientia, notitiam nactus, cum legeret eius librum *de Horologio oscillatorio*, adiungeretque Des Honuillaei, id est PASCALII *Epistolas*, et GREGORII A S. VINCENTIO opus, de *Quadratura circuli et sectionibus conicis*, sola animi perspicacia vique diuina ingenii adiutus, subito maximam lucem hausit, et sibi, ut ipse scribit, et aliis quoque, qui eum in his nouum norant, inexpectatam, idque mox speciminibus datis ostendit. Mirari ergo quis queat, eum in tam difficili arduoque opere totum occupatum, provinciam potuisse pati hanc sibi imponi a duce Montauserio, et qui eius nomine rem vrgebat, Petro Daniele Huetio, ut ad Martianum Capellam in usum Delphini illustrandum operam suam conferret; quam eum perfecisse, sed schedas furto subtractas amisisse narrant *Acta eruditorum*. Vnde verisimilius putamus esse, quod FELLERVS <sup>f</sup> narrat, monitum ea de re, satius fore putauisse, si tam effusi sumtus in detegenda naturae arcana et scientias parum excultas impenderentur, quam quod auctores isti, post nitidas Belgarum editiones et notis variorum exornatas, paucis immutatis alia tantum veste in lucem ederentur. Quanquam verum quoque est, etiam huic labori una cum geometriae arcanioris studio, cui se totum tum tradiderat, suffecisse ingenium Leibnizii vastissimum. Quicquid autem illius rei fuit, id sane ex dictis est manifestissimum, magnitudinem ingenii Leibniziani mature effulxisse. Factum inde est, ut cum satis erepto Boineburgio patre, filius moderatore haud amplius egeret, Leibniziusque abitum pararet, retinere ipsum teste FONTENELLIO <sup>e</sup>, oblata regis gratia, munereque et honoribus haud contemnendis, haud pauci conarentur. Sed cum Protestantium communionem, quam sequebatur, ecclesiasticam deserere nollet, nec placeret transitus ad Romanam ecclesiam, fauorem hunc fatorum oblatum generoso pectore respuit, annoque cło c l x x v i in Britanniam abiit.

§. X. Primum autem, quod agendum sibi esse credebatur Leibnizius <sup>iter Leibnizii Britannicum prius.</sup> in insulam delatus, erat, ut in virorum doctissimorum notitiam veniret, quibus ad augendas animi diuitias uti posset. Facile autem viam illi parauit doctrina atque virtus apud omnes conspicua, et amicitia Collinsii atque Oldenburgeri, qui regiae societati ab epistolis tum erat. His parariis, quisquis eruditionem spirabat, imprimis mathematicarum disciplinarum

X x 3

periti,

d) *Act. erud.* 1691. Sept.  
e) In *Elogio Leibniz.* l. c.

f) loc. cit.  
g) loc. cit.



*Alterum iter  
Gallicum.*

*Alterum iter  
Britannicum.*

periti, musea pariter atque pectora illi recluserunt, virumque praestantissimum ad amicitiae iura admiserunt. Inter quos si vnum Isaacum Newtonum nominauerimus, satis dictum esse putamus. Ita vero et augendis geometriae sublimioris luminibus, et reliquis, quae vrgebat *εὐρημασι*, inter quae eminet machina arithmetica, ab ipso illustri viro in *Miscellaneis Berolinensibus* <sup>b</sup> depicta, tempus impendendi vtilissimam occasionem nactus est. At dum laeti florent rerum Leibnizii successus, oborta ex improviso tempestas, omnem fortunam euertere minatur. Obiit enim hoc anno cło c lxxiii elector Moguntinus, cuius morte extincta simul fuit omnis, quae hactenus succreuerat spes emergendi, quin et stipendium hactenus illi solui solitum desiit. Quae tamen, cum deprimere animum quoque fortem atque magnum potuissent, Leibnizium non fregerunt, Dei potissimum beneuolentia, ingeniique quod ab eo acceperat, opibus nixum. Relicta ergo Britannia Lutetiam reuersus est, quo loco sibi conatum auxilia exoptatiora promittebat; vt vero futurae quoque fortunae consuleret, ad Ioannem Fridericum, Brunswicensium ducem scripsit, eiusque gratiam, qua diu iam fruebatur, implorauit. Is, quanto non prudentiae modo ciuilis, et artium mathematicarum praesidio, sed et *πολυσοφίας* laude esset inclytus Leibnizius, probe intelligebat; vnde profuturum rebus suis ratus, si hunc sibi virum vindicasset, consilarii aulici et bibliothecarii munus cum stipendio lauto ei obtulit, permittens simul, vt Lutetiae moram facere, vsque ad perfecta conanima, et imprimis absolutam machinam arithmeticam, liceret. Qui nuntius vt exoptatissimus nostro accidit, ita ad augendam industriam eum calcaris instar excitauit. Factum inde, vt ita laudatam machinam perficeret, vt eius copiosiores, quam Londini ediderat, delineationem Colberto, qui scientiis artibusque amplissime apud regem fauebat, itemque Academiae scientiarum offerre posset. Quae cum ingenii Leibniziani magnitudinem et doctrinae excellentissimae merita satis nosceret, anno cło c lxxv primum ei locum inter externos, albo suo inscriptos designauit. Quem honorem vt meritis sibi peperit Leibnizius, ita nouis indies inuentionibus tueri fategit, de quibus tamen, cum ad mathefin pleraeque spectent, dicere plura hoc loco nihil attinet. Eodem vero anno relictā Gallia iterum in Britanniam soluit, vt quae noua detexisset, cum geometris communicaret, anno autem sequenti, nempe cło c lxxvi, ad Batauos abiit, vbi incidit in Huddenium, Amstelodamensis vrbs consulem, quem cum arcanae geometriae sublimioris plurima detexisse, et inuenta egregia in chartam coniecisse comperisset Leibnizius, qui de augendis et amplificandis praestantissimae artis limitibus mire erat sollicitus, impense laetatus est <sup>i</sup>. Tandem absoluto itinere Hannoueram petens, circa autumnii initia sospes aduenit, benigne

<sup>b</sup>) Hist. huius inuentionis in compendio enarrat L v d o v i c i P. II. §. 328. p. 233. sqq. Conf. P. I. §. 463.

<sup>i</sup>) Conf. A. E. loc. cit.

benigne a principe suo exceptus; cuius iussu anno cło Ioc LXXVII locum in consilio aulico occupauit.

§. XI. Ita sedem fixam certamque nactus Leibnizius in id totis vi- *Labores Han-*  
ribus incubuit, vt et principi suo, quem optimum experiebatur, vtilissi- *nouaerui.*  
mum, et scientiis tantum non omnibus exoptatissimum se praestaret. Et  
ante omnia quidem bibliothecam a principe collectam, cuius cura ipsi  
demandata erat, accurate disponere, augereque studuit, vnde hero suo  
suasit, vt Martini Fogelii, medicet professoris Hamburgensis \* bibliothe-  
cam, libris rarissimis atque optimis magno iudicio conquisitis refertam  
aere suam faceret; quo pacto insignem accessionem ad hanc bibliothecam  
fecit. Deinde vt reditus quoque ducis sui augeret, de emendandis me-  
talli fodinis cogitans, egregia auxilia detexit, quibus aquae subterraneae,  
illis tantopere inimicae exhauriri possent. Quae cum duci magnopere pla-  
cuissent, amplumque Leibnizio stipendium is decreuisset, perducere ad  
optatos euentus magno labore studuit; morte principis autem praeuentus  
desistere ab eo consilio coactus est. Sed et alia ratione Hannoveranae  
domui fidei et deuotionis praestandae modum suppeditauit Leibnizio con-  
uentus procerum pacis pangendae causa Nouiomagi eo tempore habitus.  
Cum enim Gallorum legati Germaniae principibus praeter electores lega-  
tionis ius competere negarent, noster id asserere, licet personatus, edita  
demonstratione politica, conatus est. Enata inde CAESARINI FVR-  
STENERII tractatio *de Iure suprematus ac legationis principum Germa-*  
*niae*. Quem libellum, cum singularia multa complecteretur, Leibnizius  
autem nomen studiose reticeret, alii Ludolpho Hugoni, alii Esaiae Pufen-  
dorio, alii Ezechieli Spanhemio, alii Bernardo Koehne, quorum nomina  
tunc inter rerum politicarum consultos eminebant, tribuerunt, certo in-  
dicio, talem istum laborem esse, cuius poenitere summos viros haud de-  
beat. Quamuis fuerint, qui displicere in eo sibi nonnulla sint professi <sup>m</sup>.  
Nunquam autem, quod mireris, se auctorem illius libelli auctor professus  
est, forte quod regum electorumque aulas, quae alia sentiebant, quasque  
passim fauentes habebat, offendere nollet. Post curas has publicas, quas  
principi suo debebat, de scientiis quoque amplificandis sollicita fuit inde-  
fessa, χαλκεντίρου Leibnizii diligentia. Et memorabile imprimis est, hoc  
anno cło Ioc LXXVII, XII Cal. April. primam calculi differentialis a se in-  
uenti mentionem fecisse Leibnizium ad Isaacum Newtonum, qui paulo  
ante in literis de calculo fluxionum a se detecto ad eum scripserat, eum  
autem aenigmatice tantum indicauerat <sup>n</sup>. Porro et mechanica nonnulla  
et chemica noua in lucem produxit, interque haec nouam phosphori ra-  
tionem

k) De praestantissimo hoc viro consulendus  
MORHOFIVS Polyhist. T. I. L. I. c. 7. p. 61.

l) Prostar catalogus Hamb. 1679. 8. editus,  
et tum raritate tum selectu librorum commen-  
dandus.

m) Historiam libelli vide in Bibliotheca impe-  
rantium p. 263. conf. REIMANN. Hist. Lit.  
Germ. P. V. p. 262. not. O.

n) Tangemus hoc argumentum infra.

tionem a Brandio detectam viris doctis significauit <sup>o</sup>, eamque postea in Ephemeridibus Parisiensibus et Berolinensibus vulgavit. Tacemus alia ad Cartesianas et Stenonianas controuersias pertinentia, quae in literis ad amicos agitauit; nulla enim eruditionis pars erat, in qua non virum se praestaret Leibnizius.

*Acta Leibnizii ab anno 1679.*

§. XII. Feralis fuit Leibnizio annus sequens cło lo cłxxix, ille enim fatali morbo principem optimum et beneficentissimum ei abstulit, cuius memoriam carmine heroico celebrauit; in quo tantam artis poëticae facultatem, canendique elegantiam prodidit, vt mirabile prorsus sit, virum in abstrusis speculationum geometricarum mysteriis rimandis, et politico argumento excutiendo totum occupatum, tam facilem felicemque venam potuisse prodere. Verum ea singularis erat ingenii Leibniziani felicitas, vt omnibus sufficeret, nihilque attingeret, in quo non praestantiam demonstraret. Talis cum esset, negligi a defuncti fratre, qui in ducatu successerat, vir tantus non potuit. Ab Ernesto Augusto enim, regiminis habenas capeffente, inter consiliarios aulicos esse DC. thalerorum stipendio conuictuque et domicilio aulico auctus iussus est: quamuis ipsi imperatori seruiendi occasionem captaret, post mortem Petri Lambecii. Is enim cum caesareae bibliothecae praefectus, et historiographi titulo gauderet, conuenientissimum rebus suis iudicauerat Leibnizius, si ea sparta potiretur, admissus simul in consilium aulicum, qua de re epistolam eius vulgavit Cl. FELLERVS <sup>p</sup>. In qua laborum suorum rationem ita exponit, vt dicat, *se fodinis aquarum incommodo laborantibus subueniendi opere detentum spem habere, intra paucos menses rem confectum iri; hosque se iam cogitationibus delectari, et quod ab officio otii est, subinde mathematicis studiis impendere, quibus videat, pleraque tum oeconomicae tum etiam militaris scientiae arcana contineri.* Probant id egregia multa, quae ab eo tempore vulgavit, specimina; nam et aërometrium, quam iuuare conabatur Samuel Reyherus, augere, et de organo auditus cum Gunthero Christophoro Schelhammero conferre, et alia multa cum eruditis communicare studuit <sup>q</sup>. Cuius egregiam occasionem nactus est, cum laudatissimo Actorum eruditorum instituto, quod anno cło lo cłxxxiii auctore Ottone Menckenio coepit, socius accessisset. Ab eo enim tempore obseruationibus quam plurimis istis Ephemeridibus insertis disciplinas mathematicas et philosophicas auxit, libros praestantissimos, maxime ad mathesin spectantes recensuit, et in hoc agro foecundissimi ingenii semina ita sparsit, vt laetissima inde innumerorum inuentorum messis exurgeret. Id quod accurata elegantissimorum schediasmatum Leibnizianorum, quae istis Ephemeridibus inserta sunt enarratione demonstrari operae pretium esset, nisi hanc paginae nostrae prolixitatem refugerent. Vnde

lectorem

<sup>o</sup>) Consulendus Cl. LVDOVICI l. c. §. 69.

<sup>p</sup>) In otio Hannouerano p. 1. sqq.

<sup>q</sup>) Conferendae sunt Collectiones epistolarum

Leibnizii, et in Compendio LVDOV. loc. cit. §. 87. sqq.

lectorem ad ipsam praestantissimae collectionis inspectionem dimittimus, commendato cel. LVDOVICI<sup>r</sup> indice, qui recensiones et obseruationes Leibnizianas omnes in *Actis Eruditorum* extantes accurate indicauit. Nos id vnum obseruamus, nullam fere matheos, maxime, quae pura dicitur, partem esse, quae non in hoc eruditionis horreo ab ingenio Leibniziano insignem accessionem atque augmentum acceperit, multas esse, quas ad summum perfectionis apicem perduxerit. Qua de re ad eius proportionem circuli ad quadratum circumscriptum in numeris rationalibus, ad aequationem exponentialem, ad nouum principium catoptricum et dioptricum, ad specimen dimensiones figurarum inueniendi, ad methodum de maximis et minimis, ad methodum nouam tangentium, ad calculum differentialem, ad obseruationes staticas, de momentis grauium in planis inclinatis, ad meditationem de natura anguli contactus et osculi, ad problema de linea catenaria seu funiculari ad specimen dynamicum, et complura alia prouocamus. Quibus iungi debent obseruationes atque dissertationes, quas ephemeridibus literariis Parisiensium aliisque passim inseruit. Quorum omnium historia hoc quidem loco exponi non potest, merentur autem matheos acta insigni capite de meritis Leibnizii in hanc artem praestantissimam a viro rerum harum accurate perito augeri. Magis ad nostrum institutum spectant philosophicae meditationes ab eo tempore *Actis eruditorum* insertae, inter quas primum locum occupauere editae anno cło cłxxxix meditationes de *Cognitione, veritate et ideis*, in quibus rationali philosophiae noua accendere lumina fategit. Quas cum infra exhibituri simus, hoc loco de iis plura dicere nihil attinet.

6. XIII. Tanta cum luce quotidie illustrior coruscaret eruditio Leibnizii, isque in omni disciplinarum campo cursum prae aliis egregie abso-  
luerat, eius opera ad res serenissimae domus Brunsvicensis describendas ab Ernesto Augusto, Luneburgensium duce, adhibita est. Cuius principis iussu atque sumptibus cło cłxxxvii iter literarium ingressus est, vt ex tabulariis, bibliothecis, monasteriis, et quaecunque adiutum permitterent, adytis literariis monumenta colligeret, quibus illustrari atque in apricum produci posse historiam domus serenissimae posse iudicaret. Perlustrauit autem primo quidem haud contemnendam Germaniae superioris partem, Franconiam, Sueuiam, Bauariam, Austriam, et nec bibliothecas publicas, maxime Caesaream, nec archiua atque tabularia principum et ciuitatum, nec forulos monasteriorum, nec priuatorum quoque thesauros literarios neglexit, vt heri sui iussibus obsecundaret. Tum in Italiam progressus, in qua Estensem familiam vnā cum Brunsvicensi originem habuisse nouerat, simile institutum fauentibus passim viris doctis, vrgerē gauius perrexit. Neque tamen huic vni negotio attentionem suam

*Iter Leibnizii ad colligenda monumenta Brunsvicensia.*

r) Vol. I. c. 7, Vol. II. c. 13.

suam destinavit: sed cum ingenii vastitas pluribus sufficeret, ad consueta quoque studia respexit, et imprimis mathesin porro iuvare, transmissis ad collectores *Actorum eruditorum* observationibus, respondere viris eruditis, qui dubia obiecerant, explorare naturae artisque opera, et curam augendarum disciplinarum nunquam deponere annis est. Maxime tunc mechanicae atque rebus ad metalli fodinarum culturam pertinentibus valde fuit, nihilque in eo itinere neglexit, quod ad hunc scopum facere posse intellexisset. Id quod occasionem ECCARDO<sup>u)</sup> dedit, conquerendi, non tantum in vrgendo scopo primario, et publico studium adhibuisse Leibnizium, quantum in hoc secundario et priuato, nec satis feliciter hoc itinere ad augendam historiam Brunsvicensis fuisse usum. Negant id tamen alii, monentes amplissimam Leibnizii eruditionem et industriam plane stupendam vtrique labori abunde suffecisse, et haud contemnendam supellectilem monumentorum ad historiam Luneburgensem pertinentium, secum reducem attulisse. De qua re sententiam interponere nobis non licet, qui quid reportauerit Hanoueram, ignoramus, vix autem persuaderi nobis patimur, Leibnizium τὸ ἔργον, quod iniunctum illi erat, adeo neglexisse, ut πάρεργα ei praeponeret; recordamur quoque, quanta difficultates superandas patiantur, qui arcana nonnunquam rerum veterum conclaui adire, perreptare bibliothecarum forules, et ἀνέκδοτα inde protrahere in lucem satagunt. Quibus si sufflamina fuerit viri magni industria, nihil inde redundat, quod eum culpa premat.

*Reuerſi studia  
et labores.*

§. XIV. Reuerſus ad lares Leibnizius pristinum curſum maxima industria perficere aggreſſus eſt, et tum diuini ingenii felicitate noua ἐν-  
εργήματα mathematica cum orbe erudito communicauit, tum iuriſpruden-  
tiae methodum emendare, reconcinnare collectionem iuris, et optimam artificioſi ſyſtematis leges coniungere denuo tentauit. Quo in ar-  
duo negotio viros quoque doctos iuriſperitiſſimos ſocios ſibi adſciuit. Quanti autem laboris opus ſuſceperit, quantum in eo profecerit, quam inde legum ſcientiae lucem accenderit, quid abſoluere conatus laudatiſſimos impediuerit, hoc loco enarrari non poteſt, ſed ad iuriſprudentiae hſtoriam recentiorem pertinet, rem vero omnem eleganter complexus eſt Cl. LVDOVICI<sup>v)</sup>, qui videndus. Eadem ratio eſt, cur quae hoc tempore inter Leibnizium et Paulum Pellifſonium de tolerantia et illis religionis capitibus, quae Romanam et Proteſtantium eccleſiam diſiungunt, diſputata et ab ipſo Pellifſonio inuito et aegre ferente Leibnizio<sup>x)</sup> vulgata ſunt, praetereamus, quamuis partis ſtudio non occupato prodant, etiam in religionis negotio accurationem philoſophicam et iudicium, quo Pellifſonium longe anteuertebat, eum demonſtrauiſſe. Quod qui negat, aut nos fauori aliquid dediſſe putat, eum illa reſcolere iubemus, quae de fide

u) In Annot. ad vitam Leibnizii a Fontenellio ſcriptam.

v) Anonymus ad h. l.

x) l. c. §. 103. p. 106.

x) Vid. Cl. KORTHOLT. Praef. ad Vol. I. Epp. Leibniz.

fide ac rationis et philosophiae vfu inter vtrumque virum doctissimum disputata sunt, cum causae suae diffus Pellissonius, earum testimonium eiurasset, inque Scepticorum castra transfugisset. Aliter instituens Leibnizius ita philosophiae praesidio fidebat, vt non obstare eam reuelationi Pellissonio post traditionis carecta latenti demonstraret. Ceterum eodem anno cło lō c x c i ab Antonio Vrico, Guelpherbyitano Duce consilio aulico adscriptus, curamque illustri bibliothecae habere iussus est: ipse in variis Ephemeridibus literariis more suo obseruationibus praestantissimis iuuare artes mathematicas et philosophiam perrexerit, controversiae hydraulicae inter Guilelminum et Papinum ita arbiter intercessit, vt quanti viros de scientiis praeclare meritos faceret, et quam longe a fastu paedagogico abesset, omnes intelligerent.

§. XV. Abunde viri doctissimi officio fecisse satis Leibnizius censendus esset, etiam si plura ad promouendas literas non fuisset molitus: at suppeditauere inexhaustae diligentiae et vastissimae lectionis viro alia quoque ad ius publicum pertinentia doctrinae praestantia et vsus atque exercitatio, summa iudicii acie instructa. Occasio autem enata ex conatibus heri sui, Ernesti Augusti, ducis Hannoverani, cui spes potiundae dignitatis nouae electoralis tunc enascebatur. Cum enim in actis tum imperii Romani publicis, tum serenissimae domus Luneburgensis et Brunsvicensis, Leibnizius esset versatissimus, et acute vbique videret, tabularia principis, autem omnia ei paterent, tanta industria, tantoque pro serenissima domo studio in eruendis eius iuribus, priuilegiis, praerogatiuis et similibus defudauit, vt vtilissima inde illustrissimo Platenio, qui res futuri electoris in comitiis curabat, auxilia exurgerent, annoque cło lō c x c i i res omnis ex voto finiretur, adscripto celsissimo principe electorum collegio. Ita vero dum historiam antiquissimae domus scrutatur, et res eius ab ovo quod aiunt orditur, initio facto ab ipsis originibus, enatae viro foecundissimi ingenii nouae de statu terrae primaeuo post diluuii tempora cogitationes, naturalem historiam mire illustrantes, quarum compendium *Actis eruditorum* <sup>b</sup> inseruit, integras autem in chartam coniecit, quas transmissas collegio Sorbonae calculum eius meruisse testatur, qui ad biographiam Leibnizii, Germanice versam annotationes adiecit. Neque tamen exiguae tantum molis libellis eruditionem in hoc quoque genere prodidit, licet vbique praeclara atque vtilissima funderet, sed cum actorum publicorum, chartarum atque monumentorum insignem prorsus aceruum collegisset, isque vnde quaque augeretur, praeter historiam Brunsvicensem, cui saxo volendo ex domini sui iussu

Y y 2

prae-

y) Vid. p. 337. Ed. Fell. vbi satis prodidit Pellissonius, triumphare secum interim philosophiae, malleque ineptas nugas, si suae parti fauerint, quam veritatem rationibus philosophicis probatam. Sed et reliqua apertum Pyrrhonismum fa-

piunt; sine his enim armis tela Leibniziana offere ere erat impossibile.

z) Vid. *Act. erud.* 1692, Sept.

a) Eas, Protogaea, appellauit.

b) 1693, Ian.

praecipue inuigilabat, totius quoque Europae historiam publicam, et quod illi potissimum innititur ius gentium publicum illustrare aggressus est. Vocauit autem, praeter collectanea tanto studio congesta in subsidium, bibliothecae Augustae Guelphëbytanae, his diuitiis mire splendentis codices, monumenta regia aliaque auctoritate et fauore principum ex tabulariis publicis collecta, libros rarissimos, in quibus acta publica deprehenduntur, verbo, quicquid argumentum nobile et grauissimum illustrare et perficere posse iudicabat. Accessere studia et beneuolentia virorum doctorum, qui conatus laudatissimos illustris viri, pro viribus iuuare atque promouere contenderunt, qua in re humanitatem Ezechielis Spanhemii, Boisotii, Christophori Schraderi, Io. Alberti Heügelii, Gerardi Meieri, Greifencranzii, Io. Georgii Graeuii, Pauli Voëtii, Gilberti Burneti, Thomae Rymeri, Thomae Smithi, Sparuenfeld, aliorumque laudauit. Ita tandem, consultis quoque praestantissimis collectionibus historicis prodiit anno cło lccxciii *Codex iuris gentium diplomaticus, in quo tabulae authenticæ actorum publicorum tractatum, aliarumque rerum maioris momenti per Europam gestarum, pleraeque ineditae vel selectae, ipso verborum tenore expressae ac temporis serie digestae continentur, a fine seculi undecimi ad nostra usque tempora.* Cuius libri praestantissimi historiam hoc loco enarrare, institutum vetat, consuli autem non sine fructu viri docti possunt, qui hanc operam susceperunt, maxime autem legenda sunt, quae illustris auctor more suo doctissime tum in primum codicis tomum, tum in alterum, qui mantissam continet, est praefatus. Nobis id annotasse sufficiat, quod et FONTENELLIUS<sup>c</sup> obseruauit, virum summum non modo ingenio, quod supra modum acutum et elegans nutriebat, sed et ferrea diligentia et studio indefesso, quod ad publica emolumenta referebat humanae societatis, amor, et iudicium rectum, literis pariter rebusque publicis prodesse voluisse, et omnium quoque bonorum expectationem expleuisse.

*Labores philosophici  
Leibniziani  
eo tempore.*

§. XVI. Reuersus ab hoc labore historico ad consueta studia, ad refingendos philosophiae primae siue ontologiae vultus animum applicuit. Cui labori eo magis par erat excelsum Leibnizii ingenium, quo magis totum erat ad metaphysicas speculationes quasi natum, systemati autem apte et cohaerenter concinnando omnium aptissimum. Indignabatur autem vir acutissimus, scientiam nobilissimam, ex qua communia recte sentiendi et definiendi principia hauriri debeant, in inanem terminorum notitiam esse mutatam. Hinc qua ratione emendari posset, quidque substantiae notioni, quam velut fundamentum, substernendam esse reliquis statuebat, esset addendum, peculiari obseruatione, actis eruditorum<sup>f</sup> inserta explicuit; multos in ea re affeclas nactus, quamuis Cartesianis, maxime

RVAR-

c) A&E. erud. 1693. Mart. August. LVDOVICI l. c. §. 361. p. 386.

d) Extat vtraque praefatio Vol. III. Epp. а Континенто единаrum p. 168. seqq.

e) loc. cit.

f) 1694. Mart. p. 110.

RVARDO ANDALAE <sup>e</sup>, aliisque vis illa actiua, conatusque substantiae mire displicuerit. Ipse vero Leibnizius, cum hoc pacto naturam rerum, ipsasque motus leges modo simplicissimo recludi posse crederet, quadriennio post eandem assertionem, commentatione *de Ipsa natura siue vi insita*, repetiit. Alios labores tum ad geometriam, tum ad artem salutarem, tum ad ius publicum pertinentes, quos hoc anno exclusit foecundissimum Leibnizii ingenium, cum ad tractationis nostrae argumentum non pertineant, breuitatis causa praeterimus <sup>b</sup>.

§. XVII. Nouis philosophiam accessionibus auxit inexhausta Leibnizii doctrina anno sequente cło 10 c x c v. Cum enim deprehendisset, falsas motus leges sibi concepissee Cartesium, de veris earum fundamentis atque principiis dispiciens, nouam de viribus substantiarum scientiam tandem meditatus est, ex qua omnis mechanismi ratio simplex atque naturalis posset deduci, et mensura virium, maxime viuarum definiri. Quia tamen, quam animo conceperat, scientiam nouam, quam dynamicen salutabat, integram exponere, tot simul laboribus obrutus non poterat, *Specimen dynamicum actis eruditorum* <sup>i</sup> inseruit, ex quo multa postea materia viris doctis enata est, de mensura virium disputandi, quae hoc loco enarrare nihil attinet. Quemadmodum hoc tempore ad dubia a clarissimo viro, Bernardo Niewentyt contra calculum differentialem eiusque vsum in resoluendis problematibus geometricis proposita, more suo, id est acute et humaniter respondit <sup>k</sup>. Nullae autem in argumento magis aut ingenii Leibniziani vis emicuit aut nouitas hypotheseos omnium in se oculos conuertit, quam in nouo, quod hoc anno in *Ephemeridibus Parisiensium literariis* <sup>l</sup> vulgauit, *Systemate de natura et communicatione substantiarum, itemque vniione inter corpus et animam intercedente*. In quo famigeratissimam hypothesein de harmonia inter animam et corpus praestabilita, de qua infra ex instituto dicemus, prima vice cum philosophico orbe miro et diuerso euentu communicauit. Anno cło 10 c x c v i notis honoribus Leibnizius ab electore Hanouerano auctus est, cum merita eius de domo Brunsvicensi in dies crescerent et augerentur. Declaratus enim consiliarius iustitiae intimus et historiographus electoralis, non titulo modo, sed emolumentis quoque gauisus est, quamuis vitae pragmaticae rationi non adstringeretur, nec in consessu administrorum status locum caperet, nisi cum de rebus ad historiam et ius publicum spectantibus consuleretur, vt in causa Saxo-Lauenburgica, et in controuersia cum duce Wirtembergico accidisse, Ludolfo Hugone, Vice-cancellario Hanouerano, dirigente et dicendi rationem dependante, obseruauit Cl. FELLERS <sup>m</sup>. Ita vero nouis exci-

*Acta literaria Leibniziana anni MDCXC/.*

Yy 3

tatus

g) In diff. de Vera notione substantiae, quae auzat. in Pensée dissert. philos. diff. 1.

h) Consulendus L. v. p. v. c. l. c. §. 363. seqq. p. 394. seqq.

i) 1695. p. 145.

k) ib. p. 310.

l) 1695. Iuin. p. 444. 455.

m) Supplem. vit. Leibnia.



tatus stimulis pro causa atque gloria heri sui omnem mouere lapidem maxima contentione studuit. Cumque serenissimae domus Brunsvicensis historia eum quotidie occuparet, ab eo tempore coeptum tramitem noua opera et maiori industria prosequi, et adiutus ministerio virorum doctorum, maxime Ioachimi Fridr. Felleri, et Io. Georgii Eccardi, quos in laboris societatem adsciuerat, quaecunque in amplissimo historiae medii aevi campo reperire poterat ad Brunsvicenses res facientia mira patientia collegit, digessit, et in horrea sua retulit. Cuius generis curis cum interponere gaudia soleant alii, ipse ad philosophiae hortos diuertit, et eius deliciis medii aevi taedia leuauit. Ex qua recreatione philosophica, "exortae *Meditationes*" eius in Io. LOCKII *Librum de Intellectu humano*, in quibus debitis quidem laudibus ornat opus praestans et acutum, non diffitetur autem displicere sibi ea, quae contra ideas innatas, de idea substantiae, de anima interdum actu non cogitante, de idea vagui, de forma logica, philosophus Anglus disseruit, quamuis ea non ob stare putet, quo minus accessiones maximi momenti ad philosophiam factas esse a Lockio dici possit. Quo iudicio aequissime et non sine meritorum Lockianorum laudibus lato, valde tamen et ipsum Lockium, et amicos eius Guilelmum Molinaeum et Ioannem Clericum offendit, quorum iniquitatem inferendo de hominibus nostris iudicio accurate solideque demonstrauit celeberrimus Io. CHRISTOPH. GOTTSCHEDIVS, dignus fama Leibniziana vindex. Reliquum, quod a labore, cui praecipue se deuouerat Leibnizius supererat, tempus amplificandae defendendaeque hypothesi harmoniae praestabilitae impendit, et ad obiectiones Foucherii respondit, breuibus autem scriptionibus philologiam illustrauit, id cauens, ne vlla in re, etiam in literis, otiosus esset, diceretque aliquid, quod non esset vtilissimum.

*Invença  
aritmética  
binária.*

§. XVIII. Habet porro annus **MDCCXCVII** aliquid noui profectum a Leibniziano ingenio, quod admirationem orbis eruditi meruit. Nempe creationis ex nihilo atque vno, id est creatore, imaginem delineaturus nouum computandi genus ex nihili atque vnitatis signo constans, mira ingenii felicitate detexit, quod arithmetica binariam siue dyaticam appellauit. Non patitur locus atque tractationis ratio, vt quo pacto numerandum esse solis signis **O.** et **I.** doceat vir maximus ingenio, quoque serierum fundamento nitatur, quam vtilitatem prae arithmetica denaria habeat. Exponenda haec sunt in historia arithmeticae, in qua nobilissimam atque elegantissimam partem constituit. Id historiae Leibnizianae causa modo enarrandum, viginti atque amplius annis virum illustrem hanc numerandi viam iam in animo habuisse, isto autem quem diximus anno delineato numo maioris molis, ad explicandum creationis ex nihilo mysterium elegantissimum *Eugenius* primum adumbrasse, dicasseque Rudolpho Augusto Brunsvicensium

n) Extat in Collect. Schediasmatum philof.  
Leibnizii, Clarkii, Newtoni etc. T. II. p. 143. et T.  
III. Opp. Lockii Londini 1717. editorum.

o) In Progr. de Iniquitate exteriorum inferendo de eruditis nostratibus iudicio illustrium virorum Jo. Lockii et Wi'h. Molinaei exemplis confirmata.

sum duci, prolixius autem exposuisse in epistolis ad Io. Christianum Schulenburgium <sup>p</sup> perscripsisse quoque mysterii huius rationem ad Claudium Philippum Grimaldum, qui tunc ex societatis patribus tribunali mathematico apud Sinenfes praeerat, eique ac sociis persuasisse, clauem hanc esse sapientiae Fohianae, a tot seculis ipsis Sinenfibus deperditae. Quae de re cum in fine tractationis aliquid dicendum fit, hic plura non cumulamus. Consuli autem possunt quae pro mysterio hoc arithmetico enucleando vulgauerunt RVD. AVGVSTVS NOLTENIVS <sup>r</sup> et Cl. KOEHLERVS <sup>s</sup>. In reliquis quibus de re literaria hoc anno mereri annifus est vir celeberrimus, laboribus de Cartesii philosophia ad Nicasium differuit, de rebus Sinicis nouissimas relationes vulgavit, suo quoque loco a nobis tangendas, et capita quoque nonnulla ad historiam Germaniae veteris et medii aevi pertinentia eleganter illustravit. Anno autem sequenti *Accessionum historicarum, sive monumentorum nondum haecenus editorum* Tomos duos publici iuris fecit: In argumento philosophico autem, cum de notione naturae eiusque vi, et operatione inter se digladiarentur Ioannes Christophorus Sturmius et Guntherus Christophorus Schelhammerus, dynamica principia iam ante proposita contra obiectiones Sturmianas confirmavit illustravitque <sup>t</sup>. Et eandem quoque viam ad decursum seculi expirantis tenuit; semper enim aliquid noui eruditae ciuitati legendum dedit, quod vel geometriam perficeret, vel calendarium emendaret, vel historiam ciuilem pariter atque literariam iuuaret, quae recensere omnia; loci huius non est, videndus autem, qui cuncta pulchre complexus est, biographus Leibnizii Cl. Ludouici. Hoc vero tempore quoque P. Baylio, dubia contra harmoniam praestabilitam nectenti respondit.

§. XIX. Illustre autem prorsus est, quo sibi ciuitatem eruditam immortaliter deuinxit Leibnizius, meritum, cuius euentus laetissimus ver-  
tente seculo apparuit. Nempe totus exardescere vir suo iure magnus in  
literarum incrementa promouenda, omnemque lapidem mouebat, vt et  
ipse ex abundantissimo penu quotidie noua conferret, et alios ingenio at-  
que doctrina praestantes ad similes conatus perficiendos exhortaretur.  
Probe autem et ratione inductus, et exemplis Galliae atque Britanniae con-  
uictus nouerat, nihil magis proficuum esse literis, quam si mutuas inter  
se manus viri docti iungant, initoque foedere, positisque legibus suas sym-  
bolas ad emendandas et augendas disciplinas conferant. Cui fini obtinen-  
do, vt erat animo magno, cum valiturum praesidium atque medium adhi-  
bendum esse statueret, Fridericum I. Borussiae regem, principem vere  
magnum

*Societatis  
Scientiarum  
Berolini con-  
stituendae  
auctor Leib-  
nizius.*

p) Insertae sunt eius consilio de concilianda festorum cum Paschate ratione, Lips. 1724. edito p. 183. 186.

q) Pec. Schediasmata Lips. 1734. edito, vbi nummi a Leibnizio inuenti delineatio quoque exhibetur. Add. Appendix ad Germ. Vers. Theodicæ, quae narratio ex TANZELII Colloquijs mensuris hausta est.

r) Is versioni Monadologiae Leibnizianae, ipsam illustris viri epistolam ad ducem Brunsvicensem p. 103. seqq. adiecit.

s) A. E. 1698. Sept. diximus de hac controuersia in Vita Sturmii parte antecedente. Conf. Vol. I. Epp. p. 25.

magnum et amplissime literis fauentem in partes pertrahere constituit. Illum igitur cohortatus est, vt exemplum Ludouici XIV et Caroli II, imitaturus, societatem scientiarum regiis auspiciis conderet, viros doctos concessis priuilegiis ad augendum disciplinarum honorem excitaret et hoc pacto nouam Musis sedem in aula sua panderet. Haec, vt efficax erat eloquentia Leibnizii, regi praesens persuasit, virosque doctissimos ipsosque administratos regis ea in re socios laboris et commodationis habuit, eo euentu, vt, ruptis tandem, quae consilium laudatissimum sufflaminauerant, impedimentorum repagulis, res omnis perficeretur, et, imposito prius nouo regi diademate regio, anno sequenti recenti societati praeesse Leibnizius, etiam absens iuberetur. Quo axiomate bonis auiibus, felicissimisque, pro republica literaria auspiciis ornatus, omnem in id vires contulit, vt viros vndeque colligeret, et eruditionis laude et scriptorum gloria commendatissimos, qui datis societati nouae nominibus symbolas suas ad amplificandas literas, maxime philosophiam, mathematicam et philologiam conferrent, et exempla exterorum laudabili emulatione sequerentur. Qua in re gnauiter virgenda, quam sedula fuerit Leibnizii contentio, ex epistolis eius a Cel. KORTHOLO\* editis abunde constare potest; His vero artibus adeo gratiosum se optimo principi, gloriam ex literis promotis sibi iustissimam quaerenti reddidit, vt singulis partibus beneuolentiae regiae specimina multoties acciperet. Immo non regis tantum sapientissimi gratia frui, sed et optimae reginae, quae parem in sexu suo eo tempore et virtutis, et doctrinae cultu non habebat, et amplissime viris doctis fauebat, eorumque colloquiis mire gaudebat, placere et frequenter illi adesse Leibnizio licuit. Qui vt animum maiestatis gratiaeque regis deuotissimum testaretur, cum literariis consiliis bene coepta secundauit, tum ex rarissimae eruditionis historicae penu in controuersis illustribus regiae domus, status administris, qua posset ratione impiger adfuit. Interrupit tamen nonnihil laudabiles conatus morbus, quo aliquot menses anno MDCCIII Berolini aegrotauit.

*Acta Leibnizii anno MDCCIV seqq.*

§. XX. Quod Berolini tam laeto successu voluerat saxum, Dreldae quoque in aula Poloniae regis similiter voluendum sibi esse ratus Leibnizius, quod conuictus esset, maximo animo fauere literis principem incomparabilem, huius quoque mentem ad excitandam academiam scientiarum compellere statuit, eo fine, vt sororio cum Berolinensi vinculo iuncta communibus nisibus laboreque inter se communicato literarum incrementa promoueret. Fulciebat spem Leibnizii, quod regem artium mathematicarum iucunditate et elegantia plurimum delectari nosset. Nec dubitandum est, quin successum consilium habuisset exoptatissimum, si in alia tempora incidisset. Ast belli strepitu tum valde molesto personabat Polo-

t) Conf. si placet, quae ea de re in Vita Danielis Ernesti Iabloniskii, Decade II, Pinacothecae scriptorum nostra aetate illustrium diximus.

u) Vid. Vol. I. p. 68. 70. 74. 76. seqq. Vol. IV. p. 347.

x) Vid. Vol. I. Epp. p. 248.

Polonia, et ad magis necessaria et grauiora vocabatur regis animus. Ita vero factum, vt in ipso partu spes omnis suffocata euanesceret. Noster itaque ad praesentia conuersus, non modo irenica, quae tum in aula Berolinensi feruebant consilia maxima prudentia iuuare, et inepta, ac bello magis accendendo, quam paci restituendae idonea proscribere, maxime autem historiam Brunswicensem, cui augendae promouendaeque destinabatur, nouis laboribus illustrare aggressus est. Qua occupatione lenire se simul posse dolorem, quem ex obitu reginae Borussiae, Sophiae Charlotte, qui anno clō lōcccv accidit, conceperat, sperabat. Sub praelum ergo misit *Collectionem historicorum*, quibus antiquitates Brunswicenses et Atestinae, (quae vno ex fonte promanarunt) illustrarentur, quae tamen annis demum sequentibus clō lōccvii, clō lōccx, clō lōccxi, tribus voluminibus prodiiit. De qua, cum nobis instituti nostri limitibus retractis dicere hoc loco, et quanta illustris viri merita ob eandem in historia medii aeuui sint, ostendere non liceat, consulendi, post ipsum collectorem, eleganter prolixa eaque doctissima praefatione de pretio huic collectioni statuendo commentantem, Ephimeridum literarum eius anni, itemque bibliothecarum historicarum scriptores, qui laude digna virum summum mactarunt. Interim more suo, dum editioni inuigilat, scientiarum mathematicas, philologiam, historiam, iusque publicum minoribus scriptis, diariis literatis passim insertis, illustrare perrexit: quae cum argumentum nostrum non tangerent, praetermittimus, facile autem ex indice scriptorum Leibnizianorum colligi, discique possunt. Maius momentum habet studium, quod haud leue hocce tempore vrgebat, *Theodiceae* opus, hortante Borussiae regina susceptum, at post eius funera ab eo ommissum, resumendi, emendandi, augendi, perficiendi, ad quod amici eum fuerant cohortati. Absoluisset autem anno clō lōccvii foetum celeberrima postea fama per orbis literati circulos notum, ex epistola ad V. C. Mich. Gottlieb Hanschium constat, qua breuem nascentis eius libri historiam est complexus. Alia quibus theologis Helmstadiensibus commodum vtilemque se eo tempore praestitit, cum hac non pertineant, omittimus. Tacere autem non licet ea, quibus in argumento philosophico versatus est vir illustris anno clō lōccviii et sequente. Nempe cum CVDWORTHII *Systema intellectuale* a doctissima filia dono accepisset, legere illud more suo, cumque in argumento grauissimo versaretur, examinare constituit. Vidit autem (quod ad Cornelium Dietericum Kochium scripsit) eum pro parte fecisse, quod faciendum ipse censeat, vt non tam enarrentur omnia de rebus diuinis

y) Consulendae epistolae Leibnizii ad Ioannem Fabricium, Vol. I.

z) Act. erud. 1707. p. 460. FONTENELLE in Elog. Leibniziano, Io. FABRIC. Hist. bibl. suae T. III. p. 21. seqq. qui scriptores in ista collectione comprehensos fuisse recenset.

a) Conf. LVDOVICI P. I. §. 437. seqq. pag. 442. seqq.

b) Principia philos. ab HANSCHIO edita p. 144.

c) Annal. Acad. lul. sem. III. p. 191.

nis dogmata hominum, cum errorum numerus sit infinitus, quam excerpantur utiliora ad illustrandam veritatem, quae unica est. At concoquere naturas plasticas non potuit, quamvis materiae, praeter *αὐτὴν ἑαυτῆς* infinitas esse *ἐντελεχειας* statueret; eo quod secundum Cudworthum naturae istae non agant mechanice in corporibus, cum tamen censeret ipse, omnia in natura corporea fieri mechanice, etsi ipsa mechanismi principia ex sola materia non pendeant. Et de hoc quidem argumento, ad ingeniosissimam foeminam, quae miro in philosophia acumine gaudebat, in literis differuit, et assertorum suorum rationes explicuit. Deinde cum Leibnizium, sententiam de Pufendorffii philosophia morali, in libro *de Officio hominis et ciuis* comprehensa rogasset Gerardus Woltherus Molanus, abbas Loccumenfis, de ea quoque ita disputauit, ut satis luculenter ostenderet, totum quod construxerat Pufendorffius iuris naturalis aedificium sibi displicere, principia defectibus non exiguis laborare, plerasque sententias in progressu non admodum principiis cohaerere, neque ex iis, tanquam caussis deduci, sed potius aliunde ex bonis auctoribus sumi, improbari sibi, quod finem scientiae iuris naturae ambitu huius vitae includat, ea, quae intra pectus latitant, nec foris prorumpunt, ex iure naturae excluderit, causam efficientem iuris naturae non in rerum natura, sed in superioris decreto quaesuerit, sibi met ipsi vero saepe numero obloquatur. Vnde iudicauit, libellum, etsi multa bonae frugis contineat, illis tantum usum praestare, qui leui aliqua tinctura contenti scientiam solidam non affectent. Qua censura, dici non potest, quam molestus Pufendorffianae philosophiae moralis cultoribus visus sit, qui famam Pufendorffii inuidia instigante arrosisse Leibnizium censebant. Enatae inde *Observationes* celeberrimi IOANNIS BARBAYRACII in epistolam Leibnizianam, quam tamen vindicandam postea sibi delegit BALTHASAR BRANCHY, arbitri sibi partes sumente GERSCHOMO CARMICHAEL. IO. CLERICVS quoque, quae iniuste et praeter rem notata esse a Leibnizio iudicabat, publica scriptione confixit, eandemque semitam calcauit IMMANUEL WEBERVS, ut alios taceamus, qui vocibus pugnare Leibnizium, et praeiudicia ex philosophia Scholastica hausta censuerunt. Quibus tamen respondit, et pro veritate censurae Leibnizianae disputauit CL. ISRAEL THEOPHILVS CANZIVS. Porro circa idem tempus ad certamen philosophicum Leibnizium prouocauit Francisci Lamy

d) Extrat iam anno 1705, in Historia operum eruditum M. Maio 1705. p. 222, Commentatio Leibnizii de naturis plasticis.

e) Epp. Vol. IV. p. 16.

f) Edidit eius epistolam primus Io. Christoph. Boehmerus 1709. tum Ephemerides nouae Bibliothecae Lips. T. I. p. 836. et KORTHOITVS Vol. II. Epp. p. 145. sqq. sed multis quoque editionibus libelli de O. H. et C. praefixa est.

g) Adiectae sunt Gallicae versionis eius libri a viro praestantissimo editae, Amst. 1718. 8.

h) In Observationibus ad ius Romanum, Leid. 1731. 8. editis.

i) Edit is Pufendorffii libellum et supplementis ac observationibus auxit Edimburg 1724. 12. Vid. A. E. 1727. Ian.

k) Bbl. anc. et mod. T. IX. P. II.

l) In Monito apologetico ad epistolam Leibnizii censoriam Giesiae 1719.

m) In Philof. Leibnizianae et Wolfianae vsu in theologia P. I. c. II. §. 12. 13.

Lamy monachi Benedicti contentio; qui dubiis premere harmoniam praestabilitam coepit: iis enim more suo docte et fine bile respondit \*.

XXI. Admodum foecundus fuit industria Leibniziana annus *Fructus in-*  
 cō 1699, quo plurimum philosophiam editis nouis lucubrationibus am- *dustrinae Leib-*  
 plificauit, et omni quoque literaturae accessiones haud contemnendas ad- *nizianae an-*  
 iecit. Et primo quidem loco euentum hoc anno habuit exoptatissi- *cō 1699.*  
 mam cura Leibnizii obseruationes societatis scientiarum, Berolini  
 conditae, vno fasce collectas edendi. Quam cum iam triennium  
 fouisset, circa auspicia anni dicti prodire *Miscellanea Berolinensia,*  
*ad incrementum scientiarum ex Scriptis Societati Regiae Scientiarum*  
*exhibitis edita, cum figuris aeneis et indice materiarum.* Quam  
 obseruationum praestantissimarum farraginem, non extorsit modo preci-  
 bus et cohortationibus suis viris doctis Leibnizius, totam digessit, prae-  
 fatusque est et regi inscripsit, omnemque editionis curam vnus fere ab-  
 soluit, sed et ipse ex abundantissimae eruditionis penu quam plurima con-  
 tulit, immortalem ei gloriam conciliantia. Siue enim matheos mysteria  
 rimaretur, siue antiquitatis fontes aperiret, siue rerum physicarum, hi-  
 storicarum, philologicarum rationes panderet, in omnibus aequae ma-  
 gnum ostendit ingenium, dignus cuius vel hoc solo nomine apud posteros  
 perennet memoria. Deinde quam absoluerat, *Theodiceam, siue disserta-*  
*tionem de bonitate Dei, libertate hominis et origine mali,* hoc anno  
 typis Amstelodamensium prodire iussit, cuius celeberrimi libri historiam  
 atque fata infra strictim enarrabimus. Id in praesentia monemus, et scri-  
 bendi elegantiam, et argumenti varietatem multiplici doctrina refertam,  
 et nouas atque inauditas hypotheses miro acumine defensas et aduersarios,  
 quibus doctissima commentatio opposita est, in admirationem plerosque  
 rapuisse, ita vt faterentur illi quoque, quibus multa paradoxa visa sunt,  
 incomparabile esse decus ingenii Leibniziani. In hac autem tractatione,  
 quamuis plurima noua sint, harmonia tamen praestabilita non inter ani-  
 mam modo et corpus, sed et inter naturae ac gratiae regnum, itemque  
 elementa monadologiae prorsus singularia orbis philosophici oculos prae-  
 reliquis in se conuerterunt. Ceterum et Longium, *Bibliothecam*  
*sacram* augentem hoc tempore adiuuit, et thesaurum codicum Mscr.  
 Gudianum bibliothecae Guelpherbytae vindicauit. Tanto ardore  
 cum in literarum disciplinarumque augmenta esset accensus, maximo  
 eius gaudio accidit, vt anno sequente Petro I. Russorum impera-  
 tori innotesceret, quem Torgauiae conueniendi occasionem erat nactus.  
 Vt enim maxima quaeuis complexus erat animo princeps magnus et  
 praecipue emendandis ad meliores sensus subditis excelsa spiritu in-  
 tentus, ita non potuit non facilem se praebere Leibnizio, cuius ingens  
 animi acies et summa de artibus atque scientiis merita ipsi commendata  
 erant, auresque praebere patulas, cum nobilissima de augendis iuuandis-

Z 2 2

que

\*) Journal des Savans, Suppl. 1709. Mai.

que literis confilia vir optimus suppeditaret <sup>o</sup>. Quae gratissima fuisset monarchae, non modo muneribus, eius magnificentiam decentibus demonstravit, sed et paulo post memorabili euentu compertum est. Relatus enim in numerum consiliariorum iustitiae, quos vocant, intimorum, annuo mille thalerorum stipendio auctus est <sup>p</sup>. Sed et postea an. c1010ccxvi, quod ipse ad Kortholtum scripsit <sup>q</sup>, ad acidulas Pyrmontanas profecto, Russorum imperatoris exporrecta frui gratia licuit: eidem quoque per biduum, quod deinde Herrenhusae prope Hannoueram egit, adhaesit, miratus in tanto principe non tantum humanitatem, sed et notitiam rerum et iudicium acre. Quod quanta reipublicae eruditae vtilitate, quantis scientiarum incrementis factum sit, facies Russiae literatae, pristinae barbariei ingenioque Scythico prorsus dissimilis satis probat, cum hodie tanti principis consiliis, quae fouit, auxit, formauit Leibnizius, id potissimum debeatur, ~~et~~ nec vlla elegantiae literariae pars in vastissimo regno desideretur, nec laudatissimis institutis sequi vestigia ista cessauerint, quibus scepra Russica post Petrum I. tradidit diuina prouidentia.

Conatus Leib-  
nizii promo-  
uendarum  
scientiarum  
in aula Vien-  
nensi.

§. XXII. Quae in aula monarchae Russorum arrisit Leibnizio fortiter, apud Romanorum imperatorem non minus fuit fauentissima. Cum enim optimus princeps Antonius Vtricus, Brunsvicensium dux, Leibnizium Carolo VI. gloriosissimae memoriae de meliori commendauisset, locum eum in consessu consiliariorum imperii aulicorum capere iussit, et baronis axiomate clementissime auxit <sup>r</sup>. Cuius clementiae magnitudinem cum satis intelligeret Leibnizius, dignum ea se reddere cupiens, anno c1010ccxiii Viennam aduolauit, et quid sibi de pacis Vltraiectinae ratione a Sinzendorffio delineata videretur, augustissimo imperatori scripto exposuit. Quae cogitationes adeo placuere et ipsi imperatori et summis rerum administris, vt stipendium bis mille florenorum Leibnizio decerneretur, vna cum conuictu in aula, duplo auctius, testibus *Actis eruditorum* <sup>s</sup> obtenturo, vbi sedem fixam, quod facturus erat, si diutius superuixisset, Viennae constitueret. Sed et alios inde effectus habuit ipsi laetissimos atque exoptatissimos. Admissus enim in amicitiam Eugenii Sabaudiae principis, aditum parante Bonneualio comite, incomparabilem heroem, artis non minus patrocinio quam Martis fauore et experientia, atque felicitate bellica immortalem sibi fauentissimum expertus est <sup>t</sup>. Qui cum plurimum in aula valeret, omnium autem optime literis cuperet, easque promotum, quo posset modo, iret, facile intelligi potest, non Leibnizio tantum, sed et disciplinis exoptatissimam euenisse tanti herois beneuolentiam. Simili ratione aulae cancellario Sinzendorffio, de quo magna erat imperatoris opinio, valde commendata est Leibniziana eruditio <sup>u</sup>. Et his summis viris parariis ausus est Leibnizius, vltimam in vita

<sup>o</sup>) Epp. Vol. I. p. 304. 150. 414.  
<sup>p</sup>) A. E. I. c. <sup>q</sup>) p. 365.  
<sup>r</sup>) Factum id expirante anno 1711.

<sup>s</sup>) loc. cit.  
<sup>t</sup>) Vid. Vol. III. Epp. p. 289. seqq.  
<sup>u</sup>) Ibid. p. 293.

vita sua manum promouendarum literarum negotio admouere, excitata quaestione atque consultatione de erigenda auspiciis imperatoriis societate scientiarum. Ad augustissimum ideo monarcham consilia sua detulit, qui cum animo non minus, quam imperio esset maximus, mature perspexit, plurimum ad gloriam sceptri sui, quin et vtilitatem patriae et regnorum suorum conferre posse, si hoc pacto scientiae iuuarentur. Vrsere institutum et ipse Eugenius, et comites Sinzendorffius atque Dieterichsteinus, alique rerum Austriacarum et Bohemicarum administri, qui literis egregie fauebant; neminem enim facile omittebat vir illustris, quem laudatissimum institutum in aula Viennensi precibus, monitis, consiliis iuuare promouereque posse crederet. Et licet nonnulli, quos religionis zelus quidam, sane praeposterus, in scientias armauerat, intercederent, et clandestinis artibus sufflaminare successus exoptatos tentarent, ipsum tamen clementissimum monarcham res immortalitatem gloriae comparatura fauentissimum habuit. Et dubium non est, quin ad laetissimum tandem euentum negotium totum peruenisset, nisi et fata publica moram iniecissent; et fata vltima Leibnizii illud tandem imperfectum relinquere eum coëgissent. Scripsit enim Leibnizius ad Ioannem Christianum Langium V. C. *magnum imperatorem praeclara agitare consilia, et scripto etiam decreto sibi rei curationem commissam esse. Sperareque, ubi nonnihil respirauerit aula ab incredibili sumtu, qui in bellum praesens poscatur, rationem initum iri nouae foundationis, quae viris egregiis viam apertura sit, ad praeclara destinata in rem conferenda.* Alio autem tempore, ad Schmidium, quo imprimis intercedente apud imperatoris amicos in aula utebatur, scripsit, *accepisse se a cancellario aulae imperatoris nomine decretum confirmatorium eius rei, sic ut negotium ex voto optime succedat, et speranda modo atque expectanda pax sit; rem enim tantum non confectam esse, et desiderare modo, vltimam manum imponendam.* Ex quibus, aliisque, facile cumulandis, si historiam literariam scriberemus, constat, fatorum iniquitatem obstitisse, quo minus res euentum sortita sit. Plurimum quoque ei obfuit absentia Leibnizii, quem et negotia ab aula Brunsvicensi commissa reuocauerunt, et pestis, quae anno cło 1663 Viennam depopulata est, relinquere aulam coëgit. Ceterum in ista mora Viennensi non modo scientiis mathematicis et historiae promouendae consilia sua destinauisse Leibnizium ex epistolis eius patet; sed et philosophiam amplificare studuisse, eamque in rem Eugentii voluntate in literas et philosophiam optime affecta prudenter fuisse vsum, ex dedicatione *Principiorum philosophiae* a viro celeberrimo MICHAEL GOTTLIEB HANSCHIO ad Eugenium Franciscum principem de Sabaudia et Pedemontio etc. scripta, constat, in qua docet, *serenissimum principem auctorem ei extitisse, ut primam de illis conscribendis cogitationem susciperet.*

Z z 3

XXIII.

x) Ibid. p. 294. er in Collections Epp. Gallicarum Leibnizii Kortholtiana p. 65.

y) Plurimum hanc rem illustrent Epistolae Leibnizianae Vol. III. ab ep. 38. ad 57.



*Reuersi Han-  
nouerani  
Leibnizii la-  
bores.*

§. XXIII. Et haec quidem Viennae a Leibnizio acta sunt: domum autem eum reuocauit admotus Britanniae throno post mortem Annae elector Hannoueranus, quem salutare, gratularique diadema regum constituerat. Qui cum ante aduentum in Angliam discessisset, seruitio tamen fidem demonstrare atque obsequium studuit. Cui heri sui rebus velificandi contentioni tributum tunc est schediasma, quod rege in Britanniae throno collocato titulo *Anti-Iacobitae* comparuit, quodque scriptis Anglorum nonnullorum, quae contra religionem Lutheranam ad constandum regi apud populares suos odium prodierant, respondit, et discrimen ecclesiae Anglicanae atque Lutheranae in articulo de coena curatius demonstrauit. Ast negauit Leibnizius haud semel <sup>2</sup>, ipsum eius scriptio- nis auctorem esse. Certius est, nouis stimulis adactum Leibnizium condendae historiae Brunswicensis filum resumisse <sup>3</sup>. Sunt qui tradant, indignationem aulae meruisse Leibnizium, quod negotium, in quod im- mense haecenus sumtus fuissent facti negligentius tractaret, et crebriori- bus itineribus longaque in alienis locis mora rem interpellaret; idque adeo aegre tulisse Leibnizium, ut de relinquenda Germania, figendaque for- tunarum suarum sede apud Gallos cogitare coeperit <sup>4</sup>. Quod utrum in- dubitato verum sit, dicere non habemus <sup>5</sup>: fatemur autem, non carere omni verisimilitudinis specie. Nam biennium fere Hannouera abfuerat, reduxque Tourneminio, Iesuitae Gallo, quo amico utebatur, consi- lium suum aperuerat, in Galliam concedendi: lectis quoque eius literis rex Ludouicus XIV, gratiam ei atque commoda obtulerat. Paulo post autem constitutus est a rege Angliae historiographus Brunswicensis Eccar- dus, ut tantum opus perficeret. Leibnizius vero, quem dolores arthriti- ci, quibus subinde misere vexabatur, in Germania retinuerunt, sustenta- tus Eccardi industria gnauiter prosequi negotium perrexit, fauente rege, et diligentiam utriusque fouente. Itaque in studio historico iterum ver- satus noua ubique detegere, vetera firmare, et origines quoque gentium eruere tentauit. Cui labori elegans quoque schediasma *de Origine Fran- corum* debemus <sup>6</sup>, quo Francos primum venisse a Baltico mari, fuisseque confluxum hominum ex Danis, Saxonibus, Anglis, Warnis aliisque populis vicinis probat. Quo in asserto, veterum testimoniis confirmato aduersarios expertus est Ioannem Tourneminium et Nicolaum Hierony- mum Gundlingium, de qua tamen controuersia plura hic dicere non li- cet <sup>7</sup>. Non vero, argumentum tantummodo historicum controuersiae circa hoc tempus implicuit Leibnizium, sed et philosophicam contentio- nis ferram reciprocare cum Samuele Clarckio, Newtoni assecla et secta- tore coactus est. Cum enim Newtoniani quidam valde reprehenderent, quod

<sup>2</sup>) FONTENELLE et Act. erud. l. c.

<sup>3</sup>) Vid. Nou. Lit. Lipsiens. 1715. Suppl. XI. p. 495. Epp. Vol. III. p. 302.

<sup>4</sup>) Vid. Anonymus ad elogium Leibnizii Fon- tenellianum.

<sup>5</sup>) Journal des Sçavans 1722. Fevr. art. 9.

<sup>6</sup>) Extrat quoque in ECCARDI Legibus Fran- corum Salicis et Ripuariorum.

<sup>7</sup>) Conf. omnino Cl. LUDOUICI l. c. §. 503. 210. 211.

quod Deum intelligentiam supramundanam dixisset, harmoniam quoque praestabilitam improbarent, et haud pauca Leibnizianae metaphysicae arderent, ipse, ut ingenio metaphysico Newtonum longe superabat, gravissimas obiectiones contra attractionis et gravitationis principium, contra spatium, Dei sensorium, contra vacuum, aliaque philosophiae naturalis Newtonianae capita opposuit <sup>f</sup>. Ex quo enata elegans et erudita *Collectio epistolarum Leibnizii, Newtoni, Clarckii, aliorumque philosophiam, religionem naturalem et mathematicas artes illustrantium* <sup>g</sup>, quae consuli omnino ab illis debet, qui de pretio Newtonianae et Leibnizianae philosophiae (de qua nuper inter se decertarunt clarissimi viri *VOLTAIRIVS* <sup>h</sup> et *KAHLIVS* <sup>i</sup>) iudicare cupiunt. Cuius tamen argumentum atque summam enarrare hoc loco nobis, aliud agentibus non licet. Non absoluit tamen controuersiam istam Leibnizius fatis praeuentus, quare ad ultimam Clarckii epistolam pro Leibnizio respondit *V. C. LVDOVICVS PHILIPPVS THVMIGIVS* <sup>k</sup>.

§. XXIV. Ita totus literarum amore et promouendarum disciplina- *Obitus Leib-*  
rum desiderio flagrabat Leibnizius, cum decrescere corporis vires, ex *nizii.*  
arthritidis doloribus et frequentibus insultibus valde exhaustas, ipse sentiret, aliquoties ab inimico malo deiectus, a quo tamen cruciatu eum medicina quaedam a nonnemine ex Societate Iesu suppeditata ad tempus liberauerat. Susceptis autem breuibus itineribus, cum de philosophia Sinensi ad Remondum <sup>l</sup> scriberet, arthritidis vehementia, humeros infestans exitialis illi esse coepit. Et assumpsit ille quidem decoctum illud, quod a Iesuita Ingolstadiensi parare didicerat; at exhaustae corporis ad senium vergentis et doloribus fracti vires eiicere potionem istam medicatam nequiuerat, quo pacto obrui corporis aedificium praegravarique malo necesse erat. Accedebant calculi dolores, affine malum, cui medendo quidem adhibebatur celeberrimus Seipius, cuius tamen medicamina effectum exoptato caruere, accedentibus conuulsionibus, quas instantis fati praenuntias esse, ipse probe vidit. Chartam itaque atque calamum dum poscit, et quae scripserat lumine admouet, caligantes oculos deprehendit, abiectisque scribendi adminiculis quieti se componit, sicque post octidui morbum, nihil vaticinatus, nihil locutus, tegumento capitis oculis inuolutis

<sup>f</sup>) Adiecit has epistolas mutuas *CLARCKIVS* editioni secundae *Dissertationum de Existentia DEI*, Lond. 1717. 8. Vid. *Bibl. Angloise* T. I. P. II. art. 17. *Act. erud.* 1717. p. 439. *Nouvelles de la rep. des lettres* 1717. Janv. art. 3.

<sup>g</sup>) Totum I. illius collectionis constituit, Germanicè vertit *HENRICVS KOEHLERVS* Fr. et Lips. 1720.

<sup>h</sup>) In Comparatione Metaphysicae Leibnizianae et Newtonianae, Gallice edita, quam Germanica veste induit G. C. *MOSHEMIVS* magni parentis haud degener filius, Helmst. 1741. 8.

<sup>i</sup>) In Comparatione Metaphysicae Leibnizianae atque Newtonianae opposita *Voltairio*, Goett. 1741. 8. Germ. disputatum autem est de Deo, de vacuo et loco in Deo, de libertate Dei, de principio rationis sufficientis, de religione naturali, de anima eiusque vnione cum corpore, de principiis materiae primis, de natura elementorum monadumque, et de vi actiua.

<sup>k</sup>) Addita est eius *Responsio ad epistolam Clarckii* quintam *KOEHLERIANAE* versioni.

<sup>l</sup>) Prodiit postea in *Coll. epp. Kortholtiana* Vol. II. p. 413. seqq. de qua suo loco dicemus.

nolutis = XVIII Cal. Dec. anno cło lo cc xvi placide exspirauit, annos natus septuaginta. De cuius morte varii, vt solet fieri, rumusculi oborti sunt, quos tamen, cum fide dignis testimoniis careant, omittere, quam fabulis historiam commaculare philosophicam virique de literis immortaliter meriti famam onerare malumus. Quo etiam epitaphium Galli nonneminis pertinet, qui mortuo leoni insultare non erubuit. Aequius, viri docti memoriam defuncti, quem viuum principum fouit clementia, honorauit ciuitas erudita, laudibus cumulauit immensa eruditio, elogia decantarunt, inter quae eminet elegans elegia amplissimi Christiani Goldbachii, quae postquam merita viri illustris per omnem Europae ambitum doctrina illustris eleganter descripsisset, ita finitur:

*Nil iam terra dabas, quo pergeret, inuolat astris  
Fallor? an hic etiam cognita cuncta videt.*

Elatum est funere satis splendido, dignoque axioma, quo cum virum extulerat principum fauor atque clementia, postquam a pueritia ad annum aetatis septuagesimum in scientiarum stadio ita cucurrisset, vt plerosque anteuenteret, totus studiis intentus et in augendas scientias omnem vim animi corporisque conuertens. Quae causa quoque fuit, cur coelibem vitam matrimonio praetulerit; de quo semel tantum in vita, aetate iam prouectior, sed frustra cogitauit.

*Character  
Leibnizii.*

§. XXV. Fuit Leibnizius corpore non quidem procero, sed ad iustam tamen viri magnitudinem assurgente, eoque habitu, qui macilentus magis, quam pinguis videri posset, quique animi vim mole sua non grauaret. Eius autem robur in senem fregerunt frequentes dolores arthritici et podagrici, quibus factum, vt aliquoties in vita aegrotauerit. Igneum autem temperamentum stomachi ardor subinde prodidit; vnde vinum aqua temperauit, calida saepiuscule cum lacte vsus: parciore potu, cibo paulo pleniore alebatur, quod viro, plurimum temporis meditationi tribuenti, et diu sedenti non nocuisse mirum est. Ita vero victus rationem habuit, vt philosophum decet, cui vna veritatis cura, nullum enim ipsi prandii, nullum coenae tempus erat, sed vacans a studiis, famem habebat prandendi indicium. Teste autem biographo, cum in senectute doloribus arthriticis vexaretur, loco prandii pauculo lactis fruebatur, sed largius coenabat, statimque a coena cubitum ibat, quod antehac ante horam primam vel secundam matutinam vix contingebat. Nempe insatiabili desiderio cum in lectionem optimorum librorum, atque vtilissimarum veritatum meditationem ferretur, omnes vitae commoditates his occupationibus

m) Vid. Eccard, in Bibl. Brem. T. VIII. Fasc. 1. p. 51.

n) Vid. FULLER, l. c.

o) Nou. Lit. Lips. 1717. p. 69.

p) Ibid. p. 125. seqq.

q) Potu Caffee, HANSEN, l. c. p. 135.

r) Nempe temperamentum ardens et naturalis stomachi firmitas inuicem concoctionem etiam sedentis videtur.

s) Act. erud. l. c.

tionibus posteriores habuit, adeo vt integros saepe menses a studiis et ex museo non discederet, quod vtrum sanitati eius fuerit inimicum, nec ne, medicorum filiis disceptandum relinquimus, negari autem non posse arbitramur, vitam sedentariam potissimum scorbuticam massae sanguinis dispositionem induxisse, ex qua tandem arthritidis malum, et calculi quoque incommoda enata sunt. Multum tamen praestabat ingens vis animi, et diuinum, quod nactus erat ingenium, cuius facultates ita ad optimam temperamenti rationem efformatas habuit, vt, quid natura in producendis viris magnis possit, in Leibnizio demonstrauiſſe, sine temeritate iudicare liceat. Et iudicii quidem acumen in discernendis veri falsique caussis, modo, effectibus et similibus ita prodidit, vt mirum plane sit, virum tot disciplinarum inter se diuersissimarum studiis addictum inque argumenti generibus vastam lectionem et memoriam copiosam poscentibus, tanta certitudine iudicasse, et in veritatum systematumque recessus tam alte penetrauiſſe, errores detexiſſe innumeros, viamque a plerisque neglectam haud raro inueniſſe. Quod ne *παρεγγυηκός* dixiſſe videamur, ad incredibilem *ευσοχίαν* prouocamus, quam in difficillimis algebrae atque geometriae sublimioris problematibus prodidit, quae tanta fuit, quanta ab homine expectari potest, quaque meruit maximis veteris nostrique aevi viris aequiparari, immo praeferrī plurimis. Quod cum in concessis habere orbem eruditum sit notissimum, disputationis feruori adscribendum esse putamus, quod vir quidam doctus censuit, iudicio Leibnizium defeciſſe. Quamuis enim ad hypotheses nouas et ratione carentes prouocent, qui ita statuunt, si quid tamen iudicamus, egregie falluntur: quod si enim conceſſerimus, de quo disputandi locus hic non est, non probari posse hypotheses Leibnizianas accurate et sine praeiudicio iudicantibus, aliae tamen caussae, quam iudicandi vis imminuta accusandae sunt; cum frequentia satis exempla sint virorum iudicio acutissimo instructorum in annalibus literariis, qui ad nouas tamen et inauditas paucisque probatas sententias delapsi sunt. Vt taceamus, pleraque ea quae iudicandi virtute non consulta vir illustis attulisse accusatur, ab eo *υπερτιμώς* asserta fuisse, quorum natura ea est, vt de ipsius hypotheseos veritate et falsitate haecenus dispici non soleat, modo ratio pateat de phaenomenis aliquid statuendi, quo duce tandem, abiecta hypothesi, ad veritatem perueniri posse sperandum sit. Quo pacto harmoniae praestabilitae hypothesin virum summum adhibuiſſe, quae iudicio carere multis visa est, infra dicemus. Fatemur autem, etsi acerrimo iudicio vsus sit Leibnizius, inue-

c) Negat id Cl. LVDOVICI l. c. §. 236. p. 263.

u) Ven. IOACH. LANGIUS in Recensione scriptorum Anti-Leibnizianorum et Anti-Wolfianorum p. 36. conf. tamen EIVSDEM. Modestam

Disquisitionem noui philosophiae systematis de Deo, mundo et homine p. 151. HEYMANN. Act. phil. Vol. II. p. 469. REIMANN. Hist. lit. Germ. P. III. p. 642. МОРНЕР. Polyhist. T. II. p. 297.

inueniendi tamen fingendique vim animi praecelluisse, quam vere diuinam et incredibilem fuisse concedent, qui tot *ευρήματα* ab illustri viro producta in lucem, tot problemata geometrica summis quoque viris impetua, quae construxit, et soluta postea explicuit, tot coniecturas historicas mire rerum circumstantiis respondentes, profectas ab ingenio Leibniziano expenderint. Cuius facultatis tanta illi adfuit felicitas, ut, quod ipse de se obseruauit \* omnia difficilia sibi facillima haberet, in facilibus nonnullis difficultatibus impediretur, cum ad summa et excelsa tantum animum intenderet. Nec vel illustrius eius rei specimen vel gloriosius Leibniziano nomini est, calculo differentiali, quo solo aeternitatem famae vir incomparabilis meruit. Solet autem ita plerumque euenire, ut qui has intellectus facultates habent excellentes, memoria valde leui sustententur, contra qui reminiscendi copiose et fideliter virtutem possident, iudicii paupertate premantur. Ast contrarium in Leibnizio euenisse omnino mirandum est: qui cum tantum legisset, quantum alii in tota vita vix oculis capiunt, non modo fideliter retenta suo tempore locoque resumere semper in potestate habuit, sed et rerum copia minime impeditus suis quaeque locis adhibere, ministrante memoriae fidelitate, potuit. His accessit infatigabilis veritatum incognitarum emendandarum cupiditas, et famae scientiarum inexplebilis, qua concitatus fere puer Leibnizius illis aetatis annis ad disciplinarum culmina properauit, quibus aegre gressibus titubantibus stadium literarium ingrediuntur alii. Quod nos affectui non dare aut admirationi ineptae, ea quae de praecoci eius eruditione et vulgaris in ipsa adolescentia speciminibus supra copiose narrauimus, euincunt. Et hunc quidem scientiarum amorem non nisi cum vita deposuit, cui quas curas, quos labores, quamque disciplinarum apud principes quoque promouendarum industriam orbis eruditus debuerit, ex narratione vitae eius abunde constat. Ita vero factum, cum tot diuini ingenii dotes, suo iure maximae conspirarent, ut doctrina enasceretur in viro summo non modo amplissima et per omnem fere disciplinarum campum se diffundens, sed et ingens atque ad abditissima naturae arcana se extendens. Quae cum in vita satis longa iugi exercitatione firmaretur, nec cessaret vir optimus eam augere, ornare, amplificare, experientia illi exorta haud leuis, quae ex arena haud raro illa manibus quasi palpabat, quae longa meditatione affequebantur alii. Accessere his intellectus dotibus animi virtutes haud paucae, quas valde praedicant, qui cum eo familiariter vixerunt, vel qui commercio literario inito eius consuetudine sunt gauisi. In quibus humanitatem et beneuolentiam viri illustris, bene omnibus cupientis, et scientiarum iuuandarum conatus, quibus posset modis, promouentis, huncque in finem consilia optima sine inuidia suppeditantis prae reliquis suspiciendam esse putamus. Testem volumus innumeram epistolarum farraginem, ad viros doctos cuiuscunque generis et ordinis scriptarum, quarum partem

lauda-

\*) Leibniziana p. 160.

γ) Conf. BVDDEVS Hist. phil. c. 6. p. 492.

laudabili industriae Ven. KORTHOLTI<sup>2</sup> debemus. In iis enim mira dulcedo atque lepor regnat, lectoris animum mire alliciens atque capiens, iucunditasque tanta, vt legendi fastidium obrepere vix possit. Quod non modo doctrinae varietati, qua velut floribus per hortum sparsis abundant, sed et humanitati et beneuolentiae, quibus eas quasi melle condidit Leibnizius, adscribendum est. Huic merito iungimus aequitatem virorum doctorum meritis praestitam. Quamuis enim, vt erat animo magno et a seruiili admiratione vacuo, candide et aperte de summis quoque viris iudicaret, eorumque naeuos modeste reprehenderet, laudandam tamen et voluntatem esse censuit, et iustum statuendum esse pretium iis, quae recte fecissent, statuit. Tantum autem ab inuidia aberat, vt gloriam, quae ipsi debebatur, haud raro inter viros doctos diuideret, et ad gloriam capeffendam non hortator modo sed et viae dux atque pararius adesset. Nempe tantae erant, quas in proprio fundo possederat, ingenii doctrinaeque diuitiae, vt ex aliorum gloria surrepta sibi laureolam quaerere, quod non nisi ingeniis vulgaribus licet, erubuerit. Mirum autem est, quantum a philosophiae exercitatione acceperit praesidium Leibnizius, in continendo intra modestiae limites animo. Quam virtutem prorsus egregiam, tum maxime ostendit, vbi cum antagonistis erat certandum. Quosunque enim sibi aduersantes expertus est, aut quos refutare est aggressus<sup>2</sup>, ita compellauit, vt laudare voluisse censeretur? ita refutauit, vt habere amicos et plurimum eos facere omnes crederent. Et profecto inter summas viri incomparabilis laudes referendum esse existimamus, quod de eo testatur biographus rerum Leibnizianarum callentissimus<sup>3</sup>, quodque qui intima amicitia illi innotuerat IOANNES FABRICIVS<sup>4</sup> confirmat: de nemine vnquam male locutum, quin omnia in meliorem partem interpretatum esse. Quod qui fauori et amicitiae datum esse putauerit, eum ad epistolas summi viri, quarum pleraeque familiares fuerunt, et in quibus maior sentiendi iudicandique vsurpari solet licentia, merito amandamus. Nihil autem iactantius ipse aut vindicauit sibi, quod suum non esset, aut inanem gloriam, licet verae laudis esset valde cupidus, affectauit vnquam, cum vires suas sufficere ad eum tuendum locum nosset, qui praestantissimae eius doctrinae debebatur. Ex quibus omnibus, vniam in rationem conductis, recte, nisi toti fallimur, colligimus, inter maxima orbis literati ingenia, quae omnis aetas tulit, esse numerandum Leibnizium, et paucos habuisse pares superiorem inter viros doctos fere neminem.

§. XXVI. Nihil in hac animi doctrinaeque Leibnizianae imagine depingenda dedisse nos aut partis studio aut gentis nostrae amor, con-

Aaa 2

stans

*Iudicia virorum doctorum de Leibnizio.*

2) Prodiere quatuor voluminibus Lipsiae ex elegantissima typographia Breitkopfiana 1734-1742. commendarique ad noscendum Leibnizium merentur praefationes venerandi editoris doctissimae.

a) Cum nemine animo magis vulnerato est congressus, quam cum Keilio et nonnullis aliis Newto-

ni sectatoribus; verum et heic quoque modestiam non neglexit, luculenter testatus, displicere sibi bella, quae victoriam spondent, sed ingloriam. Vid. Recueil. T. II. p. 5. seqq.

b) Aët. erud. I. c.

c) Hist. bibl. suae T. II. p. 317.

stans ciuitatis eruditae in ferenda de Leibnizio sententia concordia probat. Facilis autem labor esset, si id ageremus, satis magnum elogiorum Leibnizianorum acruum congerere, quae de insigni philosopho pronuntiauit respublica literaria. Verum quo minus his inhaereamus, dicendorum copia obstat. Ne vero sine calculo doctorum virorum de praestantia ingenii ingentibusque doctrinae meritis tanti viri sententiam dixisse censeamur, trigam virorum inter eruditos celeberrimorum in partes vocamus; P. BAYLIUM, PAVLUM PELLISSONIUM, et auctorem *Memoriarum literariorum Triuultinarum*. Et Baylius <sup>d</sup> quidem cum epistolarum inter Pellissonium et Leibnizium controuersias religionis agitantium mentionem fecisset, subiicit: *illi ipsi, qui mille speciminibus edocti ingenii Leibniziani vastitatem intelligunt, non possunt satis mirari, quanta puritate Gallici sermonis has obiectiones exarauerit. Certe ex illorum virorum numero esse censendus est, qui meritorum, quae hominibus obtingunt, limites ignorant, sed omnem eorum orbem implent. Pellissonius autem non minus eleganter ad Pirotum: Fidem testor, totum me cepisse Leibnizium nostrum, cuius annotationes priores mihi pulcherrimae visae sunt, indeque postea coniecisse inesse ei ingenium elegantissimum, iudicium acre, ratiocinandi peritiam accurate in recessus rerum penetrantem, quamuis solida ea esse, quae scripsit, non videantur. Testatur autem transmissa epistola magnam iudicii vim, doctrinam solidam, sensumque rerum omnium exquisitum. Gaudeo quoque ex meditationibus physicis tantum religionis relucere, ex quo et intentio animi optima, et scopus iustus atque purus pectusque integrum elucet: recta quoque videntur, quae de extensionis idea disserit, quibus omnino pollicem premo etc. Paulo plenius de Leibnizio iudicat auctor *Memoriarum Triuultinarum* <sup>e</sup>, qui cum recensum epistolarum Leibnizianarum a Kortholto editarum dedisset, pulchreque obseruasset, ex epistolis familiaribus virorum doctorum imaginem atque characterem omnium certissime disci posse, addit: *Totum se in his epistolis denudasse Leibnizium: conspici in iis theologum, iuris peritum, philosophum, historicum, mathematicum, et cum omnia comprehenderet, in omnibus totum. Patere in iis non eius modo systemata, et animi sensa, sed et characterem: ubique enim prodere virum bonum, honestum, humanum atque beneuolum, pacis amantem, contradictionis et liticularum humanitate carentium atque iudiciorum temerariorum inimicum, quem cum in supremo loco infinita doctrinae vis et amplitudo collocasset, attingere vulgi inuidia non potuerit. Apparere luculentis speciminibus, quanta facilitate animi, gloriam suam aliorum honori inferuire iusserit, licet illi minima pars eorum esset, de quibus gloriarentur: quanto desiderio vires omnes in id contulerit, ut scientiarum incrementa, promoueret; neglecta earum promotarum fama atque laude; quam impiger fuerit in iuuandis meditationibus et luminibus suis, illis qui**

d) Diß. T. III. art. Pellisson not. C. p. 642.

e) l. c. p. m. 344.

f) 1737. Nou. art. 2.

*qui magnum quid conarentur; quantumque precum, cohortationis, consiliorumque ad eam rem contulerit, idque effecerit, ut prima fere consiliorum omnium causa mouens esset, quibus aucta sit eo tempore respublica literaria, in qua ob singulare studium et ingenii capacitatem principatum aliquem obtinuerit.* Adduntur plura; de scriptis, meritisque summi viri magnificis elogis differentia, quae breuitatis causa omitimus. Haec enim non a Germanis sed a Gallis profecta, qui in contemnendis alias Germanorum ingeniis faciles sunt, opponere licet iis, quae Lockius, Molyneus <sup>f</sup>, Keilius, et nonnulli alii censurae impatientes de tanto viro sinistrius iudicarunt.

6. XXVII. Recte iudicauisse viros doctissimos, quorum de Leibnizio effata adduximus, facta inductione exemplorum demonstrari, probaque potest, polyhistoris laudem eum, si quis vnquam iure suo meruisse. Nam non vna sibi deuotum habuit scientia, sed per omnes disciplinarum circulos late vagatus, nulla est, quam non attigerit, perspexerit, amplificauerit. Mirumque omnino est, quod cum in geometriae sublimioris studio omnem fere, quae ante ipsum fuit, aetatem superauerit, in aliis tamen eruditionis generibus, ab hac disciplina theoretica longissime distantibus, qualia sunt iurisprudentia, historia, antiquitatum cognitio, studium etymologicum et similia, vbique Roscium sese praestiterit, in iis quoque disciplinis commendatissimus, quae ab ingenio laudem accipiunt. Cuius exempla esse possunt carmina Latina, propitia vena a viro summo conscripta, in quibus siue inuentionis elegantiam, siue numerorum apte fluentium concinnitatem, siue totius carminis effigiem ad veterum exempla feliciter effectam consideres, facile concesseris inter melioris generis poetas Latinos suo tempore Leibnizium fuisse connumerandum <sup>a</sup>. Maxime autem acumen et rerum pondus in illis miratur Fontenellius <sup>b</sup>, ideoque cum Lucano Leibnizium comparat: quem tamen castigata cogitandi fingendique ratione superauisse, omnino fatendum est. Cuius vt specimen lector habeat, aliquod in fine paginae subiungimus <sup>c</sup>. Non impari felicitate versiculos Gallicos scribere tentauit, cuius linguae elegantiam ita tenebat, vt non modo in Gallia natus videri posset, sed et Gallorum eloquentissimos paribus vestigiis fuisse secutus iudicaretur. Praeclarissime autem in omni historiae genere, maxime, quae ad medium aeuum pertinet, erat versatus. Cuius studii fundamenta cum a doctissimis praeceptoribus, maxime Ioanne Andrea Bosio hausisset, mature industriam illi dica-

*Merita Leibnizii de disciplinis.*

Aaa 3

uit

<sup>f</sup>) Conf. DES MAIZEAUX Praef. collectionis Gallicae dissertationum Leibnizii, Clarckii, Newtoni.

<sup>g</sup>) Recenset carmina Leibniziana LVDOVICVS I. c. P. II. p. 71.

<sup>h</sup>) loc. cit.

<sup>i</sup>) In Neprunum, pacti statorem, quum mare Mardicenis aquaeductus exitum sabulo oppleuisset:

*Anglia Neptuno conqueſta eſt, Gallica paſſa  
Irrita Indibriis eſſe pudenda ſuis.*

*Quid Dunkerca vncet, ſi proxima Mardica ſurgat  
Longaque ſit ſtatio, quae modo lata fuit.*

*Cui Deus; hoc poteras cauiffe o ſila, falli*

*Plus ſemel illuſus ſordere, dignus erat*

*Ipe tamen tueor. Quatit et mox ipſe tridentem,*

*Et ſubito eſt cumulus, quae modo ſoſſa fuit.*

Vid. Vol. I. Epp. p. 262. 319.



uit suam, eo quod intelligeret, iurisprudentiam publicam, cui se in iuuentute praecipue addixerat, principumque controuersias non nisi hoc lumine collustrari posse. Iuuenem autem in hac eruditionis parte Leibnizium excelluisse, et historiam quoque illuc traduxisse, ut usum in causis illustribus haberet, ex scriptis Vlicouii et Furstenerii nomine editis disci potest. Maxime vero immensa rerum mediae aetatis cognitio illi subnata est, ex quo tradita sparsa describendae historiae Brunsvicensis, iter fecerat per Germaniam et Italiam, reduxque vndecunque affluebant, quibus consilium istud iuuari posset. Qua de re cum supra nonnulla dixerimus, ea otiose non repetemus. At iunxerat vastissimae notitiae rerum veterum insolitam conciliendi felicitatem, qua in causas abditas et latentes penetrabat, et eruebat nonnunquam illa, quae ignota prius erant omnibus. Neque solis Brunsvicensis domus limitibus se circumscribi passus, ad omnium fere regionum historiam respexit, vetustas origines eruit, pacta, foedera, statuta, quaeque alia publica diplomatum fide constant, consuluit, indeque elegantissimum *Codicem iuris gentium diplomaticum* exstruxit. Nec alius fuit in iurisprudentia, cuius naeuos quam acute perspexerit, quantaque industria medicinam illis afferre tentauerit, ex supra narratis liquere potest. De quibus tamen eius meritis heic prolixius agere, institutum vetat, meretur autem vir summus ex laboribus literariis cognosci, ut constet, quanta πολυεργίας laude merito floruerit. Praeclare vero in philosophiae historia versatus, omnem veterum doctrinam eleganter animo complexus est, tantaque iudicandi acie excussit, ut non possint non ea iucundissima esse, quae ubique fere tum in scriptis tum in epistolis disseminauit. Id quod eo magis mirandum, quo magis, eo quidem, quo Leibnizius vivebat, tempore, historia philosophica vix ex puluere ac squalore inter Germanos protracta caput efferre et lumina disciplinis philosophicis praeferre coeperat. Solebat autem vir illustris non ipsa tantum veterum dogmata perquirere, sed momenta quoque systematum expendere, deque eorum veritate aut falsitate iudicium interponere. In quo licet, fato humano, non semper ad scopum collineauerit, fatendum tamen, virum acutissimum multa vidisse, quae ignorabantur aliis, et penetralia veteris philosophiae perreptauisse. Ad quam ineundam viam dux illi fuit incomparabilis Iacobus Thomafius, cui reuera restitutam historiam philosophicam maxime illam, quae de genuinis veterum opinionibus decernit, in Germania nostra debemus. Cuius ductum secutus admodum iuuenis veteres et recentiores inter se comparauit, eorum dogmata excussit, rationes latentes in apricum produxit, talemque se praestitit, ut, nisi, nescio quo fato, praepostero Syncretismi inter veteres et recentiores ineundi studio fuisset praecoccupatus, ab eo adhuc iuvene ingentia incrementa sperare potuisset historia philosophica.

Ex

k) Dignum de hoc studio syncretistico Leibnizii supra. Illud autem aetate prouectior abiecit, no-

up scilicet, quod ipse cudere coeperat systemati metaphysico et physico intentus.

Ex hinc caussa quoque deriuanda est, cur veteribus per totam vitam fuerit propensissimus, quos facilius contemni atque reprehendi, quam intelligi a plerisque recte statuebat. Maxime vero fauebat vir summus Platoni, in cuius philosophia ipsi plurima probabantur. Vnde ad Bierlingium scripsit: *de Platone non sentire se tam contemni, meditationes eius autem sibi et profundas passim et utiles videri. Et habere se Ciceronem non malam iudicem secum sentientem. Didicisse enim nos non ita pridem, plus Platonem in recessu habere, quam vulgo appareat.* Paulo prolixius autem de Platone eiusque philosophia differuit, et quid ipsi in ea probetur exposuit in epistola ad Cel. HANSCHIVM<sup>1)</sup>, eius schediasmati *de Enthusiasmo Platónico* praefixa, quae ideo memorari expendique merentur, quia ad origines hypotheseum Leibnizianarum intelligendas plurimum facere possunt. Scribit autem polyhistor praestantissimus: „Nulla veterum philosophia magis ad Christianam accedit, quam Platonica, etsi merito reprehendantur, si qui ubique putent Platonem conciliabilem Christo. Sed ignoscendum est veteribus, initia rerum creationemue.“, et corporum nostrorum resurrectionem negantibus. Haec enim sola reuelatione sciri possunt. Interim pulcherrima sunt multa Platonis dogmata, quae tu quoque attingis: vnam omnium causam esse: esse in diuina mente mundum intelligibilem, quem ego quoque vocare soleo regionem idearum. Obiectum sapientiae esse τὰ ὄντως ὄντα substantias nempe simplices, quae a me monades appellantur, et semel existentes semper perstant πρώτα δεκτικὰ τῆς ζωῆς, id est Deum et animas, et harum potissimas, mentes, producta a Deo simulacra diuinitatis. Mathematicae autem scientiae, quae agunt de aeternis veritatibus in diuina mente radicatis praeparant nos ad substantiarum cognitionem. Sensibilia autem, et in vniuersum composita, seu, vt ita dicam, substantiata, fluxa sunt, et magis fiunt, quam existunt. Porro quaeuis mens, vt recte Plotinus, quendam in se mundum intelligibilem continet, immo mea sententia et hunc ipsum sensibilem sibi repraesentat. Sed infinito discrimine abest noster intellectus a diuino, quod Deus simul omnia adaequate videt, in nobis paucissima distincte noscuntur, cetera confusa velut in chao perceptionum nostrarum latent. Sunt tamen in nobis semina eorum, quae discimus, ideae nempe, et quae inde nascuntur, aeternae veritates: nec mirum, quum ens, vnum, substantiam, actionem, et similia inueniamus in nobis, et nostri consciumus, ideas eorum nobis inesse. Longe ergo praeferendae sunt Platonis notitiae innatae, quas reminiscendae nomine velauit, tabulae rase Aristotelis et Lockii aliorumque recentiorum, qui ἐξωτερικῶς philosophantur. Itaque Platonem Aristoteli et Democrito vtiliter coniungendum censeo ad recte philosophandum. Sed nonnullas κυρίας δόξας in  
„eorum

1) Vol. IV. Epp. p. 37.

m) Extrat etiam Vol. III. Epp. p. 64. seqq.

n) Id de creatione et nihilo intelligendum est.

Factum enim in tempore mundum a causa summa et optima ex praesistente materia Plato statuit.

„eorum vnoquoque expungi oportet. Non male Platonici quatuor in  
 „mente cognitiones agnoscuntur, sensus, opinio, scientia, intellectus,  
 „nempe experimenta, coniecturae, demonstratio et pura intellectio, quae  
 „veritatis nexum vno mentis ictu perspicit: quod Deo in omnibus com-  
 „petit, nobis tantum in simplicibus datum est. - - Animam in hoc  
 „corpore velut carcere esse, sano sensu intelligi potest. Sed abiicienda  
 „est philosophorum veterum opinio, quod corpus poenalis sit carcer in-  
 „telligentiae olim peccantis. Illud recte veteres, animam in corpore  
 „tanquam in statione esse, vnde iniussu summi imperatoris decedere fas  
 „non sit. Nec illud inelegans, prouidentia nos regi, qua rationem se-  
 „quimur fato, et instar machinae, dum affectibus ferimur. Id enim ex  
 „harmonia praestabilita hodie nobis perspectum est, Deum omnia tam  
 „mirifice instituisse, vt corporeae machinae mentibus seruiant, et quod  
 „in mente est prouidentia, in corpore sit fatum. Etiam de virtutibus  
 „praeclare Platonici et Stoici veteres etc.“ Describendus erat locus inte-  
 „ger, licet longiusculus, vt dictorum ratio constaret. Etiam si enim non  
 „negemus, explicationes Platoniorum dogmatum nonnullorum a magno  
 „viro allatas illis probari non posse, qui sine praeiudicio Platonem legerunt:  
 „qualia sunt quae de obiecto sapientiae, deque harmonia inter fatum et prou-  
 „dentiam dixit, in quibus in deum virum eruditissimum deduxit studium hy-  
 „potheses suas apud veteres inueniendi: fatendum tamen, insolitam Platonis  
 „notitiam in his demonstrauisse Leibnizium, satisque prodidisse, quam  
 „pulchre Academiae parenti faueret. Sed et aliis Graeciae veteris sapien-  
 „tibus mire se praestitit beneuolum, illis indignatus, qui de maioribus ab-  
 „iecte sentiunt. Id nos animaduersiones ad Bierlingium scriptae<sup>o</sup>, docent,  
 „in quibus inter alia: „Etiam Senecae et Stoicis plurimum faueo; idem se-  
 „cit Cartesius etiam in morali philosophia et in vniuersum sentio, rectius  
 „et vtilius dispici, quid in veteribus probandum, et in vsus nostros trans-  
 „ferendum sit, quam quid reprehendendum. Nemo vnquam clarus fuit,  
 „in quo non multa laudem mererentur. Video hodie iuuenes hoc morbo  
 „laborare passim, vt de maioribus contemtim loquantur: credo ignoran-  
 „tiae, vel potius negligentiae excusandae causa, vt iure illorum prae-  
 „ceptis carere videantur. Itaque consultum puto, vt prudentia docenti-  
 „um a tam prauo more abducantur. Verissima est Stoicorum doctrina,  
 „affectus esse perturbationes, et dandam operam, qua licet, vt sine per-  
 „turbatione iudicemus. Sed fatendum est, perturbationes non semper  
 „vitari posse, et tunc nostram esse debere curam secundariam, vt eas mo-  
 „deremur, tanquam in potestate. Ideam sapientis perfecti, vt optimae  
 „reipublicae proponi vtile est, etsi nuspiam detur in terris. Etiam  
 „Academicorum et Scepticorum placita multa cum vtilitate expenduntur  
 „ab eo, qui vera philosophiae principia constituere volet. Multa enim  
 „verissime

<sup>o</sup>) Transmisit Leibnizio Bierlingius Lineamenta methodi studiorum, ad quae animaduersiones

optimae frugis plenas ille suggessit; exstant Vol. IV. Epp. p. 32. seqq.

„verissime de sensibilibus insubstantia, quae phaenomenis magis sed legitimis, quam rebus, accenseri merentur. Non omnis cognitionis „fundamentum sunt sensus: veritates necessariae a sensibus non docentur etc. Non vero Graecanae modo philosophiae se fauentem praebuit Leibnizius, sed exoticae quoque, maxime Sinicae, quam mire ab eo tempore deperire coeperat, ex quo cum Iesuitis religionis Christianae inter Sinas ferendae causa a pontifice Romano missis commercium epistolicum instituerat, legeratque libros Sinicos a Remondo communicatos. Fatetur enim in epistola ad hunc virum clarissimum <sup>p</sup>: sensum aequiorem atque saniores omnino tribuendum esse veterum Sinarum praeceptionibus; indeque doctrinas eorum de supremo principio, de eius unitate, de materia vniuersali, de substantiis spiritualibus et similibus ita explicari posse, ut falsae et suspectae significationes omittantur. Vnde facilis quoque est in excusando cultu maiorum Sinico. Sed et Scholasticos contemnendos haud esse, planeque reiiciendos statuit, quamuis naeuos eorum satis intelligeret. Quare iam fassus est cum Nizolii librum ederet <sup>r</sup>: *iniquos esse, qui temporum infelicitum lapsus tam acerbe perstringunt, qui si illic fuerint, aliter sentirent.* Cuius rationes cum ab iniquitate temporum et miserabili fato, quod scriptores optimos et alia studiorum auxilia hominibus inuidit, deriuauisset, addit: *Non vereri se dicere, Scholasticos vetustiores nonnullis hodiernis et acumine, et soliditate, et modestia ab inutilibus quaestionibus circumspectiore abstinentia longe praestare: esse quoque sectam nominalem hodiernae reformationis philosophandi rationi congruentissimam* <sup>s</sup>. Alibique Scholasticos agnoscit abundare ineptiis, sed aurum esse in illo coeno, hocque bene sciuisse Grotium. His opinionibus decretisque cum subscriberet Leibnizius, mirum non est, haud pauca veteris philosophiae, et Scholasticae quoque in eius systema, quod formare coeperat, confluisse, et praetulisse eum veteres recentioribus, quorum καίνοφιλιαν non aequo satis animo ferebat. Fatendum tamen, viris in philosophia summis, quos recentior aetas tulit, honorem, quem mereri credebat, detulisse, cuius specimen esse potest iudicium eius de Hobbesio <sup>t</sup>, quem paucos censebat intelligere, eumque non tam esse pro absoluta potestate, quam putatur, licet insufficientia principia sint. In ipsa philosophia autem omnibusque eius partibus nouum systema meditando animi vim prorsus singularem demonstrauit, licet nullam earum perfecit, ad alia mox traductus. Et logicam quidem artem noua luce perfundere in meditationibus de cognitione, veritate et ideis conatus est, cuius summam exhibet Ven. WALCHIVS <sup>t</sup>. In quo breui schediasmate multa ad naturam idearum

p) Hoc vltimum Leibnizii scriptum fuit, quod moriente fere manu consignauit. Eius diuulgationem debemus Ven. КОТНОЛТО Vol. II. Epp. p. 413. seqq. deperdito iam autographo Leibniziano. vid. diss. prooem. §. 7. p. 21.

q) In dissert. praefixa.  
r) Epp. Vol. IV. p. 8.  
s) Epp. Vol. IV. p. 8.  
t) In Hist. Logicae L. II. c. 1. S. 3. §. 20. Parerg. acad. p. 664.

idearum intellectus humani pertinentia cumulauit. Quae displicere quidem viris nonnullis doctis, D. FR. HOHEISELIO<sup>a</sup>, et I. FR. MÜLLERO<sup>x</sup>, maxime vero Lockio, qui se, lecta illa tractatione iudicasse ait<sup>y</sup>, etiam optimis naturae muneribus instructos, in fundamenta rei ipsa penetrare, non sine diuturna meditatione posse, et vastissima quoque ingenia non nisi ad valde limitatam cognitionem peruenire<sup>z</sup>: ast in aliam longe sententiam discesserunt alii, inter quos illustrijs WOLFIVS<sup>a</sup>, his potissimum assertis in exstruendo logicae aedificio usus est, viri clarissimi autem Frid. Philippus Schlofferus, et Ioannes Vlricus Cramerus defendere Leibnizium sategerunt. Quam profunde autem ad naturae arcana respexerit, eaque explicuerit in *Theoria motus abstracti et concreti*, quas supra enarrauimus, abunde demonstrauit, quas tamen hypotheses missas fecit, postquam noua principia dynamica, nouamque substantiae corporisque notionem sibi effinxerat<sup>b</sup>. Totum porro sibi vindicauit Leibnizium metaphysica. Maximo enim ingenio usus, cum geometriae beneficio notionibus vti generalissimis, abstractis, vniuersalibus didicisset, et summo acumine ex axiomatibus paucis, et vniuersalem veritatis complexum spondentibus geometrica ratiocinandi peritia conclusiones deduceret infinitas, mirum non est, totum quasi systematicum factum esse. Nec errasse censendi sunt, qui ingenium eius mere systematicum fuisse<sup>c</sup>, et in eo genere omnes ante se superauisse, iudicauerunt. Non contentus enim rerum sensibus et attentioni obuersantium experientia et historia intellectus humani, ad vniuersales notiones et principia prima assurgebat, et, vt mira foecunditate ingenii pollebat, longam ex illis consequentiarum atque conclusionum catenam efformabat. Vnde nouae enatae hypotheses, satis quidem paradoxae et a communi philosophantium sententia, quin a sensu quoque plerorumque remotae, ideoque tot contradictionibus oneratae, ast ita principis suis connexae, et implicatae, vt arctissime inter se cohaereant; quo factum, vt concinnum prorsus et mire cohaerens aedificium exsurgeret, qua in re ingenium Leibnizianum prorsus excelluisse recte viri docti obseruauerunt. Argumentum morale autem nusquam ex instituto tetigit, pauca quaedam *ois iv παρόδοι*<sup>d</sup> attulit, quae infra referemus. In tractatione

<sup>a</sup>) In Sched. de Ideis.

<sup>x</sup>) In Dubiis cel. Wolfio de Facultatibus intellectus obiectis.

<sup>y</sup>) In Epist. ad Molyneum, quae extat inter Epp. posthumas LOCKII. conf. DES MAIZEAUX Praef. ad Collect. schediasm. phil. p. 69.

<sup>z</sup>) Lecto hoc iudicio ita iudicabat Leibnizius: „Ego id non miror, nimis distamus dissentimus: quae in principiis, vnde quod ego affirmavi paradoxum visum est Lockio. Habebat ille subtilitatem ingenii, atque aptitudinem, speciem quandam metaphysicae exotericae et superficialis extollendi, pingendique, sed express erat

„methodi mathematicae.“ Recueil T. II. p. 140. 141.

<sup>a</sup>) Vid. Praef. Logicae Germanicae.

<sup>b</sup>) Factum id 1694. vulgata diff. de Primae philosophiae emendatione et notione substantiae. Cupiebat autem Leibnizius, mechanicam, geometriam et metaphysicam iungi ad exstruendum iustum naturalis doctrinae aedificium. Hinc pleraque schediasmata mathematica, quae vel geometrica vel mechanica sunt, huc referri debent.

<sup>c</sup>) DES MAIZEAUX. l. c. p. 80.

<sup>d</sup>) In Praef. ad Cod. iuris gentium diplomaticum.

tionem politica vero eo acutius vidit, quo maiori ad id historiae apparatus erat instructus, quoque felicius ad regulas generales cuncta transferebat. Nulla autem in scientia vel ingenii vastitatem vel cogitationum sublimitatem vel meditationum felicitatem magis prodidit, quam in artibus mathematicis. In quibus difficillimas arithmeticae et geometriae disciplinas perficere aggressus, supra omnem expectationem ad humani intellectus apicem progressus fuisse recte censetur. Non prouocabimus ad vniuersi orbis mathematici sententiam et consensum, quem conspirare amice in hac Leibniziani nominis gloria, nemo est rerum literarum tam ignarus, ut nesciat: sed ipsa viri maximi specimina *Actis eruditorum* et *Ephemeridibus Parisiensibus* pleraque inserta in partes vocamus, quibus tantum matheseos sublimiorem iuuit, quantum ab humano ingenio proficisci potuit. Illustre autem prorsus exemplum est calculus differentialis, cuius inuentionem, praestantiam, usum, sublimitatem hoc loco describere velle, esset falcem in alienam messem mittere. Consuli de eo debent qui hodie magnis passibus tantum virum sequuntur geometrae Galli et Germani incomparabiles: inter quos primi fere laudatissimam scientiam explicare et transferre in usum coeperunt Bernoullii fratres, primus integram scripto explicatam dedit illustrissimus HOSPITALIVS <sup>c</sup>, vel potius, cuius schedis et institutione is usus est illustre hodie Basileae fidus Ioannes Bernoullius <sup>f</sup>. Id vnum obseruamus, quantitates infinite paruas calculo subiicientem, Leibnizium satis demonstrauisse, quantis gressibus aliorum lumina anteuerendo, in ipsa infiniti adyta penetrare coeperit. Vnde suo iure inter maxima orbis ingenia locum sibi vendicat, quem incassum, si fatendum, quod res est, illi denegant, qui inuentionis illustris gloriam Leibnizio tribuere recusant, magnae Britanniae-mathematici, quibus illustris eques Isaacus Newtonus, cui methodum fluxionum, cum calculo differentiali conspirantem debemus, Leibnizio praeluxisse visus est. De qua re controuersiam non sine animorum motibus agitatam, heic exponere esset historiam matheseos sublimioris scribere, quae alio loco quaerenda est. Consuli autem praeter scripta ἀπορίαια possunt, quae viri clarissimi DES MAIZEAUX et LVDOVICVS <sup>g</sup> strictim exposuerunt, qui tamen inter se comparandi sunt, ut, quid in ancipiti argumento, in quo excutiendo ad leges rationalis scientiae haud semper attenderunt viri docti, et fidei historicae gradus non semper ponderarunt, verisimiliter credendum sit, pateat. Difficile enim esse, de re ipsa, quae facta respicit, statuere, vel inde constare, quia, licet epistolas chartasque ad historiam huius controuersiae illustrandam pertinentes a viris doctis examinare iusserit societas regia, quae postea typis quoque vulgatae sunt <sup>h</sup>, Leibnizius

Bbb 2

zius

<sup>c</sup>) In *Analysi* infinite paruarum.

<sup>f</sup>) Vid. Pinacoth. scriptorum illustr. dec. II. in eleg. Bernoulliano, ubi id ex indicio ipsius viri illustris retulimus.

<sup>g</sup>) II. cc. Ille Newtono, hic Leibnizio fauet.

<sup>h</sup>) Prodiit: *Commercium epistolicum* D. IOANNIS COLLEINS, et aliorum de *analyti* promota, iussu societatis regiae in lucem editum Londini 1712. 4. illud per omnem fere Europam distributum esse testatur LVDOV. I. c. p. 297.

zius tamen, qui consultus prius de eo examine non erat, alias schedas *αὐτογράφους* illis opponere promisit, quas vulgare tamen morte praeuentus non potuit. Vnde aequum censuit illustris societas declarare, quod arbitrium interponere, et dirimere controuersiam lata sententia non uoluerit. Nobis id vnum hoc loco ad tuendam, quam Leibnizio deberi, praeter Angliam, omnis orbis mathematicus fatetur, gloriam annotauisse satis est, ipsum illustrem Newtonum in eo potissimum cum sectatoribus decertasse, ut ante Leibnizium analyfin infinitesimalem, quam methodum fluxionum vocat, se inuenisse, sibiique primi inuentoris gloriam deberi contenderet, negare non ausum<sup>k</sup>, quod negari quoque non potest<sup>l</sup>, Leibnizium ipsum suo ingenio illam debuisse, adeoque secundum inuentorem fuisse. Qua de re tantis animorum motibus an decertandum fuerit, cum utriusque viro maximo tanta ingenii vastitas contingerit, ut suae meditationis profunditate et felicitate hanc viam detegere potuerit, aetas postera absque fauore et inuidia iudicabit. Certe Leibnizium animi magnitudo, toties probata a plagii suspitione eo magis vindicat, quo magis, recte annotante Fontenellio, iam in *Theoria motus abstracti* prodidit, fundamenta totius rei a se non ignorari; et ipse Leibnizius, si verum fatendum, nec verba torquentur, Newtoni famam plagii suspitione onerare nunquam intenderit, quod a moribus eius alienum fuisse vel ex solis epistolis constat, et multoties ab eo fuit improbatum. Illud nec contraria factio facile negauerit, cum anno cło 10 c LXXXIV prima calculi differentialis specimina prodire iuberet Leibnizius, neminem inuentionis gloriam ei denegauisse, eoque integro nouennio iure gauisum esse virum summum, donec primus Ioannes Wallisius inuentionem Newtono vindicaret. Verum de his disputare prolixius aliorum industriae relinquimus, dolemus autem scientiam infiniti, quam meditabatur vir summus, morte praeuentum dare non potuisse.

Eruditio  
theologica  
Leibnizii.

§. XXVIII. Eminuisse in omnibus fere partibus eruditionis Leibnizium ex dictis est manifestissimum. His si cognitionem theologicam adiecerimus, nihil faciemus, quod non veritas comprobauerit. Legerat enim et cum cura inspexerat veteris ecclesiae doctores, deque eorum placitis et acute et moderate iudicabat, cuius exempla haud pauca in *Theodiceae* opere occurrunt, in epistolis quoque nonnulla deprehenduntur. Recentiores autem theologos, et suae, cui addictus erat, et ceterorum, quae dissentiant, ecclesiarum euoluissse et examinasse, si alia non suppetant,

i) DES MAIZRAYS. l. c.

k) Que Mr. Leibniz l'art inuenté apres moi ou l'art eu de moi, c'est vne question qui n'est de nulle consequence, puisque les seconds inuenteurs n'ont proprement aucun droit a l'inuention. NEWTON Recueil T. II. p. 108. Ita vero tota controuersia non de ingenii acumine, sed de fati felicitate, temporeque priore contendit.

l) Negauit autem id, qui renouatae litris auctor erat cel. KEILVS in Epist. ad H. Sloane, Commenc. epist. p. 110. Contrarium tuetur BERNOULLIVS in Epistola adiecta Germ. Versioni Theodiceae p. 920. Frigidam vero distinctionem inter inuentorem primum et secundum retundunt A. E. 1720. Mart. p. 137. seqq.

rent, ea satis probant, quae in irenicis consiliis agitauit atque scripsit, quaeque cum Pellissonio de articulis in controuersiam vocatis disputauit. Laudandus vero in eo magnopere, quod philosophiae auxilio, vsus, diuini ingenii acie atheorum copias in fugam dederit <sup>m</sup>, et Socini assecclas pessimum dederit <sup>n</sup>, eorum argutias rationum acumine confundendo. Quod pro ecclesiae Lutheranae dogmatibus ita adhibuit, vt qui praecipue eam a reliquis coetibus disiungit, articulum praesentiae sacramentalis in S. coena, rationibus quoque philosophicis confirmari posse confideret <sup>o</sup>. Quamuis enim, vt animo erat ab omni seruili iugo abhorrente, et in tolerandis dissidentibus inter Christianos esset facillimus, immo valde ad vnionem inter eos reuocandam inclinans consiliis, rationibus, cohortationibus pacem suaderet, discedere tamen ab eius ecclesiae communione noluit, etiam magnis promissis tentatus <sup>p</sup>.

§. XXIX. Sunt et alia, in Leibnizio laudanda, quae vero hic tan- *Diligentia*  
gere omnia breuitas, cui in abundanti argumento studendum, prohibet. *Leibnizii.*  
Non tacenda tamen inexhausta eius diligentia, qua dies noctesque intentus studiis tot meditationibus excitandis, fouendis, examinandis, tot vastis voluminibus voluendis, tot itineribus suscipiendis, tot epistolis scribendis vnus suffecit. Nempe ineffabilis cupiditas iuuandi literas, iuncta ingenio excellentissimo et ad hanc rem nato, calcaris instar erat, vt cuncta alacriter susciperet, suscepta autem magna patientia persequeretur. Cuius rei testimonium omni exceptione maius exhibet primo quidem studium, quod immensum posuit in excolendis perficiendisque inuentis, maxime autem in absoluenda machina arithmetica, cuius eum curam iam inter Gallos Anglosque versatum habuisse supra memorauimus, et in quam ingentem vim pecuniae profudit <sup>r</sup>. Qui sumtus, quos in machinas et alia huius generis impendit, in causa fuerunt, cur, licet frugaliter viueret, et magnis redditibus ex munificentia principum gauderet, eam tamen auri summam, vt nonnulli fingunt <sup>s</sup>, non reliquerit, quae admirationem meruisset, sed intra mediocritatem eius facultates constiterint. Deinde industriae specimen esse possunt itinera frequentia, quae vel rogatus a principibus, vel instinctus desiderio promouendarum disciplinarum, suscepit.

Bb b 3

suscepit.

m) In Demonstratione existentiae Dei, Arti combinatoriae adiecta, quam reperit LVD. v. l. c. P. I. p. 315, et in Confessione naturae contra Atheismum, adiecta a SPIZELIO nostro libro de Atheismo. Eriam in hac scriptura nonnulla postea displicuere Leibnizio, vid. Leibniziana p. 62. Sed et Causa DEI, Theodiceae addita huc pertinet.

n) In Defensione Trinitatis per noua logica repperita, quae extat etiam in apparatu liter. Viteberg. Coll. I. Spec. XI. p. 226. seqq.

o) Supponebat vir illustris: „Substantiam corporis in potentia primitiua actiua passiuque consistere, et in huius applicatione immediata, consistere praesentiam substantiae etiam citra di-

„mensiones.“ vid. Epp. Vol. I. p. 41. conf. Discours prelim. de la Theodicée §. 20. conf. KORTMOLT. ad l. c. CANZ. de Vsu phil. Leibnizianae in theol. c. VII. p. 309. Epp. ad Pellisson. p. 323.

p) Conf. FONTENELLE l. c.

q) 24000 thalerorum summam in eam impendisse tradunt Noua literaria Lipsiensia 1717. p. 376. et tamen imperfecta mansit. Plura de ea dabit Cl. LVD. VICI diligentia l. c. P. II. c. 21. §. 328. p. 233. seqq.

r) NICKERON. Memoires l. c. qui a peregrinante quodam, vt saepius illi accedit, deceptus esse videtur.



suscepit. Cum enim abundantissimam doctrinam nutrire merito crederetur, et insolitum viri acumen in aulis principum magnam existimationem meruisset, fauor inde aularum secutus est, quibus obsequium praestare eo magis annisus est, quo magis ita felicissime promoueri extendique rei literariae fines posse intelligebat. Id quod magno orbis eruditi commode factum esse, ex iis, quae supra de mora Leibnizii in aula Moguntina, Hanouerana, Berolinensi, Viennensi et apud Russorum imperatorem tradidimus constat. Nec omittendum est, in historia Leibnizii philosophica, virum illustrem, quem viuendi prudentia et philosophiae cognitio etiam foeminis commendauit, purpuratis atque illustrissimis, literis eas compellauisse; sic ut commercium hoc literarium testis sit fide dignissimus prorsusque immortalitati tradendus, non deesse nostrae aetati foeminas, quae mulierum philosophantium catalogo summo iure mereantur adscribi. Inter quas et natiuitatis sorte et ingenii scepro atque diademate digni excellentia primum locum tenent, Sophia Charlotta, Borussiae regina, et Guilelmina Charlotta eo tempore princeps regia Walliae. Et illam quidem *Theodiceae* scribendae auctorem fuisse Leibnizio, ubi hypotheses suas explicantem audiisset, supra iam narrauimus. Ad quam excelso, quo posita fuit, loco non tam fortunae quam naturae muneribus et consummatae virtutis meritis dignam plures epistolas scripsit, quae quales fuerint, ipse alicubi prodidit Leibnizius, scribens ad Ioannem Albertum Fabricium\*, *optare se plerasque epistolas a regina Borussiae et ad eam scriptas non combussissent male circumspetti homines, habituros enim nos, quae facile opponi reginae Suedorum possent. Non paucas tamen passim seruatas esse, et inter eas nonnullas ad seipsum sibi superesse, unde vim ingenii in principe foemina, animumque mire ad doctrinas erectum intelligas.* Alteram principem autem nobilitauit in ciuitate philosophica controuersia illa literis reciprocata inter Leibnizium et Clarckium, cuius supra facta est mentio; illa enim committere inter se acutissimos philosophos dignata, ipsa scriptorum et disceptationum testem egit atque arbitrum. His tertiam addimus Charlottam Elisabetham, Caroli Ludouici electoris Palatini, principis literatissimi, filiam; Philippo V. Aurelianensi duci nuptam; ad eam enim de antiquitatibus nonnullis nuper detectis erudite disseruit, et cum Baudelotio, ea attenta, disceptauit. Sed et alias foeminas illustres literis addictas sibi fauentes literisque innotescentes habuit, leguntur enim in memoriis Leibnizianis passim extantibus nomina Brinoniae, Kilmanseggeriae comitis, Cleinburgiae, Cudworthiae, Mashamo iunctae, Weileriae, et praecipue Sapphus

\* Vol. I. p. 256.

a) Vid. LEIBNIZII *Collectanea etymologica* p. 75. seqq.

b) Leibniziana p. 94.

u) Recueil T. II. p. 29.

x) Collectio epistolarum Leibnizii Gallica edi-

ta KORTHOLOT p. 12. et Vol. III. Epp. pag. 117. seqq.

y) Dictum de ea supra.

z) Recueil des lettres de Mr. Leibniz par KORTHOLOT p. 12. seqq.

phus Gallicae, Magdalenae Scuderiae \*. Tacemus imperantes principesque alios, ad quos frequenter literas exaravit, et haud paucas ab iis accepit Leibnizius. Omnium autem huculentissime et studium quod seruauit Leibnizius, ingens scientias promouendi, et inexpugnabilem industriam probat commercium literarium, quod cum celebratissimis totius Europae viris aluit, quorum nomina adducere hoc loco omnia paginae angustia prohibet; fulgent autem velut inter ignes luna minores tituli nomenque Arnaldi, Behrensi, Eduardi Bernardi, Bernoulliorum, Bignonii, Boecleri, Boineburgii, Bosii, Burneti filii, Bouueti, Chamberlaynii, Caluini, Ciampini, Cluueri, Conringii, Contii, Crotsaei, Dangicourti, Dittoni, Edzardi, Ioannis et Io. Alberti Fabricii, Fahrenheiti, Fardellae, Foucherii, Gobienii, Graeuii, Grimaldi, Guerickei, Guilelmini, Hanschii, Hardtii, Hartfoeckeri, Heraei, Hugenii, Jablonskiorum, Janingi, Imhofii, Kestneri, Kircheri, Kochanzkii, Kortholtii, Lanae, Langii, Leuwenhoeckii, Lehmanni, Longii, Ludolfi, Magliabechii, Marinonii, Mascovii, Menckendorum, Michelotii, Molani, Montmorii, Morelii, Morhofii, Muratorii, Neumanni, Neutoni, Nicaei, Obrechtii, Oldenburgii, Papebrochii, Pellissonii, Peterfenii, Pfaffii, Pfeffingeri, Pinsonii, Piroti, Reimanni, Remondi, Reyheri, Roemeri, Schellhameri, Schmidii, Schraderi, Seckendorffii, Sloanii, Thomae Schmithi, Ez. Spanhemii, Sperlingii, Spinozae, Struuii, Sturmii, Thewenotii, Tenzelii, Thomafiorum, Tourneimii, Tschirnhausenii, Varignonii, Vignolii, Volcameri, Wallisii, Weigelii, Willisii, Wittenii, Christiani et Christoph. Wolfiorum, Wottoni, aliorumque multorum, quos nominauere FELLERVS <sup>b</sup> atque LVDOVICVS <sup>c</sup>. Tandem inter stupendae industriae et improbi laboris specimina numeranda quoque est, immensa, quam sustentabat Leibnizius lectio, atque studium ea excerpenti, quae legerat. Quamuis enim magno operum magnificorum apparatu eius bibliotheca non superbiret, quem Brunsvicensis Hanoueranae et Guelpherbytanae bibliothecae illi suppeditabant, sed ad schediasmata breuia, dissertationes raras, folia fugitiua, et similia, quae cito disparere solent, maxime respiceret, indefinenter tamen per maxima et minima volutatus, quicquid memorabile visum schedulis inscripsit, easque suis dein repositoriis condidit, ex quibus suo tempore ordine desumere posset. Quem modum ut commodissimum atque vtilissimum expertus est, ita didicisse videtur a PLACCIO <sup>d</sup>, qui similia repositoria descripsit.

§. XXX. Quemadmodum autem in pulcherrimis corporibus quidam interdum inveniuntur naui imperfectionis, quam in optimo mundo reperiri Leibnizius contendebat, testes atque specimina, ita in maximo atque elegantissimo Leibnizii ingenio maculas nonnullas obseruauerunt, viri docti humanae imbecillitatis testimonia, et reprehendenda

*Desiderata  
atque repre-  
hensa in  
Leibnizio a  
viris doctis.*

NON-

a) Vol. III. Epp. p. 96. 230. Leibniziana p. 95.

b) loc. cit.

c) Hist. Leibniz. P. II. c. 16. §. 100. seqq.

d) FELLER. I. c.

e) Id ipse testatur Vol. IV. epist. p. 34.

f) Vid. PLACCII Tr. de Arte excerpenti.

nonnulla, quae vel ad doctrinam eius pertinent, vel ad animum. Inter illa multa sunt, quae recentissima aetate, qua illustris WOLFII cura Leibnizianarum hypothesium memoria valde resuscitata et vehementissimis controuersiarum diffidiis agitata est, apud quamplurimos suspecta facta sunt, ac si naturali pietati maxime vero reuelatis Christiane fidei dogmatibus e diametro essent aduersa. Quae tamen hoc loco adducere non vacat, nec speciali enarratione exponere licet, cum prolixiora sint, quam vt recenferi omnia in vniuersali philosophiae historia queant. Summam autem eorum, quae velut pestes quaedam ac fontes errorum periculis plenissimorum, a tot virorum doctorum calamis confossa ac obelo notata sunt, quaeque, si non omnia, potiore tamen partem suppeditauerunt paradoxae harmoniae praestabilitae et monadum hypotheses, ex *Recensione XXVI scriptorum aduersus philosophiam Wolfianam editorum*<sup>g</sup>, quam vulgavit venerandus IOACHIMVS LANGIVS, theologus Halensis celeberrimus, discere licet. Quanquam enim in accusanda illustris philosophi, Christiani Wolfii, philosophia horum scriptorum diligentia potissimum versata est, constabit tamen ex dicendis, virum celeberrimum potiores Leibnizii hypothesen suas fecisse, suoque, quod sibi formauit, systemati proprio adaptata recepissee, modum quoque Leibnizii in philosophando, maxime in metaphysicis fuisse secutum. Cuncta autem, quae in hac quidem parte obiciuntur, ad tria capita, eleganter, nisi fallimur, reuocauit doctissimus KORTHOLTVS<sup>h</sup>, alii enim, φιλοσοφούμενα Leibnizii omnem tollere libertatem contendunt; alii sanctitatem Numinis ab iisdem laedi afferunt; nonnulli, etsi ab hac accusatione liberum pronuntiant, obtrudi tamen loco Christianae religionis theologiam quandam naturalem atque philosophicam, quae Spiritus S. opera ac motu opus haud habeat conquerruntur. Non hic locus est, nec instituti nostri ea ratio, vt quibus potissimum argumentis tanta ἐγκλήματα viro illustri obiciantur, prolixè exponamus: dabitur tamen infra placita philosophiae Leibnizianae enarrantibus occasio nonnulla, quae huc pertinent, paucis tangendi. Id nos in praesentia monemus, fuisse haud paucos, qui Spinozismi, saltem Deismi incrustati culpam Leibnizio, et qui eius hypothesen suas fecit, Wolfio intarent. Ita enim et anonymo visum<sup>i</sup>, qui Cabbalisticam ἀσσοφίαν in monadologia et harmonia praestabilita deprehendit; et Io. GODOFREDVS WALTHERVS statuit, qui Eleaticam impietatem renouauisse Leibniziana philosophemata assertum iuit<sup>k</sup>. Maxime autem RVARDVVS ANDALLA<sup>l</sup>, Leibnizium Spinocismi accusare non cunctatus est, cuius vestigia secuti sunt, quotquot necessitatem Spinozisticam in systemate harmoniae praestabilitae deprehendi contenderunt, quorum tamen heic excitare nomina

g) Halae 1735. 4.

h) In praef. Tomo IV. Epp. Leibniziana praemissa, in qua de philosophia Leibniziana Christianae religioni non perniciose differit.

i) In Harmonia phil. recentiorum sibi ipsi con-

traria, c. 3. §. 8. p. 21. seqq. cuius docti libelli auctor est vir celeberrimus Io Georgius Wachterus.

k) In Sepulchris Eleaticis recens apertis.

l) In Diff. de Vnione mentis et corporis physica. §. 3. p. 8.

mina superfedemus, cum haec recentiori demum aetate in controuersiis Wolfianis obiecta sint, quarum historia alio tempore enarranda est. Non tacendum vero, ipsos Iesuitas Triuoltinos, magnos cetera Leibnizii admiratores, cum recensione *Theodiceae* facta sententiam dicerent<sup>m)</sup>, laudata ingenti lectionis et iudicii copia, et tractationis ordine, accuratatione et concinnitate systematica, fateri tamen, multos errores philosophum summum admisisse, maxime vero, optimi mundi assertionem (optimismum vocant) non nisi laruatum materialismum et spiritualem Spinozismum inuoluere, eiusque suspicionem iam antea per monades, harmoniam praestabilitam, brutorum immortalem et immaterialem animam eum meruisse; ita enim Deo in *αὐτόματων* conuerso omnem prorsus libertatem euertere, atque hac noua scientia physica geometrico-mechanica Spinozisticae necessitati frigidam suffundi. Immo in ipsa dissertatione praeliminari Deismum magna cautione confirmatum esse pronuntiant. Aequiores tamen in eo se praestant Leibnizio, fassi, non data opera et malitioso consilio talia effinxisse, sed rationis abusu, cum vim eius maximam animo possideret, ideoque argumentationibus metaphysicis cuncta complecti vellet, qui virum cetera bonum se semper praestiterit. Tacemus alia, quae Britannici philosophi, maxime Clarckius harmoniae praestabilitae obiecerunt, quam tibiam quoque inflauit Warburtonus<sup>n)</sup> aliique. Ita vero dum naturam Christianae religionis a philosophia Leibniziana euertere plurimi timent, ipse Leibnizius pietatem non nisi naturalem coluisse quibusdam visus est, adeo ut viuum inter suos in suspicionem naturalismi quem vocant, adductum esse nonnemo retulerit. Praeter ipsa philosophumena et decreta Leibnizi methodus quoque philosophandi haud paucis displicuit. Inter quos illustis Newtonus id reprehendi in eo posse aequissimis rationibus putat<sup>p)</sup>: quod hypotheses praeferat ratiociniis ab inductione petitis, aut experientia ducere haustis, quodque loco quaestionum, quarum examen ab experientia fieri debet, hypotheses erigat, easque admitti postulet priusquam examinentur. Aliis in ipso ratiocinationis filo, hypothesis amore seductus ab iis, quae antea asseruerat, deficere visus est, unde negligentiam quandam et attentionis defectum in eo culpant Ephemeridum Triuoltiensium conditores<sup>q)</sup>. Qui dum ita contra Baylium pugnauisse Leibnizium putant, ut in ipso acerrimi conflictus seruire subito arma deponere et pacem inire videatur, in eorum sententiam concedere videntur, qui non ex animi sententia, sed *ἐξωτερικῶς* tantum et ad tentandam eruditorum mentem istam pugnam iniisse contenderunt<sup>r)</sup>. Displicuerunt quoque in eo alia, quae quan-

m) 1737. Febr. art. 1. vnde repetuntur in accessionibus ad Noua liter. Lips. T. III. p. 425. seqq.

n) Vid. History of the Works of the Learned 1739. Febr. art. 2. KORTHOIT. l. c. §. 8. p. 17.

o) Anonymus ad biographiam Fontenellianam.

p) Recueil T. II. p. 18. quae more suo repetit

VOLTAIRE vs in Comparat. phil. Leibniz. et Newton. p. 59.

q) loc. cit.

r) Vid. Summe Ren. PFAFFII diss. de Morde naturali §. 5. p. 17. ubi se in ea dicit esse sententia, Leibnizium totum illud systema, quod P. Baylio opposuit

quandam animi *αταξίαν* referre visa sunt. Inter quae haud postremum est, quod veteribus supra modum delectatus recentiorum, maxime eorum, qui circa tempora sua caput efferre nouaque philosophiae facie enitescere coeperunt, cogitata alte despexerit, eorumque meritis obrectando obelo eorum placita confixerit, licet id non merentia. Quod inuidiae causa factum esse, ut scilicet nouae, quam condere coeperat philosophiae viam, atque gloriam pararet, nonnulli valde suspicaces, conuesti sunt. Ita inuidisse Lockio atque Newtono philosophiae interioris gloriam, hacque ex causa Cartesii doctrinam Spinozismi suspicione onerauisse visus est. Maxime autem ea, quae in Pufendorium dixerat, ab animo aegre famam atque fortunam *systematis* iuris naturae ab eo asserti productique in lucem ferente profecta esse, plerique coniecerunt; quibus clara et luculenta Pufendorii tractatio obscura et Scholasticos imitata philosophia Leibnizii iudicata est. Qui et nugas Scholasticorum et metaphysica somnia Platonis philosophum noua veste induta reuocauisse in lucem, et inextricabili obscuritate fucum haud raro legentibus fecisse atque nebulas obieciisse contenderunt. Tacemus alia, a Cartesianis, Newtonianis, aliisque, qui nouam eius metaphysicam oppugnabant ei obiecta, et non sine inuidia, ut humani ingenii vitio, plerumque in controuersis fieri solet, cumulata, inter quae numeranda sunt, quae satis inhumaniter contra eum disputarunt. Tatius Duillerius, Keilius alique ex Britannis, quibus et plagii culpa eum onerare, et acerbiora nonnulla virosque bonos vix decentia obicere placuit. Ab amicis autem, cetera plurimum ei fauentibus quaedam, ut nemo est ab omni parte perfectus, in eo reprehensa sunt, quae humanae imbecillitatis specimen esse possunt. Inter quae eminet animus ad celestes irae motus pronior moxque exardescens, sed tamen paulo post sedatior; unde factum, ut ex initio disputationis contradictionis fuerit impatientior. Quidam aliquam *πλεονεξίαν* suspicionem in eo deprehendisse, sibi visi sunt, quod in tanta reddituum affluentia satis parce sine familia viuere. Alii gloriae stimulo nimium actum et *πανεπισήμοσύνης* atque famae cupiditate plus quam par est incensum, latius se diffusisse per omnes eruditionis partes, quam iniuncti muneris partes postulabant, hincque tandem

posuit, per lusum ingenii quendam saltem confixisse nec serie mente id egisse: et Baylio frigidum potius suffudisse. Id sibi ipsi Leibnizio fuisse factum, et virum summum subridendo dixisse, rem eum acuterrigisse. Ipsam Leibnizii epistolam tandem vulgavit in A. G. Erud. 1728. Mart. In qua ita scribit Leibnizius: „Ita prorsus est, V. S. R. vti „scribis de Theodicea mea, rem acuterrigisti. Et „miror, neminem hactenus fuisse, qui lusum hunc „meum senserit. Neque enim philosophorum est, „rem serio semper agere, qui in fingendis hypothese „sibus, ut bene mones, ingenii sui vires experiuntur, tu, qui theologus es, in refutandis erroribus „theologum ages.“ Simile quid suspicati sunt DES MAIZEAUX Pref. du recueil p. 172. CLERICVS Bibl. anc. et mod, T. XV, P. I. art. 16. p. 179.

POIRRET. de Nat. et orig. idearum. P. IV. S. 3. §. 9. p. 393.

s) CLERICVS Bibl. anc. et mod. T. IX. P. I. art. 6. BARBAYRAC Reflexions sur le Jugement de Mr. Leibniz sur les devoirs de l'H. et C. de Pufendorf. BVDDEVS Hist. phil. c. 6. p. 492.

t) Citati,

u) DES MAIZEAUX l. c. CLERIC. Bibl. anc. et mod. T. XXIII. P. II. art. 8. auctor diff. de Anima brutorum, vid. Journal Litteraire T. XIII. P. I. art. 16. qui putat Leibnizium ipsum suum systema non satis cepisse.

x) Vid. Recueil, T. II.

y) A. E. l. c. FONTENELLE l. c.

z) Ibid. LVDOVICI l. c. §. 249. p. 280.

dom aulae Hanoueranae indignationem meruisse iudicarunt <sup>a</sup>. Ipsa vasta virt immensa eruditione pollentis lectio non satis digesta visa est, eo quod vaga esset et subita, cuiuscunque generis librorum, ex quibus multa excerpta in schedulis paruis descripta, pauca tamen redacta sint in ordinem <sup>b</sup>. His tandem illi adiiciendi sunt: qui narrant, de fato supremo admonitum composito et frigido oris habitu hoc dedisse responsi: ceteris quoque hominibus esse moriendum, hisque dictis mox efflauisse animam <sup>c</sup>.

§. XXXI. Graui haec esse, et famam illustris viri haud parum imminuere apta, nemo non intelligit. Non defuerunt autem, qui viri immortalibus meritis de eruditione vniuersa inclyti apologiam susceperunt scribere, eumque contra has obiectiones atque facta a viris doctis opprobria vindicarunt. Et praecipue quidem in eo versata est virorum eruditum, qui Leibnizianae memoriae fauent industria, vt ab impietatis et naturalissimi suspicione eum liberarent, ac innocentissimum esse systema metaphysicum Leibnizii, ac neque in Deum, neque in libertatem humanam, neque in decretorum diuinorum ordinem, neque in Scripturam Sacram et Christianam religionem miraculis confirmatam iniuriam demonstrarent. Et huc quidem omnes pertinent, qui libellis eristicis Antiwolfianis responderunt, et atheismi clandestini atque indirecti obiectionem non a Wolfio tantum, sed a Leibnizio quoque, qui per latus Wolfii istis telis petebatur, retulerunt. Quos hoc loco enarrare institutum prohibet, quod demortuorum philosophorum, non vero hodie viuentium historiam describere, praescripto termino, iubet. Consuli autem ab iis debet, qui plura hic cupiunt, clarissimi LVDOVICI industria, qui omnium prolixissime et diligentissime *Historiam philosophiae Wolfianae* <sup>d</sup> enarrauit. Non tamen indictos praeterire licet viros clarissimos <sup>e</sup> ISRAELEM THEOPHILVM CANZIUM et CHRISTIANVM KORTHOLTVM. Ille enim *Philosophiae Leibnizianae et Wolfianae usum in theologia per praecipua fidei capita* demonstrare, et ostendere aggressus est, eum sensum esse placitorum Leibnizianorum in suspensionem adductorum, vt cum decretis Christianis amica concordia conspirent. Hic autem *quarto volumini epistolarum Leibnizianarum* a se edito dissertationem doctam et luculentam praemisit, in qua ipsis Leibnizii verbis recitatis contendit, eius philosophiam atque doctrinam Christianae religioni non esse perniciosam, et nec libertatis dogma, nec principium rationis sufficientis, neque praedispositionem, quam vocat, neque hypothesin de harmonia praestabilita inter animam et corpus, neque doctrinam de origine mali et de miraculis quicquam continere, quod vel sanctitati Numinis

C c c 2

vel

a) FELLER, l.c. p. 29.

b) Ibid.

c) Ibid.

d) c. 14. Part. I. et II.

e) Illis merito addi potest tertius illustris BVL-

FINGERVS, qui in Dilucidationibus philosophicis eandem operam Leibnizio atque Wolfio erudite praestitit, et haud vulgare acumen mentis demonstrauit.

vel libertati voluntatis humanae, vel principiis actionum moralium, vel legi Christi refragetur. Ita vero Spinozismi quoque suspicionem tolli contendunt, eo quod ingens intercedere discrimen putant inter fatalem necessitatem a Spinoza introductam et nexum rerum a causa sapientissima introductum, et cum libertate actionum humanarum facile reconciliabilem <sup>f</sup>, eo quod a Leibnizio homini ea tantum praedeterminatio vel praedeterminatio, quae connexionem rerum sistat, vindicetur, qua, etsi alterum praeter altero eligat, in ipso sui exercitio, et constanter quidem, suo tamen id faciat arbitrio, possitque in hisce omnibus circumstantiis agere aliud atque aliud <sup>g</sup>. Qua in re ad ipsius LEIBNIZII verba provocant, statuentis <sup>h</sup>: *Licet nunquam eueniat quicquam, quin eius ratio reddi possit, neque vlla vnquam detur indifferentia aequilibrii, quasi in substantia libera, et extra eam omnia ad oppositum utrumque se aequaliter vnquam haberent, cum potius semper sint quaedam praeparationes in causa agente, concurrentibusque, quas aliqui praedeterminationes vocant: dicendum tamen est, has determinationes esse tantum inclinantes, non necessitantes, ita ut semper aliqua indifferentia siue contingentia sit salua: nec tantus vnquam in nobis affectus appetitusque est, ut ex eo actus necessario sequatur.* Quin et celebrem illam de mundo optimo Leibnizii hypothesin fatali huic necessitati fauere pernegant, eo quod creationem innumerabilium mundorum aliorum possibilem, adeoque praesentis ex contingentia quaedam factam, Leibnizius asserat, secus ac Spinoza statuat, nec aliud velit, quam impulisse creatorem sapientiam eius summam bonum maius praeter bono minori eligere, cum duos mundos aequaliter bonos esse ex principio indiscernibilium, quod vocat, impossibile sit. Et ita quoque, quae de malo ad mundi optimi rationem a Leibnizio requisito, obiciuntur, velut in sanctitatem diuinam iniuria tolli posse putant, eo quod optimus mundus id tantum velit: feriem contingentium omnium praesentium, praeteritorum, futurorum, optimam esse, quoniam mundus, qui eam complectitur, ab ente sapientissimo conditus sit, neque optimum hunc mundum esse definire, licet in eo sit malum, quum et mala ab ente sapientissimo in optimum finem dirigantur; ratio autem diuinae voluntatis atque electionis non nisi a bono sumi possit. Tacemus ea, quae prolixè ex scriptis Leibnizianis per potiores doctrinae Christianae articulos adduxit diligentissimus Kortholtus, ut euinceret, Leibnizium de principio cognitionis in diuinis et Scriptura Sacra, de trinitate, de peccato originali, de Christo, de miraculis, de operationibus Spiritus sancti, de testimonio Spiritus sancti interno, de virtutibus Christianis, ita statuisse, ut salua manerent fidel capita ab oraculis sacris definita, et omnis religionis naturalis ad salutem sufficientiae suspicio euanescat. Ex quo non tam frigide externam quoque religionis professionem edidisse concludunt, licet sint, qui concedant,

<sup>f</sup>) Acute de hoc discrimine peculiari schedia-  
sante differuit illustris C. WOLFFVS.

<sup>g</sup>) BULFINGER I. C. S. I. c. 4. §. 88. p. 81.  
<sup>h</sup>) In Causa Dei Theodiceae subiuncta §. 105.

dant, sacrarum doctrinarum interpretes negligentius eum audiuisse<sup>i</sup>, eo quod eorum dissertationes saepe inanes ei viderentur, aut aculeatae, quod an verum sit, illi dicent, qui cum Leibnizio vno loco vixerunt. In scriptis enim animum a pietate minime alienum saepe demonstrat, et haud obscure virtuti Spiritus S. internae locum facit<sup>k</sup>, et statuit<sup>l</sup>, *poëtas non posse melius de republica mereri, quam si omnibus viribus in aeterna felicitate omni colorum genere pingenda atque animis imprimenda occupentur, eique rempublicam Christianam plurimum debituram, qui effecerit, ut summa sit in pietate iucunditas*. Valde autem contemnunt sectatores Leibnizii, quae Newtoni asseclae contra hypotheticam Leibnizii philosophiam monuerunt<sup>m</sup>, his enim adhibitis theorematibus, adductisque regulis generalibus in ea naturae adyta penetrasse philosophum contendunt, quae cum non perspiciant aduersarii, pro hypothesebus fundamento carentibus habeant. Ipse vero Leibnizius dum se vniuersalissimis quibusdam principiis paucisque axiomatibus natura notis, maxime vero principio rationis sufficientis et indiscernibilium, de quibus infra, aedificium metaphysicum inaedificasse contendit, inductionis particularis vitia Newtoni asseclis obicere non omisit. Valde autem eius amicis displicuit, quod Leibnizius in *Theodicaea* simulatam tantum pugnam iniisse dicatur, vrgent enim iisdem hypothesebus atque decretis, quibus Baylium aggressus est, per totam eum vitam fuisse addictum, ea ubique etiam in extremis vitae annis sparsisse, iis geometricum demonstrationis habitum induisse, sic vt dubitandum non sit, quin veram sententiam mentis suae aperuerit<sup>n</sup>. Quare licet vir summus Matthaëus Christophorus Pfaffius, ad ipsum Leibnizium fatentem, se seria heic mente non egisse prouocauerit, illi tamen, qui Leibnizii fauent, id probari inde non posse magnis animis contendunt. Contra inuidiae suspensionem ea allegantur, quae cum gloriae propriae neglectu pro aliis egit promouitque Leibnizius supra iam ex parte enarrata. Quibus additur, illis ipsis, quibus dicam aliquam scripsit; nec laudem eruditionis et ingenii denegasse, nec alio eos sine notauisse, quam quod intelligeret, superficialiam eos philosophandi rationem et philosophiam quandam exotericam ad interiores naturae et essentiarum recessus non penetrantem velut summa Palladis mysteria crepare et iuuentuti, leuiter tinctae propinare: certe sua principia metaphysica secutum, ordinique ratiocinandi atque demonstrandi geometrico addictum illis pretium ponere magnum non potuisse, apud quos ratiociniorum *αραξία* quandam deprehenderet. Quam vbi obseruauerit, extulisse eum ingenia etiam in sententias finistras deuantia, vt ex eius iudicio de Hobbesio constare possit. Ipsi vero Cartesio satis honoris detulisse, quum in adyta quidem philosophiae

C c c 3

i) Anonymus ad FONTENELLIVM, pag. 909.

k) Vid. Praef. Theodicaeae §. 29.

l) Leibniziana p. 171.

m) Conf. Cl. KARLVS in Compar. philos. Leibniz, et Newton, p. 133. et passim.

n) Vid. Cel. GOTTSCHEDIVS Vindic. syst. influxus physici § 2, sqq. LVDOVICI, c. P. I. § 485 p. 477.



phiae non peruenisse, ast limina eius tamen adiisse fateretur <sup>o</sup>. Et si-  
li quidem ratione veteres non recentiorum inuentionibus et praeclaris  
luminibus, sed contemptui imperitorum opposuisse secretum, ex omnibus  
magnorum virorum assertionibus aliquid veri eruere. Et hi quidem ob-  
scuritatem oriri non ex philosophi culpa, sed legentium, methodo mathe-  
matica eiusque nervis non affuetorum, dictitant. Animum autem cele-  
riori irae tumultu excitatum, dum cito placaret, et omnium scientiarum  
iuuandarum studium ad communem vtilitatem transferret, ingenio vero  
diuino fisis et memoriae incredibili, quaedam negligere sine *αταξία* pos-  
set, ferri in eo posse istas labeculas putant, quas supra tetigimus. Nihil  
autem frigidum, et ab aequitate alienum magis esse, quam narratiuncu-  
lis vulgi virorum summorum pietatem circa extremas horas in suspicionem  
adducere, nemo facile paulo moderatori animo erit, qui non fatebitur.  
Nos his omnibus, quae contra Leibnizium et pro eo viri docti, interdum  
feruore plus iusto, accensi disputarunt, arbitrium non interponimus, sed  
ad Lectoris prudentiam prouocamus: immo nec eorum omnium patrocini-  
um suscipimus, quae affirmanda sibi esse credidit Leibnizius: in quibus  
sine inferenda tanto viro iniuria facile concedi potest, esse *παράδοξα* mul-  
ta et consequentiis valde odiosis exposita, nonnulla reperiri, quibus sa-  
tius fuisse videtur, si acumen metaphysicum paulo magis repressisset:  
ast id tamen aequitas postulat, vt et earum consequentiarum inuidia non  
prematur, quas detestatus est, cum facile fieri possit, vt acutissima quo-  
que ingenia systematis et hypothesis amore occupata talia nec videant,  
nec fluere ex assertis putent, quae alii satis clare se cernere contendunt:  
et vt hypotheseos ratio atque natura respiciatur, quae non semper ea pro  
veris habet, quibus velut adminiculis vtitur ad detegendam rerum natu-  
ram et soluendas *τῶν φαινομένων* rationes. Quibus monitis id recte effici  
posse putamus, vt a mali animi suspicionem liberetur philosophus praestan-  
tissimus, cuius vita tot boni viri specimina exhibuit. Et concedamus,  
non omnia vidisse Leibnizium, in nonnullis maximo, quod possidebat  
ingenio nimium fuisse confisum, quaedam paralogismis inaedificata ad-  
misisse, non perspexisse sinistras consequentiarum ambages facile ex qui-  
busdam assertis enascendas, adeoque securius decreuisse, et imprimis ni-  
mis hypotheseos indulgisse; quid ex his aliud concludemus, quam fuisse  
Leibnizium hominem, licet magnum, et mortalitatis infirmitates fuisse  
perpef-

o) Praeclare Leibnizium de Cartesio, neque  
contra modestiam iudicasse, ex iis, quae suo loco  
in historia Cartesii dicta sunt constat: et si quid  
iudicamus, omnino ab inuidiae crimine abfuisse,  
concedi FONTANELLO aliisque debet. Fa-  
temur tamen, iniquiorem eum videri in Pufendor-  
fium, quem quouis occasione sugillat. Quod  
tamen non inuidia stimulante, sed animo vulnera-  
to fecisse, ex iis colligimus, quae ad Bierlingium

scripsit Vol. IV. Epp. p. 14. indignationis plena et  
humanitatem Leibnizii non spirantia. Ibi enim  
inter alia ait: „Recuperat is aliquando in se ca-  
„rationem negotii cuiusdam mei in Suecia, sed  
„per amicos didici, contraria omnia ab illo acta  
„esse; inde optime eum animatum virumque bo-  
„num fuisse negat.“ Ita magni quoque viri ho-  
mines sunt!

perpetuum? Ast insignibus tamen meritis fuisse illustrem eaque meritorum serie enituisse, quorum memoriam nulla vnquam aetas delebit.

§. XXXII. Non caruisse Leibnizium aduersariis, ex enarrata hactenus eius historia est manifestum: idque et in orbe mathematico et in philosophico contigit. Et ingenia quidem mathematicorum Britanniae magnae ipsi valde aduersantia expertus est, ex quo infausta de gloria inuentionis calculi differentialis controuersia enata est: quam cum supra iam tetigerimus, hoc loco nihil dictis adicimus. Propagata autem est ad philosophiam quoque Leibnizianam ista inimicitia, factumque inde, vt et ipse Newtonus, cetera non nisi geometriae, opticae, astronomiae mechanicaeque addictus quique metaphysicum agere nunquam in animum induxerat, φιλοσοφούμενος nonnulla Leibnizio opponeret, principiis suis physico-mathematicis inaedificata, et qui eum pressio pedē secutus est, Clarckius magnis arietibus hypotheses Leibnizii philosophicas, metaphysicas pariter atque physicas confodere inciperet. Nec cum Cartesianis, quique ex horum numero prodierunt, Mallebranchio eiusque discipulis satis amice ei conuenit; habuitque Catelanum aliosque aduersarios, Andalam autem castigatorem principiorum metaphysicorum, etiam a suspitione Spinozismi imputanda non alienum. Tacemus illos, qui vulgata harmonia praestabilita contra illum surrexerunt, et quibus ipse respondit, Foucherium, Lamium aliosque supra iam memoratos. Maxime P. Baylio virum illustrem hostilia arma intulisse, apparatus *Theodicaeae* loquitur; ille autem harmoniae praestabilitae bellum quoque indixit, cuius obiectionibus Leibnizius respondit. Disputauisse autem cum Sturmio quoque atque Schelhammero de notione naturae atque substantiae, ex supra dictis repetendum est. Commiserunt eum quoque singulares, quas in argumento historico fouebat, hypotheses, cum Kulpisio, Pfannero, Gundlingio, Tourneminio aliisque, quorum supra iam mentio facta. Ipsa autem eius philosophiae dogmata aduersarios fere innumeros in Germania et extra eam reperisse, nemo non ex iis, quae de reprehensionibus virorum doctorum suo loco diximus intelligit. Factum inde, vt Leibnizianae philosophiae breuem aetatem, fortunamque non satis beneuolam quidam vaticinarentur, quae imprimis coniectura fuit clarissimorum virorum FONTENELLII et DES MAIZEAUX. Ast falsos eos fuisse, *Sequitores Leibnizii.*

p) Aut fallimur, aut id vnice in epistola ad eum Pfaffium voluit Leibnizius, se hypotheticum tantum Baylium refutauisse, quemadmodum eadem, admissa Origenis hypothesi, respondit Clericus. Ast hoc non obitante poterat his hypothesis serio inhaerere, cum verisimiles et ad exponenda mysteria philosophiae aptissimas iudicaret. Nihil itaque egit philosopho indignum, et a viri boni officio abluenda, sed nec ideo nimium consequentiis premendus est.

q) Ex his philosophiam Newtonianam exculpsit Voltaerius, vt haberet, quod Leibnizio oppone-

ret, inuito, vt videtur, Newtono, quem de systemate metaphysico nunquam cogitasse, sed naturalem tantum doctrinam mathematicos opera iuuare voluisse, idque praeclare fuisse exsecutum constat. Conf. Cl. KANTLIUS l. c.

r) Vid. Recueil T. II. p. 28. vbi extat examen principiorum Mallebranchii. Controuersiae cum Catelano ad argumentum mechanicum pertinuerunt.

s) Vid. supra p. 385. not. o)

t) l. c. p. 875.

u) l. c. p. 70.

euentus prodidit. Nam nondum humanis rebus erepto Leibnizio inter mathematicos pro eius partibus stetero magna nomina Gallorum, Germanorum, Italarum, inter quos Bernoullios primo fere loco ponere aequitas postulat, quibus calculus Leibnizianus plurimum incrementorum debet, quique alia quoque philosophiae Leibnizianae capita, praecipue quod de viribus corporum viuis tradit, et illustrarunt egregie, et fortiter propugnauerunt \*. Philosophia autem, vel metaphysica potius Leibniziana, auctore suo adhuc superstite in sectam non abiit. Id quod praeter difficultatem et sublimitatem eius, qua plerisque lectoribus obscura facta est, ipsi quoque parenti suo debet, a spiritu sectario, vt decet philosophum longe alieno, qui eum proscribendum esse ex ciuitate erudita prudenter statuit †. Plurimum tamen philosophiae Leibnizianae detulit, eamque et doctissimis lucubrationibus suam fecit, vir celeberrimus MICHAEL GOTTLIEB HANSCHIVS. Qui cum Leibnizio innotuisset, eiusque amicitia atque commercio literario vti coepisset, occasione hac fauentissima vsus est, vt per literas de viri illustris mente accurate edoceret. Cuius rei exempla exhibent epistolae Leibnizii ad laudatum virum exaratae, quas vulgavit KORTHOLTVS ‡. Ita de vera Leibnizii mente rite eruditus lucem metaphysicae Leibnizianae accendere aggressus est, et fatis erepto Leibnizio plura de ea commentari coepit. Enata inde anno clō 1000 XXII *Meditatio philosophica de Vnione mentis et corporis secundum principia G. G. Leibnizii*; tum *Theoremata metaphysica ex philosophia Leibniziana selecta, de Proprietatibus quibusdam entis infiniti et finiti, mundiue existentis perfectione, methodo geometrica demonstrata* §; tandemque G. G. Leibnizii *Principia philosophiae more geometrico demonstrata, cum excerptis ex epistolis philosophi et scholiis quibusdam ex historia philosophica, vulgata anno clō 1000 XXVIII* ¶. Quo libro vtilem et iucundam operam vir acutus philosophiae Leibnizianae cultoribus, eiusque historiam perquirentibus praestitit, cum non tantum ratiocinationum neruum ostenderit, sed plura quoque ex scriptis et epistolis Leibnizianis addiderit, quae obscurius dicta illustrarent, interdum quoque parallelismum veteris philosophiae, quam haud raro in partes vocauit Leibnizius, adduxerit. Vnde introductionis loco in metaphysicam Leibnizianam adhiberi potest. Maiorem autem fortunam, ast miris vicissitudinibus expositam experta est philosophia Leibniziana, ex quo illustris Halensium philosophus CHRISTIANVS WOLFIVS, cui cum viuo Leibnizio amicitia intercesserat, non modo methodo philosophandi Leibniziana sed hypothesibus quoque ab eo excogitatis vsus est. Quamuis enim integrum philosophiae systema condere Leibnizius nunquam

x) Diximus de ea re plura in Elogio illustris viri Ioannis Bernoullii, Dec. II. Pinacoth. scriptorum illustrium, quae, si ita videretur, consuli possunt.

z) Vid. Epp. Vol. III. p. 97.

a) Vol. III. p. 64. seqq.

b) Aug. Wind. 1728. suffixa est meditatio philosophica.

c) Lips. et Francof. 4. inscripta sunt Eugenio principi Sabaudiae.

quam in animo habuerit, contentus harmoniam mundi ex principiis quibusdam metaphysicis deduxisse, vnde nouum philosophiae systema formans. Wolfio necesse fuit, ipsum opus, affectum magis, quam confectum a Leibnizio aggredi, et sibi peculiare philosophiae genus effingere, quod per omnes philosophiae partes eundo, iustum daret rerum omnium, quae sub hominis scientiam cadere possunt, corpus: negari tamen non potest, hypotheses Leibnizianas non quidem omnes, plerasque tamen eum in philosophiam suam recepisse, et seriei meditationum suarum, suo quamlibet loco, inseruisse, methodo mathematicis familiari eas demonstratum fuisse, et nouo lumine collustrasse. Id quod metaphysicam eius cum Leibnizianis philosophematis comparanti erit manifestissimum <sup>d</sup>. Non id ita intelligi volumus, vt sectam aliquam Leibnizianam propagasse vixim celeberrimum dicamus: id enim affirmari eo minus potest, quominus ipse Leibnizius de secta vnquam cogitauit, contentus semina quaedam philosophiae, qualem sibi conceperat, sparsisse, ex quibus, si ingenium accedat solers et intelligens, iusti systematis messis exsurgere possit. Praeterea vir magnus de rationali philosophia pauca dixit, physicas hypotheses senex ipse abiecit in morali philosophia fere nihil reliquit, quod ad integrum philosophiae corpus pertineat. Vnde factum, vt, cum celeberrimus Wolfius nouam sibi philosophiae faciem efformaret, electis iis, quae apud philosophos, maxime veteres <sup>e</sup> itemque Scholasticos <sup>f</sup> veritatis notam sustinere videbantur, ex principiis vniuersalibus cohaerens aliquod doctrinae aedificium, rationalem, metaphysicam, naturalem et moralem philosophiae partem complexum exstrueret. Qua ratione inter ecclesiasticos philosophos omnino haud infimus ei locus debetur, cum cogitandi sentiendique et hinc eligendi libertatem recte sibi vindicauerit <sup>g</sup>. Sunt etiam inter eius decreta nonnulla, quae a Leibnizianis placitis dissentiunt, testemque habemus ipsum Leibnizium, in epistola ad Remondum scribentem <sup>h</sup>: *Wolfium placitorum suorum quaedam recepisse, pauca autem se de philosophia cum eo communicasse, nec decretorum suorum alia illum cognouisse, quam quae literis vulgata sint. Vidisse se nonnulla a iuuenibus eo moderante scripta, in quibus multa bona insint; deprehendantur autem nonnulla, in quibus dissentiat.* Quare omnino ipse vir illustris audiendus est, testans <sup>i</sup>, parum sibi id curae esse, vtrum philosophemata sua cum Leibnizianis conspirent, nam se ea tantum ex illius metaphysica recepisse, quae concordare cum conceptibus suis deprehenderit. Nec suam, quam tanto viro deberi credat, venerationem coecam esse et adorandam.

d) Ideo Leibnizianam philosophiam inter fontes Wolfianae doctrinae refert Cl. LVDOVICVS in Hist. phil. Wolf. c. 9. §. 136. P. I. p. 123.

e) Vidi Praef. Metaphysicae Germanicae.

f) Conf. LVDOV. l. c.

g) Vld. eius Relatio de scriptis propriis, c. 4. p. 123. c. 5. p. 155.

h) T. II. Recueil p. 162. conf. BULFINGER, de Harmonia praestabilita §. 135. not. g. p. 136.

i) In Monito de sua philosophandi ratione Aët. Brud. 1728. Dec. art. 7.

adorantis obsequium, sed ea se tantum admittere, quae cum systemate suo salua veritate cohaereant etc. Et hoc quidem sensu virum celeberrimum inter sectatores Leibnizii referendum non esse, quilibet aequus arbiter facile concefferit. Ast eo ipso fatente pleraque tamen, etsi non omnia, quae in logicis et metaphysicis Leibnizius dixit, sua fecit <sup>k</sup>, suoque systemate apte innexa atque accommodata seruauit, clariorem iis lucem affudit, effecitque, vt in disceptationem deducto ipsius systemate philosophico, totus fere orbis philosophicus de philosophia Leibnizio-Wolfiana disputaret: inuitis, quod de tantis veritatis sectatoribus recte credimus, ipsis eius auctoribus, quos sectae studium, philosophum indeoens et libertati philosophandi inimicum non fouisse, nec fouere voluisse, merito credimus. Certe id in historia Leibnizianae philosophiae negligendum non est, factum esse illustrem Wolfium, meditationes Leibnizianas, *de Cognitione, veritate et ideis* etc. sibi de intellectus humani viribus et facultatibus sollicito plurimam lucem praetulisse; duxisseque ipsum fundamenta semel posita, naturali filo ad hypotheses Leibnizianas <sup>l</sup>, maxime de harmonia praestabilita. Id quod principia philosophiae Leibnizianae et Theodiceam cum Metaphysica Wolfiana comparanti erit manifestum, in qua principia cognoscendi, nempe rationis sufficientis et indiscernibilium, notiones loci, motus, vacui, temporis, definitiones DEI, animae, eiusque commercii cum corpore, monadum atque elementorum mundi; leges motus et similia cum Leibnizianis mire conspirant, arctoque nexu cohaerent. Quae tamen cum integrum philosophiae Leibnizianae corpus non efficiant, singularem tractationem celeberrimi viri merita in philosophia postulant, qui quod Leibnizius cogitauit tantum et tentauit, mira mentis sollertia et acumine perfecit, poliuit, auxit, nouasque meditationes exhibuit, ex quibus larga messis scriptorum enata est. Ast haec recensere omnia, licet maxime digna posteritatis memoria, fines nobis, vt tractationis modus esset, positi et intra demortuorum philosophorum limites conclusi non permittunt. Dedimus autem viri summi imaginem, vitaeque atque meritorum elogium et scriptorum indicem alibi <sup>m</sup>: plenius autem cyathis hauriendi copiam suppeditat Cl. LUDOVICVS \*.

*Scripta Leibnizii.*

§. XXXIII. Diligentissimus quanquam fuit Leibnizius, et laboris patientissimus, magna tamen opera non edidit, si collectiones historicas excipiamus, nempe *Scriptores historiae Brunsvicensis* et *Codicem iuris gentium diplomaticum*, in quibus tamen describendis teste FELLERO <sup>n</sup>, aliorum cura atque opera, vsus est. Pleraque, quae vulgauit, dissertationes breuiores sunt, Ephemeridibus literariis insertae, aut tractationes epistolicae et schediasmata, qualia ea sunt, quae adolescens et iuuenis edidit.

k) In Praef. Logicae Germanicae.

l) Praef. prima ad Metaphysicam Germ.

m) In Pinacotheca scriptorum nostra aetate illustrum Dec. I. quo loco imago quoque viri celeberrimi accurate efficta exhibetur.

n) In Hist. philos. Wolfianae Lipsiae 1737. 8. duabus partibus edita.

o) loc. cit.

**edidit.** Horum autem omnium recensionem dare, opus non esse hoc loco censemus, cum potiora, maxime quae ad philosophiam nempe rationalem, metaphysicam, naturalem, moralem, politicam pertinent, in vitae eius historia iam indicauimus. Diligenter autem in hac opera praestanda versatus est Cl. LVDOVICVS<sup>p)</sup>, qui scripta Leibnizii omnia typis impressa secundum temporis ordinem accurate enarravit, et a singularium obseruationum, recensionum, epistolarum, dissertationum, tractationumque indicem cupientibus ipse euoluendus est. IDEM autem, ut curiositati lectoris faciat satis, de scriptis Leibnizii editis latentibus et affectis promissisque, integris quoque capitibus disseruit. Inter ea *Historia Brunsvicensis* est, cui meliorem vitae partem addixit, at affecta tantum et ad annum 1701 perducta, cuius causam in §. antecedente iam attulimus, nihil tamen in isto catalogo deprehendimus, quod philosophiam magnopere iuuet. Dolemus autem systema philosophiae primae, quod paulo ante mortem delineauit, missum ad Cel. Sebastianum Kortholtum Kilonium in via periisse<sup>q)</sup>, cum dubium non sit, quin natiuam faciem philosophiae suae ipse omnium verissime depinxerit. Meditatus etiam est scientiam de mente per geometricas demonstrationes, ad quam multa se mira obseruata habere, ad Ioannem Oldenburgium scripsit<sup>r)</sup>, sed eam postea intermisit, quod fatum quoque habuit promissa ab eo noua dynamices scientia; itemque scientia infiniti, in qua viam analyticam demonstrare<sup>s)</sup> cogitabat, calculum differentialem cum integrali plenissime expositurus. Immo non sine historiae philosophicae damno factum, ut quam *corpusculi κειμηλίων φιλοσοφικῶν* titulo meditabatur, editionem opusculorum philosophicorum Ratamni, Campanellae, Valeriani Magni, Cartesii, quibus Suiffeti *Calculatorem* additurus erat<sup>t)</sup>, perficere non potuerit. Tanta autem eruditione pollent, quae vir summus viuis in vulgus exire passus est, ut merito voluntas virorum doctissimorum laudanda sit, qui schedas eius passim, maxime in Ephemeridibus literariis dispersas colligere, et vno fasce comprehensas edere in animum induxerunt. Id quod primus suscepit Ioannes Georgius Eccardus, qui Leibnizio in condenda historia Brunsvicensi operam praestitit, quem scripta eius minora figillatim impressa vno volumine recudi curaturum esse, promiserunt *Acta eruditorum* et Fontenellius<sup>u)</sup>. At intercedente rerum Eccardi conuersione discessuque ad academiam Herbipolensem, consilium illud euauit. Idem postea saxum voluere in se recepit V. C. Daniel Eberardus Baringius, qui scripta minora in diariis eruditis dispersa colligere, et annotationibus aucta edere promisit; sed et hic Ajax in spongiam incubuit. Tertius ad simile propositum accessit Cl. LVDOVICVS<sup>v)</sup>, qui non

Ddd 2

edita

p) L. c. c. 7. Adiecit quoque scriptorum Leibnizianorum index Theodiceae versioni Germanicae, auctore Eccardo, et editio Amstelodamensi a Neuwillano (Dn. de Neufville) editae, uterque accuratus satis haud est.

q) Vid. Anonymus ad Elog. Fontenellianum.

r) Extat ea epistola T. III. Opp. Ioannis Wallisi p. 620.

s) Conf. LVDOVIC. loc. cit. c. II. §. 39. p. 50. et quos laudat.

t) Epp. Vol. I. p. 255. conf. FELIX. l. c. p. 24.

u) loc. cit.

x) l. c. c. 5. §. 262. p. 290.

edita modo in Ephemeridibus, sed et singulatim vulgata et quæ fere dispa-  
ruere, opuscula Leibnizii legenda iterum dare, facto initio ab opusculis  
metaphysicis et logicis, commentario illustratis constituit. Qui cum  
studio, quod in historia philosophiæ Leibnizianæ posuerat, et laboris pa-  
tientia spem lectorum mire excitauerit, optamus, ut, quæ ipse nobis im-  
pedimenta sibi obiecta exponit, e via tandem tollantur. Certe cum neo  
eruditissimus Bourgetus, qui similes conatus susceperat, nec, cui lampas-  
dem ille tradidit illustris Iordanus, orbem philosophicum istis laboribus  
auxerint, omnino excitanda est eorum, quibus occasio simile quid susci-  
piendi fauet diligentia, ut omnem lapidem moueant, quo hac quoque in  
parte literarum, quas tantopere promouit Leibnizius, iuuentur. Interim  
gratias agendas debet ciuitas erudita Cl. Kortholto, hanc iacturam elegantè  
epistolarum Leibnizianarum collectione, qui schediasmata nonnulla mino-  
ra, typis vulgata, quæ ad philosophiam respiciunt, et historiam prudenter  
inseruit, ex parte sarcienti; qualem operam præstitisse quoque cel. DES  
MAIZEAUX, ex supra narratis constat.

*Historia lite-  
raria Theo-  
dicæ Leib-  
nizianæ.*

§. XXXIV. Diximus et attulimus ex immenso rerum ad historiam  
philosophicam et literariam Leibnizii pertinentium aceruo tantum, quan-  
tum institutum nostrum requirebat, et sufficere nos putamus, ut intelliga-  
tur, quid philosophia eclectica magno viro debeat. Transeuntibus iam  
ad decretorum philosophicorum Leibnizii enarrationem, in via *Theodi-  
cæ* occurrit, ex qua magnam partem de eius placitis decernendum. Qui  
liber cum ingenti orbis literarii plausu exceptus, ast non minus multas  
contradictiones passus sit, paucis eius historia separatim hic tradenda est.  
Summam enim eius exponere hoc loco non licet, consulendæ autem sunt  
Ephemerides Lipsienses, in quibus interprete celeberrimo WOLFIO  
eruditissimi libri compendium eleganter enarratur. Constat autem præ-  
fatione, qua historiam enatae tractationis auctor exponit, quam supra  
quoque retulimus, tum dissertatione præliminari de concordiarationis et  
fidei: quam sequitur ipsa tractatio P. Baylio opposita, cui bonitatem DEI  
ex necessitate mali ancipiti argumentorum pugna, telisque Manichæorum  
aggredienti suas phalanges obiecit, a regina Borussiae ad eam pugnam ex-  
citatus. In hac vero scriptione et suam de mali origine sententiam ex-  
ponit, et Baylii obiectionibus respondit, et hunc potissimum nodo inex-  
tricabili ensen admouet, ut elegisse Deum mundum ex multis possibilibus  
vnum eumque optimum, inque eo malum bono admixtum ita admisisse,  
ut cuncta sapientissima concordia tandem ad bonos fines perducantur, sta-  
tuat. Adiectæ sunt meditationes in Hobbianam dissertationem *de Necessi-  
tate, libertate et fortuna*, et annotationes in GVIL KINGII librum  
*de Origine mali*. Claudit elegantissimum librum *Causa DEI asserta  
per iustitiam eius, cum ceteris eius perfectionibus cunctisque actionibus  
conci-*

*conculcata*: Dici non potest, quanto fulgore lectorum animos perfurinxerit tractationis elegantia atque nitor, sententiarum nouitas, eruditionis conseruatae sed mira arte distributae pulchritudo, lectionis vastitas, observationum literariorum farrago, ipsaque dictio Gallica iucunditate et puritate commendabilis, quae omnia cumulauit, et diuitias suas profudit in isto opere Leibnizianum ingenium. Inde sequuta maxima eruditorum approbatio, qui licet in haud paucis Leibnizii mentem non assequerentur, disputationis tamen per amoenissima deua lectorem detinentis iucunditate illecti nihil nisi quod suaue erat,prehenderunt. Vnde non tantum Ephemeridum literariorum scriptores in eo libro laudando decertarunt <sup>z</sup>, sed meruit quoque calculum theologorum, Turretini <sup>a</sup>, Loescheri <sup>b</sup> aliorumque, quibus Io. Albertum Fabricium addere licet <sup>c</sup>. In Gallia autem, si *Nouorum literariorum Lipsiensium* <sup>d</sup> fide standum est, inuincibiles phalanges visae sunt, quas in aciem produxit Leibnizius. Primus vero, qui displicere sibi Leibnizianam de Origine mali sententiam professus est, fuit B. Io. FRANCISCVS BVDDEVS, quo praefide dissertatio <sup>e</sup> comparuit *de Origine mali contra recentiores quorundam hypotheses*. In qua tamen auctorem mentem suam recte non percepisse, male autem actionum moralitatem ex sola lege diuina deriuare, ad ipsum praefidem dissertationis scripsit Leibnizius <sup>f</sup>. Buddeum secutus est Ven. PRAEFFIVS <sup>g</sup> cui nonnulla dicta de praesentia reali in S. coena minus probabantur, qui tamen et ipse rectius sensisse Leibnizium edoctus est. Ipse liber aduersarios publicos paucissimos reperit, Leibnizio viuente, bis, et post eius mortem duabus iterum vicibus <sup>h</sup> typis repetitus. Latinam vero versionem non nemo ex Iesuitarum societate Coloniae vulgauit, Germanicam edidisse LENTNERVS dicitur, cui elogium Fontenellii Leibnizianum accessisse in limine huius capitis diximus, adiecto indice scriptorum Leibnizianorum: emendauit, et totam fere refinxit cel. GEORGIVS FRID. RICHTERVS, meliorem Latinam quoque dedisse Tubingenses supra retulimus. Quamuis autem harmoniae praestabilitae aliasque hypotheses aduersarios haud paucos expertae sint, nemo tamen integrum *Theodiceae* opus refutare aggressus est, forte quod argumenti sublimitas et disputationis miro artificio per integram tractationem diffusae, molestia dissentientes deterreret. Mortuo autem Leibnizio acri censura librum hunc, multos per partes iugulasse supra iam narrauimus, ex quibus repetenda, quae historiae libri celeberrimi lucem accendere apta sunt.

§. XXXV. Enarrata Leibnizii historia literaria atque philosophica, re- *Philosophia*  
stat, vt de eius placitis philosophicis more nostro ipso viro summo duce *Leibnizii.*

Ddd 3

tracte-

z) Journal des sçavans 1713. p. 9. 123. Nouvelle de la rep. des lettres T. I. p. 237. 241. T. II. p. 162.

a) In Posit. theologicis.

b) In Praenotionibus theologicis.

c) Bibliograph. antiq. p. 239.

d) 1717. p. 374.

e) Extat quoque in eius Miscell. SS.

f) Vol. II. Epp. p. 169. et alibi.

g) In Fragm. Irenaei et diss. adi. §. 16.

h) Vid. Act. Erud. 1715. Aug. p. 376.



tractemus, exponamusque qua ratione philosophiam innovauerit. Monuimus autem in antecedentibus, integrum philosophiae systema Leibnizium non condidisse<sup>i</sup>, contentum, assertiones potiores ex principiis generalibus deduxisse, ex quibus iudicio satis instructo liceat integrum philosophiae excitare aedificium. Difficile ideo est, philosophiae Leibnizianae delineationem exhibere, cum nihil, quod integrum eius ambitum comprehendat, reliquerit. Maxime vero in logicis pauca quaedam ad naturam idearum pertinentia attulit, in physicis veteres hypothefes de motu in abstracto et concreto considerata abiicit, in morali doctrina paucissima nonnulla monita regulasque aliud agens dispersit. Vna metaphysica paulo meliori fortuna usa, eius *Principiis Philosophiae*, siue monologia aucta est, theologiam naturalem in *Causa DEI asserta*, non tamen totam explicuit, in *Theodicea* autem haec omnia sparsim attulit. Vnde operae pretium esset, ex scriptis viri summi philosophicis ea colligere, et ordine systematico exponere, quae illustri philosopho placuere. Quod saxum neminem hactenus voluisse merito miramur. Nam eos, qui Wolfianas philosophiae institutiones pro Leibnizianis habent, falli in antecedentibus demonstraui. Quae vero Cel. Hanschius exposuit supra memorata solam metaphysicam partem comprehendunt: nec ea, quae nos olim de placitis Leibnizianis adduximus<sup>k</sup>, plenam opinionum eius atque assertionum historiam explicant. Vnde merito optamus, vt, qui iustum philosophiae Leibnizianae syntagma ex scriptis celeberrimi philosophi congestum meditatur, Cl. LVDOVICVS<sup>l</sup>, laudatissimum institutum perficiendi occasionem et circumstantias fauentes nanciscatur. Nos quo minus hoc onus humeris nostris imponamus, ipsa instituti ratio prohibet, quae et istam prolixitatem refugit, et ipsa potissimum verba et philosophemata philosophorum celebrium, eo, quo ipsi proposuerunt, ordine, adducere postulat. Sequemur ergo methodum hactenus adhibitam, et quae de rationali philosophia in meditationibus *de Cognitione, ideis et veritate* disseruit Leibnizius, primo enarrabimus, hisque ipsa viri summi *Principia philosophica*, et quae in *Causa DEI* philosophatus est, subiungemus; speciminis moralis loco autem ex praefatione *Codicis iuris gentium* ea explicabimus, quibus doctrinae moralis aedificium inaedificandum esse staturbat. Addeamus autem *ὡς ἐνταξέδω*, quae passim monuerunt viri docti, vt hoc pacto aliquam, si non plenam, philosophiae Leibnizianae nanciscamur notitiam.

*Logicae meditationes  
Leibnizii.*

#### §. XXXVI. Meditationes rationales Leibnizii hae sunt:

I. Cognitionis est vel obscura vel clara, et clara rursus vel confusa vel distincta,

i) Diserte id testatur Leibnizius in Ep. ad Remondum Recueil T. II. p. 161. Verum est Theodiceam meam non sufficere ad exhibendum integrum systematis mei aedificium; non tamen multa deerunt, si iungantur ea, quae in Ephemeridi-

bus literariis, Lipsiensi, Parisiensi, P. Baylii et Basnagii dixi, saltem, quoad principia.

k) In Germanic. Hist. phil. opere T. VII. p. 460, seqq. Conf. L. v. D. v. l. c. cult. §. 621. p. 425.

l) l. c. P. I. c. 1. §. 2.

*Attingit, et distincta vel inadaequata vel adaequata, item vel symbolica vel intuitiva, et quidem si simul adaequata et intuitiva sit, perfectissima est.*

II. Obscura est notio, quae non sufficit ad rem repraesentatam agnoscendam.

III. Clara cognitio est, cum habeo unde rem repraesentatam agnoscere possim, eaque rursus est vel confusa vel distincta.

IV. Confusa est, cum non possum notas ad rem ab aliis discernendam sufficientes separatim enumerare, licet res illa tales notas atque requisita reuera habeat, in quae notio eius resolui possit.

V. Ita colores, odores, sapores aliaque peculiaria sensuum obiecta satis clare quidem agnoscimus, et a se inuicem discernimus, sed simplici sensuum testimonio, non vero notis eruntialibus: licet certum sit, notiones harum qualitatum compositas esse, et resolui posse, quippe cum causas suas habeant.

VI. Distincta notio est, quae fit per notas et examina sufficientia ad rem ab aliis omnibus corporibus similibus discernendam: tales habere solemus circa notiones pluribus sensibus communes, circa multos affectus animi, verbo circa omnia quorum habemus definitionem nominalem, quae nihil aliud est, quam enumeratio notarum sufficientium.

VII. Datur tamen et cognitio distincta notionis indefinibilis, quando ea est primitiva, siue nota sui ipsius, hoc est, cum est irrefolubilis ac non nisi per se intelligitur, atque adeo caret requisitis.

VIII. In notionibus autem compositis, quae rursus notae singulae componentes interdum clare quidem, sed tamen confuse cognitae sunt, hinc talis cognitio licet distincta sit, inadaequata est tamen.

IX. Cum vero id omne quod notitiam distinctam ingreditur, rursus distincte cognitum est, seu cum analysis ad finem vsque producta habetur, cognitio est adaequata. Discedit in his notionum idearum definitionibus et distinctionibus a Cartesianis et Lockio Leibnizius, cuius ad illius librum de intellectu humano observationes " heic merentur conferri.

X. Plerumque non totam simul naturam rei intuemur, sed rerum loco signis utimur, quorum explicationem in praesenti aliqua cogitatione compendii causa solemus praetermittere, scientes aut credentes, nos eam habere in potestate; talis vocari potest cogitatio coeca vel symbolica.

XI. Cum notio valde composita est, non possumus omnes ingredientes eam notiones simul cogitare.

XII. Vbi tamen hoc licet, vel saltem quantum licet cognitio oritur intuitiva.

XIII. Notionis distinctae primitivae non alia datur cognitio, quam intuitiva, ut compositarum plerarumque cogitatio non nisi symbolica est.

XIV. Eo-

m) Dictum de iis supra. Extant Recueil T. II. p. 142. seq. et Vol. IV. Epp. p. 509. seqq.

XIV. Eorum, quae distincte cognoscimus, ideas non percipimus, nisi quatenus cogitatione intuitiva utimur. Et sane contingit, ut nos saepe falso credamus habere in animo ideas rerum, cum falso supponimus aliquos terminos, quibus utimur, iam a nobis fuisse explicatos.

XV. Saepe vocabula utcumque intelligimus, aut nos antea intellexisse meminimus, quia tamen hac cogitatione coeca contenti sumus, et resolutionem notionum non satis prosequimur, fit ut lateat nos contradictio, quam forte notio composita inuoluit.

XVI. Ex his fluit discrimen inter definitionem nominalem et realem. Definitio nominalis est, quae notas tantum rei ab aliis discernendae continet; realis, ex qua constat rem esse possibilem. Est itaque definitionis realitas non arbitraria, quod volebat Hobbius, nec quaelibet notiones inter se possunt coniungi.

XVII. Definitiones nominales non sufficiunt ad perfectam scientiam, nisi quando aliunde constat, rem definitam esse possibilem.

XVIII. Idea vera est, cum notio est possibilis, falsa cum contradictionem inuoluit.

XIX. Possibilitatem rei vel a priori cognoscimus vel a posteriori.

XX. A priori possibilitatem cognoscimus, cum notionem resolvimus in sua requisita, seu in alias notiones cognitae possibilitatis, nihilque in illis incompatible esse scimus.

XXI. Fit id inter alia, cum intelligimus modum, quo res possit produci: unde prae ceteris utiles sunt definitiones causales.

XXII. A posteriori possibilitatem cognoscimus, cum rem actu existere experimur, quod enim actu existit vel extitit, id utique possibile est.

XXIII. Quandocumque habetur cognitio adaequata, habetur et cognitio possibilitatis a priori; perducta enim analysi ad finem, si nulla apparet contradictio, utique notio possibilis est.

XXIV. Cauendum ne quis abutatur iactato principio: quicquid clare et distincte de re aliqua percipio, id est verum, seu de ea enuntiabile. Saepe enim clara et distincta videntur hominibus temere iudicantibus, quae obscura et confusa sunt. Inutile igitur axioma est, nisi adducta clari et distincti criteria adhibeantur, et nisi constet de veritate idearum.

XXV. Non contemnenda veritatis enuntiationum criteria sunt regulae communis logicae, quibus et geometrae utuntur, ut scilicet nihil admitatur pro certo; nisi accurata experientia vel firma demonstratione probatum.

XXVI. Firma autem demonstratio est, quae praescriptam a logica formam servat; non quasi semper ordinatis scholarum more syllogismis opus fit, sed ita saltem, ut argumentatio concludat vi formae.

XXVII. Itaque nec praetermittenda est aliqua praemissa necessaria, et omnes praetermissae iam ante vel demonstratae esse debent, vel saltem instar hypotheseos assumtae, quo casu et conclusio hypothetica est.

XXVIII

XXVIII. Commendanda ideo est ingeniosissimi Pascali regula, definiendos esse omnes terminos parumper obscuros, et comprobandas omnes veritates parumper dubias. Quod quomodo faciendum sit, ex attenta eorum, quae dicta sunt, consideratione constare potest.

XXIX. Omnia nos videre in Deo, vetus est sententia, et si sano sensu intelligatur, non omnino spernenda.

XXX. Et si omnia in Deo videremus, necesse tamen esset, ut habeamus ideas proprias, id est non quasi icunculas quasdam, sed affectiones siue modificationes mentis nostrae, respondentes ad id ipsum, quod in Deo perciperemus.

XXXI. Vtique aliis atque aliis cogitationibus subeuntibus aliqua in mente nostra mutatio fit: rerum vero actu non cogitatarum ideae sunt in mente nostra, ut figura Herculis in rudi marmore.

XXXII. At in Deo non tantum necesse est actu esse ideam extensionis absolutae atque infinitae, sed et cuiusque figurae, quae nihil aliud est quam extensionis absolutae modificatio. Tangunt haec controuersiam Mallebranchii de origine idearum, cuius infra historiam enarrabimus. Pluribus id agit, notionesque Cartesianas Mallebranchii suis vel emendare vel refellere contendit in examine principiorum Mallebranchii, quod cum his comparandum est. Multa enim eo loco habet, quae dicta illustrent et amplificent.

XXXIII. Cum colores aut odores percipimus, utique nullam aliam habemus, quam figurarum et motuum, perceptionem, sed tam multiplicium et exiguum, ut mens nostra singulis distincte considerandis in hoc praesenti suo statu non sufficiat, et proinde non animaduertat perceptionem suam ex solis figurarum et motuum minutissimorum perceptionibus compositam esse. Haec de ideis Leibnizius, qui principia ratiocinationis et cognitionis quoque in monadologia tetigit. Hanc itaque, quam principia philosophiae exhibere Leibnizius contendit, iam porro audiemus, mittemus autem in compendium, et, quae probandae assertio- nis causa attulit, more nostro omitemus, cum ea scire desiderantibus principia haec philosophiae ubique inuenire liceat.

§. XXXVII. Ita vero de elementis rerum, et quae illa consequuntur, *Metaphysica Leibnizii* statuit:

I. Monas non est, nisi substantia simplex, quae in composita ingreditur. Simplex dicitur quia partibus caret.

II. Ne-

n) Recueil T. II. p. 218. seqq.

o) Prima monadologiae semina sparsit LEIBNIZIUS in Theodicea, sed pleniora dedit lingua Gallica in Europa erudita. Latine comparuere in A. B. T. VII. Suppl. S. XI. p. 500. seqq. Recusa dedit cum annotationibus CL. CRELLINGIUS,

geometrice demonstrauit HANSCHIVS ut supra dictum. Historiam autem quomodo ad hanc hypothesein delatus sit, ipse recitat LEIBNIZIUS in Ep. ad Remondum Recueil T. II. p. 133 ubi ad Platonis, Academiae mediae et Scepticorum consensum prouocat.

II. Necessè autem est, dari substantias simplices, quia dantur composita, neque enim compositum est, nisi aggregatum simplicium. Primam fere rationem, cur ad monadas rerum omnium principia atque elementa retulerit Leibnizius, istis thesibus affert, nempe quia composita, necesse est, constare ex partibus simplicibus, ex quibus aggregatis omnia composita exsurgunt. Sine his enim principiis simplicibus nihil reale inesse rebus compositis statuit. Hinc substantias simplices, ex quarum aggregato corporeae massae exsurgunt, necessario admittendas esse contendit, sine quibus, velut veris elementis res esse nequeant <sup>p</sup>. Reliqua enim, quae in natura occurrunt, sola esse phaenomena, quae inde resultent, concludit. Haec elementa naturae monades appellare iussit virum insigniter doctum et natura rei et veterum auctoritas. Quemadmodum enim monas, id est, unitas, fons est et origo numeri, omneque vim et potestatem eius complectitur, qui nihil aliud est nisi aggregatum unitatum; ita et elementa ista atque principia prima et simplicissima res omnes, quae ex illorum aggregatione componuntur, constituunt. Notum autem ex iis, quae *Tomo primo* de philosophia Pythagorica diximus <sup>q</sup>, monadas in huius iam sectae doctrina principia rerum absoluisse. Sunt quoque in monadibus Pythagorae complura, quae cum monadibus Leibnizianis conspirant; nominis ratio, quae ἀπὸ τῆς μένεν fluit, qua idem significat, quod substantiam, nempe rem, quae semper stet, et in eadem ratione maneat, itemque multitudini opponatur: origo rerum ex monadibus deriuata; admissae monades velut vera elementa naturae, et principia rerum, et similia. Ast confusas notiones saepenumero in describendis monadibus sequebantur Pythagorei, unde ipsam quoque materiam monada vocare non dubitarunt, ut suo loco probatum <sup>r</sup>, non solas substantias intellectuales: immo totum quoque chaoticum monadis rationem habere, epitheta monadi tributa produnt. Quae omnia cum unitatum, siue elementorum, naturae repugnent, recte a philosopho reiecta sunt: qui licet nonnulla ex monadologia Pythagorica accepisset, ut tamen erat ingenio acutissimo, ista voce tantum ad designanda rerum principia prima, simplicia atque elementa naturae usus est. Convenire autem monadas suas cum monadibus Pythagoricis, et ideis Platonis, quae coincidunt, ipse vir illustris fassus est, scribens ad Hanschium <sup>s</sup>: *Pulcherrima sunt multa Platonis dogmata, obiectum sapientiae esse τὰ ὄντως ὄντα, substantias nempe simplices, quae a me monades appellantur, et semel existentes semper perstant* <sup>t</sup>. Verum et aliis veteris philosophiae Graecae vocabulis ad has substantias simplices siue elementa rerum designanda Leibnizius usus est. Vocat enim eas πρώτα δεκτικά τῆς ζωῆς <sup>u</sup>, quod primario

p) Vid. Ep. ad Bierlingium Vol. IV. p. 49. ubi monadologiam breui compendie enarrat.

q) p. 1049. seqq.

r) p. 1078.

s) Vol. III. Epp. p. 65.

t) Inter recentiores Jordanum Brunnum monades in explicanda natura rerum adhibuisse, ex c. 1. huius partis constat. Pecisse autem id sensu Leibniziano infra probabimus.

u) loc. cit.

rio vitam sensumque illis et actionis vim inesse contenderet. Sed et atomos vocauit, aut sensu a Democriti et Epicuri decretis valde diuerso \*. Atomos enim Democriteas et Epicureas principio rationis sufficientis contrarias esse arbitrabatur †; eo quod duritiem naturalem et primitiuam, quae ipsis insit, supponant, cuius sufficiens ratio dari nequeat. Vnde eas quoque ab Hartsoeckero assertas reiecit ‡. Monades itaque atomos vocando, non atomos molis intelligendas esse monet §, sed substantiae, id est unitates reales, et partibus, quibus atomi Epicuri non carent, destitutas, quae fontes existant actionum, sintque prima et absoluta principia ex quibus res componantur, et in quae velut vltima elementa substantiata resoluantur. Sed et punctis mathematicis assimilauit, puncta metaphysica appellans et formas substantiales dixit, quarum consistat natura in vi actiua, perceptionis et appetitus particeps; qua ratione obscuram Aristotelis denominationem entelechia primae intelligendam esse, contendit: eiusque veram significationem se detexisse scripsit ad PELLISSONIVM ¶.

III. Vbi non dantur partes, ibi nec extensio, nec figura, nec diuisibilitas locum habet. Atque monades istae sunt verae atomi naturae, et vt verbo dicam, elementa rerum.

IV. Neque etiam in iis metuenda est dissolutio, nec vllus concipi potest modus, quo substantia simplex naturaliter interire potest.

V. Ex eadem ratione non datur modus, quo substantia simplex naturaliter oriri potest, quoniam non aliter nisi per compositionem formari posset.

VI. Possunt itaque monades non oriri nisi in instanti, id est per creationem, nec finiri, nisi per annihilationem.

VII. Nullo modo explicari potest, quomodo monas alterari aut in suo interiori mutari queat per creaturam quandam aliam. Neque enim substantia neque accidens in monadem quae partium mutationem non habet, forinsecus intrare potest.

VIII. Opus est tamen, vt monades habeant aliquas qualitates, alias nec entia forent.

IX. Immo opus est, vt monas quaelibet differat ab alia quacunque. Neque enim vnquam dantur in natura duo entia, quorum vnum ex asse conuenit cum altero, et vbi impossibile sit, quandam reperire differentiam internam aut in denominatione interna fundatam. Ratio quam affert, illustri philosophus, appellata ab eo est principium identitatis indiscernibilium, quam et rationi esse conformem contendebat, et experientiam te-

E e e 2 stem

x) Vid. Thef. III. HANSCH. Theor. VII. p. 69.

z) IDEM. l. c. putabat Leibnizius, etsi existentia atomi molis non esset contra diuinam potentiam, fore tamen contra diuinam sapientiam: non enim dari rationem sufficientem Deum de-

terminantem ad subdividendum hoc, non vero illud.

a) Vol. IV. Epp. p. 376. seqq.

b) Recueil. T. II. p. 365. seq. Journ. des Savans 1695. p. 453. seq.

c) p. 326.

stem habere affirmabat <sup>d</sup>, quamque neglectam fuisse vna cum principio rationis sufficientis dolebat, eo quod longe meliorem et saniozem metaphysices faciem inducere videbat. Hoc potissimum principio vsus, atomorum molis inanitatem demonstrare aggressus est. Neque tamen nouum hoc axioma est, sed dudum, teste CICERONE <sup>e</sup> a Stoicis assertum: *Dicis, ita ille, nihil esse idem, quod sit aliud, Stoicum est quidem, nec admodum credibile, nullum esse pilum omnibus rebus talem, qualis sit pilus alius, nullum granum.* Recentiori autem aetate IORDANVS BRVNVS, cuius plura cum monadologia Leibniziana conspirant, satis luculenter <sup>f</sup>: *Neque est possibile in specie vlla, duo omnino concordantia vel aequalia indiuidua comperire, duos, inquam hic, dies, circuitus, annos aequales atque similes non solum pro habitudine ad alia, sed vel etiam absolute potentia in physica referre.* Vnde inter theoremata de minimo hoc quoque assertum iuit: *Duas figuras vel lineas in materia omnino aequales offendere, vel bis eandem repetere impossibile esse.* Quod etiam valde subtiliter rationibus geometricis munit. Falluntur itaque <sup>g</sup>, qui hoc principium, si non tactum receptum tamen et demonstratum primo atque in philosophiae vsu translatus Leibnizio tribuunt. Cui tamen haec concedenda est gloria, quod primus fere ad demonstrandas veritates metaphysicas eo principio vsus sit. Vix autem axioma hoc Clarckio opposuerat Leibnizius, cum is contradictionem deprehendisse sibi videretur <sup>h</sup>, eo quod ipsi supponenti res duas inter se aequales, reuera duas esse, non eandem, id Leibnizius concesserit, et tamen contemderit, vnam rem fore duobus nominibus insignitam. Ad quae respondere Leibnizius morte praeuentus non potuit, eius autem partes sustinuit Cl. THVMMINGIVS <sup>i</sup>: receperunt autem thesin post illustrem WOLFIVM <sup>j</sup>, et HANSCHIVM <sup>k</sup>, qui rationibus eam metaphysicis confirmavit, etiam alii, qui cetera Leibnizianam philosophiam non in omnibus probarunt. Vnde acute nuper cel. SAM. CHRISTIANVS HOLLMANNVS <sup>l</sup> monuit: *Et si demonstrari nequeat, impossibile esse, plures res singulares ita in singulis suis determinationibus conuenire inter se posse, ut nulla amplius rei, quam solo numero, inter se differant; imprimis si a determinatione loci, seu spatii modique coëxistendi cum aliis rebus singularibus, vere existentibus hic abstrahatur: experientia tamen constare, adeo infinitam fere esse, rerum existentium, imprimis materialium et corporearum varietatem, ut ne duas quidem res singulares eiusdem speciei, deprehendere liceat, quarum determinationes omnes eodem modo utrobique se habeant, et si vel maxime omnes eodem modo se habe-*  
re,

d) Recueil T. I. p. 50. 94. 95. 418 HANSCH. I. c. Theor. XIX. p. 80. BULFINGER, Dilucid. philos. p. 87.

e) Qu. Acad. L. II.

f) De Minimo p. 71.

g) LVDOVICVS I. C. C. R. §. 460. p. 357.

h) I. c. p. 156.

i) In Resp. ad Ep. V. Clarckii.

k) Metaphys. germ. §. 587. p. 361.

l) I. c. p. 81.

m) Metaph. §. 255. T. I. Syst. phil. p. 845.

*re, vellemus supponere, vel solo tamen loco coëxistendique modo semper adhuc inter se differre. Duasque ergo pluresque res solo numero inter se differentes, non dari, neque si loci intuitu simul spectentur, dari posse. Idem a posteriori quoque et experientia duce probatum iuit cel. HAMBERGERVS \*. Sed redeundum in viam.*

X. Omne ens creatum est mutationi obnoxium, et consequenter etiam monas creata, estque in vnaquaque mutatio continua.

XI. Sequitur ex hactenus dictis, mutationes naturales monadum a principio interno proficisci, propterea quod causa externa in eius interius influere nequit. Et generaliter affirmare licet, vim non esse, nisi principium mutationum.

XII. Opus etiam est, vt praeter principium mutationum detur quoddam schema eius, quod mutatur, quod efficit, vt ita dicam, specificationem ac varietatem substantiarum simplicium.

XIII. Inuoluere illud debet multitudinem in vnitatem aut simplicem. Omnis enim mutatio naturalis cum per gradus fiat, aliquid mutatur, et aliquid remanet, consequenter in substantia simplici datur quaedam pluralitas affectionum ac relationum, quamvis partibus careat.

XIV. Status transiens, qui inuoluit ac repraesentat multitudinem in vnitatem seu substantia simplici, non est, nisi istud quod perceptionem appellamus, quam probe distinguere debemus ab apperceptione seu conscientia. Nodus hic praecipuus est, quem insolubilem esse viri docti, non illi modo, qui Leibnizianam metaphysicam oppugnarunt, sed illi quoque, qui cetera illi subscripserunt, falsi sunt. Et Leibnizius quidem adeo huic asserto primario fidebat, vt Cartesianos reprehenderet, quod ex neglecta perceptione, citius nobis non sumus conscii, solos spiritus esse monades, nec dari animas brutorum, nec alias entelechias crediderint, immo ingenia peruersa in opinione de mortalitate animarum confirmauerint. Cum autem perceptionem monadibus sine appetitu tribuere non posset, vt ex thesi sequenti constat, perceptionem autem per mechanicas rationes explicare impossibile esset, necessarium erat, eas dicere automata incorporea, quae cum perceptionem et appetitum habent, animae nomen sustinere possint, a quibus animae brutorum hominumque ipsiusque DEI gradu tantum et perfectione, distent. Ast id incomprehensibile viris eruditissimis passim visum est, certe ipse illustrissimus WOLFIVS, cum metaphysicam conderet, fassus est <sup>o</sup>, dubitare se hactenus, vtrum ista monadum perceptio admittenda sit, vnde sola elementa rerum simplicia, neglectis monadibus Leibnizianis sufficere putauit. Non excitabimus obiectiones virorum doctorum, quibus ob hoc

E e e 3

assertum

n) Elem. phys. §. 209.

o) §. 598. et P. II. p. 368. Idem faciunt CL. KAHLE adu. Voltaerium p. 134. ENGEL-

HARD in not. ad ANDAER Disput. de Monadibus p. 15.



assertum monadum hypothesin presserunt <sup>p</sup>, tantam enim prolixitatem institutum nostrum non patitur, sed consuli eos iubemus, qui Leibnizii monades oppugnarunt, quorum allegandorum otium nobis fecit Cl. L V D O V I C I industria: id vnum notamus, visum fuisse illis, qui elementarum materialium simplicia concedunt <sup>r</sup>, confudisse virum summum immateriale cum simplici, adeoque perperam illius attributum huic tribuisse: cum non repugnet simplex esse, <sup>1</sup> et tamen materiae, quae ex istis simplicibus componitur, affectiones habere. Ceterum ipse H A N S C H I U S <sup>s</sup>, qui tamen Leibnizianam monadum perceptionem demonstrare geometrice voluit, fassus est, viros harum rerum quam maxime intelligentes, et quorum industria hactenus in euoluendis principiis Leibnizianis summa cum laude versata sit, de huius theorematibus veritate determinare non audere, licet concedant, esse in monadibus repraesentationem multitudinis externae: nec ipsis certum videri, vtrum repraesentatio haec in monadibus nudis inferat identitatem status illarum monadum cum statu animae nostrae in stupore, lethargo et profundo somno: et annon in monadibus nudis possit concipi vis perdurans, nec perceptiva tamen, cuius mutationes non inferant multitudinem partium, sed graduum et relationum externarum tantum, et tamen a perceptione proprie sic dicta, obscura etiam et cum nullo actu reflexo coniuncta, differant essentialiter?

XV. Actio principii interni, qua fit mutatio seu transitus ab una perceptione ad alteram, appetitus appellari potest. Verum equidem est, quod appetitus non semper prorsus peruenire possit ad omnem perceptionem ad quam tendit, semper tamen aliquid eius obtinet, atque ad novas perceptiones venit.

XVI. Negari tamen nequit perceptionem, et quod inde pendet, per rationes mechanicas explicari non posse, hoc est, per figuras et motum, quia partibus se mutuo impellentibus carent. Non itaque in substantia simplici reperietur aliud, hoc est, praeter perceptiones earumque mutationes in ea nihil datur. Atque in hoc consistere debent omnes actiones internae substantiarum simplicium.

XVII. Nomen entelechiaei imponi posset omnibus substantiis simplicibus seu monadibus creatis, habent enim in se certam quandam perfectionem, τὸ ἐντελές, datur quaedam in iis sufficientia, αὐτάρκεια, vnde actionum suarum internarum fontes sunt, quasi automata incorporea <sup>r</sup>.

XVIII.

p) Newtonianorum obiectiones explicat V O L T A I R E Comp. Met. Leibniz. et Newtonianae c. 7. Cartesianorum A N D A L A Diss. cit. Anri-Wolfianorum L A N G I U S in Idea analytica systematis metaphysici Wolfiani c. 1. p. 71. seqq. nulli sectae addictorum; W A C H T E R U S in Harmonia recentiorum philosophorum secum non concordante, c. 9. seqq. p. 14. seqq.

q) l. c. P. II. c. 23 §. 463. seqq. p. 359. seqq.

r) Vid. cel. H O L L M A N N, Theol. nat. c. 1. §. 7. p. 65.

s) Theor. XXVI. p. 86.

t) Conf. Leibniziana p. 113. et Schediasma de Notione substantiae A & E. 1694. p. 110. 1695. p. 145. 1698. p. 427. ubi contra Sturmium disputat. Notionem hanc substantiae euertere aggressi sunt, quorum monadologiam oppugnarunt, maxime Cartesiani et Newtoniani, tum et Cl. C R O V S A Z I U S in Praef. de physicae orig. conf. Bibl. anc. et mod. T. XXIV. P. I. art. 10.

XVIII. Quod si animam appellare lubet, quicquid perceptionem et appetitum habet in sensu generali, omnes substantiae simplices aut monades creatae dici possent animae \*. Enimvero cum apperceptio aliquid amplius importet, quam simplicem quandam perceptionem: consultius est, ut nomen generale monadum et entelechiarum sufficiat substantiis simplicibus, quae simplici perceptione gaudent \*, et animae appellentur, quarum perceptio est magis distincta et cum memoria coniuncta.

XIX. In deliquio aut stupore, et somno profundo anima quoad sensum non differt a simplici monade, sed non caret tunc omni perceptione.

XX. Quando nempe ingens adest exiguarum perceptionum multitudo, ubi nihil distincti occurrit, mens stupet. Istiusmodi statum ad tempus animalibus mors conciliare valet.

XXI. Quemadmodum omnis praesens substantiae simplicis status naturaliter ex praecedente consequitur, ita ut praesens sit grauidus futuro;

XXII. Ita quoque cum euigilantes ab isto stupore perceptionum nostrarum conscii sumus, necesse est, ut aliquas immediate ante habuerimus, quamvis earum conscii non fuerimus. Etenim perceptio naturaliter non oritur, nisi ex alia perceptione, quemadmodum motus naturaliter non oritur, nisi ex motu.

XXIII. Apparet inde, nos quando nihil distincti in nostris perceptionibus habemus, in perpetuo fore stupore. Atque is monadarum nudarum status est.

XXIV. Videmus etiam, naturam dedisse animantibus perceptiones sublimes, dum iis organa concessit, quae complures radios luminis, aut complures undulationes aeris colligunt, ut per unionem fiant efficaces. Simile quid in odore, sapore, et tactu etc. occurrit.

XXV. Memoria speciem consecutionis suppeditat animabus, quae rationem imitatur, sed ab ea distingui debet. Videmus ideo animantia, dum percipiunt obiectum, quod ipsa ferit, et cuius similem perceptionem artea habuere, per repraesentationem memoriae expectare, quod eidem in perceptione praecedente iungebatur, et ad sensationes ferri similes iis, quas tunc habuerant.

## XXVI

u) Non nova haec est hypothesis, sed et Platonici nonnulli et Cabbalistis omnibus familiaris, qui omnem substantiam esse spirituales i. e. animam, materiam tantum phaenomenon putant. Conf. Cl. WACHTER. l. c. p. 19. seqq. ubi tamen materiam ex mente Platonis talem dici posse non comprehendimus.

x) Conferri meretur cum his assertionibus Leibnizianis systema Campanellae de sensu rerum, supra c. 5. enarratum. Legisse Campanellae libros Leibnizium ex Vol. I. epp. p. 129. 255. et Leibnizianis p. 162. constat, utrum autem perceptionem mona-

dum a Campanella habuerit, dicere non habemus. Sufficiebat enim acutissimo viro harmonia regnorum DEI supposita, ut concluderet repraesentationem quandam mundi in monadibus esse necessariam, conf. Cl. KARLIVS adu. Voltzerium c. 8 p. 135. Ceterum iucundum hoc loco erit obseruare, etiam GASSENDVM a perceptione rerum omnium asserenda non fuisse remotum. Quamvis enim humanam iis cognitionem recte denegari contendat, contendit tamen, propriam qua opera sua peragant, quae homo nec norit nec possit moliri illis denegari non posse. Phys. S. I. L. IV. c. I. T. I. Opp. p. 286.

XXVI. Imaginatio fortis, quae ipsos ferit ac mouet, vel a magnitudine vel a multitudine perceptionum praecedentium proficiscitur. Interdum enim idem est impressionis fortis, vno ictu factae, effectus, qui diuturni habitus aut perceptionum mediocrium, saepius repetitarum.

XXVII. Homines bestiarum instar agunt, quatenus consecutiones perceptionum, quas habent, non nisi a principio memoriae pendent, et instar medicorum empiricorum, qui simplici praxi absque theoria vtuntur.

XXVIII. Enimuero cognitio veritatum necessariorum et aeternarum est id, quod nos ab animantibus simplicibus distinguit, et rationis atque scientiarum compotes reddit, dum nos ad cognitionem nostri atque DEI eleuat. Atque hoc est istud, quod in nobis anima rationalis siue spiritus appellatur <sup>1</sup>.

XXIX. Cognitioni veritatum necessariorum et earum abstractionibus acceptum referri debet, quod ad actus reflexos eleuati sumus, quorum vi istud cogitamus, quod Ego, appellatur, et hoc vel istud in nobis esse consideramus. Et inde etiam est, quod nosmet ipsos cogitantes de ente, de substantia cum simplici tum composita, de immateriali et ipso DEO cogitemus, dum concipimus, quod in nobis limitatum est, in ipso sine limitibus existere. Atque hi actus reflexi praecipua largiuntur obiecta rationum nostrorum.

XXX. Ratiocinia nostra duobus magnis principiis superstructa sunt. Vnum est principium contradictionis, vi cuius falsum iudicamus, quod contradictionem inuoluit, et verum, quod falso opponitur, vel contradicit.

XXXI. Alterum est principium rationis sufficientis, vi cuius consideramus, nullum factum reperiri posse verum, aut veram existere aliquam enuntiationem, nisi adsit ratio sufficiens, cur potius ita sit, quam aliter, quamuis rationes istae saepissime nobis incognitae esse queant. Celebrerrimum hoc principium rationis sufficientis factum est in orbe philosophico, quam primum resuscitatum et quasi vita donatum ex ingenio Leibniziano prodiit. Quod non ignotum fuisse Sinensibus, qui ita virtutum praecepta naturae humanae inaedificauerint, vt ratio inde sufficiens earum constaret, contendit ill. WOLFIVS <sup>2</sup>. Nos certiori iure ad omnium gentilium philosophorum, maxime Graecorum, principia philosophica prouocari posse putamus, quae axiomati huic inaedificata sunt, quaerendam omnium rerum rationem sufficientem, cur sint magis, quam non sint. Hoc enim axioma illud: ex nihilo nihil fit, progenuit, cum facile intel-

<sup>1</sup>) Etiam hae theses cum c. 20. et 21. CAMPANELLAE de Sensu rerum possunt comparari, atque eas Campanellae assertiones olim reiciebat LEIBNIZIVS vid. Diss. de Aristot. recentioribus conciliabli §. 12. p. 139. Tunc negabat, dari ens, quod

neque extensionis neque cogitationis sit capax: agnoscebatque in formis substantialibus esse appetitum et instinctum secundum Aristotelicos.

<sup>2</sup>) In Or. de Philosophia Sinensium.

intelligent, si nulla ratio sit, cur aliquid existat, nihil quoque fieri atque existere posse. Quod principium omnis aetatis gentisque philosophos tenuisse, alio loco indubitatis testimoniis probauimus <sup>a</sup>. Nec obstat, quod obiici posse videtur, eos omnia ad necessitatem quandam, contingentiae rerum oppositam, retulisse. Nam etsi hoc de plerisque, non tamen de omnibus, verum sit <sup>b</sup>, nihil tamen id probat aliud, quam homines hos hypotheseos amore seductos eiusmodi rationem sufficientem naturae rerum quaesiuisse, quae reuera non datur, cum hoc ipso principio verissimo duce facile ad id potuissent peruenire, ut intellexissent, cum res omnes contingentes quae existunt, rationem sufficientem, cur sint, et ex statu possibilitatis in statum existentiae progressae sunt, in se non habeant, ideo quaerendam eam esse in alia, quae ultimam rationem extra seriem contingentium in se necessario habeat, quo pacto systemati tum emanatio, tum dualistico, quae omnem gentilem philosophiam in praeceptis egere, nuncium misissent, et ad veram DEI notionem peruenissent. Vidit huius rei aliquid SENECA <sup>c</sup>, sed systematis Stoici ineptiis delusus, et seriem contingentium non recte excutiens, male ad errorem transtulit. Postquam enim de causis rerum longam enarrationem ex mente veterum instituisset, concludit: *Sed nos nunc primam et generalem causam quaerimus, haec simplex esse debet; nam ex materia simplex est. Quaerimus, quid sit causa? ratio faciens, id est, Deus. Ita enim quae nunc retuli, non sunt multae et singulae causae, sed ex una pendent, ex ea, quae fuit.* Confundere in tota hac de causis dissertatione Senecam rationem sufficientem cum causa <sup>d</sup>, manifestum; at ad illam potissimum respexisse, ex eo satis manifestum est, quod unam causam Deum ponat, eo quod rationes rerum omnium intra se habeat. Ratio enim siue causa Stoicis est, propter quid aliud sit, cui effectum adiecerunt. Similia passim apud veteres deprehendi possent, si id ageremus <sup>e</sup>. Obseruatum autem ipsi Leibnizio Archimedes huic principio dogma de aequilibrio corporum inaedificasse. Tacemus recentiores alios, praecipue inter Scholasticos <sup>f</sup>, qui passim ex hoc principio ratiocinantur. Ab Euclide vero idem se didicisse fatetur IORDANVS BRVNVS <sup>g</sup>. Quibus ipse addendus CARTESIVS <sup>h</sup>. Non nouum

a) Amoenit. liter. T. VIII. p. 304. conf. cel. DE BEAUSOBRE Hist. Manich. P. II. L. V. c. 2. p. 166. seqq. et GASSENDVS Phys. S. I. L. III. c. I. Opp. T. I. p. 231.

b) Aliter enim Epicurus, qui, licet sine ratione sufficienti, contingentiae atomorum concursum permittebat, secus ac factum a Democrito, qui necessitatem intrinsecam siue fatum agnoscebat.

c) Ep. 65.

d) Id omnes omnino veteres et recentiores plerique fecerunt, ipse LEIBNIZIVS in Diss. de Aristotele recentioribus reconciliabili, quae extat quoque Epp. Vol. II. p. 121 seqq. aliquoties causam et rationem pro eodem habuit, vid. §. II. p. 136.

e) Passim axioma hoc occurrit apud CICERO- NEM de Diuin. L. II. de Fin. bon. L. I. et de Fato, quo loco, quando scribit, contra Epicurum disputans: „Rursus autem, ne omnes a physicis irrideamur, si dicamus, quicquam fieri sine causa etc. apertum facit, totam veterum physiologiam huic principio fuisse innixam. Nemo autem fortius hoc argumentum vrsit, quam LVCRETIVS L. I. qui meretur consuli, his enim inhaerere hoc loco non licet.

f) Vid. Conimbric. T. II. p. 310.

ff) De Minimo p. 53.

g) In Resp. ad obiect. sec. Medit. primae p. 77. qui luculentus est.

FFF

Hist. philos. Tom. V.

nouum itaque principium est, nunquamue auditum, sed singulari tamen explicatione non excultum, quod, nisi fallimur, primus ad constituendas confirmandasque veritates metaphysicas Leibnizius adhibuit. Cum autem ratio sufficiens, cum causa necessaria facile confundi possit, hinc factum, ut axioma sensu recto egregium, contradictionem pateretur, quod vix e puluere protraxerat Leibnizius. Clarckius enim, cum libertatem indifferentiae ita tolli videret, hacque ratione in Deo quoque quandam necessitatem poni suspicaretur, infringere hoc principium, negare licet totum non auderet, constituit. Concedebat ille <sup>h</sup>, indubitatum quidem esse, nihil existere sine ratione sufficiente existentiae suae, nihilque existere hoc magis modo, quam alio, cuius ratio sufficiens non extet: Ast urgebat, in rebus in se indifferentibus, simplicem nudamque voluntatem esse rationem sufficientem, ut existant, vel certam existendi determinationem modumque accipiant, neque hanc voluntatem opus habere, ut a causa aliena determinetur: id quod ex ordine particularum formati mundi probat, quem ex sola voluntate DEI pependisse statuit. Opposuit huic arieti principium identitatis indiscernibilium, Leibnizius <sup>i</sup>, et inductione usus et ratione metaphysica, nempe quod duae res, quae discerni nequeant, eadem res sint duobus nominibus, ex quibus exemplum ab ordine mundi allatum a Clarckio impossibile figmentum esse conclusit. Quibus reposuit Clarckius <sup>k</sup>, res duas sibi perfecte similes non tamen definere esse duas res; id quod spatii et temporis partibus aequalibus illustrat, quarum tamen momenta duo vnum non sint, nec sola duo nomina vnius momenti. Regessit ad haec quoque Leibnizius, fassus <sup>l</sup>, si duae res perfecte aequales, ut discerni nequeant, existerent, fore duas res; ast supponi falsum aliquod, et a rationis principio alienum, decipique aduersarium cum philosophis ex vulgo, qui solo numero res discerni posse credant, id est, quia numerum habeant, ex quo errore perplexa de principio indiuiduationis disputatio exorta sit. Malle autem temporis et loci partes inter se aequales huc afferri, obseruat, eo quod res ideales sint, quae in abstracto considerentur, quod in concreto aliter se habeat. Adeo vero claritate sua lucere rationis sufficientis principium putat illustris philosophus <sup>m</sup>, ut negari a nemine posse contendat, et probatione opus haud habere existimet, tantae autem necessitatis esse credat, ut sine eo neque Dei existentiam probare, neque demonstrare veritates alias maximi momenti liceat. Neque vero sic quieuit Clarckius, sed rem ab ovo, quod aiunt, exorsus <sup>n</sup>, exemplum aequilibrii reiicit, quod ad spiritum libere sponteque agentem applicari nequeat, quia instrumentum passivum sit: contenditque negata libera voluntatis, virtute eligendi ex duobus bonis aequalibus, quodcumque voluerit, negari actionum humanarum principium, agendique virtutem et confundi cum motu eiusque impressione

h) Recueil T. I. p. 39.  
k) pag. 65.

i) pag. 50.

l) pag. 94.  
m) pag. 147.  
n) pag. 160. seqq.

sione in animum, qui circa ea passivè se habeat, et qualitas perceptiva sit, quam sequatur facultas agendi, id est se mouendi, ex qua spontaneitas, et in agentibus rationalibus libertas oriatur. Et hinc omnem illum errorem profluere putat, quod principium actionis cum perceptione rationis commouentis confundatur, agensque liberum cum aequilibrio ponderis passivo misceatur. Contendit etiam, posse habere agens liberum rationes valde sufficientes, quo minus cesset agere, quamvis nullam rationem habeat determinandi, ut hoc vel illo modo agat. Et hinc omne argumentum Leibnizii petitionem principii esse declarat, eo quod exempla in contrarium allata ex hoc ipso principio refutet. Concedit autem Deum (de quo proprie disputabatur,) licet inter duas res absolute indifferentes et bonas aequaliter non aliam rationem determinantem quam suam voluntatem habeat, non carere tamen rationibus commouentibus, rationesque sufficientes, quibus Deus commotus ex duobus aequaliter bonis et indifferentibus vnum eligat, esse impulsivas ad eligendum. His Leibnizius morte praeuentus respondere non potuit, patet autem ex ultimo ratiocinio, rem tandem ad verborum pugnam abiisse. Et haec quidem viuo Leibnizio disputata sunt; acriter vero et satis vehementer de veritate principii huius Logici et Mataphysici disputatum est, cum celeberrimus Wolfius illud inter veritates metaphysicae primarias referret \*, ostensoque discrimine inter causam et rationem sufficientem, hoc axioma in demonstrando, quod sibi conceperat, aedificio metaphysico vteretur. Ab eo enim tempore quisquis Wolfium sequutus est, pro hoc principio stetit, illud autem antagonistae vehementer oppugnarunt, cuius utriusque partis scripta cum adduxerit doctissimus LVDOVICVS †, ad eum lectorem remittere, quam longiore digressionem a scopo deducere, malumus. Addimus id vnum, metaphysicos antiquiores rationem sufficientem, quae a causa, rationem continente distinguere solet, rationem simpliciter, vel etiam rationem causandi vocasse; placuisseque rationis sufficientis axioma, etiam aliis a Leibnizio satis libere discedentibus, cuius exemplum dabit Cl. HOLLMANNVS ‡, qui acute et perspicue rem exposuit, recteque post ipsum Leibnizium monuit, falli eos, qui putant, rationem sufficientem non adesse, quando interdum nulla a nobis cognoscitur.

XXXII. Quando veritas necessaria, ratio reperiri potest per analysin, dum eam resolvimus in ideas et veritates simpliciores, donec ad primitivas peruentum fuerit.

XXXIII. Dantur ideae simplices, quarum definitiones dare non licet: dantur etiam axiomata et postulata, aut verbo, principia primitiva, quae probari nequeunt, nec probatione indigent, atque ista sunt enuntiationes identicae.

Fff 2

XXXIV.

o) c. 2. §. 29. et T. II. p. 26. *Metaph. Germ.* qui etiam p. 29. ostendit, quo sensu eius axiomatis prima cultura tribui queat Leibnizio.

p) l. c. §. 438. seqq. p. 347. seqq.

q) *Metaphys.* Part. I. cap. 4. §. 101. seqq. pag. 715. seqq.

XXXIV. Enim vero ratio sufficiens reperiri etiam debet in veritatibus contingentibus, vel facti, hoc est, in serie rerum, quae reperitur in vniuerso creaturarum, vbi resolutio in rationes particulares progredi posset in infinitum, propter immensam rerum naturalium varietatem et diuisionem corporum in infinitum.

XXXV. Quemadmodum tota haec series non nisi alia contingentia anteriora inuoluit, quorum vnumquodque simili analysi opus habet, vbi rationem reddere voluerimus, progressus nil iuuat, necesse est rationem sufficientem seu ultimam contingentium reperiri, quantumuis infinita ponatur.

XXXVI. Propterea quoque ratio ultima rerum in substantia quadam necessaria contineri debet, in qua series mutationum non nisi eminenter existat, tanquam in fonte suo.

XXXVII. Iam cum substantia ista sit ratio sufficiens omnis istius seriei, quae etiam prorsus connexa est; non nisi vnus datur Deus, atque hic Deus sufficit.

XXXVIII. Iudicare etiam licet, quod substantia ista suprema, quae est vnica, vniuersalis et necessaria, cum nihil extra se habeat, quod ab ea non dependeat, et simplex rerum possibilium series existat, limitum capax esse nequit, et omnem realitatem possibilem continere debet.

XXXIX. Vnde sequitur, Deum esse absolute perfectum, cum perfectio non sit, nisi magnitudo realitatis positivae, praecise sumta, sepositis rerum limitationibus.

XL. Sequitur hinc etiam, creaturas habere perfectiones suas ab influxu DEI, sed imperfectiones a propria natura, essentiae sine limitibus incapaci. In eo enim a Deo distinguuntur.

XLI. Verum etiam est, in Deo non modo esse fontem existentiarum, verum etiam essentiarum, quatenus reales sunt, aut eius, quod in possibilitate reale est. Propterea intellectus Dei est regio veritatum aeternarum aut idearum, vnde dependent, et sine ipso nihil realitatis foret in possibilitatibus, et nihil non modo existeret, sed nihil etiam opus foret.

XLII. Etenim opus est, vt si quid realitatis in essentis aut possibilitatibus, aut potius in veritatibus aeternis fuerit, haec realitas fundetur in aliqua re existente et actuali, et consequenter in existentia entis necessari, in quo includit essentia existentiam, aut in quo sufficit esse possibile, vt sit actuale.

XLIII. Ita Deus solus, seu ens necessarium hoc priuilegio gaudet, quod necessario existat, si possibilis est. Et quemadmodum nihil possibilitatem eius impedit, quod limitum expers, nec vllam negationem, consequenter nec contradictionem inuoluit, hoc vnum sufficit, ad cognoscendam existentiam Dei a priori. Nos eam quoque probauimus per  
realitatem

realitatem veritatum aeternarum. Emendauisse hac ratione Leibnizium argumentum Cartesii ab idea Dei pro eius existentia petitem supra in eius vita diximus. Saepius hanc demonstrationem DEI a priori repetiit Leibnizius.

XLIV. Enim vero eandem iam probabimus a posteriori, quia scilicet res contingentes existunt, quae rationem ultimam, seu sufficientem habere nequeunt, nisi in ente necessario, quod rationem existentiae suae in se ipso habet.

XLV. Nihilominus tamen cum nonnullis nobis imaginari non debemus, veritates aeternas, cum a Deo dependeant, arbitrarías esse, et a voluntate ipsius pendere, quemadmodum Cartesius et postea Poiretus statuit. Id verum non est, nisi de veritatibus contingentibus, cum e contrario necessariae dependeant ab intellectu eius et sint obiectum eius internum. Diximus de hoc dogmate Cartesii suo loco. Probe autem attendendum est ad verba Cartesii, et integram eius hypothésin, affirmationem atque negationem ad voluntatem referentem, quando ita pronuntiat: *Quantum ad veritates aeternas, dico iterum, illas tantum esse veras aut possibiles, quia Deus illas veras et possibiles cognoscit, non autem contra veras a Deo cognosci, quasi independenter ab illo sint verae.* Ast urgebat contra haec Leibnizius, possibilia praesupponi, si electionis libertas in rebus producendis asserenda sit, cum electionis nulla ratio sit, ubi vnum tantum possibile sit. Ex quo concludebat, male ad Dei voluntatem in quaestione de possibili et necessario recurri.

XLVI. Deus solus est vnitas primitiua seu substantia simplex, originalis, cuius productiones sint omnes monades creatae aut deriuatiuae et nascuntur, vt ita loquar, per continuas diuinitatis fulgurationes per receptiuitatem creaturae limitatas, cui essentiale est, esse limitatum. Primum hoc existentiae et naturae rerum contingentium atque finitarum fundamentum est, quod viro summo ponere placuit, vt et omnium rerum existentiam a Dei voluntate dependere ostenderet, et accepisse essentiam atque naturam ex ideis in intellectu diuino praesentibus doceret. Id quod a Platone eum mutuum accepisse, licet emendatum et sensu magis philosophico pronuntiatum, nec ipse negat, nec inficias iuerit, quisquis Platonismi paulo est peritior. Ast, vt verum fateamur, vellemus, vt distinctius clariusque vir illustris in assertione hac loqui, quam incerta et ambigua loquutione veterum errores, a quibus eum alienum fuisse facillime nobis persuaderi patimur, palliare voluisse videri maluisset. Ipsa enim haec assertio idem prorsus, si verba species, dicit, quod systema emanati-

Fff 3

uum

a) Vid. Med. de veritate et ideis A. E. 1684.

b) P. I. princ. phil. §. 33. 34. p. 9.

c) Theodice §. 235.

d) Conferendus autem ipse POIRETUS Cogitation. L II. c. 10. §. 5.

e) In Epist. ad Hansehium l. c.



um Alexandrinorum, Cabbalistarum, et quicumque ex orientali et Platonica schola prodierunt, inculcat, ex Deo substantia prima per fulgurationes diuini luminis produsse, id est emanasse res omnes, et naturam suam limitationis carceribus circumscriptam ex ideis in intellectu diuino latentibus, et in diuina natura necessario existentibus, sed voluntate DEI, ut extra ipsum existerent, productis, accepisse. Quo pacto res omnes ratione existentiae quidem sola DEI voluntate fuisse productas non negarunt, et, quod HIEROCLES \* monuit, ex materia non praeiacente sola voluntate DEI fuisse formatas asseruerunt: ast ipsam tamen essentiam rerum, ex DEI essentia velut subiecto et fonte suo fluxisse, adeoque non nisi limitatione et emanationis ordine a Deo differre statuerunt. Quem deismi vel pantheismi errorem Leibnizio affricare eo magis iniquum putamus, quo magis is rerum essentias in possibilitate posuit, quae obiectiue tantum in Deo sunt, nempe considerato intellectu diuino, qui circa eas versatur, quae ad emanationem non sufficiunt. Sed paulo distinctius pronuntiandum, et asserta ab hac *ἡ εὐδαιμονία* munienda erant. Vnde prudentius et circumspectius definiuit θ. VIII. Causae Dei: *Actus dependent a Deo, tum in existendo, tum in agendo, nec tantum ab intellectu eius, sed etiam a voluntate. Et quidem in existendo, dum omnes res a Deo libere sunt creatae, atque etiam a Deo conseruantur; neque male docetur, conseruationem diuinam esse continuatam creationem, ut radius continue a sole prodit: ETSI CREATURAE NEQVE EX DEI ESSENTIA, NEQVE NECESSARIO PROMANENT.* Ex his itaque thesibus allata intelligenda et secundum rectos sensus explicanda est.

XLVII. Datur in Deo potentia, quae est fons omnium, deinde cognitio, quae continet idearum schema, et tandem voluntas, quae mutationes efficit, seu productionem secundum principium melioris.

XLVIII. Atque hoc est istud, quod respondet ei, quod in monadibus creatis facit subiectum seu basin facultatis perceptiuae et appetitiuae. Sed in Deo haec attributa sunt absolute infinita, aut perfecta, in monadibus creatis non sunt, nisi limitationes, pro mensura perfectionis, quam habent.

XLIX. Creatura dicitur agere extra se, quatenus habet perfectionem, et pati ab alia, quatenus est imperfecta. Ita monadi actionem tribuimus, quatenus habet perceptiones distinctas, et passiones quatenus confusas habet.

L. Et vna creatura perfectior est altera in eo, quod reperiatur in ea, quod inferuit rationi reddendae in eo, quod in altera contingit, et propterea dicimus, quod in alteram agat.

LI. Sed

\* De Fate apud PHOTIUM cod. 241.

LI. Sed in substantiis simplicibus influxus vnus monadis in alteram tantum idealis est, qui effectum fortiri nequit, nisi Deo interueniente, quatenus in ideis Dei vna monas cum ratione postulat, vt Deus ordinans ceteras, in principio rerum ipsius rationem habeat. Quoniam enim monas vna physice influere nequit in interius alterius; aliud non datur medium, per quod vna ab altera dependere valeat.

LII. Atque ideo actiones et passionες creaturarum mutuae sunt. Deus enim duas substantias simplices inter se comparans, in vna qualibet ratione deprehendit, quibus obligatur vnā aptare alteri, et consequenter id, quod actiuum est, quatenus certo respectu passiuum secundum alium considerandi modum, actiuum nempe, quatenus id, quod distincte in eo cognoscitur, inseruit rationi reddendae de eo, quod in alia contingit, et passiuum, quatenus ratio de eo, quod in ipsa contingit, reperitur in eo, quod distincte cognoscitur in altera.

LIII. Quemadmodum vero infinita sunt vniuersa possibilia in ideis Dei, et eorum non nisi vnicum existere potest: ita necesse est, dari rationem sufficientem electionis diuinæ, quae Deum ad vnum potius, quam ad alterum determinat.

LIV. Atque haec reperiri nequit, nisi in gradibus perfectionis, quam huius mundi continent, cum quoduis possibile habeat ius praetendendi existentiam pro ratione perfectionis, quam inuoluit.

LV. Atque id ipsum causa est existentiae melioris, quod Deus vi sapientiae cognoscit, vi bonitatis eligit, vi potentiae producit. Est haec principium et fundamentum celeberrimae illius assertionis de optimo mundo a Deo electo, quae sectatoribus Leibnizii pulcherrimus eius fœtus visus est, immo nonnullis quoque, quibus tamen incerta thesis creditur, talis tamen iudicatur, quae omnium pulcherrime DEVM extollat: ast quam eius aduersarii necessitatem quandam ineuitabilem et libertati ac perfectioni diuinæ inimicam inuoluere conqueſti sunt: quo nomine Optimismum hunc, quem vocant Triuoltienſes velut Deismo vicinum condemnauisse, supra annotauimus. De quo tamen infra commodō magis loco dicemus.

LVI. Huic adaptationi rerum omnium creaturarum ad vnāquamque, et vnus cuiusque ad ceteras omnes tribuendum, quod quaelibet substantia simplex habeat respectus, quibus exprimuntur ceterae omnes, et per consequens speculum viuum perpetuum vniuersi fit. Etiam haec ex *κρίσις* *δοξασ* Leibnizii est, in recentissimi temporis controuersiis valde agitata, eo quod idealistis fauere vir summus videretur. Quod vtrum ita se habeat, hic definiendi locus haud est, qui non controuersias, sed historiam scribimus. Cuius gratia id potius obseruamus, ineunte iam seculo XVI similem hypotheseſin affirmauisse Carolum Bouillum, philosophum Gallum, profundae meditationis virum. Inter eius enim opera  
primo

primo loco extat liber *de Intellectu angelico et humano, et utriusque speculari natura et illustratione a Deo, ita ut hominis intellectus, sensu posterior lunam, angelicus prior, solem referat, et intellectus sit unitas memoriae, memoria vero unitas intellectus.* Ast quae ille habet, ex Pythagoreis hypothefibus orta sunt, ut ex eius libro *de Sensibilibus* patet.

LXVII. Et sicut eadem vrbs, ex diuersis locis spectata alia apparet, et optice quasi multiplicatur, ita similiter accidit, ut propter multitudinem infinitam substantiarum simplicium dentur quasi totidem differentia vniuersa, quae tamen non sunt, nisi scenographicae repraesentationes vnici secundum differentia puncta visus vniuscuiusque monadis.

LXVIII. Atque hoc ipsum medium est obtinendi tantum varietatis, quantum possibile, sed cum maximo ordine, qui fieri potest, hoc est, medium obtinendi tantum perfectionis, quantum possibile.

LXIX. Neque etiam alia datur, quam haec hypothefis, quae prout fieri debet, magnitudinem DEI eleuat.

LX. Ceterum ex eo, quod modo retuli, de rationibus a priori, videmus, cum res aliter se habere nequeant, quoniam Deus, totum ordinans, respexit ad quamlibet partem et imprimis ad vnamquamque monadem, cuius natura cum sit repraesentatiua, nihil est, quod eam limitare posset ad vnam tantum rerum repraesentandam, quanquam verum sit, quod haec repraesentatio non sit nisi confusa, respectu partium vniuersi, nec distincta esse possit, nisi quoad exiguam rerum partem, hoc est, earum, quae aut propiores sunt, aut maiores respectu vniuscuiusque monadis, alias quaelibet monas foret aliqua diuinitas. Non in obiecto, sed in modificatione cognitionis obiecti monades limitatae sunt. Omnes confuse ad infinitum tendunt, sed limitantur et distinguuntur per gradus perceptionum distinctarum.

LXI. Atque in eo compositae cum simplicibus conueniunt. Quoniam enim omnia plena sunt, et per consequens omnis materia connexa, et quemadmodum in pleno omnis motus effectum quendam sortitur in corporibus distantibus, pro ratione distantiae, ita ut vnumquodque corpus non modo afficiatur ab iis, quae ipsum tangunt, et quodammodo percipiat, quod ipsis accidit, verum etiam mediantibus ipsis adhuc percipiat ea, quae prima tangunt, a quibus ipsum immediate tangitur: ideo inde sequitur, hanc communicationem procedere ad quamlibet distantiam. Et per consequens omne corpus ab omni eo afficitur, quod in vniuerso accidit, ita ut is, qui omnia perspicit, in vnoque legere possit, quod per totum accidit, immo etiam, quod iam factum aut adhuc futurum, in praesenti obseruans, quidquid tam secundum tempus, quam secundum spatium elongatur.

LXII.

LXII. Enimuero anima in se ipsa legere nequit, nisi quod distincte in ea repraesentatur non omnes suas perceptiones vna euoluere valet, quoniam ad infinitum tendunt.

LXIII. Quamuis itaque quaelibet monas creata totum vniuersum repraesentet, multo tamen distinctius repraesentat corpus; quod ipsi peculiari ratione adaptatum est, et cuius entelechia existit. Et sicuti hoc corpus exprimit totum vniuersum per connexionem omnis materiae in pleno, ita etiam anima totum vniuersum repraesentat, dum repraesentat hoc corpus, quod ad ipsam spectat peculiari quadam ratione.

LXIV. Corpus spectans ad monadem, cuius entelechia vel anima existit, constituit cum entelechia id, quod viuens appellatur, et cum anima id, quod animal salutatur.

LXV. Est vero corpus viuents vel animalis semper organicum. Etenim cum quaelibet monas sit speculum vniuersi suo modo, et vniuersum perfecto ordine gaudeat, ordo etiam esse debet in repraesentante, hoc est, in perceptionibus animae, et per consequens in corporibus, secundum quae vniuersum in eis repraesentatur.

LXVI. Ita quodlibet corpus organicum viuents est species machinae diuinae, aut automati naturalis, quod omnia automata artificialia infinitis modis antecellit, etc.

LXVII. Et fieri potuit, vt auctor naturae hoc artificium diuinum et prorsus mirabile in praxin deduceret, quia portio quaelibet materiae non modo diuisibilis in infinitum, sicuti veteres agnouere, verum etiam actu subdiuisae in infinitum, qualibet parte peculiari motu gaudente alias fieri haud quaquam posset, vt quaelibet portio materiae totum exprimeret vniuersum.

LXVIII. Liquet inde, in minima portione materiae dari mundum creaturarum viuents animalium, entelechiarum, animarum etc.

LXIX. Ita nihil incultum, nihil sterile, nihil mortuum datur in vniuerso, nullum chaos, nulla confusio, nisi ad apparentiam.

LXX. Videmus hinc, quodlibet corpus viuum habere entelechiam vnā dominantem, quae est anima in animali, sed membra huius corporis viuents plena sunt aliis viuents, plantis, animalibus, quorum vnumquodque iterum suam habet entelechiam seu animam dominantem.

LXXI. Omnia corpora riuorum instar in perpetuo sunt fluxu et partes aliae continuo ingrediuntur aliae egrediuntur. Vetustissima haec physicorum fere omnium hypothesis, asserta a theogoniarum scriptoribus, Thalete, Platone, Stoicis, Heraclito, Democrito, Epicuro, Scepticis, aliisque nec recentioribus ante Leibnizium ignota, ex quibus imprimis, qui toties cum Leibnizio concordat, IORDANVS BRVNVS,

nihil

y) De Minimo p. 7a.

Hist. philos. Tom. V.

Gg.g

nihil variabile dixit atque compositum in duobus temporum momentis, eisdem prorsus partibus eodemque partium ordine consistere, cum effluxus influxusque atomerum in omnibus huiusmodi sit continuus. Quae ita ad animam hominis, quam atomam naturam, et monada ipse quoque vocat, transfert:

*Ergo atomam tantum naturam dixeris esse,  
Perpetuo cuius nulla aut propria una figura est.  
Ergo natura est animi diuina reperta,  
Quam non alteritas non passio conficit ulla,  
Quacque ut sub fato est obnoxia compositisque  
In partem venienti, momento vix manet vno.  
Sorte affecta pari, numerique vno ordine perstat.  
Quotquot enim sunt, mutantur lapsa ruuntque,  
Continue ad aliud atque aliud, non entia credes.  
Atqui naturam in specie meditando perenni  
Vnam cui conformari, seruareque tunc  
Consimilem debes, consortem te esse decorum  
Comperies vitae, et dices: substantia nostra haec.*

Referre se autem omnem substantiam ad atomum (non molis, sed naturae, ut ipse quoque vocat,) in sequentibus prolixè docet, ubi non animam modo in organico corpore commemorat, sed eam quoque, quae est in toto vitae telluris horizonte; a qua ad animos in horizonte maiori, et animum animorum Deum ascendit. Cuilibet autem animae, siue monadi atomique, quae synonyma sunt apud Brunum, suam esse, quam agnoscat materiam, asserit, et in eo illius naturam constare ait, quod compositionem intrinsecam non habeat, et quod, cum non sit, id fiat non per modum dissolutionis seu diuisionis, impropriissime autem generari dicatur vel corrumpi, ea praesertim, quae proprie intrinsecaeque naturae aeternae, immortalis, incomponibilia, indissolubilia, animae, Dei, Deus. Haec Brunus. Cuius monadologia meretur a viro quodam docto et laboris molesti patiente ex scriptis eius colligi, et cum monadologia Leibniziana comparari. Verum haec *ὡς ἐν παρόδῳ*.

LXXII. Anima non mutat corpus nisi sensim sensimque et per gradus, ita ut nunquam omnibus suis organis vno quasi ictu priuetur. Et dantur saepius metamorphoses in animalibus, sed nunquam metempsychosis seu transmigratio animarum locum habet, neque enim dantur animae prorsus separatae. Etiam hoc ex veteri philosophia translatus, quae per omnes fere sectas *ὅχημα* et *εἶδωλον* animae tribuebat, ut suis locis probatum.

LXXIII. Atque ideo etiam nulla datur generatio, nec mors perfecta, rigorose loquendo. Sunt enim euolutiones et accretiones, quas generationes vocamus; quemadmodum inuolutiones et diminutiones, quod mor-  
tem

tem appellamus <sup>z</sup>. Etiam hoc veteribus multoties assertum, nempe quod ex fluxu materiae perpetuo aliter constare non posset, ut ex iis, quae *Termino primo* passim dicta sunt, liquere potest.

LXXIV. Quia hodie observationibus compertum est, corpora organica naturae nunquam ex chao seu putrefactione prodire, sed constanter per semina, in quibus sine omni dubio datur quaedam praeformatio; hinc concluditur, corpus non modo organicum iam praexistitisse ante conceptionem, sed etiam animam in hoc corpore, h. e. animal ipsum. Et per conceptionem animal istud tantummodo disponitur ad magnam quandam transformationem, ut fiat animal alterius speciei. Nititur utraque hypothesis praesupposito, stamina corporum ab initio rerum efformata praexistere, unde sequitur, habere quoque ea animas suas seu entelechias, quibus informantur. Ast haud leuibus illa sententia a magnis viris premi solet difficultatibus <sup>a</sup>, unde ipsa quoque ratio adducta pro animarum existentia cuius generis ponderisque sit, dignosci potest. Quae tamen nobis aliud agentibus, hoc loco curae haud sunt; id vero monendus lector, caueat, ne hanc Leibnizianam praexistentiam animarum, quae suo modo H. MORO <sup>b</sup> et ANDR. PLANERO <sup>c</sup> quoque placuit, confundat cum veterum theologorum physicorumque Graecorum, immo eorum omnium, qui μεταψύχωσιν asseriebant, animorum praexistentia. Hi enim animas certo numero creatas corpori, postea demum efformando, in matris utero immitti statuebant. Illi evolutionem et staminum et animarum, atque translationem in alium perfectionis gradum, v. c. ex statu bruto insensituum, et ex hoc in rationalem asserunt. Quo iure vel verisimilitudine? dicere hoc loco, nihil attinet.

LXXV. Animalia, quorum nonnulla eleuantur ad gradum maximorum animantium, ope conceptionis, appellari possunt spermatica, sed ea, quae speciem non mutant, nascuntur, multiplicantur, et destruuntur, quemadmodum animalia magna. Paruus admodum numerus est electorum, qui ad theatrum maius progrediuntur.

LXXVI. Si animal nunquam naturaliter incipit, nec vnquam naturaliter finire debet: et non modo nulla datur generatio, verum etiam nulla destructio totalis, seu mors rigore sumpta. Atque ratiocinia ista a posteriori desumpta, cum illis a priori deductis optime concordant.

LXXVII. Ita asserere licet, non modo animam, mundi indestructibilis speculum, esse indestructibilem, verum etiam animal ipsum, quamuis machina ipsius saepius ex parte pereat, et inuolucra organica relinquat, vel capiat. Nouerat Leibnizius, ut veterem philosophiam apprime didicerat, et intelligebat, veteribus hoc systema indestructibilitatis, ita enim

Ggg 2

com-

<sup>z</sup>) Conf. Recuell T. II. p. 283. illustris BVL-FINGERVS Dilucid. phil. S. III. c. 5. §. 317. p. 397.

<sup>a</sup>) Conf. quos laudat praestantissimus HOLLMANNVS Phys. P. II. c. 4. §. 517. p. 629.

<sup>b</sup>) Opp. phil. T. II. p. 365. seqq.

<sup>c</sup>) In Diss. de propagat. animae humanae pr. V. p. 41.

compendii caussa vocabat, non fuisse ignotum. Vt igitur sententiae valde paradoxae et inuidiam toti hypothefi conflare aptae auctoritatem conciliaret, ad veterum consensum prouocauit. Testem autem produxit Leibnizius auctorem libri *de Diaeta*, qui HIPPOCRATI tribui solet, verius autem a discipulo quodam Hippocraticis sententiis innutrito profectus est. Is vbi τὰ ζῶα, ex igne et aqua constare dixisset, quorum ille omnia per omnia moueret, haec omnia per omnia nutrirer, id est, ille „actuum, haec passuum principium suppeditaret, addit: „Particulatim „vtrumque superare et superari ad summum et minimum, quantum eius „fieri possit; nunquam autem simul in eodem consistere, sed semper alterari; nullum enim omnino corpus perire, neque fieri quod prius non „erat, verum permixta et discreta alterari: homines autem putare, hoc „quidem ex orco in lucem auctum generari, illud vero ex luce in orcum „imminutum perire ac corrumpi. Oculis autem magis credere oportere „quam opinionibus: sed animal neque mori possibile esse neque generari, sed augeri omnia et minui ad summum et ad minimum, quantum „eius fieri possit. Generari autem idem esse ac perire siue corrumpi, nempe commisceri et secerni: vnumquodque ad omnia et omnia ad vnumquodque idem esse, seorsim autem omnia et diuina et humana sursum „ac deorsum vicissitudinem habere, ac transire; et haec fieri per diuinam „necessitatem; accedentibus autem illis huc, his vero illic, et inter se „(igni nempe et aqua) permixtis destinatum fatum explere et ad maius et „ad minus: corruptionem vero omnibus mutuo inter se esse, maiori a „minore, et minori a maiori: et augefcere maius a minore: reliqua „autem omnia et hominis animam et corpus velut animam ornari ac „gubernari. etc.“ Displicuit el. DES MAIZEAUX haec comparatio, qui seductum a Cornarii versione Dacierium et ab eo Leibnizium de generatione et morte animalium haec perperam intellexisse contendit, cum ζῶα hoc loco nihil aliud sint nisi entia omnia, quae sunt, crescunt, diminuuntur, soluuntur etc. quae sensu populari ζῶα appellantur. Hinc nihil aliud velle auctorem putat, quam falsum esse plebis praeiudicium, res recens apparentes nasci aut incipere existere, vel disparentes esse cessare, nam cum mundus quaedam entium particularium congeries sit, non posse aliquid perire sine vniuersi detrimento: adeoque entia haec generationem et destructionem proprie non pati, sed constare omnia commixtione, compositione, incrementis, vnione, modificatione, diminutione, separatione, et sic porro, et hoc nasci, hoc perire esse. Haec nihil facere putat ad systema indestructibilitatis a Leibnizio animabus vindicatum. Nobis satis leuis haec Leibnizii censura videtur, vbi etiam concedamus, τὰ ζῶα non animantia, sed entia in mundo omnia significare, quod tamen nondum vir doctus euicit. Cum enim ex hypothefi Leibnizii res compositae in mundo omnes, ex simplicissimis entibus siue monadibus

dibus consent, quarum aggregatio nouam substantiam non producat, sed phaenomenon materiae; adeoque rebus omnino omnibus suae animae insint, quae alterari mutarique nequeant, licet modificationes patiantur; recte ex mente illustri viri τὰ ζῶα in allato loco comparantur cum monadibus, quae vitae causam, animam, in se habent, quaeque ex eadem ratione perire non possunt; quia cum semel esse coeperint mutationis omnis expertes perstant, adeoque istam monadatorum congeries vbi apparet, non nouam entium viuentium existentiam innuere potest, id est generationem, sed modo nouum φαινόμενον exsurgens ex transformatione status etc. Verum ipsum auctoris veteris systema intuentes, quod et *Tomo primo* ex hoc loco adduximus, deprehendimus, eum de natura hominis et qualitatum tum corporis tum animi differere, et imprimis haec ad Heracliti philosophiam exigere, secundum quam praeter particulas ignis nihil certum fixumque manet, reliqua ἄνω καὶ κάτω, siue diuina sunt, siue humana, adeoque etiam ipsa anima hominis, inter se mutuo mutantur alteranturque: diserte enim ait, de hac naturae lege: Ὁ νόμος τῇ φύσει περὶ τούτων ἐναντίος, χωρὶς δὲ πάντα καὶ θεῖα καὶ ἀνθρώπινα (adeoque non entia tantum in genere) ἄνω καὶ κάτω ἀμειβόμενος. Quae obscurissima verba nemo intelliget, nisi Heracliti philosophiam consuluerit. Ast ille, teste SEXTO EMPIRICO f statuebat: et vitam et mortem esse cum viuimus et morimur, nam cum viuimus mortuas esse nostras animas, et in nobis sepultas, cum autem morimur reuiuiscere, et viuere: itemque mori et viuere perinde esse, quoduis enim mutari in suum contrarium: nempe ob naturalem ignis mundani eiusque mutationum per rarefactionem et condensationem legem, qua res omnes modificationem accipiant, nec vitam nec mortem, sed alterationem dari, idque ad homines aequae pertinere. Recte itaque haecenus Leibnizius hunc scriptorem veterem Heracliti principia sequentem in partes vocauit, poteratque ipsum Heraclitum aduocare, quem idem statuisset suo loco luculenter, nisi fallimur, demonstrauiamus. Ast, vt ingenue quoque fateamur, ob aliam longe rationem pro Leibnizii monadibus hic locus non adeo militat. Nempe tantum abest, vt principia simplicissima, stabilia, substantialia, vitam animamque habentia statuerit Heraclitus, quique ex eius schola progressi sunt Hippocratici discipuli, ex parte Heracliteae physiologiae adhaerentes, vt potius naturis Pythagoreorum stabilibus siue monadibus, τμήματα illa siue particulas ignis subtilissimas opponerent e, quae semper essent in fluxu, vnde animam quoque perpetuo fluere et κίνησιν esse Heraclitus statuit, vt *Tomo primo* demonstratum. Non itaque entia viuentia, animata, simplicia durant, et nouis tantum modificationibus prodeunt, suntque indestructibilia, sed potius nihil prorsus habent stabile semperque mutantur, funduntur, alterantur, nec, si hos homines sequeris, monades existere possunt, cum ipsae animae ex mobilibus ignis

Ggg 3

particu-

e) p. 1226.

f) Pyrrh. hyp. L. III. S. 230.

g) Demonstratum idl. c. p. 1212.



particulis constantes eiusmodi mutationi sint obnoxiae. Quae in apertis ponunt, ingens inter illud Hippocratici scriptoris et inter Leibnizii systema discrimen intercedere. Quod si ex veteribus systemati indestructibilitatis quaerenda esset auctoritas, rectius ad Apollonium Tyaneum prouocare liceret, is enim disertus<sup>b</sup>: „Nulla omnino res interit, nisi in speciem, quemadmodum nec gignitur quicquam, nisi specie. Vbi enim, aliquid ex statu essentiae in naturae statum transit, id generatio videtur, mors contra, vbi ex statu naturae ad statum essentiae redit. Cum interea vere nihil generetur, aut corrumpatur, sed tantum conspicuum fit modo, modo conspectui subducatur rursus, illud quidem propter materiae effusitatem, haec vero propter essentiae tenuitatem, quae semper eadem est, motu tantum et quiete differt.“ Sed et reliqua legenda sunt, quae apertum faciunt, secundum Apollonium nec generationem nec mortem proprie dictam dari. Et potest haec Tyanensis philosophi explicatio eo magis videri affinis hypothesei Leibnizianae, quia ex Pythagoreis fuit, secundum quos ideae, siue rerum essentiae, quas cum monadibus suis conspirare fassus est Leibnizius, aeternae, simplices, immutabiles sunt, at accedente materiae conformatione visibiles fiunt, non vero deum oriri incipiunt. Quo sensu Apollonii verba explicuit B. GOTTFRIEDVS OLEARIVS<sup>c</sup>. At, vt, quo sumus candore, verum fateamur, et falsa haec est explicatio, vt *Tomo secundo* demonstratum, et Spinozisticam magis essentiae modificationem, quam Leibnizianam praeexistentiam ista Apollonii verba innuunt: qua inuidia virum optimum, ab hac impietate alienum operare nolumus. Interim ex adductis locis certum est, veteres haud paucos mortem et generationem tantum inter *φαινόμενα* retulisse, licet eius rationem secundum diuersa systemata diuerse explicuerint. Illud autem verum, quotquot monades, atomos, elementa simplicia etc. posuerunt, ea statuisse indestructibilia, et mutationes tantum ad particularum modificationes retulisse.

LXXVIII. Ex his principiis, explicari potest vnio, aut potius conformitas animae ac corporis organici. Anima suas sequitur leges, et corpus itidem suas: conueniunt vero inter se vi harmoniae inter omnes substantias praestabilitae, quoniam omnes sunt repraesentationes vniuersi.

LXXIX. Animae agunt secundum leges caussarum finalium per appetitiones, fines et media; corpora agunt secundum leges caussarum efficientium, seu motuum. Et duo regna, alterum nempe caussarum efficientium, alterum caussarum finalium harmonica sunt inter se.

LXXX. Cognouit Cartesius, animam non posse dare vim corporibus, quoniam eadem semper virium quantitas in materia conseruatur; credidit tamen, animam posse mutare directionem corporum. Id quidem ideo factum est, quod ipse tempore lex naturae ignoraretur, quae vult, eandem

<sup>b</sup>) Ep. 58. pag. 409.

<sup>c</sup>) Ad h. l.

dem semper directionem totalem conservari in materia. Quod si hoc observasset, in systema harmoniae praestabilitae incidisset.

LXXXI. In hoc systemate corpora agunt, ac si (per impossibile) nullae darentur animae, ac animae agunt, ac si corpora nulla darentur, et ambo agunt, ac si vnum influeret in alterum. Celeberrima haec harmoniae praestabilitae hypothesis est, quae nostra aetate etiam tonsorum et fabrorum labiis decantata est. Cuius historiam integram hoc loco scribere, esset a via, quam sectandam nobis proposuimus, ad diuerticula discedere, ex quibus reditus non nisi longo itinere pateat. Pauca itaque seligenda, et ea tantum afferenda sunt, sine quibus historia famigeratissimi systematis intelligi nequit. Occasionem vero, Leibnizio suppeditatam de hac hypothesis cogitandi, passim ipse enarravit, fassus <sup>k</sup>: „cum satis quidem iam „olim explicuisset intrinsecas animae operationes, diu se haesisse, quid de „commercio eius cum corpore statueret. Agnouisse quidem, animam „quodammodo *πρώτην ἐντελέχειαν* esse: seu primum principium actuum „internum, quod sit in corpore; sed cum leges motus veras eruisset, videretque, talem esse naturam rerum, ut neque nova vis neque etiam „nova directio corporibus aliunde accedat; iam manifeste se agnouisse, „omnia in corporibus fieri mechanice, sed ita, ut principia mechanica „sint ab incorporeo, qui influxus animae metaphysicus dici possit, vnam „completam ex anima et corpore constituens substantiam; nec tamen „animae vllum posse in corpus esse influxum physicum, seu per quem „leges motus turbentur, sed consentire operationes animae et corporis „per harmoniam, ab initio rerum praestabilitam, cuius ope sublatae sint „difficultates de commercio animae et corporis, quae hactenus philosophos exercuerint.“ Alio loco vero similia tradit <sup>l</sup>: Leges motus post Cartesii aetatem demum detectas, ipsi falsitatem systematis influxus, assistentiae, causarumque occasionalium detexisse, et ad hoc novum systema manu quasi duxisse. Nempe statuerat Cartesius, eandem in vniuerso conservari motus quantitatem, ex massa mobilis in celeritatem eius aestimatum; ex quo supposito inferebat: non posse influxum realem animae atque corporis habere locum, eo quod secundum eum, quantitas aliqua augeri, minuique possit. Hanc vero Cartesii regulam falsam esse; primus demonstravit <sup>m</sup> Leibnizius, luculenter ostendens, magnum esse discrimen, inter vim motricem et quantitatem motus, idque euidentibus rationibus contra Catelanum et Papinum assertum iuit. Agnouit id quoque magnus NEWTONVS <sup>n</sup>, experientia probans, ex variis binorum motuum compositionibus, manifestum esse, non semper eandem esse in mundo quantitatem motus. Falso itaque Cartesii canoni alium substituit Leib-

k) A. E. Erud. 1712. p. 67.

l) Theodicee §. 60. seqq.

m) A. E. 1686. p. 161. 1689. p. 186. 1695. 1690. p. 228. 1691. p. 6. seq. 429. 1698. p. 439. Journ. des sçavans 1693. p. 651. falsum inique est, quod

contendit Clarcus, qui Leibnizium non satis intellexit, Rec. T. I. p. 180. Newtonianis eum rationibus conuictum id demum agnouisse.

n) Optic. P. III. q. vi. p. m. 404.

Leibnizius, naturae rerum conuenientem <sup>o</sup>, qui identitatem quantitatis virium motricium ex massa mobilis in quadratum celeritatis aestimandarum asserit, ex quo concludit, si animae volitiones motum efficiant in corpore nostro, reliquis imprimendum, augeri sic in corporibus, siue in vniuerso corporum complexu, vires motrices, et minui, cum ex diuersorum corporum motu atque in sensoria nostra impulsu oriantur perceptiones, quod canonem repugnat. Sed et porro Cartesio placuerat, cum in actione motrice distingui posse ipsam motus quantitatem a directione obseruauisset, animam posse habere vim mutandae directionis motuum, qui fiunt in corpore, ad eum fere modum, quo eques, quamuis equo, quem infidet, vim nullam largiatur, eius tamen gressum, vires, quo libuerit dirigendo, moderatur <sup>r</sup>. Ast hac iterum falsa esse postea compertum fuit, cum, obseruante Leibnizio, nihil neque in anima, neque in corpore, id est, neque in cogitatione, neque in massa sit, quod ad explicandam hanc vnus per alterum immutationem seruire possit, et siue anima quantitatem virtutis, siue lineam directionis in corpore mutare dicatur, vtrumque aequè inexplicabile sit. Hinc his quoque canon a Leibnizio surrogatus alius <sup>s</sup>, nempe: conseruari etiam eandem directionem in omnibus simul corporibus, quae inter se agere supponuntur, quomodocunque demum sibi mutuo occurrant, dum scilicet seruetur directio centri grauitatis communis. His legibus naturae suppositis, colligebat inde Leibnizius, corporum directionem aequè ac virtutem imperio animae subtrahendam esse, et non modo alterius ex his substantiis physicum influxum in alteram nulla ratione explicari, sed et absque omnimoda legum naturae perturbatione in corpus animam physice agere non posse. Qua ratione systema quoque assistentiae, quod Cartesio placuit, subruitur, quae quoque causa est, cur Mallebranchius, Cordemaeus alique, eo relicto, systema causarum occasionalium excogitarint. Quo vero posito, cum miracula perpetua introducantur, nec caueatur eo perturbationi legum naturalium in vtraque substantia constitutarum, quae aequè violabantur, siue Dei interpositio, siue mutuus influxus interueniat, ratio autem sufficiens eius dari nulla possit <sup>r</sup>: via plana se detexit Leibnizio ad harmoniam praestabilitam descendendi, quae nec leges motus naturales confundat, nec Deum ex machina aduocet, sed animam pariter atque corpus suis motibus, secundum regulas naturales permittat, et conspirare tamen vtramque substantiam amicissime demonstret. Qua in hypothese confirmatum, se ait Leibnizius <sup>s</sup>, cum de principio harmoniae tum in genere, tum in specie praeformationis, itemque harmoniae inter omnes res praestabilitae, v. c. inter naturam et gratiam, inter decreta Dei et actiones hominum praeuisas inter omnes

o) Journal des savans 1698. p. 262. Primus hanc motus legem deprehendit in sphaericis illustris Hugenius, vid. Journ. des savans 1669. p. 534.  
p) Conf. Theod. §. 60.

q) Journ. des savans 1696. p. 262.  
r) Conf. BULFINGER de Harm. praestab. t. IV. §. 74. sqq. p. 78. sqq.  
s) Theod. §. 62.

omnes partes materiae, et inter ipsam praeteritum et futurum etc. ex natura sapientiae diuinæ, quae summam, quae concipi modo potest, harmoniam inuoluit, esset conuictus. Hinc enim se sua sponte delatum esse ad hoc systema ait, secundum quod Deus animam initio ita creauit, ut ea, quae in corpore fiunt, sibi repraesentare et producere in se ipsa; et similiter corpus illud per se facere dicatur, quod anima imperat. Ita leges, quibus cogitationes animae vniuntur in ordine causarum finalium, et secundum evolutionem perceptionum, imagines producere debere, quae concordent conueniantque cum impressionibus corporum, in organa sensoria; parique ratione leges motuum in corporibus, qui secundum ordinem causarum efficientium se consequuntur, conspirare quoque atque ita conuenire debere, cum cogitationibus animi, ut corpus ad agendum promptum sit, eo tempore, quo vult anima. Quo pacto anima perceptionum et appetituum suorum vnus auctor est, ut corpus motuum, quae tamen ut inter se concordent, harmoniae a summae sapientiae auctore Deo, praestabilitae id opus est. Valde commendauit Leibnizius hoc systema, quod et sapientiam diuinam, non diffidente P. BAYLIO <sup>1)</sup>, omnium maxime extollat, et libertati plane non refragetur, cum secundum illud anima suarum actionum auctor sit liberrimus; animae autem independentiam tantam faciat, quantam liceat, cum quaecunque in anima fiunt, ab ea dependant; eo quod status futurus ex praesente exsurgat. Non tamen in ipso partu foetum ingeniose excogitatum in vulgus prodire iussit, sed ab anno 1699, quo primum de eo cogitare coepit, animo ruminatus est, etiam cum viris doctis in literis de eo egit; donec maturum iam istum pullum satisque venuste ornatum anno 1702, in *Ephemeridibus Parisiensibus* <sup>2)</sup> prodire iuberet, inserto *Systemate nouo naturae et communicationis substantiarum, itemque unionis inter corpus et animam*. Non poterat non fieri, ut tam inauditae nouitatis cogitationes contradictionem haud paterentur. Prodiit itaque in arenam in eodem diario <sup>3)</sup> erudito eruditissimus FOUCHERIVS, et obiectiones nonnullas attulit, quibus satis, quod est facere paulo post conatus est Leibnizius <sup>4)</sup>. Deinde P. BAYLE quoque, laudato eximio ingenii maximi, quod ex hac hypothese elucet, specimine, quibus illam difficultatibus premere sibi videretur, in *Dictionario Historico-Critico* <sup>5)</sup> exposuit. Quas tam soluit quoque, et illustrauit difficiles meditationes Leibnizius <sup>6)</sup>. Tertius ab his ex Benedictinorum, congregationis S. Mauri in Gallia, monachorum sodalitis vir acutus FRANCISCUS LAMIVS habere se, quae obiiceret, in libro *de Cognitione sui* <sup>7)</sup> fassus est, et inimicum esse systema

harmoni-

1) Dict. T. IV. art. Rorarius. not. Q.

2) Vid. Contin. des Memoires de literature et histoire T. VIII. P. I. p. 221. seqq. ubi extat epistola Leibnizii ad Arnaldum.

3) 1695. p. 444. seqq.

4) 1695. p. 639. seqq.

5) 1696. p. 255.

6) loc. cit.

7) Hist. des Ouyr. des savans 1698. p. 339.

8) p. 593. seqq.

harmoniae praestabilitae in libertatem contendit. Accessit his ex Iesuitarum sodalitis eruditissimus TOVRNEMINVS, qui pro systemate influxus contra harmoniam praestabilitam erudite et humaniter militauit. Parcius eam aggressus IAQUELOTIVS <sup>d</sup>, nonnulla reprehendit, in haud paucis ingeniosum *Ευρημα* laudauit. Respondit his quoque Leibnizius, et tum de Lamii et Baylii obiectionibus in altera dictionarii editione repetitis nonnulla monuit <sup>e</sup>, tum ad Iaquelotii obseruationes suas annotationes vulgavit. Interim cum in theatro orbis eruditi *Theodicea* comparuisset, hac imprimis hypothesi, cum reliquis, quas ad refellenda Baylii obiectiones usus est, qua ratione ad veritates magni momenti demonstrandas *vis* liceat, more suo eruditissime ostendit <sup>f</sup>. Interim nouus contra fortium ingenii Leibniziani aduersarius prodiit, medicus celeberrimus GEORGIVS ERNESTVS STAHLIVS, qui ad communicatas secum ab ipso Leibnizio meditationes, *Enodationes* scripsit, quibus *Replicationem* auctor opposuit. Tandem inter Samuelem Clarckium quoque et Leibnizium <sup>g</sup>, vt de aliis metaphysicae capitibus, ita imprimis de harmonia quoque praestabilita disputatum est, ipso illustri Newtono obliuente perpetuum eam miraculum supponere. Et hi quidem viuo harmoniae praestabilitae parente contra eam insurrexerunt. Post fata Leibnizii autem dici non potest, quam miris fortunae vicissitudinibus ea hypothesi excepta sit, postquam cel. WOLFIVS ei subscripsisset. Qui, vt ipse narrat <sup>h</sup>, cum nouum metaphysicae corpus conderet, initio constituerat apud se, totam quaestionem de vnione inter animam et corpus intercedente omittere; ast cum praeter spem ex fundamentis positis ad hypothesin hanc sponte adduceretur, eam non retinuit modo, sed maiori etiam luce perfudit. Ex eo autem tempore cum de placitis Wolfianis acerrime disputaretur, harmonia praestabilita meta illa fuit, ad quam omnes, qui inimica aduersus praestantissimum virum signa contulerant, tela dirigerent, pro qua omnibus viribus sectatores Wolfii decertarent. Qui tamē harmonia praestabilita se tantum vt veluti hypothesi, adeoque ei nullas veritates inaedificare aliquoties monuit <sup>i</sup>. Quae tamen hoc loco enarrare omnia, et scriptorum omnium recensum dare instituti ratio obstat, consulendus autem, qui diligenter in hoc stadio decurrit cl. LVDOVICVS <sup>k</sup>. Sed non minus impossibile nobis, limitibus satis arctis constrictis, ea enarrare omnia, quae contra hypothesin elegantem quidem et ingenio maxime se commendantem, ast paradoxam monuerint viri docti, regefferintque Leibnizius, Wolfius eorumque affeculae. Comparari

c) Memoires de Trevoux 1703. Mai. p. 864.

tuin. p. 1063. Sept. p. 1661. Oct. p. 1840. seqq.

d) Conformité de la foi avec la raison. conf. A. E. 1705. Oct.

e) Hist. de la rep. des lettres T. XI, art. 4. et Recueil T. II. p. 389.

f) A. E. I. c. Dec. p. 440.

g) Recueil T. I.

h) In Praef. Metaphysicae Germ.

i) Vid. Responso ad accusationes Langianae iussu regis Borussiae scripta, p. 64. Collect. Ludouic.

k) In Hist. phil. Leibniz P. II. c. XXIII. §. 488. seqq. p. 371. et in Hist. phil. Wolfianae §. 324. p. 237. seqq.

rari autem et attente legi expendique meretur illustris viri **GEORGI BERNARDI BULFINGERI** *Commentatio hypothetica de harmonia animi et corporis humani maxime praestabilita ex mente illustris Leibnizii*<sup>1)</sup>, qui diligenter et acute ea enarravit quae Foucherius, Baylius, Lamius, Tourneminius, Newtonus, Clarckius, Stahlius, quos viuus aduersarios Leibnizius habuit, obiecerunt, et in id ingenii praestantissimi neruos intendit, vt eorum obiectionibus satisfaceret, demonstraretque leges corporum et leges monadum, quantumuis diuerfas, tamen inter se sub generalibus legibus metaphysicis conuenire, vt harmonicas dicere, iisdemque mediantibus effectus harmonicos ex causis harmonicis deriuare liceat: adeoque possibile esse, vt corpus atque anima conspirent, etiamsi principium mutationis sit vnicuique intrinsecum saltem; eo quod experientiae testimonio conspirent mutationes corporis et animae, sed vtrumque sibi habeat res suas et suas sequatur leges, necesseque sit, vt a Deo semel sint harmonice constituta ab initio, sic vt ex priori eorum harmonia consequantur ceterae. Hunc itaque eruditissimum virum eos adire oportet, qui rem omnem acumine philosophico enarratam cupiunt. Nos, vt controuersiae specimen faciamus, ex innumeris obiectionibus quibus omnis generis eruditi harmoniam praestabilitam aggressi sunt, eam vnā adducimus, quae inimicā esse libertati et fatalismum quendam, id est fatalem necessitatem inferre, adeoque Spinozisticae impietati portam aperire confessa est. Nempe offendit viros doctos et pios, quod antecedentes perceptiones subsequētiū parentes, et hae appetituum animae auctores dicantur, qua ratione dum nihil fieri, quod non in antecedente suā rationem habeat, asseratur, euertere libertatem putant. Primus, nisi fallimur, Franciscus Lamius hoc telum harmoniae praestabilitae intentauit, quod ita repressit Leibnizius, vt liberas esse actiones animae voluntarias contenderet, quarum distinctas ideas habet, et quae pendent a ratione; distingueret autem inter naturale, quod naturae rerum conuenit, et inter necessarium, siue essentiale, quod immutari non potest, legem autem ordinis, quae in perceptionibus est, vt in motibus, libertatem non iugulare, vt exemplo ipsius DEI constet, affirmaret. Postea commotis controuersis Wolfianis praecipuus venerandus IOACHIMVS LANGIVS<sup>m)</sup> in id incubuit, vt efficto monstro bicipiti materialismi et idealismi, mira harmonia praestabiliti, necessitatem quandam fatalem confirmari, omnemque voluntatis humanae libertatem et actionem moralem ista hypothēsi euertere euinceret. Quibus WOLFIVS praeter alia *Commentationem de differentia nexus rerum sapientis et fatalis necessitatis nec non systematis harmoniae praestabilitae et hypotheseum Spinozae* opposuit. Tacemus innumeros, qui hoc

H h h 2                      quidem

1) Tob. sue Lips. 1723. 8.

m) Scripta huc pertinentia nominat LVDOVICVS

CVS Hist. phil. Wolfianae P. I. c. XIV. §. 252. sqq. p. 196. seqq. P. II. §. 540. sqq. longior enim series est, quam hic exponi queat.

quidem telo acerrime istam hypothefin confodere aggressi sunt. Quibus haud pauciores responderunt, inter quos praecipue consulendus est summe reuerendus BULFINGERVS \*. Sed et tertia pars accessit, eorum, qui non repugnare quidem harmoniam praestabilitam libertati humanae voluntatis vt solet adstrui, asseruerunt, ast esse tamen in ea aliquid, quod crucem figat, et veram libertatis notionem euertat, conquesti sunt. Quo pacto nuper acutissime de harmonia praestabilita disputauit celeberrimus HOLLMANNVS †, qui, licet sectatoribus Wolfii nomen non addixisset suum, contenderat ‡ tamen, in isto harmoniae praestabilitae systemate in se et praecise spectato, in quo certas animae humanae repraesentationes, cogitationes et decreta certi in membris corporis motus, et certos in organis corporis sensoriis excitatos motus certae quaedam in anima humana consequantur repraesentationes, sensationes, et perceptiones, nihil se deprehendere, quod in animae humanae libertatem villo modo sit iniurium: quae assertio eum cum cel. LANGIO quoque commisit. Postea autem considerato systemate in toto suo ambitu inuenisse se, monuit, quae libertati inimica sint. „Nempe statui obseruat, secundum „istam hypothefin, animae vim mundi repraesentatiuam, illi adeo intrin- „secam et essentialem esse, vt non modo sensationes et perceptiones re- „rum nuda; quibus mutationes a corporibus in organa sensoria agentibus productae in anima repraesentantur, ex ea fluant, sed et ea ita ad „mundum repraesentandum determinata sit, vt ex ea vi reliqua omnia, „quae in eadem contingunt, exoriantur. Ita vero omnem actionis con- „tingentiam, quae separari a libertatis notione non potest, tolli conten- „dit, cum omnia quae in anima contingunt, ex vi illa repraesentatiua „per essentiam suam determinata solum consequantur, vis autem illa „omnimode determinata sit, siquidem anima alias aequae facile hanc, „quam aliam quamcunque mundi partem, aequae facile illam, quae cor- „poris ipsius statui respondet, quam quamuis aliam, repraesentare sibi „posset, quod contra systematis primum suppositum est. Hinc enim „necesse esse, vt et omnia, quae ex omnimode determinata eiusmodi „vi fluunt, et ipsa omnimode determinata sint: haecque a Deo determi- „natio simul non minus ac ipsa vis illa repraesentatiua, ex ipsa animae „essentia fluat, sicque absoluta porro sit et immutabilis. Et cogitationes „ergo animae reliquas et volitiones atque decreta eius omnia, per essen- „tiam eius, quaeque essentiam eius constituit, vim illam mundi reprae- „sentatiuam ita iam futura esse determinata, vt consequi aliter in anima „nequeant, vnde et contingentia illarum omnis et cum illa ipsa animae „humanae libertas collapsa sit.“ Quibus vir doctus in sequentibus ita instat, vt demonstret, ex hac praedeterminatione repraesentationum, se- qui necessario volitionum determinationes, easque esse non minus prae- stabili-

n) In Dilucidat. philos. p. 357. seqq.

o) In Cogit. poster. de Harmonia praestabilita,

p) In Diss. priore de Harm. praest.

stabilitas, quam motus corporis. Tandem neque istud tacendum hoc loco est, fuisse nonnullos, qui ex ipsis principiis Leibnizianis ostendere sategerunt, habere animam vim mouendi corpus, non metaphysicam modo, sed et physicam, adeoque systema influxus ab ipso Leibnizio euerti non posse. Rationem eam adducunt, quod, praeter voluntatem mouendi, conatum quoque insignem, producendi nonnunquam motus voluntarios in corpore sentiamus, qui nisi atque conatus eius virium nomine venit, et Leibnizio, id quod reale in motu est, dicitur. Ipse sane Leibnizius, vim mouendi corpora influxu physico non ex rationibus impossibilitatis deriuauit, concedit enim Deum ita mouere posse corpora, sed quod in anima humana rationes eius rei sufficientes non inueniret, suadeat autem sapientia DEI in legibus motuum et appetituum siue finium demonstrata, fieri id tantum metaphysice, et per harmoniam. Vnde caute prudenterque pronuntiavit, quem nuper ereptum nobis dolemus Ven. Io. GUST. REINBECKIUS etiam si hypothesis harmoniae praestabilitae in religionem Christianam iniuria non sit, non minoribus tamen, quam reliquas de vnione animae et corporis hypotheses difficultatibus premi, praestareque fateri ignorantiam nostram ad mysteria DEI reuelata simplici fide recipienda ducentem, quam modum ignotum mysterii naturalis coniecturis et hypothesibus definire. Verum de his prolixius in historia philosophiae et controuersiarum Wolfianarum differendum est. Iam ad monadologiam Leibnizianam reuertimur.

LXXXII. Quod spiritus, seu animas rationales concernit, quamuis ita se habeat res, vt animal et anima nec oriantur nisi cum mundo, nec intereant nisi cum mundo: id tamen peculiare est in animalibus rationalibus, quod ipsorum animalcula spermatica, qua talia, habeant tantum animas ordinarias seu sensitiuas, sed quae electa sunt, vt ita dicam, et ad naturam humanam ope conceptionis actualis perueniunt, eorum animae sensitiuae eleuantur ad gradum rationis et praerogatiuam spirituum. Valde fauebat Leibnizius praeexistentiae animarum, cum et maximas circa ortum animarum difficultates cerneret, et innumeris disputationibus quaestionem de origine formarum substantialium expositam nosset, ex qua controuersiae quoque de anima vel per traducem vel per creationem producta exortae sunt; crederet autem non minori iure gaudere substantias simplices et immateriales, quam atomos Epicuri vel Gassendi, quae perpetuo durantes admittuntur. Hinc animas non nisi per creationem accepisse initium, et non nisi annihilatione finem quoque habere, statuit; cumque corporis organici formationem sine praeformatione organica

H h h 3

supposi-

q) Cel. GOTTSCHEDIUS in Vindiciis system. influxus physici sect. II. c. 2. §. 22. p. 70.

r) In Disq. de Harmonia praestabilita, Germanice edita Berolini 1737. 4.

s) Subscribit Leibnizius sententiae Leuwen-

hoekianae de Animalculis spermaticis, quae monadem eam constituere putat, ex qua exsurgit anima humana, conf. HANSEN. l. c. p. 169. An vero id fiat ordinaria vel extraordinaria Dei operatione, non definit in causa Dei §. 81.



supposita explicari non posse, pro certo haberet, concludit inde; generationem animalium non nisi transformationem esse, et habuisse corpus antea iam organifatam animam eandem, nec posse esse animas, salvo naturae ordine, a corporibus plane separatas. Haec cum compararet cum harmonia, secundum quam semper agit diuina sapientia, praeeexistentiam animarum ab initio creationis admittendam, et addendam illis esse necessario corpus organicum, in quo extiterint, concludit. Verisimile autem putauit, animas ante generationem mere sensitivas esse, et tum demum fieri in generatione rationales. Qua de re in se obscurissima et difficili eleganter et satis perspicue in *Theodicea* differit. Ita vero praeeexistentiam animarum, quod supra iam tetigimus, a metempsychosi discernebat, quae ipsa quoque animarum *μετεμψαχιν* inuoluit, cum saltem eiusmodi, qualem animarum transmigratio innuit, legibus motus, adeoque naturae ipsi prorsus esse contrarium cerneret. Vt autem anima ex statu sensitivo in statum rationalem euehatur, mutationem et evolutionem materiae machinae corporis, quae est in animali spermatico, requiri putabat; mutata enim corporis conditione, mutandum etiam animae statum esse ob harmoniam inter corpus et animam praestabilitam; ob quam tamen harmoniam, status praesens sit grauidus futuri, et homo futurus in illo animali iam latuerit, ut ipse ad Remondum scripsit.

LXXXIII. Inter alias differentias, quae inter animas ordinarias et spiritus intercedunt, etiam illa datur, quod animae in genere sint specula viuientium, seu imagines vniuersi creaturarum, sed quod spiritus insuper sint imagines ipsius diuinitatis, seu auctoris naturae, quae systema vniuersi cognoscere et aliquid eius per scintillulas architectonicas imitari possunt, cum spiritus vnusquisque sit parua quaedam diuinitas in suo genere.

LXXXIV. Atque inde est, quod spiritus sint capaces societatis alicuius cum Deo ineundae, et quod ipse eorum respectu non solum sit inuentor, qualis est respectu creaturarum ceterarum, sed insuper princeps et parens, hoc est, eam habeat ad ipsos relationem, quem princeps ad suos subditos, et parens ad liberos suos.

LXXXV. Inde haud difficulter inferitur, omnes spiritus simul sumtos constituere ciuitatem DEI, hoc est, regnum omnium perfectissimum sub perfectissimo monarcha.

LXXXVI. Haec ciuitas DEI, haec monarchia vere vniuersalis est mundus moralis in mundo naturali, et id maxime sublimis et diuinum est in operibus DEI, atque in hoc reuera gloria DEI consistit, quoniam nulla daretur, nisi magnitudo et bonitas a spiritibus cognosceretur, ipsisque admirationi esset. Respectu huius ciuitatis diuinae datur bonitas proprie sic dicta, cum e contrario sapientia et potentia vbique eluceant.

LXXXVII.

1) §. 81. seqq.

2) Vid. *Recueil T. II. p. 186.*

**LXXXVII.** Intercedit ergo harmonia quoque inter regnum physicum naturae, et regnum morale gratiae, hoc est, inter Deum, quatenus consideratur vt architectus machinae, et inter Deum eundem, quatenus vt monarcha ciuitatis diuinæ spirituum spectatur.

**LXXXVIII.** Ab hac harmonia pendet, quod res deducant ad gratiam per ipsas vias naturae, et quod hic globus e. g. destrui et reparari debeat per media naturalia iis momentis, quando regimen spirituum id postulat ad aliquos puniendos, ceteros remunerandos.

**LXXXIX.** Afferere etiam licet, Deum tanquam architectum, satisfacere Deo tanquam legislatori, ex asse, atque sic peccata consequi debere poenas per ordinem naturae et structurae mechanicae rerum, bonas etiam actiones secum trahere remunerationes per media machinalia respectu corporum, quamuis idem nec possit nec debeat constanter ex-templo accidere. Etiam in hac harmonia regni naturae et gratiae asserenda, visus est nonnullis gratiae se inimicum ostendisse. Ast monuerunt amici eius, etiamsi leges naturae, ad exequenda gratiae et iustitiae decreta valere dicat, illis tamen non dicere, quod opus gratiae, absoluitur, sed minime sufficientia declarauisse, cum et miracula fieri propter regnum gratiae asserat, et naturae viribus peccatorem conuerti posse neget.

**XC.** Tandem sub perfectissimo hoc regimine nulla datur actio bona sine remuneratione, nulla mala sine poena, et omnia vergere debent in salutem bonorum, hoc est eorum, qui regimine diuino contenti sunt in hoc magno regno, qui confidunt in prouidentia diuina, et qui amant et imitentur, vt par est, auctorem omnis boni, voluptatem percipientes ex consideratione perfectionum ipsius, secundum naturam amoris puri et veri, vi cuius voluptatem percipimus ex eius, quem amamus, felicitate. Atque ideo personae sapientes ac virtuosae perficere conantur, quicquid voluntati diuinæ praesumtiuae et antecedenti conforme apparet, et hoc non obstante, in iis acquiescunt, quae per voluntatem secretam; consequentem et decisiuam acta contingunt, quoniam agnoscunt, quod si ordinem naturae satis intelligeremus, deprehensuri simus, eadem vota sapientissimi longe superare, nec fieri posse, vt meliora reddantur siue intuitu totius vniuersi in genere, siue etiam respectu nostrum in specie. Siquidem, prout par est, auctori omnium adhaeremus, non modo tanquam architecto et causae efficienti essentiae nostrae, verum etiam, tanquam Magistro nostro atque causae finali, cuius est, efficere quod volumus, et qui solus nos felices reddere valet. Aperuit vir summus in his vltimis assertionibus vestibulum philosophiae moralis, quale monadum atque harmoniae vniuersalis hypothesibus sine dubio inaedificaturus erat. Eam autem non perfecit: nonnulla tamen in

*Theodicea*

\*) Vid. K O N T H O L Z Diss. de Phil. Leibniz, Christianae religioni non perniciofa §. 19. seqq. pag. 43. seqq.

*Theodicea* attulit, quae dicta illustrare possunt. Pleraque illustravit ex fundamentis Leibnizianis HANSCHIVS \*.

*Theologia naturalis Leibnizii.*

§. XXXVIII. Praestantissimum metaphysicae Leibnizianae caput theologia naturalis siue doctrina de Deo, est, quod studiose excoluit Leibnizius. Qui non tantum emendare Cartesianam existentiae DEI rationem aggressus est, ut supra dictum, sed et applicatione principii rationis sufficientis recta et acuta ex rerum existentium contingentia, vnicum et verissimum quod stringat et impietatem euertat argumentum deduxisse sibi visus est. Sed attributorum quoque diuinorum harmoniam tum inter se, tum in relatione ad animam humanam insigni acumine, suis tamen hypothesebus usus, in *Theodiceae* opere explicuit, quod totum excerpere, et quae ad philosophiam spectant, huc adducere, operae pretium esset, nisi paginarum nostrarum angustia tantam prolixitatem refugeret, liberque eruditissimus et elegantissimus in omnium manibus versaretur. Quoniam tamen eius summam in *Causa DEI* tractationi subiuncta in neruum contraxit auctor, acuteque de Deo, eius intellectu, voluntate, decretis concurfuque ad actiones hominum differuit, excerpemus, quae licet breuitate, ea quae ad theologiam naturalem pertinent: eae enim, quas de corruptione hominis et peccato, de eius propagatione et imputatione, de auxiliis gratiae et doctrinae reuelatae capitibus aliis explicationes et coniecturas attulit, ad limites nostros non pertinent, merentur autem legi expendique a Lectore curioso omnia, ut, qualis fuerit Leibnizius, appareat.

I. Omnipotentia complectitur tum Dei independentiam ab aliis, tum omnium dependentiam ab ipso.

II. Independentia DEI in existendo elucet et in agendo; et quidem in existendo, dum est necessarius et aeternus, et, ut vulgo loquuntur, ens a se: vnde etiam consequens est, immensum esse.

III. In agendo independens est naturaliter et moraliter, naturaliter quidem, dum est liberrimus, nec nisi a se ipso ad agendum determinatur: moraliter vero dum est ἀνυπεύθυνος, seu superiorem non habet.

IV. Dependens rerum a Deo extenditur tum ad omnia possibilia, seu quae non implicant contradictionem, tum etiam ad omnia actualia.

V. Ipsa rerum possibilitas, cum actu non existunt, realitatem habet fundatam in diuina existentia: nisi enim Deus existeret, nihil possibile foret; et possibilia ab aeterno sunt in ideis diuini intellectus.

VI. Actualia dependent a Deo tum in existendo, tum in agendo, nec tantum ab intellectu eius, sed etiam a voluntate. Et quidem in existendo, dum omnes res a Deo liberae sunt creatae, atque etiam a Deo conseruantur;

v) loc. cit. Theor. 121. seqq.

seruantur; neque male docetur, conseruationem diuinam esse continua-  
tam creationem, vt radius continue a sole prodit: etsi creaturae neque  
ex essentia Dei, neque necessario promanent.

VII. In agendo res dependent a Deo, dum Deus ad rerum actiones  
concurrit, quatenus inest actionibus aliquid perfectionis, quae vtique a  
Deo manare debet.

VIII. Concurfus autem Dei, etiam ordinarius, seu non miraculosus  
simul et immediatus est, et specialis. Et quidem immediatus, quoniam  
effectus non ideo tantum a Deo dependet, quia caussa eius a Deo orta est,  
sed etiam quia Deus non minus, neque remotius in ipso effectū produ-  
cendo concurrit, quam in producenda ipsius caussa.

IX. Specialis autem est concurfus, qui non tantum ad existentiam rei  
actusque dirigitur, sed et ad existendi modum et qualitates, quatenus ali-  
quid perfectionis illis inest, quod semper a Deo profluit, patre luminum,  
omnisque boni datore.

X. Sapientia DEI ob immensitatem vocatur omniscientia. Haec cum  
et ipsa sit perfectissima, complectitur omnem ideam, et omnem verita-  
tem; id est omnia tam incomplexa quam complexa, quae obiectum in-  
tellectus esse possunt: et versatur itidem tam circa possibilia, quam circa  
actualia.

XI. Possibile est, quae vocatur scientia simplicis intelligentiae, quae  
versatur tam in rebus, quam in earum connexionibus; et vtraeque sunt  
tam necessariae, quam contingentes.

XII. Possibilia contingentia spectari possunt tum vt seiuncta, tum vt  
coordinata in integros mundos possibiles infinitos, quorum quilibet Deo  
est perfecte cognitus, etsi ex illis non nisi vnicus ad existentiam perdu-  
catur: neque enim plures mundos actuales fingi ad rem facit, cum vnus  
nobis totam vniuersitatem creaturarum, cuiuscunque loci et temporis  
complectatur, eoque sensu hoc loco mundi vocabulum vsurpetur.

XIII. Scientia actu alium, seu mundi ad existentiam perducti, et omni-  
um in eo praeteritorum praesentium, futurorum, vocatur scientia visio-  
nis, nec differt a scientia simplicis intelligentiae huius ipsius mundi, spe-  
ctati vt possibilis, quam quod accedit cognitio reflexiua, qua Deus nouit  
suum decretum de ipso ad existentiam perducendo. Nec alio opus est di-  
uinae praescientiae fundamento.

XIV. Quod si scientia simplicis intelligentiae restrictius sumatur, nem-  
pe vt agat de veritatibus possibilibus et necessariis; tunc scientia media  
est, quae de veritatibus possibilibus et contingentibus, et scientia visionis,  
quae de veritatibus contingentibus et actualibus agit.

XV. Vt sapientia, seu veri cognitio est perfectio intellectus, ita bonitas, seu boni appetitio est perfectio voluntatis. Et omnis quidem voluntas bonum habet pro obiecto, saltem apparens, at diuina voluntas non nisi bonum simul et verum.

XVI. Ad voluntatis naturam requiritur libertas, quae consistit in eo, vt actio voluntaria sit spontanea, ac deliberata, atque adeo vt excludat necessitatem, quae deliberationem tollit.

XVII. Necessitas excluditur metaphysica, cuius oppositum est, impossibile; seu implicat contradictionem; sed non moralis, cuius oppositum est inconueniens. Etsi enim Deus non possit errare in eligendo, adeoque eligat semper quod est maxime conueniens, hoc tamen eius libertati adeo non obstat, vt eam potius maxime perfectam reddat. Obstaret si non nisi vnum foret voluntatis obiectum possibile, seu si vna tantum possibilis rerum facies fuisset, nec sapientia bonitasque agentis laudari posset.

XVIII. Itaque errant, aut certe incommode admodum loquuntur, qui ea tantum possibilia dicunt, quae actu fiunt, seu quae Deus elegit \*.

XIX. Voluntas diuidi potest, in antecedentem seu praeuiam, et consequentem seu finalem, siue quod idem est, in inclinatoriam et decretoriam. Illa minus plena, haec plena vel absoluta est.

XX. Voluntas antecedens omnino seria est, et pura, non confundenda cum velleitate, vbi quis vellet si posset, velletque posse, quae in Deum non cadit; nec cum voluntate conditionali. Tendit autem voluntas antecedens in Deo ad procurandum omne bonum, et ad repellendum omne malum, quatenus talia sunt, et proportionem gradus, quo bona maiore sunt.

XXI. Voluntas consequens oritur ex omnium voluntatum antecedentium concursu, vt scilicet, quando omnium effectus simul stare non possunt, obtineatur inde quantus maximus effectus per sapientiam et potentiam obtineri potest. Haec voluntas etiam decretum appellari potest.

XXII. Voluntates antecedentes non omnino irritae sunt, sed efficaciam suam habent, qui, etsi effectus earum obtinetur, non semper sit plenus, sed per concursum aliarum voluntatum antecedentium restrictus. At voluntas decretoria ex omnibus inclinatoriis resultans, semper plenum effectum sortitur, quoties potentia non deest in volente, quemadmodum certe in Deo deesse nequit. Neque vero aliquid felicitati perfectionisque volentis Dei decedit, dum non omnis eius voluntas effectum plenum sortitur: quia enim bona non vult, nisi pro gradu bonitatis, quae in

\* Ianuit Diodorum Stoicum, Abaelardum, Wiclefum, Hobbiu.

in vnoquoque est, tum maxime eius voluntati satisfit, cum optimum resultans obtinetur.

XXIII. Porro voluntas diuiditur in productiuam circa proprios actus, et permissiuam, circa alienos. Quaedam enim interdum permittere licet, id est, non impedire quae facere non licet; et permissae voluntatis obiectum proprium non id est, quod permittitur, sed permissio ipsa.

XXIV. Bonum et malum, seu ratio volendi triplex est, metaphysicum, physicum, morale.

XXV. Metaphysicum generatim consistit in rerum etiam non intelligentium perfectione et imperfectione.

XXVI. Physicum accipitur speciatim de substantiarum intelligentium commodis et incommodis, quo pertinet malum poenae.

XXVII. Morale de earum actionibus virtuosis et vitiosis, quo pertinet malum culpae: et malum physicum hoc sensu a morali oriri solet, etsi non semper in iisdem subiectis sed haec tamen, quae videri possit, aberratio cum fructu corrigitur, ut innocentes nolent passi non esse.

XXVIII. Deus vult bona per se antecedenter ad minimum; nempe tam rerum perfectiones in vniuersum, quam speciatim substantiarum intelligentium omnium felicitatem et virtutem, et vnumquodque bonorum pro gradu suae bonitatis.

XXIX. Mala etsi non cadant in voluntatem DEI antecedentem, nisi quatenus ea ad remotionem eorum tendit, cadunt tamen interdum, sed indirecte, in consequentem: quia interdum maiora bona ipsis remotis obtineri non possunt, quo casu remotio malorum non plane perducitur ad effectum, et consistens intra voluntatem antecedentem, non prorumpit in consequentem.

XXX. Mala metaphysica et physica, velut imperfectiones in rebus, et mala poenae in personis interdum fiunt bona subsidiata, tanquam media ad maiora bona.

XXXI. At malum morale seu malum culpae nunquam rationem mediā habet, sed interdum tamen conditionis, quam vocant, sine qua non, siue colligati et concomitantis, id est, sine quo bonum debitum obtineri nequit, sub bono autem debito etiam priuatio mali debita continetur. Malum autem admittitur, non ex principio necessitatis absolutae, sed ex principio conuenientiae. Rationem enim esse oportet, cur Deus malum permittat potius, quam non permittat; ratio autem diuinae voluntatis non nisi a bono desumi potest.

XXXII. Malum culpae nunquam in Deo obiectum est voluntatis productivae, sed tantum aliquando permissivae, quia ipse nunquam peccatum facit, sed tantum ad summum aliquando permittit.

XXXIII. Generalis autem est regula permittendi peccati, Deo hominique communis, ut nemo permittat peccatum alienum, nisi, impediendo ipsemet actum, prauum excitaturus esset.

XXXIV. Deus itaque inter obiecta voluntatis habet optimum, ut finem ultimum; sed bonum ut quaecunque, etiam subalternum; res vero indifferentes itemque mala poenae saepe, ut media; at malum culpae non nisi ut rei alioqui debitae conditionem, sine qua non esset.

XXXV. Communia magnitudinis et bonitatis hic sunt, quae non ex sola bonitate, sed etiam ex magnitudine, id est sapientia et potentia, proficiuntur, facit enim magnitudo, ut bonitas effectum consequatur suum. Et bonitas refertur vel ad creaturas in vniuersum, vel speciatim ad intelligentes. Priore modo cum magnitudine constituit prouidentiam in vniuerso creando et gubernando posteriore, iustitiam in regendis speciatim substantiis ratione praeditis.

XXXVI. Quia bonitatem DEI in creaturis sese generatim exerentem dirigit sapientia, consequens est, prouidentiam diuinam sese ostendere in tota serie vniuersi; dicendumque Deum ex infinitis possibilibus seriebus rerum elegisse optimam, eamque adeo esse hanc ipsam, quae actu existit. Omnia enim in vniuerso sunt harmonica inter se, nec sapientissimus nisi omnibus perspectis decerneret adeo non nisi de toto. In partibus singulatim sumtis voluntas praeuia esse potest, in tota decretoria intelligi debet.

XXXVII. Accurate loquendo vnicum tantum fuit decertum Dei, ut haec scilicet series rerum ad existentiam veniret.

XXXVIII. Immutabile est decretum Dei, quia omnes rationes quae ei obici possunt, iam in considerationem venerunt, sed hinc non alia oritur necessitas, quam consequentiae, quam hypotheticam vocant, ex supposita scilicet praeuisione et praeordinatione, nulla autem subest necessitas absoluta vel consequentis, quia alius etiam rerum ordo possibilis erat, et in partibus, et in toto; Deusque contingentium seriem eligens, contingentiam eorum non mutauit.

XXXIX. Neque ob rerum certitudinem preces laboresque sunt inutiles ad obtinenda futura quae desideramus. Nam in huius seriei rerum, tanquam possibilis repraesentatione apud Deum, antequam scilicet decerni intelligeretur, utique et preces in ea, si eligeretur futurae, et aliae effectuum in ea comprehendendorum causae inerant, et ad electionem seriei, adeoque et ad euentus in ea comprehensos, ut par erat, valere. Et quae nunc mouent Deum ad agendum aut permittendum, iam tum eum mouerunt ad decernendum, quid acturus esset aut permissurus.

XL. Sapientia autem infinita omnipotentis bonitati eius immensae iuncta,

cta, fecit, vt nihil potuerit fieri melius, omnibus computatis, quàm quod a Deo sit factum, atque adeo, vt omnia perfecte sint harmonica conspirentque pulcherrime inter se.

XLII. Proinde quotiescunque aliquid reprehensibile videtur in operibus Dei, iudicandum est, id nobis non satis nosci, nec optari a sapiente posse meliora.

XLIII. Vnde porro sequitur, nihil esse felicius, quam tam bono Domino seruire, atque adeo Deum super omnia esse amandum, eique penitus confidendum.

XLIII. Bonitas relata speciatim ad creaturas intelligentes cum sapientia coniuncta iustitiam constituit, cuius summus gradus est sanctitas. Itaque tam lato sensu iustitia non tantum ius strictum, sed et aequitatem, atque adeo et misericordiam laudabilem comprehendit.

XLIV. Est autem vel iustitia specialius sumta, vel sanctitas. Illa versatur circa bonum malumque physicum, aliorum nempe intelligentium, sanctitas circa bonum malumque morale.

XLV. Bona malaque physica eueniunt tam in hac vita, quam in futura: In hac vita magna malorum pars fluit ex culpa hominis; aliae profunt et compensabuntur.

XLVI. In futura vita, quàmuis pauci sint electi, tota amplitudo regni coelestis non est ex nostra cognitione aestimanda, cum tanta gloria beatorum esse possit, vt mala damnatorum comparari cum hoc bono non possint. Nihilque prohibet vel soles, vel maxime regionem trans soles, vt in nostra sit tellure habitari felicibus creaturis. Itaque argumentum a multitudine damnatorum non est fundatum, nisi in ignorantia nostra. Poenae etiam damnatorum ob perseuerantem eorum malitiam perseuerant.

XLVII. Obiectiones contra sanctitatem Dei seu circa perfectionem ad bona malaque moralia aliorum relata, desumptae ex concursu Dei ad malum morale ex supra dictis commode solui possunt.

XLVIII. Nempe permissio peccati est licita, seu moraliter possibilis, cum debita, seu moraliter necessaria inuenitur. Id de Deo intelligendum est Θεοπροπαιός, quando aliter suis perfectionibus derogasset. Si Deus optimam vniuersi seriem, in qua peccatum intercurrit, non elegisset, admisisset aliquid peius omni creaturarum peccato, nam propriae perfectioni, et quod hinc sequitur, alienae etiam derogasset: diuina enim perfectio a perfectissimo eligendo discedere non debet cum minus bonum habeat rationem mali.

XLIX. Nihil perfectionis et realitatis pure positivae est in creaturis earumque actibus bonis et malis, quod non Deo debeatur, sed imperfectio



actus in priuatione consistit, et oritur ab originali limitatione creaturarum, quam iam tum in statu purae possibilitatis, id est in ideis Dei, habent ex essentia sua: nam quod limitatione careret, non creatura sed Deus foret. Limitata autem dicitur creatura, quae terminos perfectionis habet. Ita fundamentum mali est necessarium, sed ortus tamen contingens; id est, necessarium est, ut mala sint possibilia, sed contingens est, ut sint actualia: non contingens autem per harmoniam rerum a potentia transit ad actum ob conuenientiam cum optima rerum serie, cuius partem facit. Sunt itaque bona a Dei vigore, mala a torpore creaturae; et defectu attentionis errat intellectus, defectu alacritatis refringitur voluntas, quoties mens cum ad summum bonum tendere debeat, per inertiam creaturae adhaerescit.

L. Propagatio contagii a lapsu protoplastarum non videtur commodius explicari posse, quam statuendo, animas posterorum in Adamo iam fuisse infectas: idque per praeexistentiam animarum.

LI. Reliquiae diuinae imaginis consistunt tum in lumine innato intellectus, tum etiam in libertate congenita voluntatis. Vtrumque ad virtuosam vitiosamque actionem necessarium est, ut scilicet sciamus velimusque, quae agimus, et possimus etiam ab hoc peccato, quod committimus abstinere, si modo satis studii adhibeamus.

LII. Lumen innatum consistit tum in ideis incomplexis, tum in nascentibus inde notitiis complexis. Ita fit, ut Deus et lex DEI aeterna inscribatur cordibus nostris, etsi negligentia hominum et affectibus sensualium saepe obscurentur.

LIII. Probatur hoc lumen etiam ex ratione, quia veritates necessariae ex solis principiis menti insitis non ex inductione sensuum demonstrari possunt. Neque enim inductio singularium vnquam necessitatem vniuersalem infert.

LIV. Libertas quoque in quantacunque humana corruptione salua manet, ita ut homo, etsi haud dubie peccaturus sit, nunquam tamen necessario committat hunc actum peccandi, quem committit.

LV. Libertas exempta est tam a necessitate, quam a coactione. Necessitatem non faciunt futuritio veritatum, nec praescientia et praedeterminatio Dei, nec praedispositio rerum.

LVI. Non futuritio: licet enim futurorum contingentium sit determinata veritas, certitudo tamen obiectiua, seu infallibilis determinatio veritatis, quae illis inest, minime necessitati confundenda est.

LVII. Nec praescientia aut praedeterminatio Dei necessitatem imponit, licet ipsa quoque sit infallibilis. Deus enim vidit res in serie possibilium ideali, quales futurae erant, et in iis hominem libere peccantem; neque  
huius

hulus ferrei decernendo existentiam, mutauit rei naturam, aut, quod contingens erat, necessarium fecit.

LVIII. Neque etiam praedispositio rerum aut causarum series nocet libertati. Licet enim nunquam quicquam eueniat, quin eius ratio reddi possit, neque vlla vnquam detur indifferentia aequilibrui, (quasi in substantia libera et extra eam omnia ad oppositum vtrumque se aequaliter vnquam haberent: cum potius semper sint quaedam praeparationes in causa agente, concurrentibusque, quas aliqui praedeterminationes vocant;) dicendum tamen est, has determinationes esse tantum inclinantes, non necessitantes, ita vt semper aliqua indifferentia siue contingentia sit salua. Nec tantus vnquam in nobis affectus appetitusue est, vt ex eo actus necessario sequatur; nam quamdiu homo mentis compos est, etiamsi vehementissime, ab ira, siti, vel simili causa stimuletur, semper tamen aliqua ratio sistendi impetum reperiri potest, et aliquando vel sola sufficit cogitatio exercendae suae libertatis et in affectus potestatis.

LIX. Coactio non est in voluntatis actionibus: etsi enim externorum repraesentationes plurimum in mente nostra possint, actio tamen nostra voluntaria semper spontanea est, ita vt principium sit in agente. Id quod per harmoniam inter corpus et animam ab initio praestabilitam, luculentius, quam hactenus, explicatur.

Potiora haec sunt, quae ad naturalem theologiam referri possunt, reliqua quae attexit vir acutissimi ingenii et profundarum meditationum, proprie ad reuelatam theologiam pertinent, et cum humanam corruptionem, tum eius emendationem, ordinemque DEI in eligendis fidelibus respiciunt. In illis vero, vt hypothefibus nonnullis inseruiendum sibi esse, ad soluendos hos nodos, quos struxit male curiosa hominum diligentia, vir summus probe vidit, ita factum, vt et ea quae de libertate disseruit, licet iam magnis conatibus assertum iret, haud paucis displicerent. Quamuis enim necessitatem absolutam a libertate accurate remoueat, putarunt tamen, necessitatem hypotheticam, quae ex antecedente et praedeterminante causa oritur, re ipsa libertatem euertere. Responderunt his viri celeberrimi sectatores, et inter eos imprimis acutissimus BULFINGERVS, "non eum praedeterminationis sensum apud Leibnizium esse, qui est apud eos, qui ita praedeterminationem introducunt, qua posita causa praedeterminante, non potest non sequi effectus: sed eam tantum hoc loco praedeterminationis, quae et praedictio vel connexio rerum dici queat, ideam esse, qua posita, facultas, etsi alterum prae altero eligat in ipso sui exercitio, et constanter quidem; suo tamen id faciat arbitrio possitque in hisce omnibus circumstantiis agere aliud atque aliud. Ideoque Leibnizium supra monuisse, has

y) In Dilucid. phil. S. I. c. 4. §. 88. p. 81.

„has determinationes esse inclinantes tantum non necessitantes, ita ut semper aliqua indifferentia siue contingentia sit salua.“ Sed et alterum illud dogma, quod Baylio Leibnizius opposuit, de mundo optimo innumerarum controuersiarum semina in orbe philosophico et theologico sparfit; longumque esset, scripta ea enarrare omnia, quibus ex utraque parte de hoc argumento decertatum est. Otium ea in re nobis fecit Cel. LUDOVICI<sup>2</sup> diligentia, qui literariam huius quaestionis historiam scire cupientibus adeundus est. Quo sensu autem mundum praesentem, mali mixtura temperatum ex serie infinitorum mundorum possibilium Deum velut optimum elegisse dixerit, ex §. xxxi. et sequentibus liquet. Nempe malum etiam ad optimi mundi naturam requiri, indignum videtur viris doctissimis Dei bonitate et iustitia. Ast habent hic quoque, quid regerant Leibnizii sectatores: nempe id voluisse philosophum: seriem contingentium omnium, praesentium, praeteritorum atque futurorum, quam mundus exhibet, optimam esse, quia ab ente et summo bono et sapientissimo conditus mundus est: neque optimum esse desinere, licet in eo sit malum; quum et mala ab ente sapientissimo in optimum finem dirigantur. Rationem autem diuinae voluntatis atque electionis non nisi a summo bono sumi posse. Nos in tantis animorum motibus agitata controuersia arbitrii partes non sumimus, qui historiam tantum scribimus, fatemur autem, suspicari nos, viros praestantissimos, qui de hoc argumento disceptarunt, disputationis feruore abreptos occupatosque non se semper satis perspicue accurateque inter se intellexisse. Ceterum ipsum dogma nouum haud est, sed vidit ipse Leibnizius<sup>a</sup>, ut acutissime coniciebat, systema Zoroastris parum abludere, quem ex Mithra non lucem tantum sed et tenebras, id est limitationem et priuationem deduxisse, hincque ex limitatis creaturis mali causam deriuauisse suo loco ostendimus: quamuis fatendum, sobrie magis et prudenter philosophatum fuisse Leibnizium, quam Zoroastrem, qui essentiarum omnium emanationem ex DEI essentia tanquam ex subiecto statuebat, a qua alienum fuisse Leibnizium supra ipsius verbis euicimus. Ipsum vero mundum optimum Deum elegisse, at talem, cui malum ex natura sua, non DEI, insit, fecisseque Deum, quicquid poterat ut malum hoc emendaret, et ad optimos fines dirigeret, ex *κρυπταῖς δόξαις* Platonis fuit, quem ideo LEIBNIZIUS<sup>b</sup> ipse laudauit. Ast longe melius tamen puriusque in eo dogmate asserendo versatus est Leibnizius, qui nec materiam demiurgo adiunxit, nec malum aliter nisi in limitatione et priuatione quaesuit, cum Plato nescio quam naturam mali positiuam et essentiali materiae tribueret. Ex quo constare potest, quousque in comparatione veteris doctrinae cum Leibniziana sit progrediendum. Nullum autem malum esse in mundo, quod non respectu totius bonum euadat, adeoque mundum hunc esse optimum dixit iam BRUNVS<sup>c</sup>.

## §. XXXIX.

2) In Hist. Phil. Leibn. P. II. c. 23. §. 606. sqq. p. 414 sq.  
 a) Vid. praef. Theodiceae p. m. 39.

b) Ep. ad Hansch.  
 c) De Minimo p. 134.

§. XXXIX. Disputatum quoque est de his et nonnullis aliis metaphysicae capitibus inter Leibnizium, et qui Newtoni placita sequebatur Clarckium: quae tota quidem disputatio ex antecedentibus intelligi potest. Quoniam tamen in ea nonnulla occurrunt, in quibus Leibnizius a pristina sententia sibi discedendum putauit, ea quoque hoc loco *ὡς ἐν παρόδῳ* tangemus; commendamus autem lectionem ipsam epistolarum a duumviris his acumine metaphysico insignibus scriptarum, quae in plena luce rem omnem, etiam superiora collocant. Nuper quoque pugnam renouauit ingeniosissimus VOLTAIRIVS, instituta *comparatione inter metaphysicam Leibnizianam et Newtonianam*, quae negligi prorsus potuisset, cum Newtono, de mathesi et naturali disciplina artibus mathematicis et obseruationibus inaedificata immortaliter merito nunquam in mentem venerit, systema metaphysicum condere <sup>a</sup>. Quoniam tamen, quod argumentis et rationibus parum valuit, ingenii elegantia efficere conatus est, laudanda est doctissimi KAHLII industria, qui Leibniziana dogmata de Deo, de spatio et duratione, de libertate Dei, de principio rationis sufficientis, de libertate hominis, de religione naturali, de anima eiusque commercio cum corpore, de origine perceptionum, de materia et elementis siue monadibus, de vi actiua in apicum posuit, et vindicare ab insultibus Voltairianis studuit <sup>c</sup>. Eum itaque illos consulere iuuat, qui de hac controuersia notitiam paulo ampliorem cupiunt. Nos instituti memores paucas quasdam assertiones notamus, quae ad cognoscendam metaphysicam Leibnizianam pertinent. Sunt vero istae:

I. Vis in operibus diuinis semper eadem subsistit, transitque ex materia in materiam, secundum leges naturae, et pulcherrimum ordinem praestabilitum. Quando itaque Deus facit miracula, fit id non naturae sed gratiae causa. Qui aliter iudicat, abiecte de sapientia et potentia Dei sentit <sup>d</sup>.

II. Non mathematica principia sed metaphysica opponenda sunt impietati materialistarum <sup>e</sup>.

III. Fundamentum omnium veritatum mathematicarum est principium contradictionis siue identitatis, vt vero mathesis traducatur ad physicam, opus adhuc est principio rationis sufficientis.

IV. Quo plus est materiae in mundo, eo plus habet occasionis Deus, exercendae sapientiae et potentiae suae <sup>f</sup>. Vacuum itaque sine ratione sufficienti ponitur.

V. Ratio omniscientiae diuinae non est sola praesentia, sed et operatio; conseruat enim res actione illa, quae perpetuo id producit, quicquid in eis et bonitatis et perfectionis.

VI. Crea-

d) Legi merentur, quae de natura et indole philosophiae Newtonianae differit ROGERIVS COTESIVS in praef. Principis phil. praemissa.

e) Prodiit Examen comparationis Voltairianae Gottingae 1741. 8. f) T. I. Rec. Ep. I. p. 4. g) Ep. II. p. 13. h) ib. p. 16.

-Hist. philos. Tem. V.

Kkk

VI. Creaturae opus habent influxu Dei perpetuo, sed non ad emendandam et corrigendam mundi machinam; Deus enim qui praeuidit omnia, etiam in antecessum medicinam attulit; est enim in operibus eius pulchritudo praestabilita <sup>i</sup>.

VII. Qui spatium pro ente quodam absoluto habent, ingentibus difficultatibus premuntur, sequitur enim, debere esse ens aeternum et infinitum, adeoque ipse DEVS. At Deus spatium habet partes, adeoque Deus esse nequit <sup>k</sup>.

VIII. Spatium itaque est relatiuum quid, vt tempus. Nempe spatium est ordo coëxistentium, vt tempus ordo successionum.

IX. Quod supernaturale est, omnes creaturarum vires superat, hinc miracula <sup>l</sup>.

X. Simplex voluntas sine ratione mouente est figmentum, et contradictorium, naturaeque voluntatis aduersum, et perfectioni diuinae contrarium.

XI. Animae non operantur in corpora, nisi quatenus conspirant corpora cum eorum appetitu per harmoniam praestabilitam <sup>m</sup>.

XII. Nemo nouas vires potest naturae addere praeter Deum, idque tantum facit supernaturaliter.

XIII. Imagines, quibus anima immediate afficitur, sunt in ea ipsa, sed conspirant cum corpore; praesentia animae autem imperfecta tantum est, nec potest aliter explicari, quam per harmoniam et concordiam.

XIV. Qui contendunt vires actiuas et viuentes minui in mundo, neque primarias naturae leges, neque pulchritudinem operum diuinorum intelligunt <sup>n</sup>.

XV. Dantur miracula, quae minora vel inferiora dici possunt, quaeque efficere angelus potest; quae vero supra omnem naturae virtutem sunt, e. g. creare et annihilare, Deo soli competunt.

XVI. Quod necessarium est, tale est per essentiam suam, quia oppositum contradictionem implicat; quod autem contingens est, debet existentiam suam principio melioris, quae est ratio sufficiens rerum <sup>o</sup>.

XVII. Inde sequitur rationes mouentes inclinare, non cogere, esseque certitudinem infallibilem, non vero necessitatem absolutam in contingentibus.

XVIII. Voluntas nostra non sequitur semper praecise intellectum practicum, potest enim inuenire rationes suspendendi iudicium, donec rem altius expenderit. <sup>p</sup>.

XIX. Res relatiuae, non minus quantitatem habent quam absolutae. Hinc quamuis tempus et spatium relationes sunt, possunt tamen esse quantae <sup>q</sup>.

XX. Non

i) pag. 18.

k) Ep. III. p. 31.

l) pag. 30.

m) Ep. IV. p. 57.

n) pag. 50.

o) Ep. V. p. 85.

p) pag. 86.

q) p. 115.

XX. Non dantur substantiae creatae, quae omni prorsus materia carent; nam angelos quoque et intelligentias, quamuis incorporeas, et crasso corpore destitutas, subtilius corpus habere vetus est et vera sententia <sup>r</sup>.

XXI. Materia et spatium idem non sunt; verum non est spatium, vbi non est materia, nec est illud aliquid reale absolutum. Differunt spatium et materia, sicut tempus et motus; quamuis autem diuersa sint, nunquam tamen separantur.

XXII. Neque tamen inde sequitur, materiam esse aeternam et necessariam, nisi supponatur falso et inepte, spatium esse aeternum et necessarium.

XXIII. Hypothesis atomorum et corporum similiarum euertitur per principium indiscernibilium.

XXIV. Ab extensione ad durationem non valet consequentia.

XXV. Si natura rerum vniuersi est, vt vniformiter perfectio earum crescat, necessario inde fluit, vniuersum habuisse initium <sup>r</sup>.

XXVI. Initium mundi non derogat infinitae eius durationi a parte post, sed limites vniuersi derogant infinitati extensionis eius. Conuenit itaque magis auctori rerum infinito, ponere rerum initium, quam limites eius admittere.

XXVII. Aeternitas mundi non tollit eius dependentiam a Deo.

XXVIII. Causa harmoniae vniuersalis quaerenda est, in natura substantiae simplicis, siue monadis verae, quae in eo consistit, vt status sequens exoriatur ex statu antecedente <sup>r</sup>.

XXIX. Omne agens quod sequitur causas finales est liberum, licet conspiret cum eo, quod agit modo per causas efficientes sine cognitione, siue per machinam, quia Deus, qui praevидit, quid causa libera susceptura sit, ita disposuit machinam, vt non possint non harmonice conspirare.

XXX. Supernaturale est, quando corporum vniuersitas nouam vim accipit, sicque corpus aliquod nouas vires nanciscitur, et tamen alia tot virium non amittunt <sup>r</sup>.

XXXI. Sine creaturis immensitas et aeternitas Dei locum non habuissent, nempe sine vlla dependentia temporis et loci; si enim creaturae nullae essent, esset nec tempus, nec locus, adeoque nec spatium actuale <sup>r</sup>.

XXXII. Immensitas Dei est independens a spatio, vt aeternitas a tempore. Id vero tantum inuoluunt, Deum respectu istarum rerum praesentem et coexistentem rebus esse existentibus omnibus. Si itaque Deus solus existeret, non existerent tempus et locus, nisi vt possibilia, in ideis diuinis <sup>r</sup>.

Kkk 2

XXXIII.

r) p. 119.

s) Ep. V. p. 124.

u) p. 131.

v) p. 133.

x) p. 138.

y) p. 139.

XXXIII. Immenfitas et aeternitas Dei aliquid maius et eminentius involuunt, quam durationem et extensionem creaturarum, cum in relatione ad magnitudinem, tum in relatione ad naturam rei. Nec opus habent re quadam extra Deum fita, ut sunt tempus et locus, quae actu existunt.

XXXIV. Subiiciendae sunt attractiones, et operationes aliae, quae explicari nequeunt per naturam creaturarum: illae enim aut miraculum supponunt, aut qualitates Scholasticorum occultas, quae nos in regnum tenebrarum retrahunt.

XXXV. Qui principium rationis sufficientis negat, ad absurdum compulsus esse recte creditur.

*Iuris naturae  
lis praecepta  
Leibniziana.*

§. XL. Moralis philosophiae praecepta non tradidit Leibnizius, fundamenta tamen eius in fine monadologiae tetigit, quae inde repetenda. Quae vero ad iuris naturae disciplinam et virtutis inter homines exercendae rationem requirantur, his assertionibus explicuit \*.

I. Ius est quaedam potentia moralis, et obligatio necessitas moralis. Intelligitur autem moralis, quae apud virum bonum aequipollet naturali.

II. Vir bonus autem est, qui amat omnes, quantum ratio permittit.

III. Iustitia igitur, quae virtus huius affectus rectrix est, quem Graeci *φιλανθρωπίαν* vocant, est caritas sapientis, hoc est, sequens sapientiae dictata.

IV. Caritas est benevolentia vniuersalis, et benevolentia amandi siue diligendi habitus.

V. Amare est felicitate alterius delectari, vel felicitatem alterius adfiscere in suam.

VI. Nempe quum res pulchra simul felicitatis est capax, transit affectus in verum amorem.

VII. Superat autem diuinus amor alios amores, quod Deus cum maximo successu amari potest, quando Deo simul et felicius nihil est, et nihil pulchrius felicitateque dignius intelligi potest. Et quum idem sit potentiae et sapientiae summae, felicitas eius non tantum ingreditur nostram, si sapimus, id est, ipsum amamus, sed et facit.

VIII. Sapientia nihil aliud est, quam ipsa scientia felicitatis.

IX. Ex hoc iam fonte fluit ius naturae, cuius tres sunt gradus, ius strictum in iustitia commutatiua, aequitas, vel, angustiori sensu, caritas in iustitia distributiua; denique pietas vel probitas in iustitia vniuersali.

X. Inde peruulgata iuris praecepta nascuntur: neminem laedere, suum cuique tribuere, honeste, vel potius pie, vivere.

XI. Iuris meri siue stricti praeceptum est, neminem laedendum esse, ne

\*) In Praef. ad Cod. I. G. diplomaticum.

ne detur ei in ciuitate actio, extra ciuitatem ius belli. Hinc nascitur iustitia commutatiua.

XII. Superior gradus vocari potest aequitas, vel si mauis caritas, quae ultra rigorem iuris meri, ad eas quoque obligationes porrigitur, ex quibus actio iis, quorum interest, non datur, qua nos cogant.

XIII. Quemadmodum infimi gradus est, neminem laedere, ita medii est, cunctis prodesse, sed quantum cuique conuenit, aut quantum quisque meretur, quando omnibus fauere non licet.

XIV. Itaque huius loci est iustitia distributiua, et praeceptum iuris, quod suum cuique tribui, iubet.

XV. Atque huc in republica politicae leges referuntur, quae felicitatem subditorum procurant, efficiuntque passim, ut qui aptitudinem tantum habeant, acquirant facultatem, ut petere possint, quod aliis aequum est praestare. In hoc gradu merita ponderantur, unde priuilegia, praemia, poenae locum habent.

XVI. Ex his constat aequitatem nobis in negotiis strictum ius, id est, hominum aequalitatem, commendare, nisi cum grauis ratio boni maioris ab eo recedi iubet. Personarum autem, quae vocatur, acceptio, suam non in alienis bonis commutandis, sed in nostris vel publicis distribuendis sedem habet.

XVII. Supremus iuris gradus probitatis vel pietatis nomine venit. Ius enim strictum miseriam quidem vitat, ius superius ad felicitatem tendit, sed qualis in hanc mortalitatem cadit: et, intra mortalis vitae respectus coercetur.

XVIII. Ut vero vniuersali demonstratione conficiatur, omne honestum esse utile, et omne turpe damnosum, assumenda est immortalitas animae, aut vniuersi auctor Deus.

XIX. Ita fit, ut omnes in ciuitate perfectissima viuere intelligamur, sub monarcha, qui nec ob sapientiam falli, nec ob potentiam vitari potest, idemque tam amabilis est, ut felicitas sit tali Domino seruire.

XX. Huius potentia prouidentiaque efficitur, ut omne ius in factum transeat, ut nemo laedatur, nisi a se ipso, ut nihil recte gestum sine praemio sit, nullum peccatum sine poena.

XXI. Nihil enim negligitur in hac republica vniuersi.

XXII. Ex hac consideratione fit, ut iustitia vniuersalis appelletur, et omnes alias virtutes comprehendat; quae enim alioqui alterius interesse non videntur, veluti, ne nostro corpore aut nostris rebus abutamur, etiam extra leges humanas, naturali iure, id est, aeternis diuinae monarchiae legibus vetantur, quum nos nostraque Deo debeamus, et vniuersi interfit, ne quis re sua male utatur.



XXIII. Itaque hinc supremum illud iuris praeceptum vim accipit, quod honeste, id est, pie vivere iubet.

XXIV. Praeter aeterna naturae rationalis iura ex diuino fonte fluentia ius etiam voluntarium habetur, receptum moribus, vel a superiore constitutum.

XXV. Et in republica quidem ius civile ab eo vim accipit, qui summam potestatem habet, extra rempublicam vero inter eos, qui summae potestatis participes sunt, locus est iuri gentium voluntario tacito populi consensu recepto.

XXVI. Non vero necesse est, ut sit omnium gentium vel omnium temporum, non enim omnia omnibus placent.

XXVII. Basis iuris feccialis inter ipsum naturae ius est.

XXVIII. Personam iuris gentium habet, cui libertas publica competit, ita ut in alterius manu de potestate non sit, sed per se ius armorum foederumque habeat, quanquam forte obligationum vinculis superiori sit adstrictus, et homagium, fidem, obedientiam profiteatur.

XXIX. Quod si magna sit eius auctoritas, potentatus nomine venit, unde suprematus exsurgit, qui tamen superiorem in republica non excludit.

XXX. Suprematum habere creditur, qui satis et libertatis et potentiae habet, ut rebus gentium per arma et foedera cum auctoritate interuenire possit.

XXXI. In liberis rebus publicis civilis persona ad instar naturalis intelligitur, quoniam voluntatem habet.

XXXII. Quod si legibus fundamentalibus non satis prouisum sit reipublicae, ut ad certam eius voluntatem perueniri possit, habet aliquid irregularitatis forma eius.

XXXIII. Actus sunt vel dispositiones iure efficaces, vel pertinent ad viam facti.

XXXIV. Qui iuris effectum habent, sunt extraiudiciales vel iudiciales: atque illi vel ab vno latere fiunt, ut testamenta, vel sunt conuentiones.



## CAPVT NONVM.

## DE CHRISTIANO THOMASIO.

## §. I.

**L**eibnizio in historiae philosophicae recentioris enarratione merito iungimus CHRISTIANVM THOMASIVM, *Chr. Thomas-  
sui historia  
unde peten-  
da.* rum et sua aetate magnum, et meritis de repurgata philosophia hodie quoque illustrem. Eodem enim, quo Leibnizius, tempore reformare philosophiam est aggressus, nouumque eius systema eclecticum condere coepit. Cuius viri historia eo magis attentione digna est, quo magis eius potissimum moliminibus mutati philosophiae vultus in academiis protestantium Germanicis adscribendi sunt, isque maiori strepitu, quam reliqui ante eum omnes, magnum istud negotium aggressus est. Nec hoc solo nomine illustrem in scientiarum annalibus vir summus memoriam consecutus est, sed haud parum quoque ille conatibus suis ad id contulit, vt totius eruditionis facies immutaretur, elicerentur innumera praecidia, et plurimum animorum accederet illis, qui relinquere patrum semitas et sine cortice natate contenderunt. Merito itaque miramur, inuentum esse hactenus neminem, qui tanti tamque celebris viri historiam literariam scriberet, quaque via, quo animo, quibus mediis ad scientiarum, praecipue philosophicarum et iuridicarum emendationem fuerit progressus, quid vel frustra tentauerit, vel parum ex voto assecutus fuerit, quos vultus disciplinis omnibus, praecipue quae sapientiam moralem et iurisprudentiam respiciunt, affinixerit, quibus ex causis aliquoties systema iuris naturalis electum mutauerit, quibus artibus in tantis animorum iris atque commotionibus intrepidum pectus aduersariis obiecerit, in qua re de literis meruerit, in quibus hominem se prodiderit, quaeque alia sunt ad historiam eiusmodi, si utilis esse debeat et iucunda necessaria, exponeret. Quod illi, qui viri celeberrimi res tetigerunt <sup>a</sup>, inter quos vnus praestat doctissimus LEPORINVS <sup>b</sup>, tantum abest, vt praestiterint, vt non nisi scopas dissolutas in historia Thomafiana deprehendamus. Viros ideo doctos, et monumentorum subsidiis satis instructos, a partis vero studio alienos et veritatis studiosos compellamus, vt hoc saxum voluere non recusent, ita enim speramus, fore, vt dimidii seculi historia eruditaresque maxime memorabiles annalibus tradantur. Nobis desideria haec explere licitum non esse instituti praesentis atque tractationis natura atque

<sup>a</sup>) GOTTSCHLING. in breui hist. urbis Halensis c. 5. p. 3. seqq. A. E. 1729. p. 470. Bibliotheca Germanica T. I. p. 138. GENTZ-  
NIVS Hist. phil. p. 212. I. FABRICIVS Hist.

bibl. suae T. III. p. 142. Bibliotheca iuris imperantium p. 47. similesque scriptores alii.

<sup>b</sup>) In Germania literata hodie viuentis P. II.

que conditio satis manifeste prodit: sufficit enim Thomassium intueri tanquam philosophum et philosophiae reformatorem. Ad veros tamen et genuinos fontes respiciemus, nihilque eorum, procul ab odio et fauore remoti, omitemus, ex quibus constare poterit, quem locum vir celeberrimus in philosophiae recentioris historia occupet, quamque in theatro philosophico personam valde memorabilem effinxerit.

*Ortus, edu-  
catio, studia  
Thomassii.*

§. II. Natus est Christianus Thomassius ipsis calendis Ianuarii anni 1650 c l v <sup>c</sup>, Lipsiae, patre satus Iacobo Thomasio, cuius eruditionem et insignia in rem literariam merita toties depraedicauius, vitamque et res literarias in *antecedente huius Toni parte* enarrauius. Is vt ingenium habebat elegantissimis foetibus ciuitati eruditae vtilissimum, ita coniugii fertilitate non minus disciplinis auspicatissimus euasit, prodiit enim ex eo par nobile fratrum Christianus et Godefredus, qui illustris doctrina medicus hodie adhuc literas praeclare apud Noricos ornat. Tanto parente cum gauderet noster, facile intelligi potest, nihil ab eo vel prudentiae artisque, vel industriae et attentionis fuisse omissum, quo ingenium, quod acerrimum et elegantissimum filius erat nactus, comere, ornare, castigareque posset. Quod quanta felicitate executus fuerit vir praestantissimus euentus postea docuit. Cum enim agrum natura fertilem accepisset, et cultura accederet prudens et indefessa, fieri non potuit, vt non iacta scientiarum semina mature iucundissimam segetem ostenderent, et amplissimam messem pollicerentur. Nec solus in hoc fundo excolendo industriam suam pater posuit, sed emendandum parandumque quoque tradidit eruditissimis viris, quibus eo tempore Lipsiensis academia, virorum doctorum semper feracissima, abundabat. Inter quos Thomassii praeceptores eminere Fellerus, Rappoltus, Ittigius, Alberti, Menckenius, Franckensteinus, Rechenbergius alique, quorum vnus et alter postea, cum is reformare philosophiam et iurisprudentiam coepisset, infestis cum eo signis concurrat. Vnde factum, vt obiicerent, conspuisse eum valde ingratum in faciem praeceptorum, immo, cum pater ipse scholasticam vel Peripateticam philosophiam docuerit, in patrios cineres minxisse. Quod impietatis opprobrium studiose a se declinauit Thomassius, seque gratum et addictum debere animum praeceptoribus professus est, sed additiorem tamen veritati. Neque is parens erat, a quo castioris disciplinae semina haurire non posset, eum enim multa praeclare vidisse, licet temporis sui fato ea vulgare prohiberetur, suo loco obseruauimus <sup>d</sup>. Conquestus autem est filius <sup>e</sup> defuisse ipsi occasionem, patris institutione ita fruendi, vt omne, quod posset, emolumentum inde caperet. Debebat autem patris diligentiae quod in disputando valde exerceretur, disceret-

c) Vid. Programma ab illustri viro Iurisprudentiae diuinae praemissum, quod cum historiam studiorum iuuenilium eius enarret, omnino reliquis omnibus praefendum est.

d) Idem monet THOMASSIUS l. c. §. 11, p. 8.

e) Vid. Annor. ad testamentum Offenii p. 392. STOLLIVS Hist. lit. P. II. c. 4. p. 684.

discereturque ex huius arenae literariae usu atque consuetudine quadam animi praesentia ad controuersias virorum doctorum attendere. Quin et hoc parentis curae adscribendum est, quod philosophiae eiusque historiae, in qua ille excellebat, studium, iurisprudentiae praemiserit, quo pacto fundamenta iacta sunt, quibus nouum disciplinarum philosophicarum et iuridarum aedificium feliciter superstructum est. Accidit autem, ut, quod ipse narrat <sup>f</sup>, ex scholis triuialibus ad academica studia traductus, patrem audiret HVGONIS GROTHII libros *de Iure belli et pacis* exponentem, ubi, etsi tum temporis multa non intelligeret, cepisse tamen ipsum, ait, „doctrinae dignitatem et elegantiam, ut prae reliquis ei percipiendae et in „succum, quod aiunt, et sanguinem redigendae mox serio incumberet. „Cumque meminisset, patrem saepe in expositionibus suis auditores remississe modo ad theologos, errores Grothii in religione notantes, saepe ad iureconsultos, ut ad quos potissimum opus Grothii pertineat, necessarium duxisse in priuata lucubratione lectioni Grothii iungere commentatores eius „duos, vnum Iohannem Casparem Zieglerum, alterum Tubingenfium theologum Ioannem Andream Osiandrum, quorum ille breuibus sed succinctis in „Grothium obseruationibus, in multis nebulas obscuritatis depulerit, hic praeterea Ziegleri, etiam cum non nominat, repetens, in istis quidem memoriam suam confirmauerit, in reliquis cautiones ipsi suppeditauerit, „ab heterodoxis Grothii opinionibus, simul vero Scholasticorum philosophiam moralem hinc inde pandit. Prodiisse tum SAMUELIS PUFENDORFII libros *de Iure naturae et gentium*, eosque auide „se legisse, non solum quia praegustum ipsi dedissent eiusdem *Elementa*, „quamuis obiter inspecta, sed et quod ipsum caperet nimium quantum „stilus nitidus et perspicuus. Ac deprehendisse se quidem hic plurima, „quae Grothius neglexerat, plene exposita, non pauciora, quae ipsum „Grothium obscure loquentem illustrarent, sed non placuisse tamen aliqua, „quae communem doctrinam impugnarent. Non nouisse se enim quaestiones philosophicas a theologicis discernere, nec fuisse, qui id ipsum „doceret, et quamuis non appareret, quo pacto obiectionibus Pufendorffii posset satisfieri, neque responsiones eruditorum cum quibus data occasione ea de re consulerit, satisfecerint ex asse, praeualuisse tamen auctoritatem tot virorum venerandorum, ut stupiditatem potius ingenii sui „accusaret, quam sinistri aliquid de doctrina communi suspicaretur.“ Haec de primis philosophiae conaminibus suis Thomasius, qui et porro narrat, qua ratione ad iurisprudentiam delatus in hoc tramite perrexerit, id quod factum, postquam anno 1671 primam et secundam lauream, quam vocant, in academia patria accepisset. Audienda est ipsa viri magni narratio, quae istorum temporum rationes literarias in scholis publicis

f) f. 5. p. 3.

*Hist. philos. Tom. V.*

LII

publicis mire illustrat. „Perduxit me, inquit ff, interea amor iuris naturalis, vt consensu patris ex tribus facultatibus superioribus iurisprudentiam eligerem, ea magis intentione, vt defectum philosophiae hac parte supplerem, cum praeter memorata vel doctissimi BOECKLERI commentarius in *Grotium* ostenderet, haerere aquam iis, qui iurisprudentia destituti ex sola philosophia, quae in academiis docetur, ius naturale pro dignitate eruere et explicare aggrediuntur. Iaciebam ergo eius fundamenta quaedam vtcunque, et cum nullum ductorem haberem, qui methodum praescriberet, sequebar tritam viam, et modo hunc, modo illum audiendo comparabam notitiam potius aliquam confusam et laceram, ac male cohaerentem, quam prudentiam genuinam.“ Anno clo 16 c lxxv a parente in academiam Francofurto - Viadrinam missus est, vt quos sentiebat, studiorum defectibus mederetur. Verum nec eo in loco rem successisse, narrat, „non culpa quidem praeceptorum suorum, virorum optimorum et singulorum sua laude fruentium, sed potius, quod vulgata discendi methodus, secundum quam a plurium doctorum, inter se non raro dissidentium et diuersis hypothesebus subnixorum ore simul pendere consueuerit iuuentus, ad solidam doctrinam parum esset apta, quodque, vt fieri solet, multas horas, quae studiis et auscultationi impendendae fuissent, perderent sodales et conuersatio cum paribus.“ Erant autem tum in iurisprudentiae disciplina praeceptores Thomasio Stryckius et Rhetius, qui licet doctissimi essent, ex adductis tamen intelligitur, cur disciplina academica illi parum profuerit. Alacris enim promptusque ingenio, et acerrime iudicans maius, quo discendi ardor nutriretur, pabulum quaerebat, et ipse sibi prodesse conabatur. Hinc trito proverbio, docendo nos discere, monitus, tentare apud se constituit, an lacunas, quas in male cohaerente rerum variarum, quibus caput repleuerat, congerie obseruabat, supplere, et studia hactenus saepius interrupta concatenata inter se serie iungere ac sociare valeret. Nactus itaque veniam docendae iuuentutis, eam et institutiones iuris docuit, et IANI KIENCKII *Quaestiones ad libros Grotii* illi explicuit, exploraturus quantum ex lectione et meditatione Grotii atque Pufendorffii profecisset. Neque tamen Scholasticorum principia moralia tum quidem deseruerat, nec probabat Pufendorffium, multa innouantem, in qua heterodoxiae suspicione ipsum confirmauisse, ait, et *Indicem nouitatum* contra Pufendorffium editum, de quo suo loco dicendum, et scripta eristica, quibus velut communis hostis Pufendorffius ex omni parte oppugnabatur. Quos et amore orthodoxae veritatis et multitudine syllogismorum prolixorum et intellectu difficillimorum se in admirationem traxisse, credentem non habiturum Pufendorffium, quid reponeret, candide fatetur. Ast alia omnia euenerunt, cum *Apologiam* Pufendorffii legeret, videretque arma aduersariorum eius impetum sustinere non posse. Tunc enim dispelli

dispelli incipiebant nebulae, quibus hactenus animum partis studium cinxerat, et opinio firmauerat, nihil in dubium vocandum esse, quod theologi declarauissent esse theologicum. Nam tum primum agnito discrimine inter theologiam et philosophiam deprehendisse se, ait, multa a theologis vnanimi consensu defendi, quae theologica non essent, sed ad philosophiam moralem aut iurisprudentiam pertinerent, pro doctrinis autem theologicis haberentur, quod philosophi catalogo vndecim virtutum Aristotelico et ICTi glossatoribus suis contenti, theologis ansam dederint nobilem sapientiae partem neglectam et domino vacuum occupandi. Et sic quidem feruidi ingenii magnorumque spirituum iuueni animus, mirum quantum, creuit, vt dubitare de doctrinis Scholasticorum moralibus inciperet; qua in re parentis exemplo confirmatus est, quem a priori sententia multoties abiisse nouerat; statuit itaque praeconceptis opinionibus non adhaerere, si veritas monstraretur. Sed eiiciendum esse et sectae praeiudicium et praeposterum malae famae ex relicta communi via metum pulchre intelligebat, sibi in senatu philosophico suffragium vindicandum esse, cum et ipse ratione vteretur, decernebat, ratus, peccaturum se in creatoris beneuolentiam, si pecudis instar capistro se, quo alii vellent, coecum duci pateretur. Itaque concultato auctoritatis imperio, ne fulgur alienae opinionis oculos excoecaret, ad ipsas, quae in controuersiam erant deductae, quaestiones attendere, enucleatoque vero earum statu, obiectiones et responsiones examinare coepit, nec desistendum esse statuit, donec ex qua parte veritas staret, cognosceret. Cuius diligentiae amplissimum mox retulit praemium: conuictus enim multa esse dediscenda, quae prius adsciuerat, coepit intelligere confusum chaos rerum sine recta via, sine certitudine congestarum omnem, quam studio suo, comparauerat, scientiam esse; et in id diligentiam contulit suam, vt hanc congeriem iusta meditatione in ordinem redigeret. Ita vero deferere castra philosophiae Scholasticae coactus, cum et male eos pugnare et signa tandem deferere, metu caussae iniustae videret, armatusque indignatione in vehementiam nonnullorum, qui in controuersis Pufendorfianis, cum ecclesiastici ordinis essent, acerbè in aduersarium fuerant debacchati, omne sectarium obsequium, quicumque etiam id imperaret, abiicere, libertatemque semel obtentam mordicus retinere firmissimo statuit consilio. Et hoc quidem pacto se sub duce illustri, (Stryckium vel Rhetium viros ea aetate celeberrimos intelligit) militasse ait, disputaue- rat enim publice *de Iure circa frumentum*, praefide Rhetio, at ita, vt ducem, non imperatorem, agnosceret, et saepius ad emendanda priora melius iam intellecta et digesta manum admoueret, quem morem ad vitae finem seruauit, vt cogitationibus prioribus posteriores haud raro substitueret. Hoc ita doctrinae suae modo constituto cum doctoris iuris insignia eo anno capeffiuiisset, ad iter literarium se accinxit, et peragratis Germaniae inferioris terris ad Batauos accessit. Qua in regione cum

haud pauca virorum eruditissimorum musea adiret, ingenio acri, erecto et eruditione iam tum valde ornato multorum beneuolentiam meruit, maxime autem Ioannem Georgium Graeuum, virum celeberrimum fautorem nactus est, qui quoque egregie eum datis literis sylvaticis commendauit, cum praestantissimi ingenii elegantiam in eo deprehendisset. Er retinuisset eum apud Batauos si annuisset, sed patriam meditabatur Thomafius, inquam absoluto itinere est reuersus.

*Studia Thomafii patriae restituti.*

§. III. Restitutus patriis laribus, excussoque parumper pristino torpore, iuris ciuilis disciplinam seuerius excolendam aggressus est, quam docendo metam iterum attingere, iuris naturalis praefidio vultus sperabat, quamuis pandectarum interpretationem nunquam integram antea percepisset<sup>b</sup>. Sed ad forum quoque transferre pedem, iusque ad facta singularia applicare coepit; quo in labore plus sibi philosophiam moralem profuisse, quam innumera iurisperitorum consilia narrat. Nempe meditationi et principis iuris naturalis atque facti considerationi attentae atque sollicitae plurimum fidebat; quo pacto pulchre causas nonnullas tuitus est, cuius industriae specimen aliquod extare publice voluit<sup>i</sup>. Retraxit tamen paulo post pedem a strepitu fori, contentus commoda et incommoda iurisprudentiae forensis didicisse; cum iam tum intellexisset, falli eos, qui forum aulae esse *προπαιδεύματα* statuunt, et turbae taedia paulo ferret impatientior. Reuersus ergo ad industriam domesticam, et tranquillitatis in otio philosophico emicantis studium, iuuentuti literarum disciplinam ambienti scholas aperire, et cogitationes de sapientia in ordinem redactas tradere constituit. Cumque iuris naturalis scientiam fundamentum esse omnis iurisprudentiae prudenter decerneret, eius fundamenta haecenus in academiis neglecta vel non satis excolta restaurare aggressus est. Ducem autem initio elegit Hugonem Grotium *de Iure belli et pacis* erudite quidem praecipientem, sed paulo obscuriorem, quique explicatione et emendatione apud iuuentutem studiis dicatam opus habebat. Accurrebat magna iuuenum frequentia, quos et nouitas disciplinae, et commendata utilitas attraxerat. Metus autem pestis, qui subito animos occupauerat ita eas paulo post disiecit, vt solus cum Grotio relinqueretur Thomafius. Resumit tamen telam restituta patria, cum rediissent auditores, et finem tandem commentationibus suis imposuit. Quas ita absoluit, vt collatis iis cum Grotio, et commentatoribus omnibus et Pufendorfio, lumina praeceptis Grotianis accenderet, et vbique iudicium interponeret suum. Absoluto cursu Grotiano, cum disciplinam iuris naturalis sibi iterum tradendam alii expetiissent, Pufendorfi ducem elegit, quem elegans *de Officio hominis et ciuis* tractatio valde commendauerat: praemisit autem satis amplam controuersiarum auctori motarum magnaue tum vehementia agitarum

g) Conf. SCHVARTZFLISCH Ep. arc. cccclxxix. T. I. p. 619.

h) l. c. § 14. p. 10.

i) In Causis iuridicis selectis P. I. n. 1. p. 1. seqq.

tarum historiam; momenta excussit, sententiam modeste dixit, partium studio valere iusso: ostendit fontes, origines, occasiones doctrinarum, hypothesium influxum in conclusiones, nexum principiorum cum assertionibus primumque aliquod principium iuris naturalis analytica methodo inuestigans, quid ex eo necessaria illatione sequeretur, demonstrare annisus est, id tamen agens, vt, vbi recedere a Pufendorffio eum cogeret veritas, rationes dubitandi, quae impellebant, candide exponeret. Maxime autem legem positivam vniuersalem fulcire, eaque supposita quaestiones iuris vniuersalis enodare felicius, quam haecenus factum, satagebat. Et hoc quidem pacto priuata industria rem publicam literariam iuuare, et pulcherrimae philosophiae moralis parti noua lumina accendere strenue contendebat. Vt autem publicum quoque eruditionis testimonium extaret, et philosophiae praesidia ad iurisprudentiam civilem traduceret, edidit anno 1703 *Annotationes theoretico-praepracticas in Io. STRAVCHII Dissertationes ad vniuersum ius Iustinianum priuatum*. Vixit his temporibus adhuc Thomafius pater, cuius prudentia senilis ferocem filii animum nouorum veritatum amore et propagandi studio vehementer accensum, et quadam dicendi acrimonia se efferentem moderata esse indignationi autem eorum, qui in cathedra publica docebant, et quos nouitas illa valde mordebat, obstitisse videtur, quo minus in lites publicas noua iuris naturalis disciplina degeneraret. Illud certum est, quamdiu is vixit, publicis contentiōibus non distractum fuisse filium. Ast vbi is anno 1705 c. lxxxiv satis concessit, magnarum turbarum et contentiōum acerbissimarum tumultus inter Thomafium, et Lipsienses doctores, qui in partes quoque traxerunt alios, exorti sunt, quos, quaelicet breuitate ex fontibus genuinis porro enarrabili.

§. IV. Relictis castris scholasticis, quae theologi quoque de praec- *Primā diff.*  
ceptis moralibus iureque naturali commentantes haecenus secuti erant, *dia Thomafii*  
ad Grotium primum, cumque is pacem cum Scholasticis aleret, ad Pufen- *Lipsiensia.*  
dorsium nouum doctrinae moralis aedificium exstruentem Thomafium defecisse, ex antecedentibus constat, quo loco etiam paucis diximus, quam sibi viam ineundam statuerit. Non coniecerat tamen cogitationes suas in chartam, sed, quodcunque meditationes suggessissent, viua voce auditoribus tradebat. Quos cum male ex ore eius praecepta iuris natura-

LII 3

lis

k) Diu inter arcanas historias et *alendora* latuere fata Thomafiana, donec tandem ipse pleraque enarraret, iis viuientium numero subditis, qui traegodiam concitauerant. Addidit enim BRENNERSENII Tr. de iure principum Euangelicorum in controuersis theologicis, expositionem summariam breuemque apologiam, lingua vernacula, in qua rem strictim exposuit. Integram quoque et plenam narrationem inseruit Causis iuridicis seriis, Germanice editis P. III. n. 1. p. 1. seqq. praefixo titulo Reliquiarum patris politici in intentata inquisitione in homines innocentes. Ipsam Apolo-

giam autem n. II. p. 44. seqq. exhibuit, quae titulum gerit: Narratio summaria electionis auctoris ex patria sua, eamque passim illustrauit. n. III. p. 201. seqq. autem lites Masianas enarrauit n. IV. p. 352. quae de consilio Francofurtano acciderunt, n. V. p. 492. vltimam persecutionem propter quaestionem matrimonisalem descripsit. P. III. autem attigit, quae ob collegium de praepiudiciis ei molestiam concitauerunt. Ex his fontibus narrationem nostram hausimus, qui plura sciendi cupido ad-eundi sunt. Nos rem, prout acta et delineatam sententiam ferendam Lectori relinquimus.



lis haud raro excepisse obseruauisset, succurrerent autem in dies plura; non a theologis modo, sed a iustitiae quoque sacerdotibus et interpretibus vel omissa, vel frustra promissa, quae supplenda esse in nobilissima doctrinae parte statuebat, ipse institutiones iurisprudentiae diuinae elaborare coepit, quibus Pufendorfianum iuris naturalis systema explicuit, eius hypotheses tanquam suas defendit; conclusionum nexum cum principiis exposuit, et ita introductionem in Pufendorfianum opus auditoribus tradidit, alia, intacta Pufendorffio, quae ad hanc disciplinam pertinere videbantur, suppleuit. Et ita quidem primum institutionum harum librum exire in publicum manibusque et iuuenum et virorum doctorum teri passus est. Factum id anno clocloxxxvii. In eo libro potissimum fundamenta moralitatis a Scholasticis in ipsa rerum moralium natura, sanctitatisque diuinae cum illis comparatae ratione antecederent ad voluntatem diuinam posita, Pufendorffium secutus, reiecerat, cunctis ad socialitatem reuocatis. Quod cum praecipuus in controuersis Pufendorffianis lapis offensionis fuisset, ut suo loco ex instituto exponemus, medendum vulneri, quod receptae doctrinae a Pufendorffio inflictum erat, ratus Valentinus Alberti theologus et philosophus Lipsiensis, ad statum integritatis et imaginis diuinae primaeuum pedem retulerat, quae res eum satis vehementer cum Pufendorffio commisit, ut suo loco trademus. Thomafius ergo, qui socialitatis principio, dudum Stoicis et Cumberlandio quoque contra Hobbesium pugnantem probato subscripserat, id sibi agendum esse statuit, ut ostenderet, non posse illud moralitatis obiectivae (ita Scholastici vocant) figmentum defendi, nisi solo nisi quis velit auctoritatis praeiudicio. Sed cum Albertina quae obstat hypothesis, eandem simul examinavit, et constare non posse, nisi aduersata multa admittantur demonstrauit. Consensum quoque gentilium philosophorum, ad quem ille saepe prouocauerat, non sufficere ad ius naturale definiendum statuit. Non nominavit tamen hunc praeceptorem suum, ne, qui in vna academia docebant, bella ferere viderentur. Secundum et tertium librum annis sequentibus edendo, non Pufendorffianam tantummodo viam ulterius preffit, sed et Pufendorffianis multa noua addidit, ius vniuersale diuinum posituum a naturali distinxit, capita iuris naturae auxit, polygamiam et incestum ex iure naturae euerti non posse, asseruit, aliaque adiecit plurima, a typo doctrinae hactenus retento abeuntia, et nouitatis impatientes irritare aptissima. Siluere tamen per aliquod tempus et Alberti et censores, sic ut hanc sibi libertatem publico programme, vernacula edito anno clocloxcxi, gratularetur Thomafius, et apertis studiosae iuuentuti scholis iurisprudentiam hanc suam ita explicaret, ut refutaret Albertinas hypotheses, quoties suis praeceptis aduersarentur. Et haec quidem latentem sub cinere ignem accendisse; ex dicendis constabit. Forte tamen in apertam flammam non tam cito erupisset, nisi accessissent scripta Thomafii

1) loc. cit. pag. 79.

Digitized by Google

lierium, nomina, ita differit, vt mores suo tempore paedagogicos et hypocriticos in academia patria regnantes, traducere voluisse plerique crederent. Tacemus argumentum reliquum ingeniose mordax, hodie tamen obscurius illis compariturum, quibus eius temporis arcanæ ignotæ sunt circumstantiæ. Haec cum animos, patriæ philosophiæ contemptu et reprehensione iam fauciatos vehementer affligerent, ad arma conclamatum est. Et ipse quidem *Dialogorum otiosorum* (tales enim colloquentes finxerat), auctor satyram in primis tantum colloquiis ad alliciendos lectores se adhibuisse, eo consilio, vt mutaret in seriam tractationem, quamprimum liceret, neminem autem laedere in animo habuisse semper testatus est. Aliter autem iudicarunt illi, qui virum iuuenem senibus praeclare de re publica erudita meritis amare insultare indignabantur. His dialogorum menstruorum opus liber famosus esse visus est, vnde non alio medio, quam summi magistratus imperio, in ordinem redigi posse Thomasi statuerunt. Querelas ideo suas ad supremum, qui Dresdae floret, senatum ecclesiasticum Electoris Saxoniae, cui paret academia Lipsiensis, detulerunt, rogantes, vt in auctorem anonymum velut calumniatorem publicum inquireretur. Ipse, qui sumtus fecit bibliopola eam ob rem, auctorem scripti denuntiare, iurisiurandi fide iussus est. Thomasi autem datis ad electorem literis supplicibus suo sumtu dialogos editos esse, sibi illata et persecutione graui intentata acerbè conquestrat, et principis auctoritatem implorauit, rogans, vt qui ipsum denunciasset, indigerentur. Mutauit quoque mense Martio dialogorum menstruorum titulum et serio magis se differere velle promisit, ita tamen satyrae inhaesit, vt dum se ipsum pingere simulabat, pseudophilosophiam, in cuius interitum iurauerat, falsè traduceret, quamuis in scholasticam tantummodo philosophiam, et doctrinam academicam omnem tum obtinentem ea dicta esse, nec personam vllam speciatim tangere, ipsa verbà satis prebent. Quo tamen non obstante facultas, quae dicitur, philosophica, duce Val. Alberti, se peti rata, nouas querelas ad proceres ecclesiasticos in aula Dresdensi detulit. Quod cum intellexisset Thomasi, amicosque in senatu ecclesiastico, quos aduersarii habebant, metueret, ipse ad supremum aulae mareschallum Haugewizium cui non displicere dialogos menstruos audiebat, confugit, eumque sibi et elegantiori eruditioni fauentem inuenit. Ipse, vt ardebat eo tempore animi vigore in mense Aprili vitam Aristotelis, potissimum ex PATRICII *Discussionibus Peripateticis* excerptam illis coloribus depinxit, vnde plene ad risum et contemptum Stagirita omnibus propinaretur, ea ingenii petulantia, vt falsius et acutius non posset. Quod vulnus, licet valde sentirent aduersarii Thomasi, quoniam tamen in aula patronum is nactus erat, ferendum vindictaeque tempus expectandum erat aliud, praecipue cum ipsos dialogos, causae suae

q) Conf. I. c. p. 39. vbi satis aperte id ipse innuit Thomasi.

r) I. c. p. 5.

suae bonitati filius electori Thomasio inscripisset. Ita per integrum annum hunc Ephemeridum literarum laborem continuando tela inimicorum prudenter declinauit. Neque illi tamen conquieuerunt, sed cum dicacitas eius animos vehementer vulnerasset, ferreque non possent, sine censorum iudicio extra patriam eius libros vulgari, et sine ordinis philosophici venia publice collegia indici, et auditorium priuatum excitari, conculcarique auctoritatem academiae ab optimis principibus firmatam, ita precibus et querelis suis ineunte anno 1661 senatum ecclesiasticum irritarunt, ut seuerio mandato academiae patribus et praetori circuli iniungeretur, loca illa satyrica exciperent, et a constituto coram concilio academico Thomasio eorum rationes exigerent, deque satisfactione poenaeque irroganda ordinem doctorum Witebergensem actis transmissis decernere iuberent, auctoritate senatus sanctioris autem illi centum ducatorum multa iniungerent, ne vel satyrica mordacitate, vel libris sine censura vulgatis laedere porro doctores publicos auderet. Cuius censurae valde grauis occasio, ex locis nonnullis enata est, quibus famam nonnullorum, maxime Alberti, laesisse culpabatur, quae tamen apud ipsum auctorem legenda sunt. Tempestatem hanc, in caput suum excitatam ut declinaret, libello supplicis electorem adiit Thomasio, causas persecutionis aperuit, denuntiantes ut rei testimonium dicerent iube re petiit, et ius fasque istiusmodi mandatis clandestinis artibus extortis laedi testatus est, viam iuris sibi aperiendam rogauit, et supremi principis tutelam implorauit, easdem preces ad ecclesiasticum dicasterium supremum detulit. Quam eius contentionem auxerunt insidiae Albertinae, quem Pusendorfianis litibus exacerbatum delatores passim dimisisse, accusasse apud administratos status theologos contra se accendisse, collegiorum instituendorum facultatem sufflaminaisse, collegas in partes traxisse, calumniae culpam effinxisse, acerbe in eo libello supplice conquestus est, ad obiecta autem magno animo respondit. Ipse praesidem senatus ecclesiastici literis pro obtinenda iustitia adiit, viam tamen reconciliationis se non deserturum indicauit. Quam cum extinguendae flammae, quae facile totam istam sedem literariam accendere posset, esse aptissimam aulae proceres iudicarent, aduersarium Thomasil monuerunt, ut de componenda lite amica reconciliatione cogitaret. Mediatoris autem partes subiit Andreas Petermannus, professor medicinae, quem pro Cartesio contra Huetium apologiam scripsisse supra narrauimus. Quo intercedente tandem ita dissidia ista composita sunt, ut dimissa actione amicitiam et praeteritorum obliuionem litigantes promitterent.

§. V. Nondum ista, quam strictim enarrauimus, tempestas detonue- *Secundi mo-*  
rat, cum noua eaque grauior, et exitum minatura exoriretur. Nemine *tus Thomasio*  
enim id expectante ministerium sacrum Lipsiense in Thomasil insurre- *excitati.*  
xit, eumque velut ordinis munerisque sacri contemptorem, libellorumque

*Hist. philos. Tom. V.*

M m m

famo-

famosorum auctorem in aula Dresdensa detulit, et velut calumniatorem impudentissimum accusavit, iis coloribus usus, qui deteriore sacrorum omnium hostem pingere vix possent. Quae fulmina patroni, quos Thomafius in aula habebat, ita declinarunt, ut, cum partis studium subesse crederent, audiendam quoque alteram partem esse monerent. Iniunctum itaque a senatu ecclesiastico supremo academiae patribus, ut Thomafium ad se vocatum de accusationis capitibus interrogarent, prohibito omni satyrici sermonis genere, et ad aulam referrent. Monitus ab amicis Thomafius, ut in tanta aduersariorum auctoritate et potentia prudenter cauteque ageret, nec diffidere causae suae, nec ferociter agere constituit. Citatus itaque a concilio academico comparuit, et accusationis exemplum sibi tradi, defensionis autem potestatem fieri tempusque concedi rogauit. Erant autem, ut ipse refert, accusationis capita haec: leuissimo animo eum et ipsa religionis dogmata, et sacrum ordinem ridere, insultare praeceptoribus, calumniis onerare ministerium, concionandi methodo illudere, crimina conficta illi oblicere, quemque a sacris confessionibus sibi esse voluisset, false ob piam muneris rationem traducere. Erat autem, qui potissimum se Thomasio obiecerat D. Augustus Pfeifferus, vir doctissimus, et philologiae sacrae eruditione iam tum celeberrimus, qui alterum ex suo ordine D. Ioannem Benedictum Carpzouium V. C. in partes pertraxerat; quique collegas deinde sibi reliquos iunxerant. Ille vehementer iam aliquoties tum in suggestu sacro, tum in sermonibus priuatis scurrilitatem bonis moribus inimicam Thomasio obiecerat, perferatque collegis, maxime Carpzouio, qui Thomasio animae curam praestabat, hunc illo, quo sacram synaxin ab eo accepisset tempore, infami satyra eum traduxisse; et hinc

*Tantae animis coelestibus irae.*

Non accepit accusationis exemplum ab academiae patribus Thomafius, quod ab aula id iniunctum sibi hactenus esse negarent, spondebant autem scripturos se, ut voluntas superiorum ea in re patefceret. Thomafius vero iterum ad senatum ecclesiasticum Dresdensem precibus conuersus rogauit, via amicabilis compositionis ne occluderetur, pateretque sibi, communicatis libellis aduersariorum, iustae defensionis facultas. Interim etiam coram academica iuuentute Pfeifferus haud obscure Thomafium publico programme atheismi accusauerat, et profanas nonnullas opiniones traduxerat, quibus sibi iniuriam fieri ad academiam Thomafius conquerebatur, petebatque, ut quod promittebat ille, collegium anti-atheisticum instituere obseruandam in academia tranquillitatem prohiberetur. Ita vero factum, ut nouo libello ordo quoque theologicus, cuius membra erant Pfeifferus et Carpzouius impietatis contemptaeque religionis in senatu ecclesiastico supremo Thomafium accusaret, et inquisitionem denuo vrgeret. Respondit iudex ecclesiasticus ex aula: licitum quidem fore Pfeiffero colle-

collegium dictum, audiendum autem Thomafium, et eorum testimonia petenda esse, quae contra ministerium monuisset, iniungendumque vè ad obiecta responderet. Non renuit is quidem, sed moram tamen, iter caussatus, petiit, et Berolinum ad Pufendorfium, Hamburgumque profectus hoc loco Ioannem Fridericum Mayerum, tum amicum sibi conciliavit, quem postea aduersarium expertus est. Redux cum causae suae pars vterque insisteret, timeretque Thomafius, ne quod Pfeiffero permiffum erat collegium anti-atheisticum cum famae suae dispendio inter iuvenes vulgaretur, *ἀντιθεωτικόν* paraturus, collegio iurisprudentiae diuinae, discursum prooemialem eumque gratuitum de differentiis iusti et decori publice instituendum promisit, vt occasionem haberet famae suae tuendae. Quod cum publica scheda vulgasset, petente ordine theologico, illa per famulum publicum sublata, prohibitus est, donec exceptionem attulisset, lectiones istas auspicari. Qui tamen cum licere sibi id crederet, praelectionis initio facto coram studiosa iuuentute apologiam pro se recitavit, paulo post tamen ab aula impeditus est. Ast is elufurus aduersariorum artes abrupto argumento tractationis, accusationibus aduersarii illico in istis scholis priuatis respondit, et cur absoluere eas non posset, non sine illius inuidia, indicauit. Quo tamen modo effecit, vt indicta ab aula multa, collegium istud continuare prohiberetur. Id quod ille ad lectiones prooemiales non pertinere caussatus in pristino tramite perrexit, causas autem, cur se lectionibus Pfeifferianis maxime laesum putaret, in aula Dresdensi exposuit, curque moderamine inculpatae tutelae eo modo esset vsus, aperuit, paruiffe se mandato intermisso collegio indicans, quaeque alia iuris remedia suppetebant, caute adhibens. Vt vero admodum meditationibus erat foecundus, cum praelectiones laudatas claudere iussus ab aula cogeretur, eas in gratuitam praelectionem de praepiudiciis commutauit, in qua more suo aduersarios depexos dare non omisit. Quam cum integram ipse ediderit, conferri illa cum his meretur. Interim tamen tranquillitatem litibus praeferebat, de pace cum aduersariis ineunda cogitauit, eiusque articulos ecclesiae ephoro Lehmanno, viro graui pioque intercedente, consignauit; iniuriam sibi fieri conquestus est, veniam, obliuionem actorum, pacem promisit, multis tamen frustra actis, nihil effecit. Tandem iussis consistorii coactus ad denunciationem ministerii respondit, tentatam a se frustra reconciliationem enarrauit, beneficia iuris poposcit, arcanas causas detexit, querelarum suarum de iniustitia accusatorum rationes enarrauit, dogmata impietatis suspecta exposuit. Ita litem contestatus, non sine omnium admiratione impetitus vltra haud est, cum nec ministerium nec facultas theologica ad exceptionem eius aliquid reponeret. Ita libertatem academicam conseruans pristino itinere incedere,

M m m 2

s) Vulgauit eam in Causis mixtis P. III. n. 7. p. 627. Summam autem exposuit in Praef. Phil. ration. §. 8. p. 24. sqq. maxime memorare ad-

uersarios ea, quae §. 50. seqq. p. 746. seqq. dixit.

dere, naeuosque eruditionis vulgatae detegendo emendare praeludicia perrexit.

*Tertii motus  
Thomafii cum  
H. G. Masio.*

§. VI. Alter hic tragoediae Thomafianae actus fuit, ex quo, qualis eo tempore fuerit Thomafii animus, qualis aduersariorum eius, lector prudens et attentus, nobis non monentibus intelliget. Sequitur tertius, non minus reformatori nostro grauis, immo prioribus molestior, quoniam summa regis Daniae auctoritas controuersis istis intercessit, nec cessauit ea tempestas, Thomasio iam ad Halenses Musas translato. Ipse totam controuersiae historiam prolixè enarrauit, quem sequentes paucis, ut institutum nostrum decet, rem complectemur. Ediderat V. C. Hector Godofredus Masius professor theologiae Holmienfis et concionator aulicus librum, cui titulum praefixerat: *Interesse principum circa religionem Euangelicam*, in quo doctrinam de magistratu ita roborat, ut eius maiestatem immediate a Deo esse multis rationibus euincere conniteretur, eamque doctrinam utilitatis causa quoque seruandam esse diceret, et passim tum Romanas tum Reformatas partes amplexos refutaret. Enarrauit libri huius summam Thomafius in *Dialogis mensuris* anni 1610 C LXXXIX, cumque haud pauca illi displicerent, dubia sua circa originem maiestatis exposuit, ita tamen, ut a satyrico sale, manus prorsus cohiberet, isque videri vellet, qui dialogistica methodo usus, a partibus Masianis, quas theologi eo tempore plerique probabant, staret. Misit illico exemplum animaduersionum Thomafianarum studiosus quidam ad Masium (quod instinctu Carpzouii factum esse Thomafius suspicatur,) et displicere conatus censoris ordini ecclesiastico atque theologico academiae, testatus est. Indignari vero valde coepit Masius, a Thomasio Lutheranum Lutheranum religionis suae sanctimoniam, securitatem et commoda cum falsa religione comparantem, aliisque partibus praefertentem oppugnari, immodestiamque, calumniandi libidinem, ineptias et durissima verba alia in epistola, qua iuueni illi respondit, obiecit, idem in epistola quoque ad administrum rerum publicarum Saxonicum non sine contemptu aduersarii repetiit, et famoso dicendi genere atque calumniis theologos Lutheranos, maxime autem clerum Daniae eum impetiisse, conductum a parte aduersa, (Reformatos intelligit,) conquestus est, eundem instigans, ut ad aures electoris has querelas deferret. Prodiit quoque Petri Schippingii nomine libellus *σηλιδευτικός*, et amarulentia plenius contra Thomafium, Lipsiae postea, cura, ut coniciebat ille, aduersariorum eius recusis, in quo ad obiectiones eius respondebatur, quem tamen se inuito prodiisse, videri voluit Masius. Illum cum censura sua in dialogis repetiit Thomafius, et Masium si non ipsum scriptorem, certe auctorem esse, euincere fategit, et quam pessime rem suam egisset, demonstrare aggressus est. Ast conuersus ad regem suum Masius, causatus-

f) Causs. mixt. P. II. n. 3. p. 301. seqq.

statusque iniuria cumulari summos principes a Thomasio, literas ad electorem Saxoniae impetrauit, in quibus rex in scripta Thomasia seuerè animaduvertebat, et poenam censuramque postulabat. Thomasius autem, ut ipse quoque audiretur, precibus suis aulam adiit: quae ut de causa tota Thomasium interrogaret, academiae Lipsiensi iniunxit. Is apologiam ad aulam pro se scripsit, et quid istud dogma velit: maiestatem non esse immediate a Deo, ac quo pacto iniurium in summos principes esse nequeat, demonstrauit, conquestus simul, Masium libello famoso famam ipsius arrosisse, cum quae ipse scripserit in dialogis, in terris electoris Brandenburgici examen censuramque subierint. Aula vero, ut coram concilio academico responderet, iniunxit, cum qui regis Daniae res in aula Dresdensi curabat, vehementer negotium vrgeret; cavitque, ne sine censura aliquid typis Thomasius ederet. Et haec quidem ad annum usque c l o c x c acta sunt, quo noua Thomasio tragoedia excitata est, quam paucis tangemus.

§. VII. Inimica aduersus Thomasium odia fouisse Lipsienses doctores, Valentinum Alberti, Ioannem Benedictum Carpzonium et Augustum Pfeifferum ex supra narratis constat, quae inita concordia non tam sustulerat, quam ad tempus tantum sopiuerat. Excitabat autem latentes sub fauillis et cineribus igniculos, controuersia, quam a pietatis studio, singulari disciplinae genere promouendo Pietisticam appellare mos est, quam hoc loco enarrare velle, esset extra oleas vagari: tota enim res, quae maximos strepitus concitauit, in annalibus ecclesiasticis enarranda, et sine partis studio et praeiudicio, quod vehementer plerorumque narrationes corrumpit, expendenda est. Et ipsa quidem pietatis promouendae consilia ad Thomasium aliud agentem nihil pertinebant, cuius eo tempore rationes ita comparebant, ut facile intelligi posset, Pietistae personam, quem barbaro vocabulo nominant, Thomasium exhibere haud velle. Ast cum magna dicendi sentiendique libertate vteretur, nec auctoritatis academicae praeiudicium vllum apud eum in iudicando pondus haberet, rogatus a B. Augusto Hermanno Franckio, theologo post ista tempora famigeratissimo, responsum iuris in ea quaestione scripsit, causaeque isti sua sententia adfuit, id quod non potuit non eos, qui pro extinguenda factione, quam accusabant, Pietistica, ad arma conclamauerant, vehementer irritare, et praecipue illos, qui maleuolum Thomasio animum fovebant, nouis calcaribus contra eum excitare. Accessit et alia res, quae Thomasium apud Theologos magna inuidia cumulauit. Nempe

*Quartae tur-  
bae et exi-  
lium Thoma-  
sii sponta-  
neum.*

Mm m: 3.

iunxerat

e) Scripta potiora in celeberrimo hoc argumeto consulenda praeter alios nominat B. Io. Fx. BvDDEVS Introd. in Hist. theol. L. II. c. 7. p. 1426. seqq. quae consulenda.

u) Integrum repetiit et multa ad historiam nascentis controuersiae ex actis pertinentia notauit

THOMASIVS in Causis mixt. n. 4. p. 352. seqq.

x) Ipse quoque totius rei historiam et exitum enarrauit l. c. n. 5. p. 492. seqq. vade nostra haufimus.



iunxerat sibi coniugem Mauritius Guilelmus, dux Saxoniae, princeps literatissimus, filiam electoris Brandenburgici <sup>1)</sup>. Quae cum Reformatorum partibus esset addicta, coniugium eiusmodi inter disparis religionis homines principibus dissuadere conatus est, Philippus Mullerus, praepositus Parthenopolitanus. Qui cum intempestiva scriptione aulam Berolinensem valde exacerbasset, ineunte anno 1690 c. x. c. captivus electoris iussu abductus est. Eius librum atque thesin in eo defensam peculiari scripto, *de Matrimonio inter principes Lutheranos et Reformatos* refutauerat Thomasius, et pro Reformatis nonnulla contra Casparem Loecherum theologum Vitebergensem monuerat. Ita crabronibus irritatis pristinae inimicitiae redibant in memoriam, praecipue cum lectiones *de Praejudiciis*, quaeque in iis sonabat apologia pro Michaelē Montano atheismi accusato, valde nonnullos morderent, eo quod characteres hypocritarum ea occasione delineasset <sup>2)</sup>, quibus nonnullos ex antagonistis Pietistarum petere videbatur, adhibitis sacrarum paginarum testimoniis. Quod cum ferendum non esse pars aduersa iudicaret, accusarunt profanae mentis auctorumque verbum diuinum dedecentium Thomasius coram senatu ecclesiastico, qui Dresdae est, supremo, Vitebergensibus Theologis similes querelas in eo dicasterio effundentibus, quod in libro supra nominato, in Saxoniae principes peccauisset. Quae res ita clam acta est, ut quid sibi respondendum esset, intelligere se nunquam potuisset, denegatis accusationum libellis, conqueratur Thomasius, et is responsionem ex carcere metueret. Ex decreto enim senatus ecclesiastici, ab academico concilio Thomasio omne legendi scribendique ius adimendum, et, quod se comperisset ait, ipse carceri mancipandus erat, ut inquisitioni, quam vocant, personali locus esset. Quod qua ratione executioni dare voluerint aduersarii ipse pluribus narrat. Qui cum legendi scribendique facultatem sibi ademptum iri intellexisset, quibus tamen mediis familiam hactenus honeste aluerat, electorem Brandenburgicum, in cuius aula patronos sibi valde fauentes habebat, precibus adiit, ut liceret, in vicina vrbe Halensi, ubi equitibus scholae parabantur, confidere, et auditoribus lectiones suas tradere. Quibus exauditis publice ex vrbe Lipsiensi voluntario exilio discedens <sup>\*</sup>, cum ad aulam Saxoniam se conferre crederetur, Berolinum praeter omnem expectationem concessit, coruosque, quod aiunt, delulit hiantes. Quod ita in iram conuertit eius aduersarios, ut supellectilem eius arresto, quod vocant, detinerent, ipse Berolino significauit, pariturnum se mandatis, nec scholas amplius in patria esse aperturum. Quo factum, ut cum amici intercederent, publica electoris auctoritate Halae docere stipendio conducto iuberetur, cuius noui

<sup>1)</sup> Displicuisse hoc coniugium ob causas politicas aulae Dresdensi innuit Thomasius.

<sup>2)</sup> Exhibuit haec omnia ipse Thomasius l. c. P. III, n. 7. §. 45. seqq. p. 731. seqq.

<sup>\*</sup>) Relegatum esse perperam tradit auctor Biblioth. iuris imperat. L. I. Pol. VI. §. 1. p. 48.

noui muneris in eo loco, vbi tum academia nondum florebat, auspiciis anno 1610 cxc Dom. Quasimodogeniti iniit. Qui rerum euentus quantus inter aduersarios Thomasiai motus excitauerit, cum is libertate gaudens magnis animis pro causa sua more ingenii sui pugnare et acerrime eos mordere pergeret, lectori cogitandum, et ex libellis eristicis atque controuersis eius temporis, quibus etiam Ioannes Fridericus Maierus, Anti-Pietistarum promachus, immixtus est, cognoscendum relinquimus, cum ad nostram tractationem ea res non pertineat. Id vnum notamus, tanto seruiore rem ex utraque parte actam esse, vt Vitebergensem academiam frequentare elector Brandenburgicus subditis suis interdiceret. Qui quanti Thomasiai faceret, eum inter consiliarios suos adoptando, testatum fecit. Thomasiaus vero ad intimioris admissionis procures et sanctius consilium in aula Dresdensi prouocando, iustitiam flagitauit, suppellectilis suae liberationem poposcit, et vt apologiam liceret edere, rogauit, promittens, demonstraturum se, quod contra octauae legis diuinæ argumentum grauissime peccauerint aduersarii sui, ipsamque pacem publicam laeserint. Ad quem libellum supplicem postea iteratum responsum quidem non accepit, actione tamen omni quiescente suppellectilem suam Lipsia Halam sine vilo impedimento transportauit.

§. VIII. Haec dum inter Saxones aguntur, non quieuit in Dania *Continuatio Masius*, sed cum nonnullis Reformatorum doctorum controuersia *litium Masianarum* misceretur, quauis occasione rodere Thomasiaum eumque velut calumniatorem traducere perrexit. Quod ille erigendo apud Halenses nouo auditorio intentus, dissimulauit ad tempus, non tamen obliuioni tradidit. Dialogis enim mensuris anni 1610 c lxxxix tandem dedicationem ad inimicos suos praefixit, nomine vero Masio inscripsit, et vlcus more suo fortiter satis tetigit. Quod tanta vehementia exulcerauit Masium, vt obtento regis mandato chartas Thomasiaanas per carnificem vlticibus flammis Hafniae extinguendas curaret, remque per omnes terras in nouis relationibus diuulgaret <sup>b</sup>. Detulit id ad principem suum Thomasiaus, factumque enarrauit, nihil tamen vel auxilii vel poenae ab aduersario postulandae petiit. Elector scriptis ad Daniae regem literis de Masio, qui reformatas partes valde perstrinxerat, vindictam audaciae et iniuriae poposcit, rex respondere ad accusationem Masium iussit, qui prioribus vestigiis insistentes mandato paruit. Thomasiaus autem, vt se ab illata ignominia vindicaret, peculiari tractatione, Attilae Friderici Frommholdii personam mentiente *quaestionem* excussit, *quid faciendum sit scriptori bono et honesto, si alieni magistratus iussu scripta ipsius a carnifice comburantur?* In quo et ineptum esse, et illicitum his medijs in causa maxime iusta vti, recteque eiusmodi ignominiam intentatam rideri contemni-

que,

a) Haec omnia ipse I. c. 2. 2. p. 44. seqq. multis enarrauit.

b) I. c. §. 33. seqq. p. 295. seqq.

que, ferrique sine indignatione ab homine vere Christiano posse, demonstravit. Quo in scripto licet neminem nomine auctor compellauisset, intellexerunt tamen, qui nasum habebant, causam Masianam peti. Is igitur adscito Aetii Dieterici Ehrenholdii nomine schediasma opposuit, in quo libellis famosis eam poenam deberi, euincere conatus est. Quas contentiones cum in vitiligationes abire Thomafius cerneret, respondere Masio amplius noluit. Cumque non minori dicacitate pro Masio prœdiceret Sigefridus Benzenius, edito *Christiano minime Christiano*, maluit generoso silentio iniurias contemnere, quam vlcisci. Et his quidem fabula Masiana exitum nata est.

*Controuersiae  
plures Tho-  
masii.*

§. IX. Nondum turbarum ex Saxonia exortarum satis erat, quamuis in tutum sese recepisse portum Thomafius crederet. Et halcyonia quidem, certe tranquilliorum animi statum fortuna promittebat, qua nouas lectiones Halae Saxonum anno clobcxc, auspiciando frui coeperat. Vix enim lectiones suas cum auditoribus nonnullis, qui Halam concesserant, erat auspicatus, cum satis frequenter iuuenes confluerent, licet sedem academiae vrbs ista tunc quidem nondum praeberet. Ipse, vt in schola illustri, solus coetui discipulorum cum praesesset, cuncta feliciter moderatus est, fama autem nouae scholae ita mox vbique percrebuit, vt ex comitibus et nobilibus imperii multi accurrerent, ipsaque Dania et Germania inferior discipulos suppeditaret. Quorum numerus cum in dies cresceret, elector, iam tum academiam nouam animo parturiens, cum ex thermis Carolinis domum rediret, conspecta iuuenum literarum studia aemulantium frequentia, cogitata perficere, alios quoque viros doctos huc vocare, nouumque Musarum domicilium excitare constituit, ex quo tandem Fridericiana, hodie laetissime florens surrexit. Quae cum solenni inauguratione anno clobcxciv, dedicaretur, Thomafius professor publicus iuris ordinarius et post Stryckii obitum ordinis iureconsultorum praefes, Ordinarium vocant, sanctioris consilii regii membrum, directorque academiae Fridericianae constitutus est. Et hoc quidem pacto tempestas, quae in caput Thomafii exardescere coeperat, et insignem fortunae eius calamitatem minabatur, in laetissimam serenitatem, discussis nubibus, transiit, ipsisque literis, maxime vero philosophiae eclecticae, quae ab eo tempore magna animorum fortitudine et oris libertate coli ea in schola coepit, salutaris prorsus atque exoptatissima accidit. Ast quamuis in eo loco quietam sedem, extra telorum iactum positus, Thomafius inuenisset, magnaue fama apud externos et insigni plausu atque auctoritate apud discipulos frui coepisset; oppugnatus tamen porro ab aduersariis magna pertinacia est, vnde acerrima postea viro illustri pugna exorta est,

c) l. c. p. 118.

d) Contentiones feram cum Thomasio reciprocant Io. Alb. Fabricius, adhuc iuuenis, Alb.

Christ. Kothius, Io. Lud. Praschius Henr. Klausigius. Io. Frid. Mayerus Guil. Ern. Tenzelius, Augustus Bremius, Io. Gottlob Stolze, Iustinus Mayer

est, praecipue cum falso acrique dicendi genere pungere aduersarios, et indies magis receptis hactenus dogmatibus dicam scribere ac in omni doctrinae genere, maxime quod ad iurisprudentiam naturalem, ciuilem et ecclesiasticam pertinet, innouare multa et veteres sententias abiicere pergeret. Cumque idem nouarum doctrinarum studium insigni alacritate plerique, qui tum in noua sede literaria viuebant, doctores fouerent, et innumerae inde orirentur controuersiae, ipsum vero bellum pietisticum in hanc quoque academiam, velut in theatrum aliquod, esset traductum, paucae lites fuere, quarum non vel pars quaedam fuit Thomasius, vel saltem spectator minime otiosus. Et primis quidem academiae annis Masianam controuersiam magnis animorum iris agitatam fuisse supra iam narrauimus; Paulo post de iure circa adiaphora cum Carpzouio ita disputauit, vt exacerbatus aduersarius anno 1610 c. xcv, et dissertationem istam et annotationes ad Monzambanum fisco addici curaret. Longum autem esset, enarrare lites omnes, quibus ad fata vsque vitae suprema cum innumeris aduersariis confligit <sup>e</sup>, cum et philosophi eo tempore ferre vix possent, exagitari et satyra mordaci exhibitari philosophiam a patribus acceptam, et imprimis, qui ecclesiastico ministerio inuigilabant, indies ob inueteratos, quos caussabatur, morbos, ab eo morderentur; quod infinitas papatus reliquias in protestantium ecclesiis (haec enim eius vox fuit) sibi detexisse videretur, easque ad dogmata haud pauca momenti non contemnendi referret. Qua re factum est, vt qui in eadem academia docebant theologi, cum eo committerentur. Id quod imprimis in controuersia de concubinato apparuit, in qua non modo scriptis cum Thomasio disputauit B. Breithauptius, sed res ipsa quoque ad aulam delata principis auctoritate, vix compesci potuit; quam historiam cum ad limites nostros non pertineat, prolixius enarrare nil attinet, satis autem quod est, dabunt eruditissimi *Bibliothecae germanicae* <sup>f</sup>, Gallica lingua vulgatae auctores, qui reliquos etiam theologos nominant, qui Thomasium ob id argumentum non sine magno strepitu adorti sunt. Idem fere euentus fuit controuersiae de magia et processu veneficii, in quo argumento magno animo inueterata praeiudicia Thomasius eiecit, edita dissertatione *de Crimine magiae*, quae anno 1610 c. cci comparauit <sup>g</sup>. Vix enim paradoxa et inexpectata tractatio prodierat, cum ex omnibus fere Germaniae angulis ei contradiceretur, praecipue cum alia dissertatione ob metum spe-

Mayer, Io. Gust. Reinbeck, Ioach. Iust. Breithauptius, Io. Wulfg. Jaegerus, Io. Andr. Gramlichius, El. Camerarius alique, vt taceamus Pseudonymus, S. Petrus Encratitum, Realem de Vienna, Hieron. a S. Fide, similesque.

e) Pleraque scripta Anti-Thomasiana enarrant Leporinus I. c. et Bibl. iuris imperant, c. 1.

pos. 6. §. 9. p. 61. sqq. qui ea quae breuitati litantes omittere cogimur, supplebunt. Nonnulla in seqq. rangemus.

f) T. I. p. 138. f. T. II. . p. 71. seqq.

g) Prodiit quoque Germanice cum apologia auctoris 1706. 8. et in Collectione Reichiana.

spectrorum contractum locati conducti rescindi non posse probauisset, venissetque ideo in suspensionem omnes spirituum apparitiones spectrorumque existentiam vna cum pactis cum principe infernorum, et aliis huius commatis eum inter praeiudicia referre. Tanta etiam acerbitate lis ista inter eruditos Germaniae personuit, ut nec ab atheismi macula Thomasio inurenda quidam abstinere, quamvis et ipse et antagonistae monerent, nec de malorum geniorum, nec de spectrorum vel veneficiorum existentia, sed de pactis cum tenebrarum principe explicitis sermonem esse. Quae tamen omnia curatius hoc loco tangere, cum a tractatione nostra abhorreant, non licet: consulenda autem collectio scriptorum huc pertinentium edita a IOANNE REICHIO<sup>h</sup>, quaeque affert Cel. STOLLIVS<sup>i</sup>. Et similia quidem innumera annotari possent, si historiam criticam vitae Thomasio scriberemus; qualem operam hodie eo magis exoptamus, quo magis fauor odiumque partis, quae in hoc argumento haud ita pridem scriptores multos in praeceptis egerunt, deseruere coepit, ea autem viri illustris per omnem disciplinarum circulum fuisse conamina, eorumque fata tam singularia et memorabilia, ut dimidii fere seculi historiam literariam complectantur, quam accurata commentatione exposuisse hactenus neminem merito dolemus. Verum hoc aliorum curae relinquimus, Thomasioque in philosophico tantummodo orbe tanquam philosophiae reformatorem intuemur, quidque usque ad vitae sine morbo actae finem, qui ei anno 1704 CCXXVIII, IX. cal. Oct. Halae ex diarrhoea obtigit, postquam in patriam lautis conditionibus reuocatus redire noluit, pro emendanda sapientia naturali lumine homini innotescere suscepit, iam porro enarrabimus.

*Conatus Thomasio in reformanda Philosophia.*

§. X. Prima emendandae philosophiae conamina suscepisse Thomasio adhuc in patria versantem edita *Introductione in philosophiam aulicam, seu primis lineis libri de prudentia cogitandi atque ratiocinandi Lipsiae 1704 CLXXXVIII* \* supra diximus. Reformandae et in alios vultus refingendae philosophiae in genere, et imprimis disciplinae rationali liber eruditus totus destinatus est. Videbat auctor nihil intolerabilius esse iugo sectario, idque excutiendum tandem aliquando in scholis publicis Germaniae esse, prudenter recteque statuebat. Quod ut ingeniis erectis et seruire nesciis persuaderet, ad philosophiae historiam confugit, Graecanicaeque philosophiae sectas et opiniones strictim quidem, at eleganter et cum cura recensuit, iudiciumque interposuit. Quo in labore schedis parentis quin adiutus sit, vix dubitandum videtur. Non vero contentus placita sectarum enarrare, naeuos quoque et errores omnium,

<sup>h</sup>) Halae 1704. 4.

<sup>i</sup>) Hist. Liter. P. II. c. 3. §. 50. p. 513. seq.

<sup>\*)</sup> Addita est VLARICI HVBERTI oratio de

pedantismo, recusa comparuit Halae 1702. 8. et Germanice, sed infeliciter versa, Berolini 1710. Conf. Bibl. noua Vol. I. p. 621.

omnium, more suo, candide detexit. Tum ad rationalem philosophiam conuersus, quid in Peripateticorum logica sibi displiceret, quid in Cartesianorum rationali philosophia reprehendendum esset, exposuit, sicque ad logicam eclecticam viam sibi parauit planiorem. Fatemur multa vidisse virum acutissimum veritati proxima, naeuos detexisse plurimos, viam, quam postea magna felicitate in arte ratiocinandi ingressus est, egregie aperuisse, vlcera quoque sectarum fortiter tetigisse; ast sunt tamen, vt plerumque illis euenire solet, qui viam hactenus non tritam sternunt, haud pauca, quae emendatione opus habent. Maxime in historica libri parte multa admisit, asseruitque, quae inter vulgatos historiae philosophicae errores referenda esse, ex tractatione nostra sole meridiano est clarius. Qualia sunt, sectae inter Cainitas et Sethianos, quaeque de philosophia Salomonis et Hebraeorum disserit, itemque narrationes aliae v. c. Aegypti atque Libyae philosophiam parentem habere Abrahamum, multa accepisse Pythagoram a Persis, Chaldaeis, Indis et Iudaeis; primum atomorum auctorem fuisse Leucippum; Heraclitum Ionicae sectae esse adscribendum; Peripateticam sectam post Theophrasti mortem ob logomachias fuisse neglectam et tantum non intercidisse, Potamonis sectam vere eclecticam fuisse; idemque de Cicerone esse dicendum; tempore imperatorum exiguum fuisse famam Peripateticorum, Cynicorum et Pythagoreorum; edictum Antonini de tolerandis quatuor sectis, eclecticam simul comprehendisse, Paulum Col. II, 8. Essenos confodere, Lucianum fuisse Scepticum, Themistium inter patres ecclesiae vixisse, errores Valentini Epicurum et Aristotelem parentes habere; Iobum in Arabia antiquissimum fuisse philosophum, Auicennam et Auerroem simul Cordubae habitauisse; Rucelinum primum scholasticorum parentem esse, desisse Nominales cum Abaelardo, abhorruisse a Peripatetica philosophia in scholis publicis Melanchthonem etc. Qualia Thomasio partim ab Hornio seductum admisisse, partim aliorum excerptis sumum non satis examinauisse omnino est verisimile. Acutius cernebat in detegendis confodiendisque naeuis philosophorum. Maxime Peripateticos et Cartesianos ita iugulabat, vt magni inde motus, quos in antecedentibus tetigimus, exorti non parum augerentur. Sed Cartesiana quoque factio, passim culpata a Thomasio, silendum non esse ad Momii huius reprehensiones statuit. Prodiere enim contra philosophiam aulicam et censuram Cartesianae doctrinae, quae in ea comparuit antagonista duo, Michael Rhegenius, et Realis de Vienna. Et illius quidem supra in Cartesianismi historia mentio facta iam est. Hunc autem personatum scriptorem GABRIELEM WAGNERVM virum doctum, nullo tamen munere publico auctum fuisse docet Ven. REIMMANNVS \*, qui de eo videndus. Edidit is *Discursum et dubia in introductionem in philosophiam aulicam*, ad quae cum

Nnn 2

respon-

h) Hist. liter. German. Vol. IV. p. 110.

responderet Thomafius <sup>1</sup>, faſſus eſt, eſſe auctorem virum multarum ad detegendam veritatem virium, aſt qui conceſſam ſibi hanc facultatem magis adhibuerit, ad pernoſcendos errores nonnullos generales, quam eorum detegendam originem, in auctoritatis et praecipitantis praeiudicio quaerendam, quique non ſatis ſibi cauerit, ne odio fauoreque in partes abriperetur, et intellectus vires ſupprimeret. Nec negari poteſt, valde eum verſatum eſſe in hiſtoria phyſica et matheſi, fortiter artem ſyllogiſticam oppugnare, iniurium autem in ipſam ratiocinandi artem, ideo reiectam, eſſe, nimiumque animum naturali philoſophiae et diſciplinis mathematice addixiſſe, in laudando quoque et reprehendendo modum non ſatis tenere monet. Quae ſufficiunt, vt inde colligamus, eruditum aduerſarium Thomafio obtigiſſe.

*Reſtauratio  
philoſophiae  
rationalis  
Thomafiana.*

§. XI. Ita hac logica eſenchtica, (quem antecedentis ſcripti characterem ipſe definit <sup>m</sup>, ne cum ſequenti confundatur) viam ſibi ad novam ratiocinandi artem parans, methodo eclectica ex ſcriptoribus recentiſſimis collegit, quae ad intellectus humani naturam, operationes, facultates omnemque veritatis eruendae tradendaeque artem pertinere ipſi videbantur, ſuasque meditationes iungendo anno dco lccc xci, exire in vulgus vernacula iuſſit *Introduktionem in philoſophiam rationalem, in qua omnibus hominibus via plana et facilis panditur, ſine ſyllogiſtica, verum, veriſimile et falſum diſcernendi, novasque veritates inueniendi.* Cui introductioni paulo poſt acceſſit *Praxis philoſophiae rationalis, ſive brevis et perſpicua atque ſolida ars excolendi et ad inquirendam veritatem praeparandi ingenii, vt veritatem aliis tradere, aliorumque opiniones interpretari, ac errores ſolide refutare poſſit.* Et prior quidem liber vltimus, quem in patria ediderat, auctoris foetus fuit, quem ideo concepit, vt detectis erroribus logicorum philoſophiae aulicae opera, ipſam iam doctrinam rationalem exponeret, et quid ſibi de intellectu humano eiusque facultatibus et vſu videretur, traderet. Hinc de eruditione in genere eiusque complexu, de eruditione logica, de operationibus intellectus humani, de terminis technicis logicae, de veritate in genere, de veritate prima et indemonſtrabili, de demonſtratiuis veritatibus ipſaque demonſtratione, de incognito, de veriſimili et vero diſſimili, de gradibus probabilitatis, de inuentione veritatum nouarum, de erroribus eorumque fontibus, copioſe tractat, parte autem ſecunda, ſive in *Praxi logicae* Halae edita, doctrinam de methodo inueſtigandae, communicandae, interpretandae, diiudicandaeque veritatis errorumque refutandorum ampliſſime diſſerit, hocque pacto eleganti et perſpicuo compendio pleraque quae haecenus philoſophi bona de arte rationali complexi erant in

1) In Praef. ad Praxin logicam; Rhegenio autem in Praef. primae Partis Logicae reſpondit.

m) Praef. Intro. in logic. §. 16. p. 66.

In institutionibus suis, in succum quasi conuertit, noua plurima addidit, et cohaerens aliquod artis ratiocinandi systema extruxit. Et monet quidem, se logicam suam non ex aliorum tractationibus corrasisse, aut consuluisset tamen, ut decet eclecticum, veteres pariter atque recentiores, maxime vero Ciceronem, Senecam, Laërtium, Platonem, Maximum Tyrium, Petrum Ramum, Cartesium, *Artem ratiocinandi* sociorum, portus regii, auctorem *Tentaminis logici* \*, elegantissimis observationibus commendabilem, et ex Peripateticis logicis, parentis scripta, Iungii logicam, et Chr. Weissii logicam, et ex Tschirnhausenii medicina mentis haud parum profecisse †. Et hos ita se inspexisse porro scribit, ut quod vel bonum vel dubium et incertum videretur, ad certum quendam veritatis canonem, tanquam ad lapidem Lydium exigeret, examinaretque, hisque manu quasi ductus meditationi iugi eas veritates detegeret, de quibus nemo hactenus aliquid praeceperit. Qua ratione factum, ut quod apud alios velut scopae dissolutae disiectum collegisset, suo ordini et concatenatae meditationum seriei apte innexum appareret, et hoc pacto se inter logicam Cartesianam et Peripateticam atque Epicuream medium caute tenuisse. Quod qua ratione executus auctor sit, ex sequenti delineatione philosophiae Thomasiae constabit. Et in hac quidem arte rationali pauca postea curis secundis mutauit, licet aliquoties illa typis edita sit.

§. XII. Emendata logica ad moralem philosophiam digressus est Thomafius, quum ethica Peripatetica maiori, quam logica, reformatione omnino opus haberet. Hinc abiecto virtutum Aristotelicarum catalogo, ex vno eoque naturali et rationali principio omnem morum doctrinam deducere satagens, anno 1690 *Introductionem in philosophiam moralem, siue tractationem de arte secundum rationem et virtutem amandi, velut unico vitae felicitis et elegantis atque tranquillae medio* †, sermone iterum patrio in vulgus exire passus est. In qua tractatione praemissa doctrina de bono et malo eiusque cognitione in genere, fusa agit de summa hominis felicitate, de Deo fonte omnis humanae felicitatis, de amore hominum aliorum rationali, de amore proximi generali, de amore rationali speciali, eiusque generibus, de amore rationali sui ipsius, de amore rationali in societatibus humanis. Secuta est anno 1696 *Pars practica, siue Medicina contra amorem irrationalem et doctrina de cognitione sui ipsius*; quo libro exponit

Nnn 3

nit

n) Praef. Intro. §. 16. p. 67.

o) Essai de logique Paris 1678. 8. cuius est MARIOTTUS, qui tamen non artem rationalem, sed observationes ad eam pertinentes de axiomatibus principiis, et demonstratione modoque ratiocinandi exhibuit, et cuncta ad physicam

et mathematicam applicuit, vid. p. 176. 181. 183. seqq. THOMASIVS Cautel. c. 10. §. 12. STOLL. l. c. p. 447.

p) Dedic. prax. log.

q) Praedit aliquoties 1702. 1710. 1720. et Latine sed minus eleganter Halae 1706.

VILLE DE LYON  
Biblioth. du Palais des Arts



nit causas infelicitatis vniuersalis, propensiones et affectus hominum varios et diuersos, eorumque naturam, summaque capita, odium atque amorem, eorum moralitatem, temperamenta morum quatuor, fontem vitutum nempe amorem rationalem, et fontem triplicem vitiorum, voluptatem, ambitionem, auaritiam, horumque vitiorum capitalium temperaturam eiusque effectus; quibus adiecit characteres propensionum et temperamentorum, ex otii, irae, inuidiaeque indole demonstratos, mediaque subiugandi affectus prauos, quorum tamen ex solo rationis lumine defuntorum *ικανότητα* in fine negauit. Elegantissime in hoc libro atque ingeniose circa moralem doctrinam versatus est auctor praestantissimus<sup>r</sup>; cum et ordinem et perspicuitatem seruauerit, et rite inter se connexa dogmata exhibuerit. Fatendumque innumera noua virum ingenio pariter atque iudicio excellentissimum attulisse, cumque elenchticam quoque tractationem instituerit, errores et praeiudicia philosophorum, maxime Peripateticorum, solide detexisse; maxime vero doctrinam de propensionum animi humani natura, indole, temperatura, characteribus, effectibusque miro lumine illustrauisse, vnde ob eruditionem valde liber doctis viris placuit. Fuerunt tamen, quibus nonnulla displicerent, et imprimis, quod voluntatem imperare intellectui contra communem opinionem, voluntatem esse facultatem coecam pendereque ab intellectus praeiudicio, contenderit. Quod tamen quo sensu intelligi velit post ipsum Thomasiū ad P. P O I R E T I librum *de Eruditione triplici* praefantem exposuit, qui ex Thomasi schola prodiit doctissimus E P H R A I M G E R H A R D V S<sup>r</sup>. Descendit quoque contra amorem rationalem, quo fundamento ille cuncta inaedificauerat in argumento morali, in arenam peculiari dissertatione Ven. H E N R I C V S K L A V S I N G I V S<sup>r</sup>, cui cum responderet L I M M E R V S, ei satisfacere conatus est I O A N. A D A M. M A Y E R V S<sup>r</sup>. Qui vtrum mentem auctoris semper affecuti sint, et annon quaedam de verbis pugna intercefferit, comparanti vtriusque partis scripta definiendum relinquimus. Maxime autem partem ethices characteristicam, hactenus tantum non neglectam resuscitare; et dogmati de mixtura temperamentorum inaedificare circa idem fere tempus studuit. Produxit ergo in scenam habitu patrio: *Scientiam recens inuentam arcana mentis hominum etiam inuitorum ex consuetudine quotidiana dignoscendi*<sup>x</sup>; quae cum miro plausu exciperetur, multa in ea desiderauit T E N Z E L I V S<sup>r</sup>, cui more suo respondit Thomasiū in *Illustratione ampliore cogitationum*

<sup>r</sup>) Vid. STÄU. Bibl. phil. c. 6. §. 14. p. 221. REIMANN. Hist. lit. Germ. Vol. III. p. 639.

STOLLIVS Hist. lit. P. III. c. 4. §. 24. p. 679.

<sup>s</sup>) Schediasmate vernaculo, de Vera notione intellectus et voluntatis hominis eiusque emendatione.

<sup>t</sup>) Diff. de Amore rationali, Witteb. 1709.

<sup>u</sup>) Obseruat. super disputatione nuper habita de Amore rationis, Witteb. 1710.

<sup>x</sup>) 1691.

<sup>y</sup>) Colloqu. meastr. 1692. p. 100. seqq.

*num de scientia noua aliorum animos explorandi.* Duriori pugna cum Thomasio ob eandem scriptionem congressus est Ioannes Fridericus Mayerus, theologus tum Hamburgicus; ex cuius calamo tum *Thomasius* *αὐτοκατάκριτος*, tum alia huius generis schediaasmata miram acerbitem partis vtriusque prodentia enata sunt, quibus non minus acerbe respondere Thomafius non cessauit. Ipse vero vir illustris, vt saepissime assertiones suas mutauit, ita displicere sibi nonnulla in hac ethica sua postea fassus est <sup>2</sup>. Cum enim amorem rationalem a propensione voluntatis triplici prius distinxisset, in moderata tantum et rationali temperatura propensionum eum postea posuit, vt ex dicendis patebit.

§. XIII. Ethicae subiecit Thomafius iurisprudentiam naturalem, quem sibi potissimum campum elegisse, in quo ingenii vires periclitaretur, eamque ad mentem Pufendorffii explicuisse et auxisse, edita *Iurisprudentia diuina* supra narrauimus, ipsisque viri magni verbis exposuimus, quo consilio ad hunc laborem suscipiendum absoluendumque accesserit, et quam miris ea in re fatis fuerit vfus. Itaque otiose dicta repetere nolumus, id vero addimus, post primam editionem anno *MDCCXXXVIII* editam, secundam Halae Saxonum anno *MDCCXCIV*. scholiis et accessionibus multis auctam prodiisse, et aliquoties, cum mire vbique legeretur liber eruditus, editionem fuisse repetitam <sup>3</sup>: nostro quoque idiomate legendam tradidisse *ZEIDLERVM* <sup>4</sup>. Licet autem haud paucis contradictionibus tractatio illa cumulata et obruta quasi fuerit, vt supra narratum, non defuerunt tamen viri eruditi, qui laudibus eam extollerent, et feliciter suppleuissent Pufendorffii ius naturae et gentium, immo in haud paucis superauissent et auxisse pronuntiarent, quorum verba adducendi otium nobis fecit *LEPORINVS* <sup>5</sup>, qui videndus. Et quanquam, qui manibus calcibusque Pufendorffiano systemati obnitebantur, ferre quoque Thomafianum ius naturae tunc non poterant, accidit tamen, vt post ea tempora, cum totum systema iuris naturalis in *Fundamentis I. N. et G.* immutauisset Thomafius, ea ipsa iurisprudentia diuina multo magis illis ipsis probaretur, quam noua disciplinae huius emendatio <sup>6</sup>. Sunt tamen in eo libro multa, quae cum prorsus noua sint, et a receptis eo tempore opinionibus abeuntia valde doctores, maxime theologos offenderunt, qualia sunt: habitus theoreticos puros, etsi veritatem ostendant, ad stultitiam pertinere, legem non esse dictamen rectae rationis, sed voluntatem imperantis; vanam esse diuisionem iustitiae in commutatiuam et distributiuiam, sapientiam consistere in notitia hominis,

*Emendata à  
Thomasio iu-  
risprudentiae  
naturalis.*

<sup>2</sup>) Causel. c. XIV. §. 50. seq. p. m. 230. seqq.

<sup>3</sup>) 1702. 1710. 1717.

<sup>4</sup>) Halae 1709. 4. cum Praef. *ΕΤΗΕ, ΓΕΓΕ-  
ΝΑΡΔΕ.*

<sup>5</sup>) l. c. p. 202. seqq.

<sup>6</sup>) Vid. Relat. innoc. 1707. p. 348. seqq.

minis, materiae spiritus, Dei, ius naturae non a sanctitate Dei sed a voluntate esse deriuandum, in statu integritatis, omnes actiones esse naturae sua indifferentes, nec obligationem in I. N. ex obiecto se diffundere in praeceptum, ius gentium non esse speciem iuris voluntarii humani, sed iuris naturalis, non omnem autocheiriam esse I. N. prohibitam, mero I. N. ad essentiam coniugii non requiri, ut vxor viro continuam cohabitationem promittat, ac mariti imperio subiecta sit, vel ad dies vitae ineatur societas coniugalis, sed id iuris diuini positiui esse, mero I. N. diuortia fieri posse ob mores intolerabiles, meris rationibus naturalibus non posse demonstrari, omnem concubitus libidinosum, etiam ad bestialitatem, qui pertinet, aut lenocinium, esse prohibitum, sed hanc turpitudinem positiuo iure vniuersali prohiberi polygamiam vtriusque sexus I. N. non esse interdictam, sed iure diuino positiuo vniuersali, pariterque statuendum esse de incestu; patriam potestatem quatenus iuris naturalis est, non ex iure sanguinis, nec ex pacto tacito oriri, nec ius in bona liberorum inferre, Deum non esse causam maiestatis immediatam, sepulturam I. N. non esse praeceptam, et similia. Quae magnam auctori suo inuidiam conflagrant, praecipue cum theologos more suo mordere et sale satyrico perfricare non cessaret. Ipse tamen postea cum ius vniuersale diuinum positiuum, cuius distinctione a iure naturae pleraeque illae assertiones paradoxae nituntur, abiiceret, multa in his dogmatibus innouauit, aliaque iuris naturae et gentium fundamenta posuit, quorum potiora cum infra descripturi sumus, hoc loco nihil dictis amplius addimus.

*Rationes,  
quas in hac  
emendatione  
secutus est  
Thomasius.*

§. XIV. Et haec quidem in morali argumento circa annos priores muneri Halensis molitus est Thomasius. Qui quibus eo tempore rationibus ductus fuerit, ipse alicubi luculenter enarrat, quod omitti hoc loco eo minus potest, quo minus sequentia sine hac face lucem habent et intelligi possunt. Ita vero scribit f: *Videbam, ut mea scripta circa illud tempus, annum 1706 edita docebant, potissimum praxis ethicae Germanico idiomate scripta, intellectum humanum saepe transgredi sphaeram actiuitatis suae, et hoc modo in plurimos errores labi. Quaecebam ergo eius limites et terminos naturae et gratiae, rationis et reuelationis, et putabam me eos inuenire tutissime posse in scriptis theologiae mysticae, imprimis cum obseruarem, alios viros optimos, communium errorum iuxta me strenuos oppugnatores eiusmodi libros praedicare et mihi commendare. Causa haec fuit, cur PETRI POIRETI libros tres de Eruditione vera, falsa et superficialia recudi*

e) Conf. REIMMANN. l. c. Vol. VI. p. 43.  
LUDOVICI Delin. hist. iuris diu. §. 71. sqq. BVD-  
DEVS Hist. iuris nat. §. 41. seqq.

f) Praef. noua ad Poiretum de Erud. tripl.  
§. 34. p. 31.

recudi Halae faceret, eosque amplissima praefatione commendaret. Qui liber cum totus mysticis et theosophicis faueat, vt *superiori huius Tomi parte* demonstratum, factum inde est, vt theosophicum systema eo tempore Thomasius valde deperire inciperet. Quod vtrum solis, quas modo adduximus rationibus adscribendum sit, vel an arcanæ nonnullae causae accesserint, illis disputandum relinquimus, qui historiam et *avēdo-ra* eorum temporum perspexerunt. Nobis suspicionibus tractationem nostram onerare nolentibus sufficit obseruauisse: luculentum systematis theosophici electi specimen edidisse Thomasius in noua pneumatologia et physica, quam, vt vbique philosophiae reformatorem ageret, eo tempore edidit. Et erat quidem Thomasius, vt diuersissimo studiorum generi fuit innutritus, a naturali sapientia prorsus imparatus. Cum autem hanc quoque philosophiae partem sibi negligendam non esse statueret, ad Halenses autem Musas iam ante academiae inaugurationem traductus esset Fridericus Hofmannus, medicus incomparabilis, cui tradendae naturalis scientiae sparta simul erat demandata, isque in natura rimanda et experientiae speciminibus exploranda egregie versaretur prorsusque excelleret, Thomasius conductis in eundem finem aliquot viris doctissimis et iam tum munerum dignitate conspicuis, quadrimestri spatio hunc naturae interpretem audiuit, et experimentis naturalem disciplinam firman-tem praeceptorem sibi delegit. Ast tantum tamen abest, vt quam tradiderat Hofmannus physicam mechanicam et experimentalem sequeretur, vt potius, quae ab Hofmanno didicerat eo adhiberet, vt explosa physica experimentali theosophicam, quam tum deperire coeperat, erigeret. Et prius quidem ita suscepit, vt contra philosophiam experimentalem dubia quam plurima fereret, ex consuetudine sua illis non parcens, quorum industria experientiam physicam didicerat. Nam extenuata experimentorum fide, sumtus inutiles in ea factos carpit, et eo fine videntia et discenda cupit, vt qui illis amplissime fidunt, refutari possint, et ad scepticismum quendam physicum confirmandum ea adhibet, dicam autem recentioribus physicis scribit, quod ignorantiam et imbecillitatem humani intellectus agnoscere nolint, multaque experimenta impossibilia et sensui communi refragantia esse demonstrare conatur, et id sibi potissimum incumbere credit, vt ostenderet, sine pneumatologia physicam constare non posse. Hinc nouam eamque Mosaicam, Cabbalisticam et Christianam physicam introducere satagens, anno c1o 1o c x c i x edidit *Tentamen de Natura et essentia spiritus, siue principia naturalis et moralis*

g) Cl. SCHWELZIG in Vita Hofmanni. conf. Si placet Pinacothecam nostram scriptorum illustrium Dec. I. in Elogio Hofmanni.

*moralis doctrinae* <sup>b</sup>. In quo libello Cartesianos et physicos recentiores oppugnat, totusque Mosaicorum principiis inhaeret, quae cum infra strictim finis delineaturi, hoc loco enarrare nihil attinet. Dici autem vix potest, quam aduersa hoc conamen physicum et metaphysicum iudicia eruditorem passum sit, qui concoquere non potuerunt, Thomasiū ridendis et exagitandis principiis incertis, vagis et nihil significantibus natum, reiecta et explosa physica experimentalī ad Mosaicorum nugae fuisse delapsū, sicque meliora iis, quae deseruerat minime supposuisse. Quare in hoc quidem philosophiae genere omnium minime plausum meruit; sed certatim surrexerunt, qui calamis suis eum confoderent, inter quos modeste at solide Thomasiānas assertiones examinavit, praestantissimus Tubingensium medicus ELIAS CAMERARIUS, acerbē autem in Thomasiū inuecti sunt Realis de Vienna et Albertus Christianus Rothius ecclesiastes Lipsiensis: illi autem personatus quidam lucundus de Laboribus, huic ipse Thomasius breuiter more suo respondit <sup>c</sup>. Haud pauca vero in physicam suam ex Thomasiānis transtulisse Rudigerum, in sequentibus dicemus.

*Labores politici Thomasi.*

§. XV. Restat philosophiae politicae, siue prudentiae consultatoriae pars practica: quam serius quidem, et non nisi absoluto toto philosophiae curriculo attigit Thomasius, non tamen totam omisit. Cum autem consultatoriam prudentiam iureconsultis prae aliis vindicaret, ad eorum artem quoque regulas prudentiae applicuit. Hinc enati libri duo, bonae frugis pleni, quorum priori hunc praefixit titulum: *Primae lineae de ICtorum prudentia consultatoria, in quibus docetur, quid sit prudentia, quid consultatoria, qua ratione ea ad ICtos pertineat, quid obseruet prudentia tam in dirigendis actionibus propriis, in conuersatione quotidiana, et selecta, in societate domestica et ciuili, quam quoad ipsa consilia danda aliis et ab iis petenda*, Hal. clō 10 ccv <sup>d</sup>. Alteri anno sequenti vulgato hoc rubrum praescripsit: *Specimen prudentiae iudicialis. ex iure naturae et gentium exhibitum, in exemplis de variis gentium negotiis et controuersis, quibus sparsim immiscentur, genuina principia definiendi praetensiones illustres*. In quo libro se saluam mouere voluisse, ait, „iuris studiosis, studia humaniora et necessaria „communitè negligentibus, vt in hac iuris naturae et gentium prudentia in exemplis tradita subinde micæ liberaliorum disciplinarum gustantibus eorum excitetur desiderium, maiori cura se applicandi ad philosophiam

<sup>b</sup>) Conspectum breuem exhibet in tabula LVNCKIUS in *Lineis primis eruditionis vniuersae* p. 136.

<sup>i</sup>) Conf. qui libellos huc pertinentes enumerant LEFORIN. l. c. LVDOVICI l. c. p. 134. STOLLE l. c. §. 12. p. 478. et quae nos in Ger-

manico Hist. phil. opere adduximus T. VII. p. 550.

<sup>k</sup>) Versionem Germanicam fecit GEORGIUS BAYERUS Prof. Viteberg. 1707. quam ipse emendauit Thomasius 1721. 8. conf. REIMANN. Vol. V. p. 254. STOLLIVS l. c. p. III. c. 5. §. 30. p. 707.

„sophiam de moribus humanis, ad studia politica, historica, heraldica, „mathematica, sine quibus nemo eruditi nomen meretur.“ Ex quo patet, introductionem quandam vel specimen potius historiae literariae ad ius naturae et gentium applicatae hunc laborem illum esse voluisse.

§. XVI. Haecenus, quam viam in emendanda philosophia ingressus sit Thomafius, per omnes eius scientias exposuimus: nondum tamen eius philosophicam historiam absoluimus: placuit enim viro foecundissimi ingenii, haud exiguum partem cogitationum priorum abiicere, et magnam systematis sui partem innouare. Tentauit id primo conamine in Iurisprudentia naturali, quam magnis hucusque moliminibus Pufendorffium secutus construxerat. Ait cum prudentiam legislatoriam modo enarratam anno 1700 iuuentuti studiosae explicaret, „obseruata legis homonymia haecenus superficialiter a doctores tractata vel plane „neglecta simul palpauisse se, refert <sup>1)</sup>, legem diuinam positiuam vniuersalem a multis ante ipsum in scenam productam, a nemine vero distincte propositam, post suas tamen curas a multis tanquam Deum ex machina usurpatam, figmentum esse, nec ea amplius opus fore genuinis fundamentis iuris naturae perspicue positae, destruxisse se iterum bona fide figmentum illud primum, et eodem anno obseruationem illam de natura legis inferuisse *Tomo sexto obseruationum Halensium*. Cum vero hoc pacto maxime opus esset, vt fundamenta iuris naturae aliter ordinarentur, quam haecenus fecisset, subsequenti anno 1701 noua illa esse auspicatum, et tunc demum anno 1705 absoluisse.“ Rationes vero cur priorem iuris naturalis tractationem ita mutauerit, has affert, inutilem esse apparatus testimoniorum et allegationum, et curatius ipsam potius intuendam fuisse naturam hominis moralem, abiiciendumque, quem et ipse haecenus secutus sit, errorem fundamentalem: imperio gaudere intellectum in voluntatem et profluentem inde opinionem falsam, homines aequae esse eiusdem naturae, vt alias species infimas corporum naturalium. Nimis etiam Pufendorffium opposuisse moralia naturalibus, quorum intima tamen sit connexio. Porro legis ambiguitatem curatius determinandam, nec, quod haecenus fecerit, putandum cum Grotio et Pufendorffio, legem diuinam in genere acceptam, et legem humanam esse species vniuocas eiusdem generis, cum lex diuina, quae iuris naturalis est, laxius accipiatur, adeoque poenae diuinae cum humanis non sint confundendae, sed vt tales, quae naturalem habeant connexionem cum actibus vitiosis. Obligationem internam autem ante omnia rectius fuisse distinguendam ab externa, et in maiori luce collocandam, iustumque ab honesto accuratius discernendum, limites vero ponendos inter ethicam et ius naturae, leges

O o o 2

1) In Praefatione.

ges morales diuinas autem magis in decalogo restringendas, et multa ad leges Iudaeos obligantes referenda, quae ad morum praecepta soleant plerumque referri. Sicque ius illud diuinum posituum vniuersale abiciendum fuisse, quo pacto ea omnia mutanda se obtulerint, quae isti fundamento superstruxerit etc. Valde quoque differre posteriores curas viri illustris a prioribus, ipsa horum fundamentorum comparatio cum iurisprudencia diuina satis docet, quibus tamen, cum de illis infra dicendum sit, longius hoc loco inhaerere non licet. Ita vero dum hypotheses de natura hominis morali mutauit Thomasius, non potuit non reliquam etiam, quam de eruditione vniuersa sibi conceperat opinionem abicere, aliasque sibi de eruditionis generibus et differentia notiones fingere. Reliquit ergo Poiretum, Burlignoniam, similesque, et alia via incedens, rationis usum extollere iterum coepit. Cuius mutationis causas cum paucis in *praefatione ad Germanicam Grotii de I. B. et P. versionem* tetigisset, prolixiori dissertatione ad iteratam librorum POIRETI *de Eruditione triplici* <sup>m</sup> editionem manifestauit. „Alienasse, ait, „se a commendatione mysticae theologiae, quod ex historia ecclesiastica didicisset, eam pariter ad scholasticam theologiam tandem desinere „in dominatum conscientiarum, tendereque ad abiectionem vsus omnis „rectae rationis, et vel ad captandos entusiasmos, vel ad dependentiam coecam ab auctoritate aliorum hominum etiam maxime irrationalium: fructus autem promissos frustra quaeri in mysticis viuentibus, „tam intuitu tantopere depraedicatae veritatis inuentae, quam intuitu „potissimum vitae et emendationis affectuum, cum vtroque inuenisset, „aeque homines ac inter Scholasticos et Cartesianos. Sensisse, conuenire eos in terminis generalibus, abstractis, obscuris, et parum „perceptibilibus, non infelices eos esse in detegendis et monstrandis erroribus aliorum: in ipsis assertionibus specialibus tam saepe eos dissentire, ac eruditos aliarum sectarum. Vidisse se, aequè inter mysticos, ac alios subinde regnare, inuidiam, aemulationem, detrahendum et haeretificandi studium, ac inter alios homines, et mysticum mysticum „odisse. Sensisse se euidenter maiores fructus in vsu vtriusque luminis „naturalis et supranaturalis, eiusque caute obseruandis differentiis, multum autem se adiuvisse oculosque aperuisse L O C K I I eruditissimum „tractatum *de Intellectu*, ex quo cautelas euitandi enthusiasmi didicerit.“ etc. Facile palpabit lector, quos mysticos viuentes pungat, attendens ad indignationem, quam in adducto loco prodit in doctorem Poiretianae doctrinae, qui ipsum in scripto publico tanquam virum maxime periculosum traduxerit, eaque curioso oculo lustrans, quae in *Fundamentis I. N. et G.* in Buddeum effudit, vel controuersiae de concubinato supra iam tactae memoriam recolens. Ex quo, nisi nos omnia fallunt,

m) loc. cit.

fallunt, conficitur, praeter rationes adductas causas nonnullas arcanas quoque in huius mutationis originem influxum habuisse. Quas tamen Lectori partis studio non addicto, et ad historiam literariam illorum annorum curatius respicienti coniiciendas magis relinquimus, quam suspicionibus nostris, licet verisimilitudine non destitutis, eruimus. Addimus autem, quod series historiae Thomasiae postulat, anno cldccc prodire iussisse virum celeberrimum in publicum *Cautelas circa praecognita iurisprudentiae*, qua tractatione propaedeutica iuuentutem ex historia et indole disciplinarum munire contra praeiudicia plebis eruditae voluit, viamque pandere, qua syrtes euitari possint, in quas plerisque incidisse dolet. Multa in hoc libro egregia cumulauit, quaeque attentionem paulo maturiorem produnt, et ad historiam quoque scientiarum literariam praeclare faciunt. Nec inficiandum in haud paucis non pristinam modo mentem, sed et errores priores eum, ut candido in hac re erat animo, emendauisse. Cuius exemplum esse potest, quae de cautelis in studio historiae philosophicae obseruandis monuit, ubi praeclare obseruauit, patriarchas simplices quidem homines, nec philosophos fuisse, at viros sapientes, adeoque nec libros illis tribuendos esse nec scholas, et sapientiam tantummodo apud Hebraeos quaerendam esse, inutilemque esse Cabalae operam studiumque, distinctionem philosophiae in barbaricam et Graecanicam factum Graecorum redolere, etc. Ast fatendum tamen etiam, in his ipsis cautelis nonnulla eum asseruisse, quae, si paulo altius rem expendisset, abiiecisset. Qualia sunt: Cainitas origines dedisse philosophiae sectariae, Salomonem de rebus physicis disputauisse, Democritum omnia risisse, verasque esse epistolas Hippocratis, libros Numae repertos et combustos fuisse philosophicos, Iudaeos ex captiuitate Babylonica philosophiam domum reportasse, Phariseos Stoicis, Sadducaeos, Epicureis, Essenos Cynicis valde affines esse; Bathkol fuisse certam vocem Hillelis, ad captandam auctoritatem adhibitam, Paulum Rabbinicas traditiones de decem Sephiroth exagitauisse, et philosophiam Iudaeorum repurgauisse, Romanos ante Augustum eclectice fuisse philosophatos, Plutarchum Peripateticae sectae fauisse, Arabes Hispanos Aristotelem praecipue primosque extulisse, Lutherum consubstantiationem a Biele recepissee, Melancthonem Scholasticorum subtilitates reuocasse, Iesuitas Scholasticos nullam sectarum inter Scholasticos exortarum recipere, etc. Haec in vno de historia philosophica capite occurrunt, quae falsa esse et erronea, nemo ignorat, qui tractationem hanc nostram legerit et examinauerit. In aliis aequae se hominem, licet multoties magnum et acutum, sed falli tamen non nescium demonstrat. Qualis imprimis in iis depre-

Ooo 3

hendi

n) Prodiere etiam Germanice 1713. 8. Conf. Bibl. noua Part. V. pag. 433 A& Erudit. German. Part. VIII. p. 336. FABRICII Hist. Bibl. suae

Part. IV. p. 143. STOLL. I. c. pag. 60. Bibl. choisie T. XXI. pag. 209. seq.



hendi visus est, quae de disciplinis mathematicis et physicis differuit, in quibus cum omnium minime esset exercitatus, mirum non est, paralogismos multos et errores varios viros doctos obseruauisse, qualis est, quod mathesis demonstrationem exhibere nequeat, nec scientiae nomen mereatur, id quod ex definitione puncti mathematici illustrat, quo nomine reprehensionem mathematicorum passus est<sup>1</sup>. Id nos vnum miramur, virum acutissimum, qui biennio prius, quam has cautelas ediderat, mysticos ad entusiasmum ducere, et rationis lumen suppressere, caussatus, eos non sine mordaci satyra exagitauerat, in cautelis circa studium physicum pristina somnia de natura rerum, ex mysticis, et Mosaicis hausta repetiisse, et talia physicis obiecisse, quae satis produnt, cum cura eum illorum tractationes non legisse, nec satis intellexisse, adeoque nonnulla perperam eis tribuisse. Falsum enim, vt exemplo id illustremus, est, asseruisse Cartesianos, vt res possibilis concipi possit, ita quoque esse, cui thesi tamen Cartesius contradixit; falsum, physicos recentiores omnes errorem veterem; essentiam corporis consistere in extensione, non emendauisse; falsum, negasse omnes attractionem, falsum eos, qui corporibus vim actiuam mouentem tribuunt, corpora esse mere passiuas substantias, dixisse. Tacemus alia inter errores recentiorum physicorum relata, quae magnam in hac disciplina aut ignorantiam aut veri status quaestionis confusionem prodere viris doctis visa sunt. Et quis quaeso, rerum gnarus et Mosaicae philosophiae historiam edoctus ferat, Thomaeum in reiiciendis omnis aetatis systematibus tanta cum libertate versatum, et in perspiciendis principiis vanis et incertis lynceum, ad discendam philosophiam naturalem non modo Mosaicam historiam velut systema physicum commendare, quam tamen in adiecta nota non ad finem philosophicum, sed theologicum descriptam esse recte monet, sed et eos laudare velut certos duces, qui Mosaicam physicam scripserunt, et tamen dehortari ab eorum nugis mysticis, hosque praeferre physicae Cartesianae, Gassendianaeque, quas innumeras contradictiones fouere contendit? Qualia viro summo et eruditissimo, ast in hoc stadio minus exercitato, et fortassis contra nonnullos recentiores irritato nollemus excidisse. Ita vero heroës quoque suos patiuntur manes, nec ea omnia obstant, vt non magnum ingenium aluisse Thomaeum, dicendum sit.

*Scripta Thomaeum miscellanea Philosophiam illustrantia.*

§. XVII. Occupauit ab eo tempore illustrem virum potissimum iurisprudencia reformanda, quam refingere multis magnisque conatibus annis est. Cum autem philosophemata sua passim inspergeret, vsum philosophiae hoc pacto reformatae in aliis quoque scriptis ostendere sat egit.

<sup>1</sup> Vid. Col. WEIDLERVS Miscell. Lips. T. I. obl. 17. p. 186. seqq.

egit. De quo tamen explicatius differere remque omnem fufe exponere non huius loci est, sed ad iurisprudentiae historiam pertinet. Namque non omisit scriptiunculis minoribus philosophiae eiusque historiae lucem accendere, ex quibus quae vernaculo sermone prodierunt, itemque *Programmata academica*, et *Orationes academicae*, tum *Dodecas quaestionum historico-philosophico-iuridicarum-paradoxarum*, iunctim prodierunt. Sed historia quoque *Sapientiae et stultitiae*, tum quae Latino sermone vulgata est, tum quae vernacula prodiit, huc referenda est, quarum collectionum illa potissimum ex schedis parentis collecta praestantissimas observationes ad philosophiae historiam pertinentes continet, quas cum toties in partes hactenus vocauerimus, plura de iis non dicemus. Idem de *Observationibus ad rem literariam spectantibus*, quae cura virorum quorundam celeberrimorum in academia Halensi in vulgus exierunt, tenendum, quarum partem haud contemnendam eruditioni et industriae Thomasiarum, patris et filii Christiani, debemus. Possent his nonnulla alia addi, si indicem librorum Thomasiarum contexere institutum nostrum postulare; quod cum ad alia nos vocet, catalogum eorum typis impressum et a Leporino magnam partem repetitum Lectorem consulere iubemus. Id nos tractationis nostrae memores adiicimus, incomparabilem industriam et doctrinae copiam, quam in repurganda et ad veros fontes reuocanda philosophiae historia demonstravit Iacobus Thomasius, in filio haud parum effecisse, ut iis gressibus ad emendationem philosophiae properaret, quibus immortale sibi nomen peperit. Patetque tum ex *Philosophia aulica*, tum ex *Cautelis*, quam egregie necessitatem et utilitatem philosophicae historiae inspexerit, commendaueritque. Cuius ut in scriptis laudatis, itemque in *Ethica practica* specimina pulchra et memorabilia edidit, ita merito laudandus est, quod parentis observationes, et ipse vulgauerit, et aliis vulgandas liberaliter obtulerit. Maxime in paulo pleniori *Historia iuris naturae*, quam in usum auditorii sui anno c1o 1o c c x i x Halae vulgavit, luculenter demonstravit, quam acri iudicio, animoque ab omni praeiudicii servitio libero ad historiam philosophiae scribendam se accingere potuisset, si eam totam exponere ex instituto voluisset. Multa enim ignota, prius detegit, arcanasque rationes caussasque latentes eruit, et imprimis in narrandis Pufendorffianis litibus B V D D E I, L V D O V I C I aliorumque, qui in explicanda I. N. historia defudarunt, diligentiam superavit, quamvis in hoc quoque labore nonnulla admisceat, quae sine examine probari admittique non possunt.

## §. XVIII.

p) Il. cc. Debemus ei quoque eruditum schéma de Definitione sapientiae a patre conscriptum, cui indicem aliorum ab eo delineatorum adiecit, ut haberent, qui historia philosophica

delectantur, quibus se iuvare posse intelligerent, Inde specimen petiit cl. H A V M A N N V S in Actis philosophorum.

*Laudes Thomasio.*

§. XVIII. Fatebitur Lector, nobis non moventibus meruisse illustrem virum, qui haud postremo loco inter reformatores philosophiae collocaretur, cuiusque gratissima existeret apud posteritatem memoria. Inde factum, ut et vivus innumeros sectatores haberet, et admiratores haud pauciores, imitatores quoque nonnullos, qui cum Thomasio iudicio et doctrina instructi satis haud essent, parum honoris Thomasiae disciplinae acquisiverunt. Fatis autem functus in ipsa illa academia ex merito laudatus est, in qua tot sibi persecutiones obtigisse supra eum conquerentem narrantemque audiimus. Extollunt enim viri doctissimi, qui *Acta eruditorum*<sup>1</sup> colligunt, fidem eius in docendi munere demonstratam, illustratam iurisprudentiam naturalem veterem et recentiorum, repurgatam philosophiam, vitam integram scelerisque puram, et avaritia pariter atque superbia non contaminatam, coniugii diuturni felicitatem, liberorum educationem rectam, amicorum fidelitatem, discipulorum gratum animum, mentem aequam sinceramque, mores elegantes et conversationem iucundam atque acumine commendatam. Tum ingentem doctrinae copiam, industriae peruvaciam, et alacritatem, prudentiam atque amorem virtutis et veritatis. Fuisse quoque aiunt detegendis illico erroribus aptissimum, ast nec ad veterum nec recentiorum admirationem valde pronum, disertum quoque in scribendo et acutum ingenioque emicantem, licet accuratio et elegantia, maxime in scriptis Latinis, abesset. Sic ut famae celebritatem immortalem fore recte viri doctissimi coniiciant. Subscribent haud inuiti huic elogio, quotquot sine partis studio vel vivum intuiti sunt, vel defuncti scripta cum cura legerunt. Mirum itaque non est, laudes certatim in eum cumulasse viros doctos, quorum loca collegerunt IO. FABRICIUS<sup>2</sup> et CHRISTIANVS POLYCARPVS LEPORINVS<sup>3</sup>. Defunctum vero magnifica oratione in societate Lipsiensium oratoria ludavit IOANNES ABRAHAMVS BIRNBAVM.

*Reprehensa in Thomasio.*

§. XIX. Tacenda tamen ea quoque, ut historici partes rite expleamus, non sunt, quae viri docti passim in illustri viro reprehenderunt<sup>4</sup>. Inter quae eminent ingenium ad satyram quasi natum, et mordaci dicacitate in quoscunque, non sine amaro risu insurgens, qui paradoxis et novis assertis subscribere, renuerunt. Quem insultandi adversariis habitum licet interdum suppresserit, totum tamen euitare non potuisse, conqueruntur. Addunt his: valde favere scepticis, non quod omnem evidentiam neget, sed quod dubia ubique ex dubiis nectat, et coacta

<sup>1</sup>) 1789. p. 470. Cum his conferendus R E I M-  
MANNVS Carol. crit. P. II. p. 699.  
<sup>2</sup>) Hist. Bibl. suae T. IV. p. 142.  
<sup>3</sup>) l. c. p. 192.

<sup>4</sup>) Ita rem summam complectuntur viri eruditi  
qui Relationes innocuas consarcinarunt 1702. p.  
173. seqq. quibus iungenda, quae collegit L E P O-  
RINVS l. c. p. 174. seqq.

coacta industria augeat verbisque exaggeret. Veritatem porro alunt, non ex internis primisque fundamentis eum deriuare, adeoque nec ad sacrarum literarum fontes, nec ad accurata rationis principia, nec ad genuina antiquitatis monumenta recurrere, sed ratiociniis topicis vtemem coecos in iudicando haud raro catulos parere. Fauere autem Naturalismo quem vocant, et religioni reuelatae interdum officere, scaterere libros eius excerptis atheorum, Scepticorum, Naturalistarum, Socinianorum, quos vnquam Gallia vel Belgium tulerit, nec ea cum verbo diuino comparare: abiici propter abusum omnem rerum et consuetudinum veterum usum, non vero eas emendari: plura diruere eum, quam aedificare, et omnem religionis Christianae vim ad ratiocinia quaedam moralia, gratiam ad naturam, reuocare: ferre quoque non possunt, multoties sententiam eum mutauisse, vel incertum quid statuentem, vel precipitanter prioribus subscribentem, et sine molesta et diuturna meditatione sua effundentem, quorum errores postea compareant; immo honoris et vtilitatis arcanarumque causarum gratia opiniones priores nonnunquam deseruisse. Fuerunt quoque nonnulli, qui animum leuem, aliisque insultantem, et mendaci fama confisum alios arrodentem, hominibus autem ἀπαίδευτοis, quique sine religione viuunt, frigidam suffundentem ei viuo adhuc obiecerunt, et conscientiam eius peculiaribus scriptis excitare sategerunt, quod post I. O. IOACHIMVM WEIDNERVM, theologum Rostochiensem, graui increpatione fecit anonymus quidam, qui atheis ex incredulis occasionem eum dare ridendi miracula Mosaiica et Christiana, omnemque veritatem in sacris paginis explicatam, obiecit. Cui tamen anonymus philalethes fati aculeate respondit, telumque in theologos mysticos retudit.

§. XX. Relinquemus Lectori in tam diuersis doctorum virorum sententiis de Thomasio arbitrium, quod non nisi abiecto omni partis studio, et comparatis scriptis Thomasia cum aduersariorum libellis et examinatis hypothesibus Thomasianis, dispulsisque nubibus, quas contentiones de verbis obiicere oculis et offundere intellectui solent, suscipi potest. Id autem historia postulante annotandum est, mordacem scribendi pruritum et satyricum amarorem ad cumulandos inuidia risuque aduersarios comparatum, ipsum virum illustrem, monitum ea de re a B. Spenero agnouisse, et peculiari scriptiuncula, vernacula edi-

u) 1726. Rost.

x) Excitatio conscientiae ad Chr. Thomasium Prof. Iur. Halensem propter iniquitatem nuper in programme de Lectionibus suis hybernais proditi-

tum, cuius auctorem, qui se V. D. Ministrum Brandenburgicum vocat, esse Ven. D. IOACHIMVM LANGIUM docet nos REIMANNVS in Cat. crit. bibl. suae T. I. p. 78g.

edita \*, cui titulum fecit: *Meditationes paschales de ira et amaritudine scribendi ratione*, detestatum fuisse. De cuius tamen confessionis sinceritate nonnulli dubitauerunt, cum viderent, post hanc editam antiquum eum obtinuisse, unde lepide dixit nonnemo \*\*, appellauisse eum hanc confessionem suam *Meditationes paschales*, quod nunquam ei mente, nisi in festo Paschatos, succurrant. Haud parum taedium et molestiarum autem ipse sibi hoc dicendi genere amarulento et mordente conflauit. Nam haud pauci magnis iris et scurrilibus quoque libellis in eius famam grassati sunt, eumque false traduxerunt, et narrante auctore *Bibliothecae iuris imperantium* †, cum in ipsam caesaream maiestatem paulo liberius calamus stringeret, a fiscali camerae imperialis accusatus multaetque satis magnae postulatus est. Quam tamen tempestatem a capite suo principis potissimum sui tutela tectus auertit. Quicquid autem vel errorum vel animi infirmitatum Thomafium occupauerit, quem hominem fuisse, imbecillitati humanae obnoxium, nemo temere negauerit; illud tamen neminem hodie inficias iturum esse confidimus, illustrem locum eum inter illos mereri, qui iugum seruitutis philosophicae et literariae a collo nostro excusserunt, et plurimum ad disciplinarum emendationem inter Germanos contulerunt. Et sane gratias ei deberi maximas putamus, quod tot aduersitatibus, periculis, metu et fortunae vicissitudinibus non deterritus, vnus potissimum Herculeo ausu se torrenti obiecerit, et libertatem eclecticam, ante vix in museis virorum summorum triumphantem, in academicam lucem produxerit †. Quo beneficio hodie nos et posteros nostros gaudere merito laetamur.

Thomasi confessio doctrinae suae.

§. XXI. Philosophiae a Thomasio emendatae nouoque vultu restitutae synopsin dare difficilis labor est. Supra enim monuimus, aliquoties mutauisse sententiam virum illustrem, maxime vero vbi nouum et diuersum a priori systema iurisprudentiae naturalis effingere coeperat. Vnde, qui Thomasianam philosophiam nosse cupiunt, cum prioris, tum posterioris systematis indolem summamque explorare necesse habent \*\*, eo quod non tantum in ipsis iuris naturalis principiis et positionibus mentem mutauit, sed et naturae humanae sibi aliam notionem finxit, aliasque operationes descripsit. Vnde comparanda est *Iurisprudentia diuina* cum *Fundamentis iuris naturae et gentium*, et in auxilium vocandae *Cautelae circa praecognita iuris* ab illustri Icto edita, in quibus potiora loca

2) Extat in Collectione scriptuncularum Germanic. p. 679. conf. Causas iuridicas mixtas P. II. p. 130. vbi causas affert, cur hoc dicendi genus sit securus.

a) Apud LEPOVIN, I. c. p. 274.

b) p. 48.

c) Conf. HEYMANN, AG, phil. Vol. I.

p. 458. 609. seq. STOLL, hist. lit. P. II. c. I. §. 10. p. 417.

d) Inde enata Cl. Imm. Weberei distinctio inter Thomafium prioristicum et posterioristicum, quam tamen ferre se non posse prodidit FROMASIVS in Diff. prooem. ad Fundam. I. N. et G.

loca et dogmata immutata et alterata indicauit. Ab hac autem prolixitate instituti ratio et tractationis prolixitas nos auocat, facilisque erit labor, cognoscendae doctrinae Thomasiae cupido, cum libri eius in omnium manibus versentur, ipseque quid in *Iurisprudencia naturali*, mutandum sit; in *Fundamentis I. N. et G.* copiose annotauerit. Iurisprudenciae quoque diuinae principia a Pufendorffianis non abeunt, quae infra suo loco describemus. Et prodit quidem anno c1o1o1cxcv CHRISTIANI THOMASII *ICTi Confessio doctrinae suae*, positionibus CCLXX, quae omnes metaphysicae et physicae sunt, et agunt de ente eiusque tripliæ affectione, perceptibilitate, alicubietate, et amplitudine, extensione, seu expansione, de diuisione entis in Deum et creaturam, de differentia Dei et creaturae, de diuisione creaturae in spiritum et materiam, de corpore, de perceptibilitate materiae et spiritus, de homine et eius relationibus ad entia reliqua, de spiritu corporis humani, de vbietate spiritus, materiae, corporis de speciebus spirituum, materiae et corporum, de essentia Dei, de anima et corpore hominis integri, de imagine Dei, lapsu, statu hominis lapsi, regeneratione, symbolis fidei, lumine naturae et gratiae, ratione, fide, poenitentia spe, charitate deque officio Christiani erga alios homines. Ex qua breuī *συνόψει* constat, voluisse virum summum earum doctrinarum suatum rationem reddere, quae ad theologiam naturalem et reuelatam pertinent, quibus tamen metaphysica et physica immiscuit cum arctissime cum illis cohaereant. Ipse vero monuit, esse has meditationes cogitata in Geneseos tria capita priora, quae non eo fine conscripserit, vt ederentur. Vnde earum diuulgationem sibi displicere fassus, nonnulla illustrationis causa addidit, praecipue cum haec confessio ad probandam eius *ἡρεσολογίαν* libello *Trinitatis orthodoxae*, id est, *Collectaneis quae inter Christianum Thomasiū et M. Alb. Christianum Rothium de Trinitate SS. haecenus publice et priuatim Thomasio sic urgente tractata sunt*, accesserit. Ipsa tamen, quae in hac confessione exhibentur dogmata, sua esse non negauit. Quoniam igitur philosophiae Thomasiae multam lucem accendit, scheda autem, paucis paginis comprehensa tantum non disparuit, potiora ex ea huc traducemus, vt habeat lector, quibus velut clauē quadam vti ad sequentia melius intelligenda possit.

I. Omne ens est aliquid.

II. Anima hominis duas facultates habet, intellectum et voluntatem.

III. Vtraque consistit partim in actionibus, partim in passionibus.

P p p 2

Passio

e) In pec. monito, scriptis vernaculis minoribus inserto.

f) Lips. 1698. Eodem auctore prodire quoque Atheistica Thomasia et Sched. an denur sagae.

**Passio intellectus vocatur sensio, voluntatis inclinatio; actio intellectus vocatur meditatio, voluntatis impulsus.**

IV. **Passiones intellectus et voluntatis semper praecedunt actiones, et haec sine illis quasi mortuae sunt.**

V. **Passiones intellectus et voluntatis sunt perceptiones animae.**

VI. **Entia realia vel per sensationem intellectus, vel per inclinationem voluntatis percipiuntur.**

VII. **Perceptio voluntatis subtilior est perceptione intellectus, quia per eam etiam inuisibilia et absentia percipiuntur.**

VIII. **Perceptibilitas est affectio cuiusque entis, sine qua non datur cognitio vera de eius realitate et essentia.**

IX. **Essentia est sine qua res ab anima non percipitur.**

X. **Quaedam res percipiuntur sensatione, quaedam inclinatione, quaedam utraque.**

XI. **Alicubi esse vocatur, esse in aliqua re vel extra eam.**

XII. **Alicubi esse differt ab esse in certo loco, a continente et contento.**

XIII. **Amplitudo est conceptus de re ut longa vel lata, abstrahendo a profunditate.**

XIV. **Amplitudo est vel spatium in quo est res mota, vel extensa vel extensum in spatio, vel extensio actiua, vel extensum passiuæ, vel motio actiua, vel mota res passiuæ.**

XV. **Quaedam extensio finita est, et passiuæ, quaedam infinita et actiua.**

XVI. **Differunt spatium et res extensa, extensio et extensum.**

XVII. **Diuerso respectu eadem res ut spatium, et ut res extensa potest considerari.**

XVIII. **Spatium infinitum est tantum extensio actiua, in quo mouentur omnia, ipsum autem in nulla re mouetur.**

XIX. **Necessarium est, ut existat aliquod extensum finitum, in quo tanquam in spatio non moueatur aliud extensum.**

XX. **Deus et creatura sunt realiter distincta, h. e. quorum ad minimum vnum potest existere sine altero.**

XXI.

XXI. Conceptus primus de Deo est a se ipso, et quod reliqua omnia sint ab ipso.

XXII. Quia vero quod ab alio est, eo posterius est, ergo creaturae Deo non sunt coaeternae.

XXIII. Percipiuntur creaturae per sensationem, tum oritur inclinatio, quae tamen non semper sequitur sensationem.

XXIV. Non potest homo meditari de creaturis, quas sensu non percepit.

XXV. Meditatio de creaturis moritur, nisi reuiuifcat per nouas sensationes.

XXVI. Deus non percipitur sensatione.

XXVII. Ergo intellectus non percipit viuere Deum, et omnis meditatio eius de Deo est mortua, quia fiftit saltem Deum esse aliud quid quam creaturam, non autem quid Deus fit.

XXVIII. Deus itaque percipitur inclinatione cordis quae cum passio fit, Deum ipsum cor hominis inclinare neceffe est.

XXIX. Passio intellectus in cerebro, voluntatis in corde fit.

XXX. Creaturae mouent cerebrum, Deus cor.

XXXI. Passio voluntatis nobilior est et melior passione intellectus, adeoque ad essentiam hominis pertinet, eamque a bestiis separat.

XXXII. Homo est creatura amans et cogitans, omnis autem inclinatio hominis amor est.

XXXIII. Intellectus amorem Dei excitare nequit, sed amor Dei intellectum.

XXXIV. Quo plus Deum amamus, plus Deum cognoscimus.

XXXV. Deus in se ipso est, et omnes creaturae in ipso; extra Deum autem nihil est.

XXXVI. Omnia ideo ex Deo ortum ducunt, et simul in Deo sunt.

XXXVII. Potest aliquid ex se ipso operari et tamen non extra se, sed in se est.

XXXVIII. Creaturae omnes ex nihilo extra Deum factae sunt.



XXXIX. Deus habet amplitudinem infinitam, creaturae finitam.

XL. Intellectus hominis non omnes creaturas exacte comprehendere potest, estque finitus.

XLI. Sed voluntas, quatenus ab ente infinito inclinatur, infinita est.

XLII. Deum nihil extendit, ipse vero extendit ac expandit creaturas.

XLIII. Omnes creaturae sunt extensae, et nulla extendit aliam virtute, quam a se ipsa habet.

XLIV. Extensum esse, et partes habere differunt.

XLV. Omnis extensio motus est.

XLVI. Omnis creatura movetur, Deus autem movet omnia, et tamen est immobilis.

XLVII. Motus duplex est: de non esse ad esse, vel motus spatiosus: hicque vel in certo spatio, vel de spatio in spatium.

XLVIII. Antequam Deus creaturas extenderet erat Dei essentia amplitudo inuoluta \*.

XLIX. Igitur tum creaturae in Deo occultatae erant.

L. Creatio igitur est actus, quo Deus creaturas hactenus in ipso occultatas in se ex nihilo extendit. Nihil autem esse, et in Deo occultatum esse, hic sunt synonyma.

LI. Creatio ergo est manifestatio Dei in creaturis.

LII. Deus nihil operatur extra se.

LIII. Nulla creatura est extra Deum, et tamen essentia creaturae ab essentia Dei differt.

LIV. Essentia creaturarum consistit in agendo et patiando, nempe in mouere et moveri, et sic etiam sensus hominis excitatur.

LV. Perceptio per inclinationem est omnium subtilissima, et subtilior sensibus omnibus, etiam tactu subtilissimo.

LVI.

\*) Habuit has assertiones Thomaeus a Cabbalisticis et Mosaicis, maxime Mero, cuius ipsa intercordum verba retiauit.

**LVI.** Omnis motus fit per attactum, aut appropinquationem rei mouentis ad rem motam.

**LVII.** Fit itaque sensio per appropinquationem ad sensus, inclinatio ad cor.

**LVIII.** Sensio saepe tangitur modo inuisibili, et inclinatio cordis fit modo inuisibili.

**LIX.** Omnis attactus sensationis fit per pulsionem, inclinationis vel per pulsionem vel per attractionem.

**LX.** Creatura patiens, vel ens mere passiuum vocatur materia, oppositum spiritus. Opposita autem oppositos habent effectus.

**LXI.** Spiritus est ens mouens et agens.

**LXII.** Quicquid passionem denotat est affectio materiae, quicquid actionem, est affectio spiritus.

**LXIII.** Passionem vero innuunt, extensum, diuisibile, mobile esse, ideo materiae competit.

**LXIV.** Materia est penetrabilis, sed non penetrans, vnibilis, generabilis, corruptibilis, illuminabilis et calefieri potest.

**LXV.** Ergo essentia eius est tenebrosa et frigida, haec enim omnia passiuua sunt.

**LXVI.** Deus materiae dedit motum de non esse ad esse, sed spiritus creatus materiam extendit, diuidit, mouet, penetrat, vnit, generat, corrumpit, illuminat, calefacit, et frigefacit; haec enim omnia actiones inuoluunt.

**LXVII.** Spiritus essentia sua lucidus, calidus et spirans est, siue creatura lucida, calida, extendens, diuidens, mouens, penetrans, vnens, generans, corrumpens, illuminans, calefaciens, et frigifaciens.

**LXVIII.** Nihil autem tale potest spiritus pati a materia, sed lucem tamen suam motionem et calorem non habet a se ipso, quia creatura est, sed a Deo.

**LXIX.** Igitur Deus etiam spiritum annihilare potest.

**LXX.** Spiritus essentia in se consistit in virtute seu potentia actiua, intuitu materiae vita eius est, essentiam eius formans, postquam existentiam a Deo acceperat.

**LXXI. Ma-**

LXXI. Materia est ens mortuum sine virtute, quam habet cum vita et essentia a spiritu.

LXXII. Induit ideo materia informem faciem, si spiritus eam relinquat.

LXXIII. Spiritus potest esse sine materia, materia sine spiritu esse nequit.

LXXIV. Spiritus ad materiam destinatus desiderat unionem cum materia et exercitium virtutis suae in ea.

LXXV. Omnia corpora consistunt ex materia et spiritu, adeoque vita quadam et anima pollent, qua partes eius uniuntur.

LXXVI. Spiritus in omnibus corporibus quasi in centro est, unde radios suos emittit, ac ita materiam extendit.

LXXVII. Si vero radios ex circumferentia materiae attrahat ad centrum, resoluitur corpus et corrumpitur.

LXXVIII. Spiritus spiritum attrahere et propellere potest.

LXXIX. Vires hae operantur sensibilibus in materia spiritui unita.

LXXX. Attractus et impulsus in homine vocatur amor et odium, in aliis corporibus sympathia et antipathia.

LXXXI. Spiritus organis sensuum non percipitur, quia nihil patitur a materia.

LXXXII. Materia in se est tenebrosa, et nec videri nec tangi potest, sed spiritus facit, ut videri possit, dum illuminat, audiri, dum mouet, etc.

LXXXIII. Differentia colorum, soni, odorum, saporum et tactus proueniunt a diuersa efformatione et figuratione materiae.

LXXXIV. Calor et frigus prouenit a diuersitate motionis spiritus in materia, utrum ea sit rectilinea vel circularis. Fluiditas vero et soliditas prouenit ab attractione spiritus. Prior ab attractione spiritus solaris, haec ab attractione spiritus terrestris.

LXXXV. Grauitas et leuitas prouenit a paucitate aut copia materiae, et quod spiritus corporis a toto suo separari, a spiritu totius trahatur et ad eum inclinet. Hinc etiam rarefactio et vis elastica intelligitur.

LXXXVI.

**LXXXVI.** Spiritus in se non aduersatur spiritui, sed sympathia et antipathia, amor et odium oriuntur a diuersis operationibus, quas spiritus pro diuersitate efformatae materiae in ea efficit.

**LXXXVII.** Corpus humanum aequè materia et spiritu gaudet, ac alia corpora.

**LXXXVIII.** Vnde in homine spiritus corporeus non debet confundi cum eius anima.

**LXXXIX.** In omnibus quibus corporibus materia e spiritu mota materiam alterius corporis immediate tangit. Sed materia tacta attatum non percipit, verum spiritus huic materiae assistens.

**XC.** Percipere hic significat virtutem alterius rei comprehendere, et probare, seu experiri atque se vel cum illa vnire, et propriam virtutem amplificare, vel illi cedere loco, aut propriam virtutem contrahere. Hae perceptiones in corporibus pro diuersitate figurarum et specierum corporum differunt: intuitu spiritus autem gradu tantum.

**XCI.** Propter varietatem materiae et diuersae eius structurae corpora diuiduntur in diuersas species.

**XCII.** Quaedam corpora sunt lucentia, quaedam pellucida, quaedam opaca, pro copia aut paucitate materiae et diuersis motionibus spiritus.

**XCIII.** Operatio vel perceptio spiritus animalis in eo consistit, quod in cerebro animalis imago contactus externi comprehendatur, et in corde probetur. Vnde postea spiritus in membris animalis oneratur, vt vel ad rem tangentem moueatur, vel eam fugiat.

**XCIV.** Si vero motus iste impediatur, excitat spiritus mouens in animalibus quasi desiderium rerum amoenarum, et quasi sollicitudinem ob res aduersas.

**XCV.** Ob structuram materiae corporis spiritus hominis ita operatur, vt imagines semel comprehensas custodiat, diuidat, componat, etiam absentibus rebus has compositas et diuisas imagines probet, et per hanc probationem (gustum) desiderium vel sollicitudinem tanquam de rebus praesentibus fulcitare possit.

**XCVI.** Spiritus iste aequè ac spiritus reliquorum corporum immaterialis est, participat autem de tactu materiae, et gaudium aut dolorem sentit. Dependet intuitu operationum a mutationibus materiae in corpore humano. Adhaeret quasi aliis corporibus terrenis, nec sine illis vnionem suam cum corpore humano continuare potest.

*Hist. philos. Tom. V.*

Q q q

**XCVII.**

**XC VII.** Homo secundum hunc spiritum confideratus vocatur homo animalis.

**XC VIII.** Virtus eius comprehendendi imagines rerum praesentium et absentium componendi et diuidendi appellatur intellectus actiuus, acumen ingenii.

**XC IX.** Et virtus desiderandi alias creaturas, etiam absentes, dicitur vis naturalis voluntatis, voluntas propria.

**C.** Materia est quidem extra spiritum, sed ab eo tamen vbique penetratur, immo spiritum ne quidem circumdat, sed primus spiritus extendens materiam desiderat alium spiritum, atque efficit, vt materia in quibusdam corporibus alium spiritum circumdet, et quasi comprehendat. Vel etiam spiritus, quando per artem congruatur, saepe se ipsum in materia capit, dum se valde contrahit.

**CI.** Si corpus aliud corpus non circumdat, nec cum eo vnitur, dicitur, quod per se subsistat: si vero cum alio corpore vnitur, vtrumque partes sunt vnius totius.

**CII.** Spiritus etiam existit extra corpora, eaque circumdat, immo corpora mouentur in spiritu.

**CIII.** Sed neque corpora neque spiritus per se subsistens possunt extra Deum esse.

**CIV.** Extensio spiritus concipi potest vt centrum circum circa radians, sed sine crassitie, sine qua vero materia comprehendere nequit.

**CV.** Spatium in quo mouentur omnia corpora est spiritus, et spatium in quo mouentur omnes spiritus, Deus est.

**CVI.** Lux est spiritus materiam illuminans inuisibilis.

**CVII.** Aer purus, siue aether, est spiritus materiam mouens, per quem corpora videntur.

**CVIII.** Terra est materia a spiritu contracta.

**CIX.** Aqua est materia a spiritu interno pulsa et mota.

**CX.** Corpora sunt vel terrena vel spiritualia, prout vel multum vel parum materiae habent.

**CXI.** Terrena corpora sunt, quae plurimum materiae habent, spiritualia, quae multum lucis habent, vt sol.

**CXII.** Aquea corpora sunt, quae multum spiritus et materiae habent. Illud quia sunt pellucida, hoc quia ob crassitiem videri possunt.

**CXIII.**

CXIII. Lucida corpora sunt nobilissima corporum, post haec aërea, tum aquea, denique terrea.

CXIV. Lux et ignis non sunt confundenda. Lux omnia sustentat, ignis omnia corrumpit est lux concentrata.

CXV. De Dei essentia tanquam incomprehensibili homines non nisi per similitudines loqui, possunt. Eae vero de nobilissimis creaturis desumi debent.

CXVI. Deus est ens mere actiuum, actus purus, spiritus, virtus efficacissima, lux, aura subtilissima.

CXVII. In Deo viuimus, mouemur et sumus.

CXVIII. Anima humana est ens distinctum a spiritu corporeo.

CXIX. Protoplasti corpus sine dubio fuit spirituale, et accedebat ad naturam corporum lucentium et pellucidorum, nec erat absque spiritu, sed in eo non consistebat vita hominis.

CXX. Igitur Deus inspirabat in nares eius spiraculum viuens.

CXXI. Anima ista est radius diuinae virtutis.

CXXII. Debebat anima haec regere corpus hominis et ad Deum ducere.

CXXIII. Et hoc intuitu anima hominis est perpetuum desiderium vnionis cum Deo, quem isto modo semper percipiebat. Vnde nihil aliud est, quam amor DEI.

CXXIV. Deus amor est.

CXXV. Illuminabat etiam amor hic intellectum hominis, vt scientiam haberet creaturarum, debebatque corpus hominis, et eius spiritum quasi transformare, et a creaturis ad Deum trahere.

CXXVI. Homo sequutus magis inclinationem corporis per spiritum animalem ad creaturas se trahi passus est, amisitque amorem DEI et cognitionem creaturarum perfectam.

CXXVII. Via ordinaria ex miseria hac euadendi est, vt homo ex statu bestialitatis transeat in statum humanitatis, et incipiat se ipsum nosse, miseriam vitae suae dolere, et amorem Dei desiderare.

CXXVIII. Has motiones homo bestialis excitare nequit, nec ultra per se tendere.

Q q q 2

Subiun-

Subiungit his theologica, mire a receptis ecclesiae dogmatibus deviantia, quae huc transferre non iuvat. Repetiit has assertiones in *Tentamine de essentia spiritus*, et ad alias quoque physicorum quaestiones et problemata soluenda adhibuit, fundamenta quoque moralia inde deriuavit. Non vero suo haec omnia ingenio debuisset Thomafium, sed pleraque accepisse a Theosophicis et Mosaicis, facili negotio palpabit lector ex comparatione systematis theosophico-cabbalistici, in superiori parte enarrati, cum hoc systemate physico et metaphysico Thomafii, et vel ex vnius FLVDDI *Physica Mosaica* constabit, quos praeceptores habuerit. Id quod non negat, in studio physico ad Comenium, Fluddum et similes prae Cartesio vel Gassendo iurisprudentiae studiosos ablegans. Ast quam ficulnea sit tota physiologia Fluddana, theosophicorumque aliorum, vel ex vnius GASSENDI *Examine philosophiae Fluddanae* constat, quod si sine partis studio legere et expendere, quam vilipendere et ridere maluisset vir doctissimus, dubium non est, quin systematis huius vanitatem perspexisset, et, quo erat ingenii acumine, palpauisset, ludere se vocibus et definitionibus, et imprimis in primariis axiomatibus paralogismos adducere. Melius autem res successit in philosophia rationali, de qua, quoad praecipua ita praecipit.

*Logica Thomafiana.*

§. XXII. I. Duo sunt lumina, quibus tenebrae intellectus pelli possunt, naturale rationis et supernaturale reuelationis.

II. Ad recte adhibendum lumen naturae linguis peregrinis opus quidem haud est, sed vtiliter tamen adhiberi possunt.

III. Logica et historia sunt instrumenta duo philosophiae.

IV. Primarius artis rationalis finis est agnitio veritatis.

V. Cogitatio est sermo internus de imaginibus, quae per motum corporum externorum mediantibus membris reliquis cerebro imprimuntur.

VI. Sensiones hominum vel externae sunt vel internae, et cum sensibus confundi non debent. Habent enim sensus quoque animalia bruta, sensiones non item.

VII. Impossibile est omnem cogitandi actionem fieri in sola glandula pineali, verisimile autem fieri eam in toto cerebro.

VIII. Habent quidem bruta actiones hominum actionibus similes, sed earent cogitatione, ex principio autem oriuntur interno nobis ignoto.

IX. Homo est, substantia corporea, quae mouere se et cogitare potest.

X. Habet non voluntas modo, sed et intellectus actionem et passionem,

nem, ex quo intelligitur, meditari pertinere non ad voluntatem, sed ad intellectum.

XI. Obscura et inutilis est quaestio, quot sint operationes intellectus.

XII. Quando intellectus circa imagines rerum externarum cerebro impressas versatur, vocantur abstractiones, et si praesentes se intellectui fiant, dicuntur memoria.

XIII. Quod si pro lubitu vel coniungantur vel disiungantur separentur, oritur inde facultas imaginativa.

XIV. Quando autem ex abstractionibus notis ignotae deducuntur, dicimur, computare, concludere, ratiocinari.

XV. Veritas est conuenientia interna cogitationum humanarum cum rei indole et natura extra hominum cogitationes.

XVI. Dantur veritates indemonstrabiles, quas qui negat, relinquendus est, eo quod convinci ultra nequeat nolitque.

XVII. Hominem non semper cogitare veritas est manifesta.

XVIII. Cogitationes, quae cum obiecto externo non conueniunt, sunt falsae, et si serio admittuntur, erroneae fiunt, si autem velut sola intellectus operatio considerantur, dicuntur fictae.

XIX. Verum est ratione intellectus vel certum vel probabile.

XX. Potest aliquid certo verum esse, et tamen intellectu videri vel verisimile vel falsum.

XXI. Omnia, quae harmonia vel dissensu inter se gaudent, habent quoque proportionem et relationem inter se.

XXII. Verba nuda sine applicatione ad res significatas, nec vera nec falsa sunt.

XXIII. Principiorum ea conditio est, ut sint veritates indemonstrabiles.

XXIV. Non datur principium omnium primum nisi vnum, in quo omnes veritates latent.

XXV. Hoc principium primo-primum est; Quaecunque cum ratione hominis, id est cum sensibus et ideis conueniunt, vera sunt, quae discrepant falsa.

XXVI. Sensus hominem mente et corpore integrum non faciunt.

Qqq 3

XXVII.



XXVII. Sensus internus falli nequit.

XXVIII. Apparens sensuum externorum fallacia oritur a praecipitantia intellectus iudicantis.

XXIX. Sensoria hominis non omnia omnibus hominibus omni tempore aequaliter sentienda offerunt. Inde de conceptibus variabilibus non datur propositio absoluta et vniuersalis.

XXX. Sine sensione nihil percipere sibi repraesentare potest intellectus.

XXXI. Ex sensionibus oriuntur cogitationes actiuae vel ideae earumque relationes, et ex his ratiocinia, quae numerorum rationibus aequipollent. Non tamen algebra scientiarum omnium fons et clavis est. Facile intelliget lector, in recentiorum logicorum scriptis versatus, petere Thomae nonnullos eorum, a quibus sibi discedendum esse staturbat. Maxime assertiones posteriores *Medicinae mentis* illustris TSCHIRNHAUSENI oppositae sunt, qui algebraicis computationibus usus rationalem artem illustrauerat. Quod cum displiceret Thomasio, isque in *Dialogis suis* anno 1679 nonnulla more suo libere notauisset, litem inde molestam ab illo sibi excitatam et magnis animorum motibus gestam sensit. Perstitit tamen in sua libertate Thomae, at laude debita Tschirnhausenianae meditationes non priuauit \*. Multa quoque opposuit Cartesianis, quos assertiones VIII. X. XIV. XXV. iugulant, et sequentia quoque passim confodiunt. Quae cum ex auctoribus *Philosophia aulica* et *Cautelis* nullo negotio queant disci, et a logica recentioris perito facile intelligantur, ab hac prolixitate in tantarum dicendarum multitudine merito calamum arcemus.

XXXII. Demonstratio est euictio connexionis veritatum cum principio primo.

XXXIII. Duplicis generis est demonstratio. Vel enim ex sensionibus ea fit, vel ex ideis et definitionibus earumque connexionem cum principio primo.

XXXIV. Ineptum est, ea demonstrare, quae vel inutilia sunt, vel indemonstrabilia et in se nota.

XXXV. Aliud est, esse verum vel falsum, aliud verum falsumque cognoscere.

XXXVI. Incognitum vel relatiue vel absolute tale est.

XXXVII. Verisimilitudinis dantur criteria, fundamentum et gradus.

XXXVIII.

\*) Vid. Dedic. Praef. logis

**XXXVIII.** Pro conditione obiecti circa quod versatur intellectus, datur cognitio vel vera vel verisimilis.

**XXXIX.** Arte syllogistica impossibile est veritatem inuenire.

**XL.** Regula methodi vna tantum eaque haec est: ita esse disponendam veritatem vel inueniendam vel demonstrandam, ne peruerse et ridicule agas, fiatque initium a facillimis et maxime notis.

**XLI.** Ad inueniendas nouas veritates opus est experientia, definitione et diuisione.

**XLII.** Veritatibus certis maxime inferuntur propositiones categoricae, verisimilibus hypotheticae.

**XLIII.** Deterior est conditio hominum, quam bestiarum.

**XLIV.** Non dantur principia connata materialia.

**XLV.** Fons primarius omnium errorum intellectus est educatio.

**XLVI.** Inde oriuntur praecipitantia, impatientia, praeiudicia.

**XLVII.** Fons proprius et primus praeiudiciorum est credulitas, quae ex miseria hominis eiusque intellectus conditione, quoad iuuentutem oritur.

**XLVIII.** Duo sunt praeiudicia generalia: auctoritatis humanae et praecipitantiae.

**XLIX.** Fontes praeiudiciorum specialium sunt ambitio; vnde antiquitatis praeiudicium oritur\*.

**L.** Ad veritatem inquirendam requiritur, tum vt praeiudicia debellantur, id quod per dubitationem dogmaticam et abiectam auctoritatem humanam, attentionemque sufficientem effici potest: tum vt scientia deligatur, quae ad veram sapientiam ducit, quae in cognitione sui ipsius quaeri debet\*\*.

**LI.** Obligamur ad inferuendum nostra scientia et cognitione hominibus aliis, vt autem id recte fiat, requiritur, vt quis ipse scientiam cognitionemque solidam possideat, sitque perspicuus, fidelis, humanus, familiaris, nihil memoria ediscendum tradat, pauca dicat, ingeniorum selectum instituat, ad discipulorum auditorumque vires et intellectus capacitatem attendat, suorum scriptorum auctor sit, et verba inania nihilque significantia euitet.

**LII.**

\*) Ex his vitia confusionis, obscuritatisque praieiudicia religionis et similia reiecit, quos autem reprehendat in Cautelis cap. 10. not. C. expulsa.

\*\*) Prae. logie, c. 1. seqq.

LII. Qui aliorum opiniones interpretari et examinare cupit, non debet iudicare de aliis, antequam de suis sententiam veram interponere didicit, et non nisi recte prius intellecta et considerato argumento, minime autem, interpretationis leges ignorans, vel de libro quem plane non legit, vel praeiudicio affectuque aliquo in transuersum actus in-spexit.

*Metaphysica  
pneumatica,  
physica Tho-  
masii.*

§. XXIII. Metaphysicam a pneumatica distinxit Thomasius, valde grauis metaphysicae Scholasticorum, quam in academiis Protestantium regnare vehementer indignabatur, hostis. Inde satyrica illa loca in *Dialogis mensuris*, in quibus metaphysicos false ridet. Nempe didicerat a patre <sup>g</sup>, cui elegantem historiam metaphysicae debemus, inter veterum et recentiorum metaphysicam multum discriminis intercedere, cum illorum notitia metaphysica circa principia vniuersalia et cognitionem entis eiusque attributorum versata sit, et denique ad cognitionem Dei transcendit <sup>h</sup>: recentiorum vero lexicon sit philosophicum terminorum philosophicorum communissimorum in iustae scientiae formam elaboratum. Quod quidem factum esse ex errore circa doctrinam analogorum commisso, pater asserit, sed qui tamen ita feliciter ceciderit, vt se nescire dicat, an illius lexici quo quidem carere nemo possit, qui ad eruditionem minime superficialiam in quouis doctrinae genere adspiret, forma sit nobis optanda melior. Filius autem Christianus exiguum huic lexico pretium statuit, quamquam enim ob introductos in scientias, artis terminos vtilitatem illi denegare omnem non audet, ideoque ontologiam CLAVBERGII vel CLERICI commendat, parum tamen ad eruditionem philosophicam conferre iudicat, et ad intelligendos modo scriptores, qui istis artis vocabulis vsi sunt, adhibendam esse pronuntiat <sup>i</sup>. Quae causa est, cur hanc partem philosophiae, quae principia scientiarum communia considerat, et philosophia prima quoque dici solet, non attigerit. Secutus autem methodum Scholasticorum, qui theologiam naturalem et pneumatologiam a metaphysica distinguere solebant, de spiritu nonnulla commentatus est. Quae cum a philosophis gentilibus disci non posse statueret <sup>k</sup>, saltu quodam, nescio an satis felici, rationis principia praetergressus, quod crederet ignorare eam, quid sit spiritus, ad diuina oracula confugit, exque illis spiritus definitione capta, quod sit substantia agendi vi praedita, et attributis actiuis constans, nouam inde pneumatologiam excogitauit, vel potius ab aliis excogitatam recoxit, cumque materiae, veluti principio contrario contrariam essentiam, naturam attributa tribueret,

g) Summam hermeneuticae haec tradit, quam etiam in Iurisprud. diu. L. 1. c. 3. p. 95. seqq. explicauerat: conf. append. p. m. 312. sed hoc loco emendat, conf. Cautel. c. 1. §. 38. seqq. controuersiam eo nomine habuit cum Vincentio Placcio.

h) Sched. de defin. sapient. l. orig. Hist. Phil.

§. 17. p. 20.

i) Cautel. c. 12. §. 3. seqq.

k) Ibid.

bueret, enata inde physicae quaedam species, Mosaicae et theosophicae simillima, quamque, si verum fatendum, ex Fluddo, Comenio, Bayero, Moro, similibusque corrasit, suisque hypothesibus adaptatam in tentamine de *Essentia spiritus* explicuit. Cuius cardo, in quo omnia vertuntur est, quod, dum mechanismo se opponit, eumque ratiunculis anxie conquisitis euertere studet, aliam prorsus spiritus definitionem sibi formet, nempe spiritum vocando, quicquid actionem sibi inuoluere videbatur, vnde principia motus omnia, cuiuscunque ea generis esse possunt, ad spiritus naturam retulit, et hoc quoque pacto lucem esse spiritum affirmavit. Quae cum extensione non careat, spiritum quoque extensum esse necessario dicendum erat, ita tamen, ut extensionem illi in superficie tantum inesse, sine crassitie, valde *παραδόξως* diceret. Quomodo necesse erat, physicos illos ridere, qui corpus habere concreatam vim motricem, nescio quam et cuius entitatis dicunt. Quibus verbis quos philosophos petierit, nemini ignotum esse potest, qui antecedens caput nostrae tractationis perlegerit. Plerisque autem misere paralogismis ineptis deceptus fuisse, et principia ignota, incerta et nihil significantia adduxisse visus est. Vnde nuper vir quidam doctus <sup>1</sup>, mitissimo pro rei merito vocabulo nugas ista esse, quibus philosophia naturalis sui et ignorantiam et contemptum vindicauerit, quasque recensuisse satis sit, appellauit. Realem de Vienna quoque in examine tentaminis de essentia spiritus hanc pneumatologiam Thomasianam excussisse ex supra dictis repetendum est. Non operose autem summam illius tentaminis huc adducemus, cum, quae ipsa fundamenta attingunt, in confessione sua supra in compendio enarrata, fusa ipse explicuerit, timeamusque, quae in vernacula ille attulit, a receptis philosophorum vocibus mira *καινονομία* abeuntia, ne perperam et praeter mentem viri illustris explicemus. Vnde eos, qui specialia nonnulla dogmata eius de spiritu et corpore scire cupiunt, ad ipsius libelli lectionem dimittimus, ex quo *ὡς ἐν συνόψει* potiora alibi <sup>2</sup> excerpimus. Rem omnem autem, nisi fallimur, luculenter complexus est IVNCKERVS <sup>3</sup>, his propositionibus totam pneumatologiam Thomasianam describens: I. Essentiam spiritus in genere considerati consistere non in cogitatione sola, sed in actione: quoniam materia ens sit mere passivum; spiritus autem oppositus sit materiae, ex quo utroque constet omne corpus, opposita vero habeant praedicata opposita <sup>4</sup>. II. Dari etiam spiritus non cogitantes, sed tamen

men

1) Cel. HOLLMANNVS theol. nat. c. 1. §. 19. p. 79. not. A.

m) In Germanico Hist. phil. opere T. VII. p. 576. seqq.

n) In Lineis primis erud. vniuersae p. 136.

o) Ex his concludit, posse spiritum expandi, concentrari, purificari, dari spiritus renebroso, calefacientes et frigefacientes, summos et imos, calidos et frigidos, masculinos et foemininos, nempe lumen et aetheram, spiritum creatum sensibus

men agentes, aetherem scilicet et lumen. III. Omnem potentiam actiuam esse ens per se subsistens, et subsistentiam potentiae passivae perficiens. IV. Potentiam vero passiuam non posse per se subsistere, sed opus habere lumine sufficienti, ut videri queat. V. Omnes denique potentias actiuas, seu actrices, esse inuisibiles, etsi materia inuisibilis, sit instrumentum aut signum potentiae activae. Hac vero ratione VI. Etiam lumen et aetherem esse inuisibilia, et VII. quicquid non possit concipi sine actione, illud esse spirituale. Quae dogmata ex *Confessione Thomastica* satis lucis capiunt, maxime autem ex physiologia et pneumatologia Mosaicorum, quibus pleraque debet Thomae, queunt explicari. His igitur, quae malleus omisisse, Thomae, satis infelicitate reformare pneumatologiam et Physicam aggressum, prolixius non immoramur, sed ad moralem philosophiae partem conuertimur, in qua acutius vidit, licet, ut est hominum conditio, ab hypotheseos et praecipitantis praecudicio totus liber hac quoque in parte haud sit. Ita vero statuit:

*Ethica Thomastica.*

§. XXIV. I. Bonum consistit in harmonia rerum aliarum cum homine eiusque viribus omnibus, non vero cum solo intellectu, quo respectu bonum est veritas.

II. Quicquid vires hominis ad breue tantum tempus auget, eiusque durationem impedit, malum est.

III. Omnis sensuum commotio et exorta inde sensio nimis fortis mala est.

IV. Nobilissimum bonorum fortunae non sunt diuitiae, ne honor, nec amicorum multitudo, nec libertas, sed sanitas.

V. Non consistit felicitas hominis in sapientia, neque in virtute; illa enim ad solum intellectum, haec ad solam voluntatem pertinet.

VI. Sed quaerenda est summa felicitas, in desiderio tranquillo, et cogitationibus moderate, mutationem subeuntibus, id est, in tranquillitate animi siue *εὐθυμία*.

VII. Delectatio haec siue acquiescentia animi dolore quidem caret, at gaudio quoque; et tranquilla est <sup>p</sup>.

VIII. Fons hic est amoris rationalis.

IX. Homo

abus posse comprehendere, Dari Archaeum siue spiritum mundi vniuersalem, esse in homine tres partes, corpus, spiritum malum et bonum, et similia, quae serio statuisse Thomae non crederemus, nisi has ineptias systematis I. N. et G. fundamentum

esse iussisset: adeo frigent omnia, et naenias sapiunt.

p) Opponit cum Epicuro voluptatem stantem vel quiescentem, fluenti vel quae est in motu.

IX. Homo ad Societatem tranquillam et pacis amantem, adque amorem animorum tranquillitati studentium natus est.

X. Amat autem homo rationalis prudensque alios homines magis, quam semet ipsum.

XI. Quando summa felicitas pro complexu maximo et perfectissimo omnium bonorum quae homini contingere possunt sumitur, tunc neque in diuitiis, neque in honore, neque in pudore, neque in libertate, neque in amicitia quaerenda est, immo proprie in hac vita non datur.

XII. Sanitas necessarium quidem requisitum et pars est tranquillitatis animi, non vero ipsa *εὐθυμία*.

XIII. Sapientia et virtus sunt partes essentialia tranquillitatis animi, quibus qui caret, vere miserrimus est.

XIV. Voluptas corporis est contraria voluptati animi, est enim motus inquietus.

XV. Deus est causa prima omnium rerum mutabilium, a quibus essentia distinguitur, estque a se ipso.

XVI. Materia prima necessario ex nihilo a Deo facta est, non potest enim illi coaeterna esse.

XVII. Res mutationi obnoxiae se ipsas conservare nequeunt, id vero creatoris opus est.

XVIII. Ergo datur diuina providentia.

XIX. Etsi Deus singulis momentis rebus vitam, essentiam et existentiam novam largitur, semper tamen cum priori pristinoque vnum et idem est.

XX. Haec cognitio essentiae diuinae regula est, ad quam vitam et actiones suas componit vir sapiens.

XXI. Ideo eum sincere amabit, vere illi confidet, humiliterque eum reueretur.

XXII. Ex naturali hominis cognitione praeter hunc cultum Dei internum, nihil constat de cultu Dei externo, licet intelligat praestare Deum externe quoque colere, quam non colere.

R r r 2

XXIII.

q) Multus est in eo, ut demonstret, falsum esse axioma ex nihilo nihil fit cap. 3. §. 2. pag. 122. seqq.

r) Etiam de hac thesi disputavit cum Placcio, vid. append. ad Lib. II. Iurisprud. div. pag. 372. et

XXIII. Duo errores capitales in agnitione Dei sunt atheismus et superstitio idololatrica.

XXIV. Superstitiosus deterior est atheo.

XXV. Amor est desiderium voluntatis humanae vniendi se cum eo, inque ea vnione manendi, cuius bonitatem intellectus agnouit.

XXVI. Amor irrationalis varius est, si desiderium nimis inquietum est, si amantur res malae et noxiae, si varia vnionis genera inter se confunduntur, si coniunctio corporum primario intenditur.

XXVII. Non autem est confundendum desiderium generandae sobolis cum cupiditate delectationis ex ea re.

XXVIII. Prouidentia itaque in vnione corporum opus est, ne sub amoris rationalis larua irrationalis lateat.

XXIX. Amor rationalis aliorum hominum, vnum ad felicitatem medium est.

XXX. Amor vnica virtus, et vera virtutum omnium mensura est.

XXXI. Amor Dei, qui ad eum solum respicit, est supernaturalis, tenditque ad futuram felicitatem, et in sublimiori schola discendus est.

XXXII. Duplex est amor aliorum, communis et specialis.

XXXIII. Verum amorem gignit vnice similitudo propensionis ad virtutem.

XXXIV. Neminem odisse oportet, licet inimici amicorum communes esse debeant.

XXXV. Amor vniuersalis atque communis quinque virtutes complectitur: I. humanitatem, quo et beneficentia et grati animi significatio pertinet. II. Veracitatem fidemque promissionibus etiam inimicis et haereticis factis praestandam; III. Modestiam cum humilitate non confundendam; IV. Sedatum et pacificum animum, V. Patientiam a bello abstinenter, quo neque amor, neque pax comparari potest.

XXXVI. Amor specialis est vnio duorum animorum, sine qua non consistit amicitia.

XXXVII.

et differt de Naevis jurisprudentia Romae ex Historia Iuris, ab eisdem regibus ad publicatas leges XII. tabb. deductis, L E P O R I N pag. 290.

Abrupte controuersiae solum Placcius, cuius causam exposuit in Access. art. rhetor. in epistola adiecta.

XXXVII. Amorem licitum non facit solum coniugium.

XXXVIII. Quo plures se amant, eo magis rationalis amor est.

XXXIX. Contra rationem est, eum odiffe, qui idem quod nos amamus, ipse quoque amat.

XL. Amor rationalis postulat quidem similitudinem inclinationum, non vero graduum earum.

XLI. Fundamentum amoris rationalis est, si quem vere magni facimus atque aestimamus.

XLII. Oritur ex hoc aestimio recto sollicitum placendi studium, beneficentia ex confidentia orta, communio plena bonorum et actionum omnium.

XLIII. Pro conditione hominum, circa quos versatur amor, variant etiam eius circumstantiae, praecipue ubi is obtinet inter aequales.

XLIV. Amor rationalis erga se ipsum est studium omne id faciendi, quo vitae terminus a Deo fixus secundum regulas rationis communis et sanae, ad emolumentum eorum, quos amamus, non praeuertitur, sed conservatur.

XLV. Amor proximi est fundamentum amoris erga nos ipsos.

XLVI. Respicit autem ille ante omnia ad emendationem animae, conservationem corporis et vitae autem amori aliorum postponit.

XLVII. Ad curam corporis quatuor virtutes requiruntur: temperantia, puritas, laboris industria et fortitudo.

XLVIII. Causa cur plerique homines euadant infelicissimi est, quia carent amore tranquillo et rationali.

XLIX. Causa omnis infelicitatis non tam in intellectu, quam in voluntate hominis eiusque propensionibus latentibus quaerenda est.

L. Praejudicia intellectus originem habent ex voluntate.

LI. Infelicitatis origo ipsaque natura consistit in amore irrationali, et animi statu irrequieto.

LII. Duobus praeiudiciis seducitur voluntas; nempe praeiudicio impatientiae et imitationis, quae difficulter eradicari possunt.

Rrr 3

LIII.

a) c. 7. p. 313. seqq. huic potissimum fundamento innixitur nouum systema I. N. et G. vt ex infra dicendis patebit.



LIII. Affectus in voluntate sunt non in intellectu.

LIV. Voluntas est facultas animae, qua homo ad aliquid inclinatur, seque ipsum instigat ad faciendum vel omittendum aliquid.

LV. Differt itaque intellectus a cogitationibus, quae ad intellectum pertinent.

LVI. Semper mouetur voluntas hominis ab ingrato ad gratum, ab iniucundo ad iucundum.

LVII. Tendunt omnes animi propensiones ad futurum et absens obiectum.

LVIII. Oriuntur affectus ex sensationibus, quo referenda quoque est sensio inclinationis nostrae.

LIX. Commotio rerum externarum vehementior sentitur in corde.

LX. Ex fortiori impressione sequitur commotio sanguinis extraordinaria, quacum tamen non semper coniuncta est commotio nervorum.

LXI. Unus tantum affectus primarius est, nempe desiderium siue cupiditas, qui potest in amorem et odium distribui.

LXII. Admiratio inter affectus locum haud habet.

LXIII. Omnes ad odium et amorem reduci affectus possunt.

LXIV. Affectus in se neque mali neque boni sunt, sed indifferentes, species vero eorum aut bonae aut malae sunt.

LXV. Affectus, qui hominem sibi eripiunt, mali sunt, qui restitunt sibi, boni.

LXVI. Commotio nimia mala est, temperata vero bona.

LXVII. Quatuor sunt propensiones primariae, amor rationalis, amor honoris, amor habendi, amor voluptatis; eaeque in natura hominis se exerunt, sunt enim sanguinei voluptati dediti, cholericus ambitiosi, melancholici avari.

LXVIII.

t) Prax. eth. c. 2. p. 38. seqq. quo loco pathologiam Stoicam, Platoniam, Peripareticam, Cartesianam erudite prosequitur, dignus, qui attente legatur.

u) Mutavit has assertiones quae c. VII. p. 157. seqq. explicantur, cum amorem rationalem ab

amore honoris, pecuniae, voluptatis minus recte specie distinctum esse ex sensu communi seprehendisse crederet. Nempe statuit postea amoris irrationalis naturam quaerendam esse in inepto et irrationali amore boni, honesti, utilis et iucundi, vid. Fund. I. N. et G. L. I. c. 3. §. 77. sqq. Cautel.

LXVIII. Tranquillitas animi postulat harmoniam inter vires cogitationum, siue intellectus.

LXIX. Ingenium, iudicium et memoria in amore rationali perfecte conspirant.

LXX. Est amor rationalis taciturnus, sincerus, liberalis, humanus, cordatus, temperans continensque, parsimoniae deditus, industrius, alacris, patiens, magnanimus, inferuendi cupidus promptusque.

LXXI. Quaelibet propensio mala gignit vitia virtuti contraria, ex illa enascentia.

LXXII. Ex varia mixtura vitiorum oriuntur laruae pseudo-virtutum.

LXXIII. Apud quemuis hominem regnat vnum ex vitiis cardinalibus, quod cum reliquis magis vel minus miscetur.

LXXIV. Ex prudenti consideratione huius mixturae oritur ars aliorum animos dignoscendi \*.

LXXV. Respiciendum autem primario ad tria vitia capitalia, otium, iram, inuidiam.

LXXVI. Extinguendi sunt affectus prauis et excitandus amor rationalis \*.

LXXVII. In extinguendis vero prauis affectibus a propensione praedominante faciendum est initium.

LXXVIII. Requiritur autem intentio bona et sincera, et attentio accurata.

LXXIX. Necessarium porro est in praeiudicia voluntatis inquirere, eaque abiicere.

LXXX. Subtrahenda quoque cupiditati praedominanti alimenta sunt, et vitanda occasio, conuersatio autem bonorum et exercitatio rerum bonarum quaerenda.

LXXXI.

rel. c. 14. §. 51. hinc in Historia sap. et stult. Germanice edita mens. XI. in Praxi ethic. c. VI. §. 30. in Tent. de Est. spiritus c. VII. §. 189. mutare iubet. Putat autem distinctionem amoris rationalis ab amore irrationali specificam mysticos quoque in errorem seduxisse, eo quod viam purgatiuam illi inaedificauerint, quae ad entusiasmum ducat. Interim tres istas propensiones malas et irracionales his non obstantibus separatim considerare iubet, ut ex infra dicendis constabit.

\*) Exempla eius rei luculenta exposuit in Hist. sap. et stult. Germ. m. XI. p. 251. conf. tamen Cautel. c. XIV. not. u. et quae ibi supplere iubet.

y) Eriam haec mutanda erant cum amore rationali specie non differre ab irrationali statueret, hinc in passionum siue propensionum primarum aequilibrio rationalem amorem quaerendum esse postea docuit. conf. Cautel. c. 14. §. 56.

LXXXI. Ad hanc autem vitam virtute dignam consequendam naturales vires non sufficiunt <sup>z</sup>.

*Ius N. et G.  
Thomasi.*

§. XXV. Restat ex disciplina Thomasi iurisprudentia diuina, cuius faciem dupliciter virum illustrem delineauisse supra memorauimus. Et primo quidem in plerisque Pufendorium secutum se esse, ipse non negat, emendauit autem eius systema, introducta lege diuina positua vniuersali, et ad hanc normam multa exigendo, capita nonnulla iurisprudentiae naturali vindicauit. Qua de re consilioque suo cum ipse in discursu prooemiali disseruerit, et quae nouae disciplinae obiciebantur, atheismi, heterodoxiae et nouaturientis lasculae suspicionem a se remouerit, Lectorem ipsum librum adire iubemus, longiora enim sunt, quam vt hoc loco in compendio queant afferri. Mutauisse autem consultißimum virum conceptum atque definitionem legis, et ob homonymiam latentem nouam et restrictiorem eius significationem induxisse, supra quoque iam narrauimus, patetque ex tractatione eius de legis vera notione, quam *Observationibus literariis Halae vulgatis* <sup>a</sup> inseruit, itemque ex *Capite quarto et quinto Fundamentorum iuris naturae et gentium*, virum celeberrimum facto discrimine inter consulentis et imperantis personam, consilio obligationem internam, legi externam et vim coactiuam vindicasse, illudque sapientis causa, hanc stulti esse darique contendisse. Sicque legem naturalem ad consilia obligatione interna obligantia, positiuam ad imperia humana retulisse, Deumque ideo non vt despotam et legislatorem, sed vt patrem considerasse, poenam quoque proprie ab hominibus tantum visibili modo inferri posse, asseruisse. Quibus positis non potuit non magnam pati mutationem iurisprudentia naturalis Thomasi. Valde displicuit haec nouitas non theologis modo, ex quorum ordine praeter *Innocuarum relationum* auctores <sup>b</sup> B. Io. FRANC. BVDDVS <sup>c</sup> dissensum suum testatus est, praecipue cum nouas assertiones non carere periculo crederent: sed ex Ictis quoque <sup>d</sup> non defuerunt, qui leges diuinas positivas vniuersales maiori probabilitate et securitate, quam hypothesin de consiliis diuinis, admitti posse contenderent. Et professus quidem est Thomasius <sup>e</sup>, libertatem se relinquere cuiuslibet, cui haec sua non placuerint, manendi in via trita et communi, modo eadem sibi libertas concedatur, cetera promptissimo mutare doctrinam suam, meliora si edoctus fuerit: ast, si verum fatendum, in his

<sup>z</sup>) Etiam hoc in Fund. I. N. et G. c. 1. §. 99. 118. seq. c. 2. §. 104. Cautel. I. c. §. 59. p. 235. mutauit, eo quod philosophicas virtutes veras esse virtutes statueret.

<sup>a</sup>) T. VI. obs. 27.

<sup>b</sup>) 1703. p. 852. seqq.

<sup>c</sup>) Inst. theol. mor. P. II. c. 11. §. 11. p. 504.

conf. Isagog. in Hist. theol. p. 315. Hist. philos. p. 525.

<sup>d</sup>) IMM. WEBERVS pec. Diff. de Legibus diu. positivis vniuersalibus. conf. PALTENIVS Diff. an leges naturae sint strictae et proprie dictae leges.

<sup>e</sup>) Fund. I. N. et G. c. 1. p. 80.

his ipsis fundamentis I. N. et G. aperte prodidit contradictionis se non valde patientem esse, et irritatum a suspicionibus vel causis priuatis nonnullis abstinere a contumeliae nota dissentienti inurenda non posse. Nam non Weberum solum valde contemtim refutat, quos mores a philosopho non expectaueris, sed imprimis Buddeum quoque ita sugillat, vt vix a conuitiis abstineat, eo quod is pronuntiasset, dogma, quod ius naturae ad consilia magis, quam leges strictas pertineat, tale esse, vt praecipua fidei fundamenta destruat. Quae ita irritarunt Thomasia animum <sup>f</sup>, vt studium ei ineptum omnibus placendi, dissimulationem astutam, iniquam vindicationem alienorum pro suis, meticulositatem, inclinationem ad laudes potentiorum, contradictiones apertas etc. obiiciat, quae in reformatore ethices amorem rationalem vbique crepante nemo sanus quaesierit. Quod annon causis quibusdam arcanis adscribendum sit, iis consilium relinquimus, qui circumstantias eorum temporum et *avendora* didicerunt. Certe tantis iris opus haud erat, praecipue cum haud parum esset suspectus Thomasia, noua legis definitione introducta, nouisque libertatis, voluntatis aliisque notionibus moralibus effectis et suppositis, verbis eum magis <sup>g</sup>, quam re ipsa nouam scientiam iuris naturalis introduxisse, vt haberet, quo alios morderet, et sibi aliquid singulare esset, atque ab aliis, qui haecenus satellites sui fuerint (ita enim eos vocat, qui ius illud vniuersale diuinum receperant,) diuersum ostenderet. Et fatendum quoque, multum acuminis et ingenii in hac tractatione virum magnum demonstrauisse, licet scriptioni isti lumina et elegantia defint, vnde non repugnamus, si quis cum cel. STOLLIO <sup>h</sup> hunc foetum Thomasia omnibus aliis praefendum esse ob acumen contendat. Nos id vnum dictis prooemii loco addimus, auctorem ea quae de hominis natura morali, de natura spiritus, de forma essentiali hominis, de spiritibus oppositis in homine in *Ethica* et *Tentamine de Essentia spiritus* dixerat, hoc quoque loco supposuisse, inflexisse autem ea dogmata, et abiecissee praetextu relictorum terminorum logicorum et metaphysicorum nonnulla, quae offendere reuera posse intelligebat. Ita v. c. dogmati formam essentialem hominis consistere in voluntate, surrogauit illud: principium dirigens actiones humanas non esse intellectum, sed voluntatem, itemque illi: hominem ab homine specie differre, hoc substituit: hominum singula indiuidua a natura voluntatibus diuersis et oppositis esse praedita, vel huic: hominem regi spiritibus oppositis hoc equiparandum censuit: hominem modo ad hoc concupiscendum, modo ad aliud,

f) p. 67. et passim, item in Causis iur. mixtis P. II.

h) l. e. conf. REIMANN. Hist. lit. Germ.

g) Conf. STOLLIVS Hist. lit. P. III, c. 1. §.

P. VI. p. 72.

61. p. 624.

aliud, quod priori voluntati erat oppositum, impelli. Quae idem quidem significare velleque contendit, aut prodit simul, aut prius notionum ambiguitate lectores cum delusisse, aut nunc mitiora et tolerabiliora supponere, et mutationem tamen fateri nolle. Verum de his lectori a partis studio alieno iudicium relinquimus, nec de systemate Thomasio arbitrium interponimus, sed ipsum potius, quoad fundamenta et capita potiora enarramus. Cuncta enim adducere velle, esset, librum ipsum, qui in omnium manibus est, describere. Sufficiet autem ea notasse, ex quibus constare potest, quo charactere, fundamento, et nexu constet ius naturae et gentium nouo labore a Thomasio reformatum. Ita vero praecipit:

I. Mundus constat ex inuisibilibus potentiis et corporibus visibilibus<sup>1</sup>. Per potentias inuisibiles auctorem intelligere spiritum, ipse notat, abstinere autem iam se ab eo vocabulo ait, propter ambiguitatem. Quo pacto veterem cantilenam repetit, et inuisibilia omnia spiritus esse, adeoque lucem et aetherem huc pertinere contendit. Quin spiritus, potentias, facultates et virtutes sibi synonyma esse, et aërem corpus non esse transparens, quia videri nequeat, asserit. Ex his, quae primi fundamenti loco ponit, de reliquorum siue certitudine et perspicuitate siue incertitudine, ambiguitate et obscuritate facile iudicabit lector beneuolus, philosophandi, et notionum clararum et distinctarum peritus.

II. Nullum datur corpus visibile, quod non praeditum sit potentia inuisibili.

III. Quod in corporibus visibile est, aut tangi potest, materiam vocamus, inuisibilia autem et, quae tangi non possumus, vocamus naturam. Naturam autem semper denotare potentias et virtutes, hancque clauem esse quaestionis inter Schelhamerum, Sturmium, Boyleum agitatae de natura, contendit. Qua verisimilitudine? lector iudicet.

IV. Homo pertinet ad classem rerum visibilium, habet autem praeter facultates cum aliis corporibus communes potentias, per quas ab iis differt, nempe animam, quae se exerit facultatibus intelligendi et volendi.

V. Quia potentiae corpora singulorum generum producant, et particulas materiae ita vniunt, ut peculiarem figuram accipiant, id quod etiam in formando ab anima corpore fit, ideo externa figura corporis humani ac partium eius internam et externam diuersam indolem et naturam animae humanae designat.

VI. Prae-

i) Capite I.

VI. Praeditus est homo intrinseca facultate inquirendi in sedes potentiarum propriarum ensque sentiendi.

VII. Huius ope scit, facultatem intelligendi esse in cerebro, volendi in corde; illud cogitatio est, hoc concupiscentia siue amor.

VIII. Igitur intellectus est facultas animae humanae cogitandi in cerebro, et voluntas facultas eiusdem animae concupiscendi in corde.

IX. Actus vero intellectus sunt cogitationes, quae vel de corporibus cogitant, vel de potentiis, illae sensationes dicuntur, hae intellectus stricte dictus aut purus. Caue hic intellectum purum sensu Cartesiano intelligas, statuit enim auctor, nihil esse in intellectu, quod non prius fuerit in sensu, sed intellectus purus hoc loco notat abstractiones factas ex sensationibus.

X. Sensationes corporum praesentium dicuntur sensus communis, nec confundendae sunt cum sensibus externis: hi enim ad corpus pertinent, illae ad potentias homini proprias: hi sola perceptione, illae affirmatione intellectus constant.

XI. Nulla est cupido seu voluntas ignoti, sed omnis cupiditas requirit minimum perceptionem seu cognitionem sensus externi.

XII. Cogitatio, quae circa rerum praeteritarum imagines per sensationes impressas versatur, vocatur imaginatio, vel angustiori sensu memoria, si eas componit vel subtrahit imaginatio stricte sic dicta, vel phantasia.

XIII. Cogitationes omnes de corporibus consideratis ut totis sunt singularium et sensationum.

XIV. Non potest esse consideratio materiae in abstracto, sed solum potentiarum. Potentia communis corporum autem, quae materia dicitur, accuratius vocatur natura corporis.

XV. Quando potentiam ab vnione corporis seorsim cogitamus, oritur inde cogitatio vniuersalium, quae fit per abstractionem.

XVI. Modi cogitandi omnes fiunt aut per inuestigationem, aut per formationem propositionum: illa est quaestio et suspensio iudicii, haec affirmatio et negatio. Hae igitur actiones sunt intellectus non voluntatis: et, simpliciter falsum est, dari cogitationem termini simplicis. Petit Cartesianos et Scholasticos, aut nisi fallimur, verbis magis, quam re ipsa ab illis abit.

XVII. Series plurium cogitationum ratiocinatio seu meditatio dicitur, plures ratiocinationes ordine suo constant, seu methodo.

XVIII. Memoria pollet, qui plures sensationes recordatur ingenio, qui apte eas iungere, iudicio qui differentias potentiarum inuestigare nouit.

XIX. Omnis voluntas est concupiscentia in corde amorque vel desiderium uiuendi se cum re amata, omne autem desiderium est conatus agendi.

XX. Conatus voluntatis in homine impellit intellectum ipsum, ut rem amatam valde consideret, et de mediis eam adipiscendi cogitet.

XXI. Igitur voluntas est concupiscentia cordis semper coniuncta cum cogitatione intellectus. Hinc, si consideretur absque respectu ad potentiam agendi, dicitur appetitus sensitivus.

XXII. Non tamen voluntas est cogitatio, differunt enim conatus et sensio. Peripateticos et Cartesianos pungit, omnem animae operationem cogitationis nomine comprehendentes. At meras definitiones nominales esse, adeoque arbitrarium, quid cogitationis nomine significare velimus, quilibet videt.

XXIII. Actiones intellectus saepe quidem mouentur fine voluntate, sed voluntas semper mouet intellectum.

XXIV. Potentiae rerum extra hominem non solum mouent facultates corporis, sed et cogitationes, et ipsam voluntatem seu appetitum.

XXV. Falsum itaque est, voluntatem non posse cogi, potest enim irritari vel impediri per virtutes inuisibiles potentiarum externarum. Valde improprie vox cogi hic sumitur, quando rationibus fluctuantur inclinationes voluntatis. Quod ut fieri posse nemo negat, ita vox cogere, ista ambiguitate multos in systemate Thomastico praeter necessitatem valde exacerbat.

XXVI. Locomotiva facultas non pendet a cogitatione, sed subest conatui cordis, etsi non semper proueniat a voluntate humana, i. e. coniuncta sit cum cogitatione, quod mouere membra velim: non vero tota ab ea pendet, sed est singularis potentia a Deo indita.

XXVII. Habet intellectus suas vires proprias, in quas nihil potest

potest voluntas, quae motum quidem cogitationum incitare, non vero sustinere semper potest.

XXVIII. At in affirmatione boni vel mali, quod nos ipsos afficit, in attenta consideratione huius boni et mediorum aptorum semper intellectus impulsui voluntatis subest, nec dirigitur voluntas ab intellectu. Non enim quia aliquid bonum videtur intellectui, voluntas id appetit, sed ideo, quia voluntas id appetit, id bonum videtur intellectui. Valde displicuit thesis ista multis, qui experientiae et naturae humanae eam repugnare contenderunt. Alii inter intellectum, voluntatem antecedentem et consequentem distinguentes concesserunt, antecedere debere sensationem grati, sine qua moveri nequeat voluntas, aut hanc irritatam tunc ita intellectum determinare, ut obiectum secundum inclinationem voluntatis consideret. Aut si *καὶ αὖτοφρονίαν* hic excipias, nihil dixit Thomasius, quod non dictum sit ab aliis: Ipse enim supra concessit, omnem cupiditatem ad operandum requirere perceptionem seu cognitionem sensus externi, sensationem autem ex sensu sequi. Adeoque quae operose hic et in seqq. de voluntate ab intellectu libero et non dependente dictitatur, aut intelligenda sunt de consideratione accurata obiecti, quod appetit post sensationem voluntas, aut de inclinatione voluntatis in se, quae tamen per sensationem determinanda est ad obiectum certum. Ex quo patet plerisque, quae tantis animorum motibus disputata sunt, subesse contentionem de vocibus. Quae semel monuisse sufficiat.

XXIX. Habent intellectus et voluntas suas actiones et passionem.

XXX. Intellectus agere dicitur, quando impellitur a voluntate ad meditandum, pati, quando movetur ab aliis rebus praeter voluntatem ad sentiendum.

XXXI. Voluntas patitur ab aliis rebus ipsam excitantibus, non tamen ab intellectu primario; eo tamen utitur tanquam instrumento ad excitandos affectus per cogitationes attentas.

XXXII. Intellectus agit in cerebro; loqui enim est actio corporis, non intellectus.

XXXIII. Voluntas agit extra cor, quia conatus est, non dantur itaque actiones eius immanentes.

XXXIV. Voluntas est primum agens animae humanae, quia movet intellectum.



XXXV. Actiones a voluntate imperatae dicuntur voluntariae, morales, spontaneae, reliquae necessariae, coactae, physicae.

XXXVI. Natura hominis moralis est complexus potentiae volendi cum potentiis voluntati subiectis. Adeoque ad physicam quoque suo modo pertinet.

XXXVII. Ratio humana est praedicatum solius intellectus, non voluntatis.

XXXVIII. Libere iudicat intellectus de rerum natura etiam de bono et malo, quoties a voluntate non impellitur. Seruit voluntati, quatenus ab ea impellitur.

XXXIX. Habet intellectus et voluntas suam libertatem et seruitutem, utramque non intrinsecam sed extrinsecam ratione intellectus et voluntatis.

XL. Nulla ideo datur voluntatis electio, siue libertas indifferentiae.

XLI. Dum non semper intelligitur, quod voluntas agat irritata a potentiis externis, hoc intuitu libera dicitur.

XLII. Spontaneum et liberum intrinsece toto coelo differunt. Spontanea enim est actio, quae a voluntate est imperata, dicitur vero libera eo respectu quo ipsa voluntas.

XLIII. Spontanea actio homini imputatur, quia eius auctor est, non vero quia libera est.

XLIV. Potentiae omnes inter se aut uniuntur, aut pugnant, in hoc casu potentior facultas vincit minus potentem.

XLV. Bonum dicitur, quod potentias alicuius corporis conservat, malum quod eas, et sic ipsum quoque corpus destruit.

XLVI. Unio potentiarum cum corpore vita dicitur, solutio mors: vita durante corporis partes, quae sunt sedes potentiarum, manent unitae, morte dissoluuntur particulae corporis, potentiae auolant ad potentias separatas, in nihilum enim redigi haud possunt.

XLVII. Corpus itaque mortale est, potentiae immortales.

XLVIII. Peculiare est in homine, quod habeat potentiam primariam cuius bona saepe repugnant bono totius, quod tamen vere bonum est, bonum partis totius bonum destruens bonum apparens, id est malum.

XLIX. Co-

**XLIX.** Conatus ad rem sibi conuenientem dicitur desiderium, amor, spes, conatus ad rem sibi aduersam odium, fuga, horror, metus. Dicuntur passionēs, quia a rebus extrinsecis animo gratis vel non gratis regulariter ad motum excitantur.

**L.** Ratio quando libera est, id est a voluntate non mouetur, et ita cognoscit differentiam inter bonum verum et apparens, recta dicitur. At impulsā a voluntate ad bonum apparens dicitur corrupta.

**LI.** Singuli homines habent voluntates in paucis conuenientes, in multis diuersissimas et saepe pugnantes et oppositas: quin singuli homines non volunt perpetuo, quod semel volunt, sed saepe diuersa et opposita. Patet id ex diuersa figura facierum, quae passionēs diuersas significant.

**LII.** Non itaque homo est species infima, nec humano generi vna eademque natura est.

**LIII.** Dantur in homine tres praecipuae voluntates siue cupiditates, voluptas, avaritia, et ambitio, quae omnibus hominibus dominantur, sed diuersa mixtura.

**LIV.** Istaes tres cupiditates non sunt diuersi motus sibi inuicem naturaliter succedentes, directi a communi principio volendi aut ab intellectus varia modificatione orti. Actiones enim pugnantes voluntariae non possunt oriri ex communi et vna voluntate, sibi enim repugnant in affectionibus externis.

**LV.** Ex his sequitur, ea quae communiter electioni adeoque libertati voluntatis tribuuntur, magis referenda esse ad passionēs voluntatis aut coactionem et necessitatem. Orta enim pugna semper vincit potentia maior.

**LVI.** Voluntas omnis potentia actiua sua natura est, etsi multae eius affectiones ab aliis potentiis oriantur, immo omnes eius actiones ab aliis potentiis excitari et sic passionēs dici possint \*.

**LVII.** Tres primarii affectus, voluptas, ambitio, avaritia, sunt tres facultates actiuae impellentes et intellectum et locomotiuam ad vniōnem cum re grata etiam absente. Et eadem trium odiorum ratio est ad fugiendam rem ingratham.

**LVIII.** Sed spes, metus, gaudium, tristitia sunt passionēs animae, ortae ex sensu potentiae alterius adiuuantis vel repugnantis illis affectibus.

**LIX.**

k) esp. 2.

LIX. Passiones animi sunt duplices, vel quibus voluntates primariae excitantur, vel quibus supprimuntur.

LX. Itaque accurate loquendo, non nisi duae affectiones affectuum primorum sunt, spes et metus, illa connata est, hic aliunde aduenit.

LXI. Spes est affectio orta ab ipsa aliqua prima voluntate, metus a potentiis aliis, estque eminenter sic dicta passio voluntatis.

LXII. Possunt affectus dici passiones, quatenus augeri possunt et deprimi a potentiis aliis.

LXIII. Spes et metus rationalis diuinus dicuntur religiositas, pietas, metus filialis: spes et metus irrationalis, superstitio, metus seruilis: carentia omnis metus diuini, et metus tantum humanus, atheismus.

LXIV. Qui connexionem potentiarum non solum intuitu praesentis, sed et sequentium influxuum recte aestimat, sapiens et prudens dicitur.

LXV. Quorum potentia intellectualis immediate a Deo agitata creditur, prophetae dicuntur, quorum voluntas heroës, at quorum intellectus et voluntas censetur agitata a potentiis inuisibilibus dependentibus appellantur magi. Hos omnes a spuriis secernere, sapientis et prudentis est, quique naturas potentiarum primae et secundarum accurate nouerit.

LXVI. Voluntas humana omnis est potentia finita, nec ad impossibilia extenditur: limites tamen eius difficulter definiuntur.

LXVII. Exactius cognosci possunt potentiae aliorum corporum ad potentias eiusdem speciei relatae, quam potentiae hominum inter se.

LXVIII. Omnis potentia, maxime homo, habet vires nocendi et utilis quoque esse potest homini.

LXIX. Magis metuendi sunt homines, quam ut spes fit in illis collocanda, quia saepius possunt nocere, et saepius volunt.

LXX. Sapiens plures adiuuat, et plures tamen metuit, paucissimis vero resistit, in paucis spem aliquam, in nemine nisi in potentia aeterna fiduciam ponit.

LXXI. Potentiam propriam non metitur sapiens ex potentia aliorum hominum, nec horum ex propria.

LXXII.

**LXXII.** Multae sunt potentiae quae voluntates primas excitant, multae quae deprimunt, e. c. cibus et potus voluptatem, laus et vituperium ambitionem, bonorum inaequalitas avaritiam.

**LXXIII.** Voluntas hominis dominans, etiam si non sit excitata a potentiis extrinsecis, semper vincit voluntatem inferioris potentiae, si haec sola sit, nec adiuuetur aliunde. Ast si duae inferiores voluntates vires iungant, vincent dominantem: idque fiet multo magis, si adiuuentur a potentiis externis.

**LXXIV.** Passio infirma a potentiis externis valde excitata saepe operabitur magis sensibiliter quam in aliis hominibus, ubi est passio dominans. Ast ad id magna potentia externa opus est.

**LXXV.** Sunt naturaliter certae excitationes et depressiones aut pugnae potentiarum humanae voluntatis diuersorum hominum, sed plerisque occultae.

**LXXVI.** Dantur exhalationes morales siue effluuia et emanationes rerum, quae sensus feriunt, et afficiunt hominem eiusque voluntatem.

**LXXVII.** Voluntas hominis semper est coniuncta cum spe aut metu, adeoque sine iis nulla datur actio voluntaria.

**LXXVIII.** Actio voluntaria omnis intuitu dependentiae a voluntate non est libera, intuitu principii dirigentis voluntatis est vel coacta, vel libera.

**LXXIX.** Potentia voluntatis libera est, quando homo spe conuicta agit absque externa vi, vel desiderium aut spem incutiente, vel metum excitante, adeoque iterum extrinsece non electiue. Vis autem est vel visibilis, quae in corpus fit, vel inuisibilis, quae in animum.

**LXXX.** Omnis actio non voluntaria seu non spontanea, est inuita: non autem omne coactum est inuitum.

**LXXXI.** Ad aestimationem actionum voluntariarum non semper requiritur, vt voluntas praecedat, sed sufficit, si subsequatur actionem.

**LXXXII.** Spontaneum est vel liberum vel coactum: illud, si voluntas impulit locomotiuam absque extrinseca excitatione vel voluntatis primae et absque metu, hoc, si voluntas excitatione spei vel metus extrinseca fuit coacta.

**LXXXIII.** Mores sunt actiones plures voluntatis conformes<sup>l)</sup>.

**LXXXIV.** Insipientium alii mores sunt, quam sapientium. Illi enim se maxime amant, se habent pro creaturis praestantissimis, praestantiam quaerunt in intellectu, et in eo ponunt essentiam hominis, quam eandem omnibus hominibus faciunt, et intellectum volunt dirigere voluntatem, eamque dicunt liberam nec posse cogi, esseque vnam, et differre ab appetitu sensitivo, etc. <sup>m</sup>

**LXXXV.** Mores stultorum differentes sunt intuitu trium voluntatum primariorum.

**LXXXVI.** Ex passionum mixtura fluit, quod stulti alii sint eruditi alii stupidi vel idiotae. Illi ob pertinaciam et opinionem sapientiae maiores stulti sunt hisce. Non tamen eruditio stultos facit, sed potest esse sapiens eruditus.

**LXXXVII.** Passiones dominantes non ita simpliciter et extreme malae sunt, ut non possint dirigi ad vere bonum finem, nempe tranquillitatem.

**LXXXVIII.** Itaque nullus homo tam miser et stultus est, qui non possit adhiberi a prudentibus ad vtilitatem communem hominum.

**LXXXIX.** Alterantur passiones dominantes aetatibus hominum et climatum coeli diuerso, et educatione. Hinc varietas morum inter populos diuersos.

**XC.** Varii hominum mores opus habent norma, id quod eorum demonstrat non praestantiam sed miseriam, illa autem sapientem postulat <sup>n</sup>.

**XC I.** Experientia et meditatio sunt affectiones sapientis.

**XC II.** Inter stultos minimus habetur loco sapientis.

**XC III.** Mixtura ambitionis et voluptatis est character primarius aptorum prae reliquis ad sapientiam, coniuncta cum aetate prouecta.

**XC IV.** Regula de conscientia erronea et recta nullum praebet vsum vitae, adeoque haec norma esse nequit.

**XC V.**

<sup>l)</sup> cap. 3.

<sup>m)</sup> Hae omnes assertiones Thomasiae singulares et propriae sunt. Quos ideo facile vna thesi sic expresseris, insipientem esse, quisquis notiones et opiniones Thomasiae non sequitur.

<sup>n)</sup> c. 4. Examinat haec, et quid sibi placeat, quid displiceat more suo eleganter et acute exponit LEIBNIZIUS Ep. XI. Vol. IV. p. 73. seqq.

XCV. Norma duplex est, qua utitur sapiens erga stultos, consilium et imperium, excitant enim spem et metum insipientium.

XCVI. Sapientum bonum triplex est, honestum, iucundum, utile. Ast simul coniunguntur.

XCVII. In danda stultis norma attendendum est sapienti ad id, ut ad eorum capacitatem respiciat, normam illis utilem faciat, idque stultis ostendat.

XCVIII. Consilium supponit paritatem, imperium, superioritatem.

XCIX. Consilium ostendit bona et mala necessaria, imperium arbitraria; illud non habet vim cogendi, hoc habet, illud non obligat externe sed interne, hoc externe: illa sapiens regitur, hoc stultus.

C. Virtus sui ipsius praemium est.

CI. Proprie praemium et poena sunt externa.

CII. Stultus metuit saepe dolores et imaginarias potentias: qua imaginatione sapientes utuntur ad emendandos stultos.

CIII. Norma intenditur, ut stulti ducantur ad quietem internam et pacem externam.

CIV. Tres stultorum gradus sunt, maximi, qui turbant pacem externam, aduersus hos opus imperio medii, qui pacem externam non augent, aduersus quos consilio et imperio opus, minimi, qui non sentiunt pacem internam, his saltem consilio opus est.

CV. Consulenti et imperanti personae difficulter cadunt in vnum hominem: hinc alii doctores sunt, alii principes;

CVI. Actiones extreme bonae sunt, quae tendunt ad acquirendam pacem internam, mediae, quae non turbant pacem externam nec tamen promouent, extreme malae, quae eam turbant, mediae autem pluribus gradibus gaudent, prout ad bonum vel malum referuntur.

CVII. Iustum opponitur malo extremo, honestum est bonum eminens, quod non succumbit cupiditati, decorum est bonum medii generis. Honestum dirigit actiones insipientium internas, decorum externas, ut beneuolentiam aliorum acquirant, iustum, ne pacem turbent, turbatam restituant.

CVIII. Differt pactum a consilio et imperio, ast non nisi his suppositis obligat.

CIX. Strictē lex sumitur pro iussis imperantium adeoque hoc sensu differt a consilio et pacto °.

CX. Legis strictē dictae virtus immediata est praecipere et vetare, mediata, per magistratus punire, iudicialiter cogere, ex annulare actiones contra legem.

CXI. Legis effectus et intentio est obligatio, in sensu stricto externa, in lato interna.

CXII. Ius oritur ex laxatione voluntatis eiusque libertatis externae, obligatio vinculum iniicit voluntati eiusque libertati externae. Vtrumque refertur ad normam, sed diuerso modo.

CXIII. Ius duplex est, vel quod abstrahendo a voluntate omni habeo, vel quod ex lege humana et pacto oritur.

CXIV. Oppositum obligationis et iuris est iniuria.

CXV. Ius omne externum est non internum, i. e. relationem habet ad alios, obligatio etiam interna ad se ipsum esse potest, oriturque haec ex regulis honesti illud ex regulis iusti.

CXVI. Obligatio interna facit hominem virtuosum, externa iustum.

CXVII. Ius pro lege acceptum est vel naturale vel positium: illud cognoscitur ex ratiocinatione animi tranquillī, hoc requirit reuelationem et publicationem.

CXVIII. Ius naturale sumitur vel tale pro omnibus praeceptis moralibus ex ratiocinatione fluentibus vel strictē pro solis praeceptis iusti. Hinc diuersa vtriusque sunt cognoscendi principia.

CXIX. Omne ius positium intuitu publicationis, quae essentialis est, est humanum, id est, mediantibus hominibus reuelatum.

CXX. Ius naturale cordibus inscriptum est a Deo, indeque diuinum est, nec reuelatione opus habet.

CXXI. Lex naturalis magis ad consilia pertinet, quam ad imperia. Lex enim pro iussu sumitur non doctoris, sed imperantis; ratio relicta sibi nescit, quod Deum concipere debeat, ut regem aut dominum, qui poenas externas arbitrarias infligit legem naturae-violantibus: videt enim omnes poenas, quae non sunt sub imperio, esse naturales, et improprie dictas: propriae enim ab imperante dictantur, et visibiliter inferuntur; leges quoque publicantur, philosophus ignorat publicationem  
iuris

o) capite 5.

**Iuris naturalis.** Etiam sapiens concipit Deum magis ut patrem, quam ut dominum, illud enim metum rationalem producit, hoc servilem. *Kυρια δόξα* iuris naturalis Thomasia, qua potissimum a priore iurisprudentiae naturalis systemate abit, totumque immutavit. Quae cum plane singularis sit innumeras contradictiones passa est, fueruntque inter ipsos Thomasiae collegas, qui hanc distinctionem inter legem et consilium ad ius naturae applicatam tanquam figmentum reilcerent. Inter quos etiam fuit acutissimus G V N D L I N G I V S <sup>p</sup>, „qui existimat, ob rationes „adductas vadimonium non deferendum esse: esse enim exploratum „Deum non solum ab homine exigere, ut veritatem utriusque legis, ab „solutae puta et hypotheticae, intelligat, sed etiam effectui det, atque „solicite exequatur. Priori respectu legem esse consilium paternum- „que monitum, quod iam Pufendorfius observauerit, posteriori legis „proprie dictae nomen habitumque induere. Quicquid enim Deus „serio velit, illud etiam serio praecipere, et quidem cum imperio, qui „potentissimus simulatque iustissimus mali cuiusque vindex sit. Hoc- „que imperium propterea necessarium esse, ut timori miseriae naturalis „iungatur timor diuinus, et homini noua necessitas hoc est, non obli- „gatio tantum interna sed etiam externa imponatur exsequendi, quod „Deus per rationem homini reuelat, secus si faxint mortales, poenam „non solum eos naturalem manere, verum etiam arbitrariam, insequi; „quamuis non tam facile percipiatur quam humana. *Παῦρον ψεύδος* au- „tem in eo potissimum latere, quod sapiens in abstracto sine vlla immu- „tatione, non autem uti nunc inueniatur, et in concreto spectetur.“ Non addimus alia, inculcata a viris doctis e. c. inutilem logomachiam introduci, supponi manifeste falsa, ratione dictante, Deum non ut pa- trem solum, sed ut imperantem considerandum esse etc. Haec enim sola sufficiunt, ut hanc Venerem non omnibus placuisse, osten- datur.

CXXII. Si Deus concipitur, ut pater, consiliarius, doctor, et honestas ac turpitudine denotat magis bonitatem aut malitiam, seu vitium in genere, quam in specie iustitiam et iniustitiam, verum est, actus, de quibus ius naturae tam late quam stricte dictum agit, esse per se et natu- ra sua morali, intuitu totius humani generis malos ac bonos. Viderint, quorum interest, annon hac thesi prodiderit Thomasia, totam illam disputationem, quam contra Scholasticos suscepit Pufendorfius, conti- nuauit et magnis triumphis egit Thomasia, profligauerunt iterum Leibnizius et Wolfius, ad verborum contentiones pertineat !?

p) Via ad veritat. P. III. c. 2. §. 26. seqq. p. 2. seqq. *conf.* LEIBNIZ, I. c.  
q) cap. 6.



CXXIII. Ius quatenus significat potentiam moralem ad normam relatum, naturale dicitur, quod idem esse solet apud plerosque homines nobis notos, positivum quod variat.

CXXIV. Ius naturae obligat homines etiam erronee de Deo sentientes.

CXXV. Principium cognoscendi I. N. et G. non est voluntas divina, nec sanctitas et convenientia cum ea, nec convenientia cum statu integro nec servanda pacta, nec quaerendam pacem, ubi haberi potest, ubi non potest, quaerenda pacis auxilia: nec custodia socialitatis.

CXXVI. Sed propositio prima I. N. late dicti est: facienda esse, quae vitam hominum reddunt maxime diuturnam et felicissimam.

CXXVII. Primum principium honesti est: fac tibi, quae ab aliis tibi vis fieri; decori: fac aliis, quae tibi vis fieri; iusti: non fac aliis, quae tibi non vis fieri.

CXXVIII. Conclusiones inde derivantur in doctrina honesti: poenitendum esse, spem cupiditatis erigendam esse sapientibus remediis, excessum cupiditatum reprimendum metu dolorum ignominiae, paupertatis; fugiendas esse occasiones irritantes, evitandam esse securitatem et desperationem, utendum esse conservatione hominum, qui mores habent nostris oppositos, oppugnandas passiones omnes, non differendam esse emendationem, non definendam, non quaerendam solitudinem.

CXXIX. Conclusiones principii decori sunt: remittendum sponte de iure proprio; grata aliis facienda promte et sincere, parum grata non nisi necessario et quasi coacte; non danda scandala tam grata quam non grata; patienter ferendam esse aliorum stultitiam.

CXXX. Conclusiones principii iusti sunt: non turbandos alios in usu iuris sui; etc. Simpliciter et evidenter sectandam, evitandas cavillationes et inutilem scrupulositatem.

CXXXI. Regulae iusti coercent malum summum, decori, medium, honesti infimum; primae promonent bonum infimum, secundae medium, tertiae summum. etc.

CXXXII

r) Conf. quae acutè et solide monet LEIBNIZIUS l. c. p. 76. et respondit Bierlingius p. 79.

CXXXII. Regulae iusti et honesti pauciores limitationes admittunt, quam regulae decori.

CXXXIII. Auctoritas paratur actionibus sapientibus.

CXXXIV. Auxilium sapientis triplex est, exemplum, praemium, poenae, haec necessario coniungenda.

CXXXV. Praemia et poenae applicanda merentibus.

CXXXVI. Is vero meretur praemium, qui fecit secundum regulas sapientum; et poenam, qui fecit contra.

CXXXVII. Ergo meritum est ratio actionis humanae voluntariae, ad praemia et poenas, seu ad res gratas et non gratas.

CXXXVIII. Imputare, est, aliquem declarare causam moralem, ad quam debeat applicari effectus moralis.

CXXXIX. In imputatione promissorum non solum respicitur ad voluntatem promittentis, sed etiam ad aptitudinem acceptantis.

CXL. Optima I. N. methodus est, quam adhibuit Hobbesius; ut primo agatur de libertate tum de imperio, et tandem de religione.

Habes, Lector, principia, regulasque potiores, secundum quas instruendam disciplinam Iuris naturalis, emendandamque Iurisprudentiam diuinam censuit Thomasio. Intelliget ex his attentus quilibet, in praescribendis officiis erga Deum, se ipsum, alios longe alio, quam olim, cothurno Thomasio incedere. Id quod in sequentibus ostendit, et qua ratione emendanda, reconcinnanda et refingenda sint, quae prius de officiis disputauerat, explicat. Quae cum nostrum scopum minus feriant, prolixiora etiam sint, quam ut hoc loco adduci queant, apud ipsum virum summum quaerenda, et cum institutionibus iurisprudentiae diuinae comparanda sunt. In iis multa sunt, quibus arcana papatus et potentiae clericorum inter Protestantes, si illum audis, adhuc superantia confodere gestit. Hoc enim, dici non potest, quam mire illi argumentum arriserit, quod ἐκὸν ἄκον, nonnunquam ad scopum suum traxit. Cuius rationes quidem in *Cautelis circa praecognita iurisprudentiae ecclesiasticae*, exposuit, quae vero, an sufficere possint lectori prudenti, et an duce veritate, studio partis seposito neglectoque, conscriptae fuerint, aliis expendendum relinquitur.

mus. Id modo velut κεντήριον aliquod monemus: commendare \* Thomafium GODOFREDI ARNOLDI *Historiam ecclesiasticam et haeresiologicam*, velut omnium optimum et praestantissimum opus, cuius auctor fere solus inter nostrates vel certe omnium primum sensibilibiter desipere desierit, quem tamen fabulas, libros supposititios, ineptasque mysticae theologiae regulas subinde pro legitimis habuisse, negare ipse non potest. Ex hoc enim fonte cum pleraeque assertiones et cautelae profluxerint, quibus postea in I. N. et G. officia circa religionem instruxit, facile palpabit lector, riuulos fonte puriores esse haud posse. Cuius tamen causas arcanas rimari, cum ad institutum nostrum non pertineat, hoc loco superfedemus. Multa vero contra mysticos dum cordate monet, prodit, philosophiam suam a priori typo in haud paucis recessisse.

c) cap. 3. §. 41. p. 32. cap. 16. §. 6. p. 175.



CAPVT

\*\*\*\*\*

## CAPVT DECIMVM.

DE ALIIS ECLECTICIS QVI RECEN-  
TISSIMA AETATE IN GERMANIA  
PRODIERVNT.

## §. I.

**R**ecensuimus haecenus viros illos magnos, qui in Italia, Britan-  
nia, Gallia, Germania reformare philosophiam aggressi sunt,  
et ex parte arduum opus mira felicitate perfecerunt. Id non  
ita intelligi volumus, ac si hi soli fuissent, qui emaculando philosophiae  
vultui manus admouerint emendatrices; praeter hos enim haud pauci  
fuerunt, qui in hoc stadio, licet imparibus gressibus cucurrerunt, quos  
enarrare omnes ab instituto nostro alienum esse censuimus. Sed addu-  
cendi nobis erant heroës illi, qui non exemplo modo praeire, sed viam  
quoque pandere et frangere glaciem ausi aliis vestigia tutiora monstra-  
runt, quibus in hac semita certioribus pedibus progredierentur. Id  
quod praecipue post Verulamium et Cartesium factum est in Britannia,  
Belgio et Gallia, in Germania autem nostra post Leibnizii et Thomasia  
conamina omnium frequentissime accidit. Maxime vero ad abiiciendum  
iugum sectarium et arripiendam philosophiam eclecticam, tum docentes  
tum discentes in academiis Protestantium excitauit magna Thomasia  
fortitudo et constantia. Is enim cum conculcatis omnibus inuidiae  
et persecutionis impedimentis tandem in noua, quae Halae excita-  
ta erat, Musarum sede libertatem philosophandi eclecticam confir-  
mauisset, collegas nactus viros longe doctissimos et principis optimi  
atque administratorum eius illustrissimorum gratia et auctoritate tutos,  
vehementer eos inflammavit, vt et ipsi de nouis systematibus philoso-  
phiae eclecticae cogitarent. Inter quos eminere eruditionis praestan-  
tissimae laude Nicolaus Hieronymus Gundlingius, et Ioannes Franciscus  
Buddeus, quibus tertius addi potest, qui ex disciplina Thomasiana  
Lipsiam progressus magnum viuis strepitum noua philosophia excita-  
uit Andreas Rudigerus. Quorum virorum cum celeberrima fama sit,  
deesse aliquid nostrae tractationi censeretur, nisi locum quoque illis  
in his paginis fecerimus. Ast faciendum id strictim et paucis, ne in  
tam ingenti dicendorum cumulo, vel nos scribendi vires, vel lectorem  
legendi et meditandi patientia deficiat.

*Ordo es sum-  
ma dicendo-  
rum.*

Nicolaus Hieron. Gundlingius.

§. II. Magnum literarum suae aetatis ornamētum fuit NICO-  
LAUS HIERONYMVS GVNDLINGIVS, qui cum  
non vni tantum philosophiae et iurisprudentiae amplissima lumina ac-  
cenderit, sed per omnem fere disciplinarum circulum merita consecutus  
sit haud contemnenda, dignus esset, cuius historiam vir quidam doctus  
Gassendianus biographias imitaturus describeret. Quamvis enim hoc  
sibi saxum voluendum esse credidit, qui lectiones Gundlingianas in  
vulgus edere coepit, C. F. HEMPELIUS <sup>a</sup>, tantum tamen abest,  
vt omne punctum tulerit, vt potius multa iure desiderari in ea biogra-  
phia posse demonstraerit IACOBVS SINCERVS <sup>b</sup>, con-  
sentientibus viris doctis <sup>c</sup>. Nos vitae historiam viri celeberrimi et  
*πολυτορίας* laudē incluti aliis <sup>d</sup> ex instituto enarrandam relinquimus,  
paucis quis qualisue fuerit declaraturi. Natus est Nicolaus Hieronymus  
Gundlingius, cum fratre Iacobo Paulo non confundendus, in agro  
Norico anno 1610 c. lxxi, V. cal. Mart. patre ministro tum ecclesiae  
Kirchensittenbacensis, postea Laurentianae in vrbe Norimbergensi, vi-  
ro docto et historiarum imprimis perito, familia haud ignobili or-  
to. Vix annorum tenerrimorum limites excesserat, cum ingenii  
excellentissimi vestigia puer proderet, et sciendi cupiditatem insatiabi-  
lem praeferret. Quod cum pater probe intelligeret, omnem in id curam  
suam conuertit, vt agrum in se fertilem, iactis literarum seminibus,  
quantum posset, optime coleret. Hinc et ipse domi filio artis rhetori-  
cae, historiarum, geographiae, chronologiae, ethicae et politicae fun-  
damenta tradidit, et annis paulo maturiorem Aegidiano, quod Norim-  
berge floret, athenaeo erudiendum tradidit. Quem cum praematurato fato  
extinctum amisisset, formatus in patria a viris doctis ad Altorfinas Musas  
se conuertit, theologiae studiis se deuoturus. Ibi praeter alios Ioannem  
Fabricium virum eruditissimum, et cum literariae notitiae tum modera-  
tionis laude insignem praeceptorem sacrarum literarum nactus est, ab  
Omeisio dicendi fingendique praecepta hausit. Augendis autem studio-  
rum incrementis intentus Ienam abiit, Schubartum, Danzium, Baye-  
rum, VV. Cl. auditorus: redux in patriam academiam ab insignis eru-  
ditionis viri Io. Christophori Wagenseilii ore pependit, et hoc praeci-  
pue praeceptore vsus *πολυτορίας* fundamenta iecit. Tum Ienam Lipsi-  
amque iterum excurrrens, vbi reuersus esset, parentis librum *de Gan-  
grensi concilio aduersus Eustathianorum errores seculo IV conuocato*,  
publica disputatione defendit, et sic absoluto curriculo studiorum acade-  
mico sacro ministerio se deuouit, inque patria adolescentes quosdam  
erudi-

a) Prodiit eius cura Vita, scripta, historiaque  
diffusa Nic. Hier. Gundlingii, sermone verna-  
culo, adiectaque est ad calcem historiae literariae  
Gundlingii ex collegio msc. editae.

b) In epistola ad amicum, German. edita 1737. 8.

c) Vid. Nov. liter. Lips. Vol. XXIII. p. 229.

d) Vid. Nov. lit. Vol. XVI. p. 365. Bibl. Germ.  
Tom. XXIII. art. 8. p. 144. GOSTTEN. Europ.  
lit. hodie viul. P. I. alique.

erudiendos accepit. Quorum nonnullos ad nouam, quae Halae Saxo-  
 num condita erat, academiam anno 1808 cxcviii ducens et disci-  
 plinae moderator illis praefectus innotuit Christiano Thomasio, qui  
 sciendi desiderio flagrantem et egregie humanitatis atque literariae no-  
 tisiae studiis excultum beneuole excepit, et ut iurisprudentiam emen-  
 dari tum coeptam cum elegantioribus literis iungeret, auctor illi exti-  
 tit, ducemque se praebuit. Tanto itaque viro praeunte cum pertinaci  
 contentioni attentionem maximam iunxisset, et conculcatis praeiudiciis  
 libera mente in iuris et historiae campos excurreret, in biennio, quo in  
 disciplina Thomasia persistit, ita scientiam legum absoluit, ut habita  
 sine praefide dissertatione inaugurali *de Transactione non inspectis te-  
 stamenti tabulis* iuris honores et priuilegia rite obtinere posset. Ita  
 ex omni parte rite instructus, sum se vitae academicae docendaeque iu-  
 uentuti tradidisset, scholas aperuit, philosophiam, historiam, iuris-  
 prudentiam, eloquentiam docturus. Quod ubi lectionibus pariter ore  
 habitis et scriptis vulgatis magna cum laude fecisset, et singularis prorsus  
 eruditionis testimonia vndique obtinuisset, intercedente magno Mu-  
 sarum patrono, perillustri Danckelmanno, ita regi Borussiae traditus  
 est, ut anno 1808 ccciii professoris philosophiae extraordinarii pro-  
 uinciam sibi demandatam acciperet, quamuis iura philosophiae docen-  
 dae ex more academico non obtinuisset. Secutum paulo post eloquen-  
 tiae tradendae munus defuncto Christophoro Cellario. Ideo vocatio-  
 nem in Altdorfinam cathedram circa illud tempus oblatam, ut ius pu-  
 blicum et canonicum doceret, recusauit, auctus iuris naturae et gentium  
 docendi prouincia. Senatui quoque ecclesiastico ducatus Magdebur-  
 gici, qui tum Halae congregari solebat, ob eximiam rerum theologica-  
 rum peritiam adscriptus est. Quam spartam et consiliis et scriptis egregie  
 quoque magnaue cum laude ornauit, neque in reliquis munerum parti-  
 bus minus praestantem se demonstrauit. Cuius illustre testimonium  
 rex optimus, et remunerandis virorum doctorum meritis clementissime  
 intentus extare voluit, lecto Gundlingio in secretioris consilii colle-  
 gium. Correptus in aestate anni 1808 cccxxix ἀμφοτέρως morbo,  
 et post eum sublatum tussi sicca cum febris lenta, morti instanti magna  
 in Deum fiducia et praeparatione philosopho Christiano digna occurrit,  
 patienterque morbi incommodis superatis animam XVI. cal. Ian. eiusdem  
 anni efflauit. Ingenio pollebat vir illustris prorsus egregio, et iis artibus  
 exculto, quibus ad honoris culmina magni viri in ciuitate erudita solent  
 grassari. Cumque miro acumine gauderet, maxime autem memoriae  
 horrea infinitae lectionis copiis, quas ex amplissima, quam sibi compa-  
 rauerat, bibliotheca collegit, essent instructissima, et tum eloquentia  
 mascula et iucunda accederet, inter summos nostrae aetatis viros doctos  
 merito eminuit. Accedebat animus magnus, audax, praeiudiciorum,  
 V v v 2 prae-

praecipue auctoritatis, contemtor, et in iurisprudentiae, historiae et philosophiae artisque criticae studio insigni diligentia versatus, unde et frequentissimos auditores habuit, et scriptorum suorum admiratores haud paucos, adeo, ut post mortem lectiones eius a discipulis corrassae, nescio quo orbis literati emolumento aut famae Gundlingianae, matura et exasciata eruditione satis iam illustris augmento<sup>e</sup> in vulgus ederentur, et emtores reperirent haud paucos. Valde autem et auditores et lectores attraxit occupavitque acumen et viua quaedam atque ingeniosa dicendi scribendique novitas, ut attentionem inde nutriri conservarique sine taediosa molestia, facile lector sentiat. Quae quoque causa fuit, cur iuventutis studia literarum sequentis plausu miro, et scriptorum editorum laudibus frui potuerit, de quibus videndi I O A N. FABRICIUS<sup>f</sup> atque STOLLIVS<sup>g</sup>. Quibus lubenter subscribent, qui elegantissimam Gundlingii doctrinam intelligunt, eamque non ex lectionibus subito effusis et ad regenda tantum discipulorum studia traditis, nec accurata meditatione in chartam coniectis, sed ex scriptis, magna diligentia confectis didicerunt. Ast dolendum virum summum, et inter principes eruditionis suo tempore facile referendum, ingenio, quod a natura nactus erat, quodque exemplum Thomaei mire confirmauerat, satyrico nimium tribuisse, et contradictionis impatientem, eos, qui ab illo discedendum eiusque partes refutandas sibi sumserunt, ita castigasse, ut philosophiae praecepta et decori quoque regulas oblitus fuisse, recte non nemini<sup>h</sup> visus sit, et paedagogicum quid in eo quidam prehenderint, cum viris quoque moderatis et eruditionis laude florentibus cynica dicacitate non pepercerit. Ita nempe magni quoque viri suos patiuntur manes.

*Merita Gundlingii de philosophia.*

§. III. Duobus vero nominibus nobis in hac narratione historiae philosophicae memorandus est celeberrimus Gundlingius. Nam et philosophicam historiam praeclare adiuuit, et philosophiam eclecticam proprio systemate edito amplificare studuit. Et de philosophiae quidem historia aliquot scriptionibus eleganter meruit. Nam *Observationibus literariis selectis*, nonnullas inseruit, quae huc pertinent, et in *Otiis* pariter atque *Miscellaneis*, quae *Gundlingianorum* nomen prae se ferunt, aliquot eius capita mira eruditione illustravit: et imprimis *Moralis philosophiae historiam* eleganti tractatione auxit. Quae eo magis commendanda philosophicae historiae cultori est, quo magis is vulgata praetudicia de philosophia barbarica fortiter doctèque conculcavit: quamvis inchoasse

e) Recte improbata haec diligentia praepostera viris doctis, vid. Ven. REIMANNVS Cat. bibl. P. II. p. 455. 486.

f) Hist. bibl. suae P. V. p. 194.

g) In Accession, nonis ad Hist. Lit. p. 235. sqq. Conf. illustris EVERARD, OTTO, in praef. Iurisprudentiae symbolicae.

h) Bibl. Germ. I. c.

inchoasse magis illud argumentum; quam perfecisse sit censendus <sup>i</sup>. Sed et statum naturalem Hobbesii ipsum sibi defendendum suscepisse, suo loco supra annotauimus <sup>k</sup>. Valde autem vir acutus sed hypotheseos semel delectae cum pertinacia quadam amantior ad inurendam atheismi notam philosophis veteribus propendebat, illis praecipue, quos castius in eo argumento philosophatos fuisse communis eruditorum opinio tenet. Inde enata controuersia de Platonis atheismo inter Gundlingium et Ven. Zimmermannum disceptata, in qua prodidit vir illustris, quid sententiae semel delectae amor possit, adeo indignis modis altercando a contumelia abstinendum sibi non esse censuit. Et quamuis erudite in eo argumento versaretur, verum tamen est, Platonis systema eum cum doctrina Platoniorum Alexandrinorum mire confudisse. Qua de re cum suo loco <sup>l</sup> dictum sit, otiose id hoc loco non repetemus. Ipsam autem philosophiam tradere, vulgata *Via ad veritatem logicam, ethicam et iuris naturae* <sup>m</sup>, (physicam enim prudentior in ea re Thomasio non attigit) connisus est. In qua via multa sibi noua placuisse non diffiteatur, libertate autem eclectica usus, quaecunque apud alios legerat examinata vel reiecit; vel recepit, vel emendauit, et vno meditationis filocuncta digessit. Non negat vir magnus, se veritates, quae sparsim apud alios occurrunt, collegisse; monet autem, se *in plurimis ab aliis dissentire, multa improbare, varia in meliorem ordinem redigere, noua addere, non demonstrata demonstrare: aliud plane σύστημα conficere, et tamen, quod sinceri hominis sit, non dissimulare, quibus luminibus profecerit, in quo aliis consentiat, in quibus dissentiat.* Et fatendum quoque haud pauca his scriptionibus inesse noua, et vere pariter atque eleganter dicta; at sunt quoque nonnulla παράδοξοφιλα, quo charactere, omnino Gundlingius dignosci potest. Qualia sunt: problematicae disputari, vtrum mentis natura spiritualis sit, omnisque materiae expers <sup>n</sup>, naturam mentis prorsus esse ignotam, experientiam esse omnis cognitionis fundamentum: Nescire nos, quid sit corpus, nihil solide de spiritibus nos scire posse, omnem cognitionem experientia particulari constare. Dari veritates multas indemonstrabiles, veritatem autem primam vnā, eamque esse: quicquid ideis nostris sensu et definitione formatis conuenit, esse verum, principium primum non esse innatum, defectum attentionis vnum praeiudiciorum fontem esse: nominum definitiones saepe principiorum locum tueri, hisque controuersiam moueri non posse

Vvv 3

i) Conf. Cat. bibl. Reimmann. P. II. p. 287.

k) Tum in Otis, tum pec. diff. de Statu naturali Hobbesii.

l) T. I. p. 680.

m) Politicam quoque parauerat, sed typis non exiit. S T O L. Hist. literar. P. I. c. 1. p. 419.

n) Logic. p. 4. 6. 27. 32. 33. 48. 51. 53. 80.



posse etc. Qualia cum in *Via ad veritatem logicam* anonymus quidam *salebrarum* nomine notauisset, acerba illi satyra respondit Gundlingius, quae cum contumeliose et amarissime scripta esset, censuram ab aula Gundlingius passus esse dicitur. Sunt etiam in *Via ad veritatem moralem et iuris naturae* multa, quibus ab aliis discedendum sibi esse statuit, e. c. actiones decori singulares non dari, sed pertinere vel ad actiones honestas, vel ad prudentes: bonum in sola indolentia esse quaerendum, quicquid a statu medio nos abducit, malum esse. Populorum consensum de Deo ineptum esse argumentum probandae existentiae Dei; etc. Maxime vero in argumento morali annotatione dignum est, hypotheses Leibnizianas Gundlingio saepe arrisisse, et ab eo ad argumentum ethicum fuisse eleganter traductas, quales sunt, origo mali moralis ex limitatione creaturarum deriuata, mundus optimus a Deo electus, esse inter omnia harmoniam suauissimam, praeceptiones Dei non pro arbitrio et voluntate fieri, sed quia optimum semper intelligit, ac aliter, quam intellexit praecipere, aut velle non potuit, rationem rectam diuini intellectus repraesentationem esse; Deum homini naturae suae conuenienter praecepisse, et immutabilem legem dixisse; intellectum et voluntatem Dei, in quaestione de actionibus antecedenter ad voluntatem Dei bonis non esse separanda. In iure naturae quoque multa sunt, in quibus a Pufendorfio et Thomasio sibi abeundum esse censuit. Legem enim naturae absolutam ad felicitatis absolutae studium refert, hypotheticam tantum ad externam felicitatem et quietem conseruandam; legem naturae non consilium tantum, sed et legem proprie dictam esse ait, adeoque et poenam arbitrariam post se trahere. Legis naturae absolute summam pertinere ad philosophiam moralem: In naturae iure obligationem internam cum externa concurrere, ac esse vtramque iungendam; legem positiuam vniuersalem in lege naturali absoluta contineri. Primum iuris naturae principium esse: pacem externam ante omnia sectandam, vbi haberi potest, vbi non haberi potest, bello opus esse, quo potissimum afferto Hobbesianam causam tuendam sibi sumsit etc. Ex quibus parcissima manu datis lector intelliget, quam sibi libertatem philosophandi Gundlingius vindicauerit. Cuius systema, quod sibi efformauit, cum describi hoc loco, sine magna prolixitate non possit, facili labore Lector ipsos fontes puros satis atque luculentos et perspicuitate imprimis atque ordine commendandos consulat. Quid autem dissentientibus et oppugnantibus responderit, ex eius *Allocutione ad inimicos* discendum est.

## §. IV.

§. IV. IOANNEM FRANCISCVM BVDDEVM *Anclamia Io. Franciscus*  
 Pomeraniae vrbs anno cło 15 c LXVII, VII Cal. Quint. edidit in lucem, *Buddeus.*  
 nunt Franciscus Buddeus pastor et praepositus in ea vrbe, educavit schola pa-  
 tria, in qua optimis praeceptoribus, quos domesticos ei quoque pater delege-  
 rat, formatus et studiorum, quae ab humanitate nomen fortiuntur, et  
 literaturae orientalis curriculum ita absoluit, vt nondum stadium acade-  
 micum ingressus aliquoties codicis sacri lectionem Hebraicam perficeret.  
 Missus anno cło 15 c LXXV in academiam Vitebergensem, praestanti-  
 simos viros Schurzfleischium in historicis, Dassouium in philologia sa-  
 cra, Waltherum et Neumannum in theologia praeceptores habuit. Qui  
 cum in his, quas profitebantur disciplinis excellerent, iis autem in  
 Buddeo discipulus contigisset, cuius inexplebilem discendi ardorem su-  
 stentabat magna ingenii pracclarissimi alacritas, mirum non est, biennii  
 mora ita stadium academicum eum absoluisse, vt impetratis magna cum  
 laude summis in philosophia honoribus ad docendam iuuentutem conuer-  
 tere se posset. Apertis ergo, post habitam *de Symbolis eucharisticis*  
 dissertationem, scholis, disciplinas humaniores et philosophiam iuuentuti  
 academicae tradidit, et aliquoties tentata arena literaria tandem facultati  
 philosophicae adiunctus est, quo loco se dignum eleganti dissertatione,  
*de Allegoriis Origenis* demonstraerat. Translata autem sede in aca-  
 demiam Ienensem cum eandem docendi rationem teneret, indiesque ma-  
 gis elegantissima, quam scriptis potissimum spargebat, eruditio enitescere-  
 ret, a Carolo Alberto Saxoniae duce ad obeundam in gymnasio Cobur-  
 genfi spartam professoris linguae Graecae et Latinae, cło 15 c XCII  
 vocatus, indeque triennio post ad capeffendum munus professoris  
 philosophiae moralis et ciuilis, Halam Magdeburgicam traductus sum-  
 morumque in theologia honorum licentiam, edita dissertatione *de Reli-  
 gione naturali aduersus Petrum Chauuinum* nactus est. Quos plenos  
 postea accepit cum anno cło 15 c CV in Ienensem academiam a ducibus  
 Saxoniae ad explenda professoris theologiae munia esset inuitatus. Quo  
 loco insigni iuuentutis orbisque eruditi plausu docuit, commendatus se-  
 renissimae genti ducum Saxoniae, qui et ex parte a consiliis ecclesiasticis  
 eum sibi esse iusserunt, et ciues suos in academia versantes eius ephoriae  
 tradiderunt. Sustulit autem tussis, quam febris catarrhalis sequebatur,  
 virum incomparabilem in itinere Gothano versatum anno cło 15 c CXXIX,  
 XIII Cal. Decembr. Nec locus vero, nec instituti ratio patitur, vt  
 quam egregium ecclesia ciuitasque erudita virum in eo nacta sit, multis  
 deprae-

p) Vita eius disci potest, ex Memoria Budde-  
 na, post mortem vernacula Ienae 1732. fol. edita,  
 ex qua sua desumerunt Collectores materiae ad  
 aedific. regnum Dei P. I. art. 7. Act. erud. 1730.  
 Bibl. theol. select. P. XLIII, art. 8. conf. R-

CHARD. de Vita et scriptis profess. Ienens. p. 6.  
 STOLLIVS Hist. lit. P. III. c. 5. §. 64. p. 722.  
 729. 764. Relatione de Bibl. sua passim REIM-  
 MANN. Hist. lit. Germ. Vol. IV. p. 241.

depraedicemus, etsi aliquot annos ab ore eius pendimus, et quanta doctrinae copia, quanta fidel dexteritate, quanta morum probitate muneribus functus sit, testis *αὐτόπτης* nouimus. Inerat enim ei eruditio copiosa atque amplissima, et ad omnes fere disciplinas se extendens, ea autem docendi perspicuitas, ordo, et tradendi felicitas, ut exoptari melior praeceptor non potuerit. Cumque et dictionis nitore, et verborum copia, et methodi elegantia scripta sua atque lectiones vehementer commendaret, mirum non est, rapuisse eum in admirationem non iuuenes modo cateruatim ad eius scholas affluentes, sed et viros doctos, qui certatim elegantissimam viri optimi doctrinam depraedicarunt <sup>1</sup>. Quae vel ideo iucundissima euasit, quod scripta eius prolixa et magno iudicandi acumine ad rectos usus translata, rerum literariorum notitia ornaret. Cuius cum praestantissimum prorsus et quantiuis pretii specimen in *Isagogae historico-theologicae in theologiam eiusque partes* dederit, lectorem ad librum eruditissimum et prorsus aureum <sup>2</sup> merito dimittimus. Augebat virtutes literarias pietas sincera magnisque exemplis iuuentuti utilissima, studium concordiae pacisque, quo a litibus in ecclesia valde abhorrebat, patienterque et humaniter dissentientes ferebat, diligentia autem tanta, quanta ab homine expectari potest. Qui cum infantem scientiam multis rationibus contemneret et reiceret, et philosophos grauia opera mire odio haberet, ipse demonstrare facto *conuictus est*, philosophiam et theologiam animi *emendationem* in eo *praeclarissime* adiuuuisse. Singulare autem prorsus est innumeros eum, ex quo in Salana academia theologiam docere coepit, discipulos educauisse, vixque doctor erit academicus, qui tot ex scholis suis per omnes Germaniae prouincias iuuenes doctos sacroque muneri adaptatos dimiserit. Quantos autem ex eius eruditione et diligentia fructus orbis eruditus reportauerit, magna scriptorum, peculiari catalogo enarratorum copia, laudesque quibus ea cumulauit natio doctorum virorum <sup>3</sup> satis probant, quibus tamen hoc loco inhaerere, dicendorum ratio non permittit.

*Merita Buhl-  
dei in philo-  
sophiam.*

§. V. Multum debet philosophia viro summo, qui cum morali doctrinae in academia Halensi tradendae esset destinatus, et eclecticam rationem abiecto iugo sectario sequi, excitatus aliorum exemplis constituisset, omnem in eo operam collocauit, ut utilissimum se philosophiae studia sequentibus praestaret. Maxime autem recte intellexit vir praestan-

q) Conf. FABRIC. Hist. bibl. suae T. III. p. 318. 319. et quos laudat STOLLIVS in Obseruat. ad HEYMANNI Conspectum hist. liter. p. 400. seqq.

r) Vid. Cat. Reimmann. P. I. p. 117. seqq.

s) Adiecta loca Catalogo scriptorum Budicenses aliquoties edito.

praestantissimus nihil magis iuuare philosophiam, quam eius historiam. Illi itaque haud parum temporis et diligentiae tribuit, nec errabimus a vero contententes, omnium, si recentiorum aetatem spectas, plurimum ad excolendam hanc disciplinam Buddeum in Germania contulisse. Testes volumus scripta elegantissima, quibus historiam philosophicam illustrauit. Cuius σύνολον mira arte omnem philosophiae ambitum enarrantem *Institutionibus philosophiae eclecticae* praefixit, eamque paucis ante obitum annis<sup>c)</sup> obseruationibus eruditis auxit. Iungenda his sunt: *Introductio in historiam philosophiae Ebraeorum*, quam iterata vice edidit, et annotationes adiecit, in quibus nonnulla rectius explicuit; *Historia iuris naturae, selectis iuris naturae praefixa*, dissertationes *de Sapientia veterum*, quibus septem sapientum Graeciae historiam luce collustrauit, *Analekta historiae philosophicae*, dissertationes doctissimae bonaeque frugis plenae, quibus philosophiae historia panditur, complectentia: *Theses de Atheismo*, quae capite primo atheismi historiam fuse enarrant, et obseruationes denique haud paucae, *Obseruationibus literariis Halensibus*, quibus praefationem praemisit insertae. Tandem *Introductio in philosophiam Stoicam M. Antonino praefixa*. In quibus scriptis omnibus licet, vt erat homo, et inter primos historiae philosophicae conscribendae laborem erat aggressus, sint, quae emendatione opus habent, fatemur tamen, solida pleraque recteque dictasse, et disciplinae huic lucem accendere aptissima. Quae cum haecenus toties in partes vocauerimus, plura dicere, et specimina afferre supersedemus. Grati autem agnoscimus, beato nos viro prima in hoc historiae genere lumina debere, mireque eius exemplum, praecepta, auctoritatem, epistola fratrisque in ea eruditionis parte pulchre versati, amicitiam atque studia ad ingrediendum hoc et alacri cursu prosequendum stadium nos accendisse. Ita praeparato itinere ad ipsam philosophiam tradendam se accinxit, cumque doctrinae moralis et civilis pandendae prouincia ipsi esset demandata, eius institutiones methodo eclectica scribere aggressus est. Ad quod saxum voluendum et muneris ratio eum coegbat, et trahebat<sup>d)</sup> quaedam institutionum huiusmodi eclecticarum inopia, cum post Hugonem Grotium plerique moralis disciplinae studium in solo iure naturae et gentium enucleando consumfissent. „Eclecticam itaque viam sequi apud se constituens, solam rationem „ducem elegit, in id conuersurus, vt ex euidentissimis principiis ceu „fontibus limpidissimis omnia deducerentur et apte colligarentur. „Quod

c) Hal. 1732. 8.

d) Vid. Praefatio prior.

„Quod qua ratione se effecturum sperauerit, ita explicat: Inuestigare primum vera principia decet, ex quibus cetera deinceps ordine deriuentur, quo ipso saepius contingit, vt mox ad illum, mox ad alium propius accedere videamur, vel plane cum illo consentire, licet ideo saltem aliquid aut probemus, aut reiiciamus, quod cum ratione conueniat, aut eidem refragetur. Quo ipso non potest non in corpus concinnum et aptissime constructum efflorescere philosophia, vt tamen libertas, qua quisque gaudet, illibata maneat. Hanc se viam ita secutum esse, ait, vt nihil asseruerit, quod non promte profluat ex his fontibus, et simul tamen in plerisque maximos praestantissimosque auctores secum consentientes habeat.“ Id quod postea latius roborat, quosque seligendos putauerit, aut quibuscum in haud paucis conspiraret, generaliter indicat. In altera autem editione, quae 1713 prodiiit, monet, se in quibusdam sententiam correxisse suam, eo quod veritate ipsi nihil sit antiquius, ordinem quoque alium tractationi induxisse, vt cuncta inter se cohaerent consentirentque melius. Nempe eo tempore *Instrumentalis* quoque *philosophiae elementa* scripserat, inque iis et inueniendae, et interpretandae, et tradendae aliis atque communicandae veritatis regulas explicuerat, subiunctis praeceptis ontologicis, quae metaphysica moris est dicere. Et istam quidem ita exponere constituit, vt praecipue medicorum filios imitatus, qui naturam hominis, morborumque, sanitatis, signorum, et medendi rationes considerant, intellectus humani naturam, vitae perfectionem, mediaeque veritatis eruendae traderet. Id quod eo magis par erat ad humanam voluntatem referri, quo magis eam grauibz morbis detineri, et non nisi validissimis remediis restitui posse putabat. Quae methodi ratio noua quidem non est, sed a veteribus iam agnita, vt alibi dictum, recentiori autem aetate a Vincentio Placcio vsurpata, at quam tamen nemo elegantius, quam Buddeus adhibuit, vnde ea quoque ad enucleanda theologiae moralis mysteria ita vsus est, vt omnem philosophiae moralis lucem ad argumenti theologici illustrationem conferret. Accessit postea pars tertia atque quarta *Physicam* et *pneumatologiam* theologiae naturali iunctam complectens: in quibus pristinum iter ita sibi tenendum esse censuit, vt, cum aliam ordinis rationem argumentum posceret, viam eclecticam tamen seruaret, et a notioribus ad remotiora et ignotiora progrediendo, resolutionis methodo tandem in latentes rerum causas penetraret. Hinc \* in physica parte „expo-  
tis accurate rerum naturalium phoenomenis, indicauit subinde, quid  
„verosimilius ipsi circa causas atque principia videretur, certi quid raro  
definiuit,

„definiuit, eo quod in ea versaretur sententia, naturam rerum nemini  
 „mortalium esse perspectam, forte nec perspicui posse, adeoque ad  
 „maximum, quem ex hac philosophiae parte sperare possimus usum  
 „satis esse, si vires et effectus corporum accuratius habeamus explora-  
 „tos, et proxima, quantum licet, ex quibus hi procedunt princi-  
 „pia. Vsum se vero ait, multumque profecisse, ex scriptis Iaco-  
 „bi Rohaltii, Ioannis Christophori Sturmii, Ioannis Clerici, Ioan-  
 „nis Gothofredi Bergeri, quem in *ανθρωπολογία* potissimum secutus  
 „est.” Tractationem de spiritibus autem ita instituit, ut eam quo-  
 que elencticam faceret, et cum Balthasaris Beckeri somnia, tum  
 Benedicti Spinozae impietatem arietibus philosophicis euerteret. Et  
 hoc quidem pacto totius philosophiae orbem, dictione usus perspi-  
 cua atque eleganti ita absoluit, ut, mirum quantum viris doctis pla-  
 ceret<sup>2</sup>, et imprimis in plerisque Germaniae scholis hae institutio-  
 nes indicis instar in praelectionibus philosophicis adhiberentur. Quae  
 causa fuit, ut *Elementa philosophiae practicae* decies, quae autem  
*Instrumentalem* eius partem explicant, septies et quae *Naturalem*  
*Doctrinam* tradunt, quinquies recuderentur. Fuerunt quoque non-  
 nulli, qui in hanc Buddeanam sapientiae synopsis commentationes  
 scriberent. Inter quos MARTINVS MVSIGIVS<sup>a</sup> pleraque veri-  
 riaculo sermone expressit, IOANNES IACOBVS LEHMAN-  
 NVS, moralis philosophiae in academia Ienensi doctor, *Obserua-*  
*tiones* in eam edere coepit; tacemus alios, qui vnam alteramque par-  
 tem illustrare aggressi sunt, quod in rationali disciplina fecere Ven.  
 IACOBVS GVILELMVS FEVERLINVS, qui *Logicam Bud-*  
*deanam in theses breues* redegit, IOANNES REICHIVS au-  
 tem practica partem disputationibus publicis subiecit, ANDREAS  
 RVDIGERVS *Prudentiam viuendi et imperandi Buddeanam ver-*  
*nacula* exposuit. Aliorum studia enumerat Ven. WALCHIVS<sup>b</sup>;  
 qui videndus. Ipse vero vir optimus et indefessae diligentiae,  
 cum videret luce nonnulla opus habere, quaedam a viris magnis  
 praeter rem inimico dente arrodi, extremis vitae annis nouo labore  
 elementa recognoscere iisque obseruationes adiicere statuit. Ag-  
 gressusque opus hoc pacto philosophiae historiam, et artis ratio-  
 nalis institutiones, cum primo physices capite illustrauerat, cum

XXX 2

fata

y) Valde deamenerat Buddeus, cum ad-  
 huc Halae versaretur, Mosaios et Hebraicam  
 philosophiam crepantes, ut ex Intrad. in phil.  
 Ebraeorum constat. Ast postea rectissime has  
 nugas deseruit, et ad philosophiam experimen-  
 talem se conuertit.

2) Vid. Bibl. choisie Tom. VI. Part. II. art.

8. pag. 368. seqq. Nouv. de la rep. des lettres  
 1703. Iul. pag. 224. 1704. Fevr. pag. 198.  
 Mars pag. 332. seqq.

a) In Luce sapientiae cum praef. Buddei.

b) In praef. ad hist. phil. Buddei.

c) Hal. 1752.

fata suprema, quae eum inopinato supprefferunt, calamum eius manibus excuterent, et telam vix coeptam, quod valde dolemus, abrumperent, quae ut continuata fuisset, multorum vota flagitarunt. Valde enim placuit innumeris viris doctis methodus Buddeana, iudicandi modestia sobria, et inter *καινοφιλιαν* atque antiquitatis praeiudicium media, sententiae moderatae, quaeque emendare potius pristina quam reiicere omnia iisque noua surrogare, sed incerta et audaciora, quam par est, cupiebant. Qua de re virorum doctorum iudicia describere paginae angustia impedit. Neque tamen defuere, qui hanc philosophandi rationem Buddeanam improbarent, et in his elementis complura desideranda esse monerent. Ut enim taceamus, quae de philosophia Hebraeorum et imprimis Cabbalistica, itemque Mosaica dixerat, displicuisse nonnullis, et litem ei contraxisse, cuius *Tomo secundo*<sup>d</sup> mentionem aliquam fecimus, ipse potissimum, qui tamen surgente academia Halensi socias manus Buddeo in reformandis literis et philosophia iunxerat Christianus Thomasius acerbo, ut supra dictum, dicendi genere, Buddeanam philosophiam infectatus est, eo quod periculosa esse dogmata Thomasiana ille innuisset. Hinc reprehendit in eo<sup>e</sup>, quod describere doctrinas varias, non cohaerentes et saepe sibi contradicentes et parum felici combinatione vel conciliatione eas iungere, quam operam ipse dare inueniendi veritatem et inquirendi in naturam voluntatis voluerit. Vnde factum esse censet, ut quam plurimis eius libelli repleti fuerint contradictionibus: immo plagii suspitione eum onerare nullus dubitat. Quae ita excepit<sup>f</sup> placidissimus Buddei animus, ut quae ipsi obiecerat, moralem doctrinam tangentia solueret, vrgeret multa contra nouas Thomasii hypotheses, maxima autem patientia et animo tranquillo sarcasmos Thomasianos concoqueret, contentus ostendisse, et falso ipsi contradictiones imputari, et recte cohaerere, quae reprehenduntur. Vix autem his se extricauerat, cum nouis, quae paulo ante vitae eius finem exsurgere coeperant litibus de philosophia Wolfiana immisceretur. Eam enim cum improbauisset, et esse dogmata nonnulla periculum alere visa asseruisset, grauem illi dicam illustis Wolfius scripsit, ad quam cum alii pro Buddeo respondissent, illos nouo libello Wolfius excipere perrexit. Quae cum ad Wolfianarum controuersiarum historiam pertineant, heic ob instituti limites, quibus ab illa tangenda retrahimur, enarrare non licet: consulendi autem sunt, qui annales literarios famigeratissimae controuersiae passim condiderunt<sup>g</sup>.

## §. VI. Prod-

<sup>d</sup>) pag. 934.<sup>e</sup>) Fund. iur. nat. et gent. pag. 66. seq.<sup>f</sup>) Supplem. ad Isagog. in theolog. pag. 49. seqq.<sup>g</sup>) Maxime cel. LVDOVICI in Histor. phil. Wolfianae cap. 14. §. 265. seqq. pag. 205. seqq. Conf. Notit. Script. Buddean. pag. 69. Relations mensurales lenenses 1726. pag. 598. aliique.

§. VI. Prodiit ex scholae Halensis disciplina **ANDREAS** *Andreas Rudigerus.*  
**RVDIGERVS**, inter philosophos Germanos haud ita pridem celeberrimum nomen adeptus <sup>b</sup>. Qui Rochlitii, quod Misniae oppidum est, cal. Nov. anno **clōlōclxxiii**, parentibus pauperibus natus, non alium nisi se ipsum studiorum ducem et auctorem habuit, quibus se annos iam quatuordecim natus, demum addixit. Quam aetatem cum ad ea nimis tardam esse, consilium roganti auunculus, qui scholae praeerat, diceret, ita adolescentis ardor discendi inflammatus est, ut coërceri nimiam contentionem opus esset, ne sanitatis adiret periculum. Triennio in rudimentis exacto, ad gymnasium Geranum, et anno **clōlōcxciii** condiscipuli cuiusdam beneficentia adiutus ad Musas Halenses profectus est, quas tamen deferere iterum eum coëgisset rerum omnium, qua premebatur, penuria, nisi illustris Thomafius, cui eius ingenti elegancia commendata erat, filiis eum suis praeceptorem delegisset. Ita vero et de conuictu illi prospectum erat, et aditus patebat ad disciplinam viri celeberrimi, qui rebus eius prudenter prospexit, et ut Musis quoque suis vacare commode posset, libenter permisit. Turbavit tamen haec eius otia literaria morbus, qui eum coëgit anno **clōlōcxcv** patrios lares repetere. Recuperatis viribus lenam concessit, deque necessariis sibi erudiendo iuuenes in historica et geographica notitia prospexit, studiisque theologicis, quibus se tum deuouerat, inuigilauit. Discedentibus autem auditoribus, discedere ex academia ista ipse quoque coactus est. Geram ergo repetiit, et biennio ibi exacto, desiderio vitae academicae accensus Lipsiam concessit, anno **clōlōcxcvii**, ubi non deerant, qui philosophiae linguarumque praecepta ab eo discerent. Sed cum ex Halensium professorum disciplina prodiiisset, quorum tunc inter Saxones horror aliquis animos occupauerat, ita de obtinendo munere sacro desperare coepit, ut omisso studio theologico ad iurisprudentiam conuerteretur, cuius fictiones cum ingenium eius philosophicum ferre non posset, tandem arti salutari se tradidit, totusque in eam incubuit, anno **clōlōc** autem summos in philosophia honores obtinuit, *deque usu et abusu terminorum*, et paulo post *de virtutibus intellectualibus integritati suae restitutis* disputauit. Tum anno **clōlōcciii**, ad docendum reuersus, logicae artis peritiam disputationibus publicis duabus, *de eo, quod omnes ideae oriuntur a sensu*, et *de nouis ratiocinandi adminiculis* probauit, summos autem in medicina titulos atque

X x x 3

docto-

<sup>b</sup>) Sequimur in enarranda vita Rudigeri relationem celeb. **STOLLII** Hist. Liter. Para. III. Supplem. ad pag. 754. pag. 768. seqq.

quam ab ipso Rudigero profectam esse suspicamus.



doctoris iura eodem anno Halae nactus est, postquam *de regressu sanguinis per Venas mechanico* cum eruditis velitationem literariam instituisset. Accidit vero, cum furto omnia amisisset, ut aegritudine confectus et industria laboris necessaria recuperandi exhaustus mali hypochondriaci insultibus in cachexiam desinentibus, itemque podagrae doloribus mire excrucietur: omissa itaque praxi clinica, inter ingentes dolores docendae tamen iuventutis provinciam patientia vere philosophica sustinuit, qua diligentia, cum docentis virtutes accessissent, discipulorum numerus valde auctus est. Vix autem collapsas res suas hoc pacto, redeunte sanitate restituerat, cum exercitus Suecici irruptione in Saxoniam anno 1707 cogeretur ad Halensem literarum mercatum secedere, novasque scholas aperire, quo loco, ut ducem iuvenes haberent studii philosophici, *Philosophiam syntheticam* eodem anno vulgavit, disputationibus quoque publicis scopum, quem sibi praefixerat, attingere conatus est, fautores nactus Thomassium, Ludewigium, Gundlingium trium viros praestantissimos, et in aula Berolinensi commendatione potentes. Qui cum aliquando abessent, sensit hoc quoque loco, sibi aduersarios non deesse, pergere enim in istis exercitationibus prohibitus est. Qua tamen aduersitate a promouendis dilatandisque philosophiae pomoeriis se impediri passus haud est, ideoque anno 1709, librum *de sensu veri et falsi* vulgavit, logicamque noua methodo nouisque obseruationibus illustrare aggressus est: praxi autem medica aegrotis succurre perrexit, sed aduersariorum tela euitare prorsus non potuit. Anno 1712, mutato rerum in Saxonia vultu, et auditorium Halense et aegrotos, quos multos sanandos in curam suam receperat, reliquit, Lipsiamque reuersus antiquum docendo medendoque obtinuit. Cumque principia physica plerorumque maxime mechanicorum ei displicuissent, *Physicam diuinam* secundum propria principia constructam typis commisit, vixque biennii tempore ex censorum manibus liberatam<sup>i</sup>, Francofurti ad Moenum anno 1716, edere potuit. Anno sequente philosophiae corpus iterum edidit, praefixo *Institutionum eruditionis* titulo, totumque scribendo docendoque se tradidit, abiecta cura clinica. Ita vero docendi ars et concinna quaedam elegantia iuuenum animos cepit, ut et insigni eorum applausu frueretur, et essent duo, qui haud contemnendam auri summam<sup>k</sup> praeceptori grati animi significandi causa donarent: adscriptus quoque est numero consiliariorum et archiatrorum ducis Saxoniae; et ab anno 1717, magis scribendo quam

i) Conf. STOLLIVS loc. cit.

eus obtulit, rarissimo inter docentes discentes.

k) Duo thalerorum millia, quilibet ei gratum exemplo.

quam docendo, ob tussim humidam fere perpetuam, orbi literato prodesse studuit, in id maxime intentus, ut moralem et civilem philosophiae partem more suo, exponeret; quos labores mox enarrabimus. Denatus VIII. Non. Iun. anno clōlcccxxi.

§. VII. Aderat viro doctissimo magna ingenii vis, et Rudigeria-  
 haud contemnenda eruditio, animus autem ingens tritam viam de-  
 ferendi nouisque, quae se detexisse credebat principiis philosophi-  
 am inaedificandi. Quibus calcaribus instigatus, et imprimis Tho-  
 masii exemplo excitatus, ad reformatam philosophiam omnem se ac-  
 cinxit, nouamque eius faciem per omnes fere eius partes, effingere  
 conatus est. Cuius exemplum summamque in *Institutionibus eru-*  
*ditionis* delineauit, quae ter prodierunt: difficile autem est, de  
 vera auctoris mente statuere, cum in singulis scriptorum suorum  
 editionibus multa mutauerit, aliamque haud raro sentiendi et ratio-  
 cinandi viam iniit. Vnde illis, qui de eius placitis accurate erudiri  
 cupiunt, ad vltimas editiones recurrendum est. Fecit autem  
 emendandae iuuandaeque philosophiae initium a logica, in quam *in Logica*  
 refingendam et quantum posset, perficiendam laudabilem atque dili-  
 gentem curam contulisse virum doctissimum omnino fatendum est.  
 Testem volumus librum eius de *Sensu veri et falsi*, in quo non fa-  
 cile aliquid, quod ad artem ratiocinandi spectet, esse praetermissum,  
 titulus significat. Nempe communis logicae, quam metaphysicam  
 tantum esse censebat<sup>1</sup>, itemque Cartesianae regulas usu satis attingi  
 posse iudicans, multos canones, quos intellectus sibi relictus non  
 assequitur, se detexisse obseruans, eorum sufficientem explicatio-  
 nem dare constituit, Aristotelis exemplum imitaturus, cuius ana-  
 lyticos libros si intellexissent interpretes, nunquam futurum fuisse  
 autumat, ut depressa iaceret logica Stagiritae, volitarent autem  
 per manus studioforum tot. inanes recentiorum libelli logici, qui  
 omni suo strepitu ne unicum quidem caput analyticorum Aristotelis  
 ἀκριβεία aequant. Indignatur autem Stagiritam turpi inuidia ratio-  
 nem disciplinalem, et syntheticam, tum et veram probabilitatem  
 reticuisse, ideoque se hanc logicam scripsisse fatetur. In qua omnia  
 se a priori ex apodicticis principiis deduxisse gloriatur, idque prae-  
 cipue docuisse, quomodo ratiocinatio mathematica a philosophica,  
 et metaphysica a disciplinali discedat, ex quibus confusis largissimam  
 errorum messem vitiorumque farraginem prodiisse contendit. Pri-  
 mum autem se aut tetigisse plane, aut recte, et non tantum meta-  
 physice, ut hucusque factum pertractauisse dogmata de definitione et  
 diui-

<sup>1</sup> Vnde syllogismus quoque proprie ad metaphysicam pertinere statuit.

diuisione, quodque inde dependeat fundamentum affirmationis, negationis, vniuersalitatis, et particularitatis: deinde, doctrinam de tribus diuersis demonstrationis speciebus, sensuali, ideali et verbali, tum de modis inueniendi existentias rerum, et tandem, quod palmarium logicae dogma sit, de inueniendis rerum essentiis, quo pertineant doctrinae, de probabilitate, de ratiocinatione causali, de ratiocinatione practica. Ipse tamen non negat, duplicem se lectori logicam propinare, iuuenilem, quam in textu attulit, senilem, quam in amplissimis scholiis " adiecit, et se talia inuenisse, sine iactantia profiteri se posse pronuntiat. Et fatendum quoque est, multa copiose et prolixè attulisse celeberrimum auctorem, quae in aliorum scriptis logicis non deprehenduntur. Multa quoque immiscuit, ad alias disciplinas pertinentia, quibus sibi a communi eruditorum sententia discedendum esse statuit. Qualia sunt, quae de principio vitali siue anima differit, dum et intellectum et voluntatem substantias esse diuersas affirmat, item ea, quae contra motum musculorum mechanicum disputat, et quibus omnibus animalibus facultatem diuinatricem inesse contendit, et quae magno numero similia affert. Quae hoc loco adducere nec libet nec licet, cum specialis artis ratiocinandi historia hanc sibi prolixitatem vindicet. Variam fortunam habuere hae institutiones logicae, vt plerumque in re noua calcataque via a trita semita abeunte fieri solet, praesertim cum reprehendere plerosque, qui ante se de arte ratiocinandi scripserant, auctor apud se constituerit. Et fuere quidem haud pauci, qui magnis elogiis insigne opus extollerent, inter quos nomen quoque professus est Ven. IOANNES GEORGIVS WALCHIVS ", qui dicam illis scribit, qui creditae existimationi magnum imminere periculum putant, quando Rudigerum laudare, commendare instituerent. Maiori prouidentia et moderatione, vt solet, pronuntiauit eruditissimus STOLLIVS \*, operae pretium sibi videri, vt hae logicae institutiones attente legantur, et cum cura sententiae auctoris examinentur, verum ad id lectore nec iudicio nec diligentia destituto opus esse, magisque docentibus quam discipulis esse scriptas. Alii autem nec *καίνοφρονας* auctoris, nec inutilem prolixitatem, nec regularum incertitudinem, nec distinctiones logicas ab obiectis argumentorum sine ratione petitas ferre se posse conquesti sunt, fueruntque multi qui Rudigero magnis animis contradicerent. Quod cum fecissent quoque auctores *Historiae literariae nostrae aetatis* †, quae vernaculo sermone menstruo labore

m) Accesserunt illae demum editioni secundae.

n) In Hist. log. Parerg. acad. pag. 693.

o) Hist. Liter. Part. II. cap. 2. pag. 457.

p) Part. VI. art. 2. Conf. Nov. Liter. Lips. 1723. pag. 5.

bore prodiit, enata inde disceptatio Rudigeri cum illis, qua paginae aliquot *Nouorum literariorum* <sup>1</sup>, quae Lipsiae hebdomatim prodeunt, fuere repletae: quas consulere lectorem plura de his scire cupientem iubemus, ne in huiuscemodi liticulis narrandis iusto simus prolixiores. Ex illis autem, quae de intellectus et voluntatis natura vir eruditissimus disputauerat, enata quoque controuersia inter illum atque illustrem Wolfium de essentia animae, et natura spiritus in genere. Cum enim quae in *Metaphysicae* <sup>2</sup> capite V. de hoc argumento dixerat Wolfius, praeceptis definitionis et ratiocinationis a se positae mire aduersari, et in haud paucis peccare statueret, totum illud caput examinare, et paralogismos eius ostendere constituit, id quod peculiari schediasmate vernacula scripto <sup>3</sup> probatum fuit. Prodiit quoque pro Rudigero *ὑπερασπιστής* ADOLPHVS FRIDERICVS HOFMANNVS, vulgatis *Meditationibus in philosophiam rationalem Christiani Wolfii, in quibus prouocatur, ut respondeat ad obiectiones Rudigerianas eiusque doctrinam de natura et essentia spiritus atque animae*. Non commisit se huic arenae Wolfius, grauioribus tunc curis distractus, respondit autem ex *συμπατριώταις* eius non nemo, adscito HIERONYMI ALETHOPHILI <sup>4</sup> nomine, quidque desiderandum sit in obiectionibus Rudigerianis, quibusue paralogismis eius reprehensio nitatur, ostendere conatus est. Nuperrime autem IO. BENEDICTVS CARPZOVIVS <sup>5</sup>, vir clarissimus et maiorum gloriam laudabili industria aequare tentans logicam Rudigerianam et Wolfianam data opera inter se comparauit, quidque utriusque ex vero debeat, in quo verbis, vel re dissentiant, in quo conspirent, erudite ostendit <sup>6</sup>. Qualem comparisonem esse vtilissimam iuuandaeque philosophiae et conculcando sectario iugo aptissimam, intelligunt, qui philosophandi sobrietatem didicerunt.

§. VIII. Emendata et perfecta rationali scientia ad natura-<sup>in physica,</sup> lem progressus est Rudigerus, cuius satis amplum systema orbi literato legendum examinandumque exhibuit, quod hunc in fronte titulum gerit <sup>7</sup>: *Physica diuina recta via eademque inter superstitionem*

q) l. c. p. 91. seqq.

r) Cogitationes de Deo, mundo et anima humana intelligimus.

s) Sententia Wolfii de natura animae et spiritus in genere, et opposita sententia Rudigeri 1727. 8. Germ.

t) Lips. 1728. 8.

u) Monita ad hypothesin Rudigerianam Wolfianae oppositam, de natura animae et spiritus, quam propugnare constituit A. F. Hofmannus Lips. 1728. 8.

x) Specim. I. et II. Meditationum logicarum Lips. 1742. 8. edito.

y) Conf. A. E. 1716. p. 346.

*nem et atheismum media, ad utramque homines felicitatem naturalem atque moralem tendens.* Dicit autem diuinam, vt intelligat lector, opponi eam mechanicae, hodie fere per totam Europam florenti, iamque paulatim marcescenti. Noua autem illis principia opponi tantum est vt neget, vt hanc sibi potius gloriam vindicet, se et noua illa detexisse, et nouis nominibus insigniuisse, et nouo systemati adaptauisse. Nempe, vt ipse narrat <sup>2</sup>, in iuuentute a praeceptoribus conuictus didicit, et Aristotelis idola cerebrina formam, materiam, priuationem fucum facere, et nec Cartesianorum nec Neo - Democriteorum philosophandi de naturalibus methodum probandam esse, eamque aequae ac metaphysicam recentiorum nonnullorum a vero discedere. Quod de nouis, si placet, institutionibus metaphysicis et physicis Christiani Thomasio intelligendum est, ex illis disci potest, quae capite antecedente de illustribus viri scriptionibus aduersus mechanicos et philosophiam experimentalem deque tentamine de natura spiritus attulimus. Neque enim in his quae a Thomasio audiuerat, acquiescere se potuisse satis innuit, testatus: *Inconcinnum se putauisse commentum, dicere, principia naturae esse materiam atque spiritum, hunc vero esse substantiam actiuam, illam vero passiuam, nam talem spiritum a forma Aristotelica non differre, nisi nomine, materiam ne in hoc quidem.* Inde vero enatus ei animus principia mechanica cum vitalibus seu animantibus coniungendi, et sic demum naturae cognitionem tentandi. Cum autem emendata notione spiritus et materiae, aliquid principiis deesse illi videretur, lucemque ex fixis seu aetherem, aërem ex planetis ebullire videret, haecque principia ad corporum phaenomena applicaret, et iis terram adderet, inuenisse se vera principia naturae mundi ratus est. Quam terram tamen iterum expungendam esse deprehendit, vnde duobus principiis aetheri atque aëri se spiritum adiunxisse ait. Materiam luminis autem, de quaangebatur, esse particulas radiantes, experimento quodam discens, aetherem concepit non fluidum, sed exiguis atque minutulis particulis radiantibus constantem esse, et ad peripheriam a centro extendi, aëris autem corpuscula esse bullulas motu a peripheria ad centrum praeditas ex motu fluidorum bullulas ostendente colligebat, haecque omnia ad naturae phaenomena adplicata verifimiles rationes naturae recludendae exhibere videbat. His itaque principiis totum naturalis disciplinae aedificium inaedificandum sibi esse statuit. In quo labore se ita versatum esse ait, vt ratiocinatione mathematica nunquam abuteretur, et possibilitatem nunquam pro probabilitate, multo minus pro demonstratione haberet;

<sup>2</sup>) In Praefatione, quae tota legenda.

beret; a fictionibus autem abstinere, earumque loco hypotheses subsidiarias et aliis phaenomenis stabilitas adhiberet. Quae tamen omnia nouis nominibus insignienda fuisse monet, ideoque definitionem vocis prius perquirere lectorem iubet. Neque vero theticas dare naturalis philosophiae institutiones contentus, et Aristotelis, Cartesii, atque Gassendi opiniones recensuit, et iudicium vbique, adhibitis etiam obseruationibus logicis, interposuit. Consuluit autem experimenta quoque non pretiosa tantum atque artificialia, sed et viliora et naturalia. Contempsit physicos, mathematicos, qui omnia fieri mathematice in natura statuunt cum Cartesio, vnde stomachosiores quaedam expressiones (sic enim ipse appellat) variis in locis contra mathematicos illi exciderunt, eo quod vbique numeros crepent, et in solorum numerorum et magnitudinum modulum latifundium naturae amplissimum constringant, quamuis vsum principiorum mathematicorum esse in physica negare Newtono id demonstranti non audeat. Ita vero eiectis ex philosophia naturali principiis mathematicis, respiciendus etiam erat mechanismus mathematicus, non tamen totus, sed velut parce adhibendus: illi autem mechanismus quendam physicum, qui materiae et corporis affectionibus absoluitur, substituit. Et haec quidem omnia mira ingenii fecunditate per opus sat spissum persequitur philosophus ingeniosissimus. Quae cum mire a recepta eruditorum de rebus naturalibus philosophandi via discederent, mirum non est, plurimas inde contradictiones auctori esse enatas. Et adhuc in incunabulis versantem nondumque typis impressum librum eiusque hypotheses primarias cel. Lehmannus confodit <sup>a</sup>, et iniurias in mathematicorum nationem sparsas anonymus quidam peculiari scriptiuncula vindicauit <sup>b</sup>. Vir clarissimus autem IACOBVS BERNARDVS obscuritatem, superstitionem, cauillationes philosophorum, credulitatem, principia vaga, incertaque, et iudicii quandam paupertatem ei exprobrauit <sup>c</sup>. Prodiit quoque in lucem contra physicam diuinam Cel. POLYCARPVS LYSERVS <sup>d</sup>, qui paralogismorum, et ambiguitatis in definitionibus principiorum suorum Rudigerum convincere fategit. Nemo tamen acutioribus telis physicam Rudigerianam oppugnauit, quam eruditissimus vir GEORGIVS FRIDERICVS RICHTERVS, qui aliquoties controuersiae ferram cum Rudigero reciprocauit. Neque tamen sibi defuit ille,

Y y 2

sed

a) Pec. Programme quod cum responsione sua praefationi Operis inseruit Rudigerus.

b) Scriptum apologeticum aduersus iniurias Thomasiae et Rudigerianae eruditiss. confodientis raditas Fr. 1717. Vindicauit quoque ma-

themat. pec. Programme Cel. WEIDLERVS.

c) Nouvelles de la rep. des lettres 1717. Mars. art. 1.

d) Apparat. liter. Witt. P. I. art. 3. p. 39.

sed his aduersariis vna scriptione satisfaciendum ratus obiectiones Rich-  
terianas calci nouae editionis physicae suae cum *ἐπιμνησες* sua adiecit,  
et ad obiecta a Lysero et Bernardo quoque respondit. Bernardi cri-  
minationes quoque repulit Iosephus Maria Barbierius  
Iesuita Louanienfis, edita *Veritate philosophiae Cartesanae euicta  
inuentis philosophi Germani, quem a censura calumniosa professoris  
mathematici vindicat.* Neque tamen Richter obmutuit, cum fa-  
cile inueniret, quae responsionibus Rudigerianis oggereret, qui inge-  
niosam fabulam esse systema Rudigeri physicum non minus, quam  
Cartesii, pronunciauit. Quod tamen ipsum aliis occinuit Rudi-  
gerus, in eo laudandus, quod inter atheismum et superstitionem me-  
diam viam tenere tentauerit, et hypotheses physicas ad argumentum  
morale traduxerit, ipse autem fateatur, a demonstratiua certitudine  
hanc suam physicam abesse.

in ethica.

§. IX. Tandem morale quoque argumentum peculiari tra-  
ctatione illustrandum sibi sumsit Rudigerus, vnde orbi philosophico  
vernacula legendam tradidit *Manuductionem ad tranquillitatem animi  
humani, siue εὐδαιμονίαν, tanquam summum bonum vitae huius s.* In  
quo libro satis eleganter scripto, bonum et malum semper inter se  
misceri, adeoque iucunditatis et molestiae sensum indiuiso plerum-  
que nexu cohaerere ostendit, ex connata autem rationis luce demon-  
strat immortalitatem animae, et futuram felicitatem spemque umbram  
esse humanae felicitatis statuit, et quae rerum humanarum vanitas ob-  
tineat, quae tranquillitas in hac vita acquiri queat exponit, media-  
que eius consequendae commendat prudentiam, iustitiam, rectum  
vsum timoris et spei, comparisonem bonorum et malorum, et bea-  
titudinem sibi sufficientem. Nec prudentiae regulas vir diligentissimus  
neglexit, sed duce, vt supra dictum, Buddeo vsus, *Prudentiam  
viuendi et imperandi s.*, fuse exposuit, valde conquestus, quod,  
quae vtilissimam se in vita praebeat disciplinam methodus academica  
plerumque negligat. Cuius causas esse putat contemtum philoso-  
phiae Aristotelicae, in qua tamen politica primo loco sit ponenda;  
et curiositatem eruditorum aliis scientiis inuigilantium. Multos au-  
tem praecepta iuris naturae a philosophia ciuili non satis distinxisse, et  
separanda miscuisse indignatur. Ita vero toto philosophiae ambitu,  
si metaphysicam exceperis, singularibus scriptis illustrato, ad refin-  
gendum vniuersae philosophiae vultum, qualem prius in *Institutioni-  
bus* depinxerat, se accinxit. Multa enim post tres, quas eius sy-  
stema

e) In Vindiciis obiectionum et responsione ad  
notas Rudigerianas Lips. 1718. 4.

f) Lips. 1721. 8.

g) Lips. 1722. 8.

stema passum erat, mutationes, emendare, meditationes alias supponere, methodo alia uti, et ad apodicticam certitudinem, quoad liceret, cuncta reducere satagit. Enata inde eius *Philosophia pragmatica methodo apodictica et, quoad eius licuit mathematica conscripta*<sup>b</sup>, cui auctoris imago praefixa est. Cuius praefatio, hoc loco ob breuitatem non enarranda, ab illis inspicienda est, qui ultimas Rudigeri opiniones et placita nosse cupiunt. Non caruit sectatoribus Rudigerus, praecipue inter illos, qui eum viua voce docentem audiuerunt, fuit etiam vnus et alter, qui eius philosophandi summam propagare annisus est, id quod Germanicis librorum eius versionibus efficere conatus est IO. ANDREAS FABRICIVS<sup>i</sup>. Et cum nouum philosophiae corpus sermone vernaculo protruderet GODOFREDVS POLYCARPVVS MULLERVS, cui titulum fecerat: *Sapientia et prudentia mundi ratiocinalis ordine inseparabili exposita, et observationibus ex historia nostri aevi petitis illustrata*<sup>k</sup>; esse illud Rudigerianum sibi que pleraque, certe potiora clanculum erepta Rudigerus conquestus est, maleque eum habuit, in transuersos multa sensus ab eo rapta esse. A qua tamen plagii inculpatione peculiari apologia se liberare Mullerus studuit.

§. X. Possent his addi plures, qui, minori licet strepitu *Alii eclectici* in philosophiae eclecticae stadio cucurrerunt, si id ageremus, ut historiam literariam eclecticorum philosophorum scriberemus. Quam vero spartam cum ornare non promiserimus, lectorem ad historiae literariae recentissimos scriptores, maxime ad elegantissimam *Historiam literariam* celeberrimi STOLLII eo magis dimittimus, quo magis librum optimum atque vtilissimum diligenter illis versandum esse putamus, qui historiam philosophiae eclecticae recentioris nosse cupiunt. Non tacendi tamen nobis prorsus sunt IO. IAC. SYRBIVS et Ioannes Clericus, eo quod haud parum eorum opera studiosae iuuentutis disciplina philosophica adiuta est. Et ille quidem, cuius vitam dabunt RICHARDVS<sup>l</sup>, GOETTENIVS<sup>m</sup>, alii, ut profunda meditatione cum libertate eclectica gaudebat, et in historia philosophiae dogmaticae ita erat versatus, ut cum paucis equiparari posset, non modo recentiorum nonnullorum φιλοσοφούμενα, maxime Christiani Thomasi, Nicolai Hieronymi Gundlingii, Andreae Rudigeri et Christiani Wolfii, modeste examinauit, et quid moneri de eorum placitis queat, candide significauit: sed et ipse praeter *Institutiones phi-*

*Ioannes Iacobus Syrbius.*

Yyy 3

*loso-*

h) Ibid.

i) Vid. Nou. lit. Lips. 1732. p. 136.

k) Conf. STOLL, Suppl. nou. ad hist. lit. p. 304.

l) In Vitis profess. Ienensium.

m) In Europa literata Hodie vivente P. II.



*losophiae rationalis* eclecticae cui praemissa est historia logicae, philosophiae primae, veteri significatione (quam peculiari dissertatione \* exposuit) sumtae institutiones vulgavit. Quae quales sint, ex hoc titulo patet: *Institutiones philosophiae primae novae et eclecticae, quarum pars prima, seu architectonica praeter theologiam philosophicam omnis eruditionis fundamenta, principia et methodum ex ipsius hominis consideratione deriuata, altera vero seu metaphysica philosophiam occultam, tertia denique seu ontologia, notionum philosophicarum vulgo usitatorum explicationem continet* \*. Qualem laborem etiam editis vernacula *Breuius institutionibus sapientiae* eiusque *Partium omnium* <sup>p</sup> perfecit. Et fatendum quidem, meditationi et attentioni adfuetum lectorem viri acutissimi scripta poscere, immo etiam historiae philosophicae apprime gnarum, vnde his destitutis paulo obscurior scriptorum eius euadit lectio: aut concedet is, etiamsi omnibus illius subscribat, magnam iudicandi vim et insolitam perspicaciam cum arte mire dogmata inter se nectendi virum eruditissimum possedisse. Quocum multoties de difficillimis veteris philosophiae capitibus colloquium nos instituisse, et in eo studiorum nostrorum genere plurimum lucis ab eo accepisse, grati profitemur. IO. CLERICVS autem, quis fuerit, quemue in ciuitate erudita locum tenuerit, quibus doctrinae meritis nominis immortalitatem consecutus sit, hoc loco exponere velle, esset historiam literariam nostrae aetatis scribere, et lucem accendere in meridie, adeo nota sunt elegantia viri summi in omnem doctrinam, maxime literariam, merita. Is cum Io. Lockio amicissimo vteretur, et huius librum *de Intellectu humano* inter praestantissimos, quos vnquam sol vidit, libros referret, eius, vt videtur, exemplo excitatus, primum ad scribendam logicam animum apulit, in quam praecipua congeffit, quae a Lockio de idearum natura dicta sunt, alia ex *Arte ratiocinandi*, quae portus regii sociis debetur, et ex MALLEBRANCHII libro *de Inquirenda veritate* adiecit: sicque licet haud ita multa de suo addidisset, ordine tamen et perspicuitate, quo nomine Christiano Thomasio et N. Hier. Gundlingio laudatur, valde se commendauit. Accessit ontologia, maximam partem secundum praecepta Cartesianorum, tradita, itemque pneumatologia, quibus tandem iunxit physicas institutiones, methodo analytica ex recentiorum obseruationibus constructas. Ethicam autem partem non attigit, quae enim iungi solet PHILARETHI ethica, non Clerici est, sed Io. Rudolphi Rudolphi. Probatam autem fuisse diligentiam viri celeberrimi ex repetitis editionibus constare potest, quamuis multis displicue-


Ioannes Clericus.

a) De Philosophia prima ordini et honori suo restituenda.


o) Ienae 1780. 8.

p) Ibid. 1723. 8.

displicuerint ea, in quibus ab aliorum sententia sibi discedendum esse putavit. Quae hoc loco excutere non licet. Addi his summo iure deberent, qui recentissima aetate magna cum laude nova philosophiae systemata ediderunt, inter quos post illustrem CHRISTIANVM WOLFIVM cuius immortalis, eo nomine, est famae gloria, bonorum quorumlibet calculum meruit celeberrimi SAMVELIS CHRISTIANI HOLLMANNI, philosophi Goettingensis industria acumenque prorsus singulare et libertas eclectica demonstrata. Ast his immorari limites, quos posuimus nobis, obstant, cum viuis et praesentibus iis, quod diu sit, optamus! orbi philosophico frui liceat: viuos autem tangere nos nolle, ut meta laboris sit, constituerimus. Nihil itaque restat, quam ut iam porro ostendamus, quo pacto per singulas philosophiae disciplinas emendationem aggressi sint philosophi. Qua in tractatione tamen rem summatim, ne prolixiores simus iusto, complectemur. Singularum enim scientiarum philosophicarum historiam specialem scribere, ad hanc tractationem non pertinet.



LIBER



## LIBER SECVNDVS

# DE EMENDATIONE PHILOSOPHIAE IN SINGVLISEIVS PARTIBVS.

## CAPVT PRIMVM, DE REFORMATIONE PHILOSOPHIAE RATIONALIS RECENTIORI AETATE TENTATA.

## §. I.

*Ordo tractationis.*



peragrato longissimo itinere philosophiae vniuersae a mundi incunabilis ad nostram aetatem campo, nondum tamen metam attigimus, omnemque philosophiae historiam ab soluimus. Cum enim in enarrandis philosophiae veteris medique aevi fatis omnes eius mutationes per singulas partes complecti licuisset, recentioris aetatis, tertiaeque periodi historiam simili modo vniuersam comprehendere non potuimus. Quanquam enim memorabilium haud facile quicquam desiderari posse speramus in iis, quae de recentiorum studio circa philosophiam sectariam eiusque partes singulas copiose attulimus, aliter tamen in enarratione philosophiae eclecticae et reformatione sapientiae humanae euenit, ubi eorum modo conamina atque diligentiam exposuimus, qui pro reformatoribus vniuersae philosophiae aut habiti sunt, aut haberi se cupuerunt. Fuerunt autem praeter istos innumeri viri docti, qui non omnem quidem disciplinam philosophicam refingere, et ornatiores vultus exprimere tentarunt, ast in specialibus tamen philosophiae scientiis insignes valdeque memorabiles mutationes susceperunt. Quas reticere, esset eclecticae philosophiae partem nobilissimam supprimere.

supprimere. His itaque enarrandis, declarandoque, quid per singulas philosophiae partes emendare, nouumque dare susceperint viri docti, in hoc libro nostra versabitur industria. Ex quo vero constare lectori posse confidimus, non expectandam iam esse a nobis singularum disciplinarum philosophicarum historiam, quam condere non minoris, quam quem hactenus vrfimus, laboris et prolixitatis opus esse intelligent, qui considerauerint, ad veram rectaque methodo institutam alicuius scientiae philosophicae historiam, non id tantum requiri, quod ab haud paucis non perfunctorie factum est, vt literaria eius historia exponatur, sed ipsa quoque systemata varia, eorumque discrimina mutationes causasque esse adducendas. Qua quidem ratione neminem hactenus opus hoc absoluisse, merito dolemus, virosque eruditos cohortamur, vt hoc saxum voluere, et philosophiae magis, quam philosophorum historiam specialem condere incipiant, ex qua magnam philosophiae redundaturam esse utilitatem nemo non rerum gnarus intelligit. Non tamen contemnenda eorum laudabilis industria est, qui historiam disciplinarum philosophicarum specialem enarrare contenderunt. Quamuis enim plerique literariam magis quam philosophicam notitiam dederint, haud raro tamen, licet non satis plene, ea quoque tetigerunt, quae ad ipsa dogmata pertinent. Adeundi itaque atque consulendi de rationali philosophia PETRVS RAMVS<sup>a</sup>, BARTHOLOMAEVS KECKERMANNVS<sup>b</sup>, G. I. VOSSIUS<sup>c</sup>, PETRVS GASSENDVS<sup>d</sup>, REN. RAPINVS<sup>e</sup>, CHRISTIANVS THOMASIVS<sup>f</sup>, I. G. PASCHIVS<sup>g</sup>, IACOBVS FRIDERICVS REIMMANNVS<sup>h</sup>, IOANNES FRANCISCVS BVDDEVS<sup>i</sup>, IOANNES IACOBVS SYRBIVS<sup>k</sup>, SAMVEL CHRIST. HOLLMANNVS<sup>l</sup>, et qui facile omnes accuratione et dogmatum explicatione vicit Ven. IOANNES GEORGIVS WALCHIVS<sup>m</sup>, theologus hodie Ienenfis multis de ecclesia orbeque literario meritis inclytus. Metaphysicae historiam nemo profundius denudauit, et enucleatius, quod ad veteres attinet, suo tempore tradidit quam IACOBVS THOMASIVS<sup>n</sup>, dignus qui consulatur; quem suo modulo atque pede secuti sunt BVDDEVS<sup>o</sup>, REIMMANNVS<sup>p</sup>, IVN-

a) In Scholis dialecticis.

b) In Praecognitis Logicae.

c) De Nat. et const. Logicae.

d) De Origine et varietate Logicae Tom. I. opp.

e) Reflexions sur la logique.

f) In Philosophia aulica.

g) De Inuentis nou- antiquis.

h) In Calendario critico-historico logicae, et quod ad Germanos attinet, in Hist. Lit. Germ.

i) In Praefat. ad version. Latinam Artis cogitat.

k) In Hist. Logicae Instit. philos. rat. elect. praemissa.

l) In prooem. Logicae T. I. Institution. phil.

m) In Historia Logicae, quae exat Parerg. Acad. pag. 454. seqq.

n) Adiecit eam Erotematibus metaphysicis.

o) Annot. ad Part. IV. Philosoph. instrum. pag. 451.

p) Hist. Lit. German. Vol. II. p. 159, III. p. 117. IV. p. 2. 115. seqq.

IVNCKERVS<sup>q</sup>, et qui reliquos facile vicit HOLLMANNVS<sup>r</sup>. Physicae historiam diu neglectam fuisse, fere intolerabile et vehementer dolendum videtur, quamvis perperam CHRISTIANO IVNCKERO<sup>s</sup> prima eius conamina tribuere Cel. STOLLIVM<sup>t</sup> putemus. Nam non modo ante Iunckerum incomparabilis Buddeus breues historiae naturalis disciplinae lineas *Institutionibus doctrinae naturalis* praefixit, quibus elucidandis vltimam paulo ante mortem manum admouit, sed imprimis diligentissimus GASSENDVS amplissimis, quos de physica<sup>u</sup> scripsit commentariis historiam plerorumque dogmatum curate attigit, acutissimus HAMELIUS<sup>v</sup> autem veterum et recentiorum hypotheses physicas inter se comparauit, vt de vtriusque partis mente sententiam suam aperiret. Tentauit quoque nonnulla, doctrinam magis, quam libros respicientia diligentissimorum virorum MORHOFII<sup>w</sup>, et PASCHII<sup>x</sup> eruditio. Quibus merito addi possunt Ephemeridum praestantissimarum, quas Parisienses atque Lipsienses eruditi condunt, itemque memoriarum ad societates eruditas spectantium auctores, qui non quidem rerum naturalium historiam, ast eius tamen, quod ad recentiores obseruationes spectat, hylen quandam iucundissimam suppeditant. Qui vero de rebus naturalibus scriptores consulendi sint, ad haec arua nostra non pertinet exponere, et ex indicibus STRVVII<sup>y</sup>, SCHEVCH-ZERI<sup>z</sup>, REIMMANNI<sup>a</sup>, STOLLII<sup>b</sup> aliorumque discendum est. Maxime autem huius argumenti noscendi cupido praestantissimi HOLLMANNI commendamus industriam, qui cum *Institutiones philosophiae naturalis* panderet, non modo laudabili consilio, fata eius disciplinae breui quidem at luculento et eleganti compendio enarrata praemisit, sed cum recte prudenterque statueret, esse effectuum naturalium plurimos, quos philosophice cognoscere, caussarum vero et quantitatum cognitionem non nisi historicam habere possimus, ad obseruationes magnorum virorum semper recurrit, scriptorum praestantissimorum non libros tantum, sed et obseruationes indicauit, et quid de quouis argumento physico naturae interpretes statuerint, addita ἐπιηγήσει ita exposuit, vt merito naturalis scientiae studiosis hunc eruditissimi viri laborem gratulemur, et historiae physicae dogmaticae vices subire posse credamus. Quam viam quoque cum in pneumatologia et theologia naturali

q) In Lineis primis eruditionis pag. 76.

r) In prolegom. Philos. primae, qui ante omnes adeundus est, cum singula perspicue solummodo sit complexus.

s) loc. cit. Part. I. p. 141. seqq.

t) Histor. liter. c. 4. §. 3. p. 519.

u) Tom. I. opp.

v) In Phil. vet. et noua.

w) Polyhist. T. II.

x) loc. cit.

a) In Bibliotheca philosophica, АСКЕРИ ЛОТТЕРИ, КАМЛИИ aliorumque curis aucta.

b) In Bibliotheca scriptorum historiae naturalis.

c) [Histor. literar. German. Vol. II. pag. 160. 305. Vol. III. pag. 461. IV. pag. 462. V. pag. 763. seqq.]

d) I. c. Lib. II. cap. 3.

turali inierit, ad eum recurrendum est, huius enim scientiae historia valde hactenus neglecta est, et paucissima sunt, quae IVNCKERVS<sup>e</sup> et BVDDVS<sup>f</sup> tetigerunt, literariam vero eius scientiae historiam tantum suppeditarunt STOLLIVS et REIMMANNVS<sup>g</sup>. Addenda his est atheismi historia, quae haud contemnendam eius partem constituit, cuius fontes cum nos quoque vbique in hac tractatione indicauerimus, illa loca post industriam Ven. REIMMANNI<sup>h</sup> consuli, si tanti videbuntur, possunt, novos autem Cl. ZIMMERMANNI<sup>i</sup> labores de eo argumento dudum promissos adhuc expectamus. Nec lautio rem apparatus ethicae historia suppeditat, GVNDLINGIVS<sup>k</sup> enim veteres tantum et quidem solos barbaros, STOLLIVS<sup>l</sup> et REIMMANNVS<sup>m</sup> scriptores, PASCHIVS<sup>n</sup>, methodum tradidit, fata ethices nemo hactenus ex instituto enarravit. Qua in re feliciora sidera vidit iuris naturalis historia, forte, quod recentiori tantum aetate sub peculiaris scientiae habitu exculta, tantum laboris, studium atque molestam operam, quam reliquae partes non postuleret. Plurimum enim hac in re nos debere, BVDDEI<sup>o</sup>, LVDOVICI<sup>p</sup> et imprimis CHR. THOMASII<sup>q</sup> diligentiae, nemo ignorat rerum literarum nostri aevi non plane ignarus. De politica autem et viuendi imperandique scientia praeter eos, qui scriptores enarrarunt<sup>r</sup>, nemo fere nobis occurrit, qui operam rectam et sufficientem in eo argumenti genere posuerit. Ab horum autem omnium industria manum quidem non cohibebimus, si inferuire tractationi nostrae poterunt: ast aliam tamen viam sequemur. Cum enim veteris mediique aevi historiam in antecedentibus iam, quantum instituto nostro sufficere putauimus, complexi sumus, in sequentibus ea tantum tangemus, quae singulis disciplinis philosophicis, a resuscitatione literarum noua, singularia, momentoque non carentia, et ad nullam sectae speciem referenda contigerunt, et quibus eclectica philosophia adiuta est. Verum hic quoque modo et limitibus opus est, ne in infinitum liber excrescat: dabimus ergo potiora tantum et memoria dignissima, qua licet breuitate, et qui plura nosse cupiunt, ad abundantissimos fontes dimittemus.

## Z z z 2

## §. II.

e) loc. cit.

f) loc. cit.

g) locis citatis.

h) In Historia atheismi, quae tamen literaria magis est, quam philosophica.

i) Dudum is meditatus est Historiam atheismi et apologiam virorum doctorum atheismi accensuratorum, cuius specimen in disertat. de Atheismo Platonis, itemque de impietate Eumeni et Diagorae Melii etc. extrare in Amoeno. literariis Cel. SCHELHORNII T. VIII, et in Museo Bremensi Vol. I. voluit.

k) In Historia philosophiae moralis,

l) loc. cit. P. III. tot.

m) loc. cit.

n) In tr. de variis modis tradendi moralia, cui annexa est Introductio in rem literariam moralem veterum.

o) Praemisit is Selectis I. N. et G. historiam iuris naturalis.

p) Etiam huic viro docto historiam I. N. debemus.

q) Eius Historiam paulo pleniorum I. N. supra iam in eius vita tetiginus.

r) Scriptores huc pertinentes nominat STOLLIVS loc. cit. cap. 5. §. 4. pag. 693. Inter quos facile eminent NAVDAEI, CONRINGII, BOSII, ARNDII scripta.

*Emendatio  
logicae sen-  
tata.*

§. II. Mature post renatas literas vidisse viros eruditos naeuos logicae Peripateticae, eisque medelam afferre tentauisse, ex praecedentis libri tractatione constat. Eo enim loco planum fecimus, quid Laurentius Valla et Rud. Agricola Sec. XV. hoc nomine susceperint, et quo pacto philosophiam rationalem emendare sint aggressi: ea itaque heic repetere nihil attinet. Exorta vero clariori luce seculo XVI, multa reprehendisse viros doctos, multa noua fuisse molitos in hoc philosophandi genere, parum autem vel plane nihil profecisse, vel solius Nizolii atque Ludouici Viuis exemplis suo loco adductis potest demonstrari. Et profecto, quae hoc seculo magni quoque viri in logica philosophiae parte susceperunt, vltra repurgationem logicae scholasticae, quam ad puriores Aristotelis fontes reuocarunt, plane nihil, quod momentum nouitatis et emendationis habeat, attulerunt. Vnus Petrus Ramus, quod tum multi mussitarunt, aperte eloqui, et quod alii in votis tantum habuerunt, in rem perducere, nouamque dialecticam introducere ausus est. Quae cum magnorum motuum causa per integrum fere seculum fuerit, historia Ramea iam paulo curatius nobis enarranda est, quam strictim, vt institutum postulat, dabimus.

*Vitae Petri  
Rami scri-  
ptores.*

§. III. Ignotum esse nequit nomen PETRI RAMI illis, qui historiam eruditionis vel a limine salutarunt. Fuerunt enim plurimi, qui res eius et tum vitae tum philosophiae historiam tetigerunt. Et ex instituto quidem vitam Rami omnium optime enarrauit, qui ex disciplina eius prodit THOMAS FREIGIVS<sup>a</sup>, tum PETRVS NANCELIVS<sup>b</sup> et THEOPHILVS BANOSIVS<sup>c</sup>. Multa, quae ad res Petri Rami illustrandas faciunt, attulere SAMMARTHANI<sup>d</sup> fratres, quos exscripsit PAVLVS FREDERVS<sup>e</sup> tum BOISSARDVS<sup>f</sup> similesque scriptores historiae literariae alii, in vulgus noti. Recentissima aetate in iis explicandis illustrandisque laudabilis versata est industria TEISSIERII<sup>g</sup> PETRI BAYLII<sup>h</sup>, CHR. BREITHAVPTII<sup>i</sup> et C. F. LENZII<sup>j</sup>. Tacemus GASSENDVM<sup>k</sup>, REIMMANNVM<sup>l</sup>, WALCHIVM<sup>m</sup> aliosque scriptores historiae logicae. Nos consultis, quos nominauimus, fontibus ita ad obseruationes laudatorum virorum attendemus, vt quod lucem historiae celeberrimi philosophi accendere queat, neglexisse nos minime videamur.

#### §. IV. Edi-

<sup>a</sup>) Addita est AVDOMARI TALAZI Orationibus Marpurgi 1599. 1608. editis,

<sup>t</sup>) Paris 1603. 8. II. Volum.

<sup>u</sup>) Francof. 1579.

<sup>x</sup>) Elog. Gallor. Lib. II. elog. 81.

<sup>y</sup>) In Theatro p. 1467.

<sup>z</sup>) Vit. illustr. script. T. II. p. 36.

<sup>a</sup>) Elog. des hommes sauaus T. II. p. 397. fqq.

<sup>b</sup>) Dict. T. IV. art. Ramus p. 25. seqq.

<sup>c</sup>) Diff. de Tribus Logicae restauratoribus Ramo, Verulamio atque Carthesio Ien. 1712.

<sup>d</sup>) Diff. de Historia Rami Vireb. 1713.

<sup>e</sup>) De Orig. Log. c. IX. T. I. Opp. p. 59.

<sup>f</sup>) Hist. lit. Germ. Vol. III. p. 192.

<sup>g</sup>) I. c. L. II. c. 1. §. 3. p. 609. fqq.

§. IV. Editus est in lucem PETRVS RAMVS (de *Vita Rami*. la Ramée) in Veromanduorum agro Cuthi, parentibus antiqua quidem et nobili prosapia ortis, sed belli calamitatibus ad infamam sortem redactis. Teste enim BANOSIO <sup>b</sup>, qui id ipsi Ramo debet, auus eius in Eburonum gente familia imprimis illustri fuit, sed patria a Carolo Bugurdionum duce capta et incensa in Veromanduorum agrum profugus ob paupertatem cauponariam artem exercuit. Ipse quoque se relictis vix cunis peste correptum aegre mortem euasisse narrat. De adolescentia eius atque educatione discrepant scriptores: SCALIGER <sup>i</sup> enim ad annum vsque decimum nonum, nequidem primas notas eum didicisse, ac inferuiuisse domino de la Brosse, et Lutetiam deductum famulum ingenio tardo, rudi et stupido atque disciplinae repugnanti fuisse tradit, hanc autem stupiditatem discendi vicisse desiderium. Aliiter autem BANOSIVS <sup>k</sup>, qui narrat: „Anno aetatis suae circiter „octauo sponte Lutetiam venisse, et inde bis abductum violentia temporis, bis eodem tamen, quamlibet reflantibus ventis reuersum et „ardenti discendi studio incensum ab Honorato Carpentario auunculo „victum per aliquot menses perexiguum accepisse, vt artes addisceret; „deinde necessitate coactum multos annos duram seruitutem in collegio Nauarrae seruiuisse; sed cum interdiu dominis suis fidelem operam praestitisset, nocte oleo et lucerna in studia incubuisse.“ Quam narrationem ipsa Rami verba a FREIGIO <sup>l</sup> adducta confirmant, quibus de fortunae pertinacia, quam Lutetiae se expertum esse ait, cum ad capeffendas artes ingenuas illuc venisset, conqueritur: id quod tamen sibi non puero, sed iuueni accidisse tradit. Traductus autem ad hunc bonarum literarum mercatum, cum ineffabili discendi desiderio flagraret, et ipse indefinenter literis operam dare coepit, et lectiones publicas attente audiuit. Et fuerunt quidem, qui Ramum sine praeceptore propria diligentiae felicitate ad id doctrinae culmen euasisse contendunt, quo postea eminuit. Certe ad MORHOVIUM <sup>m</sup>, NAVDAEVM <sup>n</sup> et EDMVNDVM RICHERIVM <sup>o</sup> prouocat, qui ἀντιδιδάκτωρ Ramum ipse quoque dixerat TEISSIERIVS <sup>p</sup>, ideo notatus a P. BAYLE <sup>q</sup>. Ast si accurato vocis rigore id sumas, falsum est. Ipse enim RAMVS <sup>r</sup>, tres annos sexque menses in philosophia Aristotelis ex academiae legibus se posuisse operam ait, et alio loco <sup>s</sup>, id repetit, fassus illud tempus sese logicæ Organî libris cognoscendis, disputandis, meditandis traduxisse. Quod

Zzz 3

si vero

h) I. c. ex Oratione Rami professionis regiae initio habita.

i) Scaligerana secunda p. m. 127.

k) loc. cit.

l) I. c. conf. BAYLE not. B.

m) Polyhist. T. I. L. I. c. I. p. 6.

n) De Studio liberali, c. 5. p. m. 89.

o) In Obstetrice animorum c. II. p. 20.

p) I. c. p. 399.

q) I. c. not. N.

r) Schol. dial. L. V. fin.

s) Animadu. Arist. L. IV. p. m. 136.



fi vero id velint viri docti, quod eos voluisse suspicamur, nouam eum dialecticam non a praeceptoribus hausisse, sed suo ingenio debuisse, nihil dicunt, quod non ipsius Rami assertis consonet, licet fuerint, qui in eo quoque argumento alieno illum vitulo arauisse contendunt. Non vero solam philosophiam Aristotelico-Scholasticam didicit, sed et artes mathematicas; in quibus Ioannem Penam, quem in philosophia discipulum nactus est, praeceptorem habuisse, etsi is iuuenis adhuc esset, contra censuram Baylii demonstravit TEISSIERIVS<sup>a</sup>. Licet enim tunc admodum iuuenis vigeret, erat tamen testibus SAMMARTHANIS<sup>b</sup> supra aetatem eruditus, hisque potissimum artibus egregie versatus, adeo, vt, narrante ipso Ramo<sup>c</sup>, quamuis valde iuuenis esset, cathedram mathematicam post seuerissimum examen, commendante Ramo tandem obtinuerit. Nec alio testimonio opus est, quam ipsius Rami<sup>d</sup>, a TEISSIERIO<sup>b</sup> producto, qui e doctis Latine et Graece eruditus Ioannem Penam sibi imprimis mathematici studii adiutorem fuisse affirmat. Obiit autem Pena XXVI tantum annos natus, vnde iuuenem eum Ramo in his artibus praeceptorem obtigisse manifestum est<sup>e</sup>. His vero studiis cum pertinax accederet contentio et diligentia inexpugnabilis, iura magistri philosophiae obtinere Ramus potuit. Id hoc pacto factum esse narrat FREIGIVS<sup>f</sup>: *Lutetiae magisterii titulum suscepturum pro more et consuetudine scholarum liberam disputandi copiam examinatoribus facere coactum fuisse. Problema igitur sumxisse: quaecunque ab Aristotele dicta essent, commentitia esse: Attonitos nouitate et insolentia magistros nostros cum auctoritatem Aristotelis sibi ereptam viderent, irrita conatu per diem integrum magistrandum (vti barbare vocant) oppugnauisse.* Qui recte quoque obseruat, Ramum ex hoc fortuito successu ansam deinceps serio ac libere in Aristotelem animaduertendi et inquirendi arripuisse. Ex qua obseruatione patet, ingentes, quos iuuenilis ardor Ramo subdidit spiritus ad parandam sibi gloriae viam prima Aristotelis oppugnandi conamina in eo accendisse. Accinxit se autem potissimum ad examinandum euertendumque Organum Aristotelicum, cuius occasionem ipsi suppeditasse lectionem veterum scriptorum Graecorum atque Latinorum infra probabimus. Valde enim perhorrescebat vir amoeni atque elegantissimi ingenii barbariem sui temporis; cumque nocturna diurnaue manu exemplaria veterum versaret, et haud paruam sibi dicendi scribendique copiam comparauisset, adeo vt annos triginta natus melius Latine scriberet,

t) l. c. Vol. I. p. 305, qui consulendus.

u) In Elog.

z) Praef. Oper. mathem.

a) Act. prima pro regia profess. mathem. p. 552.

b) l. c. p. 306.

c) Conf. VOSSIVS de Scient. math. p. 355.

d) p. 9. 10.

beret, quam senio proximus <sup>e</sup>, ratus addisci eloquentiam dicendique artem sine dialectica non posse, parum autem huic vsui aptam esse logicam Aristotelicam, ad emendandam differendi et cogitandi artem, quam more veterum dialecticam appellabat, vim animi omnem conuertit, vt haberent, qui bonis literis operam nauant instrumentum, quo ad interpretationem et imitationem veterum auctorum ex quouis genere optimorum possent peruenire <sup>f</sup>, vt ex dicendis constabit. Ita vero hunc scopum se attingere posse sperabat, si ostenderet primo, ineptam esse ad veritatem inquirendam edifferendamque logicam Peripateticam, et inutilia plurima, haud pauca falsa, quaedam vera quidem at manca, et ad vsus minime traducta continere, adeoque reformatione opus esse: sicque remotis obstaculis nouam deinde dialecticam introduceret, quae dicendi cogitandique atque differendi artem omnem secundum veterum mentem luculentis regulis explicaret. Vtrique scopo obtinendo cum se parauisset, prodiere eius cura <sup>g</sup>, licet nondum trigefimum aetatis annum attigisset, *Institutiones dialecticae*, et *Animaduersiones Aristotelicae*, quorum librorum hic logicam elencticam, ille theticam comprehendit, multoties recursus vterque <sup>h</sup>. Et in hoc quidem acerrimam censuram in logicam Aristotelicam exercuit, quidque in ea desiderandum sit, magna libertate exposuit, in illo nouam dialecticae artem instruxit. Non enim contentus ostendisse, qua ratione virtutem differendi, ad quam omnem dialecticae artem reuocabat, natura, doctrina, exercitatione assequi liceat, et de veritate quoque, de qua disceptandum, praecipisse, de contrariis quoque dialecticorum opinionibus sibi dicendum esse statuit, demonstrareque aggressus est, *Dialecticam ab Aristotele et Aristoteleis non legitime institui, cum quod multa dialecticae artis non necessaria praecepta libris Aristotelis logicis conturbentur, tum quod multa necessaria praetermittantur*, vt infra paulo plenius exponemus. Fecit id Ramus et animo magno, et dicendi copia supra modum eleganti atque valente, et libertate, quam aetas illa ferre posset, maiori. Et institutiones quidem dialecticae, quamuis *θετικῶς* scriptae essent, satis Peripateticos iam commouerant, cum in omnia alia Ramus abiret, et viam a Stagiritae patefactam non sine contemptu quodam defereret. Ast longe vehementius eorum animos vulnerabant *Animaduersiones Aristotelicae*, quas calamo non modo

e) Scaligerana prima p. 127.

f) Conf. Praef. Institut. dialect.

g) Paris 1543. 8.

h) Paris 1548. qua editione perquam nitida nos

vimur, conf. REIMANN. Hist. lit. Germ. Vol. III. p. 193. MORHOF. Polyhist. T. II. p. 66. STRUVIUS Bibl. phil. c. II. §. 14. STOLIVS Hist. liter. P. II. c. 2. §. 20. seq. p. 436. seqq.

modo liberrimo, sed interdum quoque ex indignatione paulo intemperantior scripserat, et in quibus iuuenilis ardor se subinde prodiderat. Nihil enim in omni fere Aristotelis Organo est, quod non reprehendat, et in quo Aristotelicos cum magistro non pueriliter lapsos esse censeat. Cuius ut exemplum lector habeat, en in *Peroratione uniuersae animaduersionis*, totam Aristotelis orationem difficilem rebus, obscuram verbis, toto genere compositionis insulsam atque odiosam vocat, *Commenta Aristotelis labyrintho comparat et Minotauro ait simillima*, ob anfractus et Maeandros, quibus inuoluitur, maxime autem commentorum, nugarum, somniorum, ineptiarum, mendaciorum, sophismatum, deliramentorum infinitis labyrinthis coagmentatum chaos se commonstrare ac patefacere gloriatur, et se non dialecticae artis confusionem in Aristotele duntaxat reprehendere, non tantum salebras arguere, non solum notas atras accusare, quae in chaos fuerant, ait, sed, quod Aristotelicum logicae confusionis chaos maius est; cum chaos quidem naturali principia rerum licet nondum distincta, inessent integra, in Aristotelico chaos vero et permulta e necessariis principiis desint, et multo plura e nugatoriis et sophisticis redundant, multa quae tribus versiculis commodissime poterant concludi, centenis vanarum argutiarum spinis et mendaciis usquequaque dissipentur. Ex quibus facile hariolabitur lector, non potuisse non Peripateticorum animos, professorumque philosophiae, qui in Organo Aristotelis consenuerant, et quorum phrontisteria hisce mysteriis per totum annum personabant, altissime fauciari instigarique, ut ferocem professorem iuuenem, venerandis Stagiritae canis male dicentem, et leges academiae magno contemptu et fastu conculcantem reprimerent, et honorem professionis suae assertum irent, cogerentque aduersarium impune in famam Peripateticae sapientiae grassantem, pedem referre. Et hinc illae lachrymae, quas iam porro delineabimus, cum vehementer crabrones Ramus irritauisset, minori suae tranquillitatis periculo, et maiori veritatis emolumento in detegendis Aristotelicae logicae naevis vitiisque versaturus, si nimiam animi vim cohibere, si parcius ista viris obicere, si sine pompa sine inuidia sapere, maluisset. Ast cum alia omnia Ramo placuissent, et is temporis inferuire prudenter negligeret, maxima inde tempestas ei coorta est, quae tantum non omnem eius fortunam euertit, et inuidiam, malevolentiam, contumelias, terrores, minas, et tela acutissima Aristotelicorum ei concitauit, ut ex sequenti narratione patefcet.

§. V.

i) Praef. Animad. Aristot. edit. 1548.

§. V. Vix compaterant libri dialectici Rami, cum ex his fauillis magnum sibi incendium metuentes professores Peripatetici, ad id extinguendum omnem academiam conuocarent. Prodiit autem delectus ad in-eundam cum Ramo pugnam Antonius Goueanus <sup>k</sup>, quem et artis dialecticae peritia et eloquentiae laude cum Ramo paribus viribus pugnam inire posse censebant. Et primo quidem libellis aliquot contra Ramum pugnatum est, plerisque academiae magistris Goueani partes sequentibus, a quibus multis altercationibus priuatis studiis potius, quam publico bono incensis res acta est. Quod cum euentum, quem exoptabant, non haberet, ad vim confugerunt Rami aduersarii, et quod AVDOMARVS TALAEVS <sup>l</sup> narrat, „Ramum repente non ad humanam aliquam et literis vsitatam disputationem ab Academia vocari curarunt, sed ad praetorii tribunalis capitalem contentionem per certos homines academiae nomine rapuerunt, nouique et ante hunc diem inauditi criminis accusarunt, quod Aristoteli repugnando theologiam et artes eneruaret. Hinc Aristoteleorum clamoribus agitatus ad summum Parisiensis curiae consilium traductus est: deinde cum legitimo iudicii more res agi, atque apertius iniquissimae fraudis inuidia percipi videretur, nouis artibus a senatu Parisiensi ad regiam cognitionem disiectus est: qua constitutis quinque iudicibus, binis ex vtraque parte, quinto regia denominatione designato causam de singulis animaduersionum capitibus dicere iussus est. Haec Talaeus, cuius narrationi eo magis fidem dandam esse recte monet P. BAYLE, quia haec scripsit Talaeus in dedicatione ad Cardinalem Lotharingiae, cuius patrocinio furori et persecutioni Aristoteleorum Ramus postea ereptus est. Prolixius rem explicat, et circumstantias quasdam addit, vitae Petri Castellani scriptor PETRVS GALLANDIVS <sup>m</sup> his verbis: „Cum in hac schola ante annos octo sophista famosus Musis iratis natus, gloriae popularis siti inexplibili praeceps, Aristotele, Cicerone, et Quintiliano petulanter et ignoranter vexatis nullum finem in quemvis auctorem classicum debacchandi facturus videretur, priusquam praesentem literarum statum labefactasset, atque ad suam libidinem peruertisset, permulti doctrina ac virtute conspiciui homines audaciam tam prodigio-

*Motus Parisienses ob oppugnatam a Ramo logicam Aristotelicam.*

k) Erat Goueanus natione Lusitanus, puer autem ad patrualem Andream Goueanum in Galliam traductus est, vbi in humaniori literatura institutus ita profecit, vt dicendi Latine fingendique facultatem supra modum assequeretur. Sed et logicam Aristotelicam ita perdicebat, vt, iuuenis quidem, cum Ramo congredi, eique Responsum ad P. Rami calumnias pro Aristotele opponere, mox disputationem coram inire auderet. Ab Aemilio Perreto ad iurisprudentiam amplectendam ductus ita hanc scientiam tenuit, vt eam magno plausu apud Tolosanenses, Cadurcos, Valentianos et Gratianopolitanos docere posset, habereturque a Iacobo Cuiacio interpres iuris, inter optimos numerandus. Bellis ciuilibus ex Gallia abire coactus ad Philibertum

Sabaudiae ducem concessit, eique a consiliis secretioribus fuit, obiitque Taurini ex nimio pomelonum usu, vid. THUAN. ad A. 1565. TRISSIER. ad h. l. T. II. p. 420. GRAVINA Histor. iuris ciu. c. 172. p. 254. seqq. Extollunt peritiam eius dialecticam Scaligerana p. 174. impietatis eum Caluinum accusasse ait TRISSIER. p. 224. conf. BOCLEZ. Scr. hist. sec. XVI. p. 622. alique.

l) In Dedic. academiae ad Carolum Guisae ducem Cardin. Lotharingum. ad quam narrationem prouocat RAMVS in Dedic. edit. recent. Animaduers. Eam repetit LAVMOIS de Fort. Arist. c. XIV. p. 253. seqq.

m) In Vita P. Castellani n. 45. p. 75. seq.

*Hist. philos. Tom. V.*

Aa aa

„sam indignissime tulerunt. Cumque de eo apud regem ita conquesti es-  
 „sent, vt ille pro sua perpetua in literas et literarum professores beneuo-  
 „lencia hunc indignabundus ad remum damnatum triremibus addicere sta-  
 „tueret, regis animum faceti leporis suauitate emollitum ad sententiam  
 „mitiorem Castellanus traduxit. Sophistam nugantem et inepte philoso-  
 „phantem ab humanissimo rege nullo capitali supplicio puniendum esse;  
 „verum cum doctis hominibus coram grauibz disceptatoribus in disputa-  
 „tionis certamen commissum, argumentis conuincendum, et ratione ali-  
 „qua leuiore ad sanitatem reducendum. Quorum sententia cum illum rex  
 „inscitiae, impudentiae et temeritatis damnatum silentiique poena multa-  
 „tum vidisset, facile acquieuit, neque acerbius quicquam in eum statuit.  
 Quam narrationem mendacii coarguit P. B A Y L E, cum et Talaei verbis  
 repugnet, et ab inimico Rami grauissimo profecta sit. Nobis autem non  
 ex toto conficta videtur, quamuis facile concedamus, regem optimum et  
 literatissimum, et quod ex hac ipsa vita Castellani constat, ob aristocra-  
 tiam commendatam Aristoteli non valde fauentem sententiam hanc im-  
 probam et duram ob disputationes logicas non tulisse. Nam ipse Talaeus  
 addit: *Haec omnia regis, licet omnium regum et humanissimi et litera-  
 rum amantiissimi tamen per falsas et improbiissime confictas calumnias  
 inducti auctoritate confirmantur.* Vnde quae Gallandius refert, de con-  
 siliis inimicorum Rami intelligenda esse putamus, qui percupiuissent eum  
 ad remos magis quam in cathedra sedentem videre. Quae cum regi es-  
 sent patefacta, obtituisse Castellani inhumanis cogitationibus, et velitatio-  
 nem literariam instituendam regi suasse. Id quod ipse regiae literae,  
 „MDXLIII, VI. id. Mart. scriptae confirmant, quibus innuitur, regem  
 „delatis ad aures suas turbis, quibus commoueretur Academia Parisiensis,  
 „ob libros P. Rami, institutam eapropter litem in curia regni ad se reuo-  
 „casse, ideoque decreuisse, vt qui oppugnaturum se libros Rami obtulisset,  
 „Antonius Goueanus, et qui accusaretur, Petrus Ramus, duos singuli vi-  
 „ros doctos et insignes eligerent, qui et Graecae atque Latinae linguae, et  
 „philosophiae satis essent periti, quibus ipse rex quantum adderet. Ele-  
 „gisse autem Goueanum Petrum Danesium, et Franciscum Vicomerca-  
 „tum, Ramum autem Iacobum Quintinum, et Ioannem Bellemontanum,  
 „ipsum regem addidisse arbitrum Ioannem Salignacum.“ Ex his enim re-  
 giarum literarum verbis constat, regem audire magis vtramque partem,  
 quam inauditum condemnare Ramum maluisse. Recepit mandatum regis  
 debito Ramus obsequio et disputationis pelago se commisit, quamuis de  
 quinque iudicibus tres infensissimos ipse haberet. Addit Talaeus: „Scri-  
 „bam vnum adfuisse, qui rationes Rami, et iudicum sententias exciperet,  
 „defensionis suae testem Ramum impetrare neminem potuisse. Biduo  
 „magna contentione de dialecticae artis definitione et partitione, quae in  
 „logici organi libris nullae essent, concertatum est. Tres Aristoteles  
 „iudices primo die contra omnes bene descriptas artis leges iudicasse, ad  
 „dia-

„dialecticae artis perfectionem definitione nil opus esse. Ioannem Quintinum Heduum, Ioannem Bomontium Parisiensem, qui duō iudices fuerint a Ramo delecti, pro singulari sua eruditione et doctrina censuisse, omnem disputationem, qua via et ratione procederet, definitione perficisci debere, idque per scriptum obsignauisse. Postridie tres iudices Aristoteleos vehementer conturbatos de partitione fuisse assensos, dialecticae legitimas esse partes inuentionem et iudicium, atque hac de re sententias suas perscripisse. Verum cum Ramus vrgeret Aristoteleos, igitur a se merito reprehendi, quod propria partitione praetermissa totam dialecticam mille tenebris obruerent, tribus iudicibus ampliari causam placuisse, et in alium diem reici, quia ista via Aristotelei superiores esse non possent. Et hunc audiendi Rami finem fuisse, deinceps enim Aristoteleos iudices aestuare, rixari inter se et iurgare quod se per imprudentiam demersissent, vnde incolumes emergere non possent. Itaque ne non damnetur Ramus, nouum consilium iniisse, vt ab initio tota disputatio retexatur, et adhuc iniudicata induceretur, proque nihilo haberetur. Id vero Ramum se facturum pernegauisse, coepisseque liberius conqueri, his se iudicibus esse traditum, quibus satis non esset eius sententiam tam coeca cupiditate oppugnare, nisi ipsi quoque suam, dictam praesertim et obsignatam, nullo inconstantiae pudore rescinderent. Quare tum Ramum a tribus illis accusatoriis iudicibus, cum eos neque sua conuestione, neque reliquorum iudicum admonitione de tanta violentia deduceret, appellauisse. Postremum igitur illud fuisse, vt tribus Aristoteleis iudicibus infinita potestate, sine auxilio, sine prouocatione iudicium de Aristoteleis animaduersionibus permitteretur. Huic tantae potestati, maiori etiam cupiditati Quintinum et Bomontium concessisse, perscripta tamen ante de vniuersa disputatione sententia, testatos, sibi placere, vt in philosophia, sicut antea semper fuisset, liberum esset, in omnem partem disputare, ex eo autem confesso se discedere, quia se non socios consiliis, sed iniuriae, quae Ramo fieret testes intelligerent. Idemque Ramum ipsum non sine stomacho, cum a tribus illis contumeliose illuderetur, fecisse, et se tempora sperare, dixisse, quibus tales iudices de suo facto nequaquam parem voluptatem essent percepturi: Ita vi victam, vel certe hominum quorumcunque opinione ad tempus oppressam causam esse condemnatis triumuirali sententia animaduersionibus et institutionibus dialecticis.“

Nihil est in hac tota narratione, quod non verisimilitudinis legibus faciat satis; nam et testis conditio talis est, vt rem omnem scire potuerit, et mentiri voluisse, in re in vulgus nota, et in dedicatione ad Carolum Lotharingum Cardinalem, remotis iam inuidiae obstaculis, minime est probabile, vnde fidem quoque ei dederunt LAVNOIVS et BAYLIVS. Aliter tamen rem enarrat edictum regium, cuius fides debebat esse publica.

Aa aa 2

blica.

n) Locis citatis.

blica. In illo traditur: „In congressu disputantium ad infringendam  
 „causam Ramum a censoribus appellauisse, quod cum ad regem esset de-  
 „latum, praetori urbis Parisiensis eum in mandatis dedisse, ut Ramum at-  
 „que Goueanum ad perficiendam disputationis telam cogeret. Refumta illa  
 „apparuisse, quod librorum suorum defensionem absolueret Ramus nequi-  
 „ret, adeoque abrupta disputatione submisit se censorum iudicio, qui  
 „cum absolueret causam constituerent, Bellemontanum et Quintinum  
 „negotio toti se subtraxisse. Data autem Ramo potestate alios ex sua par-  
 „te eligendi, sententiam tamen trium reliquorum se suscepturum fuisse  
 „profectum; hosque consideratis omnibus, decreuisse, esse Ramum te-  
 „merarium, arrogantem, et impudentem, quod artem logicam conde-  
 „mnauerit, quae recepta ab omnibus gentibus ab illo ignoraretur, id  
 „quod in animaduersionibus Aristotelicis satis prodiderit, scopum animi  
 „malum simul declarando, culpatis iis, quae bona et vera sunt, imputa-  
 „tis quibusdam Aristoteli, de quibus nunquam cogitasset, cumulatissime  
 „mendaciis et calumniis.“ Quae si vera sunt, et pessima causa fuit Ra-  
 „mi, et inepte atque imprudenter eam egit. At fuisse relationes hostium  
 „Rami, quas ad aulam detulerunt, et ex quibus regis mandatum est con-  
 „flatum, falsas et commentitias, ex circumstantiis narratis abunde liquet.  
 „Quis enim credet, Ramum potestate facta arbitros non suspectos, cum a  
 „prioribus defereretur, eligendi maluisse aduersarios, quos in interitum  
 „suum coniurauisse nouerat, se submittere, et sententiam eligere, quam  
 „internecinam sibi fore praeuidebat? Tacemus alia, verisimilitudinis leges  
 „migrantia, quibus luculento exemplo constat, fidem historicam et iuridicam  
 „magno saepe interuallo inter se distare. Interim verissimum est, oppres-  
 „sum aduersariorum potentia Ramum cedere fuisse coactum, et grauem  
 „fuisse expertum iudicem, quem ante actionem contra eum susceptam iam  
 „in illum indignatione armatum fuisse, fatentem supra Gallandium audiui-  
 „mus. Mirum itaque non est, non consultis iustitiae consiliis durissimam  
 „contra Ramum sententiam mandatum regis pronunciaisse, et utrumque  
 „librum penitus suppressisse atque proscripsisse, poena non confiscationis mo-  
 „do, sed corporis quoque irrogata, si quis vulgare prohibitos libros auderet.  
 „Ipsi vero Ramo seuerè interdictum, ne vel in lectionibus suis laudatos libros  
 „praelegeret, vel dialecticas atque philosophicas scholas habere ullo modo,  
 „rege non permittente, auderet. Intelligi autem nullo negotio potest,  
 „quanto gaudio Rami aduersarios haec victoria affecerit; id quod graphice  
 „delineat TALAEVS, porro narrans: „Auctori animaduersionum et in-  
 „stitutionum toto philosophiae regno (non vero Galliae, ut inepte ver-  
 „ba Talaei interpretatus est MORERIVS <sup>o</sup>) velut aqua et igni, graui et  
 „iam poena addita, interdicitur, ne vnquam vel scribendo, vel docendo,  
 „in vllam philosophiae partem ingrederetur. Hoc vero non est dialecti-  
 „cum refellere, sed dialecticum de suggestu deturbare: atque haec omnia  
 „regis,

o) In Dict. hist. v. Ramus, quem ideo castigauit BAYLE l. c. not. N.

„regis, licet omnium regum et humanissimi et literarum amantissimi tam-  
 „men per falsas et improbiissime confictas calumnias inducti, auctoritate  
 „confirmantur. Constricta itaque lingua, vinctis manibus cum sic af-  
 „flictus Ramus teneretur, vt Aristoteleia vel impune discerpere liceret,  
 „Ramo contra ne mutire quidem liceret, triumphus de tam nobili victo-  
 „ria mirificus agitur, tristis illa et horrenda triumvirum sententia impres-  
 „sis et Latina et Gallica oratione libellis, non modo per huius vrbis com-  
 „pita, sed per orbis terrarum loca omnia, quo expectari potuit, promul-  
 „gatur. Ludi magno apparatu celebrantur, vbi spectantibus et plauden-  
 „tibus Aristoteleis, omni ludibrii et conuitii genere Ramus afficitur.  
 „Quid reliqua his indigniora commemorem, quae tametsi verissima  
 „sunt, et memoria recenti tenentur, tamen ita sunt ab honestis studiis  
 „aliena, vt verear, ne iis etiam, qui interfuerint et viderint, res tamen  
 „incredibilis non facta sed ficta esse videatur. Haec Aristotelici iudicii  
 „brevis et summaria historia est. Plurima enim praetereo, quae sine cer-  
 „torum hominum infamia commemorari non possunt.“ Et hinc magni  
 „animi aduersariis Rami succrevere, inter quos tum eminebant Ioachim.  
 „Perionius<sup>p</sup>, Iacobus Carpentarius<sup>q</sup> et Petrus Gallandius<sup>r</sup>. Quorum  
 „acerbitate factum, vt non contenti haereseos philosophicae eum infimu-  
 „lauisse, eum quoque perditissimi scepticismi accusarent, „eo quod litera-  
 „rum humanarum diuinarumque hostis atque inimicus de humanis diui-  
 „nisque legibus addubitaret, deque iis dubitare discipulos suos doceret,  
 „qui lubricos D. Augustini locos suis auditoribus ad effrenatam et im-  
 „piam libertatem proponeret, qui quo facilius incautis animis abuteretur,  
 „omnes logicas disputationes tolleretur<sup>s</sup>.

Aa aa 3

§. VI.

p) Ioachimi Perionii (cum Francisco non con-  
 fundendi) vitam et scripta enarrant *TEISSIER*.  
*Elog. T. I. p. 382. SAMMARTHAN. Elog. L. I.*  
*p. 39. IOVIVS, GADDIVS, LA CROIX, DV*  
*MAINE* alique scriptores historiae literariae li-  
 bris notissimis *Essais de literature Nou. 1702. art. 8.*  
 Erat adscriptus S. Benedicti familiae denatus 1559.  
 Ciceronis imitatore haud infelicem, Aristote-  
 lis autem admiratorem superstitiosum facile in eo  
 agnoscas. Et huius quoque scripta nonnulla,  
 castiore, quam Argyropulus fecerat, dictione ex-  
 primere conatus est, ast cum Latina melius quam  
 Graeca intelligeret et, dictionis elegantiam mag-  
 is, quam proprietatem sectaretur, officio inter-  
 pretis non fecisse satis recte est iudicatus. conf.  
*Saalf. Sec. I. 306.* Ramum orationibus infectatus  
 est, et vehementer in eum insurrexit. Conf.  
*REIMMANN. Calendar. hist. crit. logicae p. 54.*

q) Iacobus Carpentarius Claromontenus, phi-  
 losophiam Parisiis docuit; doctrinae Peripateti-  
 cae et Platonicae haud ignarus, vtramque autem  
 secede corripit, supposita Aristoteli theologia  
 Aegyptiorum mystica. Eam enim cum barbaram  
 verum esse a Petro Nicolao Castellano videret,  
 meliorem daturus ex Arabico se vertisse menti-  
 tus est, qui ne literalem quidem Arabicam nos-

set et linguarum satis esset imperitus, indignan-  
 te Casaubono, *Casaubonian. p. 18.* Prodiit illa  
 versio cum scholiis Carpentarii Paris 1571. 4. et  
 accessit quoque editioni operum Aristotelis Luga-  
 dunensi. conf. *FABRICIVS Bibl. Graec. Vol. II.*  
*p. 163.* Sed et Alcinoi introductionem in Plato-  
 nem emendatam ei deberi *Tom. II. p. 165.* obser-  
 uauimus. Infensissimum vero Carpentarium ex-  
 perrus est Ramus, cuius insidiis, quod inuidia  
 duceretur, tandem extinctum fuisse Ramum in-  
 fra dicemus, conf. *TEISSIER. l.c. p. 408.* Cen-  
 suram eius reprehendit, et Dialecticam Rami de-  
 fendit *ARNALDVSS OSSATVS* in expositione in  
 disputationem Iac. Carpentarii, vid. *AMELOT*  
*DE LA HOVSSE in vita Ossati TEISSIER. L. I.*  
*T. IV. p. 476.*

r) Edidit Petrum Gallandium Aria Artesiae,  
 praefectum habuit Parisiis Collegium Boniuri-  
 ense, et canonicum ecclesiae cathedralis. Obiit 1559.  
 clarus peritia disciplinarum quae ab humanitate  
 nomen sortiuntur. Comparuit is quoque in con-  
 trouersis Rameis, edita oratione pro Aristotele  
 et schola Parisiensi contra Ramum. Multo saepe  
 Satyrico perfreuit *RABELAESIVS* in *Prol. L. IV.*  
*Gargantuae p. m. 210.* contentionem vtriusque  
 Petri ob has contentiones.

s) *FABRICIVS p. 20.*



*Mutata fortuna Rami.*

§. VI. Tulit patienter Ramus quae mutare non poterat, et tempus expectauit, quod emollire inuidiam plerumque solere, et rebus catastrophis imponere sciebat. Neque fefellit spes philosophum; serenius enim coelum reduxit annus sequens MDXLIV, quo atrox pestis Luteiorum urbem vastabat, et iuuenes literarum studiis dicatos dissipabat, id quod academiae Parisiensi non potuit non funestum accidere. Qui ut deferuescente mali furore ad pristinas scholas reuocarentur, inuitarenturque ad sequenda, quae deseruerant studia, Ramum non obstante regio interdicto pristino, eloquentiae tradendae muneri restituere placuit. Rediit ergo, frementibus aduersariis Ramus, et pristinam collegii Praelei cathedram occupauit. Quod cum Sorbonae doctores ferre non posse clamarent, ad nouas concertationes deuentum est. Ast sensit inimica gens, mutato tempore totam quoque scenam esse immutatam: re enim ad curiam regni delata, Ramus in eo munere confirmatus est<sup>1</sup>. Quae tamen uenia ad solam eloquentiam docendam videtur pertinuisse, anno enim MDXLVII demum, Francisco I. rebus mortalium subducto, cum successisset Henricus II, apud quem Carolum Lotharingum Cardinalem Guisianum fuisse potentissimum, nemo rerum Gallicarum peritus ignorat, rescissa sunt, quae Franciscus I. contra Ramum statuerat. „Id quod magnis laudibus extollit Ramus“, et se atque libros suos ipsasque disciplinas illi debere vitam, libertatem, dignitatem, et omnem futuri temporis expectationem gratus fatetur, maximeque praedicat, quod honestae professionis, in qua multos annos versatus esset, ereptam libertatem et praeteriti temporis fructum et solatium sibi restituerit, et interclusam simul viam aperuerit, qua persequendis institutae vitae rationibus talentum exercere tractando, communicare docendo, amplificare quaerendo, Deo denique ipso ac proximo meditata vitae studia atque officia libere praestare valeat.“ Vt vero afflantis fortunae aura frueretur, *Institutiones* primo *dialecticas*, tum *animaduersiones Aristotelicas* recudi fecit, easque ita perfecit, ut integro habitu comparerent<sup>2</sup>. Vtrumque librum cardinali inscripsit, et velut nauta tempestati ereptus tabulam suspendit. Moderate autem ista rerum suarum conuersione Ramus usus est; nam non solum quo posset modo, nouitatis inuidiam deprecatus est, „sed declarauit quoque, iniuriarum obliuionem iurare omnesque aemulos ad ingenii atque industriae contentionem ea lege prouocare se velle, ut si se, quod facillimum sit, honestis studiis et vigiliis vicerint, Deo O. M. gratias habeat, quod vel aduersarios sibi deesse noluerit, quos honeste imitari possit.“ Ita vero hac moderatione se commendauit Ramus, ut cum cardinalis patrociniis extolleretur, anno MDLI professoris regii eloquentiae atque philosophiae axiomate augeretur, senatu regni hanc docendae eum eloquentiae philosophiae prouinciam auctoritate sua corroborante:

<sup>1</sup>) BANOSIUS l. c. p. 7. 8.

<sup>2</sup>) In Dedic. Animadu. cui iungenda dedicatio Instit. Dialect.

<sup>3</sup>) Prodiere eleganti charactere, Paris 1548.

rante: quo pacto omnia vno ictu tela aduersariorum elisa et persecutiones contra Ramum finem nactae sunt. Ita vero ab insidiis inimicorum tutus emendare philosophiam, propagare nouam dialecticam, reformare scientias, quas sibi demandatas acceperat, perrexit. Cumque mathematicae quoque docendae spartam accepisset, noua nonnulla in ea molitus est, et Euclidem reprehendere non pertimuit. Maxime autem barbaram, quae ex vernaculae vitio irreperat, linguae Latinae pronuntiationem cum reliquis professoribus eiicere ex academia tentauit, hactenus enim (quod, ut K voce expresserant). Id quod adeo Sorbonae displicuit, ut manibus pedibusque obniterentur, de cuius rei ridiculis circumstantiis digna est, quae legatur FREIGIUS<sup>2</sup> narratio, ut constet, quanta barbaries eo tempore, quo plenus iam dies humanioribus literis illuxerat, in schola Parisiensi regnauerit, et quae bella, quae odia Ramo honestiorem Musarum faciem cupienti obiecta sint. Produunt etiam sequentia Rami fata Inuidiam, quam ad tempus superum fauore vicerat, quiescere a persecutione non potuisse, et iam tum periculum illud sub cinere delituisse, quod, cum tandem in flammam erupisset, mortem Ramo miserabilem adduxit. „Teste enim FREIGIUS<sup>2</sup>,“ paucis mensibus per geometriae mysteria „peruasisset, nisi cursus industriae per fatalem quandam calamitatem fuisset „abruptus. Acceptis igitur a rege literis ad regiam Fontisbellaquei bibliothecam profectus mathematicas superiorum temporum praelectiones ab „initio plenius et vberius retractauit, et considerauit. Et paulo post: In „Germaniam nostram ipsis illis mathematicum amoribus charissimam saepe „respexit, sed viis omnibus terror mortis intentus ac pavor: rumor etiam „Praeliei sui indignis modis direpti tum bibliothecae, carissimis quibusque „rebus spoliatae ac depopolatae ad regiam Vincennarum propius urbem „reuocarunt. Quin alia vis etiam grauior accidit, ut e Vincennis per „inuia itinera profugendum esset, et subinde variis in locis delitescendum. „In fuga tamen et latebris otium lucemque reperit.“ Non addit Freigius causas huius persecutionis, eleganter autem et verisimiliter coniicit Baylius, Ramum, qui se reformatum, quos Huguenotos dicere barbaro vocabulo moris apud Gallos est, partibus fauentissimum ostendebat in ciuili, quod anno MDCLXII exardere coepit bello, ob eam causam ista passum fuisse, coactum cedere furori eorum, qui ob edictum, quod a Ianuario mense nomen accepit, contra Reformatos crudelia consilia fouebant,

y) Vid. VOSSIVS de Scient. Math. p. 69. qui culpatur, quod alii laudant. conf. TRISSINUS l. c. p. 404. contra hos Rami reprehensiones Euclideas edidit IOANNES PROSCHIVS Apologiam pro Aristotele et Euclide, conf. STRAVIVS Bibl. Philos. c. II. §. 17.

z) FREIGIUS l. c. p. 24. BAYLIUS l. c. not. G.

a) p. 26.

b) Huius rei testimonium habet BANOSIVS l.

c. p. 19. 20. his verbis: „Huius zelo inflammatus, publica concione Parisiensis scholae monachos grauius admonuit, ut puriorem theologiam ex Euangelio, relictis sophistarum lacunis, addiscerent. Idola gymnasii Praelei amoueri et recondi iussit, ne conspicerentur. Missae autem raro intererant.“ Sed et reliqua legenda sunt, quae satis probant, multa eum fuisse de testatum, quae sacrosancta illa aetas habebat. Conf. quae habet TRISSINIVS l. c. p. 403.

bant, et bella intestina ciebant. Accidisse enim istam Rami fugam illo anno, notauit BANOSIVS,<sup>c</sup> LANGVETVS \* autem retulit, cum rector Vniuersitatis, isti edicto, quod regis tutelam reformatis promittebat, se opponeret, et libellum ideo supplicem reginae Catharinae academiae nomine offerret, Ramum intercessisse, et edictum vulgandum petiisse. Rediere tamen halcyonia, pace inter Carolum IX. et partes Reformatorum inita anno MDLXIII, tunc enim spartam recuperans Ramus, pristino munere fungi quiete potuit, accepto regio stipendio et libertate Reformatae religionis exercitiis libere fruendi. Et tunc quidem ad augendas perficiendasque artes mathematicas se totum conuertit, hisque studiis se ad annum MDLXVII deuouit, quo bellum ciuile secundum exortum est. Tunc enim cum insidiis eorum, qui Reformatos premebant, aliter se eripere non posset, Condaem ducem secutus relictis Parisiis Huguenotum, quos vocant partibus publice nomen dedit. Otia tamen, quae paulo post subnascebantur, redditum ei ad cathedram concesserunt, libertatemque conscientiae paulo ampliorem; ea vero cum breui tempore durarent, et tertium bellum ciuile oriretur, veniam a rege nactus peregrinationem literariam instituit. Vidit enim intutam ipsi et Reformatis omnibus sedem esse Lutetiam, et maxima ex ciuili bello, quod magnis animorum motibus subinde recrudebat, pericula ciuitati, et praecipue illis, qui a Romana ecclesia dissidebant imminere. Et hinc factum, ut de alia sibi sede dispicere et alium locum atque munus cogitare inciperet. Et in Italiam quidem Bononiam eum honorifice inuitasse scribit FREIGIVS<sup>d</sup>, BANOSIVS<sup>e</sup> autem, nullam, ait, esse Christianam orbis nationem, quae Rami sapientiam non amauerit, et praemio laudando redimere studuerit. Amisso enim Romulo Amulaeo (is Romam ad docendum pontificis maximi nepotem Bononia erat traductus<sup>f</sup>), „qui mille ducatorum stipendiis in celeberrima Bononiensi academia docuerat, „Angelum Papium totius academiae consensu illum in eius locum euocauisse: ab Andrea Dudithio imperatoris legato Cracouiam esse inuitatum; „Ioannem regem Pannoniae Albae Iuliae administrandae magnam propositam mercedem praeficere voluisse, et chirographo regis obsignauisse.“ Nihil tamen horum accepit Ramus, cuius causa esse videtur, quod inter Protestantibus tantum sedem munusque quaereret. Tale enim apud Geneuenses ambiisse, et parario Beza uti voluisse, repulsam autem tulisse, eo quod constitutum esset Geneuensibus, et in ipsis tradendis logicis et in caeteris explicandis disciplinis ab Aristotelis sententia ne tantillum quidem deflectere, ex BEZAE Epistolis<sup>g</sup> constat. Verisimile itaque est, eum hoc potissimum scopo Germanicarum scholarum inuisendarum consilium cepisse,

c) l. c. p. 28.

\*) l. II. ep. 68. p. 201.

hoc loco allegantem obseruauit P. BAYLE l. c. not. N.

d) l. c. p. 36. 41.

e) l. c. p. 9.

g) Ep. 36. p. 202. conf. Ep. 34. p. 197. Conf.

f) Recte id contra Banosium, obijum Amulaei

BAYLE l. c. not. N.

se, vt de certa et securà sibi inter Protestantes sede dispiceret. Iniiit iter hoc anno MDL XVIII, dum omnia in Gallia bello intestino seruebant, delatusque ad potiores Germaniae scholas, ob eruditionis praestantiam atque famam multis vbique locorum honoribus cumulatus est, domi autem testamento de facultatibus suis ita disposuerat, vt D. librarum summam professioni mathematicae erigendae, quam Friderico Reusnero destinauerat, adscriberet <sup>b</sup>. Tiguri <sup>i</sup> et Basileae magnis honoris testimoniis exceptus est, quam urbem et scholam oratione panegyrica laudauit <sup>k</sup>. Heidelbergam delatus multos ad se vidit confluentes viros doctissimos et iudicio praestantes, qui videre eum gestiebant, *quem velut Herculem diuinitus suae aetati donatum, totumque orbem artium a monstris inutilium et peregrinarum praeceptionum liberantem, et suas cuique arti regiones ac fines certos attribuentem, et rectissimam singulas docendi et discendi viam demonstrantem admirabantur.* Id quod ad eum tum scripsit CHYTRAEVUS <sup>l</sup>, cum Heidelbergae agenti Nicolaum Goniaeum, eius videndi conueniendique causa illuc aduolantem, commendaret. Ipse elector Palatinus imagine sua eum donans testatum fecit, quanti eius doctrinam faceret. Ast quem extollebant viri docti studioforum impotens animus tantum non ex vrbe et schola eiecit, cum ferre non possent Aristotelem contemni, quem a praeceptoribus maximopere commendatum acceperant. Narratque ALTINGIVS <sup>m</sup> nonnullos iuuenum studioforum male illum tractasse, amotis scalis ex cathedra arcere conantes disputantium: ei vero discrimini feliciter Galli culusdam ereptum fuisse opera, qui humi procumbens dorsum ei substrauerit, per quod, ceu gradum aliquem eniteretur <sup>n</sup>. Et FREIGIVS, tum, ait, principali auctoritate ad profitemdum adductum aemulorum clamores inuicto animo pertulisse, tanta quidem constantia, vt aduersarios suae petulantiae pudere merito debuerit. Id quod inuidiae professorum nonnullorum adscribendum esse videtur, qua studiosi iuuenes in Ramum concitati sunt. Valde enim innouationes eius Peripateticae doctrinae professores vrebant, vnde non viua modo voce, sed et scripto eristico Ramum in Germaniae academiis peregrinantem tum aggressus est Iacobus Schegkivs philosophus Tubingenfis, vt in eius vita dictum. Ita vero perlustratis Germaniae academiis, in quibus innumeros sibi fautores amicosque comparauerat, tandem factis in patria induciis ad lares suos anno MDLXXI reuersus est, maximo suo malo. Cum enim feralis illa laniena S. Bartholomaei festo anno MDLXXII inaudita saeuitia iugulis Reformatorum immineret, religionis professio *πρόφασιν*, inuidia Carpentarii causam veram mortis miserabilis suppeditauit, exitiumque

<sup>b</sup>) Exhibet testamentum BANOSIVS p. 15. illud iam scriptum erat Cal. Aug. 1558.

<sup>i</sup>) Splendido ibi conuiuio exceptus fuit a Bullingero, cui aderant quoque Leuaterus, Gualterus, Simlerus. TRISSER. p. 401.

<sup>k</sup>) Titulum ei fecit, Basilea.

<sup>l</sup>) Epist. p. 547. seqq.

<sup>m</sup>) In Hist. eccles. Palat. p. 247.

<sup>n</sup>) Similem intemperantiam passus est a studioforum caterua in Schola Cameracensi oratione habita, anno 1552. FREIGIVS p. 34.

que illi adduxit. Nam quod, professor quidam Mathematicum, in academia Parisiensi, Carpentario cathedra munereque cessisset, Ramus autem, qui ignorantiam eius in his artibus probe norat, se illi consilio opposuisset, conuersa inimicitia in furorem, egregiam occasionem nata est, sanguine Rami vindictam explendi <sup>o</sup>. Et tumultu quidem in vrbe eo die excitato, quem nulla non posteritas stupebit, cum peti capita Reformatorum Ramus intelligeret, et quos aduersarios haberet probe nosset, in cellam quandam se abdidit. Ast a sicariis, quos religionis obtentu immiserat Carpentarius, quaesitus atque deprehensus, postquam pecuniam ei multam extorserant, vulneribus quibusdam acceptis, ex fenestra praeceps datus est, effusaque lapsus grauitate intestina a discipulis Carpentarii furentibus per vicos tracta corpusque miserandi philosophi per plateas ab illis raptum et ignominiose habitum tandemque in Sequanam abiectum <sup>o</sup> est. Bibliothecam quoque eius direptam fuisse tradit NANCELIVS <sup>o</sup>.

*Virtutes ingenii et animi Rami.*

§. VII. Et hanc quidem catastrophem tragoedia Rami nata est, quem meliorem sortem meruisse omnino est fatendum. Fruebatur enim ingenio eleganti et studiis apto, quod nascendi quidem educandique infelicitas retardauerat, cum autem accessisset discendi ardor, et studiorum contentio mira postea fertilitate, per optimos scriptorum veterum et recentiorum libros vagatum, effloruit. Et quamuis fingendi magis, quam iudicandi acumine polleret, lectione tamen exemplisque veterum ita formatus roboratusque est, vt vitia naeuosque eruditionis vulgaris probe perspiceret. Maxime vero artium mathematicarum et historiae philosophicae accuratior, quam possidebat, cognitio multum eius eruditioni profuit, et doctrinam eius mirifice auxit. Illis enim iudicium perfecit, ordinis et perspicuitatis studium auxit et ornauit, methodi leges roborauit; hac fontes errorum in vulgari philosophia detexit, multaque vidit, in quibus plerique eius aetatis coecutiebant. Studuit autem dictionis nitore et sermonem ad veterum exempla reuocando, castigatam orationem praeceptis exemploque commendauit <sup>o</sup>. Accessit his diligentia indefessa, et inexpugnabile pro amplificandis disciplinis studium, cui, cum caelebs vixisset, facultatum suarum partem haud contemnendam destinauit. His ingenii artibus accessere virtutes animi eximiae, quas vitae eius scriptores mirifice extollunt, multisque exemplis demonstrant <sup>o</sup>. Et religionis quidem cultum puriorem ita studiose venabatur, vt ad primitiuae ecclesiae imaginem intuendo, cum in ea, in qua educatus erat ecclesia, plurima dissimilia videret, puriorem rationem non sine vitae fortunaeque periculo eligeret. Tantaque illi curae fuit ecclesiae ad nascentis eius fata restituenda similitudo,

o) PASQUIER. Recherches L. IX. c. 20. apud TRISSIER. l. c. p. 405.

p) THUANVS ad ann. 1572. citati.

q) Pag. 20.

r) Et hinc efficacissima illi eloquentia enata est, cuius memorabile exemplum ex BRANTO-

MII Memorii Viror. illustr. T. II. p. 55. afferunt BAYLE et TRISSIER. II. cc.

s) Multa vitae Rami singularia attigerunt Freigius et Nancelius, qui ab illis, qui ampliora cupiunt, quam locus hic capit, adeundi sunt.

tudo, vt eo ipso anno, quo inhumana eum aduersarii barbaries viuis eripuit, de emendanda inter Reformatos disciplina ecclesiastica cogitaret, quae tamen eius consilia in synodo ecclesiastica reiecta sunt <sup>1</sup>. Ipse cum Heidelbergae esset, sacris magna deuotione publicis interfuit. Tanto-  
 pere autem ab omni habendi cupiditate abfuit, vt, cum opibus haud contemnendis afflueret, eo quod caelebs atque frugaliter viueret, reditus non modo ad promouenda literarum incrementa, et docendas mathematicas artes destinaret, vt supra dictum, sed et iuuenes literis se tradentes, quos paupertatem impedire in disciplinarum cursu intelligebat, aere suo iuuaret, et stipendiis ditaret. Nec minor castitatis et sobrietatis in eo laus fuit, nam nec Veneris nec intemperantiae macula vel leuissima vnquam se inquinauit <sup>2</sup>, et ita frugaliter vixit, vt ad senectutem vsque parcissime vino vteretur, et quietem in stramine modo strato caperet. Maxime autem laudandus in eo est animus in aduersis magnus et erectus, et persecutionis atque iniuriae adeo patiens, vt obseruante FREIGIO <sup>3</sup>, „non modo aduersariorum nulli aliquid reponeret, sed etiam cum diuulgatis „per orbem terrarum Gallica et Latina lingua probris esset notatus, „publicis ludis ignominiosissime traductus, constricta lingua vinctis manibus „prohibitus, quicquam de philosophia, vel priuatim dicere, scribere, „cogitare etiam (si menti tantum potuisset imperari) prohibitus esset: „aduersus tantas tot acerbitatum plagas vnicum patientiae remedium adhiberet, inque animo semper illud haberet: grata superueniet, quae „non sperabitur, hora.“ Nec aliter incedendum esse statuit, cum iniquitates fortunae patientia tandem vicisset. *Et sibi quidem misero regem Henricum, Herculem videlicet Gallicum, adfuisse, seque quarto abhinc anno ad postulationem Caroli Lotharingi cardinalis, et manibus et lingua soluisse, solutoque eloquentiae et philosophiae docendae, exercendae potestatem fecisse*, ipse gratus agnoscit <sup>4</sup>. Ast ita aduersariorum inuidia superior hoc tantum illos orauit <sup>5</sup>, „vt remouerent publicas potestates, desinerent minas iactare, pericula intentare, formidines obiectione, caeteraque eiusmodi, quibus prope ipsum obruerint, philosophiae indignissima sophismata cogitare: exemplo vero patientiae suae tandem aliquando moueantur: qui tanta aequitate animi tot indignitates pertulerit, quanta ipsi iniquitate machinati sint, quique hoc vnum ultionis genus perpetuo iurauerit, vt non modo nullas tot fraudum atque calumniarum poenas optet, sed ne earum quidem auctores scriptorum suorum litera dignos existimet, eo quod patientia et constantia ad honeste viuendum, non stultorum et ignorantium poena et infamia sibi opus esse duxerit.“ Quod pulcherrimum, quod a philosophia et religione Ramus.

Bb bb 2

petie-

e) Vid. BEZA Ep. 67. BAYLE loc. cit. not. M. conf. AYMON Synod. nation. des eglises reformées de France p. 122. seqq.

u) BANOSIVS p. 43.

x) p. 34.

y) In oratione habita anno 1551. apud BAYLE l. c. not. L. ex quo loco patet, vsque ad annum 1547. tantum eum eloquentiam docuisse.

z) In Dedic. Animadu. Arist.

petierat, praesidium omnino laude dignum et commendandum est omnibus, qui ignava opera philosophari non erubescunt. Talis cum esset, et viuis magna inter eruditos auctoritate vixit, ut supra dictum, et post indignissima fata vehementer laudatus a viris doctis est; quorum testimonia cum collegerint TEISSIERIVS <sup>a</sup>, BAYLIVS <sup>b</sup>, POPE-BLOVNTIVS <sup>c</sup>, STOLLIVS <sup>d</sup> et scriptores historiae literariae alii in vulgus noti, ea hoc loco cumulare, breuitatis studio omittimus. Legendi autem sunt libri viri doctissimi, et egregie in veterum voluminibus versati, ut intelligatur, inter ornamenta ciuitatis eruditae sui temporis eum esse merito referendum <sup>e</sup>.

Culpata in  
Ramo.

§. VIII. Non tacendum tamen fuisse nonnulla, quae passim in Ramo reprehenderunt viri docti. Et Peripateticorum quidem culpationes non moramur, infenso enim in Ramum animo eos fuisse constat, eo quod auctoritatem idoli sui labefactare esset ausus. Ad quorum numerum BEZA <sup>f</sup> quoque referendus est, qui pseudo-dialecticum, hominemque ad turbanda optima quaeque comparatum appellat, et cognominatum fuisse iam pridem a doctis multis ὄζον ἄγνος scribit. Sed fuerunt quoque alii, etiam Aristoteli superstitione non addicti, quibus *καυοφιλία* et innouandi studium, cui pares tanto conatui vires non attulerit, vehementer displicuit. Inter quos primo loco ponendus est magnus VERVLAMIVS <sup>g</sup>, qui cum philosophiam maxime realem et ad recludenda naturae adyta comparatam cuperet, ferre non potuit, ad differendi artem, more sophistarum, Ramum totam philosophiam reuocauisse. Inde acris illa, quam de Ramo tulit, censura enata est: *Ne vero cum hanc contra Aristotelem sententiam fero, me cum rebelle eius quodam neoterico, Petro Ramo conspirasse augurere. Nullum mihi commercium cum hoc ignorantiae latibulo, perniciosissima literarum rinea, compendiorum patre, qui cum methodi suae et compendii vinclis res torqueat et premat, res quidem, si qua fuit, elabatur protinus et exilit, ipse vero aridas et desertissimas nugas stringit. Atque Aquinas quidem cum Scotto et sociis etiam in non rebus rerum varietatem effinxit, hic vero etiam in rebus non rerum solitudinem aequauit. Atque hoc hominis cum sit, humanos tamen usus in ore habet impudens, ut mihi etiam pro sophistis praeuaricari videatur.* Nec multo clementius illud quod velut *καυον δόγμα* iuuentuti tradendum inculcauit LIPSIVS <sup>h</sup>, nunquam illum magnum fore, cui Ramus est magnus. Tacemus aliorum, his duumviris inferiorum reprehensiones, collectas a POPE-BLOVNTIO <sup>i</sup>. Maxime vero displicuit viris doctis, quod sola differendi arte, eaque intra certos methodi nouae cancellos redacta et carcere conclusa contentus a reliquis philo-

a) Loc. cit.

b) l. c. Audir ei l'homme universel.

c) Cens. celebr. auct. p. 722.

d) Hist. Lit. P. II. c. 2. p. 437.

e) Eorum indicem suppeditat TEISSIER. l. c.

p. 417. seqq.

f) Ep. 67.

g) Imper. philos. Vol. III. Opp. p. 462.

h) Epist. miscell. Cent. I. ep. 89.

i) Cens. cel. auct. p. 721. seqq.

philosophiae partibus, imprimis disciplina naturali abstinuerit, quo pacto philosophiam realem plane omiserit. Qua de re quid visum fuerit Riolo apud MORHOFIVM \* legendum est. Nec defuerunt, qui plagii suspicione eum onerarent, crederentque, inuectivas atque reprehensiones Aristotelis eum non suomet ingenio debuisse, sed lectioni Vallae, Agricolae et Viuis'; nec esse hanc suspensionem ex toto vanam, omnino fatendum est, quamvis ipsius dialecticae nouae formam et maiorem animaduersionum Aristotelicarum partem eius doctrinae deberi inficiari nemo a partis studio alienus possit. Et esse in Ramo multa quae culpari queant, non diffitemur, maximeque philosophiae verbalis magis quam realis studium notari posse recte iudicantibus putamus, cum loquaces magis quam sapientes efficere apta sit dialectica Ramea: ast laudandum tamen esse viri insigniter docti ingenium elegans et doctrinam, tum imperterritum in euellendis antiquitatis praeiudiciis animum, cogitandam quoque istorum temporum conditionem putamus, quibus ita disciplina omnis recta atque castigata euiluerat, ut mirum non sit, in ea negligentia reprehendenda nonnullos, et cum illis Ramum, modum excessisse, studioque partis ductos ad *λογωμαχίας*, quas Ramo et sequacibus obicit SAM. WERENFELSIUS \*\* declinauisse, errores nonnullos admisisse pro veritatibus, eaque quae bona sunt in Aristotele videre noluisse. Placet venerandi WALCHII \*\*\* sententia, cui plane subscribimus: „Petrus Ramus, ita scribit, non omnia effecit perfecta, quin etiam existimamus, ipsum multa maxime necessaria atque utilia logicae momenta reliquisse intacta, item ea, quae tradiderit adhuc posse emendari; etiam nonnulla momenta attulisse, quae sua carent utilitate. Attamen vel ideo singulari dignum habemus laude, quod primum seruituti philosophicae sese obiecerit fortiter, suoque demonstrauerit exemplo, veram philosophiam non pendere ab auctoritate aliorum. Deinde Ramus in eo meliora praestitit, quod disciplinam logicae ex elegantioribus literis illustrauerit, adeoque ipsius usum declarauerit verius quam scholastici, quorum dialectica semper in tenebris cogitationum erat defixa, nec quicquam ad alias scientias aut vitam afferebat. - - - Quamuis hac feliciori philosophiae tempestate haud necesse sit Ramum defendere atque commendare, aut censuram quandam in ipsum facere, quum vera philosophiae doctrina ita culta et in aperto posita est, ut sectam Rameam iterum stabilire, aut impugnare nefas fere haberetur: aequitas tamen postulat, cuique meritam laudem attribuere, nec pro quauis affectuum libidine quendam perstringere. Sufficit Ramum idem ius ac eandem libertatem cogitandi habuisse atque usurpauisse, quam adhibuit Aristoteles, quum multa a praeceptoribus tradita emendaret, ac propria iudicii facultate inquireret in veritates.

Bb bb 3

Quam

k) T. II. Polyhist. p. 65.

SIEB. I. c. p. 402. 411. 414. HORN. Hist. philos. L. VI. p. 320.

l) RAPIN. Reflexions sur la logique p. 624. KICKERMAN. Praec. log. tr. II. c. 4. TABIS-

m) De Logomach. erud. c. 3. Dicitur ea de re infra. n) Parerg. acad. p. 624.



Quam sententiam et veritate et aequitate se commendare, ut lector usus iudicio et a partis studio alienus per se videt, ita ex illis, quae de philosophia Ramea distincte magis porro dicturi sumus, dispalescet.

*Observationes de dialecticae reformatione a Ramo suscepta.*  
I. *Occasio conatus huius.*

§. IX. Cuncta vero, quae de disciplina Rami observatu digna et totam Rameae philosophiae contentionem illustrare apta sunt, observationibus aliquot complectemur.

I. Ante omnia qua occasione Ramus ad consilium emendandae artis differendi, id est, dialecticae peruenit explorandum est, sine hoc duce enim in historia Rameae philosophiae palpabimus magis quam cernemus. Ipse autem rem totam in *libro quarto Animadversionum Aristotelicarum* enarravit, omnino audiendus, cum dicendis amplissimam lucem accendat. Ita vero dicto loco scribit: „Candide et simpliciter explicabo, quomodo Aristotelis tenebris liberatus sim. Cum tres annos sexque menses in philosophia Aristotelis, ex academiae nostrae legibus posuissim, logicis Aristotelis libris cognoscendis, disputandis, meditandis (ex omnibus enim Aristotelis libris logici praecipue toto triennii tempore clamantur et reclamantur) cum inquam tempus illud ita traduxissem, et iam ut absolutus artium, scilicet magister philosophica laurea donatus essem, subducta aetatis meae ratione in Aristoteleis artibus consumtae, consideravi quibus in rebus logicas Aristotelis artes, (quas antea tot clamoribus et sudoribus didiceram,) imposterum exercerem; non in historia et antiquitate rerum prudentiorem, non in dicendo disertio-rem, non in poesi promptiorem, non denique vlla in re me sapientio-rem factum deprehendi. Hei misero mihi, ut obstupui, ut alte ingemui, ut me naturamque meam deploraui, ut infelici quodam miseroque fato et ingenio a Musis prorsus abhorrenti me natum esse iudicaui, qui nullum fructum eius sapientiae quae tanta in Aristotelis logicis praedicaretur percipere, aut cernere tantis laboribus potuissim. Ne igitur omnino nihil agerem, redii ad intermissa quadriennio iam ante studia eloquentiae, atque in his erudienda iuventute me ipsum exercui, ita tamen, ut ad inclusam illam de Aristotelis logicis opinionem et persuasionem perpetuo respicerem. In omni enim poetarum et oratorum lectione vigilavi, laboravi, modis omnibus contendi, an fieri posset, ut logicos Aristotelis libros ad aliquem eruditionis usum reuocarem. Principem dialecticae distributionem in Cicero- ne et Quintiliano de inventionem et iudicio legi, sed legi magis ex more temporum nostrorum, quae de his praeceptis tantum disputarent, usum in his nullum quaerent, quam penitus cognoui; nec ex illis auctoribus id admodum percipere potui, cum vterque inventionis magis varias artes quam distinctum usum, neuter autem iudicii doctrinam, quae potior esset, explicaret: sed dispositionis nomine multa confunderet: ut mihi vi-  
deren-

o) Adiciendum memoriis Rameis, eum, quod singulis lectionibus unam tantum auctoris verborum paginam explicaret, dictum paginarium, ad-

eo vero male literas pinxisse, ut vix legi possent: TRISSIER. l. c. p) p. m. 136.

„derentur eam partitionem potius auditam recitare, quam perceptam et  
 „cognitam declarare. Aliquot post annis, cum insitus ille iuuenilis per-  
 „suasionis amor huc me perpetuo reuocaret, Aristoteli totum denuo me  
 „dedidi: diligenter obseruauī, publice, vt maioris diligentiae necessitatem  
 „mihi ipsi imponerem, explicauī: falsis etiam laudibus, quas tunc veras  
 „arbitrabar, exornaui: et quamuis nihil adhuc solidae vtilitatis in tota com-  
 „positione logicorum Aristoteleorum cernerem, aliquid tamen in partibus  
 „quibusdam deprehendi. Quare non desperaui, immo vero omnes omni-  
 „um hominum libros, qui de hac arte editi essent, morose peruestigauī:  
 „multos et Latine et Graece conscriptos reperi, vnum etiam Hebraice: in  
 „quibus omnibus nihil nisi Aristotelicae huius logicae contractas quasdam  
 „sententias reperiēbam: pauci quidam nonnihil in partibus quibusdam re-  
 „prehendebant, summam tamen vniuersae confusionis sequebantur, nul-  
 „lum vsum, quod caput tamen rei fuerat, aperiebant. Vnus Agricola vo-  
 „luit hic aliquid melius quam potuit. Incidi tandem in Galeni librum de  
 „decretis Hippocratis et Platonis: qui mihi locus primus ad bene speran-  
 „dum fuit. Nam cum illuc multa Hippocratis et Platonis dialectica decre-  
 „ta sum admiratus, tum illud per mihi mirum fuit, quod in illa dialecticae  
 „laudis contentione Galenus Hippocrati, (quem vt Deum quendam cole-  
 „ret) non Aristotelem, quem artis huius inuentorem et perfectorem cre-  
 „dideram, sed Platonem, tanquam in hac arte philosophorum omnium  
 „principem compararet. Sed tamen hac Hippocratis et Platonis compa-  
 „ratione non tam sum satiatus quam excitatus, ad omnes Platonis dialo-  
 „gos, qui de dialectica aliquid praeciperent, perlegendum. Hic vt verum  
 „fatear, optatissimus mihi et gratissimus salutis portus fuit. Ex Socratis  
 „enim sermonibus, cum varia variis locis de argumentorum generibus se-  
 „ria et vtilia praecepta cognoui, tum vero clarissimam illam methodi lu-  
 „cem clarissime vidi, vt ars via et ordine traderetur, primo loco defini-  
 „endam summam, tum partes omnes definitionibus et exemplis declaran-  
 „das esse, id etiam valde probaui et amaui, quod Socrates in falsis opinio-  
 „nibus refellendis id vnum maxime sibi proponeret, vt eos, quos contra  
 „disputaret, a sensibus opinionum et testimoniis hominum auocaret, tra-  
 „duceretque ad aequitatem animi, et iudicii libertatem, quia philosophis  
 „stultum esse censeret hominum sententiis (quae plerumque mendaces es-  
 „sent et fallaces,) potius temere commoueri, quam rei cognitae, et ex  
 „omnibus caussis perceptae constanter assentiri. Quid plura? Coepi ego-  
 „met mecum, (cum alio enim id mihi religiosum fuisset) sic cogitare:  
 „Hem? quid vetat paulisper *συνερίζεν* et omīssa Aristotelis auctoritate  
 „quaerere verane et propria dialecticae sit Aristotelis doctrina? fortasse  
 „enim philosophus iste sua nos auctoritate decepit? vt mirum esse mihi  
 „diutius non debeat, si fructum, qui nullus inesset, in his libris non inue-  
 „nerim. Quid si commentitia ista sit doctrina? nonne frustra me torqueo  
 „et crucio, vt e sterili, et arido solo fruges capiam? Sic itaque animatus,  
 „et

„et sacris Aristoteleae superstitionis tantisper exemptus, ad Aristotelis le-  
 „ctionem redii, vt intelligerem, qualis esset Aristotelea logica: quaesiui  
 „primo ex methodi doctrina, quam docet Plato, logicae in logico Ari-  
 „stotelis organo definitionem: repetito opere nullam reperi: commemini  
 „tum dialecticae partitionis, quam in Cicerone et Quintiliano legeram,  
 „et tantam lucem tamque mentis humanae in inueniendo et disponendo  
 „propriam, cum studiosus essem contemplatus et admiratus, ad Aristote-  
 „lis logicam conuersus obstupui: chaos quoddam mihi videre visus sum:  
 „sic inuentionis dispositionisque partes inter se sine definitionibus, sine  
 „partitionibus, sine popularibus et perspicuis exemplis confusas animad-  
 „uertere. Ac cum me ab Aristotele falsa scholasticae opinionis persuasione  
 „deceptum cognoui, ignoscite mihi Aristotelei, si vere et simpliciter vo-  
 „biscum loquor, quo me tum gaudio exultasse, qua laetitia affectum esse,  
 „qua animi voluptate perculsum creditis? - - Itaque pro tanto tam gratae  
 „liberationis munere Deo O. M. gratias immortales nomine Platonis ha-  
 „bui, quod eum mihi nauclerum praeuisset, per quem ex tam longin-  
 „qua iactatione tot fluctibus, tot tempestatibus ereptus, tandem incolu-  
 „mis aut portum attingerem, aut certe propinquam terram aspicerem.  
 „Nam tametsi princeps illa dialecticae distributio viam mihi monstrare po-  
 „tuit, tamen sine Platonica methodi luce, sine Platonica philosophandi  
 „et quaerendi libertate progredi recta, ac sine errore non potui.“ Habes,  
 lector, longum quidem, at illustrem plane locum, qui initia philosophiae  
 Rameae tibi pandit luculenter, et ad quem eos, qui historiam Rameam at-  
 tigerunt, non respexisse merito miramur. Si enim ad eum attendissent,  
 minime disputauissent, vtrum Ramus plagiarius sit nec ne? vtrum *αὐτο-  
 didακτος* ad philosophiam accesserit? vtrum ex logica Platonica vel Stoica  
 profecerit? vtrum Agricolae meditationibus vsus sit, et quae similia quaeri  
 in historia Rami solent. Ea enim omnia ex hoc vno loco definiri possunt  
 clarissime, demonstrarique, Ramum, nec a sui temporis philosophia fuisse  
 imparatum, nec veteribus nihil debuisse, nec Agricolae sua denegasse,  
 suo autem quaerendi studio, et Platonicae dialecticae beneficio ad eam  
 artis differendi perfectionem peruenisse, quam postea totis viribus exco-  
 luit. Maxime autem memorabile ex hoc loco est, assertam primo dubita-  
 tionem philosophicam, et euerfa eius ope auctoritatis et antiquitatis scho-  
 laeque praeiudicia viam ipsi parauisse, vt ex veterum obseruationibus ea  
 sibi eligeret, quae inueniendi, iudicandique facultatem iuuare posse cre-  
 deret, quibus vsus nouam ipse viam ingredi posset. Iure itaque suo ecle-  
 ctici philosophi nomen sibi vindicat Ramus, qua libertatis cupiditate in-  
 ductus iam quid porro in reformatione Dialecticae suscepit, enarran-  
 dum est.

II. *Consilia  
 Rami emen-  
 dandae dia-*

II. Duplici nempe via ad eam, quam sibi praefixerat metam curren-  
 dum esse statuit, vna, quae obstacula remoueret, quibus omnis ars dia-  
 lectica corrumpetur, et vera eius ratio impediretur, quaeque ex Ari-  
 stotelico

stotelico organo oriri sibi persuadebat: altera quae nouam differendi secundum veritatem artem melius et distinctius explicaret. *lecticae elenchica.* Illum laborem elenchiticum, hunc theticum esse probe intelligebat. Et illud quidem factum ut felici successu volueret, posita dialecticae definitione, quam Aristotelem neglexisse conquerebatur, de toto eius habitu iudicabat. Cumque ex vocis *διαλέγεσθαι* significatione et exemplis dialogorum Platoniorum statuisset, esse eam artem bene recteque differendi, secundum hanc notionem non modo totum dialecticae ambitum est complexus, sed et Aristotelis logicam exegit. Quaecunque igitur aut ad differendum apud Aristotelem nihil facere intellexerat, aut quae impedire credebat, aut quae desiderari iudicabat, ea omnia Aristotelicis obicienda esse constituit. Ex veterum enim testimonii sibi compertum esse contendebat, „Platonem veterum inuenta dialectica mirifice amplexatum diligenter exercuisse, docuisse etiam sapienter et copiose auxisse, nec vllum fere genus esse argumenti, de quo non aliquid praeceperit, tantique hanc vnam artem fecerit, ut omnium artium reginam deamque faceret, perpetuoque nouis eam laudibus afficeret. Et haecenus veritatem dialecticam, quaecunque inuenta esset, veritatisque vtilitatem simplicem et nudam fuisse, deinceps vero turbari et corrumpi coepisse. Platonem enim secutum Aristotelem, quanquam viuus antiquum inuestigandae veritatis morem retinuerit, et syllogismorum simplicium artem repperit, et vtilitatem proposita in vtramque partem perpetuae disputationis exercitatione vberiore reddiderit, tamen ambitione et vano superiores vincendi studio suis scriptis et artem totam, et artis vtilitatem et exercitationem magna ex parte conturbauisse, eamque mille tenebris inuoluuisse, et in eorum quibusdam dialecticae artis vsum ad scholasticas altercationes transulisse, idque malum repertis et notatis coniunctorum syllogismorum modis vehementer Peripateticos et Stoicos auxisse.“ Hac opinione occupatus, Aristotelem dialecticam mira pertinacia oppugnare coepit, id demonstraturus: „Dialecticam ab Aristotele et Aristoteleis non recte institui, cum quod multa dialecticae artis non necessaria praecepta libris illis conturbentur, tum quod multa necessaria praetermittantur, multo etiam plura redundant. Vsum vero dialecticae artis totum ad scholasticas et sophisticas altercationes esse traductum; adeoque humanitati, cui detracta esset, reddendam eam et restituendam esse.“ Longum esset, et lectori forte molestum, exponere, qua ratione per omnia logicae Peripateticae capita, initio facto a definitione dialecticae, hoc quod sibi proposuerat, opus fuerit profecutus, quidque circa definitionem, partitionem, et partes, nempe inuentionem et dispositionem monuerit, qua ratione doctrinam Peripateticam de terminis, praedicabilibus, praedicamentis, interpretatione, syllogismo, analysi, topicis et sophisticis singulis

q) Animadu. Arist. P. I. p. 2.

r) l. c. p. 6.

singulis libris euersum iuerit: haec enim prolixiora sunt, quam ut heic locum capiant, quique ea nosse cupiunt, non sine delectatione ipsas Rami animaduersiones adire poterunt, in quibus more suo iucunde et eleganter differit. Sufficit monuisse, confusionem, tenebras contradictiones, ineptias, altercationes, defectus et pueriles nugas Ramum ubiqueprehendisse. In quibus cumulandis eum nimium fuisse, in quibusdam aut ignoratione elenchi, aut affectu praeter mentem Aristotelis de nonnullis disputauisse, et imprimis supposita definitione arbitraria et nominali dialecticae, ad hanc modo normam organum Aristotelis totum examinasse, sicque haud semel in verborum contentione incidisse, facile viris doctis, qui in Ramum calamum strinxerunt, concedimus, nec omnia in Ramo aut laudamus aut excusamus, quem potuisse temperanter magis et moderate ea vrgere, fatemur. Ast nec hoc negauerit rerum peritus, multa acute vidisse Ramum, plurima praeclare monuisse, vulnera logicae Aristotelicae mascule tetigisse, et ita viam haud contemnendam aperuisse sectariae Aristotelis seruituti se eripiendi, et ad liberiores auras elabendi. Optandumque omnino, virum quendam doctum, instituta comparatione inter reprehensiones Vallae, Agricolae, Nizolii, Rami, Patriicii et Gassendi cum Aristotelicis, ostendere, in quibus conspirauerint, in quibus diuersam viam iniuerint, quibus armis sectariam philosophiam adorti sint, quae contentionis ratio inter philosophiam eclecticam et sectariam fuerit, quid illa inde fuerit lucrata etc. Ex quibus prudentiam philosophandi mire instrui posse nemo rerum peritus est, qui negauerit.

III. *Negata  
librorum A-  
ristotelis γμ-  
νολος.*

III. Non contentus autem Ramus, Aristotelicis organum eripuisse, quo ad referenda philosophiae mysteria uti possent, quo pacto alias quoque Lycei scientias, maxime metaphysicam, perdi necesse erat; ipsa quoque Aristotelis scripta genuina paucissima superesse Peripateticis obiciebat, et vel plane supposita, vel interpolata tamen esse contendebat. Dialecticos autem Aristotelis libros plures quam centum fuisse asseribat, quorum sexdecim tamen hodie legantur, si tamen sint Aristotelis. Quod quibus fundamentis nixus dixerit, ex eo intelligi potest, quod de fortuna librorum Aristotelis tomo primo diximus. Ita vero lethali vulnere causam Peripateticorum affligebat, quos ne Peripateticos quidem γμνολος esse, ita demonstrare satagebat. Quam reprehensionem ita exasperabat, ut diceret, dialecticae vim totam ab Aristotele, primum tum multo magis deinceps ab Alexandro Themistio ceterisque recentioribus Graecis praefertim, deinde Latinis Aristotelis sectatoribus fuisse deprauatam, ut non ad vllum humanae prudentiae fructum, sed ad clamorem altercationis sophisticae ineptissimum referretur.

IV. *Scopus  
Rami ecle-  
sticus.*

IV. Recte fecisse Ramum, quod abiecto Peripateticae seruitutis iugo libere de rebus ad veritatis disquisitionem et enuntiationem pertinentibus philo-

s) Conf. SORREL. de Perfect. hom. P. III. p. 493. REIMMANN. Hist. lit. Germ. Vol. III. p. 593. Vol. IV. p. 92.

t) Animadu. Lib. I. p. 3. 4.

philosophari coeperit, nemo in hodierna philosophiae eclecticae luce erit, cui sanum est synciput, qui non ultro concesserit. Et in eo quidem multo magis laudandus est, quod cum vidisset, omnem dialecticae virtutem ad scholarum altercationes et inutiles lites referri, maiorem ex ea utilitatem quaesiverit. Nam non scholae, sed vitae philosophandum esse, ipsa nos philosophiae indoles, et ratio congenita homini docet. At id ipsis Peripateticis inculcabat Ramus, „et se contendere modis omnibus asseribat, vt ad augendos iuuenilis industriae fructus, et ad minuendas longi temporis molestias docendae et exercendae in philosophia iuventutis compendiarie quaedam via ex veterum et philosophorum et oratorum institutis, ex regum et pontificum legibus reuocetur, vt denique dialectica ex visu naturalis et humanae rationis tota describatur, descriptaque explicandis poetis, oratoribus exponendis, examinandis philosophorum omniumque hominum sententiis, scribendo de rebus omnibus et dicendo, omni denique fructu humanitatis exquirendo tractetur et exerceatur.“ Vnde in ipsius dialecticae praefatione, se, ait, *artis exercitationem tam late adhibere, quam longe pateat vis naturae et artis, vt iuuentus huic disciplinae dedita, propositi vel poetae, vel oratoris, vel cuiusvis exempli consilium ex argumenti genere, iudicium ex conclusionis specie, methodum ex perpetuo dispositionis ordine perspiciat, aliquid deinde simile conetur et efficiat, atque omnes artis partes ad confirmandam ingenii solertiam et animi mentisque prudentiam exprimat: in eoque rhetoricae cum dialectica exercitationem et usum scribendo dicendoque coniungat.* Quae omnia in se spectata commendanda omnino esse et laudanda in Ramo, nemo temere inficias iuerit.

V. Hunc vero finem vt obtineret, dialecticam ex vocis significatione ad differendi ordinem et ex veritate artem retulit, cuius obiectum, vel de quo differitur, cum sit quaestio, omnem dialecticae operam circa eius partem, quae antecedit, et quae consequitur, versari dixit. Et quoniam differendi et eloquendi artem, vt ipsius verbis modo diximus, coniungebat, ex partibus rhetoricae, inuentione, dispositione, eloquutione, memoria et pronuntiatione, siue actione, eloquutionem et actionem tantum propriam esse rhetoricae censuit, inuentionem autem et dispositionem logicae vindicauit. Prius Ciceronis imitatione, (quem potissimum ob oculos habuit) inuentionem, posterius iudicium nuncupauit, ex qua distributione tota tractatio dialecticae, in duas partes facta est, quarum vna de inueniendis argumentis, altera de disponendis agit. Et argumentum quidem esse ait, quod ad aliquid arguendum affectum est; quales sunt singulae rationes solae et per se consideratae, id quod non de medio tantum termino, quem Aristotelici vocant, sed de quauis enunciationis parte secundum Ramum intelligendum est. Ipsam vero propositionem axiomatis nomine definivit esse dispositionem argumenti cum argumento, qua esse

V. Summa  
dialecticae  
Rameae.

Cc cc 2

aliquid

u) Dedic. Animadu,

aliquid aut non esse iudicatur. Argumentum autem in artificiale et inartificiale diuidens, quorum illud ex arte, hoc ex se arguit, artificiale vel vt primum vel vt ortum considerat, illudque vel absolutum et simplex vel comparatum esse ait, absolutum porro diuidit in consentaneum et dissentaneum: atque consentire rei argumentum dicit vel absolute vel modo quodam. Et ad illam quidem classem causam et effectum, ad hanc subiectum et adiunctum refert. Dissentaneum vero in diuersa et opposita partitur, haec in disparata et contraria; atque haec ipsa in relata, aduersa, contradicentia, priuantia. Similiter comparisonem statuit esse vel penes quantitatem, vt sint paria aut imparia, maiora aut minora, vel penes qualitatem, qua sint similia atque dissimilia. Argumentum quoque ortum a primo habere species dicitur, coniugata, notationem, distributionem, definitionem, seu descriptionem, inartificiale ad testimonii vel diuini vel humani classem reuocat. Et hac quidem argumentorum, siue terminorum serie constituta, quodlibet eorum describit, quibusque regulis, ex natura eius petitis constat, explicat, quae tamen omnia apud ipsum legenda sunt, cum scriptionis nostrae specialem logicae historiam non poscentis modum excedant. Et haec quidem libro priore prosequitur; posteriore de iudicio argumentisque disponendis tractat. Diuidit autem iudicium in axioma et dianoëam, Axioma autem, quod ex Stoicorum logica accepit, idem Ramo est, quod Peripateticis propositio seu enuntiatio, dianoëa idem quod ratiocinatio, syllogismus, et ratiociniorum consecutio atque methodus. Ex quo intelligi potest, quid in dialectica Rami sit axioma, supra iam definitum, curque dispescuerit in affirmatum et negatum, verum ac falsum, illudque in contingens et necessarium, nempe quod vel ita verum est, vt falsum quoque esse possit, vel quod necessario verum est, vt falsum esse nunquam possit, quo scientiam refert. Quod cum cardinem rei tangat, axioma necessarium secundum proprietates eas, quas iam definiuerat Aristoteles considerauit, vt nempe sit, de omni, per se, et vniuersaliter primum, cuius scilicet consequens et antecedens de se reciproce praedicari possint. Quia vero axioma vel simplex est vel compositum, vtriusque naturam describit, illudque considerat prout vel generale est, vel speciale, vel particulare, vel proprium; hoc, prout vel copulatum, vel congregatiuum, vel disgregatiuum est; quod vel discretiuium vel disiunctum esse dicit. Quo pacto omnem iudicii axiomati ambitum complectitur. Dianoëa autem Ramo dicitur, cum aliud axioma ex alio deducitur, vnde syllogismus exoritur atque methodus. Et syllogismus quidem, ait, esse, quo quaestio cum argumento vt posito antecedente necessario concludatur. Ita scilicet quaestionem de dubio axiomate, adhibito tertio argumento, cum quaestione comparato, illustrandam esse censebat. Syllogismi, iuxta Rami mentem duae partes sunt, antecedens, quod propositione et assumptione constat, et consequens, quod est ipsa conclusio. Si antecedentis pars vna desit, enthymema oritur,



tur, si qua accedat, profyllogismus. Eum autem vel simplicem constituit, vel compositum, illumque diuidit in contractum et explicatum. Contractus est, quando argumentum, quasi in exemplum assumitur: explicatus, quando omnes eius partes exprimuntur. Huius quoque species, id est figuras facit duas. Vnam quando argumentum, id est medius terminus tam in propositione, quam in assumptione sequitur; alteram quando argumentum antecedit in propositione, sequitur in assumptione. Quo modo et secundae et primae figurae Aristotelicae locum in dialectica reperit. Syllogismus compositum, vel connexum, vel disiunctum constituit, prout nempe ex assumpto vel negato antecedente colligitur vel tollitur consequens. Methodum quoque definiuit Ramus dianoëam variorum axiomatum homogeneorum pro naturae suae claritate propositorum, unde omnium inter se conuenientia iudicatur, memoriaque comprehenditur. Potiora autem in ea secundum Ramum eo redeunt, ut vniuersaliter et clarius praecedat, minus vniuersale aut singulare et obscurius sequatur, adeo, ut gradatim a generalissimis per subalterna ad specialissima perueniatur. Ita vero secundum methodum Ramaeam primo loco collocanda definitio generalissima, tum distributio, quae vel partitio est vel diuisio in species, quibus ut et partibus idem rursus ordo definitionis et distributionis assignandus, cuncta autem, si longiora fuerint transitionis vinculis colliganda, ut oratio inde recta et elegans exsurgat. Addit quoque nonnulla de crypticis methodi, cum res non clare proponitur, ut eo iucundius lector vel auditor trahatur fallaturae. Et haec quidem summa dialecticae Ramaeae capita sunt, quae exemplis ex oratoribus atque poetis aliisque scriptoribus petitis mire illustrauit, et velut stellis quibusdam interstinxit, ut fatendum sit, haud contemnenda inde lumina tractationi Ramaeae accessisse.

VI. Esse in hac dialectica Rami haud pauca, ex Organo Aristotelico transumpta, licet nouis nominibus compareant, ex comparatione aperitissimum esse potest. Nec diffusus id est Ramus, vltro id aduersariis dans, *Aristoteli et Aristoteleis non omnem laudem debitam se detrabere velle, sed si qua ab eis, dialecticae propria veraque praecepta tradita fuerint, libenter approbare.* Fatendumque, si verborum nouitatem tollas, multa eum ex Aristotele seruauisse, praecipue, quae de iudicio dianoëtico disputat. Inde enata sententia praestantissimi WERENFELSII: *Ramum nulla de re nouam sententiam excogitasse, de variis philosophorum circa varias res opinionibus nunquam sententiam dixisse, in modo methodoque docendi, in definitionibus et diuisionibus ab Aristotele recessisse, adeoque recte pronunciari, eum inter λογισμάρχους et μεθοδομάρχους esse referendum.* Non repugnamus viro doctissimo, si multam de verborum nominumque nouitate contentionem fuisse statuatur, non enim nouum hoc est, sed quotidie ea fabula luditur. Ast negari tamen hoc quoque

VI. Multa in dialectica Rami ex Aristotelicis seruata, multa addita.

Cc cc 3

non



non potest <sup>w</sup>, multa Aristotelicorum inutilia Ramum ex logica eiecisse, praedicabilia, praedicamenta, topica, elenchos minime curasse, adduxisse vero alia indicta Peripateticis, de causarum, subiectorum, adiunctorum, dissentaneorum, comparisonum, distributionum, testimoniorum, coniunctarum conclusionum partibus et modis, ad quae in differendi distribuendique ordine suo notiones et rationes arte inque scribendi dicendique artificio multa redire, veterum exemplis edoctus sciebat. Hinc nullum in arte praeceptum ponebat, quod perspicuis insignium hominum testimoniis et exemplis Ciceronis maxime et Virgilio non illustraret.

VII. Fontes  
dialecticae  
Rameae.

VII. Ex dictis vero nullo negotio de fontibus dialecticae Rameae definiri potest. Quam non omnem Peripateticae doctrinae traditionem negare posse, ostendimus. Sed et veterum Graecorum, maxime Platonis et Stoicorum, logicam cum Ramea comparanti erit clarissimum, multa ab iis in sua arua Ramum deriuauisse. Plato enim exemplis quidem magis, quam praeceptis cuncta ex definitione, distributione, resolutione et inductione deriuauit, Stoici enunciationes axiomata, syllogismos argumenta vocarunt. Cumque ad vtriusque sectae imaginem rhetores veteres orationum suarum vultum plerumque pinxerint, mirum haud est, Ramum in eorum lectione probe versatum hanc sibi speciem dialecticae finxisse, reiectis cauillis et subtilitatibus Stoicorum, quas non minus, quam Aristotelicorum contemnebat. Occasionem autem ita transformandae dialecticae Ramo suppeditasse dialogos Platonis, ipsum supra fatentem audiuius.

VIII. Iudici-  
um de Dia-  
lectica Rami.

VIII. His vero omnibus rite ponderatis non difficile est de dialectica reformatione Rami sententiam ferre aequam et veram. Et laudandus quidem in eo est magnopere, quod ab inutilibus speculationibus nobilissimam artem ad usum fori et vitae reuocauerit, nec in eo quoque culpandus est, quod accurate ordineque differere, vel differentes quoque veteres intelligere docuerit. Ast id maximopere in Ramo reprehendimus, quod antiquitatis praeiudicio, quod tamen in Aristotele feliciter eiurauerat, fasciatus et dialecticae nomine seductus, ad vnum differendi artificium omnem ratiocinandi scientiam retulerit <sup>x</sup>. Hoc enim pacto necesse erat, intellectum, cui medendo, illustrando et in veritatis viam ducendo destinata est disciplina praestantissima, in tenebris, quibus naturali morbo et nascendi infelicitate cingitur, manere, et quum falso ratiocinetur, emendari a dialectica Ramea non posse. Vehementer quoque improbandum est, quod in cortice, methodum putamus, haerens, nucleum ipsum omiserit, eam vero ita ad intellectus normam retulerit, ut pedem modulo adaptaret, qua ratione non potuit non inepta methodi affectatione haud semel tractatio corrumpi. Cuius exemplum esse possunt *διχοτομιαί* Rameae superstitiose

<sup>w</sup>) Conf. Dedicaciones Dialect. et Animaduersionum Peripp.

<sup>x</sup>) Conf. CARTES. ep. ad Gallic. interp. princip. philos. Ars cogit. P. I. c. 3. p. 19.

fitiose ad nostra fere tempora excultae, itemque methodus caussalis, quae dialecticae Rameae debetur, quaeque in non necessariis scriptores ita detinuit, ut haud raro ineptiae sequerentur. Quae omnia si parcius adhibuisset Ramus, si a necessariis aliis non abstinuisset, si methodi leges non vniuersales fecisset, et cuius pedi hunc cothurnum adaptauisset, pauciora haberemus, quae reprehenderemus. Moderate et ex vero magnus VERVLAMIUS <sup>y</sup>: *Methodus veluti scientiarum architectura est: atque hac in parte melius meruit Ramus, in optimis illis regulis καθόλου πρώτον, καὶ παντός, καὶ αὐτὸ etc. renouandis, quam in unica methodo sua et dichotomiis obtrudendis. Veruntamen nescio quo fato fit, ut humanis, sicut saepius fingunt poëtae, rebus pretiosissimis semper adhibeantur perniciosissimi quique custodes. Certe conatus Rami, circa illam propositionum limam coniecit eum in epitomas illas et scientiarum vada. Auspicato enim, et felicitis cuiusdam genii ductu processerit oportet, qui axiomata scientiarum conuertibilia facere attentauerit, et non simul ea reddiderit, circularia, aut in semet recurrentia. Conatum nihilo secius Rami in hac parte utilem fuisse non inficiamur. Alia scriptorum iudicia de Rami dialectica, ne nimii simus, omittimus: comparari autem cum dictis possunt, quae auctor artis cogitandi <sup>z</sup>, et acutissimi viri CHRISTIANVS THOMASIVS <sup>a</sup> atque NIC. HIERONYMVS GVNDLINGIVS <sup>b</sup> annotauerunt. Ille methodum tabellarum huc quoque reuocat.*

IX. Quodcumque autem dialecticae Rameae statuendum sit pretium, ipse certe Ramus debita laude in philosophiae historia priuandus haud est. Is enim, quod frustra tentarunt Agricola, Valla, Nizolius, Viues, maiori si non animo, certe strepitu et euentu aggressus viam ostendit, qua ad libertatem philosophandi abiecto iugo Aristotelicae philosophiae sectario procedi posset: et modum exemplo docuit suo, contemnendi eorum clamores, qui pro Sectae suae placitis tanquam pro aris atque focis pugnant, et sanctissima mysteria violari conueruntur. Quod Palladium diu orbi philosophico ereptum ut assertum iret, non minas, conuitia, calumnias, et quae his grauiora sunt, timuit, persecutiones diras contempsit, impaudum patiensque pectus aduersariis obiecit, et rarissimo exemplo libertatem philosophandi sanguine suo confirmauit, merito inter martyres philosophicos <sup>c</sup> numerandus. Qui si nihil egisset aliud, quam quod exemplo suo in academia Parisiensi viros doctos complures excitasset, ut in aliis philosophiae partibus idem tentarent, quod ipse in dialectica fecit, quorum haud infelices conatus passim annotauimus <sup>d</sup>, dignus certe esset, cuius nomen atque memoria in annalibus philosophicis perennaret, et cui non ingrata se praestaret posteritas.

## §. X.

IX. Merita  
Rami de phi-  
losophia.

y) De Augm. scient. L. VI. c. 2. T. I. Opp. p. 358.

z) P. II. c. 15.

a) Causel. c. X. §. V.

b) Via ad ver. logic. p. 78.

c) Singularem diff. eorum exempla collegit doctissimus HEYMANNS.

d) Conf. LAVMOIS de Fort. Arist. in Academia Parisensi.

*Fata diale-  
cticae Ra-  
meae post  
auctoris obi-  
tum.*

§. X. Extingui posse Rameas nouitates, extincto crudeliter auctore suo, sibi persuadebant eius aduersarii, verum contrarium euenit. Qui enim viuus haud paucos sectatores habuerat, quorum nonnulli ab extremis Europae angulis ad eum conuolarant, post mortem affectas multo plures nactus est. Et superstite quidem Ramo Audomarus Talaëus, vir doctus et eloquens, cui cum Ramo fraterna intercesserat necessitas, ex disciplina Ramea formatus eam propagare inter Gallos non sine sudore conatus est. Quis autem doctrinam Rameam plausus inter Germanos exceperit, cum ad eos Ramus diuertisset, ex supra dictis est manifestum. Quamuis ex illis quoque constet, Peripateticos vbique locorum manibus calcibusque obniti Ramo eiusque reformandae philosophiae consiliis coepisse. Quibus addimus, scholam Melanchthonis, quae rationalis philosophiae culturae se valde addixerat, parum Rameis conatibus fauentem, suum quoque studium disciplinae Rameae velut impedimentum aliquod obiecisse. Et haec quidem viuo et spirante Ramo acciderunt. Post miserabilem autem vitae eius exitum magnis et citatis gressibus passim ad eam doctrinam, quam formauerat Ramus, properatum est, fueruntque passim viri docti, qui Ramismo, (quo nomine ista disciplina appellari solebat) nomen suum addicerent. Et Hispaniam quidem atque Italiam nouitatibus Rameis aures patulas prae buisse, non constat, at viguisse inter Germanos, Anglos, Scotos eam doctrinam publica documenta produnt, et innumeris exemplis probari potest. Cuius prima occasio, qua Rami dialectica per istas regiones sparsa est, fuit, quod ab ore Rami magna eloquentiae et philosophiae laude docentis iuuenes multi, qui ex Germania atque Britannia ad eum confluerant, pependerint, et tum dicendi tum ratiocinandi differendiue principia ab eo didicerint. Hos et doctrinae elegantia et iucunditate recreabat, et ad veterum exempla effingebat, et nouo doctrinae genere innutritos domum remittebat, gratos tanti praeceptoris discipulos atque admiratores. Qui cum muneribus essent admoti, occasionemque nacti disciplinam Rameam ad publicos vsus adhibendi, viua voce pariter atque scriptis rem literariam iuarent, factum inde est, vt Ramismus inter Germanos, Gallos et Britannos omni spe citius et promptius exurgeret atque inualesceret. Maxime autem ex discipulis Rami hoc nomine memorandi sunt Thomas Freigius et Franciscus Fabricius, qui elegantioris literaturae notitia aeternum sibi in ciuitate erudita nomen comparauerunt. Et Freigius quidem Friburgo-Brisgoius in academia patria praestantes iuris interpretes Vricum Zasium et Henricum Glareanum praeceptores habuerat, at fama doctrinae Rami excitatus, Parisiensem scholam adiit, tantaque contentione et industria illustris praeceptoris disciplinae adhaesit, vt inter eius discipulos tantum non vnus omnium maxime emereret. Redux ex Gallia in Germaniam et Ramea eruditione ornatior, in patria primum, deinde Basileae munus docendi nactus est, tantis aduersitatum procellis iacta-

e) Conf. eius Academia.

factatus ut de abiiciendis omnino studiis cogitaret, quod consilium sine dubio perfecisset, nisi Hieronymi Wolfii commendatione in Altdorfina schola professoris munus illi obtigisset *f*. Is itaque cum omnium optime philosophiam Rami intelligeret, eam et institutione, et commendationibus in veteres scriptores propagare, et ostendere eorundem usum studuit. Franciscus Fabricius autem Marcoduranus, adolescens ad Petrum Ramum delatus est, eoquē euentu ab ore eius haesit, ut se Lutetiae Parisiorum ei operam dedisse non poenitere ipse scribat *ff*. Qui cum Iohanni Mohemio in gymnasio Dusseldorpiensi regendo successor esset datus *e*, praeter literaturam veterem, quam a Ramo quoque didicerat, et in qua eum valuisse scripta eius doctissima ostendunt, ipsam quoque Rami dialecticam propagandi occasionem nactus est fauentissimam. Cumque haud pauci ex huius disciplina viri docti prodirent, qui postea muneribus passim per Germaniam praefecti sunt, facile inde colliget lector causam, cur Ramismus, quem vocant, tanta inter Germanos incrementa ceperit. Et haec humaniorum quoque literarum cognitio, quam Ramea disciplina tantopere commendabat et adiuuabat, inter causas referenda est, cur illa tantopere inualuerit. Viri enim summi et in veterum scriptorum lectione ad miraculum usque versati, quamvis male Aristoteli minime cupiebant, attamen Rameam dialecticam ad interpretationem et imitationem veterum plurimum facere credere, ideoque eam sibi commendatam habuerunt. Qua in re praecipue plurimum valuit summorum virorum Ioannis Sturmii et Davidis Chytraei auctoritas, quorum uterque eo nomine plurimum Ramo favit *b*, licet Aristotelem non improbarent. Ast hi duumviri in constituendis per Germaniam scholis eligendisque doctoribus publicis a quamplurimis in consilii curarumque partes trahebantur; quae via fuit, qua Ramea disciplina latissime se extendere potuit, cum similiter animati eorum discipuli Rameam doctrinam fuissent amplexi. Vix itaque schola aliqua publica paulo celebrior nominari potest, in qua non Ramistae, quo nomine Rami sectatores solent appellari, docuerint. Vixit enim docuitque ex Rami sectatoribus FRIDERICVS BEVRHVSIVS in Tremoniano gymnasio, qui aliquot libris Rami dialecticam illustravit, eiusque *Paedagogiam* itemque *defensionem* scripsit, et libello erudito atque luculento Rami et Melanchthonis dialecticam comparavit *i*, ex quo disci potest, in quibus utraque conueniat, in quibus discrepet, quae controuersiae momenta sint, quae omiserit Ramus, quae adiecerit. In Corbacensi schola pro Ramo fortiter dimicauit ADAMVS SCRIBONIVS, auctor *Triumphae logicae Rameae*, apud Hanouera-

*f*) Vetus eius habes ad ADAMVM in Vitis philos. p. m. 252. inde sua hauserunt FREHERVS Theatr. p. 889. et REIMANNVS Hist. lit. Germ. Vol. IV. p. 582.

*ff*) In Praef. ad vitam Ciceronis.

*g*) Vid. HANCK. de Rom. rer. script. L. II. c. 1.

p. 29. CRENIVS Animadu. philos. P. II. pag. 293. TRISSER. Elog. T. II. p. 468. FABRIC. Centur. Fabricior.

*h*) Vid. CHYTRAEI Epist. p. 547. ELSWICH. de Fort. Arist. in academiis Protestantium pag. 57. 59.

*i*) Francof. 1588. 8.

noueranos Heizo Buscherus, qui licet syncretisticam dialecticam, de qua infra dicemus, secutus fuerit, Rameam tamen dialecticam contra Cornelii Martini insultus defendit, et doctrinam *de soluendis sophismatis* abs Ramo omissam suppleuit. Eandem contra Martini tela calami pugnam apud Goettingenses suscepit Conradus Hoddaeus; maxime vero in Iulia academia, vbi Peripatetica doctrina valde valebat, pro Ramo omnibus ingenii neruis decertauit CASPAR PF AFFRADIVS, cui libellum *de studiis Rameis et legibus optimae institutionis* <sup>k</sup> debemus. In schola Erfordienfi pro Ramo stetit HENNINGVS RENNEMANNVS, editis *Enodatione totius philosophiae Rameae, et Philosophiae Rameae insuperabili scuto*<sup>l</sup>. Et hi quidem duo scriptores ab iis quoque consulendi sunt, qui specialia magis de controuersis Rameis in Germania agitat, quae tangere hoc loco non licet, scire cupiunt. In academia Rostochienfi Thomas Rhaedus contra Aristotelem pro Ramo comparuit, qui cum Henningo Arnifaeo hoc nomine est congressus. Marpurgi HIERONYMVS TREVTLE-RVS *Rudimenta dialectica P. Rami* descripsit. Hamburgi Iacobus Renneccius et post eum Seuerinus Sluterus editis de Rami dialectica commentariis pro his partibus steterunt; Lubecae Ramismum introduxit Ioachimus Hansius <sup>m</sup>. Etiam in academiis Saxonis magno strepitu disciplina Ramea inualuit, motusque haud leues concitauit. Id quod praecipue in academia Lipsienfi factum est, in qua Ioannes Cramerus Ramo amplissime fauit, licet is Organi Aristotelici publicus doctor esset. Id quod armauit in eum facultatem philosophicam, quae, vt eo grauiori inuidia Ramismum cumularet, Caluinismi semina in Ramismo latere, in literis supplicibus ad electorem Saxoniae est conuicta. Vnde factum, vt auctoritate electorali deligerentur, qui in Rameae factionis pericula, quae imminere credebantur, inquirerent, quae tanta visa sunt, vt theologi quoque excitarentur ad aggrediendam scriptis pestem perniciosam, inter quos maxime Matthaeus Drefferus se Rameis partibus obiecit <sup>n</sup>. Tantis autem animorum motibus res acta est, vt cum nuntium Rameae doctrinae mittere recusaret Cramerus, is munere publico anno MDXCII. exueretur, et quicumque in ea academia promotionibus publicis frui cupiebant, singulari syngrapha promittere iuberentur, se nolle quicquam tradere, quod a philosophia Aristotelis sit alienum; tanti momenti, haec pugna dialectica erat:

*Non Priamus tanti totaque Troia fuit.*

Sed in aliis quoque Protestantium academiis fortunam disciplinae Rameae, licet variis vicissitudinibus usam, emerfisse, indubitatis testimoniis constat.

k) Francof. 1597. 8.

l) Oppositum id Phil. Scherblo. Valde eius maledicam linguam detestatur KECKERMANN. Praecogn. log. tr. II. c. 5. p. 169. cuius verba quoque adducit BAYLE l. c. not. O.

m) Consulendi de his scriptis WALCHIVS et ELSWICHIVS ll. ec.

n) Conf. quos laudant iidem ADAMI Vit. philos. p. m. 496. MORHOF. Polyhist. T. II. L. L. c. 12. §. 1. DORNIVS ad Ionf. L. III. c. 36. §. 19. p. 210. qui ad B. Io. CYPRIANI Progr. de fatiis philosophiae Rameae in academia Galliae, insertum Suppl. Bibl. philos. Struuianae p. 25. prouocat. Quod tamen in editione Lotteriana, quae ad manus est, desideramus.

stat. Et in Altdorfina quidem schola multa inuidia premebatur Ramismus; ast quamvis Peripatetici magnis animis se ei opponerent, et praecipue Philippus Scherbius dissertatione pro philosophia Peripatetica aduersus Ramistas quam philosophiae Altdorfinae inseruit IO. PAUL. FELWINGERVS, adeo erudite et acute disputaret, vt neruositate, breuitate et elegantia, flore item eloquentiae et accuratione cum vasto libro certare posse iudicauerit MORHOFIVS<sup>e</sup>; his tamen non obstantibus inualuere partes Rami, praecipue cum Henricus Rennemannus, duobus scriptis proterue Scherbium esset aggressus, isque nihil reposuisset, sed LIBAVIVS<sup>f</sup> tantum Scherbium vindicasset<sup>g</sup>. Constat id ex verbis TAVRELLI<sup>h</sup>, qui, quod ab Aristotelicis dissentiret, vt suo loco dictum, Ramismi conuicio impetitus est. Is enim ad hanc obiectionem ita respondet: *Vt vero nihil ex Rami vel eius affeclarum scriptis didicerim, quibus ipse nunquam sum delectatus; cum videamus tamen adeo felicem eius doctrinae successum, atque in dies augeri eorum numerum, qui vel sese aperte Ramistas esse profitentur; vel saltem a Rami dogmatibus non abhorrent: quis non flectatur, et de Ramo iudicare incipiat aequius. Liberum probo philosophandi genus: noui etiam in Aristotele reprehendisse Ramum, quod probandum non fuerat.* In Iulia academia, quae Helmstadii circa ea tempora<sup>i</sup> excitata est, et in qua Pfaffradium Rameam dialecticam propagauisse supra retulimus, contra Cornelii Martini et Io. Caselii diligentiam pro Aristotelica philosophia aduersus Ramum, insurrexit ANTONIVS NOTHOLDVS, qui nomine *studioforum philosophiae Rameae considerationem in Martini librum* emisit, cui cum anno MDCXCVII. Cornelius Martini peculiari programme responderet, annotationibus ille suis id eodem anno recudi fecit<sup>k</sup>, annoque sequenti diatriben philosophicam edidit, qua doctrina de definitione et diuisione dialecticae, de notionibus primis et secundis, de argumentis inuentionis et praedicabilibus, de analysi logica Rameorum, de metaphysica et praedicamentis ad Philippi et Rami documenta reuocatur ac iudicatur. Quali contentione quoque Martinianis oppugnationibus se obiecit Cornelium HERMANNVM NICEPHORVM, in libris *de Analyti logica*, refert HERMANNVS ELSWICHIVS<sup>l</sup>, qui epigramma quoque affert, huic libro praefixum, quod, quanti eo tempore Ramus inter Germanos fieret, in aprico ponit. Dabimus id hoc quoque loco, vt de fortuna et opinione Ramismi inter Germanos constet<sup>m</sup>:

*Magnus Aristoteles logicus, non vilior illo  
Ramus, at obscurus magnus Aristoteles.*

Dd dd 2

Ramus

<sup>e</sup>) Polyhist. T. II. L. I. c. II. §. 30. p. 62.

<sup>f</sup>) In Schediasm. medico-philos.

<sup>g</sup>) Conf. Cel. BAYRVS Vit. medic. Altdorf.

pag. 20.

<sup>h</sup>) Alp. Caes. p. 37.

<sup>i</sup>) 1576.

<sup>k</sup>) Conf. ELSWICH. l. c. p. 66.

<sup>l</sup>) l. c.

<sup>m</sup>) Haec plerorumque Rameorum opinio fuit, vnde Aristotelicam quoque logicam discere iubebant, iuuenes, vt artificiales voces, id est terminos a scriptoribus adhibitos intelligerent.

*Ramus conspicuo discentem tramite ducit:  
 Et brevis et breuitas haec tibi cuncta aperit.  
 Nemo percipiet logicam feliciter artem,  
 Quam qui Rameam perdidicit logicam,  
 Postea Aristotelis; non ut meliora, sed illa  
 Quae vulgus nouit, tu quoque scire queas.  
 Cum stultis etenim stultescere tempora possunt;  
 Hoc apte quisquis fecerit, ille sapit.*

Sed in Leucorea quoque academia Rami partes inualuisse, ex HVLSE-  
 MANN<sup>o</sup> patet, qui per interdicta electorum Saxoniae actis ordinis  
 philosophici inserta, iterumque anno MDCIII confirmata prohibitos  
 esse Vitebergenses, ne Rameae se darent philosophiae. In huiusmodi  
 edicto ab eo allato cauetur, cum a breui tempore in facultate philosophica  
 secta Ramistica exorta sit, quae id agat, ut per letentim methodum docen-  
 di Aristotelicam, surrogata noua, pellat, ne quis professorum audeat il-  
 lam in lectionibus publicis fouere, indicta etiam illis poena, qui contra  
 egerint. Sed ad Danos vsque penetrauit quoque dialectica Rami; qui  
 quamuis auctoritate publica ordinationis ecclesiasticae Christiani III. Me-  
 lanchthoniana dialectica vterentur, non pertimuit tamen Andreas Kra-  
 gius, philosophiae tum apud Hafnienfes professor, post explicatum audito-  
 ribus suis Platonem, Ramum quoque et tradere publice et aduersus G. Lieb-  
 leri calumnias vindicare. Facile vero esset complures afferre, qui  
 hac ratione pro Ramo pugnarunt, si eorum nomina excitare vellemus,  
 qui in hoc argumento calamum exercuerunt. Quoniam tamen hoc in-  
 stituti nostri limites excedit, lectorem rogamus, ut ex LIPENII<sup>v</sup>,  
 REIMMANNI<sup>w</sup>, WALCHII<sup>x</sup> catalogis sua industria ea colligat, si mo-  
 do tanti videbitur, eorum studia nosse, qui cramben decies centiesque  
 recoxerunt. Addimus nos tantum verbo, apud Heluetios ita obtinuisse  
 Ramismum, ut ad nostra vsque tempora Bernae Lausannaeque eum au-  
 ctoritate publica confirmatum esse ex Minutoli relatione scribat P. BAY-  
 LE<sup>y</sup>: Apud Batauos quoque RVDOLPHVM SNELLIVM, lin-  
 guae Hebraicae et matheseos professorem Lugdunensem, edito *Syntagma-  
 te philosophiae Rameae* (*Commentarium in Rami dialecticam* nominat  
 Ven. WALCHIVS<sup>z</sup>, qui an idem sit cum syntagmate, nescimus) de Ra-  
 meae dialectica egregie meruisse, et haud parum celebritatis illi concilia-  
 uisse, eo quod solide et perspicue Rami praecepta illustrauerit. Quin  
 inter Anglos et Scotos quoque admiratores et sectatores haud paucos me-  
 ruisse Ramum Keckermanni testimonio asserit P. BAYLE<sup>\*)</sup>. Satis hoc  
 fortunarum videri poterat disciplinae Rameae, quod in ordine philoso-  
 phico toties caput erigere licuerit: ast accessit maior felicitas, ex iure-  
 consul-

t) In Praef. Dialys. p. 13.

u) Vid. ALB. THVRA Id. hist. lit. Danor. P. II.  
 c. 4. §. 2. p. 301.

v) Bibl. philos. p. 1283.

w) Calend. crit. hist. logicae p. 52.

x) l. c. p. 617. seqq.

y) l. c. not. O. z) p. 621.

\*) l. c.

consultorum ordine. His enim valde placuit methodus Ramea, quam et ordine et perspicuitate et facilitate gaudere sibi persuadebant. Observatumque CHRISTIANO THOMASIO †, Matthaeum Wessenbecium virum celeberrimum, primum fere fuisse, qui methodum caussalem ex dialectica Ramea ad usum iurisprudentiae traduxerit.

§. XI. Amplissimos habuisse successus dialecticam Rameam, ex adductis satis constare potest. Neque tamen putandum, nullis eam impedimentis, nullis aduersariis fuisse coarctatam atque repulsam. Nam quod viuo Ramo accidit, ut magnis iris, et acerba contentione contra Ramum eiusque philosophiam insurgerent Peripatetici, id post eius tristitia, quae perpeffus est, fata non minori alacritate et animorum motibus factum. Non memorabimus petulantiam iuuentutis, Ramistis passim insultantis, supra enim idem euenisse Ramo ipsi iam monuimus, nec adeo mirum vel etiam insolens est, iuuenes literarum studiosos incitatos a doctoribus suis et inuidia instigatos, ad quoduis contumeliae genus in nouatores digredi. Sed ad ipsa Peripateticae doctrinae columnina prouocamus, quae pro Aristotele, tanquam pro aris et focus pugnaverunt, cuius praeter Parisienses exempla, Ramo adhuc superstiti in Beza, Schegkio aliisque commemorauimus. Nulla enim schola fuit, in qua non aduersarios Rami doctrina reperiret, possetque satis amplius nominum eorum contexi catalogus, qui inimica Ramo tela intentarunt, si id ageremus. Paucis tantum et strictim nonnullos tangimus, ne hic quoque ἀσύμβολοι abeamus. Nempe in Tubingensi academia praeter Schegkium, qui cum ipso Ramo contentionis ferram reciprocauit, eius nouitatibus NICODEMVS FRISCHLINVS, edito *Dialogo contra P. Rami sophisticam* pro Aristotele respondit, nec in ea academia pedem figere potuisse ab eo tempore Ramismum verisimile est. Eandem vigilantiam ne Ramistica doctrina Aristotelicam pelleret, probauisse academiae Altdorfinae professores maxime Philippum Scherbium, ex antecedentibus repetendum est. In academia Heidelbergensi parum fauentem sibi Ramus expertus est Zachariam Vrsinum; is iubente electore consilium suum descripserat, vtrum suadendum sit, ut philosophia Ramea in Palatinatu introducatur, in quo multis id rationibus improbat et dissuadet<sup>a</sup>. Hoc cum effectum, quem cupiebat habuisset, adeo momordit Ramistas et in praeceps egit, ut Rennemannus et Pfaffradius acerbissimis eum vocibus ideo reprehenderent<sup>b</sup>. Argentorati Dasypodium, licet infirmo armorum genere, Ramum oppugnauiſſe, ex epistola Ioannis Pappi ad Marbachium<sup>c</sup> constat. Et in Lugdunensi Batauorum academia Ramismo introducendo se maxime opposuit teste Mareſio \*, Iosephus Scaliger. Magnos vero et potentes aduersarios in academia Iulia experta est philosophia Rami in Ioanne Caselio et

*Aduersarii  
Ramisini.*

Dd dd 3

Cor-

†) In Cautel. c. X. §. 17.

a) Exat in IACOBI MARTINI Speculo rationali L. II. c. 45.

b) Vid. KECKERMANN. l. c. BAYLE l. c. not. O.

c) Vid. Epistolae Marbachianae a IO. FECHTIO editae p. 404. \*) Apud BAYLE. l. c. not. O.



Cornelio Martini, de cuius pro Peripatetica doctrina zelo et industria in eius vita, *parte huius tomi superiore*, quantum satis est, diximus. Is grauem se Ramistis aduersarium in *Analyfi logica* et scriptis logicis aliis praestitit, quocum congressum fuisse pro Ramo Beurhusium, Hoddaeum, Buscherum, quorum dissertationes iunctim prodierunt <sup>d</sup>, itemque Notholdum supra memorauimus. Vitebergae infensum aduersus Rami sectatores animum demonstrauit Iacobus Martini, cuius quoque academiae facultatem philosophicam obtinuisse ex aula Dresdensi decretum de non propagando Ramismo supra retulimus. Idem Lipsiae factum esse, ex dictis repetendum est. Nempe non contenti Rameorum aduersarii inuisam sectam libellis profligauisse, more ab omni tempore inter homines recepto, ad potentiorum auxilia et summos etiam magistratus recurrerunt, et argumento ab odio et inuidia ducto, Rameam disciplinam temeratae fidei purioris, confusi ordinis, suspectae nouitatis, contemptarum legum a principibus positarum, conuitiandi corrigendique cum contumelia libidinis et similium accusarunt. Neque vero verisimile est viros prudentissimos, qui passim ex mandato principum summorumque magistratuum rebus praeerant, et his litibus componendis destinabantur, adeo hebetibus fuisse vfos oculis, vt perspicere nequiuissent, neque reipublicae salutem, neque literarum incolumitatem in his disputationibus logicis versari, et parum interesse principis, vincat Aristoteles an Ramus? Ast, vt taceamus, interdum priuatorum suspicionibus potuisse eorum animos corrumpi, vt cum disciplinae, cui a iuuentute erant innutriti, plurimum auctoritatis tribuerent, nouam et insolentem doctrinam refugerent, seque asperiores illi ostenderent: ipsae contentiones virorum doctorum haud raro in vna cathedra docentium, et litigationes inutiles, quibus tempus consumebatur frustra, atque iuuenum pariter atque doctorum publicorum animi in partes discindebantur, metum illis incusserunt, ne tandem bonarum artium ex his litibus interitus oriretur. Fuisse quoque nonnullos, qui crediderint, arma polemicae theologiae subtrahi, si Aristotelica logica pereat, facile HERM. AB ELSWICH <sup>e</sup> credimus, argumentum a studio metaphysico, quod ab eo tempore inter Protestantes inualuit petenti: Quamuis Ioannes Gerardus, magni nominis theologus, qui Aristotelicam philosophiam aliis praeferendam putauit propter aduersarios, cum quibus theologo in arenam descendendum, non improbauerit, si collationis et methodi causa coniungatur Ramea philosophia <sup>f</sup>. Illud dubio caret, ab eo tempore inferiores fuisse Ramistarum partes, et fulmina potentium multos ab his partibus amplectendis deteruisse. Hinc, quem supra excitauimus Nicephorus, cuius verba adduxit ELSWICH <sup>g</sup> <sup>h</sup>, conquestus est: *Eam temporum iniuriam esse, vt neque precibus, neque rationibus, neque vilo modo alio studium suum veritatis et publicae utilitatis sartum tectumque quis conseruare queat, sed et vi minisque de-*

d) Lemgoniae 1596.

e) l. c. p. 73.

f) Meth. stud. theol. p. 132.

g) l. c. p. 74.

*pulsus ad placitum te. potentiorum componas, ac veritatem utilitatemque turpiter deferere cogatur.*

§. XII. Succurrere laboranti Ramismo alia ratione coeperunt nonnulli, quibus syncretismus aptissimum medium visum est, sed qui, si verum fatendum, et experientia consulenda, malum reddiderunt deterius. Et fuerunt quidem mature inter philosophos Germanos nonnulli, qui cum viderent, tanta auctoritate gaudere philosophiam Aristotelicam, qualem repurgatam dedit Philippus Melanchthon, ut pelli locoque moueri tota non posset, ad eam delati sunt sententiam, iuvari posse Dialecticam Rami, si cum dialectica Philippica iungeretur, et cum ferri nonnulla, et supplementi loco adiaci posse ex dialectica Aristotelico-Philippica iudicarent, confici inde *σύνθεμα* aliquod, quod utrique parti non posset non arridere. Inde enatum tertium aliquod philosophorum genus, quod tum mixtum dictum est. Praeiuisset his exemplo merito dicendus est FRIDERICVS BEVRHVSIVS; quamuis enim is adeo Ramo fuerit addictus, ut P. Ramum statueret et non modo Socraticum et Platonicum, sed etiam vere Aristotelicum philosophum iure dicendum et habendum esse, utpote qui ex illorum omnium sententia constantibus principiis expressa, usum ducem ac magistrum sequens omnem fere artium et materiam et formam ex iis ipsis, et maxime ex Aristotele deducens omnia praecepta cum Aristotelis legibus congruentia retineat, contraria vero et repugnantia reiciat, ac artium quidem praeceptis perspicue distinctis, usum tamen earum, ac ita philosophiam cum eloquentia coniungendam esse doceat: non alienum tamen a iuuentutis commodis censuit, si Philippi Melanchthonis dialecticam, in qua multa ab interpretibus Aristotelis confusa et inuersa, illustriora facta, quin et emendata sint, comparandam cum Ramea exhiberet, quam comparationem nec philosophica libertate indignam nec studiis inutilem fore putauit. Cuius vel hunc usum fore dixit, ut iuuenes res artibus propositas et diuersos auctorum terminos, id est artificiosas appellationes vno labore cognoscant. Quo fine utramque dialecticam cum explicationibus et collationibus edidit, in eo tamen laudandus, quod utramque in separatis paginis e regione oppositis expresserit, ut eo facilius res intelligi possit. Ast qui secuti sunt PAVLVS FRISIUS in *Comparisonibus dialecticis*, BILSTENIVS in *Syntagmate Philippo-Rameo liberalium artium*, BVSCHERVS in *Harmonia logicae Philippo-Rameae*, POLANVS in *Syntagmate logico Aristotelico-Rameo*, LIBAVIVS in *Collatione dialecticae Melanchthonis et Rami*, quibus suo modo BARTHOLOMAEVS KECKERMANNVS iungi potest, qui licet Peripatetica pleraque sequeretur, attamen multa Ramea admisit, Semi-Ramei ideo cognomine ab Aristotelicis appellatus; hi, inquam omnes et his similes Ramum ex Melanchthone facere auctorem, Philippum ex Petro perfectiorem, et ex utraque dialectica vnam reddere studuerunt. Qui tamen non in eo so-

*Ramei mixti & syncretistae.*

§) In Dialect. Rami et Melanchthonis inter se comparata p. 13.

lo confiterentur, sed infausto haud raro syncretismi fidere afflati concordiam inter dissidentes sententias malefanam et inutilem inire visi sunt, quamvis syncretismum prae se minime ferrent. Quo stigmate notandum esse Frisium, Libauium et Keckermannum, in *antecedente huius tomi parte*, cum de syncretismo philosophico ageremus, annotauimus. Paulo liberius hanc conciliationem inter Ramum et Aristotelem tentarunt, et inter syncretistas Aristotelico - Rameos nomen suum retulerunt alii, quorum fere princeps habitus est Rudolphus Goclenius, idem vero iter tenuerunt Conradus Dietericus et Ioannes Henricus Alstedius, quorum libros loco laudato iam adduximus. Parum tamen hac ratione promotum est Rameae disciplinae studium, quod et in se valde corruptum, et utrique parti suspectum factum est. Inde audita Pseudo-Rameorum a Ramistis nomina vel potius conuitia; inde vero et indignationes Peripateticorum, ex quorum numero I. O. SCHARFIVS<sup>h</sup> pronuntiauit: *Hinc alia Ramistarum secta orta est, quae vocatur mista seu mixta: scilicet nomine fatali. Miscet enim omnia in unum chaos, Aristotelem transformat in ramenta falsarii sui Petri, hoc est lucem in tenebras, coelum in terram, arborem in ramos.* Quare etiam non Rameis solum, sed et mixtis ne delectentur iuvenes praecepit ABRAHAM. CALOVIVS<sup>i</sup>, salubri, uti recte putat, consilio. Semper enim eiusmodi syncretismum et ineptam doctrinarum diuersarum conciliationem atque mixturam systemata corrupisse, et veritatem multo magis impediuisse, historia philosophica exemplis testatur luculentissimis. Et si verum fatendum, ipsae hae conciliationes et commixtiones Rameae dialecticae exitiales extirpere. Cum enim eius puritas, et imprimis usus, quem in scriptoribus veteribus explicandis et imitandis prae se ferebat, Peripateticis praeceptionibus, alio longe doctrinae genere nixis, et ad metaphysicam magis spectantibus corrumpere, hocque ipso auctoritati Aristotelis quam Ramus valde deprefferat, nouae vires, luminaque noua adderentur, non potuit non disciplina Ramea in contemptum adduci, et euilesce, et quae in plerisque scholis auctoritate publica introducta fuit Aristotelis logica reuirescere. Factum id iam esse circa annum MDCXXIV, ex Hermannii Nicephori praefatione in libros de analysi logica probauit ELSWICHIVS<sup>k</sup>. Ibi enim ita conqueritur: *Quorsum nunc res scholasticae nostrae prolapsae sunt? nescio quo fato iam pridem in antiquum tenebrarum chaos omnia ruere videantur. Irrepunt enim in scholas passim cum applausu libelli logici, ne dicam de aliis, nugarum pleni, expellentes e possessione sua contra ius fasque logicam Rameam optimam, pulcherrimam, et simul usum eius ut amplissimum ita accuratissimum.* Et eo quidem tempore Casparem Pfaffradium, Danielemt Hoffmannum in philosophiam Peripateticam incitasse tradit GERH. THEOD. MEIERVS<sup>l</sup>. Ast si verum est, hoc ipso Ramismi quoque vineta

h) In Instit. log. p. 41.

i) In Paedia theologica p. 171.

k) pag. 74.

l) In Monum. Iulicis p. 24.

vineta caecidit, cum omni philosophiae bellum ille indixerit, vt suo loco dictum. Successerunt paulo post noui conatus Cartesii, cuius sectatores cum etiam noua logicae praecepta cuderent, Ramea dialectica tandem obliuione sepulta est, nec aliter hodie eius memoria viget, nisi in historia philosophica.

§. XII. **M**aec Ramea *σινεσις* fuit, in qua mutata quidem, ast non adeo multum emendata fuit dialectica, licet maximos strepitus edidisset, sed vicit et imperium obtinuit logica Peripatetica. Non defuerunt tamen hic inde, viri nonnulli docti, qui vnam alteramue rationalis disciplinae partem, etiam seculo XVI meliori facie et illustriori luce donarent, ast cum sectam condere, vel Aristotelem de solio deturbare non cogitarent, laudati quidem, sed examinati et in vsum deducti non sunt, licet multo praestantius clariusque de rebus ad ratiocinationem eiusque ordinem pertinentibus differerent, quam Peripatetici. Et hinc factum, vt eorum tantum non omnis exoleuerit memoria. Nostrium non est, eos hoc loco colligere omnes, qui ad hanc emendationem rationalis philosophiae aliquid contulerunt, non tamen omittere possumus IACOBVM ACONTI-VM, aliis quoque nominibus in sacrae ciuitatis historia celeberrimum, qui cum logicum ingenium quam maxime esset adeptus, cuius specimina haud pauca in scriptis eruditissimis posuit: iuuenes quoque contentis quisquiliis logicae scholasticae propiore ad veritatem via ducere conatus est. Scripsit ideo libellum *de Methodo. siue recta inuestigandarum tradendarumque artium ac scientiarum ratione* vtilissimum<sup>m</sup>, quem a scriptoribus historiae logicae fuisse omissum merito miramur. Nam non in id duntaxat omnem doctrinae vim adhibuit Acontius, vt inuestigandi docendique viam praeceptis luculentis panderet, verum in eo simul etiam fuit, vt potiora, quae ad ratiocinandi artem et cognitionis acquirendae modum pertinerent, breui, at eleganti compendio, quod a scholasticis spinis esset liberum, enarraret. Cum enim statueret, logicam esse recte contemplandi docendique rationem, hincque duas eius partes constitueret, ad quarum vnam quaestiones, ad alteram themata siue proposita referrentur, id sibi ostendendum esse ratus est, qua ratione veritatis examen instituere et rei alicuius notitiam indagare, quodque affecutus fueris, docere commodo possis. Hinc quid sit cognitio, quaque ratione per quatuor caussarum genera discurrat expedit, deque causa materiali et formali, multa a Peripateticis abeuntia et recentiorum cogitatis haud dissimilia affert, et quo modo gigni cognitio, latentesque notiones et scintillae excitari et ad res obscuras illustrandas applicari possint, ostendit, et regulas acquirendae scientiae exponit, et imprimis quomodo in definitione versandum, quaeque vitanda luculenter docet, et de obscuris, ambiguis, impropriis, inusitatis commentatur, et caussa-

*Logicae  
emendatio-  
nes aliae.*

*Jacobus  
Acontius.*

<sup>m</sup>) Extat in Collectione libellorum de methodo et ratione studiorum, quae Trai. ad Rhen. 1657. 12. prodiit, p. 325. seqq.

causalem methodum depingit, et diuisionis leges tradit, et interpretandi docendique ordinem pulchre delineat, et quo pacto quodlibet suo poni loco debeat, paucis tangit. In quo breui libello, multa egregia et postea Cartesio tanquam noua obseruata reperiri, ipsi Cartesio olim indicauit Heulnerus, teste BAILLETO<sup>n</sup>. Nec id negat, qui vitam Acontii descripsit P. BAYLE<sup>o</sup>, qui inter melioris commatis libros hoc schediasma, et inchoatum tantum, vt ipse vocat, opusculum retulit. Vidit autem ipse Acontius<sup>r</sup>, *se quidem in seculum incidisse cultum supra modum, at se non tam eorum, ait, vereri iudicia, qui nunc regnant, quam exorientem quandam seculi adhuc paulo cultioris lucem pertinescere. Etsi enim multos habeat, habueritque aetas sua viros praestantes, adhuc tamen videri sibi videre nescio quid magis futurum.* Quae hoc modo ad Ioannem Wolfium scripsit anno MDCLXII. Acontius, surgente demum seculo XVII euentum habuere laetissimum. Tum enim dialecticae lumen eclecticum primus fere accendit, et ad noua atque meliora audenda in ratiocinandi arte animum adiecit illustrissimus VERVLAMIVS. Is enim ausu vere heroico, vt recte obseruatum P. GASSEND<sup>o</sup> nouam tentare viam ausus est, sperareque, fore, vt modo illi strenue diligenterque insistatur, noua tandem eaque perfecta condi haberique philosophia possit. Id quod quantis moliminibus egerit, supra *capite libri primi quarto* planum fecimus, et quid in nouo, quod eam ob causam produxit organo, hunc in finem monuerit, exposuimus. Quae hoc loco repetere opus haud est, comparandus autem cum iis est GASSENDVS<sup>r</sup>, qui more suo logicae Verulamianae elegans et perspicuum compendium suppeditat. Et hic ipse quoque vir praestantissimus, non modo logicae Peripateticae naeuos magna fiducia nec minori eruditione detexit, editis *Exercitationibus paradoxicis aduersus Aristoteleos*, quod in *superiori huius tomi parte* iam annotauimus, sed quoque et de origine logicae et de fine eius, et de simplici rerum imaginatione, de propositione et syllogismo talia attulit<sup>s</sup>, quae si non omnia noua, exarsciata tamen et selecta, et clarissima luce perfusa, multa autem iucundissimae doctrinae copia illustrata recte possunt videri. Vnde meretur vir summus, vt logicae eius paulo diligentior, quam fieri solet, ratio habeatur<sup>t</sup>, et praecipue vt cum Cartesianorum meditationibus comparetur, ex quo patefcet, hunc Cartesii aduersarium eius tamen sectatoribus facem haud raro praetulisse.

*Cartesiano-  
rum de logi-  
ca reforma-  
ta merita.*

§. XIII. Non admouisse rationali philosophiae condendae et ex instituto describendae manus, sed contentum methodi regulas posuisse, reliqua quae ad cognitionem humanam pertinent, ex parte principii philosophiae

n) Vita Cartesii T. II. p. 138.

o) Dict. T. I. art. Aconce p. 65. seq.

p) In Ep. ad Io. Wolf. de ratione edendorum librorum p. 410. conf. qui haec more suo expendit P. BAYLE l. c. not. C. D.

q) De Orig. Logicae c. 10. T. I. Opp. p. 62.

r) loc. cit.

s) In Institut. logicis T. I. Opp. p. 92. seqq.

t) Conf. WALCH. Hist. log. L. II. c. 1. §. 19. Parerg. acad. p. 658. qui tamen valde brevis est.

sophiae inferuisse Cartesium in *antecedentis libri capite sexto* ex instituto docuimus, quodque ad rationalem disciplinam ex meditationibus et principiis Cartesii pertinet, fuse delineauimus, quo recurrendum est lectori, hanc artis rationalis partem historicam discere cupienti. Sed et porro monuimus, ea quae Cartesius, physicis intentus dereliquerat, logica sectatores occupauisse, et hanc quoque rationis disciplinam suis meditationibus excoluisse. Inter quos Antonii le Grand, Ioannis Claubergii, Petri Syluani Regisii, Arnoldi Geulingii, Regneri a Mansuelt aliorumque nota sunt scripta recensita quoque a Ven. WALCHIO<sup>a</sup>, qui adeundus. Non omitti tamen hoc loco duo ex Cartesianis scriptores logici possunt, quibus plurimum debere artem logicam apud omnes in confesso est, nempe anonymus auctor *Artis cogitandi*, et Nicolaus Mallebranchius. Ille enim innumeras obseruationes nouas suggessit, hic metaphysicam logicae iungendo ac applicando nouam inquirendae veritatis viam se detexisse ratus est. Et prioris quidem commentatio Gallico sermone prodiit hoc titulo: *Logica, siue ars cogitandi, in qua praeter consuetas regulas plurimae obseruationes nouae ad formandum iudicium facientes continentur*, huius libri prima editio *Parisiis* MDCLXIV lucem vidit, tanto autem philosophantium plausu et approbatione excepta est, vt decies recuderetur. Latinas quoque has artis cogitandi institutiones fecit anno MDCLXVI, CORNELIVS AB ACKERSDYK, qui cum Musis parum fauentibus in eo labore esset versatus, eo quod praecipue editionem primam quae valde imperfecta est, adhibuisset<sup>x</sup>, comparentibus editionibus Gallicis auctioribus, nouae quoque versiones Latinae apud Londinenses, Lugdunenses, inter Batauos, et Amstelodamenenses confectae sunt, quorum editiones nominat WALCHIVS<sup>a</sup>. Quos tamen labores se deterreri passus haud est Io. CONRADVS BRAVNIVS, quo minus nouam interpretationem Latinam libri praestantissimi moliretur, quae eo nomine reliquis praeferenda est, quia accessiones, quae paulatim in Gallicis editionibus comparuerunt, omnes continet, et praefationem luculentam praemisit celeberrimus Buddeus, in qua de historia logicae strictim disseruit<sup>z</sup>. Deberi hanc logicam portus regii fociis, de noua disciplinarum methodo tunc valde sollicitis, nemo hodie rerum literariarum tam ignarus est, vt nesciat, idque extra dubium positum esse putamus. Ast quem verum ex illa societate auctorem habeat, quis parens fuerit, qui obstetrices tantum manus accommodauerint, de eo inter rerum literariarum scriptores haud vna sententia est. Nonnulli enim Trignyo<sup>a</sup> alii Petro Nicolio, quidam Bonio<sup>b</sup> tribuerunt, LEIBNIZIVS<sup>c</sup>, rerum eruditarum sui temporis apprimae peritus Antonii Arnaldi opus esse retulit. Quae

*Ars cogitandi.*

E e e 2

senten-

u) loc. cit.

x) PRACCIUS Theatr. Anonym. p. 603.

y) l. c. p. 651.

z) Halae Sax. 1704. 1718. 8.

a) WALCH. l. c. p. 652. STOLL. Hist. liter. P. II. c. 2. §. 25. p. 443.

b) Menegiana T. I. p. 141.

c) Praef. ad Nizolium p. 37.

sententia *auctorem vitae Arnaldi* <sup>d</sup> a partibus suis stantem habet, qui diserte, horis, ait, a seuerioribus studiis vacuis virum acutissimum, praeter grammaticam rationalem et elementa Geometrica arti cogitandi infundauisse, hocque *παρέργω* taedia grauiorum studiorum leuauisse. Cuius si assertis standum haud est, subscribendum esse videtur marchionis DARGENSII <sup>e</sup> relationi, qui duos tresue ex hac societate viros doctos symbolas ad hunc librum conscribendum contulisse affirmat. Qua ratione et Arnaldus, cui sine dubio operis lineamenta atque stamina debentur, et Nicolius, et alii forte quoque de hoc opere logico condendo fuerint solliciti. In quo quamplurima vtilissima, et ad veritatem inquirendam, formandumque intellectus iudicium, euitandos eius naeuos, elicienda praeludicia etc. facientia contineri, ipsa nos elegantis libri lectio conuincit. Maxime dogmata de ideis, de methodo, deque praeiudiciis satis luculenter explicata, nouisque luminibus aucta *deprehenduntur*. Quae causa est, cur has institutiones non modo P. BAYLE <sup>f</sup>, acer ingeniorum censor lectori commendauerit, sed ascetas quoque suos diligenter legere iusserit IOANNES MABILLONIVS <sup>g</sup>. Dolendum autem, tractationem de praeiudiciis, quod obseruatum CHR. THOMASIO <sup>h</sup>, nec plenam nec planam satis esse, maluisseque auctorem in enucleanda propositionum et syllogismorum natura tanta subtilitate versari, quam haec omnia, cum exigui vsus sint, abiicere. Quem tamen et temporum istorum ratio excusat, quibus non licuit ea omnia tollere, quae velut pretiosi thesauri in scholis tradebantur <sup>i</sup>, et multorum post eum exempla laudant, qui in logicis versati omnem subtilitatem de propositionibus et syllogismis acerrimum cumularunt. Ille vel in eo solo laudandus est, quod naeuos logicae Aristotelicae egregie detexerit, et verbis magis eam, quam mentis ratiocinantis imaginibus inhaerere, ostendit. In quo viam ab eo stratum magno acumine postea pressit, qui *artem* quoque *ratiocinandi* vulgavit et Aristotelicam nuditatem detexit G. GER. TITIVS, IO. CLERICVS autem memoratu digniora ex hoc libro in *Institutiones logicas*, quas edidit, transtulit, vt supra notatum. Poscit autem lectorem disciplinae mathematicae haud imperitum, ob exempla ex illa petita, id quod nonnullis displicuit.

*Nicolai Mal-  
lebranchii  
vita.*

§. XIV. NICOLAI MALLEBRANCHII nomen in schola Cartesianorum, non modo propter singulare ingenii acumen, sed etiam propter nouas hypotheses, quibus logicam, metaphysicam, physicam et ethicam auxit et immutauit, celeberrimum est, et doctrinae laude valde commendatum. Eius vitam enarrauit more suo facundissimus FONTENELLIVS <sup>k</sup>, repetierunt scri-

d) Pag. 147.

e) Philol. du bons sens, Reflex. III. §. 2. p. 211.

f) Responf. ad Qq. Prouinc. T. II. p. 293.

g) De Stud. Monast. P. II. c. 9. S. 1. p. 416.

h) Cautel. c. 10. §. 9. p. 129.

i) Idque potissimum, quod in docenda iuuentute Iesuitas aemulabantur porrus regii focii.

k) T. II. Hist. du renouvellement de l'academie royale des sciences p. 208.

scriptores diariorum eruditorum *Actorum eruditorum* <sup>1</sup>, *Ephemeridum Belgicarum* <sup>2</sup>, *Memoriarum Triuultienfium* <sup>3</sup>, *Diarii Parisiensis* <sup>4</sup>, alii. Integram dare ex epistolis Mallebranchianis collectam promisit LONGIVS <sup>5</sup>, quae tamen vtrum lucem viderit, ignoramus. Faciemus paucis strictimque acutissimi philosophi notitiam lectori, cum tanta sit eius fama, vt indictum in hac nostra tractatione praetermittere nefas habeamus. Editus est in lucem Mallebranchius Parisiis VIII. id. Sextil. anno MDCXXXVIII, patre Nicolao, qui regi a secretioribus epistolis fuerat. Vltimum liberorum veletudine infirma et corpore valde imbecilli natum magna cura parentes educarunt. Cumque a natura dorso pectoreque incuruo esset efformatus, homines puer fugit, et scholam tantummodo adiit, nec alia forte, quam quaedam habitus corporis non satis pulchre effecti dispositio causa fuisse videtur, cur pingi se recusauerit <sup>6</sup>. Solitudinis autem ob dictas, vti videtur, causas amantior, viginti duos annos natus mense Ianuario anni MDCXL, congregationis oratorii sodalitis, positus artium et disciplinarum rudimentis, nomen dedit, totusque in studia incubuit. Et primo quidem Cointii consilio excitatus antiquitatibus ecclesiasticis et historiae sacrae rimandae se tradidit, veteresque scriptores ecclesiasticos nocturna diurna manu versare coepit. In quo studio etsi diligentiam adhibebat omnem, memoriae tamen infidelitate valde retardatus est, quae cito iterum ea dimisit, quae impressa prius fuerant. Ad aliud itaque studiorum genus, cui minus virtute recordandi opus esset, diuertere cogitans, Richardum Simonium, cuius tunc in ea congregatione magna erat eruditionis opinio, in partem curarum pertraxit, et eius suasu criticae sacrae se deuouere statuit. Cui dum pertinaciter quidem, ast non satis feliciter inhaeret, toti se, relictis tantum non studiis omnibus pietati colendae, expectandoque in silentio animi diuinae sapientiae lumini sacrificauit <sup>7</sup>. Ast fecit casus quidam inexpectatus, vt ad Cartesianam philosophiam deferretur, cuius postea post ipsum Cartesium praecipuus scriptor auctore sectae non inferior factus est. Nempe cum tabernam librariam praeteriret, a bibliopola CARTESII liber *de Homine*, tum recens editus ei oblatus est. In quo cum pauca obiter legisset, adeo perspicuitatis ab auctore seruatae lumine collustratus est, et scientiae haecenus sibi ignotae principia diligenter sparsa tanta aueritate inspexit, vt satiari non posset. Igitur emto libro illud non legit, sed legendo magis deuorauit, tanto ardore, vt cordis palpitatione interdum ex nimia contentione oborta correptus, legendi modum facere cogeretur. Ita incenso philosophiae insatiabili desiderio dimissis, quae haecenus respexerat, studiis omnibus, philosophiam vnā insigni diligentia amplexus non modo est,

Ee e e 3

sed

1) 1716. p. 232. seqq.

m) Maerdelyke Vittrekfels 1719. Mai. art. 5.

n) 1716. Oct. art. 3. o) 1716. Ianv. art. 11.

p) Nou. lit. Lipsf. 1719. p. 818.

q) Inuito tamen effigies expressa est, Nou. lit. Lipsf. 1716. p. 306. praefixa est Bibliothecae, Germanico idiomate editae P. XLV.

r) MARVILLE Melanges T. I. p. 25. edit. rec.



sed etiam omnibus aliis praetulit, ratus, nec criticam artem nec historiā tenuisse protoplasten, ast sapienter meditatū sapientissimū fuisse, hancque sibi doctrinā cupiendam esse. Vnde hunc reliquarum disciplinarum contemptum vel neglectum potius improbantibus respondit, non se meliorem eruditionem, quam quae Adamo adfuerit, cupere. Ab eo autem tempore ita se profundissimae meditationi immerfit, ut ad eas sententias delaberetur, quas entusiasmo esse proximas nonnulli iudicarunt. Totum autem decennium explorandae Cartesianae philosophiae, et meditationi tribuit, tam insigni acutissimi ingenii, magna iudicandi solertia adiuti vigore in mysteria Cartesiana penetrando, ut Cartesio minime inferior esse iudicaretur. Ita vero doctrina philosophica collustratus ad scribendum se accinxit, cumque in inquirendae veritatis studio cardinem omnis philosophiae verti, hanc autem intellectus culturam non satis et prout decebat, a Cartesio traditam esse cerneret, ad explicandam novam intellectus emendandi, et ad inquirendam veritatem formandi artem curas atque meditationes suas conuertit. Explorato itaque vnionis inter animam et corpus, itemque inter animam atque Deum intercedentis mysterio, quae impedimenta inquirendae veritatis, quaeque errorum semina ex sensationum et passionum caterua oriantur, quid natura anima sit, quidue valeat, quibus viribus incedere possit, ut ad veritatem perueniat, describere statuit. Inde exortus famigeratissimi scriptoris foetus, qui *de Inquirenda veritate* inscribitur, et cuius postea summa capita tangemus. Cuius primus liber anno MDCLXXIII prodiiit, secundus tertiusque anno MDCLXXIV, quem vero quotannis fere lambere, emendare, illustrare, et perficere, acutissimus auctor studuit: vnde plures editiones enatae sunt, semper pleniores et emendatiores, perfectissima autem ea est, quae paucis ante auctoris obitum annis MDCCXII, quatuor voluminibus, prodiiit. In hac vero logica, (huius enim scientiae perficiendae curam in ea tractatione auctor suscepit) Cartesianis quidem principiis utitur Mallebranchius, ast iis multa noua inaedificat, multa non Cartesianae tantum sed et Platonice disputat, multa a communi via discedentia affert. Et imprimis imaginandi facultatem, vires, corruptionem, et impedimenta intellectui inde enascentia luculentis depingit coloribus. Quae omnia cum eleganter dicendi genere viuo, acuto et florenti exponeret, et abstrusas metaphysicae cogitationes pulcherrimis dictionis luminibus illustraret, qua ratione scilicet aridas speculationes lectori commendari posse credebatur, dici vix potest, quantum plausum liber subtilissimus nactus sit: adeo ut non modo aliquoties, ut dictum, recuderetur, et Latine quoque a cel. L'ENFANTIO legendus exhiberetur, sed et haud pauci essent, qui

a) Vid. I. G. PRITII Diss. de Enthusiasmo Mallebranchii.

c) Vid. Praef. inquir. verit. Habebat autem Augustinum ducem.

a) Intelligent hoc, qui eius hypothese de origine idearum cum Platone comparauerint.

x) MARVILLE I. C. T. III. p. 434.

y) Etiam Belgice, sed non satis feliciter conuersus prodiiit, Nou. lit. Lips. 1719. p. 549.

qui in opiniones Mallebranchii pedibus irent, vnde postea sectae Mallebranchianae <sup>2</sup> nomen in Cartesii schola auditum est. Valde autem φιλοσοφούμενα Mallebranchii commendabat D. Augustini auctoritas, quam nouae hypothesei de origine luminis intellectus, quod in ideis fulget, quodque ex immediata DEI perceptione deriuabat, praefixit <sup>3</sup>, cum hac ratione tanto doctore praeunte pulchrius magisque pie philosophari crederetur, nihilque esset in dogmatibus Cartesianis, quod non hypothesei huic posset applicari. Et has potissimum causas esse putamus, cur liber ille tam auide receptus a multis sit, licet adeo subtiliter scriptus, vt a paucissimis intelligeretur, et opinionum nouitas et subtilitas fere incomprehensibilis obstaret auctori, quo minus more apud Parisienses recepto, teste MARVILLIO <sup>4</sup>, censorem reperiret. Mirum itaque non est, cum vix prodiiisset, fuisse nonnullos, qui quaedam atro carbone notarent, inter quos imprimis fuit Foucherius <sup>5</sup>, cui respondit Robertus des Gabets <sup>6</sup>, et post hunc Antonius Arnaldus, qui omnium acerrime cum Mallebranchio, licet amico prius, congressus est. In quibus virorum acutissimorum controuersiis adeo subtiliter de abstrusissimis argumentis metaphysicae disputatum est, vt non defuerint viri eruditi primae notae, qui se parua horum omnium, vel libri illius, qui lites istas genuit, vel totius controuersiae potuisse comprehendere, Mallebranchium nubes petere et μετεωρίζεσθαι, totam autem pugnam inter nugas, magorum spectra et lemures producentium referendam esse confessi sint <sup>7</sup>. Maxime vero lis enata, cum de origine idearum differens Mallebranchius, videre nos rerum omnium ideas in Deo asseruisset. Ex hac enim hypothesei quae intimam animae cum Deo vnionem supponit, orta illi occasio peculiare systema de natura et gratia condendi, quod eum cum Arnaldo acerrime commisit. Non est nostri instituti locique enarrare, quibus inter se libris, quibusque rationibus de utroque argumento disceptauerint duumviri eruditissimi, illud enim ad specialem logicae historiam pertinet, hoc ad historiam dogmaticam doctrinae reuelatae et annales ecclesiasticos spectat. Et quod ad istam de origine idearum controuersiam attinet, pleraque satis prolixè alibi <sup>8</sup> enarrauimus, ad quem locum eos, ne prolixitate nimii simus, ablegamus, qui subtilis, et si quid iudicamus, otiosae et inanis controuersiae historiam scire cupiunt. Systematis de natura et gratia fata, libros atque, id concernentia, quibus nec Iansenii nec Molinae sectatoribus Mallebranchius placuit, enarrat celeberrimus PFAFFIUS <sup>9</sup>, qui videndus. Conferri autem merentur, quae elegantissimus DANIEL <sup>10</sup> in

2) Accessit et nomen quoque Meditabundorum.

a) Vid. Trois lettres contre Mr. Arnaud p. 14. Hist. de ideis p. 256.

b) T. III. p. 186. qui ex Mallebranchii ore hoc tradit.

c) Edidit is Gallice criticum examen artis inquir. veritatis.

d) Is Criticam criticae Foucherianae opposuit.

e) Mengiana T. I. p. 258. T. II. p. 389.

f) In Hist. phil. doct. de ideis Sect. III. §. 2. p. 256. seq. Conf. Vita Arnaldi p. 189. seqq.

g) Primar. Tubing. T. I. p. 209. add. BVDDEVS Inogog. p. 671. 1266. Cat. bibl. Reimmann. T. I. p. 738. FABRIC. Syllab. script. de V. R. C. c. 16. p. 405.

h) P. III. p. 202. Vers. Lat.

in *Cartesii itinere per mundum* de his controuersis differit: quamuis enim, ut Societati Iesu adscriptus erat, minus faueat Arnaldo, multa tamen tangit, quae *avēdora* huius controuersiae et arcanas circumstantias detegunt. Factum autem istis hypothesebus, ut non multum ab enthusiasmo<sup>i</sup>, vel etiam a Quackerorum<sup>k</sup> illuminatione immediata abesse videretur, quo iure, quae iniuria? nostrum non est dispicere. Ex hoc vero dogmate de vnione animi cum Deo, arctiore illa, quae animae cum corpore intercedit, quod genuinum fundamentum est omnium hypotheseum Mallebranchii<sup>l</sup>, de origine idearum de concursu gratiae, et similium, quae per inquirendae veritatis opus sparsit, multisque postea libellis defendit, auxit, comisit et poliuit; enatum quoque systema caussarum occasionalium, quod deserto systemate assistentiae a Cartesio stabilito, amplexus est<sup>m</sup>, quo inter Cartesianos spurios a GVSSETIO<sup>n</sup>, ANDALA<sup>o</sup> aliisque relatus est. Cuius summam cum supra tetigerimus, dicta otiose nolumus repetere. Ita vero factum, ut cum multas sibi singulares opiniones de visione Dei, quae contingit menti, de natura substantiae intelligibili, de extensione intelligibili, infinita in Deo, et similibus concepisset, mox fanaticismi, mox Spinocismi<sup>p</sup> accusaretur, et adeo suspectus haud paucis fieret, ut libri eius in Gallia vendi prohiberentur, et quod P. BAYLE<sup>q</sup> refert, vix apud Batauos editorem reperirent. Ast non affecutos fuisse aduersarios Mallebranchii subtilitates acutissimi philosophi clamauerunt post Mallebranchium ipsum<sup>r</sup> eius fautores, contenderuntque, pie magis atque sobrie eum sensisse. Nec morose refragabimur, si quis dicat, virum nimia subtilitate modum excedentem, incommodis sensa animi vocibus expressisse, nec ea omnia stricto et rigoroso sensu sumenda esse, quae magnam ei inuidiam apud haud paucos confluxerunt. Interim nemo tamen negauerit, qui Mallebranchianas hypotheseas attente considerauerit, ipsas quoque opiniones Mallebranchii plane singulares esse, nec facile probandas. Non enim in logica tantum atque metaphysica, sed in naturali quoque et morali philosophiae parte abundum sibi ab aliis esse censuit, nec assentientes reperit adeo multos statuendo, Deum in creatione omnia praeformantem, omnium motuum, qui in creaturis obseruantur, vnicam eandemque im-

media-

i) PRITIVS l. c. BVDDEVS l. c. p. 246.

k) VOLTAIRE Lettre II. sur les Anglois p. II.

l) Id ex Praef. operis de I. V. luculenter patefcit.

m) Ludouicum de la Forge hoc Systema primum post praelusiones Suarezii produxisse, supra obseruatum, in maiori autem luce posuit Mallebranchius, cum hypothesebus suis valde fauens deprehendisset.

n) In caussarum primae et secundarum reali operatione, Leou. 1716. 4.

o) In Cartesio Spinozismi euerfore. add. P. TR. DE VILLEMANDY de Efficacia caussarum secundarum Lugd. Bat. 1686. Conf. cel. HOLLMANNVS Phys. P. I. c. 4. §. 209. not. o. p. 244. Pneu-

matol. c. II. §. 80. not. a. p. 159. seqq. vbi etiam alios Systematis caussarum occasionalium fautores nominat.

p) Conf. Recueil de pieces de la philos. de Newton, Clarke, Leibniz. Tom. II. p. 217. 432. Cat. Bibl. Reimmona. p. 999. POIRETUS Oecon. Diu. L. I. c. 23. §. 1. p. 328. ARNAUD Diss. contre un eclarcissement du traité de la N. et Gr. SOUVERAIN Platonisme dévoile P. I. c. 8. pag. 74 seq.

q) BAYLE Lettres T. II. p. 221. 227. ed. Marchand.

r) Reponse a une Dissert. de Mr. Arnaud contre l'eclaircissement. Facile ab Atheismi culpa liberat Philosophum L. H. c. 2. Inq. Ver.

mediatam causam esse: quaecunque sint in mundo, esse aut substantiam aut modum existendi, extensionemque ad notionem substantiae requiri, materiam in infinitum diuisibilem, quauis parte sua multas alias substantias comprehendere; quemuis materiae vorticem ex aliis minoribus vorticibus constare, et quae aliae *κυρία δοξαί* viri celeberrimi fuerunt, quae eum cum multis viris doctis commiserunt. Praeter Arnaldum et Foucherium enim ingenii calamique aciem in eum acuerunt Regisius, Lamius, Fenelonius, Leibnizius alique, qui hypothesein logicam de origine idearum examinarunt, alibi <sup>v</sup> laudati. Maxime vero qui ex eius disciplina prodiit Societatis Iesu alumnus P. DU FERTRE systema Mallebranchii euertere singulari tractatione <sup>v</sup> conatus est, quem vero non ex sua, sed superiorum voluntate scripsisse, et nec intellexisse satis, nec candide retulisse mentem et opiniones Mallebranchii, multa quoque peruertisse alii conquesti sunt <sup>v</sup>, aliquot autem epistolis pro Mallebranchio respondit Mironius. Eleganter vero in hoc argumento versatus est magnus Leibnizius, qui in epistola quadam ad Remondum <sup>v</sup>, refutationem Tertrianam considerando, quid culpari in hypotheseibus Mallebranchii, quid excusari, quid tolerabiliiori sensu explicari ferrique queat, luculenter ostendit. Quae epistola ab iis legenda est, qui iudicium sobrium et accuratum, vt sunt Leibniziana omnia, de Mallebranchii opinionibus cupiunt. Quae cum in omnium manibus sit, ea, quae vir summus moderate et erudite attulit, heic in compendium mittere breuitatis studiosi omittimus, et lectori expendenda relinquimus, intelligi autem nequeunt, nisi a Leibnizianarum hypotheseum perito, eo quod animaduersiones suas vir illustris illis more suo attemperauit, vt id in *Examine principiorum Mallebranchianorum* <sup>w</sup>, similiter ab eo factum est. Patebit autem ex his obseruationibus, multa mitiores sensus pati, quam verba fundunt Mallebranchii. Quod an de iis quoque valeat, quae eius notioni de extensione, dogma de transsubstantiatione euerterenti, a Iesuitis obiecta sunt, et an defendi possit, quod non nemo fecit <sup>x</sup>, illis excutiendum relinquimus, quorum interest, dogma hoc cum philosophia conciliare, et obiecta *ἀνίστατα* soluere. Neque tamen inter tot obiectiones defuere Mallebranchio sectatores et affeculae, qui in aedibus virginis de Vailly, quae consanguinitate Mallebranchium attingebat, conuenire solebant, vt ductoris sui hypotheses atque dogmata inter se illustrarent <sup>y</sup>. Fuerunt quoque nonnulli eorum, qui pro Mallebranchianis sententiis pugnarunt, inter quos eminere Mironius <sup>z</sup>, Montagnolius, Cotelanus.

<sup>v</sup>) Hist. de Ideis l. c.

<sup>v</sup>) Refutation du nouveau Systeme de Metaphysique, composé par P. Mallebranche, quae in plerisque Ephemeridibus anni 1715. et 1718. recensetur.

<sup>u</sup>) BERNARD. Nouv. de la rep. des lettres 1717.

<sup>v</sup>) Recueil T. II. p. 326. seqq.

<sup>w</sup>) l. c. p. 211. seqq.

<sup>x</sup>) Vid. Europe savante 1718. Juin. art. 5.

<sup>y</sup>) ARCHIMEAVID Recueil des pieces fugitives T. III. art. 6.

<sup>z</sup>) Vid. Europe savante 1718. Juil. art. 7. 1719. Dec. art. 7. 1720. Avr. art. 10. Juin. art. 4. Juil. art. 4. Août. art. 7.

telanus. Inuenti etiam sunt, qui celeberrimum Cameracensem archiepiscopum Fenelonium, cuius tamen de amore puro hypothesein Mallebranchius refutauerat, et contentionis ferram cum eo reciprocauerat, in suspicionem adducerent, ac si clam ad eius partes transisset, qui tamen perperam id de se dici et iniuriam sibi fieri publice professus est<sup>a</sup>. Scripsit haud pauca vir acutissimus, quorum indicem exhibet FONTENELIVS<sup>b</sup>, in quibus profunditatem meditationum acumen ingenii supra modum extensum, imaginationis vim atque lumen, et ardorem quandam valde cum elegantia emicantem prodidit, ast quae obscura et difficilia intellectu faciunt hypotheses singulares, abstractae, et subtiles et dicendi quaedam atque exprimendi cogitationes consuetudo metaphysica, nouis notionibus lectoris sensus refugiens. Quam imaginationi luxurianti et ferocienti interdum fuisse iunctam a Mallebranchio, (qui tamen hunc intellectus morbum mira felicitate confodit,) vti valde mirum et insolens est, ita vtrum excusari praetextu condimenti iucundioris possit, vt ipse ea de re monitus facere solebat<sup>c</sup>, aliis excutiendum relinquimus. Ceterum laudatur vir praestantissimus ob pietatem, morum honestatem, animi candorem, ingenii elegantiam et doctrinae soliditatem<sup>d</sup>, qua meruit inter academiae regiae scientiarum socios referri. Nam et in philosophia eminebat, et rerum theologicarum cognitionem admodum profundam sibi comparauerat, et matheos mysteriis erat accurate initiatus, et scribendi dicendique amoenitatem aridissimis metaphysices argumentis apte iungere nouerat. Vnde inter ornamenta seculi nostri etiam ab iis relatus est, quibus haud paucae opiniones eius displicuerunt. Obiit LXXVII annos natus anno MDCCXV, III. id. Octobr. non sine iactura orbis philosophici.

*Summa libri  
de inquiren-  
da veritate.*

§. XV. Auxisse philosophiam rationalem obseruationibus suis Mallebranchium, omnino fatendum est. Licet enim ratiocinandi praecepta omnia describere nunquam in animum induxerit, fundamenta tamen rationis, intellectus naturam morbosque, veritatis inquirendae studium sufflaminantia, media ea euitandi viamque, id est, methodum in perquirenda veritate obseruandam selectis animaduersionibus explicare conatus est. Hinc exposita ex sententia Cartesii (hanc enim fundamenti loco ponit) intellectus et voluntatis huiusque libertatis ratione, natura atque indole, iudicandi et ratiocinandi facultatem voluntati, magistrum secutus tribuit, et quo pacto libertas ad eam rite adhibendam in partes vocanda sit, ne sequatur vel error, vel peccatum explicat, et euidenciam quam maxime commendat. Erroris autem fontes praecipuos sibi enarrandos sumens, in abusu libertatis errorum, qui sensibus imputari solent, fontes quaerit, et

a) Conf. Nou. lit. Lips. 1715. p. 385.

b) Iunctim edita esse Parisiis indicatur in Nouis lit. Lips. 1723. p. 627. Conf. BAYLE Tom. I. Lettr. p. 186. c) MARVILLE l. c. p. 435.

d) Eleganti Oda vitam et doctrinam Malle-

branch. commendauit illustis A. F. DESLANDES, quae integra inserta est Nouis liter. Lips. 1715. p. 481. seq. praestitisse Cartesio, ingenio metaphysico, et scribendi elegantia iudicat LEIBNIZ. Ot. Hannou. p. 165.

et quo pacto illi occasione sensuum fere omnium enascantur, magna subtilitate et non sine ingenio profequitur, et imprimis errores circa extensionem, motum, aliaque phaenomena materiae Cartesiana principia secutus detegit, inque his explicandis optices atque mechanices principiis utitur. Errores autem circa qualitates sensibiles denudaturus, quid anima, quid corpus agat in sensationibus producendis, quid obiecta in corpus eiusque fibras agant, quae sensationum indoles et experientia sit, et quo pacto innumera falsa iudicia cum illis sequantur, quae genuini errorum fontes appellandi sint, curiosa explicatione enumerat. Idque exemplis principiorum inde deriuatorum, qualia sunt differentiae specificae, formaeque substantiales, aliaque spectra scholastica, illustrat, immo ex morali doctrina quoque lucem affert, exque errore animae circa bonum: physicos etiam errores de natura et qualitatibus corporis huc reuocat. Tum amplissimum explicandae facultatis imaginandi campum ingressus, docta et acuta tractatione, de eius natura et indole, de spiritibus animalibus eorumque motu, mutatione eiusque causis ex aëris, nervorumque dispositione agit, quidque memoria sit, quid habitus, quae cerebri cum reliquis corporis partibus connexio et influxus in intellectum et voluntatem enarrat, et qua ratione imaginatio ex matris temperamento, ex educatione, nutritione, conuersatione alteretur varieque afficiatur, depingit, imaginationis quoque conditionem in feminis, viris, senibus tradit, quaeque in imaginando consuetudinis vis sit, quae auctoritatis inde enascentis, quae lectionis ineptae et praeposterae, quae opinionis noui systematis efficacia in producendis erroribus eleganter edisserit, et quosdam timiditate, alios cognitione superficiali, nonnullos auctoritatis veneratione, aliquos experientiae fiducia in errores prolabi probat. Eodem autem libro, qua ratione imaginatio fortior aliquo contagio alios inficiat, et in errores rapiat, non sine ingenio delineat, et iucundis atque eruditis exemplis Tertulliani, Senecae, Montani, quin et magorum illustrat. Tum libro tertio ad contemplandum intellectum purum progressus, cogitationem solam esse menti essentialem contendit, eam autem limitatam esse, nec infiniti capacem obseruat, indeque multos errores et haereses oriri notat, et dissipatos inde philosophorum animos considerare iubet, quemadmodum e contrario geometras iustis methodi limitibus constrictos non tam facile falli putat. Qua occasione logicam Aristotelis reprehendit, eo quod vires intellectus obtundat atque minuat. Multos autem errores ab inconstantia voluntatis in inquirenda veritate, inclinante magis, ad sensationes quam ad ideas puras repetit, et imprimis morum inde corruptionem sequi statuit. Vbi ansam capit species ab obiectis materialibus emissas iugulandi, animaeque facultatem producendi ideas denegandi, quin et productionem idearum a Deo immediate factam, ideasque nobiscum creatas explodendi, sicque sibi viam parandi ad palmariam, quam delegerat sibi, hypothesin asserendam: omnes nos res videre in Deo.

Quod qua ratione fiat, ideam de Deo, de corpore, de anima, de spiritibus puris concipiendo explicat, et ex idea vaga entis in genere considerata, quae intime homini praesens fit, plerosque errores philosophicos oriri statuit, idque exemplo essentiae materiae illustrat, quam Cartesii vestigia premendo in extensione sitam esse contendit. Vltimam vero errorum causam in eo ponit, quod cuius ideam nullam intellectus habet, id non putet existere, adeoque ex praesentibus ideis de rebus tantum iudicet, id quod exemplis ex natura philosophiae petitis manifestius facit, et ex morali disciplina in eundem finem nonnulla adducit. Quarto libro de inclinationibus siue commotionibus mentis acturus, earum originem et necessitatem tum naturam mouendi se versus bonum in genere detegit, et inde haud paucos errores, ob inquietam voluntatem oriri docet. Speciatim autem sciendi cupiditatem ad veritatem inquirendam esse necessariam, atque regulis et limitibus in ordinem cogendam monet. Tum desiderium amoris proprii in partes vocat, et qua ratione ex cupiditate vel honoris et existimationis, vel voluptatis, veritatis, impedimenta enascantur delineat, cupiditatem quoque sciendi et inter eruditorum choros sine merito comparendi huc trahit, et de eruditis apparenter talibus, et pseudo-doctis multa eleganter obseruat, tum speciali tractatione inclinationes ad scientias practicas et speculativas intuetur, ostensurus, quo pacto ex iis veritati obex poni possit, et quos effectus futuri mali vel boni cogitatio in animo habeat. Tertiam animi commotionem in amicitia ponit, quam ad errorem haud raro seducere notat, et hoc pacto intellectus morbos profunda tractatione detegere satagit. Libro porro quinto, quid *πάθος* affectusque animi in inquirenda veritate valeant, quid sint, quo effectu gaudeant, quibus mutationibus corpus animumque afficiant, et qua facilitate in errores nos coniciant viuus coloribus depingit, mentis autem perfectionem in vnione cum Deo mediante veritatis cognitione et virtutis amore statuit, imperfectionem a dependentia a corpore eiusque sensibus et passionibus deriuat. Tum ad specialem passionum explicationem progressus admirationis naturam, effectum et damna, sed vtilitatem quoque modumque rectum considerat, idem de amore et odio eorumque speciebus primariis agit, et quo pacto falsae sint affectuum excusationes et apologiae enarrat: eos autem, qui malum auersantur esse periculo viciniore et iniquiores, qui cognitione antecedente carent, esse fortiores animaduertit. Cumque hac prolixa tractatione ab erronea via mentem liberasset, tum ad rectam inquirendo veritatem semitam eam ducere libro sexto nititur, expositurus media, quibus euidentia in inquirenda veritate conseruari possit, et quibus bonae methodi regulae absoluantur. Refert huc, et prolixè explicat attentionem, ab ipsis passionibus excitatam et suffultam, imaginationis vsum, algebrae et arithmeticae necessitatem ad augendam intellectus capacitatem, tum regulas bonae methodi, quas non modo claras et perspicuas reddit, sed exemplis quoque philosophorum, qui

qui eas vel neglexerunt vel obseruauerunt illustriores facere laborat. Quo loco ei occasio enata est, *accurationem philosophiae Cartesianae* maximo-pere extollendi, *confusionem vero Aristotelicae* sugillandi, tum ordinem cognitionis acquirendae inculcandi, et vsum eius in quaestionibus particularibus ostendendi. Quae materiam ei prae-buerunt complura problema physica more suo secundum hypotheses vel Cartesianas communes, vel proprias explicandi.

§. XVI. Sufficit brevis operis acuti et ingeniosi *διάρθρωσις*, vt intelligatur, praeclare de rationali philosophia meruisse Mallebranchium, et obseruationibus eam pulcherrimis auxisse, multaque esse, quae maximas laudes mereantur. Idque non ad ipsum, quod tractandum sibi sumserat, argumentum dumtaxat, sed ad ea quoque pertinet, quae ex omni philosophicarum scientiarum orbe illustrationis causa addidit. Ast esse quoque naeuos in eo haud paucos, partim scholae Cartesianae communes, partim proprios, nemo a partis studio alienus facile negauerit. Non colligemus hoc loco vel censuras virorum doctorum, vel obiectiones aduersariorum, vel encomia sectatorum Mallebranchii, haec enim alia otia, alium locum postulant. In compendio tantum, lectoris in gratiam ea referemus, quae Ven. REIMANNVS <sup>e)</sup>, qui more suo attento liberoque animo librum egregium examinavit, et ordinis causa in tabulas redegit, laudanda et reprehendenda esse censuit, eo quod cuncta strictim sit complexus, vt habeat lector monitorem, ad quem in adhibendo inter legendum proprio iudicio subinde respiciat. „Laudat is in auctore ingenii lumen et „acumen, meditationes profundas, singulares et minime quotidianas, peritiam in physicis, ethicis, mathematicis, *παρρησιας* in taxando cultu superstitioso creaturarum, et commendando cultu interno, inque erroribus philosophicis detegendis; tractationem de imaginatione perpulchram, „stili rotunditatem, viuacitatem, elegantiam et *ἐνέργειαν*, abesse iussas allegationes fatigantes, scopumque laudabilem, Deum vbique agnoscendum, „honorandum, amandum exhibendi, homines imbecillitatis et ignorantiae conuincendi. Vituperat autem pruritum nouandi philosophiam et „theologiam, et principia eiusmodi statuendi, quae lectorem non possunt „non deducere ad Spinocismum, nimiam erga foetum suum *σοφην* et libidinem lambendi, formandi, reformandi, vindicandi, fastidium elegantiorum scientiarum, studium reprehendendi viros in sua arte celeberrimos, Heuelium, Sauilium, Tertullianum, Senecam, Bochartum, „Montanum imaginationis vim contagiosam in ipsius praecepta peccantem, meditationem nimis metaphysicam, et oestrum comparandi sibi „famam et condendi nouam in philosophia sectam meditabundorum. „Maxime vero improbanda esse dogmata falsa, monstrosa, perniciofa et ad „atheismum indirecte ducentia monet, qualia sunt: Deum esse omnia,

*Iudicium de  
Mallebranchii  
hypothesibus.*

Ff ff 3

„crea-

e) Cat. Bibl. suae p. 999. Conf. Hist. atheismi P. II. c. 5. §. 23. p. 485.



„creaturas nihil: omnia extensa esse substantiam DEI quatenus creaturas  
 „repraesentat; mundum esse inuisibilem, Deum autem a nobis videri,  
 „ideas esse substantiam Dei figurarum forma inductam, Deum esse, qui  
 „in anima hominis omnes motus, actus, ideas, desideria producat, qui  
 „vera omnium causa sit, quae ea producat, cum reliqua occasiones sint  
 „tantummodo voluntatis suae exequendae. Modificationes animae nullatenus  
 „repraesentatiuas esse posse, voluptates sensuum mentem actu felicem  
 „reddere, natura nullam dari certitudinem firmam atque inuincibilem ex-  
 „istentiae corporum, et distinctionis inter phantasmata et extensionem  
 „Dei veram repraesentatam: Naturam agentem, qua talem, esse merum  
 „nihil; ideas sensibiles esse Deum figuris repraesentatum, dari extensio-  
 „nem intelligibilem. Nec placet viro doctissimo, quod orationis floscu-  
 „lis dogmata quasi sepeliuerit ad fascinandum lectorem; quod rem saepius  
 „repetiuerit eandem, nonnulla alieno, nec suo loco, multa ambigua,  
 „obscura, manca et contradictoria attulerit; quod plura destruxerit quam  
 „aedificauerit, non tam de inquirenda veritate, quam de vitandis errori-  
 „bus tractans. Quod non laudauerit, per quos profecerit, maxime Ba-  
 „conum, quem sexcenties exscripserit; quod phaenomena omnia naturae  
 „a voluntate diuina deriuauerit, sicque perpetua miracula supponat: quod-  
 „que famam suam ruinis aliorum inaedificare annis sit, et ideo ab omni-  
 „bus cogitationibus vulgaribus recesserit, ut ingenii rari et extraordinarii  
 „quale ipse depingit <sup>f</sup>, laudem consequeretur.“ Haec Reimmannus,  
 cuius censuram neque subscribimus, neque eam reuicimus, sed compara-  
 tionem lectoris ex integro permittimus, attamen aequitatem et amorem in  
 ferendo iudicio commendamus, quibus haud pauca in Mallebranchio posse  
 excusari, et meliori sensu explicari, nonnulla ferri, reliqua modeste reii-  
 ci, sumus certissimi <sup>g</sup>.

*Tschirnhan-  
senii merita  
de rationali  
philosophia.*

§. XVII. Quod in Gallia tentauit Mallebranchius, paulo post in Ger-  
 mania suscepit EHRENFRIED GVALTHERVS DE TSCHIRN-  
 HAVSEN, vir non minus acutissimo ingenio magnaue rerum mathe-  
 maticarum peritia quam sanguinis nobilitate illustris, cuius vitae historia  
 in annalibus disciplinarum mathematicarum enarranda est <sup>h</sup>, satis autem  
 de eius circumstantiis atque meritis, dabit disertissimus FONTENEL-  
 LVS <sup>i</sup>. Is cum profundiori meditatione instituta comperisset, praeter  
 notitiam philosophiae vocabulariam pariter atque historicam, realem quo-  
 que requiri, quae in ipsos naturae rerum recessus penetret, veritatisque in-  
 ueniendae apta sit, quaeque, ut in mathesi algebram facere nouimus, quid  
 occultum sit in philosophia, et tamen sub intellectum cadens, certa et  
 constanti methodo in lucem potius sit deducere; ad eiusmodi artem inue-  
 niendi,

f) Lib. VI. c. 8.

g) Comparanda cum his, quae LEIBNIZIUS  
 et MIRONIUS II. cc. attulerunt, qui mitiores sen-  
 sus Mallebranchianis paradoxis tribuunt.

h) Prodiit eius Vita Germanice, Gorlicii 1709.  
 12. Conf. Bibl. nou. T. I. p. 328. obiit m. Oct.  
 1708. 58 annos natus.

i) Hist. du Renouellement de l'acad. des sci-  
 ences T. II.

niendi, velut praeclarissimum intellectus humani munus, declarandam cogitationes suas conuertit. Quod consilium certe laudatissimum, ita se exequi posse putauit, vt philosophiam quandam primam, quam alii metaphysicam vocant, ipse potiori iure logicam, vel medicinam mentis vocauit, delinearet <sup>h</sup>, quae ea exhiberet omnia, quae homini, cui seria sapientiam sibi acquirendi mens est, omnium prima cognoscenda veniunt, doceretque, qua ratione veritatem per se ipsum certo acquirere, passionnes suas sapienter moderari, sanitatem vtut diaetam bonam non adeo exacte sequi possit, conseruare liberos prudenter educare, et similia possit. Quem finem obtineri posse sperabat haud difficulter, si primo exploretur, quatenam inter infinita hoc in mundo occurrentia negotia omnium optima sit occupatio, quae prae ceteris eligenda sit? quam esse statuit studium acquirendae veritatis per se ipsum: deinde si quis conuincatur, nihil magis ad id esse necessarium, quam ipsam methodum veritatem infallibiliter detegendi: sique tertio in hac incognitas veritates detegendi methodo, primum exponatur, quid verum quid falsum sit, et quomodo vnum ab altero discerni queat, et quo modo quaeue via de veritate ad veritatem cognitio nostra semper et absque fine extendi possit: tandem quibus mediis quoque modo impedimenta remoueri queant, quae methodum acquirendi veritatem planam reddere et facilem prohibeant. Quae si rite fuerint cognita, dari tunc posse regulas statuebat, quibus infinitis obiectis illa methodus applicari, et ad ea extendi possit. In hunc itaque modum medicinam mentis siue logicam quandam vniuersalem formandam tradendamque esse apud se reputans, diligenti meditatione perficere opus, quod animo formauerat, constituit. Ne vero vlla in re falleretur, attente circumspēctaque praecauens talia principia assumenda esse censuit, quae omnium, etiam Scepticorum iudicio essent certa et indubia. Qualia sibi esse ait: se variarum rerum conscius esse, se bene a quibusdam, a quibusdam vero male affici; quaedam a se posse comprehendere, quaedam nullo modo posse concipi suiue respectu esse incogitabilia: tandem, se variis sensuum externorum, itemque imaginum internarum et passionum ope aduertere. His enim quatuor principiis, ceu totidem columnis totum humanae cognitionis aedificium inniti credebat, et hoc pacto viam se sternere posse planam atque rectam ad inueniendam veritatis et felicitatis media sibi promittebat. Ita enata illustri auctori *Medicina mentis siue artis inueniendi praecepta generalia*, quae primo quidem, *Amstelodami* <sup>l</sup> deinde auctiora et emendatiora *Lipsiae* <sup>m</sup> prodierunt. In quo libro magna subtilitate auctor ingenti ingenii vi praeditus versatus est, cumque rerum Geometricarum et arithmeticarum esset peritissimus, eius problemata, ad illustranda praecepta sua magno numero adhibuit, in id connitens <sup>n</sup>, vt

viam

h) Haec omnia fuisse in Praef. Medicinae mentis prosequitur.

l) 1687.

m) 1695. cui addita Medicina corporis, quam

observationibus illustrauit EL. CAMERARIUS in Medic. recent. conciliatrice.

n) Pag. 290. seqq.

viam quandam facilem aperiret, qua quisque per se ipsum summam perfectionem, cuius homines lumine naturali capaces esse videntur, assequi et habitum sibi comparare possit, veritatem in omnibus rebus proprio Marte detegendi, ac proinde quid sibi sit utile, aut quid noxium sit discernendi. Ad quem finem egregium obtinendum, necessarium esse vidit, ut clare ostenderet, non modo, quid sit faciendum, vel omittendum, sed etiam quo modo. Ita vero intermedia sibi via opus esse iudicavit, inter viam, quae a priori per solas rationes omnia deriuat, et quae a posteriori sola experientia utitur; ita ut a posteriori incipiatur, tum vero in progressu omnia tantum a priori deriuentur, et ubique per evidentem experientiam cuncta confirmentur, hocque eo usque continuetur, quousque denuo ad primam experientiam, quae assumpta fuit, reditus fiat. Experientiam ideo facilem, nullis expensis obnoxiam, errori nulli subiectam, id est, illam quae in nobis sit et existit, initio quaerendam statuit, quae nos docet, et nostri, et aliarum rerum nos esse conscios, id est, cogitare, in quo asserendo ita a Cartesio dissentit, ut non hoc sit principium siue res notissima a priori, sed experientia prima et euentissima, qua conuincamur, cum talia corpori nemo attribuat ad solam hoc mentem pertinere sui consciam. Ex quo experientiam secundam deriuat, quam fundamentum totius nostrae felicitatis esse contendit, quaedam nos bene, quaedam male afficere, quam ab ipsa Scepticorum ἀταραξία ultimoque scepticismi fine roborari recte obseruat. Eam autem mentis operationem, quae bene afficientia appetit, male afficientia auersatur, voluntatem esse ostendit. Tertiam experientiam ex eo sumit, quod animaduertat, nihil constantius et melius nos afficere, quam acquisitionem veritatis, indeque totius humanae certitudinis fundamentum, quod sine conscientiae pudore nemo negare possit, oriri, quod quaedam concipere possimus, quaedam non, inde enim veritatis certam normam, et intellectus ideas, et similitum naturam indolemque facile posse cognosci. Cum autem alia magis, alia minus fortiter assensum extorqueant, quarta experientia se discere ait, permulta sibi ab externis aduenire, per sensus, per internas imagines, et per passiones, licet haecenus modum et rationem ignoret. Quam facultatem imaginationem, et id cuius opetalia animaduertuntur, corpus nostrum vocat. His naturalibus experientiis difficultatibus istis se extricasse gloriatur, in quas se coniecere viri docti, qui initio philosophandi facto haec non ab experientia, sed ex definitione cognoscenda esse statuerunt. Quo pacto specialiora scientiarum reliquarum praecepta deinde deriuari posse monet, eo quod ita ab vna veritate ad aliam progredi ultra liceat. Et hinc enata auctori illustri methodus detegendi incognitas veritates, qua percipiendi, concipiendi, imaginandi rationes, differentias et causas describit, et quae concipi possint, id est, simili ratione cogitari ab omnibus, veritatem prodere, quae non possint, impossibilia esse, et absurda statuit; tumque rationem definitionis-

nitiones condendi, axiomata inueniendi, theoremata noua obtinendi prolixè depingit, et ad generationem alicuius rei potissimum attendendum esse monet, et quibus regulis id perficiatur, vt primorum conceptuum seriem acquiramus, exponit, et quo pacto ex iis, quae ex ipsa generatione noua alia atque alia resultant, axiome deducantur, explicat, similiterque circa theorematum generationem et naturam versatur, et quae veritates nouae ex deductis oriri queant, ostendit, eaque ad problemata soluenda applicat, et hac simul ratione Cartesianos methodi canones supplet et illustrat. Vt autem, quae ab erroribus oriuntur impedimenta remoueantur, ad fontem eorum in percipiendi siue imaginandi facultate sola quaerendum respicere iubet, et huic origini praeiudicia nos debere affirmat, ideoque imaginationem a veritate inuestiganda remouendam et vocabula definienda esse vult, et characterum in eo vsum commendat, ex qua observatione algebraici calculi praestantiam concludit: et experientias nouas quaerere et adhibere suadet. Porro cum impedimentum veritatis in eo versetur, quod quae cognita sunt non magni faciamus, ac proinde sit difficile diu haec attente meditari, ea quae ignoramus, admiremur, huic quoque malo medicinam affert, et quia quae non statim vtilia apparent, parum digna inquisitione putamus, hisce quoque remedia parat, siue ex nostra indispositione, quam vocat, impedimentum nascatur, illam remouere docet, atque rectum commodumque tempus ac praeparationem eligere: attentionis quoque deficientis morbum sanat, et quibus modis possit, etiam in longa meditationum serie conseruari explicat, et hac occasione educationis bonae regulas proponit elegantissimas et vtilissimas, sed et illud impedimentum remouere docet, quod ex defectu commoditatis ad exequendam veritatem oritur, et quae inclinationis ad studia in ea re vis sit, ad excogitanda media, quod auxilium in bona methodo, quae via ad subsidia externa ostendit. Tandem in tertia quoque methodi huius parte, modum applicandi delectam veritatem, vt vitam suauiter consumamus, tradit, et heic ante omnia scientias commendat, maxime scientiam naturalem, eo quod ex hac rite explicata omnes alias deriuari credit. Et haec quidem celebris libri summa est, ex qua vasta auctoris doctrina, et meditationes profundae satis cognoscuntur. Cum autem totus scientiis mathematicis se tradidisset, inque iis magnum perfectionis gradum attigisset, totam tractationem exemplis ex mathesi sublimiori petitis illustrauit, et si verum fatendum, logicam nobis mathematicam exhibuit, quae in disciplinis theoreticis methodum pariter et exempla elegantissima exhibet, in morali argumento haud raro friget. Valde acrem censuram in hunc librum exercuit CHR. THOMASIVS<sup>a)</sup>, quae magnarum, inter

a) Concipiendi facultatem intellectui puro, percipiendi impuro siue imaginationi tribuit.  
 p) In Dialogis mensuris ann. 1688. m. Mart.

inter vtrumque virum celeberrimum irarum causa fuit: neque id magno-  
pere mirandum, cum haud pauca Thomafius contemneret, quae inter  
summas veritates, easque simul vtilissimas referri posse Tschirnhausenius  
contenderat. Attamen multum se ex hoc libro profecisse, in *Prae-  
fatione Praxeos logicae* postea fassus est. Nec inficiandum pulcherrima  
multa illustrem virum cumulasse, et rationali philosophiae lumen haud  
contemnendum accendisse. Qui si ex habitu disciplinarum mathemati-  
carum ad philosophicas non concludisset, si inter vtrasque recte distinxis-  
set, si ad ea respexisset quoque, quae in vita humana quotidie occur-  
runt, et methodo longiori atque mathematica explorari nequeunt, si in-  
tellectus puri et imaginationis limites paulo distinctius descripsisset, si ipsam  
ratiocinandi artem, legibus methodi adiecisset, non haberemus, quod de  
perfectione libri praestantissimi conquereremur, nec forte obscuritas mul-  
tis ineluctabilis visa, certe geometriae ignaris ineuitabilis multos ab eius  
lectione deteruisset. Postulat enim lectorem mathematicum et medita-  
tioni geometricae assuetum, ex qua sua lumina hausit.

*Recentiores  
qui de emen-  
datione logi-  
cae merue-  
runt alii.*

§. XVIII. Post hunc multi inter Germanos, Belgas, Gallos prodie-  
runt, qui logicam artem nouis commentariis illustrando, et tum ineptias  
Peripateticorum perstringendo, tum noua adducendo, de ea pulchre me-  
tuerunt. Quos vero hoc loco recensere omnes, esset historiam litera-  
riam logicae scribere, praesertim cum eorum, qui eminuerunt suis scrip-  
tionibus, mentionem iam in antecedentibus fecerimus. Addi vero,  
qui desiderantur (inter quos suo merito palmam aliis praeripuit praestan-  
tissimus CROVSZIVS), ex catalogis scriptorum logicae recentioris  
possunt, quos contexuerunt Morhofius, Struuius, Walchius, Stollus,  
libris notissimis. Tacemus eos, qui hodie magna nominis fama viuunt,  
et rationalem philosophiam quoque illustrent, quorum princeps facile ho-  
die est illustris Christianus Wolfius, ad hos enim diuertere meta nobis po-  
sita obstat. Non tamen praetermittendum hoc loco est, magnum Bri-  
tanniae decus, acutissimus Ioannes Lockius, qui intellectus humani hi-  
storiae ac culturae amplissimam lucem accendit. Cuius vitam cum ele-  
ganter descripserit IOANNES CLERICVS, potiora et memorabilia ex  
ea strictim enarrabimus, et, quid ei debeat humani intellectus emenda-  
tio, circa quam philosophia rationalis versatur, paucis postea comple-  
ctemur.

*Vita Io. Lo-  
ckii.*

§. XIX. Tulit acutissimum et politum IOANNIS LOCKII  
ingenium, ferax magnorum doctrina virorum Britannia, edidit Wring-  
tonia

q) Apposite hoc obseruatum RVDIGERO in  
Sensu veri et falsi L. II. c. 4. §. 7.

r) Conf. Act. Erud. 1695. p. 230. MORHOF.  
Polyhist. L. II. c. 7. §. 15.

s) Debemus ei Systema logicum Gallice exara-  
tum Amst. 1720. 3. Vol. 8. Conf. Biblioth. choisie  
T. XXIV.

t) l. c. T. VI. p. 342. praefixa quoque operibus  
Lockii diuersis Roterod. 1710. 12. editis. Germani-  
ce vertit et libro de Educatione liberorum prae-  
fixit, S. G. STARKIUS, A&is philo<sup>s</sup>. Vol. I, pag.  
972. 1q. quoque inseruit praestantissimus HEV-  
MANNVS.

tonia anno MDCXXXII, IV. Cal. Sept. satum parente Ioanne Lockio tribuno militum: qui omnem in hunc filium suum rite atque eleganter educandum curam atque diligentiam conuertit. Emicabat autem in puero iudicium aetate ista tenera maturius, et insolitus sciendi discendique ardor; Londinensi ideo scholae traditus est, vt disciplinarum semina in hoc agro foecundo spargerentur. Quae cum laetam segetem ostenderent, ad vrgendam messem plenissimam anno MDCCLI in Oxoniensem academiam missus et collegio ecclesiae Christi adscriptus est. Quo loco positus cum incomparabili ingenii bonitati et excellentiae diligentiam naturae dotibus non minorem iungeret, mature omnes, qui illud cum ipso literarum stadium ingressi erant anteuertit. Ast infelicitati eius temporis adscribendum est, quod cum tam praeclaram indolem ad scientiarum culturam attulisset, in tricis scholis tum vsitatis fuerit detentus. Quarum vsum se habiturum nullum, neque desiderio sciendi, quod immensum alebat, facere posse satis, quae tum in ea schola tradebantur, intelligens, magno vitae academicae taedio captus est. Lumina intellectus enim quae-rebat, quae cum se consequi posse desperaret, eo quod nihil esse in proprio fundo crederet, quo disciplina literarum iuuari posset, nec chaos Peripatetico-Scholasticae philosophiae aliquid ad formandum ingenium afferret, aliud animo alimentum quaesivit, et consuetudine hominum nonnullorum ingenii festiuitate magis, quam doctrina conspicuorum vti coepit. Et tum eam cogitandi scribendique facilitatem et elegantiam sensum didicit, ob quam postea multis admirationi fuit, et imprimis cum facundissimis epistolographis comparatus est. Atque his quidem ingenii nutrimentis animum dum alebat, exercitationes academicae autem, quas vtilitate carere vidit, negligebat, eo quod in disputationibus ostentationem tantum ferendorumque bellorum studium formari iuuarique obseruaret, mirum tamen est, quod inter Oxonienses non sine doctrinae opinione et auctoritate vixerit. Primus autem, quo dispelli posse intellectus tenebras sentiebat, ipsi auctor fuit Cartesius. Licet enim eius decretis nunquam subscripserit, et haud pauca eius passim reprehenderit, vehementer tamen cepit eum differendi cogitandique claritas, cuius eum fructum retulit, vt ignorantiae suae prioris causam non in ipso, sed in auctoribus quos legerat et audiuerat, quaereret, sicque desperationem illam abiiciendo, nouis stimulis ad prosequendum studiorum cursum accenderetur. Immergit itaque se iterum disciplinis atque imprimis arti salutari se tradidit, quam tamen nunquam postea quaestus causa exercuit, cum ad praxin clinicam vires corporis non satis sufficere comperisset. Omnem tamen medendi artem accurate complexus est, et summorum in ea viro-rum amicitiam hoc nomine meruit. Cuius specimen quod ex Sydenhamii testimonio adduxit Clericus, apud ipsum legi meretur, in quo eo, siue ingenio iudicioque acri et subactio, siue etiam antiquis, hoc est, optimis moribus, vix superiorem quemquam, inter eos, qui nunc sunt ho-

mines repertum iri, paucissimos certe pares ille pronuntiat. Nunquam vero summos in arte medica honores poposcit, titulo magistri artium contentus. Anno MDCXLIV itinere excolendum animum augendasque ingenii vires ratus, cum legato Britanniae regis in Germaniam ad aulam Brandeburgicam concessit, et ex hominum conuersatione, velut viuo quodam libro, naturam hominis perficere studuit. Anno vno peracto ad patrios lares reuersus ad Oxonienses quidem Musas denuo accurrit, at non aridis speculationibus, sed foecundis naturalis philosophiae meditationibus diligentiam curamque suam addixit. Ibi felicitas ei contigit, vt magno postea Angliae cancellario, comiti Shaftesburio<sup>u</sup>, innotesceret, et sanitatis eius curam aliquam ageret. Cui viro illustrissimo cum ingenium contigisset vastum et insolens, quodque et iudicandi solertia, et memoriae excellentia et viuia quadam imaginationis alacritate facile omnes superabat, mira autem animi iucunditas et decora quaedam festiuitas, eum omnibus faceret gratissimum, lectio tandem et experientia rerum etiam summarum incomparabilis illius animo insideret, isque se facilem, apertum commodumque omnibus praeberet, dici non potest, quanta animi laetitia consuetudinem huius maximi viri Lockius amplexus sit; qui cum totus eius admiratione occuparetur, in vastissimo ingenio et rarissimo praestantiae exemplo inuenit, ex quo maxima emolumenta animi indies crescentis capere posset. Attulit quoque ad tanti viri amicitiam Lockius ingenium solers, et erectum, iudicium acre, candoremque animi, secundum veros philosophiae characteres expressum, quibus velut vinculis ita maximi viri amorem sibi vindicauit, vt ad vitae finem perduraret. Valde enim Lockii conuersatione gaudebat vir illustrissimus, vbi semel praestantissimas, quae ei inerant, animi dotes intellexerat, vnde non ad acidulas tantum hauriendas, sed Londinum quoque eum secum deduxit, et in domum atque familiam suam receptum adeo carum habuit, vt salutis suae curam ei traderet, quae adeo feliciter Lockio cessit, vt ex pectoris vlcere cum vitae periculo decumbentem a ferali malo liberaret. Id quod totum Shaftesburium illi conciliauit, praesertim cum eruditionem vinceret ingenii animique praestantia. Quam distrahi et impediri praxis clinicae strepitu videns ille, non concessit, vt medicinam extra domum suam faceret, sed vt ad rerum ciuiliu et ecclesiasticarum intelligentiam animi perspicaciam conuerteret, illi auctor fuit: eo euentu, vt vir summus dignum eum haberet, quem quauis fere occasione sublata sententiam suam rogaret, etiam de rebus maximis, secum autem in conclaui atque bibliotheca haberet, et aditum apud summos reipublicae, qui tum in insula ciuili prudentia eminebant, heroës, Ducem Buckinghamiae, Halifaxium aliosque pararet, quibus se conuersandi iucunditate et doctrinae

copia

<sup>u</sup>) Vid. Memoires pour servir a la vie d'Antoine Ashley Comte du Shaftesbury, et Grand-Chancelier d'Angleterre sous Charles II. tirées

des papiers de feu Mr. Locke et redigées par le Clerc, Bibl. choisie T. VII. p. 146. Oeuvres diverses de Mr. Locke p. 407. seqq.

copia Lockius valde commendauit, eo quod ingenii festiuitatem morum feueritati et cultui, quem maximis viris debebat, eleganter iungere nosset, et natiuam in eo conuersationis genere indolem atque libertatem quandam decore expressam ostenderet. Anno MDCLXVIII eum sibi itineris in Galliam suscipiendi comitem asciuit Northumbriae comes cum coniuge, apud quam perstitit, cum comes Romam excurreret. Qui cum praematurato fato extingueretur, cum hera domum Lockius rediit, occasionem in eo itinere nactus multa, duce experientia discendi. Reducem in domum moecenas pristinus recepit, filiique vnici institutioni moribusque regendis praefecit. Quod tanta fide, tanta prudentia perfecit, vt matrimonii filio contrahendi curam parens vni Lockio committeret: felici satis exoptatoque successu. In hoc itaque secessu cum philosophandi otium aliquot suppeteret, anno MDCLXX. de intellectus humani naturā, viribus, facultatibus, et operationibus cogitare coepit, cum ex colloquio eo de argumento habito intellexissent amici, quam singulari illud lumine posset illustrari, vnde eum rogarunt, vt meditationes suas in chartam coniiiceret. Quorum consilio paruit quidem, absoluere tamen, quae coeperat impeditus ab occupationibus aliis non potuit. Ita vero percrebuit fama eruditionis Lockianae, vt circa hoc tempus albo societatis regiae plaudentibus omnibus adscriberetur. Anno porro MDCLXXII, quo Angliae magnus cancellarius, quem vocant, herus eius renunciatus est, ab eo muneri secretarii beneficiorum offerendorum v) praefectus est; ast cum regis ille indignationem anno sequente meruisset, et regni sigillum redderet, fulmina aulae Lockius quoque expertus est, qui cum moecenati factionis, quae tum in aula regnabat, et fatalis libertati et religioni videbatur, insidias genti tum Britannorum haud obscure detexit w). Anno tamen sequenti regis recuperatoribus de commerciis disquirentibus additus est, vt illis a commentariis x) esset; quod munus anno MDCLXXIV decurrente iterum expirauit. Id licet reditus Lockio eriperet, non sine sanitatis tamen commodo ei accidit. Cum enim phthisin metueret, heri sui consilio sumptibusque iter literarium suscepit, Montempeffulanum vero elegit, vbi moram diu fecit, vsus amicitia comitis Pembrockii, quem ob vastam philosophiae cognitionem vehementer laudat, et hunc sibi operis de intellectu humano *ἐπεροδιώκτην* fuisse in inscriptione libri fatetur. Deinde ad Parisienses secessit, magnorumque virorum conuersatione et colloquiis gauisus est, inter quos Iustellum et Tornardum laudat Clericus. Et tum quidem sacrorum oraculorum studio, maxime noui foederis, laudatissimo consilio animum adduxit. Reconciliato cum aula Schaftesburio comite, et sanctiori regis concilio praefecto, Londinum anno MDCLXXIX Lockius reuocatus est, totus tamen sanitati nondum

Gg gg 3

restitu-

v) Secrétaire de la présentation des bénéfices.

w) Conf. BYNERT. Hist. sui temp. Tom. II. p. 593. Vers. Germ.

x) Secrétaire de la commission touchant les commerces.



restitutus, et asthma quodam grauatus, quo factum, vt diu in vrbe persistere non posset, sed ad hauriendum puriorem aërem subinde rus excurrere cogeretur. Ast cum nouo odio herus eius premeretur, quod eum arci primum Londinensi inclusit, et coëgit postea, exilio spontaneo ad Batauos concedere, vbi a principe Araulionensi, qui summa rerum postea in Britannia potitus est, beneuole est exceptus; Lockius de securitate in patria desperans, illum secutus est, Amstelodami sedem, anno MDCLXXXIII expirante figens. Ibi et medicis et theologis Remonstrantium Limborchio atque Clerico amicitia innotuit, opusque *de Intellectu humano* perfecit: Domi autem cum regi inuisus esset factus, illius iussu ex albo collegii ecclesiae Christi Oxoniae, frustra intercedente episcopo eius vrbis Ioanne Fello, nomen eius deletum est. Veniam tamen post mortem regis, a Iacobo rege obtinuisset, nisi amicos eam rogare impediuiisset, nihil se admisisse testatus, cuius deprecari veniam opus haberet: at vix insidias aulae tum euasit, cum eius capiendi et in Angliam mittendi mandatum rex dedisset, vnde aliquamdiu latere apud amicos coactus est. In hac mora epistolam *de Tolerantia* ad Limborchium scripsit, eo quod in haud paucis Remonstrantium dogmata illi placerent. Anno sequente autem cum abesse eum a seditionis consiliis omnibus apertum esset, iterum publice comparuit, tempusque et libellis exiguis scribendis, et mora Ultraiectina, et colloquiis eruditorum hebdomatim institutis sefellit. Ipse confecto operis de intellectu humano compendio, Clerici opera vsus est, vt in *Bibliotheca vniuersali* vulgari posset, quo dici vix potest, quantum videndi ipsius libri desiderium apud philosophiae maturae sobriaque cultores accenderit. Tandem notissima rerum Anglicarum conuersione duce Guilelmo Araulionensium principe anno MDCLXXXIX facta, libertatem quoque redeundi in patriam Lockius nactus, eaque factus vsus est. Tunc etiam in insulam rediit et magnorum virorum, a quibus suum coepit, qua ad munera haud leuia aditum sibi parare potuisset, nisi modico viuere maluisset. Delegatis itaque ad appellationes adscriptus est, quo in munere vacare quoque literis et philosophiae licebat. Etiam legati regii charactere fungi potuisset, quo pacto serenior auram in peregrina terra haurire se posse ob pectoris infirmitatem, sperare poterat, nisi sanitatis ratio id ipsum illi valde timido dissuasisset. Vt vero se vtilem domi exteris quoque exhiberet, anno MDCXCIV opus diu meditaturn, auctum, politum, *de Intellectu humano* vernaculo sermone vulgauit, quod tanto philosophantium plausu fauoreque exceptum est, vt anno MDCXCVII et MDCC recuderetur, et cum Gallice a Costeo, ipso auctore dirigente et inspiciente, tum Latine anno sequente a Burridgio, sed minus feliciter, verteretur. Ipse tamen, vt erat veritatis amantissimus, semper lambendo, emendando, perficiendo opus absoluere magis conatus est, quibus augmentis se commendat editio anni M D C C V I. Epitomen autem libri

Anglico

Anglico sermone <sup>2</sup> dedit Wynnus. Prodiit quoque eodem anno liber *de Imperio civili*, qui Gallica quoque veste comparuit, in quo despotismo absoluto nervos incidere studuit. Vitae, quae restabat, partem conuersioni cum viris summis et non dignitate modo, sed ingenio etiam et rerum usu excellentissimis destinans, honestissimam viuendi dulcedinem in humanitate ista posuit: maxime vero Pembrockio comite familiariter usus est. In cuius praediis tum degere solebat, cum grauior in vrbe aer pectus infestaret. Qui eum tandem coëgit Londinum relinquere, et ad Mashamum equitem concedere, qui in agro valde salubri <sup>\*</sup> habitabat. Ibi et ipsius hospitis, viri elegantis et humani beneuolentia, et vxoris eius, acutissimi Cudworthi filiae, eruditione et acumine philosophico, quod supra iam depraedicauius, et loci commoditate, atque salubritate in infirma valetudine valde sustentatus est. In hoc secessu legendo, meditando, scribendo tempus consumsit, raro Londinum per aestatem excurrens, debemusque huic otio librum *de Educatione liberorum*, bonae frugis plenum, et ideo in plerisque Europae linguis expressum, itemque tertiam *de Tolerantia* epistolam. Cumque emendandae vtilitatis commercii per Britanniae regnum rationem peculiari studio haberet, de refingenda et ad iustum pretium reuocanda moneta considerationes profundas nutriuit. Quarum necessitatem cum peculiari schediasmate explicuisset, anno MDCXCV, quo ista pestis tandem oculos senatus regni perstrinxit, malo remedium quaesitum, Lockius autem, cuius iudicii aciem non minus in rebus ad ciuilem prudentiam et reipublicae administrationem, pertinentibus quam in disciplinis theoreticis se prodere inde constabat, collegio delegatorum ad commerciorum et coloniarum res curandas, mille librarum Anglicarum stipendio adscriptus est. Cui muneri ad annum MDCC maxima cum laude et diligentiae atque attentionis prudentis testimonio praefuit, tum vero sanitate eius vrbs aërem grauiorem non ferente, aegre consentiente rege id deposuit. Eodem anno MDCXCV Anglico sermone prodire iussit, *Christianismum rationi maxime conformem*, in quo erudito libro id demonstrare aggressus est, nihil esse in Christianae religionis decretis, qualia in scripturis diuinis definiuntur, quod notionibus veris, certis, accuratis rationis esset contrarium. Quae commentatio illi aduersarios haud paucos cumulauit, inuidiam addente eorum audacia, qui proscribere ex doctrina Christianorum mysteria omnia, et rationis notionibus vltra limites protrusis, sacrosanctae triados dogma conculcare ausi sunt, id quod praeter Vnitarios nonnullos fecisse Tolandum, scriptorem audacissimum, neminem latet. Hi cum post carecta Lockii ex parte latere cuperent, rationibus nonnullis vsi, quas ille in laudato commentario attulerat, accensus est theologorum zelus, vt in Lockium quoque, velut frigidam reuelationis hostibus suffundentem theologi insurgerent. Hinc praeter Samuelem

<sup>2</sup>) Eleganter versa est, sermone Gallico.  
<sup>†</sup>) In vita Leibnizii.

<sup>\*</sup>) Oates dicto 20. mill. Londino distante.

muelem Bernardum, magni nominis et praeclarae eruditionis theologus Eduardus Stillingleet episcopus Worcestriensis, cum aduersus Vnitarios trinitatis mysterium defenderet, notionem de substantia Lockianam examinavit et reprobavit, eo quod *ἐτεροδοξώμενον* esse crederet. Ex quo laticula inter episcopum et Lockium enata est, et controuersiae reciprocatio, qua ter episcopo Lockius respondit, cuius eo de argumento scriptiunculae, etiam Ioanni Edwardo oppositae alteri parti editionis Gallicae operis de I. H. anno MDCCIII excusae adiectae leguntur. In qua controuersia alibi prolixius enarranda <sup>a</sup> episcopum lectionis copia, Lockium philosophiae vsu excelluisse, plurimis visum est <sup>b</sup>, licet Socinianorum partibus nimium hunc fauisse contenderint haud pauci <sup>c</sup>, et inter hos praecipue Ioannes Eduardus <sup>d</sup>, cuius vehementiae valde indignatur Clericus. Hisce laboribus dum corpus senii et morborum incommodis fractum exhauriebat Lockius, imminens tandem ruinam anno MDCCXCVII sensit, cum tempestate frigida ad salutandum regem, qui colloquium eius desiderabat, Londinum concessisset. Adeo enim ab eo tempore asthmate compressus est, vt tandem *ὀρθοπνοϊκὸς* euaderet. Vt itaque aeternitati feliciter suscipiendae se praepareret, studium diuinorum oraculorum, quod ab aliquot annis elegerat, gnauiter vrsit, cuius fructus post eius fata nonnulli commentarii vel paraphrases potius in epistolas ad Galatas, Romanos, Corinthios et Ephesios prodire. Ita vero mali vis sensim inualuit, vt in vltimo vitae anno ob virium debilitatem neque legere multa, neque scribere quicquam posset, quare, mentis acie morbi vehementia non suppressa, tempus omne pietati fouendae tribuit, sicque indies decre-scentibus corporis viribus, inter preces Mashamiae coniugis et familiae spiritum Deo reddidit V. cal. Nou. st. v. anno MDCCIV, aetatis septuagesimo tertio. Pulchris eum depingit coloribus, nonnemo, qui eum intime nouerat apud CLERICVM <sup>e</sup> qui cum egregie in ea re sit versatus, ipse legi meretur. Laudat is maximam philosophiae notitiam libere et sine praeiudiciis in grauissimis etiam reuelationis argumentis demonstratam, iudicandi solertiam, penetrationem et accuratorem, meditationis profunditatem, doctrinam in elegantioribus litteris praeclare versatam, viuendi consuetudinem, pulchram et ab omni paedagogico fastu alienam, veritatis amorem, colloquiorum dulcedinem, vitae ciuilis prudentiam, morum ciuilitatem, seriam et accuratam, et in ipsa tamen seueritate iucundam et maximis quoque viris commendatam, caritatem erga pauperes ipso opere demonstratam, irae rationis ope moderationem, silentii et amicitiae fidem, diligentiae, quantam sanitatis constitutio permitteret, contentionem, victus continentiam, morborum patientiam, vtilitatem

a) Accurate rem omnem librosque huc pertinentes exponit BYDDERVS Isag. in Hist. theolog. L. II. c. 7. p. 1294. seqq. b) CLERICVS l. c.  
c) POIRET. Opp. posthum. p. 87. item Auctor fidei et rationis collatae.

d) Scripta huc pertinentia enumerant magni nominis theologi BYDDERVS l. c. p. 1296. PFÄFFLVS Introd. in Hist. lit. theol. P. II. p. 332.

e) Loc. cit.

litatem ex scriptis eius ad humanam societatem redundantem. Ipse in epitaphio, quod sibi posuit, talem se fuisse ait, qui mediocritate sua contentus vixerit, literis innutritus eoque tantum profecerit, ut veritati vnice litaret. Quibus sane ingenii animique virtutibus cum maximis in orbe philosophico heroibus meruit comparari.

§. XX. Multum debet rationalis philosophia Lockio ob librum *Lockii liber de intellectu humano*, cuius literariam historiam cum fuisse prosequutus fuerit B. GOTTL. KRAVSIVS <sup>f</sup>, breuitatis studio lectorem ad eum dimittimus. Ipsum opus nouum intellectus humani explicati et delineati aedificium sistit, quod non modo in Platone et Aristotele, sed in Cartesio quoque, Gassendo aliisque recentioribus, qui ante Lockium scripsere, frustra quaeras. Abiecit enim omnes omnino opiniones, et ex consideratione humani intellectus et conscientia sua philosophandum esse censuit. Vnde humani intellectus historiam non inepte appellaueris, non ex libris sed experientia interna conscriptam, qua de re digna est, quae legatur ipsius auctoris praefatio, quae nonnulla quoque illustrat, quae ei obiecta sunt, et aliquos offendere poterant. Libris opus praestantissimum quatuor distinxit acutissimus philosophus, et primo quidem de ideis innatis disputat, et nec speculatiua axiomata, nec practica innata esse intellectui humano magno acumine demonstrat. Libro secundo in idearum originem inquit, easque vel ex reflexione, vel ex sensatione ab obiectis externis ortas omnes esse, animam quoque non semper cogitare argumentis multis ab experientia sensuque desumptis probat. Tum de natura idearum simplicium, deque ideis vnus tantum sensus ministerio genitis differit, qualis est soliditatis idea, quam ab extensione subtiliter distinguit, ideas porro ex pluribus sensibus, itemque ex reflexione et attentione ad se ipsum exsurgentes, quales sunt ideae intellectus et voluntatis, exponit, eas quoque non negligit, quae ex utroque fonte prodeunt, ubi de idea doloris, voluptatis existentiae, vnitatis, potentiae, successionis subtilissime philosophatur, et qua ratione qualitates primae et secundae ad cognitionem humanam se habeant, erudite prosequitur. Tum perceptionem, memoriam, contemplationem, attentionem aliaque ad memoriam pertinentia considerat, et idearum quoque compositionem et distinctionem, ideas complexas modosque, et imprimis relationes describit: Ad modorum simplicium tractationem delatus, ideas spatii, corporis, extensionis, substantiae, accidentis, temporis, durationis, expansionis, loci, numeri, finiti et infiniti, aeternitatis curiose peruestigat, modos quoque ex sensibus oriundos, et qui vel cogitationem vel voluptatem et dolorem fontes agnoscunt, in partes vocat: quidque potentia siue facultas sit, docet, hacque occasione quid sibi de facultatibus intellectus, voluntatis, libertatis, necessi-

f) In Historia literaria Germanice edita P. I. art. 1.

necessitatis videatur, et qua ratione se humana mens in his omnibus ad operationem deducendis habeat, suas meditationes secutus proponit. Sequuntur modi mixti, ideae substantiarum complexae, collectivae, relationum, causae et effectus, identitatis et diuersitatis, et principii indiuiduationis, atque personalitatis, relationum moralium, clarae, obscurae, distinctae, confusae, reales, fictae, completae, incompletae, verae et falsae; in quibus omnibus non in se tantum, sed etiam ratione obiecti circa quod versantur considerandis, nec copiosiore, nec accuratior, nec curiosiore ante se vllum habet, et multa affert, aliis nunquam obseruata, vel leuiter tantum tacta. Qualis est associatio idearum, quod intellectus humani mysterium miro lumine perfudit. Libro tertio voces, quibus ideae designantur considerat, et omnium fere generum idearum nomina percurrit, quae ratione ab ipsis ideis discrepent, quae impedimenta intellectui inde oriantur, quibusque regulis determinari accurate debeant, edisserit, ne particulis quidem exceptis, maxime vero pulcherrima tractatione de vocum nominumque imperfectione, et abusu, de inani subtilitate, de vocibus vagis, obscuris, nihili, indeterminatae significationis, etc. multa praeclara monet, et remedia sufficientia enumerat. Librum quartum cognitioni humani intellectus examinandae destinat, eiusque naturam, gradus, limites, realitatem definit; quidque veritas sit, quae propositiones vniuersales earumque criteria certa, quae axiomata, euoluit, propositiones quoque friuolas, quae plane nihil cognitionem humanam adiuuant, quales sunt identicae, verbales tantum, similesque tangit. Tum ad obiecta, circa quae versatur humani intellectus cognitio conuersus, explorat, quaque ratione cognoscamus existentiam nostram, itemque Dei, tum rerum extra nos, determinat, et media augendae cognitionis humanae suppeditat, ex quorum numero axiomata et hypotheses excludit, et pleraque ad idearum certarum, clararumque comparisonem reuocat, attentionem vero commendat. Affectiones etiam cognitionis, iudicium, probabilitatem, eiusque gradus determinat, quidque ratio sit, quid fides, qui vtriusque limites, fusc persequitur. Morbos vero intellectus, enthusiasmum, siue opinionem friuolam ratione et reuelatione destitutum, quae pro diuinitus enata habetur, erroremque describit. Epilogi loco scientias in physicas, practicas et signorum cognitionem partitur. Et haec breuis quidem celeberrimi libri summa est, in quo innumera pulchra, bona, vera et vtilissima, quamuis plerisque haecenus non obseruata esse, vnanimi consensu orbis eruditus censuit. Ast cum sua tantum lumina, et maxime suam conscientiam adhiberet Lockius, quo fieri non potuit vt non multoties ab omnibus philosophis discederet, et nouas obseruationes atque opiniones stabiliret, multa quoque, necesse fuit, magnis viris aliis hypothesibus occupatis displicere. Inter quos haec, vbi strictum omnia proponenda sunt, non tantum PETRVS POIRETVS fuit, qui

\*) Opusc. posthum. Sect. V. p. 172. qui rationalissimum et naturalissimum ei obiicit, et quae

confingenda sunt in philosophia Lockii, profequitur.

qui longe aliud sibi intellectus humani systema formauerat, et periculosas fidei et illuminationi assertiones Lockii esse statuebat, sed et illustris LEIBNIZIVS <sup>b</sup> magnus cetera, vt solebat vir summus aequissimum se meritis virorum doctorum tribuere, Lockianae eruditionis laudator. Is quamvis concederet, recte reiecit Lockium ideas innatas Cartesianorum, ideam tamen identitatis, et contradictionis natura homini adesse monet; alias quoque, quam Lockius, idearum verarum et realium notiones sibi fingit, ideasque nostras, etiam sensuales, ex fundo animae progredi, magisque per reminiscentiam quandam, quam sensuum impressionem acquiri contendit, parum autem probauisse Lockium obseruat, animam interdum nunquam cogitare, quod cogitationem cum perceptionibus distinctis confuderit. Nec probare potest, quod spatium et vacuum distinxerit, hocque ex motu probare voluerit, materiam ex partibus duris tantum et inflexibilibus constantem concipiendo; nec placent ei meditationes Lockii de infinito, de ideis adaequatis, quaeque de definitionibus nominalibus et realibus, et de axiomatibus differuit, quodque formam syllogisticam logicae communis inutilem pronunciauerit. Quam censuram minus aequè pertulisse Lockium, eiusque amicos Moliniaeum, Clericumque, supra in Leibnizii vita iam obseruauimus. Quamvis autem nihil inesse libro huic, quod non veritate nitatur, ipse auctor statuatur, et imprimis laudent admiratores Lockii, quod abesse iuxta metaphysica imaginaria et hypothefibus suffulta, ad naturam et conscientiam hominis ipsamque experientiam attenderit, ob quam praestantiam innumeros in gente sua sectatores Lockium habuisse refert CL. DES MAIZEAUX <sup>i</sup>, inuenerunt tamen alii quoque viri docti et attenti quod reprehenderent <sup>k</sup>. Et nonnullis quidem minus multa, quibusdam nimis pauca scripsisse visus est, quibus vtrisque in praefatione satis fecit Lockius. Magis memorandum est, quod vehementer in eo quidam reprehenderunt, erroneas eum de intellectus et voluntatis facultatibus inter se distinguendis opiniones fuisse secutum, speculationes haud paucas attulisse, quae in inuestiganda veritate vsum nullum habeant, libertatem minime accurate definiuisse, et quod ad methodum attinet, multa inutiliter repetisse, obscuris lucem, exemplis additis non conciliaffe, in nonnullis tamen verbum praeter necessitatem fuisse, et quae his similia sunt. Quae an vera sint omnia, et quae ratione in Lockio vel excusari vel defendi possint, nostrum hoc loco non est, dispicere. Addimus id vnum, inter opuscula diuersa Lockii, extare quoque *Collectionem obseruationum de intellectu circa inquirendam veritatem rite adhibendo*, in quibus multa attulit, in opere *de intellectu humano* praetermissa, et amplissimam lucem rationocinanti intellectui humano accendere aptissima. Prodiere opera Lockii omnia Londini MDCCLXIV.

Hh hh 2

CAPVT

h) Recueil. T. II. p. 143. seq.

i) Praef. collect. Epist. Clarkii, Newtoni, Lockii.

k) Conf. THOMAS. Cautel, c. X. p. 130. Fund.

L. N. et G. L. II. c. 12. p. 144. WALCH. Parerg. Acad. p. 672. STOLLIVS Hist. liter. P. II. c. 2. §. 34. p. 453. Add. quos nominat FABRIC. Syll. script. de V. R. C. p. 333.

\*\*\*\*\*

CAPVT SECVNDVM  
DE EMENDATA AVCTA QVE  
PHILOSOPHIA NATVRALI.

## §. I.

*Dicendorum  
ordo et ratio.*

**M**aturius laetiusque, quam reliquis philosophiae partibus naturali disciplinae contigit, vt emendatos vultus et augmenta maxime conspicua caperet. Adeo enim deterruere sapientiae studiosos steriles campi, et dumetis scatentia scholasticae physicae deserta, vt ad foecundiores et amoeniores agros plerique, quibus de meliori luto Titan praecordia finxerat, properarent, et elegantiorum disciplinae nobilissimae tractationem molirentur. Factum id esse mature post renatas literas luculentis exemplis in antecedentibus demonstratum, maxime vero obseruatum est, ad finem vergente seculo XVI. in hanc scientiam meliori facie reformandam citatis pedibus concurrisse excellentissima ingenia signum cum aliis paucis praeferebat Bernardino Telefio, cum quae Cardanus similesque moliti erant, euentum fere nullum habuissent. Ab eo enim tempore nouatores, (qua voce sectariorum indignatio a philosophorum plebeiorum gregi eos discreuerat, qui naturam ipsam, quam veterem aliquem philosophum consulere maluerunt) aliam viam, quam quae iam calcata erat, ingredi ausi sunt; quamuis non deessent, qui Parmenideam, Platoniam, Ionicam, Stoicam, Epicuream physicam resuscitarent, quorum omnium conatus in *antecedente huius tomi parte* luculenter descripsimus. In varias autem sententias mireque inter se distantes semitas eos discessisse, qui a sectaria philosophia dissentire in naturali disciplina coeperunt, ex hactenus dictis lectori obscurum esse non potest. Nonnulli enim, cum sectariam physicam detestarentur, ad diuiniorum quandam naturalium operum declarationem confugerunt, et principia nobis diuina, spiritualia, et vel ex Mose, vel ex alio fonte a ratione deuante hausta commendauerunt; mirum naturalis disciplinae aedificium, cuius fundamentum emanatio ex Deo, finis enthusiasmus esset, comminiscens. Quales Physicos fuisse, qui philosophiam Cabbalisticam, Mosaicam, theosophicam excogitarunt, ex instituto ostendimus, et inepta horum hominum systemata de rebus ad naturam mundi eiusque partium pertinentibus fuisse descripsimus. Quae physicae diuinae, (huius enim furfuris se esse iactabat) absurditas etiam facile poterat a plerisque, paulo attentioribus palpari, miros tamen progressus habuit, ex quo paradoxum Theophrasti Paracelsi ingenium ineptiis non quidem medelam, attamen colorem et commendationem attulit. Is enim cum ignis beneficio corpora naturalia soluere, et chemiae

chemiae opera in eorum naturam penetrare egregie nosset, principiis vagis et ineptis magnam verisimilitudinem media chemica maxime quae ex Mercurio et Opio parauerat, illis adaptando comparauit. Cuius scholae Paracelsicae historiam cum etiam in antecedentibus enucleauerimus, ea, quae de Paracelsi et sequacium opinionibus de rebus naturalibus exposita iam sunt, in naturalis scientiae historia repeti hic non possunt. Sed et tertium philosophorum genus prolixè enarrauimus, quod abiecta seruitute sua libertate frui et eclectice philosophari coepit. Cuius generis philosophiae antesignanos Brunum Nolanum, Cardanum, Verulamium, Campanellam, Hobbesium, Cartesium, Leibnizium, Thomassium, cum in scenam produceremus, occasio nobis enata est, de placitis eorum physicis simul differendi. Et hoc quidem pacto haud exiguum naturalis philosophiae partem historica enarratione iam explicuimus. Non tamen ista scopo nostro sufficere, nec plena satis esse, ut intelligatur, quibus successibus emendare physicam philosophiae partem viri docti aggressi sint, quid in ea perfecerint, et intelligimus ipsi et ultro fatemur: sunt enim praeter ea innumera, quae a magnae perspicaciae philosophis detecta sunt, quibus in amplissima luce collocata est doctrina naturalis. Quae non quidem omnia integra systemata concernunt, aut per pleraque tamen capita specialia infinita noua, rerum naturalium explicationi adiecerunt. Praecipue ex quo magni Verulamii opera, orbis philosophicus in hac doctrinae parte desipere desiit, et proscriptis spectris naturales eius vultus experimentorum, igne ferroque tentatorum, itemque scientiarum mathematicarum operis restituti et eleganter ornati sunt. Et in his quidem strictim enarrandis capitis huius tractatio versabitur. Quam tamen, si, ut ipsi optamus, dare constitutum haberemus, volumen, integro recentioris historiae philosophicae complexu non inferius exurgeret; nam et vitae atque meritorum ratio, qua eminere tot disciplinae naturalis cultores enarranda esset, et per amplissimum campum discurrendo ostendendum, quid per omnes rerum naturalium classes detectum sit, quomodo de causis rerum naturalium praeceperint viri magni et naturae sacerdotes doctissimi, quibus experimentorum auxiliis, et observationum indicibus ad certa, quae recepta tandem sunt, dogmata peruenerint, quae comperta sint, quae lateant, de quibus desperandum sit, in quibus oleum operam physici perdiderint, quibus institutis cognitio naturae adiuta sit, et quae sexcenta alia sunt, quae ad physices accuratam et specialem historiam pertinent. Qualis tractatio, quam longe a scopo et limitibus nostris absit, quilibet intelligit, nec a nobis hanc prolixitatem expectabit. Relinquemus itaque historiae doctrinae naturalis explicationem dogmaticam eamque specialem aliis, vehementer autem cohortamur, viros in hac nobilissima parte egregie versatos, ut annales eius dogmaticos tandem aliquando conscribant, ut, quas veritates aetas nostra detexerit, quae detegendae adhuc sint, constet, et eo felicius in amplissimo hoc oceano emetiendo studium posteritatis versari queat. Nostra vero in eo tantum occu-

Hh hh 3

pabatur



pabatur industria, ut strictum summa attingamus capita, quae emendatam nobis physicam referunt, et eorum philosophorum res paucis perstringamus, qui agmen duxerunt, et quorum nomina, cum meritis in philosophiam naturalem maximis immortalitatem meruerint, omittere in hac nostra tractatione haud licet. Reliquorum enim, etsi in hoc argumento magnam famam consecutorum memorias tradere huius loci non est, fontes autem nominabimus, ex quibus notitia eorum satis ampla hauriri queat. Idem etiam in observationibus recentioris aetatis designandis faciemus, cum eas integras adducere, nec scriptionis modus, nec tractationis limites permittant. Ita vero sine nostro ductu lectori facili labore licebit, satis amplam sua diligentia physicae partis historiam congerere. Commendamus autem diligentissimi MORHOFII <sup>a</sup>, et imprimis praestantissimi HOLLMANNI <sup>b</sup> labores, quorum uterque quid per potiora naturalis disciplinae capita viri docti obseruauerint, strictim at curiose et erudite enarravit.

*Exempla  
nouatorum  
physicar.*

*Nathaneel  
Carpentarius.*

*Redemptus  
Baranzani.*

§. II. Reliquerunt tenebras philosophiae sectariae naturalis mature non illi modo, qui omnem philosophiam emendare aggressi sunt: sed fuerunt quoque nonnulli disciplinae tantum physicae intenti, qui sobrie magis atque caste de natura rerum in hoc mundo comprehensarum statuere coeperunt. Multis id posset exemplis illustrari, si per varias Europae gentes eundo particularem istam virorum doctorum diligentiam perquirere vellemus; at sufficiens pauca, ut de rei veritate constet, Nathaneelis Carpentarii, Redempti Baranzani, Bernardi Palissi, Guilelmi Gilberti, Ioannis Espagneti, quorum haud incelebre in naturali scientia nomen est. CARPENTARIUM Deuonia Angliae genuit parente Ioanne satum, educauere academiae Britannicae in theologia, antiquitate et philosophia, fuit Vsserius archiepiscopus Armachanus, muneri praefecit Hibernia, viuis eripuit annus MDCXXVIII, memoriam eius conseruauit ANTONIVS WOODIVS <sup>c</sup>. Magno is animo a receptis scholarum opinionibus declinauit, edita, *Philosophia libera, triplici exercitationum decade proposita, in quae aduersus huius temporis philosophos dogmata quaedam noua discutiuntur* <sup>d</sup>. In quo libro paradoxa plurima a receptis scholarum definitionibus abeuntia explicantur, et dogmata physica haud pauca innouantur. Talia sunt, non dari notitias naturales, locum esse nihil, elementa esse graua, omnium rerum ortum esse ex nihilo, sensus fallere fallique non posse, ignem esse humidum, cometas non esse meteo-  
ra incensa, et similia <sup>e</sup>. REDEMTVS BARANZANVS Serrauallam dioeceseos Vercellensis patriam habuit, Barnabitarum religionem amplexus,

<sup>a</sup>) Is laudabili industria, licet interdum ex-temporali alterum Polyhistoris sui tomum, historia dogmatica philosophiae naturalis repleuit.

<sup>b</sup>) Quemadmodum vir eruditissimus in Instit. physicis, plerorumque recentiorum hypothesen, explorauit, et quid verisimile sit, detexit, ita co-

piose quoque fontes nominauit, ex quibus plura hauriri queant.

<sup>c</sup>) In Athenis Oxoniensibus.

<sup>d</sup>) Oxon. 1636. Lond. 1672. 8.

<sup>e</sup>) Conf. MORHOF. T. II. p. 110. 245. SORREL, de Perfect. hom. p. m. 480.

plexus<sup>f</sup>, quem annus MDCXXII sustulit, triginta tres tantum annos natum. Quamuis is haud ita diu Annecii docuisset, adeo tamen naturalis scientiae cognitione inclaruit, vt inter prima sui temporis ingenia a MOTHAEIO VAYERIO<sup>g</sup> meruerit referri. Testis autem libertatis philosophicae in argumento physico liber est *de nouis opinionibus physicae, Lugduni MDCXIX* editus<sup>h</sup>, in quo, Patritii, Telefii et nouatorum aliorum exemplis excitatus deferere Aristotelem ausus est. Quem cum Verulamio misisset, laudauit is in epistola, cuius editionem debemus NICERONIO subtilitatem magnam et diligentiam in ea via, differentiam tamen se inter antiquos et modernos maximam facultatis, veritatis perparum agnoscere ait, hincque suadet, vt rebus se submittat, ne cum aliis ingeniis redeat in orbem. BERNARDVM PALISSVM non tam lectio librorum (erat enim figulus *idiocrus*) quam rerum naturalium experientia et vsus admirabilis commendauit. Quamuis enim nec Graece nec Latine doctus esset, ex eruditorum tamen consuetudine ita profecit, vt de aliorum quoque opinionibus promte dextreque iudicaret; et de rebus naturalibus haud pauca ignota prius detegeret, ex quibus noua demum principia cudere ausus est. Cuius exemplum esse potest, quod in *Dialogis de natura fontium, metallis et gemmis* statuit: ex aqua omnia generari, eam autem duplicem esse, materialem et congelantem, nihil agi sine Solis operatione, sine sale non consistere hominis vitam, quin et reliqua corpora; et quae his sunt similia diligenter enarrata a SORELIO<sup>i</sup> qui videndus. GVILELMVS GILBERTVS Angliam ornauit, ortu Glocestriensis, philosophus et medicus Londinensis; qui ineunte seculo XVII. floruit. Duplici nomine multum illi debet philosophia naturalis. Primo quod libertate philosophica vsus, recedere a placitis Aristotelicis, quibus tunc superstitiose adhuc adhaerebat insula, et reicere multa ausus est. Edidit enim *Philosophiam nouam de Mundo nostro sublunari*, in qua multa innouauit, vetera, quae sine ratione sufficiente dicta erant, reiecit. Qualia sunt elementorum numerus quaternarius, transmutatio et mixtura etc. vacuum autem duplex adhibet separabile et inseparabile, et quae his sunt similia. Deinde ingenti ausu, maximis sumptibus<sup>k</sup>, incredibili industria et attentione ad magnetis naturam scrutandam se accinxit, primusue post innumeras obseruationes demonstrauit, virtutem magneticam terrestri globo a natura insitam adeoque terram magnum esse magnetem, edita *Philosophia noua de Magnete magneticisque corporibus, et de magno magnete, tellure*<sup>l</sup>. Hoc enim quasi signo dato, noua philosophia magnetica cusa,

Bernardus  
Palissus.

Guilelmus  
Gilbertus.

f) Conf. FR. LVREI BARNELLI Memoriae de Barnabici T. II.

g) Apud BAYLE T. I. art. Baranzan. p. 440. add. NICERON. Memoires T. III. p. 43. seqq.

h) Addi illi potest Vranoscopia, Col. Allob. 1617. 8. Campus philosophicus, in quo omnes

dialecticae quaestiones breuiter et subtiliter agitantur, Lugd. 1620. 8.

i) l. c. p. 470. Conf. MORHOF. T. II. p. 202. 438.

k) 50000. aureos impendisse in naturam magnetis scrutandam ex Haruaei testimonio refert MORHOF. T. II. p. 410.

l) Amstel. 1600. fol.

cusa, et experimenta Gilbertiana ad principia physica reuocata sunt, quo labore naturalem doctrinam adiuuare conati sunt Nicolaus Cabaeus, Nicolaus Zucchi, Iacobus Grandamicus, Athanasius Kircherus, de quibus videndus MORHOFIUS <sup>m</sup>. De quo de magnete dogmate infra adhuc quaedam dicentur. Gilbertus autem eam sibi famam laudatissima hac diligentia parauit, ut maximam gentis suae gloriam in doctrina naturali meruisse censeretur, qua de re digna sunt, quae legantur, virorum doctorum testimonia, collecta a THOMA POPE-BLOUNTIO <sup>n</sup>. Ipsum Cartesium Gilbertiana philosophia praeclare ad examinandam magnetis naturam, vocatis in subsidium particulis striatis, usum esse, supra iam obseruatum; et Gilbertianam quoque hypothesein ad declarandas proprietates declinationis acus magneticae adhibuit acutissimus HALLEIUS <sup>p</sup>. Addimus his IOANNEM ESPAGNETVM, cum Ioanne d'Espagne ecclesiae Gallicanae Londinensis pastore, cui de praeiudiciis et erroribus vulgi praeclarum librum debemus non confundendum; ille enim curiae regiae apud Burdigalenses praefectus fuit. Is cum artis chemicae praestantia emeretur, eamque ad exploranda naturae arcana adhibuisset, non modo *Arcana Hermeticae philosophiae* vulgauit, sed naturam quoque rerum in mundo reclusurus, *Physicam restitutam* <sup>p</sup> breuibus quibusdam thesibus comprehensam edidit, in qua pleraque noua sunt, et a receptis sententiis abeuntia, haud pauca vero, quae emanatiuo systemati, quale apud Alexandrinos philosophos occurrit, valde sunt affinia. Statuit enim, mundum ab aeterno in archetypo suo descriptum fuisse, archetypum autem, qui totus lumen sit, ante vniuersi creationem in se complicatum, sibi soli illuxisse, in mundi vero productione, quasi parturientem se explicuisse, opusque suum in mente, velut in matrice, prius occultum, quadam sui extensione manifestum fecisse, ac mundum idealem quasi duplicata diuinitatis imagine actualem et materialem eduxisse. Quod Platonicum, nempe recentius et Cabbalisticum esse recte monuit, qui exegefin in hunc librum scripsit I. O. LVD. V. HANNEMANNVS. Reliqua ex hoc principio facile intelligi possunt, qualia sunt: omnia, summa, ima, in mundo analogia quadam similia inuicem cohaerere, spiritum diuinum rebus infusum geometrice haec inferiora tractare; et per omnia large diffusum, animamque mundi esse, spiritum dari vniuersi siue lumen in principio creatum, contractum in corpore solari, ordinem naturae esse seriem explicatam legum aeternarum, etc. Sed his, quae ex Orientali et Alexandrino atque Cabbalistico systemate mutuum accepit, noua multa inaedificat, statuit enim: mundum esse opus fabrilis in orbem gyratum, partes eius quasi catenae annulos se mutuis amplexibus stringentes; naturam opificem in medio sitam attritas semper vires reparare. Mundi vniuers-

Ioannes  
Espagnet.

<sup>m</sup>) loc. cit.    n) Cens. cel. Viror. p. 919.  
o) Theor. Variat. Pyxid. Magnet. in Philosoph. Transact. n. 148. Vid. Aët. Erud. 1684. p. 398.

p) Lut. Paris 1642. Col. Allobr. 1653. Kil. 1718. Tubing. 1725. 4. cum exegefi.

vniuersitatem triplici natura constare, supra coelesti siue intelligibili, coelesti et subcoelesti, siue elementari: nihil sine voluntate creatoris in mundo mori, sed omnia transire et immutari, et in sua simplicia resolui, materiam primam Aristotelis figmentum esse; spiritum mundi architectonicum a duobus principiis vniuersalibus creationis opus inchoasse, vno formali, altero materiali, lucem solarem esse formam formarum, et vniuersalem, quae formas et rerum semina infundat, ita, vt indiuiduum naturae quodlibet scintillam lucis in se recondat: solem lucidum esse diuinitatis speculum, appetitum materiae defectus et imperfectionis argumentum esse, eo quod luxurians ac recalcitrans propter remotionem et distantiam a formali principio expleri non potuerit, hincque mortis venenum non a qualitatibus repugnantia, sed ex infecta matrice et venenato materiae tenebroso menstruo et mixtura oriri, vniuersi harmoniam in diuersa et graduale materiae informatione consistere, simplicia corporum elementa non dari, materiam generationis esse fluorem, elementum naturae esse simplicissimam materiae primae portionem, terram et aquam sola elementa materialia esse, terrae corpus esse spongiosum, aërem vniuersum coelum esse, arcem vniuersi, naturae cribrum, per quod influentiae in corpora transmittuntur, regionem lunae vicinam non igneam, sed aëream esse, ignem naturae alium a luce coelesti non dari, sed ignem nostrum, ex vnitatis radiis lucis coelestis excitari, omnem calorem viuificum esse a sole; solem non esse planetam: amorem naturae esse ingenitum, discordiam in natura et repugnantiam nullam, quintum elementum ab Aristotele confictum esse spiritum aethereum incorruptibilem, tenebras et lucem realia entia esse, et ex eorum temperamento et coitu qualitates fuisse et elementa orta, adeoque elementa non esse vera principia, terram in ignem non posse mutari, etc. Haec et quamplurima alia dum Alexandrinis et Cabbalisticis hypothesibus affricat, et imprimis totum formati mundi opus ex chemicis principiis deducit, et secundum ea applicat, fecit auctor, vt nec Chemicis solis nec Platonici, nec theosophici, nec Cabbalisticis recentioribus, nec Mosaicis totus possit adiici, quorum tamen omnium principiis multa habet affinia, systema autem singulare aequè sibi proprium. Id quod valde placuit MORHOFIO<sup>q)</sup> huius commatis physicis, mirum quantum, fauenti; ipsum quoque librum, velut praecipuum systema physicum, quod in Gallia oppositum sit Aristoteli, commendat SOBELLVS<sup>r)</sup>, recte autem notat, tale esse, quod prudentiores ex parte probauerint, ex parte relecerint, ob dogmata somniis theosophicis repleta. Addi his possent, Sebastianus Bassonus et Stephanus Clavius, at eorum iam in parte huius tomi antecedente mentionem in vita Berigardi fecimus, quo lectorem licebit remittere.

## §. III.

q) T. II. p. 119. 165. Ex dictis patet, posse Espagnetum Mosaicis et theosophicis suo modo quoque annumerari.

r) l. c. p. 481.

*Physici re-  
censitores  
eclectici.*

§. III. Inter Germanos primus in disciplina naturali desipere, et relictis nugis scholasticis sapere ausus est, DANIEL SENNERTVS, cuius vitam et insignia de naturali et salutari arte merita depraedicauit facundus AVGVSTI BVCHNERI<sup>a</sup> calamus, quem alii exscripserunt, qui adiri ab illis possunt, qui celeberrimi viri vitae historiam nosse cupiunt. Ornauit is literas et cathedram medicam cum munere archiatri Saxonici in academia Wittebergenfi, denatus aetatis anno LXV, reparatae salutis MDCXXVII, ex peste, relicto filio, philologiae S. laude inter professores Wittebergenfes inelyto. Qui cum eruditione, iudicii lumine, sentiendi libertate at modesta et prudenti vteretur, non modo eruditissimis foetibus artem medicam et philosophiam naturalem auxit, sed et celeberrimorum virorum laudes iure suo meruit, quas cum THOM. POPE-BLOVNTIVS<sup>b</sup> collegit, eum non exscribimus. Plurimum praestantissimo huic medico debent literae non medicae duntaxat, sed et physicae; eo enim duce inuisum in academiis Protestantium apud Germanos chemiae studium introductum, reiectisque ineptis hypothesibus Paracelsicis, philosophico habitu donatum est. Qui conatus vt minori inuidia premerentur, ad syncretismum quidem confugit, edito de *Chymicorum consensu et dissensu cum Aristotelicis et Galenicis*, libro, quo nomine inter syncretistas locum ei in antecedenti huius tomi parte fecimus; ast insedisse eius animo studium vere eclecticum, ex prooemio *Hypomnematum physicorum*, in quibus de rerum naturalium principiis, de occultis qualitatibus, de atomis et mixtione, de generatione viuentium, de spontaneo viuentium ortu differit, constare potest, et ipsa quoque libri lectio demonstrat. In quibus sunt multa, quae a Peripateticis prorsus abeunt. Statuit enim<sup>c</sup>: principia rerum naturalium non omnia esse contraria, nec sufficere Aristotelica ad explicandum generationis rerum ordinem atque causas, Deum in prima creatione rebus suas formas dedisse<sup>d</sup>, per quas generationis ordo continuetur et absoluitur; immo omnibus quoque corporibus naturalibus suam materiam assignauisse<sup>e</sup>, priuationem frustra inter principia referri<sup>f</sup>. Esse in rebus omnibus consensum atque dissensum, atque alia se amice appetere, alia fugere<sup>g</sup>: non dari praeter elementa alia adhuc corpora simplicia, nec esse principia dicenda, in quorum resolutione ars ultra vix progredi possit<sup>h</sup>. Qualitates occultas tantum ratione causarum et formarum esse intelligendas<sup>i</sup>, doctrinam de atomis rationibus concludentibus nec facile refutandis probati<sup>j</sup>, alterationes esse corporis alieni participationem; non dari quidem minimam quantitatis, at naturae, et quae de continui diuisione in infinitum Aristoteles disputat, ex alienis principiis, mathematicis scilicet, non propriis, seu physicis disputari<sup>k</sup>, eductionem formarum

<sup>a</sup>) In Panegyrico illi dicto Witteberg. 1655. qui extat quoque inter Orationes Vol. II. p. 889. Conf. Vita Operibus praefixa WITTE Mein. Medic. p. 89. BAYLE Dict. Tom. IV. art. Sennert. REIMANN. Hist. lit. Germ. P. III. p. 450.

<sup>b</sup>) p. 921. seqq.

<sup>c</sup>) II. 1. c. 2. p. 11.

<sup>d</sup>) c. 3. p. 16.

<sup>e</sup>) p. 19.

<sup>f</sup>) c. 4. p. 25.

<sup>g</sup>) c. 5. p. 32.

<sup>h</sup>) c. 6. p. 38.

<sup>i</sup>) III. 1. p. 90.

<sup>j</sup>) p. 98.

<sup>k</sup>) p. 116.

parum esse figmentum <sup>f</sup>, mixtiones, quae a forma superiore non diriguntur, ab atomorum consensu et dissensu provenire. Deum postquam semel a creatione cessavit, nihil amplius, nisi miraculose creare, naturam vero instituisse, quae cursum generationis et corruptionis absoluat atque tueatur et obseruet <sup>g</sup>, semen esse animatum, animamque in semine formare corpus animatum, ova in se habere animam, animam humanam cum semine propagari in liberos, et statim a primo conceptionis momento adesse <sup>h</sup>, formationem foetus fieri ab vna anima, casum et fortunam in rebus naturalibus locum non habere <sup>i</sup>, minima in mundo ad eius perfectionem pertinere <sup>k</sup>, dari in corporibus formas succenturiatas et subordinatas <sup>l</sup>. Talia et his multo plura Sennertus cumulat; quae quamvis hodierno, quod in physica coruscat, lumini non aequae respondeant omnia, et nonnulla adhuc ex scholae principiis enata videri queant, falsum tamen est, quod MORHOFIVS <sup>m</sup> iudicat, eius physicam ab Aristotelica non adeo differre, nisi quod materiam primam, mutationem elementorum et familia specialia dogmata impugnet. Nempe nonnulla ex Paracelsica schola cum ipsis chemiae artificiis Sennertus receperat, quae Aristotelico quidem habitu vestit, prudenter sui temporis circumstantiis inferuiturus, at quae tamen haud raro ab Aristotelico sensu toto coelo differunt. Et hac quoque factum, ut magnis animorum motibus in Sennertum Aristotelici, maxime Groeningae Freitagius, Ienaeque Zeifoldus insurgere coeperint, accusauerintque virum eruditissimum eiusque sequaces, quod non tantum receptam scholarum sententiam turpiter deseruerit, sed et in ipsa religionem, atque Deum animaeque immortalitatem iniurius fuerit. De quibus accusationibus legi merentur, quae more suo eleganter differit P. BAYLE <sup>n</sup>. Discipulum atque sectatorem praecipuum Sennertus habuit Ioannem Sperlingium, professorem physices in schola Wittebergenfi, LVIII. aet. anno fatis ex calculo anno MDCLVIII decedentem <sup>o</sup>. Edidit is *Institutiones physicas* anno MDCLIII, quae tanto plausu exceptae sunt, ut in plerisque Germaniae scholis argumentum praelectionum suppeditare adhiberentur <sup>p</sup>: eas *Exercitationibus physicis* postea illustravit, *Anthropologiam physicam* quoque non sine acuminis et doctrinae laude tradidit. Sennertum autem aduersus Freitagium et Zeifoldum mascule defendit. In his vero scriptis physicis praeceptoris quidem vestigia dicendi genere plano lucidoque delineata premit, ast discedere tamen ab eo, ubi causam se habere putat, non erubescit, libertati philosophicae, ut ipse fatetur, ex animo addictus. Quod vero cum praeceptore qualitatibus occultis formisque, quae asyla ignorantiae in doctrina naturali sunt, nihil tribuerit, potiusque declamet quam demonstret, id quod in eo reprehendit MORHOFIVS <sup>p</sup>, eorum, in quibus vivebat, temporum conditioni

Li ii 2

ditioni

f) p. 144. g) IV. 2. p. 151. h) c. 6. p. 135.

i) c. 13. p. 328. \*) p. 360.

k) p. 394. l) T. II. p. 249. m) l. c.

n) WITTE Mem. phil. Dec. VIII. p. 296. seqq.

o) CHR. VATER. Physiol. praecem. p. 5.

p) T. II. p. 265.

ditioni et diluculo aduenientis lucis physicae adscribendum est, quo praeiudiciis a pueritia in schola haustis, et notionibus a iuventute confusis ex toto exuere non licebat. Laudandus tamen virorum optimorum conatus atque voluntas eo magis est, quo magis physicae restituere eclecticam philosophandi libertatem, et excutere iugum sectarium coeperunt.

*Kenelmus  
Digbaeus.*

§. IV. Dum in Germania lucem accendere philosophiae naturalis Sennertus satagit, multo clariorem faciem in natura scrutanda occupatis in Britannia praetulit Baconus de Verulamio. Qui cum orbi philosophico oculos aperuisset, ut quam misere hactenus in eo argumento scholae coecutiuerint, omnibus palam fieret, enata inde contentio virorum nonnullorum valde acutorum inter Anglos tentandi, quid in hac nova via liceat attingere. Quod cum proscripta omni Aristotelis auctoritate minus feliciter fieri posse quidam crederent, ut occupatis praehudicio in Aristoteli philosophis fucum facerent, non aperte bellum Stagiritae, intulerunt, sed quendam Peripateticae *παιδείας* tropum prae se ferentes, nova tamen propriaque dogmata illis obtruserunt. Inter hos nemo vel cogitationum acumine vel diligentiae contentione vel famae celebritate vixit. **KENELMVM DIGBAEVM**, equitem Anglum apud Carolum I. gratiosum, et militia pariter atque civili prudentia in legationibus demonstrata illustrem, cuius vitae circumstantias cum post **WOODIVM** aliosque enarraverit **P. BAYLE**, ad elegantissimum scriptorem lectorem dimittere, quam in tanto dicendorum aceruo prolixi esse malum. Aderat celeberrimo viro magna eruditionis copia, quam non tam in academia Oxoniensi, ubi literis operam dedit, quam sua industria, attentione, lectioneque sibi comparavit, accedente usu atque experientia, quam in itineribus variis sibi comparauerat. Absoluto enim studiorum curriculo Galliam et Italiam inuiscitat, et post funesta Caroli I. fata, cum deuotissimus partibus regiis esset, aliquandiu Francofurti ad Moenum Romae alibique haeserat, sed et in Gallia apud Montispeffulani ciues diu moram fixerat, quo loco etiam pulueris sympathetici construendi occasionem a Carmelitarum socio quodam nactus, illum publica oratione laudauit, reduxque Londinum ineunte vere anni **MDC LX V**, sexagenarius obiit. His ergo subsidiis eruditionis, atque ingenii opibus instructus cum omnium fere disciplinarum esset peritus, linguarumque notitia adiutus inter armorum strepitus ad philosophiam, maxime naturalem et metaphysicam, tum ad artem salutarem praecipue vero chemiam, et ad artes mathematicas animum conuertit, et nec labori atque industriae neque sumptibus pepercit, ut mysteria istarum artium perquireret. Et in metaphysico quidem argumento, quid ingenium Digbaeanum valuerit, ex tractatu *de immortalitate animarum* disci potest. In chemicae autem artis mysteria

q) Athen. Oxon. r) **BULLART**. Acad. des Sciences T. II. p. 1137. seqq. Lex. Hist. vniu. T. II. p. 56. s) **Dict.** T. II. art. Digbi p. 290.



steria tanta felicitate penetrauit, vt medicinae rationes arcanissimas teneret, multaque remedia inueniret, quibus sanitatem aëgris, maxime pauperibus gratis multoties restituit. Inde factum, cum et theoria et praxi naturalem scientiam praeclare teneret, vt regiae quae Londini floret scientiarum academiae albo inscriberetur. Cum Parisiis esset, Cartesium conueniendi occasionem nactus est, cumque eo de natura et operationibus animae disputauit, conspirare tamen cum illius placitis se non posse, quamuis maximi illum faceret, testatus est. Ad propriam itaque philosophiam conuersus est, eiusque principia ita constituit, vt non plane Peripateticam disciplinam eiurasse videri posset. Experientiam vero, praecipue chemicam, in declarandis naturae operibus potissimum consuluit, et hinc nouas hypotheses exstruxit. Rarefactionem enim et condensationem pro principiis physicis assumens, in enucleanda natura rerum ab inanibus Peripateticorum vocibus abstinuit. Cuius exemplum capi potest ex libris *de Natura corporum, et de Plantarum vegetatione*, in quo posteriore processum accretionis et nutritionis plantarum luculenter demonstrauit, exposuitque, quomodo ex vno puncto feminali partes extra partes extendantur, partim salibus aëris aut terrestribus euocatae, partim pressione aëris et humoris externi, partim calore subterraneo electae &c. Qua ratione reiecit Digbaeum animam vegetatiuam Aristotelicorum, et longissime a formarum doctrina recessisse, nemo non videt. Vnde caute accipiendum est, quando Peripateticam philosophiam ei tribuit, qui aliquandiu in eius familia vixit et philosophiam Digbaeanam professus est Thomas Anglus; de quo supra dictum. Ille enim scripsit *Institutiones Peripateticas ad mentem summi viri clarissimique viri Kenelmi Digbaei*, quas tamen Peripateticas non esse facile ex comparatione patescit. Transtulit autem Digbaeus principia physica etiam ad metaphysicam, maxime ad psychologiam, vt ex demonstratione immortalitatis animae rationalis patet. In ea enim naturam et qualitates corporis, quarum praecipuas, generale principium suum physicum secutus, ponit densitatem et raritatem, supponit, et ex earum progressionem immortalitatem animae demonstrare fatagit. Quo nomine eum, licet iudice MORHOFIO non satis iudiciose refutauit ex societate Iesu Eggefeldius, ascito AMANDI VERI nomine, sub quo *Anima triumphans* prodiit. Recte enim Morhofio obseruatum, de principiis eius prius transigendum esse, quae nexu arcto inter se cohaerent; et sine eo frustra Digbaeum impugnari.

§. V. Digbaei exemplum secuti sunt plures, qui chemiae beneficio ignisque ministerio in naturam rerum materialium penetrare sunt conati. Et longum quidem eorum indicem texere liceret, si id ageremus, eo quod haud pauci chemici non contenti corpora composita ignis ope in simplicia resoluisse, ex iis principia quoque physica theoretica exsculperunt. Quod qua ratione fecerit Theophrastus Paracelsus, et qui ex eius schola prodie-

*Chemicorum  
merita in  
physicam re-  
formatam.*



runt, in antecedente iam parte fuisse differuimus, et quibus vultibus conspiciendam se dederit philosophia horum hominum chemica, duce Oswaldo Crollio, delineauimus. Multum in hoc physicae genere chemico laborauit, multumque profecit Helmontius pater, cuius tamen hoc loco mentio, supra iam facta, repetenda haud est. Neque putandum, omnes qui chemiae ministerio physicae scientiae lucem accendere conati sunt, ad eiusmodi principia theosophica, nullibi nisi in ardentis imaginationis campo florentia, fuisse dilapsos. Postquam enim desipere nugasque agere nostra aetate orbis philosophicus desiit, in id conuulsi sunt artis spagiricae (quo nomine schola Paracelsicae uti placuit) studiosi, ut cum sanioribus principiis, maxime mechanicis, eius experimenta coniungerent. Cuius exempla si quis scire aueat, eum vel commentarios societatum scientiarum, Caesareo-Leopoldinae, Londinensis, Parisiensis, Berolinensis, Petroburgensis adire iubemus ubi haud pauca chemiae philosophica methodo ad recludendos naturae recessus adhibitae specimina extant, vel ad Io. IACOBI MANGETI *Bibliothecam chemicam curiosam* ablegamus, in compendio autem illustris viri HERM. BOERHAVE *Elementa chemica* consulere iubemus. Quemadmodum enim in praestantissimo libro vir incomparabilis, et in chemiae arte ad miraculum versatus experimentorum rationes prouidentissimas iniit, et ingenio philosophico usus illis theoriam inaedificauit, ita artis quoque mirabilis historiam mira solertia congeffit, scriptorum chemicorum indicem contexuit, materiam chemicam disposuit, utilitatem chemiae non in arte tantum salutari, sed in philosophia quoque naturali demonstrauit, et hoc pacto, quid ad augendam physicae partem philosophiae chemia attulerit, erudite atque luculenter edisseruit. Ad quem eruditissimum naturae interpretem lectorem dimittere, quam breui chemicorum enarratione extra oleas vagari malumus. Comparari tamen cum illo potest Io. GEORGIUS PASCHIVS \*. Ne tamen hoc quoque loco abeamus αὐτομθελοῖ, vnum naturae per chemiae artem interpretem, at πολλῶν ἀνταξίων ἄλλων ROBERTVM BOYLEVM in scenam producimus. Is ex illustri Boyleorum gente inter Hibernos ortus patre Richardo, comite Corckiae, studiorum cursum apud Lugdunenses Batauorum Musas peregit, peragratque, ad noscenda naturae artisque opera Italia, Gallia et Heluetia anno MDCLVII Oxoniae in amplissimo literarum theatro sedem fixit, cumque artem salutarem miro amore effret complexus, (cuius summos quoque in academia honores rite consecutus est,) multum in eo defudauit, ut inter naturae consultos initia societate de augenda scientiae naturalis cognitione consilia agerentur, quorum euentus, condita societate scientiarum regis fuit laetissimus †. Illi vero fauente Carolo II. inter primos adscriptus est. Quam

Robertus Boyle.

u) Lugd. Bat. 1732. 4. 2. Vol. Conf. Journal littéraire T. XIX. P. I. art. 6. P. II. art. 3.

x) De Inu. nou-antiq. c. VI. §. 5. p. 318. BOR-

RICHIUS de Orig. et progressu chemiae p. 145, sq.

y) TH. SPRAAT Hist. Soc. reg. Lond. P. II. S. 2. p. 67.

Quam spartam cum ornandam accepisset, sede Londinum translata magnis sumptibus nec minori industria in explorandos naturae recessus incubuit, totus experimentis chemicis, mechanicisque et his similibus intentus. Huic enim studio se totum deuouerat, et ob eam quoque causam caelibem vitam ad obitum vsque seruauisse videtur, qui expirante anno MDCXCI, sexagenario maiori non sine ingenti literarum, praecipue physicarum iactura luctuque contigit. Locum autem vir summus inter primarios physicae scientiae doctores summo iure postulat; cum enim non linguas tantum eruditas, etiam orientis teneret, vt consulere scriptores fere omnes posset, sed et magno studio et immensis sumptibus chemiae experimentis et physicae, quam experimentalem vocant, inuigilaret, instituto autem commercio literario cum maximis in Europa viris, qui in natura scrutanda eminebant, omnium fere philosophorum sui temporis experientiam confuleret, affluerent autem ad eius aedes, humanitate et beneuolentia eius inuitati, quotquot naturae rimandae diligentiam adhibebant suam, iique observationes suas cum eo communicarent, (quos tamen interdum eum fefellerisse obseruat MORHOEVS <sup>2</sup>.) facile inde subduci rationes possunt, cur ex illustribus viri conatibus magna ad philosophiam naturalem experimentis constantem incrementa accesserunt. Non vero nuda experientia contentum principia quoque curiose inuestigauisse, vel ex vno *Chymista scripto, siue dubiis et paradoxis chymico-physicis circa Spagiricorum principia vulgo dicta hypostatica, prout propugnari solent a turba alchymistarum*, euidenti exemplo patet. Clarissime enim demonstrare conatus est, veros characteres principiorum, decantatam illam chemicorum triada tueri non posse, sed requiri alia, ex quibus ista consistit. Vnde tribus istis chemicorum principiis constituentibus, sale, sulphure et mercurio, siue corpore spiculis minimis armato, inflammabilibus partibus constante, et volatili, minime contentus, systemati atomistico, ex Democriti atque Epicuri schola in lucem reuocato, manus dedit, illique experimentorum observationes adaptauit. Et hoc quidem pacto de natura rerum in variis scriptis pulchre philosophatus est. Debemus enim ei *Experimenta Physico-Mechanica de vi aëris elastica, eiusque defensionem aduersus Franciscum Linum; aliaque de aëris virtute elastica paradoxa hydrostatica, tentamina physiologica, et historiam fluiditatis et firmitatis, itemque de absoluta quiete in corporibus, experimenta et considerationes de coloribus, introductionem ad historiam qualitatuum particularium, exercitationes de atmosphaeris corporum consistentium et effluuiis, Specimen de gemmarum origine et coloribus; observationes de adamante in tenebris lucente, apparatus ad historiam naturalem sanguinis humani* <sup>3</sup>. Quae omnia mira experimentorum luce collustrauit. Scripsit quoque librum de igne, quem arcana sua vulgari non passus consumsit ignis

<sup>2</sup>) T. II. p. 130.

<sup>3</sup>) Prodiere eius opera Col. Alabr. 1677. 4. Vol. Conf. MARCELIN. Linden. renou. p. 939.

ignis incendii Londinensis. Ceterum pietatem atque virtutem, quam et Christianae religionis propagandae studium accendi ab attenta naturae operum contemplatione laudatissimo exemplo suo demonstravit Boyleus. Valde enim commendantur eius probitas, moresque sancti, modestia, humanitas, et sumtus magni, in reuelatae religionis propagationem facti. Mirumque virum in scrutanda natura tanta industria occupatum GROTII incomparabilem librum de V. R. C. Arabico idiomate expressisse, ut inter infideles spargi felicius posset <sup>b</sup>. Tandem neque in eo errabimus, si contendamus, plurimum ad naturam rerum materialium recludendam totum medicorum ordinem, et immortales gloriae viros, qui arti salutari clarissima lumina accenderunt, contulisse. Non negabunt hoc illi, qui conuicti sunt eidentissimis rationibus, artem medicam, si rationalis sit, totam in quadam naturalis philosophiae parte comprehendere, nec constare posse, nisi a physica sustentetur. Inde magna recentiorum medicorum caterua exorta est, qui non contenti medendi artem descripsisse, in enucleandis quoque argumentis physicis laudabilem operam posuerunt. Quos hoc loco enumerare esset historiam literariam medicinae scribere, quae a nostro instituto aliena est. Facile autem plerique cognosci possunt ex bibliotheca scriptorum medicorum a IO. IAC. MANGETO, constructa indicibus ab ABRAHAMO MERCKLINO suppeditatis, vel ex bibliotheca philosophica STRVII, vel ex aliorum quoque catalogis vbiuis obuiis <sup>c</sup>. Nobis ex immenso fere numero post illustrem FRIDERICVM HOFFMANNVM, qui felici conatu artem medicam ad habitum rationalem et philosophicum reduxit, et in nonnullis argumentis physicis, praesertim quod ad aquas medicatas attinet, lucem nouam naturali scientiae intulit <sup>d</sup>, suo merito iam memorandus est vir eruditissimus IOANNES IACOBVS SCHEUCHZERNVS <sup>e</sup>, medicinae publicus apud Tigurinos doctor, denatus anno MDCCXXXI. Is enim haud leuem philosophiae eclecticae operam praestitit, ex praestantissimorum naturae interpretum scriptis ea colligendo, quae iuncta observationibus suis elegantes solidasque naturalis disciplinae institutiones exhibuere <sup>f</sup>, scientiam autem praestantissimam ad augustum diuinorum oraculorum volumen traducens, splendidum atque eruditissimum *Physicae sacrae* <sup>g</sup> opus post se reliquit, ut taceamus, tractationem *de Physica Iobi*, *Herbarium diluvianum*, quod herbas petrefactas ostendit, *Querelas et vindicias piscium*, *Museum diluvianum*, et alia, quibus inter praestantissimos philosophos naturales suo iure meruit referri. Cui ex seculo XVII. merito addimus GVILELMVM HARVAEVM, <sup>h</sup> magnae

Frid. Hoffmann.

Io. Iacob. Scheuchzernus.

Guilelmus Harvaeus.

b) Conf. Wood. Athen. Oxon.

c) Consuli autem cum fructu possunt historiae medicae scriptores, et imprimis qui literariam eius partem more suo eleganter atque erudite exposuit cel. STOLLIVS in Hist. liter. Medicinae, Germanice edita.

d) Conf. si placet Pinacothecam scriptorum

nostrae aetatis illustrium, nostra cura editam Dec. 1.

e) Ipse vitae suae historiam stricte enarravit in Cat. Auctorum, physicae sacrae praefixo.

f) Tigur. 1729. 8. 2. Vol.

g) Prodiit opus vere splendidum et augustum Aug. Viind. 1731. VI. Vol. fol.

magnae famae medicum Britannum archiatrum Caroli I. Qui quantis de philosophia naturali meritis corruscaverit, ex variis, quae illi debemus *ἐνδείξεις* in sequentibus adhuc tangendis constat, inter quae palma sine dubio debetur nobilissimo inuento circulationis sanguinis, de quo contentionis ferram cum Parisano, Primoroso et Plempio reciprocauit, quarum litium controuersiam accurate enarrat praestantissimus HEVMANNVS <sup>b</sup>. Merita autem insignis medici exalciata scripta produnt <sup>c</sup>, et elogia virorum doctorum, a POPE - BLOUNTIO <sup>d</sup>, collecta loquuntur. Tandem ex medicorum choro qui de physica philosophiae parte pulcherrime meruerunt, illi quoque adducendi hoc loco sunt, qui ferro naturam rescandam esse, a Verulamio moniti, cultro anatomico structuram corporum animalium diligentius quam antea scrutati sunt, cum scientia nobilissima a Galeni aetate inculta neglectaque iacuisset. Ingens summorum virorum numerus afferri hoc loco posset, si id agendum nobis esset, ut scriptorum anatomicorum historiam scriberemus. Ast id alium locum, aliud institutum postulat, haud pauci vero ex *Bibliotheca Anatomica* a DANIELE CLERICO et IO. IAC. MANGETO edita disci possunt. Nec ignota sunt inter artis salutaris studiosos et physicarum rerum peritos illustria nomina, Bartholini, Bagliuui Santorini, Winslouii, Ruyschii, Malphigii, Cowperi, Verheyenii, Blancardi, Rudbeckii, Schelhammeri, Nuckii, Stenonis, Borelli, Whartoni, Diemerbroeckii, Willisii, Vieussenii, Garengiotti, Blanchini, Morgagni, Bidloo, Valsaluae, Duernay, Hauerii, Glissonii, Albini, Pecqueti, Eustachii, Graafii, Bellini, Swammerdamii, Guillemi, Michelotti, aliorumque, quibus, qui hodie facile inter anatomicos regnat, cel. Heisterus adiiciendus est. Hi enim omnes aut totius corporis animalis fabricam, aut vnius alteriusue visceris vel partis naturam cultro anatomico scrutando, eiusque oeconomiam, munus, operationem considerando naturalis philosophiae capiti quod de animali, praecipue homine agit, plurimam lucem accenderunt. De quibus specialia magis dicere, historiae anatomiae est, qualem plenam atque integram adhuc desideramus.

§. VI. Non minora, quam medicis, incrementa philosophiae naturalis debemus mathematicorum nationi, quae statim post reparatas literas plurimum ad augendam scientiam physicam contulit <sup>e</sup>, idque duplici ratione. Aut enim siderali disciplinae se maxima attentione atque diligentia tradiderunt, et quae corporum coelestium natura, motus ratio et cum globo nostro terraqueo harmonia atque conspiratio esset, nouis experimentis

*Incrementa  
physicae eccle-  
sticae ex di-  
ligentia ma-  
thematico-  
rum.*

<sup>b</sup>) Aët. phil. Vol. II. p. 616. seqq.

<sup>c</sup>) Recenset ea MARCKLINVS l. c. p. 378.

<sup>d</sup>) Cens. cel. auct. p. 987. seq.

<sup>e</sup>) Exagitarunt praeposteram mathematicorum circa doctrinam naturalem diligentiam

Thomasius et Rudigerus, ille in Cauteis circa praecognita iuris, hic in Physicae diuinae proemio: ast, vel nonnullorum tantum ineptias perunt, ipse mathefi non imputandas, aut ignari mysteriorum mathematicorum nesciunt, quid sibi velint.

tis et incredibili industria explorarunt, ex quo studio nova illa systemata mundana exorta sunt, quae Ptolemaicum prorsus eiecerunt. Aut cognitio rerum materialium vicibus, operationibus et effectibus de earum mechanismo solliciti leges motus calculo arithmetico et demonstrationi geometricae subiecerunt, sicque quandam philosophiam naturalem, quam mathematicam dicere placuit, constituerunt. Et prius quidem mature factum est, postquam ex virorum magnorum deque astronomia immortaliter meritorum Georgii Peurbachii et Ioannis Mülleri, Regiomontani, cuius utriusque vitam accurate delineavit G A S S E N D U S <sup>m)</sup>, disciplina velut ex equo Troiano discipuli eruditissimi prodierunt, qui in sideralem scientiam diligenter incubuerunt, animos illis addente imperatore Friderico III, optimo principe, qui eorum conatus praeclare adiuuit <sup>n)</sup>. Maxime vero in schola Viennensi <sup>o)</sup> ab eo tempore diligentissimi astronomiae cultores reperti sunt, quorum expirante Sec. XV, et ineunte Sec. XVI, magna fama fuit atque multa existimatio. Nostrum non est, hoc loco catalogum contexere celebriorum astronomorum, quorum industria huic naturalis scientiae parti ingentia lumina accefferunt, illi enim in speciali astronomiae historia enarrandi sunt. Nec facile ignorantur a rerum in orbe erudito gestarum peritis celeberrima nomina Erasmi Oswaldi Schreckenfuchsi, Ioannis Humelii, Petri Rami, Michaelis Moeßlini, Christophori Clauui, Iosephi Scaligeri, et quamplurimorum aliorum, ex Sec. XVI virorum clarissimorum, tum praecipue ex Sec. XVII, quod valde ferax virorum doctorum in scientia siderali fuit, Francisci Vietae, Ioannis Bayeri, Christophori Scheineri, Willebrordi Snellii, Henrici Sauillii, Dionysii Petauui, Philippi Lansbergii, Guillemi Schickardi, Petri Gasfendi, Ismaëlis Bullialdi, Ioannis Heuelii, Ioannis Baptistae Riccioli, Sethi Wardi, Abdiae Trew, Ioannis Baptistae Hamelii, Casparis Schotti, Io. Alphonfi Borelli, Ioannis Dominici Cassini, Ioannis Flammstedii, Olai Roemeri, Edmundi Halleii, Erhardi Weigelii, Dominici Guillemi, Iacobi Bernoullii, Godofredi Kirchii, Eduardi Bernardi, Ioannis Philippi a Wurzelbau, quibus ex hoc nostro seculo Franciscum Blanchinum, Gabrielem Philippum de la Hire, Daudem Gregorium, Ioannem Polenum, Eustachium Manfredum, Guil. Whiston, Gabrielem Doppelmayrum, Iosephum Nicolaum de l'Isle, Petrum Horrebouium, Iacobum Philippum Maradum, Petrum Ludouicum de Maupertuis, Dort. de Mairan, Daniele Bernoullium, Arnoldum Celsium et complures alios magna nominis fama hodie viuentes astronomos addere liceret, si vel huius artis historiam, vel annales viuentium hodie eruditorum literarios conderemus. Tacemus ideo maximorum quoque principum gratiam et liberalitatem in hanc scientiam promouendam, quod sine magnis moliminibus

m) T. V. Opp. p. 517. seqq.

n) Conf. Io. GRUNBECK in Vita Frid. III. p. 31.  
STRUVIUS Corp. Hist. Germ. Per. X. p. 788.

o) Addi possunt Astronomi Norimbergenses et  
Tubingenses.

nibus et ingentibus sumptibus fieri nequit, cuius nuper demum in itineribus astronomorum Parisiensium in Americam et in Laponiam, et astronomorum Petropolitanorum in Tartariam, luculentum exemplum habuimus, nec de turribus speculisque astronomicis a regibus, principibus, et rebuspublicis Hafniae, Grenouici apud Londinum, Norimbergae, Lugduni Batavorum, Parisiis, Berolini, Vlisippone, Petroburgi alibique excitationis plura addimus, sed ad celeberrimi viri IO. FRID. WEIDLERI, cui et ipsi locus inter meritissimos de hac arte viros debetur, elegantissimam *Historiam astronomiae* <sup>p</sup> lectorem dimittimus, ex qua plenis cyathis hauriet, omnemque virorum summorum diligentiam, conatus, libros, observationum studia, et quae alia sunt, huc pertinentia, luculenter intelliget. Non tamen indicti nobis praetermittendi sunt ex seculo XVI Nicolaus Copernicus et Tycho de Brahe, ex seculo XVII Ioannes Keplerus, et Galilaus Galilaei, eo quod nouis hypothesium systematibus non astronomiam tantum, sed physicam quoque scientiam locupletarunt.

§. VII. Lucem vidit NICOLAUS COPERNICVS Thorunii *Nicolaus Copernicus.* Borussiae anno MCCCCLXXII et post accepta in Cracouiensi academia, linguarum, philosophiae et artis salutaris elementa, mathesi totum se, Regiomontani fama excitatus, tradidit. Deinde Italiam ingressus Bononiae Dominici Mariae, astronomiae professoris opera et auxilio usus est, tanto successu, ut insigni omnium applausu, exspirante seculo XV, Romae mathematicum professor constitueretur. Post aliquot annos reuersus in patriam, in canonicorum Warmiensium ecclesiae cathedralis Frauenburgi collegium receptus, de noua hypothesi systematis mundani cogitare coepit, et restaurato dogmate Pythagoreo, Philolaico quod solem in mundi medio immotum ponit, nouam *Orbium coelestium eorumque reuolutionum theoriā* construxit, quam sex libris vulgavit, qui Norimbergae MDXLIII prodierunt <sup>r</sup>, quo anno sanguinis profluvio extinctus est. De quibus eius vitae circumstantiis atque historia prolixè differuit PETRVS GASSENDVS <sup>r</sup>, quo cum conferri rerum literariorum scriptores <sup>s</sup>, et inter hos quoque MELCH. ADAMVS <sup>t</sup>, possunt. Aeternam is sibi nominis gloriam nouo illo systemate mundano comparauit. Haecenus enim Ptolemaei systema apud omnes obtinuerat, in quo terra in centro collocatur, circa quam Luna, Mercurius, Venus, Sol, Mars, Iupiter et Saturnus in circulis concentricis moueri concipiebantur. Huius falsitatem vel solae Veneris et Mercurii reuolutiones demonstrabant, cum inter eos et Solem terram aliquando intercedere, contra experientiam, oporteret, ex quo homocentricorum auctores deserendos esse recte Copernicus collige-

Kk kk 2 bat.

p) c. 14. 15. 16.

q) Amstelod. 1617. cum Annot. NIC. MVL-

LERI.

r) T. V. Opp. p. 497. seqq.

s) Iovivs Elog. c. vlt. FREHER. Theatr. p. 1447. VOSSIVS de Scient. Mathem. c. XXXV.

§. 45. p. 183. STARAVOLSCIVS Cent. Polon. erud. alii.

t) Vit. Phil. p. 126. REIMMANN. Hist. lit. Germ. P. III. p. 521. WEIDLER. l. c. c. XIV. §. 19. p. 343.

bat. Ad scholam itaque Pythagoream conuersus, quae eiecta e centro mundi terra, solem in eo, velut loco nobilissimo constituebat, et ita simpliciori et concinniori ordine motuum coelestium causas enarrabat, ex ea assumendum esse statuit, terram circa axem proprium gyron, et circuitiorem absolueret ab occasu in ortum diem, diei noctisque vicissitudines perficiendo. Sed cum ista quoque ἀσυμμετρίαν proderent, Philolaum sequendum esse iudicauit, qui terram a centro amouens, motum ei diurnum circa proximum axem, et circumductum etiam annum circa solem tribuebat, eique locum inter planetas assignabat, cuius centrum Sol esset. Quae cum phaenomenis multo simplicius respondere conuenireque videret, etiam de singulorum motuum periodis definiendis cogitauit, indeque adhibitis obseruationibus astronomicis opus de *Orbium coelestium reuolutionibus* confecit, ac eas geometrica methodo demonstrauit. Dicitur non potest quam pulchrum systema Copernicanum sideralis scientiae et cosmographiae studiosis visum sit, eo quod absurditates et confusiones in Ptolemaico siderum motu eorumque epicyclis et eccentricis emendabantur, et inuolutiones circulorum multiplices, vt BVLIALDO \* obseruatum, ad simplicitatem physicam reuocarentur. Permoit haec naturalis simplicitas Georgium Ioachim Reticum, matheseos apud Vitebergenses professorem, vt dimisso munere professorio in Borussia ad Copernicum concederet, et se illi in disciplinam traderet \*. Nicolaus Schoenbergius autem, cardinalis Capuanus magnis conatibus hypothesein Copernicanam promouere satagit †. Tacemus alios, qui pedibus in hanc hypothesein atque sententiam Copernicanam ire non cunctati sunt. Quos hoc loco nominare eo minus opus est, quo minus in alienam messiem falcem mittere fas est. Vnus quem postea nominabimus, Keplerus, specimen esse potest, magnis in siderali scientia viris hanc hypothesein placuisse. Nec defuere praeclara virorum eruditissimorum de meritis his Copernici testimonia, quorum partem collegit THOM. POPE-BLOUNTIVS ‡, qui videndus. Signum tamen tollere contra hanc systematis mundani delineationem haud paucos iussit apparens sacrarum paginarum pugna, quae tanta visa est theologis, maxime ex Romanae ecclesiae gremio, vt et sensum et reuelationis fidem eiurare videretur, quo in argumento eminebat Christophori Clauii, doctissimi ex Iesuitarum Societate mathematici diligentia. Mirum itaque haud est, congregationem patrum ecclesiasticorum Romanam peculiari decreto hanc hypothesein confixisse \*. Id quod non impediuit quidem multos, quo minus calculum ei adicerent, de quibus videtis I. GEORG. PASCHIVM †, at in omnes tamen se partes vertere

u) Proleg. Astronomiae Philolaicae.

x) Conf. REIMMANN. l. c. P. IV. p. 216. debemus ei narrationem de libris reuolutionum Copernici adiectam Io. KEPLERI *Mysterio cosmographico*. Conf. BORCLER. *Bibl. crit.* c. 34. p. 537. WEIDLER, l. c. §. 23. p. 345.

y) IDEM l. c. §. 24. p. 346.

z) Conf. cel. Auct. p. 609. seq.

a) Vid. R. SIMON. *Lettres choisies* T. V. n. 12.

b) De Inuentis nou-antiquis c. VII. §. 3. pag. 519. seq.

tere coacti sunt mathematici Romanae curiae addicti, vt fulmina pontificia euitarent. Cumque Cartesius eandem Copernici hypothesein nouis coloribus pingere et systemati, quod sibi conceperat, physico adaptare constituisset, miras fraudes eum comminisci oportuit, vt palpum inquisitoribus obtruderet, vt supra narratum. Quae tamen seueritas hodie valde remisit; praecipue cum inuenirentur nonnulli, qui dicta Scripturae S. cum ea hypothese conciliare posse non desperarent, variamque viam inirent. Id quod valde agitatatum est in Belgio foederato in controuersis Cartesianis, peculiari autem tractatione sibi demonstrandum sumsit Io. IACOBVS ZIMMERMANNVS <sup>c</sup>, vt alios taceamus. Nec diffitendum, quamplurima commendare hypothesein Copernicanam, simplicitatem, ab omni perplexitate et confusione remotam, ordinem sapientiae diuinae conuenientem, similitudinem terrae cum planetis accuratam, rationes apparentiarum coelestium planissimas et trics omnibus expertes, epicyclorum et epepicyclorum inextricabiles labyrinthos euitatos, arcuum retrogradationis et progressionis in planetis descriptionem luculentam, et quae alia sunt, ex hoc systemate fluentia, quae a reliquis prorsus exulant.

§. VIII. Mederi offensionem, quam ex hypothese Capernicana tot viri docti metuebant, voluit TYCHO BRAHEVS, post Copernicum inter fideralis scientiae cultores facile suo tempore princeps, de cuius vita integrum librum accurata diligentia conscripsit PETRVS GASSENDVS <sup>e</sup>, qui ab iis legendus est, qui historiam astronomiae seculo XVI exultam intelligere cupiunt. Cui addi potest LIENSI oratio *de vita et obitu Tychonis de Brahe*, quaeque ad eius res cognoscendas collegerunt TRISIERIVS <sup>f</sup>, BVLLARTIVS <sup>g</sup>, WITTENIVS <sup>h</sup>, BARTHOLINVS <sup>i</sup>, PASCHIVS <sup>k</sup>, WEIDLERVS <sup>l</sup>, alii. Editus ex illustri, quae hodie adhuc in Suecia floret, Braheorum gente, Knudstorpil in Scandia anno MDXLVI, patrem habuit Ottonem Braheum; educatus a patruo, anno MDLIX, Hafniamque ad discenda humanitatis studia missus occasione eclipse solaris fideralis scientiae amorem concepit, et sphaericae doctrinae principia haurire coepit. Lipsiam ad prudentiam iuris colendam ablegatus astronomiam potiore habuit, eique duce Ioanne Hummelio ex Sueuia nostra orto <sup>m</sup> infudauit, commilitione vsus Bartholomaeo Sculteto, licet hanc fiderum contemplationem, quo posset modo paedagogus, qui ei praefectus erat, impediret. Anno MDLXVI, post reditum in patriam Vitebergam accessit, et ineunte auctumno Rostochium, vbi funesto casu in conflictu quodam nasi partem anteriorem fere totam amisit, sic vt ad-

*Tycho de Brahe.*

Kk kk 3

uenti-

c) Conf. HEYMANN. A& phil. Vol. II. pag. 308. seq.

d) In Script. Copernizante, vid. A& Erud. 1691. p. 205. Relat. Innoc. 1701. p. 395. illustr. C. WOLF. de Script. Math. c. 9. §. 29.

e) Opp. T. V. p. 387. quem plerique secuti sunt,

f) Elog. T. IV. p. 382. seq.

g) Acad. des Sciences T. II. p. 108. seqq.

h) Memor. philos. Dec. I. p. 5. seqq.

i) De Scriptis Danor. p. 146. 451.

k) De Inu. nou-antiq. c. 7.

l) l. c. c. 14. §. 85. seqq. p. 383. seqq.

m) Erat enim Memmingensis. De eius peritia astronomica vid. GASSENDVS l. c. p. 389.



uentitum nasum ex auro argentoque conflatum agglutinare opus esset. Anno MDLXIX, absoluto studiorum academicorum studio, cum iam praeclare in siderum cognitione esset versatus, ad iter astronomicum se accinxit, et aliquandiu Augustae Vindelicorum haesit, vbi eum virorum de promotis literis et literatis immortaliter meritum Io. Baptistae et Pauli Hainzelii beneuolentia, et commoda occasio quadrantis conficiendi detinuerat. Illi enim cum eruditos omnes mira humanitate excipere solebant, quos adducere solebat Hieronymus Wolfius, maxime Tycho Braheo astronomiae cultura, quam insigniter promouebant, coniuncti fuerunt. Tum et aliis Germaniae locis visis, labente anno MDLXXI, patriam repetit, acceptaque ab auunculo sede astronomicis et pyronomicis operis diligenter vacauit. Biennio post matrimonium, cum femina plebeia iniit, non sine consanguineorum indignatione, et petente rege adolescentibus nonnullis planetarum theoriam praelegit. Tum anno MDLXXV iter diu meditatus tandem ingressus est, et, postquam Hassiae Landgrauium Guilelmum, qui siderali scientiae magnificis conatibus et proprio studio fauebat, conuenerat, Basileam adiit, iterque profectus per Heluetiam Venetias vidit, et in patriam rediit, Hafniam a Danorum rege Friderico II. vocatus, ob commendationem Landgrauii Venusiam insulam, quam Huenam inquilini vocant, vtendam, aedificiumque obseruationibus siderum destinatum extruendumque liberaliter accepit, cui coelestium speculationum theatro Vranoburgi nomen postea indidit, instrumentorum necessarium apparatus magnificum sumptibus vere regis ab optimo principe suppeditatis parauit et canonicatus Roschildiensis atque feudi Noruegii redditibus satis vberibus ditatus, vt vni siderum contemplationi vacare posset. Descripsit prolixè Gassendus, quibus obseruationibus in hac sede astronomica lumina astronomorum auxerit, quae apud ipsum legenda. Tanta vero industria, tanta cum laude et felicitate operi institit, vt nominis fama vbique increbesceret, et rex Scotiae Iacobus anno MDXC regis sororem ducturus ipsum inuiseret, immo conscripto, carmine eleganti, elogio eum extolleret. Quia vero artis medicae peritia Tycho excellebat, arti quoque spagiricae tempus impendit, et arcanis remediis desperatos haud raro morbos gratis sanauit. Quae res tandem ei inuidiam conflauit, et patriam atque arcem istam coelestem, quam liberalitate Friderici regis extruxerat, relinquere coegit. Christiano IV. enim rerum porito, cum inensos haberet aulae magistrum regnique cancellarium, eo quod illum leui de causa irritauisset, (cuius arcanam historiam a GASSENDO praetermissam, narrat HVERTIUS<sup>n)</sup>,) regis animus ab eo alienatus est, eo quod nonnulla irae impatiens grauiora in regem effuderat, et stipendia

cum

n) Meretur de optimorum virorum studiis et voluntate erga viros doctos legi GASSENDVS l. c. p. 392. quem locum multis exemplis illustrare possemus, si historiam patriae nostrae literariam scriberemus. Meritorum autem Hainzelii-

norum in literis memoriam alio forte tempore exponemus. Aderat tunc quoque Petrus Ramus,

o) Pag. 445.

p) De rebus ad eum pertinentibus Lib. II. p. m. 35.

cum canonicatu et feudo subtracta sunt. Quae res eum coëgit, de transferenda aliorum sede cogitare. Hafniam itaque concessit cum familia et apparatu, solis maioribus organis Vranoburgi relictis. Ibi cum ab aulae magistro per praetorem vrbanum astronomiae et chemiae exercitationibus insudare prohiberetur, cum suis et supellectile Rostochium anno MDXCVII, indeque ad Henricum Ranzouium, qui Holfatiae produx praerant, et studiis fideralibus vehementer delectabatur <sup>q</sup>, diuertit, ibique machinarum astronomicarum descriptionem Rudolpho II. imperatori dicauit. Is cum abiisse ex Dania Tychonem intellexisset, per procancelarium, amplissimis promissis eum ad se inuitauit. Qui morem gerendo cum Pragam concessisset, clementer exceptus et MMM. aureorum stipendio conductus arcem Benaticam habitandam vtendamque accepit, illucque familiam transtulit, ac socios obseruationum adsciuit. Pertaeus tamen eius loci, aedes Curtianas Praegae elegit, Keplerumque obseruationum et calculi adiutorem nactus est. Quibus laboribus dum strenue inuigilat, post largiorem in coena apud Rosenbergium potum haustum ex vrina nimis diu retenta anno MDCI viuis ereptus est. Vranoburgum autem temporis et tempestatis iniuria ita dirutum et solo aequatum, vt Huetius, et Io. Picardus <sup>r</sup>, qui locum inuiferunt, vix eius vestigium inuenirent. Fuisse Tychonem hominem violentum, impotentem, iracundum, famulos et villicos male mulctantem, ebriosum quoque et mulierosum non nemo Huetio percontanti, ex Huenae insulae incolis, qui in familia Brahei vixit, retulit. Sed et contradictionis impatientem, pertinacem, atque superstitionis fuisse obseruat Teissierius <sup>s</sup>. In fiderali autem scientia immortalem sibi gloriam et inuidendas eruditorum laudes comparauit, vt ex testimoniis a POPE - BLOUNTIO <sup>t</sup> collectis intelligitur. Testes quoque sunt libri, quorum ex parte edendorum curam habuit Keplerus. Inter quos mechanicos eminere iudicauit Bartholinus <sup>u</sup>, indicem eorum dedere Teissierius <sup>v</sup> et Weidlerius <sup>w</sup>, qui videndi. Nouo vero systemate mundano maxime inclaruit, quo medium inter Copernicum et Ptolomaeum tenere, vel suo modo vtrique fauere studuit. Supponit enim, terram quiescere, et solem cum toto coelo, duplici illo diuerso circa illam motu, ita rotari, vt terra quidem centrum motus solaris, sol vero planetarii motus centrum esse statuitur <sup>x</sup>. Ast vidisse Tychonem difficultates huius systematis, cuius congruentiam cum apparentiis coelestibus, in opere, quod meditabatur, astronomico, explicaturus erat, et ipse prodidit, et Keplerus monuit <sup>y</sup>. Viri autem acuti, non minus id confusione et ordinis defectu, quam Ptolemaicum, laborare, quin maiores tenebras officere rei fiderali, durum

q) Conf. GASSENDVS l. c. p. 414. 447. WEID-  
LER. l. c. p. 397.

r) Coll. Obseru. variar. Paris 1693. edit. vbi  
enunt. Iter. Vranoburgense.

s) l. c. p. 386.

t) p. 789.

ff) De libris legendis Diff. III. p. 66.

u) l. c.

v) l. c.

w) In App. Tomi I. Progymn. p. 819.

x) Praecept. Rudolph. p. 57. vid. WEIDLER.  
l. c. p. 398.

dum demonstrarunt. Quo nomine in Anti-Tychone in illud *insurrexit* SCIPIO CLARAMONTIVS, cui Hyperaspisten opposuit KEPLERV<sup>s</sup>.

*Ioannes  
Keplerus.*

§. IX. Tychoni Braheo socium addidisse optimum imperatorem Rudolphum II. IOANNEM KEPLERV<sup>m</sup> diximus. Tantum debet insigni viro, et illustri Sueviae nostrae, ex qua oriundus fuit, ornamento astronomia pariter atque naturalis scientia, vt indictum eum hoc loco praetermittere nefas sit. Natus expirante anno MDLXXI Wilae in ducatu Vircenbergico, Leonbergae, vicino oppido educatus est; eo enim pater, militiam praeclaris facinoribus secutus, ob perditas facultates se contulerat, et cauponariam postea in agro exercebat, in exilio relicta vxore tandem defunctus. Qui cum filii educationem neglexisset, in coenobio Mulefontano inter alumnos receptus literarum semina ita feliciter hausit, vt ad Tubingensem academiam mitti posset, vbi in ducali collegio vixit. Ibi anno MDXCI magister philosophiae creatus, ministerio ecclesiastico se destinavit, duce vero Moestlino in astronomiae quoque mysteria incubuit, eo progressu scientiae sideralis, vt a proceribus Stiriae anno MDXCIII Graecium ad occupandam cathedram mathematicam et ethicam euocaretur. A quo tempore totum fere se astronomiae studiis tradidit. Cuius specimen praeclarissimum anno MDXCV extare voluit, edito *Mysterio cosmographico, siue de admirabili proportionem orbium coelestium, deque causis caelorum numeri, magnitudinis, motuumque periodicorum genuinis et propriis demonstratum per quinque regularia corpora geometriae*. Quo libro ingenii eius perspicacia et eximia eruditio astronomica viris in ea arte summis, maxime Tychoni Braheo commendata est. Biennio post coniuge ducta infelix matrimonium, ob lites de dote obortas habuit. Anno MDXCVIII religionis causa in Hungariam exul abiit, muneri anno MDC restitutus. Cum autem indies magis calamitates publicae in Stiria suspectae viderentur, Tychonis amicitia et commendatione vsus Caesarei mathematici axioma accepit et familiam eo anno Pragam transtulit, incerto fortunae euentu, cum stipendium non promte solueretur, et illi cum Tychone, homine impotente, cui calculi socius erat additus, non satis conueniret. Arti itaque salutari horas nonnullas dicauit, vt haberet ex quo postea viuere posset. Extincto mox Braheo, Herwarti ab Hohenburg, Cancellarii Bauarici, intercessione stipendium quidem solum semel accepit, at postea litibus Tychonis haeredum impeditus, per annos vndecim in tanta doctrinae praestantia inopia laborare cum familia coactus est. Tandem a Matthia imperatore Lincium euocatus meliorem fortunae auram sensit, ibique ex fauore procerum Austriae modico stipendio vixit anno MDCXXIX Caesaris venia in Alberti Fridlandiae ducis patronium transiit, et Sagani docuit, anno sequenti a Rostochiensibus ad professio-

x) BAILLET des Satyres person. T. II. p. 141.

y) Vitam eius enarrat GASSENDVS Vit. Tych.

L. V. p. 451. 471. BAYLE Dict. T. III. art. Kepler p. 3. WEIDLER. Hist. Astron. c. XV. §. 1. 199. p. 414.

professionem mathematicam inuitatus, dum in comitiis Ratisbonensibus stipendia residua vrget, ad fidereas sedes anno MDCXXXI, aet. LIX, rapitur. Non est animus vel libros eruditissimos insignis viri<sup>2</sup>, vel merita in rem astronomicam praeclarissima, et quae noua detexit, illustrauit, auxit, exponere; hoc enim ad historiam disciplinae fideralis pertinet. Ast id praetereundum non est, acutissimum philosophum vidisse nonnulla et monuisse in naturali scientia, quibus sequens aetas, et in ea maxime Cartesius\*, velut nouis inuentis, superbire coepit; inuenisse praeclaras hypotheses, quibus postea haud pauca naturalis doctrinae capita inaedificata sunt. Obseruatum id magno LEIBNIZIO†, „diuina prouidentia factum esse, vt obseruationes et molimina Tychonis in manus viri incomparabilis, Ioannis Kepleri venirent, cui fata seruauerint, vt primus mortalibus publicaret

*Iura poli, rerumque fidem legesque deorum.*

„Hunc enim inuenisse, quemlibet planetam primarium orbitam describere „ellipticam, in cuius altero focorum sit sol, ea lege motus, vt radiis e „sole ad planetam ductis areae semper abscindantur temporibus proportio- „nales. Eundem deprehendisse, plures planetas eiusdem systematis habe- „re tempora periodica in sesquuplicata ratione distantiarum mediarum a so- „le. - - Sed tantarum tamque constantium veritatum causas dare non „potuisse, tum quod intelligentiis, aut sympathiarum radiationibus inex- „plicatis haberet praepeditam mentem, tum quod nondum illius tempore „geometria interior, et scientia motuum, eo quo nunc, profecisset. „Apparuisse tamen et rationibus indagandis aditum. Nam ipsi pri- „mum indicium deberi verae causae grauitatis, et huius naturae „legis, a qua grauitas pendeat, quod corpora rotata conentur a „centro recedere per tangentem, et ideo si in aqua festucae vel „paleae innatent rotato vase, aquam in vorticem actam, festucis den- „siorem, adeoque fortius, quam ipsas, excussas a medio festucas versus „centrum compellere, quemadmodum ipse diserte duobus et amplius locis „in Epitome astronomiae exposuerit, quanquam adhuc subdubitabundus, „et suas ipse opes ignorans, nec satis conscius, quanta inde sequerentur, „tum in physica, tum speciatim in astronomia. Sed his deinde egregie „vsum esse Cartesium, etsi more suo auctorem dissimularit: miratumque „se esse saepe, quod Cartesius legum coelestium a Keplero inuentarum „rationes reddere ne aggressus quidem sit &c.“ Satis haec ingenii Kepleriani felicitatem detegunt, et manifestum faciunt, qua in re naturali disciplinae vtilissimam operam praestiterit. Quod autem Leibnizius dicit,

Keplerum,

2) Vid. WEIDLER. l. c. BAYLE l. c. eminent Tabulae Rudolphinae, in quibus auctor primum logarithmos ad calculos astronomicos traduxit. Colligere Kepleriana atque edere dudum molitus

est cel. HANSCHIVS, vid. Epp. Leibniz. Vol. III. p. 82. seqq. IV. 453.

\*) Diximus ea de re in vita Cartesii, conf. BAYLE l. c. not. D. †) Act. Er. 1689. p. 82. seqq.

Keplerum, intelligentiis praepeditam mentem habuisse, id de hypothese Kepleriana intelligendum est, qua omnibus mundi corporibus, adeoque fidereis quoque, intelligentiam quandam siue animam dirigentem et sentientem inesse, credebat. Quam eius opinionem ita enarrat GASSENDVS <sup>a</sup>, ut moneat, eum sidera fecisse animata, ac ut instrumenta motus in animalibus sint fibrae digestae per musculos, sic censuisse illum esse et in terra et in planetis ceteris ingentes fibras aliquas pro ratione molis cuiusque, per quas anima vim suam motricem exerceat. Censuisse vero etiam praeter speciales animas, et vires quae insunt in ceteris, esse in ipso sole animam nobilissimam potentissimamque, quae dum solem circum proprium axem, a centro mundi propterea non discedentem circumagat, immateriata species irradiando circumfundat, quibus planetae velut correpti ipsi soli circumducantur. Quae hypothesis, ut eleganter magno Leibnizio observatum, minime quidem physica videtur; immo nec admirandis Dei machinamentis dignum est, intelligentias peculiare itineris directrices assignare sideribus, quasi Deo deessent rationes eadem corporeis legibus perficiendi: ast facile id ferri in Keplero et condonari illi potest, cum tamen leges motus felicissime detexerit, licet in assignandis causis errauerit. Nec hic nouus error est, sed tantae sapientiae opus, quantum in directione legum motuum coelestium conspicitur, semper tale visum philosophis fuit, quod a potentissimis et sapientissimis intelligentiis produceretur, id quod astronomia barbarica fatis superque probat. Immo philosophos hodiernos exagitat ideo P. BAYLE <sup>b</sup>, quod eos satis incertos esse putet, annon Kepleriana hypothesis vera sit. Quod tamen non asseruisset vir acutissimus, si matheos paulo fuisset peritior. Verum de his aliisque, quae ad Keplerum spectant, alibi differendum iudicandumque est.

Galilaeus  
Galilaeus.

§. X. Eodem, quo orbem mathematicum Keplerus ornauit, tempore magna fidealis scientiae fama eminuit GALILAEVS GALILAEVS, vir celeberrimus, cuius vitam rogatus a cardinale Carolo Mediceo scripsit VINCENTIVS VIVIANI, praefigendam scriptis Galilaei vno fasce edendis, quam in tenebris latentem tandem in lucem protraxit SALVINVS SALVINI, inseruitque *Fastis consularibus academiae Florentinae* <sup>c</sup>, Germanico vero habitu indutam prodire iussit celeberrimus HEVMANNVS <sup>d</sup>. Nos pro instituti ratione pauca quaedam de tanto naturae siderumque interprete ex hac biographia notamus. Natus est, Galilaeus Galilaeus Pisis anno MDLXIV, XV. cal. Mart. patre Vincentio Michangelo Galilaeo <sup>e</sup>, matheos musicaeque peritia instructo. In pueritia et ingenii diuini singularem plane et inusitatam alacritatem, et mathematicarum rerum atque instrumentorum amorem prodidit. Qua naturae felicitate adiutus magna studiorum incrementa cepit, quamuis idoneis magistris destitueretur. Nam et artis musicae

a) Physic. Opp. T. I. p. 635.

b) Loc. cit.

c) p. 337. seqq.

d) Aët. Phil. Vol. III. p. 261. seqq. 400. seqq.

e) Spurious facit nostrum ERYTHRAEVS Pison. I. p. 279. negat biographus, conf. Aët. Brud. T. VIII. Supplem. p. 354.

musicae exercitatione, et Graecae linguae cognitione et logices vulgaris  
 notitia (quam tamen mature nauticare coepit) et pingendi delineandique  
 artificio mirum in modum adolescens excelluit. Annos natus octodecim  
 anno MDLXXXI Pisas missus, et philosophiae Aristotelicae atque artis  
 salutaris studiis destinatus est. Qui cum acerrime iudicaret, mox vidit,  
 quibus ineptiis atque tricis scholastica doctrina et philosophia recepta tur-  
 geret, cuius etiam naeuos et errores in publicis disputantium circulis for-  
 titer tangere non neglexit, licet parum se gratiosum apud Aristotelis pedi-  
 sequos fore intelligeret. Ipse igitur, cum a viuis praeceptoribus parum  
 castioris disciplinae sibi promitteret, ad veteres philosophos Graecos di-  
 uertit, et historiae philosophicae cognoscendae non leuem operam impen-  
 dit. Mathematicas autem artes hactenus neglexerat, quarum exigua eo  
 tempore in Italia cultura florebat. Quarum discendarum cupiditatem  
 pater ei accendit, quae in flammam mox erupit, praecipue cum Ostilio Ric-  
 cio Firmo, mathematico persuasisset, vt Euclideae axiomata ipsi explica-  
 ret. Ita factum, vt mathesi plus fauere, quam medicae arti, inciperet,  
 indignante patre, et Riccio interdicente, ne ad has porro artes filium du-  
 ceret. At ille suomet, quod excellentissimum nactus erat, ingenio con-  
 fissus, legere ipse Euclidem et intelligere demonstrationes eius coepit, ea  
 felicitate, vt parentem tanta eius lumina obstupefcentem commoueret, vt  
 suo genio indulgere et tradere se totum geometriae reliquisque scientiis  
 mathematicis pateretur. Quo impedimento superato dimisit medicinae  
 studium, et veterum geometrarum, praesertim Archimedis scripta legere  
 et meditari conatus, miros in geometria reliquisque matheseos partibus  
 profectus sensit. Quos cum sciret magnus Hetruriae dux, eum vix vi-  
 ginti sex annos natum cathedrae mathematicae in academia Pisana praefe-  
 cit. Intellexit vero vir acutissimus, frustra hactenus Peripateticos in  
 detegenda natura rerum materialium atque naturalium desudasse, quod  
 leges motus naturales non intelligerent. Ad hoc itaque nobilissimum  
 physicae caput cum magna cura attenderet, naturam motus mechanici  
 propius inspexit, ita vero pseudo-philosophos et ignorantiae patronos ad-  
 uersarios expertus est. Anno MDXCII a republica Veneta in sexennium  
 ad Patauinae cathedram conductus est, eamque spartam inuentis machi-  
 nis vtilissimis editisque lucubrationibus mathematicis egregie ornauit,  
 nonnullas aliis donauit, qui eius postea plumis ornati superbire non eru-  
 buerunt. Thermometrorum circa hoc tempus inuento inclaruit; cum-  
 que sexennium istud effluxisset, in aliud operam suam Patauinae acade-  
 miae denuo, aucto stipendio, addixit; idem tertio factum anno MDCVI,  
 salario largiori soluto. Anno MDCIX cum ad aures eius perlatus esset,  
 obtulisse Belgam quendam Mauritio Nassouiae comiti perspicillum, cuius  
 ope obiecta diffusa velut propinqua intueri liceret, isque ab amicis de rei  
 certitudine esset persuasus, de simili tubo optico inueniendo cogitare coe-  
 pit, eumque post aliquot tentamina innixus doctrinae de refractione tan-

dem ita perfecit, vt organon opticum conftrueret, quo res vifae millies maiores confpicerentur, vt ipfe narrat in *Nuncio fidereo*, quo loco legendus eft. Quo *ἐνθύματι* ita reipublicae Venetae fauorem aucupatus eft, vt triplici ftipendio ditato ad vitae dies munus mathematici reip. confirmaretur. His tentaminibus feliciter cedentibus ad microfcopia conficienda delatus eft, tuborum autem opticorum acie in coeli partes conuerfa noua multa, et inaudita hactenus detexit, quorum hiftoriam ipfe in *Nuncio fidereo* contexuit. Vidit enim in lunae facie afperitatem, praealtos montes, profundasque valles, in lacteo circulo et ftellis nebulofis innumeram fixarum nudis oculis inconfpicuarum congeriem, in Venere phafes, quales luna habet, in Saturno figuram oblongam et quali tricorpoream, quatuor porro circa Iouem lunas, quas fidera Medicea nuncupauit, et in fole maculas ex quarum motu collegit, folem circa axem fuum rotari. Tam ftupendas fiderum facies cum orbi detexiffet, et laudatum librum Cosmo Hetruriae principi infcripiffet, adeo diligentia Galilaei feliciffima Moece-nati huic placuit, vt epiftola ad eum data illi de ea re gratularetur, et philofophum atque mathematicum Hetruriae efle iuberet. Orbis autem aftronomicus mire eius conatibus applaudit, quamuis effent haud pauci, qui iucunda fibi ingenii elegantis fomnia narrari crederent, quos tamen de rei veritate experientia poftea conuicit. Anno MDCX a magno Etruriae duce vocatus Florentiam conceffit, viditque Venerem non minus, quam Lunam crefcere et decrefcere. Biennio poft itinere Romam fafto coram cardinalibus aliisque viris principibus, macularum folarium aliarumque obferuationum experientiam demonftrauit, adfcriptus propter ingenii perfpicaciam academiae lynceorum. Aeftate fequente dum cogitationes de maculis iftis vulgare fcripto contendit, crabrones Peripateticos vehementer irritauit f, quos tamen edita refponfione difiecit fugauitque difcipulus eius Benedictus Caftelli, Mathematicus Pifanus. Ipfe in Florentino agro, qui Philippi Saluiati erat, totus in fidera contemplanda incubuit, cumque macularum detectarum gloriam fibi Chriftophorus Schei-nerus, Societatis Iefu theologus vindicaret, cum eo, intercedente Marco Welfero noftrate, viro fummo, in epiftolis concertauit f. Sed et nouorum inuentorum auxilio ad vtiliffima problemata conuerfus, longitudinum geographicarum inuentionem ope obferuationum circa Iouiales moliebatur, et quantum inde rei nauticae emolumentum enafci poffet, aulae Hispaniae regis, per magnum ducem fignificauit, fruftaneo tamen euentu: Comparentem vero in coelo cometam anno MDCXVIX licet aeger, lectoque affixus, obferuauit, Horatii Craffi, mathematicum profef-foris Romani aliorumque hypothefes varias et nihil recti fignificantes, reiecit, quas eius cogitationes Marius Giudiccus edito libello *de Cometis* vulgauit, fremente et indignante Craffo, et haud parum inuidiae Galilaeo conflan-

f) Conf. quos nominat WEIDLERVS loc. cit. p. 426.

ff) Scriptores de hac controuerfia nominat HAYMANNVS l. c. p. 807.

conflante. Qui cum *Systematis Cosmici* explicationem accuratam moliretur, et quam pulchre sententia Philolai et Copernici cum coeli phaenomenis conspiraret, demonstrare vellet, anno demum MDCXXXII prodire in publicum ausus est, praemissa anno antecedente *Collectione testimoniorum PP. et theologorum de S. Scripturae dictis in conclusionibus mere naturalibus, quae experientia sensuum et demonstrationibus necessariis euinci possunt, temere non usurpandis*. Vix autem Systema Cosmicum ediderat, lingua vernacula et dialogistica methodo vsus, ex terrae motibus, fluxuque et refluxu maris demonstraerat, qua verisimilitudine Copernicana hypothesis Ptolemaicae esset praeferenda, cum optatissimam occasionem insidias illi struendi nacti aduersarii Romanos censores, patresque ecclesiasticos, quos istam hypothesein anno MDCXVI damnauisse supra notauimus, excitarent, vt haereticae prauitatis philosophus incomparabilis accusaretur. Citatus Romam ab officio, cum comparuisset, honestiori carcere conclusus, rationem reddere iussus est. Ex quo loco cum male responderi posse intelligeret, sententiam retractauit, dialogum istum inter libros prohibitos relatum vidit, sicque post quinque menses, Roma quidem liber dimissus, sed Senensis tamen archiepiscopi, Piccolomini palatio excedere prohibitus est. Paruit Galilaeus et fauente hospite totum se perquirendis legibus mechanicis resistentiae corporum tradidit. Permissum tamen post menses quinque, rus quoque concedere, quo vellet, locum sibi studiis suis commodum delegit, amicos vero frequentes penes se habuit. Systema cosmicum autem a Matthia Berneggero Latinitate donatum, et in alias quoque linguas conuersum, miro vbique applausu exceptum est: indignante Galilaeo, cuius intererat, vt ex animo istam hypothesein eiurasse crederetur. Resumpto deinde anno MDCXXXVI, longitudinum definiendarum labore Belgii foederati proceribus, quae detexisset, obtulit. Qui cum tanti viri merita nossent, torquem aureum ei obtulerunt, quem accipere tamen noluit, nisi cogitationibus suis prius examinatis. Quod cum a rerum peritis proceres Belgii foederati fieri iussissent, et hi Galilaei inuentis subscripsissent, missi sunt Martinus Hortensius et Blauius, qui Galilaei obseruationibus interessent, et calculos necessarios pro compositione tabularum tractarent. Ast fatale, quod Galilaeo incidit, malum, laudatissimum institutum interruptit. Nam post XXVII annorum labores et obseruationes fidereas oculorum acie et tandem vsu omni priuatus, coepta absoluere non potuit. Scripta ideo sua et obseruationes Vincentio Renierio tradidit, ad Batauos mittenda, vt negotium perficeret, schediasmata alia amicis donauit, eo quod typis vulgare nihil amplius vellet. Animum tamen ad absoluenda, quae molitus erat, scripta nonnulla adiecerat: at oculorum artuumque doloribus et febris lenta depastus exequi consilium non potuit, ereptus inuidiae et ignorantiae persecutionibus anno MDCXLI ineunte. Haec Viuianus;

L1113

cuius



eius narrationem ideo sequendam esse duximus, quod is inter carissimos Galilaei discipulos fuerit, et scire res praeceptoris potuerit <sup>h</sup>. Conferri autem cum ea possunt, quae dedit I. NIC. ERYTHRAEVS <sup>i</sup>, et quae doctissimus HEVMANNVS <sup>k</sup> ex aliorum scriptis de Galileo annotauit. His enim inhaerere diutius hoc loco non licet. Librorum indicem dabit LEO ALLATIVS <sup>l</sup>, quocum conferendus Cl. WEIDLERVS <sup>m</sup>. Nobis in praesentia ideo praestantissimus Mathematicus extollendus laudibus est, quod non solum obseruationibus astronomicis, sed et geometricis et mechanicis philosophiae naturali insigne lumen accenderit, laudatus ideo ex merito a viris doctis, quorum testimonia collegit THOMAS POPE-BLOUNTIVS <sup>n</sup>, qui consulendus. Illud certum, in emendanda et firmiori fundamento collocanda physica Galileo omnium plurimum tribuendum esse, unde recte Cl. CROVSATIO <sup>o</sup> illustris matheos et hodiernae physicae parens dicitur. Quamquam enim Keplerus leges motuum naturalium iam detexerat, geometriae tamen sublimioris auxilio destitutus in causas earum non penetrauit, vt supra dictum. Ast Galilaeus geometriam mechanicam, in qua prope solus inter veteres geometras Archimedes aliquid vidit, aggressus, iudice LEIBNIZIO <sup>p</sup>, *exacto iudicio magnaeque interioris geometriae notitia instructus, pomoria scientiae protulit primus, idemque solidorum resistantiam ad geometriae leges reuocare coepit.* Qui et hoc addit: *Quamquam non semper acu rem tetigerit, vsus hypothesebus non satis certis ex fundamentis tamen positis recte ratiocinatum esse.* Et ab eo quidem tempore rationes mechanices geometricae diligenter excultae, mirabilem naturae rerum materialium cognoscendae lucem accenderunt.

*Physicae incrementa ex studio mathematico-  
rum geometrico-mechanico.*

§. XI. Valde auctum est ab eo tempore, quo Galilaeus naturalis disciplinae pomoria cum obseruationibus astronomicis, tum calculo geometrico ad mechanicam applicato dilatauit, physicae studium. Certatim enim prodierunt geometrae praestantissimi, qui nouas motus legis detegendo infinitas naturalis scientiae veritates geometrico calculo subiecerunt. Et hinc alterum mathematicorum genus constitui potest, quod geometriae mechanicae attemperatae auxilio physicam disciplinam maximo lumine collustrauit. Et ipsum quidem Galilaem, quem secuti sunt Torricellius et Cauallierius, rem non semper acu tetigisse, et supra iam dictum, et in tam difficili argumento adeo mirandum haud est. Solet enim, vt in naturae regno, ita etiam in disciplinis diluculum solem plenumque diem praecedere. Perfectiorem tamen cognitionem geometricam monstrauit Gregorius de S. Vincentio, qui imprimis insignem hyperbolae vsum in scientiis physico-mathematicis primus fere vidit ac ostendit, et intimioris

h) Conf. Aët. Erud. 1709. p. 159. i) l. c.  
k) l. c. p. 803. seqq. l) l. c.  
m) l. c. vbi Astronomici recensentur.

n) Conf. cel. Aët. p. 897.  
o) Logic. P. IV. c. 12. §. 10.  
p) Aët. Erud. 1684. p. 319.

mioris geometriae adyta pandit <sup>q</sup>. Quem citatis pedibus sequuti Harriotus, Cartesius, Wallisius, Fermatius, Hugenius alique semitam eam ingressi sunt, quam post horum tentamina tandem ingenti ingenii perspicacia aperuerunt maximi geometrae, Leibnizius atque Newtonus, qui insignem geometrarum cateruam post se traxerunt. Quos hoc loco adducere esset extra oleas vagari. Ast merentur tamen duumiri maximi hoc loco eo magis memorari, quo magis ad philosophiam geometriae auxilia transferre diuino calculi differentialis et methodi fluxionum auxilio faterentur, et tantum non alios plane physicae vultus effinxerunt. Et Leibnizii quidem memoriam supra iam recolimus: cui praeter Hospitalium, Varignonium aliosque insignes viros illustris Bernoulliorum familia addenda est, quae in hoc physici luminis genere immortalia merita habet. De magno Newtono autem eo magis hic dicendum est; quo magis, inuito licet viro maximo, in sectam abiit philosophia Newtoniana. Quam tamen describere totam more nostro eo minus licet, quo minus vel locus vel institutum nostrum, quod in speciali parte philosophiae non occupatur, id patitur. Dicemus vero strictim de vita celeberrimi mathematici, deque meritis et dogmatibus eius illa paucis afferemus, quae in historia philosophiae vniuersali ignorari nequeunt.

§. XII. Laudauit ISAACVM NEWTONVM more suo, elogium maximi viri conscribendo disertus FONTENELLII <sup>r</sup> calamus, cuius biographia vel oratio potius panegyrica aliquoties Anglica lingua recusa est: dederunt quoque eius summam Ephemerides nonnullae literariae <sup>s</sup>. Vitam autem eius enarrauit anonymus Britannus <sup>t</sup>, nos pauca hoc loco, instituti memores repetimus. Vidit incomparabilis philosophus atque mathematicus lucem VII. cal. Ian. anni MDCXLII. Cantabrigiae illustri et antiqua Newtoniorum familia fatus. Tanta vero ingenii quod a natura acceperat, diuini specimina puer iam demonstrauit, vt cum insatiabili disciplinarum desiderio arderet, quae maturae aetatis hominibus difficilia sunt, facile intelligeret, et Euclidis theoremata atque demonstrationes nullo negotio assequeretur. Totum ergo cum se non elegantioribus modo literis, sed et seuerioribus disciplinis, maxime artibus mathematicis dedisset, quae in geometricis Cartesius tradidit, et in opticis Keplerus, inter ipsa, quae posuit, matheseos rudimenta excussit <sup>u</sup>, facilitate et felicitate ingenii tanta, vt viginti quatuor annorum iuuenis, anno MDCLXV quadraturam circuli, hyperbolae, et aliarum quarundam curuarum per series infinitas ex WALLISII arithmetica infinitorum, per interpolationem serierum eius primo deduceret, deinde methodum exco-

Isaacus  
Newton.

<sup>q</sup>) Conf. Memoire pour l'Histoire des decouvertes qu'on a fait en Mathematique dans ces derniers Siecles, Mem. de Trevoux 1721. Juin. art. 4.

<sup>r</sup>) Elogior. T. III. Opp.

<sup>s</sup>) Present state of the rep. of lettres 1720. Juin.

P. II. art. 5. Journ. des savans 1734. Mai. art. 6. Bibl. Franc. Tom. XI. P. I. art. 5.

<sup>t</sup>) Londin. 1728. 12.

<sup>u</sup>) Didicisse a Wrenio multa Newtonum tradit Leibnizius. Recueil T. II. p. 10.

gitaret, easdem series per diuisiones et extractiones radicum inueniend<sup>u</sup>, quam anno sequente generalem reddidit. Id quod ex schedis eius se didicisse contendunt maximi geometrae affec<sup>t</sup>ae, praecipue ex Collinsii, qui amplissimum cum sui seculi mathematicis commercium aluit, scriniis. Ex quo commercio Collinsii constat, Newtonum haec mysteria perquisiuisse duce Isaac Barrouio insigni geometra in academia Cantabrigiensi, acceptoque anno MDCLXVII gradu magistri artium, tantum in hac methodo inuestigandi magnitudinum dimensiones per infinitas series, aliquot annos, antequam MERCATORIS logarithmotechnia anno MDCLXVIII prodiret, profecisse, vt huic vni inuentionis gloria debeatur. De hac enim ipsum illustrem virum, et multo magis eius affec<sup>t</sup>as his testimoniis pertinaciter pugnauisse, supra iam <sup>u</sup> ex parte tetigimus. Talis cum esset, collegio SS. Trinitatis socius adscriptus a Barrouio prouinciam publice praelegendae mathe<sup>se</sup>os in se recepit, et postea professor mathematicum Lucasianus in academia Cantabrigiensi constitutus est. Quo axiomate ornatus senatui regni nomine academiae anno MDCLXXXVIII, et anno MDCCI interfuit. Non autem excellentissimorum, quae plaudente et consentiente mathematicorum omnium choro sibi parauit, meritorum illustrius testimonium est, quam quod inter primos fuerit, quos ex exterorum numero suo albo adscripserit academia scientiarum Parisiensis; Londinensis autem famae eius atque doctrinae consummatae gloria illum sibi anno MDCCIII praesidem elegerit, quo honore ad vitae finem functus est. Cumque non theoretica tantum eruditione emereret, sed et vitae civilis prudentia esset commendatissimus, suprema rei monetariae cura ei equiti aurato demandata est, ex quo munere amplissimi prouentus <sup>v</sup> ad eum redundarunt. Quamuis autem vir summus in rimandis mysteriis geometricis et arithmetice tanta felicitate ab ipsis iuuentutis annis versaretur, non tamen ante annum MDCLXXXVII nouam, quam geometriae calculique sublimioris auxiliis adiutus construxerat philosophiam naturalem et mathematicam communicare cum vulgo voluit. Hoc enim anno lucem prima vice vidit liber incomparabilis, cui *Philosophiae naturalis principiorum mathematicorum* titulum praefixit. Nempe minime satisfecerat maximo viro physica Cartesiana, nec Gassendiana quoque doctrina placuerat, cum videret, statuere eos <sup>w</sup> quidem materiam vniuersam homogeneam esse, et omnem formarum varietatem, quae in corporibus cernitur, ex particularum componentium simplicissimis quibusdam et intellectu facillimis affectionibus oriri; atque hoc pacto recte progressionem instituere

t) GUIL. JONES Praef. ad Analys. per quantitatū series, fluxiones et differentias, CONTRI Epist. ad Leibniz. Recueil T. II. p. 13.

u) In Vita Leibnizii. Is Newtono proprio Marte acquisitae inuentionis laudem non denegauit, sibi vero calculum differentialem suis luminibus enatum esse constanter asseruit, nec attru-

lerunt Britanni, quod nos contrariae sententiae conuinceret. Qua de re digna sunt, lectu, quae Memoriarum Triuolien<sup>si</sup>um auctores 1721. Jun. art. 2. monuerunt. Haec enim tangere prolixius huius loci non est.

v) 700000 libras Gallicas eum reliquisse biographus ait, rarissimo inter philosophos exemplo.

w) CORN. PRAEF. nouae editionis 1713.

situiere a simplicioribus ad magis composita: at licentiam sibi assumere  
 ponendi quascunque libet ignotas partium figuras et magnitudines, incer-  
 tosque situs et motus, quin et fingendi fluida quaedam occulta, quae  
 corporum poros liberrime permeent, omnipotente praedita subtilitate, mo-  
 tibusque occultis agitata, sicque ad somnia delabi neglecta rerum constitu-  
 tione vera, fundamentum vero desumere ab hypothefibus: hincque et-  
 iam si deinde secundum leges mechanicas accuratissime procedant, fabulam  
 quidem forte elegantem et venustam, fabulam tamen concinnare. Ad  
 aliud ergo philosophiae naturalis genus deueniendum esse iudicauit, quod  
 experimentale esset, et in quo ex simplicissimis principiis rerum causae  
 deriuarentur, nihil autem principii loco assumeretur, quod nondum ex  
 phaenomenis comprobatum fuerit, quodque hypothefes non comminisceretur,  
 nec in physicam reciperet, nisi ut quaeestiones, de quarum veritate  
 disputetur. Hoc philosophandi genus duplici methodo uti obseruauit,  
 analytica et synthetica, et illa quidem naturae vires, legesque virium sim-  
 pliciores ex selectis quibusdam phaenomenis deducendas esse, ex his dein-  
 de per synthefin reliquorum constitutionem esse tradendam. Quam phi-  
 losophandi rationem cum omnium optimam iudicaret; eius illustre exem-  
 plum dare constituit, mundani systematis explicationem ex theoria graui-  
 tatis deducendo, demonstrandoque grauitatis virtutem vniuersis cor-  
 poribus inesse, idque apparentias certissime euincere. Quibus positus,  
 et mathematica argumentatione demonstrato: terram et solem et corpora  
 omnia coelestia, quae solem comitantur, se mutuo attrahere, et singulo-  
 rum particulas quasque minimas vires suas attractiuas habere, pro quanti-  
 tate materiae pollentes, ac adiecta quoque corporum extensioni, mobili-  
 tati et impenetrabilitati grauitate; non potuit non vortices Cartesii reil-  
 cere, quos fictam causam rerum naturalium afferre contendebat, eo quod  
 experimentis nondum esset euictum, vortices huiusmodi dari, cum e con-  
 trario attractionem natura ipsa doceat, vortices autem legibus motus non  
 faciant fati. Non est huius loci historiam immortalis operis contexere,  
 et quo plausu ab vniuersa mathematicorum natione exceptum sit, opero-  
 se congerere, hoc enim alium locum postulat, id vnum sufficiet, incom-  
 parabilem Leibnizium illius praestantiam agnouisse atque depraedicauisse.  
 Quamuis autem methodo fluxionum analyticae opus hoc illustris auctor  
 inaedificasset, ea tamen methodo in demonstrandis theorematibus vsus  
 haud est, sed more geometrarum veterum synthetica methodo vsus est,  
 quamuis eius vestigia prodiderit. Praeter physicam mechanicam ad ri-  
 mandam curiosius luminis naturam et pandenda opticae scientiae mysteria  
 magna diligentia attendit, et innumeris experimentis, quae radorum lu-  
 cis natura esset, explorare conatus est; cuius industriae specimen aliquod  
 rogatu amicorum quorundam e societate regia, ad cuius societatis scribam  
 missum, et in conuentu ipsorum lectum erat, anno MDCLXXV iam edidit,  
 annis post duodecim theoriam absoluit, ne vero controuersiis de hoc ar-  
 gumento implicaretur, ad annum vsque MDCCIV editionem preffit, quo

*Hist. philos. Tom. V.*

Mm m m

demum

demum anno prodiit lingua Anglica, *Optice, sive de reflexionibus, refractionibus, inflexionibus et coloribus lucis libri tres*, quos Latinos postea reddidit SAMUEL CLARCKIVS, ediditque Londini MDCCXIX. In hoc opere elegantissimo methodo suae experimentalis insistentis Newtonus, exponere fategit noua ac miranda luminis phaenomena, refractionum inaequabilitatem, radiorum in eandem superficiem iisdem angulis incidentium alternas reflexionis ac transmissionis vices, varias radiorum prope corporum obiectorum extrema paruo intervallo transeuntium inflexiones, et suos singulorum colores connatos et immutabiles; idque demonstrare clarissimis experimentis sine vlla omnino hypothese conatus est. Valde placuit incomparabilis viri felicissima in hoc argumento industria viris doctis, praecipue cum in varia refrangibilitate coloris rubri, flauo, viridis, coerulei, violacei et colorum intermediorum ingenii vires supra modum foecundas demonstrauisset. Ast inuentus tamen est, qui veterem opinionem, quae colores omnes ex lucis et umbrae commixtione deriuat, defendere, et experimenta Newtoni erroris convincere conatus est. Prodiit enim, IO. RIZZETTI *Specimen physico-mathematicum de luminis affectionibus* \*, in quo theoriā colorum Newtonianam et Bernoullianam euertere studuit, ad quas tamen obiectiones respondit cel. RICHTERVS †. Tandem anno MDCCXI *Analyse per quantitatum series, fluxiones ac differentias cum enumeratione litterarum* ordinis tractatusque de quadratura curuarum comparuit: quae ad sublimiorem geometriam spectantia omnia vastissimum maximi geometrae ingenium luculenter demonstrant. Mirum autem est, virum in his difficillimis argumentis a iuuentute educatum et versatum in arte critica paucos habuisse pares, et in chronologia ex veterum monumentis eruenda, et ad certitudinem quandam reuocanda, ingenti eruditione fuisse versatum. Cuius rei exemplum esse possunt, *Fundamenta chronologiae* ab eo condita ‡, in quibus calculo astronomico nix, et supposito expeditionis argonautarum tempore ante N. C. DCCCXXXVII, recentiore antiquitatum Graecarum periodum annis DXXXIV, quam fieri alias solet, facit. Quo de argumento controuersiam ei mouerunt abbas Centius, Soucietus Iesuita, Freretus, Befordus Harduinus alii, quorum obiectiones in chronologiae historia enarrandae, et ibidem quoque exponendum, quid de Danielis vatis Chronologia Newtonus statuerit \*. Quem in animo quoque habuisse sacra oracula ex mathesi illustrare refert bibliothecae Anglicae † conditor. Sed interruptit indefessam Newtoni diligentiam, quam sanitas ad LXXXV aetatis annum inconcussa haecenus sustentauerat, senectutis

x) Conf. A&E. Erud. T. VII. Suppl. S. 3. art. 7.

y) In breui disquisitione de iis, quae opticae Newtonianae in epistola ad Christianum Martiniellum non ita pridem opposuit Io. Rizzettus, conf. A&E. Erud. l. c. S. 5. art. 7. Dissentit quo-

que a Newtoni theoria colorum IO. CASP. FVNCIVS in libro de coloribus coeli.

z) Ea tamen inuito Newtono in lucem prodierunt.

\*) Conf. Bibl. Française 1726. Juil. art. 1. 2.

†) Biblioth. Angloise T. IX. art. 8.

clutis infirmitas, et incontinentia urinae, qua exhaustus tandem anno MDCCXXVII, XIII. Cal. Apr. mortalium rebus ereptus est. Vixit autem vix vnquam philosophus et mathematicus, quem viuum adhuc adeo doctrina in coelum apud plerosque extulerit, et non ciuibus modo suis stupendum, sed et exteris admirandum fecerit. Et illi quidem inuidendis elogiis et veneratione, quantum ornamentum in Newtono Angliae obtigisset certatim prodiderunt, patuitque in exequiis regali pompa habitis, loco sepulturae, epitaphio <sup>a</sup> et statua eius in horto regio Richmondi inter heroes posita <sup>b</sup>, numo condito <sup>c</sup>, omnibus insulae ornamentis literariis eum fuisse praelatum. Post mortem autem, pauci fuerunt, in tam ferace philosophorum acutissimorum insula, qui non in naturali philosophia eius disciplinae se addictos faterentur, sic vt, inuito sine dubio viro immortalis famae, philosophia Newtoniana inter Anglos in sectam abierit. Maxime vero viuo adhuc Newtono inter eius sectatores eminuerunt Rogerus Cotesius, astronomiae et philosophiae experimentalis professor Plumianus apud Cantabrigienses <sup>d</sup>, cui nouam principiorum philosophiae editionem debemus, Samuel Clarkius, theologiae professor, qui opticam latinam fecit et Newtonianam philosophiam contra obiectiones Leibnizii magno acumine defendit <sup>e</sup>, Io. Keilius, astronomus Oxoniensis <sup>f</sup>, qui pro inuentionis methodi fluxionum gloria Newtono vindicanda acriter pugnavit, Guilelmus Whistonus, qui systema solare ex eius mente concinnauit, quibus addi complures alii possent, si Newtonianae philosophiae historia scribenda esset, quam vt eruditi viri, qui eam accurate tenent, sine partis studio moliantur, merito optamus. Sed et extra insulam fuerunt, qui in admirationem non Newtoni modo, sed etiam eius philosophiae rapti, has partes amplexi, et philosophiam quandam Newtonianam commenti sunt: Inter quos eruditionis elegantia aliis praefendus est GVIL. IACOBVS S<sup>r</sup> GRAVESANDE, A. L. M. et I. V. D. societatis Londinensis membrum et astronomiae atque matheos professor Lugduni Batauorum. Is enim anno MDCCXX prodire iussit *Physices elementa mathematica, experimentis confirmata, siue introductionem ad philosophiam Newtonianam*. In qua demonstrationes equidem difficiles et abstrusas viri summi faciliores et clariores facere promisit, lectorem tamen geometriae non ignarum requirit. Quin et ingeniosissimus VOLTAIRIVS, non contentus carminis Gallici gloria, inter Newtonianos asseclas eminere quoque contendit. Nam non solum Newtonianam philosophiam omnium hominum captui attemperare peculiari scripto <sup>ff</sup> conatus est, sed et meta-

Mm mm 2

physicam

a) Vid. Non. lit. Lips. 1731. p. 697.

b) Ibid. p. 497. 1732. p. 731.

c) Ibid. 1734. p. 108.

d) Epitaphium a Benteio acutissimo mathematico 1717 defuncto positum exhibet Hist. of Works of the learned 1738. May. art. 4. conf. Suppl. Nou. lit. Lips. T. IV. p. 808.

e) T. I. Recueil. Debemus ei Annot. ad ROBERTI Physicam.

f) Edidit praeter astronomica Introduct. ad veram physicam, conf. STOLL. Hist. lit. P. II. c. 4. §. 48. p. 560.

ff) Elements de la philosophie de Newton mise a la portée de tout le monde. Amst. 1738. 8.

physicam Newtonianam atque Leibnizianam, inuito, si viveret Newtono, comparare inter se, huncque illi multis modis postponere studuit. Quo tamen in libro, impares congressus Achilleis eum prodidisse, et nec mysteriis Newtonianis explicandis, nec refutando evertendoque systemati Cartesiano et Leibniziano sufficere, anonymus Cartesianus<sup>b</sup>, et doctissimus KAHLIVS demonstratum iuere. Nihil autem, quanta Newtoni fama sit, in aprico magis ponit, quam studium sectatorum Newtonianorum, philosophiam hanc, abstrusis et difficillimis theorematibus et demonstrationibus vix acutissimis ingeniis peruiam ita explicandi, ut nec foeminarum sensus atque captum refugiat. Quod saxum voluere inter Anglos coepit HENRICVS PEMBERTONVS, edita *Introductione in philosophiam Isaaci Newtoni*<sup>i</sup>, qui tamen coruos delusisse hiantes nonnullis visus est. Idem tentavit inter Italos FRANCISCVS ALGAROTTI, qui theoriam colorum lucisque et attractionis dialogo Italico explicuit, praefixo titulo: *Newtonianismus pro foeminis*<sup>k</sup>. Qui libellus cum rem luculenter explicaret, non tantum a PERRONIO DE CASTERA in Gallicam linguam conuersus, sed a CARTERIA erudita quoque foemina, nuper, non sine ingenii philosophici laude<sup>l</sup>, Anglis vernacula legendus traditus est. Adolescentum autem, sublimioris matheseos expertum studiis quam maxime consulendum esse ratus est GEORGIUS PETRVS DVICKIVS, edita *Philosophia mathematica Newtoniana illustrata*, in qua elementis matheseos ad comprehendendam demonstrationem huius philosophiae scitu necessariis praemissis, definitiones et leges motus generaliores, leges virium centripetarum et theoria attractionis seu grauitationis corporum in se mutuo, tandemque mundi systema explicatur. Ex quibus parca manu ex infinitis, quae dici poterant, allatis satis superque constat, quem locum illustrem inter nostrae aetatis philosophos Newtonus meruerit. Quamuis autem in extollendo viro summo inter se orbis philosophici et mathematici ciues decertauerint, non tacendum tamen, fuisse nonnullos, quibus alia de eo sententia placuerit<sup>m</sup>. Et in ipsa quidem, quod mireris Britannia inuentus est, qui non modo philosophicae accuratationis gloriam Newtono inuideret, sed et impietatis eum clanculum infimularet. Prodiit enim auctore BERCKELEIO vernacula Anglorum,

*Philo-*

g) Dictum de eo in vita Leibnizii.

h) Lettre d'un physicien sur la phil. de Newton mise a la portée de tout le monde par Mr. Voltaire 1738. conf. Bibl. Françoisse T. XXVIII. P. II. art. 4. i) Lond. 1723.

k) Vid. Nou. lit. Lips. 1730. p. 449. seqq.

l) History of the Works of the learned 1739. Jun. art. 1. ubi eruditio et ingenium foeminae istius valde extollitur. Conf. Suppl. Nou. liter. Lips. T. VI. p. 375.

m) Idem fecisse Hazfeldium, qui perpetui mobilis gloriam sibi viadicauit, refertur in Bibl.

Angl. T. XIV. P. I. art. 2. Quod mirari quis posset, cum ex optica et principiis Phil. Newtoni constet, id imprimis vrgere virum summum, desinentibus causis mechanicis, in ordine causarum metaphysicarum illico ad Deum recurrendum esse. At quid non consequentiarum machinis eruitur? Nec thesis quoque Newtoniana, spatium esse Dei sensorium periculo carere Leibnizio visa est, vid. Recueil T. I. p. 3. sqq. Sed improprie tantum loqui Newtonum et absque suspitione erroris demonstrat Clarckius Resp. prima §. 3. l.c. p. 7.

*Philosophus analyticus* " in quo libello methodum fluxionum incertitudinis, et obscuritatis, eiusque demonstrationes paralogismorum, totumque Newtonianum arithmeticae infinitorum et differentiarum mysterium, inter somnia et tricas numeratur, mathematicos vero summos, qui in Anglia viuunt, libertinismo frigidam suffundere contenditur. Quam scriptionem ad commaculandam Newtoni famam collineare facile obiecta impietas et astutia atque artes prohibitaе, quas ad obtinendam auctoritatem Newtonus adhibuisse dicitur, produnt. Cui tamen impudentiae anonymus Philalethae nomine adscito apologiam opposuit \*. Extra insulam et Cartesianorum factio, et Leibnizianorum cohortes magnis animis philosophiam Newtonianam adorti sunt, rati excelluisse quidem virum celeberrimum in geometria et disciplinis matheseos reliquis, ast mediocrem tantum philosophiae notitiam possedisse, nec tanti esse obiectiones eius contra systema Cartesii physicum, vt hoc derelinquendum videatur, et in eius locum qualitas attractionis occulta collocetur. Qua in pugna emicuit acutissimi inter Gallos philosophi PETRI REMONDI MONTMORTII <sup>p</sup> diligentia, qui in *Comparatione principiorum physicorum Cartesii cum principiis philosophorum Britannorum* <sup>1</sup>, fortia tela in Newtonianam philosophiam vibrauit, et carere eam ratione sufficiente, duritiem, grauitatem et attractionem qualitates corporis concreatas constituendo, vacuumque asserendo, et simplici vorticum hypothefi principia obscura et minime intelligibilia surrogando, demonstrare conatus est. Ex altera parte ipsum Leibnizium magnis arietibus placita Newtoniana concussisse, et aduersus Clarckium acriter contra attractionem, sensorium Dei et similia Newtoni placita pugnauisse, ex illius historia supra enarrata, exque *Collectione scriptorum Leibnizianorum, Newtonianorum, Clarckianorum* constat <sup>2</sup>. Maxime vero systema Newtonianum euertere annifus est cel. NIC. HARTSOECKERVS, qui in *Collectione scriptorum nonnullorum physicorum* imbecillitatem systematis Newtoniani ostendere suscepit, cui tamen ex Germanis respondit IACOBVS GEHRINGIVS edito *Schediasmate de Philosophia Newtoniana* <sup>3</sup>. Tacemus alias Leibnizianorum, Thummigii, Koeleri, Kahlil velitationes, pro Leibnizio contra Newtoni assecclas susceptas. Addi his debent ea, quae de systemate optico a Rizzetto oppugnato supra diximus. Quae vero illustres geometrae Nicolaus et Ioannes Bernoullii de problemate inuerso virium centripetarum contra Newtonum eiusque hyperaspisten Keilium, monuerunt, alio loco enarranda sunt <sup>4</sup>.

M m m m 3

§. XIII.

n) The Analyst, Lond. 1734. 8. vid. Bibl. Britannique T. IV. P. 2. art. 8. vbi etiam apologia Philalethae recensetur, cuius auctores esse creduntur Middletonus et Smithus Prof. Cantabrigiensis.

o) Vid. Mem. de Trevoux 1718. Fevr. art. 11. Conf. Nou. lit. Lips. 1730. p. 450.

p) Vid. de eo Mem. de Trevoux 1723. Fevr. art. 6. Nou. lit. Lips. 1724. p. 147.

q) Extat in Europ. Erud. 1718. Oct. art. 3.

r) Recueil de plusieurs pieces de physique ou l'on montre l'invalidité du Systeme de Mr. Newton.

s) Lips. 1722. 4. vid. Act. Er. Germ. P. LXXXIV. art. 4.

t) Conf. si placet Pinacothecam Script. illustr. Dec. II. in elogio Ioannis Bernoullii,



*Philosophia  
naturalis  
Newtoni.*

§. XIII. Philosophia Newtoniana cuius indolis sit, ex dictis satis constat. Falluntur equidem, qui magnum virum non tantum inter geometras, mechanicos, astronomos, physicos, sed inter metaphysicos quoque summo loco ponunt, ne quid sectae suae desit, in quo cum contentu aliorum gloriari possit. Absuit ab hac iactantia, ut modestia non minus, quam reliquis virtutibus eminebat, vir optimus, qui metaphysicam si non plane contempsit, omnem tamen eius ratiocinandi modum neglexit, omnes hypotheses reiiciens, et ad experientiam solam confugiens. Quod ne frustra dixisse censeamur, en ipsa NEWTONI verba<sup>f)</sup>, quibus totam principiorum philosophicorum tractationem praestantissimam clausit, et magna quasi voce aliqua obsignauit: *Quicquid ex phaenomenis non deducitur, hypothesis vocanda est; et hypotheses seu physicae, seu metaphysicae, seu qualitatum occultarum, seu mechanicae, in philosophia experimentalis locum non habent. In hac philosophia propositiones deducuntur ex phaenomenis, et redduntur generales per inductionem.* Pulchre vero obseruatum eruditissimo KAHLIO<sup>g)</sup>, ex assertis nonnullis, quae magnus vir passim in scriptis suis disseminauit, quaeque ad metaphysicam trahi possunt, inepte aliquam philosophiam Newtonianam etiam metaphysicam exsculpi, cum talia, quae dissolutas scopas exhibent, ad effingendum aliquod doctrinae aedificium minime sufficiant. Suum itaque, quem sibi emetiendum delegerat campum, incomparabili viro assignandum esse cui libet, infano auctoritatis praeiudicio non corrupto patet, neque obstat summae, quam immortalibus meritis sibi acquisiuit, nominis gloriae, si non in omnibus philosophiae partibus reformatorem se praestitisse dicatur. Ad philosophiam ergo naturalem illustris philosophi diligentia referenda est. In qua quid detexerit, quibus legibus naturam rerum circumscripserit, quibus demonstrationibus qualitates rerum, et imprimis, cui totam fere physicam inaedificat, attractionem viresque centripetas euincere studuerit, hoc loco, ubi specialis physicae scientiae historia non traditur, explicari non potest, digna vero est, quae a viro docto rerumque geometricarum et physicarum perito condatur accurata philosophiae naturalis Newtonianae historia. Ne tamen in tanta doctrinae Newtonianae celebritate, qua hodie floret, plane conticuisse, et inuidisse lectori tanti viri placita, ac cusemur, dabimus primo definitiones ab ipso viro celeberrimo allatas, quibus notiones physicas determinat, et principia atque leges, quae reliqua inaedificat, et tum qua ratione ex experimentis collecta argumentatione de rebus physicis argumentandum putet, ipsis eius verbis ex *Optica*, ubi pleraque quaestionum nomine in summam contraxit et coaceruauit, explicabimus. Ita vero in *Principiis philosophiae* decernit:

I. Quantitas materiae est mensura eiusdem orta ex illius densitate et magnitudine coniunctim.

II. Quan-

f) L. III. p. 484. ed. rec.

g) Comparat. Phil. Newt. et Leibniz. Praef.

Conf. cel. WOLFIVS Elem. Math. vniu. Tom. V. c. 9, p. 474. coll. c. 5. p. 414.

II. *Quantitas motus est mēfura eiusdem orta ex velocitate et quantitate materiae coniunctim.*

III. *Materiae vis infinita est potentia resistendi, qua corpus vnumquodque, quantum in se est, perseverat in statu suo vel quiescendi vel mouendi vniiformiter in directo.*

IV. *Per inertiam materiae fit, vt corpus omne de statu suo vel quiescendi vel mouendi difficulter deturbetur. Exercet vero corpus hanc vim solummodo in mutatione status sui per vim aliquam in se impressam facta, estque exercitium eius sub diuerso respectu et resistantia et impetus.*

V. *Vis impressa est actio in corpus exercita, ad mutandum eius statum, vel quiescendi vel mouendi vniiformiter in directum.*

VI. *Vis centripeta est, qua corpora versus punctum aliquod tanquam ad centrum vndique trahuntur, impelluntur, vel vtcunque tendunt. Huius generis est grauitas, qua corpora tendunt ad centrum terrae, vis magnetica, qua ferrum petit magnetem, et vis illa, quaecunque sit, qua planetae perpetuo retrahuntur a motibus rectilineis, et in lineis curuis reuolui coguntur. Et par est ratio corporum omnium, quae in gyrum aguntur, quae conantur a centrīs orbium recedere, sed vi aliqua contraria in orbibus retinentur, quae centripeta commodē vocari potest. Cuius iustam magnitudinem, vt corpus in dato quouis orbe cum velocitate accurate retineri possit &c. inuenire mathematicorum est.*

VII. *Vis huius centripetae quantitas trium generum est, absoluta, acceleratrix et motrix, referturque ad corpora centripetentia, ad corporum loca et ad centra virium.*

VIII. *Vis motrix ad corpus refertur, tanquam conatus et propensio totius in centrum, ex propensionibus omnium partium composita: vis acceleratrix ad locum corporis, tanquam efficacia quaedam, de centro per loca singula in circuitu diffusa, ad mouenda corpora quae in ipsis sunt, vis absoluta ad centrum tanquam causa aliqua praeditum, sine qua vires motrices non propagantur per regiones in circuitu.*

IX. *Est igitur vis acceleratrix ad vim motricem, vt celeritas ad motum, oritur enim quantitas motus ex celeritate ducta in quantitatem materiae, et vis motrix ex vi acceleratrice ducta in quantitatem eiusdem materiae.*

X. *Voces attractionis, impulsus, vel propensionis cuiuscunque in centrum, indifferenter vsurpantur, has vires non physice sed mathematice tantum considerando. Itaque his vocibus non definitur species vel modus actionis causae aut ratio physica, nec centrīs vires vere et physice tribuuntur, si de viribus centrorum sermo est.*

XI. *Tempus absolutum, verum et mathematicum in se et natura sua absque relatione ad externum quoduis, aequabiliter fluit, alioque nomine dicitur duratio: relatiuum apparens et vulgare, est sensibilis et externa quaevis durationis per motum mensura.*

XII. Spa-

XII. Spatium absolutum, natura sua absque relatione ad externum quoduis, semper manet simile et immobile: relatiuum est spatii huius mensura, seu dimensio quaelibet mobilis, quae a sensibus nostris per situm suum ad corpora definitur.

XIII. Locus est pars spatii, quam corpus occupat, estque pro ratione spatii vel absolutus vel relatiuus.

XIV. Motus absolutus est translatio corporis de loco absoluto in locum absolutum, relatiuus de relatiuo in relatiuum.

XV. Distinguuntur quies et motus absoluti et relatiui ab inuicem per proprietates suas et causas et effectus.

XVI. Motus proprietas est, quod partes, quae datas seruant positiones ad tota participant motus eorundem totorum.

XVII. Moto loco mouetur locatum, suntque motus omnes qui de locis motis fiunt, partes solummodo motuum integrorum et absolutorum, qui non nisi per loca immota definiri possunt.

XVIII. Causae quibus motus veri et relatiui distinguuntur ab inuicem, sunt vires in corpora impressae ad motum generandum, per quas solas motus generatur et mutatur.

XIX. Effectus, quibus motus absoluti et relatiui distinguuntur ab inuicem, sunt vires recedendi ab axe motus circularis.

XX. Leges motus hae sunt I. corpus omne perseverat in statu suo quiescendi vel mouendi vniformiter in directum, nisi quatenus a viribus impressis cogitur statum illum mutare. II. Mutatio motus proportionalis est vi motrici impressae, et fit secundum lineam rectam, qua vis illa imprimitur. III. Actioni contraria semper et aequalis est reactio, siue corporum duorum actiones in se mutuo semper sunt aequales et in partes contrarias diriguntur.

XXI. Quantitas motus, quae colligitur capiendo summam motuum factorum ad eandem partem et differentiam factorum ad contrarias, non mutatur ab actione corporum inter se.

XXII. Commune grauitatis centrum corporum duorum vel plurium, ab actionibus corporum inter se non mutat statum suum vel motus, vel quietis, et propterea corporum omnium in se mutuo agentium, (exclusis actionibus et impedimentis externis) commune centrum grauitatis vel quiescit vel mouetur vniformiter in directum.

XXIII. Corporum dato spatio inclusorum iidem sunt motus inter se, siue spatium illud quiescat, siue moueatur idem vniformiter in directum absque motu circulari.

XXIV. Si corpora moueantur quomodocunque inter se, et a viribus acceleratricibus aequalibus secundum lineas parallelas vrgeantur, pergent omnia eodem modo moueri inter se, ac si viribus illis non essent incitata. Haec principia sunt, quae mathematicis experientia commendauit, et quibus iam ex parte Galilaeus, Wrennus, Wallisius, Hugenus geometra-

rum

rum principes, vñ sunt. His itaque totam motuum corporum theoriam Newtonus quoque inaedificauit, et qua ratione vires centripetae inueniendae sint, qui motus corporum sit in conicis sectionibus excentricis, quomodo orbes elliptici, parabolici et hyperbolici ex vmbilico dato, motus in orbibus dati, corporum descensus et ascensus rectilineus, orbes in quibus corpora viribus quibuscunque centripetis agitata reuoluuntur, motus corporum in orbibus mobilibus, motusque apsidum, motus corporum in superficiebus datis, et funependulorum motus reciprocus, motus corporum viribus centripetis se mutuo petentium, inueniri et determinari queat, docet. Tum de corporum sphaericorum et non sphaericorum viribus attractiuis, de motu corporum minimorum, quae viribus centripetis ad singulas magni alicuius corporis partes tendentibus agitantur, de motu corporum, quibus resistitur in ratione velocitatis, varia de corporum circulari motu in mediis resistentibus, de densitate et compressione fluidorum, de motu et resistentia funependulorum, de motu fluidorum et resistentia proiectilium, de motu per fluida propagato, et de motu circulari fluidorum tractat; et hoc pacto principia philosophiae naturalis non tamen philosophica, sed mathematica tradit, nempe motuum et virium leges et conditiones, quas tamen scholiis philosophicis generalibus illustrauit, qualia sunt corporum densitas et resistentia, spatia corporum vacua, motusque lucis et sonorum. His vero absolutis, ex iisdem principiis methodo mathematica docet constitutionem systematis mundani, et qua ratione vires quae planetas perpetuo retrahunt a motibus rectilineis, et in orbibus suis retinent, quibusque grauitantur planetae, definit, hincque hypotheses efformat, centrum systematis mundani quiescere, solem motu perpetuo agitari, sed nunquam longe recedere a communi grauitatis centro planetarum omnium, planetas moueri in ellipsis vmbilicum habentibus in centro solis, orbium aphelia et nodos quiescere, et ex his problemata magni momenti in astronomia deducit, et cometarum quoque situm, motum, et determinationes explicat. In fine autem vorticum hypothesin impugnat, et haec ad cognoscendam diuini Numinis potentiam et prouidentiam ita applicat, vt, cum motus planetarum maxime regulares in orbibus concentricis, et cometarum in eccentricis, originem ex causis mechanicis habere nequeant, concludat, elegantissimam hanc compagem, non nisi consilio et dominio vnus entis intelligentis et potentis oriri potuisse. Hunc omnia regere non vt animam mundi, sed vt vniuersorum dominum, in qua notione veram Dei notionem quaerendam esse putat. Deum itaque in fine describit, velut dominationem entis spiritualis summam, ex qua sequatur, Deum verum esse viuum, intelligentem et potentem ex reliquis perfectionibus, summum esse, aeternum, infinitum, omnipotentem, omniscium, non esse aeternitatem vel infinitatem nec durationem vel spatium, sed aeternum infinitum durare semper et adeste vbique, et existendo semper et vbique durationem et spatium, aeternitatem et infinitatem constituendo, nec posse esse nun-

*Hist. philos. Tom. V.*

N n n n

quam

quam nusquam; omnipraesentem esse non per virtutem solam, sed etiam per substantiam, in ipso contineri omnia et moveri vniuersa, sed absque mutua passione. Deum semper esse ex necessaria existentia vbiq̃ue et semper, inde esse totum sui similem, totum oculum, totum aurem, totum cerebrum, totum brachium, totum vim sentiendi, intelligendi et agendi, sed more minime humano, more minime corporeo, more nobis prorsus incognito: corpore omni et figura destitui, nec eius nos, nisi attributorum, minime vero substantiae ideam habere, adeoque tantum per proprietates, attributa, rerum structuras et causas finales cognoscere, venerari autem ob dominium. Et hoc quidem pacto nobilissimam tractationem de phaenomenis coelorum et maris nostri per vim grauitatis explicatis claudit, monet autem in fine, causam grauitatis nondum se assignauisse, quamuis certum sit vim hanc oriri a causa aliqua, quae penetret ad vsque centrum solis et planetarum, sine virtutis deminutione, quaeque agat non pro quantitate superficierum particularum in quas agit, vt solent causae mechanicae, sed pro quantitate materiae solidae, et cuius actio in immensas distantias vndiq̃ue extendatur decrescendo semper in duplicata ratione distantiarum. Satis autem esse, dicit, quod grauitas reuera existat, licet eius causae ignorentur. Tandem spiritum quandam subtilissimum corpora crassa peruadentem, et in iisdem latentem esse statuit, cuius vi et actionibus particulae corporum ad minimas distantias se mutuo attrahant, et contiguae factae adhaereant, corpora electrica agant ad distantias maiores, lux emittatur, et reflectatur, et corpora calefaciat, sensatio omnis excitetur, et membra animalium ad voluntatem moueantur vibrationibus eius per solida neruorum capillamenta ab externis sensuum organis, et ad cerebrum et a cerebro in musculos propagatis. Cuius tamen actionis leges se nondum accurate demonstrare posse fatetur. Et haec quidem in *Principiis philosophiae* Newtonus.

*Hypotheses  
physicae  
Newtonianae.*

§. XIV. In optica non minus experientia quam calculo geometrico nititur Newtonus, et quae ex longa observationum serie didicerat, fundamenti loco subternit, ex quo elegans illa de coloribus et luminis refractione, reflexione, refrangibilitate et similibus tractatio exorta est, quae mere experimentalis est. Subiunxit tamen in fine quaestiones, id est, hypothesen, quas ex observationibus his fluere concludebat, quas tamen, vt erat modestia insignis, et nihil pro certo admittebat, quod non vel ex experimentorum inductione, vel ex certissimis regulis exfurgebat, et probari poterat, ad inquirendum de iis, viris doctis proponebat. Ex quibus si *sermões* exprimantur, ita visum esse Newtono patet.

I. Corpora et lumen agunt in se mutuo.

II. Corpora omnia fixa quum sunt vltra certum gradum calefacta, lumen emittunt et splendent.

III. Ignis corpus est eousque calefactum, vt copiosius lumen emittat.

IV. Cor-

\*) Lib. III. P. I. p. 340. seqq.

IV. Corpora magna calorem suum conseruant diutissime, partibus suis se mutuo calefacientibus.

V. Flamma vapor est, fumus siue exhalatio candefacta, hoc est calefacta eousque, vt lumen emittat.

VI. Sol et stellae fixae sunt ingentes terrarum globi vehementer calidi, quorum vtique calor conseruatur corporum ipsorum magnitudine et mutua actione ac reactione, quae est inter ipsa, et lumen quod emittunt, et quorum partes quidem, ne in fumum abeant, facit non modo sua ipsorum adeo fixa admodum natura, verum etiam ingens pondus, densitasque atmosphaerarum sibi circumcirca incumbentium, et ingenti nisu vndique comprimentium, et condensantium vapores atque exhalationes quotquot emiserint.

VII. Phaenomena luminis non pendent ex nouis modificationibus, sed ex congenitis et immutabilibus radiorum proprietatibus.

VIII. Philosophiae naturalis id praecipuum officium et finis est, vt ex phaenomenis sine fictis hypothesibus arguamus, et ab effectibus rationatione progrediamur ad causas, donec ad ipsam demum causam primam, quae sine dubio mechanica non est, perueniamus \*.

IX. Constat ex phaenomenis, esse entem, incorporeum, viuentem, omnipraesentem, qui in spatio infinito tanquam in sensorio suo, res ipsas intime cernat, penitusque perspiciat, totasque inter se praesens praesentes complectatur, quarum quidem rerum id, quod in nobis sentit et cogitat imagines tantum ad se per organa sensuum delatas in sensorio suo concipit et contuetur.

X. Radii luminis exigua sunt corpuscula e corporibus lucentibus emissae, quae diuersas habent proprietates.

XI. Ad colorum varietatem omnem, diuersosque refrangibilitatis gradus producendos nihil aliud opus est, quam vt radii luminis sint corpuscula diuersis magnitudinibus, quorum quidem ea, quae sint minima, colorem constituent violaceum, vtique tenebrosissimum et languidissimum, reliqua, vt eorum quodque in magnitudinem excedit, ita colores exhibeant fortiores et clariores, vti coeruleum, viridem, flauum, et rubrum.

XII. Corpora vim suam actuosam plurimum accipiunt a particulis luminis, quae in eis componendis insunt.

XIII. Corpora inuicem agunt per attractiones grauitatis virtutisque magneticae et electricae.

XIV. Qua causa efficiente fiat attractio, hic non inquiritur, fieri sane potest, vt ea efficiatur impulsu, vel alio aliquo modo nobis ignoto.

XV. Accipienda attractionis vox, vt significet vim aliquam, qua corpora ad se mutuo tendant, cuiusque demum causae tribuenda sit. Nam ex phaenomenis naturae illud nos prius edoctos oportet, quatenam

Nn nn 2

corpo-

\*) Pag. 372.

corpora se inuicem attrahant, et quatenam sint leges atque proprietates istius attractionis, quam in id inquirere par sit, quam efficiente causa peragatur <sup>1</sup>.

XVI. Corpora omnia fluida composita esse videntur ex particulis duris. Quin et ipsi luminis radii corpora dura esse videntur. Quare durities vniuersae materiae simplicis proprietas haberi potest.

XVII. Natura vniuersa valde simplex est et consimilis sui: perficiens nimirum magnos omnium corporum coelestium motus attractione grauitatis, quae est mutua inter corpora illa omnia et minores fere omnes particularum suarum motus alia aliqua vi attrahente et repellente, quae est inter illas particulas mutua.

XVIII. Vis inertiae est principium passiuum, quo corpora in motu suo vel quiete persistant, vel recipiunt motum vi mouenti semper proportionem respondentem, et resistunt tantum, quantum sibi resistitur. Ab hoc solo principio nullus vnquam in rerum vniuersitate oriri potuisset motus: alio itaque principio opus erat ad mouendum.

XIX. Ex variis binorum motuum compositionibus manifestum est, non semper eandem esse in mundo quantitatem motus, sed posse motum nasci et perire.

XX. Multo magis in eam semper partem vergit natura rerum, ut pereat motus, quam ut nascatur, et quidem is perpetuo imminuitur <sup>2</sup>.

XXI. Quoniam varii motus, qui in mundo conspiciuntur, perpetuo decrescunt vniuersi, necesse est prorsus, quo illos conservari et recreare possint, ut ad actiua aliqua principia recurramus, v. c. grauitatis et fermentationis causam.

XXII. Simillimum veri videtur, Deum O. M. in principio rerum materiam ita formasse, ut primigeniae eius particulae, e quibus deinceps oritura esset corporea omnis natura, solidae essent, firmae, durae, impenetrabiles, et mobiles, iis magnitudinibus et figuris iisque insuper proprietatibus, eoque numero et quantitate pro ratione spatii, in quo futurum erat, ut mouerentur, quo possent ad eos fines, ad quos formatae fuerant, optime deduci: particulas autem primigenias diuidi in partes nulla vi posse, vel naturam earum et texturam immutari.

XXIII. Itaque existimandum corporum omnium mutationes in variis solummodo separationibus nouisque coniunctionibus et motibus durabilium illarum particularum consistere.

XXIV. Hae particulae primigeniae non modo in se videntur habere vim inertiae, motusque leges passiuas, quae ex vi ista oriuntur, verum etiam motum perpetuo accipere a certis principiis actiuis, qualia sunt grauitas et causa fermentationis et cohaerentiae corporum.

XXV. Haec principia considerata sunt, non ut occultae qualitates, sed ut vniuersales leges naturae, quibus res ipsae sunt formatae.

<sup>1</sup>) p. 380.

<sup>2</sup>) p. 405.

natae. Ea enim existere phaenomena naturae ostendunt, licet causas lateant.

XXVI. Ope principiorum istorum res corporeae vniuersae videntur compositae fuisse ex duris solidisque particulis varie inter se in prima rerum fabricatione sociatis et coniunctis, nutu et consilio agentis intelligentis. Nec decet philosophum alios mundi condendi rationes comminisci \*.

XXVII. Irregularitates motus planetarum oriri possunt ex mutuis cometarum et planetarum in se actionibus, quae, verisimile est, fore, ut longinquitate temporis maiores vsque euadant, donec haec naturae compages manum emendatricem sit desideratura.

XXVIII. Quamuis animalium omnium vniformitas et conformatio prima nulli rei tribui possit, quam intelligentiae et sapientiae entis potentis semperque viuentis, qui sit sibi vbique praesens, possitque voluntate sua corpora omnia mouere in infinito suo vniformi sensorio, adeoque omnes mundi partes ad arbitrium fingere et refingere: nec tamen mundum spectare debemus tanquam corpus Dei, nec partes eius tanquam partes Dei. Deus enim est ens vniforme, organorum, membrorum, partiumque expers: illa autem omnia sunt creaturae eius voluntati subditae.

XXIX. Quoniam spatium indiuisibile est in infinitum, materia autem non est necessario in omnibus partibus spatii, potest Deus creare materiae particulas variis magnitudinibus et figuris varioque numero et quantitate pro ratione spatii, in quo sunt forte etiam et diuersis densitatibus diuersisque viribus, eoque pacto variare leges naturae, mundosque condere diuersa specie in diuersis spatii vniuersi partibus.

XXX. Quatenus ex philosophia naturali intelligere possumus, quanam sit rerum prima causa, et quam potestatem et ius ille in nos habeat, et quae beneficia ei accepta sint referenda: eatenus officium nostrum erga eum aequae ac erga nosmet ipsos inuicem quid sit, per naturae lumen innotescet.

XXXI. Lex moralis ab origine gentibus vniuersis erant septem illa Noachidarum praecepta †.

Testari haec *φιλοσοφούμενα* magni philosophi de vastissimo ingenio, nemo facile negauerit, nec diffiteri audent, quibus displicet Newtoniana philosophia; laudanda quoque viri incomparabilis modestia, qua non plus pro certo affirmare cupit, quam experientia duce didicit, reliqua ad quaestiones et hypotheses probabili argumentatione demum dilucidandas refert. Ast non tamen ea vbique laudatissimo proposito respondere, contendunt, qui haud pauca Newtonianae philosophiae obiecerunt. Cumque inter principia prima a Newtono stabilita sit attractio, eam velut qualitatem occultatam et ignotam adeoque minime intelligibilem valde exa-

Nn nn 3

gitant.

\*) pag. 410.

†) pag. 415.



gitant. Fecit id LEIBNIZIUS<sup>a</sup>, qui obiecit Clarendo, attractionem proprie dictam esse operationem, quae explicari nequeat ex natura creaturarum, quaeque non nisi per miraculum explicari possit, nisi recurratur ad absurditates, id est, ad qualitates occultas Scholasticorum, quae sub specioso virium nomine venditentur, quaeque nos ad regnum tenebrarum reuocent. Hoc esse inuenta fruge glandibus vesci. Idem obiecerunt Cartesiani, ex quibus nuperus Voltairii censor<sup>b</sup>, postquam obseruasset, ipsum magnum Newtonum loqui de attractione, non velut de causa quadam physica et mechanica, sed tantum mathematica et idealis; eo quod modum actionis causamue aut rationem physicam attractionis definire non audeat: vrget, ex ipsius Newtoni confessione esse attractionem tantum causam possibilem, principium solummodo geometricum, vim quandam incognitam, cuius effectum considerauerit et calculo subiecerit. Quo simpliciter negato omnem demonstrationem et theoriam pulcherrimam concidere. Ipsam quoque ingenii Newtoniani vastitatem peruidisse, attractionis ideam claram nullam esse, sed eam mysterium aliquod, quod intelligi nequeat, inuoluere, et reuera, qualitates occultas Scholasticorum dudum sepultas, resuscitare: impulsu quoque multo simplicius omnia explicari posse, qui etiam character sit operum auctoris naturae; qui corporibus coelestibus non aliam legem fixerit, quam sublunariibus; vacuum quoque immensum per perpetuas depautiones astrorum principis ab omnibus receptis refragari; et verisimile esse, vidisse ipsum Newtonum similes systematis huius naeuos, et difficultates, eo quod passum videatur agnoscere speciem aliquam pleni, materiam quandam subtilem, grauitatem extrinsecam et veram impulsione. Praeuidisse has obiectiones Newtonum et praeuertere voluisse, ex assertionibus supra allatis constat, quibus diserte monet, se, attractionem non inter causas mechanicas et physicas referre, sed veram eius causam ignorare, ast experientia conuictum nosse et demonstrasse, ex effectu attractionem adesse, et hoc pacto eam odioso qualitatis occultae nomine non esse obruendam. Id quod repetiit COTESIUS<sup>c</sup>, monens: „Occultas esse „causas, non illas quidem, quarum existentia per obseruationes clarissimas demonstratur, sed has solum, quarum occulta est et ficta existentia „nondum vero comprobata. Grauitatem ergo non esse occultam causam „motuum coelestium, siquidem ex phoenomenis ostensum sit, hanc virtutem „reuera existere. Hos potius ad occultas causas confugere, qui nescio quos „vortices materiae cuiusdam prorsus fictitiae et sensibus omnino ignotae „motibus iisdem regendis praeficiant. Quin eo delabitur, vt contendat: „eos qui haec obiicient, fundamenta conuellere philosophiae, etenim „causas continuo nexu procedere solere a compositis ad simpliciores: „vbi ad causam simplicissimam perueniatur, iam non licere vterius pro-  
gredi,

<sup>a</sup>) Recueil T. I. p. 142.<sup>b</sup>) p. 41. seq.<sup>c</sup>) Praef. Princ. philos. editionis 1713. et seqq.

„gredi, nec eius dari mechanicam explicationem. Hanc autem ideo ne-  
 „gare velle, esse omnem caussarum seriem euertere. Similia Leibnizio  
 „respondit CLARCKIVS “ Verum nec hic defunt, quae aduersa pars re-  
 „gerat. Vrgent enim ipsos quoque Scholasticos non eas dixisse qualitates  
 „occultas, quarum effectus minime probatus fit, sed qualitates occultas ad  
 „caussas phyficas referendo, vocasse eas, quarum effectus cum sint mani-  
 „festi, caussae lateant, nec definiri possint. Id quod recte dici ex vnus  
 „SENNERTI dissertatione de occultis qualitatibus \* est longe manifestissi-  
 „mum. Monent porro ‘, „experientia haecenus non constare, posse cor-  
 „pora naturalia alia quadam ratione quam pulsu in se inuicem agere, hinc-  
 „que nec sine contactu mutuo alterum in altero motum quemcunque pos-  
 „se producere; in attractione autem vere tali omnia contraria plane ratio-  
 „ne fieri necesse esse. Nec omnibus illis, quae haecenus innotuerunt, ex-  
 „perimentis aliud quicquam probatum esse, quam posse duo quaedam cor-  
 „pora ad se inuicem accedere, praeterquam vt caussa aliqua indicari ex-  
 „terna possit, quae alterum ad alterum appellat, eo tamen ipso nondum  
 „probatum esse, rationem sufficientem huius mutui accessus, in alterutro  
 „corporum ad se inuicem accedentium modo, quem diximus, latere, ad-  
 „eoque et alterutrum illorum alterum attrahere, id quod tamen proban-  
 „dum imprimis sit. Quod si per attractionem nihil aliud, quam talem  
 „corporum quorundam ad se inuicem accessum mutuum intelligamus, vn-  
 „deunque ille etiam proficiscatur, (quae mens vera Newtoni est) tunc  
 „quoniam sic nihil, nisi effectus ipse per eandam intelligatur, obscu-  
 „rum per aequae obscurum, atque idem per idem, satis frigide explicari;  
 „et si quis causam mutui corporum quorundam ad se inuicem accessum  
 „attractionem illorum esse vellet dicere, idem hoc fore, ac si accessum  
 „illum ad se mutuam causam mutui illius accessus esse dicere vellet.“ Alia  
 „attractioni Neutonianae obiecta f, et eius defensoribus Keilio, Freindio  
 „Clarckio, s<sup>r</sup> Grauesandio, Musschenbroekio aliisque obiecta hic praeteri-  
 „mus, nec ea breuitatis caussa afferimus, quibus velut inimicis telis con-  
 „fossa sunt Newtoniana dogmata. His enim vltra immorari ob instituti  
 „rationem non licet.

§. XV. Plurimum adiutam esse insigni diligentia medicorum et *Noua inuen-  
 mathematicorum philosophiam naturalem, ex dictis ignotum esse nequit, ta physica.*  
 et innumera noua extant, quae in physica experimentorum fide detexit  
 felicissima virorum summorum diligentia. Quorum indicem contexere,  
 et quid viderit aetas recentior et in aprium produxerit, veteribus igno-  
 tum et perperam traditum operae pretium esset, ex actis physicorum col-  
 ligere vnoque volumine comprehendi; vtiliter interim consuli poterit I.  
 G. PASCHII catalogus inuentorum nou- antiquorum ff. Nostrum enim  
 non

d) Recueil T. I. p. 188.

e) Hypomn. Phys. II. p. 43.

e) Vid. cel. HOLTMANN. Phys. P. I. cap. 4.  
 §. 225. sq. p. 260. seqq.

f) Act. Erud. 1710. Sept. 1713. p. 308.

ff) C. 6. Methodum in hoc argumento obser-  
 vandam praescripsit magnus VERVLAMIVS in  
 Hist. naturali suae syluae sylvarum.

*Circulatio  
sanguinis.*

*Ductus tho-  
racicus.*

*Vasa lym-  
phatica.*

non est huic prolixitati calamus nostrum attemperare, qui satis arctis in eo limitibus constringimur. Sufficiet paucis specimen capere, ut intelligatur, quam felici successu recentiori aetate physica philosophiae pars promota sit, et quam exoptata fuerit euentu suo philosophorum in hac parte industria. Inter haec vero physicae incrementa cultri anatomici felicitatem et experimenta circa corpora animalium, maxime hominis, facta merito primo loco ponimus. In qua humani corporis cognitione vix praestabilius quicquam est detecta circulatione sanguinis, cui verior theoria totius oeconomiae animalis postea superstructa est. Et vidisse quidem iam nobilissimam theoriam Hyppocratem \*, et Nemesium, contendit THEOD. IANSON. AB ALMELOVEEN †, nosque *Tomo tertio* iam de Nemesio agentes locum indicauimus, ex quo colligi potest, aliquid huius rei eum sciuisse. Et de Caesalpino quoque differentes indicasse eum fundamenta huius asserti in *antecedente huius Tomi parte* obseruauimus. Alii Serueti ‡ plures Paulo Sarpio §, nec id sine verisimilitudine tribuunt. Primus tamen qui totum mysterium perspexit, et rationem eius exposuit, et hoc quidem sensu recte inuentor dicitur, fuit GVIL. HARVAEVS, cuius ea de re extat *Exercitatio anatomica de motu cordis et sanguinis* aliquoties recusa, et *Bibliothecae quoque anatomicae* ¶ inserta. Quo de argumento eum aduersarios nonnullos fuisse nactum, supra iam diximus, et ad cel. HEVMANNI †, enarrationem illius controuersiae lectorem ablegauimus. Et ab eo quoque, et, post hunc, a celeberrimis anatomicis discendum est, quibus argumentis praestantissimum hoc *euēnma* probari possit, inter quae praecipuum est, quod a cordis et valvularum eius structura desumi solet. Vnde mirandum, inuentum esse in Italia HOMOBONVM PISONEM, qui *Vltione antiquitatis in circulationem* \*\* edita, veritatem tot experimentis comprobata negare ausus sit. Simili felicitate vsus est Ioannes Pecquetus, medicus Parisiensis, is enim circa annum MDCLI primus detexit ductum thoracicum, vel chyli ferum, cum cisterna siue receptaculo chyli, vasisque lacteis secundi generis, per thoracem ad ramos vsque subclauios, eumque in *Experimentis anatomicis nouis* vulgauit †. Cuius nobilis inuenti veritatem in dubium vocasse Gassendum, donec oculari testimonio a Pecqueto conuinceretur, narrat in *Vita eius* SAM. SORBIERIVS. Vidit tamen ante Pecquetum hunc ductum thoracicum Bartholomaeus Eustachius, ast eius vsum, quem in chylo ad sanguinem deferendo praestat, ignorauit ‡. Circa idem tempus vascula tenuissima et pellucida lympham deuehentia, quae inde vasa lymphatica dici solent,

\*) Vid. cl. STENZEL. Diff. de Vestigiis circulationis sanguinis apud Hippocratem, Viteb. 1731. 4.

g) In Inuentis nou-antiq. c. 24. §. 28.

h) Conf. Cl. A. SEELEN Sel. lit. n. I. p. 49. n. II. p. 56.

i) MORHOF, Polyhist. T. I. p. 221. T. II. p. 153.

Cel. HEISTER. Pr. num. circulus sanguinis veteribus fuerit cognitus. Helmst. 1721.

k) T. II. p. 64. seqq.

l) Aët. Phil. Vol. II. p. 616. seqq.

m) Vid. Aët. Erud. Suppl. T. I. p. 579. seqq.

n) Bibl. Anat. T. II. p. 652. seqq.

o) ALMELOV, l. c. §. 23. p. 284.

solent, in aprium prodixerunt Olaus Rudbeckius et Thomas Bartholinus<sup>p</sup>; eorum autem valuulas primus vidit cel. Ruyschius<sup>q</sup>. Similes valuulas in colo et ieiuno intestino primus obseruauit et descripsit Kerkringius<sup>r</sup>, poros biliarios cum venae portae, arteriae hepaticae et nervorum hepaticorum ramulis, communi quadam capsula inclusos Glissonius, a quo capsula illa biliaria nomen quoque accepit, vt alia ad hepatis naturam partesque cognoscendas facientia, et recens detecta taceamus, de quibus post Fr. Glissonium, celeberrimi BIANCHI *Historia hepatis noua* consulenda est. Vasa lactea vel chylifera in lucem anno MDCXXII produxit Caspar Asellio, a quo venarum Asellianarum nomen acceperunt, quamuis is vasa lactea secundi generis, quae chylum in peculiare receptaculum deferunt, nondum viderit, quae Pecqueto primum obseruata esse supra diximus. Praeclare vero recentiorum anatomicorum studium versatum est, in enarranda historia musculorum, eorum structura, situ, figura, vsu motuque, quo in argumento post Nicolaum Stenonem incomparabilem operam anatomiae praestitit, IO. ALPHONSVS BORELLVS, cuius *de motu animalium* tractatio prorsus egregia est, quemque postea certatim anatomici secuti sunt. Tacemus tubas, siue ductus recuruos vtero adiacentes, quos inuenit nomineque suo notos fecit Fallopius, veram ouarii naturam detectam et sexcenta alia, veteribus nec visa nec audita, quae in anatomiae historia enarranda sunt, locumque heic non capiunt. Maxime vero ingeniosum fuit philosophandi studium virorum doctissimorum circa generationem animalium, de qua satis minime facere posse inanes veterum hypotheses maxime generationem aequiuocam innumeris obseruationibus constitit. Longum esset, et a tractationis scopo alienum, opinioniones recensere omnes, quibus mysterium hoc naturale recludere naturae interpretes conati sunt. Et primus quidem Guilelmus Haruaeus ouarium foeminarum; quod veteres testes muliebres inepte vocarunt, ouulis, siue copusculis rotundis et pellucidis duplici membranula vestitis turgere, obseruauit, vnde enata hypothesis, quae totum pene orbem medicum physicumque occupauit, stamina futuri foetus in iis delitescere, et ante congressum cum mare iam praeeexistere, de qua praeter alios elegantissimi VALLISNERII *Historia generationis hominum et animalium*, et praestantissimi BOVRGETI *Epistola philosophica tertia* consulenda est. Ast cum solertissimus stupendorum naturae miraculorum interpretes ANTONIVS A LEEWENHOECK microscopiorum exquisitissimorum beneficio innumera naturae arcana detexisset, quae in *Epistolis ad societatem Londinensem* enarrauit, compertum eius industria est, in semine animalium innumeram animalculorum seu vermiculorum, stupendae exilitatis, at viuorum tamen et mouentium se atque subsultantium esse copiam. Vnde

Valuulae coli et ieiuni.

Capsula biliaris.

Vasa lactea.

Musculorum natura et motus.

Generatio animalium.

Ovarium.

Animalcula seminalia.

p) Scripta eorum huc pertinentia extant Bibl. Anat. T. II. p. 700.  
q) Ib. p. 712. seq. r) Ibid. T. I. p. 117. seqq.

ad haec animalcula recurrit in arduo generationis negotio explicando recentissimorum physicorum consideratio, et ab istorum animalculorum vno animam in ovarium deferri, hocque sedem animalculo in animam humanam eleuando praebere statuit. Quam sententiam suam quoque fecere HARTSOECKERVS <sup>s</sup>, BOERHAVENIVS <sup>t</sup>, WOLFIVS <sup>x</sup>, LEIBNIZIVS <sup>y</sup>, alii, magnis arietibus euertere satagit VALLISNERIVS <sup>w</sup> vtramque hypothesein conciliare studuit NIC. ANDRYVS. Ex quo recte colligi potest, non obstante insigni virorum doctorum studio nihil certi definitique habere mortales, quod de ortu suo affirmant.

*Inuenta organa optica, et mechanica.*

§. XVI. Possemus hunc in modum per chemiae et reliquarum, quae cum arte medendi connectuntur, artium campos discurrere, et eximium acervum singularium experimentorum colligere, quibus physica aucta est, si id nobis agendum esset. Mirabiles enim sunt effectus pulueris sympathetici, transfusionis sanguinis, curationum magneticarum, vnguenti armarii, similiumque, quibus recentiori aetate naturalis philosophia personuit. Sed in haec arua exspatiari nobis, aliis curis districtis non licet, consulendi autem scriptores sunt, quos magno numero adduxit cel. HOLLMANNVS <sup>x</sup>, ad quem breuitati litaturi, vt et ad MORHOVIUM <sup>y</sup> lectorem remittimus, et artis eum salutaris historiam consulere iubemus. Plurimum autem attulisse adiumenti, ad has obseruationes experimentis confirmandas et tentandam rerum naturam oculis absconditam instrumenta optica et mechanica, telescopia, microscopia, thermometra, barometra, hygrometra, specula encaustica, antliam pneumaticam et similes machinas atque organa artificialia ex dictis iam colligi potest, et nemo rerum physicarum tam ignarus est, vt nesciat. Et telescopiorum quidem siue tuborum optidorum inuentionem vtilissimam, qua corpora mundi maxima at dissita propius intueri licet, nonnulli ad annum MDCIX referunt, et Ioanni Lipperfeinio perspicillario Middelburgensi tribuunt, Iacobum Metium, mechanicum parentem facit REN. CARTESIVS <sup>z</sup>. Huius autem organi inuenti fama excitatus Galilaeus, qua ratione ipse ad eius conficiendi rationem delatus sit, supra iam narrauimus. Et habuisse quidem veteres tubos ad contemplanda sidera adhibitos, ex imagine Ptolemaei astra tubo quodam intuentis quam in codice veteri reperit et descripsit Io. MABILLONIVS <sup>\*</sup> constat, et obseruatum quoque Io. PASCHIO <sup>t</sup>. Ast caruisse eos vitris opticis, et tantum cohibendis lucis radiis inseruiuisse dubium non est. Multum autem vtilissimum inuentum emendauere Christianus Hugenius, Campanus, Newtonus alique, de quorum tentaminibus in historia opticae plura tradenda sunt. De microscopiorum, quibus minima insigni magnitudine exhibentur, inuentore incerta lis est, alii

*Microscopia.*

s) Cont. Coniecturar. physc. Amst. 1708. edit.  
t) Instir. Medic. §. 621.  
u) Phys. Germ. P. I. §. 440. Experim. Tom. II. §. 99.  
v) Causa Dei §. 81. w) I. c.

x) Phys. P. I. c. 4. §. 229. p. 265.  
y) T. II. L. II. P. 2. c. 8. §. 4. seq.  
z) Dioptr. c. 1. §. 2.  
\*) Itin. Germ. p. 54.  
†) De Inuent. nou-antiq. c. 7. §. 4. p. 527. seq.

alii enim Ludouicum Septalium, Medicum Mediolanensem, cuius in *antede-*  
*mente parte* mentionem iam fecimus, eorum conficiendorum rationem anno  
 MDCXXI detexisse, alii Cornelium Drebbelium, mechanicum Alcmarien-  
 sem, alii Fontanam Italum auctorem nominant. Ad ingentem autem  
 perfectionem, qua stupendi effectus deprehensi sunt, ea perduxerunt, Eu-  
 stachius Diuinus S. Saluettus, Leewenhoeckius, Butterfieldius, Step-  
 hanus Gray aliique \*. Et his quidem instrumentis, dici non potest, quan-  
 tam in minimis naturae varietatem, artem, pulchritudinem, et stupenda  
 conditoris rerum opera philosophiae naturalis doctores detexerint, cuius

rei exempla ex P. BORELLI *Obferuationibus Microscopicis*, ROB. HOO-  
 CKI *Micrographia*, LEEWENHOECKII *Epistolis physiologicis super*  
*compluribus naturae arcanis*, aliisque huius generis scriptis colligi possunt.

*Thermome-  
tra.*

Thermometrorum inuentorum gloriam Cornelio Drebbelio plerique vin-  
 dicant, alii Roberto Fluddo, de cuius ea in re obferuationibus in vita eius *Par-*  
*te praecedente* ductum est. Barometrorum porro siue baroscopiorum,  
 ad designandam aëris grauitatem, vel vim potius elasticam designandam,  
 auctorem nonnulli Valerianum Magnum faciunt, plerique Galilaei succes-  
 fori Euangelistae Toricellio tribuunt: is enim ad eorum constructionem  
 delatus est occasione controuersiae de vacuo demonstrando; et inde tubus  
 Toricellianus vocari solet.

*Barometra.*

Transtulit autem ad metiendam aëris graui-  
 tatem primus Robertus Boyle, vel, quod alii contendunt, Otto Guer-  
 ickius, emendarunt passim variis modis viri docti, et hinc vtilissimae ob-  
 feruationes barometricae ortae sunt, quas diligentiae nonnullorum debe-  
 mus, quibus non modo physicae, sed et medicae scientiae praeclara lux il-  
 lata est †. Nullum autem vel elegantius vel vtilius in naturali disciplina

*Antlia pneu-  
matica.*

instrumentum orbis eruditus vidit, antlia pneumatica, cuius inuentae glo-  
 ria debetur Ottoni Guerickio, consuli Magdeburgico, mechanicae artis et  
 naturalis philosophiae callentissimo. Is huius inuenti mentionem cum  
 Gaspari Schotto, Herbipolensium ex S. I. professori prodidisset, primus  
 aliquid de ea in *Arte mechanica hydraulico-pneumatica* publice prodidit:  
 quibus lectis excitatus Robertus Boyle, reque cum Roberto Hoochio commu-  
 nicata simile quid tentare coepit. His permotus Guerickius in *Experimentis*  
*nouis Magdeburgicis de vacuo spatio* anno MDCLXII *Amstelodami* editis  
 rem omnem vulgavit. Diligenter autem in vtilissima machina emendanda et  
 perficienda versati sunt viri eruditi mechanicae studiosi, quorum labores ex-  
 ponit, ipsamque antliam mira luce collustrat vir diligentissimus, et de me-  
 chanica multis nominibus praeclarissime meritus IAC. LEVPOLDVS,  
 qui *Antliae pneumaticae descriptionem luculentam* vernacula lingua edi-  
 dit ‡. Adiciamus his specula encaustica quae et magnitudine et stupen-  
 do effectu admiranda confecit illustri Tschirnhausenius §. Alia mul-

ta

Oo oo 2

a) Conf. Transact. philos. Vol. I. p. 207. seqq.  
 b) Conf. STVRMII Colleg. curios. P. I. auctar.  
 p. 22.

c) Lips. 1711. & Contin. 1712. conf. WOLF. Ex-  
 perim. P. I. c. 4. p. 121.  
 d) AG. Erud. 1697. Sept. p. 414. sq.

ta, quae huc trahi possunt, ne in argumento alibi excutiendo nimis fimus, praeterimus.

*Historia naturalis ex-culta.*

§. XVII. Istis auxiliis suffulti per vniuersum mundum, naturam contemplando, discurrerunt disciplinae naturalis periti, et vix particula relicta est, quam non summa diligentia excusserint. Et enata inde historia naturalis, cum disciplina naturali non confundenda, quae naturae opera et phaenomena curiose disquirat, quidque per vniuersum orbem singulare et attentione dignum occurrat, colligit. Cuius scriptores cum enarrauerint D. G. MORHOFIVS <sup>e</sup>, I. I. SCHEVCHZERVS <sup>f</sup>, IVL. B. DE ROHR <sup>g</sup>, et, quod ad Germanos attinet I. FR. REIMANNVS <sup>h</sup>, lectorem rogamus, vt haec cognoscendi audius ad eos recurrat. Quisquis autem vel itineraria scripsit, vel Acta, Obseruationes, Miscellanea, Thesauros rerum naturalium et similia edidit, quin et Museorum enarratores huc referendi sunt. Posset quoque ingens eorum catalogus contexi, qui historiam animalium, piscium, insectarum, plantarum, lapidum, metallorum, mineralium, aquae, ignis etc. describerent, si id agendum esset, vt bibliothecam scriptorum naturalium contexamus. Ea vero alium locum postulant. Commendamus autem lectoris industriae praeter eos, quos enumerant MERCKLINVS <sup>i</sup> atque PASCHIVS <sup>j</sup>, diligentiam virorum praestantissimorum, quae in his argumentis specialibus enituit. Quo pacto de insectorum historia natura praeclare meruere SWAMMERDAMIVS, in *Historia generali Insectorum*, IOANNES GOEDARTIVS de *Insectis in methodum redactis*, ingeniosissima MAR. SIB. MERIANA in *Obseruationibus historicis de insectis, et in Metamorphosi insectorum Surinansensum*, et nuper viri celeberrimi REAUMVR et FRISCHIVS, quibus praeclaras de *Insectis* obseruationes debemus. De aquatilibus, testaceis, crustaceis, squamatosis, conchyliis et similibus egregia multa suppeditabunt MARTINVS LISTERVS in *Historia conchyliorum*, aliisque huius generis GEORG. ERHARDVS RUMPHIVS in *Thesauro imaginum piscium, testaceorum, cochlearum et conchyliorum*, FR. WILLOUGBEEVS in *Historia piscium*, IO. RAIVS in *Synopsi methodica auium et piscium*. De brutis IO. CONR. PEYERVS in *Merycologiae suae Commentario de ruminantibus et ruminacione*, MICH. BERN. VALENTINI in *Amphitheatro Zootomico*. De plantis MALPHIGIVS in *Anatomia plantarum*, SEB. VAILLANT de *Structura florum*, quos magno numero alii in describendis plantis, floribusque et herbis secuti sunt. Inter quos miro artificio et elegantia eminet, quod nuper coloribus ad naturae imagines effectis et aere expressis, addita enarratione botanica patriam nostram Augustam ornare coepit splendidum opus *Phytanthozoiconographiae* WEINMANNIANAE, vt reliquos botanices scriptores,

e) Polyhist. T. II. L. II. p. 1. c. 2.

f) In Biblioth. Script. Hist. nat. Tig. 1716. 8.

g) Bibl. Phys. c. 14. p. 277. seqq.

h) Hist. lit. Germ. Vol. I. p. 61. V. p. 793. seqq.

i) P. II. Lindenii renouat.

k) l. c.

res, Tournefortium, Waltherum, Michelium, Houstonum, Vaillantium, Sigesbeckium, Burmannum, Rumphium, Breynsium, et qui imprimis de botanices studio praeclare meruit, celeberrimum Carolum Linneum praetereamus, qui alios multos ipse in *Bibliotheca botanica* enumerat, ab illis, qui plura hoc loco postulant, omnino consulendus. Simili modo haud exiguus eorum numerus recenseri posset, qui fossilium seu mineralium historiam enarrauerunt, si dicendorum prolixitas limitesque nobis positi id paterentur. Inter quos non tam ATHANASIVM KIRCHERV, fumos haud raro in *Mundo subterraneo*<sup>1</sup> vendentem, quam OLAI WORMII *Museum*, WOODWARDI *Historiam fossilium*, VOLCKMANNVM in *Silesia subterranea*, PH. IAC. HARTMANNVM in *Historia succini*, FR. CHR. LESSERV in *Litbotheologia*, HYACINTHV GEMMA in *Historia naturali gemmarum et lapidum omniumque mineralium*, IO. FRID. HENCKELIV in *Historia pyritae*, I. IAC. SCHEVCHZERV in *Historia naturali Helvetiae*, et quos alios nominat Cel. BRVCKMANNVS in *Prodromo bibliothecae metallica*, commendamus. Quibus addi possunt illi, qui lapides figuratos recensent, ab eodem nominati, quique diluvii reliquias in stratis montium, lapidibus aliisque locis detexerunt, cuius generis dissertationem *de Origine lapidum figuratorum* dedit CAR. NIC. LANGIVS, et *Herbarium atque Museum diluvianum* I. IAC. SCHEVCHZERV. Non vero lapidum vllus curiositatem naturae interpretum magis exercuit, quam magnes, cuius mirabilem vim attractiuam ferri et magnetis alterius, itemque conuertendi se ad septentrionem, explorare, et causas verisimiles magnetismi afferre non sine sudore philosophi conati sunt. Non facile enim in institutionibus physicis hoc phaenomenon quisquam omisit, praesertim postquam Guillemi Gilberti opera et immensis sumtibus, vti supra iam dictum, experientia maior orbi philosophico de magnete succreuit. Insignis quoque, quem in arte nautica habet pyxis magnetica, diligentiam virorum acutissimorum et magna patientia ad haec mysteria attentorum eo adegit, vt ad declinationem magnetis, quae diuersis locis et temporibus diuersa est, respicerent, et eius causas probabiles afferrent, vt ex Fr. Lanae, Halleii aliorumque tentaminibus constat. Possent haec omnia eorum indicibus augeri, qui omnis generis obseruationes physicas ex innumeris experimentis factas collegerunt, nisi et numerus eorum nos deterreret, et nomina eorum satis nota essent, et scriptioni tandem huic modus esset ponendus. Dabit potiores cel. STOLLIVS<sup>m</sup>, qui adeundus.

§. XVIII. Tandem, vt quae dicenda restant, absoluiamus, reticendum non est, insignes accessiones naturalem disciplinam nactam esse, postquam non priuata, sed publica auctoritate in scrutandos naturae recessus

*Societates eruditae physicae doctrinam augentes.*

Oo oo 3

philos.

1) Conf. MORHOF. Polyhist. T. II. p. 167. Aët. Vol. III. p. 176. STOLLIVS Hist. liter. P. II. c. 1. phil. Vol. II. p. 193. REIMMAN. Hist. lit. Germ. §. 23. p. 325. m) l. c. P. II. c. 4. §. 42. p. 555. seqq.



philosophi incubuerunt, et integrae societates in hunc finem certis legibus et institutis coierunt, summis principibus earum conamina auctoritate sua, privilegiis, honoribus et sumtibus magnifica ratione iuuantibus. Non est animus in historiae literariae campos excurrere, et societatum eruditum annales condere; non licet enim nobis ad alia spectantibus lineam transcendere. Dabunt, quantum satis, historiae literariae scriptores passim, et in his GOD. VOCKERODVS ", MORHOFIVS ", STRVVIVS ", STOLLIVS ", alii. Sed ad eas tantum societates respicimus, quae augere, emendare, illustrareque naturalem philosophiam sunt conatae. Inter quas laudabile exemplum aliis praebuit, et ad augendam disciplinam naturalem prima omnium symbolam suam contulit academia Consentina, a Bernardino Telefio instituta, cuius historiam in eius vita *parte huius tomi antecedente* iam tetigimus. Eam postea haud paucae in Italia secutae sunt, quae ad doctrinae mathematicae physicaeque augmenta et culturam respererunt, in quo studio prae reliquis praeclare versata est academia Lynceorum, magnis in physica scientia viris illustris. Nuper autem, currentis seculi anno duodecimo illustrissimi Marfilii comitis studio atque sumtibus accessit academia, vel quod ipsi nomen placuit, institutum Bononiense, cuius natales, modum, studia in naturali disciplina, auxiliaque et quae his sunt affinia, descripsit H. P. LIMIERIVS ". Tacemus alias minores quarum recensum dabit Io. IARCKIVS ". Maiori tamen successu et auctoritatis quoque atque sumtuum auxilio in eiusmodi societates conspirauerunt philosophi, cum summi principes fouere, tueri, et retribus augere eas constituissent. Cuius rei laudatissimae initium fecit Germania. In ea enim priuatis primum ausibus, auctore Laurentio Baufchio medico Suinfurtenfi anno MDCLII coierunt medici nonnulli, eo scopo, ut naturae arcana, communicatis inter se obseruationibus et experimentis curiosius rimarentur. Quod cum pulchre succederet, extendendos limites et dilatanda pomoeria rati anno MDCLXVI, alios quoque peculiari scriptione " inuitarunt. Qui cum libenter accessissent, tandem nobilissimo instituto augustissimi imperatoris Leopoldi I. qui clementissimo affectu erga literas utebatur, auctoritas quaesita est, qua anno MDCLXXXVII publice confirmata, munitaque legibus et insignibus privilegiis aucta est. Ex quo tempore laetissimis ingenii prouentibus physicam disciplinam promouit, editis *Miscellaneis curiosis*, seu *Ephemeridibus physico medicis academiae caesariae naturae curiosorum*. Quae cum ab anno MDCLXX plaudente orbe philosophico prodiiissent, per dimidium seculum, *Aetorum physico-medicorum* nomen postea sortiti sunt. De cuius societatis historia narrationem luculentam edidit

n) Introd. in notitiam Societ. literar.

o) Polyhist. T. II. L. II. c. 1. p. 135. seqq.

p) Introd. in Hist. lit. c. 10 cum suppl.

q) l. c. P. II. c. 4. §. 31. p. 547. seqq.

r) Histoire de l'academie appelée l'institut des

sciences et des arts etabli en Bologne, Amst. 1723. 8.

s) In Specimine academiarum erud. Italiae.

t) Cui tit. Salus academicum. Conf. REIM-MAN. l. c. P. V. p. 809. seq.

edidit MICH. BERN. VALENTINI <sup>u</sup>. Aetate huic suppar est academia Florentina del cimento, nomen gerens, a magno Etruriae duce Leopoldo anno MDCLVII excitata, vt in naturae arcana inquireret. Cuius societatis physicae tentamina, Italico sermone vulgata Latina fecit, et insignibus accessionibus auxit vir celeberrimus PETRVS VAN MVSCHENBROECK <sup>x</sup>. Eundem lapidem voluere coepit circa eadem tempora Anglia, illustrissimo Verulamio in *Noua Atlantide* eius consilii primas lineas ducente. Tanti enim viri prudentia et experientia in rerum naturalium studio commoti viri nonnulli docti artisque medicae et philosophiae naturalis studiosi Oxoniae priuatis initio congressibus tempore interregni symbolas suas conferre coeperunt, rebus summis autem potitus Carolus II. anno MDCLX quae isti auspicati erant, confirmauit, et priuilegiis societatem, regio nomine ab isto tempore splendentem, auxit. Quae narrat copiose, remque omnem exponit THOMAS SPRAAT in *Historia societatis Regiae Londinensis* <sup>y</sup>. Insignia autem sunt illustris societatis in disciplinam naturalem merita, obseruationes innumerae, magna diligentia conscriptae, experimentorum fides recta et non suspecta. Cuius diligentiae fructum vidit orbis philosophicus in *Actis philosophicis*, ab anno MDCLXV, ab OLDENBURGIO, qui ab epistolis societati fuit, proprio motu, Anglico sermone editis, sed ad nostram vsque aetatem continuatis, edito quoque à Io. LOWTHORPIO, BENIAM. MOTTE et Io. GRAY eorum compendio. Successit paulo post academia scientiarum regia Parisiensis, patrocinate Musis Io. Baptista Colberto, a Ludouico XIV. anno MDCLXVI instituta regisque sumtibus tanta magnanimitate sustentata, vt praeclarissimi inde in scientias naturales fructus prodirent: cuius historiam conscripfit, qui ei a chartis fuit, Io. BAPT. DV HAMEL <sup>z</sup>, continuauit post eius renouationem FONTENELLIVS. Etiam huius societatis diligentia et laboribus frui orbi philosophico licet, vulgaris *Commentariis mathematicis et physicis ex chartis academiae regiae scientiarum*, qui hodie quoque continuantur. Accesserunt seculo praesente societas scientiarum Berolinensis, quae cum sua dente Leibnizio a Friderico I. anno MDCC excitata, et anno MDCCXI inaugurata fuerit, eius natales et historiam in vita illustris viri iam tetigimus. In cuius *Miscellaneis* praeclarae obseruationes occurrunt, quibus physica doctrina insignes accessiones accepit. Recentissime anno MDCCXXIII tanta exempla imitatus Petrus I. Moscouiae monarcha princeps animo pariter et facinoribus vere magnus Petropoli nouam scientiarum academiam condidit, atq. perfecit demum anno MDCCXXV Catharina. Quae praestantissimis viris ornata, et sumtibus maximis sustentata paucis annis praeclare naturalem disciplinam adiuuit, et diligentiae ea in re suae exemplum in *Commentariis societatis Petropolitanae* extare voluit. Et ita qui-

<sup>u</sup>) Giesiae 1700. 4.<sup>x</sup>) Lugd. Bat. 1731. 4.<sup>y</sup>) Anglice, Lond. 1665. Gallice 1667. Geneuae.<sup>z</sup>) Par. 1698. et auct. 1701.

quidem conspirante per cultiores Europae partes omni eruditorum caterua, ita emendata, illustrata, aucta est disciplina physica, ut si omnium seculorum industriam colligamus, coecutiisse tamen orbem philosophicum usque ad seculum XVII merito dicendum sit, tantumque praestiterit sesquise- culum, quantum omnis aetatis curiositas nunquam effecit. Ex quo con- stat, quid ad emendandam mutandamque physicam philosophiae partem post renatas literas, maxime Seculum XVII et XVIII attulerit.

\*\*\*\*\*

### CAPVT TERTIVM.

## DE METAPHYSICAE ET PNEVMATO- LOGIAE MUTATIONIBVS RECENTIORIBVS.

### §. I.

*Fata meta-  
physicae re-  
centiora.*

**E**x physico regno ad metaphysicum transimus, lustraturi, quid in eo noui attulerit quid mutauerit, philosophorum industria. Ne vero, quod hactenus plerosque terruit, metaphysicae nomen ab hac consideratione lectorem velut spectrum quoddam abigat, nonnulla, quae ad huius disciplinae historiam, naturam atque constitutionem perti- nent, paucis praefanda, et ex veteris philosophiae historia repetenda sunt. Et nomen quidem metaphysicae ante Aristotelis aetatem ignotum fuit. Plato enim, qui primus argumentum metaphysicum disputationi philoso- phicae subiecit, dialecticam vocauit, ut suo loco dictum est. Aristoteles vero distinctius philosophaturus libris, quot hodie extant, quatuordecim, metaphysicam doctrinam primus complexus est, nomen tamen ipsum vel a Theophrasto, vel recentiore paulo aetate, cum deperditi Aristotelis li- bri recenserentur, ab Andronico Rhodio praefixum est <sup>a</sup>. Aristoteles enim aliis nominibus, et imprimis sapientiae primae, vel philosophiae pri- mae, quin et theologiae aliisque nominibus insigniuit <sup>b</sup>, testatus, singu- larem et utilissimam scientiam se eo nomine pandere velle. Quam cum ex praeceptoris disciplina accepisset, qui nobilissimum dialecticae argu- mentum ideas, siue *ὁμοίας αἰνῶς καὶ ἀντὶ αἰνῶς*, esse statuebat <sup>c</sup>, et alios philosophiae vultus effingere vellet, ut et ipse nouae doctrinae auctor videretur, singularem scientiam constituit, in qua de his immutabilibus substantiis sibi agendum, inquirendumque putauit, quae illa principia per se subsistentia sint, quae materiae fluxae et aeternum mutabili certam et durantem naturam largiantur, et a quo principio causaeque prima omnis eorum

<sup>a</sup>) Conf. PATRICIVS Discuss. Perip. Tom. I. Lib. V. p. 62.

<sup>b</sup>) Loca Aristotelis diligenter collegit, et eru-

dite in hoc argumento illustrando versatus est CHRISTIAN. DREIERVS in Sep. prima Diff. III.

<sup>c</sup>) Conf. Hist. phil. doctr. de Ideis S. I. §. 6.

eorum catena et emanatio dependeat. Id enim tota illa tractatio de ente prout ens est, de causis primis principiisque vult, quae intelligi, prout debet, non potest, nisi cum dialectica Platonica comparetur, et tota librorum metaphysicorum Aristotelicorum connexio inspiciatur. Quod hoc loco facere, et hoc pacto origines metaphysicae pandere, heic, ubi recentioris philosophiae historia scribenda est, non licet. Conferri autem cum fructu potest, qui eleganter in hoc saxo voluendo versatus est cel. HOLLMANNVS <sup>d</sup>, comparandaque simul sunt ea, quae docte cumulauit FRANC. PATRICIUS <sup>e</sup>, vt intelligatur, ex quibus fontibus Aristoteles sua hauserit, et qua significatione meditationes eius accipiendae sint. Subtiliter in hoc argumento versatum esse Aristotelem, nec in omnibus adeo culpandum ac plerique hodie faciunt <sup>f</sup>, qui libros eius metaphysicos nec legunt nec intelligunt, facile concedimus, lectorem enim postulat et abstractionibus mathematicis aduetum, et veteris philosophiae Graecanae hypothesium peritum, et ad obscurum et difficilem illum modum ratiocinandi, quo Stagirita vsus est, maxime attentum. Quibus vero mediis cum carerent quamplurimi, ipsaque oralis Aristotelicae doctrinae transmissio libris eius defossis et sublati diu iam desisset, mirum haud est commentatorum eius gregem, post restitutos luci Aristotelicos libros, nouam sibi ex iis scientiam efformasse, quam metaphysicae nomine ornarunt, eamque in ontologiam quandam seu doctrinam de ente in genere eiusque affectionibus communissimis, adiecta doctrina de Deo et spiritibus, et pneumatologia commutauisse, et vtramque vnius scientiae nomine tradidisse. Quae cum ab Arabum et Scholasticorum ingeniis, valde quidem subtilibus, at Graecae linguae et philosophiae ignaris tractari coepisset, adeo diuersam ab auctoris sui mente philosophia haec prima faciem accepit, vt sua agnoscere, si rediret, Aristoteles aegre posset. Itaque ab Arabum et Scholasticorum aetate metaphysica disciplina aliam prorsus naturam habitumque atque constitutionem nacta est, et noua quaedam scientia emerfit, quae ontologiam tradidit, et de Deo atque spiritibus praecipiendo, pneumatologiam et theologiam naturalem appendicis loco sibi coniunxit. Quae ab eo tempore non tantum ad renatas vsque literas, sed post eas quoque ad nostra vsque tempora peculiarem sibi in systemate corporeae philosophico locum vindicauit. Nam quamuis spectra lemuresque quibus scatet metaphysica Scholastica perhorrescerent recentioris aetatis philosophi haud pauci, ideoque nonnulli prorsus a metaphysica manum retraherent, quod imprimis consilium secutus est Philippus Melanchthon: fuerunt tamen multi quoque, qui abiectis Scholasticis spinetis, non omnem eius

d) Hist. Metaphys. Syst. phil. T. I.

e) l. c. T. II. L. II. p. 196. sqq.

f) Cogitandum quoque, deesse libros meta-

physicos Aristotelis multos, confusum esse temporis iniuria ordinem, aliena esse adiecta haud pauca, vnde istae difficultates magnam partem oriuntur.

eius disciplinae tractationem abiliendam esse putarent, praecipue, cum ad theologiam traducta hac lingua philosophica, scientifice, quod dicunt, de mysteriis diuinis disputari, et errantes haereticosque refutari melius posse, plerique statuerent. Qua opinione Peripateticam scholam seculo XVII infectam fuisse, ex illis colligi potest, quae in antecedente parte de fati philosophiae Peripateticae prolixè fati differuimus. Quae tamen cum et Aristotelica non essent, et fructu carere viderentur, factum inde est, vt de emendanda quoque metaphysica, et philosophia prima nonnulli cogitare inciperent. Comparant inter eos, qui talia aggressi sunt nomina Nicolai Taurelli, Henrici Mori, Thomae Hobbessii, Thomae Campanellae, quibus ex Cartesiana schola accessit Ioannes Claubergius, quem postea sodales certatim secuti sunt. Quorum tamen placita de metaphysico argumento hoc loco enarrare eo minus opus est, quo minus ea, quae huc pertinent, in antecedentibus, vbi de horum philosophorum dogmatibus egimus, omisimus. Ea itaque hoc loco repetenda sunt, vt aliqua metaphysicae emendatae et commutatae historia exsurgat. Ipse vero magnus VERVLAMIVS <sup>a</sup>, aliam viam ingressus, metaphysicam ad eam naturalis philosophiae partem retulit, quae speculatiua est, quamque in physicam specialem et metaphysicam diuisit, monens, vti se vocabulo metaphysicae sensu a recepto et vulgato discrepanti. „Disiunxit itaque „philosophiam primam a metaphysica, illamque communem scientiarum „parentem esse voluit, quo communia et promiscua scientiarum axiomata „progignerentur, eaque non logice sed physice tractarentur, sed et in „sitionem de Deo, vno, bono, angelis spiritibus ad theologiam natura- „lem retulit et a metaphysica secreuit. Metaphysicam autem propius ad „Aristotelis mentem refingens, quem ob acumen ingenii mirabilem vo- „cat, metaphysicae, non ea quae penitus in materia submersa sunt, quae- „que ad physicam refert, sed abstracta, constantia, v. c. mentem, ideam, „vindicaui, eamque de forma rerum naturalium atque de fine praecipere „iussit. Eam enim, quae in scholis recepta est, metaphysicam, mas- „sam esse iudicauit <sup>b</sup> inconditam doctrinae ex partibus quibusdam phy- „cae, veluti de principiis et animo, exque theologia naturali et logica „compositam et congestam, et sublimitate quadam sermonis hominum, „qui se ipsos admirari amant, tanquam in vertice scientiarum positam.“ Neque tamen haec quoque Verulamii *φιλοσοφούμενα* eaque partitio multis placuit, licet negare nemo auderet, et locum esse debere communibus axiomatibus et vniuersalibus, quibus omnis scientia niteretur, principiis atque regulis, quas philosophiae primae nomine vir summus complectebatur, et in physica parte causas quoque generales, formam, finemque esse enarrandam. Sed permouit metaphysicae significatio Scholastica, quosdam, vt eam omnem ex circulis philosophicis eiiciendam esse contenderent. Qua in re magnos animos irasque ostendisse Danielis Hofmanni affeclas,

g) De Augm. scient. L. III c. 4. Opp. Tom. I. p. 190.

h) C. I. p. 180.

assecclas, et ad satyras conuersum idem vrsisse Christianum Thomasiū, cuius vestigia lepida terminorum metaphysicorum conuersione Germanica preffit ZEIDLERVS <sup>1</sup>, suis locis iam indicauimus. Quibus adderemus, quod Maresii ex narratione tradunt PASCHIVS et HOLLMANNVS <sup>2</sup>, Gustauī, Suecorum regis, iussu metaphysicam Suecorum regno proscrip- tam, et omnes libros metaphysicos fisco addictos fuisse, si paulo certio- rem eius rei fidem allegare liceret. Neque tamen omnium, qui recen- tiori aetate de metaphysica iudicarunt, ea mens fuit; sed et *ὀρολογία* et lexicī eruditi commodique loco, vt lingua philosophantium intelligi queat, conseruandam eam esse in philosophia statuerunt, quae mens fuit IACO- BI THOMASII <sup>3</sup> et B. BVDDEI <sup>4</sup>; et haud pauca in logicam tractatio- nem quidam transfulerunt, cuius exemplum esse possunt, quae *Artis co- gitandi* auctor, Mallebranchius, Croufazius aliique ex metaphysica suis tractationibus logicis insperferunt; haud pauci ad doctrinam de Deo et spiritibus reliquis, praeter communia scientiarum principia eam reuoca- runt <sup>5</sup>, quo scopo praeter Peripateticos plerosque ipse CARTESIVS in *Meditationibus de philosophia prima*, de Deo et anima egit, et post Ha- melium B. Syrbius, Rudigerus, et ipse tandem illustris Wolfius inceden- dum esse rati sunt. Pauci haec theologiae naturali seruantes metaphysi- cam cum philosophia prima idem esse iusserunt, eamque occupari circa prima communissimaque omnis cognitionis nostrae principia, quae ad singulares quasdam disciplinas referri ob vniuersalitatem suam nequeant, voluerunt, eum inter philosophicas scientias illi locum tribuentes, quem inter mathematicas geometria occupat. Quo sensu *Ontologiam metho- do scientifica* pertractare constituit illustris WOLFIVS, et eam quoque sin- gularis scientiae habitu in scenam produxit Cel. HOLLMANNVS. Nobis praeter haec, quae summam dedimus, in hac vniuersali scientiarum ~~classe~~ enarranda, non est, quod praecipue in hac nostra tractatione addu- cendum habeamus. Nuper demum, philosophiae primae <sup>6</sup> hic honor restitutus est, eiusque axiomata hoc loco enarrare, esset specialem eius historiam condere, et quae hodie obtinent, exponere, sicque instituti no- stri fines migrare velle. Omissis itaque iis, quae ex laudatissimorum modo virorum institutionibus metaphysicis hauriri possunt, ad doctrinam de Deo et spiritibus quam plerique metaphysicae iunxerunt, respiciemus, et quid circa hanc partem recentior aetas molita sit, qua licet breuitate porro enarrabimus.

Pp pp 2

§. II. No-

i) In *Metaphysica* lepide Germanice versa, tit. Die wohllehrwürdige, grosachtbare und wohl- gelehrte Metaphysica, oder Vbernaturlehre etc. Vbi in praefatione Saryra mordax in metaphysi- cam scribitur.

k) Inu. nou-antiq. c. II. §. 14. p. 48. l. c. §. 43. p. 594.

l) In *Hist. metaphys.* §. 16. 33. et quae supra in vita filii es de re diximus.

m) *Elem. phil. instrum.* P. IV.

n) Conf. THOMAS. l. c. §. 3. 26. sq.

o) Dedit B. SYRBIUS eruditam dissertationem de *Philosophia prima* loco honorique suo resti- tuenda, qui ideo institutiones quoque philoso- phiae primae ecclesiae scripsit, vt supra dictum.

*Fata recen-  
tiora theolo-  
giae natura-  
lis.*

§. II. Nobilissimum metaphysicae doctrinae argumentum a plerisque habetur, quod de prima omnium rerum causa, Deo, agit. Quem cum idearum fontem constituerit Plato, ratio inde intelligitur, cur in metaphysicis ad hanc theologiae naturalis partem ascenderit Aristoteles. Cuius diligentiam imitati haud pauci argumentis metaphysicis euincere conati sunt, dari eiusmodi ens summum, infinitum, perfectissimum, et necessario existens, a quo reliqua dependeant entia omnia et existentiae suae rationem in se habeant. Non est loci praesentis eos allegare, qui ratiocinationibus metaphysicis (de his enim in praesentia sermo tantum est) Deum esse demonstrauerunt, nec, de vario nobilissimam hanc veritatem euincendi modo, efficacia et ratione differere. Collegit omnia diligenter et adductis copioso indice scriptoribus enarrat Io. ALB. FABRICIUS <sup>p</sup>, qui videndus. Id vñum *ὡς ἐν παρόδῳ* notamus, nostro hoc tempore inter controuersias Leibnizio-Wolfianas plurimum disputatum esse de usu et valore argumentorum pro existentia Dei, cum viris his celeberrimis, et praecipue Wolfio, eae rationes suspectae viderentur, quae pro Deo demonstrando plerumque allegari solent <sup>q</sup>, eo quod elabendi viam atheis eas pandere crederet, statueretque, non certius et efficacius argumentum deduci posse, quam quod a contingentia rerum peti potest, qua in re praeexistentem habuit Leibnizium. Ita enim visus est, validissima, quae hucusque in impietatis patronos emissa sunt tela eneruasse, et in solo metaphysico argumento obscuro paucisque intellecto spem omnem et fiduciam collocasse. Qua in re annon de umbra litigauerint viri docti, et an tanto strepitu de argumenti metaphysici pondere decertandum fuerit, re ipsa a nemine negata, nos lectoris prudentiae definiendum relinquimus, fate-mur autem, argumentum illud, quod a rerum contingentia desumitur, modo recte explicetur, et tollatur omnis ambiguitas, omnium maxime stringere nobisque videri omnium euidentissimum, modo rationem sufficientem existentiae rerum requiri, admittamus. Quo principio, licet sufficienter non explicato omnes nixi sunt, qui hanc demonstrandae existentiae Dei rationem adhibuerunt; adhibuerunt autem iam inter scholasticos plurimi: quamuis inde colligi non posse putamus, reliquas rationes hac imprimis supposita, nihil recte valere vel demonstrare posse. Quae cum latius in pneumatologia disputari soleant, ad eius institutiones lectori dimittimus. Hac vero veritate velut quae certissime demonstrari queat admissa, manifestum est, peccauisse in ipsam philosophiam post renatas quoque literas omnes, quotquot impietati vel palam velificarunt, vel latenti veneno, vñ emendatae philosophiae colore, pietati infidiati sunt. Quorum vñnam non tam amplus catalogus contexti et non sine humani intellectus opprobrio demonstrari posset, ipsum, quod Numinis beneuolentiae debemus, philosophiae beneficium, ad oppugnandam DEI existen-

p) In Syllabo scriptorum de V. R. C.

q) Vid. LvDOVICI Hist. phil. Wolf. P. I. c. 14. §. 337. 359. 391. 397.

existentiam et maiestatem tot vana et otiosa ingenia nefandis ausibus adhibuisse, quae tamen acutius se cernere, et eiuratis vulgi praeeudiciis liberius philosophari gloriata sunt. Id quod ex amplissimis atheorum indicibus disci potest, quos conscripsit IENKINI THOMASII <sup>r</sup>, IO. FRANC. BVDDEI <sup>s</sup>, et IAC. FRID. REIMMANNI <sup>f</sup> diligentia. Quibus tamen copiosior ipsorum systematum, ab atheismi patronis in usum vocatorum enarratio et succincta enervatio merito addenda esset, ut intelligi posset, quantum in argumento omnium nobilissimo recentior philosophia profecerit. Quibus dein nouae attributorum operumque diuinorum explicationes quae impietatis tela retundere viri docti et laudabili pietatis zelo flagrantibus studuerunt <sup>ff</sup>, adiacere possent, quo pacto utilis admodum et dogmatica theologiae naturalis historia condi posset, quam haecenus desideramus. Distinguendi autem cum sint athei theoretici, qui certis dogmatum fundamentis hanc impietatem superstruunt, a practicis, quorum sine Dei timore cultuque ob atheismum, vita est; ipsi quoque theoretici non omnes propria doctrinarum aedificia construxerint, quibus abesse numen iussum est; eos quos systematicos non incommode dixeris, proprie heic in censum venire, apertum est. Ast haec omnia enucleate tradere, et eos enumerare non licet, quos perperam hac macula notauit praeposterus eorum zelus, quibus atheismo suspectum omne illud est, quod vel ipsi non intelligunt, vel a receptis opinionibus et *παλαιὰς τρεπών* recedit, vel consequentiarum machinis in prauos sensus torquetur, quosque inuidia magis quam sinistrae de Deo sententiae atro lapillo designarunt: id enim ad specialem atheismi historiam pertinet, nec hoc loco quaeri debet. Adhibuimus autem in hac nostra tractatione curam haecenus atque diligentiam omnem, ut atheismi historiam, quantum scriptionis modus permittebat, simul enarraremus, quod ut in veteris et medii aevi historia haud superficialiter fecimus, ita in recentioris aetatis philosophica historia explicanda non negleximus, ea quoque tangere, quae de atheismo sectae Auerroisticae, Pomponatii, Portae, Caesalpini Cremonini, Simonis Simonii, Taurelli, Cardani, Bruni, Campanellae, Berigardi, Baylii, Burrii, Postelli, Mallebranchii, Hobbessii, Cartesii, Leibnizii, Lockii, Thomassii, Paracelsi, Boehmii et theosophorum aliorum, a nonnullis disputantur. Addi possent plures, si id ageremus, solent enim atro huic catalogo inscribi nomina Bernardi Ochini, Marcelli Palingenii, Lazari Bonamici, Petri Aretini, Bonauenturae de Perleries, Francisci Rabelaezii, Iacobi Daudis Perronii, Antonii Mureti, Petri Ruffi, Stephani Iadelli, Iosephi Scaligeri, Stephani Doleti, Francisci Garasse, Ioannis Harduini, Richardi Simonis, Isaaci Peyrerii, Antonii Goueani, Eduardi Herberti,

P p p p 3      Thomae

<sup>r</sup>) In Historia Atheismi, Altd. 1713. Lond. 1717. 2. edita.

<sup>a</sup>) Theol. de Atheismo c. 1.

<sup>f</sup>) In Hist. Atheismi, Hildesf. 1725. 8.

<sup>ff</sup>) Qualia sunt, quae theologiam ex fidei, astris, aquis, lapidibus laudabili conatu recentissima aetate construxerunt, alibi nominanda.



Thomae Browne, Bernardi Connorii, Caroli Blountii, Iacobi Maffie, Ioannis Tolandi, Antonii Collini, Theodori Cornhaerti, Conradi Vorstii, Stephani Curcellaei, Ludouici Meyeri, Ioannis Westrene, Isaaci Vossii, Hadriani Beuerlandi, Casparis Scioppiii, et multorum aliorum, iure iniuriae in hunc censum relatorum. Quos tamen accurate intueri, opiniones eorum ex scriptis propriis expendere, et proscripto odio et praeiudiciis omnibus, immo notione quoque atheismi restricta et a paradoxis opinionibus discreta, nec cum enthusiasmo et deismo commixta, de re ipsa iudicare relictum lectoris aequitati et industriae volumus. Nos, ut specimen extet, duos nobis ex tota hac caterua selegimus, quos pro atheis theoreticis et quidem systematicis omnis fere habet mundus philosophicus, Iulium Caesarem Vaninum, et Benedictum Spinozam, quibus in tota atheismi historia nihil est famosius. Horum itaque historiam paulo plenius enarrabimus.

*Iulii Caesaris  
Vanini  
historia unde  
petenda.*

§. III. Valde famosa est, IULII CAESARIS VANINI historia, quod commouit viros nonnullos doctos, ut de ea consarcinanda et in ordinem redigenda essent solliciti. Fecit id post Io. GOTTL. OLERIUM, qui duas *de Vita, scriptis, ac opinionibus Iulii Caesaris Vanini* dissertationes edidit, vir clarissimus Io. MAVRITIUS SCHRAMMIVS, qui ex scriptis Vanini hodie, ob futilitatem magis et sentiendi licentiam, quam ob doctrinam rarissimis, potiora omnia collegit, quae ad noscenda infelicitis philosophi fata et opiniones facere possunt, quamuis admixta sint haud pauca *ἀδόρεια* et chartam tantum implere apta. Ex hoc commentario vitam et opiniones Vanini breuiori compendio delineauit Gallico sermone DAVID DVRANDVS. Et hi quidem inter impietatis patronos haud infimum locum Vanino assignauerunt. Ast fieri id non sine iniuria Vanini, cum haud paucis rationibus demonstrari posse crederet celeberrimus, PETRVS FRIDERICVS ARPE, edidit, licet ad declinandam inuidiam *ἀπονύμως Apologiam pro Iulio Caesare Vanino*, in Belgio, *Cosmopoli*, ut habet titulus, excusam. In qua docta scriptione ea omnia studiose vir eruditus ex vita et opinionibus Vanini collegit, quae pro eius innocentia euincenda, et declinandis accusatorum obiectionibus facere posse iudicauerat. Qua in apologia cum eum ingenio indulgere, haud serio agere, patronum causae non iudicem esse, nonnulli obiicerent, respondit, se non tam vindicias pro Vanino parauisse, quam pro veritate, eiusque dignitatem misere deformatam ex dumetis eruere satagisse. Praefertim

t) 1708.

u) VoGT. Catal. script. rar. p. 599.

v) Vid. A& Erud. 1709. p. 260. I. FABRIC. Hist. Bibl. suae T. V. p. 232.

w) Vid. Hist. crit. de la rep. des lettres Tom. XIV. p. 361. A& Erud. 1718. p. 230. Bibl. anc. et mod. T. VIII. p. 230. FABRIC. l.c. Europe favante 1718. Juill. art. 5.

x) 1718. 3<sup>o</sup> Conf. Cat. Bibl. Reimmann. T. I. p. 1033.

y) Fer. aestiu. P. I. §. 39. seqq. p. 28. vbi historiam libri recenset, et iis respondere promittit, quae in noua Bibl. Tom. III. p. 64. Reliq. innoc. 1713. p. 173. BVD. Thes. de Atheismo c. 1. p. 122. A& Erud. Germ. P. VII. p. 670. cognita sunt.

festim postquam, facta dissidentium obiectionum inquisitione leuiores ipsi rationes esse viderentur. Vidisse se enim historiam Vanini recentibus odiis esse compositam, et si omnes in illa scrupulos eximere nequeamus, nostra id fieri ignorantia, ex documentorum defectu. Conquestus ideo vir clarissimus et eleganter doctus de iniuria est, qua nonnulli eum ob dictam hanc pro Vanino apologiam cumularunt. Praeter hos duumuiros alii quoque in enarranda Vanini historia diligentiam probauerunt suam, quos cum nominauerit Io. FABRICIVS <sup>2</sup>, qui et ipse breui indice res Vanini tetigit, eos heic appellare superfedemus. Addi autem illis possunt CROSAEVS <sup>\*</sup>, BVDDAEVS <sup>†</sup>, PARCKERVS <sup>‡</sup>, IAEGERVS <sup>§</sup>, FABRICIVS <sup>¶</sup>, alii <sup>‡</sup>. Nos more nostro strictim res eius percurreremus, et quid de eo memoratu dignum iudicamus, sine odio, sine fauore, excussis causae rationibus, breuiter explicabimus.

§. IV. Edidit Vaninum Neapolitana regio, Taurisani oppido <sup>‡</sup>, anno *Vita Vanini* MDLXXXVI, parentibus Ioanne Baptista Vanino, comitatui Castrensi praefecto, et Beatrice Lobez de Noquera. In sacro lauamine tesseram sponsonis factae, Lucilii nomen, accepit, idque postea in Iulii Caesaris commutauit, aut arrogantia ductus, quod mores eius et temperamenti conditio suadere videntur, aut persecutionis violentia coactus, ut eo tutius lateret. Natum esse ait MDLXXIX CROSAEVS <sup>§</sup>, non tamen addito testimonio, quod facile inde refelli potest, quod in dialogis *de Arcanis naturae* <sup>¶</sup>, anno MDCXVI editis, se eo tempore triginta annos natum esse innuit, hoc enim indice eo, quem diximus anno, natum fuisse, certum est. Admodum adolescentem praeter naturalem animi alacritatem et ingenii felicitatem ingens discendi ardor occupauit, cui se ambitio iam tum haud obscure se prodens iunxerat. His itaque stimulis actus post posita Latinarum literarum fundamenta sub praeceptoribus domesticis mature ad cognoscenda philosophiae mysteria perductus est, et non modo rationalem philosophiam, sed et naturalem atque moralem secundum Aristotelis placita audissimè hausit. Quo factum, ut cum Auerroistas <sup>\*</sup> ex Peripateticis, praecipuos vel viua voce, vel quod malumus, lectione esset nactus, totus in eorum hypotheses concederet. Vtebatur autem praeceptore Ioanne Baconio, Anglo, religioni Carmelitarum <sup>‡</sup>, et si philosophiam spectes, Auerroisticae impietati addicto, a quo tanta Aristotelis et commentatorum eius admiratione repletus est, ut plane insaniret <sup>¶</sup>. Et hanc quidem studiorum rationem, cui artem salutarem iunxerat, Romae prius, deinde Neapoli tenuit, ibique (quo loco Telefii curam circa illud tempus excuississe viros doctos, ut de naturali philosophia paulo curiosius essent solliciti,

<sup>2</sup>) Hist. Bibl. suae T. VI. p. 518.

<sup>\*)</sup> Entretiens p. 337. <sup>†</sup>) l. c.

<sup>a</sup>) De Deo Disp. II. §. 28. p. 194.

<sup>b</sup>) Hist. eccl. Sec. XVII. Dec. II. L. 7. c. 7.

<sup>c</sup>) Syll. Scr. de V. R. C. c. 17. p. 419.

<sup>d</sup>) Patiniana p. 51. Ann. acad. Iuliae P. II. p. 168.

<sup>e</sup>) De Arc. nat. Dial. 56. p. 424.

<sup>f</sup>) l. c. p. 337.

<sup>ff</sup>) p. 493.

<sup>\*)</sup> Expirauerat enim isto tempore secta Auerroistica, quae cum Peripateticis *γνῶσις* talibus non est confundenda.

<sup>g</sup>) Amphith. Ex. 4.

<sup>h</sup>) Vid. AFRIVS l. c. p. 3.

liciti, ex supra dictis de Teleſio repetendum eſt) in phyſicam potiffimum incubuit, nec adeo male tempus eum collocaffe, ex ſcriptis eius poteſt intelligi. His autem ſtudiis cum eſſet deditus, non abluſit a veriſimilitudine, quod biographi eius referunt, nauſeaſſe iuuenem praeferuidum et doctrina philoſophica ſuperbientem, ſimplicitatem ſacerdotum, vulgi credulitate, fraudibus ad veritatis et ſapientiae ſpeciem effectis abutentium. Deinde ad diuinarum rerum ſcientiam conuerſus eſt, ambitione vrgente, cum ſacri, quibus praefules eccleſiarum fruuntur, tituli et honores oculos eius valde perſtringerent, et ſummi in theologia honores nescio quam ei ἐξοχὴν promitterent. Qua in diſciplina Bartholomaeum Argottum, ex Carmelitarum ſodalitio virum eloquentia celeberrimum, praeproptorem habuit <sup>i</sup>, quo duce etiam in concionandi arte profecit. Nec a tentandis iurisprudentiae limitibus mentem πολυειστίας laudem affectantem retinuit <sup>k</sup>, et imprimis canonico iuri expendendo diligenter vacauit, non neglectis tamen quas Iuſtinianus olim compilauerat, iuſti rectique conſtitutionibus. Eam ob rem, in Patauina academiā ſe contulit, id apud ſe conſtituens, vt, quod ipſe in *amphitheatri praefatione* dicit, *iuris prudentiae ac theologiae ſtudiis in Parthenopaeo ac Patauino circo decurſis, reliqua fere omnia literarum exercitationum per totum Europaeum orbem erecta theatra, Amphitheatra circosque duceret frequentandos* <sup>l</sup>. Tantus autem diſcendi ardor, tanta ſtudiorum contentio illi inerat, vt ſe paruula contentum Patauī togula, hyberna frigora perfregiſſe gloriatur. Ita animus per vniuerſae literaturae campos diſcurrens, in quocunque literarum genere curioſe pabulum quaeſcebat, et imprimis philoſophiae arcana altius, quam aetas iſta ſolebat, rimabatur. Placuit ei inter ſcripta quae tum triuerat, imprimis doctrinae varietas, quam in Cardani libris deprehendebat. Vnde virum eum ſapientiffimum, nec valde credulum ſuperſtitionibus vocat <sup>m</sup>, inuita veritate, ipſoque Cardano, qui in extollendis ſuperſtitionibus ſuis ad inſaniam uſque verſatur, eodem, qui Vaninum occupauerat, charactere; et tamen valde eum exagitat, et atheiſmi ſuſpectum habet <sup>n</sup>, quod genituram Ieſu Chriſti definire eſſet auſus. Sed et Pomponatio valde delectatus eſt Vaninus, quem praeproptorem ſuum plerumque vocat, non quod per tempus aliquod ipſius diſciplina uſus eſſet, quod poſt alios quoque conicit SCHRAMMIVS <sup>o</sup>, hoc enim non ſine inſigni anachroniſmo ſtatui, in vita Pomponatii ſuo loco oſtendimus; ſed quod ex libris et φιλοσοφούμενοις Pomponatii, qui inter Peripateticos acutius cernentes ſolebat referri, plurimum doctrinae philoſophicae accepiſſet. Hunc ita Auerroīſtam putauit Vaninus <sup>p</sup>, vt Auerroīſ animam in eum commigrauiſſe cenſendum eſſe ſtatueret, quod quouſque verum ſit, ſuo loco excuſſimus. Maxime libellus *de Incantationibus ſive de effectuum naturalium rerum cauſis* (quos inter ſe titu-

i) De Arc. nat. Dial. 30. p. 205.

k) Amphitheatr. Praef.

l) Ibid. Exerc. I. p. 351.

m) De Nat. Deor. p. 203. 204.

n) Amphith. Exerc. VII. VIII. SCHRAMM. l. c. p. 21.

o) §. 20. p. 42.

p) l. c. Exerc. VI.

titulos vnius libri perperam diuerfos facit SCHRAMMIVS <sup>q</sup>, adeo placuit Vanino, vt eum autem et admirabilem diceret <sup>r</sup>, ex quo vno iudicio si cum illis comparatur, quae ex instituto de hoc libro alibi diximus, de Vanini philosophia facile iudicium fieri potest, simulque intelligi, quibus de miraculis, de anima, de fato et similibus dogmatibus a Pomponatio acceptis Vaninus subscripserit. Neque tamen diffitendum, interdum et Auerrois et Pomponatio Vaninum contradixisse, vt ex *Exercitatione XLIX Amphitheatri* patet, vbi tamen non negat, plerosque ipsum putare stantem a partibus Pomponatii. Absoluto studiorum academicorum curriculo monachi habitum induisse oportet Vaninum, si vera sunt, quae habet MARINVS MERSENNVS <sup>s</sup>, cuius verba ob insignem libri, in quo extant, raritatem, ipsa adducemus: *Viros bonos se mentientes, (ita de atheis pronunciat,) fallunt; nec enim existima, te vllum vnquam hominem atheo peiorem inuenturum, quod exemplo Vanini atheorum Caesaris testatum facere possumus, qui ne iocator existimaretur, καταπυγνέσεως esse maluit, licet aliquando nomen suum alicui sanctissimae religionis congregationi dedisset, quae statim illum; vt verum monstrum euomuit.* Tacet tamen haec ipse Vaninus, vnde si modo vera sunt, et non deceptus est Mersennus, in huiusmodi valde credulus, coniiicimus, eum; cum prima religionis susceptae tentamina adiisset, essetque hypocriticae simulationis acerbis irrisor, maxime vero huius vitii clericos haberet suspectos, liberiori lingua venerabiles fratres ita irritauisse, vt mature abscondi consilium aut coactus acciperet, aut sponte caperet. Ipse se peracto curriculo academico Taurisanum patriam suam in aestiuis caloribus obsequitanti repetiisse, et tum Ioanni Mariae Ginochio theologo Germaniam peragranti socium se dedisse, et contemptis sinistris auspiciis Argentoratum peruenisse scribit <sup>t</sup>. In quo itinere se fortissimis telis atheos aggressum fuisse iactat, quod si verum est, prodidisse causam optimam ex mira ratiocinatione censendus est. Perlustratis Germaniae vrbibus in Bohemiam vsque penetrauit, vbi eo tempore et Catholici et Hussitae et Anabaptistae viuebant, et hos quidem se oppugnavisse ipse quoque gloriatur <sup>u</sup>. Tum in Belgium descendens cum atheis pugnas porro iniit, andabatarum more, et aut reuera eos refutare serio noluisse, aut non potuisse, satis luculenter prodit <sup>v</sup>. Pleraeque enim eius responsiones tales sunt, vt haud dubia atheos victoria maneat. Id quod characterem Vanini animo recolentes non magnopere miramur. Ex Belgio relegere vestigia itineris ad patriam ducentis constituens Geneuam peruenit, vbique atheis, si vera sunt, quae ostentat, grauis et intolerabilis, et quidem cum periculo vitae <sup>w</sup>. Quod cum euasisset ad Gallos delatus, Lugdunum peruenit, ibique Henrico Syluio eum deferente fuga se liberare ab inquisitione

q) l. c. r) Arc. Nat. Dial. 51. p. 374.  
s) Qq. in Genesis col. 156.

t) De Arc. nat. Dial. 56. p. 425.  
u) Ibid. p. 349. v) p. 357. w) p. 328.

ne coactus est <sup>v</sup>. Tutiores vero, quam Galliam, censuit sibi fore Britanniam, in quam delatus per biennium vixit, et Hieronymum Morauum, legati Veneti sacerdotem amicum satis fidum et interiorem habuit. Londini autem scribit <sup>w</sup> *se ad agonem Christianum destinatum fuisse, adeoque quadraginta novem diebus in latomiiis tanquam in palaestra quadam exercitum eo fuisse pro catholicae ecclesiae auctoritate defendenda effundendi sanguinis desiderio accensum, et inflammatum, ut Deo immortalis vel maius donum aut melius contingere nullo modo posset.* Accidit hoc, si narratio vera est, anno MDCXIV, de quo tamen subdubitat cel. LA CROZE <sup>x</sup>, nobis autem indolem animi Vanini expendentibus valde videtur simile, hominem eiusmodi caractere anomalo insignem, et incerta ingenii luxuriantis varietate hoc illuc raptum mox de veritate religionis Christianae dubitare coepisse, mox in alterum extremum currendo pro ecclesiae suae, cui nomen addixerat, incautius et liberior loquendo, contra rempublicam quaedam effutiisse, ideoque castigatum martyrii gloriam affectasse. Nihil enim tam ineptum maleque cohaerens et a se dissonum est, ad quod non stultitia per vices delabatur, et arripiant capita heteroclitica. Parum itaque fauentes sibi Protestantium terras expertus in Italiam rediit, Genuaeque sede fixa, viris eruditissimis notescere studuit, quorum commendatione iuvenes in philosophia erudendos haud paucos accepit <sup>y</sup>, et cum eruditionis ornamentis enitere crederetur, optimatum sibi gratiam deuinxit, quam venari studiose anabatur. Praelegit ibi naturalem philosophiam, posthabitis Scholasticis praeceptis discipulos monens, ne in vilius magistri verba tuerentur, sed fontes ipsos conuerterentur: Auerrois autem libros prae aliis obtulit, ex quo intelligi potest, quas philosophiae scaturigines consulendi iuuenibus auctor fuerit. Genua Lugdunum reuersus est, sine dubio quod *ἀντιπολιτευόμενος* ingenii eius supra modum paradoxo et haud raro delirantissimum eum cum auctoritate et viri boni atque eruditi opinione vivere vno loco haud paterentur. Certe eadem in vrbe opus habuisse, ut, se cum *ἀθεϊσμοῦ* ostenderet, ex suscepta contra Cardanum pugna, quem *ἀθεϊστήν* infamebat, haud obscuro indicio constat. Nec diu ibi morari potuit, sed mox in Italia, mox in Gallia discurrens, haud contemnendis periculis exantlatis cum mox latronum metus eum opprimeret, mox aquae interitum minarentur, indies fieri coepit de impietate magis suspectus. Coegit id eum Lutetia excedere <sup>z</sup>, qua in vrbe eum atheismi suspectissimum fuisse, vel ex vnus MERSENNI *Commentario in Genesin* <sup>\*</sup> constare potest, qui cum ei fuerit *ἀνύχρεος* inter atheos praecipuos fuisse relatum non obicure significat. Minus itaque in Parisiorum vrbe tutus ad Tolosanum virgenterato delapsus est. Narrat tristissima infelicitis philosophi fata, qui miserabilem

<sup>v</sup>) Amphitheatr. Ex. 42.

<sup>w</sup>) Ibid. Ex. 19. p. 117. 118.

<sup>y</sup>) l. c. p. 350. conf. Ex. 40.

<sup>x</sup>) p. 340.

<sup>z</sup>) Conf. SCHRAMM. l. c. §. 19. p. 160.

<sup>\*</sup>) loc. cit.

bilem eius vitae exitum vidit, et ipsum viuum nouit GRAMMONDVS †, cuius testimonio plerique qui post eum de Vanino scripserunt, steterunt. Summa eius narrationis huc redit: Suspectum se libris editis, eo praecipue, quem *de Arcanis naturae* inscripserat, fecerat Vaninus, quod de religione minus recte, et nonnulla impie statuerat. Quamuis autem se Romanae ecclesiae iudicio cuncta submittere professus tutus haecenus latuisset, inuentus tamen est Franconus quidam non ignobilis genere, qui eum in extremum periculum coniiceret. Ille enim cum saepius in vtramque partem cum Vanino de Deo rebusque diuinis sermonem miscuisset, eum velut nefarium diuinitatis hostem deferre apud magistratum constituit. Rapitur in ius Vaninus causamque dicere iussus, quod pestilentibus opinionibus iuuenum animos corrumpere; respondit Romanam se fidem amplecti, nec ab ea ecclesia quod dissonet, vnquam docuisse; nonnulla ab atheis, obiici solita eo fine enumerasse, vt leues argutiunculas hominum impiorum eo fortius refelleret. Ita excusatione allata tum quidem liber dimissus est. Quo successu laetior et elatior cum impietatem in dies audacius spargeret, Franconus Magistratu compellato, diem ei diceret, rogauit, vt quod toties ex ore eius audiisset, eius illum coram conuinceret. Qui cum nobilitate et auctoritate gauderet, fidem ita senatui fecit, vt is Lucilium sine mora cum omni supellectile caperet. Ductus est in carcerem inter reulas inuentus, immanis bufo, aquis innatans, quem vitro inclusum aluerat, quae res valde veneficii et magiae suspicionem apud plerosque excitauit, quamuis is rogatus antidotum malo pestilenti ex eo parari affirmauisset. Accusatus Vaninus impietatis cum pristina vestigia legeret, Franconus in medium procedens, negatae diuinitatis eum reum egit tempore locoque et verbis quoque quibus elocutus erat, simul indicatis, interposita quoque iuristurandi fide. Negauit cuncta Lucilius, de iniuria conquestus, quod iudicio semel absolutus veteri lite denuo grauaretur. Discipulorum autem testimonio in partes vocato in vincula coniectus est, in quibus pietatem et religionis professionem, sacro etiam epulo aliquoties testatus est, omni arte adhibita, vt hac causa se extricaret, quo pacto totum semestre, protracta lite consumtum est. Sententiam de Deo dicere rogatus, vnum se in trinitate adorare professus, sublata ex terra stipula Dei existentiam ex eius mirabili structura demonstrauit. Sed peruicit et testium concordia et magicarum artium suspicio, vt ad rogam damnaretur. Currui impositus vt in supplicii locum veheretur, subtracta demum larua impietatem prodidit: non poenitentia dictorum, non preces vllae, sic vt nec Deum gratiam rogare se posse, monitus responderet, quem nullum crederet, nec regem, in quem nihil peccasset, nec iudices, qui magna ipsum iniuria afficerent. Oblatam crucifixi imaginem respicit, iactitans, imbellem fuisse, cui timor sudorem eliceret,

Qq qq 2

rit,

†) Hist. Gall. L. III. p. 212. seqq. Per domos eundo iuuenes philosophiam docuisse Tolosae ait auctor Mercurii Gallici ad ann. 1619.

rit, se impeterrite mori, ac philosophice. Ad locum supplicii deuerti linguam ferro discerpsit carnifex, horrendo mugitu edito; corporis reliquiae infelicibus ignibus vstulatae perierunt, cineres in aërem sparsi, et infelicis philosophi memoria hoc pacto deleta. Haec Grammondus. Similia alibi leguntur<sup>a</sup>; et horrendae quoque in Deum et senatum regium blasphemiae, quas eructauisse dicitur, adduntur. Valde de huius accusationis veritate et sententiae iustitia disputatum est inter viros doctos. Plerique enim de Grammondi fide nihil dubitant, cum et praesens ipse fuerit et acta inspexerit, et supplicium viderit, et in ea dignitate constitutus vixerit, qua et prae aliis scire cuncta ex vero potuerit, et causam mentiendi non habuerit, qua dignitatem suam polluisset. Accedunt testimonia Mercurii Gallici, Marini Mersenni, aliorumque, qui ea aetate vixerunt, et famam publicam in testimonium vocauerunt. Et hoc quidem pacto recentissime pronuntiarunt Schrammius, Durandus, Crotaeus, alique supra nominati. Ast non mediocriter fidem Grammondi eleuant, quae alii obiciunt. Monent enim adeo animum odio, persecutione et sanguinolento consilio turgidum contra Vaninum historicum Gallum prodere, ut omnem fidem amittat, satisque, dictante inuidia eum scripsisse, pateat. Ipsum porro ita rem narrare monent, ut a partis studio semoto pateat, neque iustam causae rationem apud iudices obtinuisse, neque satis eum vel conuictum vel confessum supplicio fuisse affectum, iudicibus insensum animum, ab aliis, maxime clero inflammatum inaudita executionis festinatae celeritate prodentibus. Quos caruisse iudicio omni recto, et plane ineptos ad ferendam sententiam inhumanam fuisse, vel ex eo constare contendunt, quod atheismum et artes magicas inepte iungendo, ex bufone aquae incluso ridiculum impietatis argumentum desumserint. Fabulam autem de impietate in morte prodita, et eructatis in Salvatore blasphemias non nouam esse, sed Vanino alteri anno MDL obmutatam religionem rogo imposito<sup>b</sup> iam tributam ita occasionem subministrasse, inauditam crudelitatem senatus Tolosani excusandi pingendique maledicentiae aliorum in blasphemiae culpam conuersa<sup>c</sup>. Nec reliquos testes magnam fidem mereri, quos una sceleris fama publica sed mendax instruxerit: Cuncta vero iudicum iniustitiam, Vanini innocentiam, supplicii nefandam atrocitatem prodere: odium scilicet cleri, quem cum saepius arrosisset, in rabiem ita egerit, ut in eius perniciem conspirauerit, aduersariorum improbitatem et malitiam, accusationem ineptam et fuculentam. Ita imprimis ingeniosissimus Arpius, cuius apologia tota legenda est, ut intelligatur, quid in hac narratione reprehendi possit. Nobis valde suspecta et Grammondi, et Mersenni, et aliorum relatio vel eapropter videtur, quod ab euentu illi omnes argumentum atheismi capiant, quem posthabitis aequitatis et iustitiae legibus causam Vanini fuisse natam,

a) Mercur. Gallie. l. c. MERSENNIUS l. c.  
c) ARPE Fer. aest. l. c. §. 45. p. 30. 31.

b) CAISPINI Hist. testium verit. L. V. p. 162.

etiam, nemo temere negauerit, qui auctoritatis praeiudicio aut partis studio non ducitur. Non iam inquiremus, vtrum huius impietatis semina Vaninus in scriptis prodiderit, de eo enim in sequentibus dicemus; fingamusque oculatiores recte detestanda et impia multa in dialogis Vaninianis videre; sufficit in praesentia, vbi de intentata Vanino lite disputandum, prodiisse libros Vanini censorum regionum approbatione munitos; qui licet falli poterint, id tamen recte inde infertur, ita scriptos esse, vt meliores sensus recipiant, nec sufficiant, vt insauis lignis perimendus auctor salua iustitia tradi potuerit. Vnus vero Franconus testis in quaestione de capitis periculo adductus est, et ille quidem, cuius testimonii fidem, absolutio, quam prima vice Vaninus obtinuerat, enervat, odiumque; quo in infelicem philosophum exardere tum clerus, et ipse senatus provinciae Tolosanae non erubuit. Quodsi et hoc concedamus, fuisse eum ex adductis causis suspectissimum, aequum tamen erat, qui toties errori renuntiasse videbatur, et haud contemnendo argumento sobrie de Deo philosophatus erat, poenitentiae illi locum facere, et ab horrendo supplicio abstinere, et errantem magis rationibus compescere, quam forcipe carnificis. Quae crudelitas cum detestabilem apud bonos omnes infamiam accusatoribus iudicibusque conflare apta fuerit, quid mirum, mendacia de eius blasphema morte talia fuisse commentos audacissimos homines, quibus ab hac macula liberarentur, et recte blasphemiae causa eum sustulisse demonstrarent. Tacemus pueriles de bufone nugas et sexcenta alia, quae satis probant, spiritum persecutorium, inuidiam, superstitionem, manus ad delendum infelicem Vaninum sociavisse. Non iam de eo disputamus, vtrum pie et prudenter recteque Vaninus scripserit; concedemus id viris doctis, qui causam Vanini impietatis suspicione iugulant, fluctuassee in nonnullis hominem ineptae philosophiae et nutantis ingenii vitio corruptum; sed de iustitia et iniustitia supplicii Vanini differimus, quem omni aequitate proscripta fuisse horrendo supplicii genere peremptum, ex adductis, nisi fallimur, est manifestissimum. Quo tollere Vaninum iniquum erat, etiam si apertam impietatem fuisset professus, cum satis fuisset, eius impudentiam alio modo coerceri, ne cum aliorum damno grassaretur \*.

§. V. Scripsit aetate haud longa Vaninus complura, quorum ipse passim meminit, *Commentarios physicos, et in Aristotelis libros de generatione et de meteoris, libros astronomicos, apologiam pro lege Mosaisca et Christiana, de contemnenda gloria, de vera sapientia, metamorphosin physico-magicam, apologiam pro concilio Tridentino.* Quae tamen omnia dubium est, vtrum perfecta et prodire iussa in vulgus sint. Nomen autem et memoriam suam immortalem quidem, at infamia commaculatam fecit libris duobus, in quibus impietatis semina sparsisse plerisque

Qq qq 3

visus

\*) Ita quoque iudicant LEBNIZIUS Vol. L Epp. p. 310. et CAOSARUS l. c. p. 374. seq.



visus est. Edidit enim *Lugduni* anno MDCXV, cum censura et approbatione, *Amphitheatrum aeternae providentiae diuino-magicum, christiano-physicum, nec non astrologico-catholicum aduersus veteres philosophos, Atheos, Epicureos, Peripateticos, Stoicos*, in quo quidem ingenii miram varietatem et vices incertas prodidit; at nonnulla tamen attulit, quae doctrinam et elegantiam spirant. Vnde iudicauit de eo cœl. REIMANNVS <sup>d</sup>, *reperi in hoc eius Amphitheatro quaedam non laudanda prorsus spectacula, hypotheses insolentiores, subtilitates inutiles, probationes frigidas, limitationes meticulosas, philosophemata scholastica, sed accuratam tamen et quodammodo factam esse, auctoris distinctum acumen praeclarum, lectionem non quotidianam, et in providentia Deo explicanda, probanda, vindicanda, tantum studium, ut si praeter hunc foetum alia non fuerint atheismi indicia, parum absit, quin cum C. Thomasio, Arnolfo, Oleario, Arpio et scriptorem et scriptum immerita damnatione affectum pronuntiemus.* Consentiant in eo, et parum sibi visum esse, quod pestilentes doctrinas sapiat, in eo libro, fatentur MORHOFIVS <sup>e</sup>, et FABRICIVS vterque <sup>f</sup>. Aliter quidem visum BVDDEO <sup>g</sup> et CROSARO <sup>h</sup>, et praeter hos aliis, quibus clanculum impietatis semina in hoc quoque libro sparsisse Vaninus visus est. Ast occupati, viri cetera summi et in iudicando accurati, sinistra de Vanino opinione, et Atheismi suspicione, cuncta ad eam retulerunt, quae ingenium Vanini stultum, et a se toties diuersum, inepta et absona disseruit. Totus enim cum incertitudine fluctuaret, ambitio autem et simplicitas in eius animo regnarent, non potuit non talia afferre, quae, si stricte et secundum rigorem iudicandum sit, suspensionem malae opinionis nutrire apta sunt: si vero ad hunc stultitiae Vaninianae characterem referantur, benigniorem admittunt explicationem, et cum venia desipientis sibi non constantis auctoris legi ab aequo lectore postulant. Alter, quo sibi fatum accelerauit, foetus hoc titulo superbit: *IULII CAESARIS VANINI theologi, philosophi et I. V. D. de admirandis naturae reginae deaeque mortalium arcanis libri quatuor, qui prodiit Lutetiae anno MDCXV*, munitus priuilegio Ludouici XIII. Galliarum regis et approbatione censorum, quos tamen eius puduit; librum enim vtricibus flammis traditum postea fuisse, asserit Rossetus apud SCHRAMMIVM <sup>i</sup>. Vfus est in hoc libro methodo dialogistica inter discipulum Vanini, Alexandrum, et Iulium Caesarem, in quo, vagis et ineptis disputationibus Peripateticis ita extra orbitam raptus de naturalis et reuelatae religionis capitibus ex utraque parte differit Vaninus, ut fatis appareat, eum totum incertitudine, et delirantis ingenii furore quodam in praeceps haud raro ruente fuisse corruptum. Et in hoc quidem libro pudendae impietatis specimina prodidisse Vani-

d) Cat. crit. bibl. suae T. I. p. 989.

e) Polyhist. T. I. L. I. c. 8. p. 79.

f) I. ALB. FABRIC. l. c. 10. FABRIC. Hist. bibl. suae T. VI. p. 517.

g) l. c.

h) l. c. Conf. quos nominat REIMANN. Hist. Atheismi S. 3. c. 4. p. 369. seq.

i) l. c. c. 3. §. 13. p. 191.

Vaninus plerisque visus est, inter quos imprimis PARCKERVS <sup>1</sup>, et CROSAEVS <sup>2</sup> describere impias pestilentis scripti sententias satis non possunt, quas crassa tantum larua velauerit. Prodere enim se in illo impietatem Peripateticam, Auerroisticam, et Astrologicam, ratiociniis ineptissimis et lacrymis dignis demonstratam et stultissima ambitione se ridicule efferentem. Cuius exempla quoque afferunt, satis prodentia caput habuisse Vaninum helleboro purgandum, et parum pretii statuuisse venerandis religionis Christianae mysteriis, ea vero, quae pro ea dixit, ironice dixisse, ita ferente dialogo, contendunt, et quae velut atheorum obiectiones attulit, vel plane non refutasse, vel frigide tamen, conqueruntur, et contemtis, aiunt, istis, quae in amphitheatro scripserat, cumulasse quicquid ad atheismum fouendum, et in aperta luce ponendum facere posse intellexerit, nec his alia nisi diuinomagica, cabbalistica, et emotae mentis somnia contradictionum et dubitationum plena opposuisse, Christiana mysteria risisse, et nihil excusationis attulisse, quam quod istis impietatibus, si reuera spectes, sit deterius et intolerabilius. Et his quoque rationibus, sed defensus quoque, atheismi damnare plerique Vaninum nulli dubitant. Sunt tamen non contemnendae eruditionis viri, qui nimium haec premenda non esse, ducti caractere ingenii Vaniniani volunt, et excusationi locum esse putant <sup>3</sup>. Inter quos post CHR. THOMASIVM <sup>4</sup>, GOD. ARNOLDVM <sup>5</sup>, IO. PHIL. OLEARIVM <sup>6</sup> eminet CL. ARPIVS <sup>7</sup>. Is, quae contra eum solent afferri, quaeque responderi et pro Vanino dici possint, ita strictim complexus est <sup>8</sup>.

I. Ignorabat Deum, quia ultra mentis captum non profiliuit. II. Librum nefandum de tribus impostoribus (hunc dialogos de arcanis naturae esse nonnulli coniecerunt) in vitam reuocauit; nomine magis quam re notum. III. Atheorum dicta retulit; notata ut caueas. IV. Leuiter iis respondit, timore vulgi, calumnia aduersariorum. V. Christi humanitatem execrabatur; quod noua quaerenti antiqua nota viderentur. VI. Virginem Mariam dicebat iniisse virum; quae sunt fabulae nugaeque. VII. Naturam habuit Deam; nam et digni viri assimilantur diis. VIII. De angelis differentes Scholasticos reprehendit; dum alia ex aliis retulit. IX. De daemonum natura naturales poscit rationes; quod vulgari sententiae non leues subsint superstitiones. X. Immortalitatem animae negauit; nullo in loco. XI. Fuit astrologus; lepide, ergo atheus. XII. Negauit conflagrationem; suo modo. XIII. Fatum probauit; prouidentiam diuinam. XIV. Literas in coelo fingit; superstiose. XV. Cardanum et Haly delirantes non impugnat; quia non fecerat. XVI. Misit sacra; quae sacra non erant. XVII. Reiecit monachi;

g) l. c. h) l. c.

i) Conf. quos laudat REIMANNVS Hist. Atheismi l. c.

k) Not. ad Pufendorf. de sede Rom. p. 287. Cautel. c. 12. §. ult. p. 195.

l) Hist. Eccl. Tom. II. c. 17. p. 16 §. 9. seqq. p. 775. seqq.

m) l. c. n) l. c.

o) Fer. aestiu. l. c.

*nachi; ne reiiceretur e coelo:* XVIII. *Damnatus tamen; ut multi inno-*  
*sentes.* Ita quidem Arpius. Tertiam ab his sententiam pronuntiavit  
 acutissimus HEVMANNVS P. Monet is: „Vaninum, cum memoria  
 „abunde polleret, et imaginationis ardore flagraret, iudicio caruisse, am-  
 „bitionis oestro vero percitum credidisse se solum sapere. Hoc stultitiae  
 „charactere vestitum quadrata rotundis, summa imis, bona malis miscu-  
 „isse. Et atheum quidem perfectum non fuisse, at incertum tamen de  
 „existentia DEI fluctuasse, ingenii ferocientis lasciuia innumeras in  
 „vtramque partem rationes suggerente, quas ponderare et pro meliori caus-  
 „sa decernere iudicii paupertas non permiserit. Et hoc quidem pacto,  
 „mox certissimum de Dei existentia fuisse, mox incertissimum putat, ita  
 „tamen, vt dici nequeat, qua ex parte animus Vanini in mortis hora affe-  
 „ctus fuerit, cuius arbitrium penes Dei sit omniscientiam.

*Quid de Va-*  
*nini athei-*  
*simo statuen-*  
*dum.*

§. VI. Difficile est in hoc doctorum virorum dissensu arbitri partes  
 suscipere, eo quod ipsa, quam Vaninus adhibuit dialogistica methodus  
 incertam et haerentem faciat sententiam, et quae vera auctoris mens fue-  
 rit, occultet magis quam reuelet. Accedit fluctuans Vanini animus, et  
 dubia philosophandi ratio, in vtramque partem argumenta versans, et de  
 numero magis eorum, quam pondere sollicita, quae vbi a scriptore ad-  
 hibetur, artis rationalis praesidiis non suffulto, facile fieri potest, vt pro  
 optima causa ineptissimae rationes colligantur, et tamen, qui ita ratioci-  
 nari suscepit, plurimum se vicisse putet. Qualem sedisse haud raro Vani-  
 no animum, iactabundae illae disputationes nobis persuadent, quas se  
 cum insigni victoriae gloria atheis opposuisse scribit. Ex his enim quae  
 supra notauimus, locis, abiecto praeconceptione de Vanini atheismo opi-  
 nione colligimus, ineptissimum homuncionem magna quidem sui fiducia  
 elatum at deliro ingenio in chaos confusae eruditionis iactatum, tum cum  
 vanas et ficulneas copias aduersus impietatis patronos in aciem produceret,  
 nescio quas strages a se editas somniauisse. Nemo id temere negauerit,  
 qui ad characterem ingenii Vanini paulo curatius attenderit. Ita enim  
 imaginationis aestu abreptus, excussis habenis per vanissimarum naenia-  
 rum deuia interdum vagatus, vt Phaëthontis instar palaretur, incertus  
 quid diceret, quid statueret, sic vt dictionis quoque thraconismo fere pu-  
 erili ad ineptias dilaberetur. Cuius si quis exemplum cupit, eum vel vnam  
*Dialogorum de arcanis naturae dedicationem* legere iubemus, certi,  
 nostrae eum sententiae non inuitum subscripturum esse. Extendisse vero  
 se haec ingenii phantastici deliria etiam ad ipsa dogmata, ex nugis, quas  
 passim proddidit, est apertissimum, quae emoto eum fuisse cerebro, nec si-  
 bi satis constante, fatis euincunt. Nam quis non febricitantium somnia  
 sibi enarrari credat, vbi audit statuentem: religionum omnium ortum  
 certo fideri debere, et influxui astrorum, fata earum a stellarum irradia-  
 tione pendere, Christianae fidei ortum Iouis cum sole coalitioni esse tri-  
 buendum,

p) Act. phil. Vol. I. p. 600.

q) Exhibet ex ea haud pauca LA CROZE l.c.

buendum, prodigia quaevis ex phantasiae vi et magia posse explicari, etc. Quis non largiter rideat, de natura et materia coeli, de aeternitate et figura coeli rotunda, de loco nec dextro nec sinistro in coelo, de non colorato coelo, de vnica eius forma, et motu a formis procedente, nec sibi contrario, de sole per se non per accidens calefaciente, de luna sole non calefacta, et sic porro de plerisque meteoris caussisque physicis secundum Peripateticos, Cabbalistas, Magicos, ineptis et puerilibus rationibus disputantem, audiens, et tamen admirabundum videns Alexandrum discipulum exclamare: *O utinam magistrum Aristotelem non excepisses, quia non dubito, quin fortiozem sapientiae arcem exaedificasses.* Qualia et similia plurima, quae in famoso libro afferuntur, dum ordine recenset PARCKERVS<sup>r</sup>, recte exclamauit: *Attendite, atque an quauis aetate aut gente vixerit homo stultior, iudicate!* Quo loco cum nugae Vaninianae collectae sint, et quam miserabili et tamen ambitiosa ratiocinatione insaniam suam Vaninus prodiderit, sit manifesto declaratum, elegantem facundissimi scriptoris dissertationem ipsam Lectorem adire iubemus, vt character Vaniniani ingenii dispalescat. Superstitioni itaque, entusiasmo, et inani de rebus nihili morologiae stultissimum Vanini se addixisse ingenium, eo minus dubitandum est, quo minus paucae illae clarioris lucis scintillae, quae hic inde emicant, superare istas tenebras potuerunt. Ast his se iunxerat inepta ambitio, qua se veteris et recentioris aevi heroibus tanta eruditionis iactantia praeferebat, vt risum tenere legentes nequeant. Quod multis exemplis declarabit, quem colloquentem introducit, discipulum eius Alexander, cuius vt vnum habeas, lector, en inter alia ita de Caesare suo Alexander: *Non ego Thomae Mori exemplum imitabor, qui cum Erasmus ignoto habitu acutissime differentem excepisset, ita dixit: vel daemones vel Erasmus, vel ita de tua sapientia eloquar, vel Deus es, vel Vaninus?* Ad quae respondit Iulius Caesar: *Hic sum.* Sufficere haec pauca, ex multis diligenter a laudatis viris collectis possunt, vt intelligamus, Antycyris opus habuisse cerebrum Vanini, et extremae stultitiae notam sustinere. Quae infelicitas exorbitantis sine rege iudicio imaginationis, non potuit non valde augeri, cum ineptissimi illi praeceptores contigissent, qui oleum camino addere, quam aqua ignem dolose latentem extinguere maluerunt, qualis Pomponatii et Cardani libri atque disciplina fuerunt. His totus corruptus Vaninus, quid statueret, de quo certam sententiam figeret ipse ignorauit, et sine mente philosopha blaterans, bona, mala, recta, iniqua, vera, falsa, ambigua disputandi acie inter se commista attulit, non satis gnarus, ita subruī pietatis et veritatis reuelatae moenia. Quicquid igitur vel in philosophiam, vel in Christianam fidem peccauit Vaninus, peccauisse autem leuem futilemque scriptorem plurima fatemur, non tam impietati directae et systemati inaedifi-

<sup>r</sup>) l. c. p. 195. seqq.

inaedificatae, quam extremae dementiae hominis mente capti adscribendum esse putamus, digni qui non flammis sed ergastulo sapere didicisset. Vnde eum hoc quidem sensu ab athetismi culpa liberari facile concedimus, at inopla iudicii et confusione mentis incertae et in vtramque partem friuole disputantis male tamen de theologia naturali et reuelata meruisse censemus.

*Scriptores  
historiae Be-  
nedicti de  
Spinoza.*

§. VII. Maiori iudicii apparatu et philosophiae emendatae specie ad impietatem non modo incrustandam, sed, quod credebat, geometrica methodo demonstrandam accessit BENEDICTVS DE SPINOZA. Cuius hominis ex Iudaeorum synagoga egressi conatus tantum strepitum in ciuitate erudita crediderunt, et insauis philosophematis tot ingenia turbauerunt, vt famosiorem in hoc quidem argumento philosophum, inuenire vix liceat, et Spinozismus lippis et tonsoribus innotuerit. De cuius viri historia enucleanda tradendaque multorum se exercuit industria. Vix enim viuis excefferat Spinoza, cum operum posthumorum editor IARIG IELLIS, cui arctissima cum viuo amicitia intercefferat, vitam eius lingua Belgica conscriptam et a LVDOVICO MAYERO, medico Amstelodamensi Latine redditam praemitteret. Pauca quidem in ea ad vitam eius spectantia sunt, at, quae doctrinam eius enarrarit, prolixa ita vero descripta, vt a disciplinae Spinozisticae alumno poterant expectari. Porro ex Spinozae affeculis, Medicus Hagienfis, LVCA S vitam Benedicti Spinozae Gallica lingua non tam recensuit, quam laudibus, conscripto elogio, cumulauit. Inter eos autem, quibus reprobatum est systema Spinozae, de eius historia omnium maxime meruerunt P. BAYLE et IO. COLERVS, ecclesiae Lutheranae apud Hagienfes minister. Et ille quidem in *Dictionary historico-critico* tum vitae Spinozae circumstantias more suo enarrauit, tum placita eius magna subtilitate euertere, totique systemati inuiso nervos incidere satagit. Quo in labore cum egregie esset versatus, ad praecidendas, quas altius agere Spinozismus in Belgio coeperat, radices, a FRANCISCO HALMA Belgico sermone articulus ille expressus, et in vulgus editus est. Colerus autem, cum literalem veritatem dogmatis de resurrectione Christi contra allegoricam, quam Spinoza confinxerat, expositionem oratione sacra vindicasset, eamque typis edere constituisset, vitam famosi philosophi prolixe satis et copiose scriptam Belgica lingua adiecit, quae et postea Hagae Comitum Gallice comparuit. Laudemque meruit scriptor eruditus, non tantum propter subsidia, quibus instructus ad scribendam Spinozae historiam accessit, sed et propter diligentiam et multarum rerum cognitionem, quae ad hoc argumentum pertinent, et imprimis modum, quo vitur in hoc scriptore celebrando, et scriptis eius reprehendendis. Quamuis praeter candidior rem lineam et dispositionis meliorem viam, nonnullarum rerum exquisitior

s) Nou. lit. Tom. X. P. I. p. 40. WOLF. Bibl. Hebr. P. III. p. 146.

t) 1706. Amst.

u) Cat. Bibl. Reimann. p. 1090. seq.

„fior habitus desideretur, quae ex epistolis Spinozae queant suppleri.“ Et hanc quidem narrationem plerique post hunc, scriptores secuti sunt, totamque recudi fecit, qui *Syllogenscriptorum ad philosophiam Spinozae pertinentium* consilio non quidem optimo, *Bruxellis*, vt titulus habet, anno MDCCXXXI. edidit LANGLETVS DV FRESNOY; illi enim vita haec quoque praemissa est, ast dolo malo, ad commendandam latentis veneni pestem intrusa \* descriptio characteris Spinozae, in qua in coelum Spinoza extollitur, vt haec ex calamo ministri Lutheranae ecclesiae profecta crederentur, et sine suspitione legerentur. Vnde nonnulla in hac vita Spinozae ab aliena manu adiecta, et falsa quidem esse, non nemo monuit. Tota enim infausta illa collectio, quae praeter pauca quaedam, quae aduersus Systema Spinozae dixerunt RAMIVS, FENELONIVS et ISAACVS OROBIO Iudaeus, comprehendit BOVLLAINVILLERII Comititis refutationem, vel verius expositionem systematis Spinozistici; in eum finem typis edita fuisse merito viris doctis visa est, vt, cum abstrusioribus metaphysicae disquisitionis scriptionibus, Lamii Fenelonii, Orobii lectionis gratia desit, dicendi scribendique veneres, quibus commentatio Boullainuillierii abundat, et quibus Spinozismus vim, quam potuit maximam et demonstrationis speciem luculentam accepit, lectorem in castra Spinozae trahant, fessum et pertaesum ea legere, quae metaphysica dicendi et argumentandi subtilitate in fine adiiciuntur. Praeter hos duumuiros complures sunt, qui celebris philosophi et atheorum principis vitam enarrarunt, inter quos eminent et consuli merentur LAEGERVS, KORTHOLTVS, KETTNERVS, IENICHIVS, NICERONIVS, LAQVELOTVS, et qui apologiam quandam more suo pro Spinoza dixit GODOFREDVS ARNOLDVS, quibus addi possunt, qui vel historiam atheismi, vel Iudaismi scripserunt, et inter hos imprimis WOLFIVS, REIMMANNVS, SCHVDTVS, BASNAGIVS. Quae vero in *Bibliotheca Bremensi* promissa est, historia critica Spinozismi, num comparuerit, ignoramus.

§. VIII. Genitus est \* BENEDICTVS DE SPINOZA, parentibus Iudaeis Lusitanis, modico censu notabilibus, natus Amstelodami. Vita B. Spinozae.

Rr rr 2

dami

a) p. 77. seq. Vid. Relat. Hamb. 1732. n. 14.

b) Journal littéraire. T. XIX. P. I. art. 10.

c) Bibl. raisonnée T. VII. P. I. p. 136. Act. Acad. 1732. p. 120. MOSHEM. ad Cudworth.

P. 140.

d) Diff. de Vita et doctrina Spinozae.

e) De tribus impostoribus.

f) Diff. de duobus impostoribus B. Spinoza et Bekkero.

g) In Hist. Spinozismi Leenhofiani, c. 1.

h) Mem. de Literature T. XIII. p. 94.

i) Vita Spinozae, conf. WOLF. Bibl. Hebr. P. I. p. 248. P. III. p. 145. P. IV. p. 795.

g) Hist. eccl. P. II. c. 17. §. 16. seqq. conf. DRENBACH. in Iudaeo conuerso p. 148.

h) Hist. theol. Iud. L. I. c. 18. §. 38. p. 632.

i) Memorabilia Iudaica, P. I. L. IV. p. 313. seqq.

k) Hist. Iudaica. P. IX. c. 37. p. 1032. add. BANTHEM. Stat. eccles. et schol. Belg. foed. P. II. c. 4. p. 340. et quamplurimi alii.

l) Vol. III. p. 163.

m) Sequimur Coleri narrationem, addimus autem ex aliis quae memorabilia videntur.

n) Pauperes plerique faciunt, diuites SCHVDTVS, l. c. honestis opibus viuentes COLBVS l. c.

damus VIII. Cal. Dec. anno MDCXXXII, in circumcissione Baruchi nomen accepit, quod post relictam synagogam in Benedicti conuertit. Nactus a natura ingenium viuido ardore disciplinis aptum, et iudicii vim mature se prodentem, more gentis suae literaturae Hebraicae discendae causa praeceptoribus traditus est. Qui cum memoria magis rabbinicae lectionis, quam iudicandi acrimonia pollerent, mirum non est Spinozam quindecim annorum adolescentem, tanto acumine obiectiones magistris formasse, ut iis soluendis impares essent, et responsionibus ineptis fluctuantem magis incertum dubiumque redderent. Abiecto itaque auctoritatis praeiudicio, quo totam gentem suam regi videbat, propriis luminibus uti, et sine Iudaicorum magistrorum commentariis legere sacras literas et collectionem iuris Iudaici, quam Talmud vocant, constituit. Vidit tum multa alacris animi et acerrimi ingenii iuuenis, quae in opinionibus praeceptorum suorum placere ipsi non poterant: altiore autem eorum meditatione instituta, animi cogitationes suas ita pressit, ut modestia Morteirae, celebri inter Iudaeos viro, quem praeceptorem habebat, valde commendaretur. Et prudenter quidem in tanta contribulium suorum superstitione tacendo sibi prospexerat; at cum ab amicis duobus de Deo, angelis, anima, omni-que substantia immateriali sententiam rogaretur, iisque dubia sua depromeret, proditus ab iis, suspectusque apud vulgus Iudaeorum factus est, quod sinistram de auita religione opinionem concepisset. Ideo apud iudices synagogae delatus, et ab eis citatus atque de fidei integritate interrogatus est, indicata, quam fama de eo genuisset, suspicione contemptae legis patriae. Quod cum strenue negaret, prodierunt amici illi laruati, quibus mentem suam aperuerat, et quae conuicia in Iudaeorum gentem, quas blasphemias in legem et fidei dogmata pronuntiaffet, enuntiarunt, tanta audientium indignatione, ut anathema ex omni parte clamaretur. Spinoza autem reiecta testium fide, certiora eius accusationis testimonia poposcit. Accurrit Morteira et precibus primo, mox minis frangere constantiam discipuli conatus est; ille cum vanam appellae iram rideret, eo quod de superstitione Iudaica dudum triumphasset, fulmina excommunicationis, quam vocant, sibi intentata risit, imperterritus animo. Ea vero cum tandem Iudaeorum furor vibrare minaretur, de fuga salutari sibi dispexit, laetus occasionem sibi subministrare ineptum magistrorum feruorem, ea, quae dudum animo conceperat perficiendi, et ad Christianos transfugiendi. Ideo nonnullos Christianorum, quos prudentes iudicabat, sibi amicos concilians, asylum sibi parauit. Qui cum ingenio eum acri et eleganti uti, at praeter Hebraicam eruditionem doctrina elegantiori carere viderent, auctores ei fuerunt, ut qui occidentis linguas plerasque teneret, Graecam et Latinam adiceret. Paruit monitis ardens discendi animus Spinozae, et post prima Latinae linguae rudimenta a Germano quodam hausta, Franciscum van Ende, medicum, qui scholas Graecas et Latinas

Latinas tum Amstelodami habebat, infami postea fato sublatus<sup>n</sup>, praeceptorem nactus est. Habuit ille filiam praeter musicae peritiam, ita eleganter Latine doctam, ut discipulos parentis vices subitura haud raro erudire posset. Quae cum non forma quidem at ingenio valeret, deperire Spinoza magistrum coepit, quem tamen paulo post loco mouit Kerkeringius condiscipulus, qui eam postea uxorem duxit. In hac itaque Schola cum literis Latinis Spinoza fatis esset innutritus, ad theologiam discendam animum applicuit, eam autem postea iterum dimisit ad naturalem philosophiam conuersus. In qua cum de duce sibi elegendo dispiceret, in Cartesii opera incidens, tanto desiderio philosophiae discendae repletus est, ut totus ea deuoraret, et hunc sibi philosophiae primum auctorem fuisse multoties postea fateretur. Maxime autem placuit, quod euidentiam veritatis criterium posuisset, et ad eam in illa inquirenda esse attendendum, Cartesius commendauisset. Hoc enim canone posito intelligebat, vana Iudaeorum somnia ab homine sanae mentis admitti non posse, eo quod ineptissimorum nugatorum auctoritate sola nitantur, et omni rationis euidentia careant. Indies ergo magis contribulium consuetudinem fugiens, ipsamque synagogam vitans, quotidie suspectior suis factus est. Qui cum facile intelligerent, quantam stragem inter suos edere posset, annum mille florenorum stipendium ei obtulerunt, ea lege, ut sacris Iudaicis interesse pergeret. Id quod tamen recusauit, cum se vni veritati sine quaestus cupiditate litare assereret. Ad insidias itaque conuersi, tollere eum clanculum conati sunt; euitauit autem Spinoza ictum fidae, quem Iudaeus quidam illi intentauerat, cumque tutum a periculo vitae se Amstelodami non crederet, de alio loco cogitare coepit, ubi ab insidiis Iudaeorum securus viueret, et in solitudine tranquilla philosophiae studiis vacare posset. Exiit ergo ex communione coetus Iudaici, neque tamen vlli se vnquam Christianorum sectae addixit, nec sacri lauaminis vnda aspersus est, vel Christianae doctrinae professionem vllam edidit, licet inter Christianos ad vitae finem viueret, et eruditissimis viris amicitia innotesceret<sup>o</sup>. Ita vero indignatio Iudaeorum in rabiem versa, et anathematis fulmen solenni ritu in eum vibratum est; id quod totum eum ab omni consuetudine cum gente sua eiecit, cum nemo conuersari, cum excommunicato inter Iudaeos audeat. Mirum itaque non est, recutitos magistros Spinozam contemptae legis, apostasiae, et blasphemiae, fama per vulgus sparsa,

Rr rr 3

accu-

n) Vixit hic infelix medicus Amstelodami, et iuuenture Graecas Latinasque literas docuit. Cum autem atheismi peste esset infectus, imprudens adolescentem illa lue corrumpere conatus est, quod fide dignis testibus se nosse ait COLERVS l. c. p. 18. vnde factum, ut hunc impieratis primum praeceptorem habuisse Spinozam multi dicerent, vid. BASNAGE l. c. p. 1032. A Batavis in Galliam secedens res nouas moliri, et quod EVANHALMA in Vita Spinozae p. 5. ait, Delphi-

ni vitae insidiari, quod vero alij referunt, rebellionem ciere ausus est; vid. COLERVS l. c. p. 21. eo euentu ut captus laqueo suspensus interierit. Vid. quae ex BASNAGE annalibus Belgicis referunt Aët. Erud. Germ. P. CXXXI. p. 815. seqq. ubi negato Deo et anima immateriali miser periisse dicitur.

o) COLERVS l. c. interfuisse tamen sacris Christianorum haud raro infra discemus.



accusasse, eo quod de relictâ gente sancta ad infidelium cohortes concessisset. Spinoza autem, ut tutius lateret, ad medicum Van den Ende, apud quem humanitatis studiis operam dederat, se conuertit, ratus ita ab insidiis Iudaeorum tutum esse se posse; totumque philosophiae se tradidit, et mathematicarum disciplinarum studiis; imprimis opticae studiosissimus, vitrisque ad usum opticum poliendis intentus, qua in re, cum ingenio acerrimo usus industriam iunxisset indefessam, ita profecit, ut vndecunque talia vitra ab eo peterentur, haberetque ex hoc quaestu honesto vnde vivere commode posset. Morteira autem et, qui reliqui ex Iudaeis in Spinozae exitium coniurauerant, cum ictus suos euitasse inimicum vidissent, magistratum Amstelodamensem adeunt, deferunt Spinozam blasphemiae nomine, rogant, vrbe proscriberetur, vrgent, instant, omnemque lapidem mouent, et tandem obtinent, ut aliquot mensium exilio mulcetur. Quod tantum abest, ut terruerit Spinozam, ut potius solitudinis studiorum causa amantissimus, fugere strepitum atque tumultum vrbis se posse lactatus nullum iuris remedium Iudaeorum persecutioni opponeret, sed in agrum Amstelodamensem ad amicum diuerteret, vitris suis atque studiis maxime intentus; ex quo tamen loco anno MDCLXIV Rhonoburgum, Leidae proximum se contulit. Vbi licet in solitudine viveret, amicos tamen frequentes penes se habuit. Illi cum plerique Cartesiani essent, quoties in philosophia Cartesii difficultas occurrebat, quam solum soluere potuisse magistrum credebant, Spinozae, iam tum omnem auctoritatem humanam etiam in philosophia conculcanti proposuere; ast ille, ut ingenio utebatur acerrimo, et iam tum principium metaphysicum elegerat, Cartesio oppositum, nempe vnâ tantum esse substantiam, duabus modificationibus, cogitatione et extensione constantem, quod omnem Cartesii demonstrationem euerteret, ita longe aliter philosophari se nosse, et alias difficultatum solutiones dare amicos monuit, nec Cartesium eum esse ostendit, cui vni adhaerere posset. Quod vbi inter eruditos Belgii foederati innotuit, apud quos maxima erat Cartesii auctoritas, haud exiguum strepitum fecit, et ad arma literaria prouocauit. Praeuertendo itaque bello philosophico intenti Spinozae amici eum rogarunt, ut mentem suam de Cartesio exponeret. Qui cum tranquillitatem pacemque quaereret, ut haberent Cartesii assensum, quibus impatientis desiderii curam lenirent, edidit anno MDCLXIV *RENATI DES CARTES principiorum philosophiae P. I. et II. more geometrico demonstratas, accesserunt eiusdem cogitata metaphysica, quibus difficiliore, quae tam in parte metaphysica generali, quam specialiter occurrunt quaestiones breuiter explicantur.* Praemisit libro praefationem LVDOVICVS MEYERVS, ex qua constat, Spinozam iam tum systematis vnus substantiae totum occupatum hunc commentarium Cartesianum non ideo scripsisse, ut Cartesianâ placita confirmaret, sed ut Cartesianis satisfaceret, et haberent, qui Cartesianam philosophiam discere

scire ab ipso cupiebant, ex quo intelligerent, quid Cartesius praecepisset, a quo tum quidem ob hunc scopum propositum abeundum sibi non esse credebatur. Id quod ex doctrina de intellectu, voluntate, et libertate, secundum Spinozam considerata, quae a se inuicem non distingui statuebat, secus ac Cartesius docuit, illustrat. Falluntur itaque, qui ex hoc commentario Cartesiano concludunt tum quidem orthodoxos adhuc de Deo sensus Spinozam secutum esse, qui iam tum a Cartesio abeundum sibi esse censuit. Verum autem est, ex hac Cartesianae philosophiae explicatione occasionem enatam fuisse haud paucis Cartesiano nomini inuidiam conflandi, asserendo Cartesianis hypothesebus inductum Spinozam in atheismi deliria incidisse, cum tamen meditationes Cartesii metaphysicae Spinozisticis e diametro repugnent. Sensit id facile Spinoza, ut itaque inuidiae tela effugeret, solitudinem quaerendo, Woorburgum, quod vno tantum milliari Haga Comitum distat, concessit anno sequenti, latere tamen ibi non potuit, anxie quaesitus ab amicis, quos ei hypothesis noua et valde grata comparauerat. Qui cum valde instarent, ut relicto rure in urbem quandam migraret, sedem tandem Hagam transtulit. Habebat enim amicos non modo toga sed et sago illustres viros, qui frequenter ad eum rus confluere solebant, ut eum differentem audirent: unde factum, ut philosophia Spinozae infausto fidere per Belgium foederatum miris successibus propagaretur. In urbem delatus frugaliter vixit, totus studiis suis opticis, et philosophicis intentus, nec ita multis amicis familiariter vsus. Ast pauci in celeberrimo et frequenti loco viatores aderant peregrini, cuiuscunque axiomatis et dignitatis essent, qui cum non adirent, fama commoti, quam sibi opinionum singularitate et systematis nouitate attraxerat. Aluit autem literarum commercium cum praestantissimis viris, et philosophicarum pariter atque mathematicarum rerum peritissimis, et scribendis libris intentus, reliquum temporis opticae tanto studio tribuit, ut in conficiendis microscopiis et telescopiis parem suo tempore non inueniret. Tantaque contentione hisce inuigilauit, ut licet infirma valetudine vteretur, toto tamen saepe trimestri domo non prodiret. Vixit autem sobrie et valde frugaliter, non quod nervo rerum destitueretur, erant enim haud pauci, qui abunde quod opus esset, ei offerrent, sed quod natura paucis contentus, nemini grauis esse cuperet, unde ad rationes oeconomicas accurate attendit, ne plus consumeret, quam acquirere per annum liceret. Id quod eo facilius fiebat, quod coelebs familiam non alebat. Hac itaque frugalitate philosophica factum, ut cum Simon de Vries, quem amicissimum habebat, duo florenorum millia ei donaret, munus is recusaret, et cum haeredem testamento eum scribere promitteret, Spinoza conditionem non acciperet, contentus trecentorum florenorum singulis annis soluendorum stipendio, paternam quoque haereditatem sororibus sponte cederet, ut alia admirabilis abstinentiae à φιλαργυρίᾳ exempla taceamus. Sed et reliquam vitam philosophica virtute ornare studuit. Laudant enim, qui eum nouerunt, conuersationis

nis honestatem et iucunditatem affectuum imperium, animi neque in secundis elati, neque in aduersis depressi moderationem, et decori studium. Tum facilitatem morum, et diligentiam familiares hospitis sui ad implenda officia cohortandi, et sacrorum pariter publicorum atque obsequii parentibus herisque praestandi vtilitatem inculcandi, quin explorandi quoque, quid ex sermonibus sacris profecissent. Ipse quoque illis interdum adfuit, et Lutherani coetus ministro praedicanti applaudit, tranquille autem et modeste vixit, nemini molestus, omnibus facilis et affabilis, suaeque forte magna animi constantia et alta pace contentus. Delicias vero, quas quaerebat, in meditationibus philosophicis quaesivit, quibus in valetudine a pueritia infirma dolores vel contempsit vel superauit. Valde autem extollunt, qui Spinozam velut miraculum quoddam virtutis philosophicae admirantur, ut habeant, quem impietati colorem praetexant, animum iustitiae, aequitatis, misericordiae amantissimum, patientiam in ferendis aliorum, in suis eiciendis praeiudiciis fortitudinem, superstitionis odium per totam vitam continuatum, virtutis non quidem Stoicae et inhumanae, verae tamen et supra gentis et adolescentiae suae conditionem exsurgens cultum, ratiocinandi accurationem, etiam neglecta sermonis cura, in differendo perspicuitatem, et eas animi elegantissimi doctes, quibus omnes, quotquot cum eo conuersabantur, in amorem eius raperentur, quos amicitia fideque maiori, quam ab illis accepit, complexus fuisse dicitur. Quae an ita se habuerint omnia, penes eos fides esto, qui haec nobis narrant. Illud communi omnium testimonio certum est, honeste et tranquille Spinozam vixisse, nemini molestum, multis iucundum, haud paucis admirabilem visum, quod in secretiora philosophiae mysteria abiectis, quae omnem mundum fascinare credunt ingenia fortiora et robustiora, praeiudiciis penetrauerit. Inter quos fuere magni quoque viri, summaeque auctoritatis, et imprimis Condacus princeps, qui eius videndi curiositate accensus erat: et cuius patrocinio stipendium a Galliarum rege obtinere potuisset, si inscribere illi librum quendam voluisset. Hinc famam enatam esse putamus, quae in MENAGII *Miscellaneis* traditur, et Pomponium auctorem habere dicitur: Spinozam inuitatum a proceribus nonnullis Galliae eius videndi noscendique auditis, in hoc regnum concessisse, proditum autem esse, quod capitalis omnis pietatis naturalis et reuelatae hostis regni limites intrasset, delatumque a Pomponio periculum subiisse carceris Parisiensis, aut Minoritae habitu tandem euasisse. Sed inanem fabulam esse vidit personatus MARVILLIUS.

p) Infarta haec esse biographiae Colerianae p. 77. a fautore Spinozae supra iam monuimus. Ita vero factum, ut antecedentia et consequentia, in quibus impietatem Spinozae candide detestatur Colerus, cum his non conspirarent.

q) Conf. KORTHOOLT. Praef. tr. de tribus impostoribus.

r) Ad eum conueniendum tamen cum Ultraiectum commigrasset Spinoza, non inuenit, deservit, conf. BAYLE l.c. et art. Herrault.

s) T. II. p. 16.

t) Melanges de litter. T. II. p. 357.

et post eum alii \*, quam ex eo natam fuisse verisimile est, quod ad Con-  
 daeum principem Vltraiectum semel iter suscepit; quod plebem Batauam  
 magnis iris et suspicionibus in eum armavit, quia prodere velle Gallis pa-  
 triam coniceret. Certius est, et extra dubitationem positum, Carolum  
 Ludouicum electorem Palatinum ad docendam philosophiam eum Heidel-  
 bergam traducere voluisse; extat enim inter *Opera Spinozae posthuma* \*  
 epistola Ludou. Fabricii, qua electoris nomine cathedram ei philosophi-  
 cam cum amplissima libertate philosophandi offert: hanc tamen spartam  
 recusauit ornare Spinoza, quod se religionis receptae legibus teneri nole-  
 bat, et probe intelligebat, eam principiis, quae sequebatur, philosophi-  
 cis, euertere. Itaque excusatione honesta, quod otium literarium strepiti-  
 bus professionis academicae praeferat, praetensa, subtraxit se, fassus,  
 nescire se, quibus limitibus libertas illa philosophica intercludi debeat, ne  
 videatur stabilitam religionem perturbare velle. Priuatus itaque intra  
 musei parietes mansit, cum nec munus, nec diuitias, nec honores affecta-  
 ret, sanitatis autem parum firmae, et studiorum contentione valde debi-  
 litatae ratio eum conclauui haud raro affigeret. Inde mature phthiseos  
 malo tentatus, a viginti annis, tabescere coepit, infirmum corpus vero  
 continentia et sobrietate vtcunque sustentauit. Hinc fatum vltimum nec  
 ipse, nec familiares proximum esse, vt in hoc morbi genere fieri solet,  
 senserunt, illis enim nihil tale expectantibus, solo medico L. M. y qui  
 Amstelodamo accesserat, praesente IX. Cal. Mart. anno MDCLXXVII  
 exspirauit. Diuersis mox rumusculis mors viri opinionum singularitate  
 et atheismi philosophici professione famosi per vulgus sparsa est. Qui-  
 dam enim noluisse eum aegrum quenquam admittere, ne moribundi facies  
 conspiceretur, tradiderunt: alii narrarunt aliquoties eum exclamasse:  
 miserere Deus peccatoris miseri; nonnulli nomen Dei gemebundum in-  
 uocasse, et quaesitum de causa, consuetudinem solam accusasse tradide-  
 runt: quidam mandragorae succum secum habuisse ad inducendum sensi-  
 bus stuporem et mortis indolentiam, prodiderunt. Fuerunt quoque ali-  
 qui, qui petiisse ab hospite, ne ministrum vllum ad se admitteret, vt placi-  
 de ita mori posset, commenti sunt. Ast falsas esse has narratiunculas  
 omnes, comperit, qui diligenter in earum veritatem inquisiuit, et omnem  
 eius deprehendendae occasionem habuit COLERVS z, qui nec hospitem  
 Spinozae, nec familiares eius quicquam ex eo audiuisse, nec quenquam  
 ei morienti praeter medicum Amstelodamensem adfuisse, et nunquam le-  
 cto affixum decubuisse, sed die emortuali adhuc ex conclauui descendisse;  
 tum

u) BAYLE l. c. not. Z. COLER. l. c. IN-  
 CHEN l. c. BASNAGE l. c. p. 1035. DE LA MON-  
 NOYE Menag. T. IV. p. 19.

x) Ep. 57. Opp. posth. p. 561. add. Chevræana  
 T. II. p. 99. 160. Nouv. de la rep. des lettres 1700.

Sept. p. 300. BAYLE l. c. not. H. conferendus ta-  
 men HEIDEGGERVS in Vita Fabricii pag. 74.  
 STAECKIUS de Vita priuata doctorum c. 2. §. 34.  
 p. 94. 95.

y) Forte is fuit Ludouicus Meyerus.

z) pag. 141.

tum neque hospitii vxori neque domesticis, vt ministrorum ecclesiasticorum aduentum prohiberent, praecepisse, nec de mandragorae succo quocumque vel visum vel in scheda pharmacopolae Amstelodamensis lectum esse testatur. Vnde hae narratiunculae, quibus velut Fabellis Milesiis oratur hodie historia philosophica et literaria expungendae ex annalibus literariis sunt. Mortuum honeste sepeliri curauit hospes, impenas ferente eo, quem viuo sumtus suppeditasse diximus, vnde falsum est, ita pauperem obiisse, vt sepulturae impenae solui nequiverint. Tantum enim ex suppellectile eius sub hasta vendita rediit, vt sumtus omnes refunderentur, quamuis ea tota vere philosophica esset, vt ab omni ambitione remota.

*Scripta Spinozae atheismi pan-  
dere visa.*

§. IX. Scripsit nonnulla Spinoza, quae viuis edidit, et quibus famam sibi acuminis et philosophiae laudem acquisiuit, ast suspicionem quoque sinistrae de rebus ad Deum et religionem spectantibus opinionis iam tum excitauit; pleraque conscripta inter chartas reliquit, post mortem demum edenda, quae atheismi infamia eius memoriam cumulauerunt. Et post discessum quidem Spinozae ex synagoga apologiam eum edidisse lingua Hispanica typis nunquam editam, inque ea vestigia haud pauca opinionum postea disseminatarum iam prodidisse asserit P. BAYLE<sup>a)</sup>, nihil autem eius se potuisse detegere, licet familiares eius et amicos de ea interrogasset, fatetur COLERVS<sup>b)</sup>. Vulgasse, quoque commentarium in principia Cartesii, *εἰς ἁρμονίαν* scriptum, at geometrica tamen methodo, supra iam diximus. Quo specimine prodidit Spinoza, dum principia et assertiones Cartesii, quas falsas esse credebat, geometricae tamen demonstrationis legibus se ad palliandos errores abuti, vt postea ab eo quoque factum. Prodiit porro anno sequenti LVCII ANTISTII CONSTANTIS *de Iure ecclesiasticorum tractatus* *Alethopoli apud Caium Valerium Pennatum*, in qua denegato iure, quod ecclesiae sibi vindicant earumque ministri, omnis potestas, etiam quae doctrinam pertinet magistratui vindicatur, qualia Hobbesium praecepisse ex iis, quae supra diximus, constat. Qui libellus cum *Tractatum theologico-politicum Spinozae* praecederet et simili modo, quin et iisdem fere verbis praecepisse videretur, visus est<sup>c)</sup> Spinozam parentem agnoscere. Ast negauit eum foetum suum esse Spinoza, et differre tum scribendi tum praeciendi rationem obseruauit COLERVS<sup>d)</sup>: qui verisimilliori coniectura tribui posse Ludouico Meyero, de quo in sequentibus dicemus, monet. Cui facile assentimur; eadem enim impietate infectus fuit Meyerus,

a) Occasio fabulae inde enata est, quia Sepiarius quidam, a quo medicamenta nonnulla Spinoza acceperat, audita morte eius vt sepultura prohiberetur a magistratu impetrauit, donec debita pecuniae summa solueretur, id quod ab hospite factum, et honeste tumulo Spinoza illatus est.

b) I. e. Eum sequuntur IENICHEN I. c. p. 11. WOLF. Bibl. Ebr. Vol. III. p. 145. c) I. c.

d) Vid. BAYLE I. c. not. L. BASNAGE I. c. p. 1041. WOLFIVS et NICERON. II. cc. et quos hi laudant. Auctorem quidam esse coniciunt Ludouicum Meyerum, vid. BASNAGE et COLER. I. c.

e) Pag. 90.

rus, vt ex infausto eius foetu: *Philosophia scripturae interpretes*, patet. Equidem eo tempore et Anglia et Belgium eiusmodi hypothesibus personabant, quas semina Hobbefiana genuerant, vnde ab Hobbefianae disciplinae alumno quodam libellum profectum esse, verisimile est. Spinozam autem auctorem verum esse *Tractatus theologico-politici, Hamburgi*, vt titulus mentitur, anno MDCLXX. 4. διονύσιος editi, nemo est, qui ignorat, et fassus est ipse Spinoza, in epistola ad Oldenburgium <sup>f</sup>. Qui cum mira libertate conscriptus esset, videreturque superstitioni, (ita religionem vocat Spinozistica natio) neruos incidere, dici non potest, quanta auiditate quaesitus lectusque sit ab illis, qui frena religionis pati nequeunt. Inde factum, vt editio aliquoties repeteretur, et foetus irata Lucina editus tum a Ioanne Henrico Glasemachero <sup>g</sup> in Belgicum sermonem, tum a quodam, qui Domini de S. Glain nomen mentiebatur in Gallicam linguam conuerteretur <sup>h</sup>, et variis titulis diffeminaretur <sup>i</sup>, quam versionem LVCAM medicum Hagiensem confecisse, ipsumque Spinozam annotationes quasdam adiecisse, postea compertum est <sup>k</sup>. Tacemus editiones alias <sup>l</sup> ex quibus constat, magno studio Spinozae affeclas librum hunc diffeminasse, non exiguu ecclesiae malo. Totus enim in eo auctor est, vt vatibus diuinis non adfuisse θεοπνευσίαν, sed vaticinandi donum ex imaginationis foecunditate prouenisse, et attemperauisse eos doctrinas et religionem hominum sui temporis ingenio assereret, hancque, si placet, clauem interpretandae diuinae legis esse, magna fiducia contenderet. Mirum itaque non est, concurrisse ad hoc incendium extinguendum, quotquot religionis amor atque cura occupauerat. Licet enim STUPANVS, notissimus ille satyrae in Batauos, quae titulum gerit: *Religio Hollandica*, auctor, obiecerit Batauis <sup>m</sup>, quod abominabile scriptum mature refutare neglexerint, falsum tamen id esse, et BRAVNIVS in *Apologia Stupano opposita* <sup>n</sup> ostendit, et multae libri noxii refutationes produnt, inter quas eminent, quas mercator quidam Dordracenus, GWILHELMVS VAN BLYENBURG, et alius Roterodamensis Io. BREDBENBURG scripserunt. Ille enim anno MDCLXXIV *Veritatem religionis Christianae* Spinozae blaterationibus opposuit, hic anno sequente edidit *Eneruationem tractatus theologico-politici vna cum demonstratione geometrico ordine disposita, naturam non esse Deum, cuius effati contrario praedictus tractatus innititur*. Qui omnium luculentissime

S s s s 2

imple-

f) Ep. 19.

g) Suite de la vie de Philopater p. 391.

h) WOLF. l.c. p. 145.

i) Tribus titulis comparuit: La clef du sansusire; Traite des ceremonies superstitieuses; et; Reflexions d'un esprit des interesse, sur les matieres les plus importantes aut salut tant public, que particulier.

k) Vid. Cat. crit. bibl. Reimmann. pag. 1029.

conf. Nouv. lit. T. X. P. I. p. 60. BAYLE Lettr. XXVII. p. 119.

l) Continetur quoque in collectione prima operum historicorum, quae HEINSII nomen praefert edita 1673. 8. conf. Ven. CYPRIAN. Cat. bibl. suae p. 625.

m) Lettr. III. p. 65.

n) p. 158. Vbi obseruatur, librum, quam primum prodierit, publica auctoritate suppressum esse.

impietatem in hoc libro latentem detexisse, et fortissime debellauisse, risque visus est, mirantibus omnibus tantam iudicandi aciem hominibus teris leuiter tincto inesse. Quem tamen cum demonstrationem Spinozæ ordine geometrico descripsisset, non habuisse, quid Spinozæ reponeret, adeoque systema eius si ductu rationis id faciendum, refutari haud possit agnouisse, prodiderunt Franciscus Cuperus, quem plagii infimulatus Bredenburgius, et post eum eruditus Iudaeus ISAACVS ORBIO et Albertus de Verfe; negante id Bredenburgio. De qua controuersia plura dicere heic non liceat, P. BAYLE<sup>o)</sup> videndus est. Inter theologos Belgii foederati primus fere opposuerunt se serpenti veneno Lambertus Velthuysius, et Regnerus a Mansveld, quos secuti sunt alii multi Lutheranorum autem coetu nemo auctioribus telis Spinozæ copias prodigauit, quam Ioannes Musæus. Quorum et complurium librorum, tractatui theologico-politico oppositorum titulos, cum diligenter adduxerint NICERONIVS<sup>p)</sup>, FABRICIVS<sup>q)</sup>, IENICHIVS<sup>r)</sup>, lectorum breuitatis studiosi ad notissimos hos libros amandamus. Tectius tamen in eo libro systematis pestilentis virus disseminauit Spinoza, quam in illis quos moriens reliquerat, vt post fata ederentur. Prodiere itaque viuis erepto anno MDCLXXVII Amstelodami *Opera posthuma*, auctoris nomine literis tantum initialibus, vt ipse iusserat, designato. Quinque in hac collectione tractatus continentur: I. *Ethica, more geometrico demonstrata*, in qua totum systema atheum, quod sibi formauit mathematice demonstrare conatus est; II. *Politica*. III. *De emendatione intellectus*. IV. *Epistolae et Responsiones*. V. *Compendium grammaticae linguae Hebraeae*. Neque vero typographi locique mentio in tractatu facta est, Amstelodami autem prodixisse, satis clare COLERVS<sup>s)</sup> demonstrauit. Obstupuit religio, virique boni et rectae mentis amantes tantam impudentiam sophismatis velut demonstrationibus inaedificari mirati et testati sunt, plaudit impietas, inuentum esse, qui methodi geometricae accuratatione omnem ex orbe Deum et religionem eiceret, et reipsa tantum substantiam esse, duabus modificationibus infinitis modis detegentem, euinceret, adeoque omnes religionis leges, omnem numine reuerentiam proscriberet, cuncta ad naturae necessitatem ineuitabilem reuocando. Quae cum maximam religioni et ciuitati sacrae stragem minuerentur, ingens viroꝝ doctorum aceruus prodiit, qui sophismata inania, definitiones aequiuocas, demonstrationem falsam et ineptias omnes detegerent, et argumentationes metaphysicas infelici metaphysico opponerent. Nec est inter omnes fere Christianorum coetus, qui certa

o) BAYLE l. c. not. M. COLER. p. 118.

p) l. c. add. COLER. et IENICHEN II. cc.

q) loc. cit.

r) Syll. Script. de V. R. C. c. 13. p. 355. seqq.

s) l. c. p. 59.

t) Ex hoc fonte sua hausit ABRAHAM IO. CVFFLER-

VS in Specimine artis ratiocinandi naturalis et artificialis ad pantosophiae praecepta manualia, centre, Hamb. 1684. 8. conf. BVDDEVS Thes. de Atheismo p. 174. WALCH. Parerg. acad. p. 694.

u) Laudat eam WOLF. l. c. Vol. I. p. 241.

x) p. 104.

teffera inter fe distinguuntur, vnus, ex quo non prodierint impietatis Spinozisticae oppugnatores. Quos tamen hoc loco adducere non licet, in historia atheismi speciali enarrandos, plerosque nominauere FABRICIVS, IENICHIUS, NICERONIVS <sup>7</sup>, alii. Comparent inter eos ex Romana ecclesia, Fenelonius, Fr. Lamyus, P. D. Huetius, ex reformatis, Gerardus de Vries, Christophorus Wittichius, Regnerus a Mansveld, Lambertus Velthuyfen, Petrus van Mastricht, Aubertus de Verfé, Ruardus Andala, Petrus Bayle, Isaacus laquelotus; ex Lutheranis I. Wolfgangus laegerus, Io. Iacobus Weidnerus, Iacobus Stalkopfius, Ioannes Colerus, Christianus Kortholtus, Fridericus Ernestus Kettnerus, Fridericus Rappoltus, Ioannes Conradus Durrius, Ioannes Franciscus Buddeus, ex iis qui Bourignoniae partes secuti sunt, Petrus Poiretus, ex Labbadistis Yuonius, ex Anglicana ecclesia Henricus Morus, Samuel Clarckius, ex Iudaeis Isaacus Orobio, et innumeri alii. Omnes enim post Spinozae aetatem huc pertinent, qui rationibus metaphysicis atheismum philosophicum aggressi sunt, cum non celebrius vnquam impietatis systema emerferit, Spinozistico. Scripsit quoque Spinoza *Commentarium de iride*, qui cum minus nonnullis, quibus eum ostenderat, placuisset, igni ab auctore traditus est. Affectam quoque reliquit versionem Belgicam veteris testamenti <sup>2</sup>, in qua multam curam adhibuit, sed et hanc paucis ante obitum diebus, Vulcano tradidit.

§. X. Systema, quod de rerum vniuersitate, quam Deum vocauit, Spinoza commentus est, in se nouum non est, sed passim apud veteres inuenitur: vnde de Spinozismo ante Spinozam disquirere coeperunt viri docti, maxime P. BAYLE <sup>a</sup>, quem peculiari dissertatione secutus est I. FR. BUDDEVS <sup>b</sup>, vt alios taceamus. In quem tamen numerum non omnes eos referendos esse, qui Deum esse τὸ πᾶν dixerunt alibi ostendimus, et qua ratione schola Eleatica, et Stoica, itemque Cabbalistsae in Spinozae luto haesisse censendi sint, manifestum fecimus. Perfecit autem quod inchoarunt veteres, et quod illi mussitarunt, aperte elocutus est Benedictus de Spinoza, qui absurdissimam propositionem, vnam tantum esse substantiam, duabus modificationibus, cogitatione et extensione infinitis modis variatam et determinatam, et in se suaque essentia necessarias mutationis suae causas habentem, Geometrico more demonstrare ausus est. Non est nostrae tractationis, totum Spinozae systema hoc loco describere, et quid in eo reprehenderint philosophi, quid opposuerint, quos dolos, et laruas veritatis, quae sophismata detexerint operose describere. Faciunt id illi, qui vel theologiam naturalem traderunt, vel naturalis pietatis fundamenta ab obiectionibus atheorum liberarunt,

*Summa impietatis Spinozisticae.*

<sup>y</sup>) locis citatis.

<sup>2</sup>) BASNAGE l. c. p. 1038, COLER l. c.

<sup>a</sup>) l. c. not. A.

<sup>b</sup>) De Spinozismo ante Spinozam, quae in Anal. Hist. phil. extat.

<sup>c</sup>) Pertinet huc ex medio aevo Dauid de Dinan; quin et Reales huc Baylius retulit, de quibus omnibus suo loco dictum.



rarunt, et ex Instituto Spinozae impietatem euerterunt. Hinc id modo ut tractationi nostrae ordo suus et integritas constet, obseruamus: *Summam impii systematis eo tandem redire: vnā tantum esse substantiam et non dari substantiam, quae aliam efficere seu creare potuerit, adeoque praeter vniuersi substantiam, nullam aliam dari, sed in ea vna comprehendi omnia, et non nisi modos esse eius vel cogitantis vel extensae.* Huc enim redeunt propositiones istae, quibus velut cardinibus totam philosophiam suam impiam inaedificauit: *Ad naturam substantiae pertinere, existere; eam non posse produci ab alia, atque esse causam sui, id est ipsius essentiam necessario euoluere existentiam: in rerum natura non posse dari duas aut plures substantias, eiusdem naturae siue attributi, &c.* Ex his enim prona consequentia fluere putat, Deum et mundum vnā tantum esse substantiam; in qua cum modi duo siue attributa conspiciantur, nempe cogitatio et extensio, ex his omnia entia determinari, et in harum modificationum ordine, quo se inuicem sequuntur, necessitatem inesse contendit. Quo pacto sublato omni entium materialium ab immaterialibus discrimine, euerfa omni libertate, et intellectus a voluntatis diuersitate, omnia fluere mechanice sequitur. Et multus quidem in eo est Spinoza, ut hanc vnā substantiam, quam Deum vocat, attributis diuinis ornet, et eam causam esse rerum omnium, hasque ab eo distinguendas esse pronuntiet, ne scilicet in pietatem peccauisse videretur. Ast disertis verbis ad Oldenburgium scripsit: *Deum se rerum omnium causam immanentem, non vero transeuntem statuere.* Quo pacto detracta simulatae veritati larua tota impietatis abominabilis facies dispalescit, et non modo theologia naturalis, sed moralis quoque sana omnis funditus euertitur. Esse in hoc systemate absurda plurima et tum experientiae, tum notionibus metaphysicis contraria, dudum obseruatum viris doctis est, qui monuerunt, ipsam existentiam extensionis multas substantias inuoluere, cum infinitis partibus gaudeat extensio, quae, cum attributum substantiae sit, in vnaquaque particula substantiam peculiarem necessario requirat. Absurdum porro esse, modificationes e diametro contrarias, tales sunt cogitatio et extensio vni substantiae, velut subiecto suo inesse, et sic modis suis eam se mutuo euertere. Nec minori contradictionis absurditate laborare, quod in immutabili et necessaria substantia infinitae mutationes sibi succedentes ponantur, quodque, cum infinitae res in mundo sint, quae mutuo evertunt, contradictorii simul in vno subiecto consistere posse affirmetur, et infinita substantia vna ex finitis modis istis siue partibus finitis constare supponatur. Tacemus alia, quibus iustitiam, sanctitatem ipsamque infinitatem DEI, et omnem actionum moralium, poenarum et praemiorum rationem hoc systema euertere recte obseruatur. Plura de his omnibus apud eos scriptores quaerenda sunt, quos supra nominauimus. Nos hoc loco, ubi extra oleas vagari non licet, falsa imprimis idea substantiae totum niti systema Spinozisticum modo obseruamus, nempe substantiam non posse produci ab alia, siquidem ad naturam eius pertineat

neat existere, quod inde probat, quia rerum, quae nihil commune inter se habent, vna alterius esse causa nequeat. Hoc enim sumit potius quam demonstrat, illud substantiam ipsam cum conceptu substantiae confundit, adeoque substantiam in abstracto considerando, sibi substantiam fingit, quae non nisi in mente nostra existit, eamque deinde ad systema physicum et metaphysicum inepte transfert. Quae et alia *αόυσαρα* multa ineptum systema completitur, quae cum egregiis prorsus commentationibus detexerit, quem honoris et amicitiae causa nominamus cel. IO. CHRISTOPHORVS GOTTSCHEDIVS <sup>d</sup>, qui elegantissima doctrina hodie Academiam Lipsiensem ornat, lectorem ad eruditas eius observationes ablegamus. Vnde vero hunc errorem hauserit Spinoza, vel formandi systematis occasionem nactus sit, de eo diuersa est inter viros eruditos opinio. Et sunt quidem nonnulli viri docti, qui cum nossent patriarum antiquitatum consultum fuisse Spinozam, intelligerent autem systema Cabbalisticum eodem cothurno incedere, cuius Or haënsoph vnica illa substantia sit, ex qua innumerae modificationes, vel emanationes potius exortae sint; Cabbalistarum metaphysicam parentem Spinozismi accusant. Qua in opinione praeter ven. REIMMANNVM maxime versatur acutissimus WACHTERVS. Qui ex eo quoque consensu Spinozae cum Cabbalistis, (quos prius tamen ideo atheismi accusauerat) pro Spinozae innocentia et sensibus purioribus argumentum peti posse, non sine inuidia nomini suo conflata contendit. Quae de re cum *Tomo secundo* <sup>e</sup> ex instituto disseruerimus, et quae celeberrimi viri ea de re mens sit exposuerimus, actum agere nolumus. Alii vero, quibus innotuit, incidisse Spinozam adolescentem in Cartesii scripta metaphysica, et initia philosophandi ab iis coepisse, ex Cartesiana philosophia has ineptias fingendi ansam eum quaesivisse contendunt. Id quod non absque insigni Cartesianae philosophiae ignominia illi obiecerunt, qui Cartesium Spinozismi architectum committunt, quos in Cartesii historia tetigimus: et pluribus quoque visum est, licet concesserint, ex perversa Cartesii mente Spinozam fuisse philosophatum. Vrgent hi definitionem substantiae a Cartesio allatam, per substantiam intelligendam esse rem, quae ita existit, vt nulla alia re indigeat ad existendum: hanc enim occasionem dedisse putant *πρῶτον ψεύδως* de vnica substantia excogitandi. Nobis difficilis et incerta haec quaestio, et si verum fatendum, inutilis videtur; quod enim ad Cabbalistas attinet, verisimile haud est, Spinozam eos adolescentem attigisse, cum iis aetatis annis Iudaeos reliquerit, quibus Cabbalistas manibus terere nondum in gente recutita licet: tacemus aliud esse systema emanationis, aliud Spinozae, aliud emanantia, aliud modificationes <sup>f</sup>. Quae vero de Cartesianismo dicuntur, ita tantum

d) Programmatibus septem, in quibus philosophiam Leibnizianam et Wolfianam ab obiecta impietate Spinozistica vindicat. Commendat is imprimis IO. IENSI: Examen philos. sextae de fin. P. I. Spinozae.

e) p. 1035.

f) Longius inter se distant modificationes et emanationes, quam vult cl. Wachterus; modificationes enim substantiae immanent, emanationes progrediuntur; illud cum Spinoza disertis verbis agnouerit, frustra sunt, qui eum cum Cabbalistis comparant.

tantum possunt admitti, vt Cartesiana principia ansam dedisse dicantur Spinozae, a Cartesio desciscere, et nouam viam quaerere cupienti, diuersam doctrinae metaphysicae aedificium construendi. Ipsam enim Cartesii metaphysicam, quae cogitationem et extensionem duas diuersas et contrarias sibi met substantias ponit, refragari systemati Spinozistico nemo non videt, vt taceamus alia toto coelo a Spinozisticis abeuntia, vt supra iam ex *Praefatione Principiorum Cartesii geometricae a Spinoza demonstratorum* annotatum. Nec magnopere audiendi sunt, qui Spinozisticae hypotheseos parentem esse Hobbesium putant, quia inter ius naturae Hobbesii et Spinozae magna intercedit similitudo. Quamuis enim vterque philosophus, ex necessitate rerum cuncta deriuauerit, sua tamen cuique principia propria sunt. Quare ponderatis omnibus, recogitantes profundo ingenio et metaphysica acie instructo gauisum esse Spinozam verisimile videtur, Spinozam suae meditationi et infelici subtilitati totum istud doctrinae impiae aedificium debere, idque habendum esse pro ἀρχετύπω quamuis negare nolimus, Cartesianam philosophandi rationem, accedente consilio ab eo discedendi occasionem ei primam subministrasse, de sophismatis talibus cogitandi.

*Spinozistae  
post Spino-  
zam.*

§. XI. Luxuriari infelix lolium prae grauidis aristis, et radices lactissime agere, vt natura docet, ita in humana mente quoque, proh dolor euenit: cui licet naturale sit Deum cogitare ab omni creatura infinito discrimine distinctum, fecit tamen impudentia animi frena reuerentiae summo Numini debitae lubenter excutientis, quo sine rectore liber suique iuris viuat, vt atheismus multoties de acutissimis ingeniis triumphauerit. Cuius non luculentius esse specimen potest, quam successus pudendi, quos habuit impietas Spinozistica. Quae licet ea subtilitate et acuminis metaphysici obscuritate se prodiderit, vt a paucis scripta Spinozae intelligerentur, multis tamen se mire commendauit, et in partes eos pertraxit. Inde haud exiguus disciplinae feralis sectatorum numerus est, quos tamen hoc loco enumerare omnes, nec libet nec licet, quo famosiores Spinozismi patroni tantum considerandi sunt. Et ipse quidem Spinoza a sectae condendae gloria animum continuit. Monuit id, qui *Praefationem operibus posthumis* praefixit, nomen auctoris in libri fronte et alibi literis duntaxat initialibus indicatum esse non alia de causa, quam quia paulo ante obitum expresse petierit, ne nomen suum ethicae, cuius impressionem mandabat, praefigeretur: cur autem prohibuerit, nullam aliam rationem videri, quam quia noluerit, vt disciplina ex ipso haberet vocabulum. Dicere enim in appendice quartae partis ethicae, quod, qui alios consilio aut re inuare cupiant, vt simul summo fruantur bono, non studeant, vt disciplina ex ipsis habeat vocabulum, sed insuper in tertia ethicae parte affert def. XLIV, ubi, quid sit ambitio, explicetur, eos, qui tale quid parrent, non obscure, vt gloriae cupidos accusare. Facile vero nobis persuaderi patimur, a concupiscenda sectae conditae gloria

ria Spinozam abfuisse, quem si non character animi arcuit, certe impedit metuenta inuidia. Hac tamen eius continentia non obstante efficit humanae mentis ambitio, religioni, velut praeiudicio cuidam vulgari, insultans, et ab eius vinculis se ideo liberans, vt tota sibi permittatur, vt haud pauci impletati Spinozisticae patrocinentur, praecipue cum ordinis geometrici species, seueritatem methodi et demonstrationis mathematicae prae se ferens, suppositis callide falsis definitionibus et axiomatibus precariis et aequiuocis, multis imponderet. Fuisse autem in Belgio foederato non vnum tantum aliumue Spinozae affeclam, sed multos eum magna fiducia fuisse secutos, et Batauis obiecit Stupanus, et fassus est ROELLIVS <sup>a</sup>, conquestus, *Spinozam tota armenta in Belgio sequi duces*: nec dubitamus, quin hodie adhuc sectatoribus gaudeat. Inter affeclas autem, qui nomine innotuerunt, primum suo merito locum occupant, editores operum eius Iarig Iellis et LVDOVICVS MEYERVS, vt vel solae praelectiones testantur. Et posteriori quidem, qui morienti Spinozae adfuit, prima disseminati veneni Spinozistici causa potissimum adscribenda est; qui facile omnia suppressere potuisset, nisi in eodem cum Spinoza luto haesisset. Id quod ex libro, *Philosophia scripturae interpretis*, apertum est, vt in antecedentibus obseruatum. Et alterum quoque medicum Hagiensem, Lucam, Spinozisticae impietati fuisse addictissimum, tum elogium Spinozae ab eo scriptum prodit, tum libellus Gallicus, quo *Tractatum theologico politicum* alia veste comtum et ornatum prodire iussit, vt supra iam dictum <sup>b</sup>. Et hos quidem viuos inter discipulos numerare Spinoza potuit; post mortem haud pauci in eandem suspensionem adducti sunt. Vbi tamen discrimen inter eos ponendum, qui aperta professione doctrinae Spinozisticae velificati sunt, et inter eos, qui ea quidem suspensione pressi, non vero Spinozismi legitime conuicti sunt. In priori classe, strepitum maximum fecit, et ecclesiam Batauorum valde turbauit FRIDERICVS VAN LEENHOF ecclesiastes Swollensis. Cuius viri, Spinozismum tandem reuocare coacti historiam et controuerfias inde enatas curiosa et eleganti tractatione enarrauit V. C. GOTTL-  
LOB FRIDERICVS IENICHIVS <sup>c</sup>, qui cum ex actis et *αὐτοῦ τὰς* omnia collegerit, dignus est, qui ipse consulatur. Sparfit autem virus Spinozismi Leenhofius in libro vernaculo, cui titulum praefixit; *Coelum in terra, suae veri et constantis gaudii brevis et luculenta descriptio, secundum rationes et scripturae ductum omnis generis hominibus et omnibus fortunae casibus attemperata*, cuius prima editio Belgica prodit MDCCIII, germanica vero anno MDCCVI, cui tamen adiecta epistola, in qua systema Leenhofii neruose euertitur. Tota vero doctoris malefanti doctrina hac assertionum quaternione comprehenditur. I. Necessarium esse, vt homo essentiam suam mutabilem ita perficiat, vt ab ista mutabilitate,

Fridericus  
van Leen-  
hof.

<sup>a</sup>) De Relig. nat. §. 151. p. 166.

<sup>b</sup>) Vid. Cat. bibl. Reimm. pag. 1029. GOTTL.

KRAVSIVS Hist. liter. P. II. p. 284.

<sup>c</sup>) In Hist. Spinozismi Leenhofiani, Lips. 1707. 8.

litate, quantum licet, sit immunis, ideoque gaudii et perfectionis gradum eum quaerat, in quo constanti et firma animi tranquillitate in immutabili et aeterna Dei voluntate et ordine fundata et acquiescente fruatur; sic enim fore, ut et vius et moriens, profunda et rationali pace in ente summo quiescere posset. II. Cuncta certis legibus, ordine, causisque concatenata esse et fluere. III. Deum impropie regem, legislatorem, dominum, iudicem vocari. IV. Omnes actiones essentiales mundi esse effectus causarum proximarum, quae ex aeterno naturae ordine necessario consequuntur, et huic immutabili voluntati Dei magna animi tranquillitate et constantia sine murmure vel tristitia se ipsum permittendum esse. Facile intelliget lector, non potuisse non ex his assertis Spinozismi suspicionem oriri. Ut itaque serpenti pesti, etiam ob ecclesiasticam auctoris dignitatem periculosa occurrerent, calamum arripuerunt Florentinus Blomble, Taco Haio van den Honert, Io. Creyghton, Io. d'Outrein theologi Batavi, et quae in his thesibus impietas lateat, demonstrauerunt. Non defuit quidem sibi Leenhofius, edita apologia, quam *Denubilationem coeli in terra* appellauit, conquestus, finistre mentem suam explicari et perverti; at ne hunc quidem in modum causam suam iuuit, sed magis prodidit. Surrexerunt enim in eum praeter priores aduersarios Franciscus Burmannus, Ioannes Henricus Cocceius, Ioannes Sluiterus, et post hos alii, quin et satyris, ut fieri solet, comoedia acta est. Quae cum tumultu in ecclesiis Batavis omnia misceret, primo quidem a prouinciarum classibus remedium quaesitum, et cum hae nihil profecissent, res ad synodos delata est. Et his quoque incassum laborantibus tandem supremi magistratus auxilium imploratum est. Cuius iussu et auctoritate libelli Leenhofiani fisco addicti, ipse ad reuocandos errores et deprecandam veniam coactus est. Id quod singulari libello factum, in cuius articulo tertio detestatur errores Spinozae; vnam tantum esse substantiam, quae omne sit in omnibus, esse hanc substantiam infinitis attributis constantem Deum; eamque ut causam internam omnis illius quod essentiam habet, fontem et causam existere, et omnes res velut modificationes eius ad hanc, ut totum suum pertinere: adeoque Deum et naturam vnam eandemque essentiam constituere. Porro, nexum esse infinitum causarum, quae sibi inuicem subordinatae necessario cooperentur, animam et corpus non esse res duas distinctas, sed vnum idemque, diuinitatis partes, nec animam aliquam separatam sine corpore subsistere, multo minus spiritum. In connato statu, naturali nullum esse essentiale per naturam bonum, malum, virtutem, vitium, perfectionem, praemium vel poenam; omnia naturali saltem ratione, non morali, a Deo pendere, nec eum legislatorem esse; res porro omnes esse effectus vel operationes naturae per aeternum et necessarium aliquem ordinem in statu naturae suae constitutas, adeo ut ordo aeternus sit independens et necessarius causarum infinitarum nexus. Per vim naturae omnes homines vi et potestati affectuum esse suble-

subiectos; nec hominem libere agere, sed a vi externarum caussarum dependere, quamdiu ordinis naturae conscius illi se emendato intellectu non submittat. Bonum summum solum esse sensum purum de aeterno Dei ordine, affectuum dominationem et sui ipsius conseruationem cum gaudio et laetitia. Mortem plenum homini finem facere, et solum partibus suis traducere ad aeternitatem, sine spe resurrectionis vel metu iudicii, nullam dari religionem naturalem, nec diuinam reuelationem, sed cultum diuinum dependere a suprema potestate: gratiam consistere in inclinatione interna ad obedientiam aeterno Dei ordini praestandam &c. Quae hic strictim enarrare libuit, vt appareat, in quo Spinozismi summam constare publica ecclesiae Belgicae auctoritas definiuerit.

§. XII. Leenhofio iungimus FRANCISCVM CUPERVM, Franciscus Cuperus. et is quidem anno MDCLXXVI *Arcana atheismi reuelata* edendo, inter aduersarios Spinozae comparere voluit. Quem cum Io. Bredenburgio contentions ferram reciprocauisset, eo quod is plagii ipsum insimularet, et hunc conspirationis cum Spinoza accusauisset, supra iam prodidimus. Ast eadem, qua Bredenburgium premebat, culpa non vacare, et Spinozae splendido reuelatorum arcanorum atheismi titulo, frigidam suffundere voluisse visum est HENRICO MORO \*, et IO. WOLF. IAEGERO †, quos secuti sunt alii. Ludicram itaque velitationem iniisse contra Spinozam laudati viri censuerunt, et simulatam pugnam ostentasse, vt eo fortius falleret. Cuius rationes afferunt, quod contenderit: ex solo lumine naturae non posse demonstrari existentiam Dei, non posse concipi essentiam extensionis expertem, absque reuelatione non cognosci in quo vitium a virtute distet. Conqueruntur etiam, argumentis eum pro existentia Dei vt stramineis et plumbeis, cum ferrea et aerea adhibere potuisset. Nempe ipsum frigus, et imbecillitas in culpae speciem tracta sunt, quod tamen argumentum non semper stringit. Ad Cupero simulati praelii similitudinem potest BOVLAINVILLIERI Boulainvillierius. VS comes, cuius *Tentamen refutationis Spinozae* supra iam memorauimus, et quem clandestinis artibus viscera religionis Christianae petere voluisse, vel vna mendax et fabulis comta *Muhammedis historia* testatur. Non is videri vult, qui impietatem coram omni orbe erudito denudatam et bonis omnibus detestabilem refricare et pictam nouis coloribus vendere voluerit; sed se seriam pugnam initurum omnes athei copias, quasunque posset, produxisse in aciem ait, vt eo fortius refelleret. Non hoc negat, in summa euidencia posuisse ratiocinationes Spinozae, et comtiores ornatioresque dedisse, ipso auctore, tantaque fide in exponendis eius argumentis usum fuisse, vt euidencia quoque sophismata, quibus nixus est Spinoza, colore quo potuerit pinxerit, arteque, qua licebat, logica sustentauerit,

T t t t 2

eo

k) Opp. Phil. T. I. p. 596.

l) Diss. Franciscus Cuperus mala fide, aut ad

minimum frigide atheismum Spinozae oppugnans. Conf. quos nominat REISMANN. Hist. Atheismi S. III. c. 9. §. 18. p. 484.

eo quod crederet, nihil tantopere veritati in aperta luce collocandae prod-  
esse, quam si falsa lumina veris opponantur, vt pelli maiori cum gloria  
veritatis possint. Confidere autem se, non defuturum vel veritati vel  
prouidentiae, qui bonam causam agat, et totius systematis vanitatem de-  
monstret. Ast quid tandem dignum tanto promissor hiatu praestitit?  
Cupiebat is quidem, hanc sibi veritatis defensae, impietatisque euerfae glo-  
riam vindicare; ast et annorum ingrauescentium hebetudine et occupa-  
tionum ingenio suo magis conuenientium multitudine doctioribus hanc  
spartam ornandam relinquere coactus est, indirecte tamen eam se sustine-  
re, orando, vt qui maioribus ingenii neruis vtuntur, ad hanc operam  
praestandam se accingant. Quo an pestilentius et ad deridendam religio-  
nem atque pietatem omnem aptius quicquam dici queat, dubii haeremus.  
Fatemurque ipso Spinoza deteriore auctorem, librum venenatiorem vi-  
deri, quia non sterili argumentatione metaphysica, sed elegantibus ora-  
tionis luminibus vtitur, et, quod ipse fassus est, aperta sophismata ad de-  
cipiendum lectorem ita occultat, vt non nisi ab exercitato et attento di-  
gnosci queant. Summa autem totius dissertationis in eo versatur, vt de-  
monstret: vnam tantum dari substantiam, cuius definitione misere ludit  
et abutitur, passiones omnes fieri mechanice, et necessitatem quamdam  
mechanicam oeconomiam animalem inuoluere. Diu ineditus liber per  
manus curiosorum, quin et impiorum versatus est, et credi non potest,  
quam inuincibilem subtilitatem et conuellendorum fundamentorum reli-  
gionis naturalis et reuelatae aptitudinem atheismi Spinozistici patroni in eo  
praedicauerint. Ast vbi editus comparuit, apertum mox fuit, nihil ine-  
ptius, nihil luculentius, quod causam Spinozae euerat, excogitari po-  
tuisse. Obseruatum id acutissimo CVDWORTHII " interpreti: „Nihil  
„eo leuius, nihil imbecillius, magnos hiatus, nullam infinitarum rerum,  
„quarum tamen rationem oporteat eum reddere, cui Deus et religio cul-  
„tusque Dei displicet, explicationem, nihil simplex, apertum, probabi-  
„le, quodd in hominum sese sapientum animos insinuare suapte virtute  
„queat. Fabulam sibi visum esse legere, nec ingeniose inuentam, nec  
„scite dispositam, nec aptam inter se et connexam; visum esse sibi aliquid  
„Spinozam, quoties ethicam eius inspexerit, nam geometrarum leges,  
„quibus hunc alligauerit librum non modicam eius vitiorum partem oc-  
„cultare. At ingenioso eius interprete lecto, qui omnem videri velit  
„caliginem a magistri sui praeceptis abstersisse, ita ipsi sordere coepisse,  
„vt incredibile dictu sit. - - Omnia, quae sigillatim Baylius disciplinae  
„Spinozianae exprobrauerit, absurda et portentosa coniectaria, tam con-  
„cinne fluere ex ea, quemadmodum exponatur a Boulainuillierio, nihil  
„vt concinnius inde manare queat. Molestè tulisse amicos Spinozae,  
„flagitia eius et sententias mirabiliter foedas tam luculenter et perspicue  
„expositas et declaratas esse, itaque quo famae succurrerent hominis in-  
„scitiae

scitiae sibi arguendos duxisse, qui velum ipsi detraxerint: Dolere se magnum et perspicax Boulainuillierii ingenium, quod multo vtiliora et grauiora moliri potuisset, in nugis difficilibus explicandis, amplificandis et adornandis tantum studii ac operae consumfisse.“ Nihil in his verbis venerandum virum dedisse partis studio ipsa libri lectio ostendet, modo quis Scriptoris veneres et dictionis ambigua iucunditate ab accurata notionum et conceptuum meditatione auocantis illecebras seduci se non patiat, nihilque admittat, quod ambiguitate sua deludere possit. Idem de ABRAHAMO KVFAELERO dicendum, qui in *Specimine artis ratiocinandi* non contentus regulas logicas exhibuisse, metaphysicam quoque Spinozisticam tetigit, statuendo, mundi essentiam fuisse ab aeterno in essentia Dei comprehensam, et in aeternum in ea comprehensum etc. Addi his Spinozae affeculis solet IO. NORRISIVS. Anglus \*, qui tamen SOVVERAINIO \* fanaticissimi Platonici reus magis vilis est, tum infrunitus auctor vitae Philopatri, eiusque continuationis quem fuisse Aardum Wolsgryk, bibliopolam Amstelodamensem, eiusque impudentiam ergastulo correctam esse narrat IO. COLERVS \*. Nam non contentus religionem Christianam et oracula diuina sannis et cauillis incescere, viros quoque ecclesiasticos insulse traducere constituerat. His quos nominauimus ex recentissimae aetatis scriptoribus addi possunt Henricus Wirmarfius, quem in libro, quod *Chaos imaginarium, de Ortu mundi secundum veteres et recentiores philosophos*, inscripsit, et Spinozae, Santuoordio, Deurhofio, Leenhofio, oppositum esse contendit, reuera religionem naturalem euertere, ideoque gyrgatho conclusum poenas meruisse pluribus narrat cel. HEVMANNVS \*. Adderemus his Petrum Speethium ad Iudaeos deficientem et Cabbalisticum systema complexum, quem Spinozismi ideo integra tractatione accusauit eruditissimus WACHTERVS \*, nisi ex dictis suo loco constaret, discrimen intercedere inter systema Spinozisticum et Cabbalisticum. Meliori iure huc pertinere censentur anonymus auctor *Concordiae rationis et fidei, siue harmoniae philosophiae moralis et religionis Christianae*, quae *Amstelodami vel Berolini* potius anno MDCXCII prodiit, quemque fuisse FR. GVIL. HOSSIVM qui ab epistolis fuit electori Brandenburgico postea compertum est, cum haud leues motus impius libellus concitasset \*. Non recitabimus detestabile chaos ineptorum ac impiorum dogmatum, disci enim possunt a Ven. REIMMANNO \* qui plura de hoc libello dabit, qui totus ex atheorum diuerforum quisquiliis compilatus est: sed id tantummodo notamus; auctori Deum solum esse substantiam, hominem huius substantiae modum, mentem esse meliorem partem hominis, quae cogitat, constantem cere-

Abraham  
Kufaeler.

Io. Norrisius  
aliique.

T t t t 3 bro

n) Vid. Relat. innoc. 1704. p. 138. 207. seq.

o) Platonismi detecti P. I. c. 8. p. 75.

p) Vir. Spinozae p. 93.

q) Act. Phil. Vol. II. p. 120. seqq.

r) Spinozismus in Iudaismo, Amst. 1695.

s) Vid. Rel. innoc. 1707. p. 159.

t) l. c. c. 17. p. 312. Cat. bibl. p. 992.



bro et infinitis organis varie modificatis, affluxu et circulatione materiae subtilis, item diuersimode modificatae tam per organa cerebri, quam impulsu idearum, sensuum, obiectorum, leges naturales et diuinas proprie dictas non dari, Deum precibus non flecti, animam hominis sua natura non esse immortalem etc. Quae habuisse eum ex schola Spinozae, comparatio docebit, proditque, quae atheismi pestis in hoc scripto lateat, quod eum telis theologorum confossum munere deiecit. Huic adiicimus alterum nationis nostrae scriptorem, THEODORVM LVDOVICVM LAV, quondam Curlandiae ducis consiliarium aulicum; is enim anno MDCCXVII. Francofurti vulgavit, *Meditationes philosophicas de Deo, mundo et homine*, et *Freistadii*, vt habet titulus: *Meditationes, theses, dubia philosophica, theologica*; quibus libellis cum Spinozismi suspectus, vrbe Francofurto exire iuberetur, ad tuendam causam suam responsum ordinis Ictorum Halensium petendo, atheismi notam, ab eo, calamum commodante illustri Christiano Thomasio<sup>u</sup> retulit; quam tamen ignominiam alibi declinando, adhaerere se sanae doctrinae peculiari libello testatus est<sup>x</sup>; ex quo colligas, eum sibi interdum non satis constitisse. Ex Britannis IOANNEM TOLANDVM, hypothesium paradoxa singularitate et profana nouitate dudum famosum, cuius accuratam vitae enarrationem celeberrimo MOSHEMIO debemus, huc referri mirari quis possit, ipse enim in *Epistolarum ad Serenam*, quarta, virum eruditum summo erga Spinozam eiusue philosophiam amore flagrantem, reuocare, et nihil inesse certitudinis eius opinionibus demonstrare annititur: inque ea eousque processit, vt materiae non minus motum, quam extensionem conuenire, eamque nec vnquam fuisse, nec vilo modo intertem mortuamque aut in perfecto quietis statu esse posse diceret; quam quoque sententiam quinta epistola propugnauit, visus aeternitati mundi fauisse, IACOBO FAYO<sup>y</sup>. Ast effecit, vt albo huic inscriberetur liber, quem suspecta et insolita inscriptione, pantheisticon, insigniuit, profana impudentia plenum, quem Spinozisticae impietatis semina continere, affirmant, qui legerunt: pauca enim exemplaria tantum, more suo excudi curauit, vt hae naeniae carius emerentur, vt in vulganda versione profanae satyrae, quae *Bestiae triumphantis* titulum gerit, similiter fecit. Tandem et Hattemistarum noua apud Batauos secta huc referenda est, cuius notitiam fecit vir celeberrimus THEODORVS HASAEVS<sup>z</sup>. Quo tradente constat Pontianum ab Hattem, cum florenti aetate in academia Salmuriensi versaretur, omnium oculos in se conuertisse, suspicionemque concitauisse Spinozismi, eamque non male fundatam, cum Spinozae scripta nocturna diurnaue manu non contereret solum, sed et ea commilito-

nibus

u) Vid. THOMASII Causae iuridicae sacrae P. I. cas. 24. p. 233. seqq.

x) Extrat in Collectaneis ad Historiam criticam linguae Germ. Vol. IV. p. 136. seqq.

y) Def. Relig. Iud. P. I. c. 1. p. 4. c. 4. p. 26. c. 17. p. 90. Conf. CLARCKE de l'existence de Dieu P. I. c. 4. p. 35. c. 9. p. 83.

z) Mul. Brem. Vol. II. P. I. art. 8. p. 145. seqq.

ribus suis commendaret impense. Ad ministerium euangelii apud Philippiolandos promotum virus suum inter agri istius colonos primo clanculum, deinde apertius disseminare coepisse, Spinozae libros magnis efferendo laudibus, eius dogmata scripturae verbis incrustare gnarum, id tantum dolentem, non illum cum euangelio coepisse. Atque hoc ab eius affectis in eius laudibus positum fuisse, quod artem, Spinozismum clam hisque non animaduertentibus, animis hominum inlinuendi tenuerit. Prodiisse tandem in publicum vulgando catechismum, inque eo pestifera dogmata tradidisse. Examinaffe eum et classem istius agri, et theologos Lugdunenses atque Ultraiectenses, indeque factum, vt ad tempus aliquod ministerii functionibus illi interdiceretur. Cum vero egregium simulatorum fucum fecisse theologis Lugdunensibus, vt orthodoxiae testimonio ornaretur, eiusque auctoritate muneri restitueretur, sed pristina dogmata recoquendo, tandem post innumeras admonitiones munere suo exutum esse. Neque tamen sic potuisse compesci hominis proteruiam, sicut opus fuerit, a praepotentibus Belgii et Selandiae ordinibus eius libros, et doctrinae propagationem ac conuenticula prohiberi, quin Medioburgi scripta eius carnificis manu in publico theatro comburi. Eum autem in exercitationibus priuatis, mirifica hominum, etiam primi ordinis affluentia institutis indefessum, voce, literis, et artibus miris sectam condidisse, et ad finem vsque vitae in ea perseuerasse, qui anno MDCCVI contigit. Nec eum auctore sectam desuisse, sed noua indies incrementa fuisse. Restituisse tamen et doctorum zelum et magistratuum curam, licet tota extirpari nequiverit. Tanti scilicet impiae nugae hominibus ineptis, et mentis vanae cupiditates sequentibus vaeneunt!

§. XIII. Restat altera eruditorum classis, quam Spinozismi quidem accusatam, non vero legitime conuictam, et consequentiis magis quam dogmatum professione nefariam doctrinam recepisse visam esse diximus. In qua primo loco ponimus ARNOLDVM GEVLINXIVM, Belgam. Qui positus Louanii literarum et philosophiae rudimentis summos in philosophia et arte salutari honores nactus est, docendi quoque muneri admotus; postea naufragium passus, cum Lugdunum Batavorum peruenisset, ab Abrahamo Heidano domum suam receptus est, donec publicam philosophiae tradendae prouinciam aegre obtineret, in qua anno MDCCLXIV decessit <sup>a</sup>. Famam is eo tempore, quo Cartesianismus in Belgio foederato florebat, sibi comparauit, non tam *Logicae fundamentis suis a quibus haecenus collapsa fuerat, restituta*, ea enim licet mathematicorum methodo praecipiat, magis tamen Aristotelica est, quam eclectica <sup>b</sup>: Quam vulgata *Erbica*, quam γυνῶσι σεαυτὸν appellauit. Eam omnibus suis partibus in lucem editam et tam seculi huius, quam atheorum quorundam philosophorum impietati scelestisque moribus, quam

*Viri eruditi  
Spinozismi  
suspecti.*

*Arnoldus  
Geulincxius.*

<sup>a</sup>) Vid. REIMANN. Hist. lit. Germ. P. IV. p. 609.

<sup>b</sup>) Conf. STOLLIVS Hist. lit. P. II. t. 2. §. 37. p. 459.

quam specioso ut plurimum virtutis praetextu larvatis oppositam deus edidit PHILARETVS pseudonymus, adiecto CORNELII BONTEKOB libello *de Passionibus animae*, Amstelodami MDCCXCVI. Locum celebri et acuto scriptori, ast difficili et obscuro inter Spinozae assecclas, fecit; suppositum doctrinae morali systema causarum occasionalium. In eo enim est, ut non sine ingenio demonstret; non modo motum in corpore cieri nos non posse, sed et nihil extra nos facere, alium vero animare actionem nostram, cum extra nos dimanet, et vim ei ac pondus impartiri: eundem terminos posuisse, ultra quos eam efferre non constituerit. Esse igitur nos nudos speculatores huius machinae, inque ea nihil fingere vel refingere, totum id alterius cuiusdam opus esse. Hincque agnoscendum, nec actionem nostram ad res huius mundi, nec actiones istarum rerum ad nos pertinere, sed alterius vim et industriam subesse, idque Numen praestare, nudos itaque nos huius mundi contemplatores esse, spectatores in hac scena, non actores, id quod speciem mundi in nos et mentem nostram subuehat, Numen esse; illud nos in hoc statu collocasse et huc misisse, iubens hic manere, donec reuocaret. Ex his suppositis sequens systema extruit; I. In hoc mundo nos extra nos nihil agere posse. II. Omnem actionem nostram, quatenus nostra est, intra nos manere. III. Eam vi diuina aliquando extra nos diffundi. IV. Eatenus vero non esse nostram actionem, sed DEI. V. diffundi autem et quantum Deo videtur, secundum leges ab eo liberrime constitutas, VI. tantummodo spectare nos hunc mundum; VII. ipsum tamen mundum se non nobis spectandum exhibere, VIII. Solum Deum nobis exhibere id spectaculum, IX. idque modo ineffabili, X. posse nos ab isto spectaculo euelli, et ex hoc mundo eripi. XI. Illam ereptionem, s. mortem nos timere, XII. tum quia assueti sumus rebus corporeis, tum quia scimus, rationem, quae reddenda est non bene nobis constare. Ex hoc systemate inspectionis sui officia seu obligationes omnes deriuat, ut euocanti ex vita Deo libentes pareamus, non euocati iniussu de statione non decedamus, si enim nos interficiamus, non nos facere sed Deum abigentem nos hinc non quo volumus, sed quo ille nefarios constituit: ut reficiamus corpus moderate, addiscamus artem, eique vacemus, multa faciamus, multa patiamur, quo vitae cursum seruemus, remittamus interdum animum; nauitatem nostram non detestemur, &c. et haec ita complectitur omnia, ut iubeat firmiter animum nostrum inducere, eorum quae agimus, aut agere omittimus, ad felicitatem nostram nihil, ad obligationem omnia referre: ac ita sustinere animum et refrenare, ita coercere intra gyrum suarum obligationum, ut transillire et efferre se in desideria ac vota suae gloriae felicitatisque non possit, sicque nihil faciendum esse ob beatitudinem nostram, sed ob obedientiam Deo praestandam, &c. Haec fabula illa est, quam miro artificio instruit nequitque Goulincxius. Valde illa displicuit theologis et philo-

philosophis, cum nec agere nos quicquam, et absolutae rigidaeque Dei voluntati necessario parendum, nec felicitatem sperandam quaerendam fuisse inter prima principia referatur. Ita enim Spinozam quoque praecepisse, et amice haec cum eo conspirare contenderunt. Quo in cuneo vrgendo industriam suam exercuit RYARDVS ANDALA. Is enim non modo inter Cartesianismi corruptores Geulincxium quoque ob systema causarum occasionalium retulit, sed et Spinozismi suspectum reddere connisus est, edito *Examine ethicae Geulincxii*, in quam sententiam quoque concessit CHR. THOMASIVS <sup>d</sup>. Idem itaque Geulincxio accidit, quod Mallebranchio, quem Spinozistarum catalogum auxisse ob idem systema electum, et assertam extensionem intelligibilem in Deo, supra memorauimus. Fallimur autem, aut iniuria fit Geulincxio. Licet enim satis paradoxum, et, si verum dicendum, nec verisimile, nec satis pium eius systema videatur, nondum tamen Spinozae concinisse dici ideo potest, qui inter Deum et mundum et animam, essentiale discrimen agnoscit. Valde autem eius ethica similis est Stoicae, quam tamen vehementer contemnit <sup>e</sup>, forte, ne pateat, vnde sua hauserit. Quae itaque de Stoicis Spinozismi suspectis dici possunt, vel non possunt, quod suo loco notatum, etiam ad Geulincxium pertinet.

§. XIV. Auxisse indicem Spinozae affectuum, non tamen eius con- *Spinocismi*  
uictum Ioannem Bredenburgium, supra diximus. Quae enim contra eum *suspecti alii*.  
disputat Orobio, ex male intellectis eius assertionibus videntur profluxisse. Sed et Balthasarem Bekkerum in hunc censum venisse, infra dicemus. Idem fatum contigit GVILELMO DEVRHOFIO; qui tamen acerrime et fortissime Spinozae contradixisse COLERO <sup>f</sup> visus est. Nempe arguebat Deurhofius Reformatos Spinozismi ob decretum absolutum; cum autem statueret, vnicum tantummodo esse intellectum, siue substantiam intelligentem, in omnibus hominibus, adeoque animas Petri, Paulique, non vt spiritus speciales, sed vt modos vniuersalis animae cogitantis considerandas esse, Spinozismi quoque eum Taco Haio van den Honert postulauit. Quae thesis, modo ita intellexerit Deurhofius, non Spinozae est, sed Aristotelis, Auerrois, aliorumque, qui intellectum vniuersalem in crustarunt. Eandem dicam sibi scribi expertus est FRANCISCVS BVRMANNVS, eum enim Spinozismi reum esse contendit PHILIPPVS LIMBORCHIVS <sup>g</sup>. Quem cum defendisset Io. VAN DER WAYEN <sup>h</sup>, iterata scriptione accusationem hanc ille repetiit, Wayeno in suspicionem criminis <sup>i</sup> adducti. Qui tamen nec tacuit ipse <sup>k</sup>, nec tacere Burmannos passus est, edidit enim filius *Pietatem Burmannorum*, in qua hanc

d) Cautel. c. XIX. §. 33. not. y.

e) p. 163. seqq. non libertati Stoicae indignatur, ignarus obedientiam suam passiuam idem significare.

f) loc. cit.

g) Theol. Christ. L. II. c. 15. §. 8. p. 39.

h) De *ἀδυναμία* adu. Clericum p. 178.

i) In Defens. contra crimin. Io. van der Wayen.

k) Pec. discussione edita.

hanc maculam a parente absterfit. Causa autem in eo versabatur, quod Burmannus Spinozae verba exscripsisset. Id quod fieri potuit, ut a Limborchio demonstratum, licet sensus Spinozianos refugeret, nec cum illo faceret. Idem WITTICHIUS, theologis celeberrimis euenisse illis ignotum non est, qui sacram, Belgii foederati historiam norunt. Nam Christophorum Wittichium in Spinozismi suspicionem *ἐκοντα ἄκοντα* adduxit, futilis scriptor *Vitae Philopatri*, quem aequior iudex absoluit, Io. COLERVS, et Iacobum Wittichium philosophiae et matheseos professorem in academia Duisburgensi, similiter nigro lapillo isto notatum fuisse ab Antonio Driessenio, theologiae professore Groeningano adductis scriptis eristicis enarrant auctores *Bibliothecae theologiae Bremensis* <sup>1</sup>. Asseuerat enim Wittichius: materiam necessario explicari debere per attributum, quod aeternam et infinitam essentiam exprimat. Melius autem sensisse, quam fuisse locutum omnino verisimile est. Tandem et his eruditissimum Wachterum addimus, cui in Spinozismi macula inurenda valde grauis fuit cel. REIMANNVS <sup>m</sup>. Supra autem, quae mens viri doctissimi de Spinoza sit, cum iam explicauerimus, dicta otiose non repetimus. Monendum tamen existimamus, id ipsum dogma, quod ex scriptis nondum editis illi obiicitur: de Adam Kadmon siue primogenito, naturaque inter Deum et mundum media tale esse, ut, licet ipsi clarissimo viro aliter videatur, nunquam cum Spinozae systemate comparari possit; est enim totum Cabbalisticum. Nam Spinoza naturam inter Deum et mundum mediam, et emanatum primogenitum ex Deo egressum ad producendas emanationes, siue mundos, plane ignorat, est enim ei Deus causa mundi immanens, non transiens, id quod ad primogenitum Cabbalistarum non quadrat. Possent his addi plures, et imprimis quae recentissima aetate Leibnizio et Wolfio obiecta sunt, nisi alium illa locum postulerent. Erudite duumuiros hos ab hac labe immunes demonstrauisse cel. Gottschedium supra iam tradidimus.

*Psychologiae  
recentioris  
fata.*

§. XV. Post Deum non nobilior in pneumatologia metaphysicae iuncta argumentum occurrit, quam quod de anima tractat, et speciali nomine psychologia dicitur. Et rationibus quidem haud vanis statuendum esset, non dari posse de eo magnum inter philosophos dissensum, cum anima, sui ipsius intime conscia sit, et ad hanc conscientiam reflexionis auxilio quemlibet recurrere posse sit manifestissimum. Ast in nullo fere argumento luculentius se prodit mortalium ignorantia et intellectus nostri angustia <sup>n</sup>; cuius manifestissima specimina sunt innumerae quaestiones et controuersiae de animae origine, natura, immortalitate, immaterialitate, propagatione, facultatibus, commercio et vnione cum corpore, actionibus et passionibus, sede, statu, loco, poena et praemio post mortem, de

1) Fasc. V. n. 7. p. 550. seqq.

m) Hist. Atheismi J. c. p. 514. fqq.

n) Conf. Cel. HOLLMANNI Diss. de Suspensio naturae mysterio: Anima humana sibi met ignota.

de anima vniuersali, mundique, de migratione post mortem, et capitibus aliis. Non de his quaestionibus nudius tertius demum disputatum est, sed omnibus fere seculis philosophos ambiguam disputationis materiam suspensos tenuisse, ex enarrata hactenus philosophiae historia constat, in qua, quid de his argumentis statuerint philosophi, diligenter annotauimus. Possent illis multa addi, cum in diuersissimas coniecturas, vt in re obscura fieri solet, discesserint, viri docti, si specialis huius disciplinae historia scribenda esset. Quae cum locum heic non capiat, pauca tantum adducimus, recentiori aetate, praeter ea, quae iam supra copiose enarrata sunt, controuersis philosophorum agitata. Et primo quidem, licet ingens inter corporis machinam et animae naturam discrimen intercedere intima, quae nobis adest experientia, nostrique conscientia testetur, fuerunt tamen, qui veterem Stratonis sententiam reuocantes, materialem esse animam, vimque atque operationem vitalem, quae materiae inest, constituere, asseruerunt. Hos materialistas dicere, barbaro vocabulo, moris est. Reipsa in his castris militauisse Hobbesium et Spinozam, facile ex supra dictis de eorum systemate constare potest. Peculiaris tamen scriptionis labore euincere id conatus est GVIL. COWARDVS medicus Londinensis. Is cum omnem spiritum creatum materialem esse statueret, idem de anima non affirmare non potuit. Edidit itaque *Cogitationes posteriores de anima*, in quibus reiecta immaterialitate animae, eam tantum esse subtilem aliquem ignem materialem, eamque cum vita corporis eandem virtutem constituere, magno molimine defendere nititur. Ita vero immortalitatem animae quoque negare oportebat, quia cum vita corporis illa vis necessario cessat, quam in resurrectione cum corporis vita demum adfore iterum statuit. Opposuit inepto dogmati *Psychologiam*, siue *Tractatum de natura animae rationalis* IOANNES BROUGHTONVS, sed defendit id tamen, et aliter sentientes imposturae accusauit COWARDVS in *Vindicatione rationis et religionis contra imposturas philosophiae*. Neque ab errore pernicioso ab Afshetono, Lesleyo, Menardo aliisque, qui scriptis eum impugnaverunt reuocari potuit, sed postea quoque noua inquisitione veteris dogmatis veritatem se inuenisse videri voluit. In eundem fere censum referendus esset Henricus Dodwellus, cui ipsi quoque anima mortalis visa est, nisi is, suspectis antiquitatis ecclesiasticae praesidiis quae gentilis philosophia genuit suffultus, immortalitatem ex Spiritu S. in baptismo collato deriuasset, et hoc ipso totam, quae illi ideo mota est controuersiam, ad aliam arenam traduxisset.

V v v v 2

set.

o) Solent quoque suo modo huc referri, qui statuunt, naturae materiae cogitationes non repugnare, quod placuit LOCKIO de Int. human. L. IV. c. 3. §. 6. et in Coll. of the several pieces, in Ep. ad Collin. tum P. BAYLE in Ep. ad Ancillon. de 109 rationalibus POIRRETI, et olim B. BVDDEI El. Phil. theor. P. I. c. 5. §. 28. P. VI. c. 1. §. 3. RVDIGERO in Cogit. de anima nat. con-

tra Wolf. p. 23. et suo modo SYRABVS Phil. prim. P. II. c. 1. §. 9. p. m. 361.

p) Conf. GRAEVS Theol. rec. controu. P. II. p. 68. q) Londin. 1703.

\*) Vid. Rel. innoe. 1703. p. 653. 1704. p. 353. 1707. p. 745. Act. Erud. 1707. Aug. p. 352. BVDDEVS Thes. de Atheismo c. 3. p. 236. GRAEVS l. c. c. 4. q. 2. p. 104. seq.

set <sup>r</sup>. Inter Germanos eandem sententiam inter se viri duo docti, quorum *ἀντίμαχος* *Commercium epistolicum familiare, de natura et essentia animae prodiit* <sup>s</sup> reciprocant, Bucherus, qui pro immaterialitate animae stetit, et Hocheisenius, qui contrarium assertum iuit. Neque tamen vel hi, vel Cowardus attulisse visi sunt, quod momentum haberet, quodque non contraria multa et se plane euerterentia complecteretur. Unde censuit nonnemo <sup>t</sup>, iudicio accurato usus, *ita eos in hac sententia probanda versatos esse, ut rei istius impossibilitatem lectori non plane rudi, rerumque physicarum ignaro, omnibus suis studiose conquisitis argumentationibus longe facilius, quam qualemcumque eiusdem possibilitatem persuaferint.* Subtiliori et intricatiori disquisitione de facultatibus animae disputatum est, ut ex iis colligere licet, quae inter dogmata Cartesii, Hobbessii, Leibnizii, Thomasi aliorumque de hoc argumento attulimus. Maxime vero de libertate animae, et qua ratione vel intellectui vel voluntati tribui possit, in qua re constat, quae spontaneitatis, quae libertatis externae et internae ratio sit, deque similibus disputatum est, praesertim postquam natura commercii, quod inter animam et corpus intercedit subtilius examinari coepisset. De quo argumento inter Anglos Guillemus Kingius, et Ioannes Lockius, et nuper Samuel Clarckius, extra Insulam G. G. Leibnizius, Ioannes la Placette, alique adducti a FABRICIO <sup>u</sup> disputauerunt. Maxime recentissima aetate inter controuersias Wolfianas, de hoc argumento miris animorum commotionibus disputatum est, cum euertere hypotheses Leibnizio-Wolfianas libertatem voluntatis obiceretur, qua de re quid pro his partibus disputauerint illustri BERN. BVLFINGERVS <sup>x</sup>, et ven. FRID. WAGNERVS <sup>y</sup>, potissimum expendendum est. Fatendum autem, post tot disceptationes obscuram haecenus et fluctuantem esse philosophorum de libertate mentis cognitionem, etsi dari illam necessario contra Hobbesium fatalem quandam necessitatem introducentem, multi haud infeliciter pugnaverint. Quorum nomina ex parte in historia Hobbessii et Leibnizii allegauimus. Auxerunt has difficultates illi, qui naturalem animo diuinandi facultatem tribuerunt, si verum tamen fatendum, multum contentionis de voce disseminauerunt. Qua de quaestione cum erudita tractatione egerit B. BVDDEVS <sup>z</sup>, illius, dissertatio ipsa legenda est. Referri porro huc illi quoque possunt, qui tres hominis partes constituendo, spiritum siue mentem ab anima distinxerunt. Hoc imprimis factum a Platonico-Cabbalisticis, theosophicis, Mosaicis, et qui illorum vestigia premunt, Christiano Thomasio et Andrea

<sup>r</sup>) Scriptores de hac controuersia fufe enarrat GRAPIVS l. c. p. 105. seqq.

<sup>s</sup>) Zweyer guten Freunde vertrauter Briefwechsel vom Wesen der Seelen 1713. 1721.

<sup>t</sup>) HOLLMANNVS Theol. nat. c. 2. §. 40. p. 104.

<sup>u</sup>) Syll. Script. de V. R. C. p. 397. Conf. Bibl. raisonnée T. IV. P. II. p. 458.

<sup>x</sup>) In Dilucidat. phil. §. 302. seqq.

<sup>y</sup>) Pec. tr. vernaculo, de vera notione libertatis voluntatis humanae, Berol. 1730. 8.

<sup>z</sup>) Diff. an naturali homo polleat vaticinandi facultate.



drea Rudigero. Quos omnes cum suo loco excitauerimus, heic, ubi alia agenda sunt, iterum prouocare nolumus. Difficillimum autem problema, semper philosophi visum est, quod de ortu animae disputat. In quascunque enim partes se philosophi verterunt, insuperabiles difficultates inuentae sunt. Et Scholastici quidem atque Aristotelici, e materia eam educi statuebant; quod cum inepto formarum dogmate nitatur, placere prudentioribus non potuit. Complures autem et hi quidem haud obscurae famae viri, ad parentes ignotum producendae animae opus retulerunt, et propagari animam transmittique cum semine in corpus infantis per traducem quandam statuerunt. Quas partes magna diligentia ornauit schola Sennertiana, et qui ex ea prodiit, et hanc causam acriter defendit Ioannes Sperlingius: quamuis de modo operis occulti inter se in partes discesserint. Ast innumeris obiectionibus et difficultatibus pressi sunt ab aduersariis traducis patroni, qui monuerunt, hoc pacto aut creari liberorum animas a parentibus, aut generari; illud homini impossibile, hoc contradictorium esse, et diuisibilem atque compositam animae naturam inferri. Vnde hi quidem ad creationem animarum confugerunt, et a Deo corporibus in actu generationis immitti statuerunt. Quae sententia ab altera parte ex propagatione peccaminosa, quae animae a conceptione hominis inest, euertitur, cum in sanctitatem creatoris, ipsamque veritatem coelestem in sacris oraculis reuelatam peccet. Et hinc audita seculo XVII in scholis theologorum et philosophorum Traducianorum et Creatianorum nomina, a quibus induciani distinguebantur, qui e coelis, vel astris aliove ex loco induci in corpora animas statuebant. Inde ad praeexistentiam animarum, in creatione simul conditarum, vel in certo loco existentium, vel in corporum flaminibus, aut in animalculis seminalibus latentium alii confugerunt, diuerso tamen omnes sensu, et prius quidem Platonicos sequentibus placuit, et H. MORO <sup>a</sup>, posterius LEIBNIZIO <sup>b</sup>, vt supra dictum, et suo modo, qui alium animae ortus per praeexistentiam modum excogitauit IO. ANDREAE PLANERO <sup>c</sup>. Similis difficultatis aenigma esse vnionem inter animae et corpus intercedentem, et vtriusque commercium ex illis, quae in historia Cartesii et Leibnizii tradidimus, abunde constat. Quibus locis cum ostenderimus, qua ratione vel ex systemate influxus, vel ex systemate assistentiae, itemque causarum occasionalium, vel ex systemate harmoniae praestabilitae difficultates tollere philosophi annisi sint, decantatissimam controuersiam pluribus hoc loco enarrare superfedemus. Quodcunque vero eligamus, semper inextricabilibus difficultatibus implicamur, quae, nisi nos omnia fallunt in re, nobis ex intima conscientia nota, luculenter probant, nebulas nondum esse istis hypothesebus dispulsas, et tutissime agere, qui ad humanae mentis ignorantiam et angustos cognitionis li-

V v v 3

mites

a) Opp. phil. T. II. p. 365.

b) Conf. HANSEN. Princ. Phil. Leibn. p. 176.

c) In nous de animae humanae propagatione

sententia, Viteb. 1712. conf. quae de hoc philosopho eiusque opinione diximus in Germ. Hist. phil. Opere T. VII. p. 859.



mites confugiunt. Cuius hunc usum esse posse, recte monet cel. HOLL-  
MANNVS “, „vt agnoscamus, stupendo conditos nos esse artificio, ne-  
„que sine potentia, viribus omnibus humanis longe superiori potuisse fie-  
„ri, vt subiectum eiusmodi cogitans et intelligens, inque infinitarum re-  
„rum naturam curatissime inquirens, quale anima quidem nostra est, cor-  
„poris machinam eiusdemque artus singulos varie, pro arbitrio suo mo-  
„ueat, inflectat dirigatque, motibusque corporeis ita iterum afficiatur, vt  
„res extra se positas varia ratione persentiscat, illarumque imagines intra  
„sinum quasi suum recipiat, nec tamen quomodo vel ipsa corpus afficiat,  
„vel a corpore iterum afficiatur, quomodocunque intelligat.“ Nempe  
ita summum et sapientissimum tantorum operum conditorem ex hac ani-  
mae nostrae de se ipsa ignorantia agnoscere, haud exigua pars sapientiae  
est. Quam qui sibi metam ponunt, lumine sane inter tenebras vti sunt  
censendi.

*Pneumatolo-  
giae specialis  
fata recen-  
tiora.*

§. XVI. Restant spiritus separatim existentes et immateriales sub-  
stantiae: quod argumentum eo intricatius deprehenditur, quo certius est,  
nihil a priori, quod dicunt, nobis innotescere, licet certum et euidens  
sit, et posse esse spiritus immateriales separatosque a corpore, et non ab  
omni plane verisimilitudine, ex regni diuini amplitudine et pulchritudine  
desumpta, id esse remotum. Tota tamen, quae de existentia eorum,  
versari inter eruditos solet, quaestio ad traditionem et fidem historicam  
redit, quae ab vltima aetate et canis nascentis fere mundi temporibus or-  
bem peruagata est, et ex omnium fere locorum, temporumque relatione  
tandem in dogma vbiuis locorum receptum, et inter barbaras et ab omni  
fictionis artificio remotas gentes non minus, quam inter cultiores popu-  
los admissum cessit. Qui vniuersalis consensus, licet pro praeiudicio vni-  
uersali haberi sine manifesta contradictione non possit, adeoque liceat  
eum pro existentia spirituum separatorum allegari, fatendum tamen, si  
candide agere velimus, pleraque quae de spiritibus his traduntur, talia  
esse, vt ex barbararum gentium lacunis hausta, et innumeris erroribus  
repleta videri queant. Quamuis enim Hebraeae gentis traditio, quae  
omnium antiquissima est, nonnulla exhibeat sacris paginis comprehensa,  
pauca tamen ea sunt, et quae aliae gentes affuerunt, innumera, et ita se  
habentia, vt qui nasum habent, facile illis suboleat, multa ignorantiam  
rerum naturalium, multa sensuum imbecillitatem, multa timorem et su-  
perstitionem, multa fraudes quoque hominum vafro-um, et simplicitate  
plebis ad augendam auctoritatem et vtilitatem suam abutentium, nonnulla  
methodum allegoricam orientalis philosophiae, haud pauca quoque syste-  
ma emanatium, per omnem Orientem, Aegyptumque diffusum genuisse.  
Quae vbi probe ponderantur, facile nobis non monentibus cautus et at-  
tentus quilibet intelligit, quanta sobrietate et praeiudiciorum antiquitatis,  
auctoritatis, hypotheseos, praecipitantiae, superstitionis et similium ei-  
ratione

ratione opus sit, si in hoc argumento feliciter versari quis velit. Vnde non sine insigni intellectus humani emolumento optandum esset, ut vir quidam doctus, et ad haec, quae obiter tetigimus argumenta, sine ullo partis studio attentus, in origines huius traditionis, variamque propagationem et augmenta ex variis causis inter omnes populos inquireret, ut inde turbidae, quae hactenus de hoc argumento apparuerunt lacunae, ad limpidiores fontes deducerentur, haberetque intellectus humanus, ex quo de verisimilitudine veritatisque certitudine, vel falsitate specioso titulo imponente esset statuendum. Quae enim de hoc argumento scripta sunt, licet sint innumera, et varia eruditione referta, ordine tamen carent et luminibus atque ratiocinatione iusta, adeoque nec pro asserenda hac doctrina nec ad eam refellendam ita adhiberi possunt, ut intellectui, ex utraque parte a peccando sibi cauendi fiat satis. Quae itaque recentiori aetate de angelis eorumque apparitione, de spectris, de sagis et incantationibus, de pacto cum infernali genio et similibus quaestionibus vehementer disputata sunt, hoc loco recensere non licet, nec etiam libet, eo quod incerta et ambigua disputationis arena ita de hoc argumento pugnatum est, ut quid potissimum *definiendum* sit, adhibitis legitimae ratiocinationis regulis, anceps haereat cautus animus. Legendi autem sunt, qui pro experientia omnium locorum, temporum, hominum, infinitis fere exemplis in medium adductis pugnaverunt, inter quos eminent, Ludouici Lauateri, Lamberti Danaei, Ioannis Bodini, Mart. Ant. Delrionis, Iosephi Glanvili, Theophili Spizelii, Richardi Baxteri, Petri Goldschmидii, Erasmi Francisci, Ioannis Beaumontii aliorumque nomina, et cum his comparandi, qui innumeras fallacias, imposturas, fraudes, artificia, praecipitantias, errores, in his exemplis inuenerunt atque detexerunt, in quo saxo voluendo post Pomponatium eiusque scholam, non minoribus tamen ineptiis desipientem, et Ioannem Wierum, recentissima aetate Ioannes Wagstaffius, Ioannes Websterus, Antonius van Dale, Fr. Hutchinsonius, Christianus Thomafius, et anonymi haud pauci ex huius schola progressi, multum defudarunt. Qui quoque origines harum traditionum detegere conati, in diuersas sententias abierunt, hoc loco non enarrandas. Id itaque vnum notamus, systema orientale, quod ex Zoroastriano enatum, se deinde ad varias gentes diffudit, maxime vero in Aegypto nouam philosophiam genuit, de spiritibus ex summo fonte emanantibus valde sollicitum, haud pauca huius traditionis capita genuisse, quae cum ab Alexandrinis ob causas suo loco proditas essent intra philosophiae Graecanae sequioris cancellos recepta, tandem in ecclesiam Christianam irreperunt, et vetustissimae gentis Hebraeae traditioni, simplici et purae, innumera affuerunt impura et ineptias olentia. Quae castigare, remque omnem ad suos fontes reuocare nemo maiori eruditionis apparatu et euentus atque factorum strepitu conatus est, quam Balthasar Bekkerus, cuius controuersia ideo strictim enarranda est.

Vita et con-  
trouersia  
Balth. Bek-  
keri.

§. XVII. Editus est in lucem BALTHASAR BEKKERVS XIII. Cal. April. anni MDCXXXIV, in agro Frisiae occidentalis, patre pastore pagi Metslawier. Qui cum in filio ingenium studiis aptissimum et mature hauriendis feliciter disciplinarum seminibus commodissimum obseruasset, omni cura in id incubuit, vt agrum natura fertilem propria industria excoleret. Itaque non rudimentis tantum Graecae et Latinae linguae sed humanitatis etiam studiis a patre initiatus, et ad decimum sextum aetatis annum magna cura institutus est. Ita praeparatum literis propaedeuticis anno MDCL in academiam Franequeranam dimisit, vt feueriorum scientiarum stadium ingrederetur. Quo loco cum praeter alios mathematicarum disciplinarum peritia excelleret Bernardus Fullenius, isque imprimis fideralis scientiae amore flagraret, egregie sub hoc doctore profecit. Tum ad academiam Groeninganam conuersus Samuelem Marefium et Iacobum Altingium praeceptores nactus est, cumque hic non institutione modo, sed et conuersatione inter interiores admissionis discipulos illi locum faceret, eius eruditione philologica, qua eminebat, in linguarum orientalium studio profectus nactus est laetissimos. Inualescere tum in academiis Batauis coeperat philosophia Cartesiana, quae cum magnam admirationem esset consecuta, haud perfunctorie in ea versatus est. Nondum autem curriculum studiorum academicorum absoluerat, cum ad subeundam ministerii ecclesiastici prouinciam in agro Franequerano anno MDCLV vocaretur, quo tempore iam primas de infernalis spiritus operatione cogitationes concepissee dicitur. Decennium in eo munere versatus anno MDCLXV in academia Franequerana summos in theologia honores, et quidem magno eruditorum applausu ob eximiam doctrinam consecutus est. Et tum praeceptoris sui, Fullenii filiam vnicam vxorem duxit, quae eum binis natabus, filio vno, Io. Henrico, paternae postea eruditionis haerede, parentem fecit. Magnis animorum motibus et inaudito feroore tum agitabantur in Belgio foederato controuersiae Cartesianae, et impietatis atque horrendorum errorum infimulabantur theologi, Cartesiana placita sequentes. His litibus licet se miscere nollet Bekkerus, - ita vt partem eligeret, pati tamen non potuit, iniquis criminationibus animos fratrum disiungi, cum crederet, non tam malam esse philosophiam Cartesianam, quam eius aduersarii clamarent. Vt ergo meliora eos edoceret, edidit *Candidam et sinceram admonitionem de philosophia Cartesiana*.

e) Vitam et historiam Bekkeri maxime illustraverunt V. Cel. MICH. LILIENTHAL, cuius inter Selecta literaria, extrat art. II, obseruatio de Balthasare Bekkero, in qua ex *αὐτοβιογραφία* eius historia vsque ad Mundi fascinati editionem enarratur. Alteram vero partem exsecutus est, qui etiam Regiomontum ornauit GVIL. HENRICVS BECKHEAVE, in schediasmate critico literario, de Controuersiis praecipuis Balthasari Bekkero ob librum, cui titulum fecit, *Die bezauerte Welt*, quondam motis, adiecta in fine farragine aucto-

rum, qui vel Bekkeri scriptum refutarunt, vel assellarum more illud asseruerunt. In qua elegantia translatione ex fontibus genuinis cuncta copiose enarrata sunt. Ceterum res eius multi quoque alii tetigerunt, praecipue BENTHAM, in Statu Eccl. et Schol. Bat. P. II. c. 1. p. 114. BUDDIVS lfig. p. 281. KETTERER, Diff. de duobus impostoribus B. de Spinoza et B. Bekkero, et qui vitam eius luculenter enarrauit NICERON. Memoires de literat. T. XXX. p. 175.

*sana*, ita moderate scriptam, vt non displiceret Marefio, licet vehementer ei inlenso. Nec tamen id ferendum esse iudicauit Ioannes van der Wayen, tum quidem Anti-Cartesianorum partibus adhuc addictus, quas tamen postea ipse reliquit <sup>f</sup>, ideoque admonitioni illi more suo respondit. Quae prima animorum contra Bekkerum exulceratio mox alteram peperit, cuius occasionem dedit vulgata a Bekkero *Explicatio catechismi Heidelbergensis*. Hoc enim schediasmate dissidiis odiisque, quae inter Marefium et Altingium flagrabant, implicitus est. Equidem Marefius, cui libellus valde displicuit, concitatis in Bekkerum aliis, Classẽ Groeningensem sua auctoritate permouit, vt pro suspecto errorum et doctrinae non in omnibus sanae libellum haberent declararentque, effecit quoque vt in Frisiae synodo liber reprehensionem et emendationem pateretur. Conspirauerunt quoque in eo obelo theologico confodiendo facultates, quas vocant theologiae academiarum Franequeranae, Harderouicianae, et Ultraeclinae. Et a Cartesianis quidem theologis liber valde laudatus est: ast suspectorum laudes parum dissentientes commouerunt. Ipse Bekkerus scripta apologia Marefio mascule, se opposuit, quod ita in furorem egit feruidi ingenii virum, vt et fisco addici publico eam apologiam curaret, et magna vehementia refutaret, nec deseruerunt Marefium alii huius factionis theologi, quibus modeste quidem ast magno animo et non sine acumine Bekkerus respondit. Tandem synodo frustra in hoc negotio laborante, illud ad praepotentes Belgii foederati ordines delatum, et horum auctoritate sonante campana publica praeconis voce liber Bekkerianus proscriptus est, ipso auctoris affine, consule Franequerano sententiam ordinum exsequente. Qua seueritate ita fractus est Bekkeri animus, vt muneri Franequerano se abdicaret, et aliud rusticanum in vico Loenen, vastato tum a Gallis, qui prope Amstelodamo aberat, adiret, ratus in hoc angulo tutius se a persecutione latere posse. Biennio post tamen, Vespam, quod oppidum est, Amstelodamo vicinum, vocatus est, spesque erat, fore, vt mature ministerio Amstelodamensi adscriberetur: quod tamen impediuit ex eius membris Laurentius Homma, suspectum eum esse heterodoxiae causatus. Fauentibus vero et pro eo rem vrgentibus nonnullis Cocceianis, institutoque colloquio inter Bekkerum et Hommam, quo ille suam fidei integritatem et puritatem demonstrauit, anno MDCLXXIX Amstelodamum ad subeunda ecclesiae ministeria vocatus est. Quo loco etsi, tot aduersitatibus iam iactatus, caute agere debuisset, ne pacem atque tranquillitatem suam noua suspicionum occasione turbaret, philosophiae amor tamen perucit, vt anno MDCLXXX, quo insignis magnitudinis cometa apparuit, schediasmate philosophico demonstraret, nihil ab eo, velut naturali corpore, mali metuendum esse. Qua

commen-

<sup>f</sup>) Meretur hic conferri Ven, LILIENTHAL l.c. p.30. not.18. lucem enim quandam controuer-  
siis Cartesianis affert.

commentatione cum temeritatem atque leuitatem quandam fouere voluisse videretur, aliquot inde libelli eristici enati sunt. Nec destitit tunc Cartesianorum et Cocceianorum partes iuuare, edita *Epistola de SPANHEMII Schediasmate epistolico, de nouissimis circa res sacras in Belgio diffidiis* <sup>f</sup>. HORNII quoque *Historiae ecclesiasticae* tunc supplementum adiecit <sup>z</sup>, et in Danielelem commentatus est, quo labore suscepto se primas fascinati mundi cogitationes concepisse fatetur, in quo tamen commentario vestigium eius rei nullum comparere testatur, Ven. LILIEN-THALIVS <sup>b</sup>. Postquam autem diu foetum hunc, quem mature concepit, parturiuerat, tandem exclusit, licet timidiuscule. Prodiit enim lingua Belgica: *Mundus fasciatus, siue accuratum examen superstitionis vniuersalis, quoad modum, vires, potentiam et operationem satanae malorumque spirituum in homines, et quid hi per illorum virtutem et communionem possint*. Cuius famosi libri pars prior anno MDCXC Leouardiae, et emendatior anno MDCXCI Amstelodami, posterior eadem in vrbe MDCXCIII, et tum ambae iunctim, prodire. Cuius libri summam cum et ipse auctor operi praefixerit, et eam Ephemerides aliquot enarrauerint <sup>i</sup>, in eo describendo prolixi esse nolumus. Scopus vero auctoris hic est, mundum inani et ludicro praeiudicio de operationibus spirituum fasciatus, erroris conuincere, et ab his nugis liberare, demonstrando spiritum sine corpore in corpus agere non posse, adeoque omnes de spiritibus, eorum apparitionibus, operationibus, spectris, magis, sagis, etc. narrationes inter otiosorum ingeniorum nugae et commenta esse referendas: Satanam vero post lapsum suum catenis tenebrarum vinctum tartaroque alligatum esse, adeoque, quaecunque de eius in terra operationibus iactari solent, vel praeiudicium esse praecipitantiae, et antiquitatis, vel fallacias sensuum, vel fraudes hominum malitiosorum. Quod vt demonstret, et ipsam diuinorum oraculorum interpretationem suae hypothesei attemperat, et philosophiae Cartesianae principiis ad eam confirmandam vtitur, et per omnem antiquitatem currendo non sine eruditionis multaeque lectionis apparatu in gentium barbararum, Graecae, aliarumque opiniones de spiritibus et magia inquit, et quae memorabilia apparitionum et operationum spirituum exempla enarrari solent, suae hypothesei non obstare, et causas alias, quam spiritus habere, demonstrare nititur. Περὶ τοῦ ψεύδους auctoris autem ipse *capite septimo libri secundi* detexit, vbi magna subtilitate demonstrandum sibi sumsit, omnem operationem in corpus oriri ab immediato ordine Dei, adeoque ab eo ad spiritus, vel ab animae nostrae operatione metaphysica in corpus, ad spiritus reliquos consequentiam non valere. Quo modo reuera omnem spiritus in corpus operationem negat, et eam ad Deum refert, id quod proximum

syste-

<sup>f</sup>) Vid. Boekzaal van Europe 1692. p. 34. A&A. Erud. T. II. Suppl. p. 425. seqq. ANDR. CAROLI Memorab. eccl. T. II. P. II. p. 609. seqq.

<sup>g</sup>) Korte Begrip van Kerkelike Historien.

<sup>h</sup>) I. c. p. 35.

<sup>i</sup>) A&A. Erud. 1692. p. 19. 1694. p. 241. Bibl. vniu. Tom. XXI. p. 122. seqq. Relat. innot. 1702. p. 901.

systemati caussarum occasionalium est, quod dudum iam schola Cartesiana pepererat. Et excusat quidem Bekkerus philosophiam suam, quod non nisi indirecte eam ad hypothesin suam probandam aduocauerit: at id inuidiae tantum declinandae caussa fieri, nemo non intelligit, qui ad rationationes Bekkerianas attendit. Cunctis enim et scripturae testimoniis, et veterum scriptorum narrationibus ideo machinas admouet, vt torqueat, quia impossibile esse iudicat, vt spiritus corporis expers agere in corpus possit. Hinc enata, quamprimum paradoxo libro controuersia mota est, quaestio, vnde hanc suam hypothesin Bekkerus hauserit? Et Cartesianismi aduersarii quidem magnis clamoribus conquesti sunt, mali corui malum hoc ouum esse, et ex venenato Cartesianae philosophiae fonte errorem hunc non modo vniuersi orbis testimonio, sed praecipue quoque Scripturae sacrae effatis reluctantem progenitum fuisse. Quod cum magna inuidia Cartesianos cumularet, et ipse Bekkerus in praefatione iteratae editionis de iniuria hac conquestus est, et prodierunt ex antagonistis duo ministri Belgici Ioannes Aalstius et Paulus Steenwinckelius, qui ab hoc opprobrio Cartesianam philosophiam liberare conati sunt. Et fatendum quoque ipsum Cartesium, nunquam asseruisse, nullum spiritum corpus mouere posse; recte enim obseruatum cel. HOLLMANNO <sup>1</sup>, philosophum ad Henricum Morum scripsisse: *Vt non dedecet hominem philosophum putare, Deum posse corpus mouere, quamuis non putet, Deum esse corporeum: ita eum non dedecet aliquid simile de aliis substantiis incorporeis iudicare.* Ast reuera tamen sectatores in hanc sententiam concesserunt, quamuis nuda confessione id non asseruerint; cuius, nisi fallimur, systema caussarum occasionalium exemplum luculentum est, quod non elegissent Cartesiani, si immediatam spiritus in corpus operationem realem agnouissent. Ipse vero Bekkerus, cum videret haec potissimum ab aduersariis ad conflandam Cartesianae philosophiae inuidiam allegari, multis verbis protestatus est, hoc fundamentum ab ipso non allegari, sed aliud agendo se ex Cartesianae philosophiae principiis tantum demonstrare, quia in cogitando spiritus essentia ponatur, non posse motum corporis mechanicum et corporalem tribui spiritui, adeoque se καὶ ἀνθρώπων tantum disputare. Ast dicis tantum gratia haec Bekkerum allegare, adductus supra locus, nisi omnia nos fallunt, euidenter demonstrat: in eo enim non constare de operatione spirituum aliter, quam ex animae experientia et exemplo statuit, inque eo occasione motuum corporis oriri perceptiones animae, et occasione cogitationum oriri motus corporis, ex voluntate et dispositione Dei asserit, indeque concludit: spiritum alium, praeter animam nostram corpori a Deo ita coniunctam, vt ad cogitationes animae sequantur corporis motus, non posse mouere corpora, eo quod a Deo assistentiam corporis ad eum motum non acceperit. Quo ipso non potentiam quidem agendi in corpus absolute, ast in actu tamen negauit,

X x x x 2

quia

k) Pneumatol. p. 96.

1) Epp. P. I. Ep. 69. p. 208.

quia motus omnes occasione animae cogitantis Deus producit. Ex quo patet Bekkero, licet conquerenti, iniuriam non fieri, quamvis id nuper quoque viro cuidam doctissimo <sup>m</sup> visum sit. Ast hoc semel principio admissio facile erat, alias causas fingere vel adducere, cum essent eo tempore quidam, qui de quaestione facti disputantes materiam abunde Bekkero suppeditabant, ea, quae natura sua impossibilia a priori demonstrare cupiebat, a posteriori quoque falsa esse comprobandi. Prodierat enim iam anno MDCLXV REGINALDI SCOTI *Detectio artis magicae*, lingua Anglica, quam Belgicam fecerat et anno MDCLXXX ediderat THOMAS BASSO: in quo libro tanta fiducia omnis magia, et quae reliqua huc referri solent, negantur, et inter fraudes et imposturas otiosorum hominum referuntur, ut indignationem publicam meruerit, et vtricibus flammis deletus fuerit. Quo tamen fato deterri se passus haud est ORCHARDVS, quo minus spirituum malorum operationem in tractatu *de Doctrina diabolorum*, Anglice anno MDCLXXVI edito, et a GVIL. SEWEL Belgico idiomate *Amstelodami anno MDCXCI* vulgato, negaret. Id quod aduersariis Bekkeri occasionem dedit, eum accusandi, quod ab hoc auctore potissimam noui dogmatis partem accepisset. Comparuit quoque eodem tempore ex Gallis exulibus DALLONIVS quidam <sup>n</sup>, qui in *Examine oppressionis reformatorum Gallorum, in quo innocentia religionis eorum defenditur* <sup>o</sup>, vnum tantum esse diabolum statuit, et loca scripturae longe alio sensu, quam solet fieri in ecclesia, explicat: quem se consuluisse, haud obscure prodidit Bekkerus <sup>p</sup>. Aduersarii quoque Bekkeri Hobbesianismum et Spinozismum inter causas hypotheseos Bekkerianae retulerunt, eo quod ex illorum principiis ea sponte sua consequatur. Nonnulli Antonium van Dalen, ante Bekkerum oraculorum gentilium veritatem impugnantem, eaque ad imposturas sacerdotum referentem accusarunt <sup>q</sup>: quibusdam <sup>r</sup> Mallebranchius huc trahendus visus est. Quod tamen, licet systema causarum occasionalium celeberrimo philosopho placuerit, inuita sit veritate. „Is enim quamvis se credere profiteatur, veros magos esse rarissimos, quaeque de satanae commercio dicuntur, esse somnia, recteque fieri, quod actiones in sagas et veneficos a tribunalibus omittantur, fatetur tamen, minime sibi dubium videri, quin dentur magi et sagae, possitque interdum diabolus, permittente et dispensante Deo, ob mirabiles causas malitiam suam in homines exercere <sup>s</sup>.“ Nobis inutilis quaestio videtur; quamvis enim ex his omnibus occasionem de hac hypothese cogitandi Bekkerum hausisse a verisimili non abludat, et probabile sit, tum Cartesianum systema vnionis inter corpus et animam, (siue assistentiae, siue causarum occasionalium Bekkero arripisse

<sup>m</sup>) loc. cit.

<sup>n</sup>) Videndus de eo BAYLE T. II. Lettr. p. 454.

<sup>o</sup>) Amstel. 1687. 12.

<sup>p</sup>) Vid. L. II. c. 9. §. 3. p. m. 52. Verf. Germ. Conf. BAYLE l. c. T. I. p. 360.

<sup>q</sup>) Conf. BENTHEM. l. c. p. 114.

<sup>r</sup>) POIRET. Ver. method. inu. verum. P. III. §. 27. p. m. 224. THOMASIVS de Crim. mag. §. 3.

<sup>s</sup>) De Inq. verit. L. II. c. 6. p. m. 287.

fisse dicamus) eum permouisse vt crederet, nullum spiritum actionem quandam in corpus edere posse, nisi peculiari Dei consilio et operatione corpori eum finem iunctus sit, tum eos, qui Scripturae et gentium testimonia in alios sensus rapuerunt, ei, persuasisse, ipsam huius traditionis veritatem posse in dubium vocari; apparet tamen ex ipsa Bekkeri tractatione, ipsum systema nouum eum suo ingenio debuisse, idque ideo eum commentum esse, quod contrariam sententiam nec fide testimonii, nec claritate rationis constare crederet. Totum enim singulare quid spirat, et ab aliorum opinionibus distinctum, nam, quaecunque operose, et obscura haud raro subtilitate disputat, eo, si summatim complecti velimus, redeunt: vnum tantum esse angelum, qui peccauerit; qui, cum protoplastos permitte Deo ad peccatum, ignoto nobis et incerto modo, seduxisset, tartari vinculis alligatus et in tenebrarum barathrum demissus sit, ex quo colligit, operationes, quas tot secula Satanae tribuerunt, ad eum non pertinere, nec ab eo editas esse, sed superstitioni et imposturis eorum, qui superstitionum credulitate callide utebantur, originem debere. Et hoc quidem a gentibus barbaris ad Iudaeos et ab his ad Christianos transiisse, saluatore, cum in his terris comparuisset, praedudicium, quod eradicari ex animis non poterat, ferente, et se illi cum scriptoribus sacris attemperante. Oracula itaque diuina, de potestate angelorum malorum praecipientia, de peccato et hominibus nefariis esse intelligenda; nec eiusmodi operationes ad spiritus bonos esse trabendas. Hoc vero modo rectius Deum et creaturas distingui, et sincerius Deum colimerique, cum contraria de diabolo opinio in Deum grauissime peccet, illumque reapse Deum faciat. Haec insigni, qua pollebat eruditionis et lectionis apparatu, ingenii quoque elegantissimi foecunditate, quae Bekkerō denegari nequeunt, ita in crustauit, vt infinitos sibi lectores compararet, et haud paucis praedudicium tot seculorum vnus felicissime prostrauisse crederetur. Quin et illi, qui ab ipsa hypothese, et imprimis a modo Scripturae S. testimonia in hanc sententiam detorquendo abhorrebant, nouitate paradoxae opinionis, et fiducia hypothese omnium gentium temporumque opinioni contrariam asserendi commoti, auide in libri huius lectionem inuolarunt, et hinc non modo inter Batauos, magna cupiditate lectus, sed a Gallis quoque, Italis, Germanis audissime emtus est, sic vt tradente TENZELIO in bimestri spatio quatuor exemplarium millia venderentur, nec Amstelodami vnum tum amplius reperiretur. Nec solum in vernacula vbique disseminatus, sed in alias quoque linguas, Italicam, Gallicam, Hispanicam, Germanicam liber translatus est, quarum versio- num Germanica ineptissima, Gallica elegantissima et Belgico exemplari comparanda visa est. Ita vero dum certatim in plausus auctoris ruit orbis

X x x x 3

eru-

a) Colloq. mensr. 1692. p. 109.

u) Cat. crit. Reimmann. p. 782. seq. BAYLE Lc. T. I. p. 349. Prodiit Germanica 1693. 4. quam

enim REIMMANNVS Hist. atheismi S. III. p. 486. narrat in 12. quatuor tomis comprehensam, dubitamus an exter.



eruditus, isque de vulgari opinione iam iam triumphat, adeo vt numis quoque cufis \*, velut alter Hercules monstrum superstitionis enecasse praedicaretur, tandem excitata est collegarum Bekkeri vigilantia, vt publica actione cum eo agere constituerent, curam adhibitori, ne ex audaci sacrorum oraculorum corruptione detrimenti aliquid accipiat respublica Christiana. Primum itaque senatus ecclesiasticus Amstelodamensis minor cum Bekkero per delegatos egit, et quinque membris, nempe ministris tribus, et senioribus ecclesiae duobus in mandatis dedit, vt quid in hoc libro potissimum reprehendendum sit, ipsi exponerent. Quamuis enim multa in editione altera Bekkerus mutasset, aut audacius dicta, aut sarcasms inuidiam ciere apta, rem tamen ipsam tantum abest, vt mutauerit, vt potius noua eam luce collustrare summis viribus sit connisus. Delegati ecclesiastici senatus nomine haec tria potissimum Bekkero capita obelo digna exponunt. I. Blaspheme eum de ecclesia loqui, et peruersa atque profana audacia Scripturam Sacram interpretari. II. Inconsiderate scribere de operatione spirituum. III. Temerarie illudere confessioni fidei publicae, cui ipse non minus, ac alii verbi ministri, subscripserit. Excepit contra has accusationes Bekkerus, male mentem suam eos affecutos fuisse, et mala fide hypothesin retulisse. Vt itaque iuste se agere velle senatus ecclesiasticus ostenderet, iussit Bekkerum ipsum libri et hypothesium compendium conscribere, vt de certa eius mente constet. Quo oblato cum recte delegatos de libro ipso retulisse, appareret, cunctorum suffragiis ille damnatus, auctor autem reprehensus est, quod sine censura eum edidisset. Ille ad doctoris theologi iura sibi collata et ad synodum Edamensem breui futuram prouocauit, nec tamen locum inuenit, eo quod male libertate ista usus fuisset. Ideo oblati sunt illi articuli tredecim mense Augusto anni MDCCXI, illisque subscribere iussus est; additis minis, nisi intra sex hebdomadam spatium resipuerit, munere vel interdictum, vel plane priuatum iri. Inter eos articulos primus fuit, vt confiteretur, animam hominis in corpus agere, idque non necessitate naturae Deo operante; neque animam modum corporis esse: ex quo constat, ad Spinozisticum systema ex Cartesianismo male adhibito enatum Bekkerianam hypothesin theologos Amstelodamenses retulisse. Non tamen ad haec attendit Bekkerus, causamque ad synodum Edamensem retulit: in qua cum accusationes pristinae obiicerentur, et imprimis a confessione ecclesiae publica et synodi Dordracenae decretis, quibus subscripserit, discedere diceretur, frigide respondit, se ad tenenda confessionis verba omnia, et tuendam versionum biblicarum fidem nunquam se sacramento obstrinxisse, sed ad dogmata capitalia hanc tantum fidem pertinere. Male id synodum habuit, cuius auctoritatem Bekkerus reiciebat; libri itaque eius fisco addicti sunt, ipse intentata auferendi muneris poena resipiscere iussus est: at ille nullam in se potestatem synodum hanc habere protestatus sententiaeque latae synographam

\* Exhibet ectypum talem BEKKER in fronte Diss. cit.

grapham postulans, irrito conatu discessit. Res itaque ad senatum ecclesiasticum ecclesiae Amstelodamensis maiorem, Classsem inter Batauos vocant, reducta est, quae decreto illi iniunxit, vt ad capita accusationis tredecim illi oblata responderet; elapsoque mense aut reuocaret emendaretque sententiam, aut munere se abdicaret. Obtulit Bekkerus articulos satisfactorios sex, quibus mentem suam tolerabilius declarari perhibebat, rogans Classsem, vt patienter ea ferret, quae non nisi problematice in posterum, proponere constituisset, animum enim sibi non esse religionis capita vlla laedere. Concessit id precibus eius Classis Amstelodamensis, et munere sacro porro fungi illi permisit, at indignantibus reliquis synedriis ecclesiarum, quae hanc Amstelodamensium lenitatem et tolerantiam aegerrime ferebant, et scriptis quoque literis circularibus detestabantur. Classis itaque dictos articulos auxit et amplificauit, et postulauit a Bekkero, vt subscriptione promitteret, se hypotheses suas sibi seruaturum, neque amplius voce vel scripto disseminaturum esse. Qua in re cum beneuolentissimos iudices expertus esset, maluit tamen hypothesein electam defendere, vnde factum, vt mense Ian. anni MDCXCII, ad XI hebdomades suspensionis quam vocant poenam subire cogeretur. Ille interea temporis, cum a munere sacro vacandum erat, Frisiam salutauit, vt libros residuos maiori cura absolueret, emendaretque, at cum literis encyclicis causam hanc a Classibus iugulari intellexisset, breui Amstelodamum reuersus est, moxque innotuit ad dicendam causam in synodo Alckmariensi eum inuitatum esse. Quae cum reiectis articulis eius reuocationem vrgeret, ipsi libello singulari, se illius synodi auctoritate nec iure nec facto stringi, demonstrare conatus est. Non accepit tamen illum libellum synodus, sed proposito errorum elencho poenitentiam, veniae deprecationem, mentis et opinionis emendationem poposcit. Quod cum renueret, et aliam processus formam Bekkerus expeteret, iterum a munere, et s. synaxis quoque vsu decreto synodi exclusus est, ipso protestante, quod nec debito assessorum numero constitisset synodus, nec audientiam ipsi fecisset, sicque sine vllo effectu iuris egisset. Et haec quidem a classibus atque synodis acta sunt <sup>1</sup>. Ex altera parte theologi ad restringendum hoc incendium vndique accurrerunt, tantusque libellorum Antibekkerianorum acervus prodiit, vt quadrigis conuehi potuissent, testeturque P. BAYLE <sup>2</sup> centum florenis eos vix coëmi posse, quorum recensionem ipse Bekkerus edidit <sup>3</sup>. Inter quos imprimis innotuerunt Florentinus Costerus, Simon de Vries, Henricus Brinck, Melchior Leydekkerus, Petrus Hamerus, Iacobus Koelman, Euerhardus van der Hooght, Ioannes Verryng, Ioannes Molinaeus, Henricus Groenewegen, Ioannes van der Wayen, Ioannes Aalstius, Paulus Steenwinkel, Petrus van Mastricht, Petrus Poiretus, de quibus praeter BECKER

HERV M

y) Scripta huc pertinentia, ex quibus acta colligi possunt, diligenter enserat ВЕККЕРУС l. c. §. 15. p. 22. seqq. conf. ВЕНТНЕМ. l. c. P. II. c. 1. p. 114.

z) l. c. T. II. p. 375.

a) Francq. 1692. 4.

HERVM <sup>b</sup> videndi BENTHEMIVS <sup>c</sup> atque BVDDEVVS <sup>d</sup>. Neque a satyra abstinuerunt eius aduersarii, poematis, inscriptionibus, imaginibus nouam hypothesein eiusque parentem traduentes; quamuis non defuerint, qui simili ratione eum in coelum extollerent. Cuius generis scriptiuncularum ex vtraque parte editarum collectio iam anno MDCXCI prodit <sup>e</sup>. Ipse vero Bekkerus, qui audaci animo utebatur, sibi non defuit, institutaque *Enarratione scriptorum ipsi oppositorum* ostendere satagit, quam iniquis modis aduersarii cum eo egissent: prudenter autem a controversiae ferra cum his scriptoribus reciprocanda abstinuit, quod sexcentis eum molestiis certissime cumulauisset. Vni tamen Euerardo van der Hooght respondit, reliquos magno animo contempsit. Id quod haud pauci eo traxerunt, quod non habuerit, quod honestis titulis reponeret. Maxime quae P. Poiretus contra eum monuerat, talia amicis Bekkeri visa sunt, ut nisi quaedam opponeret, opinioni nouae magnum detrimentum allatura sint <sup>f</sup>. Illi itaque atque Leiddekkero et P. van Mastricht, qui Latino sermone contra eum scripserant, eodem idiomate respondere promisit, sed non praestitit, incertum vtrum, conscientiae malae causa; an metu, ne multitudine obrueretur. Neque tamen censendum asseclas et προμάχους Bekkero defuisse. Cum enim ingens iam tum eorum esset numerus, qui Hobbesianis et Spinozianis principiis imbuti theologos contemnebant, rati inuenisse se, non quod pueri in faba, acerbis satyris aduersarios Bekkeri momorderunt. Peculiaribus scriptis autem hypothesein eam defendere susceperunt LVCAS VAN GIVNST <sup>g</sup>, et IOANNES PELL <sup>h</sup>, quibus addenda controuersia epistolaris inter GVIL. VAN BLYENBERGH et GVIL. DEVRHOFIVM, tum inter hunc et HENRICVM BRINCK agitata <sup>i</sup>, qua de natura et operationibus animae humanae, angelorum et diabolorum disputatum est, de quibus scriptis omnino consulendus, quem aliquoties laudauimus BECKHERVS <sup>k</sup>. Quia vero mundus fascinatus in omnem fere terram exierat, et haud paucos admiratores sibi comparaue- rat, aliarum quoque regionum theologi hanc παραδοξολογίαν eneruare et ineptias Bekkerianas profligare coeperunt, quorum indicem videtis, apud BECKHERVM <sup>l</sup> et GRAPIVM <sup>m</sup>. Non permittit loci et instituti huius ratio, ut quid hypothesei Bekkerianae opposuerint viri docti et philosophiae gnari (theologorum enim, qui Scripturae testimonia vindicarunt heic in censum non veniunt) prolixè enarremus. Possunt autem ea, quae maxime neruum intendisse iudicata sunt, omnium rectissime ex P. POIRETI <sup>n</sup>, obseruationibus disci, qui maxime philosophicis telis causam Bekkerianam confodit. Obseruatis, nedum spiritus in corpora agere nequeant,

b) In fine Diff. cit.

c) l. c. p. 114. 139.

d) Isag. p. 281.

e) Cat. crit. bibl. Reimmann, p. 782.

f) Conf. STOLL. Hist. lit. l. c. p. 510.

g) Der gefallen Engel weenlos, Amst. 1692. 4.

h) Wonderdaden des Allerhoogsten, Amst. 1693.

i) Amst. 1692. 1693.

k) §. 22. p. 36.

l) l. c. p. 38. 39.

m) Theol. rec. controu. P. II. p. 81. 82.

n) l. c. p. 215.

ant, ipsa potius corpora neque esse neque agere in se posse, nisi per Spiritus. Non concipi enim posse, qui corpus moueat corpus motusque vno ex corpore in aliud transeat, nisi concipiatur vis omnino spiritualis, certa quadam conatus mensura sese veluti in materiam diffundens, inque eius partes modo in has modo in illas successiue agens. Mentis porro siue Spiritus esse Dei progeniem, eiusdemque cum Deo naturae, adeoque eius imaginem in eo quoque referre, quod eorum desiderium, ad similitudinem desiderii Dei, efficax, hoc est, agens et potens fuerit, virtute a Deo impressa. Deo, vt repraesentaret in spiritibus vim, qua pollet mouendi corpora, perinde fuisse, vtrum eis daret corpus aliquod speciale et proprium, quo intercedente in alia corpora agerent, an vero statueret, eos solis suis desideriis in materiam acturos eamque directuros, neque enim alterum altero esse difficilius. Si creati nonnulli spiritus a Deo defecerint corpoream materiam, cui regendae praefuerint, non posse non euadere inordinatam, tenebrosam, corruptam, et in hoc ideo elemento corrupto et tenebroso posse suam potentiam eos exercere: mirum itaque non esse, si homo a Deo deficiat, quod potenter in eum mali spiritus agant. Causam itaque non esse, cur intellectus histrionicus in eneruanda Scriptura sacra tantopere defudet. Aliorum obiectiones breuitatis causa non adducemus, ea autem legi a lectore cupimus, quae pro eneruando Bekkerianismo ex philosophia attulit B. Io. FR. BVDDEVS <sup>n</sup>. Sed vt finem narrationis de fabula Bekkeriana faciamus, ad palinodiam canendam is tandem, iubente et cogente senatu Amstelodamensi, coactus est, ita tamen id facere tentauit, ne retractasse videretur. Quod cum mire proceribus displiceret, tandem suspensio prorogata, et cum sic quoque cedere pertinaciter recusaret, munere pariter atque communionem ecclesiae reformatae priuatus est mense Augusto anno MDCXCII. Vacauit tamen locus eius in ministerio vsque ad mortem eius, ipse integrum stipendium accepit, habebat enim inter proceres, qui eum tuebantur. Ita in sententia perstitit vsque ad obitum, qui III. Id. Iun. anno MDCXCVIII contigit, qui enim morti proximum resipuisse tradunt, a filio, qui obitus parentis historiam edidit, refutantur. Vtrum autem eorum coniectura vera sit <sup>p</sup>, qui omnem eum spiritum defectorem neuagisse coniecerunt, rati, dicis tantum causa et ad leuandam inuidiam eum scenam hunc in modum instruxisse, difficile definire licet. Ipse enim aperte huic coniecturae contradixit; hypotheseos argumenta autem ab eo allata talia sunt, quae facile id nobis nec sine verisimilitudine persuadeant. Tutissimum ergo est in eo ἀπέναν.

<sup>n</sup>) Phil. theor. P. VI, c. 2.  
<sup>o</sup>) Amstel. 1698. 8.

<sup>p</sup>) BENTHEM. l.c. p. 113. THOMASIVS de Crimine magiae §. 6.



CAPVT QVARTVM.  
DE EMENDATIONE PHILOSOPHIAE  
MORALIS RECENTIORIS AETATIS.

§. I.

Conditio mor-  
alis philoso-  
phiae recen-  
tiori aetate.



A theoreticis disciplinis ad practicas progrediendo, quid in iis re-  
formandis, emendandis et ornatori vultu fingendis praestiterit  
aetas recentior, iam porro enarrabimus. Tripartitam autem  
voluerunt philosophiam Practicam Peripatetici, ethicam nimirum, poli-  
ticam et oeconomicam, quae distributio partium disciplinae moralis vsque  
ad Grotii tempora et expirantem fere Peripateticismum obtinuit. Ille  
enim cum si non omnium primus, certe praecipuus esset, qui doctrinam  
de officiis olim Stoicis non neglectam amplificandam et ad omne ius diui-  
num, et humanum, quatenus rationi innotescit, extendendam esse, ele-  
gantissimo specimine ostendisset, quem post Hobbesium secutus est Pu-  
fendorfius, noua inde philosophiae moralis pars accessit, quae ius naturae  
et gentium dicta est, quae tamen tantum abest, vt ab ethica separari de-  
beat, vt non nisi vtraque parte sustentata consistere posse censenda sit,  
quamuis rectissime illi faciunt, qui de emendatione voluntatis, et fine,  
quo potiri cupit prius philosophantur, et his iuris omnis naturalis funda-  
menta atque regulas tum demum subiiciunt. Cuius ab ethica parte di-  
stincte historiam qui speciali tractatione enarrauerint supra indicauimus:  
et in antecedente quoque libro Hobbesii et Thomassii philosophiam deli-  
neando, vtriusque philosophi placita ius naturale concernentia iam copiose  
attulimus. Animus itaque hoc loco, vbi specialem scientiarum philoso-  
phicarum historiam non condimus, nobis non est, enarrare ea omnia, quae  
in ethica, iureque naturae praecipienda esse recentior aetas monuit. Sed  
instituto inhaerentes, et viam diu iam tritam prosequentes ad ea hoc ca-  
pite respiciemus, in quibus noua dare et eclectice philosophari de rebus ad  
mores siue internos siue externos, id est, ad ethicam et ius naturae spe-  
ctantibus aetas coepit recentior. Id quidem maturius in morali doctrina,  
quam in reliquis philosophiae partibus factum esse, ex scriptis moralibus  
Fr. Petrarchae, Petri Pauli Vergerii, Hieronymi Cardani, aliorumque  
constare potest. Primus tamen, qui eclectice doctrinam moralem inte-  
gro libro proponere, relicta via sectaria ausus est, fuit Michael Montanus,  
cuius *Tentamina moralia* certam nobis epocham doctrinae moralis eclectice  
traditae aperiunt, quamuis iustum sibi systema non formauerit: quod cu-  
ratori diligentia tentauit, qui ex eius disciplina processit Petrus Charon-  
das <sup>a)</sup>, de cuius tamen rebus et scriptis in *antecedente huius Tomi parte*  
iam

<sup>a)</sup> Charron.

iam differuimus. Inter Germanos autem circa idem, quo inter Gallos vterque scriptor floruit tempus, Abrahamus Scultetus doctrinam moralem eclectice tradere coepit. A quo tempore gliscere magis igniculi latentes visi sunt, quam erupisse in flammam. Verulamio autem in hac quoque philosophiae parte lumina prorsus noua accendente, et Grotio ius naturae seorsim tractante, tandem nouus morali doctrinae sol illuxit, et ab eo tempore haud pauci in eo campo diligenter versati sunt. Quod qua ratione fecerint Hobbesius, et Cartesii affeculae, tum recentiori aetate Christianus Thomasius in praecedentibus fufe explicuimus. In praesentia vero eos strictim tangemus, quibus potissimum cultum eclecticum debet philosophia moralis, et tum demum enarrabimus, qua ratione Grotius et Pufendorfius, facto discrimine inter honestum, iustum et decorum, inter virtutis et officia in molienda noua iuris naturalis disciplina versati sint, quid susceperint effecerintque.

§. II. Ducendum esse initium philosophiae moralis eclecticae a MICHAEL MONTANO, comparatio scriptorum eius cum libris ethicis philosophorum, qui ante eum vixere, facile docere potest. Eius itaque hoc loco memoriam non praeteriri fas est, quae ex *Tentaminibus* siue *Periculis moralibus* collecta nonnullis editionibus praefixa est. Natus est in regione Petricoriensi anno MDXXXIII, generoso stemmate genitus. Parens, cum laboris et molestiarum patientiam, parsimoniam quoque et conuersationis cum humilioribus facilitatem ingenerari illi cuperet, inter huius conditionis homines eum educari curauit. Cumque consuetum modum ex grammaticorum praeceptis tradendi Latinae linguae cognitionem fastidiret, quod longum et taediosum iter esse crederet, aliam viam tenendam ratus, vsu et exercitatione illius facultatem comparare filio sategit. Quem in finem infantem adhuc et vix balbutientem, educationi docti cuiusdam Germani, qui postea medicae artis notitia clarus in Gallia obiit, commisit, qui, licet Gallicam linguam ignoraret, Latinam apte commodeque erat doctus, hisque alios duos iunxit, in eadem lingua satis versatos, qui prima loquendi conamina Latinis vocibus in filio adiuuarent, nec aliud verbum, quam quod e Latio profectum esset, illius auribus illabi paterentur, parentibus et familiaribus non nisi Latina vocabula, quae ideo memoriae mandauerant, coram puero pronuntiantibus. Ita factum, vt in praedio Montani Latium habitare videretur, ipse vero sexennis Gallicam quidem linguam plane ignoraret, Latinae vsu autem ita exercitatione quotidiana teneret, vt, qui disciplinae gratia illi postea admoti sunt viri docti Nicolaus Gruchius, Guillemus Guarentus, philosophus Peripateticus, Georgius Buchananus et Marcus Antonius Muretus, alloqui eum Latine vix auderent. Graecae porro linguae notitiam ludendo illi comparare simili diligentia pater studuit. Sexennis puer ad haurienda scientiarum praecepta in gymnasium Burdegalen-

Michael  
Montanus.

Yy yy 2

lenſe miſſus eſt; in quo licet ſupremis claſſibus mox admoueretur, nec intermitterent praeceptores, quibus augeri doctiſſimi pueri lumina poſſe intelligerent, ſecit tamen diuerſa inſtitutionis ratio, a parentis methodo, ludendo et ſponte inſtillando cuncta tradens, vt Montanus corrumpere-  
 tur magis, quam ſcientiis emendaretur. Adoleſcentiam porro licentio-  
 ſius eum egiſſe, ex eo intelligi poteſt, quod metuebatur, ne matrimonii  
 vinculis alligari ſe firmiter recuſaret: aſt coniugio inito in virili aetate,  
 tanta caſtimonia in eo vixit, vt ſupra ſpem omnem eſſet. Poſt parentis  
 obitum terras paternas haereditate accepit, quas ne ſumtibus exhauriret,  
 pater timuerat, qui tamen metus eum ſefellit. Vixit enim ex earum re-  
 ditibus commode, cum munus nullum affectaret, vnde poſſet diteſcere.  
 Equitis S. Michaelis axiomate autem ſine emolumento gauiſus eſt, et ci-  
 uitatis Romanae ius in itinere diplomate ſcripto, non ſine inſigni gaudio  
 accepit. Burdegalenſis quoque ciuitas eum ſibi praetorem elegit, inui-  
 tum et reluſtantem, quem magistratum non niſi regis mandato coactus  
 accepit, et biennio cum laude geſſit. Reliquum temporis ſibi ſerua-  
 uit, et ſtudiis ſuis, quibus vnice delectabatur, liberi enim, prae-  
 ter filiam vnicam, mature illi fato ſubducti ſunt. Vſus tempe-  
 ramento ſanguineo - cholerico, ſcribendi quoque et philoſophandi  
 rationem ex hac corporis animique diſpoſitione formatam tenuit. Vale-  
 tudine autem vſus eſt firma, licet a medicorum conſiliis abhorreret, tan-  
 dem calculi et colicae doloribus exhaustus, vel quod PASQUIERIVS  
 refert, linguae vlcere enecatus menſe Septembri anno MDXCII, ſexage-  
 narius obiit. Aeternitatem nominis vero ſibi parauit immortalis *Tenta-  
 minum* ſive *Periculorum moralium* opere, quod non ſui tantum aevi ad-  
 mirationem ſed noſtri quoque temporis laudes meruit, dignumque viſum  
 eſt, quod obſervationibus auctum in Britannia, Gallia, Belgio recudere-  
 tur. Argumenta in iſtis tentaminibus moralia ſibi auctor ingenioſiſſi-  
 mus ſelegerat, aſt nec principiis certis, nec ſyſtematis ordini alligata, ſed  
 quodcunque ipſi occurrerat, in eo meditationis acumen figens, poſthabito  
 omni diſciplinæ fixae et ad certam normam exactae ſeueritate libere diſſe-  
 ruit, ingenii quod amoeniſſimum habebat, ductum et propenſionem vni-  
 ce ſecutus. Vnde non errant, qui eum eclectica ratione de morali do-  
 ctrina diſputauiſſe aſſerunt, modo cum philoſophis ſyſtematicis non con-  
 fundatur. Diligenter tamen Plutarchum et Senecam legit, ac haud raro  
 expreſſit, illius πολυλογίαν, huius acumina imitatus, quin ſententias eo-  
 rum ita apte ſuis innectens, vt enatae apud eum videri poſſint. Ingenio  
 autem foecundo et imaginibus ſupra modum abundante vſus, vitam et  
 colorem meditationibus ſuis ſcribendo, ita attulit, vt licet dictio antiqua-  
 tis vocibus et Vaſconum duritie diſpliceat, cogitationum tamen iucundi-  
 tas innumeris varietatibus delectans politiſſimi ſaeculi noſtri laudes et admi-  
 rationem meruerit. Nullibi autem pedem figit, nec certum iter tenet, ſed

b) Lettres T. II. L. 13. let. 1.

c) Lond. 1783. IV. Vol. 4. cum notis Coſtei. Paris 1785. 4. Hagae Com. IV. Vol. 12.

sed hos hortos ingressum lectorem mox ad deuia digressionibus deducit, at ita lucunda et virentia, vt erroris minime poeniteat: quo pacto dum imaginationis lumina miris vicissitudinibus ornat, excitat, augeat, insatiabilem lectorem dimittit. Semper enim nouum aliquid et inexpectatum affert, quod lectorem detineat et admiratione repleat, tanta felicitate, vt ordinis neglectus et dicendi quaedam temeritas atque sententiarum nouitas virtutis laudem meruisse videri possit. Cuius testes sunt viri summi et accurato elegantiarum moralium sensu praediti, qui certatim laudibus opus ingeniosissimum extulerunt. Thuano enim immortale audit, Perriouio breuiarium ingeniorum elegantium, Lipsio auctor Thales Gallicus, Mezeraeo et Naudaeo Seneca Christianus, Schurzfleischio Socrates Gallicus dicitur, et innumeris hae dissertationes extolluntur elogiis. Quae cum collegerint THOMAS POPE-BLOUNTIVS\* et TEISSIERIVS<sup>d</sup>, heic, vbi breuitas sectanda est, lectorem ad hos fontes dimittimus. Ast qui tantas laudes meruerat, acerbissimis quoque a ciuibus suis censuris reprehensus est. Quidam enim libertatem dicendi Epicuri gregie tantum dignam castisque auribus grauem obiecerunt; nonnulli axiomata moralia deprehenderunt corrumpendis moribus nutriendaeque vitae licentiae aptissima; multi ordinis neglectum errantemque per recta, obliqua, certa, incerta, summa, ima, calamum culpauerunt, displicuit quoque quibusdam imaginationis nullis iudicii legibus coërcitae furor, insigni morbi contagio lectorem corrumpens: iactantia autem de se ipso intolerabilis et paedagogica, ad nauseam vsque lectori molesta aliquibus visa est. Ipsa tandem philosophandi ratio incerta, dubia, et scepticismo fouendo aptissima, et principia quaedam impietatem nutrire et firmare apta execrabile nomen Montani nonnullis fecerunt, maxime illis, qui ex disciplina portus regii prodierunt, vt ex auctoris *Artis cogitandi*<sup>e</sup>, et MALLEBRANCHII<sup>f</sup> censuris, valde seueris et in confodiendo hoc scriptore acerrimis constat, quibus addi possunt, quae ab H V E T I O<sup>g</sup> aliisque scriptoribus Gallis<sup>h</sup> in eo solent culpari, quibus haud parum de pristina gloria Montanus amittit. A qua tamen censorum iniquitate, maxime vero Mallebranchii, qui denudasse Montanum et ingenii castigati laudem ei recte dubiam fecisse haud paucis visus est, liberare illustrem scriptorem annifus est FONTEVIVANVS, edita *Apologia pro Montano contra iniurias scriptorum portus regii et Mallebranchii*<sup>i</sup>: similem operam contra *Artem cogitandi*, athe-

Yy yy 3

ismi

\*) Cens. cel. auct. p. 819.

d) Eloges des hommes savans T. IV. p. 167. seqq. Addendus his, qui ex illustri BOUSSIERII *Memoris de Vita et scriptis Michaelis Montani* plusscula exposuit IOLYVS in Elogiis nonnullorum Scriptorum Gallicorum, Diuioni nuper editis.

e) L. III. c. 20. p. 410. seq.

f) De Inquir. verit. Tom. I. L. II. c. 5. p. m. 271. seqq.

g) De rebus ad eum pertinentibus p. m. 178.

h) *Esprit de la fausseté des vertus humaines* P. II. c. 3. p. 26. MARVILLE *Mélanges* T. I. p. m. 164. T. II. p. 32. T. III. p. 109. TEISSIER. l. c. et quos excerpt.i) *Hist. des Ouvrages des savans* 1700. p. 132. conf. D'ARGENS, *philosophie du bon sens*, Diff. prel. §. 6. p. 19. cui miserandum iudicium tulisse Mallebranchius, iisdemque, quos in Montano reprehendit naeuus scelerare dicitur.



ismi notam scriptori celeberrimo inurentem praestante CHRISTIANO THOMASIO <sup>k</sup>. Tacemus alia ex utraque parte dudum in medium adducta, quae SORELIVS <sup>l</sup> cumulavit. Nobis accuratae quidem philosophiae laudem, miscellanea haec non mereri, omnino concedendum esse videtur. Cum enim nec principiis certis auctor utatur, nec legitima ratiocinatione conclusiones deducat, sed innumeris ingenii lasciuientis saltibus discurrat, nullibi sedem figens, et intentum animi oculum adhibens, certam inde et solidam moralis doctrinae rationem exoriri non potuisse, quilibet, philosophandi methodum edoctus, facile intelligit. Nocuit quoque scriptori igneo et cogitationum vbertate emicanti imaginationis ferocia et ardor, quo ad genuinam rerum ad animi mores pertinentium indolem sine fucō et phaleris adhibitis attendere impeditus est. Lectionis autem in veterum scriptis versatae affectata ostentatio haud parum nostri seculi sensui moribusque contraria, non potest non paedagogica illis videri, qui ad nostri temporis morem scriptorem duobus fere seculis antiquiorem exigunt, vel philosophemata accurata, et nexu suo iuncta in eo quaerunt. Negare quoque ausus non est P. BAYLE <sup>m</sup>, (quem tamen librum istum in iuventute prae omnibus aliis deperiisse et Pyrrhonismi praeceptorem habuisse, in eius vita supra monuimus) esse haud pauca a scriptore illustri dicta, quae vel Scepticismum nutrire, vel animi castimoniam corrumpere apta videri possint. Tacemus alia, haud facile excusanda. Ast nec ideo vel laude omni indignus, nec ex scriptorum illustrium, deque philosophia morali bene merentium numero expungendus esse recte censetur. Vt enim taceamus, Montanum non aliis, sed sibi scripsisse, nec voluisse inter doctores morales comparere, hocque pacto negligentiam illam, et mentionem de se ipso frequenter factam, posse excusari; quaedam deteriora videri, quam ex auctoris sententia dicta sunt; nonnulla temperamento luxurianti et nullis disciplinae iustae repagulis coercito adscribenda et condonanda esse; fatendum etiam est, artes et dolos animi sibi ipsi saepe ignoti et affectibus ducti eum haud raro feliciter detexisse, et magna sinceritate descripsisse <sup>n</sup>; veterumque observationibus in suos usus miro et nativo artificio traductis adiutum praeclara multa eleganter monuisse, et inter haud pauca, quae naevo et offensione non carent, utilisima quoque quam plurima et a prudenti lectore non negligenda attulisse. Ipsi porro morbi eius aliquid habent, quod eos gratos faciat: negare enim non potuit Mallebranchius, naevos eius aliquid boni admixtum habere, et falsas quoque notiones et axiomata luce quadam radiare: sermones methodi legibus carentes argumenti tamen animo concepti elegantia se commendare, nativamque solertiam, et lumen quoddam pertotum librum

coru-

k) Diff. de Praeindiciis T. III. Caus. lurid. mixt. conf. Colloq. mensr. 1639. p. 678-998.

l) In Bibl. Gallica p. 80. seq.

m) Lettr. T. I. p. m. 5. Eclairciss. du Diction. T. IV. p. m. 655.

n) Conf. MARVILLE l. c. T. II. p. 32. qui in eo excel-

coruscans summopere delectare. Ita vero exscriptorem agere, ut e proprio penu desumfisse videatur \*. Qui autem Atheismum, Epicureismum, Libertinismum et similia flagitia ei obiciunt, mirati, tam diu per leges licuisse orbem libro venenato obambulare, omniumque passim manibus terri, illos eleganter monuit ven. REIMMANNVS †, *dandum aliquid esse in censum eruditorum nunquam relato, et suum hunc foetum pro immaturo habenti, et lectoris submittenti iudicio: et si quae liberius scripta sunt, interdum ea vel commoda interpretatione temperanda, vel obelo notanda; neque ob maculas nonnullas uniuersum corpus repudiandum, imprimis cum manifesta atheismi vestigia in eo non deprehendantur.* Alia pro Montano hac de re adduxere SORELIVS et THOMASIVS ‡, qui consulendi. Fatemur tamen, prudentem et cautum lectorem, et accurate in morali doctrina versatum, librum hunc poscere, ne differendi nouitate et insolenti audacia atque elegantibus et dulcibus his vitiis inescatus, pretiosum a vili, rectum ab obliquo, verum a falso discernere impediatur. Mirum autem est, in tot naeuis a viris doctis reprehensis librum tamen vbique lectum, commendatum, nec censura publica notatum, Charondam, qui complura ex his scaturiginibus in latifundia sua deduxit, aut ordine scripsit, impietatis accusatum esse. Quod ideo euenisse coniecit P. BAYLE †, quia in diffusa nulloque ordine constricta tractatione Montani latens venenum non facile detegi possit, Charondas autem, qui iustum doctrinae aedificium ex hac materia disiecta exstruxit, periculosas assertiones manifestas fecerit. Nobis verisimilius est inuidiam, quae Charondam eloquentiae laude in aula et vrbe frequentissima florentem preffit, accusari posse, quae Montanum rure sibi viuentem persequendi causam non habuit.

§. III. Quod inter Gallos eo tempore Montanus, et iusto philosophiae habitu Charondas in doctrina morali moliti sunt, inter Germanos tentare aggressus est ABRAHAMVS SCVLTTETVS, theologus Heidelbergensis, variis ingenii monumentis clarus, et nonnullis momenti in historia belli ciuilibus, quae superiori seculo Germaniam vastauit, memorabilis, de cuius vitae circumstantiis praeter alios videndi REIMMANNVS § et FREHERVS ¶. Is enim rogatu duorum equitum Silesiacorum anno MDXCIII Lugduni Batauorum duos ethicorum libros edidit, in quibus arida Aristotelis deserta vitauit, et amoeniores campos eclectica libertate ingressus est. Is totum doctrinae moralis ambitum duobus capitibus absoluit, quorum prius de vita recta, posterius de vita felici agit. Et in priori quidem tractatione finem hominis definiendo eiusque partes explicando, virtutem ad vitam rectam necessariam ita enarrat, ut quae

*Abrahamus Scultetus ecclesiasticae de moribus scribere conatus.*

excelluisse Montanum putat. Conf. STOLLIVS Hist. lit. P. III. c. 1. §. 55. p. 613 seqq.

\*) Conf. Menagiana T. I. p. 305.

o) Hist. Atheismi S. III. c. 5. §. 15. p. 404. add. BVDDEVS Thef. de Atheismo c. 1. §. 25.

p) locis citatis.

†) L. c. p. 655.

q) Hist. lit. Germ. P. IV. p. 598.

r) Theatr. p. 474.

quae eius causa sit procreans, quae pietatis, quae probitatis ratio, et quomodo, illa virtutes Deum respicientes absoluat, haec recte viuendi regulas tum erga nos ipsos, tum erga alios suppeditet, exponat: quo pacto plerasque virtutes indice, eo quem Stagirita dedit, longe pleniori describit, et eas quoque adducit, quas Peripatetici omittere solent, patientiam, parsimoniam, humilitatem, innocentiam, gratum animum, iustitiam propriam. Posteriori parte felicitatem gaudio animi, corporis sanitate, famae integritate, et vitae sustentatione absolui contendit. Ex quo intelligitur, eum officia simul cum virtutibus esse in ea tractatione complexum. Laudandus quoque in eo est, quod doctrinam moralem philosophicam cum Christiana comparauerit; quamuis multa deesse quae ad philosophiam moralem requiruntur, ob temporis illius conditionem non sit mirandum. Dignus itaque libellus visus est MARCO FRID. WENDELINO, cuius ductum in condendis *Philosophiae moralis commentariis* sequeretur. Qui si more Sculteti ab inutilibus quaestionibus abstinuisset, felicius hos passus secutus fuisse iudicari posset; quamuis diligentiae et lectionis multae laudem ei denegandam haud esse censeat cel. STOLLIVS.

*Incrementa  
philosophiae  
moralis eccl-  
asticae.*

§. IV. Aurora tamen haec modo fuit, diei instantis praenuntia, nondum enim plena lux exorta tum fuit: quam, si verum fatendum, illustrissimo Verulamio debemus, qui in morali quoque argumento desipere philosophos, et elegantiores veritates sequi in *Sermonibus fidelibus* bonae frugis plenis docuit. Cuius conatus et consilia cum supra in eius vita descriperimus, hoc loco actum non agemus. Non id volumus, ante Verulamium nihil in morali argumento nouum tentasse philosophos; illius enim contrarium innumerae tractationes morales testantur, quae relictæ sterili aretologia Peripatetica, alia via animum morum praeceptis instruere sategerunt. Quem campum ingressi sunt, qui apologis, (quibus fabulae Milesiae et Romanenses, quas vocant, addi possunt,) satyris, characteribus et notationibus, praeceptis et παρανέσεις, aphorismis, gnomis, adagiis, apophthegmatibus, symbolis, emblematis, hieroglyphicis, aenigmatibus, inscriptionibus, paradigmatis aliisque, quae ad exotericam docendi rationem referri solent, methodi generibus emendationem voluntatis morumque formationem iuuare studuerunt. Quorum conamina cum erudita tractatione delineauerit, et cum veterum ea in re industria comparauerit doctissimus PASCHIVS<sup>1)</sup>, eum ab illis legi velimus, qui haec pluribus nosse cupiunt, certi haud exiguum lucem eius lectionem in historia philosophiae moralis esse allaturam. Sed hoc nobis loco de iis potissimum sermo est, qui iusta methodo emendare philosophiam moralem sunt aggressi. Quorum tamen nomina hoc loco, ubi bibliothecam scriptorum philosophicorum non scribimus, excitare opus haud est, cum ex virorum praestantissimorum REIMMANNI, STRV-

VII,

<sup>1)</sup> L. c. P. III. c. 1. §. 56. p. 619.

<sup>2)</sup> De variis modis tradendi moralia. Kilon. 1707. 4.

VII, STOLLII indicibus in libris notissimis suppeditatis, nobis non momentibus, ea hauriri queant. Praeterea nos quoque in antecedente tractatione haud pauca, quae huc pertinent, iam delibauimus, et quae theosophici nonnulli in hoc argumento praestiterint, itemque Vayerius, Gassendus, Hobbesius, Thomafius, Buddeus, Geulincxius, Gundlingius, Rudigerus, alique annotauimus, quae hoc loco repetenda sunt. Addi his possent plures, si specialis ethicae historia enarranda esset, et imprimis memoranda merita sociorum portus regii, de doctrina morali, inter quos in hoc argumento maxime eminuit elegantissimus Nicollii \* calamus. Sed haec prolixiora sunt, quam quae locum hic capiant. Non tacendum tamen, quod opportune monet cel. STOLLIVS \*, VINCENTIVM PLACCIVM, qui ex celeberrimorum virorum Ioachimi Iungii (quem inter eclecticos numerat LEIBNIZIVS \*) Petri Lambecii, Michaelis Kurstenii, Io. Christophori Schraderi aliorumque disciplina, quam in Academiis, Helmstadiensi, Lipsiensi, Patauina hausit, ad philosophiae morales professionem in gymnasio Hamburgensi processit, primum fuisse, qui ethicam systematicam eclectico vultu habituque inter Germanos prodire iusserit. Quamvis enim a Peripateticis philosophiam didicerit, relicto tamen Aristotele in physice Cartesium secutus est, in argumento morali, dicis causa Aristotelem non plane ex scholis ethicis exterminans, eclecticam methodum adhibuit. Visum autem viro doctissimo, medicorum filios imitandos esse, voluntatemque, quam aegram esse, et cui medicinam a philosophia morali parari sciebat, ita considerandam, ut explorata eius natura et facultatibus morbi detegerentur, et ad quem sanitatis gradum, quibusue remediis perducere possit, describeretur. Quae methodus medica non ignota quidem fuit veteribus, ut alibi iam a nobis notatum, est neglecta plane, donec Placcius eam haud infeliciter in usum deduceret. Factum id edito *Typo accessionum moralium seu institutionum medicinae morales desideratorum eius scientiae, cum primis vero praeceptorum emendandi semetipsum elementa pariter proponente, Hamburgi MDCLXXV*, qui liber vernacula quoque postea prodit. Quae medendi methodus cum valde commoda visa esset B. BVDDEO, eam in *Philosophiae practicae parte prima* sequendam esse statuit. Sed et aliis meditationibus moralem disciplinam iuuare Placcius satagit. Debemus enim ei

*Philo-*

u) Conf. BAYLE Dict. T. III. art. Nicolle p. 501. qui eius tentamina moralia inter optimos libros numerat.

x) l. c. c. 4. §. 22. p. 677.

y) Epp. Vol. IV. p. 188. Patriam habuit Lubecam, 1587. Ramaeam logicam Giesae docuit, et postea metaphysicam et mathematica: tum arti salutari se tradidit, Patauii med. D. creatus. Postea Rostochii et Helmstadii docens, is visus est, qui Gymnasio Hamburgensi Rector et Professor phy-

sicae et logicae praeficeretur, denatus 1657. m. Sept. Valde extollunt eius eruditionem et doctrinam, maxime in physicis, viri docti vid. Leibniziana p. 414. et in Epistolis passim, BORCLER. Bibliogr. crit. p. 590. Parum placuit ei Aristoteles, licet diligenter eum legisset, conf. MORHOF. Polyhist. T. II. L. I. c. 9. p. 57. L. II. P. I. c. 12. p. 217. eclectice autem philosophatum fuisse ex eius doxoscopia physica patet, quam edidit MAER. FOGELIVS 1662. Conf. cel. A. SHELLEN Athenae Lubecenses.

*Philosophiae moralis plenioris fructum praecipuum, qui est eius ope philosophiam non sufficere beatitati solidae ulli constituendae, nedum acquirendae: reuelationem vero diuinam ei necessariam certisque signis, in sola religione Christiana deprehendendis, a falsa qualibet superstitione distinctam, non posse non existere, Helmstadii MDCLXXVII.* Tacemus scripta moralia alia, partim edita, partim nondum vulgata, de quibus et vitae atque scriptorum Placcii historia consulendus est, qui *Biographiam eius theatro pseudonymorum et anonymorum* praemisit IO. ALB. FABRICIUS. Ceterum neque hoc praetermittendum, fuisse Placcium si non primum, certe inter primos, qui ethicam a iure naturae distinxerit, et suos cuique limites definiuerit. Factum id in *Accessionibus ethicae, iuris naturalis et rhetoricae ex triplici maiori systemate elaborato per vitam omnem et porro in dies elaborando excerptis.* Quin et methodum medicam ad *Iurisprudentiam naturalem, publicam, et priuatam* transferendo, iuris naturae emendationem promouere studuit. In quo tamen saxo voluendo omnium lumina extinxerunt Hugo Grotius et Samuel Pufendorfius, qui duumviri cum insignibus accessionibus moralem doctrinam, quae de officiis et iure tractat, locupletauerint, digni omnino sunt, quorum paulo plenior enarretur philosophica historia.

*Scriptores  
historiae H.  
Grotii.*

§. V. Valde commendauit famam HUGONIS GROTTII et immortale eius nomen fecit singularis prorsus et praestantissima eruditio, qua meruit vniuersi orbis eruditi consensu inter principes viros doctos referri<sup>2</sup>. Inde factum, vt a multis res ad eius historiam literariam pertinentes tangerentur. Et ipse quidem in *Apologetico* haud contemnendam eorum partem, quae ad ipsum pertinent, quaeque ob remonstrantium partes susceptas pertulit, enarrauit<sup>3</sup>, in *Epistolis* vero<sup>4</sup>, quae pleraeque ad familiares scriptae sunt, haud pauca tetigit, quae historiam vitae eius mire illustrare possunt. Ex his aliisque fontibus hauserunt narrationem suam anonymus in *vita Grotii*, IO. IAC. SCHVDTIUS, in *vita Hugonis Grotii, succincte enarrata, variisque rerum memorabilium annotationibus illustrata*<sup>5</sup>, P. BAYLE, in *vita Grotii Dictionario Critico* inserta; et postea scriptis Grotii quoque praefixa<sup>6</sup>, et *Versioni* quoque *Germanicae libri de I. B. et P.* praemissa a SCHVZIO, tum scriptores historiae literariae FREHERVS<sup>7</sup>, MEVRSIUS<sup>8</sup>, BATTESIUS<sup>9</sup>, WITTE<sup>10</sup>, REIMMANNVS<sup>11</sup>, NICERONIVS<sup>12</sup>, CLARMVNDVS<sup>13</sup>, vt eos taceamus, qui annales ecclesiasticos et ciuiles recentioris aetatis condiderunt, et Arminianae

2) BAYLE l. citando, POPE-BLOUNT. Conf. ael. auct. p. 995. Vindiciae Grotianae P. II. pag. 596. seqq.

a) Conf. Cat. bibl. Reimmann. p. 676.

b) Amstelod. 1687. 1700. fol. editis.

c) Francof. ad Moen. 1722. 8.

d) Vid. Nou. lit. Lips. Vol. I. p. 169.

e) In Theatro vir. cl. p. 1103.

f) In Athenis Barauis.

g) In Vitis selectis p. 240.

h) Memor. philos. p. 554.

i) Hist. lit. Germ. P. VI. p. 6.

k) Mem. de lit.

l) Vir. P. III. c. 12. addi his potest cel. IOACH. LANGIUS qui libro GROTTII de Satisfactione Christi recuso vitam eius quoque praefixit.

minianae sectae historiam tetigerunt \*. Maxime vero in accurate enarrandis rebus ad Grotium pertinentibus eminuit diligentia duorum virorum doctissimorum, Belgae et Germani. Et in Belgio quidem, doctissimus ex Remonstrantium coetu scriptor CASPAR BRAND vitam Grotii vernaculo sermone prolixè enarrare coepit, affectam ad finem perduxit, qui in eodem coetu doctoris munere functus est V. C. HADRIANVS CATTENBVRGIVS, quae biographia ita viris doctis placuit, vt recuderetur †. Inter Germanos autem, anonymus quidam, vulgavit anno MDCCXXVII Delphis Batauorum, quod titulus quidem habet, *Hugonis Grotii, Belgarum phoenicis manes ab iniquis obtreccionibus vindicatos, accedit scriptorum eius tam editorum, quam ineditorum conspectus triplex*. In quo eleganti libro historia Grotii accurate traditur, cunctaque ex monumentis fide dignis enarrantur, multa vero insperguntur, quae ad historiam temporis quo Grotius vixit, pertinent. Nec historia tantum Grotii in hoc commentario recensetur, sed character animi, librorum catalogus, eruditorum censurae, quaeque alia ad notitiam Grotii literariam facere possunt, pulchre et concinne exponuntur. Nos digitum potissimum ad ea intendemus, quae tractationi nostrae propria sunt, quaeque sufficere possunt, vt intelligamus, quid philosophia moralis Grotio debeat. Reliqua strictim, quantum scilicet ad noscendam eius vitae historiam erit necessarium, tangemus.

§. VI. Vitalem auram primo hausit illustris HVGO GROTIUS Delphis Batauorum in ipso Paschatos festo anno MDLXXXIII, parentibus satus Ioanne Grotio I. V. D. et consule eius ciuitatis, academiae Leidenfis curatore, et comitibus Hohenloicis a consiliis, matre editus Alida ab Ouerfchin, familia ex utroque parente nobili †. Auus enim Grotiorum, id est magnorum, nomen primus familiae Cornetsiorum, (hoc enim auitum nomen fuit) intulit, pater viris inter eruditos summis I. LIPSIO ‡, IANO DOVSAE aliisque ob doctrinae laudem fuit commendatissimus. Admodum puer diuini, quod nactus erat ingenii specimina singularia prorsus et inusitata prodidit, quae comouere parentem, vt maxima industria illud coleret, omnemque in id curam conuerteret, vt mature disciplinarum elegantiorum cultura formaretur. Quam tanta auiditate puer admisit, tantaque felicitate praeceptis disciplinarum humanitatis se imbui passus est, vt nouem vix annos natus, elegantes versiculos faceret, quin tragoediam scribere aggrediretur, eaque pangendi carminis facilitas, et artis fingendi praestantia illi inesset, quae maximos in arte poetica viros, Vrbanum VIII. P. M. Danielem Heinsum, Dominicum Baudium, Ianum Doufam admiratores haberet §. Ita cum

H. Grotii  
vita.

Z z z z 2

prae-

\*) Add. LOUIS AVERY DE MAVRIER Mémoires pour servir à l'histoire de Hollande. Obs. Hal. T. VII. p. 330. Io. FABRIC. Hist. bibl. suae T. I. p. 316. LE VASSOR Hist. Ludou. XIII. L. 12. alii.

†) Dordraci 1732. II. Vol. fol.

m) Stemmatibus Grotiani tabulam exhibet Grotius vindicatus p. 9. seqq.

n) Vid. Cent. I. ep. misc. p. 22.

o) Exempla habes l. c. p. 9. seqq.

praematura seges messiem omnium spe atque votis superiorem promitteret, ad augendas animi dotes et maturandam doctrinam praestantissimam adolescens nondum duodecennnis in academiam Leidensem missus est. Quod artium et disciplinarum stadium magna alacritate ingressus, tanto ardore absolueret studuit, ut in theologiae, iurisprudentiae, matheseos aliarumque scientiarum cursu alios longissime anteuertaret. Cumque in ea academia theologiam tum doceret Ioannes Vytenbogardus, cuius celeberrimum postea inter Remonstrantes nomen fuit, ei potissimum in discenda doctrina sacra adhaesit, indeque Arminii partibus fauere coepit <sup>p</sup>. Eruditionem philologicam autem, usus doctore illarum literarum magno Scaligero ita roborauit, ut quindecim annorum adolescens MARTIANVM CAPPELLAM notis et obseruationibus suis illustratum, edere posset, ea ingenii felicitate usus, ut non tantum sui temporis criticis ex asse satisfaceret, sed et libellus ad nostra tempora aetatem ferret <sup>r</sup>. Eodem aetatis anno, qui fuit aerae Christianae MDXCVIII, cum legato Batauio Ioanne Oldenbarneveld in Galliam profectus, summos iurisprudentiae honores accepit, virisque doctis valde charus, ipsique regi Henrico magno acceptissimus fuit, qui gratiosum eum apud ipsum esse torque aureo testatus est <sup>r</sup>. Annis vero adhuc immaturus cum ingenii maturitate et iudicii atque doctrinae praestantia viros superaret, scilicet annorum XVII iuuenis aduocatus fisci cum salarii augmento constitutus, et anno MDCXIII, aetatis XXX, reipublicae Roterodamensis syndicus et consiliarius, Eliae Oldenbarneveldio successor datus est <sup>s</sup>. Quod munus grauissimum humeris quidem suis imponi passus est, ast ea conditione, ut pellere locoque moueri eum non liceret, eo quod turbas Arminianas iam tum satis praeuideret. Ediderat autem iam anno MDCIX libellum *de Mari libero* inque eo causam Batauorum defenderat <sup>t</sup>, libro quoque *de Antiquitatibus reipublicae Batauae* praeclare de patria meruerat. Dignus itaque visus est, qui litibus inter Britannos et foederati Belgii ciues de nauigationibus Indicis hoc anno valde efferuescentibus componendis reipublicae nomine legatus ad magnae Britanniae regem mitteretur. Quam illustrem spartam ita in aula Iacobi I. ornauit, ut non modo commercii Indici iura ciuibus suis strenue vindicaret, sed et regis sapientissimi et viris doctis egregie fauentis beneuolentiam prorsus singularem consequeretur. Inque ista apud Britannos mora occasionem nactus est amicitiae familiaritatem cum Isaaco Casaubono ineundi. Redux ex Anglia Grotius patriae statum

p) Apologet. p. 89. Conf. Epp. Remonstrant. p. 340. seqq. ex quo loco constare potest, quanta familiaritate hoc theologo Grotius usus fuerit.

q) Conf. FABRIC. Bibl. Lat. T. III. c. 15. §. 4. p. 640. r) Grot. vind. p. 18.

s) Ita verò assessor quoque ordinum Hollandiae, et postea foederatorum delegatorum factus est.

t) Respondit Grotio Io. SELDENVS, Grotio valde aemulus, in mari clauso, siue de dominio maris libris duobus, Lond. 1635. pro Grotio con-

tra hunc pugnantibus Theodoro Graswinckelio, Isaaco Pontano, aliisque, vid. Bibl. iur. imperant. c. 3. pos. l. §. 4. p. 233. Inter Lusitanos quoque NICOLAVS FRERNATIVS ei opposuit, Mare non liberum, seu demonstrationem iuris Lusitanici ad Oceanum et commercium Indicum; quod tamen ineditum mansit, itemque SERAPHINVS DE FREITAS, de iusto imperio Lusitanorum Asiatico aduersus Grotii Mare liberum, vid. STRVVII Bibl. philos. c. 8. §. 10. Bibl. Grotiana in Grot. vind. p. 727.

statum prorsus immutatum et periculis plenum deprehendit. Coeperant enim latentes haecenus controuersiarum Arminianarum igniculi in apertam flammam indies magis erumpere; eo vero loco inque eo munere positus erat Grotius, quo huic incendio restinguendo subtrahere se non posset. Non est huius loci, acerbis lites et insignes turbas, quae non ecclesias modo sed rempublicam quoque Belgii foederati tum repleuerunt, et haud parum calamitatum excitarunt, enarrare, quaeque inter Remonstrantes siue Arminianos et Contra-Remonstrantes, siue Gomaristas eo tempore magnis animorum diffidiis et minime laetis ciuium tumultibus acta sunt exponere, ea enim ex annalibus ecclesiasticis illisque fontibus, quibus notitia Arminianismi nascentis et adulescentis enarrari solet, discenda, et scripta BRANTII<sup>n)</sup>, LIMBORCHII<sup>o)</sup>, HALESII<sup>w)</sup>, GROTTII<sup>x)</sup>, itemque *Epistolae Remonstrantium*, quaeque contra illos eo tempore edita fuerunt, consulenda sunt: sufficit enim ob narrationis seriem annotauisse, ita reipublicae rebus se immiscuisse turbas has ecclesiasticas, ut magni inde in ciuitate motus orirentur. Mauritius enim princeps, qui videbat plebem, maxime Gomari factioni acerbae et inquietae, adhaerere, has sibi partes eligendas<sup>\*</sup> firmandasque esse censuit, quod ita auctoritatem et potentiam suam mire sustentari posse intelligeret, Oldenbarneveldius autem, qui funestas has lites fore reipublicae praesenserat, temperandum feruorem Gomaristarum, et iuuandam causam Remonstrantium, conciliata tolerantia ratus, plurimum mouerat, ut violentia omnis abesset, pertraxeratque alios summos in ciuitate viros in has partes, ut cauti, ne quid detrimenti respublica et libertas ciuium caperet, Arminii partes tuerentur. Eandem itaque rationem sibi tenendam esse ratus Grotius, consilia pacifica, et extinguendo incendio, quod iamiam mire ardebat, apta suggerere, iram tantis animis conceptam frangere, paci, tranquillitati libertati publicae adesse, et rempublicam a periculis, quae ex infelici hac controuersia imminiebant, defendere omnibus viribus satagit. Magno id Grotii malo euenit, cui patriae libertatis amor libertatem patriamque abstulit. Valde irritauerat Grotius iam ante Gomarum impotentis animi virum scripto eleganti carmine in mortem Iacobi Arminii<sup>z)</sup>. Mauritiū autem indignationem, partes Oldenbarneveldii secutus, meruerat. Qui princeps cum auctoritate sua praepotentes Belgii foederati ordines permouisset, ut factionem illam vi extinguere constituerent, rebus omnibus ad tumultum spectantibus, potentissima Arminianae partis capita capi, Oldenbarneveldio capitis sententiam dici, Grotio carceris ad dies vitae poenam irrogari, placuit, et Arminiana factio in synodo Dordracena valde oppressa est. Qua mire fracta, Oldenbarne-

Zz zz 3

n) In Vita Iac. Arminii cum notis I. L. Mosheim recusa Brunsv. 1725. 8.

v) In Historia vitae Simonis Episcopi, Amst. 1701. 8. edita, libro rarissimo.

w) In Historia conc. Dordrac. cum Obf. Mosheim, Hamb. 1724. 8.

x) In Apologetico.

y) Acta publica huc pertinentia enarrat bibl. Grot. l. c. p. 702.

z) Vid. BRANT. l. c. p. 205.



barneueldius capite plexus, Grotio lis mota et iniquis rationibus promota est. Quamuis autem et ordines Hollandiae se violentiae huic opponerent, et legatus Galliae Benedictus Aubertus Maurerius regis sui nomine intercederet, euitare tamen sententiam Grotius non potuit, eo quod veniam deprecari, nullius sibi sceleris conscius detrectaret. In arcem itaque Lupensteniensem captiuus anno MDCXIX abductus, carceribus perpetuis damnatus est, bona fisco publico addicta sunt \*. Multa et graua in eo carcere contra ius fasque pertulit Grotius, et fortunae iniquitatem non sine graui calamitate sensit. Ast cum iustam sibi causam esse intelligeret, et tum pietatis tum philosophiae praeceptis pectus muniuisset, vere philosophum et Christianum in hac aduersitate se praestitit. Tempus enim non irae et vindictae cogitatione, sed cogitationibus piis et meditationibus sanctis, tum literarum studiis, in quibus iam tum egregie erat versatus, fefellit, cuius specimen dedit non modo *Eclogis Stobaeanis* † elegantiori Latino habitu donatus, sed et staminibus aurei libelli de veritate religionis Christianae tum inceptis. Cum enim ista rerum suarum aduersitate mire ad religionis Christianae praestantiam agnoscendam perduceretur, remotio suo et argumenti diuinitate dignam reputauit, si eius veritatem demonstrare fusciperet. Nobilissimum itaque argumentum, primo versiculis Belgicis comprehendit, vt haberent nautae ad infidelium terras discedentes, quod et facile memoria tenerent, et ad capiendos infidelium animos feliciter adhiberent: postea vero cum Parisiis degeret, Latino carmine expressit, et tandem refictum, prosaque expressum ac annotationibus illustratum in vulgus exire passus est. Quae meditationes carcerales tanto omnium bene reipublicae Christianae cupientium applausu exceptae sunt, vt in Gallicam, Germanicam, Anglicam, Danicam, Suecicam, Belgicam, Graecam, Arabicam ‡, Persicam, Indicam et Sinensem linguam conuerterentur. Cuius tamen praestantissimi libelli historiam prolixiorum hoc loco tradere non licet: vnde rogamus lectorem vt ven. KOECHERI §, cui elegantem praestantissimae tractationis editionem debemus, historiam huius libelli adeat, in qua cuncta pulchre prolixèque enarrata sunt. His intentus totusque diuinorum oraculorum et philosophiae studiis immersus dum de libertate tantum non desperat, providentia diuina de eius liberatione sollicita pietatem vxoris Mariae Reigersbergiae excitauit, vt ausu plus quam virili, et pietate aeternam nominis gloriam promittente, de liberando marito cogitaret. Postquam enim vltra sesquiannum in carceris squalore delituerat, agitatissimis consiliis variis, tandem

\*) Historia carceris Grotiani discenda ex Apologetico, LIMBORCHIO l.c. p. 116. Grotio vindicato P. I. p. 26. 128. seqq. 173. 193. ex epistolis Grotii aliisque l. c. laudatis.

†) Vid. Biblioth. Grot. l.c. p. 659.

§) Ex hac versione a POCOCKIO facta enata Iacobo Sponio et Georgio Whelero, qui eam in

Oriente viderunt, occasio Grotium accusandi, quod ex Arabico libellum descripisset, Conf. FABRIC. Syllab. de V. R. C. c. 30. p. 551. seqq.

b) In Anal. suae Diss. Epist. historiam libelli Grotiani de V. R. C. complectente conf. Grotian. bibl. p. 800. FABRIC. l.c. p. 549. Car. Reimann. p. 1065. Hist. bibl. Fabric. P. I. p. 294.

tandem arcae, quae ad deportandam suppellectilem haecenus multoties adhibita fuerat, inclusus ab vxore, sicque ex carceris latibulis, velut librorum farrago quaedam exportatus, vxore in carcere remanente, Gorichemum vicinam delatus est, anno MDCXXI, XI. Cal. April. Vbi aperta arca prodiens Grotius induto coementerii cuiusdam habitu apprehensa-que manibus trulla oppido elabatur, et Valouicum primum in Brabantia, deinde Antwerpiam dilapsus est, quo tamen loco occultus quoque vixit<sup>c</sup>. Dicit satis non potest, quantum ex hac mirabili liberatione gaudium conceperint, non modo Arminianae factionis affeculae, sed et viri passim docti; qui certatim et epistolis et carminibus disciplinarum fortunae gratulati sunt, quod tantum illis decus esset conseruatum, vt ex iis, quae luserunt in Grotium<sup>d</sup> eiusque coniugem Erycius Puteanus, Caspar Barlaeus, Petrus Ianninus aliique non sine iucunditate intelligi potest. Ita liberatus memorabili coniugis fide, quae maritum aegrotare finxerat, et in custodia remanserat, libera tamen postea non sine ingenti editi facinoris gloria dimissa est, commendatus a Maurerio Lutetiam per deuia tendit Grotius, postquam de diuina liberatione epistola ad Ordines Belgii foederati data perscripsisset, et ne sic quoque ex amore patriae quicquam sibi decedere se passurum esse, significauisset. Lutetiam delatus de sede tuta sibi, vxori et liberis dispiciens, a cancellario regni Guilelmo du Vair ad regem perductus et ab eo beneuole exceptus et annuo donatiuo honoratus est. Nicolaus Peirescius autem, quem non Moecenatem modo, sed parentem eruditi tum nati erant, in deuinciendo sibi Grotio beneficiis certauit: ipse insigni gaudio vxorem lectissimam liberosque et suppellectilem tandem recepit. In Gallia iam sede fixa ad pristina literarum studia se recepit, neque erga ciues suos atque patriam quicquam ex pietate studioque remittit, consilioque et auxilio administratorum quorundam regis vsus, eum pro partis oppressae auxilio et solatio est deprecatus. Id quod tamen tanta animi continentia fecit, vt dixisse feratur rex Galliae: mirari se virtutem hominis, qui tam male in patria habitus, non desineret tamen ei subditisque eius bene velle, immo quocunque etiam posset modo, benefacere. Et illi quidem, qui res foederati Belgii in aula regis curabant, nihil intentatum reliquere, quo infestum ei regis animum redderent: ast, et satis nota erat persecutio, quam Grotius perpeffus erat, et ita rem omnem edito *Apologetico*<sup>e</sup> manifestam fecerat, vt, qui non omni rerum sensu destituebantur, facile intelligerent, quam iniquis modis ille habitus fuisset. Quamuis autem in Gallia securus latibulum inuenisset, non defuerunt tamen

c) Historiam liberationis suae ipse narrat in *Apologetico* c. 18. p. 302. cuncta eleganter enarrantur in Grotio vindicato p. 207.

d) Vid. Epp. Remonstrantium 387. seqq. pag. 653. seqq.

e) *Apologeticus* eorum, qui Hollandiae, West-

Frisiaeque et vicinis quibusdam nationibus ex legibus praefuerunt ante mutationem anni 1618. quo ea referuntur, quae aduersus H. Grotium et alios facta iudicatae fuerunt, Paris 1622. 8. et saepius. conf. Bibl. Grot. p. 714. seqq. Etiam Belgice liber prodiit, qui proceres Belgii foederati valde irritauit.

tamen, quae animum deprimerent. Nam et fama, quod veniam ordines Belgiae foederati deprecatus esset, eum mordebat, ad quam ne in carcere quidem, ut libertatem redimeret, induci potuerat; cui dicto Apologetico occurrere statuit, quod ita vulneravit partem aduersam, ut edicto publico vendi prohiberetur: et infidiati illi sunt aduersarii certatim, in id coniurantes, ut molestiis eum afficerent: et vxoris ac liberorum morbi in aëre peregrino valde eum afflixerunt, et congiarium regium, inuidorum calumniis et Richelii cardinalis indignatione illi subtractum est, et synodus Charentonenfis eum communione ecclesiae reformatae exclusit, eo quod Arminianos secutus Dordracenae synodi decretis subscribere nolisset. Ast qui carceris molestiam et infamiae publicae contemptum mira patientia tolerauerat, in his quoque ferendis non philosophum modo, sed Christianum quoque se demonstrauit, et legendo atque scribendo fortunae iniquitatem et vicissitudines leuauit, immo fregit. Tum enim versiculos de V. R. C. Latinos fecit, et in aliis, quae ad philosophiam et elegantiores literas iuuandas spectabant, laboribus fuit diligentissimus.

*Historia libri de iure B. et P.*

§. VII. Et huic quidem morae immortale Grotii opus debemus, quod *de Iure belli et pacis* inscripsit, quodque aeternam auctori suo inter philosophos nominis gloriam peperit. Quod cum rationem nobis suppeditauerit, cur in historiae philosophicae theatro Grotium comparere voluerimus, paulo curatius enarrandum est *f*. Operis autem huius condendi auctorem et suaforem primum Grotius habuit Peirescium; qui cum videret nobilissimum, quod de iure gentium praecipere debet, argumentum, incertissimis haecenus scholasticorum philosophorum nonnullorum disputationibus corruptum magis quam illustratum, a plerisque autem miro contemptu et ignorantia neglectum esse, nosset autem et eius dignitatem atque necessitatem, et lumina Grotii per vniuersae philosophiae angulos perreptantis; auctor ei extitit, ut derelictam ab aliis prouinciam occuparet, nobilissimam disciplinam ex puluere et squalore scholasticarum ineptiarum protraheret, controuersias ad ius naturae et gentium legibus ciuilibus non circumscriptum respicientes extricaret, et ita doctrinae moralis partem nobilissimam emendaret, augetet, vel, si dicendum, quod res est, restitueret, ciuiliu quaestionum autem fundamenta alia et meliora quam quae haecenus suppetebant, poneret *g*. Paruit tam salubri consilio Grotius, cumque et otio tum polleret et doctrina, Peirescius autem omnem, qua desiderabat suppellectilem librariam suppeditaret, ad eiusmodi opus pariendum ingenti vires applicuit, tandemque laudatissimum librum, quem commendationis gratia maluit de iure belli et pacis, quam de iure naturae et

*f*) Conf. BONCLER. et BARBAYRAC. in proleg. ad h. l. BAYLE l. c. not. O. Obs. Hal. T. VII. Obs. 15. Obs. misc. T. I. p. 953. FABRICIUS Hist. bibl. suae T. IV. p. 125. et Scriptores historiae

I. N. Thomaeus, Buddeus, Ludouicus, Grotius vindicatus P. I. p. 266. seqq.

*g*) Vid. GROTII Ep. ad Gallos Ep. LXXXVI. p. 177.

et gentium inscribere, libertate vsus eclectica perfecit, et quodcumque in vasta scriptorum veterum et recentiorum lectione occurrerat, ad hoc argumentum spectans eleganti ordine iustaque methodo digessit. Egit autem in praestantissimo opere id potissimum Grotius, ut ius naturae, quatenus ad societatem civilem spectat, quae maiestate imperantium regitur, ex principiis purioribus et rectoribus, quam hucusque factum erat, deduceret, unde non errant, qui in eo institutiones iuris naturae et gentium tradi asserunt, id enim ipse haud obscure significat <sup>h</sup>. *De iure belli et pacis* autem, suspendendae vino vendibili hederæ causa appellauit, quod controuersias illustres, eas praecipue, quae de belli et pacis iure inter gentes integras earumque imperantes agitantur, simul tetigerit, ratus ita auidius a viris politicis et in republica administranda versantibus lectum iri. Toti autem, quod ingenio maximo exstruere coepit, aedificio fundamentum, quod a Stoicis transsumsit, supponit, societatis custodiam humano intellectui conuenientem, exque hoc principio morali iuris naturae praecepta deriuat, tum ab eo ius gentium distinguit, idque ex consensu omnium vel plerarumque ciuitatum hauriendum esse statuit, quamobrem officia naturalia ab iis, quae ex constituto peragi solent, distinguit. Et libro quidem primo de iuris origine disputans, quid ad legitimum bellum, quid ad imperium requiratur, quid sint subditi, disquirat, libro autem secundo explorat causas belli, quid res communes, quid propriae sint, quid ius sibi velit, itemque dominium, obligatio, pactum, contractus, foedus, iusiurandum, damnum, legatio. Libro tertio de eo quod in bello licet tractans, pacem simul et conuentiones belli considerat. Et haec quidem omnia ex principiis certis, et axiomatibus ab omnibus concessis, notionibusque et definitionibus iustis ita deducit, ut ex omni antiquitate testes adducat, et philosophorum consensum in partes vocet, inter quos primum quidem locum Aristoteli cedit, dolet autem inepta eius adoratione veritatem esse suppressam. Unde animo se esse eclectico haud obscure prodit, fassus inter alia: *se et hic et alibi veterum Christianorum sequi libertatem, qui in nullam sectam iurauerint, non quod eis assentirentur, qui nihil percipi posse dicebant, quo nihil est stultius; sed quod nullam esse sectam putarent, quae omne verum vidisset, et nullam, quae non aliquid ex vero: itaque veritatem sparsam per singulos per sectasque diffusam in corpus colligere, id vero existimauerint nihil esse aliud, quam vere Christianam tradere disciplinam.* Et eodem quoque animo affectus veteris ecclesiae doctores in partes vocat, quin et Scholasticos admittit, quibus ingenii sublimitatem concedit, eorumque modestiam laudat, et raro errare, ubi omnes consentiant, statuit, dolet autem, quod in infelicia tempora inciderint. Quae scripsit sine dubio vir re et nomine magnus, partim

p. 177. conf. GASSENDVS in Vita Peirescii L. IV. Opp. T. V. p. 294. f.

h) Vid. Prolegom. et Epist. ad Gallos 66. pag. 178.

partim quod a pueritia in eorum notitia esset versatus, partim quod crabrones eo tempore, quo periculosum id erat, irritare nollet. Cumque in Romano iure esset versatissimus, ex eo quoque tractationi suae lucem petit, et historiarum annales in partes vocat, quae causa est, cur lectorem liber eruditissimus postulet non nudius tertius in disciplinis versatum, sed veteris literaturae probe gnarum. Insigni vero plausu et approbatione doctissimorum virorum liber ille exceptus est, quorum laudes immortalis operis cum editores et commentatores eius, aliique supra nominati, itemque POPE-BLOUNTIVS collegerint, eos lectorem consulere iubemus. Notamus tantum, ut de insigni pretio constet, quod ei positum est, ex fide BOECLERI <sup>i</sup>, „in plerisque aulis et curiis numerari viros dignatione generis, munerum meritorumque inter praesidia et „ornamenta seculi praedicandos, qui huius operis abstrusas opes familiariter norint, eiusque doctrinam non capiant modo, sed ubi res poscat, „inter instrumenta tractandae reipublicae expediant, denique obrectatores tam bonarum rerum in bonis viris, certe doctis, nunquam habendos „esse, arbitrentur.“ Neque hoc tacendum, reges summosque principes insigne pretium nobilissimo operi posuisse. Lectum enim est studiose a duobus Sueciae regibus Gustavo Adolpho et Carolo Gustavo, illiusque iussu in Suecicam linguam est conuersum. Carolo Ludouico autem, electori Palatino, ita placuit, ut condendae nouae iuris naturae professionis in academia Heidelbergensi consilium inde caperet. Testes quoque esse possunt innumerae editiones, post primam Parisiensem anno MDCXXV, et eam anno sequente in Germania Francofurti ad Moenum repetitam excusae, quot lectores, etiam summae dignitatis viros liber habuerit. Hinc emendatum opus et annotationibus auctum iterata vice Grotius anno MDCLXII edidit, cui suas observationes postea adiecit Io. FRIDERICVS GRONOVIVS, emissas in vulgus anno MDCLXXX. Hoc autem seculo vir elegantissimae doctrinae Io. BARBAYRACIVS opus recognouit, cuncta ordine digessit, emendauit, sicque nitidam editionem anno MDCCXX exire iussit. Lectus autem et quaesitus tanta auiditate est commentarius hic iuris naturae et gentium, ut necesse esset, eum in linguas Belgicam, Suecicam, Anglicam, Gallicam et Germanicam vertere <sup>1</sup>; et Gallicas quidem versiones duas orbis literatus accepit, vnam a COVRTINO <sup>1</sup>, alteram a BARBAYRACIO, qui observationes suas adiecit, et anno MDCCXXIV *Amstelodami* edidit; vtramque vero non inutiliter posse cum altera adhiberi, non nemo monuit <sup>m</sup>. Germanicam fecit SCHVZIVS, praefante CHRIST. THOMASIO, editam *Lipsiae anno MDCCVII*. Et hoc quidem incomparabili opere gloriam emendatae iurisprudentiae naturalis primam Grotius iure suo meruit: quamvis nec omnia, (ut in reformandis dogmatibus fieri solet, quae non nisi successiuis conatibus perficiuntur) sustulerit, et emendauerit, quae emendatione opus habebant, et haud paucos oblocutores

<sup>i</sup>) loc. cit.

<sup>k</sup>) Vid. Biblioth. Grot. I. c. p. 745.

<sup>1</sup>) Paris 1687. 4.

<sup>m</sup>) Biblioth. iuris imperant. c. 1. pos. 2. §. 6. p. 15.

tores et aduersarios habuerit. Et Romae quidem nigrum illi theta ab inquisitionis officio praefixum fuisse, nemo magnopere mirabitur; ast inuentum fuisse iureconsultum Helmstadiensem, qui errores enormes singulis se paginis ostendere posse gloriatus est, et innumera reprehendisse commentatorum gregem, Grotio multis modis inferiorem, contemptumque fuisse librum prorsus egregium, id sane aequo lectori mirum certe iniquum videbitur. Quo commotus IOANNES ARNDIVS Rostochii *Prodromum maioris operis de Hugone Grotio, a commentatoribus iuris belli et pacis aliisque immerito vapulante* ", exire in vulgus passus est. Non negamus tamen, extare in opere Grotiano naeuos quosdam, vt supra humanam conditionem est, in via ab aliis nondum calcata, vno operis conamine argumentum nouum et innumeris difficultatibus septum, absolueret et perficeret. Vnde enata occasio illustri THOMASIO \*, in eo reprehendendi, obscuritatem, quae subinde interpretibus occasionem dederit, multa cum cura in verborum Grotii sensum genuinum inquirendi: tum, quod ipse Grotius in fundamentalem propositionem iuris naturae non inquisiuerit cum debita diligentia, sed nimis superficialiter hoc thema tractauerit: forte, ne Scholasticos irritaret. Saepe etiam nimis sollicitus sit, in conquirendis Graecorum et Latinorum Scriptorum testimoniis, dum aliquid iuris naturae vel gentium esse voluerit; nec legis homonymiam sustulerit, lumen vero reuelatum et naturale vbique fere misceat, ac in explicatione textuum scripturae, Rabbinorum et Socinianorum traditiones et interpretationes nimis aestimet, vnde occasionem sumferint theologi, variis stricturis doctrinam Grotii notandi. Tandem quod ius gentium non debita diligentia exposuerit, supponendo saltem, ius gentium esse speciem iuris voluntarii. Quae et alia, tum ab illo, tum ab aliis viris doctis culpata, non tamen obstant, quo minus pulcherrime de hac disciplina iuris naturae, tum quidem in puluere et squalore iacente meruisse dici possit, et gloria vindicatae et emendatae iurisprudentiae naturalis, ei debeatur. Quanquam enim ante Grotium nonnulli fuerunt, qui de restituenda hac disciplina, cuius partem olim tetigerant Stoici de officiis disputantes, cogitarunt, quod praeter Scholasticos nonnullos † primus fere conatus est NICOLAUS HEMMINGIVS, edita *Apodictica methodo de lege naturae* †, decennio quoque ante Grotium BENEDICTVS WINCKLERVS, Soltquellensis, *Libros quinque principiorum iuris* edidit, in quorum primo de lege omnium primo mouente ac gubernante, in secundo de iure primo et proprie dicto, in tertio de iure naturali, in quarto de iure gentium, in quinto de iure positio seu ciuili egit, obseruatum tamen viris doctis, qui historiam iuris naturalis

Aaa aa 2

enarra-

n) Conf. Hist. bibl. Fabric. P. IV. p. 124.

o) Hist. iur. natur. c. VI. §. 2. p. 69. conf. REIMANN. l. c. p. 31.

p) Conf. Progr. iurisprud. diu. praefix. p. 76.

q) Conf. nominatos in Vind. Grot. P. II. p. 619.

r) Viteberg. 1562. BAYLE Dict. Tom. II. art. Hemmingius. STOLL. Hist. lit. P. III. c. 2. §. 4. p. 629.

enarrarunt, tentasse eos magis aliquid, quam perfecisse, et tam obscure et confuse in hoc argumento versatos esse, ut parum vel nihil plane ad restituendam utilissimam disciplinam attulisse censendi sint. Hemmingius enim decalogum cum principiis iuris naturae confudit, Wincklerus in generalibus versatus Platonem quam rationem consulere maluit. Recte itaque reformationem et restitutionem iurisprudentiae naturalis Grotio deberi asserimus.

*Commenta-  
tores et epi-  
tomatores o-  
peris Gro-  
tiani de I.B.  
et P.*

§. VIII. Fecit operis noui praestantia et eruditio, ut philosophi pariter atque iureconsulti certatim illud sibi hodegi instar eligerent, secundum cuius ductum et iuuentuti studia literarum aemulanti ius naturae traderent, et disciplinam nobilissimam commentariis illustrarent, et, quae diffusa et difficili tractatione Grotius differuerat, in compendium mitterent. Hinc enatus magnus commentatorum et epitomatorum numerus, quos omnes hoc loco recensere, limitibus arctioribus constrictis non licet, diffici autem ab historiae iuris naturalis enarratoribus, maxime vero a cel. BARBAYRACIO possunt, qui de singulis accurate iudicauit. Nobis illi tantum hoc loco memorandi sunt, qui nominis famam aliquam in eo argumento sunt consecuti. Primus autem, qui annotationes in Grotium scripsit, fuit IOANNES A FELDEN, iureconsultus Helmstadiensis, cuius alio quoque loco mentionem fecimus. Is cum insigni Peripateticae philosophiae cognitione gauderet, ferre autem non posset, Grotium, licet magnis encomiis Aristotelem cumulasset, ab eo in haud paucis discessisse, castigare Grotium, et ad disciplinam Peripateticam emendare constituit. Hunc enim sibi scopum in *Annotationibus in Grotium Amstelodami anno MDCLIII editis* constituit, quae stricturas et vindicias Aristotelicas continent. A cuius censura liberare Grotium voluit THEODORVS GRASWINCKELIVS, iureconsultus Delphicus editis *stricturis ad censuram Ioannis a Felden ad libros Grotii de iure belli et pacis*, ast inuita Minerva in eis vindiciis est versatus. Habebat enim aduersarium non philosophiae quidem eclecticae, ast disciplinae tamen Peripateticae exacte peritum, dubiisque ferendis et disputationi acriori aptissimum, cuius ictus excipere et retundere satis Granswinckelius non nouerat, unde Feldenius in iterata scripti sui editione, qui responsiones ad stricturas Graswinckelii inseruit, ita eum depexum dedit, ut respondere amplius nolle. Post hunc Frater Hugonis, GVILELMVS GROTIVS prodiit, qui *Enchiridion de principiis iuris naturae* edidit, aliquoties recusum, qui tamen ideo scripsisse iudicari potest, ut constaret, quid inter utrumque fratrem recti et sinistri, docti et vulgaris atque inepti intersit, adeo fratris

s) Conf. BEIERI Notit. auct. iurid. Spec. I. n. 2. THOMAS. l. c. p. 68.

t) In Praef. Grot. vindic. p. 626. Bibl. Grot. p. 749. Bibl. iuris imp. l. c. Io. GROENINGII Bibl. iur. gent. Europ. p. 231.

u) Conf. de eo bibl. iuris imperant. c. 1. pos. 3. §. 1. 2. p. 16. x) Lugd. Bat. 1654. 12.

y) Ienae 1663. 12. Conf. Grot. vind. P. II. p. 631. THOMAS. l. c. p. 70. Bibl. iur. imper. l. c. p. 17.

z) Hag. Com. 1667. Ienae 1669.





mediocris eruditionis homine scribi posse iudicarunt, eo quod antiquae literaturae suppellectilem a Zieglero perspicuitati litanti, non afferri viderent. Qui licet exasciatam se operam praestitisse ipse non gloriaretur, ostendit tamen, quid facere potuisset, si secundis curis praemeditata perficere potuisset. Effecit autem istis annotationibus Zieglerus, ut ordinis iureconsultorum apud Vitebergenſes membra, aequius de iure naturae cogitare inciperent, quibus ideo Moralistarum nomen haesisse obseruat CHR. THOMASIVS <sup>d</sup>. Tertius his ex iurisperitorum numero accessit vir illustris HENRICVS DE HENNINGES; tum quidem adhuc iuuenis, postea vero summis in aula Berolinensi muneribus admotus. Is enim lecto aliquoties opere Grotiano, *Obſervationes politicas et morales*, tentandi ingenii cauſſa adiecit, easque poſtea *Solisbaci* anno MDCLXXIII exire in publicum paſſus eſt. *Inueniri in iis*, pronuntiat THOMASIVS <sup>e</sup> *quemlibet, ab affectu vacuum, quae multum faciunt ad intelligendum aut etiam emendandum Grotium, et quae variam viri lectionem, diligentiam et iudicium ſpirent, ut vix concipere liceat, quomodo illo tempore iuuenis, qui Ienae et Altdorſii, ubi tum Icti iuriprudentiam naturalem negligebant, ſtudiis incubuerat, ad lectionem optimorum auctorum et iudicium ferendum de ſententiis communiter receptis, et auctoritate famigeratiſſimorum Ictorum munitis peruenire potuerit.* At hoc non obſtante non neglectus modo liber eſt, quamuis libere ſatis, nec ſine ſtili acrimonia quadam a receptis ſententiis, diſcederet, ſed fuerunt quoque <sup>f</sup>, qui iudicaret, *in philoſophia morali non videri admodum fuiſſe verſatum, indeque titubanter illos attingere locos, qui explicandi eſſent e philoſophia practica, et ubi digreſſionem facere poſſit, id non intermittere, quaestionesque politicas infercire, quibus opus baud ſit, annotationes eius nihil habere utilitatis, tractare etiam multa aliena et ad interpretationem Grotii nihil facientia, et voluiſſe ſua dicta velut oracula venditare.* In quo virorum doctorum diſſenſu arbitrii partes lectori relinquimus, id modo monentes, iuuenem has annotationes ſcripſiſſe, at ingenio praeclaro et ad res magnas nato praeditum. Adici hiſ poſſet Io. ADAM OSIANDER, theologus Tubingenſis, qui et ipſe *Obſervationes in Grotium* <sup>g</sup> edidit, niſi is hunc ſibi ſcopum conſtituiſſet, ut Scholaſticorum placita contra Grotium vindicaret, et theologiae puritatem a Grotio interdum turbatam aſſereret. Inde factum, ut in illo Scholaſticum ageret, in hoc Zieglerum plerumque ſequeretur. Ex quo de meritis eius in iuriprudentiam naturalem, quam etiam edito *Typo legis naturalis contra Hobbeſium* <sup>h</sup> ornare ſtudit, ſtatuendum, et quid in eo excuſari poſſit, diſpiciendum eſt. Addi hiſ poteſt haud exigua caterua commentatorum, inter quos innotuerunt nomina Ioannis Georgii Simonis, Ioannis Teſmari, Valentini Velthemii, Virici Obrechtii, God. Spinaei, Io. Wolfgangi Iaegeri, Chriſtfridi Waechtleri, Cyriaci Lentuli, Iuſti

d) l.c.

e) l.c. p. 77.

f) Vind. Grot. p. 634. Bibl. iur. imp. f. 5. p. 18.

g) Tub. 1671.

h) Tub. 1673.

Iusti Christophori Boehmeri, et qui omnium prolixissimus fuit Gerardi van der Muelen, de quibus tamen prolixiora cupientibus historiae iuris naturalis, vel etiam Grotianae scriptores adeundi sunt. Inter epitomatores Grotii autem eminent Io. GEORGII KVLPIII<sup>1</sup>, Io. REINHARDI VITRIARII<sup>2</sup>, Io. SCHEFFERI<sup>3</sup>, scripta, vt tabulas a Io. PAVLINO OLIVEKRANZIO in hoc opus de I. B. et P. confectas taceamus<sup>m</sup>.

§. IX. Patet ex haftenus dictis, quid philosophia moralis Grotio *Reliqua vi-  
tae Grotia-  
nae.* debeat, et quae noua ab eius aetate et labore ab eo suscepto periodus iurisprudentiae naturalis inchoanda sit. Nisi enim Grotius viam aperuisset, non haberemus forte, quod Pufendorfio, Thomasio reliquisque iuris naturalis restauratoribus deberemus. Iam ad eius historiam redeundum, et quo pacto reliquum vitae curriculum absoluerit, paucis enarrandum est. Nempe coegerunt fata, et inimicitiae in Belgio foederato durantes, quibus Remonstrantium partes mire premebantur, Grotium vndecim annorum moram in Gallia facere, quo tempore maximorum in republica viro- rum fauore et amicitia vsus est, qui eius in iurisprudentia rebusque ge- rendis experientiam haud raro in consilium vocauerunt. Sed et ipsi Arau- sionensium principi Henrico acceptissimus, virisque eruditionis gloria ce- leberrimis familiaris et longe gratissimus fuit, id quod ex *Epistolis ad Gal- los* constat; in quibus leguntur nomina, Iacobi Augusti Thuani, Nicolai Fabri, Petri Ianini, Beniamini Auberii Maurerii, Ioannis Hotmanni, Vil- lerii, Puteanorum fratrum, Nicolai Peirescii, Guilelmi Vairii, Claudii Sarrauii, Hieronymi Bignonii, Petri Gassendi, Io. Cordesii, Ludouici Cap- pelli, Claudii Salmasii aliorumque. Quorum vel conuersatione vel com- mercio literario plurimum recreatus longiorem sine dubio in eo regno mo- ram fecisset, nisi congiarium, quod a rege haftenus acceperat, anno MDCXXXI a cardinale Richelio ei iterum fuisset subtractum, vt supra iam monuimus. Cepit ideo consilium reuertendi in patriam, quam licet haftenus ingrata esset expertus, odia tamen et persecutiones, quas nil tale meritis haftenus pertulerat, eius amorem extinguere non potuerunt. Praeterea spem alebat fore, vt principe Arausionensium Henrico Friderico, summae rerum praefecto, qui ipsi amplissime fauebat, mitiora fata subire possit. Vxor quoque patriae desiderio languens vehementer eum instigabat. Media igitur hieme anni MDCXXXI Amstelodamum cum familia successit; quo loco expertus est, non carere se quidem Roterodami, Delphis et Amste- lodami amicis et fautoribus, at potentiores tamen maioremque esse ad- uersariorum numerum. Quibus non quiescentibus omnemque la- pidem mouentibus perpetuo exilio multatus patria excedere iussus est, non dissentiente ob rationes ciuiles principe, certe non impe- diente. Ita patria eiectus, cum nosset Suecos eius ministerium cu- pere, Hamburgum se contulit, hospitem ibi nactus mercatorem quendam

i) In Collegio Grotiano.

l) In Grotio enucleato.

k) In Instit. I. N. et G. ad methodum H. G.  
Hal. 1695. 8.

m) Conf. STOLL. l. c. P. III. c. 2. §. 6. p. 631.

quendam haud illiteratum. Qua in vrbe exilium ei leuauit et loci amoenitas atque frequentia, et popularium suorum veterum atque nouorum turba, qua circumfluebat. Mansit itaque in ea vrbe vsque ad mensem Maium anni MDCXXXIV, tanta animi tranquillitate, vt cum semel iterumque ad munia splendida obeunda a rege Daniae, duce Holfatiae, rege Poloniarum, et rege Hispaniae inuitatus esset, dubitaret, an non toties fortunae reflantis procellis iactato tutius esset, in hoc portu latenter quiescere? certe diu deliberandum sibi esse vidit de eo, quod semel tantum statui posse nouerat. Tandem vt certam familiae sedem deligeret, destinatus iam olim a Sueonum rege Gustavo Adolpho legationis obeundae muneri, eo quod mirifice illi opus de I. B. et P. placuisset, quod ob mortem regis successum tum non habuit, regni cancellario Oxenstiernae vocanti paruit, et legati vices ad regem Galliae regni Suecici nomine subiit. Quo axiomate auctus cum anno MDCXXXV, Lutetiam venisset, ingratus eius aduentus, summo rerum administro Richelio cardinali fuit, qui, incassum tamen loco isto eum pellere conatus est. Omnem enim diligentiam atque fidem adhibuit Grotius, vt eo tempore, quo Galli Suecique praecipui fatorum publicorum arbitri habebantur, in maximi momenti rebus vtilissimum se atque commodissimum Sueciae regno praestaret. De quo tamen, cum ad nostrum institutum id non pertineat, plura non addemus, sed commentarios publicos historiae ciuilis eius aetatis praecipue quos PVFENDORFIVS scripsit, lectorem consulere iubemus. Neque tamen ita publicis negotiis occupatus, Musarum consuetudini se subtraxit, sed virorum eruditione summorum consortio, commercioque literario, lectioni porro, et elaborationi scriptorum exasciatorum, quae aetatem tulerunt, et gloriae aeternitatem consecuta sunt, otia sua tribuit. Debemus enim huic apud Gallos morae Grotii secundae, praestantissimos libros, quorum catalogum elegantissimus *Vindiciarum Grotianarum* \* auctor suppeditat. Inter quos sunt imprimis eruditissimi Commentarii in Scripturam sacram, in quibus licet a typo sanorum verborum discessisse haud raro iudicatus sit, virilem tamen eruditionem in interpretatione veterum scriptorum ad miraculum versatam prodidit. Quae vero omnia hoc loco, vbi historiam literariam non scribimus, omittenda, et alibi enarranda sunt. Ast ita museo magis, quam aulae curiaeue se tradere, et negotia publica negligentius tractare videri coepit, id quod ex epistolis, de rebus ad rempublicam pertinentibus, pauca quae momentum habebant, ad senatores regni et imprimis ad cancellarium referentibus haud obscure constabat. Ex eo enim satis colligi poterat, legatum viuientium commercio sese subtraxisse, integrosque dies, et noctium partem quandam libris scribendis impendere. Id quod ipse haud obscure praefagiuit, scribens ad Guilelmum Luffonium, curiae monetariae apud Parisienses praesidem primarium: *Suecici regni cancellarium*

n) In Bibliotheca Grotiana, in fine adiecta.

*cellarium se in umbra literaria delitescens in lucem resque magnas velle protrahere, se vero nihil magis metuere, quam ne opera sua tanti viri conceptae de se spei minus respondeat.* Oxenstierna itaque alium in Galliam mittebat, qui aulae negotiis susceptis, nihil cum Grotio communicauit, contentimque eum habuit. Quam indignitatem, cum Grotius legati axioma ornatus pati amplius non posset, missionem honestam petiit, et haud difficulter obtinuit, reuocatus in Sueciam, a Christina, quae iam sceptrum patrum capeffere coeperat; ut rationem administrationis redderet, quamvis clementer illa sibi operam eius placere, declararet. Rediturus itaque in Sueciam, et per Hollandiam iter faciens pristinas Roterodami sedes inuisit, plaudentibus amicis inimicis freudentibus, et incassum laborantibus, ut transitus per Belgium foederatum illi interdiceretur. Tum Hamburgi, Lubecae, Vismariae, honorifice exceptus et ab architalasso Sueciae, Vrangelio comite Holmiam in naui bellica deductus est. Ibi expositis reginae legationis suae rationibus, missionem denuo honestis precibus orauit, probe gnarus, multos se in ea aula inimicos habere, forte otii quoque literarii, quam lucis aulicae, tum quidem amantior. Fuerunt autem quidam, qui apud reginam minus eum gratiosum fuisse, contenderunt. Nihil tamen huius ex reginae voluntate Grotio declarata apparuit; collaudatus enim a regina impense duodecim mille imperialibus \* donatus est. Quod non potuit non iucundissimum Grotio euenire, cum et valetudinis decreta in aëre grauiori et coelo inclementiore sentiret, et magno desiderio teneretur, suos visendi. Soluit itaque ex portu Dalerensi Lubecam transfretaturus; ast tempestate subito oborta misere in mari iactatus et naufragio proximus ad oram Cassubiae in Pomerania vltiori relictus est. Ibi rustico, quod aegre nactus erat, vehiculo, animo non minus quam corpore aeger, per ventos et imbres, continuato per octiduum itinere, cum viribus deficeret, Rostochium peruenit, et viribus exhaustus lecto affixus est. Aduocatus medicus ex spiritibus aegri corporis fractis summum imminere periculum ostendit, et sudore frigido instante, actum esse de vita pronuntiavit. Grotius itaque, qui maximum vitae momentum adesse videbat, praesentiam Ioannis Quiistorpii, qui tunc cathedram theologicam in ea academia ornabat, et ecclesiae praeerat, expetiit. Qui cum illico comparuisset, de quaerenda peccatorum remissione per Dei filium, Iesum Christum apud Deum patrem serio Grotium cohortatus, ad preces se conuertit, Grotio submissa voce complicatis manibus illum verba praeuntem sequente, et filio Dei Θεὸν-Σωτῆρα animam commendante, nec multo post eam placide efflante, anno aetatis LXII, Christi MDCXLV, XV Cal. Septembr. Et varii quidem de morte eius rumusculi disseminati sunt †, parum memoriae Grotia-

\*) Hoc de moneta Sueciae cuprea intelligendum est.

†) Vid. Menagiana T. I. p. 409. T. II. p. 322. Vind. Grot. p. 493. 503.

Grotianae honorifici, eo quod de religione eius haud pauci minus beneuole sentirent. Quamuis enim reformatae ecclesiae communionem esset secutus, Arminii partibus licet fauentissimus, Socinianis tamen, quos prius edito egregio libro *de Satisfactione Christi* fortiter prostrauerat, in commentariis biblicis frigidam suffundere voluisse, videbatur. Accedebat, quod ecclesia Carentonenfis in Gallia eum admittere noluerat, ipse quoque Petauio familiariter vsus in suspicionem venerat, non abhorruisse ab ecclesiae Romanae confessione amplectenda; quodque pro tolerandis dissentientium sectis, edito *Voto pro pace ecclesiastica*, scripserat, ob quod cum Andrea Riueto litem aluit. Nec negari potest, Grotium non in philosophia modo, sed quoque in religionis negotio eclectice fuisse versatum, quamuis Lutetiae ecclesiam domesticam Reformatorum sacris addictam fouisset. Et hinc factum, vt mox Pontificiis fauisse, mox Socinianos iuuisse, mox atheis se beneuolum praeuuisse, hic inde narraretur, et fabellae atque rumusculi inanes de fine vitae eius diffeminarentur. Qui tamen ex vna *Epistola Quistorpii ad Calouium* °, vt plerique volunt, scripta de vltimis Grotii horis, euertere possunt, cum is morienti Grotio adfuerit, et testis minime suspectus sit; is enim Grotium, et peccatorem se publicanum esse, et in solo Christo omnem spem suam habere repositam, fassum esse sicque decessisse testatus est. Cadauer medicis traditum; intestina lebeti ahenaeo imposita et in templo primario loco honoratissimo condita sunt, cadauer Delphis maiorum tumulis illatum est, et qui viuus exul patria vixerat, defunctus in patriae telluris gremio, cessante inuidia, quietem inuenit, relictis filiis tribus, filia vnica, famaue immortalis, quae etiam numis post mortem fuit conseruata.

*Character  
Grotii.*

§. X. Fuit Grotius forma corporis satis eleganti et venusta, animo supra communem hominum conditionem diuinis ingenii dotibus emergente. Intellectus acies tanta ei adfuit, vt in intimos veritatis recessus, accurata ratiocinationis serie plerumque penetraret, vis imaginationis tanta tamque amoena, vt elegantissime tum prosa tum ligata oratione scriberet, et incomparabilem dicendi virtutem ostenderet. Amplissimae autem doctrinae copia omnes fere scientiarum partes ita attigerat, vt cunctas non modo perfunctorie teneret, sed vim earum totam possideret. Linguis vsus est praeter vernaculam Anglica, Gallica, Etrusca, cum autem Latinae, Graecaeque et orientalium linguarum vsus sibi comparauerat, quo aliis exemplum commendari posset. Nihilque magis admirationem mereri aptum est, quam quod ab ineunte aetate per totam fere vitam negotiis reipublicae, implicatus, lectionem tamen immensam in veterum et recentiorum scriptorum libris versatam possederit, quae non rudem illi indigestamque molem suppeditauit, sed elegantissimae et recti vsus doctrinae materiam largissime exhibuit. Adiuuabat eum in his me-

moria

o) Epist. Remonstrant. p. m. §28. ed. rec. Vindic. Grot. P. II. p. 482. seqq.

moria fidissima, vt, quae semel legisset, eorum haud facile obliuisceretur. Tantam autem in studiorum contentione diligentiam adhibuit, vt ferream patientiam corpusque laboribus vix exhaustiendum habuisse, suspicari quis possit. Praeterea eloquentiae, viribus instructus, perspicue et supra modum nitide atque castigate dicere scribereque consuevit, vnde euenit, vt quae Latina edidit, veterum elegantiam et castitatem mira arte referrent. His multorum tandem annorum exercitatio, in maximi momenti negotiis versata accessit, vnde amplissima illi experientia enata est. Mirandum itaque haud est, phoenicem Belgicum ob rarissimas ingenii diuini dotes eum appellatum, et inter illustrissima sui aevi sidera in coelo literario connumeratum, ab omnium regionum viris doctis vero velut commune oraculum aliquod fuisse consultum. His ingenii diuitiis accesserunt virtutes animi praeclarissimae, et nunquam satis laudandae, humanitas et beneuolentia erga quoscunque, animus vindictae cupiditate superior, et in ingrati patriam ad vltimos vsque vitae anhelitus pius: tum inseruendi promittitudo, continentia animi a sorditie et *αισχρονεσδία* longissime remoti, tandem laudabilis zelus pro veritate religionis Christianae et pace ecclesiae. Quae omnia cum in Grotio manifestissimis speciminibus emicuerint, talia sunt, vt non nomine magis, quam re Magnum fuisse concedendum sit. Sunt tamen, qui eum reprehendunt, quod ciuilibus negotiis studia priuata et eruditionis cultum praefereundo, negligentius, quam par erat, in hac arena versatus sit, senio autem propior, diffidere amicis coeperit, incertus quoque in eligenda inter Christianos dissidentes sententia haeserit. De quibus, si vera sunt, moderate tamen iudicare, et humanae fragilitatis recordari fas est; cum magnis quoque et pulcherrimis corporibus naui sui insint. Illud certissimum esse, nemo inficias ibitur, immortalibus meritis philosophantium choros sibi deuinxisse Grotium, quod disciplinam, ad tuendam societatis humanae felicitatem tot nominibus necessariam, et rerumpublicarum saluti destinatam, turpiterque tamen prius neglectam et contemptam insignibus conatibus in lucem protraxerit, iisque luminibus instruxerit, vt in vnus seculi decursu plus in ea praestare philosophi potuerint, quam per omnem orbis viuientis et philosophantis aetatem, non modo factum haud est, sed et fieri nequiuit. Quibus forte careremus, nisi Grotio vsa esset diuina prouidentia, ad id iter recludendum, quod post eum tot praestantissimi viri, magna felicitate ingressi sunt, coepta a Grotio feliciter perficientes.

§. XI. Nempe excitauit exemplum Grotii tanta felicitate in iurisprudentia naturali colenda versati viros alios, doctrinae laude non minus fulgentes, vt paria audere, et de hac gloria certare cum Grotio, vel eius quoque vestigia sequi auderent. Et prius quidem insigni eruditionis apparatu aggressus est IOANNES SELDENVS, magnum olim Angliae

Ioannes  
Seldenus.

Bbb bb 2

orna-

ornamentum. Natus \* ille est Saluingtoni in Suffexiae prouincia, VI cal. Ian. anni MDLXXXVII. Is cum praeclaris ingenii a natura concessi dotibus frueretur, in academia Oxoniensi, iurisprudentiae, philosophiae et antiquitatum, maxime orientalium studiis tanta industria, tantisque eruditionis stupendae profectibus se tradidit, vt inuidendum magni dictatoris doctrinae nationis Anglicae nomen consequeretur. Valde autem iuris Anglicani notitiam tenuit, cumque eloquentia valeret; magna eius in iudiciis auctoritas fuit. Ad *Historiam decimarum* praefatus ita clerum Anglicanum in se irritauit, vt coram iudicio delegatorum agnoscere culpam coactus sit, id quod implacabili eum odio in ordinem ecclesiasticum armauit. Vtebatur enim magna sentiendi dicendique libertate, maxime in comitis procerum regni, qua anno MDCXVIII carceris animaduersionem meruit. Doctrinae autem incomparabilis praestantia, iudicio acerrimo iuncta, maximis eum regni muneribus admouit; anno MDCXLIII enim tabularii regni, quod in arce Londinenfi est, summa ei cura et biennio post, rerum maritimarum cognitio demandata est. Vnde opibus affluens librorum, etiam msc. copiam sibi praestantissimam et abundantissimam comparauit, maiorem eruditionis partem autem in philologiae orientalis studio demonstrauit, in cuius monumentis ad miraculum erat versatus. Cuius specimina per ciuiatem eruditam immortalis gloria conspicua sunt, *liber de diis Syris, origines ecclesiae Alexandrinae; marmora Arundelliana, libri de successione in bona defuncti, et de successione in pontificatu secundum leges Hebraeorum: vxor Hebraea, siue de nuptiis et diuortiis; de anno ciuili et calendario Iudaico*, quae maximis laudibus cumulare viri docti solent †. Quibus ingenii monumentis, iuuandisque etiam aliorum studiis ‡, intentus prid. cal. Dec. anno MDCLIV mortalium fato concessit. Locum autem hic maxime postulat ob *Ius naturae et gentium secundum disciplinam Hebraeorum*; de quo dubium non est, quin gloriae Grotii aemulus hoc argumentum tractandum elegerit. In eo septem praecepta Noachitica, quibus nihil celebrius est in historia iuris Iudaici, fundamenti loco elegit, et ad ea omnia retulit, quae vasta et exercitata in orientalium scriptis lectio illi suppeditabat adeo, vt nimia literaturae orientalis copia grauata tractatio, systema illud quod de iure naturae sibi auctor construxerat, recondat magis, quam in apricum producat. Id quod permouit B. Io. FR. BVDDEVM, vt omnis iis, quae ex abundantissimae eruditionis penu ad hoc argumentum illustrandum auctor attulerat, *Synopsin iuris naturae et gentium iuxta disciplinam Hebraeorum ex Seldeno extractam* ederet, repetita vice cum VITRIARII *Institutionibus iuris naturae et gentium* § editam. Et copiam

p) Vitam illustris viri Operibus eius anno 1726. iunctim editis praefixit DAVID. WILKINSVS, conf. Act. Erud. 1726. Nou. art. 1.

q) Conf. PORÉ-BLOUNT. Conf. cel. auct. pag. 990. seq. Bibl. iur. imp. c. 1. pos. VII. p. 66.

r) Pocockio haud exiguum partem Msc. Arabiorum tradidit, quae is edidit, de quo praef. eius in EUTYCHII Annales meretur conferri.

s) Halae Sax. 1695. 8. 1701. Lúgd. Bat. 1705. 8. Francof. 1717. 8.

plam quidem lectionis atque antiquitatum Iudaicarum de hoc argumento collectarum laude sua dignam et prorsus in hoc libro admirabilem esse, eruditi tantum non omnes confessi sunt, doluerunt autem, quod de iure naturali ad vniuersum humanum genus spectante disputaturus, ad traditiones Hebraeorum parum philosophice confugere, quam rem ex domesticis principiis haurire maluerit. „Recteque obseruatum SAMVELI PVFENDORFIO, opus hoc cetera eruditissimum et quantius pretii vocanti, obstare momenta haud pauca, cur attemperati ad captum omnium populorum systematis in iure naturali vicem subire nequeat. Nempe ibi non satis exposita esse ea, quae ad paediam iuris naturalis pertineant, velut illa praecognita, quae ad praecepta legis naturalis, earumque rationes plene et distincte intelligendas requirantur, et quidem quae velut domestica sint huic iuri, nec ex aliis disciplinis mutuo sumantur. Deinde de Seldenum legem naturalem non deducere ex tali aliquo principio aut hypothesi, cuius euidenciam omnes nationes agnoscant; aut ad quam agnoscendam argumentis ex rationis lumine petitis adduci queant. Nam fundamenti loco substernere septem illa praecepta Noachidarum, de quorum auctoritate non constat, an ex diuina informatione vel propria ratiocinatione innotuerint; praecipue cum nec *au Serriay* earum probauerit, nec ex conuenientia cum natura humana deriuauerit. Denique et illud tantum agere Seldenum, vt quid doctores Hebraeorum senserint, exponat; quam accurate autem istorum sententia cum sana ratione congruat, parum examinet &c.“ Quae rectissime moneri, ostendit CHR. THOMASIVS \* praeclare addens, librum hunc magis ad historiam iuris diuini positiui vniuersalis pertinere. Et hoc quidem nomine in philosophiae Iudaicae historia vtilem operam praestat, ita tamen, vt lectore accurato et iudicii lima instructo opus habeat, ad quam ea exigenda sunt, quae cumulauit magis, quam digessit Seldenus. Reliqua, quae de *Mari clauso* cum Grotio disputauit, supra tetigimus, quibus valde se in aula Britanniae regis commendauit, oppugnatus autem est a Petro Baptista Burgo, cui *Vindicias existimationis suae de scripto mari clauso* opposuit. Secuti vestigia Grotii et Seldeni sunt, sed impari gressu Io. Ioachimus Zentgrauius, Io. Wolfgangus Textor, David Meuius alique, quorum tamen opera nihil iurisprudencia naturalis promota est. Eos igitur non moramur, sed lectorem ad historiae I. N. scriptores ablegamus.

§. XII. Relicta itaque gloria, ea quae in condendo iurisprudenciae naturalis aedificio Grotius inchoauerat, absoluendi, et ad iustam maturitatem perducendi, fuit SAMVELI PVFENDORFIO, viro non nominis modo dignitate, sed et immortalibus de iure N. et G. meritis et

*Samuelis  
Pufendorfi  
vita.*

Bbb bb 3

elegan-

t) Erid. Scand. p. 200. conf. GROENINGII Bibl. iur. gent. Europ. L. III. c. 8. p. 267.  
u) Hist. I. N. c. 6. §. 13. p. 88.



elegantissimis commentariis historicis illustri, cuius historiam ea, quam meretur diligentia nondum conscriptam fuisse dolemus. Quamvis enim eiusmodi biographiam \* anonymus quidam adiecerit libro Pufendorffii, quem sub Monzambani nomine, vulgavit, multa tamen ei narrationi deesse *avēdora* et aliunde supplenda, recte observatum cel. HERMANNO †. Vnde laudanda illustris THOMASII industria, qui plerasque arcanas circumstantias ad controuersias Pufendorffianas pertinentes collegit, et non sine acri iudicio in *Historia iuris naturae* ‡ adduxit. Nostro nos hoc loco modulo et pede metiemur, et quantum licet, memorabilia omnia strictim complectemur. Vidit prima vice lucem Samuel Pufendorffius, cum fratre Esaia ingenii quoque operibus celeberrimo non confundendus, in vico Fleh, vno tantum miliari Chemnitio distante anno MDCXXXI, genitus patre Elia Pufendorffio, qui sacro in eo loco munere, a maioribus acceptoungebatur. Qui cum opibus parum afflueret, coactus est filius Samuel, iactis in schola Grimmenfi disciplinarum fundamentis, panem sibi institutione puerorum, parare. Absoluto studiorum scholasticorum curriculo, academicum apud Lipsienses stadium ingressus, Hulfemannum sibi ductorem doctoremque praecipuum elegit, et philosophiae atque literis sanctioribus se tradidit. Tum ad Musas Salanas conuersus, in aedes Erhardi Weigelii, quem philosophiae et mathematicarum artium peritia tum extulerat, receptus, celeberrimi viri disciplinae se tradidit, qui cum igneam vim animi, et ingenii excelsi vires in eo obseruauisset, amare eum vehementer, atque literarum arcanis innutrire coepit, et ad capiendum in philosophia excolenda animum vehementer cohortatus est. Ipse cum philosophiam certiori methodo tractari posse crederet, et imprimis moralem doctrinam mathematici ordinis accuratione atque legibus tradere tentauisset, edita *Delineatione arithmetica philosophiae moralis*; secundum methodum ab Euclide adhibitam adornare ethicae institutiones aggressus est, quas *Ethicam Euclidean* inscripsit, affectam autem perficere non potuit. Is cum alacrem et ad meliora audenda promptissimum videret Pufendorffii animum, auctor ei extitit, vt in hoc argumento aliquid conaretur, quem in finem ethicam istam Euclidean illi concessit, vt cogitata inde perficeret. Vnde ad hunc consiliorum suorum de emendanda hac doctrinae moralis parte auctorem ipse PUFENDORFFIVS § prouocat. In hac ergo disciplina Weigeliana, duo capita didicit, quae in scientiarum circulo maximi momenti esse recte censentur, quaeque fundamentum fuere, cui noui aedificii moralis summam Pufendorffius inaedificauit. Nempe praestantissimum esse eum, qui seueritate laudabili adhibetur, geometrarum ordinem atque demonstrandi leges, etiam in argumento philosophico,

\*) Denckwürdige Lebens-Memoire des Herrn Samuels von Pufendorf. Conf. Bibl. iur. imp. c. 1. pof. V. §. 2. p. 31.

†) Act. phil. Vol. III. p. 642.

‡) l. c. §. 15. seqq. p. 90. seqq.

§) Praef. Element. iurisprud. vniuers. conf. THOMASIVS l. c. p. 91.

phico, et hanc methodum ad id adhibendam esse, vt ex definitionibus certis et perspicuis, exque axiomatibus atque principiis a nemine in dubium vocandis, consequentiae deducantur actionumque humanarum moralitas hoc pacto exploretur, et quae natura sit atque indoles entium moralium, inde certissima luce pateat. Deinde didicit quoque a Weigelio, detestabilem esse errorem scholae Peripateticae, moralia non cadere sub demonstrationem. Quem tamen iam ante Pufendorffium vidit et detexit HERMANNVS CONRINGIVS<sup>b)</sup>, locumque esse etiam in morali argumento demonstrationi euicit, vt illustri CHR. THOMASIO<sup>c)</sup> obseruatum. Qui recte aliquoties monuit, plurimum nocuisse hunc errorem scientiae morali, ipsique veritati, fontem autem eius verum esse putauit, emolumentum cleri, vt ita laici adigerentur determinationem actionum iustarum et iniustarum ab ipso clero et scholasticis petere. In quo fefellit virum summum suspicio, clero iniquior, et errores cunctos ad eorum ambitionem et dominationem tantum referens. Longe enim antiquior est, et incrementa doctrinae moralis maturius retardauit, quam aetas scholasticorum, et barbaries, quae literis, moribus, ipsique conscientiae pessimis artibus aeuo medio imperauit, inualuerunt. Origines enim huius dogmatis ex Pythagorica et Platonica philosophia petendae sunt; quas hoc loco verbo tangere et velut in transitu, ideo non abs re erit, vt quid Pufendorffium aliosque viros doctos permouerit, vt ad demonstrationes in morali philosophia quaerendas, relictis nugis Graecanicis et Scholasticis, digrederentur, intelligatur. Scholae scilicet Italicae et Platonicae ex veteri et barbarica philosophia decretum certum atque fixum erat, materiam nihil reale et per se subsistens esse, sed fluere eam semper, neque vel momento eandem manere, vt alio loco demonstraui. Ast scientiae locum non esse posse statuentes, nisi de subiecto certo, aeterno et immutabili, entia immutabilia, aeterna, per se subsistentia, numerosa, ideas, formas, archetypa excogitauerunt, inque his solis scientiam versari circa τὰ ὄντως ὄντα dixerunt, vt alibi ex instituto dictum<sup>d)</sup>. Haec principia aeterna cum iungi materiae dicerent, ad ea sola scientiam respicere posse putauerunt. Vnde de rebus physicis et metaphysicis maximam sibi scientiae certitudinem arrogauit schola Platonica. Vidit Aristoteles risitque entia eiusmodi extra materiae sinum excogitari, quae non constare tamen possent sine materia, vnde emendaturus systema praeceptoris formas rerum materiae esse immensas statuit. Ex quo errore semel admissio necesse erat fluere: de rebus physicis dari scientiam, cumque principia materiae infini, locum quoque esse posse demonstrationi. In moralibus autem cum formas eiusmodi immutabiles rebus non inesse Aristoteles cerneret, de scientiae atque demonstrationis subiecto desperans, morali

*Origo opinionis, moralia non cadere sub demonstrationem.*

b) Vid. eius epistola praemissa VIOTTI libro de demonstratione, aliaque de opere Pufendorffii, quae extat in THOMASII l. c. p. 176.

c) pag. 91.

d) In Hist. phil. de ideis sect. I. §. 27.

morali disciplinae demonstrationis certitudinem denegauit, ratus principia moralia ex hominum populorumque indole, legum statutis, morum varietate valde variare, nec ad certitudinem physicam posse reuocari. Ideo virtutem definiuit, esse medium vitiorum et vtrinque reductum, et decori rationem mire inter homines moratiores diuersam et dissentientem ad virtutum definitionem respicere iussit. Quo pacto omnino verum erat, in moralibus, sc. Peripateticis, non dari demonstrationem. Acceperunt hoc assertum cum reliquis scholastici, qui cum inepto formarum dogmate essent toti occupati, videre certitudinem in disciplina morali, isto praeiudicio occoecati non potuerunt. Neque multum illis desudandum visum est, inquirendo, vtrum recte se haec omnia haberent, cum et sacrosancta Aristotelis auctoritas illis esset, et prona consequentia ex hoc errore fluere, ad tenendam rerum moralium certitudinem alio auctore et iudice opus esse, qui θεοπνευσία quadam instructus, quid rectum, iniquum, bonum malum sit, auctoritate summa decernere possit. Quem cum in Romano pontifice se inuenisse crederent, infinitis quidem disputationum anfractibus incertitudinem moralem confirmarunt, vt autem aliam certitudinis moralis normam suis consiliis conuenientiorem haberent, ius canonicum, velut mirum dogmatum moralium chaos confluxit, et hoc pacto de recti honestique regula atque ratione se solos decernere posse commenti sunt. Vidit id, vt acerrimo iudicio utebatur, Lutherus, et quam pestem in moralem doctrinam intulisset ethica Aristotelica atque ius canonicum magnis vocibus denunciauit. Ast comitius et placidius tractaturus Melanchthon, locum tamen esse posse ethicae Aristotelicae ad honestatem morum civilem, sed ex aliis simul fontibus emendandae augendaeque, censuit. Cuius auctoritas cum inter innumeros discipulos maxima in philosophia esset, expurgari error turpis et ineptus non potuit. Donec seculo XVII pauci viri docti perspicerent, demonstrationis certitudinem et necessitatem non ex subiecti certitudine physica, sed ex principiorum et axiomatum veritate necessaria et aeterna originem habere. Quod cum ad morales notiones siue entia, quae vocat, adhibuisset Pufendorffius, ex emendata hac demonstrationis moralis indole certius moralis doctrinae systema condere aggressus est.

*Studium Pufendorffii iurisprudentiam naturalem emendandi.*

§. XIII. Sed vt ab hoc diuerticulo in viam et ad Pufendorffii historiam redeamus, fundamentis moralibus certioribus ita positis ad docendam philosophiam animum is adiecit, eiusque facultatem, acceptis iuribus et honoribus in philosophia summis ab ordine philosophico academiae Ienenfis nactus est. Id quod ineptissimo scommate ei obiecit Becmannus f eo quod iurisprudentiae honores non suscepisset, cum ad tradendam iurisprudentiam naturalem istis quidem philosophiae iuribus et priuilegiis satis esset ornatus

e) Conf. quae luculenter differit NALDELIUS de vsu Org. Arist. P. III. c. 4. p. 75.

f) Vid. Act. phil. Vol. III. p. 650. vbi extat epistola Pufendorffii ad Klingenum.

natus et instructus. Ostendit autem more in academiis recepto, speciminibus publicis, quantum in doctrina solidiori ipsaque philosophia castius seruanda colendaque profecisset. Idque etiam Lipsiam redux demonstrauit, ex qua Musarum sede ad legatum Suecicum Coyetum in aula Hafniensi commorantem vocatus est, ut filiis eius disciplinarum elementa traderet. Vix autem mensem vnum atque alterum eo in loco atque statione commoratus, fortunae insidias valde timendas expertus est. Oborto enim inter Suecos Danosque bello, cum legatus Sueciae, in cuius familia Pufendorfius tum viuebat, patriam repeteret, successori Stenoni Bielkio Pufendorfius reliquit. Hafnia autem a Suecis obsessa captus est cum aliis Suecorum ministris Pufendorfius, vna cum fratre Esaia, durauitque ista captiuitas octo menses, quibus praeter reliqua vitae incommoda et eruditorum societate atque conuersatione, et libris omnibus caruit. Cum itaque lectione tempus fallere non posset, ad meditationem confugit, cumque Hobbesii et Grotii cogitata subinde animo recoleret, quid in illis rectum, quid falsum vel suspectum esset, expendere coepit. Attentus autem ad ea, quae a Weigelio didicerat, repetensque memoria, demonstratiuum dari moralis doctrinae methodum, eamque haud infelicitur Weigelium in ethica Euclidea iniisse, abicere incerta Scholasticae et Peripateticae ethicae principia et ineptias varias relinquere, nouamque atque certiorum viam sternere constituit, qua ad ipsam rerum moralium naturam atque indolem attento indubitata ac euidentia philosophiae moralis principia patescere possent. His cogitationibus intentus pestilenti febre, quam petechialem vocant, corripitur, et ancipiti duplicique malo premitur. Verum et sanitatem ei restituit, et ex custodia Danorum liberum eduxit diuina prouidentia. Dimissus itaque in Sueciam vicinam anno MDCLIX, cum fratre transfretauit, et Soranam academiam paucos dies inuisit. Postea cum heri sui filii Hagam Comitum abiit, quo loco prima futurae promotionis fundamenta Pufendorfius posuit. Frater enim Esaia eo tempore in ministerio Ottonis Guilhelmi comitis Koenigsmarckii erat, et comes ei in itinere Anglicano adhaerebat, cum per biennium studiis eius formandis in Germania esset adhibitus. Qui cum plurimum in aula Holmieni valeret, illi Lugduni Batavorum commoratus Pufendorfius Io. MEYRSII *Miscellanea Laconica* dedicauit. Acceperat enim non hunc modo libellum posthumum, sed et alios, *Themidem Atticam*, *Ceramicum geminum*, *Cretam*, *Rhodum*, *Cyprum*, *Thessea*, itemque LAURENBERGII *Graeciam veterem* a Petro iulio Coyeto, et has optimae notae scriptiunculas in Belgio versatus edere coeperat, reliqua iam ministerio Suecico addictus Io. Georgio Graeuio edenda postea commisit. Et hoc quidem pacto cum prima tentandae inter eruditos famae conamina fecisset, ea quae de iurisprudentia naturali certiori fundamento et metho-

do

g) Erid. Scand. p. 126.

h) Ibid. p. 127.

i) Vid. Praef. miscell. Lacon.

do veriori demonstranda meditatus erat in chartam coniecit, sicque Haegae Comitum anno MDCLX *Elementa iurisprudentiae vniuersalis* edidit, recusa postea Ienae MDCLXIX <sup>k</sup>, et *Sphaera morali* aucta. In quo opusculo geometrarum morem imitatus, libro primo definitiones viginti et vnam rerum moralium affert, iisque libro secundo axiomata duo et obseruationes quinque subiungit. Quia tamen ἀνορύμας prodiit, nonnulli eum foetum Pufendorffio tribuerunt, sed perperam. Placuit quidem liber ob accuratorem nonnullis, plerique autem eo quod mathematice scriptus esset, contemserunt, et hinc forte ratio deriuanda est, quod, licet iam in eo noua iurisprudentiae naturalis principia Pufendorffius attulisset, nemo tamen illi controuersiam mouerit. Patuitque anno MDCLXIII demum, quod de hoc opusculo virorum doctorum iudicium esset. Cum enim illustribus Boineburgius, iuuandis augendisque literis valde intentus, viris in scientia ciuili excellentibus Forstnero, Conringio, Boeclero et Pufendorffio auctor esset, vt ad scribendam historiam recessuum imperii, corpusque legum naturalium conficiendum animum adiicerent, Pufendorffius suam de doctrina iuris naturae et gentium sententiam libere aperuit; quā epistola communicata, opinionem quoque suam dicere de ea re Conringium et Boeclerum Boineburgius iussit. Ille igitur, vt erat ἀντιβέας iudex haud contemnendus pleraque sibi, maxime demonstrationem mathematicae aemulam perplacere, professus est, cumque luculenter Pufendorffius in ea epistola <sup>l</sup>, qua ratione doctrina moralis iuuari possit, ostendisset, Boineburgium Conringius excitauit, vt illum vrgeret, quo pergeret spretis vulgi vocibus, et a tam praeclaro instituto ne desisteret, se enim non dubitare, ab illo nihil non eximium expectari, non in morali tantum, sed in politica etiam philosophia, vbi ad illam animum aliquando appulerit. Boeclerus autem valde abiecte de Pufendorffio iudicauit, et ingenium quidem habile, promptum ad magna iturum, si magistrum modestiam asciuerit, se amare in eo et aestimare fassus est, at iactantiam illi, Grotium exscriptum, veteris philosophiae ignorantiam; dubitationes relictas et similia alia exprobrauit: nempe cathedrario fastu nihil ferens, quod non ex sua disciplina processisset, quo nomine recte censuram THOMASII meruit. Aliter autem visum magno literarum ea aetate statore, Carolo Ludouico, electori Palatino, cui literis praeclare fauenti, virosque doctos ad eas iuuandas auctoritate et praemiis excitanti libellum illum Pufendorffius inscripserat. Epistola itaque sua manu scripta <sup>m</sup>, princeps humanissimus ei gratias egit, et quam mire sibi disciplinae vtilissimae cultura placuisset, testatus de beneuolentia sua certum eum esse iussit. Commendauisse se vero Pufendorffium laudato et in partes suas pertracto, Hobbessio, auctor est LEIBNIZIVS,

k) Cantabrig. 1672. 8. Francof. 1680. 1694. 8. Conf. Bibl. iuris imp. l. c. p. 30.

l) l. c. App. p. 156. vbi istae epistolae cum eius annotationibus ex HABERMORNI sole resplendente iurisprud. Iustinianaeae repetitae sunt.

Extant quoque in Io. GROENINGII Bibliotheca iuris gent. Europ. L. III. c. 9. p. 276.

m) Extat apud GROENING. l. c. p. 307. et LUDOVICI Hist. l. N. p. 28.

NTZIVS <sup>n</sup>, at non immerito de eo dubitat CL. STOLLIVS <sup>o</sup>. Certius autem et extra dubitationem positum videtur, principem optimum, et de disciplinis philosophicis magna accurate iudicantem, vtilitatem et necessitatem huius disciplinae, et amorem philosophiae impulisse, vt tam egregio fauore conatus Pufendorffii exciperet: simili enim desiderio institutum Spinozam quoque ob philosophiae peritiam Heidelbergam vocare voluisse, ex supra dictis constat <sup>p</sup>. Sensit etiam Pufendorffius, non verbis tantum ipsi electorem fauere: princeps enim sapientissimus, cum nouam ei philosophiae moralis circa ius naturae et gentium versantis cathedram constituere placuisset, primum in ea nouae disciplinae doctorem Pufendorffium esse iussit. Concessit itaque Heidelbergam, in qua schola, cum tanta industria in scientiis versaretur, vt oblicere Beckmanno ipsi insultanti potuerit: *Se vno anno Heidelbergae plures libros legisse, quam Becmannus per totam vitam inspexerit* <sup>q</sup>, non modo insignem literaturae veteris cognitionem adeptus est, qua postea opus de *I. N. et G.* ornavit, sed et magnum iuuenum, studiis inuigilantium acervum ab ore suo pendentem circa se habuit. Ipse quoque prodidit <sup>r</sup>, nobilem illam iuventutem, quae se disciplinae eius tradidit, tantam ei inuidiam peperisse, vt eidem a se alienandae conspiratio iniretur. Nihil autem praeclare magis testatur, quo loco tunc Pufendorffius habitus sit, quam quod serenissimus Elector filium illi suum primigenitum doctrina philosophica imbuedum tradiderit, cumque iam de eo in Sueciam euocando decretum esset, filio huic suo certum aliquod pensum extra ordinem explicare eum iussit, quod intra tres menses aestiuos fuit absolutum. Quod cum ab ipso electore, principe diuinarum atque humanarum rerum callentissimo ipsi iniunctum fuerit, recte ad testimonium vitae et doctrinae retulit Pufendorffius. Quem vehementer quidem electori displicuisse mentitus est Becmannus, contrarium autem ex insigni, quo eum honorauit elector, munere constat, qui etiam post illius ex Palatina aula discessum gratiae ei testimonia, et verbis et re ipsa haud vna vice testatus est <sup>s</sup>. Factum id anno MDCLXVII, quo fama Pufendorffii et praeclara de literis merita valde augeri et ad externos perferri coeperunt. Cuius luculentum specimen est, quod regni Suecici cancellarius ad fratrem Pufendorffii, tunc Parisiis residentem scripserit, eumque rogauerit, vt ipsi persuaderet, ne vocationem Suecicam renueret. Cuius suasu tandem professionem iuris naturae in academia Londinensi, in Scania, honestissimo stipendio, concessoque loco primario accepit, illuc anno MDCLXVIII profectus. Quam spartam vt in schola recens excitata rite ornaret, post iacta disciplinae eius, quam tradendam acceperat, fundamenta, ius naturae, iusto tandem systemate complectendum esse, seruatoque ordine accurato abiecta taediosa *παιδείας* mathe-

Ccc cc 2

n) Leibniziana, p. 181.

o) Hist. lit. P. III. c. 2. §. 11. p. 637.

p) Vtebatur autem elector erga Pufendorffium

quoque interprete Io. Lud. Fabricio, vid. Er. Scand. p. 122.

q) Act. phil. Vol. III. p. 656. Er. Scand. I. c.

r) I. c.

s) II. cc.

mathematicae aemulatione, iuris naturalis praecepta explicanda statuit. Quamquam enim doctrinae civili quoque se tradiderat, eiusque arcana mira animi sagacitate erat affecutus, cuius specimen esse potest elegantissimus, quem adscititio SEVERINI DE MONZAMBANO nomine Heidelbergae in vulgus emisit tractatus, *de Statu imperii Germanici*, (quem miris contradictionibus, refutationibus fisciue publici vexationibus praestitum, summorum tamen virorum KVLPIII et THOMASII commentationibus dignum visum esse, in historia critica et literaria iuris publici Germanici exponendum est) nulla tamen in re magis vim ingenii diuinam, elegantissimae doctrinae innutritam demonstrauit, quam in nouo illo I. N. et G. opere, cuius historiam, ob instituti rationes paulo plenius trademus.

*Pufendorfi  
ius naturae  
et gentium.*

§. XIV. Sumfit Pufendorfius occasionem extruendi noui aedificii I. N. et G. partim ab adhortationibus illustrissimi Boineburgii, supra iam tactis, quibus eum ad formandam legum naturalium collectionem impulerat, et quibus obsequi se velle, in luculenta, qua rationem modumque consilii sui exposuit, epistola promiserat; partim quod iuuenilem iurisprudentiae diuinae laborem, emendare et maturiori aliquo scripto illius immaturitatem veluti publice deprecari vellet. Accedebat, quod ab electore Palatino primus iuris naturae ac gentium professor constitutus, in eo sibi elaborandum esse crederet, ut ad eam disciplinam excolendam aliquid conferret, quae primo ipso interprete in cathedras ascendisset. Et quamuis Grotium, Hobbesium, Seldenum laude sua priuandos esse minime duceret, ratus tamen, esse haud pauca, quae adiici, nonnulla, quae mutari emendarique possent, manum ipse operi admouere, eoque, qui commodissimus ipsi visus fuerat ordine digerere, observationes suas ad ius naturae et gentium spectantes constituit, id laboraturus, ut omnia solidis et perspicuis rationibus, quantum fieri posset, confirmaret, et illa, in quibus ante eum alii impegant, declinaret, bona fide suum cuique restituens, neque tamen in eiusmodi materia, in qua suo iure ratio regnat, vllius hominis auctoritatem tanti faciens, quin id potius amplecteretur, quo grauiore rationes ducerent. Fundamentum itaque in principio aliquo communi, primo, certo atque perspicuo, ex quo hominum inter se officia et obligationem (de quibus solis sibi statuendum in hoc opere sumfit) luculenter deriuare possit, quaerens, studiose sibi cauendum existimauit, ne reuelationis et rationis lumina misceret atque confunderet. Illud autem principium in socialitate hominis cum Stoicis, Grotio, Cumberlandioque inueniri credidit, quod nullum aliud principium deprehenderet, ad quod admittendum, ipsa mortalium conditione suffragante, adigi possent omnes homines, quamcunque demum persuasionem circa diuina haberent. Religionem vero, quae officia erga Deum praescribit, ita considerandam hoc loco putauit, quatenus illa societatibus hominum effica-

†) Conf. Biographia Pufendorfi laudata p. 740.

efficacissimum vinculum praebeat, eaque quae aduersus se ipsum homini obseruanda sunt, eandem vtique societati commodiorem reddant. Huic itaque fundamento totum, quod magna industria condidit, iuris naturalis aedificium inaedificauit, ita in hoc labore versatus, vt definitiones primo iustas rerum notionumque moralium, quas entia moralia commode vocat, daret, videbat enim ex illis neglectis nebulas lectoribus hactenus esse effusas. Sunt autem entia moralia modi quidam, rebus aut motibus physicis superadditi ab entibus intelligentibus, ad dirigendam potissimum et temperandam libertatem actuum hominis voluntariorum, et ad ordinem aliquem ac decorem vitae humanae conciliandum. Horum autem entium moralium dari certam notitiam, maleque disciplinis moralibus certitudinem apodicticam abiudicari, ante omnia eleganter et perspicue demonstrat Pufendorfius, ratione a mathematicis petita, quos demonstrare nemo negat. Viditque recte vir acutissimus originem erroris potissimum inde oriri, quod subiectum demonstrationis necessarium requirendo, id de ente necessario existentem intellectum sit; cum subiectum demonstrationis non sit simplex aliquis terminus, sed integra enuntiatio, cuius necessaria veritas ex certis principiis syllogistice deducatur; et sufficiat, si posita existentia certae ipsi affectiones necessario competere, ex indubitatis principiis ostendi queat. Nec indifferentes esse actus morales, recte obseruat, quia intrinsecam habeant vim ad socialitatem, licet respectu existentiae a libertate voluntatis dependentis dicantur contingentes. His suppositis ante omnia actionum moralium principia et affectiones, tum qua ratione per imputationem cum homine veluti moraliter connecti intelligantur, considerat, indeque quid intellectus, eiusque operatio circa moralia, quid conscientia, ignorantia errorque theoreticus et practicus sit, dispicit, et voluntatem, eiusque tendentiam in bonum, libertatem, et affectiones intuetur; et tum, quae ex harum facultatum natura atque indole exoriantur actiones morales, declarat, quidque ad actionem moralem, causamque vt imputari vel non imputari possit, requiratur, definit, et qua ratione imputatio se habeat, luculenter explicat. Deinde actionum moralium normam, seu legem, intuetur, describendo, quid consilium, pactum, ius, lex, obligatio sit, et quid ad obligationem legis requiratur etc. hisque subiungit actionum moralium qualitates, quidque actio necessaria, licita, bona, mala, iusta, iniusta, quid iustitia, quid iniuria sit, exponit, imputationis quoque et meriti naturam contemplatur. Ita actionibus moralibus in genere consideratis, libro secundo naturam hominis respectu ad legem expendit, demonstrans, hominis naturae non congruere, vt viuat ex lex, nec tamen statum naturalem Hobbesii, naturae humanae conuenire, sed lege opus fuisse, ad quam creaturae rationales se componere tenerentur. Hinc de iure naturali disputationem exorsus, eius obiectum non esse necessarium ante legem contendit, nec niti consensu gentium vel vtilitate, nec ex dictamine conscientiae colligi posse, sed genuinum fundamentum ex conditione hominis petere asserit. Quibus praesuppositis, quae



ex hac natura atque conditione hominis officia et praestationes erga se ipsum exoriantur, tradit, et defensionis naturam illustrat, quodque ius, quem fauorem necessitas habeat, eleganter delineat. Tertio autem libro leges naturales ad alios respicientes prolixè exponit, quae sunt: ut nemo laedatur, et, si quod damnum fuit datum, reparetur; ut omnes homines pro aequalibus habeantur, ut promiscua officia humanitatis ad promouenda alterius commoda exercentur, ut seruetur pactorum fides et obligatio, cuius naturam hoc loco describit, et quae indoles pactorum et promissionum in genere sit, qualis consensus circa promissa et pacta sit adhibendus, quae possint promitti vel pacto iniri, quae conditiones eorum adiici queant, quibus ministris ad ea uti liceat, copiose prosequitur. Libro quarto officia legumque obligationem circa sermonem considerat, et tum sermonis obligationem in genere, veritatem, eiusque opposita, mendacium, falsum, simulationem, ambiguitatem morali contemplatione impendit, tum in specie ad iusiurandum respicit. Sequitur facultas humani generis in res, dominii origo, obiectum, occupatio, acquisitiones accessionum, ius in res alienas, translatio dominii, testamentum, successio ab intestato, usufructus, obligationes quae ex dominio rerum per se oriuntur. Libro quinto tractat de pretio, de contractibus, quae pretia rerum supponunt, de aequalitate in contractibus onerosis seruanda, de contractibus beneficiis, de permutatione, emptione et venditione, de locatione et conductione, de societate, de pactis accessoriis, de modis soluendi obligationes ex pactis, de interpretatione, de modo litigandi in libertate naturali. Ita considerato toto statu naturali, ad rimandam originem et naturam imperii humani conuertitur libro sexto, hincque quid matrimonium sit, quae eius indoles moralis, quae leges et officia inde resultantia explicat, similique modo versatur circa potestatem patriam, herilemque; tum ad imperium civile libro septimo delatus, in causam impulsuam constituendae ciuitatis inquirat, et internam ciuitatis structuram, generationem summi imperii civilis seu maiestatis, partes summi imperii earumque naturalem connexionem, formas rerumpublicarum, affectiones summi imperii, modum acquirendi imperii, imprimis monarchici, sanctitatem summi imperii civilis, officia summorum imperantium, curioso et attento perlustrat oculo. In libro octauo, in euoluendis quaestionibus praecipuis, quae circa singulas partes summi imperii mouentur occupatus, in indolem legum civilium inquirat, tum de potestate summi imperii in vitam ciuium ex occasione defendendae ciuitatis, et ex causa delicti, de potestate summi imperii circa definiendum valorem ciuium, circa bona tam publica, quam priuatorum, et in specie de iure belli, de pactis bellicis, de pactis pacem reducentibus, de foederibus, de pactis regum promiscuis, prolixè doctèque differit, et quibus modis ciuis esse quis definat, docet, mutationem quoque et interitum ciuitatum considerando, amplissimae tractationi finem imponit. Non est huius loci, quid de his capitibus omnibus visum sit Pufendorfio, speciatim exponere, hoc enim ad specialem iuris naturae historiam pertinet, et paucis explicari

si non potest, neque eo magnopere opus putamus, cum non tantum ipsum praestantissimum opus de I. N. et G. in plerorumque manibus sit, sed et elegans et luculentum eius compendium ipse Pufendorfius in libello *de Officio hominis et ciuis* dederit, qui cum in iuuentutis quoque studiosae manibus ubique locorum versetur, facile ex eo pilosophe-mata Pufendoriana cognosci possunt. Id vnum notamus, Pufendorium a notionibus metaphysicis valde abhorrentem, veterem doctrinam de moralitate actionum antecederet ad legem, siue voluntatem imperantis adeoque ipsius Dei reiecit, quamvis internam actionum honestatem, et habitum ad socialitatem non negaret: ratus, moralis actionis veram et nativam faciem, nisi a lege deriuetur, concipi non posse. Quo de argumento vehementer postea contra eum, et quem vestigia Pufendoriana secutum esse supra obseruauimus, Christianum Thomaeum disputatum est, ut suo loco dictum. Valde placuit viris eruditus opus eruditione diffusum, ingenio iucundum, iudicio limatum, quod et nativa cogitandi series et facilitas quaedam, et ordo praestantissimus, et dictio luculenta atque castigata, et lectio in scriptis veterum et recentiorum haud perfunctorie versata, et imprimis ipsa systematis nouitas et utilitas vehementer commendauit. Id quod ex iteratis editionibus, quae post primam Londinensem in Scania anno MDCLXXII editam comparuerunt, colligi potest. Repetita enim vice prodiit *Frankfurti* anno MDCLXXXIV, MDCXCIV, MDCCVI cum Annotationibus Io. NICOLAI HERTII, nec non *ibid.* MDCCXLIII, cum eiusdem HERTII, Io. BARBAYRACII et illustris GOTTFRIDI MASCOVII Annotationibus. *Amstelodami* MDCCXV. Germanis legendum vernacula dedit IMMANUEL WEBERVS *Frankfurti* MDCCXI, maxime vero versione Gallica compta et ornata, et eruditissima praefatione auctum edidit praestantissimus BARBAYRACIUS, *Amstelodami* MDCCVI, MDCCXII. Anglica quoque lingua aliquoties, nitidissime vero *Oxonii* MDCCX comparuit. Longum vero esset, testimonia virorum doctorum colligere, qui selectum, ordinem, perspicuitatem, soliditatem et elegantissimae eruditionis copiam in hoc opere laudauerunt, indicabunt potiora STOLLIVS \*, FABRICIUS \*, REIMMANNVS \*, alii \*, maxime historiae iuris naturae scriptores notissimi. Nobis Pufendorium Grotio in haud paucis praefendum esse, adeo manifestum videtur, ut dubitationi locus de eo non sit, quamvis nonnulla acutius viderit Grotius. Maxime mathematicorum leges et ordo cogitandi atque ratiocinandi Pufendorio plurimum profuit, cuncta enim nativa serie se sequuntur, nec vnquam ita dimittit ex oculis primum, quod stabilivit, principium, ut non consuetudina inde fluant apte et naturaliter cohaerentia, id quod non potuit non perspicuitatem tractationi huic admirabilem conciliare, quae tamen maior, et ipsa scriptio prolixitate minus molesta fuisset, si in cumulanda lectionis in veterum scriptis versatae copia parciore auctor

u) l. c. p. 638.

x) Hist. bibl. suae T. IV. p. 131.

y) Hist. lit. Germ. P. VI. p. 41.

z) Bibl. iuris imp. l. c. p. 32.

auctor fuisset. Quod tamen non Pufendorffio imputandum est, sed genio istius seculi, quod eruditionem ex lectione copiosa iudicabat, vnde cum aduersarii eius ignorantiam Pufendorffio obiicerent, monente Boineburgio istis deliciis dissertationem longissimam et maxime seriam conduiit temperauitque. Quamuis autem viri eruditissimi et philosophi acutissimi personam in hoc opere sustineret Pufendorffius, dici tamen vix potest, quot et quantas contradictiones id passum sit, quot rixas excitauerit, quantis litibus ansam dederit, quas in sequentibus narrabimus. Hoc loco vnum modo notamus, ex quo de ceteris iudicium ferri potest, Iesuitas Viennenses, augustissimi imperatoris, theologos Lipsienses electoris Saxoniae auctoritatem imploratam interposuisse, effecisseque, vt vendi prohiberetur. Quod apud nonnullos librum quidem suspectum fecit, multo tamen suspectiores apud plerosque Pufendorffii aduersarios, quod his artibus auctorem aggredierentur, vnde factum, vt eo ardentius legeretur. Nec tacendum, viros etiam cordatos et cetera ingenuos Pufendorffii laudatores passim quaedam in eo reprehendisse. Non repetemus ea, quae censura Leibnizii in hoc opere notauit, cum iam supra diligenter eam depinxerimus, sed ad vnum CHRISTIANVM THOMASIVM<sup>b</sup> prouocamus, quem inter *πρωμάχους* Pufendorffii primo loco stetisse, et maximum in hac arena puluerem excitasse supra narrauimus. „Is enim in Pufendorffio reprehendit testimonium scriptorum nimis cumulata, licet moneat, Pufendorffium necessitate coactum id fecisse, inuidis obiicientibus, quod veteres scriptores non legisset; nec placet, quod hominis naturam magis in aliorum opinionibus, quam propria experientia quaesiuisset, ideoque intellectui in voluntatem imperium concesserit, putaueritque homines aequae eiusdem esse naturae: culpatur etiam, quod in multis adhuc nimis opponat moralia naturalibus, et in definiendis entibus moralibus nimium impositioni tribuat, legisque homonymiam non satis fecreuerit, et diuinam cum humana esse vniuocam crediderit. &c.“ Quae quem locum mereantur, ex comparatione I. N. Pufendorffiani et Thomasiai disci debet.

*Reliqua vitae  
Pufendorffii.*

§. XV. Incredibile fere est, quantis inimicitis ob hoc praeclarum opus Pufendorffius petitus, quam molestis ab eo tempore litibus implicatus, quibus odiis et calumniis exagitatus fuerit. Quae omnia cum mire cohaereant, vna serie in sequentibus narrabimus. Hoc loco sufficit annotasse, vt acerbitas et ignominia istarum litium intelligatur, imprudentissime aduersarios Pufendorffii in eius famam nomenque fuisse debacchatos. Traduxerunt enim eum velut iuuentutis seductorem, hominem gentilismo detestabilem, atheum, in summos principes, ipsiusque augustissimi imperatoris maiestatem iniuriam, profani Epicureismi fautorem, scortatorem, adulterum, Machiaueli discipulum, sodomiae suspectum, magum, infami Fausto haud meliorem, et quae alia horrenda ei crimina obiiciebantur. Id quod ex famoso libello Becmanni intelligi potest,

a) Er. Scand. p. 208. Specim. controu. c. 1. b) Fundam. I. N. et G. p. 5. conf. REIMMANN. p. 41.

est, cuius historiam postea tangemus, quem tamen mascole et non sine sale nigro asperso retudit ipse Pufendorfius. Nec contenti calumniatores orbi literato eum velut pestem quandam et carcinoma ferro igneque refectandum et extinguendum denuntiassent, apud summos quoque principes et in aulis famam eius aperte arroderet et mendaciis atque calumniis, inquinare non erubuerunt. Sed dispulit has nubes, licet crassissimas et atra nocte cinctas, velut exortus aethereus sol, Pufendorffii innocentia et constantia, ita per vulgus nota, et ubique locorum agnita, ut et celebritate in ciuitate erudita nomen eius quotidie cresceret, et in aulis indies gratiosum magis fieret. Cuius exemplum esse potest, quod Holmiae, quo se exorto bello inter Suecos Danosque, contulerat, axiomate regii consiliarii, et historiographi auctus a secretioribus chartis regi regnoque, post Loccenii mortem, esse iussus sit. Cui muneri splendido, et industriae, quam illi rite ornando impendit Pufendorffius, debemus splendidos commentarios *de Rebus Suecicis sub Gustavo Adolpho usque ad abdicationem reginae Christinae, et de Rebus a Carolo Gustavo gestis*. Qui fortunae fauores non retuderunt quidem inimicos Pufendorffii, quo minus pugna indecora eum subinde aggredierentur, et latratibus impugnarent, at addiderunt ingentem Pufendorffio animum, eos contemnendi. Ita vero in historia Suecica versatus est, ut in aula quoque Brandenburgica magna ex ea diligentia, ipsius existimatio enasceretur; unde factum, ut Berolinum ad scribendam magni principis, Friderici Guilelmi, electoris Brandenburgici historiam vocaretur, sanctiori consilio adscriptus. Quem laborem quoque suscepit, et, regnante Friderico I. Borussiae rege feliciter absoluit, de quibus tamen eius operibus hoc loco plura dicere institutum vetat \*. In illustri hoc theatro positus, cum haud raro consiliis aulae interesse iuberetur, litium pertaesus, cum hostibus, qui supererant, satis iam debellatis pacem iniit. Sentiens autem, in religionis negotio se suspectum haberi scripsit *Ius faciale diuinum*, quod tamen morte praeuentus edere non potuit, iussit autem vulgari †. Cuius libri elegantis, et de auctoris sui peritia in argumento quoque theologico testantis examen suscepit B. WOLFG. IAEGERVS, edito *Iure Dei foederali* ‡, cui satisfacere studuit I. B. ETTENHVSIVS in *Epistola ad Rechenbergium*, quo nomine illustrem iureconsultum Io. BALTHASAREM VON WERNHER latere dicunt §: qui ideo cum laegero controuersiae ferram reciprocauit, de qua alibi § dicendum. Apud Suecos autem tanta eius nominis existimatio perdurauit, ut non modo a Suecorum rege anno MDCXCIV, in baronum ordinem extolleretur, sed sint quoque, qui asserant, reuocandum

\*) Conf. CHRIST. GRYPHIUS de Historicis Sec. XVII. p. 70. STRVVI Biblioth. hist. p. 542. VOGT. Cat. libr. rar. p. 484.  
c) Lubec. 1695. 8. d) Tubingae 1698. 8.

e) Bibl. iuris imperant. I. c. §. 16. p. 45.  
f) Conf. BYNDERS Isag. Lib. II. c. 1. p. 429. FRAPP. Hist. lit. theol. T. II. L. III. p. 186. CLERICVS Bibl. choisie T. VII. art. 11. p. 391.

dum fuisse in Sueciam, Historiam quoque belli Turcici describere ab aula Viennenſi iuſſum eſſe teſtatur CHRISTIANVS GRYPHVS <sup>1</sup>, alii vitam Leopoldi magni conſcribendam illi commendatam fuiſſe aſſerunt. His autem omnibus interceptus eſt ab hora ſuprema, quae illum eo anno VI Cal. Nou. anno aetatis climacterico rebus mortalium ſubduxit. Statura erat breui, quod vitilitigatori Becmanno occaſionem dedit, eum velut homuncionem traducendi, at ingenio magno, excelſo, ardente et cum iudicii acrimonia tum imaginandi virtute valde vigente. Quod, ſi alia ſpecimina deeſſent, in eo vno potiffimum demonſtrauit, quod errores ſcriptorum eorumque cauſas profunde inſpexerit. Cuius exemplum eſſe poteſt, hiſtoria iuris naturae ab eo ſcripta, quae primo loco in *Specimine controuerſiarum* extat, et accurate pariter atque eleganter de ſcriptoribus iuris naturae iudicat. Iſtis vero naturae muneribus inſtructus, et doctrinae atque lectionis copia adiutus, mirum non eſt, plurimum eum in condendo nouo iuris naturae et gentium ſyſtemate profeciſſe, et qui ante eum ſcripſerunt, anteuertiſſe. Laudanda quoque in eo eſt dicendi ratio caſtigata quidem et ab elegantia non deſtituta, at aperta tamen, ſimplex, et a fūco adſcititio aliena, et vigore quodam naturali ſe lectoris animo inſinuans. Plurimum vir ſummus legerat, et non modo innumera memoria recolebat, ſed et iudicio interpoſito excutiebat et examinabat, vnde deriuandum eſt, quod non nudae contemplationi libri eius deſtinati ſint, ſed formando iudicio practico ſcripti, et hoc quoque nomine quam maxime commendari mereantur. Cuius generis ſcripta eius hiſtorica ſunt, ſupra enumerata, quibus incomparabilis *Introductio in hiſtoriam*, variis ob praetantiam linguis expreſſa, itemque tractatio *de Sede Romana*; BASILII HYPERETAE nomine edita merito addi debet. Ipſum quoque opus *de I. B. et P.* non tam ſcholae quam vitae adaptatum eſſe, attentus lector facile deprehendet. Idem de eleganti, quod ex eo contraxit compendio, cui titulum *de Officio hominis et ciuis* praefixit, dicendum, quod Londini Scandiae MDCLXXIII. 8. prodiit, et tum ſaeppiſſime reuſum, Anglorum quoque lingua, et Gallorum a doctiſſimo BARBAYRACIO cum annotationibus ab IMMANVELE PROELEO autem Germanico idiomate expreſſum eſt. Tacemus editiones cum annotationibus WEBERI, TITII, WALDKIRCHII, TREVERI, KEMMERICHII, HOCHSTETTERI vulgatas. Quamuis enim mire diſplicere ſibi hunc libellum *изъясненіа* tantum ſcriptum teſtatus ſit peculiari epiſtola illuſtris-Leibnizius, non defuerunt tamen, qui ad eius cenſuram reſponderent, ſuo loco indicati. Ipſe quoque libellus multoties fundamenti loco in praelectionibus academicis adhibitus eſt, vnde commentationes nonnullae in eum enatae ſunt, de quibus videtiſis doctiſſimum STOLLIVM <sup>2</sup>. Commendauit quoque iudicii maturitatem Puſendorſius in tractatu *de Habitu religionis Chriſtianae ad rempublicam*, in qua eleganti diſſertatione euicit,

2) l. c. p. 72

h) l. c. p. 641. ſeqq.

euicit, ecclesiam non esse statum in statu independentem, sed collegium aliquod, hancque veram iurium imperantium circa res ecclesiasticas originem fontemque esse <sup>1</sup>. Ceterum quae moribus eius obiecerunt aduersarii, calumnias esse, satis compertum est, et ab ipso indubitatis innocentiae et sanctitatis morum testimoniis euictum. Vnam scribendi respondendique aduersariis rationem acrem et subiratam forte reprehenderis, quam tamen furor hostium, nec famae nec vitae eius parcens facile excusat.

§. XVI. Et haec quidem magni viri, Samuelis Pufendorffii vitae historia est: quae tamen cum maxime litibus ob ius naturae et gentium editis valde memorabilem locum in historia doctrinae moralis occupet, paulo plenius harum quoque controuersiarum enarratio, rite cohaerens iam danda est. Cuius haut contemnenda pars ex *Eride Scandica* ab ipso Pufendorffio edita <sup>2</sup> disci potest, in ea enim scriptorum apologeticorum syllogen quandam exhibuit; optandum autem, vt etiam aduersariorum libelli eristici collecti extarent, vt comparari cum illis possent, plerique enim ob futilitatem suam tantum non interierunt. Vnde omnino grates referendae sunt cel. HEYMANNO <sup>3</sup>, qui monumenta nonnulla ad historiam controuersiarum Pufendorffianarum pertinentia vulgauit; tum illustri CHRISTIANO THOMASIO, quod loca in recentioribus *Eridis Scandicae* editionibus omissa, ne viuientium famam laederent, indicauerit et suppleuerit <sup>4</sup>. Ex his actis et *αὐτογραφοῖς* autem cum cura collectis et inter se collatis hanc historiae Pufendorffianae partem enarrauerunt scriptores historiae iuris naturae BVDDEVS, GROENINGIUS, LVDOVICVS, THOMASIVS, quorum vltimus omnium plenissime has lites exposuit. Quas iam strictim narratione persequemur.

*Controuersiarum Pufendorffianarum fontes historici.*

§. XVII. Vocatum fuisse Pufendorffium ob nominis claritatem et doctrinae famam in academiam Carolinam, non ita pridem Londini Scandiae vrbe excitatam, supra diximus. Ea in schola cum iuris naturae explicandi munus accepisset, primo loco inter professores esse, et nonnullis praerogatiuis aliis gaudere ab aula Suecica, in qua fautores potentes habebat, iussus est. Ob quam auctoritatem, qua aliis praeponeretur, adussit nonnullos inuidia, vt cum hominem peregrinum sibi praeferri indignarentur, eius euertendi consilia agitent. Cuius finis obtinendi medium aptius non videbatur, quam si haereticae prauitatis veneno infectum Pufendorffium suspecta dogmata erroresque pestilentes fouere disseminarent: subministravit insidiis materiam opus de iure naturae ac gentium, cuius adhuc folia typis madebant. Coniurarunt inter se de exitio Pufendorffio contrahendo Nicolaus Becmannus, professor iuris Londinensis, Iosua

*Litium Pufendorffianarum de I. N. et G. origine.*

Ddd dd 2

Schwar-

i) Extat etiam eius politica inculcata, quae dissertationes politicas complectitur, Lond. Scan. 1679.

k) Francof. ad Moen. 1686. 4.

l) Aët. phil. Vol. III. p. 641. 770. seqq.

m) In paulo pleniori historia I. N.

Schwarzzius, professor theologiae et Christianus Fossius, quamvis antea frigida illis amicitia vel simulas potius quaedam intercessisset, qui Petrum Winstrupium quoque in partes suas pertraxerunt. Hi aduersarii Pufendorffii quales fuerint, scire, historiae Pufendorffianae interest, ipse, quos se praeuissent, lectorem non ignorare voluit \*. Nicolaus Becmannus Heida apud Dithmarfos erat oriundus, studiorum rudimenta in academia Regiomontana posuit, et flagrante tum bello Polonico in familiam Gustavi comitis Oxenstiernae imperatoris exercitus Suecici receptus est, ut filio eius prima literarum elementa traderet. Ibi sex annos moratus, amore puellae cuiusdam lotricis non nimis bonae famae correptus, matrimonium ei promisit. Deinde Marpurgum abiit, et se ipso praeceptore iuris Romani studium aggressus est, eo successu, ut in Galliam postea delatus *Medullam Iustinianeam* ederet, quam tamen exsurrepto professori cuidam collegio msc. pandectarum doctrinam explicante eum descripsisse, eique interpolandi tantum laboris infumisse, ait Pufendorffius, ut ictum contraheret. Hoc se a studiosis Marpurgensibus accepisse refert. Aurelii gradum doctoris iuris praesente pecunia redemit, ex quo magni illi spiritus enati sunt. Commendatione comitis, cui seruiuerat, in academia Carolina professoris iuris spartam obtinuit. Animi autem impotentis homo, cum nullum Professorum aequae ferre posset, et turbas quotidie aleret, anno MDCLXX numero professorum, aula Suecica iubente, exclusus est. Inde Holmiam profectus, precibus tandem obtinuit, ut professoris honorarii titulum obtineret, sed sine stipendio. Is ferre non poterat, loco ordineque ipsi praeferrari Pufendorffium, ideoque prius omnem lapidem mouerat, ne in academiam istam vocaretur. Quod cum non effecisset, videretque stipendium illi sesquialterum a rege datum, et primum locum assignatum, qui tamen doctor iuris non esset, indignaretur autem, confluere ad Pufendorffium nobilem iuuentutem ipso neglecto, de eo loco callide mouendo consilia iniit. Et primo quidem, cum per sex septimanas eius domo usus esset Pufendorffius amicitiam simulans, aures ei obtudit, ut de largiori statione Holmiae sibi dispiceret; cumque hoc pacto nihil promouisset, tacite principia Pufendorffiana carpere coepit. Accessit inuidiae nutrimentum, cum Pufendorffianum de I. N. et G. opus carceribus typothetarum proxime liberandum esset, ipse vero commentario ad instituta, illud, prout optabat, praeuertere haud posset. Totus igitur ira et inuidia aestuans, cum reliquis, quos diximus, conspirationis societatem in Pufendorffium iniit, et quae nouitatis suspecta videbantur, ab illis in indicem relata, de quo in sequentibus dicemus, clam subduxit Giesaeque imprimi curauit. Quod cum inquisitione facta, ab eo esse profectum comperisset Pufendorffius, Becmannus animaduertens se deprehensum Holmiam aduolauit, ut missionem suam obtineret, ratus ita eludendi forti praetextum se obtenturum. Sed dilatus, cum iam praesto essent lictores, qui

n) Erid. Scand. p. 111. seqq. Ast. philos. l. c. p. 647.

qui eum comprehenderent, nocte concubla aufugit Holmia, in itinere comitis personam mentitus, ut equi eo citius praesto essent. Sicque licet ad regni portus sistendus ex mandato regis esset, attamen in Selandiam euasit: et inde Hafniae literis Pufendorium ad *μονομαχίαν* prouocans, libellum illi famosum minatus est, aeterna persecutione iurata. Processu autem contra illum instituto cum citatus aliquoties non comparuisset, a senatu academico sententia dicitur, regique transmittitur. Is veniam daturum promittit, si culpam fatendo, apud Pufendorium ea de re precibus egisset. At illo ferocius per epistolam instante, frustra renitentibus partibus eius focis, sententia executioni data, et per praeconem in foro publice vulgata, index publice per carnificem combustus mense Aprili anni MDCLXXV Beckmannus cum infamia relegatus est, Pufendorius in apologia edita ut hominem huius commatis decebat, depexum dedit. Quibus fatis in rabiem atque desperationem actus Beckmannus, eiurata religione Lutherana Romanam in Stiria amplexus, et quod alii volunt, a cardinali Baadensi aegre sustentatus est; insidias autem Pufendorio struere et vindictam spirare perrexit; immisso in irruptione Danorum in Scandia milite, qui Pufendorium sustulisset, nisi is prius Malmogiam se subduxisset\*, unde ad calumniam conuersus, libellum *σηλυτευτικόν* in Pufendorium, Veridici Constantis nomen mentitus emisit, de quo in sequentibus dicemus. Et haec quidem de Beckmanno. Iosua Schwarzium vero, qui proximus a Beckmanno fabulae huius actor fuit, „Pufendorius refert, statim post „absolutam pedibus peregrinationem, in patriam reuersum obtentu zeli „id turbarum dedisse, ut ni Gedanum profugisset, capitis supplicium subitus fuisset, quod totum negotium in Pomerania electorali notum esse ait. „Deinde Holmiam petiisse, et Teutonici concionatoris munus frustra ambuiisse, iussum tamen esse, cum de instituenda academia Carolina ageretur, ut importunum flagitatorem aliquo extruderent, concionatorem „Teutonicum Londini agere, adiuncto extraordinarii professoris titulo. „Sed postea cum qui vocatus erat, celebris theologus, accedere abnuisset, viro, qui tunc gratia quorundam regni procerum florebat, adulando adrepsisse, eoque procurante professoris theologiae vocabulo potitum, rixositatis „fama acquisiuisse, in plerisque disciplinis sacris hospitem plane; et insuper ingenio infelici, huncque ideo de macula ipsi inurenda cogitauisse, ut inde nomen praetextu zeli theologici acquireret. Sed et prius „cum Petro Winstrupio, Scaniae episcopo, atrocissimis litibus collisum fuisset, quae in eius exitium exire visae sint, nisi sua opera compositae fuissent.“ Hoc itaque classicum canente turbae Pufendorfianae initium sumserunt, Schwarzio tum e suggestu sacro, tum ex cathedra theologica

Ddd dd 3 Pufen-

o) Ibid. p. 196. THOMAS. l. c. p. 108. Bibl. iur. imp. l. c. §. 4. p. 33 seqq.

p) Erat is episcopus Scandiae, et canonicus

Londinensis, nobilitatis iure donatus, unde magna inter suos auctoritate vixit, denatus, feruentibus his litibus 1675. Quae ratio fuit, cur in hanc societatem pertractus sit.



Pufendorffium, dissimulato quidem nomine, saepius insultante. Is postea cum in bello inter Suecos Danosque oborto, Scandiae incolas esset hortatus, ut Daniae regi homagium praestarent, et vectigal soluerent, Suecia aufugere coactus, in Daniam concessit, inque ea rebus sacris et ecclesiarum Slesuicensium ephoriae praefectus est. Et haec quidem de aduersariis suis refert Pufendorffius, qui licet, irritatus et vehementer offensus ea scripserit, patet tamen ex conatibus aduersariorum, malo animo artibusque minime laudandis illos in eum coniurauisse, nihilque esse in hac narratione, quod magnopere a verisimilitudine abeat, et fidem non mereatur, nisi in circumstantiis nonnullis exagerandis aliquid affectui dedisse Pufendorffium contendere quis velit.

*Series con-  
trouersiarum  
Pufendorffia-  
narum.*

§. XVIII. His actoribus scena hunc in modum instructa est. Nondum totum emerferat ex tenebris opus Pufendorffii, cum auide in foliorum quae nancisci poterant lectionem inuolarent, et clandestino consilio expenderent, quid in iis notari posset. Libro autem integro prodeunte, quem censura regia iam roborauerat, scripserunt Holmiam, eum suspectum reddituri petentesque, ut periculis ex hoc libro enascentis prospiceretur, et censurae theologorum traderetur. Responsum ad haec leniter et humaniter, quiescerent, et rerum suarum satagerent, librum politicum enim ad theologos non spectare, et regis censuram passum iam esse. Quae cum illis non arriderent, loca quaedam suspecta cum literis Holmiam ad theologum quendam miserunt, ut ex illis aulae regnique proceres errorum Pufendorffianorum specimen caperent. Ea vero cum ne sic quidem euentum, quem cupiebant, sortita essent, de construendo errorum in opere de I. B. et P. occurrentium catalogo dispicere coeperunt; conscripsit ideo Schwarzius indicem nouitatum, in quo per omnes compendiorum theologicorum articulos eundo periculosas nouitates sparsisse Pufendorffium demonstrare voluit. Exhibet integrum indicem hunc ipse Pufendorffius, ex quo non sine admiratione et indignatione impudentiae lector colliget, quantis machinis verba viri celeberrimi torserit auctor, ut ex illis ἐρεπδοξίαν exsculperet. Hunc indicem theologiae facultati exhibuit Schwarzius, quae cum conuenisset, ut de ea re dispiceret, in partes itum, seniore cum Schwarzio conspirante, reliquis dissensum testantibus. Intellexit id Pufendorffius; qui cum inter proceres regni et aulae potentes amicos haberet, inter quos eminuit Koenigsmarckius comes, ita in aula rem egit, ut literae regiae ad academiam mitterentur, quibus iniunctum, ut si quis contra Pufendorffii librum monendi aliquod ius habere crederet, priuatim cum eo conferret, eiusque sententiam et declarationem audiret; sique haec non sufficerent, ad senatum academicum referret, qui cognosce-

ret,

q) In Apol. Er. Scand. p. 71. seqq.

r) Obiecit id Pufendorffio Becmannus, vid. A. 3. phil. l. c. p. 773. ubi Cneium Pompeium ei fauere

ait, quem Koenigsmarckium esse, ex dedicatione Miscellaneorum Laconicorum intelligi potest.

s) Apol. l. c. p. 68. seq.

ret, vtrum digna caussa esset, quae ad illustrissimum academiae cancellarium remitteretur, omnia tamen placide et sine turbis agerentur. Accessit vicinae prouinciae praeses ad hoc incendium restringendum, auditoque auctore indicis, quem scripto exhiberi iussit, Pufendorffium paucis respondere iubet. Vtrumque scriptum in aulam transmittitur, ex quo cum de vanitate querelarum istarum apertissime constaret, aliis regis literis silentium aduersariis Pufendorffii iniungitur, et ne quis litem ob eum librum porro auctori moueat, seuerè interdicatur, graui comminatione addita. Quae cum ferociam aduersariorum nondum compescuissent, tertiae adueniunt, quibus Schwarzio denuntiatur, meritum eum esse, vt seuerè in ipsum animaduertatur, hac tamen vice adhuc clementiae locum esse, ea lege, vt caueret ea in posterum abuti. Pufendorffio vero, vt actionem contra eum omittat iniungitur. Quam aulae fauorem erga Pufendorffium mirandum magnopere non esse, ex eo constat, quod non tantum potenti- bus, vti dictum fautoribus fruebatur, sed liber quoque eius regia censura et priuilegio munitus in vulgus exierat, Index nouitatum autem aperta inuidiae et calumniae specimina prae se ferebat, et intelligi facile poterat, quibus turbis excitandis eiusmodi lites inferuire possent. His itaque repres- sus Schwarzio a vulgando Indice nouitatum destitit. Eum autem, vt Schwarzio asseuerabat, ipsi subtraxit Becmannus, et Giesae anno MDCLXXIII typis clam edi curauit. Quae scriptionis impudentis diuul- gatio, non Pufendorffium modo, sed et regni Suecici senatores, qui priuilegio librum Pufendorffii munierant, quique inscitiae hoc modo et negli- gentiae supinae accusabantur, pessime habuit. Actionem itaque contra Becmannum instituit Pufendorffius, qui cum inquisitione facta apud eum msc. illius indicis deprehendisset, post variam actionem, quam §. praece- dente iam descripsimus, et fugam Becmanni, ita peruenit, vt Index no- uitatum carnificis manu in foro Lundinensi, nequicquam repugnante Winstrupio et Schwarzio, flammis deleretur, et Becmannus cum infamia Sueciae regno proscriberetur, vt in antecedentibus relatum. Schwarzio autem, ne ad hos ignes digitos adureret, inuito sibi, et inscio nefarie istum indicem subtractum esse conquestus est, quin et interpolatum fuisse, est caussatus; totus tamen quiescere non potuit, sed disputationibus dua- bus de *Notis veri falsique doctoris* arrodere Pufendorffium, et atro car- bone notare, licet non nominatum perrexerit. Ast Pufendorffius cum prius opponentis munus subire constituisset, re altius pensitata breuem refuta- tionem imprimi, eamque inter disputationis auditores, illa finita distribui curauit, eam quoque dissertationi epistolicae ad Wildschuzium postea ad- iecit. Becmannus in furias actus, infami libello famam Pufendorffii ag- gressus est, cui qua ratione ille se opposuerit, postea narrabimus. Noua enim interim se fabulae huius Pufendorffianae scena aperuit, quae iam, vt cuncta ordine tradamus, porro est enarranda.

## §. XIX.

Controuer-  
siae Pufen-  
dorii cum  
eruditis in  
Saxonia. ]

§. XIX. Prodierat circa hoc tempus, quo Pufendorffii ius naturae et gentium comparauerat, in scenam controuerfia de polygamia simultanea, cuius, antequam Pufendorffius opus suum edidisset, occasionem praebuit BALTHASARIS MENZERI *Epistola super diuortio*, quam ipso inscio ecclesiastes quidam typis vulgauerat. Illi opposuit pseudonymus quidam adscito SINCERI WAHRENBERGII nomine, *Dialogum de polygamia*; qui cum valde *παράδοξος* esset, plurimos in republica literaria motus excitauit. Et variae quidem de auctore huius dialogi opiniones disseminatae sunt. Magna enim audacia et impudentia polygamiam simultaneam circa annum MDCLXXVI et sequentes defendere coeperat, infelix Ioannes Lyserus, qui cum inter Suecos paradoxam opinionem magno suo malo patefacere coepisset, sub Wahrenbergii nomine iam tum latitasse nonnullis visus est, at exigua verisimilitudine; Wahrenbergii scriptum enim vetustius est, satisque certo ex collatione intelligi potest, Lyserum hunc pariter atque Pufendorffium exscripsisse. Ipse PUFENDORFFIUS, medicum quendam Suecicum auctorem esse, se comperisse ait; si vero SEVERINO WALTHERO SLVTERO, theologo et ecclesiastae aulico regis Daniae credendum, qui id ex Leyseri ore hausit, quidam comiti Koenigsmarckio ab epistolis istum dialogum parturiuit, quem Balthasar Menzerus refutauerit. In tanta incertitudine de auctore scripti paradoxo, enata nonnullis suspicio, Pufendorffios, vel Esaïam, vel Samuelem eius parentes esse, cuius verisimilitudinem huius opinionis fautores hauserunt ex assertis Pufendorffii hominem in societate tantum statuque naturali considerantibus, et a reuelatione abstrahentibus. Quae coniectura mox diffeminata fuit, vehementer indignante Pufendorffio, qui Ioannem Adamum Scherzerum, theologum Lipsiensem, primum fuisse semper suspicatus est, qui hunc rumorem de se sparsisset. Quem cum pro vero haberet Fridericus Gefenius, ecclesiae Garlebiensis Ephorus, in refutatione Wahrenbergiani schediasmatis, quam adscito CHRISTIANI VIGILIS nomine polygamiae triumphatrici opposuit, haud obscuris verbis ea propter Pufendorffium petiit. Is cum hac non minus scriptione quam

Indice

t) Famosa est infelicitis hominis controuerfia, de qua vid. Nouv. de la rep. des lettres 1685. Avr. p. 370. sq. BAYLE Dict. T. III. art. Lamech, not. A. p. 40. art. Lyserus p. 127. LVDVICI Hist. iur. nat. p. 35. Bibl. iur. imp. p. 56. BVDDEVS Theol. mor. P. II. c. 3. §. 6. c. 9. p. 553. STRV- VIVS Bibl. iurid. c. 13. §. 45. alique multi. Habebat parentem magnum Virebergenfium theologum Guil. Lyserum, scholaeque Portensi erat praefectus: In Sueciam delatum, a comite Koenigsmarckio, coniugis suae Vrangeliae pertaeſo ad defendendam polygamiam inuitatum esse refert REIMANNVS Cat. crit. T. I. p. 696. Illud certum, edidisse eum vernacula apologiam polygamiae, titulo: *Das koenigliche Marck aller Laender*, Frib. 1676. vid. PLACCIVS Theatr. p. 471. et Pseud. p. 28. 88. Hunc inuenustum pullum post-

ea ornatiorem Latine edidit, titulo THEOPH. ALTHAEI Discursus politicus de Polygamia, Frib. 1674. et cum notis ATHAN. VINCENTII Londini Scan. 1682. 4. Qua scriptione ita vxores Holmenses irritauit, vt facta turba coram aedibus eius eum ad necem postularent, cogereturque magistratus iubere libellum famosum eo in vinculis inspiciente per carnificem comburi. Sed inter Danos quoque, vbi ecclesiastae castrensis munereungebatur, a Christiano V. proscriptus, et a multis theologis telis confossus est. Tandem ad Parisienses delatus summa paupertate et miseria enecatus 1685. obiit. Conf. LAVTERBACH. Hist. Socinism. c. 2. p. 148.

u) In Diff. epist. ad Sen. Wildschuzium.

x) In Cog. theologicis de Polygamia adu. Lyserum, Rostochii 1677. 8. vernacula editis p. 63.

Indicem nouitatum nomen suum suspectum et exosum per Germaniam fieri iudicaret, non tacendum ratus, ne innocentia a calumnia opprimeretur, apologiam anno MDCLXXIV edidit, in qua ad calumnias Becmanni fufe, Vigili personato, paucis atq; satis acerbe respondit. Regessit quaedam eodem anno G E S E N I V S, edita: *Samuelis Pufendorffii contra I. N. iniquitate, inque illius scrutinio infelicitate*; quocum controuersiae feram reciprocandam haud esse ratus Pufendorffius, *Apologiam ad Ioannem Adamum Scherzerum* habitu epistolico exarauit, eo quod hunc illius rumoris auctorem esse crederet, et suspicaretur, eo instigante Gesenium contra ipsum in aciem processisse; nosset etiam Scherzerum male in ipsum affectum negotium ipsi Lipsiae et Dresdae facessiuisse. Relatum enim erat Pufendorffio, Scherzerum Indicem nouitatum supremi senatus ecclesiastici Dresdensis praesidi ostendisse, monentem, caueret, ne respublica Christiana ex libro Pufendorffii detrimentum caperet, et studiosa iuuentus, quae auide eum legeret, a pestilentibus erroribus corrumpere: praesidem Dresdam reuersum, de eo in senatu ecclesiastico egisse, et tum facultatis theologiae in academia Lipsiensi sententiam fuisse requisitam, eam autem, in qua Scherzerus primum locum occupabat, responsionis loco Indicem nouitatum transmississe, et Geierum quidem rem in medio relinquendam esse suasisse, vrsisse vero reliquos, vt electoris nomine academia moneretur, caueret, ne iuuentus studiis inuigilans Pufendorffianis erroribus perderetur. Praeuidit Scherzerus cum aculeato hoste esse congregiendum, ideoque a disputatione abstinuit, quod vt honeste pugnam deprecari posset, a senatu ecclesiastico Dresdensi ipsi iniunctum erat. Ipse vero Christianus Vigil loco Scherzeri in scenam progressus, Pufendorffio *Christianam benedictionem aduersus impiam et inmanem maledicentiam eius in epistola ad Scherzerum adhibitam opposuit*. In qua scriptiuncula, ex scripto Monzambani, cuius auctorem se esse tunc negabat Pufendorffius, ea omnia congescit, quae inuidiam Pufendorffio conflare et suspectum eum facere poterant, poenitentiam ei et mentis emendationem precatus. Notus autem in Ienensi academia surrexit Pufendorffii aduersarius, Valentinus Velthemius, qui concoquere non poterat, Pufendorffium principium moralitatis Scholasticorum, de actionibus bonis vel malis antecederet ad voluntatem Dei, reiecisse, ideoque tum in oratione *de Laudibus Scholasticorum* Pufendorffium pupugerat, tum duabus disputationibus receptam Scholasticorum sententiam defenderat, in quibus, licet modestiam et placidam disquisitionem prae se ferret, amaris tamen subinde verbis Pufendorffium sugillauit. Aperta pugna cum hoste, quem contemnebat, non congregiendum ratus Pufendorffius, dissertationibus decem anno

MDCLXXVII,

y) Er. Scand. p. 77. seqq.

z) Titulus illis praefixus: Vera ac genuina

fundamenta I. N. contra Pufendorffium, Icnae 1674.

MDCLXXVII, iunctim editis appendicem adiecit, in qua ad obiectiones Velthemii paucis, more suo respondit, at doctrinam, de moralitate antecedenter ad legem, multa luce perfudit. Non est huius loci argumenta Pufendorffii omnia allegare, quibus Velthemianas acies profligauit, monendum autem esse putamus, valde perspicue Pufendorffium suam de moralitate actionum humanarum a voluntate diuina pendentium, eo loco explicuisse. Facto enim discrimine inter id quod in actione physicum, et quod morale est, itemque inter vocabula, quae nudum motum physicum notant, et quae integram actionem moralem, siue motum physicum moralitate iunctum expriment, obseruat, moralitatem actioni physicae inde superuenire, quod insit interna quaedam necessitas, seu obligatio, actionem certo modo et ad certam normam dirigendi. In ea norma constituenda ad Deum esse recurrendum, qui creaturam rationalem istis dotibus instruxerit, et legibus muniuerit, quae suae bonitati et sapientiae placuissent. Obligationem itaque ex eodem, quo homo, fonte deriuandam esse. Nec tamen fingendum esse, Deum potuisse hominem non socialem condere, etsi liberrime eum condiderit: sed ut quaelibet creatura a Deo habeat, quod talis condita sit, ita in homine obligationem ad obseruandam legem, et ipsam legem non ex diuerso principio esse deriuandas, quam ex beneplacito Dei cum sapientia et bonitate coniuncto. Nec hanc Dei voluntatem vagam et desultoriam cogitandam esse, sed ad quem finem semel eandem se determinauerit, ad eum assequendum pro eiusdem bonitate et sapientia constituta media, non minore, quam ipse finis, firmitate gaudere. Quae licet alias notiones de moralitate actionum suppeditent, quam quas Scholastici fouent, nisi tamen egregie fallimur, dum voluntatem Dei in sapientiae et bonitatis eius finibus fundatam supponunt, reipsa non procul a pristina sententia abeunt, quae in intellectu diuino moralitatis origines quaerit, ut alio loco iam notauimus. Nam voluntatem Dei in bonitate et perfectione firmitatem habere, adeoque immutabilem esse, ipse Pufendorffius fatetur, et ambabus se manibus concedere ait, dari actus, qui per se Deo non conueniant, seu qui salua eius perfectione et citra contradictionem in eum cadere non possint, dari quoque actus per se honestos et turpes homini, id est, qui non possint non posita tali conditioni hominis congruere vel non congruere: sed ad beneplacitum Dei se ideo tantum referre, quia actus hominis voluntatem DEI, ut talis existeret, non anteuertant. Et hoc quidem primum argumentum fuit, de quo inter Velthemium et Pufendorffium disputatum fuit, in quo haud parum contentionis de verbis fuisse, supra iam obseruauimus. Quamuis autem in ista appendice satis clare mentem suam Pufendorffius declarauisset, non cedendum tamen acquiescendumque esse Velthemius ratus est, eo quod crederet, Pufendorffium in quaestionibus metaphysicis et scholasticis rudem esse, idque aut ignauiae aut fastidio delicatiori eius esse imputandum. Vnde iterum ad eius monita quaedam in *Introductione*  
in

in *Grotium regessit*. Interim nouus contra Pufendorium in scenam processit antagonista, VALENTINVS ALBERTI, professor Lipsiensis, cuius cum Christiano Thomasio controuersias supra enarrauimus. Is in *Compendio iuris naturae orthodoxae theologiae conformato* moralitatem quidem obiectionum, quam vocant, deseruerat, et eum in locum conuenientiam cum statu integritatis surrogauerat, socialitatem autem a Pufendorio pro fundamento admissam variis modis laceffere et obiectionibus hypotheses Pufendorianas premere coeperat. Quae res nouam his litibus scenam aperuit, quae ad finem vsque fabulae totius miris vicissitudinibus durauit, quas in sequentibus tangemus. Haec dum in Saxonia geruntur, alio loco furebat contra Pufendorium Becmannus, iam tum ex Scania proscriptus; vt enim minis suis pondus adderet, libellum famosum contra eum emisit hoc titulo: *De magistri Samuelis Pufendorfi, professoris philosophiae in Carolina Scanorum execrabili iuris doctrina, horrendo atheismi, peruerfis moribus et belluina vita breuissime sed verissime scribit Seuerini de Monzambano et Tenebrionis Asinii iustus censor VERIDICVS CONSTANS, qui eo fine id facit, vt omnes literati ore, corde et calamo pestiferam ficti huius Seuerini siue Tenebrionis Asinii, hoc est Pufendorfi doctrinam extirpare conentur. In academia Catoniana, calumniis et risui Pufendorfo contraria*. Dedit famosi libelli specimen cel. HEVMANNVS <sup>a</sup>, ex quo patet, quanta calumniarum atrocitate et impudentia Becmannus Pufendorium aggressus sit. Ait enim, ex infernalis genii schola eum prodiisse, euertere decalogum, turbare S. R. imperium, profiteri religionem gentilem, negare resurrectionem mortuorum, diabolum et spectra, asserere aeternitatem mundi, negligere cultum diuinum et traducere, vitam agere profanam, infamem esse Sodomiae crimine, adulteriis, scortationibus, comeffationibus, electoris Palatini principi Machiaueli artes tradidisse, ideoque eiectum esse, adeoque inter atheos illustres esse referendum. Apologiam Pufendorfi scriptum vocat, quo nihil turpius, nihil a pietate remotius, nihil scurra ac carnifice dignius scribi, typis mandari et vulgari potuerit, adeoque eum inter magos Fausto famoso loco non cedere contendit. Obiicit facinora horrenda alia, eaque vera omnia esse testatur, sicut Deus viuit, et ipse regni coelorum particeps fieri desideret. Hunc libellum famosum vna cum literis ad academiam Lipsiensem, Ienensem, et Vitebergensem misit; itemque ad Gesenium, quarum vltimae in manus Pufendorfi inciderunt: integras autem edidit cel. HEVMANNVS <sup>b</sup>. Tacere ad tam atroces calumnias Pufendorfi non potuit. Opposuit itaque nigerrimo scripto *Epistolam ad amicos* <sup>\*</sup>, in qua Becmannum iis, quos supra retulimus, coloribus viuuum depinxit, calumnias dispulit, vitae innocentiam demonstrauit, et quantis mendaciis Alastor, (hoc enim nomine Becmannum notat) mundo

Eee ee 2

impo-

<sup>a</sup>) loc. cit. p. 770.<sup>b</sup>) A. G. phil. I. c. p. 730.<sup>\*</sup>) Er. Scand. p. III.

imponat, luculenter ostendit, Scherzerum quoque, qui in lectionibus academicis subinde Pufendorium reprehendebat, passim pupugit. Quae tamen in Scherzerum dicta in editione secunda huius epistolae, quae in *Eride Scandica* comparuit, omissa sunt, in quibus se alios ex Lipsiensium doctorum collegiis non petere, monuit. Ad hanc epistolam non filuisse furibundum et ardentem vindicta Becmanni calamum, magnopere mirandum haud est: eius enim intererat, videri veritatem dixisse, Pufendorium fuisse mentitum. Nouam itaque eructavit apologiam hoc rubro, ex quo de genio totius scriptionis coniectura fieri potest, praefixo: *Legitima defensio contra M. Samuelis Pufendorfii execrabiles fictitias calumnias, quibus illum contra omnem veritatem et iustitiam, ut carnatus diabolus et singularis mendaciorum artifex, per futilia entia sua moralia (diabolica puto) toti honesto et erudito orbi malitiose ac ignominiose imponere voluit.* Quem libellum tot insulsis ac ridiculis sui ipsius encomiis, tot horrendis calumniis in Pufendorium a capite ad calcem repletum esse, testatur THOMASIVS <sup>c</sup>, ut nescias, an homini irasci; an vero ex misericordia ipsi helleborum et catenas commendare debeas. In tanta itaque controuersiae indignitate turpe sibi et indecorum ratus cum execrabili aduersario palam congredi Pufendorfius, adscita PETRI DVNAEI p. t. in academia Carolina pedelli secundarii persona, epistolam edidit ad virum famosissimum, Nicolaum Becmannum, totius Germaniae conuitiatorem et calumniatorem longe impudentissimum <sup>d</sup>: ipsum enim Pufendorfium auctorem esse, facile ex dicendi genere falso, acri, et satyram sapiente colligitur. \*In quo cateruam scelerum lippis et tonforibus Londini notorum ei obiicit, et inter alia addit: *metum carnificis eum Suecia expulisse, non defectum pietatis, cum ob frustum panis, et ut mentiendi theatrum haberet, religionem abiurauerit, nec defectum iustitiae, quam mox tergo fuisset sensurus.* Et his similia multa cumulat, quae res inter Becmannum et Pufendorfium Londini actas mire illustrant. Sed et alius Pufendorfii *περίμαχος* in arenam tum processit, qui IOANNIS ROLLETI nomen effinxerat, quemque fuisse iuuenem quendam studiis iurisprudentiae addictum, nomine Godofredum Klingerum, eo tempore in academia Ienensi versatum, qui fratri Pufendorfii, Esaiae, postea ab epistolis fuit, in eius familia tandem denatus, compertum est <sup>e</sup>. Is non modo diligenter, quae priuatis animorum motibus Ienae agebantur, ad Pufendorfium scripsit, vnde multa *ἀνέκδοτα* in huius libellis eristicis occurrunt, quae ex eius narratione hausta sunt, itemque Pufendorfii libellum *de Officio hominis et ciuis iuuenibus* explicuit, sed et pro Pufendorfio personatus edidit IO. ROLLETI *Palatini discussionem calumniarum, quas absurdissimas de illustri viro Samuele Pufendorfio relegatus ex Suecia nequam, Nicolaus Becmannus per causam defendendae famae non ita pridem in vulgus sparsit* <sup>f</sup>. In quo

<sup>c</sup>) l. c. §. 25. p. 104.

<sup>d</sup>) Er. Scand. p. 139. seqq.

<sup>e</sup>) Vid. Act. phil. l. c. p. 643. seqq.

<sup>f</sup>) Er. Scand. p. 154.

quo libello apologetico, non minus acriter, quam ipse Pufendorfius Becmanni calumnias retundit, adeo, ut hunc esse auctorem scripti pseudonymi haud pauci conicerent <sup>g</sup>, eo quod phraſes, iis, quibus Pufendorfius uſus erat, ſimiles adhibuiſſet. Quod tamen inde deriuandum eſt, quia Pufendorfius rem omnem ad Klingerum perſcripſit, ut ex eius epiſtolis a cel. HEVMANNO <sup>h</sup> vulgatis patet. Quoniam autem in hoc ſcripto Velthemium quoque pupugerat, malam ſibi rem ſuo iumento accerſiuit: Furens enim Velthemius, quod iuuenis auſus eſſet, ſacramento academiae violato in publicum doctorem inuehere, patres conſcriptos eius academiae ita irritauit aduerſus Klingerum, ut inſtituta inquisitione carceri mandaretur, in quo inclementer ſe habitum et iniquiſſime tractatum eſſe, in literis ſupplicibus ad ducem Saxoniae conqueritur. Vixque manibus perſecutorum implorato ſereniſſimorum academiae nutritorum auxilio ereptus eſt. Vidit Pufendorfius, nullo plane modo ſcientiarum emolumentum iſtis litibus promoueri, et conuiſis rem agi inauditis, multos ex ignorantia opinionum et hypotheſium ſuarum ipſi contradicere, nec bellorum finem ita futurum eſſe. Ut itaque tandem, quod exoptabat, pugnam ad exitum perduceret, edidit *Specimen controuerſiarum circa ius naturale ipſi motarum*, cui appoſite illud PROPERTII praefixit: *maxima de nihilo naſcitur hiſtoria* <sup>i</sup>. Illud inſcripſit Ioanni Baazio archiepiſcopo Vpfalienſi, ut cauſae fiduciam, ad eum velut arbitrum prouocando, oſtenderet. Praemiſit epiſtolam ad lectorem, in qua Nicolaum Becmannum obiter tangit, hoc modo narrans, eum in nupera Danorum in Scaniam irruptione affinem ſuum cohortis optionem ſubornafſe, ut ipſum cum vxore et liberis trucidaret. Eumque ſanguinem ipſius ſitientem cum manipulo ſicariorum Londinum aduolaſſe, et cum eum ibi non inueniſſet: Malmogia capta facinus ſeſe exſecuturum frenduiſſe; aſt ſceleris irritum Lundenſe praelium extinxiſſe. Schwarzium autem nigris coloribus depingit, nonnulla ad Scherzerum pertinentia, aculeata addit, quae tamen deinde in Eride Scandica omiſſa ſunt <sup>k</sup>. In hac ergo ſcriptione totam controuerſiam ita exponere ſategit, „ut ſe cordatum lectorem „nihil amplius deſideraturum eſſe ſperare dicat, quod vel ad depellendas „aduerſariorum criminationes, vel illuſtrandam ſuam ſententiam faciat, „ita ut eo poſthac minus ſollicito ſibi eſſe liceat, ſi quis nugari et calu- „mniari deſinere non velit; cum ſemel ita perſpicue formato controuer- „ſiae ſtatu, quae ex aduerſo afferri poſſunt, ultro collabantur, et ſibi pa- „rum decorum futurum ſit, quibusuis ieiunis ſchedis peculiari ſcripto oc- „currere.“ Cuncta itaque breui quidem at neruis minime carente com- pendio complexus eſt, praemiſſaeque hiſtoria diſciplinæ iuris naturalis, de nouitatibus philoſophicis, de ſtatu hominum naturali, de fundamentali propoſitione legis naturalis, de origine moralitatis et indifferentia motus phyſici in actione humana, de examine doctrinarum luculenter diſſerit, et Schwarzii, Scherzeri, Alberti, Velthemii, Gefenii aliorumque obiectiones

Eee ee 3

nes

g) Aſt. phil. l. c. p. 646.  
h) loc. cit.

i) Er. Scand. p. 193. ſeqq.  
k) Recuſa ea dedit THOMASIVS l. c.



nes diluit, ratus ita certaminum finem se affecutum esse. Ast vehementer eum fefellit spes ista atque opinio. Nouus enim post hanc responsionem enatus est Pufendorfio antagonista, Ioannes Ioachim Zentgrauus, professor moralis doctrinae in academia Argentoratensi, qui cum iuris naturalis disciplinam eiusque historiam illustrare constituisset, aliquot dissertationes academicas de hoc argumento conscripsit, quae vno fasciculo Argentorati anno MDCLXXVIII prodierunt, ornatae hoc titulo <sup>1</sup>: *De origine, veritate, et immutabili rectitudine iuris naturalis secundum disciplinam Christianorum*. In quibus dissertationibus principia Pufendorfiana, maxime socialitatem, refutare aggressus est. Valentinus Alberti quoque lectis iis, quae Pufendorfius in *Specimine controuersiarum* regefferat, acquiescere se minime posse credens, *Specimen vindiciarum* anno MDCLXXVIII illis opposuit, de quo consulendus THOMASIVS <sup>2</sup>, quem tamen, Alberti indolem depingentem, ex eius aduersariis fuisse, cogitandum est. Accessit tertius antagonista anno sequente SAMUEL STRIMESIVS, qui cum in *Praxeologia apodictica seu philosophia morali demonstratiua, pyrbanologiae Hobbesianae opposita*, nonnulla in hypothesebus Pufendorfijs notauisset, ea quae dixerat in *Originibus moralibus* <sup>3</sup> roborare multis studuit. Vidit Pufendorfius, filere se, vti prius statuerat, non posse, ideo *Spicilegium controuersiarum edidit*, in quo difficultates a Zentgrauo, Alberti et Strimesio motas diluit. Qui tamen et ipsi nondum obmutuerunt: respondit enim primus, in *Vindictis originum iuris naturalis*, secundus in *Paraenese ad studiosam iuuentutem*, tertius in *Epicrisi in spicilegium Pufendorfijs*, in quo Pufendorfijs cum Cartesianis et Poireto eandem tibiam inflando asserere contendit, veritates rerum a sola Dei voluntate dependere <sup>4</sup>. Confugit iterum ad laruas Pufendorfius, vt liberius respondere posset, ediditque ficto IVLII RONDINI nomine *dissertationem epistolicam*, in qua obiectionibus his satisfacere connititur. Ita vero respondit Pufendorfius, vt silere se posse Strimesius et Zentgrauus crederent, noua vero ex Alberti pharetra tela depromerentur. Quae non aliter retudit, quam in praefatione collectionis librorum eristicorum hactenus a se editorum, cui *Eridis Scandicae* <sup>5</sup> nomen praefixit, paucis at stricte illi respondendo. Quoniam vero in *Statu reipublicae Christianae* nonnulla Pufendorfijs tetigerat vir illustris VITVS LVDOVICVS SECKENDORFIUS, monens, *se methodum illam, quae a principiis reuelatis abstrahit, in se reicere nolle, nec Pufendorfsii bypothesin eandem cum Hobbesiana iudicare, multo minus aculeatis disputationibus, quae inde surrexerunt, se ingerere cupere; se tamen pro modico ingenio suo tantam vtilitatem, e separatione principiorum naturalium a iure diuino reuelato, seu decalogo, perspicere non posse, quanta prima fronte videatur* <sup>6</sup>. Valde id displicuit Pufendorfsio, rato

1) Conf. Bibl. iur. imp. I. c. §. 30. p. 39. 40.

vbi etiam reliqua eius scripta nominantur.

m) §. 31. p. 111. seq.

n) Bibl. iur. imp. §. 11. p. 40.

o) THOMASIVS I. c. §. 32. p. 112. G. BEIER. Specim. bibl. iur. III. n. 7. p) Er. Scand. p. 391.

q) In vernacula Delineatione iuris nat. vid. THOMAS. Prooem. ad iurisprud. diu. p. 70. seqq.

rato ex hoc iudicio viri inter suos non exiguae auctoritatis Alberti ingenio non modicos spiritus accessuros, quapropter monitis Seckendorfianis in ista praefatione quoque satisfacere voluit. Nec a verisimili alienum est, Seckendorfium ideo quoque displicuisse Pufendorfio, quia prius socialitatis principium ipse admiserat, idque in gratiam Alberti abieciſſe videbatur. Non constitit dissensus duorum magnorum virorum intra has paginas, in quibus satis dictum esse videri poterat, sed imitatus Alberti Pufendorfium, libellos eristicos a se et pro se editos iunctim edendo, titulumque: *Eros Lipsicus*, praefigendo, in praefatione pro Seckendorfio ad responsiones Pufendorfi regessit, idque imprimis illi exprobrauit, quod parum Christiane primum hominem miserrimum finxisset. Indignationem Pufendorfi *Eros Lipsicus*, meruit, eo quod videret, Alberti cristas Seckendorfi fiducia altius erigi, audissetque ab amicis, Seckendorfium eum per literas instigauisse, ne litem hanc aliquando intermori pateretur, sed ipsi porro molestias crearet. Itaque vindicaturus se ab his insultibus anno MDCLXXXVIII prodire iussit, *Commentationem super inuenusto Veneris Lipsicae pullo, Valentini Alberti calumniis et ineptiis oppositam*, in qua acerba querimonia iniuriam sibi fieri, demonstrabat, quaedam autem dura et Seckendorfio indigna admiscebat, feruore, ut fieri solet, disputationis abreptus, et indignatione, quod impia ipsi praeter veritatem sententia tribuatur commotus. Praestat enim fateri, in his se hominem monstrauisse Pufendorfium, quam hanc animi impotentiam cum THOMASIO probare. Ideo nonnemo, virulento, ut ait Thomasio, scripto Pufendorfium modestiae admonuit. Nec tacuit Alberti, sed edidit anno MDCLXXXVIII *Epistolam ad Seckendorfium, commentum Pufendorfi de inuenusto Veneris Lipsicae pullo refutantem*, in qua laudibus elato Seckendorfio in Pufendorfium velut apertum calumniatorem agit. Ita controuersiis his in Saxonia feruentibus, dum de Suecia nemo cogitauit, prodierat inopinato Iosua Schwarzius, iam Slesuicensi ephoriae a Danorum rege praefectus, cum cathedram Londinensem deserere ob causam supra dictam esset coactus. Hoc enim loco positus, cum libere magis se scribere posse putaret, priuigni sui SEVERINI WILDSCHVZII nomine edidit *Discussionem calumniarum Samuelis Pufendorfi*, anno MDCLXXXI. In qua scriptione praeter ineptas sui laudes et aperta mendacia in Pufendorfium nihil reperiri testatur CHR. THOMASIVS: Eum itaque, pro merito depexum dare constituit GERARDVS GOTTLIEB TITIVS, sed ludrico et ad risum concitandum apto dicendi genere, epistola nempe gratulatoria Becmanni nomine ad Wildschuzium data; de deuicto et triumphato Pufendorfio, ita lepide, teste THOMASIO, genium Becmanni eiusque stilum exprimente, ita stultitiam scripti Wildschuziani aliud agendo delineante, et naeuos in academiiis regnantes sale et pipere condita satyra exagitante, ut multi facti sint, Erasmi encomium Moriae, et Hutteri epistolas obscurorum virorum nihil

r) Tobiam de Sartagine esse, indicat TITIVS in Epist. grat. Becmanni ad Wildschuzium. Hoc vero nomine latet Tobias Pfannerus.

s) l. c. p. 120.

t) ib. §. 41.

hil esse ad istum Parmenontis suum. Ipse quoque Pufendorfius epifodum comoediae additurus adscito Iosuae Schwarzii nomine *Dissertationem epistolica ad eundem Wildschuzium* vulgavit, in qua multas circumstantias ad vitam Schwarzii et sociorum eius historiam pertinentes narrauit, inuita tamen Minerua aliam personam effinxit, et elegantiae gratiam natuumque colorem, qui in eius scriptis splendet, aliquantum amisit. Rogatur in hac epistola Seckendorffius, quem cum Pufendorffio reconciliare amici tentabant, ut certamine hoc exesse velit, Tobiae autem Pfannero, quem Sibotham Napferum vocat, ob modestiae admonitionem respondetur, et Sleuogtus Ienenfis, qui in *Iudiciis sapientum ex Parnasso* Pufendorffium momorderat, retunditur, ut alia taceamus, aculeata satyra aduersariis Pufendorffii obiecta. Vltimus in scena comparuit, Alberti foetus, anno MDCLXXXVIII, quo iudicium de nupero scripto Pufendorffiano, quod *dissertatio epistolica D. Iosuae Schwarzii ad priuignum suum, inscribitur, exhibetur*. Quod tamen scriptum valde displicuisse Seckendorffio, huncque illi esse indignatum, quod animaduersiones suas in Pufendorffii scriptum se inuito imprimi curasset, ideoque illi infensiolem factum esse; gratum autem habuisse, quod amici communes litem hanc componere tentarent, ait THOMASIVS \*. Qui et hoc addit, Seckendorffio Halam vocato, ut academiae nouae cancellarius esset, amicos maiori effectu pacem et amnestiam inter vtrumque conciliaffe. Sed ex fragmento epistolae, quod produxit HEVMANNVS x patet, Pufendorffium ipsum, interuenientibus amicis amnestiam petiisse, facileque a Seckendorffio obtinuisse; sibi enim, scribit, licet maior irae causae subsit, quam Pufendorffio, facile tamen esse iniurias remittere et vlscisci, ut sibi ignoscere Deum cupiat. His tamen pacis conditionibus Alberti quoque reconciliatio conclusa est, quam longinquarum litium, et indecorae pugnae pertaesius, facile admisit Pufendorffius, quin rogatu Alberti carmen gratulatorium in nuptias filiarum eius scripsit, quod licet satyricum esset, imprimi tamen is curauit, quod postea Christiano Thomasio occasionem dedit, eum deridendi y, cum is hanc contentionis ferram cum eo reciprocare coepisset, ut supra narratum. Et hanc tandem catastrophem longa fabula Pufendorffiana habuit, quae memorabilibus speciminibus probat, quid valeant praeiudicia scholae, quid inuidia, quid artes malae et picta pietas, ad quam inhumanitatis et impudentiae audaciam excurrat humanus animus, ubi semel in praeceps vindictae cupiditate agitur. At docet etiam, viros prudentes et philosophiae praeceptis subactos, laesos et vlceratos interdum ad indignas philosophis satyras delabi, sicque Iliacos intra muros peccari et extra. Successit Pufendorffio Thomasio, qui ius eius naturae et gentium auxit, polliuit, acerrime defendit, et contra Praschium quoque aliosque quibus Pufendorffiana principia displicuerunt, assertum iuit. Quae cum fufe in eius vita enarrauerimus, nihil his, quod addamus, habemus.

CAPVT

n) l. c. §. 47. p. 123.

x) l. c.

y) Cog. menstr. 1689. p. 1057. seqq.

\*\*\*\*\*

CAPVT QVINTVM  
DE EMENDATA RECENTIORI AETATE  
PHILOSOPHIA CIVILI.

§. I.

**V**idimus haftenus fata disciplinarum fere omnium, quibus philosophiae ambitus absolvitur, quaeque recentiori aetate auctae et emendatae sunt, restat vna pars, eaque ciuilis, quae vitam hominis in societate tum ciuitatis tum familiae viuientis prudenter regere docet atque praecipit. Non neglecta fuit elegans haec philosophiae pars a veteribus, et imprimis a schola Aristotelis, quae in eo genere plurimum laborauit, ipso Aristotele praeclaram, si verum fatendum, operam in eo praestante. *De ciuili prudentia meruit schola Aristotelis, non tamen perfecit.* Educatus enim in aula Philippi Stagirita, in qua eo tempore prudentia ciuilis sedem fixerat, et facinoribus magnis et stupendis emicabat, non potuit non ad optima exempla formari, et regulis vtilissimis imbui. Vbi autem ipse philosophiam arripuerat, non in Lycei vmbris otiosis speculationibus deditus, more Platonis, quem praeceptorem habuerat, imaginariam rempublicam, legesque in societate ciuili inutiles excogitauit, sed ipsam imperii et ciuitatis naturam experientia et exemplis intuitus est. Gratosus autem et intimae admissionis cum esset apud Philippum, Alexandrum M. Antipatrum et Antiochum, qui tunc, magni orbis habitabilis parti imperare coeperant, ea, qua utebatur, insigni animi perspicacia probe intellexit, quibus neruis prudentia ciuilis staret, quibusque rationibus exerceri possit, et arcana imperiorum miro acumine inspexit. Huic itaque vitae ciuili, tum ethicam suam, vt suo loco iam obseruatum, attemperauit, tum politicam inaedificauit, immo de societate quoque familiae, in oeconomicis praecepit. In quibus multa eum praeclara monuisse, quaeque reipublicae expediant, intellexisse, attendisse quoque ad imperantium sophismata et arcanas, quibus respublicas moderantur artes, suo loco monuimus. Et hinc factum, vt, qui recentiori aetate in Peripatetica Schola in Politica Aristotelis commentati sunt, (inter quos eminere Petrum Victorium, Hermannum Conringium, et Michaëlem Piccartum, suis locis indicauimus) multa egregia et laude digna ad scientiam politicam attulerint, hocque nomine non male de philosophia ciuili recentiori aetate meruerint. Quos tamen hoc loco enumerare nihil attinet, quia alia agimus. Ast, licet haec ita se habeant, negari tamen nequit, nec omnia vidisse Aristotelem, nec nostris temporibus omnia eius praecepta iuuare rempublicam posse.

a) Tom. I. p. 804. 893.

*Hist. philos. Tom. V.*

Fff ff

Scriptores  
historiae li-  
terariae do-  
ctrinae ciui-  
lis.

posse. Quemadmodum enim institutiones suas ciuiles genio temporis, imperiorum in quibus viuebat, et quorum arcana ipse ex parte consiliis suis moderabatur, indoli modoque, quam nationum inclinationi et circumstantiis aliis, quae maximi momenti in Imperandi prudentia et regenda ciuitate esse solent, accommodauit, ita historiae ciuilis non imperitus ignorare non potest, insignes mutationes respublicas esse passas, aliasque regulas aliam prudentiam haud raro poscere. Et hinc vera causa deriuanda est, cur nulla philosophiae pars ab ipsis Peripateticis magis emendata, aucta, suppleta sit, quam quae de ciuili prudentia agit, curque infinitus fere scriptorum politicorum numerus extiterit, qui omnes fere artes regnandi variis modis explicuerunt. Inter hos nonnulli systematicum ordinem secuti sunt, plerique methodo liberiori prudentiae ciuilis regulas exposuerunt, et obseruationes, digressiones, dissertationes, discursus, animaduersiones historico-politicas scripserunt. Quorum nomina excitare hoc loco nec libet nec licet, cum ad literariam huius scientiae partem id pertineat, quam diligenter excoluit recentior virorum doctorum industria. Inter quos primo loco nominandus GABRIEL NAUDAEVS, vir castigatae eruditionis, cui debemus *Bibliographiam politicam*, aliquoties editam <sup>b</sup>, licet partium studio virum doctissimum interdum aliquid dedisse, dudum viris doctis <sup>c</sup> sit annotatum. Naudaeo merito iungimus IOANNEM ANDREAM BOSIVM, qui in dissertatione *de Comparanda prudentia ciuili* bonae frugis plena scriptores quoque huc pertinentes adduxit. Prolixiori commentatione in hoc stadio cucurrit CAROLVS ARNDIVS, cui debemus *Bibliothecam politico-heraldicam selectam*, et *Bibliothecam aulico-politicam*. Qui si tantum accurationis et attentionis in his indicibus construendis attulisset, quantum lectionis et diligentiae, non haberemus, quod in eo culpandum esset. Ast in hoc scribendi genere *auxilium* ei deesse obseruauerunt alii <sup>d</sup>. Tacemus Ioannis Caluini, Iusti Gerardi Rinckii, Cornelii a Beughem, G. Io. Iochii aliorumque labores huc referendos, de quibus videndus cel. STOLLIVS <sup>e</sup>, qui ipse in hoc argumento pulchre versatus, et omnino consulendus est. Cui si iungatur STRVVI *Bibliotheca philosophica* <sup>f</sup>, virorum eruditorum cura insigniter aucta, vix omitteretur scriptor paulo memorabilis, qui de philosophia ciuili aliquid tradidit. Dolendum autem, plerosque de prudentia certo obiecto, maxime reipublicae affixa, praecepisse, de prudentia in genere autem considerata, plerosque siluisse. Vnde laudanda recentissimae aetatis industria est, quae huic defectui medendo, multa de prudentia in genere monuit. Qua in re THOMASIVM atque BVDDEVM aliis exemplo suo lumina accendisse, ex iis, quae de his viris summis tradidimus, notum

b) Ediderunt libellum Avc. BUCHNERVS Witreb. 1640. H. CÖNRINGIVS in C. SCIORUM Paedia politices Fr. 1673. Bataui in scriptoribus de methodo p. 19. seqq. Coll. Elzeuir. CARNIVS in Script. meth. 1692.

c) BOSIVS de Comp. prud. ciu. §. 84. p. 37.  
d) Biblioth. imperant. c. 2. pos. 3. §. 9. p. 104.  
e) Hist. liter. P. III. c. 5. §. 5. p. 693.  
f) c. 8. add. Bibliotheca imperantium.

notum est. Nos ex his fontibus recentiorum politicorum praecepta lectorem discere iubemus, et speciminis loco ex politicis recentioribus trigam tantum virorum celeberrimorum in medium adducemus, qui in hac arena magna cum laude defudarunt, Ioannem Bodinum, Balthasarem Gracianum et Traianum Boccalinum. Tum sectas politicorum duas explorabimus, Machiauellisticam et Monarchomachorum, quae utraque in extrema cucurrisse, et corrupisse magis, quam emendauisse philosophiam politicam visa est.

§. II. Magnam inter eruditos seculi XVI nominis celebritatem, fama pariter et infamia nobilitatam consecutus est IOANNES BODINVS, systematicorum scriptorum, qui de republica egerunt, facile princeps: cuius res literarias praeter notissimos scriptores historiae literariae generales, Teissierium, Popeblountium, Sammarthanos, Baylium, Niceronium, aliosque tetigere ex instituto POLYCARPVVS LYSERVS <sup>g</sup>, IO. DIECMANNVS <sup>h</sup>, et alii <sup>i</sup>, qui ab iis consulendi sunt, qui integram famosi scriptoris historiam scire cupiunt: eam enim strictim tantum, et per summa capita attingere nobis licet. Natus est Andegavi, parentibus, quod plerique contendunt, Crypto-Iudaeis, cuius testis CAPELLANVS <sup>k</sup> produci solet, quo auctore additur, secundum decreta religionis Iudaeorum eum esse educatum. Quod tamen fatemur, melioribus testimoniis adhuc opus habet. Illud certum THVANI <sup>l</sup> testimonio, puerum fere in sodalitia Carmelitarum religionem fuisse professum: voto autem, quod rationis impotens inlerat, solutum, iurisprudentiae se in academia Tolosana tradidisse. Quamvis ingenio vasto et memoria valde capaci instructus, non in hoc solo stadio sibi currendum esse statuerit, sed linguarum notitiam admirabilem adeptus, omnium fere scientiarum campos perlustrandos ingressus sit. Accepta tiara doctoris iuris, ad causas in foro superiori Parisiensi, siue Curia provinciae agendas traductus est, strepitum autem forensem et varias litigationes pertaesus, elegantiori literaturae industriam suam locavit, cui commentarium in OPPIANVM *de Venatione* debemus, oppido doctum, at quem exscripsisse nonnullis visus est. Maxime vero ad historiarum studium, earumque ad civilem prudentiam applicationem conuersus, quid in hoc genere valeat, edita *Methodo ad facilem historiarum cognitionem*, itemque *Libris sex de Republica*, plaudente orbe literato ostendit. Neque tamen reipublicae muniis se totum subtraxisse, inde intelligitur, quia ipso auctore constat, Pictaui quoque eum vixisse substitutum procuratori regio, conuentibus Galliae Narbonensis interfuisse, procurationem regis Caroli IX gessisse in causa agrorum publicorum contra

Ioannes  
Bodinus.

Fff ff 2

pro-

g) Diff. de Vita et scriptis Bodini selecta exhibente, Witteb. 1715. et in Appar. liter. Coll. II. Spec. 16. p. 327.

h) Sched. de Naturalismo Bodini.

i) Colomms. Gall. Orient. p. 74. REIMANN.

Hist. lit. Germ. Vol. V. p. 42. Bibl. imper. p. 95.

k) Ep. ad Conring. Appar. lit. Witteb. T. I. p. 66. seqq.

l) Ad ann. 1596. Conf. TEISSIER. Tom. IV. p. 265.

prouinciam Normannorum, a Francisco Alenzonum duce libellorum magistrum et consiliorum participem factum, interfuisse comitiis Blefensibus nomine Veromanduorum praefecturae, delegatum pro plebeio ordine, inque iis magna auctoritate eminuisse: porro legationis ergo pro Francisco Andium duce susceptae in Angliam traiecisse, apud Laodunenses aduocatum fisci fuisse, ut ex THVANI relatione, et locis a LYSERO ex ipsis Bodini scriptis adductis constat. Plurimum auctoritatis ei tribuit Henricus II. rex Galliarum, literarum amantissimus, quem aliquoties colloquutum cum Bodino esse, eo euentu, ut illustris appareret eius eruditio, praeclara rerum memorabilium cognitione instructa, testatur Thuanus. Inde factum, ut Io. Serranus scripto acri Bodinum arrosurus a rege edere illud prohiberetur. Tandem regis gratia excidens ad Franciscum Alenzonum ducem transiit, ab eo muneribus, uti dictum, admotus, et in Angliam traductus. In qua cum libros de Republica legi cerneret, eos Latinos fecit. Tandem anno MDXCVI peste correptus obiit, relicta dubia de vita atque pietate sua fama, quae CUIACIVM<sup>m</sup> permouit, ut ex nomine eius Ioannes Bodinus, literarum transpositione efformaret: *Andius sine bono*. Nonnullis enim Iudaicam incredulitatem, cum lacte matris haustam per omnem vitam seruauisse dicitur, id quod peculiari obseruatione demonstrare aggressus est WOLDEBRANDVS VOGTIVS<sup>n</sup>. Hi ad vitae eius finem prouocant, in quo constitutus, ne verbulum quidem de IESV mundi seruatore protulerit; maxime vero famosissimum eius *Colloquium heptaplomeres*, sive *Dialogum de abditis rerum sublimium arcanis*, qui hodiernum in msc. delitescit, in partes vocant, in quo instituta religionum in orbe obtinentium comparatione semper vincitur Christiana religio, vincit vel Naturalismus vel Iudaismus de quo tamen dialogo nihil quod valde admirandum vel magnopere metuendum sit, praeter raritatem habente alibi dicendum<sup>o</sup>. Aliis nulli religioni addictus sine vero Dei cultu vixisse atque obisse, et inter Naturalistas numerandus visus est<sup>p</sup>. Patet id ex ANTONII POSSEVINI *Iudicio de la Noue miliris Galli*, Ioannis Bodini, *Mornaci et Machiaueli quibusdam scriptis*, quod ex mandato Innocentii IX, P. M. Romae MDXCII edidit, et magnam postea partem *Apparatus sacre inseruit*: in quo plurimi illi errores tribuuntur. Et hinc enata occasio eruditissimo DIECMANNO de *Naturalismo Bodini* docte commentandi. Quidam magiae pactique cum malis geniis expliciti suspectum habuerunt<sup>q</sup>: cuius occasio enata est ex *Daemonomania* eius, quae Gallice primum, postea Latine et Germanice prodiit, et in qua miris rationibus pro stupendis magiae operationibus, sagarum incantationibus, lycanthropia et similibus

m) Obs. Lib. XVIII. c. 38. Eratautem is ex insensissimis Bodini aduersariis.

n) App. lit. T. I. l. c.

o) Vid. STRVV. Introd. in Hist. lit. c. 9. §. 4. Obs. miscell. T. III. p. 271. alii.

p) DIECMANN, l. c.

q) TRISSIER. l. c. p. 265. PATINIANA p. 5. WAGNER. Diff. de Eruditis colloqui cum spiritibus familiaribus falso postularis §. 6. NAVDARVS de Magiae accusatis c. 7. p. 83.

milibus pugnat; merito ideo MARTINO DEL RIONI <sup>r</sup>, GABRIELI NAVDAEO <sup>s</sup> aliisque <sup>t</sup> notatus, et ideo indici librorum prohibitorum adscriptus; quamvis laudari meruerit ab HENR. MORO <sup>u</sup>. Plagii autem conuinci posse post Scaligerum, monuerunt COLOMESIVS <sup>v</sup>, BAILLETVS <sup>w</sup>, THOMASIVS <sup>x</sup>. Quae singula hoc loco excutere, non licet, et facile ex inspectis Bodini libris ab ipso Lectore paulo curiosiori et attento cognosci possunt. Scripsit etiam *Theatrum vniuersae naturae*, in quo erudito et lectionis copia cum superstitione pugnat <sup>y</sup>. Ex quibus recte colligitur, in argumento physico et pneumatologico Bodinum parum valuisse. Ast aliter de scriptis eius ad historiam, maxime vero ad ciuilem philosophiam spectantibus pronuntiandum esse, viri docti censuerunt. Non enarrabimus historiam libri *de Republica*, quod factum ab aliis <sup>z</sup>; sed obseruamus, maxime se eum commendauisse viris in ciuili prudentia versatissimis, GABR. NAVDAEO <sup>a</sup>, IO. CASELIO <sup>b</sup>, IAC. BONGARSIO <sup>c</sup> aliisque laudatis a THOMA POPEBLOVNTIO <sup>d</sup>, POLYC. LYSERO, COLOMESIO <sup>e</sup>. Nam licet esse in hoc opere haud pauca obelo digna facti sint, digressiones quoque inutiles et molestae merito displiceant; recte tamen obseruauerunt, varia illud multiplicique eruditione et stupenda exemplorum varietate refertum esse, THVANVS quoque, qui tamen non omnino ab ostentationis innato gentis vitio vacuum eum se probauisse ait, monuit, in illo omni scientiarum genere non tincti sed imbuti ingenii fidem Bodinum fecisse. Tacemus Naudaei iudicium, qui regnorum quotquot in mundo constituta fuerunt, species, leges, instituta, arcana denique et virtutes ac vitia in ordinem reduxisse Bodinum affirmat, opusque hoc elaboratum ingenio, expoliturum industria, perfectum iudicio et ita numeris omnibus absolutum vocat, vt qui ab ipso discesserit, errasse et incerta secutus fuisse dicendus sit. Quae sententia quidem nimia videri potest, cum nec ordinem satis obseruauerit, nec *naudeias* curiosus satis sit, verum tamen est, innumera eum collegisse, quae amplam satis lucem prudentiae ciuili accendere possunt, quamvis rerum eum quam verborum studiosiorem fuisse, et in historiis ac testimoniis citandis a vero interdum abire, neglectu magis quam dolo, concedi GROTIO <sup>f</sup> possit. Ex his vero iudicari potest, quid de turba eorum statuendum sit, qui libros de republica hostilibus armis aggressi sunt, quod fecerunt Augerius Ferrerius, Fabius Albergatus, Antonius Posseuinus, Dominicus Arumaeus, alii, quorum loca copiosa adduxit POLYC. LYSERVS <sup>g</sup>. Ipse enim contra Renatum Herpinum apologiam pro republica scripsit, inque ea Serrano, Ostato Vasconi, Andreae Franckenbergero, Petro Ostallo, Ferrerioque

Fff ff 3

respon-

r) Disq. Mag. T. I. p. 38.

s) l. c.

t) Vossius de Orig. idol. p. 489.

u) In Antidoto adu. Atheismum L. III. c. 9.

Opp. T. II. p. 122. x) l. c.

y) Jugement des savans T. II. P. II. p. 475.

z) De Plag. lit. n. 373. p. 164.

a) COLOMES. l. c. LYSER. l. c. p. 345. et quos laudat.

b) Bibl. iur. imperant. p. 96. c) l. c. p. 23.

d) In Aristot. de Optimo reip. statu prooem.

e) Vid. COLOMES. l. c. f) p. 744. \*) ll. ca.

ff) Ep. ad Gallos Ep. 1.

g) l. c.



respondit. Certe non minus peccant, qui, cum errores in hoc opere vident, illud omne reiiciunt, pulchraque innumera negligunt, quam qui cum Naudaeo, iaculum nunquam extra metam expediuisse Bodinum statuunt<sup>b</sup>.

Balsasar  
Gratianus.

§. III. Alter, qui inter scriptores politicos acumen ingenii non systematico quidem ordine, at observationibus elegantissimis demonstrando magnam nominis famam meruit, BALTHASAR GRATIANVS est, societatis Iesu theologus, et collegii Tarasonenfis rector, in quo anno MDCLVIII, annos natus LIV obiit, de cuius vita ALEGAMBIVS<sup>c</sup> consulendus. Is cum ingenii supra modum sublimis et acuti elegantia innumeras observationes pulcherrimas ad prudentiam pertinentes meditatione et lectione collegisset, eas tandem libellis aliquot, cum orbe literario et politico, vsus tamen nomine fratris Laurentii, communicauit. Legitur enim eius *Oraculum manuale; Heros; Criticon; Discretus*, aliaque lingua Hispanica scripta, sed Gallis quoque, Italis et Germanis legenda suo idiomate exhibita, quarum versionum historiam alibi tetigimus<sup>d</sup>. Et in primo quidem hominem aulicum regulis instruit, in Heroë hominis magni animum format, in Critico vitia hominum reprehendit et emendat, in Discreto virum in omni genere perfectum et aptum depingit. In quibus licet quendam scribendi tumorem ex innato gentis vitio<sup>e</sup>, et meteora orationis deprehendere liceat, quae ad ipsa quoque morum viuendique praecepta et prudentiam interdum extenduntur, quaeque ostentationem magis subtilissimi ingenii, et verborum delectum atque affectatam obscuritatem, quam rerum curam et pondera exacta produunt<sup>f</sup>, falsi tamen sunt viri summi, et accurati in hoc argumento arbitri<sup>g</sup>, prudentiae viuendi summam, et animam quasi acutissimum scriptorem exhibuisse, nec facile tantum acumen, tantam sententiarum elegantiam, tantam morum animi humani notitiam, tantam meditationum sublimitatem scriptorem vllum demonstrauiſſe. Poscit autem lectorem et cothurnato sermoni adſuetum, et meditationis profundioris atque lectionis cum attentione iteratae molestiam non pertaesum, cunctaque ad circumstantias praesentes ita traducentem, vt si non omnia accurate tetigisse videri possit, quod ab homine, verborum sublimitate a recta cogitationum et ratiociniorum semita interdum in deuia abrepto expectari non potest, insolita tamen felicitate vberimos fontes aperuisse censendus sit, ex quibus, qui iudicio, attentione atque vsu non caret, lucundissimos in vita prudenter instituenda fructus haurire possit.

#### §. IV.

h) Plura de Bodino sitientibus haurienda dabit P. BAYLE Dict. T. I. art. Bodin. p. 388. seqq. qui multa erudite et curiose cumulauit.

i) In Bibl. Societatis Iesu h. n.

k) In Praef. Vers. Germanicae Discreti, siue potius, hominis perfecti, quam emendatiorem dare, fauente occasione animus est.

l) Conf. Io. BARCLAY Icon. animorum, c. 7. p. m. 480.

m) Vid. Bibl. Franc. 1726. M. Nou. art. 10. STOLL. Hist. lit. P. III. c. 5. §. 17.

n) BAYLE Rep. des lettr. 1684. Juil. art. 7. RYDIGER. Instit. erudit.

*Traianus  
Boccalinus.*

§. IV. Tertium nominauimus **TRAIANVM BOCCALINVM** Romanum, cuius ingenium, mores, eruditionem eleganter depinxit **IANVS NICIVS ERYTHRAEVS** <sup>o</sup>. Is elegans atque amoenus cum ingenio esset, et acri atque perspicaci iudicio vteretur, ad iocandum cum aliquo maledicto facetus, omnique doctrinae pulchritudine ornatus, ad scribendam satyram se transtulit, ad quam natus videri poterat. Inde festiuo et ingenioso eius calamo *Relationes ex Parnasso* debemus, opus iucundum, doctrinae varietate, grauique morum censura, dicendi vero ornatu commendatissimum, in quibus sententiis Apollinis fictis, vitia designantur, quibus flagrabat eo tempore ciuitas, supplicia poenaeque fraudis et improbitatis, praemia virtutis explicantur, mores seculi perditissimi in contemptum adducuntur. In qua satyra tamen Boccalinum adiutores sociosque nobilissimos habuisse auctor est **ERYTHRAEVS**. Vnde nonnulli ad Caietanum cardinalem, Boccalini persona et opera vtemem eas relationes retulerunt <sup>r</sup>. Qui si in reprehendis in genere hominum moribus ridendisque vitiis constitisset, et tectis illis ac iucundis ambagibus libertatem in illos modo exercuisset, quos carpere impune licet, quorumque mores exagitare minus nefas habetur, melius sibi consulisset. Ast commouit eum ingenii acies, vt ad imperiorum reprehensiones, et vitia regnantium respiceret, et imprimis regni Hispanici errores, infirmitates, et arcana detegendo, acumen ingenii ad verberandam magni regis maiestatem conuerteret, edito *Lapide Lydio politico* <sup>q</sup>. Quo libello quidem meruit, vt inter optimaе notae scriptores politicos numeraretur, isque in alias quoque linguas conuersus auideque lectus plerorumque admirationem mereretur: at exitialis auctori suo fuit. Cum enim aegerrime aula Hispanica ferret, scripsisse audacissimum scriptorem, regis opes ac vires non esse ita magnas, vt hominum ferret opinio, sed facile deleri posse, si quis alius rex ad eas infringendas accedat, rationem quoque eius aperuisse: Venetiis die quodam ab aliquot militibus circumuentus, sacculis arena plenis ita contusus est, vt ex ea verberatione diem supremum obiret. Excelluisse eum in ea arte, scribit **ERYTHRAEVS**, quae in rebus publicis et ciuitatibus recte administrandis tota versatur, et in quadam ad Scipionem Cardinalem Burghesium scripta epistola spondere, se commentarios in Cornelium Tacitum editurum, quos pro singulari hominis ingenio omni elegantia doctrinaeque refertissimos fuisse, se non ambigere ait; nondum enim tum apparuerant. Verum vbi, post multas latebras, quas per manus virorum principum quaesierunt, tandem Geneuae in publicam lucem proreperunt, expectationi nonnullorum eruditorum minime respondere visi sunt <sup>r</sup>. Maculam autem inurit dicaci satyrico, quod **ERY-**

**THRAEVS**

<sup>o</sup>) Pinac. I. p. 272. III. p. 283. **CRASSO** Elog. P. I. p. 160. seq. **BAYLE** Dict. T. I. art. Boccalino.  
<sup>p</sup>) Conf. **MORNOF**. Polyhist. T. I. L. I. c. 9. §. 11. p. 80.

<sup>q</sup>) Pietro del paragone politico, Venet. 1615.  
<sup>r</sup>) Vid. quos laudat **POPE-BLOWNTVS** l. c. p. 927. seq. Conf. tamen Journ. des Savans T. VII. p. 24. vbi laude sua non priuantur.

THRAEVUS refert, eum, qui se aliis reipublicae bene gerendae ducem ac magistrum professus sit, in iis oppidis, quorum illi administratio commissa fuerit regendis suis ipsum praeceptis non paruisse, sed multa commisisse, quae ab illorum rationibus essent aliena, ideoque factum esse, ut Romae crebrae de eius iniuriis querimoniae perferrentur, ac locus proverbio fieret. Quae licet parum nomini eius faueant, ex politicorum scriptorum tamen, qui excelluerunt numero non eximunt.

*Scriptores de  
Machiauello.*

§. V. Machiauellistarum secta a Nicolao Machiauello, nomen habet, viro ob artes politicas easque improbandas, quas vel commendavit, vel propalavit, lippis et tonsoribus noto. Cum enim principum potestatem, quibus posset mediis extolleret, eaque siue licita sint siue illicita suis praeceptis infereret, artes quoque tyrannorum vivis coloribus depingeret, effecit, ut, quaecunque insidiae artesque in rebuspublicis tuendis firmandaque potestate suprema a nefariis prudentiae falsae et detestabilis consultatoribus adhibentur, Machiauellismi nomen tueantur. Vitam eius suo modo descriptam versioni Gallicae eius Principis praemisit IACOBVS GOHORY: nec ea plena sunt, quae recentiores historiae literariae scriptores afferunt, qui tamen de eo consulendi sunt, maxime vero PAVLVS IOVIVS <sup>s</sup> audiendus est, quem descripsit PAUL. FREHERVS <sup>s</sup>. Multa quoque notatu digna de eo dabunt P. BAYLE <sup>s</sup>, H. CONRINGIVS <sup>†</sup>, I. FR. REIMMANNVS <sup>\*</sup>. Anno MDCCXXXI vero V. cl. IO. FRID. CHRISTIVS, libris tribus *de Nicolai Machiauelli vita, scriptis et secta eius, atque in uniuersum de politica nostrorum post instauratas literas temporum, ex parte auctius cussis, ex parte primum editis*; Machiauelli res enarrauit, et quae pro eo excusando afferri possunt, attulit. Nos instituti memores paucis eius res tangemus.

*Nicolai Machiauelli vita et philosophandi ratio.*

§. VI. Edidit NICOLAVM MACHIAVELLVM Florentia magnorum virorum genetrix atque alitrix. Ingenio a natura adeo praestanti donatus est, ut, quod IOVIVS <sup>s</sup> tradit, tantum valeret, ut in nulla vel mediocri Latinarum literarum cognitione ad iustam recte scribendi facultatem peruenire potuerit. Cuius quidem contrarium ex locis scriptorum veterum Graecis et Latinis conici debbat: ast, si verum est, quod ab ipso se accepisse tradit Iouius, Graecae atque Latinae linguae flores, quos scriptis suis infereret, accepit a Marcello Virgilio <sup>u</sup>, qui in eunte Seculo XV Florentinae reipublicae ab epistolis fuit, vnde eius notarius et afflecla publici muneris a Iouio dicitur. Quamuis autem concedi forte possit, non tam disciplina et institutione literarum, quam naturae bonitate et iudicii maturitate ingenium Machiauellum excoluisse, magis

<sup>s</sup>) Elog. c. 87.

<sup>f</sup>) Theatr. p. 1440.

<sup>†</sup>) Dict. T. III. p. 244.

<sup>†</sup>) Diff. prael. ad principem Machiauelli.

<sup>\*</sup>) Intr. in Hist. lit. German. P. V. p. 32. Add.

Bibl. imper. c. 2. pos. 3. p. 109. STOLLIVS Hist. lit. P. III. c. 5. p. 714. <sup>c</sup>) l. c.

<sup>u</sup>) Graece Latineque doctissimum fuisse ex versione et Commentariis in Dioseoridem constat. Conf. FABRIC. Bibl. Gr. Vol. III. p. 97.

magis tamen mirandum esse videtur, quod eo peruenerit, quo pauci contingunt, et in scriptis acumen et habilitatem tantam demonstrauerit, ut certatim eius eruditionem viri docti laudauerint <sup>v</sup>. Cuius si non aliud specimen dedisset, imitationes comoediae veteris a Machiauello magna felicitate susceptae satis superque probarent. Tacemus testimonium Iouii, eloquentiam et doctrinam eius ingeniosa elegantia se proidentem valde commendantis. Recte itaque INNOCENTIUS GENTILETUS, cui *Antimachiauellum* deberi in sequentibus dicemus, ab HERM. CONRINGIO \* desertus est, asserens, iudicii solidi ne vnciam quidem Machiauellum possedisse. Aliud enim scripta eius loquuntur, et inter magna illi ingenia locum tribuunt. Neque audiendi videntur, obrectatores Machiaueli ἀπαυδαυοίαν ei obilcientes, quae si scriptorem acutum occupauisset, non potuisset in eiusmodi argumento versari, quod sine veterum scriptorum lectione, et rerum veterum historia expendi tractarique non potest. Aristophanem autem et Plautum in comoediis, ut diximus, imitatus, scriptorem facetissimorum venter locosque tanta felicitate non expressisset, ut Leonis X. P. M. summi et acerrimi eius rei arbitri plausum laudesque mereretur, nisi veteris disciplinae castigatione ingenium emendauisset <sup>v</sup>. Maxime autem diligentia eius in versandis annalibus historicis summopere enituit, quos non quidem more seculi XVI grammaticis subtilitatibus excussit, at philosophiam moralem ciuilemque ducem secutus, ita explorauit, ut philosophum decebat. Quamuis ergo, qui antiquitatum, linguarum criticaeque artis amore tenebantur, parum in hoc scriptore inuenirent, quod placeret, unde fabulam de eius in literis ignorantia natam esse conicere licet, fatendum tamen, magna attentione acutissimum virum ad arcanas imperantium artes, rerumpublicarum vicissitudines, causasque mutationum, et quae alia ciuilibus prudentiae mysteria sunt, attendisse, et perpexisse, quibus semitis incedere illi soleant, qui aliorum libertati insidiantur. Id quod non quidem grammaticum, at philosophum demonstrat, quem in Machiauello, de veterum rebus differente recte obseruauit Albericus Gentilis. Itaque iniquus iterum in Machiauellum recte censetur Gentilletus, qui exiguum tantum historiarum notitiam ei tribuit. Ita reipublicae, quam vehementer deperibat, fauentissimus monarchiae vero infensor, aptissimus visus est qui patriae ab epistolis esset, quo loco positus eum rerum magnarum occasio ipsi suppeteret, vsu quoque et exercitatione acumen ingenii perficere potuit, frustra id negante, qui totus eum deprimit, Gentileto. Plurimum autem apud Caesarem Borgiam quoque valuit, cuius artes ex schola Machia-

v) Vid. Elogia doctorum de Machiauello apud MAGIUM in Eponymol. crit. p. 545.

x) In Ep. praelim. ad MACHIAVELLI Principem.

y) Conf. IOVIUS l. c. p. 205. VARILLAS Anecdotes de Florence p. 248. BAYLE Dict. T. III, art. Machiavel not. B. p. 244.

chiauelli fuisse enatas, plerique contendunt, sunt tamen qui negent. Mediceorum potentiae infensus <sup>2</sup>, et reipublicae quam imperii amantior, illorum odia et persecutiones meruit. Factionem enim Soderinam adiuuasse suspectus factus, perduellionis iudicium incurrit, quae res eum carceri primum inclusit deinde tormentis subiecit <sup>4</sup>. At magna fortitudine superato equuleo, perfidiae criminis conuinci non potuit. Liber itaque dimissus, et postea dignus habitus est, cui annuo stipendio designato patriae historiae scribendae labor commendaretur. Quo tamen loco iterum eum excussit fortunae inuidia, et familiae Mediceae suspicio. Nempe cum opprimere libertatem patriae potentissima illa gens haud paucis videretur, in eius perniciem nonnulli coniurauerant, in id consentientes, ut Iulium cardinalem Mediceum, qui postea Clementis VII nomine sedem Romanam tenuit, vita tollerent. Quae coniuratio cum detegeretur, nonnullis mortis, quibusdam exilii causa exitit. His cum amicum se praebuisse Machiauellus crederetur, et suspicio esset, laudatis tum voce tum scriptis Bruto et Cassio, qui maximas res pro republica contra dominatum moliti sunt, accendisse eum ciuium animos, ut pro reipublicae libertate contra potentiam eorum, qui supremam potestatem affectabant, aliquid auderent, conuinci quidem eius rei non potuit, at munus tamen et stipendium amisit: quae res eum in miseriam atque inopiam detruxit. Quacum aliquot annos conflictatus, paulo ante subiecta iterum Caesarianis armis iugo Mediceo colla Florentina, veteresque dominos receptos ex accepto temere pharmaco, quo se aduersus morbos praemuniret, vitae suae, quod scribit Iouius, iocabundus illudens, anno, quod nonnulli volunt M D X X X, vel quod alii contendunt, certioribus rationibus nixi M D X X V I I, fato functus est, aetatis XL V I I I, relicto filio Luca Machiauello. Parum autem pie obiisse, rumor eo tempore sparserat, narrantibus nonnullis <sup>5</sup>, dixisse eum morti vicinum, malle se cum viris magnis in inferno confidere, quam cum hominibus simplicibus, Petro, Paulo et mendicis aliis in coelo triumphare. Alii sacramentis ecclesiae illuisse tradunt, alii alia profana eius memoriae affricant. In quibus narratiunculis merito fidem desideres: non enim alio talo constant, quam opinione de Principe eius pessima; nec ornari suspicio et difficilis de Machiauello fama potuisset, nisi, vitae exitum fuisse impium, illi fuisset assutum. Verisimile autem non est, si tantae impietatis reus fuisset Machiauellus, passurum fuisse inquisitionis officium, ut libri eius sine censura in Italia omnium manibus versarentur. Scripsit multa Machiauellus vno fasce vernacula, tum Latina, Anglica, Gallica lingua edita, inter quae praeter descriptiones

2) Eorum tamen fauorem, maxime ubi in curia Romana eminebat vir callidissimus tempori inferuiturus magna cura ambivit, quod nonnullis persuasit, ut crederent, eum in Principe aduulando consilia erigendae tyrannidis illis suppeditare voluisse.

a) VARIILLAS l. c. p. 249. BAYLE l. c. not. C.

b) Rumusculos Hotomanni, H. Wolfii, Spizellii enarrat P. BAYLE l. c. not. C.

c) Conf. STOLLIVS Hist. lit. P. III. c. 5. §. 45. p. 715.

minores eminent: *Dissertationes in Liuium*, siue *Disputationum de re publica libri tres ad decadem Liuii primam*, quae dissertationes *Venetis MDXXX* prodierunt, postea saepius <sup>d</sup>. Latine quoque Gallice et Anglice editae: in quibus rectius eadem axiomata tradidisse visus est, quae apertius postea in Principe disseminauit. Tum *Historia Florentina*, diuersis virorum doctorum iudiciis excepta <sup>f</sup>. Maxime autem, fama dicam, an infamia? illustre nomen nactus est, edito, *Principe*; hic enim libri Italico sermone conscripti et *Venetis MDXXXII*. 4. editi titulus est, quem Syluester Telius non satis feliciter Latinum fecit, et multoties recusum vidit orbis literarius. Emendatiorem autem editionem debemus πολιτικῶν τὰς CONRINGII industriae: is enim lectionum politicarum indicem hunc librum esse voluit, eiusque versionem Latinam emendam, *Helmstadii MDCLXIII* vulgavit, repetitam anno MDCLXXXVI. Praemisit vir eruditissimus, epistolam introductoriā, in qua de Machiauello praeclare iudicauit, adiectis iudiciis Iouii et Posseuini, vitaeque Castrucci, a Machiauello scripta aliisque. Aliam post hanc versionem Latinam anno MDCCXCIX exire in vulgus iussit CASPAR. LANGENHERT, Anglicam ED. DAKES, Londini MDCCXI. Gallicam AMELOT DE LA HOUSAYE, MDCLXXXVI. Sed Germanice quoque lucem vidit Francofurti MDLXXX<sup>g</sup>. Incredibile fere est, quam diuersa fuerint virorum doctorum de famosissimo libello iudicia, eo quod tyrannorum artes viuis coloribus et apertissimis rationibus in eo explicantur, eaque praecepta suggeruntur, quae neque religionis repagula, neque aequitatis et iustitiae honestatem, neque pactorum, legumque vincula considerare principem iubent, si eius emolumenta aliud postulent. Hinc enim pseudo-politiarum omnium, pessimarumque quae in aulis regnare solent, artium magister nequissimus, imperantium pestis, et tyrannorum adulator a plerisque habitus est. Maxime vero displicuere *Caput decimum quintum* et *vigesimum quintum*, in illo enim virtutem infamasse, concedendo principi, scire, qua ratione possit esse non bonus, in hoc prouidentiam diuinam labefactasse, asserendo dari casum cuius causa dari nequeat, quae tamen fati ferocia frangi seueritate et constantia possit vrsus est. Inde innumera conuicia in Machiauellum iacta sunt, Bodino enim homo audit leuissimus, et nequissimus, Iacobo Thomasio infame Hettruriae monstrum, aliis aliud, quorum opprobria collegit ARNDIVS <sup>h</sup>, qui, si plura quis cupiat, adeundus est. Maxime autem POSSEVINI iudicium, quod iubente Innocentio IX. de quatuor scriptoribus eum tulisse supra diximus, infamiam eius, impietatem et detestandas artes detegere nititur. Mirum itaque non est, atheismi notam illi a plerisque, qui haec principia Machiauellistica improbauerunt, fuisse

Ggg gg 2

d) Italice Geneu. 1550. 4. Bon. 1680. 4. Latine Gen 1650. 4. Gallice 1654. Anglice 1675. 1695. Gallice iterum per Henricum Desbordes Amst. 1691. 12. VI. Voll. conf. BAYLE l. c. not. H. itemque Geneuae 1726. II. Voll. 8. conf. LOTTES, ad

STAVVII Bibl. phil. c. 7. §. 9. p. 283.

e) Conf. Bibl. imperant. l. c. §. 5. p. 113.

f) Vid. BAYLE l. c. not. K.

g) Editiones allegat Bibl. imper. l. c.

h) l. c. p. III.

fuisse inuictam. Romae quoque etfi Princeps Machiaueli diu sine offenculo lectus, et non vernacula tantum, sed et in Latina lingua frequenter, nulloque indignante manibus eruditorum versatus est, tandem circa finem seculi condemnationis notam meruit. Fuerunt etiam haud pauci, qui adulando adrepisse Machiauellum familiae Mediceorum, eorumque tyrannidem scriptis fulcire voluisse contenderunt. Alii vero in contraria prorsus abeunt, nec tam malum scriptorem Machiauellum esse, etfi de argumento malo scripserit asserunt. Et artes quidem imperantium malas et tyrannidis consilia non nudius tertius nata, diu ante Machiauellum obtinuisse, ideamque principis Machiauellisticam innumeris per totum terrarum orbem exemplis expressam esse, nemo historiae adeo ignarus est, vt nescire possit. Ex quo enata scriptoribus nonnullis occasio est, de Machiauellismo ante Machiauellum commentandi<sup>i</sup>. Recte quoque obseruatum viris doctis est, haud pauca obseruata a Machiauello annotauisse iam ARISTOTELEM in politicis<sup>k</sup>, exemplisque memorabilibus descripsisse Tacitum. Quod occasionem dedit Gentileto et, post eum IAC. THOMASIO<sup>l</sup> aliisque Machiauellum plagii reum agendi: perperam quidem, si quid iudicamus. Quamuis enim multa, instituta attenta lectione veterum historicorum, et fortasse Aristotelis quoque, obseruasse Machiauellum negare nolumus, supra tamen iam a nobis monitum est, eum meditationibus philosophicis et examine politico adhibito veterum lectionem in partes vocauisse, adeoque quae alii negligunt, diligentius considerando, in perspicendis malis his imperantium artibus suis oculis acute vidisse. Tot itaque veterum exempla intuitu, cum nec acumen ingenii, nec attentio curiosa, nec latebrarum animi humani exploratio deesset, eo autem, quo vivebat tempore in hoc ille doctrinae genere viro- rum magnorum consuetudine vteretur, intelligi sine labore potest, quomodo sine plagii crimine ad similia veterum obseruationibus praecepta delatus sit; licet fatendum sit, nihil scripsisse Machiauellum, quod non conditis inter homines imperiis semper exercuerit infrunita ambitio impe- randique cupiditas. Haec vero obseruata viris doctis ansam illis dedere de Machiauello iudicandi, produxisse eum tantum ex vmbris conclauium et in aperta luce collocauisse malas dominantium artes, nec docere voluisse, vt obseruatum WIQUEFORTIO<sup>m</sup>, quid principi agendum sit, quam quid agat reapse tyrannus, vt nosci et vitari possit. Vnde candidè magnus VERVLAMIUS<sup>n</sup>: *Est quod gratias agamus Machiauello, et huius- modi scriptaribus, qui aperte et indissimulante proferunt, quod homi- nes facere soleant, non quod debeant.* Aliorum hac de re iudicia, ne nimii

i) CHRISTIAN. HOFMANNVS Diff. Machiauellus ante Machiauellum ex historia Lacedaemoniorum productus Ienae 1668. et Machiauellus sine Machiauello ex historia Sinensi productus, ib. HERM. SAM. REIMMARS in Sciagraphia tr. de Machiauellismo ante Machiauellum, Witteb. 1619. CONRING. L. c.

k) L. V.

l) De Plagio n. 502. PASCH. de Inu. Nou. Antiq. c. 4. §. 7. Bibl. imp. p. 110.

m) Conf. MARVILLE Mel. T. II. p. 140. DE LA HOUSAYE Praef. Princ. BAYLE l. c. not. E.

n) De Augm. scient. L. VII. c. 2.

animi finis, praeterimus<sup>o</sup>; legenda autem est erudita Cl. CHRISTII dissertatio, qui multa hanc observationem luce perfudit. Quod ubi supponitur, tantum abesse pergunt, qui pro Machiauello apologiam dicunt, ut culpam possit, ut potius inter testes veritatis cautos et sagaces referendus videatur, eo quod prudentiam civilem non virginea castitate illibatam, sed aularum furore vitiatam atque prostitutam in apricum produxerit, ut habeant animae candidiores, quod perhorrescant, amici principum autem rerumque administri pulchrius sapere cupientes, quod vitandum esse hero suo ostendant. Id quod pondus insigne pro Machiauello accipit, si verum esse statuatur, virum acutissimum reipublicae fauentissimum, magno, licet clandestino, odio oppressae a Medicea domo libertatis flagravisse, cumque alia ratione non posset, his ambagibus adscitataque hac larva, natiuos tyrannorum vultus viuis coloribus depingendo ciuibus suis oculos aperire, et hortari voluisse, ut discerent tandem aliquando, quam mala res sit amissa libertate iis dominis parere, qui contemptis legibus, iustitia, aequitate, honestate et sanctissimis quibuscunque ciuitatum vinculis etiam minime boni esse non recusent, si potentiae suae expediat, et fulcire tyrannis hoc pacto possit. Et magnum, si fatendum quod res est, pondus haec observatio in historia Machiaueli habere videtur. Vti enim non insolens est eiusmodi fictis institutionibus malarum artium praecepta et exempla in apertissima luce constituentibus satyram scribere, et oculos rerum intelligentibus aperire, ut sapere tandem aliquando discant<sup>o</sup>: ita falli eos, dubium non est, qui Mediceae familiae assentiri isto libro Machiauellum voluisse coniiciunt. Hoc enim si facere constituisset, non in foro et turba, sed in conclavi et adyto haec praecepta politica insusurrasset. Aliter autem animo affectum fuisse Machiauellum ea, quae ex illius vitae historia supra adduximus, satis probant, et tota historiae Florentinae ratio suadet. Ea enim narrante, artes istas, quas tam natiuis coloribus scriptor Florentinus describit, isto tempore mira calliditate exercuit, gemente et expirante Florentinae reipublicae libertate, Medicea familia<sup>o</sup> quas detestatum fuisse Machiauellum, ideoque ciues hac satyra monere voluisse, vel sola iterata suspicio, quod in exitium eius domus coniurauerit, euincere videtur. Nec ullam verisimilitudinis speciem habet, eum, qui Bruti et Cassii exempla ciuibus tantopere praedicauit, sicque reipublicae liberae amorem mire in iis sustentauit, seria commendatione tyrannidis medio tam palpabili institutionum compendia suppeditare voluisse, quibus ciuitatis libertas euerteretur. Aliquoties etiam in dissertationibus in Liuum<sup>o</sup> prodidit, valde se Aristocratiae fauere, et monarchiam

Ggg gg 3

atque

<sup>o</sup>) Vid. ALB. GENTILIS de Leg. L. III. c. 4. SCIOPIVS in Paedia polit. Io. CHR. BECMANN. Med. polit. c. 1. §. 6. p. 7.

<sup>p</sup>) Simili instituto scriptus est Homo politicus f. Compendium politices nouum, quod serie rem egisse ratus CHR. PELLERVS in Politico scelera-

to impugnato, refutauit. Eandem nuper scenam ingeniose instruxit cel. CROVSZIVS editis Regulis educationis, quae multis displicuerunt, cum non obseruassent, satyram virum eruditissimum scripisse.

<sup>q</sup>) Conf. VARILLAS L. c.

<sup>r</sup>) Maxime L. I. c. 10.



atque imprimis tyrannidem perhorrescere. Quamvis autem non sine veri specie obiiciatur, Machiauellum, etiam in aliis libris has artes pseudo-politicas inculcauisse, opponi tamen his potest, virum sagacissimum quaerendo exempla eorum, quae tam aperte in principe effuderat, colorem, quo excusaretur, observationibus suis addidisse, ut de veteri magis aevo, quam suo tempore loquutus fuisse videri possit. Quae vero de atheismo eius obiiciuntur, infirma esse, recte vidit eruditissimus REIMMANNVS<sup>6)</sup>, qui eos nominat, qui in hac macula illi inurenda industriam suam exercuerunt. Monet enim, scripta eius per integrum fere seculum esse lecta in republica literaria sine atheismi suspitione: id quod verum esse ex historia librorum Machiauellisticorum patet. Erat enim Alexander VI commendatus et librum hunc quoque Leonis X fratris filio dedicauerat, minime indignante Leone, sed eam potius de illo fiduciam nutriende, ut eum arcanam dissertationem de reformatione reipublicae Florentinae scribere iuberet. Clemente VII quoque iubente historiam Florentinam edidit, benevole ab eo acceptam, Machiauello autem mortuo typographo Angelo Bladio decennii privilegium in opera Machiaelli iunctim edita a pontifice concessum est. Idem fecerunt Paulus III, Iulius III, Marcellus II, Paulus IV, hisque auctoritatibus munita scripta Machiaelli, in omnibus fere Europae regionibus diu sine suspitione atheismi lecta sunt. Primus anno MDLII in Machiauellum inuectus est Ambrosius Catharinus, exigua tamen vel curiae Romanae vel ciuitatis literatae attentione. Tandem Antonii Posseuini et Thomae Bozii instigatione et clamoribus permotus Clemens VIII, demum scripta Machiaelli, velut impietatis suspecta prohiberi iussit<sup>7)</sup>. Addit huic argumento porro Reimmannus, nusquam in scriptis Machiaelli vel directe vel indirecte oppugnari numinis existentiam: viros quosdam doctissimos eos excusasse, et interdum laudasse; iis, a quibus primum atheismi stigmatem notata sunt Machiaelli opera, nequidem lecta esse, ne dum ea, qua fas est diligentia excussa: reprehensione quoque ecclesiae Romanae satis acerba hanc dicam eum meruisse etc. Quae omnia in vnam summam collecta id euincere putant viri illi docti, qui pro Machiauello verba fecerunt, non alia in re eum peccauisse, quam quod, monente SCHVPPIO<sup>8)</sup> *sagacissimus nequitiae humanae obseruator, apertissimus testis, et nimis ingenuus recitator fuerit, et candide ea elocutus fuerit, quae multi alii politici non modo sentiant, et firmiter credant, sed et in vniuersa vita faciant.*

*Iudicium de  
Machiauello.*

§. VII. Difficile est in tam ambiguo argumento arbitrium sumere, et de Machiauello ita statuere, ut verisimilitudinis gradus rite definiantur, habeatque pondus suum opinio. Quis enim aperta certitudine de intentione animi scriptoris huius definiet? Et verum quidem est, suspectum valde videri Machiauellum, non modo quod artes malas nimia perspicuitate

<sup>6)</sup> Hist. Atheismi S. III. c. 4. §. 14. p. 356. f.

<sup>7)</sup> Conf. CONRING. l. c.

<sup>8)</sup> In Orat. de Opinione.

tate denudauerit, verum etiam, quod in aliis quoque scriptis eas imperfectis, ubi scopus iste satyricus locum habere non potest. Quoniam tamen ea, quae de eius erga rempublicam amore relata supra sunt, iustam causam praebent credendi, noluisse eum, contra principia regulasque ex animo sibi descriptas agere et scribere, hincque illa loca ideo ab eo allata putanda esse, ut exemplis fidem principi suo faceret: ideo iustae ratiocinationis pondera et momenta maiora eos habere existimamus, qui principem Machiaueli pro satyra habent, larvam tyrannis detrahente, et libertatis amantibus exosum imperium atque dominatum reddente: facileque persuaderi nobis patimur, Mediceos eum clam petiisse, quamvis ad occultandum hunc scopum, inscriptionem libri Mediceae domui sacram esse voluerit. Hac quaestione facti supposita, adeo male, quam plerique clamant, Machiauellus egisse censendus non esse videtur. Vti enim magna et praestantissima tacticorum pars est, ostendere stratagemata, eorumque rationes apertas detegere, sophismata quoque et fallaces strophas delineant artis rationalis scriptores, ita in morali quoque et politico argumento utilitate minime caret, et haud exigua pars civilis prudentiae est, scire quibus modis faeuat pseudo-politica, peccent artes aulicorum, opprimatur libertas, quaeque pestes ciuitatis eiurandae vitandaeque sint. Quem usum hunc Machiaueli librum praestare, recte viderunt H. CONRINGIUS \* et DAN. CLASENIUS †. Quamvis autem haud immerito quis obiciat, plus proficere vitiorum ignorationem, quam cognitionem virtutis, quod eleganti Scytharum exemplo illustrat IUSTINVS ‡: putandum tamen haud est, Machiauellismum, quem vocant, siue artes pseudo-politicas ex hoc demum Machiaueli libro exortas esse, cum experientia teste constet, millies eas sine Machiauello exerceri, regnareque in aulis, in curiis, in conclauibus, quin et inter priuatos in foro, in museo, in tabernis, ubi Machiaueli princeps nunquam lectus est §. Id vero, nostro quidem iudicio excusari in Machiauello non potest, quod non antidotum veneno valde praesenti adiecerit, inque iis ingeniose exponendis et pingendis industriam suam demonstrauerit, quae exponi sine detestatione non debent, ut alia taceamus, quae profanam in eo mentem, Dei reuerentia non satis munitam prodere videntur. Vnde laudanda est Conringii industria, qui in ea, quam curauit editione medicinam attulit, et remedium locis, quae offensioni esse possunt, parauit.

§. VIII. Ex his autem intelligi potest, non defraudandos illos esse sua laude, vel inutiliter operam suam collocasse censendos, qui in refutando Machiauello defudarunt. Tanta enim multorum infirmitas est, ut non moniti et aere triplici circa pectus muniti, facile exemplorum huiusmodi

\* loc. cit.

† De Relig. polit. c. IX. §. 98.

‡ L. II. c. 8.

§ Hinc enata est occasio cel. B. VALENTINI

disserendi de Machiauellismo medico Franc. 1711.

LILIENTHALIO de Machiauellismo literario.

EDUARDO de Machiauellismo pietistico, CHR.

WEISIO de Machiauellismo rustico etc.

modi pictura decipiantur, et quae cautos reddere debent, incautos faciant et seducant. Causa haec est, cur tot viri docti in confodiendis illis axiomatibus quibus Princeps Machiaueli regitur, industriam exercuerint suam. Quorum indicem satis longum texere liceret, si Bibliotheca philosophica scribenda esset, a qua prolixitate institutum nostrum abhorret. Nominant autem plerosque STRVVIVS <sup>b</sup>, REINHARDVS <sup>c</sup>, ARNDIVS <sup>d</sup>, BVDDEVVS <sup>e</sup>, alii <sup>f</sup>, qui videndi. Nos ex multis, quae heic inferi possent, observationibus paucas feligimus. Et I. quidem ex refutantium ordine, nemo maiori infamia cumulasse Machiauellum censendus est, quam Posseuinus et Thomas Bozius; ille, in *Iudicio de quatuor scriptoribus*, supra iam memorato, hic in variis scriptis, contra Machiauellum editis, maxime vero in tractatu *de Imperio virtutis, Coloniae Agrippinae anno MDXCV* edito. Ex quo simul tempus patet, quo Machiauellus suspectus fieri, et infamia laborare coepit. II. Maximus vero, qui Machiauello obtigit aduersarius a plerisque iudicatus est, anonymus quidam, cui debentur: *Commentariorum de regno aut quouis principatu rite et tranquille administrando libri tres, de consilio, religione et politia, quas princeps in ditione sua tueri debet aduersus Nic. Machiauellum Lausannae MDLXXVI* editi, et aliquoties editione repetiti, etiam Germanice vulgati <sup>g</sup>. Suppressit auctor nomen suum, nec aliud de se prodidit, quam esse se ex exulum reformatorum Galliae numero, quod occasionem dedit nonnullis coniecturis suis in auctorem inquirendi. Vixit autem eo tempore apud Lausonienses exul Franciscus Hotomannus: quem in hoc scripto euulgando ideo desudasse nonnulli coniecerunt. Ast nec genium nec scribendi rationem ab Hotomanno seruata prodit scriptum illud. Vnde maiori verisimilitudine VINCENTIO GENTILETO ICto ex Delphinatu Galliae oriundo tribuitur <sup>h</sup>. III. Exscripserunt hunc Anti-Machiauellum non Posseuinus modo, sed alii quoque, qui contra eum in arenam descenderunt, ast IV. iniquis armis, falsis imputationibus, et commentis ita aggressus est auctor Machiauellum, vt sincerum ex hoc libro iudicium de eo haurire minime liceat <sup>i</sup>. Quem cum ita exscripserint, Anti-Machiauellistae, vt ne quidem comparare eum cum Machiaueli scriptis opus esse iudicauerint, factum inde, vt pueriliter in haud paucis lapsi sint. V. Omnes autem eos, qui Machiauellum refutare aggressi sunt, et angusti, quo fulgere creditur axiomatis splendore, et cogitationum subtilitate, et principiorum atque regularum veritate et nobilitate, et digno auctore suo virtutis habitu longe post se reliquisse, consentiente et plaudente orbe literato iudicatus est, qui nuper *Antimachiauellum* Gallico sermone edidit anony-

b) Bibl. philos. c. 7.

c) In Theatro prudentiae civilis.

d) l. c. p. 47.

e) Isagog. Hist. theol. p. 320. Annot. in Hist. phil. p. 504.

f) Biblioth. imperant. l. c. §. 6. p. 113. seqq.

g) Anti-Machiauellus, das ist, Regenten-Spiegel. Argent. 1624. 8. perperam enim hunc librum quidam ab altero distinguunt.

h) BAYLE l. c. not. E. Bibl. imper. l. c. p. 114. DECKER. de Script. adesp. p. 306.

i) Conf. CONRINGIVS et CHRISTIVS II. cc.

anonymus, curante editionem elegantissimo VOLTAIRIO <sup>k</sup>. Quem librum immortalis rarissimi exempli gloria dignum hic recensere, institutum vetat, adeundi autem Ephemeridum scriptores, qui suo merito extulerunt. Supponit is, Machiauellum verisimiliter principem suum ad Caesaris Borgiae exemplum effictum, serio orbi imitandum proposuisse, eumque ideo validissimis arietibus contundit, eiusque quassat moenia: iam luculenter autem in eo argumento versatur, ut, recte Platonem pronunciasse dicendum sit, beatam tunc fore rempublicam, si aut philosophi imperent, aut reges philosophentur.

§. IX. Ab hoc scriptore politico enata est in nonnullorum commentariis de philosophiae historia, secta Machiauellistica. Somnium hoc fuit GEORGII HORNII <sup>l</sup>, ita tradentis: „Exorta quoque est secta politicorum Machiauellistarum, qui statuunt, philosophiam theoreticam homines reddere ineptos ad prudentiam politicam, trahentes ad se illud Neoptolemi apud Ciceronem philosophandum, sed paucis.“ In quibus adeo pueriliter potuisse labi Hornium, ut certum sit, ne paginam quidem unam Machiaueli se legisse merito miramur. Aliis secta Machiauellistica audit, quicquid iniquas principum artes inculcat suadetque, quo pacto innumeras affeclas habere Machiauellum contendunt, at hi sectae nomine abutuntur, quo theoreticorum philosophorum factio intelligi solet. Sensu enim practico omni ante Machiauellum tempore extitisse pseudo-politicos, et obtinuisse axiomata vel sophismata potius politica a Machiauello tradita supra iam obseruauimus. Accuratius agunt, qui eos scriptores huc referunt, qui regnandi prudentiam illis regulis concluderunt, quae utilitate magis imperantium, quam subditorum atque ciuitatis definiuntur, quaeque despotismum nimis extendunt. Quo nomine vapulare solent Iustus Lipsius, et Thomas Campanella, ut in utriusque vita dictum, itemque illustrissimi Gallici regni administratores Richelius et Mazarinus. Quibus adiici solet GABRIEL NAVDAEVS, propter *Considerationes politicas super arcana status* <sup>m</sup>. Ast hi quoque scriptores Machiauellisticae proprie dici nequeunt, eo quod intra cancellos praeceptionum Machiaueli se non concluderunt. Monarchomachos autem huc inepte refert Cl. ARNDIVS <sup>n</sup>, qui in contrarias prorsus partes discesserunt, quos iam propius intuebimur.

§. X. Nempe in contrarium abit, et diuersissima principia sectatur Monarchomachorum factio, quam indictam hoc loco praeterire non licet. Ut enim plus iusto tribui a Machiauello principum potestati plerique conqueruntur, ita Monarchomachi imperio illimitato maximopere infensi princi-

Secta Machiauellistica.

Monarchomachi quid sunt?

k) Vid. Bibl. Britann. T. XVI. Nouvelle Lett. publicat. in Firenze T. II. p. 600. 619. seqq.

l) Hist. phil. L. VI. c. 12. p. 322.

m) Conf. citati.

n) l. c. p. 56. seqq.

principis auctoritati plus iusto detrahunt. Id vero cum placulum merito videatur, ipsam philosophiam in auxilium vocari videas, vt recte et ratione imperante id fieri videri queat. Nempe duplex huic factioni maiestas statuitur, vna personalis, realis altera. Et personalem quidem summis imperantibus minime denegant, quos ex collatione a populo facta maiestatis axioma in persona sua gerere asserunt: at realem maiestatem populo inesse, eiusque consensu, electioneque transferri in imperantem contendunt. Qua distinctione, populus et subiectorum et imperantium indole gauisus inepte inducitur, et quid maiestas sit, quauē conditione in personam principis transferatur, mire confunditur. Id quod latius deduxerunt C. THOMASIVS \*, H. CONRINGIVS †, CHR. MART. COLLETVS ‡, qui ipsi adeundi. Perniciosi autem ex huius factionis principio in rempublicam omni tempore errores fluxerunt, seminaque seditionum nunquam non exorta sunt. Sequitur enim ex illo originaliter, maiestatem esse penes populum §, et competere illi ius, non modo in imperantium actiones inquirendi, sed etiam peccantes de throno deliciendi, immo prorsus e vita tollendi. Ex hac vero Monarchomachorum descriptione manifestum est, non recentiori demum aetate hanc factionem surrexisse, sed ab eo tempore extitisse, quo seditiones in imperiis obortae imperio se opposuerunt. Quo argumento dudum ARISTOTELES Monarchomachos depinxit ¶, et vetus pariter atque recentior historia. Intelligitur autem ex dictis contrariam prorsus Machiauellismo esse Monarchomachiam, etiam simulatam, adeoque contrariis principiis vti, et reuera omnem regum principumque maiestatem, quam ille malis artibus extollit, pessimis rationibus atque mediis euertere. Historiarum annales vero consulentibus ignotum esse non potest, Machiauellismum, id est, abusum maiestatis et potestatis supremæ Monarchomachiam genuisse, et ex tyrannidis malo aliud illo non minus fuisse prognatum. Cum enim sine legibus, sine pactis, sine religione, sine salutis publicæ cura agere se posse, prout libuerit, imperantes coepissent, exasperati populorum animi de tollendo, quod execrabantur, imperio cogitare coeperunt, hincque talia principia excogitarunt, quæ ex natura ciuitatis petita, in originem maiestatis inquirunt. et consensu ciuitatis eam in imperantem conferri, pactisque atque legibus definiri atque circumscribi contendunt. Quæ cum magnam veri speciem habeant, facile fuit, obtentu naturæ ciuitatis pactorumque inuolare in maiestatis iura et non tantum imperantes in ordinem redigere, sed pellere quoque regno, et caedibus plane, iustitiæ prætextu et tyrannidis odio, euertere. Mirandum itaque non est, eas, quæ Machiauellismo solent opponi, rationes in acie Monarchomachorum comparere, et iusto

\* Diff. de Duplici maiestatis subiecto.

† Diff. de Summæ maiestatis subiecto.

‡ Diff. de Diuisione maiestatis in personalem et realem.

§ Conf. GROTIVS de I. B. et P. L. L. c. 3.

¶ Vid. Polit. Lib. V. et PSETVS VICTORIVS ad h. l. p. 395.

iusto Imperio haud raro opponi. Verumque est, quod nonnemo monuit, speciosa satis esse, quae pro se, suaeque sententia Monarchomachi afferant, argumenta, eaque plerumque in genere considerata veriora esse, quam applicari in specie possint. Ast nec tamen inficiandum, ita in plerisque regnis imperiisque dispositum cautumque esse, ut distinctiones Monarchomachorum locum habere vix possint, cum facilius maiestas in abstracto, quod vocant, quam in concreto a subiecto cui inhaeret, separari queat. Et aliud longe est, peccata regnantium, finem imperiorum et naturam conuellentia redarguere, aliud media suppeditare, quibus salua maiestatis iure et auctoritate in ordinem redigi queant. Quae inter se miscuisse nonnullos, qui Monarchomachorum partibus se addictos professi sunt, certum est: quorum asserta interdum commodam interpretationem admittere, et aequitatem poscere, omnino B. BVDDEO<sup>a</sup> eos excusanti concedimus. Verum de his ultra disputare hoc loco non licet, sed in institutionibus philosophiae examinanda atque definienda sunt: nos ad partem huius factionis historicam conuertimur, quam post obseruatorem Halensem<sup>a</sup> tetigerunt STRVVIVS<sup>a</sup>, ACKERVS<sup>b</sup>, BVDDEVS<sup>c</sup>, ARNDIVS<sup>d</sup> auctorque *Bibliothecae imperantium*<sup>e</sup>.

§. XI. Quamuis ab antiquissimis temporibus Monarchomachos fuisse, veterum regnorum atque rerumpublicarum, maxime Graecarum historia testis sit locupletissimus, nunquam tamen, quod facto ipso multi exsecuti sunt, scriptis ex instituto defendere, quisquam ausus est. Prima, quae in publicis libellis deprehenduntur, huius rei vestigia, seculo XIV deprehenderunt viri docti: imperante enim Ludouico Bauaro, MAR-SILIVS MAINARDINVS, Patauinus, rector vniuersitatis Viennensis<sup>a</sup>, quem impium quidem, sed doctum hominem vocat NIC. COMNENVS PAPADOPOLI<sup>a</sup>, quique in controuersis Ludouicianis strenue Occami sectam sententiasque secutus est, Monarchomachis in *Defensore pacis* praeluisse; Seculo XVI ineunte autem, sedente Romae Leone X, MARIVS SALOMONIVS in libris *de Principatu* eandem iam disseminauisse haeresin visus est. Forte et alii sunt, qui principum potestatem intra cancellos redigere cupientes, et plus ultra progressi in maiestatem ipsam iniurii facti sunt. Nam tempore belli Smalcaldici, quo de oppressa libertate publica querelae grauissimae auditaе sunt, nonnullos theologos talia praecepisse non nemo<sup>a</sup> contendit. Non tamen in certi dogmatis neruum res erupit, nisi post lanienam Parisiensem, qua crudelissimum oppressae salutis publicae, exemplum insanorum quorundam audacia exhibuit. Eam enim graues illi motus intestini et ciuilia bella secuta sunt, quibus non ar-

Monarcho-  
machi cele-  
briores.

Hhh hh 2

mis

a) Bibl. iuris imperant. l. c. §. 1. p. 119.

b) In Hist. I. N. p. 78.

c) Obs. Hal. T. VI. Obs. 1.

d) Bibl. phil. c. 7. §. 27.

e) Pec. sched.

f) Hist. phil. p. 508.

g) Bibl. polit. her. p. 6a.

b) C. 2. Pos. 2. p. 118. qui omnium plenissimus est.

c) Vid. FABRICIVS Bibl. Lat. med. Tom. V. p. 102.

d) Hist. Gymnasi Patau. T. II. p. 154.

e) Obs. Hal. I. c.

mis tantum contra regis maiestatem et auctoritatem, sed calamis quoque pugnatum est. Secutae sunt seditiones motusque Anglici et Scotici, qui materiam suppeditarunt, nonnullis in regum principumque potestatem insurgendi. Inter quos primum apud plerosque locum occupat **GEORGIVS BUCHANANVS**, vir historiarum peritissimus, et condendi carminis felicitate celeberrimus, cuius vitam hoc loco enarrare non licet, praemissam autem Poëmatibus eius, et elegantissimis observationibus illustratam legere est apud **P. BAYLE** <sup>f</sup>, qui ad eundus. Is in regia quidem Mariae Stuartae, Scotiae reginae familia fuit, tantumque eius existimatio et eruditionis opinio valuit, ut regni haeredi Iacobo VI, erudiendo adhibitus, innumeris beneuolentiae speciminibus cumlaretur. Attamen seductum a factione aulae aduersa, imprimis comite Morraui, iniquissime de Maria regina in *Historia Scotiae* scripsisse dicitur, quod occasionem nonnullis, maxime Barclai, dedit, cum perfidiae, ingrati animi, mendaciorum, et quae alia ei scelera obiecta sunt, insimulandi. De qua tamen re non hoc loco tractandum est, sed in historia magnae Britanniae Scotiaeque regni. Potiori autem iure huc referendus esse plerisque visus est, ob dialogum *de Iure regni apud Scotos*; paulo ante obitum, qui anno MDLXXXII, septuagesimum sextum aetatis annum supergresso obtigit, anno MDLXXX Edinburgi editum. Qui cum Latine scriptus esset, mox Anglico quoque sermone, et tum Belgico comparuit, et plerumque historiae Scotiae solet adiungi. Scripserat hunc dialogum occasione motuum a Maria Stuarta excitatorum, adeoque de Scotiae tantum regno in titulo eius se acturum promiserat; in ipsa vero tractatione de regni iure, natura et indole in genere disputat, hincque regni origines, constitutionem primam, et neruum ingeniosa inquisitione explorat, sed libere nimis, parumque accurate et reuerenter. Neque tamen alios, quam tyrannos, regni maiestate atque potestate ad opprimendos sibi subiectos abutentes se petere videri vult; unde non erubuit dialogum hunc, regum maiestati parum salutarem, et honorificum, ipsi iuueni Scotiae regi, Iacobo VI, inscribere, apud quem maximam gratiam et auctoritatem obtinebat. Quem etsi finem intendere voluisse Buchananum facile quis sibi persuadeat, fatendum tamen, adeo inconsiderate et parum caute scripsisse historicum, ut occasio inde enata calumniandi doctrinam Protestantium <sup>g</sup>, quod maiestati imperantium parum faueat. Qui vero nec Buchananii principia defenderunt, nec dialogi huius apologiam scribere aggressi sunt. Narrat autem **CAMDENV** <sup>h</sup>: „Buchananum, „partium studio et Morrauii munificentia abreptum, tum in historia, tum „in libello cui detectio titulum fecit, ita scripsisse, ut falsitatis libri isti damnati sint, ab ordinibus regni Scotiae, quorum fidei plus tribuendum: et „ipsum ingemiscentem coram rege, cui fuerit paedagogus, subinde se reprehendisse, quod tam virulentum calamum in reginam bene meritam strin-

<sup>f</sup>) Dict. T. I. p. 693. seqq. <sup>g</sup>) Conf. **BAYLE** l. c. not. E. <sup>h</sup>) *Annal.* ad ann. 1567. p. 110.

strinxisset; morientemque optauisse, vt tamdiu superesset, donec maculas, quas maledicentia falso asperferat, reuocata veritate vel sanguine elueret, nisi hoc vanum esset, cum prae aetate delirare videretur.“ Ast contrarium docet VARILLASIVS <sup>1</sup>, ex annotationibus fratrum Puteanorum ad Thuani historiam referens, regem quidem Iacobum retractationem a Buchanano moribundo poposcisse, at eum renuisse, eo quod nihil scripisset, quo conscientia grauaretur. Quae inter se ita committi putat, P. Bayle, vt consistere nequeant, Camdeno vero magis credendum esse statuit. Ast cum non in reginam ipsam, sed in aulae tantum ministerium calamum Buchananus strinxerit, et non obstante Scotiae historia dialogoque isto rex gratiosum eum apud ipsum esse, porro concesserit, hypothesin autem de iure regni tyrannidi tantum oppositam esse auctor crediderit, dubia certe Camdeni relatio inde existit, et verisimilius est, quod a Scoto quodam nobili se audiuisse refert Baylius, Buchananum rogatum cum ferali lecto decumberet, annon eorum ipsum poeniteret, quae de regno et regina scripisset, respondisse, abiturum se in regionem, vbi reges non imperarent. Eandem cum Buchanano tibiam inflauit personatus scriptor Galliae, qui STEPHANI IUNII BRVTI personam mentitus, *Vindicias contra tyrannos* asserturus, *de Principis in populum populi in principem legitima potestate* librum edidit, sine loci indicio anno MDLXXX excusum, et postea aliquoties <sup>2</sup> repetitum, in quo Guisiorum factioni velificaturus populi arbitrio regiam maiestatem subiecit. Quae mira et periculosa hypothesi curiosos viros doctos fecit, vt de auctore inquirerent. Et nonnulli quidem eum librum ad Franciscum Hotomannum retulerunt, eo quod pro priuilegiis et libertate nationis Gallicae et senatus regni in *Franco-Gallia* sua pugnauisset. Ast alia hypothesi is vitur, huic minime affini, id quod satis probat, ab eo hunc foetum profectum haud esse. Alii Theodorum Bezam <sup>3</sup>, quidam Philippum Mornaeum <sup>4</sup> auctorem fuisse suspicati sunt, rationibus tamen destituti. Gertissima sententia est, quam peculiari dissertatione euicit P. BAYLE <sup>5</sup>, enatum esse librum istum ex ingenio calamoque Huberti Langueti, Burgundionis, qui fama Melanchthonis excitatus in Germaniam concessit, et Protestantium partes amplexus, inter consiliarios Augusti Saxoniae electoris receptus est <sup>6</sup>. Suspectus postea factus, quod cum factione Peuce-riana faceret, ad Arausionensem principem confugit, eiusque ministerio se addixit, in eo anno MDCXXV, denatus. Germanice quoque pars harum Vindiciarum prodiit Magdeburgi anno MDCXV, quo eiusmodi cogitationes valde animos in Germania suspensos habebant <sup>7</sup>.

Hhh hh 3

§. XII.

<sup>1</sup>) Apud BAYLE l. c.<sup>2</sup>) 1589. 8. Paris 1611. 12.<sup>3</sup>) Bezae quoque nomine prodiit Amst. 1660. 12.

Ita quoque Miltonus, Philippi, alique, refutat

Vossius pec. diff.

<sup>4</sup>) GROTIUS in Apologia contra Riuetum.<sup>5</sup>) Dictionario critico adiecta.<sup>6</sup>) IDEM l. c. art. Languet T. III. p. 53.<sup>7</sup>) Titulum exhibet Bibl. imperant. c. 2. pos. 4. §. 4. p. 123.



*Monarcho-  
machi Galli.*

§. XII. Maiori animorum contentione de Monarchomachorum dogmate disputatum est, cum res gestae ab Henrico III, Galliarum rege, seditionesque sub eius regno abortae, eum tandem exitum nactae essent, qui in caedem regis desinebat. Tum enim comparuit, quam perniciosae falsae prudentiae regulis illi essent confirmati, qui ne a sanguine quidem sacro manus impias cohibere se debere credebant. Nam idem fatum subiisse successorem quoque Henricum IV, et sacrilegas manus intulisse illi quidem Iacobum Clementem, huic vero post inania tentamina Ioannis Castelli, qui ex Iesuitarum disciplina prodierat, Rauallacium, nemo rerum eo tempore gestarum gnarus nescit. Ut enim infandum regicidii scelus pingeret et excusaret impietas, asserendum erat, competere in regem haereticum atque malum populo eiusmodi potestatem, qua non regno modo abdicari, sed et vita tolli is posset. Collineauit ad detestabile hoc dogma confirmandum IOANNES BOUCHERIVS theologus, doctor Sorbonicus, qui *de Iusta Henrici III abdicatione e Francorum regno libros quatuor, Lugduni* MDXCI edidit: in quibus parum religiose contra maiestatem et sanctitatem principum multa temere effutiit, corrasa maximam partem et male descripta ab aliis. Castello autem indignissimum facinus frustra moliente, et societate ob sceleris conscientiam proscripta idem, si BARCLAYO <sup>1</sup> credendum, vernaculo scripto, FRANCISCI VERONENSIS CONSTANTIS nomine adscito defendere sacrilegium hoc ausus est. Prodiit enim *Francisci de Verone Constantini Iesuita sicarius, seu apologia pro Ioanne Castello Parisiensi mortis supplicio affecto, et pro patribus ac scholasticis e Gallia olim exterminatis, contra editum Parlamenti Parisiis in illos latum, Lugd. MDCX, et Latine MDCXI.* Eandem tibiam inflauit GVILELMVS RAYNOLDVS, Anglus, et in Anglico collegio apud Rhemenfes professor, vir vehemens et seditioni ciendae atque violentiae tuendae aptus, ut ex eius *Turco-Caluinismo* potest intelligi. Est enim ille GVILELMVS ROSSAEVS, qui *Antwerpiae anno MDXCII edidit librum de Iusta reipublicae Christianae in reges impios et haereticos auctoritate, animaduersione iustissimaque Catholicorum ad Henricum Nauarraeum et quemcunque haereticum a regno Galliae repellendum confederatione.* Intelligitur vero ex dictis, maxime Societ. Iesu in suspensionem nefandi dogmatis venisse, quod reges haereseos suspectos interficere liceat, illisque imputata fuisse regicidia in Gallia et Anglia suscepta. Horum enim institutione et praeceptis effectum esse, tunc senatus regni Gallici statuit, ut impiae manus sacratissimo regum suorum sanguine se polluerent. Longum esset ea enarrare, quae post tentatam a Castello regis Henrici IV, caedem, contra Societatem acta, et pro eius innocentia ab altera parte scripta sunt, haec enim ad hanc nostram tractationem non pertinent, sed in annalibus ciuilibus atque ecclesiasticis solent enarrari, cuncta quoque post ea quae in compendio eleganter retulit HEIDEGGERVS <sup>2</sup>, erudi-

*Iesuitae  
Monarcho-  
maniae su-  
specti.*

q) De regno et regali potestate L. V. iuit.

r) In Hist. Papatus Per. VII. §. 101. 105. p. 275. 287.

ta et iucunda dissertatione, more suo exposuit vir illustris CAROLVS STEPHANVS IORDANVS <sup>1</sup>, qui videndus. Nobis pro instituti ratione sufficit, obseruauisse, IOANNEM MARIANAM, scriptorem inter Iesuitas Hispanos celeberrimum, magnaeque inter suos auctoritatis, primum fere fuisse, qui pestilentis dogmatis semina sparserit in *Libris tribus de Rege et regis institutione ad Philippum III, Hispaniae regem scriptis*, editisque *Toleti anno MDXCIX*, cum censura et priuilegio regis <sup>2</sup>. Is enim impium Iacobi Clementis facinus admirari non erubuit, talia autem asserta protulit, quae indignationem bonorum omnium iustissimam merentur. Scribit enim inter alia: *Aut in apertam vim prorumpitur, seditione facta armisque publice sumtis, aut maiori cautione, fraude et insidiis pereunt, uno aut paucis in eius caput coniuratis, suoque periculo reipublicae incolumitatem redimere satagentibus. Quod si euaserint, instar magnorum berorum in omni vita suspiciuntur: si secus accidat, grata superis, grata hominibus hostia cadunt, nobili conatu ad omnem posteritatis memoriam illustrati. Itaque aperta vi et armis posse occidi tyrannum, siue impetu in regiam facto, siue aperta pugna, in confesso est. Sed et dolis et insidiis exceptum.* Praeterimus loca alia excerpta et diligenter collecta a P. BAYLIO <sup>3</sup>, qui nefandam Iesuitae impietatem et audaciam apertissimis testimoniis demonstrauit. Dici non potest, quantam inuidiam conflauerit hoc Marianae dogma Iesuitarum Societati, eo quod his praecipue opinionibus atque hypothesibus animatos regicidas nefarias manus regi inferre ausos fuisse ipse senatus regni exusto eius iussu per carnificem libro <sup>4</sup> indignaretur. Id quod permouit Iesuitas, ut Marianae opinionem a Societate non esse receptam, sed potius improbatam et reiectam, publico quoque scripto a Cottono edito declararent, quem tamen inuita veritate hoc negare, tum approbatio operi a censoribus Societatis praefixa euincit, tum a plurimis, etiam Romanae ecclesiae addictis, est demonstratum, de quibus, ne ad alienum argumentum nimis digrediamur, Baylius et Iordanus consulendi sunt. Maxime vero odium, quod ex hoc dogmate Societati enatum est, insignia incrementa cepit, postquam Iacobus Castellus, licet irritu euentu Henrico IV regi cultrum intentasset mortiferum. Cum enim ex Iesuitarum disciplina eum prodiisse constaret, iubens aula illorum collegium explorari, inter chartas Ioannis Guignardi Iesuitae apologiam inuenit Clementis, qui Henricum III trucidauit, in qua actionem istam heroicam, illi a spiritu S. inspiratam, et aequissimis laudibus a theologis celebratam esse scriptum erat. Magno id Societatis malo euenit. Nam non solum Guignardus publice gula laqueo fracta perit, corpusque in cineres redactum, Castellus misere enecatus est: sed et Iesuitae intra triduum vrbe, et intra hebdomades duas regno excedere iussi sunt. Qui causam quidem suam in Senatu regni egerunt, at frustra <sup>5</sup>, eiectioni enim sunt,

s) Recueil de literature p. 69. seqq.

t) Maxime L. I. c. 6. 7. suspecta sunt.

u) Dict. T. III. art. Mariana not. G. p. 329.

x) Factum id anno 1610. Cal. Iun. conf. Bibl. juris imper. l. c. p. 132. seq.

y) Maxime urgebant, facinus hoc auctoribus Iesui-

sunt, et infamis dogmatis memoria *σηλυτευτική* posteritati tradita est <sup>2</sup>, quod tamen pestilentissimae doctrinae monumentum Iesuitarum postliminio in regnum Galliae redeuntium diligentia precesque sustulerunt, partes Iesuitarum strenue tum agente Cottono. Eo enim intercedente reditus veniam anno MDCVI impetrarunt. Vix autem serenior Societati fortunae vultus arriserat, cum caedes Henrici IV a Raualliano perpetrata, nouas contra eam suspiciones infensi in reges eorumque illibate tuendam maiestatem animi ingeneraret, eo quod regicidam hunc Marianae regulis instructum ad tantum scelus suscipiendum accessisse, plerorumque opinio esset. Quod tamen strenue negarunt, Iesuitae, COTTONO *Declarationem*, vti dictum, *de Doctrina Iesuitarum* <sup>a</sup> edente, quam cum refutatione docta et valida aggrederetur anonymus <sup>b</sup>, edito *Anti-Cottoniano*, apparuit, alios quoque ex hac sodalitate doctores huiusmodi principia Monarchomachica disseminauisse; licet magnis clamoribus se huic libro opponerent Garassius Richeomius, Eudaemon, Ioannes Gretserus alique ex Societate ista scriptores a IORDANO <sup>c</sup> nominati. Inter illos vero qui in Iesuitarum Lyceis, dogmatibus Monarchomachicis infames deprehensi sunt, fuit etiam ANTONIVS SANTARELLVS et CAROLVS SCRIBANIVS <sup>d</sup>. Ille enim tractatu *de Haeresi, schismate, et potestate summi pontificis in his delictis puniendis*, Romae anno MDCXXV edito, pontifici Romano auctoritatem atque ius non dirigendorum modo, sed et regno abdicandorum, et mortis supplicio afficiendorum principum imperantium vindicare non erubuit. Qui cum munitus approbatione Aquaiuiuae, Generalis Societatis apud Romanos prodisset, adeo offendit ob impium asserptum aulam regis Galliarum, vt Curiae regni et Sorbonae sententia vltricibus flammis non sine infamia deleteretur. Id quod permouit Iesuitas, vt instrumento publico a Petauio et Cottono scripto testarentur, nihil sibi cum doctrina Sanctarelli commune esse, aduocato Societatis quoque BOVTERAEO in *Gallicinio in aliquot falsas damnatasque Sanctarelli assertiones pro rege Christianissimo* <sup>e</sup> maximis viribus connitente, vt euinceret, doctrinam Societatis de potestate temporali principum cum conciliis et decretis pontificum conspirare: ad cuius tamen apologiam non nemo respondit. Neque tamen conatus hi omnes, quibus ab hac infamia se liberare Societas studuit, efficere potuerunt, vt suspicio, quae alte radices

Iesuitis susceptum esse caussidici, Arnaldus et Dolleus, quibus respondit quidem Cl. Duretus, sed irrito conatu, vid. BVLAEI Hist. acad. Paris T. VI, p. 868. Nec impedire sententiam curiae regni potuit Apologia pro Societate Iesu in Gallia edita a FRANC. MONTANO.

2) Satyris quoque, vt fieri solet, multis exagitata Societas est, vid. IORDAN, l. c. Cabinet Iesuitique, passim.

a) Vid. Perroniana p. 61. IORDAN, l. c. p. 97. seqq. Prodiit COTTONI Declaratio doctrinae Iesuitarum, Parisiis 1610. 9.

b) Anti-Cottonus, ou Refutation de la lettre declaratoire, ex quo libro specimina quaedam excerptit ill. IORDANVS l. c. p. 109. Auctorem alii faciunt Petrum Molinaeum, IDEM l. c. p. 112. alii Petrum Coignerum, Bibl. imper. l. c. p. 134.

c) l. c. p. 121.

d) In Amphitheatro honoris, quod contra criminationes in Societatem sub ficto Clari Bonarscii nomine 1594. 4. edidit.

e) Paris 1626. In eo instrumentum protestationis quoque legitur.

dicēs fixerat, ex animis euelleretur, praecipue cum nouam eius materiam Anglia suppeditaret. Notissimum enim coniurationem, quae sulphuraria dicitur, in Iacobum Britanniae regem et regni procures intentatam, maxime Henricum Garnetum S. I. in Anglia superiorem auctorem habuisse; id quod non modo demonstrauit scriptum cui titulus, *Proditio sulphurea a Iesuitis in Iacobum Britanniae regem et regni procures intentata Lugd. Bat. MDCVII*, sed etiam EDOARDVS COQVIVS, tunc regii fisci generalis aduocatus, edita *Actione in Henricum Garnetum Societatis Iesuiticae in Anglia superiorem, et ceteros proditores; Anglice primum, Londini MDCCVII*, postea Latine vulgata. Cui opposuit quidem ANDREAS EYDAEMON IOANNES S. I. *ad Actionem proditoriam Edoardi Coqui apologiam pro R. P. Henrico Garneto Anglo eiusdem Societatis sacerdote, Col. Agrippinae MDCX*, ast iustam fuisse actionem demonstrauit ROBERTVS ABBOT episcopus Sarisberienfis in *Antilogia contra Apologiam Andreae Eudaemon Ioannis pro H. Garneto Iesuita, Londini MDCCXIII* edita, cui alia quoque Anglorum scripta contra regicidas et regicidarum patronos, addi possent, si id ageremus *s.* Garnetum autem audaciae poenam vitae supplicio luisse, quod nec legati Hispanici intercessio, nec oblata magni aeris redemptio auertere potuit, notius est, quam ut hoc loco narrari pluribus opus sit. Tacemus insidias Benedicti Palmii et Edmundi Campiani, Iesuitarum Elisabethae reginae structas, quibus Campianus laqueum meruit. Renouatae sunt querelae de societatis in hoc argumento doctrina morali, cum recentiori aetate ferale inter Molinae et Iansenii aecles. controuersiae feruere coepissent *s.* Quae tamen cum in annalibus ecclesiasticis soleant exponi, explicarique, quid Paschalis, Arnaldus Nicolius aliique aduersarii societatis in notissimis libris illi obiecerint, hoc loco, ne extra oleas vagemur, ea non tangimus breuitati litaturi. Nuper demum idem exprobrauit, qui in media Italia in societatem graui satyra insurgere ausus est, personatus TYMOLEON \*.

§. XIII. Neque tamen inter coetus Protestantium sacris addictos defuere scriptores nonnulli, qui monarchomachorum albo merentur adscribi. Et fuerunt quidem, qui omnes Caluini aecles. accusarent, quod regum maiestatem non satis reuerenter habeant; cuius accusationis occasionem suppeditasse videntur acerbae querelae eorum, qui ex hoc coetu iniris persecutionibus pressi, iustitiae auxilia frustra implorauerunt. Certe ex illis ansam scribendi arripuisse auctorem famosi scripti, quod *Moniti ad exiles Gallos* titulum gerit, quodque P. Baylio non sine caussa adscribi in eius vita demonstrauius, suo iam loco annotatum est. Circa finem seculi

*Monarchomachi inter Protestantes.*

f) Conf. Bibl. imper. l. c. p. 136.

g) Vid. *Myteres les plus secrets des Iesuites* p. 78. seq.

\*) In appendice Menippae satyrae aduersus improbos literarum bonarumque artium ocores, de cuius historia vid. Bibl. raisonnée P. XXIII, S. 2. art. 2.

culi antecedentis ea de re non sine acrimonia quadam disputatum est inter HECTOREM GODOFREDVM MASIVM, qui Caluini sectatores in libro, cui titulum praefixit: *Interesse principum circa religionem euangelicam*, suspicione pressit, quod de maiestatis origine, et magistratus auctoritate finistre sentirent, et inter Samuelem Andreae, atque imprimis Hubertum Mosanum, id est IOANNEM CHRISTOPHORVM BECMANNVM theologum Viadrinum, qui peculiari dissertatione *Securitatem doctrinae reformatae religionis de Magistratu politico* exhibuit. Inde enim multae scriptiunculae enatae sunt, quibus litibus cum Christianus quoque Thomafius accesserit, ut suo loco dictum, ille quoque earum historiam tetigit <sup>b</sup>, qui cum aliis <sup>i</sup> est adeundus. Controversia enim ex fontibus magis theologicis, quam philosophicis acta est, et hinc, alium enarrationis locum postulat. Maiori autem iure, huc pertinent illi, qui funestum, quod Anglia obstupuit regicidium Caroli I defendere aggressi sunt; hoc enim non nisi electis monarchomachorum partibus fieri poterat. Inter eos agmen ducit IOANNES MILTONVS vir ingenii acutissimi et elegantis, quem et *Defensio populi Anglicani* et celeberrimum poema, quod, *Paradisus amissus* <sup>k</sup>, inscripsit, in ciuitate literata fecit famigeratissimum. Vitam eius descripsit Io. TOLANDVS, eo modo, ut ipse non sine inuidia Monarchomachorum numero adliceretur <sup>l</sup>. Ex qua memorabilia repetiit suisque obseruationibus auxit P. BAYLE <sup>m</sup>. Eadem opera defuncti quoque sunt, qui laudatum carmen nuper in Britannia reculum dederunt: qui fontes ab illis hauriendi sunt, qui celeberrimae famae virum nosse propius gestiunt. Is post infandam regis caedem nomine *populi Anglicani* scripta *Apologia* eius iustitiam demonstrare et euincere conatus est, licere tyrannos rerumpublicarum euerfores interficere. Qua de re controversiae ferram reciprocauit cum CLAUDIO SALMASIO: Is enim cum iussu Caroli II edidisset *Defensionem regiam pro Carolo I, ad serenissimum magnae Britanniae regem Carolum II, filium natu maiorem, haeredem et successorem legitimum* <sup>n</sup>, opposuit ei MILTONVS: *Defensionem pro populo Anglicano contra Claudii Anonymi, alias Salmassii defensionem regiam* <sup>o</sup>. In qua tractatione Monarchomachorum rationes ex philosophia et reuelatione deducuntur. Aderat autem Miltono ignea vis animi, iudicium limatum, dictio elegans ac satyrica et aulae magis quam scholae aptata: e contrario Salmasius, per totam fere vitam in argumento critico versatus, politicas rationes nec satis attingebat, nec iucunde satis eloqui poterat: inde factum, ut in causa mala potiores Miltoni partes viderentur, iudicarentque nonnulli: Miltonum malam causam bene, Salmasium bonam causam male egisse. Et memorabile est, quod ex aliorum fide refert P. BAYLE <sup>p</sup> adeo placuisse Miltonianas elegantias Christinae, Suecorum

Ioannes  
Miltonus.

b) Caus. iurid. mixt. P. II. n. 3. p. 206. sq.  
i) Vid. Epistola Reformati ad amicū, de controversia Masiana cum notis, quae Germanice prodit. Bibl. imp. c. 2. pos. 4. §. 22. p. 136.

k) Prodiit separatim, et cum Operibus Miltoni.  
l) Vid. Cel. MOSHEMIVS Vit. Tolandi §. 6. p. 9.  
m) T. III. p. 393. n) 1649. 12.  
o) Lond. 1651. p) l. c. not. F.

corum reginae, vt, cum prius magna de Salmasio opinione teneretur, eius ipsi contentum excitauerint. Aliam tamen fortunam in Gallia liber habuit. Iussu enim regis vbique quaesitus et Parisiis atque Tolosae publice flammis vlticibus traditus, ita vero minime extinctus, sed audius lectus est. In tanta Mikoni ferocia non potuere deesse viri docti, qui regias partes contra eum tuerentur. Opposuit enim ei Bramhallus apologiam, et anonymus quidam: *Regii sanguinis clamorem ad coelum aduersus parricidas Anglicanos, Hagae Com. anno MDCLII*, cuius auctorem nonnulli Petrum Molinaeum, alii, Alexandrum Morum faciunt <sup>q</sup>. Ipse quoque Salmasius aliique responderunt, multisque dissertationibus demonstrauerunt, nefandum esse, et legibus diuinis ac humanis repugnare, regem occidere, quae tamen scripta hoc loco enarrare non licet. Neque tamen Miltonus et qui eum sequebantur suae causae defuerunt. Bramhallo enim respondit Ioannes Philippus quidam, quem ipsum Miltonum esse nonnulli suspicati sunt, libello autem, qui Caroli I. nomen praefert, et *ἑικὼς βασιλικῆς* titulo celeberrimus est, opposuit Miltonus *Iconoclasten*, negans scriptum hoc, quod magnam populo Angliae inuidiam conflagrat a rege ipso esse conscriptum; cui postea *Icon aclassos* opposita et regem tempore captiuitatis ipsum librum conscripsisse, probari tentatum est <sup>r</sup>, tempore postea ipsam veritatem paulo luculentius detegente <sup>s</sup>. Eandem cum Miltono opinionem defendit Tolandus, recteque Miltonum libellum ex numero scriptorum purpuratorum eiecisse contendit. Qua de re litem ei mouere WAGSTAFFIVS, et BLACKHALLVS, ille in *Vindiciis regis Caroli*, hic in *Oratione sacra in regis memoriam habita*. Ad quorum tamen obiectiones in *Amyntore* respondit TOLANDVS <sup>t</sup>. Tacemus alios, qui occasione huius regicidii, de difficili hoc argumento disputauerunt, quos fuse nominat *Auctor Bibliothecae imperantium* <sup>u</sup>, qui adeundus. Non omittendum tamen inter aduersarios Monarchomachorum, et numero plurimos et eruditione atque rationum pondere inter se valde diuersos eminare GVILELMVM BARCLAIVM, illustrissimi ducis Lotharingiae consiliarium, supplicumque libellorum magistrum atque tum in celeberrima academia Ponti-Muslana I. V. professorem ac decanum; is enim magnis arietibus in *Libris sex de Regno et regali potestate aduersus Buchananum, Brutum, Boucherium et reliquos Monarchomachos* <sup>x</sup>, horum moenia quassauit.

q) Bibl. imperant. I, c. p. 139.

r) Vid. ib. §. 26. p. 140. seq.

s) Multa de hoc libello notanda curiose cu-

mulet P. BAYLE I. c. not. N. p. 397. TOLANDVS in Vita Miltoni.

t) Conf. MOSHEM, I, c. §. 17. p. 95. seqq.

u) II. cc. ARND. I. c. x) Paris 1600. 4.



# LIBER TERTIVS. DE PHILOSOPHIA EXOTICA.

## CAPVT PRIMVM DE PHILOSOPHIA GENTIVM ASIATICARVM IN GENERE.

### §. I.

*Philosophia  
exotica qualis  
hic intelligenda?*

**T**andem vniuersam Europam perlustrando, quid recentiori aetate in philosophia colenda praestiterit virorum ingenii laude florentium diligentia, amplissima commentatione enarrauimus. Et sic quidem diuturni et molesti cursus finem facere liceret, nisi barbaricae philosophiae veteris recordatio, quam in limine huius operis recolimus, moneret, vt priusquam historiae philosophicae finem imponamus, ad reliquarum quoque gentium, quae extra Europam hodie viuunt, mores, instituta, doctrinam et eruditionis modum respicientes exploremus, vtrum apud eos aliquis philosophiae vsus obtinuerit, hodieque obtineat. Nam nec regionis situs, nec climatis varietas, nec singularis morum conditio obstant, quo minus in omni terra philosophia excoli possit, quamuis miris modis impedire vel promouere eius incrementa valeant. Nec deesse orientalibus aliisque populis ingenia philosophiae apta, ex historia philosophiae barbaricae, iisque, quae in *Tomi primi* fine, et in *Tomo secundo* de philosophia Orientali, itemque *Tomo tertio* de philosophia Saracenica et Muhammedanorum diximus, est manifestum. Falluntur autem, qui philosophiae exoticae nomen audientes, eam sibi philosophiae notionem fingunt, quae apud Europaeas gentes obtinet. Hoc enim sensu, si Sinensium Iaponensium et Indorum sectas quasdam excipias, philosophiam neque in India orientali neque in occidentali reperias. Sed vt antiquissimis temporibus inter gentes barbaras religionem et philosophiam arctissimo vinculo colligatas fuisse, et vna in sede moratas suo loco euidentissimis speciminibus demonstratum est; ita et nostro adhuc seculo idem fere obtinere, et philosophiam fere omnem circa diuina versari indubitatis peregrinantium testimoniis constat. Itaque de philosophia exotica acturis, historia religionum exploranda, et excutiendum diligenter est, quid gentibus Asiae, Africae et Americae regiones incolentibus de Deo et attributis diuinis, de spiritibus, de origine et creatione mundi, de causis rerum naturalium, de virtutum praeceptis, et status animae humanae post mortem conditione visum

visum sit? unde sua dogmata hauserint? an rationis scintillas secutae aliquid de iis tradiderint? an traditioni vetustae aliquid debeant? quo pacto philosophiam Europaeam ad ipsas delatam exceperint, quam ingenii rationcinantis emendationem ex conuersatione philosophorum Europaeorum admiserint? quaeque alia huius generis in hac historiae parte possunt exquiri, et ad quae capita non modo religionum exoticarum consideratio, sed et philosophiae in illis versantis historia reuocari potest. Et haec quidem curiose excutere omnino historiae eruditionis interest, at plenum difficultatibus, quae sine dubio haecenus viros doctos deterruerunt, vt hanc historiae eruditae partem intactam relinquerent. Non negamus, tentauisse quosdam historiam religionum exoticarum et his simul speciminibus nonnulla attulisse, quae ad philosophiae exoticae illustrationem faciunt. Nota enim est ALEXANDRI ROSSAEI diligentia, a DAVIDE NERRETERO aucta et castigata, cui *Templum Iudaico-Ethnicum* Gallica et Germanica lingua \* vulgatum debemus; itemque ABRAHAMI ROGERI *Patens ianua ad abstrusa gentilismi mysteria*, cui amplissimas obseruationes de rebus ad religionem gentium Asiaticarum, Africanarum, et Americanarum spectantibus adiecit vir eruditissimus multaeque lectionis CHRISTOPHORVS ARNOLDVS. Tum IOVETI *Historia religionum omnium regnorum mundi, iterata cura emendata, aucta et meliori ordine concinnata*: splendidum quoque opus, quod nuper immortalis famae chalcographus BERNARDVS PICARTVS, moliri coepit, quodque *ἐκτύπησεν* atque descriptiones *Religionum, consuetudinum et ceremoniarum omnium in mundo populorum* exhibet. Ast vt verum fateamur, votis nostris scriptores cetera de hac eruditionis parte praeclare meriti non ex toto faciunt satis. Nam nec ipsi in illis locis fuerunt, quorum hominum religionem atque ceremonias describunt, sed sola peregrinantium fide nituntur; nec accurate ad dogmata et placita gentium attenderunt, curiosi magis in ritibus delineandis, quam doctrinis describendis: plerique etiam, qui talia attigerunt, delineasse ea credendi viuendique praecepta contenti, quae comperta ipsis erant, iudicium non interposuerunt, et de causis, origine, fontibus, discrimine dogmatum, sectis similibusque, quae ad historiam dogmaticam requiruntur, vel plane nihil, vel pauca admodum attulerunt, sine quibus tamen momentis nihil, quod iuuare queat, ad historiam philosophiae exoticae afferri potest. Non ignoramus anonymum Gallum, qui *Historiam philosophiae gentilis* condidit, ex scriptoribus itinerariis potiora dogmata curiosa diligentia congefisse, at cum neo-iudicii, nec accuratationis, nec philosophiae satis ad tanti momenti argumentum attulerit, tentasse magis aliquid, quam perfecisse censendus est, vt alibi demonsttrauimus <sup>b</sup>. Optamus itaque vt hanc eruditae historiae partem aliquis critico oculo intuitus, accuratorem religionum exoticarum

lii ii 3

carum

a) Norimb. 1701. 8.

b) Or. Vindel. mel. II.



carum historiam pandat, cuius specimen in *Historia Christianismi Indorum* elegantissimum dedit desideratissimus CROZABVS, hoc enim pacto demum licebit ea seligere, quae ad philosophiam exoticam pertinent. Interim, cum pleraque peregrinantium narrationibus et fide consent, ad eos scriptores confugiendum est, qui sinceritatem et attentionem probauerunt, et philosophiae non fuere expertes. Quales non ita multos esse fatebitur, qui exploratorem itinerariorum egit, et quis scripserit, quoue modo, quibus auxiliis &c. considerauit. Plerique enim ab iis disciplinis imparati accesserunt, quae ad huiusmodi argumentum enucleandum requiruntur: quidam praepudicio seducti, similem esse philosophiam exoticam domesticae, miras nugas commenti sunt: in nonnullis fides, in haud paucis accuratio desideratur, cuius exempla esse possunt itineraria quae Vincentius le Blanc, Tauernier, Mandeslo, Struis, Sadeur, Masse, Leguat, Paulus Lucas similesque vulgarunt. Et laudant quidem viri docti industriam Petri della Valle, Teuenotii, Olearii, Francisci Pirardi, Chardini, Choissi, La Loubere, Tachardi, Geruassii, le Comte, Martini, Tournesforti, le Brun, Nicolai de Graef, Beaulieu, Baldenii, Maundrelli, Sponii, Weleri, Wanslebi, Renneforti, Flacourtii, Bosmanni, le Maire, Champlain, Rocheforti, Hennepini, Tonti, La Poterie, Denis, Gage, Correal, Tertre, Feuillée, Labati, Fresieri, Dampieri, Rogeri, Monconisii, Missioni, Kaempferi aliorumque: ast, ne hos quoque omnia ea attulisse, sine quibus historia religionum accurata dari nequit, ipsa docet inspectio et experientia. Ex quo intelligitur, philosophiae quoque exoticae historiam accuratam inter desiderata adhuc reponendam esse, et integram tractationem poscere. Paulo pleniora et certiora de Indorum gente quae Malabarica dicitur, de amplissimo Sinarum regno, et de Iaponiae populis virorum doctorum, qui in istis oris fuerunt, attulit industria: maxime, qui ad Christianam religionem in istis regionibus plantandam ablegati sunt, quosque missionarios dici moris est, complura de his Asiae partibus retulere, non plane praetereunda. Imprimis sinarum philosophia, magnum ab eo tempore strepitum edidit, quo Romanae ecclesiae placitis imbuere gentem acutam et eruditam legati sedis Romanae conati sunt. Intelliget ex his, lector aequus et attentus, nobis non monentibus, talem, qualem ipsi exoptamus poscimusque philosophiae exoticae historiam hoc loco condi non posse. Integram enim et specialem tractationem postulat, nobis autem strictim tantum potiora carpere licet, eaque afferre, quae aliquam eius rei notitiam faciunt, et in historia philosophiae vniuersali non possunt omitti. Instituti itaque nostri memores, paucis, quae ex historia gentium Asiaticarum memorabilia huc pertinere videntur delibabimus, tum populos Malabaricos, Sinenses et Iaponenses singulari tractatione explorabimus, pauca quaedam in fine addituri de philosophia Canadensium in America, quae nostro tempore aliquam considerationem mereri visa est.

§. II.

c) Vid. Mem. de Trevoux 1789. Août art. 1.

§. II. Totius Asiae incolas, in Muhammedanos gentiles et Christianos discescere licet, si de religione quaeritur. Habet enim innumeras Muhammedes sectatores in Asiae regionibus, reliquae gentes auita placita et cultum idolorum seruauerunt, Christiani schismatici sunt, ex sectis veteribus, maxime Nestorii prognati <sup>d</sup>. Et hi quidem, quod mireris, tantam plerique ignorantiam prodiderunt, ut quid de philosophia inter Christianos Asiaticos asserere possimus, non reperiamus. Testem volumus eruditissimum CROSAEVM, qui cum gentes Indicas Romanis Graecisque in argumento ad theologiam naturalem spectante praeferre non dubitasset, nihil fere de Christianorum acumine philosophico obseruauit, vel placita philosophica retulit. Id quod nemo magnopere mirabitur, qui Christianae religionis inter gentes Asiae vigentis circumstantias, doctorum mores, superstitionem populi regnantem et similia nouerit. Ad Muhammedanos itaque primario respiciendum est, quos delata seculo Islamismi secundo ad Arabes philosophia praeclaris conatibus in hoc doctrinae genere versatos fuisse *Tomo tertio* prolixè narrauimus. Quamuis autem in duas partes discesserit Muhammedanorum religio, quarum una Abubekrum, altera Alin sequitur, quasque Vatiniano inter se odio flagrare nemo ignorat, totum tamen discrimen in ceremoniis magis et dogmatibus accessoriis versatur, quam in fundamentalibus. Id quod haud obscuris speciminibus deprehendent, qui eam, quam *Tomo tertio* dedimus delineationem theologiae Muhammedanae cum descriptione religionis Persarum comparauerint, quam diligentissimo CHARDINO debemus; in cuius *Itinerario* amplissima de ea commentatio *Partem quartam* occupat. Constat enim Persas, qui sectae Ali adhaerent, in haud paucis, quae de Deo, eiusque attributis operibusque praecipuunt, non dogmata modo, sed et verba theologorum Muhammedanorum inter Saracenos seruare, et eundem in modum praecipere: id quod magnopere mirandum haud est, cum Saracenica gens, Persiam totam occupauerit. Et hinc deriuandum quoque est, quod philosophiae inter Saracenos cultae vestigia haud pauca inter Persas deprehendantur, et codices manuscripti haud pauci, teste CHARDINO <sup>e</sup> exstent, ex Graecorum et Latinorum philosophorum *αὐτογράφους* in Persicam linguam translati, quorum adminiculo inter Persas vigere philosophiam ille quoque alio loco <sup>f</sup> affirmat. Turcas vero, qui et ipsi Muhammedismum receperunt, philosophiam a Saracenis excultam elicere coegit conditio gentis bellicosae, in solis armis posthabitis literarum ornamentis gloriam et felicitatem quaerentis. Dubitandum autem non est, quin inter Muhammedanos ex Turcarum quoque progenie vestigia cultae inter Saracenos philosophiae superfint, quamuis gymnasia scholas, et bibliothecas plerasque euerterit armorum furor, et gentis

*Asiatica philosophia in genere considerata.*

<sup>d</sup>) Horum notitiam potissimum cel. CROZANO l. c. et imprimis ASSEMANNO V. C. debemus, cuius Bibliotheca orientalis pulcherrimam sege-

tem exhibet. <sup>e</sup>) l. c. Praef. ad Hist. Solimani.

<sup>f</sup>) P. III. p. 108.

gentis faeuitia. Hodie vero, vbi praeclare mitescere eius ingenia incipiunt, spes est fore, vt appareat, cultis postliminio elegantioribus literis, seuiores quoque disciplinas reductum iri: si modo vera sunt, quae noua literaria passim annuntiarunt, non modo praeclare procures imperii, maxime praesidem, literis fauere et typographia instituta libros msc. optimos excudi, tabulas quoque geographicas aere incidi, coepisse; huius enim felicitatis literariae specimina ad nos delata sunt, sed et moliri eos academiam scientiarum, moderatoribus nonnullis viris eruditis Europaeis instituendam: ita enim non desperandum, fore, vt et scripta philosophica a Saracenis relicta in vsus publicos inter Turcas traducantur, et accendatur genti amplissima, positis ferociae moribus Europaeorum elegantiam sensim aemulanti, cupido philosophiae gustandae.

*Secta fanatica philosophorum Persarum.*

§. III. Quamuis autem Muhammedanae religionis decreta magna pars incolarum Asiae amplectatur, sunt tamen inter eos quidam, qui a veteribus sectis philosophicis aliquid accepisse, vel reliquias potius seruauisse videntur. Maxime vero orientalis philosophia vestigia sua reliquit, si vera sunt, quae BERNIERIVS refert, recepta esse in Persia atque India inter mysteria harum gentium, et a potiori parte eruditorum Persarum admitti, et imprimis a Sufyis Persarum tradi. Hunc enim celeberrimum medicum, qui diu in his terris vixit, et philosophiae mysteriis imbutus iudicare de hoc argumento potuit, si audimus, statuunt hi philosophi: „Deum, siue ens illud supremum, quod Achar vocant, quodque immobile et immutabile est, non solum animas produxisse, ex propria substantia, sed etiam in vniuersum, quicquid materiale est et corpus habet in mundo: et hanc quidem productionem ad Deum non tantum pertinere, velut causam efficientem, sed tanquam ad formalem et materialem, nempe quemadmodum aranea ex sinu suo telas educit, et retrahit quoque quoties placuerit. Creationem itaque nihil esse aliud, quam „extractionem siue productionem et extensionem substantiae diuinae, et „telas quasi ex visceribus Dei protractas; et similiter destructionem nihil „esse aliud, quam retractionem eiusdem diuinae substantiae, hincque diem „extremum, qui eorum lingua audit Maperle vel Perlea quique omnia „destrueturus sit, nihil aliud futurum esse, quam retractionem totalem „omnium earum telarum, quas Deus ex se ipso protraxit et eduxit. Ergo „nihil esse realiter et effectiue, quod tangimus, videmus, gustamus, sed „totum hunc mundum esse somnii genus et meram illusionem, tot enim „tamque diuersas res non nisi reapse vnam eandemque realitatem esse, „nempe ipsissimum Deum; quemadmodum numeri prorsus omnes nonnisi „vnitates sint ex prima multiplicata productae. Quod si miri huius commentum ratio ab illis postuletur, qua ratio ille effluxus et refluxus substantiae haec extensio et reductio et diuersa apparitio fiat, quique fieri possit,

g) Suite des Memoires sur l'empire de grand Mogoul p. 202. seqq.

fit, vt Deus, qui corporeus non est, sed Biapex, vt vocant, immutabilis et incorruptibilis in tot animarum corporumque partes possit diuidi, nihil nisi comparationes ingeniosas eos quaerentibus reddere: Deum esse velut oceanum immensum, in quo innumerae phialae aqua plenae natent, moueanturque, quaeque, vbicunque fuerint, in eodem oceano existant, et si frangantur, aquae ipsarum eidem, ex quo sumtae sint, et in quo natauerint Oceano iterum velut toti suo vniantur. Vel hoc quoque: Deum esse instar luminis, quod in vniuerso luceat, quod vero mille modis varietur, pro diuersitate obiectorum, quae illuminat, vel secundum diuersos colores vitrorum, per quae refrangitur. Aliter vero et magis solide eos non respondere, sed hoc tantum modo puluerem oculis vulgi obuiicere. Hoc ipsissimum Spinozae systema esse P. BAYLE<sup>h</sup> contendit, perperam quidem si quid iudicamus, nam apertissime emanationem supponunt, quae cum modificatione Spinozistica confundi non debet, et ipsum, quod de vasculis aqua plenis et in oceano natantibus petere solent simile, satis prodit, diuersam hanc esse hypothesin a Spinozistica, eo quod vasculorum comprehensione aqua ex oceano hausta realiter distinguitur ab ipso oceano, cum secundum Spinozae hypothesin res omnes, quae in vniuerso sunt, similes modo sint bullulis minimis in oceano agitato natantibus. Rectius BERNIERIVS pronuntiauit, Cabbalisticam doctrinam esse, et systema exhibere illi simillimum, quod in Fluddo refutauit Gasendus. Vnde neque cum Stoico systemate comparari Persarum doctrina commode potest. Quod si ad origines Persicae philosophiae attendimus, manifestum erit ex iis, quae de systemate Zoroastreo *Tomo primo* diximus, esse hoc dogma ex reliquiis Zoroastrianae philosophiae. Quamuis enim Petrus Bayle alique Zoroastri duplex principium coaeternum tribuant, quos nos quoque olim in hoc Bernierii loco explicando sequuti sumus, demonstratum tamen suo loco est, falli viros doctissimos, et Zoroastrem vetus magorum systema, quod dualisticum fuit, ita emendauisse, vt in monadisticum, emanatiuumque conuerteretur, et tamen manerent duo principia contraria, ita vt non spiritualia modo omnia ex primo fonte, Deo Mithra, oriantur et fluant, id est Mithras Oromasden gignat, sed et Arihmanius, siue rerum materialium et corporalium compages reipsa effluxus ex Deo Mithra sit. Admisisse hoc Zoroastrianum systema philosophiam Orientalem, quae circa nascentis Saluatoris tempora Persiam, Asiam minorem et Aegyptum peruagata est, *Tomo secundo* luculentis, nisi fallimur, testimoniis comprobatum est. Ab his igitur maioribus, et hac imprimis matre genitam esse, hanc arcanam Persarum philosophiam non est quod dubitemus. Ast toto ea coelo a theologia Muhammedana, illa quoque, quae inter Persas regnat, discrepat; eam enim, Deum cuncta ex nihilo produxisse, sola potentiae et voluntatis suae materia

h) Diſt. T. IV, art. Spinoza not. A. p. 254.

teria instructum, affirmare, recte CHARDINVS <sup>i</sup> tradit; aliter enim theologi Muhammedani, qui inter Persas vixerunt scripseruntque, quosque adduxere POCOCKIVS <sup>k</sup> et HYDEVS <sup>l</sup>, non praecipunt. Vnde caute accipienda sunt, quae hic tradit <sup>m</sup>, opinione de *değdodğica* Persarum nimis occupatus: Persas Zoroastris religionem constanti praxi, et continuato vsu quotidiano in sua liturgia publica ad hunc vsque diem sine mutatione intemeratam retinuisse, eiusque libros vetustissimos, velut sacra monumenta reuerenter custodire, et incorruptos conseruare, suae religionis et rituum tenacissimos ad rigorem vsque. Haec enim non ad eos Persas pertinere, qui Islamismum secundum explicationem Ali receperunt, ex dictis est manifestum. Quales autem Zoroastrinae doctrinae reliquiae hodie supersint, suo loco iam dictum est. Ex his autem intelligi quoque potest, quid de atheismo sectae huius mysticae apud Persas (reliquos enim de Deo satis pie sentire, Chardini narratio nos conuincit) statuendum sit. Quae enim de Zoroastre, philosophia Orientali, Cabbalistica, Alexandrina, aliisque emanatiui systematis generibus dicta suis locis sunt, huc quoque pertinent.

*Tartari an  
religionem  
philosophi-  
cam colant.*

§. IV. Post Persas Tartarorum nomen et imperium amplissimum in Asia est. Solent enim hoc nomine plerumque omnes illi populi comprehendi, qui intra et extra Caucaum siue Imaum montem Asiam inhabitant, et ad Sinas vsque extenduntur, quorum imperio Tartarorum gens potita est. Vtrum inter hos quoque populos, et multitudinem et viuendi imperandique ratione memorabiles philosophiae vestigia reperiantur, difficile dictu est, cum ea quae de his gentibus haecenus peregrinantium et missionariorum, quos vocant, fide innotuerunt, pauca sint, et a dubitatione omni non remota. Et occupauisse quidem olim haud exiguum Tartariae magnae partem Christianam religionem secundum Nestorii placita traditam, eam autem omnem fere excisam hodie esse, eleganti commentario explicuit, celeberrimus Io. LAVRENT. MOSHEMVS <sup>n</sup>. Hodie religionem Tartarorum aut Muhammedis legem sequi, aut cultum idolorum, in confesso est. Illi in vicinioribus Turcarum regionibus, maxime in magna Bucharia viuunt, hi maiorem Tartariae partem occupant. Et horum quidem religio nondum hodie ita explorata est, vt de ea certi quid statui, eiusque origines satis probabili coniectura definiri queant: nisi quod superstitioni atque incantationibus esse deditos, plebemque innumera idola, velut legatos Dei adorare, vno summo Deo, admirationi magis, quam venerationi, qua superior creditur, exposito, dubitandum eo minus sit, quo minus in eo peregrinantium relationes dissentiant. Ast cum amplissima inter Tartaros collegia eruditorum sacerdotumue sint: qui Lamae dicuntur, pontifex maximus autem Dalai Lama, merito de iis quaeritur, annon, quaedam vestigia

i) l. c. p. 11. k) Spec. Hist. Arabum.  
l) De Relig. vet. Persarum.

m) c. 28. p. 348.  
n) In Historia ecclesiastica Tartarorum.

figia originis philosophicae inter eos reperiantur. Non est autem huius loci et instituti prolixè in hoc argumento versari, et de his originibus discipere, pauca itaque afferimus, et talia tantum, quae cogitandi de hoc argumento occasionem aliis exhibere queant. Et inualuisse quidem idolorum cultum qui hodie obtinet; inter Tartaros, ex quo Zingis-Chanus rerum summa inter hos populos potitus est, eumque vna cum literis scribendique arte illos a Iuguritarum gente accepisse, viris doctis <sup>o</sup> obseruatum est. Habet autem cultus ille idololatricus fundamentum partim in eo, quod idola esse imagines diuinarum emanationum, siue irradiationum contendunt; partim quod animarum transmigrationem amplectuntur, hincque diuinas animas, quae ex Deo profluxerunt, inhabitare idola credunt. ~~Id~~ vero μεταμψυχώσεις, quae totam Asiam et Africam peruagata est, adiecti sunt, vt non modo in homines, sed in bruta quoque descendere animas statuunt. Parum vel nihil esse in his omnibus, quod origines philosophicas sapiat, omnino fatendum est. Ast paulo altius in superstitionis Tartaricae origines inquirentibus nonnihil deprehendere licet, quod magnam dicendis lucem foenerabitur. Praeest, vt dictum Lamis per totam Tartariam omnibus pontifex maximus, magnus Lama dictus, qui in arce cacumini montis verbi Potalae vicini inaedificata habitat. Is incredibile est quanto honore a Lamis omnibus, et Tartaris quoque reliquis idola colentibus afficiatur. Eum immortalem esse communis stupidae gentis persuasio est, eo quod extincto illi alius similis supponitur, corpus defuncti clam subducitur. Et hoc quidem genti superstitioni miris modis deditae a Lamis persuaderi, nobis omnino verisimile videtur: at Lamas, qui mori pontificem suum posse, experientia docti norunt, alium traditionis sensum habere, vero prorsus est consentaneum, recteque obseruatum eruditissimo MOSHEMIO <sup>o</sup>, qui eleganter coniicit, homines hos, qui mentes mortalium ex vno corpore in aliud transire putant, idem de primo religionis suae moderatore dicere. Id quod mire confirmat, ex relatione I. O. BAPT. DV HALDE <sup>o</sup>, de nuntio quodam a Tipa siue Chano Tartarorum Dalai Lamae subiecto ad Sinas circa finem seculi proxime elapsi missio. Is inter caetera narravit, magnum Lamam sedecim ante annis de vita decessisse, morti autem vicinum promississe, se sequenti anno in vitam certo, quem designabat loco, reuerfurum, et vt se bene educarent iussisse, donec ad adultiorem aetatem venisset: mortem autem suam reticerent, respondendo illis qui de ipso essent sciscitaturi, in secessu ipsum viuere; decimo sexto vero post mortem anno luna decima, fasciculum ad imperatorem mitterent, quem ipsis tradiderit, in quo fuerit epistola ad imperatorem, et statua Foë: ipsum enim dixisse *se esse Foë resuscitatum*. Ex hac narratione

Kkk kk 2

fatis

<sup>o</sup>) Cel. ASSEMANVS T. III. P. II. c. 9. §. 5. p. 469. MOSHEM. l. c. p. 38. seq. Ipsum vero Zingis-Chanum peculiarem religionem formasse, multis docet HOTTINGERVS Hist. eccles. Sec. XY. Sect. II. p. 605. Ast parum religioni eum

tribuisse, si pauca quaedam naturalis pietatis capita excipiamus, ex eius historia apertum est.

<sup>p</sup>) l. c. p. 135.

<sup>q</sup>) Descript. de la Chine T. IV. p. 467.

fatis luculenter constat, Dalai Lamam haberi pro eo doctore, in quem conditoris istius religionis, Foë dicti, anima migraverit. Dicemus de magno hoc impostore, qui totam fere Asiam superstitione et pantheismo replevit, in sequentibus, et rationibus verisimilibus probabimus, eum fuisse sacerdotem atque philosophum Aegyptiacum, qui in Indiam secesserit, et ab Indici Oceani oris vsque ad Iaponiam cum idololatriae, tum impietatis semina sparserit. Hoc loco id tantum monendum est, multoties eum, tradi, inter homines resuscitatum apparuisse, et animarum transmigrationem inter dogmata exoterica sectatoribus suis tradidisse. Et huius quoque discipulos vsque in Tartariam penetrauisse, inque ea cum cultu idolorum, quem mira vanitate et impietate detestabilis haec secta propagavit, hanc quoque redeuntis subinde Foë, (quem Sommonacodomum Budham, Xekiam, Xiakam, Fotoque, in India, China, Iaponia dici ex sequentibus constabit) apparitionem in successore suo superstitionis populis tradidisse, inde quoque maximam, quam Dalai Lama obtinet, auctoritatem deriuandam esse, admodum est probabile. Qualia vero ab hoc successore Foë, dogmata arcana tradantur, latet, libros enim Lamarum sacros, qui in vrbe Lasa magna religione custodiuntur, nemo hactenus Christianorum inspicendi veniam nactus est. Coniicere autem licet, in fundamentalibus dogmatibus tum exotericis tum esotericis Tartarorum religionem et placita, cum reliquarum eius sectarum, quos inter Siameses, Peguanos, Indostanos, Sinas, Iaponensesque habet, decretis conspirare, de quibus iam porro disquirendum est.

*Indorum  
philosophia  
an atheismo  
infecta.*

§. V. Ex Tartaria in Indiam descendentes in amplissimis, quas complectitur, regionibus, crassissimam regnare superstitionem, omni lumine rationis philosophico extincto, peregrinantium fide discimus. Pauca tamen de interioris Indiae regionibus, incolis, religione nota sunt, et pleraque insuper fide sublesta suspecta. Propius illarum terrarum mores, cultus, religio innotuere, quae ad littora oceani sitae, nauigantium curiositati explorandae patuere. Ast heic quoque ignorantiam obtinere putidissimam, et religionis coecitatem tantam, quantam vix cogitare licet, ex itinerariis fide dignis nouimus. Id quod permouit viros doctissimos, Io. LOCKIUM<sup>r</sup>, et CROSAEVM<sup>s</sup>, vt post LOVBERIUM<sup>t</sup> numinis supremi ignorantiam his populis tribuerent; quamuis enim Sommonacodomum velut magnum Deum adorent, de summo tamen rerum creatore tacent, vnde atheismi quoque notam Siameses a nonnullis iustam sustinent, quos sibi plane non constare in religione, cultuae Dei obseruauit P. BAYLE<sup>u</sup>. Nostrium hoc quidem loco non est, de atheismo gentium Indiae disputare, monere tamen heic ab instituto nostro alienum non est, patere ex earum gentium, quae Malabaricae dicuntur, religione, systema emanatum, quo innumerae deitatis personae ex vno numinis fonte progressae, et mundi

<sup>r</sup>) De Intell. hum. L. I. c. 4. §. 15. p. m. 70.

<sup>s</sup>) Stat. Christian. Indici, L. VI. p. m. 645. seq.

<sup>t</sup>) Itiner. Siam. T. I. p. 395.

<sup>u</sup>) Di&. T. IV. art. Ruggieri, not. D. p. 103.

di partibus regendis praefectae statuuntur, Indiam quoque totam occupauisse \*, et omni, quae in regionibus, Siam, Arekan, Laos, Camboiae, Cochinchinae aliisque obtinet, et foedissima superstitione colitur, idololatriae originem dedisse. Cum enim viderent nationes infelices, et supremae ignorantiae vinculis detentae, mundi partibus formandis dirigendis, nutriendis vim quandam diuinam adesse debere, facile sibi persuaderi passae sunt, prodiisse ex ineffabili fonte supremae deitatis eiusmodi radios siue emanationes, quae multiplici metamorphosi in mundo apparentes, cum earum, quas informare debuerunt atque regere, partium societatem iniissent, cultum diuinum ob innumera beneficia mereantur. Et huius quidem generis emanationem esse Somonacodomum, secundum Indorum placita, ex dicendis apparebit †. Mirum itaque non est, cum impostor quidam idololatriam per omnes Indiae partes diffunderet, eamque arcano emanationis systemati inaedificaret, homines stupidos et coeco impetu in haec retia incidisse et huiusmodi impostorem inter numina retulisse, credentes, Deitatis quandam particulam in eo residere. Ita vero nullo negotio persuaderi poterant, id quod in profundissima infinitatis abyssu latet, numen cultu attingi ab hominibus non posse, sed ideo se in radiis suis emanatiuis manifestauisse, vt coli posset inque iis et adorari. Vnde ratio quoque petenda est, cur eum esse apparitionem Dei Wisnou dixerint. Quae idololatriae quidem et deismi, non vero atheismi eos reos agunt. Nihil hoc loco nos Indis affingere, vel ad eos excusandos gratis excogitare, theologia Malabarica, quae magnam partem in Europa innotescere coepit, faciet manifestissimum: quamuis non magnopere repugnare velimus, si quis contendat, omisso et neglecto summo Deo ita nonnullos in inferioribus diis et mediis numinibus colendis haesisse, vt tandem summi numinis rerumque creatoris fuerint obliti: vel si quis ‡ Sammariaeorum sectam, quae ex Buddae disciplina prodiisse dicitur, et ob impietatem ex litoribus Malabaricis et Coromandelicis electa est, regnat autem in interiori India, huc referre velit, de qua viri pii, qui praedicandi euangelii gratia a potentissimo Daniae rege in illas regiones missi sunt, tradunt, apparere ex Malabaricis monumentis, quod omnem prorsus religionem, etiam idololatricam, eiurauerint. Id quod non ab omni verisimilitudine abhorret, eo quod impostoris illius, cuius discipuli fuisse dicuntur, disciplina interior talis fuit, vt religio ex ea omnis euerti facile potuerit. Ille vero cum non meridionales tantum Indiae partes veneno infecerit, sed et septentrionales et orientales ita corruperit, vt pestis ea vsque ad Sinas et Iaponenses penetrauerit, nihil autem eius memoria in historia theologiae Indorum sit celebrius, paulo curatius de eius rebus hoc loco agendum est.

Kkk kk 3

Quod

\*) Vidit id iam EVANSTIVS Archaeol. phil. p. 542. et de Siamesibus auctores Brikanai Hist. vniu. P. I. p. m. 111.

†) Sine hac enim hypothese ratio cultus a Siamesibus Sommonacodome exhibiti dari nequit,

vt ex iis intelligitur, quae P. TACHARD. Itin. Siam. L. VI. p. 203. BAYLE Dict. arg. Sommonacodom T. IV. p. 237. KAEFFER Descript. Iapon. T. I. p. m. 59. seqq. cumularunt.

‡) LA CROZE l. c. p. 643.



Quod ita faciemus, vt enarratis prius Indorum, Sinarum, Iaponensium narrationibus, explorataque doctrina et methodo, quid de eius origine, philosophiae fonte, religione, modoque docendi nobis vero videatur simile, quantum licet, breuissimis exponamus.

*Buddae vel  
Xekiae histo-  
ria.*

§. VI. Fuisse iam inter veteres Indos BVDDAM quendam philosophiae nomine celeberrimum, huncque philosophorum omnium principem et auctorem fuisse, populis quoque Indiae religionis cultum tradidisse, eumque cum Sommonacodomo Siamensium et Xekia, Sinensium vnum eundemque videri, *Tomo primo*<sup>a</sup> diximus, obseruauimusque Buddae nomen cum Graeco Mercurii coincidere. Monet hoc nos, vt de famosissimo hoc philosopho ipsos Indorum scriptores, eosque, qui ex ore eruditorum res eius narratas acceperunt consulamus. Tetigerunt autem historiam huius idoli, DOMINICVS FERD. NAVARRETTA<sup>b</sup>, ATHANASIVS KIRCHERVS<sup>c</sup>, PHIL. COVPLETVS<sup>d</sup>, PHILIPPVS MARINI<sup>e</sup>, ex quorum relationibus sua congeffere M. V. LA CROZE<sup>f</sup> et P. BAYLE<sup>g</sup>. Illis addendus, qui omnium accuratissime in res huius philosophi, qui idololatrio cultu per omnem fere Indiam, et vt supra iam verisimile fecimus, Tartariam quoque Chinam et Iaponiam adoratur, inquisiuit ENGELBERTVS KAEMPFERVS<sup>h</sup>, vir doctissimus. Et nomen quidem philosophi istius pro regionum diuersitate diuersimode effertur. Inter Siamenses enim eum Sommonacodom dici, supra iam dictum. Et sunt quidem, qui hoc Siamensium idolum a Budda distinguant: ast falli hos, vidit iam, vt erat in perspiciendis rebus exoticis maximi acuminis desideratissimus CROZEVS, qui ex similitudine eorum, quae de Budda, Xekia atque Sommonacodomo traduntur, collegit, vnum eundemque impostorem intelligi, qui totam Asiam Orientalem idololatria et entusiasmo vel pantheismo quoque fascinauerit<sup>i</sup>. Coniecturam enim Croseanam certissimis rationibus firmat KAEMPFERVS, qui diu inter Siamenses vixit, et Sinas quoque atque imprimis Iaponenses adiit, et omnium curiosissime in antiquitates, et historiam atque religionem harum gentium inquisiuit; namque is refert, Buddam, esse reuelatam in humana figura diuinitatis partem, et secundum philosophos Indorum, apud Siamenses, lingua vulgari appellari Prah Pudi Dsau, id est sanctum dominum, ab eruditis vero in lingua doctis propria vocari Sammona-Khodum, a Peguanis Samana Khutama. Eundem autem Buddam cum Xaka vel Siaka, Sinensium et Iaponensium esse, vel ex eo solo intelligi potest, quod inter has gentes maxime Iaponenses nomen Xacae, quod post eius fata in Foë et Fotoke appellationem transiit, cum nomine Budda coincidat, ita vt hoc tandem in

a) p. 202. seqq.      b) Rel. Sin. p. 82.  
c) Chin. illustr. P. III. c. 4. p. 152.  
d) Prooem. sc. Sin. p. 29. §. 4.  
e) Relation de Tonquin p. 108.      f) l. c.  
g) Diss. art. Brachmanes, Japon, Spinoza.  
h) Hist. Japon. T. I. p. 56. seqq. T. II. p. 59. seqq.

i) Quis tamen incertissimi sunt Siamenses in antiquitatibus gentis suae notandis, non refragabimur, si quis dicat eos, res antiquissimas cum historia recentioris cuiusdam impostoris interdum confudisse, quod coniecit KAEMPFERVS l. c.

in nomen appellatum degenerarit, quo non omnes tantum Dii, et idola quaecunque in genere, quae ex peregrinis regionibus illata sunt, sed et sancti quoque et sacerdotes atque philosophi, hanc doctrinam profitentes appellantur. Tempus famosissimi doctoris definire, ob incertissimas temporum rationes ab Indis obseruatas tantum non impossibile est. ALEXANDER DE RHODES <sup>k</sup> laudatus CROSAEO <sup>l</sup>, anno circiter MMM post conditum mundum, et anno M post linguarum confusionem hunc legislatorem vixisse, ex Tonquinorum relatione tradit: Ex NAVARETTAE relatione <sup>m</sup> a nonnullis ponitur in annum XXIX imperii Salomonis, KAEMPFERVS <sup>n</sup> qui ex ipsis Siamensium doctoribus de hoc philosopho percunctatus est, natum esse ait anno vigesimo sexto regni Soowo imperatoris Sinensium, qui quartus successor fuit, celeberrimi principis Suno Buno; quod tempus ex nonnullorum calculo incidit in annum MCCII. ante C. N. Qui tamen monet quoque, Siamenses anno MDCXC. quo inter eos versatus est, computauisse a Buddae apparitione annos MMCCXXXIII, sic vt tempus eius incidat in annum DXLII ante N. C. Quae traditionis diuersitas in tanta gentis incertitia pariter atque antiquitatis iactantia et diuersa annorum computatione valde miranda haud est. Eadem fere incertitudine reliqua, quae de hoc legislatore Indorum traduntur, laborant. De patria enim certum quod dicant, Indi ipsi non habent. Et omnes <sup>o</sup> si CROZAE <sup>p</sup> fides, ex hac gente scriptores mediam Indiam et patriam designant, Ceylanum insulam verisimiliter intelligendam esse, NAVARETTA <sup>q</sup> contendit. Quod confirmat non modo nomen Buddum, quod idolo huic in hac quoque insula tribuitur, sed et Siamensium traditio, qui in vrbe Ceylani Lanca natum esse contendunt <sup>r</sup>, Iaponenses quoque patriam eius Magattae prouinciam in regione Tensiccenfi fuisse affirmant. Est autem Tensik regio, interprete KAEMPFERO <sup>s</sup>, insula Ceylanum, litora Malabarica et Coromandelica, siue Gangetici finus; generaliori vero significatione omnis regio Asiae meridionalis, cuius incolae fusco colore nigrescunt, Ceylani tamen incolae Buddam hunc non indigenam fuisse, sed a Siamensibus ad ipsos venisse, transfretasse autem postea in Indiam Orientalem narrant, et vero non abfimile, religionem ab hoc legislatore traditam a Siamensibus ad Ceylanianos peruenisse; eodem enim hi, libro sacro vtuntur, quo Siamenses, Puli dicto. Ex qua narrationum diuersitate certi nihil colligi potest aliud, nisi aduenisse Buddam siue Xekiam, ex meridionali Indiae parte, et gentibus ad litora oceani sitis, omnium primis innotuisse; in hac quoque australi Indiae parte vixisse, et missis, vndeque discipulis per omnes Indiae regiones, primo quidem nouam legem, deinde clanculum philosophiam suam mysticam disseminasse.

## §. VII

k) In Catechismo pro baptizandis, Romae 1651.  
Tonquinensi lingua edito p. 105. seqq.

o) loc. cit.

p) loc. cit.

q) KAEMPFER T. I. p. 56.

r) T. II. p. 60.

l) l. c. p. 648. m) l. c. n) T. II. p. 60.

*Vita Buddae  
f. Xekiae.*

§. VII. Non cohaerent melius, quae de vita eius ab Indis narrantur: cuius et antiquitas hominis, et methodus allegorica atque fabularis, Indis deamata et fraudes ab eo artificiose adhibitae causae esse videntur. Accedit, quod cum pleraque vetustissima traditione nitantur, multae narratiunculae accefferint, quae memoriam eius conturbauerunt. Opinio quoque diuinitatis eius, quae post fata totam Indiam, Chinam et Iaponiam occupauit, eiusmodi circumstantiarum excogitandarum occasionem suppeditauisse videtur, quae ad conciliandum eius historiae augendumque τὸ θαυμαστὸν facere queant: vt in omnium fere antiquitatis heroum historia euenit. Et Alexander de Rhodes quidem, cuius verba ex libro rarissimo affert CROSAEVS, rem ita narrat: Fuisse eum filium regis Indorum, Timphan nomine, hominem valde acutum doctumque, at ambitione inflatum: Contracto matrimonio genitaeque filia vnica, vxorem deseruisse, totumque in secessu solitario in magiae artem incubuisse, habuisse autem duos malos genios sibi valde familiares, a quibus doctrinam atheismo infectam acceperit. Quam cum hominibus tradere vellet, parum fides reperisse, ideoque ad fraudes conuersum, impietatem fabulis occultasse, et μετεμψύχωσιν atque idolorum cultum introducendo, se ipsum discipulis idolum exhibuisse adorandum, quod rerum omnium creator esset, cuncta vero allegorice declarando, arcanos sensus ita reconditos habuisse, vt cum magia et idololatria populorum animos repletet, initiatis tamen atheismi principia instillaret, nihilum pro oceano rerum omnium commendando. Quam narrationem, facile palpari potest, auctorem magis ex fama et traditione nonnullorum, quam ex certis fontibus hausisse, et suspicionibus magis quam certitudini litauisse. Accuratius NAVARETTA res impostoris huius explorasse videtur. Is haec sibi comperta esse tradit, cum in istis regionibus viueret, fuisse patrem Xekiae regem eius regionis, Cing Fan Vuang dictum, matrem Mo-le; annos natum septendecim tres vxores duxisse, et genuisse filium, vnde uigesimo in solitudinem secessisse, inque ea annos duodecim a quatuor viris immortalibus, id est philosophis, qui Talopoin apud Siameses, Peguanos aliosque Indiae populos vocantur, quosque veterum Hylobios esse *Tomo primo* monuimus, eruditum, tandem anno aetatis trigesimo propriae meditationi se tradidisse, et phosphorum considerando tandem ad intuitiuam cognitionem primi rerum omnium principii peruenisse, ab eo vero tempore nomen Foë, quod non hominem significat, adhibuisse. Et hoc quidem pacto annos quadraginta nouem philosophiam quandam mysticam allegoriis velatam innumeris discipulis tradidisse. Morti vero proximum declarasse, interiorum se doctrinam nondum propalasse, sed cuncta hieroglyphicis symbolis tantum adumbrasse. Addimus his KAEMPFER narrationem, diligenter ex ore librisque Indorum haustam, quae Xekiam, vel, quo nomine Iaponico ipse vocat, Siakam, refert annos natum nouendecim relicta patris regia atque

e) Conf. KAEMPFER T. I. p. 61.

f) p. 195. not. q.

atque vxore, Arariae Sennino, eremitae magna celebritate nominis et sanctitatis opinione in vertice montis Dandokf viuenti in disciplinam se tradidisse, eoque auctore et vitam austeram duxisse, et totum contemplationi rerum coelestium et diuinarum, corporis situ plane singulari et inusitato, sed meditationi rerum diuinarum aptissimo se permisisse; ita mente ab omni externo obiecto reuocata et in proprium fundum reducta, vt corpus immobile et sensus omnis rerum externarum expers esset. Huic enthufiasmo id debuiffe Xekiam, quod in intima religionis myfteria penetrauerit, et existentiam coeli et inferni detexerit, quaeque praemiorum atque poenarum post hanc vitam ratio fit, quae status animae post mortem, quae migrationes, quae via ad felicitatem aeternam perueniendi, quae potentia Deorum in regendo mundo, aliaeque multa captum hominis superantia perpexerit. Et haec postea innumerabili discipulorum multitudini eum tradidisse, quae ipsum secuta eandem vitae austeritatem elegerit. Tandem annos natum LXXIX obiiffe. Addi his alia multa possent, nisi modus seruandus esset, et distinguendae circumstantiae verisimiles ab iis, quas excogitauit sacerdotum calliditas et superstitio populi. Quale est, quod Siameses narrant, deitatem illam, quae Wistnou dicitur, cum octauum mundum inuississet, forma aethiopis se manifestauisse, huncque Deum illum Sommonacodomum, id est hominem ἀπαθον, fuisse. Vnde sine dubio Braminarum sententia enata est, legislatorem hunc neque patrem neque matrem habuisse. Tradunt etiam multa Siameses, Peguani, et Indorum Orientalium alii de miraculis Buddae, de eius natiuitate ex elephante albo aliisque, quibus tamen hoc loco non immoramur.

§. VIII. Duplex doctrinae genus impostorem hunc, de cuius rebus haecenus differuimus, fouisse, vnanimi ore ex Indorum, atque imprimis Sinensium, relatione testantur scriptores, quorum vnum exoterica dogmata in vulgus sparsa exhibuit; alterum arcanas sententias intimae admissionis discipulis aperuit. Et exoterica quidem dogmata religionem quandam cultumque deorum, animarum praemia, poenasque migrationem et similia tradiderunt, quibus velut nervis suis constringi solent respublicae; esoterica doctrina de rerum natura philosophice praecepit. Exoterica Xekiae disciplinam describunt LE COMTE, LA LOUBERE, BERNIER, maxime vero KAEMPFERVS \*, ex quorum narrationibus constat, ita hunc Indorum legislatorem ad populum praecepisse:

I. Dari boni et mali discrimen.

II. Ani-

u) Enthufiasmi et ecstasis gratia id et olim ab Indis factum esse et hodiernum fieri Tomo I. p. 198. iam monuimus, quod hoc loco repetendum est.  
x) In Itinerariis Sinensibus, Siamesibus, la-

ponensibus, quae horum industriae debemus. Ex Trigautii narratione huius sectae religionem quoque descripsit CHR. ARNOLDVS in Addit. ad REGERI Ianuam gent. apertam c. 6. p. 579.

II. Animas hominum et brutorum esse immortales eiusdemque substantiae, et tantum ratione subiectorum, quibus insunt, differre.

III. Animas hominum, a corporibus morte separatas, vel praemia accipere vitae bene actae, in sede felicitatis, vel poenas experiri in loco miseriarum.

IV. Locum beatorum, esse sedem aeternarum voluptatum, ideoque vocari Gokurakf \*.

V. Differre et deos natura sua, et animas hominum meritis actionum suarum, ideoque gradus quoque beatitudinis in illis campis Elysiis differre secundum gradus meritorum cuiuslibet. Ita tamen minimum quoque huius felicitatis gradum abundare gaudio et iucunditate, ut meliorem possesores non optent.

VI. Amidam esse supremum in his regionibus beatis praefectum et protectorem animarum humanarum \*\*, maxime illarum, quae ad vitam aeternam beatamque transierunt. Et hoc solo mediatore obtinere homines posse peccatorum remissionem et vitam aeternam. Quae ad Xekiam haud pauci Indorum referunt, maxime Foëni Sinenses \*.

VII. Huius felicitatis, Amidae beneficio, eos fieri compotes, qui legis a Xekia latae memores, perfectam praestent obedientiam, vitamque ducant virtute animatam.

VIII. Complecti legem Xekiae quinque praecepta generalia, quae intermitteri sine salutis aeternae iactura non possint; I. Nihil esse interficiendum, quod *ἐμψυχον* fit; II. Nihil esse furripiendum; III. Cauendum ab incestu; IV. Abstinentium a mendacio; V. Itemque a liquoribus generosis, vino etc. Celeberrima sunt haec praecepta per totam Asiam meridionalem et orientalem, multisque sectatorum commentationibus et explicationibus illustrantur et extenduntur. Diuidi enim solent in decem Sikkai, id est consilia, quibus quaelibet lex explicatur, et ad vitae perfectionem acquirendam applicatur; immo subdiuisionem quoque quodlibet consilium habet quinque Go Fiakkai, siue specialium instructionum, quibus ad maximam subtilitatem doctrinam Xekianam illi perducere contendunt, qui sanctitatis laudem affectant. Quam tantis corporis cruciatibus et molestiis eos quaerere ait KAEMPFERVS \*\*, ut inedia atque fame tantum non interimantur. Quos tamen paucos hodie esse, tradit, plerisque disciplinae rigorem non ferentibus. Quae cum plurima communia habeant cum Gymnosophistarum veterum et Aegyptiorum institutis, verisimile inde fit, ab ipsius Xekianae doctrinae origine eiusmodi abstinentiam atque cruciatus corporis obtinuisse. Eorum autem attenta observatio nonnihil lucem accendet in inquirenda Xekiae origine.

IX. Ho-

y) Vox Iaponica est, ex cuius gentis praeceptis ista hausit Kaempferus. A Siamesibus vocatur Nireupan.

z) Etiam hoc Numen Iaponicum est, de quo

in Historie philosophiae Iaponicae dicemus.

\*) COVPLET. Diss. prooem. ad Confuc. p. 31. Ast. Erud. 1688. p. 257.

a) I. c. T. I. p. 63.

IX. Homines omnes, et seculares et ecclesiasticos vitae iniquitate et actionum peruersitate indignos factos vita beata, missum iri post mortem in locum miseriae, Dligokf, vbi in carcere tormentorum cruciatus patientur, non tamen aeternos, sed ad certum tamen tempus licet indeterminatum. Habere autem haec supplicia gradus quoque suos pro criminum conditione et occasione virtutis exercendae at neglectae.

X. Praesidem carceris squalidi et miseri, iudicemque esse Iemma O, qui actiones hominum omnes examinet, et in speculo cognitionis exploret.

XI. Posse vero has damnatorum animas solatium et auxilium accipere ex virtute parentum, amicorum et familiarium; neque vtilius illis quicquam esse precibus et sacrificiis pro defunctis, factis a sacerdotibus ad maximum misericordiae patrem Amidam.

XII. Intercessione Amidae fieri, vt inexorabilis alias infernorum iudex sententiae rigorem mitiget, et tolerabilior fiat damnatorum poena, salua tamen iustitia, vtque eos, quantum fieri potest, maturime in mundum remittat.

XIII. Expiatis hunc in modum animis, remitti eas ex sententia praesidis infernalis in mundum, vt iterum corpora animent; ast non humana, sed animalium immundorum, quorum natura cum vitis illis conspiret, quibus in mundo infectae erant.

XIV. Fieri autem deinde migrationem animarum ex corporibus vilioribus in meliora et nobillora gradatim, donec mereatur anima corpus iterum humanum ingredi, in quo vitam agens virtuti consentaneam, futura felicitate digna possit euadere, sin iterum sceleribus litet, priorem fatalem poenarum et miseriarum periodum alteramque migrationem subeat.

Et has quidem credendi viuendique regulas Xekiam tradidisse, et manu propria in foliis arborum descripsisse, omnes constanter Indi tradunt. Eius sectatores autem, narrant, in librum quendam sacrum illa praecepta congesta descripsisse, quem Fokekio appellant, id est librum florentissimum et κατ' ἐξοχήν Kio, id est, biblia, quemque pro sacris oraculis habere gentes vltra Gangem omnes Xekiae religioni adhaerentes, refert KAEMPFERVS \*. Multos tamen in hoc volumen sacrum commentarios extare inde colligere est, quia quinque librorum millia (foliis arborum constantes intelligendi sunt) exarasse sectatores eius, Siameses perhibent. Epitomen autem doctrinae Xekianae in illo libro sacro contentam conscribere Annan et Kasia, discipulorum sapientissimi, ob hoc beneficium magistro in cultu, qui illi offertur, diutno proxime iuncti.

§. IX. Longe alia est doctrina impostoris huius interior, si scriptores rerum Indicarum hodiernos audimus. Morti enim proximus, con-

*Esoterica.*

LII II 2

uoca-

b) pag. 65.

uocatis discipulis exposuisse dicitur: in toto disciplinae suae tempore nunquam interiorum se dogmatum suorum opinionem aperuisse, sed symbolis tantum et similitudinibus ea tectius occultata delineauisse. Mentem suam hanc esse: Primum rerum omnium principium, ex quo omnia fluant atque exsurgant, et in quod omnia resoluantur redeantque, esse nihilum siue vacuum, et praeter hoc plane nihil esse, quod sperare liceat. Ex successorum vero placitis et explicatione hunc in modum statuit, systema Foënae siue Xekiae<sup>d</sup>:

I. Vacuum siue inane<sup>e</sup> esse principium finemque rerum omnium.

II. Ex hoc protoplastos originem duxisse, inque hoc reuersuros esse, quotquot vita decedant.

III. Quicquid vnquam rerum est, ex eo principio produci, et in idem per interitum suum reduci ac resolui, idque et nostram animam et elementa constituere, nec omnia inter se realiter ideo differre: adeoque omnia quae vita, sensu, mente praedita, quamuis inter se vsu et figura differant, intrinsece tamen vnum idemque et a suo principio indistincta esse.

IV. Esse hoc principium vniuersale admirandum, purum, limpidum, subtile, infinitum, quodque nec generari, nec mori, nec resolui possit.

V. Habere autem neque virtutem, neque intellectum, neque potentiam, vel attributum simile.

VI. Proprium ei esse, vt nihil agitet, nihil intelligat, nihil appetat.

VII. Eum qui bene beateque viuendi sit cupidus huc assidua meditatione suiue victoria eniti oportere, vt principio suo quam simillimus affectiones humanas omnes domet, ac prorsus extinguat, neque iam turbetur vel angatur re vlla.

VIII. Hoc fine qui potiatur, eum ecstatici instar absorptum altissima contemplatione, sine vilo prorsus vsu et ratiocinio intellectus, diuina illa quiete, qua nihil sit beatius, perfrui.

IX. Ad hanc philosophiam perductum relictis reliquis doctrinae exotericae externae tantum et specietenus illi se attemperaturum, interne hanc mysticam et beatam philosophiam sequuturum esse sibi que vacaturum.

Haec famosa illa Foënae sectae, siue Xekianae disciplinae doctrina est quae apud plerosque atheismi, et imprimis Spinozismi infamiam meruit. Quam tamen perperam cum Spinozismo confundi, et systema magis emanatum, quo etiam exoterica Xekiae doctrina nititur, quam Spinozistum continere, nobis valde est verisimile. Cuius rationes vt lectori consent, monendum est, non solis hoc systema Indis placuisse, sed reuera Persarum Sufyos, inter Indos habitantes illud fuisse amplexos, vt supra

ex

c) Conf. LA CROZE l. c. p. 652. et citati.

d) IDEM l. c. COVPLER l. c. p. 31. seqq. AG, Erud. 1688. p. 257. e) Cum-hiu Sinenibus dicitur.

ex Bernierio obseruatum; ad quos sine dubio ex similibus fontibus peruenit. Inter Siameses quoque statum animarum vocari Nireupan, siue paradysum, collocarique in eiusmodi substantia omni attributo vacua, et enthusiasmo summam felicitatem exhibente. Porro, non habendum esse hoc nihilum siue inane, pro nihilo negatiuo, quod multos seduxit, ut plane non esse principium diuinum sectae Foënae crederent, sed intelligendum esse de nihilo priuatiuo, id est principio primo, omni rerum formarum et mutabilium attributo carente, quod chaos siue materia prima rerum omnium sit, ex quo omnia oriantur, in quod resoluantur omnia. Quae si supponuntur, ut debent supponi, si vera est narrantium de rebus Indicis et Sinenfibus fides, cuncta systemati emanatiuo rectissime congruunt, nihilque affirmant, quod non alii quoque eius systematis patroni affirmauerint. Principium enim primum istud adeo ineffabile, incomprehensibile, infinitum, omnique rerum forma priuatum statuitur, ut non modo plane nihil rebus existentibus quoad attributa, habeat simile, sed quoque non nisi enthusiasmo ecstático, et sensuum omnium priuatione intelligi concipique possit. Esse vero ex mente Xekiae substantiam maxime realem, vel inde constat, quod omnes substantiae ex eo exortae sint, atque fluxerint, quodque res iterum omnes in illud redeant, et ex eo substantiam habeant. Nec alia ratio cur et virtutis, et potentiae, et intellectus esse vacuum statuitur, et agere, mouere, appetere nihil posse dicitur, quam quod ab omni rerum finitarum proprietate et attributo longissime remotum, infinitis modis distare a rerum visibilium natura videretur, et latens istud numen in impenetrabili abyfso nihil simile cum reliquis substantiis ex eo progressis habere possit. Quae ut mire Xekianis dogmatibus consonant, ita nihil habent, quod non in Aegypto veteri <sup>f</sup>, in philosophia Orientali, Cabbalistica <sup>g</sup>, Saracenica <sup>h</sup>, iam obseruauimus. Maxime autem enthusiasmo Orientali, qui omnes fere gentes orientis infecit, accommodatum esse hoc systema, ex modo contemplationis intuitivae, sensuum ministerio turbato acquirendae intelligitur. Quem enthusiasum, altius et immote vnum, maxime splendidum obiectum diu intuendo obtineri posse aliquoties monuimus. Quod si hanc systematis Foëni explicationem sequamur, ratio constabit apertissima, cur doctrinam exotericam talem constituerit Xekia, qualem supra delineauimus. Nempe infelix ingenii fanatici foetus cum allegorica methodo pingendus esset, comminiscendae erant innumerae emanationes diuinae ex hoc chao rerum omnium siue incomprehensibili oceano oriundae, hisque adiicienda metempsychosis, ut sublatis per istos circuitus rerum sensibilium modificationibus tandem ad *ἡσυχισμὸν* istum anima reducatur. Recte itaque monuerunt do-

LIIII 3

ctissimi

f) Comparanda cum his Saidis inscriptio Iſidis naturam delineans, quam Tom. I. pag. 95. attulimus, ut intelligi haec luculentius possint.

g) Probe hoc obseruatum auctoribus Historiae vniuersalis P. I. p. m. 112.

h) T. III. p. 197. qui locus omnino cum systemate Foëno comparandus est ob similitudinem.



ctissimi *Historiae uniuersalis* auctores <sup>i</sup> Britanni, differre hoc systema Xekianum vel Foënum a Spinozistico, licet in eo errare videantur, quod inane huius sectae cum spatio idem esse conilciant. Valde vero confirmat hanc explicationem systema Siamense, quod LOVBERRIVS <sup>k</sup> ex arcanis Talapoinorum siue theologorum libris exhibet, secundum quod figura mundi est aliquod aeternum, licet ipse mundus visibilis oriatur et pereat, visibile enim, statuunt, mori debere, et oriri alia entia, aliud coelum, aliam terram, ex ista figura mundi efformatam. Quae rectissime annotarunt, laudatissimi viri, simillima esse systemati Cabbalistico, et emanationem mundorum, substantiarumque omnium, ex causa aliqua prima existente, earumque reditum in illam inuoluere. Haec enim Siamenses ex disciplina Sommonacodomi sui, siue Xekiae habuisse, omnino verisimile est. Patebit quoque ex systemate populorum Malabaricorum, emanationem hanc caput esse atque cardinem totius theologiae Indicae, quae cis Gangem obtinet. Vnde si haec omnia colligantur, et imprimis ille Quietissimus Xekianus et contemplatio intuitiva consideretur, verisimillimum fit, Xekiam impostorem reuera deismum magis nefandi enthusiasmi parentem, quam Spinozismum discipulis esotericis tradidisse, mirandumque haud esse, quod qui disciplinae Foënae in India, China, Iaponia adhaerent, idololatriae tamen crassissimae patrocinium fuscipiant. Vtrum vero stricto sensu athei dicendi sint, hoc loco disquirere opus non esse putamus. Facient id, qui atheismi historiam ex instituto scribere aggredientur.

*Discipuli Xekiae.*

§. X. Propagauisse hanc disciplinam Xekianam multos discipulos, et per omnes Indiae partes quin in ipsa quoque Tartaria, disseminauisse, ex antecedentibus, nisi fallimur, est manifestissimum, nec adeo mirum in tanta populorum istorum ignorantia potuisse impostorem callidissimum eiusque affectas, tot amplissima regna nefaria doctrina inficere. Fuere tamen inter eius sectatores nonnulli, qui alteri parentes et conditores huius impietatis fuisse censendi sunt. Inter quos maxime eminuisse dicitur Mao-Kiaye quidam, quem ipsam Xekiam successorem sibi delegisse, iussisseque ut scriptis suis philosophicis inscribat: sic accepi <sup>l</sup>, scriptores Indici referunt. Impostura autem Xekiam si non vicit, certe aequauit alter sectae Foënae princeps, qui peculiarem eius ramum constituit, et hodie quoque inter idola Indica religiose colitur, TAMO dictus; Is enim detestabilem sectam inter Sinas maxime confirmauit, successor Foë CLXXX. declaratus. Mira sunt, quae de eo narrantur, et imprimis, quod enthusiasmum sectae Foënae mire illustrat, annos nouem integros veteratorem immotum parietem albissimam fuisse intuitum, ut naturam vacui contemplaretur. Ex quo luculenter patet, turpiter lapsos esse missionariorum nonnullos, qui hunc Tamo apostolum Indiae D. Thomam significare sibi pariter et Sinensibus persuaferunt, reprehensi ideo a MINORELLI <sup>m</sup> et LACRO-

Z E.

i) l. c. k) Descript. de Siam T. I. p. 361.

l) Recordandum hoc loco, non Pythagoram modo, sed Aegyptios etiam hoc *ἀνὰ τὴν* in-

iunxisse, et quaecumque docebant, ad Hermetem auctorem rerulisse.

m) In Observationibus in Iouenci Errores de rebus Sinicis p. 145.

z r \*. Quo tempore autem religio haec ad Sinas et Iaponenses tranſierit, quosque ibi doctores habuerit, infra in harum gentium hiſtoria notabimus.

§. XI. Et haec quidem potiora ſunt, quae ex innumerarum fabularum et traditionum aceruo de famoſiſſimo hoc impoſtore ſeligere licuit. Quibus iudicium interponere, et veriſimiles huius legiſlatoris origines deſignare eo magis difficile eſt, quo magis narrationes Indorum miris fabulis et methodo allegorica corruptae, et ita inter ſe diuerſae ſunt, vt eas conciliare ſit impoſſibile. Cuncta itaque ad coniecturas redeunt, non tamen ab omni veriſimilitudine remotas. Probabiliſſimum autem nobis videtur, Xekiam non in India natum, ſed peregrinum fuiſſe. In ea nos ſuſpicionem maximopere confirmat, non tantum doctrinae, quam tradidit, peregrinitas, ſed et ipſa Indorum de patria eius incertitudo. Obſervatum enim viris doctis, qui de rebus Indorum, Sinarum, Iaponenſium, Tartarorum ſcripſerunt, aliam religionem apud hos populos obtinuiſſe, vt ex LOVBBERIO, COVPLETO, KAEMPFERO demonſtrari poteſt. Patebit quoque ex dicendis, aliam regionem, quam Indiam, et exotericam doctrinam Xekiae et eſotericas nugae prodere. Ipſae vero gentes Indicae in ſua regione natum eſſe, non affirmant, nec vlla gens eſt, quae ſibi hunc honorem tribuat, plerique Ceylanum, Ceylanenſes, Siamenſe regnum eius patriam eſſe affirmant, certo indicio, patriam eius ignotam ipſis fuiſſe. Nec obſcure id produnt Brahmanae, qui eum ἀπατορα et ἀμύτορα fuiſſe tradunt, ſignificantes, nihil ſibi de eius originibus innotuiſſe. Neque obſtat, quod CROZAEVS \* monet, conſentire in eo omnes Indos, quod in India ex rege quodam natus ſit. Recte enim obſervatum Kaempfero, gentibus ad orientem Asiae ſitis Indiam omnem terram australem ſignificare. Nihil itaque aliud haec traditio innuit, quam Xekiam ex australi quadam mundi parte progreſſum ad orientalis Asiae regiones acceſſiſſe. Neque tamen contemnenda videtur eſſe, traditio, quae vel in Ceylano inſula, vel in Siamenſi terra eum primum comparuiſſe ſtatuit. Inde enim, niſi fallimur, recte colligi poteſt, ad has oras primum hunc impoſtorem appuliſſe, et diuinam originem mentiendi fidem ſibi apparentis inter homines diuinitatis conciliaſſe, adeoque non ex interiори India fuiſſe progreſſum. Ex qua vero australi mundi parte veterator ad Indos venerit, difficillima quidem quaestio eſt, aſt non tamen ſolui plane neſcia. Circumſtantiis enim omnibus rite ponderatis non ſine magna veriſimilitudine aſſerere licet, eum hominem forte Libycum, ſed Aegyptiorum philoſophia atque myſteriis innutritum fuiſſe, qui cum patria bellorum tumultibus et inuaſione pelleretur, ad Indos, (ad quos Aegyptios ſolitos fuiſſe nauigatione diuertere, rerum veterum peritos non latet,) cum ſociis ſeceſſerit, ſequae aliquem Mercurium ſiue Hermetem, novumque legiſlatorem vendiderit, et non modo religionem Aegypti, vulgarem et doctrinam hieroglyphicam, ſed ſacram quoque et arcanam tradide-

*Xekia ex Aegypto in Indiam tranſuectus.*

a) loc. cit. p. 652.

c) I. C. COVPLET. I. C.

diderit \*. Suboluit id dudum viris nonnullis doctis, nemo autem, quantum scimus, rationes huius coniecturae verisimiles reddidit, donec eruditissimus KAEMPFERVS <sup>p</sup> collatis rerum Aegyptiacarum et Indicarum circumstantiis, rem si non prorsus conficeret, magno tamen probabilitatis pondere instrueret, licet antiquitate, quae Buddae tribuitur a Siamenfibus, Peguanis et Indis aliis, persuasus hunc a Xekia distinguere malit. Obseruat doctissimus medicus, 1. religionem harum gentium, quam ab isto legislatore Indi acceperunt, in plurimis conuenire cum religione veteris Aegypti. Vtramque gentem enim Deos depingere sub imaginibus vel animalium, vel hominum inusitata forma monstrorum. 2. Duo praecipua capita religionis Aegyptiacae fuisse transmigrationem animarum, et cultum Serapidis, bouis vel vaccae symbolo adornatum, istam venerationem vaccarum autem et metempsychosin duo esse cardinalia dogmata gentium harum Asiaticarum, maxime earum, quae in occidentali Gangis litore habitant. Neminem enim audere interficere insecta etiam minima et maxime noxia <sup>q</sup>, veritum, ne ab anima hominis animentur, vaccas autem honore prorsus diuino coli, et vsque ad infaniam et turpitudinem venerationem illis tribui: maxime vaccae imaginem in templis conspici. Et memorabile esse, monet, quo propiores barbarae hae gentes Aegypto sint, eo supersticiosius eas his duobus dogmatibus inhaerere, laxius de iis statuere remotiores. 3. Inueniri inter Asiae orientalis populos pleraque Aegyptiorum numina, et Deos quoque minores, licet variis nominibus et fabulis velatos. 4. Maxime temporum rationes considerare iubet Kaempferus, vt haec coniecturae verisimilitudo tota appareat. Nempe annis  $\text{p xxxvi}$  ante N. C. Cambyfen Persarum regem Aegyptum inuadentem, Palladium Aegyptiacum, Apin interfecisse, et sacerdotes Aegyptiacos regno eiecisse. Quod si cum his comparetur epocha ecclesiastica Siamenfium, quam a morte magni sancti numerant, liquido constare, quod in eadem Cambyfis tempora illa incidat. Ex quo verisimilem coniecturam enasci contendit, sacerdotem eo tempore quendam Memphiticum, Buddam cognominatum, vel Xekiam, cum sociis suis ad Indos aufugisse, et dogmata Aegyptiaca, inter eos disseminauisse. 5. Ipsum quoque

\* Dubia contra hanc hypothesin aliqua mouimus olim celeberrimo CAOZ AEO in Epist. ad eum data, et nuper in Thesauro epistolico Lacroziano edita, p. 70. seqq. quae tamen nobis, non quidem a Crozaeo, sed ipsa rei consideratione, eximia postea sunt. Cerri enim scimus, colonias Aegyptiorum aliquoties ad Indos peruenisse, id quod recte quoque obseruatum cel. THEOD. HASEO l. c. p. 140. nec nos mouet traditio Philostrati, Indorum Gymnosophistas sapientiam Libyae philosophis tradidisse; suo enim loco obseruatum, nugatorem totam fabulae narrationem suo scopo attemperauisse. Indica porro non tantum cum Pythagoreis concordant, qualia in Aegypto inualuerunt, verum etiam cum Aegyptiacis antiquioribus, vt ex comparatione theologiae Aegyptiacae vetustioris eum Indica sole meridiano clarius liquet. In-

dorum philosophi autem licet ante Alexandrum M. fuerint, non tamen hoc obstat, quo minus placita Indica ante Alexandri M. aetatem peruenire ex Aegypto in Orientem potuerint. Denique systema Aegyptiacum non semper dualisticum fuit, quod tantum circa inuasionem Persarum apud quosdam inualuisse videtur, sed emanatum, et ita quidem temperatum, vt Stoico simile fuerit, vel etiam Zoroastriano, vt suo loco dictum. Ex quibus, si candide fatendum, dubia nostra, eo tantum fine ad Crozaeum perscripta, vt soluerentur, non vero, vt ederentur, prorsus condunt.

p) Tom. I. p. 58. seqq.

q) Idem fecisse Aegyptios, ex IUVENALE Satyr. XV. notum. Conf. Tom. I. p. 288. seq. dista.

quoque huius sancti idolum imaginemue eam coniecturam probare monet. Exhibet ea vultum aethiopis, capillis crispis; hunc autem minime Indorum vultum et capillos esse, sed incolarum Africae. Haftenus Kaempferus, cuius rationes nobis tales videntur, vt aliorum suspiciones magna probabilitate vincant. Sed addi haud pauca possunt, quae eas augent et in maiori luce collocant. Namque 6. ipsum Buddae nomen haud parum hanc opinionem confirmat. Illud enim cum Mercurii nomine conuenire, vel solum dei Mercurii nomen euincit, quod in omnibus Indorum linguis a Budda appellatur. Lingua enim Brahmanarum sacra vocatur Buttauaram, Ceylanica, Bouda-Dina, Siamensi Van-Pout, Malabarica Bouden Kirumei <sup>r</sup>. Verisimile itaque est, impostorem illum Hermetis secundi personam imitatum eandem legislatoris gloriam affectasse, quam Hermes Aegyptiorum, et finxisse ideo, se eam diuinitatem esse, quae saepius iam inter homines apparuerit. Hoc enim si teneamus, facile omnes fabulae Indicae de antiquitate Buddae conciliari cum aetate huius philosophi possunt, eae enim ad priores apparitiones referendae sunt: nec opus est cum Kaempfero inter Buddam et Xekiam distinguere. 7. Ipsum porro institutum sacerdotum Indicorum Brahmanarumque satis amice cum collegiis Aegyptiacorum sacerdotum conspirat, vt ex dicendis constabit. 8. Sed et singularis ista atque eremitica viuendi ratio Foënae sectae, et Talopoinorum, praesertim inter Siameses, et Peguanos mores a KAEMPFERO descripti adeo cum vita coenobitica Aegyptiorum philosophorum conspirant, vt vel sola haec similitudo persuadere nobis queat, ex vno fonte vtramque profluxisse. Nam praeter vitam austeram et cruciatibus, paupertate, et continentia conspicuam ordo discipulorum, anni, nouitiatus, examen seuerum, coenobia eorumque praefecti, pontifices, aliaeque circumstantiae mire cum coenobitica Aegyptiorum philosophorum vita concordant. 9. Addi his debet methodus duplex exoterica et esoterica, illaque hieroglyphicae methodo simillima, quam Xekia adhibuit. Qui si ex India prognatus fuisset, aliam philosophandi viam Chaldaismo (cuius vestigia hodiernum in illis locis superesse docet KAEMPFERVS <sup>s</sup>;) familiorem iniisset, et non figuris hieroglyphicis, sed cultu astrorum, idololatriam propagasset. 10. Non vero sola exoterica Xekiae doctrina eiusque tradendi modus cum Aegyptiacis conuenit, sed interior et arcana quoque disciplina, si rem ipsam spectes, cum arcana Aegyptiorum theologia ita concordat, vt facile appareat, hanc illam genuisse. Statuit nempe impostor Indiae, rerum omnium principium esse chaos nullo attributo modificatum, limpidum, tranquillum, perfectum, ex hoc omnia fluxisse; in eo consistere quoad substantiam omnia, in id cuncta reuerti, huius cognitione intuitiua et enthusiasmo quodam felicitatem summam niti: Aegyptio-

<sup>r</sup>) LA CROZE, l. c.<sup>s</sup>) T. I. p. 58. T. II. p. 66.

Aegyptiorum theologia autem, qualis paulo ante irruptiones Persarum rationibus philosophicis emendata fuit, praecepit: Principium rerum omnium esse Isidem, ex qua sint omnia et per quam sint omnia, eamque esse, ut habet inscriptio Saidis, omne, quod existit, est, et erit, hancque naturam rerum esse, formis nondum vestitam; in hac cognoscenda colendaque arcanæ sapientiae sublimitatem versari etc. ut *Tomoprime* demonstratum, et ex luculento APVLEII \* loco constare potest. Tot igitur rationibus in vnum collectis satis ponderis habere videtur opinio ista, quæ Xekiam illum, velut alterum Hermetem, ex Aegypto progressum, novam legem et philosophiam, instituta Aegyptiorum imitando Indis tradidisse statuit.

\*\*\*\*\*

CAPVT SECVNDVM,  
DE PHILOSOPHIA GENTIS  
MALABARICAE.

§. I.

*Scriptores de  
Malabaricis  
rebus consu-  
lendi.*

**T**enuia sunt et haud ita multa, quæ de Indiae populis eorumque doctrina, religioneque, vestigiisque alicuius philosophiæ in itinerariis recentiorum scriptorum leguntur: ignoscet itaque nobis Lector harum rerum curiosus, quod plura, quam quæ diximus, non attulerimus. Quamvis enim in describendo cultu harum gentium diuino diligentes nonnulli fuerint, aut attentione tamen et accuratone, aut rerum ad hoc argumentum cognitu necessariorum intelligentia caruerunt. Ut vero certiora et ampliora de nonnullis huius mundi partis incolis sciamus, effecere nauigationes exercendæ mercaturæ gratia ab Europæis nationibus ad litora sinus Gangetici, præcipue ad oras Coromandelicas et Malabaricas susceptæ. Hæ enim laudatissimi instituti occasionem præbuerunt, euangelium IESV CHRISTI his populis prædicandi, et viros doctos atque literarum sacrarum pariter atque secularium probe gnaros eam ob causam illuc mittendi. Qui ut arduum et difficile negotium rite perficerent, linguarum quæ in istis regionibus obtinent, usum edocti, de religione, theologia reliquisque dogmatibus horum populorum dispicere coeperunt, ut quæ præiudicia, qui errores refutandi essent, intelligerent. Quem in finem cum sacerdotibus Indorum istorum, quos Braminas vel Bramanas vocant, congressi, partim ex ore illorum, partim ex scriptis tantum religionis opinionumque Malabaricarum notitiam consecuti sunt, quantam de aliarum regionum incolis non habemus. Inter hos

c) pag. 289. seqq.

v) Metamorph. L. vlt. c. vlt.

hos vero, praeter Vincentium Mariam de S. Catharina de Sienis, quem sua ex archiepiscopi Cranganorae Francisci Garziae relatione descripsisse notat Cel. CROSAEVUS<sup>a</sup>, praecipue eminet ABRAHAM. ROGERVS, qui inter Batauos in littoribus Coromandelicis Paliacattae per decennium ecclesiae munere functus est. Is licet linguam huius gentis vernaculam non calleret, a Bramina tamen quodam, Padmanaba cognomine, cui facilem reddiderat praefectum rerum Batauicarum in istis oris, quique Lusitanicum idioma erat edoctus, tum ab alio, Damerfa appellato, mysteria harum gentium non modo oretenus percepit, sed et dictata calamo excepit. Redux vero ex India anno cło lcc XLVII, quae cognouerat Belgico idiomate consignauit, fato autem praeuentus edere non potuit. Quas schedas relictas Ictus quidam eruditus obseruationibus auctas, Belgice cło lcc XLIX vulgauit, traductas postea in linguam Gallicam et Germanicam, quam versionem insignibus accessionibus ad historiam religionum exoticarum spectantibus auxit CHRISTOPHORVS ARNALDVS<sup>b</sup>. Fidem autem et ἀκριβειαν valde in eo libro probauit Rogerus, merito ideo a CROZAE<sup>c</sup> laudatus, dolendumque hoc vnum est, ipsa Malabarici populi scripta sacra eum inspicere haud potuisse. Similem laborem quoque suscepit, alius ex Batauorum ecclesiasticis in istis oris, BALDEVS. Is enim in Ceylano insula de idololatria Indorum nonnulla conscripsit, qui licet nonnulla satis acute viderit, multoties tamen memoriis sacerdotum a Lusitanis emissorum, quas consuluit, deceptus est<sup>d</sup>. Nemo autem vel accuratius in hoc stadio absoluendo vel diligentius occupatus fuit, quam viri ecclesiastici, a potentissimo Danorum rege, euangelii annuncian- di causa in has oras missi: quorum ducem B. ZIEGENBALGIUM fuisse, nemo ignorat. Hi enim in *Relationibus de missione sua*, quas hactenus magno ecclesiasticae historiae commodo in Europam miserunt, haud pauca ad hoc argumentum spectantia, et partim a theologis Indorum hausta, partim ex scriptis illorum excerpta tradiderunt. Maxime vero Ziegenbalgius, Malabaricam linguam mature edoctus, consultis Bramanis, et libris Indorum sacris, de Malabaricae gentis religione et placitis multa collegit, digessitque, et tenebris his amplissimam lucem accendit. Quas beati theologi chartas adhuc msc. delitescere, valde dolemus. Hisce enim narrationibus omnium maxime fidem dandam esse, recte ex eo concluderunt CROZAEVS<sup>e</sup>, et auctores *Historiae uniuerſalis* Britanni, quod ipsa Indorum scripta inspicere et legere, viris his doctis licuit. Plurimum autem debent hae literae illustri doctrinae viro, quem toties in partes vocauimus, τῷ πᾶν CROSAEO<sup>f</sup>, quod memoriis Ziegenbalgia- nis msc. vsus, earum compendium dederit, quaeque de horum populo- rum Indicorum religione, theologia, et doctrinae sacrae capitibus reliquis

M m m m m 2

notatu

a) Hist. Christian. Indic. L. VI. p. m. 577.

d) Idem l. c. p. 577.

b) *Offene Thür zu dem verborgenen Heyden- thum*; Norimb. 1663. 8.

e) loc. cit.

c) l. c. p. 576.

f) p. m. 150.

notatu digna sunt, in eruditissima tractatione de *Statu ecclesiarum Indicarum Christiano* exposuerit. Ad hos fontes nos quoque recurramus, ita tamen, ut legum fidei historiae memores, nihil admittamus, quod non verisimilitudo commendet.

*Theologi et  
philosophi  
Malabaricae  
gentis Bra-  
manae s. Bra-  
minae.*

§. II. Religionem, et quam illa complectitur philosophiam diuinorem gentium Malabaricarum cognituris scire necessarium est, a quibus illa tradatur, quive theologi illi atque philosophi sint, ex quorum praeceptis gentes illae amplissimae, quae per Mogulicum imperium, siue Indostanum, Bengalam, Ceylanum aliosque terrarum tractus extenduntur<sup>a</sup>, dogmata ad diuinum cultum pertinentia hauriunt. Distinguntur autem populi Malabarici tribubus, atque familiis certis, quas *Casten*, vocant, quibus in tot sectas diuiduntur, quot tribus extant, quasque non modo inter se misceri nefas est, sed quae haud raro quoque Vatiniano reliquas odio persequuntur<sup>b</sup>. Sunt autem tribus generales quatuor, in XCVIII familias iterum distinctae; inter quas loco et dignitate eminet Braminarum vel Bramanarum familia<sup>c</sup>. Quorum nomen, iam antiquis Brachmanum appellatione celeberrimum, ut *Tomo primo*<sup>d</sup> dictum, valde inter has gentes venerabile est, vnde eorum historia virorum quorundam doctorum attentionem meruit. Habent autem nomen a Deo Brama, Birama vel Biruma, ex cuius stirpe se fatos esse iactant. Vnde, si ministrorum emissariorum fide standum est, qui linguam Malabaricam didicerunt; non Braminae, vel Bramanae, sed Biramanae dicendi essent. Prior tamen appellatio in vulgus precrebuit, vsuque obtinuit. Facit hic, quem sibi vindicant Bramanae, ortus diuinus, ut non tantum sanctiores esse aliis hominibus credantur, sed Bramanae quoque tantummodo nascantur, non vero doctrina, exercitatione vel electione fiant. Sunt autem hi homines non modo sacerdotes et theologi Malabaricorum populorum, sed doctores quoque, et philosophi<sup>e</sup>. Hoc enim illis nomen tribuere nulli dubitamus, cum ipsi tales se describant, quales esse philosophos exercitatione vsuque oportet. Nam disciplinae causa, philosophiam, theologiam, artem salutarem, astrologiam eos discere atque docere, ex epistola Bramanae cuiusdam ad praecones euangelii Danos est manifestum<sup>f</sup>. Nec adeo stupidum Indis his ingenium obtigisse censendum est, ut non veram eos philosophi notionem attigisse, credi possit<sup>g</sup>. Id quod ex memorabili responsione Indi cuiusdam ad quaestionem, quis vir sapiens siue philosophus habendus sit, constat<sup>h</sup>. Ille enim a doctoribus suis ita eruditus

a) LA CROZE l. c. p. 579.

b) ROGER l. c. p. 3. Vers. Germ. LA CROZE l. c. p. 615. Relat. Missionis Indicae Cont. XVIII. prooem.

c) Citati.

d) Vid. citat. T. I. p. 192. seq.

e) BURNET. Archaeol. phil. p. 541. BAYLE Art. Brachmanes T. I. Dict. p. 643. FABRICIUS Diss. de Brachmanibus Sylog. opusc. p.

333. Ex his emendanda, quae satis confuse et inaccurate afferuntur in Hist. crit. phil. Galli anonymi T. I. p. 100. seqq.

m) Relat. Miss. Ind. P. I. p. 353. P. II. p. 1019. ubi quoque obseruatur, vulgare eorum nomen esse Páppar.

n) ROGER. l. c. p. 67.

o) l. c. p. 398. seqq.

„ditus respondit 7. „Hos esse characteres viri sapientis: abnegare eum  
 „omnes cupiditates huius vitae, nec vilius, quae in mundo est, rei cu-  
 „pidine tangi, sed ea omnia fastidire, quibus alii gaudeant. Edere eum  
 „si fames urgeat, quae suppetunt, nec ciborum delectum instituire.  
 „Omnem autem cogitationum atque meditationum metam esse dominum,  
 „de eo solo eum cogitare atque loqui audere. Ita fieri, vt omnis eius  
 „vitae actio, oratio, meditatio, sapientia, intelligentia, studio constet.  
 „Et hoc quidem pacto abnegatis cunctis, meditationis studiiue sui ob-  
 „iectum Dominum eligere, viri sapientis characterem dignum esse.“  
 Quae si cum illis comparentur, quae suo loco de Brachmanum veterum  
 disciplina diximus, apparebit, hodie nondum verae sapientiae signa inter  
 has gentes barbariem oblitterasse. Distinguuntur autem Bramanae siue  
 Braminae et vestitu et vita ab aliis hominibus. Gestant enim funiculum  
 Dsandhem, dictum, qui collo humeroque sinistro, tumque dexteræ  
 corporis parti vsque ad lumbos circumducitur, et peculiaribus ceremoniis  
 infantibus eorum solet appendi 7. Vitam autem Bramanae ita depingunt  
 Indi ipsi 7: Surgit ille mane horis ante ortum solis duobus, purgatus at-  
 que lotus in stagno sacro ad orationem conuertitur, totus postea legis ce-  
 remoniis, quae animae purgationem promouent, intentus. Sacro quo-  
 que cinere se tingit, et sacra monumenta appendit. Hoc vero pacto  
 ornatus et instructus, legis diuinæ munia 7 obit. Cauet autem in turba  
 ambulando, ne vel attingatur a quopiam, vel aliquid impurum calcando  
 polluat. Nec carne viuit, nec creatura vlla ἐμψύχω, (cuius rationem  
 sollicite quidem abscondunt, ex dictis autem facile conici potest ineptum  
 metempsychosis dogma in causa esse 7) sed cibus puris vescitur, potuque  
 puro sitim pellit: abstinet a peccato quouis, et diei dimidium sacris terit  
 occupationibus, altera diei parte hominum societati et victui quaerendo  
 inseruit, ita tamen, vt ab opificiis abstineat, vel regiis stipendiis vel po-  
 puli beneficiis alendus. Munus autem Bramanarum in eo potissimum oc-  
 cupatur, vt populum religionem doceant, sacris vacent, et emendationi  
 morum inter reliquos homines inuigilent. Subolebit nobis non mo-  
 nentibus Lectori rerum veterum haud ignaro; valde haec esse similia in-  
 stitutis Aegyptiorum, et praecipue Therapeutarum a nobis *Tomo secun-*  
*do* 7 delineatis. Nam R O G E R O quoque teste, Therapeutarum in mo-  
 dum ante ortum solis surgunt, adorant versus solem orientem, lauantur  
 ante preces, canunt carmen in ortum solis, vestiuntur amictu puro, hono-  
 rant precibus solem, abstinent a carne, victitant herbis sacris, differunt

M m m m 3

de

p) Ibid. p. 389. seq.

q) Exhibuit ineginem Bramanae funiculo hoc  
 ornati ARNOTIVS in Frontispicio libri lau-  
 dati, conf. ROGER p. 72. LA CROZE p. 581.r) In Relat. Missionis Indicae P. I. p. 787. quae  
 ex ore Indiciusdam hausta sunt: conf. p. 382.  
 ROGER. p. 149. LA CROZE p. 582. seq.s) Qualia sint, ex Relat. Miss. Vol. I. p. 382.  
 seqq. constabit.t) Conf. ROGER p. 169. Relat. Mission. P. I.  
 p. 351. Totam Indiam haec opinio peruasit, ma-  
 xime vero meridionalem partem. Orientales In-  
 di enim animalia occidere, praesertim insecta non  
 verentur, forte, quod ea animam humanam ingre-  
 di non omnes putent. f) p. 149.



de rebus sacris inter prandendum, aquam tantum potant, saepe ieiunant, ebrietatem vitant, diem precibus et cantu finiunt, nouilunia ieiunio celebrant. Quae institutorum, ceremoniarumque similitudo prona nos via ad eam suspicionem ducit, esse inter instituta Aegyptiorum et Indorum causam quandam certam et definitam istius concordiae morum rituumque. At si ea recordemur, quae supra de Xekia, eiusque in Indiam ex Aegypto aduentu diximus, et recolamus memoria, quod eleganter quoque confecit CROSAEVS<sup>q)</sup>, magnam inter dogmata et religionem vtriusque gentis intercedere affinitatem, et eodem cuncta emanationis fundamento niti<sup>r)</sup>, addamus quoque, quod missionariis Danis obseruatum, linguam Malabaricae gentis eruditam, quae Kirendum dicitur, Graecis verbis scatere; valde, nisi fallimur, augetur verisimilitudo hypothesis illius, quam supra attulimus, hanc Indorum disciplinam ex Aegypto in Asiam translata Aegyptios homines, (Graecae forte literaturae iam tum gnaros) auctores primos habuisse. Nec veteribus ea res ignota fuit, quos vidisse affinitatem dogmatum rituumque Aegyptiacorum cum Indicis, ex PHILOSTRATO<sup>\*</sup> discere licet, ex cuius testimonio intelligitur, persuasum fuisse veteribus Aegyptios sua ab Indis accepisse. Id quod falsum esse et ineptum, tota clamat historia vetus, et inuertendum esse atque statuendum suadet, colonias Aegyptiorum vel saltem sacerdotes et philosophos nonnullos in Indiam excurrisse.

*Munus sacrum Bramanarum.*

§. III. Intelligitur ex dictis, Bramanarum gentem et doctorum et sacerdotum munere fungi, adeoque duplici nomine considerari posse. Habent autem religionis atque dogmatum sacrorum regulam librum sacrosanctum; Vedam dictum, quem tamen nemini, qui Sudraes, id est, laicus habetur, attingere licet. Et hoc quidem pacto familia impostorum horum callidissima auctoritatem atque imperium in religionem et conscientiam sibi soli vindicat, cum a suo arbitrio non explicatio tantum, sed ipsa quoque manifestatio dogmatum sacrorum ex oraculis sacris pendeat<sup>w)</sup>. Nec aliam rationem esse putamus, cur in epistola missionariorum ad B. Th. Sig. Bayerum quaerenti, an certa fidei norma inter Indos descripta extet? magis negatiue quam affirmatiue, cauendo insignem diuersitatem opinionum de summis religionis capitibus, responsum sit. Extare enim istum Vedam, librumue Indorum sacrum non solum ex Rogeri testimonio constat, qui ex Bramanae sui relatione tradit<sup>x)</sup>, agi in eo de materia prima, angelis, animabus, poenis praemiisque malorum atque bonorum, itemque de creatione rerum, generatione creaturarum et corruptione, de peccato eiusque remissione, de summis imperantibus, de moribus et virtute; de ceremoniis templi et sacrificiis etc. Sed spem quoque fecere Iesuitae, quibus huius libri copia tandem facta est, eum in

q) p. 554.

u) Conf. Relat. Mission. P. II, p. 708.

r) Vita Apollonii L. VI, c. 6.

w) Relat. Mission. P. I, p. 353.

x) pag. 56.

in Europam mittendi, vt vulgari possit <sup>7</sup>. Quod eo ardentius optamus, quo certiores sumus, originibus religionum et philosophiae magnam inde lucem accensum iri. Sacrificiorum cura autem tota a Bramanarum munere pendet, qui pro populo sacrificant. Ideo populus quoque ad alendos hos sacerdotes symbolum suum conferre tenetur; licet regum liberalitate certi quoque fundi designati institutique et priuilegiis muniti sint, ex quorum prouentibus alimenta capere possint <sup>8</sup>. Duae autem inter gentes Malabaricas religionis sectae obtinent, valde inter se diuersae, quarum illa Tchiua Sameiam, haec Vistna Sameiam dicitur, a duobus idolis, de quibus CROZAEVS \* videndus. Vtraque in minores sectas familiasque diuiditur, quarum quaelibet secundum professionem vitae in certas classes distincta, proprios Bramanas, siue doctores sacerdotesque ex Bramanis habet. Qui quoque soli disciplinis litantes cum Pantaris siue Antiguelis <sup>9</sup>, literatam in his Indiae partibus ciuitatem constituunt. Dantur tamen inter eas duae quoque classes aliae, quae non inepte inter philosophos referri possunt, nempe Iogigueuli, siue theoretici, et Gnanigueuli, siue sapientes, quae classes valde inter se differunt. Illi, vt a missionis ministris traditur, nec πολυθέτητι nec apparatus ceremoniarum rituumque multum tribuunt: sed toti vitae theoreticae inuigilantes solitudinem et meditationem colunt, et in poenitentium ordine recte collocantur. Relictis enim vxoribus liberisque, multis molestiis et cruciatibus corpus affligunt, et imprimis spiritum continendo ecstasin affectant, altissima meditatione sopiti. Qualem Quietismum, vt sectam Foënam taceamus, supra iam tactam, ad fouendum augendumque enthusiasum Bramanas Sinenses velut dogma quoddam sacrum fouere, CAROLVS GOBIENVS <sup>b</sup> quoque obseruauit. Ex cuius relatione eos ita statuere constat: „Mundum non nisi illusionem, somnium atque praestigias „esse, nec aliter sibi constare corpora posse, nisi quoties cum nihilo confundantur, quod propter simplicitatem suam omnibus rebus perfectiorem largiatur. Tradit quoque, eos tam vehementer indolentiam et „ἀπαθείαν commendare, tantoque furore in ἀδιαφορία sanctitatem ponere, vt statuæ instar quis tandem immotus euadat, nec vlla cupiditate

7) Lettres curieuses et edifiantes Rec. XXI. p. 455. seqq. Ex Cont. XLVI. Missionis Indicae innouit, viris optimis, qui Indis euangelium annuntiant, tandem a Bramana quodam oraculorum horum Indis sacrerum factum esse copiam, non voluine quidem scriptam, sola enim traditione orali propagatur, sed oretenus tamen a Bramana maxima veneratione clausis oculis recitant. Esse autem, referunt quadruplex Vedam, i. e. cognitionis fontem, 1. Rûgwedam, vel Ircuwedam, 2. Yaegjur vel Iadur - vedam, 3. Scâma - Vedam, 4. Adhher - Wana Vedam; quantum artibus illicitis olim constantem prorsus memoria hominum excidisse: reliquos adhuc di-

na recitauit, quatuor capitibus constantem, ageremque de argumento vario, de sacrificio ignis, de gloria solis et Deorum, de nominibus variis, additur appendix, de formulis nonnullis et bonis operibus etc. Sectionibus 84. constat, quarum tituli l. c. indicantur.

2) ROGER. c. V. p. 59. c. VI. p. 63. seq.

\*) p. 582. qui luculentus hoc loco est.

a) Videndae de his hominibus Relat. Miss. Indic. P. I. p. 350. et CROZAEVS p. 584.

b) Hist. de l'edit de l'Emp. de la Chine, Praef. conf. BAYLE art. Brachmanes not. k. et art. Soinmoasodom. Quietismus enim iste per totum Asiae orientem extenditur.

„tate tangatur moueaturque. Hincque postulare a sapiente, vt cupiat nihil;  
 „cogitet nihil, sentiat nihil, omnemque sanctitatis quoque et virtutis  
 „ideam ita ex animo proscribat, vt nihil restet in eo, praeter perfectissi-  
 „mam illam quietem sacrumque silentium. Huncque profundum animi  
 „somnum, hanc potentiarum facultatumque quietem, hanc perpetuam  
 „sensuum suspensionem summam hominis felicitatem efficere, talemque  
 „non migrationi, non vicissitudini, non futurorum vel spei vel metui  
 „subiectum porro esse, quae omnia illi euanescant, et nihil sint, ipse  
 „vero sapiens, perfectus, felix, et verbo, Deus ipse Foë non minor  
 „euadat.“ Quae luculenta explicatio Quietismi Indici quamuis pro-  
 prie ad sectam Foënam respiciat, quam cum Bramanarum instituto con-  
 fundere videtur Gobienus; apparet tamen ex ea, quid ad eum hi theoreti-  
 ci homines requisierint; dubiumque minime est, quin inter Malabaras  
 quoque, qui Foënam tamen sectam ignorant, illud dogma inualuerit,  
 quod Africam Asiamque fere totam occupauisse suis locis obseruauimus.  
 Altera Guaniguelorum secta multo puriori philosophia alitur; nam nec  
 idololatriae vacat, nec ineptis theoreticorum nugis, sed dignis summo  
 numine cogitationibus tota in Dei et diuinarum rerum meditatione defi-  
 xa est. Vtraque secta a Bramanis distinguenda, hincque inter philosophos  
 Indicos potiori quodam iure referenda est. Ipsae tamen Bramanarum fa-  
 miliae sectas quoque inter se habent; quarum sex enumerat ROGERVS  
 ipse ne nimii simus, legendus. Quas non omnes philosophorum nomi-  
 ne dignas esse, vel ex eo intelligitur, quod Epicureismo theoretico et  
 practico, nonnullae adhaereant. Secta enim Schaerwaecka vitam post  
 vltima fata superesse aliam negat, bonarumque actionum et virtutum re-  
 gulam aliam non agnoscit, praeter laudem hominum<sup>c)</sup>. Secta autem  
 Pasenda, teste Padanaba apud EVNDEM<sup>d)</sup>, Vedam siue legem veram non  
 esse tradit, et nec animae immortalitatem recipit, nec aliis rebus, nisi  
 ventri studet, nec ab incestu abhorret, omnem vero restitutionem rerum  
 periodicam, quam inter dogmata horum populorum fundamentalia emi-  
 nere in sequentibus dicemus, exhibet. Quam ideo arcanos habere hos  
 impios sensus, nec aperte eos errores profiteri idem refert, cum haud  
 pauci obistam olim impietatem trucidati sint. Ex quo constare potest,  
 superstitionem et idololatriam non obstare, vt non in densissimis ingenio-  
 rum stupidorum tenebris atheismi pestis grassetur. Cuius exemplum esse  
 potest liber quidam a Ziegenbalgio<sup>e)</sup> deprehensus, cuius auctor fuit co-  
 lonus aliquis, qui poësin a se ipso didicit. In eo enim infelix scriptor  
 demonstrare voluit, non dari Deum, carereque rationes omnes, quibus  
 existentia Dei euinci solet, fundamento solido, minime quoque dari veri-  
 tates reales, vel gaudium solidum verumque aliud, quam quod huius  
 vitae limitibus circumscribatur: stultum autem esse, his, quae ante pe-  
 des

c) c. III. p. 29. seq.

d) Ibid. p. 40.

e) p. 41.

f) LA CROCE p. 641.

des posita sunt, dimissis, rebus inutiliter inhiare, quas neque sensus percipiant, neque intellectus assequatur. Immo inter ipsos Brathanas huius furfuris homines inueniri, ex responsione impia cuiusdam, ministris Daniae sacris data apertum est <sup>a</sup>. Quae non valde miramur, cum crassa superstitionis turpissimae ignorantia, quae in religione huius gentis obtinet, ingeniis erectioribus occasionem haud raro suppeditare soleat, in oppositum atheismi vitium incidendi. Plerique tamen superstitioni magis, quam impietati fauent, sanctitatem singularem, continentiam, molestias corporis, poenitentiae ἀσκήσεις, secessus solitarios, et paupertatem spontaneam sectantes. Est quoque, teste ROGERO <sup>b</sup>, genus quoddam Bramanarum, Auadontas dictum, quod Gymnosophistis veterum valde affine, nec loquitur, nec vestibus amicitur. Qualem philosophorum speciem etiam Goëgos exhibere, inter Benianos Gufurattae incolas, peregrinantium ex narratione constat. Tota enim India eiusmodi philosophicis exercitationibus et molestiis occupatur, quod a veterum institutis relictum, et confirmatum esse aduentitiorum philosophorum institutione, non est quod magnopere dubitemus.

§. IV. Quid de rebus diuinis gentes Malabaricae statuunt, quid <sup>Philosophia gentis Malabaricae quales?</sup> de mundo eiusque partibus disputent, quid de moribus illis videatur praecipuum, Rogerus ex Bramana quodam diligenter perquisiuit; non tamen, quae scire interest, omnia comperit. Curatius et maiori sollicitate in eo stadio versati sunt, meritissimi viri Ziegenbalgius atque Grundlerus γυν ἐν ἀγίοις, hi enim cum populorum istorum linguas didicissent, librorum sacrorum consulendorum copiam nacti diligenter in dogmata huius gentis theologica et philosophica inquisiuerunt: ex quorum collectione et tractatione <sup>c</sup> sua cum hauserit Crofæus, ille potissimum hoc loco ab eis consulendus est, qui de placitis Indicis recte et ex veritate statuere cupiunt. Omnem vero eruditionis Malabaricae circulum, in theoreticam et practicam doctrinam commodo dispescere licet: quae enim de rebus naturalibus tradere solent, pauca sunt, facileque et sine ordinis neglectu ad naturalem theologiam, quae magnam partem encyclopaediae Malabaricae constituit, trahi possunt. Et medicinam quidem atque mathesin quoque attingunt, at valde tenuiter, et eum in modum, vt longissime a philosophica methodo absint. Artem enim salutarem non ex consideratione naturae corporisque humani, et morborum, tractant, sed more Aegyptiaco, certis medicamentorum formulis, in syllogas coniectis vsi medicinam faciunt. Quae vt explorata sibi esse Ministri euangelii Danici testantur <sup>d</sup>; ita ex his explicanda sunt, quae CROSABVS <sup>e</sup> habet, medi-

g) Rel. Miss. P. I. p. 711.

h) p. 46. seq.

k) Relat. Miss. Dan. T. III. p. 1020.

i) Extat msc. in Orphanotropheu Halensi, optandumque valde est vt edatur.

l) p. 620.

medicam artem hanc gentem diligenter exercere, et propriis quidem principiis usam morborum nomina, genera, causas, remedia in libris medicis describere. Haec enim caue, de medicina aliqua theoretica et philosophica intelligas; cuncta enim ad empiricam quandam salutarem artem pertinent, in qua sola eos haud infelices esse, cetera parum rerum medicarum peritos ipse Crotaceus non negat: qui cum Sinensibus eos in ea re comparat. Nec melior astronomiae apud eos conditio est. Licet enim eclipsium solarium et lunarium definire tempora norint, causas tamen earum ineptissimas allegant, quas ex male intellectis allegoriis, ab Aegyptiis sine dubio, illis cum hac astronomica notitia traditis, hauserunt. Habent quidem tabulas astronomicas, ast, vt viris doctis, qui in istis terris fuerunt, obseruatum <sup>m</sup>, non propria diligentia confectas, sed a parentibus et maioribus relictas. Quas Malabaricam gentem a peregrinis, astronomiam Graecorum edoctis accepisse, ex eo non contemnenda coniectura colligitur, quia obseruatum viris laudatis, qui curiose in literaturam Malabaricam inquisuerunt, in lingua horum populorum erudita, siue Kirendica, non modo incrementa et decrementa lunae a Bramanis illis nominibus designari, quae apertissima Graecae et Latinae originis vestigia ostendant; qualia in hac lingua vocabula multa deprehendi supra iam diximus: sed et signa Zodiaci pleraque iisdem, quibus apud poetas et astronomos Aegyptiorum, Graecorum et Latinorum gaudent, appellationibus distingui: dies quoque eodem modo designari nominibus prout ab Aegyptiis factum, a quibus Graeci et Romani acceperunt. Quae sane aliam causam habere non possunt, quam aduentum hominum peregrinorum istam astronomiam Aegyptiacam et Graecam edoctorum, qui cum ad has oras appulissent, genti huic ea sideralis scientiae elementa tradiderunt, quae ipsi edocti erant. Quae si cum iis comparentur, quae supra de Xekiae aduentu in India coniecimus, magnam addent isti opinioni verisimilitudinem, quae ex Aegypto disciplinarum et philosophiae semina ad Indos translata esse statuit. Infantes vero esse philosophos hos Indicos in astronomia ex eo intelligi potest, quod terram quidem mundi centrum esse dicant, et moueri planetas pariter atque fixas stellas circa eam afferant, lunam autem longius a terra distare quam solem, nugentur, rideantque Copernici hypothesin, rati, si terra circa solem moueatur, effusum iri oceani vndas in terram <sup>n</sup>. Quae speciminis loco esse possunt, quam pueri in scientia siderali hi populi sint, et quam parum obseruationibus et attentione ad res coelestes valeant.

*Theologia  
Malabarica.*

#### §. V. Theologiae Malabaricae summa haec est:

I. Est

m) I. c. Lettres curieuses et edifiantes Rec. X. p. 36. Calendarii specimen exhibeat Rel. Miss. Cont. V. T. I. p. 200.

n) Ibid. p. 1022. quo loco plura ad astronomiam Malabaricam pertinentia afferuntur.

I. Est essentia essentiarum rerumque omnium, substantia suprema, et infinita, eaque in Vedam vocatur Barabara Vástou, ens entium <sup>o</sup>.

II. Ens hoc supremum est inuisibile et figura caret externa, adeoque nec comprehendi, nec moueri potest.

III. Nemo ens hoc summum vidit vnquam, nec tempus vllum id potest comprehendere.

IV. Essentia eius replet omnia, et omnibus rebus largitur ortum.

V. Est in eo summa sapientiae, scientiae, sanctitatis et veritatis comprehensio. Est quoque infinite bonum, iustum et misericors.

VI. Creauit hoc ens summum res omnes, quas quoque conseruat et sustentat, amatque esse inter homines, vt ad felicitatem eos perducatur.

VII. Fieri id potest, si hoc ens summum vere ametur et colatur. Excerpta hic damus verba philosophi Malabarici, hunc eleganter in modum de Deo praecipientis, quae descripserunt Ziegenbalgius est Grundlerus. Quae probe notanda sunt, vt ratio inde intelligatur, cur de Deo summo in infinita et incomprehensibili deitatis abyssio latente, vt  $\theta$ . XVI. docebit, nihil effari homines posse statuunt, curque ad  $\pi\alpha\lambda\upsilon\theta\epsilon\acute{o}\tau\eta\tau\alpha$  delati sint, nempe quod non nisi per emanationes ex Deo profluentes infinitum hoc Numen comprehendi posse crederent. Ex quo, nisi fallimur, luculenter apparet, eandem, quae Aegyptum atque Orientem totum peruasit, systematis emanatiui hypothesin has quoque gentes recepisse, et hac tantum clauē adhibita mysteria theologiae Indicae recludi posse. Quae semel hoc loco monuisse sufficiat.

VIII. Habet hoc ens supremum nomina sibi propria et illi soli conuenientia.

IX. Non potest ens summum vllō idolo vel effigie depingi, sed eius tantum attributa allegorice delineari queunt <sup>p</sup>. Id de primo omnium emanationum diuinarum fonte intelligi debet; quae enim ex eo emanarunt deitatis flumina, idolorum simulacris ab his hominibus definiuntur. Ipsa vero thesis haec tota Orientalis est, et dudum in Aegypto quoque obtinuit, in qua diuinitatis peplum neminem mortalium remouisse, statuebatur. Et hoc quoque fundamento reliquae de ente summo assertiones nituntur, quae in eo potissimum versantur, vt infinitum inter fontem, emanationes, et emanata discrimen ponatur.

X. Summum Numen adorari haud potest, quia incomprehensibile est: ideo minorum Deorum adorationem lex, Vedam, iniunxit, quam non aliter respicit Numen, ac si ipsi esset exhibita, ideoque praemiis adorantes afficit, vt obsequio ipsi praestito sit merces iusta <sup>q</sup>.

XI. Est hoc ens summum semen sine femine, sapientia infinita, lumen spiritus, caret omni naeuo, oculum in fronte gerit; iustum est, at im-

Nnnnn 2

mobile

<sup>o</sup>) LA CROZE l. c. p. 586. qui haec testimonis Fr. Xauerii, Bernierii Vincentii Mariae et Borcheti reborat.

<sup>p</sup>) Ib p. 591. ex verbis Indi cuiusd. ad Ziegenbalg.  
<sup>q</sup>) Ibid. p. 611. ex libro vatis Indici, Diragala Sakurum dicto.

mobile et immutabile: vestitur autem innumeris figuris. Facile haec explicantur, si de emanationibus figuris idolorum quam plurimis vestitis intelligantur.

XII. Iuste cum omnibus ens summum agit, et se variis modis manifestat, difficulter autem intelligi potest. Hoc de fonte supremo, illud de emanationibus capiendum est, sensus systematis emanatiui prodit.

XIII. Nulla potest sapientia creata huius entis supremi profunditatem comprehendere.

XIV. Creauit hoc ens summum omnia, eaque conseruat, ordinat praeterita, praesentia, futura, nulli tamen temporum periodo includitur.

XV. Est hoc ens pontifex sanctus, qui in omnibus et vbique est, et aeternitatem occupat, cuius nulla res capax est.

XVI. Latet Deus in infinito et profundo oceano, quem si quis cognoscere cupit, sopiendi sunt fluctuum strepitus, et quies interna perfecta-que nutrienda, vt concentratis in vnum sensibus Deus quaeratur. Verba haec sunt Bramanae cuiusdam ad Ziegenbaltium scripta, quae illis quae supra de Quietismo Indico dicta sunt, miram lucem affundunt. Aliter enim statuere non possunt, qui Sygen et Bythen Deum esse, id est latere in immenso diuinitatis oceano absconditum cum Orientali, Aegyptiaca, Cabbalistica philosophia statuunt. Vnde enthusiasmum animam quoque esse theologiae Indicae manifestum est.

XVII. Potest Deus agnosci ex lege ab ipso lata, exque miraculis, quae in mundo facit. Sed et ratio homini indita illum detegit ex creatione et conseruatione rerum omnium.

XVIII. Res omnes materiales condituro enti summo opus prius erat forma materiali ex se suscepta, eo quod substantia mere spiritualis relationem et proportionem ad corpus nullam habet, nec in id agere, vel virtutem in re corporea exercere potest.

XIX. Fons autem atque radix rerum omnium cum existat, semina quoque siue principia rerum omnium, adeoque essentiam, naturam, virtutem et realitatem vtriusque sexus in se habet.

XX. Res vero omnes conditurus Deus separauit virtutes masculinas a foemininis, quae haecenus absorptae vnitaeque in eo latuerant: Et hoc pacto creationis perficiendae media inuenit. Luculenter admodum verba haec, quae ipsis Indis debentur, emanationis systema exprimunt. Persuasi enim ex nihilo nihil fieri, rerum omnium, etiam materialium, causam, formam, et realitatem in Deo latere statuere cogeantur; rati sine subiecto materiali agere non posse spiritum in corpus, hocque ipso diu ante Mallebranchium et sequaces hoc axioma constituentes. Vt vero cuncta ex hoc fonte hacque radice exsurgerent, et actiua et passiuia princi-

r) Ibid. p. 592. ex libro Indico Schivavaikkrum.

s) Gnanigueulorum haec thesis est, ib. p. 593.

e) Ibid. p. 596.

pla, id est, efficientia et recipientia requiri contenderunt, quorum illa mere spiritualia essent, haec materialitatis causas et subiecta in se continerent. Ita duplici emanationum diuinarum flumine constituto, possibile demum esse putabant ostendere, quae ratione ex combinatione horum principiorum emanatiuum res omnes, etiam quae sensibus subiacent, productae sint atque genitae. Nihil in his omnibus est, quod non apud omnes, qui systemati emanatiuo adhaeserunt, deprehendatur, quod scilicet sine his duorum generum principiis constare nequit. Idem Oromasdes et Arihmanius Zoroastris ex Mithra prodeuntes volunt, hoc Aegyptiorum Osiris et Isis, et coniugia deorum Aegyptiaca innuunt, mira similitudine in Indica theologia expressa, hoc aeones masculinae et foemininae philosophiae orientalis inculcant, hoc Cabbalistarum Seir Anpin et Malcuth dicunt, verbo in eo omnes consenserunt, quicumque emanasse ex infinito deitatis mari omnia dixerunt. Aegyptiaca quoque Orientalibus admixta ita explicat Iamblichus, ut mira inter ea et Indica sit conuenientia. Quae omnia ad detegendas veras Indicae philosophiae et theologiae origines merentur expendi atque abiectis praedudiciis recte considerari. His intellectis, quae sequuntur haud erunt obscura.

XXI. Ob dictam creationis causam ens summum se in effigie trium idolorum adumbravit, ut posset detectum et comprehensibile factum adorari. Et hoc quidem simulacrum Lingum dicitur. Denotat autem, interprete CROSAEO \*, Lingum genitalia utriusque sexus coeuntia, quorum imaginem in adytis templorum, quae Pagodae dicuntur, collocant, et sacro sancta habent \*, magno quoque cultu ideo prosequuntur, et sacrificiis a Bramanis peculiaribus ritibus oblatis honorant. Immo amuleti instar capsulae inclusum hoc Lingum collo appendunt, et vim illi magicam tribuunt. Inepta haec diuinitatis symbola unde Indi acceperint, haud difficulter deprehendent, qui DIODORVM SICVLVM y consulunt, momentem genitalium cultum diuinum in orgiis et mysteriis multorum populorum deprehendi: maxime vero Aegyptios in eo prosequendo insaniuisse phallus in sacris Bacchicis multis ritibus adoratus exemplo est. Pro dunt haec nouo argumento, tum origines Indicorum dogmatum Aegyptiacas, tum systema emanatiuum, cuius fulcrum hoc Lingum est. Neque tamen putandum, adeo insaniuisse huius systematis inuentores et doctores quoque inter Indos, ut Deo genitalia materialia adscriberent. Hoc enim assertionibus de Deo supra allatis, quibus eum ab omni corporis figura liberum pronuntiant, e diametro est contrarium. Sed intelligendum hoc est eodem modo, quo utriusque sexus proprietates Deo diisque ex eo prognatis a veteribus tribui, aliquoties docuimus, nempe ut in Deo non modo causas efficientes virtutesque spirituales, sed et causas subiectiuas atque materiales deprehendi et ex utrarumque coniugio et coni-

Nnnnn 3

iunctio-

\*) p. 588 ROGEE. p. 249. not.  
 x) Relat. Miss. P. I. p. 354. 895.

y) Bibl. L. I. Conf. de Romanis A. V. G. S. T. I. N.  
 de C. D. Lib. 7. c. 21.



iunctione atque commixtione rerum omnium essentias generari produci-  
que statuatur. Vnde haec cum systemate Orientali, Aegyptiaco, Gno-  
stico, Cabbalistico comparanda sunt, ut lux illi dogmati spe omni maior  
et illustrior exurgat. Interim negari tamen non potest, allegoricam  
istam adumbrationem systematis emanatiui, turpissimae superstitionis et  
nefandae idololatriae occasionem fuisse, cum ingenia ista metaphysico  
acumini minus, quam imaginationis simulacris apta, systematis umbram  
cum ipsa re et corpore confunderent.

XXII. Ex hoc diuino fonte duo alia Numina exorta sunt Tschuen, qui  
masculini sexus, et pater Deorum omnium est, et Tschaddi, quae foemina  
et mater Deorum est<sup>2</sup>. Obtinet haec regula per totam theologiam In-  
dicam<sup>3</sup>, ut Deo Dea coniux societur, cuius ratio philosophica ex ante-  
cedentibus petenda est. Petiisse id Indos ab Aegyptiis recte et acute iam  
vidit, qui ad Rogerum annotationes adiecit. Is enim recte ad HERO-  
DOTVM<sup>4</sup> prouocat, et arcanos ritus Osiridis et Isis allegat, quosque hoc  
pacto in India vtriusque sexus in diuinis cultum genuisse obseruat.

XXIII. Quinque capita habet Tschuen, quorum tria sunt potiora.  
Inde tria numina exsurgunt Biruma, siue Birama, Isuren et Vistnou.  
Celeberrima est inter Indos fere omnes haec trinitas diuina, cuius expli-  
cationem, quam Missionariis Danicis dederunt Bramanae, hanc quidem  
esse volunt, indicari ea similitudine varios colendi numinis modos et  
rationes: at sefellisse nugatores viros doctos ex totius systematis Mala-  
barici nexu constat, secundum quod Deus hic *τρεπλάσιος* (quo nomine  
Mithras Persis appellatus est) trium emanationum praecipuarum ex Deo  
incomprehensibili progressarum, symbolum est, quarum prima eundem  
apud Indos locum occupat, quem *δύναμις* apud Gnosticos, *λόγος* apud  
Alexandrinis, Adam Kadmon apud Cabbalistas, vnde innumeris prae-  
dicatis et laudibus Ischuren scatent libri Malabarici. Iucundumque erit  
Lectori, placita Orientalia, praecipue in Aegypto secundum Iamblichum  
narrationem obtinentia, cum Malabaricis comparare, ita enim recte fe-  
cisse censebitur cel. CROSAEVS, quod totam hanc theologiam Aegy-  
ptiacae originis esse statuerit.

XXIV. In hoc quinquecipiti simulacro Numen ineffabile et incompre-  
hensibile, ut humanae infirmitati succurreret, se manifestauit, singulis  
enim vultibus propria nomina et munia regendi mundi competunt<sup>5</sup>.

XXV. Constituunt itaque haec quinque Numina systema diuinum,  
quatenus mundus ab eo regitur.

XXVI. Ea suo tempore retrahentur reuocabunturque in abyssum Deita-  
tis, et in finem Numinis supremi reorbeantur.

XXVII. Qui vero hos dominos adorat, re ipsa summum ens, supre-  
mum Numen, adorat: illud est in omnibus omnia.

XXVIII.

2) LA CROZE p. 600,  
3) ROGER. p. 237.

b) L. II. c. 48.  
c) Ibid. p. 604. Relat. Miss. P. I. p. 47.

XXVIII. Præter hæc prima Numina, quorum quodlibet suam coniugem habet, dantur adhuc CCCXXX milliones Deorum, et quadraginta millia prophetarum a Deo eum in finem conditorum.

XXIX. Quatuordecim mundi sunt, septem superni et septem inferni. Illi vocantur: 1) Tschaddialogum, 2) Dewalogum, 3) Tschenalogum, 4) Magalogum, 5) Tschiwalogum, 6) Bywalogum, 7) Pulogum. Hi sortiti sunt nomina: 1) Adalalogum, 2) Widalalogum, 3) Tschudalalogum, 4) Nidalalogum, 5) Daradalalogum, 6) Daladalalogum, 7) Padalalogum<sup>d</sup>. Inter hos mundos inferiores et superiores, esse nugantur quatuordecim maria, quorum vnum repletum lacte, secundum melle, tertium saccharo etc. Obseruatum autem missionis Danicae ministris<sup>e</sup>, ineptum hoc systema mundorum fingendi occasionem subministrasse traditionem de septem planetis, eorumque circulis ab horizonte sectis. Quae si probe ponderentur, coniectura inde enascitur, primos astronomiae inter Malabares conditores, planetarum orbes velut terras habitatas. Indis commendauisse: quam hypothesein inter Pythagoreos Aegyptum incolentes non peregrinam et ignotam fuisse suo loco annotauimus.

XXX. Omnes hi mundi infinite magni latique sunt, et a suis quique habitantur incolis.

XXXI. Padalalogum, infernus est, in quo Deus mortis, Emen, rex est.

XXXII. In mundo Palogum, homines habitant; ille vero figuram habet quadratam et oblongam.

XXXIII. Magalogum est aula Vistnou.

XXXIV. Dantur infinitae mundorum periodi, quarum antiquissima et prima omnium seculorum Ananden dicitur, durauitque CXL annorum milliones; hanc secutae sunt periodi reliquae<sup>f</sup>.

XXXV. Durant hae periodicae seculorum reuolutiones per innumerabilem temporum annorumque milliones, ab vno Numine ad aliud, creatis Diis pereuntibus, et redeuntibus.

XXXVI. Post innumerabiles eiusmodi seculorum periodos redibit tempus increati Isuren. Fabulis lepidis has periodos inuoluunt Indi, quas ex eorum ore descripsit CROZAEVS<sup>g</sup>, secundum quas, numina omnia, quae ex increato et primo ente, Isuren dicto, effluerunt, in hunc Deitatis oceanum redeunt, id est moriuntur, et iterum noua emanatione progrediuntur. Accepisse hoc Indos a peregrinis conditoribus religionis suae, comparatio instituta cum reliquis systematis emanatiui sectatoribus faciet manifestissimum. Quotquot enim illud receperunt, quod plerasque gentes barbaras fecisse suo loco ostendimus; deos quoque ex Deo primo emanantes, in eum resorptum iri, et fatalem periodorum aeternarum catenam existere professi sunt, cuius exitus tandem sit infinitum illud, ex quo omnia fluxerunt, et refluxerunt quoque in diuinitatis mare. Fabulas autem

d) Ibid. P. I. p. 358.

e) l. c. P. II. p. 941.

f) Conf. LA CROZE p. 608. sqq. ROGER. p. 283.

g) l. c. p. 608.

autem lepidas genuisse videtur diligentia theologorum aeternitatis notionem incomprehensibilem ingeniis stupidis et crasso sub aëre natis incubandi, id quod attenta lectio loci scriptoris Indici, quem ex memoriis Ziegenbalianis adduxit CROZAEVS facile coniici potest.

XXXVII. In quinto mundo est sol et luna; in sexto angeli tutelares, in septimo et octauo angeli primarii, qui nubes formauerunt.

XXXVIII. Mundus praelens omnium deterrimus est, in quo peruersa sunt omnia.

XXXIX. Ortus est mundus ex ovo, et tandem a radiis solis comburetur. Etiam in hoc asserto vestigia doctrinae Aegyptiacae apparere, instituta vtriusque comparatio docebit. Eandem hypothesin etiam inter reliquos Indos, maxime, inter Siameses obtinere obseruatum ex Tachardi relatione BÉNÉDICTIO<sup>b</sup>, qui recte notat, ex cineribus combusti regni noua, secundum Indos semina siue oua nascendi mundi exsurgere. Frustra autem haec a Noachi tempore Burnetus repetit, recentiorem enim esse theologiam Indicam ista annorum canitie, ex dictis constat. Attulisse autem hoc quoque dogma cum reliquis inter placita domestica Aegyptios aduenas valde est verisimile.

XL. Dantur spiritus boni et mali, qui ab hominibus generantur. Ita quidem tradebat Pamanadaba Rogero<sup>i</sup>, sed recte de eo dogmate in annotatione paginae subiecta dubitatur. Spiritus enim secundum systema Indorum vel ex primo numine, vel ex subordinatis diis progrediuntur. Forte ea tantum Braminae mens fuit, spiritus siue animas a corpore auulsas et per varia postea corpora migrantes vel bonas esse vel malas, quae ratione similia praecepisse Alexandrinos philosophos suo loco diximus.

XLI. Animae hominum et brutorum reipsa vnius essentiae atque naturae sunt. Supra iam in doctrina Xekiae exoterica hoc assertum obtinere, idque ex systemate emanatiuo, et quam illud gignit, metempsychosis dogmate fluere obseruauimus. Ratio itaque diuersitatis ex conditione corporis, quod animae inhabitant, vel melioris, vel deterioris, deriuanda est. Ex hoc vero fonte ratio quoque abstinentiae a carne, et ab esu animalium petenda est.

XLII. Animae in corpore velut in carcere versantur, et post mortem in alia corpora migrant. *Kúria dóze* totius non modo Indiae, sed vniuersae fere Orientis, quod exotericum domesticumque in his oris dogma fuisse, ex historia philosophiae barbaricae constat. Qui cothurnus ut plerisque pedibus aptus fuit, ita praecipue emanatiuo systemati valde adaptatus est. Secundum illud enim euolutiones reditusque animarum fiunt gradatim<sup>k</sup>.

XLIII. Animae ab aeterno ex Deo effluxerunt, in quo extiterunt, et in corpora poenae causa detruduntur. Monet, qui haec refert ROGER<sup>l</sup>,

RVS,

h) App. ad Archaeolog. philol. p. 542. seq. conf. ROGER. p. 382.  
i) loc. cit.

k) Conf. Relat. Mission. P. I. p. 53. 388. 420. 487. 871. 603. 765. LA CROZE p. 619. ROGER. p. 304.

275', Indos originem animarum ex Deo cum maris emanationibus et fluminibus ex eo oriundis comparare. Id quod prorsus conficit, omnia ex Indorum mente ex emanatione constare. Nec aliud patitur hoc systema, cum quodcunque reale, bonum, substantiale est, in hoc fonte lateat, exque eo progressum visibile fiat. Quo pacto turpissimum enthusiasmum atque deismum satis impium introducti nemo non videt. Non repetemus ea, quae iam aliquoties de Quietismo Indico, Sinico et Iaponico diximus, sed monebimus tantum, ineptum pariter et impium hunc enthusiasmum magnas praestantissimorum inter Indos philosophorum voces suspectas facere, et polluere, ut ex iis, quae de morali philosophia harum gentium dicemus, patebit. Vno iam exemplo, eoque memorabili rem illustrabimus. Afferit ex memoriis Ziegenbalianis sequens effatum, pulchrum in se et Deo dignum CROSÆVS<sup>m</sup>. Vna tantum vera essentia est, quae omnipraesens est ubique, et quae radiorum solis instar se omnibus insinuat. Tu te mihi dono dedisti, et ego me tibi; vidit id oculus meus, et comprehendit id animus. Illapsus enim mihi es, o Deus, ut fulmen e coelo. Haec si fundamentis theologiae Indicae adaptentur, patet magnificam hanc sententiam nihil aliud, nisi deismum vel enthusiasmum irrationalem, et physicam essentiae diuinæ participationem inuoluere. Alia ex Barthrouheri sententiis a ROGERO editis colligi possunt, quibus hic enthusiasmus in aprico ponitur. Quae apud ipsum legenda; nobis enim non licet esse tam prolixis.

XLIV. Post mortem potest homo per transmigrationem non modo brutum, sed et creatura inanimata immo diabolus euadere<sup>o</sup>. Fulcit haec thesis obseruationem asserto XL. adiectam.

XLV. Felicitas animae post mortem partim in aliis mundis, partim in coelo quaerenda est.

XLVI. Ea felicitas per remissionem peccatorum, et per bona opera acquiritur; remissio peccatorum autem itineribus religiosis ad sancta loca, festiuitatibus, lotionibus et sacrificiis obtineri potest<sup>p</sup>. Inter haec salutis media plurimum lauacris tribuunt, cuius rationem quaesitus a Ziegenbalgio<sup>r</sup> Bramana quidam respondit: fieri ideo, quia aqua diuinitate non careat, et magnas res in mundo efficiat, rebusque omnibus plurimum salutis afferat, velut mater alrixque.

XLVII. Peccata post hanc vitam in inferno puniuntur, in cuius tenebris tamen cruciatus non nisi paucorum aeternum durant.

XLVIII. Quoniam animae omnibus animalibus insunt, ideo nefas est, ea mactare eorumque carne vesci. Maxime vero impium est vaccam interficere, quae sacrosancta est<sup>r</sup>. Fluere hoc dogma ex metempsychosi ex dictis

D) p. 309. 310.

m) p. 593.

n) ibid. p. 449.

o) H. p. 415. 421. 438.

p) Relat. Miss. Ind. P. I. p. 704.

q) ROGER, p. 451. seq.

dictis est manifestum. Vaccarum sanctitas autem tanta est, ut earum carne non nisi fex plebis nihil quod fas est, curans vescatur, et tum finis sacrosanctus sit, tum cinis ex eo praeparatus idololatriae turpissimae materiam praebeat. Originem autem huius ineptae βουλατρείας ex Aegypto petendam esse, nemo non videt, cui res Aegypti veteris ignotae haud sunt.

Haecenus theologia Malabarica, cui quaedam physica subiungimus, ut constet, quo modo de rebus naturalibus philosophari Indi audeant:

*Physica Malabarica.*

XLIX. Quinque sunt elementa, terra, aqua, aër, ignis et agachum, id est spatium inter coelum et atmosphaeram nostram.

L. Tria sunt mortis et corruptionis principia, quae ex vnione animae et corporis oriuntur, Anoubum, Maguei et Ramium. Anoubim est cortex animae, forte ὄχημα Platoniorum vel materia; certe simile quid Klippoth Cabbalistarum; Ramium fomes cupiditatis pravae in anima latens; Maguei phantasia eiusque directorium.

LI. Quinque sunt classes vitae; vegetatiua, quae omnibus corporibus inest, vita, voluntatis, sapientiae et felicitatis.

LII. Tria sunt temperamenta, melancholicum, sanguineum, phlegmaticum.

LIII. Obtinet melancholicum temperamentum apud sapientes, modestos, duos, et indole bona praeditos homines; sanguineum facit poenitentes, resipiscentes, temperantiae et virtuti deditos; phlegmaticum gignit impuritatem, fraudes, iniquitatem, mendacium, pigritiam, tristitiam.

LIV. Diei noctisque vicissitudines ex solis declinatione circa montem ingentem oriuntur. Veterem at ineptam coniecturam esse, olim iam Indis receptam alibi ostendimus.

LV. Metalla emendare et transformare in aurum possibile.

LVI. Dantur dies fausti vel infausti nescitque, qui diligenter observandi sunt, ne atro die quid suscipiatur male euenturum. Vetus haec quidem superstitio est, inter barbaros diu iam per omnes terras recepta, ast non maiori cura et studio culta, quam apud Indos, cuius exempla dabunt Missio Danica et ROGERVS.

Praeter haec pauca quaedam alia sunt, his tolerabiliora, ast priuatorum tantum sententiis celebrata, quae tamen, quia ad opiniones totius gentis cognoscendas nihil faciunt, hoc loco non tangimus.

*Doctrina moralis Malabarica.*

§. VI. Restat moralis doctrina Malabarica, cuius elegans specimen exhibuit ROGERVS. Is enim libro suo BARTHROVHERRI, Bramanae

r) Rel. Miss. P. I. p. 181. 467. 616. 402. ROGER. I. C. KÄMPFER, Hist. de Japon. P. I. p. 60.  
s) LA CROZE p. 622. seqq. Relat. Mal. P. I. p. 394. seqq. P. II. p. 398.

t) Ibid. p. 623.  
u) P. I. p. 206.  
z) p. 122. 134.

nae sententias centum de via ad coelum, tum dicta centum de vita rationali et prudente inter homines adiecit, eo quod magnae inter Indos istos auctoritatis esse perhibentur. Tradunt enim hunc Indorum philosophum filium fuisse Bramanae cuiusdam, mulierosum primo et voluptatibus maxime deditum, ita ut trecentas vxores duceret. Patrem autem eius lethaliter decumbentem cum filiis valedixisset, moestis hunc oculis intuitum indoluisset, quod matre Sudraes, i. e. laica genitus, e multis quas habebat coniugibus, plurimos liberos suscepturus esset; qui quoad in mundo cum posteritate sua vixerint, ipsum coelo excluderent; adeo nefas apud Indos inter Bramanas habetur mulieri ex alia familia misceri. Id adeo commouisse, ferunt Barthrouherri animum, ut relicto patre, dimissisque vxoribus caput tonderet, indumentoque rubro amictus Sanjasi quendam effingeret, sanctitatis colendae causa. Patrem vero conspecta pietate filii ei vitam promississe, quam diu terrarum orbis durauerit; non irrito euentu, inuisibiliter enim eum postea inter homines velut angelum obambulauisse. Patre itaque decedente ad peregrinationes per orbem se accinxisse, vxoribusque permisisse, ut iterum nuberent aliis; ipsum autem totum coelestibus intentum ex veterum scriptis et propria meditatione sequentes sententias et dicta collegisse. Quae magnificam pleraque doctrinam inculcant, quam tamen systemate emanatio in aedificatam fundamento periculoso niti, hincque entusiasmo latente grauida ~~per se~~ nonnunquam gignere recordandum est. Ipsae vero meditationes pulcherrimae sunt, et supra Indorum captum, multaque habent veterum Gymnosophistarum sententiis haud dissimilia. Quorum ut exemplum Lector habeat, ex multis extantiora et memorabiliora hic apponemus:

I. Vita hominis instar guttae aquae est: et tamen propter eam principum aulas sequitur, eorumque actiones laudare non erubescit, non expensans animo, ita se peccare.

II. Decrescit hominis corpus et senescit, cupiditas animi autem quotidie iuuenescit.

III. Quamuis diu durent res terrenae, tamen finem capient, eoque tempore quo corrumpentur, animum dolore replebunt et tristitia. Qui vero mature eas relinquit, quia aeternum durare nequeunt, certam animo tum tranquillitatem pariet.

IV. Deserunt autem diuitias et cupiditates omnes illi tantum, qui coelesti cognitionis lumine instructi sunt.

V. Habent viri sapientes bonam huius vitae et felicitatem temporalem pro carcere, quo a coelestium rerum cupidine retrahuntur; ideo mature haec omnia deserunt.

O o o o o

VI. Cum

y) Hi Gymnosophistae veterum, recentiorum Mystici sunt.

VI. Cuncta timori exposita sunt; nihil autem illi timendum est, qui in via Dei ambulat.

VII. Nihil est in mundo, quod perdurare possit, et finem tandem aliquando non videat.

VIII. Funiculus est, cupiditas; eum rumpi ne impediās, vel aegre feras: Deo autem confidenter te trade, et saluus atque beatus euades.

IX. Omnia fert secum tempus, hoc itaque reuerenter habere memento.

X. Non concupiscenda ea sunt, quae incerta.

XI. Si mundi rebus inhias, magnis molestiis cruciaberis; quaerendus itaque magis tibi locus Dei est, quem si inueneris, omnem mundi molestiam laetus contemnes.

XII. O animule! qui quaeso fit, ut dum omnia perquiris, eum, qui in pectore tuo habitat Deum non inuenias?

XIII. Quaerenda est animae beatitas ante morbum et senium. Si enim tantam curam differes, idem ages, quod ille, qui tum demum puteum effodit, cum tecta ardent.

XIV. Mitte cogitationes terrenarum rerum, quae corpus occupant, abice scientiam, quam comprehendere alii nequeunt: quid enim in his consilii ubi mortis hora ingruit?

XV. Est terra lectus sapientis, brachia culcitra, coelum tectum, ventus ventilabrum, luna candela; corporum vxor; annon is hoc pacto princeps est?

XVI. Impossibile est hominem stolidum et iratum verbis prudentibus compercere.

XVII. Bonum est, hominem, qui pauca scit, inter sapientes filere; hoc enim in potestate sua habet; et ita ignorantiam suam teget, et inter sapientes numerabitur.

XVIII. Diuitias animi fures furripere nequeunt, quo plus ex iis distribues, eo magis augebuntur.

XIX. Recte et prudenter differere, vera hominis ornamenta sunt.

XX. Thorace opus non habet, qui iniuriarum patiens est: iratus vero alio hoste non eget.

XXI. Qui cum hominibus conuersabitur, melior euadet.

XXII. Imitabitur scorta princeps, multaque simulabit; mox enim cum bonis verum loquetur, mox malis mentietur; humanus mox erit, mox iratus; studebit interdum actionibus bonis, interdum quoque malis; corradet interdum opes, interdum dilapidabit. Machiauellismum ante Machiauellum haec prodere, nemo ignorat.

XXIII. Nihil accidet homini, nisi quod destinatum illi a Birama fuerit. Tangit hoc dicto philosophus fatum, cuius indeclinabilem necessitatem eum gente sua asserit. Cuius erroris fons ex ignorata mali origine derivandus

mandus est. Nesciunt enim Indi, quid de difficili hac quaestione statuum sit, hincque de origine mali incerti illud mox ex inclinatione hominis et temperamento praedominante: mox ex animarum transmigracione, interdum ex dispositione Biramae; siue creatoris deriuant. Quibus loliis femina naturalis cognitionis Dei valde corrumpit Satanas, et animos infelices gentis valde seduxit. Et hinc Praedestinatianismus Indorum philosophorum, quem magnis vocibus commendant Barthrouherri sententiae. Qui tamen in eo laudandus est, quod hominem fati necessitate, creatorisque praedestinatione velut pilam terrae allisam, surgere, et coelum petere iubeat, cum malus trunci instar delectus maneat. Nempe etiam in aduersis fatis bonum virum inhaerere virtuti, docet, licet, quis rerum suarum exitus sit, ignoret. Ideo comparat Biramam cum figulo, tristes euentus, cum rota, animum hominis cum luto, fati dispositionem, cum axe rotae; hisque addit: quem euentum hic figuli labor habiturus sit, se nescire.

XXIV. Cuncta pessime interpretabitur homo malus.

XXV. Qui cum malis, societatem init, nequitiae filios laudat, officium non explet, fortunae fauore promotus, humilitatem pristinam obliuiscitur, viamque bonam contemnit, nunquam tranquillitate animi satiabitur.

XXVI. Vir bonus semper cupit secundum rationem viuere, malo non consentire, in aduersis animum fortem seruare, et viam vitae amare eaque delectari.

XXVII. Si quis in eremo, in vndis, inter hostium tela, in mari, vel in montis cacumine dormiat, insidiis, veneno, periculis impetitus, attamen vitae recte et pie actae opera eum seruabunt. Multa his similia inculcat Barthrouherri iucunda haud pauca, et allegoria more orientali eleganter vestita, quae vero interdum fundamento recto carent, et nubes petunt.



O o o o o 3

CAPVT



## CAPVT TERTIVM, DE PHILOSOPHIA SINENSIVM.

### §. I.

*Scriptores de  
re literaria  
Sinensium.*

**E**x India in amplissimum Sinarum imperium transgressi gentem offendimus, antiquitate, ingenio, artium cultura, prudentia politica et philosophiae studio non modo omnibus Asiae populis praefendum, sed cum Europaeis quoque, si haud paucos audias, comparandum. Quam a canis aevi vetustissimi temporibus philosophari coepisse, adeoque origines philosophicas in ea quaerendas esse, excellentissimum quoque de moribus philosophiae genus sequi magni in ciuitate erudita viri contendunt. Vt enim taceamus Iesuitas, qui doctrinam Sinensium magnis elogiis extollere coeperunt, ex quo in amplissimum regnum progressi, annunciandis religionis Christianae mysteriis manum admouerunt; ISAACVS VOSSIVS <sup>a</sup>, plurimum Sinensi literaturae tribuit, quem secutus est B. SPIZELIVS noster <sup>b</sup>. Recentissima autem aetate Sinensium philosophiam plurimum suspexit incomparabilis LEIBNIZIVS <sup>c</sup>, quem secuti sunt illustres viri C. WOLFIVS <sup>d</sup>, et G. B. BULFINGERVS <sup>e</sup>, quibus BARBAYRACIVM <sup>f</sup>, aliosque addere licet. Ast iam aevo medio fuisse nonnullos, qui Chinam ingressi, parum dignam laude doctrinam eius gentis deprehenderint, ex itinerariis Arabum quorundam, qui seculo IX illud regnum intrarunt, quae dissertationibus eruditissimis illustravit EVSEBIUS RENAUDOTIVS <sup>g</sup>, disci potest. Maxime vero recentiori aetate sacerdotes illi emissarii, qui ex aliis familiis, quam Ignatii, in hanc regionem peruenerunt, euangelium I. C. praedicaturi, quique cum Iesuitis de pictis callide et laudatis perperam Sinarum institutis decertarunt, exiguum et falsam esse doctrinam eius gentis philosophicam contenderunt: quorum obseruationes collegit, et falsitatis Iesuitas conuincere satagit ANTONIVS ARNALDVVS <sup>h</sup>. Inter ipsos Iesuitas parum eruditioni Sinensium tribuit LVDOVICVS DE COMITIBVS <sup>i</sup>, quam sententiam quoque secutus est, et dissertatione singulari demonstravit RENAUDOTIVS.

Addi

<sup>a</sup>) Obseru. variar. c. 13. 14.

<sup>b</sup>) In eleganti libello, de re literaria Sinensium.

<sup>c</sup>) In Praef. ad Nouissima Sinica et in Epistola ad Remondum T. II. p. 413. sqq. qua Introd. in philosophiam Sinensium sistit.

<sup>d</sup>) In Orat. de Sinarum philosophia, quae quantum motuum occasionem dedit in Hist. Phil. Wolfianae explicandum est, vid. LVDOVICI Iarr. in Hist. Phil. Wolf. P. I. c. 2. §. 67. p. 51. sqq. examinavit eam Ven. LANGIVS, emendauit

ipse Wolfius. Conf. qui de ea creatione libere iudicat Cel. REHMANN, loc. cit. p. 29.

<sup>e</sup>) In Specimine doctrinae vet. Sin. morali.

<sup>f</sup>) Praef. ad Pufend. §. 14.

<sup>g</sup>) 1718.

<sup>h</sup>) La morale pratique des Iesuites Tom. III. VI. VII.

<sup>i</sup>) Mem. sur l'etat present de la Chine, Conf. GUNDLING, Hist. phil. mor. c. 5. p. 35. 36.

Adi his possunt BVDDEVS <sup>k</sup>, THOMASIVS <sup>l</sup>, GVNDLINGIVS <sup>m</sup>, HEVMANNVS <sup>n</sup>, alii <sup>o</sup>. In hac opinionum diuersitate et virorum doctorum dissensu magna cautione atque prouidentia opus est, ne in partes abrepti, vel nimium tribuamus Sinensibus, vel nihil. Itaque scriptores illi attente, et sine praeiudicio, nec sine adhibito examine legendi sunt, qui de rebus Sinensium commentati sunt, quos plerosque nominauit, et more suo eleganter et acute iudicium interposuit suum Ven. IO. FR. REIMANNVS, qui *αἰωνίμωος Sciagraphiam philosophiae Sinensis noua methodo traditam et eruditorum omnium iudicio submissam* <sup>p</sup> edidit, quocum Cel. STRVVIVS <sup>q</sup> conferendus. Non repetemus eos hoc loco breuitati consulturi, sed notamus tantum, ex multis eos potissimum consulendos esse, qui philosophiam Sinensium ex instituto attigerunt, vel de theologia Sinensium tractarunt. Quo nomine nota sunt scripta THEOPHILI SPIZELII *de Re literaria apud Sinenses*, G. G. LEIBNIZII *Nouissima Sinica*, CHR. WOLFII *Oratio de philosophia Sinarum*; G. B. BVLFINGERI *Specimen doctrinae veterum Sinarum moralis et practicae*; ZACH. GRAPIVS *de Theologia Sinensium*; DOMINICVS FERDINANDVS NAVARETTA *de Regno Sinico*: et quae contra Iesuitarum ostentationes monuerunt RENAUDOTIVS et MINORELLI *in Observationibus ad errores Iuuenicii de rebus Sinicis*. Qui duo scriptores eo magis expendi merentur, quo magis a praeiudicio peregrinae admirationis et credulitatis, quod plerosque in praeceps egit, liberiores fuerunt, qui vero Minorelli nomine scriptum illud vulgavit (ipsius enim Minorelli esse Iesuitae pernegant <sup>r</sup>) et ipse diu inter Sinenses versatus est, et Iesuitas Iesuitis opposuit. Maxime vero quae Nauaretta, Antonius de S. Maria, P. Nic. Longobardus, de philosophia et theologia Sinensium tradiderunt, cum observationibus illustribus Leibnizii ad has scriptiones, eiusque epistola ad Remondum comparanda sunt, legendaque elegans et erudita diatribe Ven. CHRIST. KORTHOLTI *de Philosophia Sinensium veteri media et recentiori*, qui excusationes Leibnizii roborare et noua luce perfundere annisus est <sup>s</sup>. Cui etiam in elegantissima *Collectione epistolarum Leibnizianarum* eruditissimam epistolam praestantissimi CROZAEI debemus, in qua laterem lauisse Leibnizium philosophiae Sinensium *ορθοδοξίαν* vindicando demonstrare contendit. Tacemus scriptores, qui post ANTONIVM ARNALDVm de cultu demortuorum, maxime Confucii, apud Sinas disputauerunt, magna ex parte a B. BVDDEO <sup>t</sup> enarratos.

## §. II. Quem-

k) Hist. phil. c. 6. §. 37. Anal. hist. phil. p. 351.

l) Cogit. de libris nouis 1689. p. 600. 606. 626.

m) loc. cit.

n) Act. phil. Vol. II. p. 750.

o) HORN. Hist. phil. L. 6. c. 7. p. 309. LANG.

Annor. ad orat. Wolfii etc.

p) Brunsvig. 1727. 4.

q) Bibl. philos. c. 3. §. 3.

r) Mem. de Trévoux 1715. p. 229.

s) Extant haec monumenta scriptaque omnia in Vol. II. epist. Leibnizii a Kortholto vulgatarum.

t) In diss. de superstizioso Confucii apud Sinenses cultu, quae in Anal. hist. phil. extrat.

*Scripta Sinarum philosophica, quae edita sunt.*

§. II. Quemadmodum vero his testibus omnibus non tam secure stare licet, quam ipsis monumentis Sinarum philosophicis, ita ad eorum potissimum fidem recurrendum est, consulendique ante omnia libri gentis acutae classici. Quorum inspiciendorum copiam nobis fecit diligentia virorum doctissimorum, qui ex Societate Iesu in Chinam delati, *αὐτοῦ γράφας* Confuciana aliaque huius gentis scripta philosophica, quae apud eam publicam auctoritatem nacta sunt, collegerunt, et in Europam missa tandem ex mandato Christianissimi regis Ludouici XIV vulgauerunt. Prodiit memorabilis collectio hoc titulo: *Confucius Sinarum philosophus; siue scientia Sinica Latine exposita studio et opera PROSPERI INTORCETTA, CHRISTIANI HENDRICH, FRANCISCI ROUGE MONT, PHILIPPI COVPLETI PP. S. I. Paris clō lo c lxx xvii*. Digna est curiosa collectio, quae attente legatur et examinetur, quia omnium plurimum ad cognoscendam literaturam et philosophiam Sinicam attulit. Ornat vero eius vestibulum erudita atque luculenta dissertatio praeliminaris, in qua introductio in historiam philosophiae Sinenfis exhibetur. Sequitur philosophorum Sinenfium principis, Confucii vita; et tunc ipse Confucius // siue scientia Sinenfium Latine exposita, cuius liber primus a Cemcu, secundo Confucii discipulo vulgatus nomen Ta-Hio, hoc est *magna scientia*, accepit, quia ad instruendos praeceptis suis principes viros, qui subiectos sibi populos et regna moderantur, scriptus est: in quo auctor principes feliciter imperandi cupidos, sibi prius imperare, et initia regni a sui totius cura cultuque sumere, deinde aulam familiamue recte instituendo ad regni administrationem prudenter progredi iubet. In secundo, qui auctorem eundem Confucium habere dicitur, sed ab eius nepote Cusu dicto, in lucem publicam traductus fuit, de medio sempiterno siue de aurea mediocritate constanter omnibusque in rebus tenenda, agitur, unde nomen *Chum-yum* accepit. Tertius liber decem *Kiuen*, id est sectionibus constans, *Lun-yu*, id est, differentium colloquia, inscribitur, atque apophthegmata Confucii et discipulorum eius et his similia exhibet, quae de vitiis, virtutibus, officiis, et recto regimine praecipunt. Insperguntur passim quaedam ex monumentis Sinenfium philosophicis memoratu digna, vel alia doctrinam eorum illustrantia. Adiecta est in fine tabula chronologica scientiae Sinicae, itemque synopsis imperii Sinarum et rerum in ea notabilium. Promiserunt quoque doctissimi editores Memcli scripta, qui post Confucium seculo illi posterior celeberrimus inter Sinas philosophus fuit. Qua promissione saluam mouerunt ciuitati eruditae ea videndi, quamuis aliter visum sit cel. GVNDLING IO. Tandem desideris eruditorum velificaturus FRANCISCVS NOEL S. I. Missionarius, Pragae clō lo c cxi edit:

(f) Non esse haec scripta ipsius Confucii contendit MINORELLI l. c. f. 8. p. 178.

e) Conf. Act. erud. 1688. p. 254. seqq. ubi hic

liber copiose recensetur, quem locum consulere possunt, qui libro rariori destituuntur.

u) l. c. c. 5. p. 32.

dit: *Sinenſis imperii libros claſſicos ſex, e Sinico idiomate in Latinum traductos.* In qua collectione praeter Confuciana nonnulla comparent quoque ſcripta Memcii deſiderata. Quia vero exoterice hi libri philoſophici ſcripti ſunt <sup>v</sup>, et more gentibus Orientis recepto paraenetice tantum virtutis doctrinam proponunt, plurimum debet illuſtri BVLFINGERO orbis philoſophicus, quod diſſolutas Sinenſium ſcopas de morali et civili diſciplina colligendo, iuſtum et ordine philoſophico cohaerentem ethicae et politicae faſciculum historiae philoſophicae ſtudioſis ſuppeditauerit, dolemus autem Memcii ſcripta ſimul eum in uſus vocare non potuiſſe. Plurima vero de fide harum collectionum controuerſia inter eruditos fuit, poſtquam Ieſuitae in ſuſpicionem venerunt, eos monumento- rum Sinicorum interpretationem genuinam non dediſſe, ſed multa ad iuuandam cauſam ſuam adulteraſſe. Quidam enim, qui conuenire Ieſuitarum interpretationem et relationes cum iis, quae Dominicanae familiae ſodales retulerunt, de fide Coupleti et ſociorum dubitandum non eſſe cenſuerunt <sup>w</sup>. Alii, quia linguae Sinicae ignorantia et ἀγχερύπων Sinicorum defectus comparationem et examen non admittit, iudicium ſuſpendere maluerunt. Inter quos eſt ven. REIMMANNVS <sup>x</sup>, *qui bona an mala fide ex lingua Sinica in linguam Latinam ſint translati, eos iubet diſpicere, qui vna cum monumentis authenticis vtriuſque linguae habent facultatem.* IDEM de Collectione ſcriptorum Memcii a Noële edita iudicat: *Non eſſe dubitandum, eum genuinum illorum ſenſum et aſſequi potuiſſe et reuera aſſecutum eſſe, cum viginti integros annos ſe addiſcendae linguae et libris Sinicis peruolutandis vacaſſe profiteatur.* Aſt longe alia mens fuit aliis viris doctis, qui diligentiam magis et iuuandi res ſuas ſtudium quam fidem in Ieſuitis eminere cenſuerunt. Non memora- bimus in praefentia obiectas in tradendis rebus Sinicis falſitates ab Obseruatore <sup>y</sup> in *Iouenſii Historiam Societatis*, qui ipſe legi meretur; ſed ad eruditiffimum RENAUDOTIVM <sup>z</sup> prouocamus, qui Ieſuitarum fidem ſubleſtam eſſe inde demonſtrauit, quia tabulae Aſtronomicae, quas Ieſuitae exhibuerunt, ab eis non integrae et incorruptae editae, ſed ad tabulas Tychoſis Brahei reformatae ſunt. Id inſtituta comparatione Caſſinum et Picardum obſeruauiffe, idque faſſum quoque candide eſſe Coupletum obſeruat. Tale quid autem cum auſi Ieſuitae fuerint, an non in philoſophico argumento idem tentauiffe iuſtiſſima ſuſpicio eſt? Idem quoque monet, verſionem a Coupleto fociis ſue editam, paraphraſin eſſe, ſine qua Confucii ſcripta plane intelligi nequeant: quae ſi propius inſpiciatur, fatendum eſſe, omnium rectiſſime pronuntiauiſſe Laurentium Magalottum, et Carolum

Dati,

<sup>v</sup>) Vid. A& Erud. 1711. p. 285. ſeqq. 1712. p. 123. 224. ſeqq.

<sup>w</sup>) LEIBNIZIVS, BULFINGERVS, KORTHOLTVS II. CC.

<sup>x</sup>) loc. cit.

<sup>y</sup>) MINORELLI, I. C.

<sup>z</sup>) In Diſſ. praelim. I. C. quam Germanica lingua inſeruit A& phil. Vol. II. p. 717. ſeqq. doctiſſimus HEYMANNVS.

Dati, postquam cum Grubero et Oruillo S. I. ex China redeuntibus de doctrina Sinensium contulissent: esse eam ethicam Confucianam a theologia Scholastica transformatam. Addi his debet, ex relatione *Actorum Eruditorum* \*, AYM ONIVM versioni Iesuitarum velut imperfectae et multis in locis adulteratae nouam et fideliolem melioremque versionem surrogare promississe. Idem de Noëlis versione Sinicorum scriptorum iudicium est, quam meliorem accurationem non prode, nonnulli iudicarunt. Certe, ipsi, qui tantum Sinicae philosophiae pretium statuit, celeberrimo WOLFIO †, visus est *post tot annorum studium non satis intellexisse, quid verbis philosophorum Sinensium subdit*. Ex his vero intelliget lector, quam difficile sit de genuinis Sinensium dogmatibus sententiam dicere, et quam incerto talo consistant, quaecumque ex his libris de eo argumento afferuntur. Recurrendum itaque ad modestum Pyrrhonismum historicum, vel saltem nihil certi statuendum, sed intra verisimilitudinis cancellos cuncta redigenda; maxime vero, quae de philosophia Sinensium ab haud paucis magnifice praedicantur, examinanda accurate, abiectoque omnis partis studio, et inepto peregrinarum rerum amore explorandum, annon notiones Sinensium incertae, confusae nihilque distincti significantes certis et clarioribus definitae sint vocibus? annon meditationes dispersae et nullatenus cohaerentes, in vnum systema, excogitato connexionis vinculo, ire coactae sint? an non allegorica, hieroglyphica, aenigmatica multa secundum electas deamatasque hypotheses sint explicata? annon suppressa silentio multa, vel commoda interpretatione in tolerabiliores sensus peracta sint? Ad quos scopulos offendisse multos, qui Sinensium philosophiam comere ornareque susceperunt, ex dicendis constabit. De Sinensi itaque philosophia tota fere tractatio hypothetica et coniecturalis est.

*Origines historiae philosophicae Sinensis obscurae et incertae.*

§. III. Obscurissimae sunt magnaue incertitudine laborant origines historiae philosophicae Sinensis, ob incertas et maximis dubiis expositas chronologiae Sinicae rationes, quas cum veris temporum notationibus conciliare velle, idem esset, ac inter tenebras lucemque pacisci. Et antiquissima quidem philosophandi initia sunt, quae inter Sinas feruntur: ea enim ad primum imperii gentisque conditorem Fohium referunt, qui, si Sinarum chronologia standum est, annis ante natum Christum clo clo lccc cliv, gentem feram ad rationes humanas reuocasse, legemque illi tulisse dicitur. Incipit enim cyclus Sinensium anno ante redemptum orbem clo clo lccxlvii, octauo anno imperatoris Hoangti; ante quem

\* 1713: p 46.

† l. c.

\*) Ad has quaestiones illis respondendum est, qui fide sublesta vacare Iesuitarum relationes et versiones contendunt. Horum enim accusantur Iesuitae ab illis, qui diu in China fuerunt, linguam didicerunt, cum literatis Sinensibus conuersari sunt; eiusmodi emendatarum rationum Sinicarum su-

spicionem corroborare exempla luculenta, maxime vero excogitata iuxta commoda Societatis interpretatio eorum locorum, quos esse obscurissimos et incertos in confesso est. Iesuitarum itaque eorumque qui illorum partes tantis animis agunt, contra has obiectiones et suspiciones apologia certioribus, quam fieri solet, rationibus facienda est.

quem cum imperio praefuerint Fohi et Xi-nung, quorum ille CX annos, hic CXL imperasse dicitur, ad dicta tempora aetas Fohiana necessario referenda est. Ast si calculos Petauianos sequimur, magna verisimilitudine se commendantes, incidit natiuitas Θεανθρώπου in annum mundi c l o c l o c l o c l o c c c l x x x i x, diluuium vniuersale in annum mundi c l o c l o c l v i. Quod si itaque in dicta tempora incidunt anni Fohiani, aliquot eum seculis ante diluuium vixisse oportet. Cui cum non interrupta serie successores fuisse Sinas asserant, sequitur inde necessario, aut rationes historicas et chronologicas Scripturae sacrae aut Sinicas falsas esse et corruptas. Passim ideo dica scripta est Iesuitis, quod arenoso huic fundamento totam fabulam Sinicam inaedificauerint. MINORELLI <sup>b</sup> enim, vel quisquis eius nomine Iuencii falsitates et errores castigauit, monuit, *Chronologiam Sinicam a recentioribus descriptam esse, nullo certo fundamento, cum in libro Xuking imperatorum anni saepius non numerentur, qui vnicus tamen historiarum liber plenam apud Sinas auctoritatem habeat; nec Confucii auctoritate, quod Iesuitae contendunt, confirmatam esse, quo recentior longe sit.* RENAUDOTIVS <sup>c</sup> autem, ad Cassinum prouocat, obseruantem, annorum quingentorum errorem in calculo Sinensium chronologico deprehendi: quem tamen venerabilis senex ALPHONSVS DE VIGNOLES, (qui cycli sexagenarii a Ianao Sinensium mathematico, anno A. C. N. vt ferunt c l o c l o c l x x, in ordinem redacti rationes luculenter docteque explicuit <sup>d</sup>, et obscurissimo argumento more suo lucem egregiam affudit) accusat, quod cyclum Sinensium cum tabulis eorum astronomicis confuderit. Ipse vero ex Societate Iesu missionarius, vir acutus et doctus NICOLAUS LONGOBARDVS <sup>e</sup>, iubens concedit, incertas turbatasque rationes temporum Sinenses esse. Haud ita pridem autem chronologiae Sinensi nouum lumen accendit IOANNES FRANCISCVS FOUQUETVS. Is enim redux ex China attulit tabulam chronologicam historiae Sinicae connexam cum cyclo, qui vulgo Kia-tse dicitur, compositam a NIEN scriptore inter Sinas maximae exultationis, ex equestri apud Tartaros stirpe oriundo, muneribus inclyto, proregis filio et fratre praefidis duarum prouinciarum, quem viuum adhuc cum ex China discederet, Fouquetus reliquit. Ex hac Nienis tabula chronologica perspicuum esse obseruat, qui eam rarius occurrentem ad manus habuit Ven. KORTHOLTVS <sup>f</sup>, *Epocham veram atque certam historiae Sinensis ad quadringentos circiter annos ante natum Christum reuocari oportere. Et Sinas quidem initia gentis suae longius audere arcessere, et varias habere imperii sui historias et epochas diuersas; de iis autem Fouquetum explicatim annotare, ipsos inter se non minus acriter digladiari, quam nostros de originibus Chaldaeorum*

Ppppp 2

daeorum

b) p. 121.

c) I. c. A&amp; phil. Vol. II, p. 733.

d) Miscell. Berolin. T. IV, Obi. 2, p. 24. seqq.

e) T. II, Epp. Leibniz. p. 28.

f) Praef. ad Vol. II, Epp. Leibniz. p. 27.

*daeorum Assyriorumque et Aegyptiorum dynastiis. Quamobrem in Sinensi imperio de incunabulis et primordiis illius nationis, unicuique quod libet, credere licere.* Ex quo falsum esse, deprehenditur, quod IUVENCIVS §, scribere ausus est: *vetustatem Fohi imperiique Sinici, confirmare historiam Sinicam, tantam auctoritatem literatorum iudicio, ac potissimum Confucii auctoritate adeptam, ut eam vocare in dubium nemo prudens, ac nisi, ut disitent, haereticus possit.* Ob quod mendacium merito acri MINORELLI s calamo Iesuita vapulauit. Nos incertitudinem antiquitatum Sinicarum non magnopere miramur, recordantes Chaldaeos atque Aegyptios, quos tamen omnium primos imperia condidisse constat, non minus in antiquitate gentis suae asserenda supra omnium fidem ineptuisse, moremque gentium omnium fuisse, ut origines suas innata gloriae cupiditate antiquissimas faciant. Vnde prorsus nullam esse Sinicae chronologiae auctoritatem in comperto est. Quamvis enim imperatorum successiones crepent, annosque definiant, fabulas tamen fumosque eos vendere, et vel ex vno πολλόνύμων plures exsculpsisse, vel ad ementiendam antiquitatem quosdam a gente superba et fastu plena infartos isti seriei fuisse, aut annos nimium productos, est manifestissimum. Quae tamen non obstant, ut non satis vetustas esse origines Sinenses putemus, cum post disiectas linguarum confusione gentes mature in illas oras nonnullas descendisse ex Iaponensium quoque historia constet. A Noachi tamen filiis istam terram iam cultam habitatamque fuisse nobis verisimile minime videtur: cum et tanta terrarum distantia a sede Noachi sit, ut filios eius illuc penetrauisse minime sit probabile, qui in propinquiore sine dubio regionibus, maxime iis, quae ad meridiem fuere sitae, confederunt; et vita plane fera et belluinis moribus acta, quae primis Chinae incolis tribuitur, tantum luminum Noachicorum, in filiis eorumque familiis resplendentium iubar minime patiatur. Suis itaque in tenebris origines Sinenses relinquendae sunt.

*Fohi primus  
Sinensium le-  
gislator.*

§. IV. Fabulis inuoluta est tota Fohii historia, qualem Sinae enarrant: id quod nemo rerum veterum intelligens mirabitur, cum et legistatores ipsi diuinas sibi et admirandas origines soliti sint adscribere, ut diuini ortus opinione animos hominum velut vinculis quibusdam constringerent, et religione deuincirent, et homines feri in vitae humanae ordinem moresque rationali creatura dignos redacti, atque insignibus humanae vitae beneficiis mactati eorum, quos viuos suspexerant, memoriam post fata fictis narrationibus posteritati reliquerint. Id cum in plerarumque gentium antiquissimarum originibus euenerit, in Sinicis quoque non euenire non potuit. Et vixisse quidem hanc tanta temporum antiquitate, ut diluuium anteuertat, nugantur Sinae; quos si non totos audiendos, ita tamen intelligendos esse admiratores sapientiae Sinicae contendunt,

ff) loc. cit.

g) l. c. p. 121.

tendunt, vt hunc Fohium vel Noachum ipsum, vel filiorum eius vnum fuisse coniciant. Quam opinionem recitasse, est refutasse, adeo absurda et inepta est. Tradunt autem Scriptores Sinenfes <sup>b</sup>, eum a matre ab iride circumdata in prouincia Xen-Si conceptum sicque ἀπ'αίρουα natum esse. Cuius generis ortum diuinum cum plures veteres legislatores calide ementiti sint, nobis non monentibus lector intelligit, vnde haec traditio genita fuerit. Adultiorem, cum diuino intellectus acumine gauderet, ad emendandos mores ferinos Sinenfium animum adiecisse, dicunt. Brutorum instar enim viuentes cruda carne victitasse, et a concubitu promiscuo ac incestu non abhorruisse, ita ratione humana situ et squalore obducta, vt nec patrem quis sciret suum, nec ius fasque vllum intelligeret. Eos itaque a belluina vita et perdita viuendi consuetudine reuocaturum, leges illis tulisse, matrimonia instituisse, ordinem viuendi praefcriptisse, animalium pisciumque capiendorum rationem monstrauisse, ordinem quoque colendi coeli terraeque numina, et sacrificia offerendi modum docuisse; literas inuenisse, et artium rudimenta tradidisse. Qua in narratione id Fohio tribuitur, quod in aliis regionibus primis gentium conditoribus solet adscribi. Nempe apud Sinas quoque antiquissimos

*fuit haec sapientia quondam*

*Publica priuatis secernere, sacra profanis,  
Concubitu probibere vago, dare iura maritis,  
Oppida moliri leges incidere ligno <sup>i</sup>.*

Et hoc quidem pacto regnum sapientia magis, et auctoritate, quam potentia obtinuisse, et annis CXV prudenter administrauisse sede ex prouincia Xen-Si, vbi natus erat, in Chin-chen oppidum prouinciae Honan translata, Fohius dicitur.

§. V. Legislatorem haec quidem probant, qualem fuisse, Her- *Fohius an*  
meti forte, Orpheo, similibusque non minorem, facile persuaderi nobis *philosophus*  
patimur, nihil enim in hac sententia est, quod non verisimilitudine se *fueris?*  
commendet. Ast non legislatorem modo Fohium faciunt, sed et magnum philosophum atque theologum, quotquot in Sinenfium admirationem rapti, frigidamque Iesuitis suffundentes maxima quaeque de Sinenfium philosophia cogitant. Duplex autem philosophiae Fohianae argumentum est. Nam, si Sinas audimus, ille praeter inuentas literas et musica instrumenta duo, vnum viginti septem, alterum triginta sex fidium, arcanioris philosophiae principia in libro Ye-kim dicto, aenigmatica methodo proposuit; et imprimis colendi numinis coelo terraeque praefecti rationem monstrauit. Vtrumque philosophiae Fohianae caput paulo attentius considerandum est, vt quid verisimiliter illi temporum canitiei

Ppppp 3

tribui

h) Debemus notitiam historiae Fohianae COV-  
PLETO et seciis, vid. Praef. Chronol. tab. §. 1.

p. 3. seqq. Conf. MART. MARTINVS Hi-  
stor. Sinic. p. 21. seq. i) HORAT. in Art.



tribul queat, dispicere possimus. Est autem liber Ye-kim tertius librorum Sinicorum antiquissimorum, in pentateucho siue V-kim contentorum, de quo infra nonnulla trademus. Constat libellus, figuris siue lineis duplicis generis, integris — et interruptis —, ex quarum multiplici combinatione tabula figurarum sexaginta quatuor exsurgit. Dici non potest, quantis interpretum tum veterum tum recentiorum coniecturis aenigmata haec torta et vexata fuerint, et torqueantur hodie, id quod monumentis veterum symbolicis et aenigmaticis necessario evenire debere, et exempla philosophiae Aegyptiacae, et ipsa ratio nos conuincit. Et Sinarum quidem acutissimi, id voluisse Fohium putant, vt rerum creatarum nexus, combinationes, societates, vel etiam pugnas et dissonantias, tum influentias, vicissitudines, et alterationes gentem rudem et infantem quasi docendo, istis gradibus ad sui principii vltimique finis supremaeque spirituum intelligentiae notitiam manu quasi perduceret. Alii antiquiores ad auguria et diuinationes illum libellum adhibuerunt. Confucius, vt infra dicitur, quique ex eius disciplina progressi sunt, et ante eum rex Ven-vam, qui vndecimo ante C. N. seculo vixisse dicitur, praeter physicas qualitates morum praecepta virique perfecti effigiem in eo quaesierunt: de quibus celeberrimi libri interpretationibus multa in *Dissertatione praeliminari* affert COVPLETVS <sup>k</sup>. Nostro autem tempore illustris Leibnizius, vt profundissimo ingenio utebatur, facile vidit, in simplicitate aevi Fohiani simpliciore aenigmatum huius solutionem quaerendam esse. Vnde cum arithmeticae diadymae rationes detexisset, cuius historiam in eius vita iam adduximus, obseruauissetque istis duabus figuris I et O creationis mysterium adumbrari posse, eam ad Grimaldum S. I. tribunalis mathematici praesidem in imperio Sinenfi misit, vt imperatoris animus ad meditanda Christianae religionis dogmata illa excitaretur; eandem vero quoque communicauit cum Bouueto S. I. sacerdote Pekini commorante. Vidit is illico Leibnizium simplicissimam rationem figurarum Fohianarum detexisse; atque in literis ad Leibnizium datis magnam illam LXIV figurarum tabulam communicauit; quae Leibnizio iudice, veram esse hanc explicationem conuincit, si lineam non interruptam interpreteris per I, interruptam per O. Nos daui quidem sumus in tantae antiquitatis aenigmatibus soluendis, et facile aliis Oedipi gloriam relinquimus. Ast si tamen nostra pro instituti nostri ratione sententia dicenda est, fatemur, videri nobis aenigma illud plane insolubile: non, quod solutiones probabiles afferri nequeant; sed quod ita cum omnibus symbolicis et hieroglyphicis mysteriis comparatum sit, vt quo quis est ingeniosior, eo meliores et verisimiliores explicationes afferre soleat, ea autem ipsa varios sensus recipiant, de quorum veritate nemo hodie statuere potest; postquam clauem auctor non addidit. Quod luculenter inde probatur, quod nemo Sinarum ad hunc vsque diem mysterium hoc explicare potue-

<sup>k</sup>) Conf. illustris BULFINGERVS, de Phil. mor. Sinenfium app. §. 89. fq. p. 349. fq.

potuerit, vt fatis fecerit <sup>1</sup>. Si itaque certitudinis ἀκριβεια sectanda est, plane pro desperato in tenebris suis relinquendum est. Quod si vero, vt haud pauca in philosophiae historia sunt, quae solis coniecturis nituntur, ad verisimilitudinis speciem aliquam res reuocatur, tunc imprimis ad eam regulam attendendum esse putamus, quam certissimi canonis modum obtinere, artis criticae periti norunt: eam interpretationem esse probabiliorē, quae et auctori, eiusque scopo et circumstantiis, et tempori in quo vixit, maxime conueniat. Quae vbi admittitur, nemo non intelligit, parum verisimilitudinis eos pro sua opinione militantis habere, qui nescio quae philosophica mysteria, vel metaphysica, vel ethica in istis lineolis contineri putant. Nam nec Fohiano ingenio, licet id excelsum et acutum fuisse concedamus, tribui possunt, quod se non theoreticis cogitationibus, sed legislatoria prudentia demonstrauit; nec ad istius temporis circumstantias applicari, quae tales fuerunt, vt subtilitatibus eiusmodi philosophicis populum rudem, ferum, et ab omni fere rationis vsu semotum imbuiere voluisse Fohium, ab eius prudentia prorsus sit alienum, qui littora arauisset, si speculationes arduas et difficiles aenigmatum integumentis obscuriores fecisset, populum eruditurus, qui prima doctrinarum rudimenta methodo planissima erat edocendus. Quo simplicior itaque interpretatio est, eo verisimilior, modo supponatur, quod sola Sinensium fide omni exceptione non maiore nititur, librum istum vere Fohianum esse. Vnde fatemur, magni Leibnizii diadycam arithmeticae reliquas omnes explicationes longo post se intervallo relinquere. Vt enim lineolis Fohianis egregie respondet, earumque apertissimas rationes docet, ita verisimillimum est, Fohium, qui rerum in vita humana necessariarum et vtilium inuentione ferociam gentis perdomare studuit, numerandi artem, et quidem modo simplicissimo et stupida atque nondum defecata ingenia decēte, illi tradidisse; aetatem autem sequentem alia numerandi ratione inita, quam describit Cl. HEILBRUNNERVS <sup>m</sup>, eius arithmeticae fuisse oblitum: vnde factum, vt cum antiquitatis praeiudicio fascinati Sinae ad Fohium suorum φιλοσοφουμένων originem, more antiquitus recepto, referrent, in his lineolis alia longe mysteria quaererent, et alias interpretationes afferrent. Quae non magis simplici isti explicationi ob stare possunt, quam explicationes philosophicae Aegyptiorum de hieroglyphicis figuris simplicitati primae inuentionis. Ast haec tantum verisimilitudinis gradum respiciunt. Manet tamen incertum, vtrum Fohius ad hanc numerandi rationem peruenerit, praecipue cum alius, quam qui in arithmetica dyadica obtinet, ordo istarum lineolarum a Sinis adhibeatur: de quo incertum est, annon ita ab ipso Fohio traditus sit.

Licet

h) Nempe suas quisque et praeceptorum storum hypotheses in istis lineolis vidit, et antiquissimo tempore recentiorum philosophemata affricuit. Qui mos interpretandi vetera monumenta, quam prauus et ineptus sit, ex damno, quod historiae

philosophicae intulit, est manifestum. Idem vero Fohianis lineolis accidit, quod tabulae Iliacae, in qua quilibet suas opiniones detexit.

m) Hist. mathes. L. I. cap. 28. §. 606. p. 524.

Licet omnino probabile sit, Sinas posteriores, cum aenigma Fohianum non intellexissent, figuras istas, ita transtulisse, et suae catenae eripuisse, prout imaginatio eorum nouas explicationes comminiscens, exigere videbatur. Id quod ex eo colligi potest, quia in ordine primarum octo figurarum ex Coupleti testimonio Sinæ variant. Alterum philosophiae Fohianae caput theologia naturalis est, quam satis puram et orthodoxam subiectis sibi gentibus eum tradidisse, docendo, quomodo summo spiritui coeli et terrae sacrificia offerenda sint, multis narrant, qui philosophiam Sinensem veterem commendant. Vnde magna nostra aetate enata controuersia, vtrum Fohi et sequaces inter veri Dei cultores, an inter Atheos numerandi sint? Quae quaestio cum explicari, nisi theologia Sinarum in partes vocata, non possit, eam infra, vbi de placitis Sinarum veterum philosophicis differemus, ex instituto excutiemus.

*Sucessorum  
Fohii rationes  
modusque  
philosophandi.*

VI. Eadem, quam Fohius adhibuit, ratio obseruata quoque est ab illis, qui in regno successerunt; illi enim Fohianis vestigiis insistentes non regere modo populos, sed docere quoque contenderunt, regi sui indole ita poscente, vt ad mitiores indies mores et humanitatem feri populi magis reducerentur. Factum id esse egregiis inuentis atque artificiis vulgatis, et imprimis a rege Xin-num tradita agriculturae, herbarum et medicinae cultura, varias quoque vel ipsos scripsisse, vel conscribere suos iussisse tractationes, ad vtilitatem inuentorum demonstrandam, valde est verisimile, credique sine metu contrarii, Sinensium scriptoribus potest. Eandem enim rationem apud alios quoque gentium legislatores obtinuisse, historia indubitata testimonia suppeditat. Ast accusantur quoque ab illis, qui deleta vnus Dei supremi notione cultum tantum spirituum mundi partibus praesidentium, atque idololatriam iam tum obtinuisse contendunt, quod naturalem pietatem suffocauerint. Quod tamen alii negant, et exempla in contrarium afferunt, quale illud imperatoris Ching-tang est, qui imperio diu fame presso, se hostiam piacularem numini obtulerit. Ast hunc tamen reliquosque omnes, quamuis sacrificassent, non coelorum domino, sed coelo sacrificia obtulisse contendunt, quae cum ad dogmaticam Sinensis historiae partem pertineant, hoc loco excuti non possunt, nec inquirere hic licet, vtrum summum rerum omnium parentem, an spiritus mundi praesides adorare colereque populum docuerint. Laudandum autem est in his imperatoribus non modo studium mores hominum emendandi, sed et prudentia singulari praecepta morum eis tradendi. Factum id ab illis est methodo orientalibus gentibus valde vsitata, et in se ad docendos populorum animos rudes maxime accommodata. Nempe non tantum allegoriis, similitudinibus, sententiis et huius generis aliis virtutis praecepta inculcarunt, vnde causa deriuanda est, cur ab antiquissimo tempore moralis doctrinae studium laetissime in hac gente floruerit, et ipse Confucius, se sua a priscis regibus et legislatoribus,

a) COUPLET l. c. p. 80.

bus, maxime Yao et Xun accepisse, professus sit<sup>o</sup>; sed et poësin more veterum gentium fere omnium in auxilium vocantes, leges, statuta, morum praecepta carminibus comprehenderunt: publicum autem religionis cultum ceremoniis ita repleuerunt, ut his vinculis eo certius esset populi obsequium. Qua de re ex iis, quae infra de theologia Sinensium dicentur, iudicium fieri potest. Collecta sunt tandem instituta nobilissima, sententiae et imperandi artes veterum, in scriptis, unde libri illi classici enati sunt, quibus nihil vel venerabile magis atque sanctum, vel antiquum inter Sinas habetur. Et primo quidem pentateuchus ille huc pertinet, qui *V-kim* vocatur, in cuius libro primo *Xu-kim* dicto res trium regum Yao, Xum et Yu referuntur, qui inter legislatores Sinarum celeberrimi fuerunt. In hoc libro, leges, statuta, sententiae, monita ad reipublicae regendae felicitatem, quaedam etiam ad iuris administrationem, ad Kalendarium rectamque subiectorum principi gubernationem pertinentia leguntur, veterum porro principum res pro salute publica gestae, deriuatae in mare diluuii Sinensis aquae, aliaeque, quae ad secundam et tertiam familiam imperantem spectant, narrantur. In secundo Volumine, *Xi-kim* dicto, odae et poemata exhibentur, regnante pleraque familia tertia imperiali conscripta, quibus statuta regnorum laudesque virtutis decantantur: quorum dicendi rationem breuem, obscuram, metaphoricam et pro uerbis obsoletis refertam, adeoque longe difficillimam esse, nemo mirabitur, cui antiquissimae poëseos, praecipue Orientalis, historia non ignota est. Tertium Volumen *Ye-kim* appellatum librum Fohi supra enarratum complectitur; Quartum librum Confucii *Cbum cieu* vocatum, quod idem dicit, ac, ver et auctumnus, complectitur, in quo res gestae, vitia, virtutes, et euentus earum varii principum enarrantur. Quintum *Li-Ki* dictum, rituum et officiorum memoriale est, quidque in ceremoniis sacris pariter atque profanis obseruandum, quae officiorum omnis conditionis hominum ratio fuerit, tempore trium familiarum imperialium, Hia, Xam, Cheu exponit: quam collectionem instituit Confucius, deleta vero igne iussu imperatoris Xi-Hoam-ti ex hominum memoria restituta, ideoque non valde perfecta est. Quae fusius omnia explicauerunt COVPLETVS<sup>o</sup> et LONGOBARDVS<sup>o</sup>, repetierunt BVLFINGERVS<sup>o</sup>, KORTHOLTVS<sup>o</sup>, alique, qui de literatura Sinensium disseruerunt. Ex qua antiquissimorum scriptorum collectione patet, legislatores illos veteres, (hoc enim nomen magis mereri quam philosophorum, acta eorum loquuntur) parabolis, exemplis, fabulis, carminibus, ritibus atque cultu publico ad cicurandos hominum ferorum animos, nectendam articulis suis ciuitatem, imperium formandum, obligandos subditos usos fuisse. Negari autem nequit, magnam in ea re prudentiam principes hos adhibuisse, adque id acutissimas cogitationes collineare iussisse, ut tota virtutis ratio elegans et commoda euaderet, et praecipue reipublicae salutaris,

o) IDEM p. 120.

p) l. c. p. 20

q) l. c. p. 173.

r) loc. cit.

s) loc. cit.

lutaris, quem in finem populum paucis legibus, principem, eiusque ad-  
ministratos, regionum praefectos et gubernatores multis regulis et monitis  
formare contenderunt, praeclarum civilis prudentiae specimen edentes.  
Qua de re tamen infra pluribus dicendum. Tanta autem horum libro-  
rum auctoritas inualuit, ut amplissimo commentario philosophi eos illu-  
strarent. Inde enata altera collectio non minoris apud Sinas pretii, quae  
*Su-Xu*, id est tetrateuchus vocari solet, et planiori facilliorique dicendi  
ratione comprehenditur. Exhibet ea libros Confucii, *Ta hio* siue *scien-  
tiam magnam*, *Chum yu* siue *medium sempiternum*, *Lun yu*, siue *ratio-  
cinantium sermones*, et opus Memcii *de Natura, Ritibus, Moribus et  
Officiis*. De quibus cum supra iam, quantum satis, dixerimus, hoc loco  
plura addere, nihil attinet. Tanta autem auctoritatis hi libri inter Sinenses  
sunt, ut si quis gradum inter literatos consequi velit, ex pentateucho vnum,  
tetrateuchum vero totum memoriter tenere necesse habeat. Tacemus  
alios commentatores, maxime *Ta-zivin* et *Singli*, de quorum auctoritate fi-  
deque cum LONGOBARDVS differuerit, ille potissimum adeundus est.  
Hi vero licet ex disciplina Confuciana prodierint, longe tamen infra illo-  
rum scriptorum auctoritatem sunt. Et hanc quidem primam periodum  
philosophiae Sinicae, quam primam veteris partem commode appellavit cl.  
KORTHOLTUS, vocare licet, de cuius dogmatibus infra dispiciemus.  
Nouam auspiciatus est Confucius, cuius nominis celebritas tanta est, ut res  
eius curate hoc loco tangi mereantur.

Ronsi, philo-  
sophus, quis  
fuerit?

§. VII. Fuisse ante Confucium philosophos traditiones Sinenses per-  
hibent, quarum tamen fides an satis certa sit valde dubitamus. Narrat ex  
huius gentis relatione KAEMPFERVS, anno CCCXLVI, post mortem  
Xekiae siue Iociv, ante C. N. natum fuisse Sokoki in prouincia Soo, Roofi  
quendam, quem mater annos LXXXI in vtero gestauerit, unde quoque  
nomen Roofi, id est, infantis senis ab ea acceperit. Famam de eo fuisse,  
animam sancti Kasso, qui praestantissimorum Xekiae discipulorum vnus  
fuit, in eum transmigravisse, eiusque ope ad excellentissimam naturae  
deorum, spirituum, immortalitatis animorum, futurae vitae, dogmatum-  
que aliorum notitiam peruenisse. Ast, si modo vera est tota narratio, ea  
tantum ad Li-Lao-Kiun pertinet, de quo similia Sinenses narrare infra tra-  
demus. Quod si is Xekiae sectator fuit, conciliari ea cum originibus se-  
ctae Foënae in China nequeunt, quae seculo I. post C. N. demum illuc per-  
uenit. Incerta itaque Iaponensium traditio videtur. Certiora sunt, quae de  
Confucio Sinenses tradunt, cuius memoria ad hodiernum diem venera-  
bilis apud eos est, et omnium celebratissima. Quo factum, ut inter Euro-  
paeos quoque, ex quo annales Sinenses apud eos innotuerunt, celeberrimis  
antiqui orbis philosophis adnumeraretur. Rerum autem Confucii  
historiam ex monumentis Sinicis dederunt COVPLETVS, atque B. T.  
S. BAYE-

Confucius.

r) pag. 174.

u) In Diss. de Phil. Sinens. veteri, media et noua,  
quae praefationem Vol. II. Epp. Leibnizii continet.

x) Descript. Iapon. P. I. p. 67.

y) loc. cit.

**S. BAYERVS**\*, qui consulendi. Nos strictim more nostro res eius prosequemur. Domesticum philosopho nomen **KIEV CHVM NHI** est, **CON FV g V**, quod corrupta Lusitanorum pronuntiatio in Confucium commutavit, nomen honoris et meritorum est, quod tamen quid significet, accurate dicere scriptores rerum Sinensium nequeunt; verisimile autem est, doctorem venerabilem Chum, vel Con significare. Iaponensibus, apud quos non minus, quam apud Sinenses eius memoria celebratur, **Koofi**, vel **Koo**† dicitur. Natus est anno ante N. C. **1011**, quem **ccxcix** post **Xekiae** mortem fuisse, observat **KAEMPFERVS**‡. Patriam nactus est, regnum **Lu**, quod hodie **Xantung** dicitur, editus in pago **geu ye**. Patrem habuit **Xo leham he**, praefectum regni **Sum**, ex imperatoria stirpe progenitum, matrem, **Chim**, dictam, ex generosa familia **Yen** oriundam. Natiuitatem eius miraculosam fuisse fabulantur Sinenses et Iaponenses; et futurae praestantiae atque sapientiae singularia prorsus indicia prae se tulisse; auditam esse musicam coelestem eo nato, duosque dracones illi lauando adstitisse, quaeque alia sunt, illis, quae de **Apollonii Tyanei** natiuitate feruntur, valde similia, excogitata sine dubio a successoribus, ut maior communi nascentium forte videretur. Patrem triennis amisit, matrem ad vigesimum primum aetatis annum superstitem habuit. Sex annorum puer morum grauitate, et quod **KAEMPFERVS** quoque observauit, staturae proceritate viros adaequauit. Nunquam enim visus est cum pueris lustrare, tam deuotus, ut cibos non nisi patrio prius ritu coelo venerabunde oblatos attingeret. Quindecim annorum adolescens, veteri gentis literaturae se tradidit, euoluendisque priscorum sapientum voluminibus immergit, deinde ad cognoscendos ritus civiles delatus est. Decimo nono, vel vigesimo anno uxorem duxit, **Kien** quon **Xi**, filiumque ex ea, **Pe yu**, suscepit, quem quinquagenarius, relicto nepote uxorem triennio prius morte amisit. Doctrinae vero et prudentiae laude eminens, et natiuitatis conditione illustris muneribus splendidis summisque magistratibus in variis locis praefectus est. Quibus ita fungi studuit, ut et publicae utilitatis ratio constaret, et doctrinam publicis emolumentis emendandisque hominum moribus destinatam propagaret. Quare ubi hanc sibi spem deesse intelligebat, magistratu se abdicauit. Factum id quoque cum in aula regis **Lu** voluptates triumpharent, et corrumpere principis animus cunctis foeminarum insidiis ad effoeminatos mores dilapsis. Hos enim cum emendare frustra tentasset, sponte magistratum, quem in ea prouincia gesserat, deposuit, exiliumque elegit, regna Sinensis imperii varia, peragrando, aerumnas passus, pauperiem, in-

**Qqq qq 2** fidias

\*) Mus. Sinic. T. II. p. 214. 246.

\*) **KAEMPFER**. I. c. T. II. L. III. c. 6. p. 67.

\*) I. c. Incerta tamen tempora **Xekiae** sunt: Confucii autem satis certis Sinensium testimoniis definiuntur, licet dubiter cel. **HEVMANNVS** Ad. Phil. T. II. p. 226. de hac enim, qua Confucius vixit, aetate Sinensium chronologia incerta

haud est, vixisseque diu ante C. N. ex sectae **Foë** nae historia intelligi potest.

c) Gigantea statura fuisse Sinenses fabulantur, latis humeris, pectore ample, subfusco colore, oculis nigris et praegrandibus, capillo nigro, barba promissa, naso summo, voce graui, tonitru iactat sonante.

fidias et persecutiones haud paucas. In regno Sum verò scholam tandem priuatus aperuit, et moralem doctrinam professus est. Vbi ingenti discipulorum, quos ter mille numerauit, applausu exceptus, amplissimis successibus disciplinam suam propagauit. Inter eos virtute doctrinaque eminere septuaginta duo, tantae existimationis, vt hodie eorum nomina, cognomina, patria, resque aliae memoriae hominum inhaereant; quinquenti extiterunt, qui variis in regnis magistratus gesserunt. Eos quatuor ordinibus distinguere, pro doctrinae, quam elegit, methodo placuit. Supremus in excolendo virtutibus animo posuit diligentiam; secundus ratiocinandi dicendique exercitationi vacauit; tertius dispexit de regimine politico et muneribus publicis rite administrandis; vltimus morum doctrinam, exotericam populoque tradendam, eleganti aptataque dicendi ratione proponere didicit. Veterum autem scripta explicando, hoc quoque pacto sapientiam priscorum legislatorum propagare studuit, ex quo enati illi libri sunt, quos eum conscripsisse, et discipulos nepotesque eius edidisse supra diximus. Tanto ideo discipulorum amore dignus visus est, vt defunctum per integrum annum non sine inedia, et lacrymis, lugerent, quidam triennium in eodem loco moesti persisterent. Supra modum autem eius vita, digno philosopho habitu formata et secundum virtutis praecepta acta extollitur. Totus enim pietati litabat; et philosophiam vita magis, quam voce exprimere contendebat, dignitates autem et munera publica eo tantum fine suscipiebat, vt et populo prodesset, et animos doctrina emendaret, morumque integritatem promoueret. Quod eo facilius fieri potuit, quia eius animo mirus virtutum concentus, moderatio atque continentia, aequitas atque fides, et cum grauitate iuncta lenitas infidebat. Sibi tamen ipsi seuerissimum attentumque censorem se praestitit. Qui cum ad animi diuitias vnice respiceret, ita honores opesque contempsit, vt in vnis doctrinae et philosophiae latifundiis acquirendis amplificandisque laborem omnem poneret. Qualis cum esset, nec ambitio tamen corripuit animum, nec morum insolentia grauis fuit, sed ornauere virtutes reliquas modestia, et vultu et sermone demonstrata, quae tanta fuit, vt ne quidem a se ipso arguendo abstineret. Diligentiam autem atque constantiam in docendo tantam, quantam potuit, praestitit, etsi sibi non semper se satisfacere publice fateretur. Doctrinam vero non modestiae modo caussa, sed auctoritatis quoque gratia ad priscos reges et legislatores retulit, nec se verum perfectionis gradum attigisse fassus est. Tolerantia porro laborum tanta, et adeo inuictus eum animus ornauit, vt omnibus fortunae insultibus ipsoque mortis periculo superior nullo metu frangi posset. Et haec quidem de Confucii vita Sinenses tradere, Iesuitarum fide nouimus, cuius vitae sanctitatem tantam fuisse Iuuenicius <sup>d)</sup>, ait, *vt nonnullis persuasum sit, haudquaquam hunc a rationis communi schola philosophum prodisse, sed certo numinis consilio datum, qui tenebras Orientis*

d) loc. cit.

*Oriens doctrina exemploque disceat.* Quae verba cum retulisset MINORELLI <sup>e</sup>, miratum se esse, ait, post tot ac tantas laudes, quae prophetam, apostolum, et primae notae sanctum exhibent, dicere quoque historicum basilicas sanctimoniae Confucii ab imperatoribus fuisse excitatas; recteque quaeri an fieri posset, ut Confucius ab ipsis patribus societatis sanctus non haberetur. Qua de re lectori iudicium permittimus, observamus autem, KAEMPFERO <sup>f</sup> quoque, qui Protestantium sacris addictus fuit, teste eandem vitae laudabiliter et digne actae opinionem de Confucio inter Sinas et Iaponenses obtinere. Qui annon auctoritatis praeiudicio seducti, et gentis suae admiratione, qua insanire solent, in praeceptis rapti aliquid affectui dederint, eo minus definiri potest, quo minus alia, praeter Sinarum relationes monumenta de Confucio extant. Obiit Confucius maximo omnium, regis quoque procerumque luctu annos natus LXXIII in regno Lu; quo cum discipulis reuersus erat, prope urbem Kio Feu, sepultus ad littora fluminis Su in ea, quam excitauerat et docuerat, academia; quae hodie quoque, testibus Iesuitis, muris ideo cincta est.

§. VIII. Tanta cum esset viuentis Confucii admiratio, mirum non est, maximam eius post fata venerationem fuisse. Et disciplina qui- <sup>Honores Con-</sup> dem Confuciana, quae per duo, et quod excurrit, annorum millia per- <sup>fucii post</sup> duravit, tanti sit hodie, et facta est semper, ut ad munera publica atque <sup>mortem.</sup> Mandarinorum dignitates, gradusque literatos <sup>g</sup> peruenire nemo possit, qui non eam rite pernoverit, unde ex libris Confucianis candidatorum profectus explorantur, et quo quis in hoc doctrinae genere est illustrior, eo fauentiorem sibi occasionem obtigisse credere potest, ad opes et dignitates perueniendi. Gymnasia autem ludique literarii, qui Confuciana disciplina personant, in omnibus urbibus oppidisque amplissima patent, atque in frequentioribus urbibus non vna tantum aula Confucii, excitata <sup>h</sup> est, sed aliquot eiusmodi gymnasia frequentantur. Quorum tanta veneratio apud principes quoque viros est, ut qui ex literatorum ordine publicis magistratibus funguntur, quamprimum eiusmodi aulam attingunt, e sella, qua sublimes more gentis gestantur, descendant, et passus aliquot pedes viam perficiant. In frontispicio harum aularum, tituli Confucii literis trabalibus auratisque descripti leguntur, hoc modo: *Magno magistro, illustri literatorum regi, sancto item seculorum magistro, immaculato regi sancto.* Tacemus et statuam ei positam, quam exhibet ex Trigautio SPIZELIVS <sup>\*</sup>, et decretum valde honorificum, ab impetatore Yum

Qqqqq 3 lo,

<sup>e</sup>) l. c. p. 162.

<sup>f</sup>) loc. cit.

<sup>g</sup>) Gradus honorum literarios tres Sinae habent, qui satis apte cum Baccalaureis, Licentiatibus et Doctoribus nostris comperantur, de quibus post SPIZELIVM de Literat. Sin. S. III. p. 31. multa memorabilia aëst P. AN. DE S. MARIA in Obs. de Mission. Sinica Vol. II. Epp. Leibniz. p. 283. seqq.

<sup>h</sup>) Ita perperam ARNOLDVS ad Roger, p. 721.

<sup>\*</sup>) l. c. p. 119. ARNOLD. l. c. p. 578. Alii vero statuam illi non positam esse contendunt, sed tabellam. At statuam et imagines eius varias reperiri testis auctoritas est MINORELLI l. c. p. 170.



lo, cum aliquando gymnasium Confucii adiret, editum, quo imperatorum eum atque regum magistrum salutat, eo quod rectam populorum institutionem propoluerit, vincula normamque virtutum et Sinensis imperii magnam symmetriam et formam declarando <sup>i</sup>. Familia autem Confucii, quae ultra duo annorum millia ad hunc usque diem perduravit, serie haud interrupta, ob conditorem peculiari honore colitur. Gaudet enim haereditario Mandarinum, id est, praefecti prouinciis rebusque publicis, iure, quod non nisi regii sanguinis hominibus concedi solet. Quotquot vero singulis trienniis summos eruditionis honores doctorisque gradum suscipiunt, pignus aliquod, reuerentiam Confucio testaturi, posteris eius submitunt. Ipse Confucius singulis nouiluniis et pleniluniis a literatis et magistratibus in istis gymnasiis confluentibus peculiari cultus genere honoratur, quod ab eo tempore magnarum litium argumentum sacerdotibus in has terras euangelii praedicandi causa missis, praebuit, quod Iesuitae ciuilem eum cultum esse adeoque permitti Sinensibus ad Christianam religionem conuersis posse, contenderunt, religiosum vero esse, adeoque idololatriae specie non carere affirmauerunt aliorum ordinum sacrorum missionarii. Ita vero cultum Confucii describunt, qui in istis oris fuerunt. Cum in more positum sit genti Sinicae animabus defunctorum parentum certo modo sacra facere <sup>k</sup>, ea imprimis fieri Confucio. Nempe excitatam esse prope quodlibet gymnasium Confucianum, aedem sacram memoriae eius sacram, inque ea collocatam conspici tabellam, cum hac inscriptione: *Thronus seu sedes animae sanctissimi ac superexcellentiissimi protomagistri Confucii*. Singulis vero auctumni verisque aequinoctiis omnem literatorum gentem ad hanc aedem confluere, vt communem Sinicae gentis magistrum solenni oblatione veneretur. Praecipuum Mandarinum, qui loci eius gubernator est, sacerdotis officio fungi, literatos alios diaconorum, subdiaconorum, magistri ceremoniarum, et acoluthorum partes obire: tum peculiaribus ceremoniis sacrificium Ci, offerri die prius electo, praeparatisque ieiunio et abstinentia corporibus. Hostia vero prius explorata, incensis cereis, genua omnes flectere, et preces fundere, tunc attolli calicem sanguine, aliumque vino plenum libatumque affundi statuae; et his peractis benedictione dicta concionem dimitti. Non patitur locus et instituti ratio, vt celeberrimam controuersiam, toties coram sede Romana ventilatam et aliquoties definitam de cultu demortuorum, maxime Confucii apud Sinenses hoc loco enarremus, librosque indicemus, qui de hoc argumento copiose egerunt; illud enim ad annales ecclesiasticos, hoc ad literariam historiam scriptorum ecclesiasticorum pertinet, vtrumque ab instituto nostro alienum est. Scriptores autem cum enumerarint, PRI-

TIVS,

<sup>i</sup>) COVPLET. L. c.<sup>k</sup>) Conf. BYNDERS de Superstitioso demor-

tuorum apud Sinenses cultu, Anal. hist. phil. p. 287. B. P. TIVS pec. diss.

TIVS, BVDDEVS', WOLFIVS", triumviri de re literaria meritissimi, illi consuli possunt, ut abiecto partis studio intelligatur, an satis rationum fuerint sedi Romanae, ut hunc cultum velut impium, aliquoties, etiam post mortem Tournonii cardinalis damnet. Praecipue vero in hac inquisitione ad id attendendum, utrum cultus ille demortuorum, imprimis Confucii, cum cultu spirituum, quem religiosum esse apud Sinas constat, idem sit, et ceremoniae quoque, quae eum absoluunt, coincidunt, adeoque ex eodem fundamento peragantur. Hoc enim si verum est, suspectam Iesuitarum causam esse nemo non intelligit, cum religiosam adorationem inferant. Id quod aliter visum LEIBNIZIO τῷ πάλιν", in Sinensium literatura valde Iesuitarum partibus fauenti; ast, ut alios taceamus, ANTONIVS DE S. MARIA Franciscani sodalitati alumnus, euidentissimis, nisi fallimur, rationibus confecit<sup>o</sup>, non modo Confucium inter reliqua idola coli ponique eius statuam, sed et sacrificia illi oblata eadem prorsus esse, quae idolis spiritibusque coeli et terrae offeruntur, qui stupuisse se, ait, cum vidisset, inter nos inueniri, qui cultum Confucii Sinicum civilem, non vero religiosum esse statuerint, cum inter Sinas veram sacrificii rationem eum obtinere sit notissimum. Tacemus alia ab eo ex Sinensium rituum circumstantiis adducta, quibus euincere conatus est, omnes habere proprietates cultus, qui Sinensibus religiosus habetur. Id quod probe eum stabilire, iudicat, et firme demonstrare, quod non temere sustineat, ven. KORTHOLTVS<sup>p</sup>, quibus haud grauatum subscribimus. Tandem non virtutis duntaxat laude, sed et doctrinae praestantia illi Confucium extollunt, quibus Europaea fere omnia prae Sinicis sordent, nam et virtute munivisse pectora contra vitiorum et affectuum pestes contendunt, et pie satis atque orthodoxe de numine sensitisse perhibent, et imprimis laudant, quod idololatriae pariter atque atheismo philosophiae suae decreta opposuerit. Vnde velut alterum Socratem<sup>r</sup> in has oras missum esse contendunt, ut animos ad philosophiae lumina reuocaret.

§. IX. Egregia prorsus haec omnia esse, et talia, ut sui exemplum inter Europae philosophos vix habeant, fatendum est. Vtrum autem Confucius talis fuerit, qualem Iesuitae et amici eorum describunt, de eo videas viros doctos haud paucos dubitare, et huiusmodi naeuos in Confu-

h) II. cc.

m) Not. ad Casauben. p. 342. Prae reliquis autem consulendus est NIC. CHARMOS. in Annot. ad Maigroti Hist. cultus Sinensis, AMNOLDVS in Praxi morali Iesuit. T. III. P. 2. c. 20. p. 499. T. VI. VII. et imprimis collectio scriptorum, quae hoc titulo: Historia cultus Sinensium, seu varia scripta de cultibus Sinarum inter vicarios Apostolicos et PP. S. I. controuersus, Col. 1700. 8. prodierit.

n) Praef. Nouiss. Sinicorum. o) I. c. p. 275.

p) Mediam sententiam eligere placuit ven.

MOSHAMIO Ethic. Christ. P. II. c. I. p. 348. qui non cultum quidem idololatricum et diuinum, sed superstitionem tamen et periculo plenum, nec Christianos decentem esse contendit. Quae facile admitti possunt, quia non de cultu summi numinis, Sinis forte ignoto, sermo est, sed de cultu qualis coeli terraeque spiritibus exhibetur, qualem esse ipse vir celeberrimus fateatur. Ast ille plane religiosus apud Sinas est.

q) IOVVENCI I. c. quem sequitur CLERICVS Sylu. phil. c. II. §. 7. p. 214. Ferri id certo sensu potest.

Confucio deprehendere, qui splendorem gloriae eius haud parum obfuscant. Fecerunt id imprimis Dominici et Francisci sodales, et vicarii apostolici in illa loca missi, qui longe aliis coloribus Confucium nobis depingunt. Maxime ad quem toties prouocauimus MINORELLI<sup>1</sup>, calamus in eo sedulus fuit, ut quam subdole heroem hunc suum pinxerint Iesuitae ostenderet. Cuius rationes potissimum ex doctrina Confucii deriuat, obseruando 1. Confucium a Riccio commendatum fuisse, quia, quae de altera vita nescierat, tacere, quam comminisci maluisset, et legis suae praecepta ad vitam culque constituendam, et familiam regnumque ex aequo et bono gubernandum direxisset. Ita enim Confucium ignorauisse futuram vitam recte inde euinci putat. Quod argumentum valde roboratur, si expendatur, quod in annalibus Sinicis traditur, doctrinam Xekiae exotericam, diu post Confucium in Chinam delatam ideo latissime se extendisse, et Confucianae disciplinae obstitisse, quia poenarum praemiorumque metum atque spem annunciasset. Ex eo enim recte concluditur, Confucianae doctrinae alumnos, de hoc dogmate minime curiosos fuisse. 2. Vrget Dominicanus: falso Confucio tribui pietatem erga supremum coeli dominum. Nusquam enim haec in toto Confucio eiusque discipulis, qui eius vitam scripsere, nusquam in libris Sinarum classicis ea verba legi, sed haec: *coelo obsequendum, colendum coelum*. Vocem vero coelum Latine vertere coeli dominum, supremum coeli dominum, praecipue post tot scripta his de rebus edita, post auditos tam diu societatis procuratores, post damnatam duplici decreto S. sedis; hoc illud esse quod pertinacem in idololatria tuenda et non parendo S. sede voluntatem multi nuncuparent. Idque eo clarius esse, quod PP. Intorcetta et Couplet in vita Confucii, dicant, oblata Confucium edulia non ante delibauisse, quam prisco ritu, qui Chu ten dicatur, coelo (non coeli domino) venerabundus obtulisset, virtute, qua ipsi coelo inniteretur: voluisse omnes obsequi coelo, ipsum timere et colere. Haec Confucium, haec atheos omnes in China dicere. 3. Monet porro: Confucium nihil praeter materiam, et vim illi congenitam cum aliis Sinarum atheis admittere: vim illam, in qua Sinae hominum naturam constituent, ipsamque materiam a coelo tanquam a patre, et a terra tanquam a matre nobis inditam arbitratum fuisse. Tandem et hoc 4 addit, verum quidem esse, falsa numina Confucium non coluisse, quae duae illae, praeter literariam, sectae introduxerunt; Foenam enim sexcentis post illius obitum circiter annis in Chinam allatam esse Lao Kiun; qui aetate Confucii vixit, multo post ea, quantum ad idolorum cultum, conflata sectam esse. Neque tamen ideo caruisse falsis numinibus dicendum esse, cum coelum, terram, solem, lunam, montes et aquas coeli terraeque militiam coluerit. Opposuit his et huius generis monitis aliis a Longobardo, Antonio de S. Maria aliisque allatis, loca librorum classicorum ipsiusque

1) l. c. p. 146, 164, seqq.

usque Confucii, quibus saniora docuisse philosophus videtur Iesuitarum industria: plura cumalauere ad tuendam Confucii causam LEIBNIZIVS et KORTHOLTVS <sup>1</sup>. Ast, vt verum fateamur, quod illustris Confucii aduocatus contendit, ineptam et impiam significationem recentiores demum commentario illi affricuisse, sana suo sensu plano et per se patente esse verba quae afferuntur, principium petere videtur. Cum enim tota controuersia in eo versetur: vtrum coelum eiusque vim congenitam, siue spiritum insidentem, adorauerit, Confucius, an coeli imperatorem, frustra, nisi nos omnia fallunt, ad interpretationem Iesuitarum prouocatur, et quod in quaestione est, probationis loco affertur. Verum de eo infra pluribus dicendum. Displicebunt haec sine dubio illis, qui Francisci et Dominici sodales dedisse aliquid partium studio, conqueruntur, et affectibus plus iusto litauisse credunt. Ast inter Protestantes quoque haud pauci sunt, qui excussa causa Confucii, auditaque parte vtraque dignum iis laudibus Confucium esse non putant, quibus eum panegyricorum scriptores maectant. Inter quos imprimis illustris MOSHEMIVS <sup>2</sup>, et omnem Sinensium philosophiam, et imprimis Confucium, eiusque res atque dogmata tanta accuratione ἀνευ παθῶν considerauit, vt non posset non pulcherrime sententiam de celebratissimo philosopho, ast multis de causis nimis laudato, definire. Is primo quidem, postquam obseruasset, ea tantum, quae laudem merere videri queant, a scriptoribus de Confucio panegyrici in morem nimium extolli, reliqua aut taceri, aut emolliri, characterem hunc esse philosophi, ait, vt in statura longa et eminenti resedisse dicatur seueritas quaedam, lenitate iucunde temperata, ingenium meditandum et virtutis atque ordinis studio ita affixum, vt non nisi illis moueretur, quae hanc, quam in animo sibi formasset, regulam laedere apta essent, et tum specimina meditationis luculenta ederet: commoditatum vitae autem parum curiosum in his, quae plerumque homines afficere solent, nihil quod animum delectet, inueniret, in id vnice intentum, vt tranquillam post se et pacatam relinqueret societatem hominum. Quo ipso concedit rationis vsum, ordinis amorem, propositi constantiam et fortitudinem, licet diuersis gradibus iunctas temperatasque inter se in Confucio fuisse, indeque omne illud prouenisse, quod in admirationem et Sinenses et Europaeos haud paucos conuerterit. Ast non minoribus eum naeuis quoque scaterere obseruat, licet illi a scriptoribus fileantur, eosque ex historia eius colligendos esse recte monet. Cuius exemplum esse potest, quod magna quidem constantia cum perpetuis persecutionibus et miseriis colluctatus fuisse dicatur, et tamen inexpectato applausu, et admiratione eius disciplina recepta, fatoque functus, a rege regni Lu amare defletus sit, quod eum maximi semper fecisset. Ex quo vno specimine constare potest, quaedam reticuisse eius biographos, vt virtutis, quam in eo extollebant, splen-

<sup>1</sup>) Praef. Vol. II. Epp. Leibniz, qui virum illustrem totum sequitur.

<sup>2</sup>) loc. cit.

*Hist. philos. Tom. V.*

Rrr rr

splendor eo pulchrius eluceret. Nec melius cohaerent, quae de eo narrantur: morti proximum non exclamauisse modo: *praegrandis mons, quo decidisti! trabalis machina euerfa est; sapientes et sancti exarueres;* sed et septimo ante mortem die ad discipulos dixisse: *Superiori nocte per somnium visa mihi sunt in aula iusta fieri. Reges, quae doceo, non obseruant: ecquis horum per imperium nostrum instituti mei sectator et cultor est? Hoc vnum superest, ut moriar.* Vt enim taceamus, mouere haec posse suspicionem, fastus cuiusdam, indignantis, quod, quam moliebatur sectam, non tanta, quanta putabat, mole exsurgere videret; male haec cohaerent non modo cum regis illius terrae, in qua obiit, admiratione et cultu; sed clare etiam produnt, initia disciplinae Confucianae praegrandes montes et trabales machinas prae se tulisse, adeoque non tanta inuidia, quanta dicitur, fuisse pressam. Ipsam vero virtutem Confucii, tam egregiam non fuisse, ut plerumque depingi solet, eleganter obseruat vir eruditissimus. Nam quamuis demonstrari liquido nequeat, nullam summi alicuius numinis notitiam, licet obscuram valdeque confusam eum habuisse, verum tamen est, quod in morum doctrina ad eos omnis virtutis neruos et rationes non respexerit, quibus ad praeclarum vitae modum actiones humanae constringuntur. Ad vnam enim rationem coelitus homini inditam prouocat, indeque cultum et reuerentiam coeli inculcat. Ast hanc rationem feris illis gentis suae maioribus iam adfuisse, et ipse contendit, et sectatores affirmant. Horum itaque cognitionem ad vitam rectam sufficere credebat, nec ut ea clarior emicaret, et certa omnis moralitatis fundamenta imprimerentur, vnquam sibi in mentem venire passus, de Deo eiusque attributis, de animae natura morali, de futura vita, de praemiis poenisque post fata altissime siluit. Quae ut mediocris ingenii specimina a nemine facile neganda esse recte vir summus monet, ita probe obseruat praeclaram, quam prae se ferebat, disciplinae suae conditionem ex eo tantum ortam esse, quod, cum naturali indolis inclinatione, ad ordinis iusti et rerum omnium apte inter se colligatarum seriem vehementer ferretur, omnem ingenii vim in hoc vnum contulerit, ut media excogitaret, quibus diffuentes voluptatibus et prauis moribus res Sinenfium in ordinem cogerentur, et tranquillioris reipublicae forma restitueretur. Hac vna sphaera, satis, si totum sapientiae ambitum contuearis, arcta cum se conclusisset, non potuit non in reliquis omnibus eum ciuibus suis caligare, nec mirandum magnopere est, destitui totam eius disciplinam ciuilem, quamuis pulchram, neruis, atque nec ex fundamentis suis deduci, nec rationali inter se modo connecti, deesse rationes praeceptorum, cunctaque, velut scopas dissolutas diffuere. Quae, ut porro vir eruditissimus instat, diuitias quidem intellectus particulares, at non vniuersales innuunt, et ab omni philosophiae accuratione longe absunt. Vnde merito mirandum, Confucium ab admiratoribus eius Zenoni, Euclidi, Platoni, Aristoteli praeferrî, quos si concedamus ab eo, ciuili prudentia

dentia vinci, illis tamen aedificii philosophici constructione, soliditate, et rationum nervis, sine quibus friget nutatque philosophia, valde est inferior. Neque ex eo, quod ingeniosissimi viri, inter quos excellit illustris Bulfingerus, nexum quendam ethicae Confucianae politicum eius regulis conciliauerint, aliquid pro Confucii ingenio concludi potest. Hoc enim horum scriptorum acumini tribuendum est, nec fieri potuit, nisi adiectis, mutatis, inflexis multis, de quibus Confucius non cogitavit. Quem, cum tantus sapientiae doctor esset, in methodo quoque esoterica tantopere vulgus imitatum fuisse, omnino mirandum est. Pergit vir perspicacissimus: in eo quoque prodidisse infantiam suam Confucium, et, quod naturam hominis moralem ignorauerit, ostendisse, quod ad prima doctrinae suae obstacula mox animum demiserit, et disciplinae culturam in iis regionibus, vbi eam proposuerat, abiecerit. Non eiectum fuisse eum in exilium, sed summis magistratibus praefectum, et impense honoratum: aut fructum doctrinae suae, quae non nisi cum tempore in messiem exsurgere potest, non expectando, eos agros deseruisse, in quibus vix sementem fecerat. Haec enim vt recte monet, aut factum paedagogicum, sibi illico credere postulantem produnt, aut magnam naturae humanae mores corruptos sensim tantum emendantis ignorantiam, aut patientiae defectum. Tale cum ingenium Confucii fuerit, de virtutibus animi eius, quae non nisi luce intellectus collustratae splendere possunt, non multo praeclarius secundum Moshemium, iudicari potest. Nam quid de eo doctore cogitandum, qui vulgus, quod et multitudine alios vincit, et corruptis moribus, negligit, imperatores vero, eorumque regulos principesque viros suae disciplinae alumnos tantum cupit, hos aggreditur, his non magis persuadere rationibus, quas non affert, quam imperare praeceptis cupit, hos cum perditissimos luxu, voluptate, ambitione, tyrannide, videt, emendare, velut rex regum tentat, vbi nuntium mittere illico recusant, quamvis muneribus illis admotus, quibus pondus addere disciplinae posset, aulas deserit, alios quaesiturus, qui sponte obediant, et sine recalcitrante animo disciplinae iugum subeant? Recte, nisi nos omnia fallunt, quaerit vir acutissimus, annon imperandi cupiditas, cui ambitionem paedagogicam addere licet, causa impellens fuerit, qua commotus ad emendandam gentem suam accesserit. Nec animum vel meliorem vel sapientiae et prudentiae regulis satis subactum prodit, quod, cum vidisset, frustra subitam aularum emendationem expectari, secessum petere, et in solitudinem aufugere, quam disciplinae constantia et animi fortitudine fortunam expugnare, et prudenter mediis inhiare, quibus perficere sapientiae conatus posset, maluerit: id quod luculento exemplo desertae aulae regni Lu, ob voluptates, quibus eius disciplina valde emergens interrupta erat, illustratur. Nec quem in debellandis vitiis vrgendisque virtutibus demonstravit zelum ex prudentiae praeceptis, sed solo naturae, ordinem et tranquillitatem amantis, instinctu enatum esse, monet Moshemius.

Rrr rr 2

Nam

Nam non tempori prudenter inferuuisse, non captasse occasiones et commodam tempestatem, qua doctrinae semina vtiliter spargi possent, non accommodauisse se ingeniis, non amarorem disciplinae humanitate temperauisse, sed *εὐκαίρως ἀναιδέως* in aulis non aliter quam ad vulgus seueritatem praeceptorum austeritate insolita demonstrauiisse, neglectus eius doctrinae et persecutiones demonstrant. Nec obiici potest, tantum fuisse, omnis virtutis et doctrinae odium, vt exaudiri plane et admitti non potuerit, obstitisse corruptionem infandam, vt aures patulas nusquam inuenerit. Nam contrarium nos docent narrationes Iesuitarum ex annalibus gentis Sinicae haustae, ex quibus constat, quamuis ab omni voluptatis, auaritiae, iniustitiae aliorumque vitiorum specie esset remotissimus, attamen et maxime fieri eius sapientiam tantique haberi coepisse, vt ob admirationem eruditionis integrarum prouinciarum administrationi praefectus fuerit. Hoc enim non illis contingit, qui circumforaneam sapientiam venditant, sed qui ob praeclaram doctrinam maximi fiunt. Quod cum Confucio eueniret, annon recte inde inferas, non hominum pertinaciam, morum emendationem refugientem, sed morosum et laboris impatientem Confucii animum disciplinae flores praemature suffocauisse, et verisimile esse, prudentiae expertem morum praecepta ita effudisse, vt offendere magis principes, quam emendare voluisse videretur. Ex quibus parca a nobis manu datis, at eleganti et facunda dissertatione a viro magno explicatis, constare potest, recte eum definiuisse: „Confuctum non quidem ingenio caruisse, at magno tamen et excellentissimo non eminuisse. Vsum enim acumine particulari, ad totum Sapientiae et veritatis regnum animo complectendum aciem oculorum extendere non potuisse. Et finem quidem aliquem rectum eligere aptum, mediis ad eum obtinendum idoneis inueniendis non suffecisse, nec disciplinae ad eiusmodi scopum facientis neruos satis vel intellexisse vel apte sociasse. Ergo inueniendis veritatibus non nato ducibus opus fuisse, sine quibus facile errauerit. Eos autem non longo rerum usu et multorum seculorum experientia eruditos, sed vetustissimos gentis suae legislatores in aurora tantum sapientiae versatos elegisse, quos et antiquitas obscuros fecerit, et experientiae defectus non satis commodos ipsoque Confucio simpliciores. Nec defuisse quidem ei dotes animi nonnullas, quibus maxima eminere soleant ingenia, ast nec omnes habuisse, nec iusto ordine connexas. Vitiorum enim odio, ordinis amore, salutis patriae cupiditate, emendandorum principum virorum voluntate, vitae naturali rectitudine constantis usu, honorem laudesque mereri, non vero philautia insigni, pertinacia, patientiae defectu. Ex quo constare possit, de magnitudine Confucii pronuntiaturus certa id tantum relatione facere posse, vt inter coecos luscum imperare dicimus.“ Haecenus Moshemius: qui eius quoque doctrinam moralem examinat, quam infra rectius tangemus. Afferenda hac paulo prolixius fuerunt, cum non modo memorabile exemplum

plum suppedient, quomodo de philosophis magnis, sine fauore, sine odio iudicandum, et scopuli euitandi sint, ad quos impingunt, qui nihil non laude dignum in magnis viris vident: sed et σοφὸν φάρμακον esse possunt, laudibus in Confucium praeter rem veritatemque a nonnullis cumulatis, qui sententiam, certis ex rationibus sibi deamatam sequi, quam examinare sine praeiudicio rem ipsam malunt.

§. X. Fuit haec disciplina Confucii, quae tantum ad nostram vs- *Fata philo-*  
que aetatem strepitum inter Sinas edidit, vt in Europaeorum quoque au- *phiae Sinensis*  
ribus personuerit. Praeter hunc celeberrimum morum magistrum, circa *post Confu-*  
eadem tempora alius quoque extitit philosophus, eo licet paulo senior, *cium periodo*  
cuius non minor apud Sinas, quam ipsius Confucii, honor est atque ve- *secunda.*  
neratio. Fuit is LI LAO KIVN, quem Pe-yam quoque vel Lao-tan *Li lao Kiun.*  
vocat. Hunc post octogesimum primum conceptionis annum ex latere  
matris isto partu pereuntis prodiisse fabulantur. Ex quo, tempore quo-  
que concordante, colligimus, eum cum Roosi Iaponensium, de quo su-  
pra dictum, vnum eundemque esse. Non contemnenda fuisse eius philo-  
sophiae praecepta COVPLETVS refert<sup>u)</sup>; tribui enim illi sententias de  
virtutibus, honorum fuga, contemptu opum rerumque humanarum, et de  
beata illa qua animus humanis rebus superior frui queat solitudine. Putat  
quoque Iesuita, in doctrina de Deo satis orthodoxum fuisse, esse enim in-  
ter sententias ei tributas hanc praecipue, qua decantatissima sit inter eius  
sectatores: *Lex siue ratio produxit unum, unum produxit duo, duo pro-*  
*duxerunt tria, tria produxerunt omnia.* Ast obscurissimam hanc esse  
sententiam, et cothurnum cuius pedi adaptandum, nemo non videt:  
emanationi quippe magis conuenire, quam rectae de Deo doctrinae, ex  
natura systematis emanatiui notum est. Quod cum in toto Oriente in-  
ualuerit, non ab omni veri specie abit, philosophum Sinensem, idola  
quaedam vel principia ex vi coeli siue spiritu enata indicare voluisse<sup>x)</sup>. Ast  
in re obscura nihil definiemus. Valde addictum fuisse hunc philosophum  
alchemiae studio, sunt qui afferant; notum enim, longaeuitati vitae, et  
metallorum mutandorum mysteriis plurimum tribuere Sinenses, et ex  
his illius consequendae medium appetere<sup>y)</sup>. Ast verisimilitudine traditio  
ea caret; recentius enim est, isto tempore totum Alchemiae studium, et  
ab Aegyptiis ad Arabes, ab his demum ad Sinas perlatum, vt recte obser-  
uatum HERM. CONRINGIO<sup>z)</sup>. Obscura itaque manent dogmata huius  
viri. Sectatores autem eius, Confucii disciplinae valde aduersos homi-

Rrr rr 3

nes,

u) l. c. p. 25.

x) Valde verisimilis haec coniectura euadit, si Iaponensium Roosi cum hoc philosopho eundem esse, et ex Xekiae disciplina prodiisse admittamus. Egregie enim ista sententia cum systemate Foëno conspirat. Ast obstantamen ex certis demum annis postea doctrinam Foënam in Chinam perlaram esse: nisi hoc de doctrina forte exoterica et idolo- rum euku intelligas. Quae enim Coupletus re-

fert, de animae solitudine, huic philosopho valde commendata egregie Quietismo et enthusiasmo Xekiano conueniunt. Verum de his alii certius dispiciant.

y) Conf. МОРНЕР. Polyhist. T. II. L. II c. 7. §. 54. p. 430.

z) De Medicina Hermetica L. II. c. 14. p. 409.



nes, aiunt fuisse deperditis moribus artisque magicæ studiosissimos, et ob eam magni aestimatos, qui corporeas de Deo notiones Sinensibus inculcauerint. Quæ sine dubio causa est, cur ipsi Roosi apud Iaponenses impia hæc dogmata cum studio alchemiæ tribuantur, teste KAEMPFERO. Quæ vero cum disciplina Xekiana non conspirant. Non minori veterator iste in honore habetur apud Sinenses, quam Confucius et Foë siue Xekia; nam illi quoque ut his, tabula suspenditur, secta ab ipsis quoque Confucianis non negligitur, sed cum sua coniungitur; tantoque in pretio est, ut eius sectæ Tao dictæ, doctoris Chang y posteros eodem, quo posterius Confucii, in aula donatos honore fuisse ante annos quadringentos, cum iam diu veterator ille, et tota secta in honore esset apud imperatorem virosque primarios, referat MINORELLI <sup>a</sup>. Qui ex Adriani quoque Greslonii relatione tradit, sectam hanc præter idololatriam, sexcentis quoque incantationibus ad longam vitam et diuitias obtinendas uti, ideoque in China receptam a plebe, Mandarinis et ipso imperatore esse, ut non secus a secta literatorum approbata dici possit.

*Memcius  
Confucianus  
philosophus.*

§. XI. Opposuisse se sectam Tao Confucianæ disciplinæ eamque valde oppressisse, Sinae narrant. Ortum autem illi nouum fidus, seculo post, in MEMCIO siue MEM-TSU, cuius scripta edidisse Noëlem supra diximus. Acutum hunc prædicant, et copiosorem facundiaque superiorem Confucio, non item innocentia, vitæ modestia, seueritate et probitate. Ast, si recensio virorum doctorum standum, qui eius librum enarrarunt in *Actis Eruditorum* <sup>b</sup>, nihil in eo comprehenditur, quod non vulgarem doctrinam atque proletariam, nulloque ordine distinctam, ac scopas dissolutas prodat. Mirum itaque videri haud debet, parum Confucianæ disciplinæ incrementa ab eo fuisse suffulta: vnde de contemptu neglectuque sapientiæ prisoorum valde conquestus fuisse dicitur. Plurimum autem decrementi accepit philosophia sub imperatore Xi-hoam-ti, qui tertio, post Confucium, seculo floruit. Is enim ut priorum imperatorum memoriam deleteret, sibi autem soli imperii gloriam vindicaret, ex tyrannidis metu vincula obsequio sibi subiectorum populorum additurus, omnes libros Sinicos, exceptis illis, qui de agri cultura, medicina et sortilegiis agebant, cremari iussit, scientiarum cultum prohibuit, et ne in sola volumina saeuiret, simili supplicio librorum quorundam possessores, studiosos et librorum tenaces in montibus repertos extinxit, et in forum protractos CCCCLX cum libris exuri mandauit. Quæ saeuitia philosophiæ alumnos, numero quingentos coëgit, ut ex insula Thienhenus se in mare præcipites darent. Rationes pestilentis consilii, a quodam Li-sum suppeditatas exhibet MARTINIVS <sup>c</sup>, repetit ex eo B. SPIZELIVS <sup>d</sup>. Diuina tamen prouidentia factum, ut scripta Confucii atque

Memcii

*Confuciana  
philosophia et  
omnis litera-  
tura suppressa.*

<sup>a</sup>) 1. c. p. 155. conf. REICIVS Expedir. Sin.  
L. I. c. 10.  
<sup>b</sup>) loc. cit.

<sup>c</sup>) Hist. Sinic. L. VI. p. 240.  
<sup>d</sup>) l. c. S. III. p. 40.

Memcii ab anu quadam parietis latebris abdita, vel vt alii tradunt, agglutinata conseruarentur, et nonnihil quidem labis passa, protrahi, post hanc tempestatem potuerint. Secutae sunt grauissimae imperii Sinici calamitates, et cum motus interni tum bella externa, quibus tantum non omnis literatura Sinensis extincta est, libri in sepulchris et cauernis abditi et sepulti, quamplurimi cremati, vel adusti abiecti. Honorem tamen literis paulo meliorem restituerunt familiae quintae, Han nominatae, principes. Hi enim cum magno earum amore ferrentur, semiustas librorum reliquias, si quae vsquam persisterent, iusserunt colligi, parietibus item et sepulchris abditos quamuis situ et squalore obductos et exesos in lucem protulerunt, consuliue iusserunt seniores, si quae forte, quae quondam memoriae commendauerant pueri, etiamnum tenerent; nihil denique non adhibuere, operae vel industriae, quo tantae literarum iacturae mederentur. Quae fata librorum Sinicorum veterum, iis haud absimilia, quae passa sunt libri Aristotelis, suspicionem haud contemnendam alere possunt, parum sinceri hodie de prisca Sinensium sapientia superesse, timendumque esse, ne qui laceras et perditas schedas collegerunt emendantque, ex suo ingenio, praesertim cum ex memoria lacunas farcire iuberentur, multa addiderint, multa quoque aliena suisque locis minime posita appareant. Et haec quidem altera periodus philosophiae veteris Sinicae potest constitui.

§. XII. Tertia philosophiae Sinensis veteris, periodus, eaque *Veteris philosophiae Sinensis tertia periodus.* parum laeta ab eo tempore exsurgit, quo secta Foëna in Chinam translata est, et tum idololatria, tum deismo totum imperium repleuit, maximam in hac gente auctoritatem nacta. Non est opus ea repetere, quae de Xekia eiusque persona, ortu, philosophia, methodo duplici supra retulimus. Coaceruauimus iam loca ea, quae de hoc impostore apud Siamenses, Sinas, Iaponenses feruntur. Id vnum heic obseruamus, diu iam sectam istam Foënam in India obtinuisse, cum ad Sinas perferretur. Quae ratio obstat, cur admitti non possit ingeniosa viri cuiusdam eruditissimi coniectura, qui similitudine dogmatum Pythagoricorum et Foënorum, et itinere Apollonii Tyanensis ad Indos suscepti persuasus, hunc veteratorem Xekiam fuisse suspicatus est. Longe vetustiore enim esse Xekiae aetatem, et Confucio seculo antiquiorem, ex dictis suo loco est apertum. Secundum Sinarum traditionem autem, quam *COVPLETVS* f enarrat, ab Indiae regulo natus est, ex elephanto albo conceptus atque ex latere dextro matris suae in hanc lucem editus; a partu quoque mox constitit, atque passus omnino septem progressus, altera manu coelum, altera terram indicans, clara voce pronuntiavit: in coelo terraque solus ego sum venerandus. Quae satis luculenter produnt, famosissimum hunc philo-

e) Ad haec fata literaturae Sinicae viros doctos non attendisse, qui tam confidenter de pri-

scis Sinarum philosophia pronuntiant, merito miramur.

f) loc. cit.

philosophum impostorem fuisse. Secta autem eius quomodo ad Sinas delata sit, hunc in modum occasionem enarrant. Vidit imperator Memti gigantem aureum in somnio sibi apparentem, et in memoriam reuocantem verba Confucii: in occidente existit sanctus. Misit itaque legatos in adiacens versus occidentem Indiae regnum Indostan, qui in eo inuenerunt idolum Foë, quo Xekiae memoria diuino honore colebatur. Hunc cum humani generis redemptorem esse sectatores dicerent, sanctum illum occidentis virum esse rati, hoc idolum, et vtramque disciplinam, exotericam pariter atque esotericam domum reportauerunt. Quae cum innotuisset, valde Sinensium animos cepit, progressusque fecit omni expectatione maiores. Populus enim, si Riccii testimonio standum, quod alii quoque sequuntur <sup>g</sup> ideo eam doctrinam, licet turpissima idololatria prorsus contaminatam, auidè magnoque applausu excepit, quod animum immortalem et alterius vitae praemia proponeret. Quae, vt supra iam tactum, clare euincunt, in Sinensi regno haec dogmata, quae tunc primum audita et recepta sunt, antea non personuisse, nec de iis quicquam Confucium statuuisse, soli ciuili tranquillitati et felicitati suam philosophiam attemperantem. Neque mirum deismum illum, quam Foëna secta interiore doctrina stabilit, quemque Enthusiasmi et Quietismi parentem esse supra diximus, atheismum minus accurate vocant Iesuitae, philosophis regni Sinensis se probauisse. Cum enim totam eorum vitam ad ciuilem prudentiam Confuciana disciplina formaret, quod permittebat doctrina Foë interior, facile fuit, hos homines, qui animi tranquillitatem sectari a Confucio iuebantur, ad eiusmodi Quietismum descendere, qui summam illis mentis tranquillitatem promitteret. Non inuiti itaque persuaderi nobis patimur, Foënam impietatem et fanaticismum totum imperium Sinicum velut diluuium quoddam inundasse. Hodie enim perditissimae sectae cultores quamplurimi non desunt, qui Foë siue Xekiam vna cum Lao-kiun et Confucio venerantur: et publica lege religio Foëna inter Sinas introducta est. Quam sibi maxime vitae post hanc peractam aeternae promissione eam fortunam peperisse, ex stulta et inepta gentis Sinicae cupiditate vitae longissimae verisimili ratione <sup>h</sup> concludi potest. Ex hac secta Foëna seculo post Christum natum tertio alia prodiit, vel potius peculiaris eius ramus extitit: *Vu guei Kiao*, id est, *nihil agentium dicta*. Quae, narrante COVPLETO <sup>i</sup>, principii istius chaotici, id est nihili priuatiui contemplatione impensius vacauit; et optimates imperii, quos Mandarinos vocant, summosque quosque viros adeo insania sua occupatos habet, vt quo quisque propius ad naturam saxi trunciue accessisset, horas complures sine vilo corporis animique motu persistens sine vilo vel sensuum vñu, vel potentiarum, eo profecisse felicius, propiorque et similior euasisse principio suo aërio, vel chaotico potius, in quod aliquando reuerfu-

<sup>g</sup>) MINORELLI p. 147.

<sup>h</sup>) Conf. CONRING. de Medic. Hermetica L. II. c. 14. p. 409.

<sup>i</sup>) p. 38.

reuerfurus fit, putaretur. Addit IDEM: „Hanc quidem contemplan-  
 „tium ſectam ſcripto volumine Colaum Poei guei, Confucii ſectatorem  
 „oppugnauiffe, copioſe probantem, notum illud axioma: ex nihilo ni-  
 „hil fieri; non ita tamen refelli potuiſſe errorem iſtum, vt non manariſ  
 „latius, et multi noſtra quoque aetate contemplationibus tam inſanis ope-  
 „ram impendant ſuam.“ Id quod non magnopere miramur, cum Con-  
 ſucianus ille philoſophus nihil priuatium cum nihilo negatiuo confun-  
 dendo, prorsus nihil quod iſtorum Quietiſtarum ſectam enertere poſſit,  
 attulerit. Non enim ex nihilo abſoluto omnia exiſtere, inque illud re-  
 uerti ſtatuerunt, ſed ex nihilo, quod formam nullam habuit, exorta  
 omnia in idem *παραδοξείον* rerum omnium receptum iri affirmauerunt. Ad-  
 di huic propagini pseudo-philoſophicae debent ſectatores cuiusdam phi-  
 loſophi, *Fan chin* dicti, qui ſeculo Chriſtiano quinto, Epicurea dogma-  
 ta caſumque prouidentiae expertem aſſerendo, corpus pariter et animum  
 poſt mortem perire, poenarum praemiorumque expertem eſſe, docuit.  
 Et haec quidem tertia periodus philoſophiae veteris quibusdam videtur.

§. XIII. Mediam Sinenſium philoſophiam illi, quibus melius et *Media Sinen-*  
*φαιδοζωτικῆς* philoſophati eſſe priſci Sinae videantur, auſplicantur a ſecu- *ſum philoſo-*  
 ſto X et XI, quo ſecundum alios peſtilentiſſimum atheiſmi ſidus philoſo- *phia.*  
 phos Sinenſes afflauit, cum deſertis veterum veſtigiis eorum libros, claſ-  
 ſicos peſſimis commentariis corrumpere, philoſophi duo *Cheu-cu* et  
*Chim-ci*, et proſcripta omni numinis pietate atque reuerentia pantheis-  
 mum eius loco inueherent. Id quod tamen non concedunt, qui inter-  
 pretationes recentiorum philoſophorum Sinenſium, quos ex commenta-  
 riis *Cheu-cu*, *Chim-cu*, et *Chu-cu*, nec non *Sinali-tachiven* confe-  
 cerunt, atheiſmo demum infectas eſſe contendunt. Hos enim putant  
 non minus, ac veteres Sinas, comitius praecepiſſe, et a peſſimo commen-  
 tatorum grege ſero tandem ad peruerſos ſenſus fuiſſe raptos. Quicquid  
 vero illud eſt, de quo in ſequentibus diſpiciemus, illud negari non poſſe  
 videtur, hos commentatores a priſca Sinarum doctrina reſceſſiſſe, elegan-  
 tius et magis philoſophiae veterem ſapientiam exornantes. Inde noua ſe- *Secta litera-*  
 cta in imperio Sinenſi orta eſt, quae *Literatorum ſecta Iu-Kiao*, dicitur, *torum.*  
 quaeque cum ſectis *Foë Kiao*, et *Lao-Kiao* in toto imperio Sinico obti-  
 net. Quam media aetate adhuc ſanos habuiſſe ſenſus poſt Ieſuitas mul-  
 tos, magna eruditione demonſtrare conatus eſt illuſtris *LEIBNIZIVS*,  
 quamuis de principiis naturalibus explicatiuſ philoſopharetur. Ex quo,  
 ſi admittitur, ſequitur, philoſophiam Sinenſem, maxime metaphyſicam  
 recentiori demum aetate, occasione libri *Fohiani* perperam explicati fuiſſe  
 corruptam. Id quod tamen negant atque pernegant, qui Ieſuitas eorum-  
 que *ὁπρεπείας*, aiunt, Ingenioſe excogitatis nouis limitationibus, ex-  
 euſatio-

k) In Ep. ad Remondum T. II. Epp.

*Hiſt. philoſ. Tom. V.*

SSS 33

cusationibus, interpretationibus palliare velle errores Sinensium, et communi gentis explicationi contradicere, vt causam Iesuitarum iuuent. Vnde hi omnes, inter quos ex ipsa Iesuitarum societate sunt quoque Martinus, de Comitibus, Grellonius, le Faure, Longobardus, Passio, Sabathinus, sectam literatorum semper fuisse atheismo infectam contendunt. Quo iure, quauē iniuria infra dispiciemus.

*Recentior Sinensium philosophia.*

*Philosophia Europaea inter Sinas introducta.*

§. XIV. Defecisse vero eam ab antecessorum integritate et pietate, et subtilius, quam par erat, lineolas Fohianas interpretando, recentiori demum tempore sectam literatorum ad atheismum declinasse, contendunt Sinensium aduocati, et hinc tertiam, siue recentiorem Sinarum philosophorum aetatem auspicantur. Quae ante Europaeorum hominum aduentum pantheistica fuit, et referente COVPLETO sociisque, „re-  
 „pudiato nihilo sectae Foënae, rem statuit veram vereque existentem,  
 „esse id quod concipi quidem debeat fuisse ante omnia, re autem ipsa  
 „non distinguatur a rebus ipsis, vt perfecto et imperfecto, coelo et terra, et quinque elementis, sed quid vnum idemque sit cum illis. Sic  
 „vt singulae res dici possint suo modo Tai kie: hoc autem concipiendum  
 „esse, vt quid immobile et quietum actu primo, dum autem mouetur,  
 „producere Yam, siue perfectum, a quo motu cum rursus sistat ac quiescat, producere Ym siue minus perfectum; conuenire autem huic Tai  
 „kie, attributa altissimi, subtilissimi, pulcherrimi, summe medii, summeque perfecti et boni, exemplaris et ideae rerum omnium, principio carentis et fine, immo spiritus et animae nomen ei vindicari posse.“ Et haec quidem Sinicae philosophiae fata sunt, cui noua lux affulsit, cum in amplissimum regnum doctissimi ex societate Iesu viri Matthaeus Riccius, Ioannes Adamus Schallius, et deinde mathematicorum regis Galliae nomine Ferdinandus Verbiestus, Claudius Philippus Grimaldus, quos alii postea secuti sunt, delati, vt euangelii cognitionem illi genti accenderent, a disciplinarum in Europa cultarum maxime artium mathematicarum et philosophiae praesidio laetissimos missionis suae successus sperarent. Non est huius loci, lectorem enarratione missionum harum diu detinere: consulendi sunt annales ecclesiastici, in quibus haud ignobilem locum occupant; et in quibus examinari debet, qua vtilitate scientiarum pariter et religionis Christianae studium istud Iesuitarum se commendauerit. Heic sufficit obseruauisse, artium mathematicarum, et imprimis astronomiae notitiam etsi non adeo sublimem, vt nostrorum hominum admirationem mereri potuerit, ita commendauisse Iesuitas, vt magnis priuilegiis gauderent, templa erigerent, scholas aperirent, et in eis philosophiam atque theologiam docerent, illo vero loco haberentur, vt eo, quem optimates Imperii affectant, cultum exprimerent. Quod an artibus clandestinis et ho-

n) loc. cit.

m) Morale pratique des Iesuites T. II. p. 388.

vbi Martinus, et Schellus Iesucae in habitu Mandarinorum in imagine representantur.

et homines religiosos ac euangelii praecones non decentibus consecuti sint, quod magnis animorum motibus eis obiecere, missionarii Domini-  
cani et Franciscani, sede Romana aliquoties auctoritatem sententiae inter-  
ponente, hoc loco explicari non potest, sed in annalibus ecclesiasticis ex-  
ponendum est. Valde autem admirati sunt Sinenfes Iesuitarum compen-  
dia philosophica, quamvis primum non nisi Aristotelico scholastica fuerint;  
ex quo non inepte colligit RENAUDOTIVS \*, Sinicos philosophos pa-  
rum valuisse in philosophia. Nos id non magnopere miramur: tota  
enim Sinenfium philosophia calx sine arena est, vnde systemata Euro-  
paeorum non potuerunt non ob connexionem meditationum philosophica-  
rum, illis admirationem excitare. Et notum quidem est, laetissimos  
istos successus aliquoties magnis calamitatibus fuisse sufflaminatos. Ast  
prudencia tamen societatis amorque mathematicarum rerum, apud Si-  
nas, qui eos tribunali mathematico praefecit †, collapsam spem subinde  
restituit. Maxime circa finem seculi superioris, imperante ex Tarta-  
rorum gente Cham-Hy, principe optimo, patentes in aula imperatoris  
portas literae et philosophia Occidentis inuenerunt. Id quod ex FER-  
DINANDI VERBIESTI S. I. *Astronomia Europaea* sub imperatore Tar-  
taro-Sinico Cam-Hy appellato, anno 1610 1618, tabulis incisa  
ad Sinenfium morem, disci potest, cuius summam dedit LEIBNIZIVS ‡,  
et ex qua intelligitur, quantis sumptibus, cura et labore princeps laudatif-  
simus, astronomiae Europaeae studium inter suos promouerit. Quae con-  
tentio tanta in eo fuit, ut per quinque menses continue Verbiestum in  
museum suum vocaret, ac totos pene dies detineret, libros astronomicos  
exponentem. Id quod eo memorabilius specimen amoris literarum est,  
quo rarius est, numen imperatoris apud Sinas coram intueri. Mirabile  
quoque, quod de isto principe narrat BOUVETVS, in *Icone regia mo-  
narchae Sinarum nunc regnantis* §, non tantum partem librorum Confucii  
authenticorum eum memoriter tenere, et commentariis illustrari iussisse,  
historiae quoque et literaturae Sinicae fuisse longe peritissimum; eumque  
in finem amplissimam bibliothecam instruxisse: sed et quam primum noti-  
tiam acceperit doctrinae Europaeorum, eius cognoscendae magno desi-  
derio flagrauisse, et experimento calculi astronomici facto eum in im-  
perio in usum perduxisse, Iesuitas autem inuitasse, ut ab ipsis disciplina-  
rum elementa acciperet. Quod quanto apparatu adiuuerit, dignum est,  
quod apud ipsum Bouuetum legatur. Quo auctore porro constat, post-  
quam geometriam et arithmetica perdidicisset, philosophiam quoque  
doceri voluisse, eamque methodo geometrica perscribere eos iussisse.  
Elegisse vero eos, Io. Baptistae Du Hamel *Philosophiam veterem et nouam*,  
secundum cuius institutiones imperatori philosophiae praecepta instilla-  
rent. Morbo autem eius occasionem subnatam esse, anatomiam quoque

Sss ss 2

tradendi,

\*) loc. cit.

\*) LEIBNIZ. *Novissima Sinica* p. 74. seq.

p) loc. cit. p. 149.

q) Adiecit eam LEIBNIZIVS libro laudato

tradendi, cum logica non valde placuisset, qua in re Du Verneio duces vñ sint: tum ad causas physicas explicandas delatum, medicinae rationes illis ducibus perspexisse, non sine magno Christianae religionis fauore, quem publico edicto declarauerit. Non adiicimus alia, non sine iucunditate apud ipsum Bouuetum legenda, ne prolixiores iusto simus: moneamusque id tantum, Parroninum Iesuitam DIONIS quoque anatomiam vertere eum iussisse, ipsum vero emendauisse, et descriptam ter literis vñcialibus bibliothecis suis intulisse. Quapropter dolendum magnopere est, post eius mortem filio quarto Yong-Thehing rerum summa potito, omnem illam segetem emarcuisse; is enim missionarios omnes, praeter eos qui Pekini commorabantur, in vrbes Canton et Macao relegauit. Quo valde sene anno cło lcccxxxv morte sublato, restituta quidem libertas illis est, res vero missionis emendatae restitutaeque non sunt. Eius enim filius Kien long, licet benigniorem se populis suis praeberet, reuocare tamen parentis edictum, licet implorata eius clementia noluit, Christianam legem recipere suos vetuit, Christianos qui inter milites imperii erant, cruciatibus vexauit, et exigua melioris fortunae spem fecit, quamuis Pekini Iesuitae ob scientias mathematicas tolerati sint, toleranturque hodie. Ex quo patet, prima clementiae Christianis demonstratae specimina, a Missionario Sibino in eo laudata non diu durauisse.

*Incertitudo  
et obscuritas  
philosophiae  
Sinicae.*

§. XV. Breuis haec factorum philosophiae apud Sinas historia est, quae vero ex fontibus adductis facile dilatarı potest: prolixiora enim institutum nostrum non patitur. Restat vt quae dogmata philosophia Sinensis, tum vetus, tum media et recentior statuerit, paucis exploremus. Ast hic labor, hoc opus est, et difficillimum, ita medium tenere, vt nec affectui, admirationiue, aliquid detur, nec odio; et veri sensus gentis lingua sua, peregrinas et voces et notiones exprimentis eruantur. Nec diffitemur, si vnquam nobis iusta causa enata est, ad modestum quendam Pyrrhonismum confuglendi, eam in hac historiae philosophicae parte nobis exoriri. Quamuis enim libros gentis vetustissimos, itemque Confucianos atque Memcianos ad nos perlatos atque fontes genuinos hoc pacto apertos esse, ex antecedenti narratione constare possit, ita tamen comparata eorum conditio non est, vt omnem scrupulum eximant. Non allegabimus insuperabilem obscuritatem librorum prisca aevi Sinicorum, et insolubile aenigma Fohianum, quod totam philosophiam Sinensem corrumpit, sed in memoriam tantum reuocamus lectori fata librorum classicorum, combustorum, defossorum, carie et squalore exesorum, et ex laciniis tantum restitutorum atque ex memoria hominum senum refartorum. Qualia fata quam misere codices corrumpant, et quam difficile et pene impossibile sit, doctrinam in iis contentam integram seruare, vñicum librorum Aristotelicorum, similem fortunam expertorum, et corruptae inde deprava-

r) Lettres edifiantes Rec. XVII.

s) Ibid, Rec. XXIII, lett. 1.

deperitaeque philosophiae Peripateticae exemplum luculenter demonstrat. Quae una nobis ratio tanta videtur; quanta requiritur, ut de omni certitudine explorandae veteris doctrinae Sinensis desperemus. Ast fingamus, quod Sinensis literaturae et philosophiae admiratores pugnis calcibusque contendunt, diuinae providentiae miraculo integros et intemeratos ad nos peruenisse libros Sinensium classicos: nondum ita animus acquiescere in illis potest, quae nobis Iesuitae tradunt, quorum diligentia atque cura monumenta Sinica ad nos peruenierunt. Non vocabimus in praesentia in dubium fidem virorum doctissimorum, et eos studio atque industria ita nobis vendidisse thesauros Sinicae doctrinae contendemus, ut suis emolumentis, quae graua ipsis fuisse nemo ignorat, fauerent, licet id coram totius ecclesiae orbisque eruditi facie, et coram iudice, secundum Iesuitas ~~ipso~~ infallibili non obiectum modo, sed et euictum esse illi omnes clamitent, qui missi in Chinam ad explorandam rei veritatem nomine pontificis, ea de re ad sedem Romanam retulerunt, vel qui ex aliis familiis sacris eos hypocriticae simulationis accusarunt: hanc enim inclementiam nostra tractatio non postulat; quae arbitrium interponere his controuersiis non iubet. Concedamus, quod haud inuiti facimus, viros bonos et minime fallaces se Iesuitas praestitisse: ast quis certa ratione decreuerit, eos, cum semel praeiudicio *orthodoxias* Sinensis animum occupauissent, non ita obscuras notiones Sinensis philosophiae et theologiae ita explicuisse, ut fauere conceptibus suis videbantur, et quis rectas et Sinarum menti conformes esse eorum interpretationes sine formidine contrarii dicere audeat? Nec videmus, quid magnopere causam Iesuitarum iuuat, quod nonnulli vrgent: reliquorum missionariorum interpretationes locorum classicorum Sinensium testari, quod rectae versiones Iesuitarum sint. Qua mente monuit Ven. KORTHOLTVS<sup>1)</sup>, integritatem interpretationum Iesuiticarum ex consensu Longobardi et P. de S. Maria eo certiorum esse, quo certius et notius sit, in lite de cultu Confucii et Dominicanos et Franciscanos Iesuitis exprobrasse, quod loca nonnulla Confucii ubi sibi praesidio esse possent, non satis fideliter reddiderint. Aut fallimur enim prorsus, aut tanta conuenientia non est, quanta fingitur, sed in ipsius argumenti, de quo controuersia viget, momento primario, e.g. in interpretatione vocum Sinicarum, Y-hiang, Xin-ky, Xantgi, etc. ad quod res omnis reuocanda est, prorsus in contraria currunt Iesuitae et Dominicani; et quae coeli terraeque praesidem, imperatoremue designare Coupletus Sociique contendunt, coelum tantum terramque eiusque vim ingentem vel, si mauis spiritum quendam illis insidentem et praesidentem significare tam pertinaciter affirmant, ut communia ea nomina et appellationes idololatricis sectis Foënae et Tao Kiao cum Confuciana esse dicant, et Iesuitas prouocent, ut vnum ex tota China producant, qui aliter has voces interpretetur. Annon, qui Sinicae literaturae expertes sunt, sunt autem plerique, incerti prorsus iam haerent, quid cre-

S s s s 3

den-

1) loc. cit. pag. 34.



dendum, cuius partis fides maior existat, praecipue cum videant, Iesuitas nonnullos praecipue Longobardum et sequaces, eiusmodi vocibus illis Sinicis subdidisse significationes, quae cum orthodoxis nominibus Coupleti et sociorum non conueniunt. Neque certiora hauriri possunt ex totius systematis Sinensis connexione, quae tamen optima alias ratio est, veram potestatem vocabulorum incerta significatione decipientium definiendi, ut exemplo Stoicae meteorologiae constare potest. Veterum enim librorum ea obscuritas est, ut quodcunque libuerit ex eis exculpas: neque miramur, ingenium summi viri G. G. Leibnizii ex *συναφεία* illius doctrinae rectas sententias collegisse. Idem enim cum Aristotele recentioribus reconciliabili fecerat, et Cartesii, Gassendi aliorumque nouatorum placita physica in Stagirita inuenerat; sua nobis non Peripatetica propinans, cum magnitudini eius ingenii nihil difficile esset. Contrarium non modo nostri homines, et ipse Longobardus Iesuita eadem facilitate fecerunt, sed et recentiores Sinensium interpretes hodie faciunt. Quas circumstantias incertissima facere veterum dogmata atque mentem, innumeris hactenus exemplis in historia philosophica vidimus. Neque enim magnopere iuuat interpretamentorum Iesuiticorum patronos recentiores Sinas non magis aptos praeursorum Sinensium interpretes esse, quam Scholasticos Aristotelis, eo quod utrique veteres corruerint, et falsa illis affinxerint. Id enim Peripatetici quoque, sed perperam clamant, Alexandrum, Auerroem, Pomponatium, Caesalpinum atheis hypothesebus insanas Aristoteli opiniones affricuisse, quos audiendos non esse suo loco vidimus. Neque enim causam videmus, cur indigenis commentatoribus minus fidei in interpretandis maiorum suorum *φιλοσοφούμεναις* in se obscuris tribuendum sit, quam recentiori philosopho Europaeo, qui non quid dixerint, sed quid dicere potuerint, si orthodoxi fuisse supponantur, pulchre, ingenio vasto vsus ostendit. Verum de hoc momento infra adhuc nonnulla dicemus. Haec ubi in genere de incertitudine philosophiae Sinensis agimus, hoc tantum lectorem expendere iubemus, plerumque vsu venire, ut, qui ignotum systema explicare aggrediuntur, notiones, quibus aduersati sunt, suas in eo videant, iisque vocibus illud explicant, quibus homines suae sectae vsi sunt: id quod innumeris exemplis probari posset, si id ageremus, et certissima fides historiae philosophicae loquitur. Idem in philosophia Sinensi euenisse, mox viderunt, ubi argumentum hoc excutere coeperunt, Iesuitae candore non minus quam eruditione insignes Longobardus et Sabathinus. Ille enim egregie monet: *Eruditos Christianos ordinarie sensum librorum nostrorum Sinensibus tribuere, et imaginari sibi, quod horum interpretationes nostris conformes deprehenderint, non considerantes, quantum veritatis interfit, huc soli litare procul esse iussa simulatione et hypocrisi.* Ad quae verba obseruat quidem Leibnizius, tunc cessare hanc difficultatem, cum in scriptis nostra-

tium

tum mens recte explicetur, id quod in se quidem verissimum est, verum ad hypothesin, de qua Longobardus loquitur, applicatum, principium petit, et eam causam tangit, de qua alii acerbe conqueruntur. Adiciamus his, si Iesuitarum interpretationibus stare velimus, et nihil eos statuisset, de quo non sufficientem statuendi rationem habuerint, admittamus, augeri tamen non minui incertitudinem et animum fluctuantem reddi. Quantis enim dissensionibus Iesuitae ipsi, qui in China fuerunt, de interpretamentis his Sinicis inter se diuersi fuerint, ex narratione Longobardi adeo luculenter patet, ut mirari satis nequeamus, esse, qui magna hodie confidentia asserere audeant, recte illa omnia antiquis Sinis tribui, quae in versionibus Iesuitarum extant, et, qui contrarium euincere cupiant; id ex locis classicorum librorum demonstrare debere. Cum nemini ignotum esse possit, ab ipsis Iesuitis in contrarios sensus distrahi illa loca classica, adeoque ineptum esse ad eum iudicem confugere, de cuius mente disceptatur, et cuius verba duos sensus ferre possunt. Neque incertitudinis in Sinica philosophia hoc modo satis est, addimus alia, ab ipsis patronis Sinarum suppeditata: fatentur illi, philosophiam Sinensem esse calcem sine arena, scopasque dissolutas, nihil cohaerere, nihil apte suis principiis connecti, nihil quod certas et definitas conclusiones efficere valeat asserri. Dabimus testes, vnum Iesuitam, alterum magnum philosophiae Sinensis laudatorem, P. MARTINIVM\*, et illustrem C. WOLFIVM†. Ille de libro famigeratissimo Ye-kim differens haec scribit: *Multa sunt in eo libro de generatione et corruptione, de fato, de astrologia iudiciaria, de principiis quibusdam naturalibus, sed ea ieiune disputantur, et exiliter, absque causis et definitione rerum, quas asserunt, ad adstruendam fidem allatis, quales reliqui omnes Sinarum sunt libri.* Idem candidissime est Iesuita NOEL in Praefatione ad Memcium. Wolfius autem memorabili loco, postquam philosophicam perfecti boni definitionem dedisset, eamque implicite habuisse Sinas asseruisset, addit: *Equidem non multo argumentorum nexu haec demonstrabant, DISTINCTA RERVM COGNITIONE destituti, quae in hunc usque diem plerisque negatur, longa tamen experientia freti affirmabant, quae virtute illustrium verorum exempla non sine mentis acumine meditati affecti fuerant, et quae ipsimet in virtutis stadio decurrentes ex semetipsis didicerant. Quam virtutem eos ex semetipsis Sinenses antiquos habuisse, qui religione omni cum naturali tum reuelata carentes nullis vnquam motiuis extrinsecis usi fuerint*‡. At si haec ita se habent, si nec certa, nec clara, nec fundamentis vllis et motiuis constantia, nec cohaerentia secuta est philosopho-

\* Hist. Sin. L. I. p. 16.

† De Sep. Sin. p. m. 37.

‡ Idem vir celeberrimus infra repetit: „Non apparet quod distinctam huius perfectionis notionem habuerint, quin potius sororium illud vinculum, quo actiones ad perfectionem humani

„status tendentes inter se colligantur minime per-  
„spexere - - neque mirum videri debet, cum  
„ET INCETERIS NOTIONES VAL-  
„DE CONFUSAS habuerint.“ At notionem  
claras et certas confusis et incertis tribuere, magnum in arte hermeneutica vitium est.

Iosophia Sinarum, maxime praeceptorum, qui, quaesumus viros hos doctos, nos ad eorum libros tanquam certos et indubitatos fontes veri systematis et mentis eorum ablegare possunt? qui audent asserere, paraphrases Iesuitarum, licet alii ex societate contra clament, licet vicarii apostolici in Indiam missi, et reliqui Missionarii contrarium testentur, licet contra Iesuitas pronuntiauerit post longum rerum examen sedes Romana, veram certamque Sinarum mentem declarare, Sinenfes commentatores pro impostoribus esse habendos? Hoc si licet, de fide historiae philosophicae actum est, licebitque quaecumque vetera obscuritate sua nonnullorum animos percellunt, in partes nostras trahere, nostrisque sensibus explicata pro veteribus obtrudere, et tunc, posthabitis omnium seculorum interpretationibus, ad ipsa illa veterum monumenta inepto et vitioso circulo concludere, et prouocare. Et quid quaeso luminis ab illis philosophis sibi promittendum est, qui vel data opera ita philosophantur, ut a paucis intelligantur, vel ipsis sibi non constantes nesciunt, quid dicere debeant, et post carecta refugiant, et ad silentia suos dimittunt. Hoc fecisse Confucium, duplicis methodi, exotericae et esotericae gratia, quae hodie quoque inter tres sectas Sinicas recepta est, LONGOBARDUS<sup>a)</sup> luculentis exemplis docet, ex quibus discimus, Confucium, de natura humana, de natura coeli, de spiritibus, de anima rationali, de statu post mortem, interrogatum, responsum non dedisse, sed hunc illis canonem „generalem commendauisse: de rebus istis, quae in sex positionibus comprehenduntur, id est, quae visibiles sunt, quaerere, disputare, ratiocinari licere, modo dubia non generent. Quae vero illae non complectuntur, quia inuisibili in mundo sint, illa relinquenda sibi esse, nec de iis vel disputandum vel inquirendum.“ Quae quidem ita explicat LEIBNIZIUS<sup>b)</sup>, ut nihil in his argumenti generibus decidatur, sine ratione sufficiente; at frigide satis; sequeretur enim, de rebus visibilibus sine fundamento certo inaniter Confucium disputare permisisse. Neque haec cum Longobardo ad methodum arcanam referri posse putamus, cum ista intimioris admissionis discipulis, qui esoterice docebantur, iniunxerit. Unde magna verisimilitudine concludi potest, Confucium de his doctrinae capitibus ipsum vel plane, quid statueret, ignorauisse, vel incertum haesisse, non ausum obscuris veterum fragmentis lucem clariorem accendere. Haec cum ipse Confucius fecerit, cur non praepostere eos agere iudicemus, qui ex mente veterum Sinarum ea velut comperta sibi et clarissima effantur, de quibus ipse Confucius siluit? Cur non lumina eos noua Sinenfium tenebris intulisse, censeamus? cur non ab hoc modo ficulneis ratiunculis excusato atque sustentato abstinemus? cur non satis incertam esse philosophiae Sinenfis maxime praeae notitiam fateamur? Haec sane nobis sententia post multorum annorum examen iteratum tutissima adhuc videtur, innumeris antiquitatis exemplis probata, quae modestiae mater esse

a) p. 192. seq.

b) ad h. l.

esse poterit. Non diffitemur tamen, vbi de verisimilitudinis gradibus sermo est, vnam opinionem altera pro circumstantiarum conditione esse probabiliorē, et ad hanc omnino verisimilitudinem in historia et eruditionis Sinensis vniuersae, et philosophiae in specie esse attendendum, modo id fiat prudenter et sine partis studio, ac iuxta illas artis criticae regulas, quas in limine operis attulimus. Illas itaque in fine quoque eius sequentes de Sinensium re literaria et philosophica pauca dispiciemus.

§. XVI. Magnam quidem sapientiam iactant, et antiquitatis praetextu et profunditatis ostentatione Sinae, qui ita reliquas gentes contemnunt, vt se solos coeli filios, regnum suum solum sub coelo situm esse credant, reliquas gentes, in abditis orbis angulis latere abiectas sibi persuadeant: at si cum luminibus, quibus Europae gentes illustrauit diuinae prouidentiae comparentur, in plerisque lusi censendi sunt. Non est huius loci, omnem literaturam Sinicam examinare, et ostendere, in mathematicis artibus, in typographia, in pyxide nautica, in puluere nitrato, et similibus, quae proprio Marte inuenerunt, plurimum Europaeorum ingeniis Sinas concedere. Hoc qui negat, eum ad solam missionum Romanarum fortunam in amplissimo illo regno respicere iubemus, quae nunquam tanta fuisset, nisi a doctoribus Christianis magna cupiditate discere eos iussisset infantia in plerisque scientiis. Fassi id sunt viri docti, non modo RENAUDOTIVS<sup>c</sup>, qui id testimoniis multis confecit, quem non exscribimus; sed et ipse LEIBNIZIVS, vir summus, magnus cetera sapientiae Sinicae admirator; at aequus tamen nostris; ita enim pronuntiat “: *Artibus, quarum indiget vsus vitae, et rerum naturalium experimentis, fortasse compensatione facta pares sumus, habet utraque pars, quae alteri cum fructu communicare possit: sed meditationum profunditate et theoreticis disciplinis nos vincimus.* Addere potuisset, systematis artificio, quo adeo Europa nostra insigni philosophiae beneficio abundat, vt vnum Leibnizium mille Confuciis praeferre non dubitemus. Pergit: *Nam praeter logicam et metaphysicam, et cognitionem rerum incorporearum, quas nobis proprias merito vindicamus, certe contemplatione formarum, quae mente a materia abstrahuntur, id est, rerum mathematicarum, longe excellimus, quemadmodum reapse compertum est, quando astronomia Sinensium cum nostra in certamen venit. Videntur enim ignorasse magnum illud mentis lumen artem demonstrandi, et geometria quadam empirica contenti fuisse, qualem inter nos passim operarii habent: disciplina etiam militari nostris cedunt etc.* In vnicis vero ciuillioris vitae praescriptis et practica philosophia ab illis nos vinci contendit. Quod quo sensu admitti possit, in sequentibus dicemus. Per mouit id sine dubio ACOSTAM<sup>e</sup>, vt de Sinensibus scriberet: *Studia eo-*

*De philosophia Sinica non valde magnifice indicari posse.*

c) loc. cit.

d) Praef. Nouiss. Sin.

L. VI. c. 7. p. 309. conf. GYNDLING. Hist. phil. mor. p. 31. Act. phil. l. c. p. 783.

e) Ind. L. VI. c. 16. apud HORN, Hist. Phil.

Hist. Philos. Tom. V.

T t t t

*rum esse linguam Mandarinorum, historias, leges civiles, prouerbia, physica quaedam eos habere et mathematica, sed αμεθοδικά. Comoediis et historiis deditissimos esse, omnem eorum eruditionem reuera in legendo et scribendo consistere, theologiam nullam habere.* Qui quamuis nimium dixisse videri queat, verum tamen est, ab iis disciplinis Sinas ante Europaeorum aduentum imparatos fuisse, sine quibus ingenii elegantia constare non potest. Sed iam singulas quoque disciplinas philosophicas perlustrare operae pretium est, vt, quid in iis valeant Sinas, manifestum fiat.

*Sinas rationalis philosophiae ignari.*

§. XVII. Rationalem philosophiam adeo necessariam recte philosophari cupientibus esse, vt sine illa nullus queat esse successus laetus et exoptabilis, apud omnes in confesso est. Ast ignorauisse eam Sinarum gentem ad ea vsque tempora, quibus Europaea lumina regno Sinenfi missionarii intulerunt, historia Sinica locupletissimus testis est. Nihil enim in ea inuenias, quod illam redoleat, nihil quod acumina ratiociniorum iusta et legibus suis constricta exhibeat. Non negauit natura Sinis ingenium acutum, florens, erectum, dubiumque non est, si ad ratiocinandi modum paulo curatius attendissent, non sine luminibus his futuros fuisset: ast cum hanc intellectus culturam neglexerint, mirum non est, ignorantiae logicae vestigia haud pauca apud eos inueniri, quae illam αμεθοδικὰ καὶ ἀπαιδευσίαν genuit, quam supra in libris eorum verbis Martinii et Wolfii notauimus, quaeque exemplo esse potest, quae damna logicae neglectus post se trahat. Quid enim philosophiae magis esse potest exitio, quam sine certis principiis, sine argumentorum nexu, sine rationum euidencia, ex sola ingenii bonitate de veritate statuere? quid periculosius, quam ideas rerum sibi formare obscuras, incertas, confusas? quod non damnum nutriet abesse iussa ex tractatione philosophica systematis accuratio? Quae cum ex omnium confessione philosophiae Sinenfi desint, ansas philosophiae ei deesse nemo inficias iuerit. Causas autem neglectae rationalis philosophiae duas deprehendere licet, quarum vna est, quod vetustissimos gentis suae legislatores imitati, cum nihil in fragmentis ab illis relictis inuenirent, quod ad huius artis culturam pertineret, de ea plane non cogitarent: altera quod ingenio πολιτικῷ ἄτῳ praediti ad vitae civilis elegantiam et imprimis imperandi et parendi consilia omnem sapientiam suam referrent. Quae causa quoque est, cur metaphysica et physica ferius attigerint. Qui enim ratiocinandi dicendique facultati operam dedisse Confucii discipuli dicuntur, caue logicos dicas, omne enim eorum studium ad eloquentiam politicam pertinuit.

*Metaphysica Sinenfis.*

§. XIX. Meliorem fortunam metaphysica, vel potius theologia, quae de Deo, de spiritibus, de anima et similibus physiologiae capitibus tractat, inter Sinenfes ab antiquissimo tempore habuit, si eos audis, quibus Sinica philosophia aliis praeferenda videtur. In contrarium autem eunt, et gentem Sinensem tetra atheismi lue infectam ab antiquissimo tempo-

tempore nonnisi coelum et terram et reliquas mundi partes bruta quadam et irrationali vi, quam plasticam non inepte dixeris, animatas prodiis habuisse, iisque diuinum cultum obtulisse dicunt. Tertiam de theologia Sinarum veterum opinionem eleganter nuper tuitus est, incomparabilis MOSHEMIVS <sup>f</sup> ratus, veteres Sinas Spiritum quidem potentissimum, qui coelo praesit, quique alios spiritus partibus mundi praefecerit, qui quoque terram creaturasque formauerit, terram foecundando, asseruisse, aut talia de eo docuisse atque credidisse, quae magnopere obstant, ut veri Dei cultus illis tribui possit. Difficile est, in tanto sententiarum diuortio inter viros immortalis nominis gloria conspicuos sententiam eligere, verisimilitudine alias superantem, praesertim cum tanta priscorum monumentorum Sinicorum incertitudo et obscuritas sit, ut ipsi Sinae certi vix sint, quid illa velint, ubi de cultu diuino statuendum est. Ut vero lector in tam graui argumento ipse iudicare possit, tres has, quastetigimus, opiniones de theologia siue metaphysica veterum Sinarum paucis exponemus, et more nostro, quid nobis videatur, modesta *ἐπιμεινόμενα* addemus. Et

I. Et quidem monendum est, distinguere illos, qui bene theologiae Sinensi cupiunt, eamque ab atheismi labe liberant, inter philosophiam Sinensium veterem, mediam, et recentiore, et contendere, hanc illam utramque corrupisse, et atheismi labe inquinauisse, ut supra dictum. Postulant itaque, ut soli libri classici vetustissimorum Sinarum in partes vocentur, ex quibus constare putant, Sinas rectos, quantum a gente reuelationis lumine non collustrata expectari possit, de Deo sensus fouisse, qui rationes contineant ad vitam pie et honeste agendam incitantes, quaeque ad id aptae sint, ut probis solatium praebere, improbis autem timorem inlicere possint. Nempe statuisse Sinas priscos, primo principio suo inesse sapientiam, benignitatem, iustitiam et omnipotentiam, adeoque diuinam dari prouidentiam. Hoc post Iesuitas plerosque, (si Longobardum aliosque supra nominatos excipias,) et inter illos maxime COUPLE-  
TVM <sup>a</sup>, magno ingenio demonstratum iuit LEIBNIZIVS <sup>b</sup>, et post eum KORTHOLTUS <sup>c</sup>. Non enarrabimus ratiocinationes et coniecturas Couplesti, quibus orthodoxiam veterum Sinarum assertum iuit, sed ad loca tantum ea prouocamus, in quibus caste, pureque de Deo locuti fuisse censentur. Multa collegit Kortholtus, apud ipsum legenda, prolixiora enim sunt, quam ut hoc loco exscribi omnia queant: sufficiet vnus et alter locus, ut de tota re lectori constet. Ex libro *Lun-yu*, qui est tertius interpretationum classicarum *tetrateuchi*, e libro classico *Xu-kim* referuntur verba quibus imperator Tam imperium suum auspicatus est: *Q vos omnium terrarum incolae vniuersi clare audite, et intelligite meum vnius hominis monitum: ex quo tandem fonte pietatis profluxisse mor-*

T t t t 2

t alium

<sup>f</sup> Eth. Christ. P. II. p. 354. seqq.

<sup>g</sup> Declar. prooem. l. c.

<sup>h</sup> Ep. ad Remond. l. c.

<sup>i</sup> Diff. de Philos. Sinens. Vol. II. Epp. Leibniz. praefixa.

*salium naturam, quinque virtutibus pietate, iustitia, prudentia, fide, honestate, instructam? a principio nimirum solus ille augustus et supremus coeli imperator dum procreare coepit genus humanum, de coelo contulit naturam istam, quae medii rectissima norma est.* Non ita post multa quoque dicit, princeps Vu-vam, solemnia sacrificia imperatori coelorum, reliquisque spiritibus terrarum perfoluisse. Simili ratione in libro *Ta-bio* dicitur: *Imperium coelitus conferri, et in libro Xu-kim, coelum non agi affectu, qui tamen norit illud debite venerari, et colere, charum et gratiosum illi esse semper spiritusque non semper exaudire, nisi eum, qui pollet vera virtute.* His adduntur loca disciplinae Confucianae, quae veterem pietatem refuscitasse dicitur, quibus, vir perfectus iubetur aequo animo expectare vnicam coeli circa se ordinationem, coelum sese accommodare, dicitur naturae et ingenio singulorum, bonos erigere atque ornare, improbos vero abiicere et perire sinere. Quibus adduntur verba Confucii: *Sacrificiorum coeli et terrae ritus et officia fuisse id, quo colebant duntaxat coeli ac terrae supremum imperatorem, qui duabus literis Xam-ti apte admodum ac literaliter significetur.* Ut vero pateat, non coeli vim quandam naturalem physicamque atque brutam intelligi, ad locum Memcii<sup>4</sup> prouocant, quo philosophus Confucianus, qui Confucii disciplinam ab eius discipulo Tsem-tsu accepit, ita praecipit: *Vulgares homines naturam humanam in suo sensitiuo appetitu, quem unum sibi sequendum proponunt, et coelestem prouidentiam in quadam gyrantis aëris periodo et reuolutione, qua desiderii effecti ad omne bonum opus torpent, sitam esse volunt, non sic autem sapientes.* Prouocant etiam aduocati Sinensium ad sacrificia antiquorum Sinarum, quae maxima religione faciunt, quaeque descripsit COVPLETVS: qui maximum inde praesidium huic opinioni conciliat, quia tanta cura, religione, honore ea non obtulissent, nisi coelorum imperatori sacrificassent. Summum itaque numen Xang-ti vocatum esse, id est coeli imperatorem, eique diuina attributa Sinas tribuisse, ex his locis inferunt.

*Sinas ortho-  
doxe praee-  
pisse vti de  
spiritibus.*

II. Admisisse vero, porro instant, Sinas spiritus quoque particulares, a Deo distinctos, verasque de iis notiones habuisse. Hoc illis locis probant, quibus non solum veteres Sinas coelorum imperatori, sed reliquis etiam spiritibus terrarum praesidiis sacrificasse dicuntur. Quos credidisse substantias esse intellectu praeditas, a quibus praesidium aut adiuumentum expectari possit, ex loco Confucii in libro *Chum-yum* euincitur, ubi Confucius dicitur, *ut ostendar ad supra dictam medii virtutem adeo amplam et sublimem constanti conatu enitendum esse, exemplum desumpsisse a spiritibus, quorum vti vis intellectiua sit excellentior, ita et in operando sit efficacia magna; dicere enim: spiritibus inesse operatiuam virtutem et efficaciam etc. docere Confucium inesse spiritibus supra memoratis vim quandam prorsus eximiam et ordinis superioris: quia cum res*

*omnes*

<sup>4</sup>) pag. 463.

*omnes corporeae cadant sub sensum, soli spiritus hunc refugiant. Et percipere nos quidem eos visu, quatenus in effectis se produnt, sed ipsos tamen non videre; incorporare autem sese rebus omnibus, vel exercere operationes suas circa res omnes sic, ut res non possit eos a se dimittere, seu nequeant consistere sine eorum directione.* De animae immortalitate autem ita statuisse contendunt, huius partis vindices, ut eam dixerint, perennem et morte carentem, ac capacem, quae post hanc vitam praemiis ob bona opera afficiatur, poenis autem propter flagitia. Id ipsum Longobardum et P. a S. Maria non negare, de priscorum Sinarum sententia animas hominis superesse a morte licet inficientur, personalitatem eas servare, sed confundi cum coelesti massa. Quod perperam dici ex verbis *Chao-cum* ad Chim-vam imperatorem colligitur, dicentis: *Isti auiti sapientes ac probi reges sunt in coelo, neque omnino interierunt. Isti igitur quomodo non possunt enixe implorare, opem a coelo, ut iuuet ac protegat suae familiae filios ac nepotes.* Confucium autem respondere de essentia et natura spirituum et de statu alterius vitae noluisse, ut inutiles disputationes praecideret. Et hac quidem ratione vetustissimam theologiam Sinicam se habuisse contendunt, qui ab atheismi culpa eam liberant.

§. XIX. III. Toto, quod aiunt coelo abeunt, qui aduocatos Sinensium comitius quam par erat, causam eorum ornavisse, et longe deterius sensisse priscos Sinas magnis animis contendunt. Non hi negant loca allata, sed cum omnis demonstrationis nervus in eo situs sit, ut intelligatur, quid per Xang-ti intelligatur, de eo disputant, num is coeli supremus imperator sit, an coelum animatum, istisque, quibus in allatis locis praedicatur, attributis efficax et influentiam suam largiens; ex cuius influentia deinde et partes mundi regantur peculiaribus spiritibus arctissime cum illis initis; et eas informantibus, et anima post mortem eo reducatur, hincque providentia, hinc creatio, hinc felicitas e coelo orta deriuanda sit? An non ea ideo in partes vocata sit, ut imperii rationes, ad quas omnem philosophiam Sinenses respicere iusserint, consisterent. Hoc cum affirmandum esse afferant, aut intelligendam esse volunt per Xang-ti vim quandam diuinam coelo insidentem, aut supponi animam quandam diuinam, per omnes mundi partes diffusam, cuius nobilissima pars arctissime coelo iuncta sit, illudque inhabitet, minores partes spiritus sint mundi partibus praefecti. Hos solos coluisse, his sacrificasse Sinas contendunt, ad hos omnem religionem eos retulisse putant, accusant autem Iesuitas, quod nimia cupiditate veros de Deo sensus Sinensibus persuadendi orthodoxos sensus illis supposuerint, adeoque vocem Xang-ti perperam de Imperatore coeli explicuerint, amplexus iam est istam de anima mundi per omnes eius partes diffusam sententiam **RICCIVS** <sup>1</sup>, qui

*Heterodoxia  
Sinarum nota.*

T t t t 3

vbi

1) De Exp. Sin. L. I. c. 10.



vbi dixerat Sinas iam inde ab initio supremum et vnum Numen adorasse, quod appellabant, coelum et terram, subiunxit: *Ex quo apparet, veteres Sinas opinatos fuisse coelum et terram animata, eorumque animam pro supremo Numine coluisse.* Et hoc postea Longobardo, qui post Ricciū praeses missionis fuit, suboluit, hoc Antonio de S. Maria, recentiores cum veteribus comparanti visum. Plerique etiam ad eiusmodi spiritus materiae praefides naturali et arctissimo vinculo illi colligatos omnia illa effata referunt, et Iesuitas prouocant, vt vel vnum Sinam ostendant, qui vocem Xang-ti aliter intellexerit. Deum itaque Sinensem non meliorem esse, quam Iouem Olympi regem gentilium, hincque recte concludi, Sinas priscos veri Numinis ignorantia laborauisse. His coelestibus et terrestribus spiritibus solis Fohium sacrificasse, dicendum, nisi aperte his vocibus Sinicis inferatur, etc. Quae omnia ita in neruum concludit MINORELLI <sup>m)</sup>, vt certissimum et euictum esse, pronuntiet: *non inueniri coelum et terram coeli regem a Sinis nuncupari: et terram quidem sic Sinas a coelo, vt Romani Cybelem a Ioue distinguere. Recte autem ex parte dici veteres, vt et novos Sinas animam mundi coluisse, si tamen anima vocari possit vis materiae insita, quae sparsa per singulas mundi partes, in iis tanquam totidem animae seu genii, et in coelo, ceteris mundi partibus excellentiore, tanquam primum praecipuumque numen et alter Iupiter colitur.* Ita vero Sinis veteribus non minus Atheismum exprobrari posse, quam veteribus Romanis, Iouem O. M. colentibus contendit <sup>n)</sup>, quem praeter adductos ex protestantibus sequuntur BVDDEVS <sup>o)</sup>, GRAPIVS <sup>p)</sup>, BAYLE <sup>q)</sup>, contrarium, sed diuersa ratione, tenentibus CROSAEO <sup>r)</sup>, REIMMANNO <sup>s)</sup>, BULFINGERO <sup>t)</sup>, HEVMANNO <sup>u)</sup>, LEIBNIZIO <sup>x)</sup>, KORTHOLTO <sup>y)</sup>, aliis.

*Moshemiana  
sententia de  
theologia Si-  
nensium.*

§. XX. IV. In hoc sententiarum e diametro sibi contrariarum diuortio mediam quandam sententiam amplexus est illustris doctrinae theologus Io. LAUR. MOSHEMIVS. Is vbi obseruasset, religionem priscam Sinensium talem non esse, quae magnifice iactari possit, obseruat, nimios non minus illos esse, qui Sinas veteres orthodoxe de Deo sensisse statuant, quam qui atheismi infamia eos commaculent. Ea enim quae in vetustissimis gentis huius libris classicis dicantur, neque clara et perspicua, neque ordine suo constantia esse, haud obscuro argumento, suspectam esse orthodoxiam Sinensium, cum recti de Deo sensus ex notionibus obscuris, confusis et incertis hauriri vix possint. Comparatis tamen inter se locis istis, verisimiliter videri eos ita praecepisse: *Esse in coelo*

m) p. 126.

n) p. 134.

o) De Spinozismo ante Spinozam §. 22.

p) Diff. de Theol. Sinens.

q) Dict. T. IV. art. Spinoza not. X.

r) Entrer. p. 256. aliter tamen pronuntiat. T. II. Epp. Leibniz, in fin.

s) Hist. Ath. S. I. c. 12. p. 95. et Consp. Hist. phil. Sin. p. 8.

t) Spec. phil. mor. Sin. I. §. 45. p. 47.

u) Act. phil. I. c. p. 722.

x) L. c. p. 414.

y) loc. cit.

coelo visibili naturam viuam et potentissimam, illud, vt anima corpus, inhabitantem. Hunc spiritum certo tempore chaos terrae informe influxu suo et irradiatione exsiccauisset, et ordinasse, indeque creaturas viuentes exortas esse, qui terram incolerent. Et coelum quidem sibi creaturas genuisse, et terram, coelique filios; a filiis terrae differre, illos tredecim, hos vndecim fuisse; ex illorum progenie enatos imperatores, quin et spiritus terrae partium praefides huc referendos esse <sup>2</sup>. Coelum fauere hominibus et benefacere, quod rationem ab ipso acceperint, terraque ab eo grauida illos produxerit. Ideo pergere calefacere et humectare terram, ideo montibus, syluis, vallibus, fluminibus, spiritus praefecisse. Nec cupere venerationem cultumque alium, quam qui imperatori, filio suo, exhibendus sit, nec illud coli ab alio, nisi ab imperatore sacrificiis pro populo oblati posse. Irasci illud spiritusque ab eo mundo praefectos, legibus violatis, maxime si id ab imperatore fiat; ideo plagas immittere, at monere tamen prius per signa coelorum, quae vbi inusitata compareant, nuncii futurae poenae sint. Hanc igitur faciem coeli insigni attentione semper obseruandam esse, vt iratum numen coeli placari possit. Hanc religionem veterum Sinarum, imperio firmando fulciendoque potissimum attemperatam fuisse, verisimillimum esse putat vir celeberrimus, ast, sequi quoque ex ea diuinae religionis characteres, minime prodere. Attributorum, numini illi coelesti adscriptorum, rationem veteres libros non definire, dicere tantum, esse scientia, sapientia, iustitia, potentia praeditum, maximaque veneratione dignum. Harum vocum nec claras notiones eos habuisse, et arctis satis limitibus, forte sui tantum imperii, quod terram coelorum vocent, comprehendisse videri. Hunc itaque Spiritum coeli si Deum dicere placeat, exiguum numen esse attributis praecipuis diuinitatis carens, quod rite cognoscere patres Sineses nunquam allaborauerint. Neque sequi ex idolorum cultu serius ad Sinas translato, rectos eos purosque de Deo sensus habuisse. Loca vero de spiritibus immaterialibus, de statu animae post mortem, et quae his similia, ad fundamenta religionis Sinesis non videri pertinuisse, et subobscura tantum esse immortalitatis vitaeque animae post mortem in libris classicis vestigia. Ea autem nec rite exculta, nec ad doctrinam moralem applicata, tenuissima tantum vestigia dogmatis, quod apud barbaras gentes quasuis obtinuit, obtinetque hodie, esse. Reliqua dogmata religionis Sinesium, partim ad imperii fulciendi auxilia excogitata fuisse, habereque totam religionem credulitatis et simplicitatis characteres, et prodere gentem non valde sapere doctam. Videri autem aliis gentium religionibus ideo meliorem, quia idolorum cultus diu abfuerit. Ast eorum locum occupare spiritus mundi. Et haec quidem acutissimus Moshemius, qui eleganter prorsus et ingeniose in sequentibus ostendit, qua ratione ad imperii felicitatem et tranquillitatem et principum auctoritatem tuendam adhibeantur.

## §. XXI.

<sup>2</sup>) Conf. BAYER, Mus. Sin. T. II, p. 259, ex Libro Siao Viliun.

*Enigmata.*

§. XXI. V. Tantum, nisi fallimur, de theologia Sinarum pet-  
 scorum dictum est, ut Lector candidus et a partis studio alienus, ipse ar-  
 bitrium interponere possit. Nec nos has lites, tam diu inter summos vi-  
 ros agitas componere posse praesumimus. Quoniam tamen sententiam  
 quoque nostram dicere, instituti leges postulant, ea, qua par est, mode-  
 stia, quid nobis videatur, aperiemus; habebit id commodi ex eo lector, ut  
 nostris cum reliquis comparatis meliora substituere ipse possit. Et 1. qui-  
 dem ingenue fatemur, totam controuersiam de atheismo vel orthodoxia  
 veterum Sinarum inutilem nobis videri, duabus de causis. Namque pri-  
 mo in controuersiis quae Iesuitis cum reliquis Missionariis intercedunt,  
 non de veteri sed hodierna religione Sinenfium quaestio est. Ast eam vel  
 idololatricam sectae Li Lao Kiun, et Foënae, vel atheam, sectae litera-  
 torum esse, nec ipsi Iesuitae dissentunt. Quid igitur refert scire, quid  
 ante quadraginta secula statuerint Sinarum maiores? Deinde ea obscu-  
 ritas, incertitudo, et confusio in libris Sinarum classicis obseruatur, ut la-  
 terem nobis lauare videantur, qui certam notitiam de religione Sinen-  
 fium veteri inde haurire cupiunt. Melius itaque tota quaestio diutius,  
 quam par erat iam agitata nec tantis animorum motibus digna, abicitur;  
 et simplici rationis et reuelationis annuntiatione Sinis Deus praedicatur,  
 aut ignotus haecenus, aut detentus in iniustitia. 2. Frustra vero ob ex-  
 sculpendam orthodoxiam Sinenfium prouocare viri docti ad loca allata  
 nobis videntur. Nam cum de vero sensu eorum locorum disputetur, et  
 tum Sinenfes recentiores, tum Missionarii reliqui alia longe significatio-  
 ne adhiberi voces Xang-ti Y-hiane Xin Ky, similesque contendunt, quam  
 Iesuitae, horumque nonnulli illorum partes sequantur, qui, quaeso, ad  
 incerta dubiaque loca in controuersiam vocata prouocari potest? 3. Nec  
 magnopere iuuare eos putamus, quod clamant, recentiores commenta-  
 tores, castos veterum sensus vitiaffe. Hoc enim demum probandum erat,  
 cumque loca ipsa obscura sint, recte interrogantur, unde ipsi de meliori  
 et rectiori verborum potestate certi sint? et annon orthodoxam theolo-  
 giam Sinenfium prius fingentes eam pro interpretationis nota adhibeant?  
 Nempe idem hoc loco euenit, quod euenisse illis *Tomo secundo* dixi-  
 mus, qui Cabbalam veterem puram fuisse, eamque corrupisse recentiores  
 scriptores contendunt: quod enim ibi dictum est, hic quoque in argu-  
 mento prorsus simili locum habet. 4. Nec magnopere ad attributa, et  
 praedicata prouocari potest, quae in illis locis Xang-ti tribuuntur. Con-  
 cedamus, versiones nihil fauori, nihil praeiudicio et opinioni dedisse,  
 et verba Sinica accurate referre; an ideo sequitur, sensum eorum esse ca-  
 sum? Annon eadem prorsus de Ioue suo dixit secta Stolca, et pessime  
 tamen de Deo sensit? Annon impietas Romana similem fere in modum  
 de summo rege coeli sensit, quem tamen a natura intrinseca rerum mate-  
 rialium non distinxit? Tacemus alia exempla, quibus euinci potest, ex  
 verbis

a) p. 1059. seqq.

verbis apparenter bonis non sequi sententiam illis subesse bonam. 5. Omnibus vero inter se attente consideratis, si coniectura de veterum Sinarum theologia facienda, fatemur, hanc nobis prae reliquis placere sententiam; Sinas sibi numinis vim diuinam per totum mundum sparsam eamque velut animam inhabitantem concepisse, cuius maxima et excellentissima pars in coelis resideat, esse itaque spiritum coeli potentissimam coeli animam, quae cum connectatur cum reliquis mundi partibus siue spiritibus mundo praefectis, non possit non gubernare et praevidere cunctis, idque vel ob eam causam, quod ex coeli influenza et irradiatio oritur: et huius quidem vel emanationem, vel particulam animam humanam, ratione vestitam, esse, ideoque, ubi corpus suum deseruisset, ad fontem suum viventem redituram. Huic vero coeli spiritui velut maximo, at qui a coelo, quod velut anima informat, separari nequeat, summum cultum exhibendum, spiritus autem reliquos partium mundi animae inhabitantes non negligendos. Coelum autem cum summum Numen, visque diuina inhabitans animet, signa coelorum prae aliis diuinae voluntatis indicia esse. Non esse hanc religionis Sinensis explicationem *Φιλοσοφικωτέραν*, quam ut tam canae antiquitatis genti tribui queat, exemplum maiorum nostrorum, Celtarum constare potest, quos simili ratione praecipisse suo loco ostendimus. Quod si animam mundi eos coluisse non videri quis credat, concedet tamen Spiritum magnum coelum informantem, et alios Spiritus globi terraquei partes animantes Sinas coluisse. Id quod haud obscure euincit locus Confucii in *Chum-yum* <sup>b</sup>, ubi disertè dicitur, *spiritus hos ita esse incorporatos et sociatos rebus materialibus, ut res non possint eos a se dimittere.* His suppositis ne vnus quidem locus est, qui non sponte intelligi possit, et sine coactione sensum clarum fundat. 6. Ex his vero quaestio de atheismo Sinensium ipsiusque Confucii, dirimi facile potest. Si enim vocem atheismi premamus, impietas ista Sinis nostro iudicio tribui nequit, qui coelum quidem coluerunt, at spiritu diuino animatum. Ast si more haud inusitato atheismus etiam pantheismus, vel deismus quendam, innuat, non videmus, qui ab ea suspicione possint Sinae toti liberari, qui mundum cum Deo artissime copulando, omnibus partibus inesse spiritus diuinos crediderunt. Quamuis ab hac appellatione abstinere malimus. Ita vero 7. ratio facile intelligi potest, quomodo idololatria pedem figere inter Sinas potuerit, quamuis non magis initio idololatrae fuerint, quam Celtae nostrates. Nempe facile persuaderi poterant, ut horum spirituum diuinorum, qui sine corpore esse nequeunt, imagines effingi posse crederent. Nec causa longe quaerenda est, cur in apertum atheismum tandem religio, in secta litteratorum abierit; proximus enim ad eum gradus est. Quae cum ita se habeant, neminem fore credimus, qui orthodoxiam veterum Sinarum magnopere

b) Scient. Sin. L. II. p. 51.

gnopere iactet, quam nullum post dispersionem gentium, populum conseruauisse, praeter Hebraeos, alio loco euicimus.

*Theologia Si-  
nensium me-  
dii aevi.*

§. XXII. Mediam Sinensium philosophiam a seculo Christiano XII ad XV vsque extendi supra iam innuimus. Huius aevi medii metaphysica in commentariis doctorum Cheu-cu, Chim-ci, et Chu-cu, itemque in pandectis de philosophia naturali et morali Singli, id est, philosophi, Ta-civen, continetur. Longe comitior, si habitum philosophicum consideres, apparet huius aetatis metaphysica, et systematico ordini propinquior, quam priscorum Sinarum philosophumena; unde non displicet nobis eorum coniectura, quae cum commerciis Aegyptiorum et Arabum (qualia Sinensibus aevo veteri et medio obtigisse historiae testantur, et vel Paulus Venetus, vel itineraria a Renaudotio edita exempla suppeditant) philosophiam Graecanicam eiusque hypotheses non nullas in hanc Orientis partem peruenisse suspicatur. Id quod curatius expendi ab iis cupimus, qui occasionem eius rei fauentem habent. Ex hac vero medii aevi metaphysica systema Sinense physiologicum acuta delineatione congeffit Longobardus Iesuita, eo quod hos interpretes veterum Sinarum mentem omnium optime intellexisse crederet, ideoque ad eorum iudicium prouocandum esse putaret, Mandarinis hanc eius sententiam calculo suo probantibus. Fecit id in breui at eleganti libello, in quo *Momenta nonnulla de religione Sinensium* examinauit, qui cum esset rarissimus, praestantissimi KORTHOLTI cura recusatus est. Haud contemnendam esse Longobardi in hoc argumento auctoritatem, ex eius munere, quo apud Sinas functus est, reliquisque eius circumstantiis intelligi potest. Erat autem, tradente IUVENCIO <sup>d</sup>, praefes Sinicae missionis, et P. Matthaei Riccii successor, ab eodem moriente designatus. Id muneris per annos complures egregie gessit. Iamque per annos quatuordecim literis Sinicis cognoscendis operam dederat. Vixit deinde annos quadraginta, obiitque nonagenario maior. Is quos labores, quantam curam susceperit, quos industriae suae socios testesque adhibuerit, vt veram Sinensium mentem detegeret, prolixè in limine tractationis suae exponit. Hoc Iesuita auctore (quocum comparandus ANTONIVS DE S. MARIA) ita secundum laudatos auctores Sinenses statuit secta literatorum, quae philosophorum ordinem hodie in regno Sinico κατ' ἐξοχήν tuetur <sup>e</sup>:

I. Philosophiae munus consistit in inquisitione primi principii mundi, et qua ratione ab eo causae vniuersales et particulares exortae fuerint, quae sint earum actiones, effectus, quid sit homo in relatione ad corpus et animam, de modo eius tum notiones concipiendi tum agendi, de habitu virtutum et vitiorum, de sorte fatoque hominis cuiuslibet eiusque horoscopo: quae omnia methodo symbolica, numeris, figuris, aliisque aenigmatibus possunt debentque proponi.

## II. Scien-

e) loc. cit.

d) Apud MINORELLI p. 117.

e) p. 193. seqq.

II. Scientia (nostri metaphysicam nuncupant) est vel scientia antecessens, i. e. a priori, Sien tien hio agitque de ente et substantia principii primi, de loco, modo, operatione primarum caussarum, quatenus in potentia considerantur: vel est scientia subsequens, i. e. a posteriori, quae principiorum immaterialium influxum in res particulares applicationem virtutum operatiuarum, in augendo, diminuendo, alterando, considerat, et ad opera resque vitae ciuilis, maxime vero imperii regendi applicat, et commoda atque debita tempora designat. Nempe influxui coeli in disponendis non modo vitae priuatae sed et regiminis publici actionibus mira Sineses tribuunt, caussasque generales non nisi in certa dispositione zodiaci effectum suum sortiri contendunt, adeo vt sectarum origines certis zodiaci signis et influxibus imputent. Quae ex hypothese veteri de animae mundanae parte nobilissima coelos inhabitante orta, astrologiae curam adeo diligentem genuisse, apposite notauit MOSHEMIVS \*.

III. Virtus dominans caussarum generalium vocatur Ti-chu-chu zai-kuin wan-huang, quae regis dominantis qualitates denotant f.

IV. Ex nihilo nihil fit, nec causa vel principium datur, quod ex nihilo produxerit omnia.

V. Quoniam autem res omnes non ab aeterno fuerunt, sed existere coeperunt, sequitur inde, ab omni aeternitate fuisse principium aliquod, quod causa rerum omnium esset, easque ab aeterno praecederet. Et hoc quidem principium vocatur, Li, id est, ratio seu fundamentum totius naturae.

VI. Haec causa est ens infinitum, incorruptibile, sine principio et fine, quia sine his attributis causa prima esse non posset.

VII. Magna haec et vniuersalis causa non habet vitam, nec intelligentiam, nec auctoritatem, est vero pura, tranquilla, subtilis, perspicua, sine corpore, sine figura, et non nisi intellectu comprehendi potest, vt res spirituales solent; et quamuis spiritualis non sit, habet tamen neque actiuas elementorum qualitates, neque passiuas.

VIII. Ex hoc principio Li, quod materiam primam siue chaoticam dicas, ortus est naturaliter aer, quinque emanationibus et mutationibus sese subsequens, donec tandem materialis et palpabilis fieret.

IX. Li itaque ex se ipso factus globus infinitus, nomen iam habet Tai-hien, summa perfectio.

X. Aer hic primigenius, qui ex materia chaotica exortus est per quinque emanationes quoad substantiam incorruptibilis est, et eiusdem cum Li, essentiae; licet magis materialis et alterabilis sit, ex condensatione et rarefactione, motu, quiete, calore et frigore.

XI. Li itaque materia prima, Tai-kie materia secunda est, quae ex illa ortum habet.

Vvv vv 2

XII.

\*) loc. cit.

f) p. 197. seq.

XII. Calor et frigus sunt causae generationis et destructionis rerum omnium; ille a motu originem habet, hoc a quiete.

XIII. Aër in secunda materia siue chaos conclusus, dum se agitauit, calorem produxit, pars quaedam frigida mansit; hincque aër vel calidus vel frigidus est. Calidus aër purus, clarus, perspicuus levis est, frigidus impurus, fuscus, opacus, grauis.

XIV. Quatuor itaque causae physicae sunt: motus et quies, calor et frigus, quae vocantur Tung-cing-in-iang.

XV. Calor et frigus inter se arctissime vnita, velut mas et foemina genuerunt aquam, quae pertinet ad Lin. In secundo congressu produxerunt ignem, qui pertinet ad Liang.

XVI. Hinc quinque elementa producta sunt, quae constituunt Tai-kie vel In iang, id est, aërem qualitatibus indutum.

XVII. Sunt autem elementa quinque, aqua elementum boreale, ignis australe, lignum orientale, metallum occidentale, terra in medio.

XVIII. Ling-iang et quinque elementa produxerunt coelum, terram, solem, lunam et planetas. Aër enim purus sursum sublatus, formauit coelum, aër crassus, impurus, opacus et grauis descendens terram formauit.

XIX. Coelum et terra virtutibus suis inter se communicatis produxerunt marem et foeminam. Iang coelo et mari, In terrae, foeminaeque conuenit. Ideo dicitur imperator Chinae rex coeli, et sacrificia fiunt coelo et terrae velut communibus parentibus.

XX. In coelo, terra et homine res reliquae omnes comprehenduntur, velut in fonte suo.

XXI. Et hoc quidem modo mundus creatus est. Cuius machina componitur ex tribus partibus primariis, quae sunt principia reliquarum omnium.

XXII. Prima pars est coelum, quod complectitur solem, lunam, stellas, planetas, regionem aëris, in qua habitant quinque elementa, ex quibus res inferiores producuntur.

XXIII. Diuiditur autem in octo Kuas, siue partes aëris in quibus elementa dispositionem differentem accipiunt, quae cum causis efficientibus vniuersalibus conspirant.

XXIV. Secunda causa principalis est terra, quae comprehendit montes, fluuios, lacus, maria. Etiam hae partes habent suas causas vniuersales efficientes virtute et operatione gaudentes.

XXV. Terrae partes comprehendunt Kang et Ieu, forte et imbecille, durum et molle, asperum aut dulce.

XXVI. Tertia causa est homo, qui habet proprias et particulares generationes et ortus.

XXVII. Haec mundi productio mero casu facta est, sine fato, consilio et praedestinatione, ex fortuito concursu causarum primariorum efficientium.

XXVIII.

XXVIII. Coelum est rotundum, motusque eius ideo circularis est, itemque operationum influxus.

XXIX. Terra quadrata est, quae caussa est, cur in medio, tanquam in loco quietis sita sit, et quatuor reliqua elementa ad latus posita habeat.

XXX. Praeter coelum est quoque materia prima infinita, quae Li dicitur, ex qua Tai-kie emanauit. Illa semper quiescit, pellucida et maxime subtilis, sine cognitione et actiuitate, et mera potentia est.

XXXI. Aër, qui coelum a terra separat, in octo partes diuiditur, quatuor meridionales, vbi regnat lang, siue calor, et quatuor septentrionales, vbi obtinet regnum In, idest, frigoris. Cuilibet parti respondet portio aëris, quae Kua dicitur. Et haec quidem interpretatio aenigmatis Fohiani est. Fohi enim hanc ortus mundani historiam primus delineauit, Confucius in expositione *Lie-kien* explicuit. Dabimus schema Fohianum infra. Et haec quidem de origine rerum philosophiae sectae litteratorum est; quam tamen secta quoque Taoçu, recipit. Ea enim ponit, Tao, chaos, produxisse vnum, Tai-kie, seu secundam materiam, vnum produxisse duo, Leang et In; duo produxisse tria, tien, ty, gin, fan, zay, coelum, terram et hominem. Tria haec produxisse omnia.

XXXII. Scientia subsequens siue a posteriori, (cuius auctor et inuentor fuit Vuen-Vuam, eiusque filius Cheu-Kung) influxum coelestem in tempora, annos, menses, dies et signa zodiaci considerat, vnde euentorum futurorum cognitio, secundum quam vitae actiones dirigi debent, exoritur.

XXXIII. Calor caussa est conseruationis et actionis rerum omnium, nasciturque ex motu ab appropinquante sole et claritate luminis prognato. Frigus, destructionis caussa ex remotione et distantia motus luminis siue ex tenebris oritur.

XXXIV. Calor ver et aestatem regit, frigus autumnum et hyemem.

XXXV. In octo partes vel puncta diuisus est zodiacus, quorum quatuor ad calorem respiciunt, quatuor ad frigus.

XXXVI. Influxus caussarum efficientium vniuersalium in puncto dominante incipit, in Kua, quae chin vocatur et orientalis est, initio veris, qui fit quinto vel sexto die Februarii.

XXXVII. Omnes res vna eademque sunt substantia.

XXXVIII. Cum duplex materia sit, chaos infinitum, siue Li, et aër prima emanatio chaos Tai-kie haec substantiam materiae primae in se comprehendit, quae ideo omnibus rebus ex ea ortis inseparabiliter vnita est.

XXXIX. Postquam coelum et terra formata sunt, aër, qui est inter utrumque materia proxima rerum omnium corruptibilium est.

XL. Ex vna itaque eademque essentia vel substantia potius, et natura rerum per condensationem, quae figurae corporeae caussa est, et per modificationem diuersam, oriundam ex diuersis qualitatibus coeli, solis, lunae,

Vvv vv 3

stellarum,



stellarum, planetarum, elementorum terrae, et temporis momentorum concursu res omnes producuntur.

XLI. Sunt itaque hae qualitates forma et principium operationum interiorum et exteriorum corporum compositorum.

XLII. Generatio est participatio aëris chaotici modificati figuris et qualitatibus magis vel minus puris, quae concurrentibus sole et causis particularibus atque dispositione ordinis vniuntur.

XLIII. Corruptio est destructio figurae externae, et separatio qualitatum, humorum, et spirituum vitalium, qui in aëre vniuntur. Surgunt autem solutae partes leuiiores calidae et puriores, descendunt partes grauiiores frigidae et impurae. Illud Xin et Hoen appellatur, id est spiritus puri et animae separatae, hoc Kuei, id est, spiritus impuri, et Pe, id est cadauera.

XLIV. Differunt res vel forma externa, vel qualitatibus diuersis internis.

XLV. Sunt autem qualitates differentes quatuor: Ching, rectum, constans, purum, Pieu, curuum, inconstans, impurum, Tung, penetrans et subtile, Se crassum, impenetrabile, obscurum. Illae duae bonae sunt, et ab homine recipiuntur, hae malae, et ad bruta pertinent atque inanimata.

XLVI. Bonae qualitates distribuuntur in perfectum et imperfectum, purum et impurum. Illas qui accipit, nascitur heros vel eruditus, quem regit ratio, et vltra vulgus conditionem eleuat; has qui sortitur, ferus, obscurusque euadit, vitamque malam ducit; figura tantum homini, cetera bestiae similis. Medium qui occupant, Hien lin vocantur viri prudentes et boni.

XLVII. Tai-kie, siue substantia vniuersalis in duas partes diuiditur, lieu et Vu. Illa substantia corporea est figurae materialis, extensa, solida resistens. Haec substantia minus materialis est, aëri similis figura experti, quae dicitur, Vu, Kung Hiu, Vu king, nihilum, vacuum.

XLVIII. Haec substantia separata ab omni qualitate et accidente vocatur Tai Vu, Tai kung, estque simplicissima, purissima, subtilissima.

XLIX. Neque tamen potest per se subsistere, sed tantum in aëre primigenio, quoduis quoque ens compositum ingreditur, et reuera aërea est, vnde Ki, dicitur. Adeoque cum natura immateriali et mere spirituali confundi non debet.

L. Ex Li, quod est chaos siue seminarium primum omnium emanant quinque virtutes, pietas, iustitia, religio, prudentia, et fides cum habitibus suis: ex Li qualitatibus induto et vnito cum aëre primitiuo emanant quinque elementa, physica itaque et moralia omnia ex vno fonte, Li, oriuntur.

LI. Est itaque Li, essentia rerum omnium, siue, verbis Confucianis, ratio et substantia vniuersalissima.

LII. Res

LII. Res omnes producit Li per Ki, siue aërem suum primogenitum, velut instrumentum suum, et eo mediante gubernat quoque omnia.

LIII. Post certos annorum numeros et periodos, quibus mundus durabit, finem habebit, redibuntque cuncta ad fontem et principium suum, sic vt tunc nihil futurum sit quam Li et Ki, et tunc Li incipiet nouum ex se mundum condere, idque periodis infinitis.

LIV. Dari spiritus, patet ex ordine coeli et terrae constanti, et iusta atque perpetua operationum continuatione.

LV. Inde concludendum, habere res omnes auctorem et principium inuisibile, a quo reguntur. Id appellatur Chu, dominus, Xin - Kuei, spiritus exiens et rediens, Ti-Kium, rex vel imperator.

LVI. Alterum argumentum, ex quo dari spiritus concluditur, sunt beneficia ab iis hominibus exhibita, quae hos permouerunt, vt eos sacrificiis honorarent.

LVII. Veteres quatuor genera sacrificiorum obtulere, 1. Lui, coelo et eius spiritui Xangti. 2. In spiritibus sex caussarum vniuersalium, scil quatuor anni temporibus, calori, frigori, soli, lunae, stellis, pluuiæ et siccitati. 3. Vuang, spiritibus montanis et fluuiorum, 4. Pien spiritibus minoribus et hominibus de republica praeclare meritis.

LVIII. Ex his fundamentis sequitur: 1. Spiritus Sinensium esse vnam substantiam cum rebus quibus vniuntur. 2. Eos omnes vnum habere principium, nempe chaos primitiuum. Id quoque de Tien-chu, Deo nostro, vel Xangti, spiritu coeli dicendum. 3. Spiritus cessaturos, cessante mundo, et reuocatum iri in communem rerum omnium fontem. 4. Omnes spiritus ratione substantiae suae eadem gaudere perfectione: et differre tantum in eo, quod locis vel partibus mundi aut maioribus aut minoribus praesint. 5. Omnes spiritus esse sine vita, sine scientia, sine intelligentia, sine libertate. 6. Eos autem sacrificia recipere, pro conditione operationum suarum, quae in locis istis deprehenduntur, quibus praesunt. 7. Esse eos autem partes substantiae vniuersalis, quae a rebus quibus insunt, separari nequeant, sine destructione illarum.

LIX. Sunt spiritus vel generationis et corruptionis, qui phyfici dici possunt, quia caussae rerum phyficarum sunt; vel sacrificii, a quibus bene vel male hominibus fit, qui politici appellari possunt.

LX. Vita hominis consistit in recta vnione partium eius, quae vocatur entitas coeli et terrae. Entitas coeli est aër purissimus, leuissimus, igneae naturae, ex quo anima formatur, vel spiritus animales, qui vocantur Hoen, anima. Entitas terrae est aër crassus, grauis, terrestris naturae ex quo componitur corpus eiusque humores, et vocatur Pe, corpus vel cadauer.

LXI. Mors hominis nihil aliud est, quam separatio partium ex quibus componitur, post quam quaelibet ad locum suum proprium reuertitur, Hoen s. anima in coelum, Pe in terram.

LXII. Re-

LXII. Restat itaque post fata sola entitas coeli et terrae ex qua homo componitur, quae in loco suo superstes est, et haec immortalitas hominis est. Proprie autem solum Li immortale est. Et hoc systema Sinense metaphysicum et physiologicum, quod non hodie tantum obtinere in secta literatorum, ex libris philosophorum et ore Mandarinorum literatissimorum demonstrat Longobardus, idem euincente P. de S. Maria, sed quod commentatores quoque medii aevi receperint, allatis eorum locis euincit. Intercessit autem illustris Leibnizius, qui in epistola ad Remondum, paulo ante ultima fata scripta, omnes ingenii, quod maximum nactus erat, neruos intendit, ut falli Longobardum ostenderet, nec hos commentatores adeo impie praecepisse, demonstraret. Non negat hanc systematis rationem, quam Longobardus, certissimis testimoniis probauit, veram esse, et ideo sectam literatorum hodiernam atheis annumerari posse. At principia ista physiologica de Sinensibus omnibus minus dextre a Longobardo explicata esse contendit, ideoque alios illis sensus tribuit, quibus castior philosophia emergere possit. Qui facilis labor fuit ingenio Leibnizii vasto, et indeterminatis Sinensium vocibus nouas significationes facile inuenienti. Putat enim Sinas ideo orthodoxos censeri, quia Li, productionem Ki tribuant, adeoque tolerabiliori sensu eos esse explicandos, ita ut Li siue Deum principium rerum omnium pro intelligentia supremunda habuerint. Aequum autem esse, ut atheismi ideo non damnentur, quia scholasticas notiones refugiant. Hinc magna ingenii vi nixus, Li de causa rerum omnium intelligente, rerum omnium praefide, creatore rerum omnium causaque non physica tantum, sed et metaphysica explicat, et *πανδοχῆον* istud rerum omnium, vel magnum inane immensitatem Dei significare contendit, reliqua, e. g. Li esse rotundum, allegorice dicta esse putat, et imprimis ob attributa moralia locum ei in solo genere physico esse non posse, asserit. Quod si nonnulla minus Deo conueniant, Li non mox materiae adscribendum, sed potius de tertia quadam significatione cogitandum esse, materiam primam enim mere passiuam esse, Li, et Tai-Kie actiuum et operationes habere, adeoque ente-lechiam quoque spirituum significare etc. Longum esset reliqua omnia hic repetere, quae simili modo in notiones tolerabiliores refingit vir doctissimus, et ingenio systematico supra modum valens, quae iucundius apud ipsum magna facundia differentem, quam hoc loco, leguntur.

*Iudicium de  
hoc systemate  
Sinico.*

§. XXIII. Difficile est in tanta assertionum Sinensium obscuritate definire, quis horum duumviro- rum certiore sententiam elegerit? Fate- mur tamen, nobis minime dubium videri, Longobardum veram Sinarum sententiam, prout ea secta literatorum profitetur, retulisse. At cum ne hoc quidem neget Leibnizius, putet autem in explicandis verbis Sinensium philosophorum Longobardum scholasticis notionibus impeditum ve- ram Sinarum medii aevi mentem non vidisse, opere pretium est dispicere, annon

annon verisimiliora afferri queant. Non negamus autem, eam explicationem, quam ex systematis physiologici nexu dedit Longobardus, quaeque ratiocinatione ex nexu eius deducenda erat, videri nobis nimis secundum Aristotelico-Scholasticas notiones formatam fuisse, nec putamus materiam primam Scholasticorum, vel substantiam quoque unicam Spinozae posse principio Sinensium primo, Li eiusque primogenio foetui Ki applicari, nisi vim systemati Sinico inferre velimus. Id nisi fallimur, satis luculenter demonstravit Leibnizius. Ast nec tamen ea nobis satisfaciunt, quae vir summus eo fine adduxit, ut orthodoxos esse castosque de rerum causis Sinensium sensus statui queat. Multa enim adeo hypothesein redolent, obtorto collo ad excusandos errores Sinarum rapta, ut nihil videamus, quod assensum vel leuiter imperet. Verum in eo quidem facile manus damus Leibnizio, et qui in eius partibus militat Kortholto, differre hoc systema, ab eo, quod priscis Sinensibus placuit. Nimis enim scholam sapit, et simplicitati vetustissimi aevi repugnat, subtilitatibus metaphysicis prodens, recentiora id ingenia parturiuisse. Ast puram doctrinam de Deo, spiritibus et rebus mundi proferri eo minus nobis persuademus, quo minus negare potuit ipse vir illustris, animam quandam mundi eius partibus non assistentem, sed eas informantem, ut anima corpus hominis informat eo modo, quo sectae quaedam Graecanae solebant, in toto illo systemate physiologico supponi. Hanc itaque clauem philosophiae Sinicae de rebus metaphysicis et physicis ipse nobis porrigit Leibnizius: quae hoc adytum recludentes nobis verisimillimum fit, eandem, quae Stoicis olim electa est, hypothesein physiologicam Sinis arrisisse, et Li Sinensium animam mundi chaos informantem, Tai Kie animam mundi formati non Platonice sed Stoice, quae Pythagorae quoque scholae placuit, innuere. Hoc ubi supponimus, ouum ouo non erit similis, quam Stoica sunt Sinensibus. Quod ut lectori palpandum exhibeamus, eum illa modo recordari, et cum Sinico systemate a Logobardo explicato comparare iubemus, quae suo loco de Stoico systemate diximus, ut intelligat, quam mire utrumque physiologiae aedificium conspiret. Nam 1. apud Stoicos, ante rerum formationem cuncta est Iupiter, vniuersum, chaos animatum rerum omnium substantia vna, res omnes in se complexa. Ita vero principium Li rerum omnium principium vnum est, et omnia illud completitur, fons est rerum omnium, ex eo egressarum; et hinc vna tantum rerum omnium substantia est. 2. Stoicis et Pythagoreis pars chaotici principii actiua ignis artificialis, aether purissimus est, a quo, in suprema mundi parte confidente omnia facta et formata sunt. Et haec ipsissima quoque de aëre primogenio ex Li progressu et in coelo primario residente apud Sinas praedicantur. 3. Stoici huc aëri primigenio siue igni diuino spiritua-

2) p. 415.

*Hist. philos. Tom. V.*

Xxx xx

spiritualitatem, immaterialitatem, perfectionem, vniuersi conseruationem tribuerunt: eadem vero attributa habet Tai-Kie Sinensium ex Li emanans. 4. Arctissime vero hic spiritus mundi cohaeret apud Stoicos cum partibus mundi, et indiuiso nexu coniungitur: Tai-Kie quoque Sinensium ita inhaeret mundi partibus, vt ab iis separatum illae destruantur. 5. Prouidet hic Deus Stoicorum haec anima, mundo, sed secundum dispositionem qualitatuum eius, et partium dispositionem; non aliam vero prouidentiam coeli agnoscunt Sinae. 6. Stoicorum daemones effluvia sunt istius animae, quae partes mundi, maria, montes, fluuios, etc. regunt, supremas et excellentissimas in coelo et elementis resident. Ast et in his Sinensis metaphysica tam egregie concinit, vt ex Zenonis schola hausisse videri possit. Spiritus enim Sinarum etsi cum ipsis mundi partibus confundendi non sunt, sunt tamen effluvia Tai-Kie, et mundo praesident, eiusque partes informant, et nobilissimi eorum coelo, terrae et elementis praesident. 7. Sacrificarunt vero his daemonibus Stoici, eos coluerunt et expiauerunt, rati, reipublicae quoque interesse: eadem quoque prorsus est ratio Sinici cultus spiritibus redditi: vt enim v. g. Iupiter coeli, Iuno aëris, Vulcanus ignis, Ceres terrae etc. spiritum inhabitantem significat, ita coeli, terrae, aëris etc. spiritus ex hoc vniuersi seminario desumpti sua nomina et numina Sinica habent, v. g. coeli spiritus Xang-ti. 8. Stoicorum Dei pereunt reuocandi scilicet in Iouem suo tempore in incendio vniuersali post certas origines; et Sinarum quoque dii simili prorsus modo in Li olim refundentur. 9. Deus Stoicorum chaoticus a mundo formato ratione originis, non vero essentiae, differt; et similiter apud Sinenses Li, siue chaos a Tai-Kie mundo informato origine quidem, non vero essentia distinguitur. 10. Stoici vero coelum haud raro Deum vocant, ob spiritum aethereum vel igneum in eo residentem: eadem vocis Xangti vera significatio esse videtur. 11. Cosmogonia Stoica Sinensi non minus exacte respondet. In utroque enim systemate prima principia leuissima ascenderunt, grauiora subsiderunt, et sic elementa nata sunt, inde Li Ki progeniuit. 12. Elementa Stoicis vel grauiora sunt vel leuia, Sinis vero itidem. 13. Mundus Stoicorum post certas periodos in Deum redit cum omnibus diis, et Iupiter nouum ex se interna operatione mouente producit. Simile fatum mundo Sinae annunciant, secundum quod ne animis et daemonibus quidem exceptis cuncta post certa curricula temporum in Li redeunt, quod postea per Ki, id est motum suum internum nouum mundum producet. 14. Nec anima hominis vel ratione originis vel ratione naturae suae, vel ratione status sui post mortem alia est, apud Sinas, quam apud Stoicos, nempe ex Ioue siue Li progressa, ad eum iterum reuertitur. 15. Quamuis autem Deus Stoicorum reuera materialis sit, nempe ignis subtilissimus, auctor tamen est omnis sapientiae et virtutis. Quid igitur mirum, virtutes quinque ex Li, licet chaos rerum etiam materialium sit, emanare. 16. Mors et de-

structio

structio secundum Stoicos fit, quando partes materiae resoluuntur, partes materiales redeunt in materiam, spirituales in Deum, rationes seminales in mundi animam. Idem visum Sinensibus, secundum quos partes coelestes ad spiritum coeli redeunt, terrestres ad terram. Ipsum iam lectorem aequum et a partis studio non occupatum rogamus, an non verisimillima nos ratio cogat Sinensem physiologiam, eodem, quo Stoicam modo interpretari? Nec obstat, quod fassi supra sumus, priscos Sinas non ita statuisse videri: quamuis enim hoc verum sit, aut animam mundi tamen aut spiritus mundi partes velut anima informantes admiserunt, quae postea a philosophis aucta, polita, et comtius ornata sunt, ut cum Stoico quoque systemate euenit. Vidit id Longobardus, qui Tai Kie cum anima corpus informante et cum anima mundi veterum comparans, iudicauit exacte omnia conuenire <sup>b</sup>; vidit id P. de S. Maria, qui cum his Europaeorum opinionibus erudite conciliauit <sup>i</sup>. Vidit is, quo nemo acutius, videbat si praeiudicio non impediretur, LEIBNIZIVS, qui eleganter monet <sup>k</sup>: *Potuisse intelligere Sinas nomine Tai Kie substantiam et formam primitiuam et nomine Ki materiam primitiuam, mundum concipere velut animal aliquod, vel ens viuum vniuersale, genium supremum, personam summam, quem in modum Stoici de mundo locuri sint.* Ast haec tamen veteribus Sinis tribuere non vult, quia loca clarissima extent, et hinc animam suam supramundanam surrogari vult: nempe, ne propria vineta caedat, postquam eos orthodoxos esse statuerat. Quod cur vir summus tantopere virgeat, et ita mordicus teneat, ut malit torquere subtilissimis distinctionibus omnia, quam has partes deferere, nos equidem ignoramus, Cel. CROSAEVS <sup>l</sup> autem nihil se mirari, ait, *superuacuos Leibnizii conatus in purgandis Loiolitarum Sinensium superstitionibus.* Nimirum hoc habuisse virum, alias incomparabilem, ut facile blanditiis et adulationibus expugnaretur. Atqui a nullis vnquam hominum tantopere laudatum et commendatum fuisse, quae priuatis literis, quae etiam testimoniis compluribus passim in lucem emissis. Quod vtrum ita se habeat, nos equidem dicere non possumus; scimus autem, virum summum ad excusandos quam accusandos veteres philosophos fuisse prouocatum, et impatienter eos tulisse, qui atheismi patrocinium vbique inueniunt. Vnde vero tanta similitudo Stoici et Sinensis systematis deriuanda sit, certo definiri non potest, meretur autem expendi, quod CROSAEVS <sup>m</sup> asserit: *Certum esse, sententiam philosophorum Sinensium eandem esse atque Aegyptiorum veterum, a quibus certo sciat, eos ante multa secula dogmata fere omnia sua hausisse.* Quae si non omnia vera sunt; ex parte tamen vera esse sumus persuasissimi. An vero hoc systema physiologicum atheum dici debeat, ex illis diiudicandum est, quae de atheismo Stoicorum differuimus.

XXXXX 2

Causa

<sup>h</sup>) p. 233. 236.  
<sup>i</sup>) p. 325. 338. 349.

<sup>k</sup>) p. 448.  
<sup>l</sup>) Vol. II, Epp. Leibniz. p. 496.

<sup>m</sup>) l. c.

Caussa enim eadem est: ea vero non confundenda cum atheismo Sectae Foë et Lao Kiun.

*Physica Sini-  
ca qualis?*

§. XXIV. Physica Sinensium qualis sit, ex antecedentibus iam patet, vbi origines mundanae et elementorum numerus, ordo, origo, virtutes delineatae sunt. Quae satis crassa Minerua dicta esse nemo non videt. Rationes autem elementorum ex mente Sinarum ita explicat M. MARTINIVS †: *Quinque sunt elementa: aqua, ignis, lignum, metallum et terra. Aqua irrigat et descendit, ignis ficit et ascendit, lignum erectum et distortum vocatur, metallum ductile leuitatisque patiens, semina terra capit, affertque fructus: Irrigans et descendens dat salsum, ficcum et ascendens dat amarum, rectum et distortum facit acidum, ductile et politurae idoneum mordax facit, siue acre, accipiens semina et dans fructus, dulce gignit.* Ex quibus colligi potest, elementa hic considerari non vt principia mixtorum, sed vt partes mundi, atque vt prima corpora, non vero primorum corporum principia. Vnde qualitates non combinationem particularum, sed proprietatem corporis hoc loco denotare, recte obseruatum TH. SPIZELIO \*. Qui quoque monet, Sinas singulis elementis singulas planetas tribuere, Saturnum terrae, Iouem ligno, Martem igni, Mercurium aquae, metallo Venerem, cuius rationes ex physiologia Sinica a Longobardo adducta facile peti possunt. Vidisse autem Sinas ipsos ineptias huius doctrinae, inde constare potest, quia Riccium quatuor elementa eorumque qualitates Peripatetice tradentem, et libro quoque Sinica lingua exarato confirmantem non modo cupide audiuerunt; sed eius quoque disciplinam ambiuerunt. Vnde facile nobis persuaderi patimur, aures arrexisse Sinas, cum Europaeos audirent terrae rotunditatem, solis magnitudinem, cometarum ignes et innumera physica alia tradere. Videntur autem Sinae nonnihil physicarum hypothesium praeter Aegyptios, vt supra dictum, ab Indis accepisse: nam et ipsi vt Indi, chaos et ortum rerum ex eo ouum nuncupare, cuius testa in coelum, albumen in aërem, vitellum in terram abierit, idque media nocte, sub illud tempus, quo astra coelum exornantia solstitiali brumalique reuocatione vertantur, tradit MARTINIVS \*. Quae coniecturam confirmant supra allatam, veterum Sinarum physiologiam nonnihil alteratam a peregrinis dogmatibus Aegyptiorum, Indorum et Arabum, qui ab illis acceperunt, fuisse. Id quod verisimilius est, quam quod RENAUDOTIVS ‡ coniecit, a Persis eos dogmata quaedam accepisse, quos frequentasse Chinam nondum est euictum. Nam quod a SPIZELIO § tribuitur Sinis duplex principium, si modo recte tribuitur, ad exotericam idololatrarum, sectae Lao Kiun et Foënae doctrinam pertinet, et non a Persis, sed ab Aegyptiis ad Indos, ab his ad Sinas cum Xekiana disciplina delatum

†) loc. cit. E. I. c. 9.

n) De Literat. Sinens. Sect. IX. p. 171.

o) loc. cit. p. 3. 4.

p) loc. cit.

q) loc. cit. p. 193.

latum est, et satis verisimiliter Tryphonem Aegyptiorum magis, quam Arihmanium Persarum repraesentat. Nihil autem, si **COMPLETUM** audis, celebrius in physica Sinica explicatione aenigmatis Fohiani, cuius supra mentionem fecimus. Hoc ita physica interpretatione soluisse Confucius cum sequacibus ait, ut materiam primam instar ingentis cuiusdam maris concipiant, quod in duo maria minora, nempe duo principia secundaria distribuatur. Illud perfectum, yam, hoc imperfectum yn esse. Ex horum principiorum quolibet per secretionem quandam oriri alia principia duo, et quidem ex perfecto perfectum maius, imperfectum minus, ex imperfecto, perfectum minus, imperfectum maius. Et has esse quatuor imagines seu emanationes Confucii, quae cum varie commisceantur, octo exhibeant rerum species. Cuius secundum Fohium hoc schema solet apponi:

### Duo rerum materialium principia.

Perfectum,      Imperfectum.

### Quatuor imagines inde exortae.

Maius perfectum    Minus imperf.    Minus perfect.    Maius imperf.

### Octo ex his figurae emanantes:

<u>Coelum</u> <u>      </u> <i>Kien</i>	<u>Aquae mont.</u> <u>      </u> <i>Tui</i>	<u>Ignis</u> <u>      </u> <i>Li</i>	<u>Tonitrua</u> <u>      </u> <i>Cbin</i>
<u>Venti</u> <u>      </u> <i>Siuem</i>	<u>Aqua</u> <u>      </u> <i>Can</i>	<u>Montes</u> <u>      </u> <i>Ken</i>	<u>Terra</u> <u>      </u> <i>Quen</i>

Non immorabimur explicationi Confucianae, cum satis de hoc argumento supra dictum sit. Monendum tamen esse arbitramur, ipsum Confucium, qui ingenium magis politicum quam metaphysicum habuit, perplexum haefisse, quid ex hoc aenigmate exsculpendum sit. Adeo enim obscurae eius meditationes sunt, ut nisi recentiorum Europaeorum coniecturis essent illustratae, vel commodo, ut poterant sensu, explicatae, tenebras magis, quam lucem in argumento naturali promitterent. Mirandum itaque non est aequae facile eos moralia dogmata, quam physica, in istis lineolis inuenisse; Cuilibet enim pedi hic modulus aptari potest; unde a coniecturis, quibus historiam philosophicam onerarunt nonnulli, malumus abstinere, quam nostras suspiciones Sinis tribuere. Quae pestis, dici

X x x x x 3

non

\*) loc. cit.



non potest, quam foede historiam philosophicam corruperit. Talia sunt, quae RENAUDOTIVS conicit, principium Persarum duplex Confucio hanc explicationem suppeditauisse. Id enim absque verisimilitudine dici ex systemate physiologico Sinarum, quod duplex principium non admittit, constare manifeste potest. Ex his vero de medicina quoque Sinensium statui potest, quam empiricam esse et vix nomen mereri artis salutaris, risum quoque interdum mouere, recte iudicauit MORHOEIVS *f*. Constat enim ex relatione ANDREAE CLEYERI, societatis Indicae in noua Batavia archiatri, qui cum libros medicos Sinensium consulisset, *Specimen medicinae Sinicae, siue opuscula medica ad mentem Sinensium* edidit: pleraque ad pulsuum inuestigandorum rationem reuocari, secundum hos medicamina exhiberi, nitique totam eorum artem salutarem, sympathia et relatione membrorum corporis, nec non pulsuum, cum quinque elementis et anni tempestatibus: Scimus quoque ex his relationibus, chemiam eos ignorare, (quam didicisse demum imperatorem Chamty a Iesuitis ex Bouueſo discimus) alchemiam ad insaniam colere, Graecorum et Europaeorum medicamina ignorare, inque id potissimum conitari, vt qualitates quinque elementorum, quarum aliquam singulis membris potioribus attribuant, restaurarent. Tacemus alia ibi allata, quae satis nos docent, aut empirica felicitate Sinenses interdum pulchre mederi, aut inepta esse pleraque nec laudibus digna quibus nonnulli, quibus peregrina omnia placent et magna sunt, eos cumulant.

*Philosophia  
practica Si-  
nensium.*

§. XXV. Infantes esse in philosophia theoretica Sinas, et valde a nobis superari, ex dictis est manifestissimum. Ast superari nos quoque a Sinensi philosophia practica, magni viri non sine admiratione et insignibus laudibus fatentur. Faciunt id imprimis Iesuitae, quibus pollicem hoc quoque loco premit LEBNIZIVS, quem more suo sequuntur celeberrimi viri G. B. BULFINGERVS et C. WOLFIVS, vt deos minorum gentium taceamus. Nec negari potest, pulcherrimam esse doctrinam moralem et ciuilem Sinarum, prout eam Iesuitae nobis exhibuerunt, maxime postquam acumine Bulfingeriano scopae dissolutae monitorum politicorum Sinensium in systema elegans et aptissimum ire coactae sunt. Ast hic merito recurrit dubium, incertum esse, annon multa ex ingenio interpretum accesserint, quemadmodum haud parum pulchritudinis ex ordine et supplementis Bulfingerianis acceperunt? Ad rationem tamen politicam imperii Sinici attendentibus, manifestum est, praeclare ita rerum ciuiliu, ad mores attemperatarum rationes inuuisse Sinas, vt his fulcris tot seculis inconcussu stare potuerit imperium Sinicum. Quamuis fabulas nobis Milesias enarrent, qui nescio quod aureum seculum nobis in China

a) Vnum enim principium, Li, statuit,

ff) Polyhist. T. II. p. 13.

g) Vid. Act. Erud. 1682. p. 301.

u) Eos nominat HENMANN. l. c. p. 730.

2) Praef. Nouiss. Sinic.

7) ll. cc. conf. SPITZEL. l. c. f. 8. p. 126. REXMANN. l. c. p. 8.

China fingunt, cum historia amplissimi regni indubitatus testis sit, nec tyrannis illud caruisse, nec bellis intestinis, nec imperatoribus in vitiorum coeno se voluntatibus, nec deesse inter eos scelera et flagitia publica, et imprimis duritiem procerum erga humiles, avaritiam et iniustitiam, per totum imperium regnare. Praeclare quoque observatum cel. MOSHEMIO<sup>2</sup>, qui nuper egregie prorsus de philosophia morali et civili Sinensium disseruit, haud multum ad felicitatem imperii Sinici attulisse morum praecepta, sed deberi illam partim ordini et dispositioni imperii, partim loco regni in extremo angulo Asiae siti et a peregrinorum conuersatione vsuque, quibus respublicae mutari turbarique solent, remoti. Ad di his merito debet, virtutem Sinensis philosophiae, non esse fructum rationis vel effectum veritatum certarum et ad vitae felicitatem attemperatarum, non hominis eam animum a cupiditatum oestro liberare, sed esse politicam tantum; et ethicam ideo Sinicam, aliquot tantum officia comprehendere, quae ad conseruationem tranquillitatis internae in republica, et fulciendum sine violentis mediis imperium, referuntur. Mirum itaque non est, ambitionem pleraque sibi in systemate politico poscere, et religionis influxum, poenarumque et praemiorum post hanc vitam respectum, parum aut plane nihil in hac morali doctrina agere<sup>3</sup>. Quae tantas laudes perfectissimae philosophiae mereantur, lectori aequo et partis studio non impedito expendendum relinquimus. Duplex autem Sinarum philosophia practica est, alia vulgaris, alia erudita et Confuciana. Illa sedecim regulis comprehenditur, quae a Mandarinis singulis calendis Idibusque mensis cuiusuis iussu imperatoris praeleguntur: quaeque intelligi satis nequeunt, nisi ad rationes status, quas conditores, monarchiae inierunt, quis attenderit, et, quibus mediis securitati et tranquillitati imperii prospexerint, examinauerit. Qua in re praeclare prorsus versatus est praestantissimus MOSHEMIVS<sup>4</sup>, qui ipse ab iis legendus est, qui nervos prudentiae civilis inter Sinas discere cupiunt. Eius enim observationes, licet egregias prorsus et incomparabiles huc transferre, institutum vetat. Verbo tantum obseruamus, opinionem populi de imperatore coeli filio, et vnico publicae salutis a coelo impetrandae fonte, obsequiumque pronissimum et perfectum, quod ex ea fluit, ipsorumque principum exempla ad conseruandam hanc summam in animis auctoritatem facientia et amorem populi conciliantia potissima fulcra esse, quibus imperii Sinensis felicitas sustentatur, et quibus procerum, parentum, aliorumque, qui societati praesunt officia attemperantur. Ethica philosophica autem ex libris Confucianis disci debet, ex quibus cum potiora collegerit ill. BULFINGERVS, specimen aliquod inde repetemus, plena hausturum ad ipsum eruditissimum librum dimissuri:

## I. Duo

<sup>2</sup>) loc. cit.

<sup>3</sup>) Conscientiam habemus cel. WOLFIVM I. c. qui virtutem Sinicam sine his fundamentis conseruare facit. Praeclare ideo Europaeorum ethico

praerogatiuum concedit BULFINGERVS I. c. p. 280. seq.

<sup>4</sup>) Conf. MOSHEM. I. c. p. 392.

I. Duo sunt doctrinae Sinicae capita, alterum pertinet ad naturae rationalis cultum, alterum ad renouationem populi, illud ethicam hoc politicam complectitur.

II. Ad poliendam naturam rationalem requiritur, primo vt excolatur intellectus scientia rerum omnium, eousque, dum in discernendo bono et malo non aberret, tum vt imbuatur voluntas virtutis amore et vitii odio, deinde vt affectus coërceantur; postea vt componantur actiones et cum ceteris hominibus consuetudo ad honesti et decori regulas.

III. Populus ita instituendus est, vt qui se primum regere possit, idem postea familiam instruere, tum magistratibus admoueri et priuata regna dirigere, et tum demum imperium gerere possit.

IV. Philosophus est, qui amplissimo studio versatur in libris scientiisque omnibus, omniaque examinans exigit ad regulam rectae rationis, ita vt a veritate et virtute, si fieri poterit, nunquam deflectat.

V. Vi intellectiua consummata, quod sit rebus omnibus intime exhaustis, intentio ac voluntas verificabitur, et animus emendabitur a prauo affectu, et tum corpus bene compositum, hocque curato, familia domestica, post hanc priuatum regnum et tum imperium optime institutum pace fruetur.

VI. Id quod a coelo est homini inditum, dicitur natura rationalis, quod huic conformatur natura et eam consequitur, dicitur regula seu consentaneum rationi: restaurare quoad exercitium hanc regulam se suaeque per eam moderando, dicitur institutio seu disciplina virtutum.

VII. Coelestis quaedam est ratio omnibus indita, at vero post huius lacturam ad hanc perfectionem recuperandam contendere, humana quaedam via et ratio est. Illud sanctorum est, hoc sapientum.

VIII. Vnicum viuendi principium hoc est: quicquid agas, agere vere, ex animo totisque viribus et a tuo ipsius corde gradum facere ad alios. Vera itaque mensurae normaeque ratio est, quod tibi fieri non vis, alteri ne feceris.

IX. Vt homines discernamus, opus est attendere primo quid agant, deinde operis finem respicere, tum videre, quibus in rebus studiisue conquiescant.

X. Auribus vix percepta per os illico fundere, neque hoc agere, vt ea tibi ipse primus applies, quam impertias aliis, virtutis quidam contemptus ac repudiatio est.

XI. A discipulo requiritur, vt rationes plene perdiscat, examinet singula, viros sapientes consulat, ratiocinando meditetur et expendat singula, res clare distinguat, solide et constanter operetur.

XII. Non externa tantum virtutis constantia requiritur, sed etiam interna, quae nihil egerit rerum, quod non vulgari possit inter homines, nullam voluerit cogitationem, cuius nolit conscium esse coelum.

XIII. Ita virtuti studendum est, vt ea gaudeas.

XIV. Per-

XIV. Perfectus vir serio attendit et inuigilat suo interiori.

XV. Tres classes virtutis studiosorum sunt, qui intelligunt, quid sit virtus, qui amant, qui potiuntur.

XVI. Radix et fundamentum virtutis, vnius cordis rectitudo et norma est.

XVII. Orbis regulae sunt quinque; regem inter et subditum iustitia, parentes inter et filios amor, maritum inter et uxorem fides coniugalis, fratres maiores natu inter et minores subordinatio, mutua inter amicos concordiae et consuetudinis officia. Tres cardinales virtutes sunt: prudentia in discernendo bono a malo: amor vniuersalis erga omnes, et fortitudo in prosequendo bono, vna vero cordis soliditas et rectitudo eas exercet.

XVIII. Quia motus animi reconditi sunt, ideo perfectus vir sollicite inuigilat cordis sui secreto et cautus est in internis, quae solus intuetur.

XIX. Versatur virtus in tenendo medio illud qui transilit, similis est non attingenti.

XX. Sola et vnica virtus pretiosa reputanda est.

XXI. Populo in virtute plus est, quam in aqua et igne: nondum videtur qui insisteret virtuti et periret.

XXII. Exemplis persuadendus magis populus est quam praeceptis: iustumque virtutem, qua prior ipse plenus sis, in alios transfundere.

XXIII. Sapiens suimet seuerus censor est, idemque testis, accusator et iudex.

XXIV. Vincere se ipsum atque ita redire ad primaeum illud temperamentum naturae rationalis, hoc est obtinuisse cordis innocentiam et perfectionem.

XXV. Aut socordia obstat virtutis studio, aut male consideratus ardor.

XXVI. Perfectus vir aggreditur viam ordinariam et ideo constanter in ea progreditur.

XXVII. Probus atque perfectus vir, vniuersalis est.

XXVIII. Charitas est affectio animi constans et consentanea rationi, qua quis abiecta proprii commodi cura, totius orbis homines amplectitur, haud secus ac si vnum quid idemque secum forent, atque adeo communem cum iisdem sensum tam inter prospera, quam aduersa et habet, et prodit.

XXIX. Solus ille, qui probus est, tuto potest diligere homines, tuto potest eos odisse.

XXX. Eo quod rectum iustumque est, compensato iniurias et odia, benefactis compensato benefacta.

XXXI. Peccare nec emendare, hoc ipsum dicitur peccare.

XXXII. Perturbatio animi est velle aliis ea, quae non sunt arbitrii sui, vel quae sunt inter se pugnancia.

XXXIII. Perfectus vir pro ratione status sui res agit, nec cupit aliquid, ab eo alienum.

XXXIV. Virtutis et sapientiae studiosus adhibet nouem considerationes, inuidendo perspicaciam, in audiendo vim audiendi, in habitu oris serenam placiditatem, in statu corporis grauitatem, in sermone fidem et veracitatem, in actione sedulitatem, in rebus dubiis consilium, in ira et vindicta, incommodorum considerationem etc.

Pauca haec ex multis sufficiant, ut velut ex vngue leo intelligi cognoscique possit, cuius generis ethica Confuciana sit. Addi his debent ea, quae de regimine familiae, de officiis magistratuum, de administratione imperii praecipit doctrina ciuilis Sinica. Quae vero hoc loco adduci non possunt, cum istam prolixitatem nostra refugiat tractatio. Ad ipsum itaque Cel. Bulfingerum, qui cuncta ordine digessit, et loca Confuciana simul adduxit, lectorem dimittimus, iucundius ex his fontibus, quam ex nostris riuulis hausturum.

*Bulfingerus de  
ethica Sini-  
ca.*

§. XXVI. Splendere haec precepta moralia, non negamus, aut splendere ita, ut aliorum radios extinguant, id expendendum lectori relinquimus, comparandumque cum philosophorum Europaeorum doctrina morali. Nos pauca supra dictis addimus, et considerare iubemus: ignorare ethicam Sinensem certum principium, nec definire posse, quae sit ea ratio congenita, quae cordis rectitudo, quae laudata illa perfectio, nec posse nexum ostendere. Fassus id est, qui immensum in modum Sinicam ethicam extulit, illustris WOLFIVS. Considerari autem velimus, hunc perfectum virum Sinensium attamen vel idololatriae, vel superstitioni, et impietati litare, et consistere virtutem Sinensem sine numine. Neque virtus haec ad esotericam disciplinam referri potest, fatentur enim eius laudatores, ceremonias praescriptas legibus apud Sinas quam maxime ad moralem doctrinam pertinere; et inter virtutis media referri. Aut eas a superstitione et impietate absoluere velle, esset laterem lauare, ut ex supra dictis intelligitur. Tacemus fucum Europaeum Sinensi virtuti illitum, ut iucundius possit commendari. Haec an tanta sint, ut soli in morali doctrina triumphare Sinae dici queant, aequi iudices viderint.



CAPVT

\*\*\*\*\*

## CAPVT QVARTVM, DE PHILOSOPHIA IAPONENSIVM.

### §. I.

**T**andem ad extremos Asiae angulos delati, in insulis extremis, *Scriptores de rebus Iaponensium.* gentem Iaponensium antiquissimamprehendimus; quae ut instituta sectasque nonnullas, quae philosophicae dici possunt, a Sinis accepit, ita et religionis conditione, et dogmatum singularitate tota in philosophiae exoticae consideratione praeteriri non potest. Res eius primus Europaeis notas fecere Lusitani, et qui praedicandi evangelii causa anno 1600, in Iaponiam iter cum sociis fecit Franciscus Xaverius, Societatis Iesu sacerdos. Qui cum haud contemnendos progressus in amplissima hac regione fecisse sodalibus in partes curarum pertractis magnam civitati Christianae accessionem fecit. Quae tamen, cum prudentia deesset, et suspecta fierent Iaponensibus Christianorum consilia, quod non tam Christianam legem propagare, quam Christianorum imperio insulas has subiicere vellent, magnis persecutionibus adeo extincta est, ut vix oras attingere Europaeis liceat. De quibus rebus in Iaponia gestis post EMANUELEM ACOSTAM<sup>a</sup>, et *Epistolas Iaponicas* a Iesuitis scriptas et a PETRO MAFFEIO in Latinam linguam versas, CRASSETI *Historia Ecclesiae Iaponicae* consulenda est. Et hi quidem scriptores Iesuitae res quoque theologicas et literarias huius gentis tetigerunt, ex quibus praeter alios sua hausit P. BAYLE<sup>b</sup>. Pauca tamen haec sunt, et minus accurata, praeterea quoque in haud paucis suspecta. Magno itaque beneficio harum rerum curiosos sibi obstrinxit, eruditissimus medicus ENGELBERTVS KAEMPFERVS, quod rara felicitate gaudius huius imperii res omnes naturales, politicas, geographicas, theologicas accurate cognoscendi, notitiam eius regionis amplissimam reliquerit<sup>c</sup>, a Cl. Io. CASPARO SCHEVCHZERO vulgatam. Qui cum certiorum monumentorum consulendorum occasionem nactus sit, cuncta quoque iudicio accuratissimo usus rite expendit, et cum reliquis Orientis rebus comparaverit, eum in hac narratione potissimum sequemur.

§. II. Origines Iaponensium iuniores Sinenfium ortu non videntur. *Origines Iaponensis theologiae.* Pleraque enim quae de maioribus suis Sinae tradunt, de gentis suae conditoribus narrant Iaponenses. Quorum tamen historia recte et curate a

Yyy y y 2

KAEM-

<sup>a</sup>) De rebus a Societate Iesu in Oriente gestis, commentarius prodit Latine Dillingae 1571. 8. adiunctae sunt epistolae S. I. Iaponicae. Ex VA-  
REMII<sup>tr</sup>, de Religionibus multa de rebus Iapo-  
nensibus adiecit CHR. ARNOLD. ROGERI  
libro de Rel. Indorum, c. 29. p. 871. Quae ta-

men pleraque vel falsa, vel minus accurata esse,  
ex relationibus Kaempferianis constare potest.

<sup>b</sup>) T. II. Art. Iapon. p. 830. seqq.

<sup>c</sup>) Vtatur versione Gallica, Amst. 1732. tribus  
Vol. 12. edita. Optandum autem, ut *αὐτόγραφον*  
Germanicum edatur.

**KAEMPFFERO** \*, distribuitur in fabulosam, dubiam et certam. Et prima quidem periodus, secundum hos populos ultra mundi conditi tempora, quae certissima annalium sacrorum fide definiuntur, exurgit. Id quod mirandum quidem magnopere haud est, cum solenne his gentibus olim fuerit, incredibilem antiquitatem mentiri: monet autem attentos lectores, ut nec Sinicae antiquitati nimis fident. Primum autem imperio septem deos siue spiritus praefuisse constanter Iaponenses iactant, et de eorum regno, annis immensis, felicitate egregia, connubioque ultimi eorum Isanagi Mikotto, cum dea Isanami Mikotto multa garriunt. Quae quidem ad hunc nostrum scopum non pertinent, ideo vero hic attingenda sunt, ut ex his fabulis appareat, in remotissimo hoc Asiae angulo eodem fere modo eademque larua idololatriam, et superstitionem irrepsisse, qua se in aliis vetustissimis regionibus insinuauit. Simillima enim haec sunt originibus Aegyptiacis. Quae itaque de originibus religionis in ea regione suo loco † diximus, hic quoque, ne ad metam properantem Lectorem detineamus, repetenda sunt. Constabit ex iis, homines magnos et acutos, qui feros palantesque populos in ordinem coegerunt, et beneficiis innumeris cumulauerunt, pro diis, deorumque filiis fuisse habitos, et huic fundamento, ad firmandum imperium omnem fere religionem fuisse inaedificatam. Quae clavis omnis veteris religionis esse potest.

*Legislatorum  
vetustissimi  
Iaponensium.*

§. III. Alteram periodum incertam ea tempora, secundum **KAEMPFFERVM** † occupant, quibus illi reges Iaponiae floruerunt, quorum aetatem definire certo non licet. Hi colendo hominum ingenio, quod rudissimum erat, inuigilauisse, verisimilitudine non caret: quicquid autem prudentiae politicae et legislatoriae, quicquid artium ad vitae commoditates facientium habuerunt, a Sinensibus acceperunt. Non id negant Iaponenses, sed ideo inter maiores suos in hac periodo ponunt **FOHIVM**, Sinarum legislatorem, quem per totam Iaponiam celeberrimum fecit sapientia legislatoria. Nec aliud velle videntur fabulae, serpentis figuram eum habuisse, vel solo capite comparuisse, quam prudentiae et scientiae sublimitate reliquos suae aetatis homines illum superauisse. Tradunt enim Iaponenses, detexisse eum motus coelestes, signa Zodiaci, et anni vicissitudines, tempora annis mensibusque definiuisse, artes ad vitae utilitatem introduxisse. Quae satis euincunt, Iaponenses post conditam demum Sinicam monarchiam in humanae societatis formam meliorem coaluisse. Neque tamen audiendos esse chronologos Iaponenses, qui aetatem Fukii, (ita enim appellant) in annum ante N. C. cccclxxxviii, qui secundum Petauium annus mundi cccxcvi est, ponunt, vel vna diluuii vniuersalis historia probat. Ex hoc vero communi Iaponensium legislatore intelligi potest, Iaponensibus priscis eandem fere, ut Sinis, religionem tribuendam esse. In hanc incertam periodum

d) L. II. c. 4. T. I. p. 227.

e) T. I. p. 227. seqq.

f) l. c. p. 229.

periodum incidit aetas Xekiae, siue Siakae vt Iaponenses pronuntiant, quem in India natum esse anno ante C. N. cło xxvii, tradunt. Quod ideo notandum est, vt discamus, fabulosam, vel incertissimam tamen Xekiae antiquitatem esse, nec haec testimonia obstare, quo minus iunior fuisse dicatur. Eius enim tempora, annum lō vel lōc ante N. C. non anteuertere videntur. Certe Siamensium, Sinensium et Iaponensium chronologia Xekiae non concordat, ex quo intelligi potest, eam esse incertissimam. Nihil enim, quod de rebus suis certo statuam, ipsi Iaponenses habent, quorum historia certior anno demum ante orbem redemptum lō clix exordium habet.

§. IV. Inter principes, qui in tertia eaque certiori aetate vixerunt, conditor alter monarchiae celebratur SYN MV, anno ante N. C. lō clix. Qui tantis beneficiis gentem hanc sibi obstrinxit, vt titulum Nin O, id est optimi maximi acciperet<sup>b</sup>. Hunc enim Iaponensibus praestitisse, quod Fohi Sinensibus, narrant, moresque populi ad civilem vitam reduxisse, tempora annis, mensibus et diebus distinxisse, leges novas tulisse, totique imperio faciem πολιτικώτεραν induxisse gloriantur. Et sub hoc imperatore vixisse celeberrimum philosophum ROOSI, id est senem infantem, quem cum Li Lao Kuin eundem videri in antecedentibus obseruauimus, annales Iaponenses referunt: natum enim esse aiunt annis A. C. N. lō ci, eumque L annis post excepisse philosophum Kooſi siue Confucium. Quem sapientia tam celebrem apud Iaponenses fecit, vt eius memoriae hodie quoque templa sint dicata, cultuque is tantum non diuino et plane extraordinario etiam in his insulis honoretur. Quae iterum argumento esse possunt, philosophiam Sinensem et Iaponensem communes fontes habuisse. Ex eius discipulis celebrant Iaponenses GANQVAI philosophum, quem canos iam habuisse annos octodecim natum, trigesimo tertio obiisse, referunt, traduntque animam Kossobosati, qui praecipuus Xekiae discipulus fuit, in eum transiisse. Ex quo liquet, Iaponenses disciplinam Siakae et Confucii reipsa vnam esse credidisse. Id quod tamen cum dogmatibus, quae vtrique philosopho tribuuntur, conciliari non potest. Forte, quia Siakae religio plurimum inter Iaponenses inualuit, omnes philosophos ex ea participasse, gens credula sibi persuasit. Tempore Confucii enim et discipulorum apud Sinas Xekianam disciplinam nondum innotuisse supra obseruauimus. Illud annalium Iaponensium fide constat, anno xc v imperii, Dai, siue imperatoris Synin, BVPONEM quendam siue KOBOTVM ex India in Iaponiam delatum librum Kio, in equo candido attulisse. Est autem liber ille pandectarum doctrinae et religionis Xekianae instar habendus. Quod

*Legislatores Iaponenses secundum, et philosophicae origines quae sitae sub eorum imperio.*

*Rooſi philosophus.*

*Ganquai Confucianus philosophus.*

*Kobotus, philosophus Xekianus.*

Yyyy 3

tempus

g) Xacam pſerique a Iaponensibus vocari tradunt. Aſt Kaempferus, pronuntiationis Iaponicae peritiſſimus, conſtanter Siaka ſcribit, quem ideo ſequimur.

h) lb. p. 250.

i) lb. p. 256. L. III. c. 6. T. II. p. 66.



tempus cum eo coincidit, quo Xekiana disciplina in Chinam A. C. LXXIII delata est. Ex qua temporum concordantia colligimus, quendam Xekiae siue Foë sacerdotum, qui in Chinam adducti sunt, in Iaponiam transfretasse, et peregrinam religionem in illo regno ab eo fuisse introductam. Quam ex India, et praecipue ex Ceilano insula ad Iaponenses peruenisse iam obseruatum GASP. VILELAER, Iesuitae<sup>1</sup>. Is enim cum anno 1610 in illas oras fuisset delatus, scripsit ad Societatem, *Iaponensium superstitionem esse Indicam Brachmanum, quam ab Indico magistro ex regno Sionis (Siam) acceptam, hucusque retineant: idque ipsum ex delubris etiam apparere, quae in Ceilone oppido Indiae eadem, quae in Iaponia uiderit.* Quae mire ea confirmant, quae supra de Xekiae origine obseruauimus. Ab hoc Koboto, doctrinam Foënam exteriorem pariter atque interiorem fuisse ad Iaponenses delatam, ex dicendis constabit. Qui ubi aduenisset, templum ei, nomine *Fakubasi*, id est, aedis equi candidi, excitatum est, quod hodie quoque superest. Ab ea aetate disciplina Siakae sensim in his oris, sed priuatim tantum incrementa coepit, cuius doctorem quendam, qui vigesimus octauus eius successor fuit, DARMA, valde celebrem annales Iaponici nominant<sup>1</sup>, quam a meridionali orbis parte id est, ex India, vel his regionibus ad meridiem Iaponensibus sitis aduenisse tradunt. Origines vero huius disciplinae ex annalibus Iaponensibus ita enarrat, ipsis Iaponensis scriptoris verbis KAEMPFERVS. „In „Tensiku media id est, in littoribus Malabaricis et Coromandelicis apparuisse celeberrimum quendam Fotokianae sapientiae alumnum, discipulum Siakae nomine Mokuren: et circa hoc tempus doctrinam Amidae, optimi maximi Dei et protectoris animarum introductam in China, in vicina regna se diffudisse, et in Iaponiam quoque penetrauisse, eo loco, quae Naniwa appelletur, ubi idolum Amidae ad cataractas lacus cuiusdam, radiis auratis, ut allatum erat, apparuerit. Cuius mirabilis euentus memoriam non tantum cyclo Iaponensi (Nengo dicunt) honorauerit, sed transtulerit quoque in regionem Sinano, princeps Tonda Iosilimits, vir pius et fortis. Collocatamque hanc statuam miraculosam fuisse in templo Sinqwosi, in quo infinitis miraculis inclauerit.“ Qui locus ideo notandus est, ut quibus mediis et imposturis usi sint deterrimi veteratores, cognoscatur. Quae si cum imposturis sacerdotum Aegyptiacorum comparentur, nouum inde robur coniectura nanciscitur, imposturam hanc ex Aegypto in Indiam et tum ad Sinenses et Iaponenses fuisse delatam.

*Darmaphilosophus Xekianus.*

*Sectae in Iaponia theologicae.*

§. V. Patet ex breui hoc compendio historiae disciplinae Xekianae, siue, ut ore Iaponico appellemus, Siakanae, in Iaponia idololatriam eius sectae ex Aegypto in Indiam delatam hanc etiam gentem corrupisse. Non itaque opus est, ut quali habitu illa idololatria ad Iaponenses delata sit,

k) Epp. Iapon. L. IV. p. 204.

l) Ibid. T. II. p. 64.

fit, hoc loco enarremus. Dabunt ea de re multa scriptores laudati. Id vero sine observatione non praetermittendum, hanc sectam non omnem, vel etiam publicam imperii Iaponici religionem absolueri, sed sectas in ea tolerari multas, magnaque gaudere libertate religiones peregrinas. Tres autem, si laudatissimum Iaponiae chorographum et historicum audimus, praeter Christianam, quae iam eiecta et eradicata est, sectae inter Iaponenses florent, vetus religio, quae Sintos dicitur, religio Budso, id est, Buddae, siue Siakae, et doctrina Sinto siue philosophorum moralium. Neque a vero abludit, quod is observat, pulcherrime porro florere potuisse Christianam religionem, nisi praeposterum Iesuitarum studium, potestatem pontificis Romani et Lusitanorum extendendi, et non tantum spirituales fructus, sed et temporales colligendi occasionem horrendae persecutionis excitauisset. Operae vero pretium est, ut quid his sectis apud Iaponenses placuerit, paucis exploremus: ita enim de veteri philosophia huius gentis, paullo curatius statuere licebit.

§. VI. Religio gentis antiquissima Sinto dicitur, itemque Sinsiu et Kammiti, id est cultus idolorum. Sin et Kami enim idola, quae in Iaponia coluntur, indicant. Huius sectae scopum vnum esse ait KAEMPFERVS<sup>m</sup>, ut felices in hoc mundo fiant. Quamuis enim aliquam immortalitatis notionem habeant, obscuram tamen eam esse, et imperfectam, nec eos de futuro angere, sed ad praesentem tantum vitae statum intuentes id agere, ut Deos colant, qui huius mundi res curant, et euentus huius vitae regunt. Et summum quidem eos numen aliquod agnoscere, quod habitat in supremo coelo, minores quoque Deos quosdam inter stellas collocare, neque tamen eos sacrificiis vel festis adorare, eo quod numinum cura illos minime tangi, nimis ab orbe remotos credant. Per hos tamen Deos superiores eos iurare: inuocare autem ea numina, quae regioni suae praefecta esse putent, et quae potestate absoluta praeesse contendant elementis, aquae, animalibus aliisque rebus, et hinc vitam hominum vel felicem facere possint, vel calamitate obruere. Hunc cultum sufficere posse ad purificandum animum, et obtinendam futurae vitae compensationem. Memorabilia sunt, quae de hac antiquissima Iaponensium idololatria differit Kaempferus, in quibus pulchre coniicit, duces huius gentis primos, ita sibi animos hominum deuinxisse beneficiis et imperio prudenter exercito, ut omnia supremae numinis, velut nimis ab hominum infirmitate remoti cura, hos heroes inter Deos referrent, eosque grati animi testandi causa colerent, veneratione tandem in superstitionem degenerante. Non repugnamus haec ita verisimiliter dici, nam et aliarum gentium Orientalium religio tales ortus habuit. Ast non exaurire tamen rem omnem putamus, et non sine probabilitate coniecimus, ipsos duces regesque Iaponensium primos, se eiusmodi progeniem Deorum altissimorum dixisse, et ideo reges bene meritos his numinibus accensendos esse statuuisse, ut hac religione deuincti ani-

*Secta Sinto-  
starum.*

mi

mi in spontanea obsequii vincula consentirent. Quas artes Chaldaeos et Aegyptios adhibuisse, Sinas quoque veteres imperatores ideo coelesti genere natos dixisse, suis locis observauimus. Eandem opinionem obtinere in Iaponia inde constat, quia imperator ecclesiasticus (qui umbra est, absolutae potestatis, quae olim in hoc imperio in vno rege obtinuit) quique Mikaddos dicitur, recta linea ab iis heroibus descendere dicitur, qui in throno velut Dii inter homines comparuerint: et tanta illi ex hac successione diuina sanctitas tribuitur, ut Dii regionis omnes mense decimo ad eius aulam confluere, eumque inuisere credantur. Immo dum huic imperatori siue pontifici ecclesiastico ius inter Deos referendi, quoscunque dignos putat, competit, facile inde colligitur, omnem religionem eo collineasse, ut imperii rationes in principe pro diuino habito fulcirentur. Id quod successiones quoque diuinae in Iaponia enarrari solitae luculenter euincunt. Quae diligenter omnia expendenda, et imprimis cum prisca Sinarum religione comparanda sunt, quae in plerisque et imprimis in diuina imperatoris auctoritate conspirat, ut verae origines veterum religionum et corruptae theologiae naturalis inde discantur. Non itaque magnopere miramur, religionem hanc, licet absurdissimam superstitionem nutriet, per tot secula potuisse durare; ita enim vinculis reipublicae irretita et connexa est, ut non nisi cum imperio desinere tota possit. Ceterum miserabilem esse huius sectae physiologiam, licet arcana methodo, etiam iurisiurandi sigillo, reconditam, ex textu originali libri sacri a KAEMPFFERO\* adducto patet, qui hic est: *Cum rerum omnium origines se panderent, chaos natauit, ut pisces in fluuiis solent. Ex hoc chaos prodiit aliquid, quod spinæ speciem referebat, quodque moueri et transformari poterat. Et haec res euasit anima siue spiritus; qui vocatur Kunitokodatsno Micotto.* Ex quo fragmento constat ineptissimos theologos, abesse iussa a rebus mortalium omni Numinis cura, rerum omnium origines casui et fortunae tribuisse. Quod dogma si cum iis comparatur, quae, de supremo numine in supramundantis coelis sine hominum cura habitante nugantur, manifestum est, Epicuream physiologiam diu ante Epicurum in insulis Iaponicis triumphauisse. Turpissimae enim ignorantiae se dedisse huius religionis cultores ex eo constat, quia nihil in illorum libris reperitur, quod de natura et essentia deorum, de eorum potentia et prouidentia atque imperio, de statu futuro animae quaerentibus, satisfaciat. Id quod sectam quandam Sintoistarum<sup>a)</sup> coegit ex religione peregrina ea assumere, quae paulo meliores vultus ineptiis istis effingerent; statuentem animum Amidae, quod supremum Budsoistarum numen esse, in sequentibus dicemus, transmigratione in Deum primum Ten Sio Dai Sin descendisse. Id quod Siakianae disciplinae magnam fortunam in Iaponia peperit. Ipsi enim Sintoistae transmigrationem, quae tamen totum Orientem peruasit, non credunt, sed animas separatas a corpore

a) L. III. c. 1. T. II. p. 8.

o) Ibid. p. 14.

p) Riebus appellatur.

pore in locum beatum supra trigefimum tertium coelum secedere credunt, easque sedes diuinas animis sanctis tribuunt; malas vero et scele-  
 ratas oberrare tamdiu statuunt, donec crimina expiauerint. Quod dogma  
 etiam inter alias gentes Orientis innotuit: de Tartaro vero nulla apud  
 eos cognitio. Felicitatem futurae vitae autem obtineri posse statuunt,  
 interna animi puritate abſtinentia ab eo omni, quod polluere hominem  
 poteſt, dierum feſtorum ſolenni cultu, peregrinatione religioſa, et cru-  
 ciatibus carnis. In quibus legibus nihil eſt, quod rationis cultum prodat,  
 praeter primam, quae tamen tota euaneſcit, ſi cogitemus, infelicem gen-  
 tem nulla lege vel eccleſiaſtica vel politica inſtrui, quae puritas interna  
 requiratur, praecipue cum metus deorum ceſſet: Cuncta itaque ad ciui-  
 lem honeſtatem et ſecuritatem legibus definitam reuocantur, reliqua in  
 ceremoniis cultus externi verſantur, quae ambitionem et voluptatem Ia-  
 ponenſium mire alunt. Ipſi quoque eremitaе, inter horrendas vitae au-  
 ſeritates nihil habent, quod philoſophiae umbram ſapiat, ſed ignauiam et  
 ambitionem cuncta parentem habent.

§ VII. Altera, quae miro applauſu et cultu in Iaponia floret, reli- *Seſta Budſdo-*  
 gionis ſecta, Budſdoiſtarum eſt; id eſt cultorum deorum peregrinorum. *iſtarum.*  
 Dii enim indigenae Cami et Sin appellantur, vt ſupra dictum, peregrini  
 Budſ et Fotoke. Ipſa autem religio Budſdoiſtarum non alia eſt, quam  
 Xekiana, quam *Capite primo* ſuſe deſcripſimus. Quo loco cum narraue-  
 rimus, quo potiſſimum pacto exterior et vulgaris diſciplina haec prae-  
 ceperit, et quid imprimis apud Iaponenſes de hac religione tradatur, ea  
 repetere et actum agere nolumus. Hoc vero loco addimus, ipſum nomen  
 Budſdo, non eſſe Iaponicum, ſed vna cum hac religione ex India fuiſſe  
 translatum. Idem enim eſt cum Budda veterum, et Budha recentiorum  
 Indorum, quod cum Hermetis nomine ſignificatione coincidere eo loco pro-  
 bauimus. Etiam id apud Sinenſes obtinet, a quibus ad Iaponenſes trans-  
 latum eſt. Quia vero pro deo ſe venditauit Siaka, Indique conſtanter te-  
 nent, Budham hunc fuiſſe emanationem Deitatis, et ipſum numen Wiſthnu,  
 quod inter homines nono apparuerit ſub forma Budhae; ideo nomen pro-  
 prium Buds et Siaka apud Iaponenſes in appellatiuum tranſiit, et designat,  
 tum idola peregrina omnia, tum ſanctos et philoſophos, qui nouam iſtam  
 religionem praedicauerunt. Nondum autem temporibus Confucii Sia-  
 kanam religionem in China et Iaponia obtinuiſſe, recte obſeruatum eſt a  
 KAEMPFERO<sup>s)</sup>, ex iis enim, quae ſupra diximus, conſtat, circa A. C.  
 LXIII demum peſtilentem doctrinam hoc regnum intraſſe. In quo cum  
 magna auctoritate et veneratione tum floreret Confucii, ſiue Koofi diſci-  
 plina, quae contemto idolorum cultu, ſatis inepte et pueriliter inter Iapo-  
 nenſes florente, ad colendos ſpiritus regioni praefectos, et tenendam ſe-  
 cundum

s) KAEMPFERVS L. c. p. 66.

cundum rationem mediocritatem, praeceptis moralibus haud cōtemnendis homines adducebat, facile credimus, quod KAEMPFERVS ex traditionibus gentis refert, Siakanos philosophos, vel potius sacerdotes, maxima ex disciplina Confucii per totum regnum sparsa et florente impedimenta habuisse, indeque lentos progressus nouam doctrinam vidisse. Obtinuit autem Budōismus mediocrem auctoritatem, vsque ad A. C. 10XVIII, quo Darma, theologus Siakanus, vt supra iam tactum, in Chinam descendit, et amplissimo successu nouam religionem propagauit. Quae eius incrementa et vitae eius institutisque philosophicis debebantur, et doctrinae. Cum enim vitae professione esset venerabilis, et sanctitatis laude florentissimus, magnaue auctoritate viueret, inter religiosissimos homines relatus est. Disciplinam Siakanam vero tanto ardore et imitationis deuotione expressisse dicitur, vt palpebras sibi praecideret, ne meditationis enthusiasmo in ecstasin raptum somnus occuparet: id quod Xenikanae disciplinae stoliditatem supra descriptam mire illustrat. Doctrina autem ideo, supra, quam credi potest, Iaponenses cepit, quia immortalitatem animae praedicauit, et futura illis praemia promisit, qui adorationis cultum secundum praecepta Siakana, et exemplum istud instituerent. Hoc enim innumeros homines permouit, vt a disciplina Confuciana ad Budōismum transfirent. Quae valde ea corroborant, quae in antecedente capite diximus, immortalitatis animae et futurae vitae rationem in philosophia Confuciana habitam non fuisse. Ita Siakana religione caput extollente, idolum primum Siakae inter Iaponenses A. C. 10XLIII publice adoratum est, cumque statua Amidae a Budōistis erecta paulo post miraculosum splendorem emisisset vt supra narratum, factum inde, vt et ipse imperator, Kimmei ei religioni faueret, et innumeri incolae cum meliora domi non haberent, ad eam deficerent.

*Doctrina Siakana inter Iaponenses de Amida,*

*de interno principio.*

§. VIII. Nihil celebrius est inter Iaponenses in ista religione Budōistarum, quae etiam Fotokiana dicitur, id est, idolorum peregrinorum, numine Amidae. Est autem Amida supremum numen sedium beatarum camporumue Elysiorum: quem animarum, maxime separatarum, summum esse patronum atque mediatorem dicunt, et hoc paratio veniam peccatorum et futurae vitae felicitatem se consequi asserunt. Multa de hoc Amidae cultu referunt Iaponensium rerum scriptores, at confusa pleraque, misere enim sectarum dogmata inter se confundunt. Vnde malumus, in *Capite huius Libri primo* Kaempferum, Siakana dogmata exoterica explicantem sequi, quam alios<sup>1</sup>. Is enim exotericam Siakae disciplinam perspicue exposuit. Interiorem autem doctrinam impostoris illius etiam ad Iaponenses peruenisse, et inter Bonzios (hoc sacerdotum publicorum nomen est,) vigere, Iesuitarum relationes dubitare nos non sinunt. Scribit enim Cosmus Turrensis Iesuita<sup>2</sup>: „In iis, quos homines doctrinae laude illustres in deorum numero venerantur, sunt, qui quendam „colant

<sup>1</sup>) Conf. KAEMPFER l. c. p. 70.

<sup>2</sup>) Epp. Iapon. L. III. p. m. 164.

„colant nomine Xacam, quem aiunt regis filium in primis eruditum fuisse:  
 „is praua dogmata posteris scripta reliquit permulta. Ita librum eius quem  
 „Foquequium vocant (Kio, oracula sacra, sine dubio intelligit; Fotoke  
 „enim Siakae siue Xacae cognomen est) pariter venerantur, negantque  
 „sine eius voluminis ope quenquam posse seruari, eiusdem beneficio ipsas  
 „quoque herbas et ligna, beatitudinem esse adeptura. Omnis autem  
 „illius libri doctrina eo refertur, vt persuadeat, *nihil esse, ex quo omnium*  
 „*esse pendeat.*“ Idem vult symbolum arboris aridae, quam Bonzius qui-  
 „dam qui meditatione, siue enthusiasmo Fotokiano triginta annos con-  
 „sumpserat, in charta delineauit, additis his versiculis \*.

*Cedo, quisnam te scuit arbor arida?*

*Ego, cuius principium nihil est, finis nihil.*

*Item: Meum cor, quod neque esse, neque non esse habet*

*Neque it, neque redit, nec retinetur vsquam.*

Neque aliter intelligenda sunt, quae POSSEVINVS † refert, et ex eo  
 repetunt SPIZELIUS \* atque P. BAYLE ‡: „Primum principium (IXIN  
 „vocari a Iaponensibus, ait) extitisse ab omni aeternitate vnum, clarum  
 „et lucidum, omni quoque decremento vel incremento destitutum, figu-  
 „ra carens, ratiocinationis expers, vitam agens otii, quietis et tranquil-  
 „latis plenissimam. Hoc rerum principium quosdam eximium appellare  
 „ac verum Fotoke, alios vero, cor, alios primam rationem vel purissi-  
 „mam essentiam, alios esse dicere gradum claritatis, alios magnum solem  
 „et regem intelligentem, alios veritatem coelestem vnice claram et per-  
 „spicuum, alios veram substantiae et accidentium imaginem, alios sem-  
 „piternum Amida, alios Ippokukuo id est, verbum subito productum,  
 „alios veram absque dignitate personam, alios perexiguam sermonis mu-  
 „tationem, alios denique aliis titulis et encomiis aliis exprimere. Con-  
 „stituere Bonzios illud ex omni parte perfectum, nihil intelligens, nihil  
 „terrena curans, credere illud singulis rebus inesse, ipsisque substantiam  
 „suam communicare, ita vt res vniuersae cum illo vnum sint, inque il-  
 „lud cuncta reuertantur. Tertiò: fingere intimum hominis cor, vnã  
 „eandemque cum hoc principio constituere essentiam: quarto denique  
 „sibi persuadere, posse hominem in hoc seculo summum primi principii  
 „gradum et locum adipisci, et ad amplissimam illius maiestatem ac digni-  
 „tatem ascendere, eo quod possit in hac vita meditando et perfecte co-  
 „gnoscendo principium verum ad summam illam vitae tranquillitatem  
 „peruenire.“ Haec sane, licet nonnihil distincta confundant, re ipsa  
 Quietissimum enthusiasticum Xekianae disciplinae factis luculenter descri-  
 bunt, et quae natura nihili chaotici sit, eleganter explicant. Ex quo ra-

Zzzzz 2

tio

\*) Ibid. p. 148.

†) Bibl. S. T. I. L. 10, c. 2. p. 490.

x) De literat. Sin. p. 161.

y) l. c. not. C.

tio quoque intelligi potest, cur Iaponenses philosophi obiectionibus contra hoc systema factis ita occurrant <sup>2</sup>: *Hominum non esse huius principis vim et naturam perscrutari inquirendo aut disputando*: nam cuncta ad experientiam entusiasmo et ecstasi acquisitam referebant. Nec videntur aliter intelligenda esse, quae in *Epistolis Iaponicis* Iesuitae referunt <sup>3</sup>: *Sectas licet inter se diuersas, omnes in tollenda animarum immortalitate (nempe personali) consentire: et quanquam plebi varia Deorum nomina ad adorandum proponant, ipsos tamen apud se nihil esse praeter ortum et interitum, existimare, et dicere homines, bruta animantia, plantas redire omnia quendam in locum, unde profecta sunt; ad eius opiniones prauitatem penitus imis sensibus inculcandam, paratas habere commentationes circiter bis mille et quingentas, quas ubi quis diuturna cogitatione animo impresserit, ab omni religione solutum prorsus in illa coecitate ac tenebris acquiescere. Denique statuere, quod e nihilo existit in nihilum reuerti, esseque tres hominum animas, quae ordine alia post aliam deinceps corpus et ingrediantur, et deserant, illud vnum interasse, quod quae prima ingressa est, postrema discedat. Has autem ineptias in arcanis habere, vendereque carissime. Videntur quidem haec Iesuitae de nihilo negatiuo intelligere, quae notio ex scholastica philosophia eorum animo erat impressa: ast intelligenda esse de nihilo priuatiuo vel chaotico, omni qualitate priuato, ex supra dictis est manifestum. Cum autem magnam haec cum Sinensium physiologia aevi medii concordiam prae se ferant, vt etiam ANTONIO de S. MARIA <sup>b</sup> obseruatum, inde lectori coniciendum relinquimus, quid de orthodoxia huius doctrinae in vtraque gente statuendum sit?*

*Sindosiustarum s. philosophorum secta.*

§. IX. Tertia apud Iaponenses secta Sindosiustarum, id est philosophorum est, qui Siuto, quod methodum philosophicam significat, sequuntur. Hanc Confucianae disciplinae propaginem esse, ex iis concludi potest, quae de hac secta narrat KAEMPFERVS <sup>c</sup>. Reliqui enim scriptores, qui res Iaponensium tetigerunt, hos cum aliis mire confuderunt, et aliena miscuerunt. Nulli religioni, id est, sectae idololatricae, hi philosophi addicti sunt, sed maximam in eo perfectionem quaerunt, summumque, quod homines consequi possunt bonum collocant, vt ea voluptate quis gaudeat, quae ex vita secundum virtutem prudenter acta exoritur. Hos nec praemia, nec poenas agnoscere post hanc vitam, refert Kaempferus, sed haec huius vitae ambitu concludere, et statuere, quod necessario ex natura virtutis vitique sequantur. Dicere quoque, teneri hominem secundum virtutem viuere, eo quod a natura rationem ideo acceperit, vt secundum eius dictamen regulasque viuendo, ostenderet, differre se et eminere supra

<sup>2</sup>) POSSEVIN, l. c. BAYLE l. c. conf. quae ex Ephemeridibus Parthenisbus ille affert.  
<sup>a</sup>) L. III. p. 163. b.

<sup>b</sup>) T. II. Epp. Leibniz, p. 332, 335.  
<sup>c</sup>) loc. cit.

supra creaturas ratione carentes. Quae omnia uti fundamentis ethicae Confucianae eximie conueniunt, ita ex huius schola hanc disciplinam profluxisse recte Kaempferus statuit. Cuius amplificandae occasionem nactus est, discipulus quidam Confucii nomine Iaponico MOOSI: is enim in quatuor libris, quos hodie adhuc magnae auctoritatis esse historicus asserit, eam disseminauit, eo successu, ut ubique legantur, ubi lingua erudita, in qua scripti sunt, viget.

*Moosi philosophus Iaponensium Confucianus.*

§. X. Doctrina huius sectae ita describitur a KAEMPFFERO, ut omnino operae pretium sit, eius summam huc quoque transferre, eo quod miram illis lucem conciliat, quae in *antecedente capite* de doctrina Confucii disseruimus. Quinque autem capitibus haec ethica Iaponensis absoluitur, quorum primum, Dsin dictum, de modo secundum virtutem viuendi differit; secundum, Gi appellatum, iustitiam omnibus hominibus praestandam docet; tertium, Re, morum honestatem et ciuitatem inculcat; quartum, Tsi, regiminis prudentis regulas exponit; quintum Sin, conscientiam puram, et rectam voluntatem explicat. Transmigrationem animarum haec philosophia relicit, creditque animam mundi existere siue spiritum vniuersalem vimque quandam per vniuersum diffusam, quae omnia animet, animasque separatas a corpore in se recipiat, ut in mare fluuii omnis terrae refunduntur. Hanc animam mundi reuera Deum facit, omnia enim attributa et perfectiones de ea praedicat, quae soli Deo conueniunt. Receptaculum quoque animarum illis est, ex quo progrediuntur, et in quod redeunt. De diuinis autem ita differunt, ut frequenter vocem Ten, coelum, aut naturam, adhibeant, in rebus ad vitae nostrae actiones easque intimas pertinentibus. E. c. Gratias agunt coelo pro vitae necessariis, quae ab eo suppeditari credunt. Refert autem Kaempferus, quosdam philosophorum horum, quorum colloquio frui ipsi licuerit, admittere ens aliquod intellectuale, et incorporale, quod tamen sit modo director atque gubernator mundi, non vero auctor eius conditorque naturae, eo quod illud non minus esset effectum et productum a natura, genitum ab In et Io, coelo et terra, illo actiuo, hoc passiuo principio, quorum illud parens generationis, hoc corruptionis auctor esset. Et hoc pacto potentias naturales inter entia spiritualia referunt. Mundum autem volunt Sindosiuitae esse aeternum, homines vero et animalia producta ab In et Io, coelo et quinque elementis sublunaribus. Non statuunt esse Deos nationis, adeoque nec templa nec cultum religiosum habent, in publico tamen cultu Deorum ritibus moribusque gentis se attemperant. Memoriam parentum et maiorum demortuorum ita celebrant, ut positis in mensa tabulae, carnibus crudis pariter atque coctis eorum imaginibus cereos accendant, eosque in terram prostrati, velut viuos, adorent. Idque fit vel singulis mensibus vel annis; ubi tota familia inuitatur lota, a venere abstinens, et ab omni impuritate libera, totaque

Zzzzz 3



que in istum cultum conuersa. Corpora autem defunctorum non comburunt, sed sepeliunt, mortem voluntariam non permittunt modo, sed laudant quoque et commendant. Patet ex hac delineatione doctrinae moralis Iaponensium, accurate eam cum Confuciana disciplina conuenire, est euidentissimum simul ex hoc παραλληλισμῷ est, recte nos Confucianis eam opinionem adscripsisse, quae Deum ex Li productum, vel potius naturam, coelum, vim coeli inhabitantem, animam per omnes mundi partes diffusam habet, et ex connubio coeli et terrae, principii-que actiui et passivi omnia esse orta statuit, animarum vero post hanc vitam statum in ista anima mundi ponit. Nec enim ratio dari potest, cur Confuciani Iaponenses a Sinensibus dissenferint. Quae haud contemnendo argumento sunt, laterem eos lauare, qui Sinensium theologiam omni naeuo carere, et rectos de Deo sensus sequi pertinaciter contendunt. Reliqua quae de his philosophis Iaponensibus refert K A E M P F E R V S, de vita eorum, cum disciplina Confuciana concordant. Non celebrant festa idolorum, sed diis indigenis inuisibilibus cultum exhibent, quem morum ciuitas et ratio viuendi postulat. Ad id vnum autem respiciunt, ut in virtute exercenda conscientiam puram vitaeque honestatem demonstrent. Et haec vita philosophica in causa fuit, ut Christianae religioni fauere crederentur. Hinc cum igne ferroque extirpata esset Christiana ecclesia, iussi sunt hi philosophi idolum aliquod patrium, vel saltem eius nomen in honestissima atrii parte collocare, illudque floribus et thure honorare. Imaginem Kooſi autem siue Confucii in scholis reuerenter habent. Numerosissimam hanc olim sectam fuisse refert laudatus scriptor, ita ut praestantior meliorque rationis huius pars hanc philosophiam sequeretur. Atque persecutio in Christianos insigni furore exercita hanc quoque sectam mire suppressit, et caute agere atque latenter coegit, sic ut libros philosophicos olim non minori admiratione, quam apud nos Socratis vel Platonis lectos clam habere oporteat. Ita religionis Christianae odium iactura omnis rationis et philosophiae puniri aequum erat. Huic autem sectae, quid ante hos LXX annos contigerit, hoc loco non omittendum est, ut quem vsum philosophia praestet, quae impedimenta habeat, luculento exemplo intelligatur. Princeps Sisen, ex proceribus Iaponiae, magnis profectibus philosophiae arcana attigerat, quae cum mire eum cepissent, resuscitare in terris suis philosophiam, tantum non extinctam statuit. Instituta itaque academia, magnis studiosos privilegiis auxit, viris eruditis stipendia decreuit, eos ex toto imperio inuitauit accersuitque, eo fine, ut oculos ciuibus suis aperiret et ratione eos uti doceret. Vix autem coeptum erat negotium grauissimum, cum abunde constaret omnibus, quam ridicula et inepta essent commenta sacrificulorum, quae imposturae agerentur. Permoit id philosophiae studiosos, ut his fucis vitae alimenta praebere amplius recusarent. Qui cum innumeris cohorti-

bus

\*) Mira eius rei exempla narrantur in Epistolis Iaponicis p. 172. 193.

bus scaterent, ex superstitione et credulitate populi viuentes, fame tantum non enecati sunt. Detulerunt itaque querelas ad vtrumque imperatorem, ecclesiasticum et politicum, et quas calamitates nouitas ista excitatura sit, acerbis fletibus exposuerunt. Vidit Siseni princeps in suum caput superstitionem coniurauisse. Vt itaque fulmen euitaret, terras suas filio cessit, et vt cautius ageret, auctor extitit. Id quod fecisse quoque eum, licet iisdem, quibus pater principiis vsum, Kaempferus, tradit. Irato itaque genti, lumina diuiniora contemnenti, Numine fieri censendum est, vt nec philosophiae luce digna habeatur, quae Christiana eiecit. Ceterum hos philosophos ab iis intelligi, quos Epicureos nobis Iaponenses, nec coelum nec infernum curantes tradunt, verisimile est.

\*\*\*\*\*

## CAPVT QVINTVM.

## DE PHILOSOPHIA CANADENSIVM.

## §. I.

**A**bsoluimus iter Asiaticum; inque occidentem versi, littora iam *Philosophia inter gentes Africae et Americae nulla.* Africae, Americaeque intuemur. Ast, inter densissimas nebulas, quibus amplissimae regiones cinguntur, nihil videmus, quod ad historiam philosophicam magnopere pertineat. Et Christianos quidem atque Muhammedanos haud paucos Africam incolere constat, ast de his plura, quae iis, quae iam suis locis dicta sunt, adiiciamus, non habemus. Gentilis autem superstitio per Africam et Americam tanta est, vt quid ad nostram tractationem pertinens erui possit, non inueniamus. Quamuis enim ex relictis rationis igniculis ne his quidem populis tantum desit, quantum ad cognoscendum Numen, et aliquem honestatis sensum requiri possit, vnde audiendi non sunt, qui integras nobis gentes atheas narrant; vt ex illis videre est, quae de Caffaranis illis, qui extremas Africae oras maritimas incolunt, et praecipue de Hottentotis, quos vocant, referunt Tachardus, Kolbius et itinerariorum scriptores alii, nihil tamen inde exsculpi potest, quod vel vmbram philosophicae meditationis referat. Idem de Americanis gentibus populisque dicendum est, quibus inter densissimas detestandae superstitionis et idololatriae nubes, quosdam lucis purioris radios emicare, nauigantium fide scimus; quae tamen tantum abest vt philosophiam nobis exhibeant, vt vix ratione eos vti inde conclu-

e) ARNOLD. ad Roger. p. 877. Epp. Iapon. p. 106. qui locus valde suspectus est, confudisse lesuitas vitia hominum cum sectarum placitis

SPIZEL. p. 163. ex quo loco patet, misere scriptores sectas Iaponensium inter se miscuisse.

concludi possit. Pedem itaque tandem aliquando figere liceret, nisi hoc seculo ineunte de Americanorum quadam natione Canadensi, in noua Gallia, quae Iroquoix, vel Hurones vocatur, Hontanus, Gallus, qui diu in illis locis fuit, talia retulisset, quae specimen philosophematum Americanorum esse possunt. Haec itaque appendicis loco paucis trademus.

Notitia φιλο-  
σοφουμένων  
Canadensium  
unde hau-  
rienda.

§. II. Debemus autem notitiam φιλοσοφουμένων Canadensium, nobili Gallo LA HONTAN, qui anno cło ΙϞϞΙV edidit *Dialogos cum barbaro Americano*<sup>a</sup>. In eo subtiliter satis Adario quidam cum illo de praecipuis capitibus doctrinae Christianae, deque legibus, moribus et institutis Christianorum suaeque gentis differuisse dicitur, eiusque obiectiones tales afferuntur, vt maiores et subtiliores fuisse responsionibus Hontani non immerito videantur. Per mouit id viros doctos passim<sup>b</sup>, vt coniiicerent, totum istum dialogum ab auctore eum in finem confictum esse, vt Christianam religionem telis Americanis confoderet. Semper enim succumbit Hontanus, triumphat Adario. Magnam id conflauit inuidiam La Hontano, tum in aula Hanouerana viuenti, atheismi enim, et contemptae ac neglectae proditaeque Christianae religionis passim accusatus est, inque suspicionem adductus, fabulam eum totam excogitauisse, vt BODINI colloquium heptaplomeres imitaturus, gloriam ex opugnata Christiana religione caperet: nunquam enim hominem huiusmodi barbarum eius generis colloquia instituisse. Immo eo nonnulli descenderunt, vt non Adarionem modo sed La Hontanum quoque fictum nomen esse coniiicerent. Ast alia nos docet illustris LEIBNIZIVS<sup>c</sup>, qui eum familiarius nouerat, quique nos docet: „La Hontanum verissimum hominem esse, non fictum, et eius quoque iter verum esse. „Aliquandiu enim in Americae septentrionalis parte Gallicana egisse, et „cum marchioni Pontis Cartrini, rerum maritimarum apud Gallos administrō, ob nescio quod ius suum acrius defensum displicuisset, Ameri- „ca primum dein et Gallia excessisse. Bearnensem natione esse, et ex „multis itinerariis peregrinatoribusque sibi compertum, Americanos il- „lius tractus, sine omni magistratu, et tamen quiete cohabitare, rixas, „odia, bella, non, aut vix nisi inter diuersae nationis linguaeque homi- „nes illic euenire: ipsos pueros colludentes raro ad rixas progredi, et „vbi nimis tunc incaluerint, mox ab aequalibus distineri. Mirum etiam „domi pudorem esse, natura illos docente, quae ab incestu deterreant, „nec

a) Dialogues de Mr. le Baron de LA HONTAN et d'un Sauvage dans l'Amerique contenant une description exacte des moeurs et des coutumes des ces peuples sauvages, à Amst. 1734. 12.

b) BERNARD, Nouvelles de la rep. des

lettres 1705. p. 619. Relat. innoc. 1705. pag. 33. ION. C. SCHRÄMMIVS Diss. de Philosophia Canadensium VISCHERVS Praef. verf. Germ. dialogorum horum REIMANN, Hist. ath. S. III. c. 5. p. 427. 428.

c) Vol. IV. Epp. p. 22. seq.

„nec fratrem praesente sorore verbum dicere paulo liberius. Neque illos homines torporem aliquem pacatos facere, nihil enim illis in hostem acrius, et vividissimum honoris sensum ex vindictae cupiditate et moriendi constantia etiam inter cruciatus apparere. Ita si tanta naturae dona cum nostris artibus stare possent, nostros homines praesentibus illis nauci fore. Dialogum La Hontani, etsi non in totum verum, non tamen in totum fictum esse. Nam Ioannem Danielem Krattium, virum egregium, quum in iisdem regionibus vel vicinis potius inter Anglorum colonias aliquamdiu egisset, non abhorrentia sibi narrauisse. Adarionem quoque verum ex Huronum gente hominem fuisse, qui in Galliam ante aliquot annos venerit, sed sua prae nostris instituta probauerit.“ Facile nobis persuademus, haec aliaque multa Leibnizium a La Hontano accepisse, de eo enim candor viri summi nos dubitare non sinit. Nec alienum quoque a verisimilitudine, La Hontanum, qui adolescens in has regiones delatus fuit, et in iis decennium vixit, cum Huronibus de institutis eorum saepius fuisse collocutum; eosque libertatis morumque suorum amatissimos Europaea prae Americanis contempsisse. Verum quoque esse nouimus, inter has gentes, humanitatem, morum ciuilitatem, hospitalitatem, amicitiae fidem, amoris integritatem, contentum paucis animum, veracitatem, misericordiam, coniugia pacifica inueniri. Similia enim de Americanis quoque coloniis Anglicanis vicinis narrauit illustris PHILIPPVS GEORGIVS RECKIUS. Ast haec tamen omnia non impediunt, quo minus iusta suspicio sit, La Hontanum, quem satis libere de sacris dogmatibus iudicasse constat, multa Huroni huic affinxisse. Si in contumeliam sacrae ciuitatis Christianae non excogitata, certe eo fine allata, vt peregrina patriis praeferret, et se tot annos non frustra in gente barbara trivisse ostenderet. Nihil autem magis prodit rem auctoris bonam non esse, quam infirmae responsiones, quas subtilissimis obiectionibus Adarionis sui opposuit. Hae cum ingenium Europaeum sapiant, ita a La Hontano frigide excipiuntur, vt fateatur Leibnizius, velle se, vt ei circa religionis capita melius satisfecisset. Ipse vero scriptor minus caute acumina Americana admiratus, vt forex se prodidit; Adarionem enim ita loquentem inducit: *Peregrinum sane est, te, in hoc nostro colloquio superficiarie tantum ad omnes obiectiones respondere, quas feci. Video enim te ambages et latebras quaerere, et a statu quaestionis semper discedere.* Talia enim hominem barbarum sibi Euro-

d) Relat. Americanae ministrorum eclef. Salisburgensis, Vol. I. p. 863. vbi diarium, quod vocat, Reckii extrat.

e) pag. 29.

Europaeo, literis et philosophia haud leuiter tincto, concinente veritate obieciſſe, non retuliſſet La Hontanus, niſi gloriam in eo quaefuiſſet, vt victorem Huronem introduceret. Verum de his copioſius hoc loco diſputare noſtrum haud eſt: Vnum id ex adductis colligere licet, non prorfus vero diſſimile eſſe, etiamſi eas obiectiones ipſe excogitaſſet auctor, eas doctrinae aſſertiones menti Huronum eſſe conſentaneas, quas illis tribuit.

*Huronum ſ.  
Canadenſium  
placita theologia.*

§. III. Sunt autem dogmata Huronum fundamentalia, quae quandam theologiā naturalem exhibent, auctore LA HONTANO ſequentia:

I. Eſſe conditorem mundi, qui magnus ſpiritus dominuſque vitae appelletur, eum in illis omnibus eſſe, quae limitibus carent.

II. Dari immortalitatem animae.

III. Magnum illum ſpiritum dediſſe hominibus rationem, quae iudicandi diſcernendique inter bonum et malum capax ſit, eo fine, vt veras iuſtitiae et ſapientiae regulas ſequantur.

IV. Tranquillitatem animi placere magno huic domino, auerſari autem eum tumultus animi, eo quod homines illis mali fiant.

V. Vitam eſſe ſomnium, mortem euigilationem, poſtquam anima demum intelligat ſtatum et conditionem rerum viſibilium et inuiſibilium.

VI. Quia ſupra terrae ſuperficiem extendere et attollere ſe ratio hominis nequeat, ingenium corrumpendum tentandumque non eſſe, vt in rerum inuiſibilium et probabilitate carentium cognitionem penetret.

VII. Animas poſt mortem abire in certam quandam regionem, neque tamen ſuſpicionem attingi poſſe, vtum bonis bene, malis male tunc ſit, quia nesciamus, vtum ea mala ſint coram domino, quae mala videntur hominibus.

Eſſe haec exoterica, et inter Indos Orientales quoque paſſim occurrentia, eorum historia prodiit. Aſt miſeram philoſophiam et theologiā naturalem prode, recte obſeruauit Cl. SCHRAMMIVS *f.* Quia vero origines horum placitorum ignotae ſunt, merito a coniecturis abſtinemus, monemus autem, non omnem connatae rationis uſum, et lumina quaedam mox philoſophos facere. Quod quia multoties neglectum eſt, tot nobis philoſophos exoticos peperit, hoc nomine indignos. Vt

tacea-

*f) loc. cit.*

taceamus, impostores haud paucos, hoc sibi nomen inter gentes exoticas iniuste vindicauisse.

§. IV. Ita tandem aliquando absoluto per Dei gratiam, itinere longo et difficili, historiae philosophiae a mundi incunabulis ad nostra vsque tempora perducta, et secundum leges criticae examinata pedem figimus, et tabulam gratiarum actionibus plenam Numini suspendimus, quod animi corporisque vires clementissime ad hoc saxum voluendum concefferit. In quo labore nihil nos dedisse fauori odioque, nihil partis studio, in omnibus quantum nostrarum virium erat, veritati litare cupiuisse testis nobis conscientia est et ipsa tractatio. Quae cum argumentum difficile, prolixum, et a nemine haecenus absolutum exponere aggressa sit, veniam humanitatis a Lectore speramus, si, quod aliter euenire non potuisse scimus, multoties lapsi simus, multaue nec viderimus, nec satis affecuti erimus. Contenti, quantum rerum nostrarum modulus patiebatur, occasionem subministrasse lectori, tum ineffabilem DEI beneuolentiam praedicandi, quae inter innumeros errores et praeiudicia rationis lumina extinguere passa haud est, tum praestantiam Christianae fidei agnoscendi, quae infinitis parasangis omnem humanam sapientiam superat: gaudebimus, si in strata iam via illi, qui maioribus ingenii et lectionis opibus instructi sunt, opus perficient, cuius aggrediendi tantum et tentandi voluntatem nobis poscimus. Ita enim laboris huius exoptatis nos fructibus frui posse censebimus.



Aaa aza 2

EMEN.

\*\*\*\*\*

## EMENDATIONES ET SUPPLEMENTA

ad Tomum IV.

P. 243. not. p. Praefixit idem programma Neldelii *Institutionibus* CRELLIUS.

Ib. l. 5. a fin. voc. CONRINGIO, add. in *Epist. laud.* vbi Neldeliana cogitata de analyticis Schegkianis et Simonianis praeferre non dubitat.

Ib. not. \* add. GVERN. ROLFINCIVS in *Epist. operi Neldeliano praemissa*.

P. 251. l. 2. leg. inter Iesuitas et Sueuos theologos apud Prote-  
stantes.

P. 255. not. w. add. Extat ea in *Syntagm. diff. ad H. E. pert.* p. 707. vbi etiam in praefatione biographiam eius paucis enarrauit vir celeberrimus. Ib. ad l. 14. voc. natum est. Explicuimus magni viri literariam historiam in *Pinacothecae scriptorum nostra aetate illustrium, decade prima*.

P. 257. l. 10. post quo add. non. p. 265. l. 20. pro *rastraurores* l. *vestauratores*, p. 270. l. 6. pro *narrat* l. *narret*. p. 272. not. x. col. 2. l. 2. pro *ephimeridibus* l. *ephemeridibus*.

P. 287. l. 3. a fin. voc. *nocuisse* add. not. Idem obseruatum CONRINGIO in *ep. ad Iac. Thomaf.* praemissa NELDII *Instit. in Org. Arist.*

P. 289. l. 6. ad voc. *monstrauisse* not. Idem visum CONRINGIO, qui l. c. monet, Simonium primum omnium docuisse Lipsiam *ἀριστοτελίζεν*, eius quoque scripta arguere doctrinam viri, non profecto aliquam ex vulgo, sed plane eximiam in philosophicis et medicis. Primum vero Simonium non fuisse, qui Aristotelem Lipsiae commendaret, exemplum Camerarii demonstrat. Nec ab initiis repurgatarum literarum defuit Lipsia studio Aristotelico, cuius scripta suis sumptibus describenda typis curauit Martinus Landsbergius, vid. C. V. IO. HENRICI LEICHHI elegantissimus liber *de Origine et incrementis typographiae Lipsiensis* c. 2. p. 13. Intelligenda itaque Morhofii et Conringii verba sunt de studio Aristotelis sectario, quo aliis ita praelatus est, vt solus in cathedris Lipsiensibus personaret. Ante Simonii aetatem enim regnasse in ea schola libertatem quandam eclecticam, vel syncretismum potius aliquem Camerarii exemplo disce potest, confirmatque epigramma HERM. BVSCHII L. III.

*Quo nunc Democriti risus, et cuncta silendo  
Quae docuit Samii prouida cura senis?*

Quo

*Quo nunc Socraticae migravit gloria mentis  
Aut quo cum magno filius Platone suo?  
Ipsae ubi nunc totae tandem celebrantur Athenae  
Aut Pallas Musis concomitata suis?  
Omnia nunc retinet haec Lips, et possidet una,  
Lips, inquam docti fama decusque chori.*

P. 289. l. 17. post *disputavisset*, pon. comma.

p. 290. l. 5. voce *exagitarunt* not. Idem iudicavit CONRINGIVS  
L.c. indignatus, cum vterque varia polleret eruditione, variaque ederet,  
odio autem sese prosequerentur, neutiquam philosophice sese excepisse.

P. 291. not. v. His libellis Simonii Peripateticis addendi sunt,  
*Aristotelis Categoriae Boëthio interprete, addita praefatione. Dispu-*  
*tatio de Anima, cum Aristotelis libris de anima ex Michaëlis Sophiani*  
*versione. Quaestionum dialecticarum fragmentum, qui libellus est*  
*eristicus, contra Anatomen Schegkianam, Basf. 1573. vid. SIMLER.*  
*Bibl. Gesner. p. 630.*

P. 295. not. d. pro Vol. IV. l. Vol. II. p. 264.

P. 296. not. k. add. SIMLER. *Bibl. Gesner. p. 323. P. 299. l. 4. pro*  
*vita, l. vitae. P. 300. l. 9. pro quinquagenariis l. quinquagenarius.*  
*p. 306. l. 28. pro philosophia l. philosophiae. P. 308. l. 29. pro Peripate-*  
*tico l. Peripateticos. P. 311. l. 28. pro occupaverit l. occupasset. P. 314.*  
*l. 13. pro dum l. tum. P. 324. l. 13. pro quam l. quem.*

P. 334. l. 5. voc. *referret*, not. Hoc cur fecerit, malueritque vete-  
res quam recentiores sequi, in praefatione luculenter explicat, dignus  
qui legatur, ut vera mens Peripateticorum *γνώσιον* intelligatur.

P. 335. not. h. l. 3. post *scrutatorem* add. *veritatis. P. 342. l. 12.*  
*pro profectae l. profecta. l. 13. pro falli l. fallere. P. 346. l. 9.*  
*pro indignatus l. inde natus. l. 34. pro exposcere l. exposuere.*

P. 347. l. 18. del. *viae* et *quae* ib. not. a pro *Vager* l. *Vayer. P. 348.*  
*l. 20. 21. pro VARILLANVS, l. VARILLASIVS. P. 352. l. 7. pro con-*  
*temnerint l. contemserint. l. 9. pro disciplina l. disciplina.*

P. 354. l. 14. pro *recudi* l. *recludi. P. 355. in marg. pro διατύπωσης*  
*l. διατύπωσης. P. 356. l. 26. pro ius l. cuius. P. 361. not. e. l. 13. pro Kau-*  
*reos l. Rauracos. P. 365. l. 16. pro singulos aureos l. singulis aureis.*

P. 366. not. 2. col. 2. l. 1. pro *vid.* l. *voc. P. 378. l. 18. pro tradimur l.*  
*tradamur. P. 392. l. 16. pro eruditus l. eruditum. P. 401. l. 13. pro in-*  
*genium l. iudicium.*

P. 429. not. m. add. iungendus illi GASSENDVS, qui *Phyf. sect. I.*  
*L. III. c. 3. T. I. opp. p. 246. Patricii hypotheses breuiter enarrat.*

Ibid. l. 25. ad voc. *luce* not. Quatuor autem elementa siue principia  
statuit, spatium nempe, primaeuum lumen, primaeuum calorem, primae-  
uum fluorem. Et spatium quidem eodem, quo Epicurus modo, descri-

Aaa aaa 3

bit,



bit, lumen autem a Deo luce primaria primigenium emicuisse, et spirituale primo atque incorporale fuisse, digressum autem per spatium a fonte suo corporale euasisse, adeoque spirituale origine et per omnia penetratione, corporale vero extensione et protensione in infinitum esse asserit. Habere autem, ait, corpora a spatio, dimensionem, a lumine, ut sint visibilia, a calore ut agant, viuant, consent. Eorum porro antitypiam fluorem inter principia poscere, id est, fluidum, siue aqua sit, siue humores, et ex his quidem corpora esse concreta.

P. 430. l. 2. v. *fuisse* not. Id vno hoc sensu ferri potest, si Patricius eadem quae Gassendus, de spatio dixisse contendatur. Id enim ipse GASSENDVS l. c. fatetur. At sic prorsus euertitur Cartesii hypothesis, cui praeluisse dici minime potest.

P. 433. l. 32. pro *Platino* l. *Plotino*. P. 443. l. 12. pro *enchirido* l. *enchiridia*.

P. 450. not. m. pro *COSTER*, l. *LOTTER*.

P. 455. not. o. Etiam GASSENDVS *Phys. P. I. L. III. c. 3. T. I. Opp. p. 246. seqq.* Telestii principia physica paucis exposuit.

P. 462. l. 23. pro *suffunderet* l. *suffunderent*. P. 466. l. 22. pro *libos* l. *libros*. P. 469. l. 9. pro *incepisse* l. *incepsisse*. Ib. l. 4. a fin. pro *naturali* l. *naturalis*. P. 471. l. ult. pro *obliniendum* l. *oblinendum*. P. 476. l. 5. pro *prio* l. *pro*. l. 26. post *mundi*, add. *non*. P. 485. l. 30. pro *difficultate* l. *difficultates*. P. 489. l. 3. a fin. pro *Caugius* l. *Langius*. P. 496. l. 28. pro *voluit* l. *volauit*.

P. 511. l. 23. pro *DISSELIVS* l. *DESSELIVS*.

P. 510. not. l. lin. 13. ad voc. *facto*, add. quem ei multis gratulatur GASSENDVS *Opp. T. VI. p. 328*. P. 514. l. 14. pro *Mecoenati* l. *Moecenati*. l. 15. pro *Gatterio* l. *Galterio*.

Ib. not. \* add. Extat etiam haec tractatio *Tomo tertio. operum*.

Ib. not. u. post voc. *occurrit*. Infertus est *Operibus Gassendi l. c.*

P. 517. not. g. conf. *Epist. GASSENDI ad Henr. Bornium Opp. T. VI. p. 202*. ubi inter alia scribit: *nimis me. et tu. et tot alii insignes viri*, quos insinuas, obstringitis, cum me reputare eum dignamini, qui viri (Cartesii) commenta retegere possim.

P. 518. l. 16. voc. *iussus est*. add. Cuius specimen esse possunt frequentes vtriusque epistolae in collectione epistolarum GASSENDI *Tom. VI. Opp. occurrentes*.

P. 520. l. 18. post *dignatus*, add. not. Patet id ex epistolis virorum celeberrimorum, et in astronomiae studio immortale nomen consecutorum, Kepleri, Longomontani, Vendelini, Schickardi, Snellii, Hortensii, Heuelii, Eichstadii, Galilaei, Scheineri, Bulialdi, Valesii, Galterii aliorumque, in quibus de difficillimis quaestionibus eum consuluerunt conf. qui pluribus de eius meritis in fiderali scientia agit, Cl. WEIDLERVS *Hist. Astron. c. 15. §. 60. p. 474. seqq.*

P. 517.

P. 517. not. h. add. Falsum itaque est, quod ait cel. WEIDLERVS *Hist. astron. c. XV. §. 60. p. 475.* cardinalem Richelium eum promouisse et propemodum coëgisse.

P. 520. l. 32. post *poterat* add. not. Simili lectionis abundantia per omnia logicae et physicae argumenta et titulos historiam doctrinae tanta accuratone in systemate philosophiae collegit, ut quem in dogmatica philosophiae historia parem habeat, sciamus neminem.

P. 522. l. 25. v. *delegit* add. not. Id vel solum *caput secundum libri primi systematis philosophici Gassendiani*, quod de fine philosophiae agit, legenti erit manifestum. Maxime vero *Logic. L. II. c. 5. T. I. Opp. p. 79. seqq.* longa et acuta tractatione contra Scepticos euincit, posse aliquam veritatem signo aliquo innotescere et criterio diludicari: id quod apertissimum contra Scepticorum tela munimentum est.

P. 524. not. g. add. et *Opp. T. V. p. 169. seqq.*

p. 525. not. n. l. i. extat quoque *Opp. T. III.*

P. 526. l. 4. ad voc. *perfudit*. Repetiit ista et plenius quoque pleraque explicuit in *Systemate philosophico*, maxime *physicae*, *Sect. I. L. IV.*

Ib. l. 11. v. *comparauit*, add. Complectitur hoc systema diffusum satis et luculentissimum *Tomus primus et secundus operum.*

Ib. not. q. Fatetur ipse GASSENDVS *Phys. Sect. I. L. III. c. 5. p. 258.* se ad Cartesii physicam subinde respexisse.

Ib. l. 26. voc. *Peirescii*. not. *Opp. T. V. p. 240. seqq.*

P. 527. l. 33. voc. *Cartesii*. Extant haec polemica Gassendi, *Opp. T. III.*

Ib. l. 34. voc. *misit*; vid. eius epistolam ad Cartesium missam *Opp. T. VI. p. 107.*

P. 528. l. 2. v. *amici*. add. Noluisset Gassendum pacatum diffidium vitro renouare, etsi monitum et instigatum a viris doctis inter Batauos, ex *Epistola ad Henr. Bornium Opp. T. VI. p. 202.* constat. In physica tamen sua haud raro ad Cartesiani placita digitum intendit, et quid iure moneri posset, ea qua utebatur, modestia indicauit, ita vero, ut prioris vulneris cicatrices minime remansisse, proderet.

P. 530. l. 3. pro *Tolonam* l. *Tolosam*. P. 531. l. 22. pro *ephimeridibus* l. *ephemeridibus*. P. 533. l. 4. pro *cum* l. *eum*. P. 535. l. 17. pro *iudicari dum* l. *iudicandum*. P. 537. l. 30. pro *appellerent* l. *appeterent*. P. 544. l. 19. pro *induisse* l. *induci se*. P. 544. l. 7. a fin. post *infallibiles* add. *regulas*. P. 578. l. 13. pro *vincisse* l. *vinci se*. P. 579. l. 20. pro *explicit* l. *explicat*. P. 582. l. 7. pro *omni* l. *omne*. P. 603. l. 24. pro *collectae* l. *collecta*. P. 615. l. 28. pro *eum* l. *cum*. P. 622. l. 22. post *ecclesiae* add. *doctrina*. P. 625. not. 5. col. 2. l. 20. pro *SORIEL* l. *SORIELL*. Ib. l. 23. add. Dicemus autem de eius systemate physico pluribus

bus in *sequente parte*. P. 634. l. 19. pro *formam* l. *formas*. P. 637. l. 25. pro *mentis* l. *mentes*. P. 638. l. 7. pro *considerauerint* l. *considerauerunt*. P. 665. l. 16. pro *medisam* l. *medicam*. P. 672. l. 37. pro *SAL*. P. 675. not. e. del. *ad*. lb. l. 15. pro *philosophicam* l. *philosophicam*. P. 676. not. m. add. Editio, quae reculis nostris tandem accessit *Magdeburgi 1608*. prodiisse dicitur, munita priuilegio Caesareo. „Dedicauit hoc opus suum auctor Deo Deorum, patrono suo catholico, „toti coelestis exercitus spiritualis militiae, flammis Iehouae ministris „sibi concessis, proximo suo, Dei, veritatis, artis amatori, sibimet „ipfi, seruo ac organo Dei, toti SS. biblicae scripturae, naturae mirificae, ministris Elohim, scientiis et artibus singulis, virginum instar „Kabbalae, Magiae, Alchymiae, heroinae sanctissimae ancillantibus. Do- „ceri autem in eo opere ait, theo- ac philo- sopherice, philosophiae verae „ac sincerioris fontem, venam genuini intellectus luminis et numinis naturae essentialis in mundo maiori catholice, in filio vero illius, magnesia videlicet sapientum, synoptice, catholice realiter existentis, iuris „quoque legisque Dei in cordibus nostris diuinitus scriptae, nec non „methodi dextre intelligendi et orthodoxe interpretandi biblia sacra; „scientiae quoque ligni vitae, boni ac mali atque honestorum ac turpium „ostendi flumen: opus θεωρητικὸν καὶ πρακτικὸν attestante αὐτοψία „(phy Momo et Zoilo!) reuera eximium recensque reuifum, amphitheatrice instructum, quatuor circularibus aliisque hieroglyphicis figuris in aes affabre sculptis veritatis, passim locorum, sine pudore vim publice patientis iniquissimam, et quasi sub calumniarum pondere fatiscendo ingemiscens, fere, pro! succumbentis, ab interitu, pro viribus vindicandae ac erigendae causa. “ Descripsimus ex libro longe rarissimo et paucis viso periodum hanc vnam, vt ex vngue de toto leone iudicare lector possit. Subscripsit auctor: *Henricus Kunrath Lipsiensis theosophiae amator fidelis et medicinae vtriusque doctor: Iehouah afflante, incendente, stimulante ac dante triuno doctus, ductus, inuentor, author anno Maschiach iuxta promissionem Domini missi MDCIV. Halleluiab! phy Diabolo! terque quaterque calumniatori cuius, nulli excepto*. Digna tractatio, quam Gabalius Comes, a Villarfio in scenam productus legat relegatque.

P. 688. not. h. post *prodiit*, add. *libellus*. P. 690. l. vlt. pro *anima*, l. *animam*. P. 731. l. 20. post *qui*, add. *liber*. P. 744. l. 18. pro *iubemur*, l. *iubemus*. P. 764. l. 3. a fin. pro *epistemon*, l. *epistemon*. P. 772. l. 18. pro *STVRMIVS* l. *STRVVIVS*. lb. l. 4. a fin. pro *Raci* l. *Raei*. P. 762. l. 6. a fin. post *quod* del. *ea*. l. 5. a fin. post *dixit* add. *rationes*. P. 763. l. 19. post *Athenarum* add. *scholis*. lb. pro *Sinesium* l. *Synesium*. P. 781. not. n. col. 2. l. 3. a fin. pro *Anglis* l. *Angelis*. P. 786. l. 6. del. *liet*. P. 788. l. 25. pro *inde* l. *ille*.

AD



AD TOM. IV. PART. II.

Pag. 12. l. 33. pro *liberis*, l. *libris*. p. 13. l. 5. pro *anno*, l. *anni*. p. 15. l. 7. a fin. pro *Scioppus*, l. *Scioppius*. p. 18. l. 24. pro *Gatterius*, l. *Galterius*. p. 19. l. 12. del. *ipse*. p. 20. l. 26. pro *qui*, l. *quia*. p. 56. l. 29. 30. pro *et a Bruno diserte affirmare*, l. *tum a Bruno diserte affirmari*. p. 63. l. 18. pro *TELLERVS*, l. *FELLERVS*. pag. 65. l. 15. post *duxisse*, add. *secum*. p. 73. l. 16. pro *ostendat*, l. *ostendit*. p. 87. l. II. pro *Madratijs*, l. *Madrutius*.

P. 101. not. b. Prolixiorem Organī huius noui enarrationem exhibet, GASSENDVS, *Log. L. I. c. 10. T. I. Opp. p. 62. fqq.* qui recte Verulamio tribuit, ausu vere heroico nouam eum viam tentare esse aggressum. Paulo clarius cogitationes Verulamii hoc loco Gassendus, vt erat peritissimus perspicuitatis artifex, explicuit, omnino ab illis consulendus, qui prolixiorem ipsius Baconi scriptionem adire nolunt.

Pag. 102. l. 13. pro *scripta*, l. *scripta*. p. 111. l. 9 a fin. pro *dum*, l. *tum*.  
 pag. 114. l. 11. pro *sublata*, l. *sublati*. p. 116. l. 3. pro *Neapolis*, l. *Neapoli*.  
 p. 117. l. 22. del. *quam*. p. 120. l. 21. voc. *Gassendi*, add. not. Extant duae  
 Campanellae ad Gassendum Epistolae, T. VI. Opp. p. 407. 408. ex quibus  
 character philosophi a Gassendiano diuerfissimus dici potest. p. 122. l. 25.  
 pro *ex*, l. *et*. p. 124. l. 7. post *pietate*, add. *minus*.

Pag. 136. lin. 24. Paucis quoque placita Campanellae physica complexus est P. G A S S E N D V S, *Phys. Sect. I. L. III. c. 3. T. I. Opp. p. 246. seq.* quae cum dictis comparanda sunt, quoniam vno oculi ictu totum systema Campanellae comprehendere ita potest.

P. 143. l. 9. pro *patientia*, l. *potentia*. p. 145. l. 3. a fin. post, *expone-*  
*re*, add. *aggressi sunt*. p. 146. l. 4. pro *Malbesburiae*, l. *Malmesburiae*.

P. 149. l. 32. add. not. conf. *Epistola HOBBSII ad Gassendum* T. VI. Opp. p. 522.

P. 155. l. 22. pro ἀνθολῆς, l. ἀνθολικῆς. p. 168. l. 13. pro *republicas*, l. *respublicas*. p. 177. l. 13. pro *Roftae*, l. *Roftae*. p. 202. l. 15. post voc. *perlegentis*, add. not. conf. qui historiam literariam biographiae Cartesianae luculenter exponit ANCILLON. *Memoir. concernant les vies et les ouvrages des savans modernes*, p. 286. seqq. p. 203. l. 25. pro *omnes possent*, l. *apud omnes posset*. p. 214. l. 15. pro *videndi*, l. *viuendi*.

P. 218. not. b. Extant quatuor ad hunc Rennerium epistolae Gassendi, *T. VI. Opp. pag. 24. 29. 37. 41.* ex quibus patet, plurimum huic philosopho Gassendum tribuisse, vltima quoque testatum fecit, quanta fuerit Cartesii aduersus Rennerium amicitia. Hunc eo ipso die, quo uxorem duxit Vltraiecti coepisse per conuiuium male habere, et ex eo eductum paucis post horis interiisse, sicque non thalamum, sed feretrum, inuenisse, ex Bornii relatione, l. c. p. 31. annotauit Gassendus.

*Hist. philos. Tom. V.*

**Bbb bbb**

**P. 221.**

Pag. 221. lin. 20. pro *tum*, l. *tunc*. p. 222. not. col. i. l. 6. pro *XVI. l. XVII.* p. 226. l. 7. pro *de futuri anni doctrina*, l. *de doctrina in futuro anno tradenda*.

Pag. 226. not. l. add. GASSENDVS, in *Epp. passim* vid. p. 25. 28. 31. 38. 46. 394. 396. p. 227. l. 9. a fin. pro *Hoolckio*, l. *Hoolckio*. p. 229. not. u. add. Non praetereundum hoc loco, quod ex ore Cartesiani cuiusdam se hausisse ait personatus MARVILLIVS, *Mel. d'hist. et de lit. T. II. p. 134. seqq.* machinam αὐτόματον a Cartesio summa industria confectam, vt demonstrare posset, bestias esse machinas, occasionem dedisse inimicis, hanc de Francino fabulam comminiscendi. p. 231. l. 4. pro *Racy*, l. *Racy*, ibid. l. penult. pro *constetatur*, l. *contestatur*.

P. 234. l. 3. voc. *Sorberius*, add. not. Consulendae hoc loco sunt epistolae Sorberii ad Gassendum, inter huius opera, *T. VI. p. 447. 462. 470.*

P. 235. l. 14. pro *irritatem*, l. *veritatem*. p. 261. l. 4. a fin. pro *demonstrata*, l. *demonstrato*. l. 2. a fin. post *intercedit*, add. *diffensu atque*. p. 248. lin. 14. a fin. post voc. *egerit*, add. not. Valde ideo reprehendit Bailletum, auctor anonymus, quem Bouhursium esse volunt, *Reflex. d'un Academicien sur la vie de Mr. des Cartes a la Haye 1692. 12. vid. Hist. des ouvrages des savans 1693. Juin, pag. 548.* p. 305. l. 7. pro *eandem*, l. *eadem*, l. 18. post *certas*, add. *leges*. p. 345. l. 22. post *Enatum*, add. *inde*. p. 347. l. 25. pro *quaqua*, l. *quod qua*. p. 348. l. 9. pro *et*, l. *ut*. p. 354. l. 20. pro *quantas*, l. *quantas*. p. 357. l. 23. pro *nullae*, l. *nullo*. p. 360. l. 8. pro *commendationis*, l. *commendationis*, ibid. l. 13. pro *omnem*, l. *omnes*. p. 361. l. 18. pro *epbimeridum*, l. *epbemeridum*. p. 362. l. 4. a fin. post *hausit*, add. *oggerere*. pag. 375. l. 7. pro *malam*, l. *malum*. p. 380. not. p. add. cuius exemplum esse potest, quod bibliothecarii Vaticani munus, post Norisii mortem a Casanata cardinale oblatum respuerit, vid. ill. IORDAN, *Recueil de litterat. p. 45.* p. 393. l. 11. pro *qud*, l. *quod*.

Pag. 396. l. 8. voc. *Bourgetus*, add. not. Magnum hoc Neocomensium Musarum ornamentum cum nuper fata nobis eripuerint, spes superest nulla, illis schedis Leibnizianis potiundi, quas publicas dare promiserat.

Ibid. l. 14. pro *qui*, l. *cui*. p. 404. l. 7. a fin. pro *rei*, l. *re*.

P. 415. l. 24. post *baec*, add. *ibestis*.

P. 421. l. 11. post *etc.* add. not. Consulenda hoc loco erudita tractatio celeberrimi GERNERI de Ψυχῆς Hippocratis, de qua tamen explicatione viri doctissimi alio loco sententiam nostram modeste exponemus.

P. 422. l. 27. post *explicuerunt*, add. not. Adiri hoc loco velimus, illustris MOSHEMII eruditionem, qui probaturus Seruatorem nostr. Iesum Christum, resurrectionem mortuorum corporum qualem Christiani credunt, ex tenebris in lucem reuocasse et demonstrasse, solide et eleganter, vt solet omnia, earum gentium et philosophorum sententias enarrauit, qui mortem esse ultimam rerum lineam negarunt, vel eam transitum esse ad vitam, asseruerunt, *Differt. ad H. E. pertinentium, Vol. II. pag. 586. seqq.* In his enim fuerunt, qui similem fere animae vitam morte non mutatam, sed alteratam tantum

tantum fundamentum suarum de statu animae post hanc vitam, opinionum posuerunt. pag. 424. l. 10. a fin. pro *violabantur*, l. *violabuntur*. p. 425. l. 29. del. *non*, ibid. l. 4. a fin. pro *tam*, l. *tamen*, ibid. l. ult. post *inimicum*, add. et *iniurium*. p. 427. not. m. l. ult. post *quam*, add. *quae*. p. 431. l. 25. pro *imitentur*, l. *imitantur*. pag. 444. lin. 6. pro *subiiciendae*, l. *abiiciendae*. p. 452. l. 11. pro *vultus*, l. *fultus*. p. 453. not. k. l. penult. pro *et delineatam*, l. *est, delineauimus*. p. 464. not. d. col. 2. l. 1. pro *Kothius*, l. *Rothius*. p. 468. l. penult. pro *differit*, l. *edifferit*. p. 469. not. o. l. 1. post *cuius*, add. *auctor*. p. 470. l. 5. pro *vitutum*, l. *virtutum*. l. 25. pro *quo*, l. *cui*. p. 481. l. 19. pro *fama*, l. *famae*. p. 507. l. 3. pro *ensque*, l. *casque*. p. 517. l. ult. pro *pertineat*, l. *pertinere*. p. 518. l. 22. pro *conservatione*, l. *conuersatione*. p. 522. l. 21. pro *praeferret*, l. *prae se ferret*. p. 528. l. 21. pro *gnaua*, l. *ignaua*. p. 529. l. 27. pro *epistola*, l. *epistolas*. p. 545. not. i, pro *cogitat*, l. *cogitandi*. p. 577. l. 5. pro *commendationibus*, l. *commentationibus*. p. 589. l. 10. pro *veletudine*, l. *valetudine*. p. 593. l. 11. pro DV FERRE, l. DV TERTRE. p. 598. not. g. Add. Comparandus cum iudicio Reimmanni de Mallebranchio acutissimus BVFFIERIVS, in eleganti tractatione: *de primis veritatibus et fontibus ratiociniorum intellectus humani*, p. 270. *seqq.* Is enim cum virtutes, quibus inter philosophos nostri temporis effulsit Mallebranchius candide fassus, tum accurate quoque prosecutus est, quae obelo configenda iudicauit. „Obseruat is, quamuis „totus Cartesianus esset, ingenii tamen elegantia et dictionis nitore, sectae „istius auctorem, in ea ornanda et augenda superauisse. Non enim decre- „ta Cartesii tantum excoluisse, sed et nouis luminibus, quantum poterat, „illustrasse. In eo autem praecipue valuisse virtutem ingenii Mallebran- „chiani, quod opiniones semel delectas ita pingere, ornare, commendare- „que potuerit, vt animos occupando trahendoque impossibile sit, ex ea „parte, qua intuendas offert, eas non recipere, certe, minime oculos posse „auerti, sed cum iucunditate contemplandam esse idearum et cogitationum „abundantiam, quae animi curiositatem pascat, eiusque attentionem mire „excitet, vt eos rei vultus intueatur, quos philosophus conspiciendos de- „derit. Ast monere quoque illos, qui sententiis eius non subscribunt: „quamuis contagio quodam lectores trahere soleat Mallebranchius, praefer- „uari tamen vno remedio mentem posse, si primis gressibus primisque quas „exponit, propositionibus examinandis lector inhaereat, cum enim paucis „quibusdam assertis omnem ratiociniorum suorum nexum inaedificauerit, „ita facillime refutari posse; quod si illa admittantur, cogi lectorem, vt et „ceteris inhaereat, et rapiatur eadem, quam ille infistit via. Modum enim, „quo principia sua commendat, non alium esse, quam capiendi eos, qui se „sponte decipi patiuntur. Nam solere cum difficultates opinionum, quas „refutat in apertissima luce ponere, earumque contemptum inspirare, suas „autem, quo licet modo et parte ea, vbi pulcherrime videntur, commen- „dare. Et hoc quidem pacto in dissertationis progressu ea velut certa et „omni exceptione maiora supponere, oblitum eas quibus premuntur, diffi-

„cultates adducere. Facile itaque confodi posse errores Malebranchia-  
 „nos: naturam animae consistere in cogitatione actuali, ideas esse obiecta  
 „immediata intellectus, res externas clare, et vno oculi ictu earum modifi-  
 „cationes exhibentia, ideas esse magis reales, quam reliqua, quae in vni-  
 „uerso videmus omnia. Habere animum in se infinitos numeros idea-  
 „rum, non cognosci posse naturam, essentiam et modificationes rerum,  
 „nisi per ideas earum claras. Causas secundas nullius esse efficaciae, ha-  
 „bere intellectum notionem infiniti, videre nos omnia in Deo, Materiam  
 „consistere in extensione, etc.

Pag. 602. not. s. Valde commendat CROVSAZII, logicam BVFFIERIVS, l. c. p. 277. ob argumenti amplitudinem, observationum subtilitatem, veritates plurimas metaphysicas rite detectas et aliarum innumerarum parentes. Nexum autem tractationis, elocutionem haud satis diligentem et perspicuam, et definitiones quasdam sibi contradicere visas reprehendit.

P. 604. l. 5. a fin. pro *sublata*, l. *oblata*. p. 605. l. 5. a fin. pro *Tornardum*, l. *Tuwardum*. p. 609. l. 14. voc. *consuit*, add. not. Idem valde in LOCKIO laudat BVFFIERIVS, l. c. p. 253. qui methodum eius a simplicissimis notionibus ad abstrusiores progrediendi, indeque vtilissimas veritates deducendi analyti autem accurata errores Cartesii aliorumque philosophorum detegendi valde commendat, illis quoque pollicem premit, quae de abstractione, iudicio, loco, aliisque ideis maxime simplicibus a Lockio dicuntur.

P. 610. l. 33. pro *destitutum*, l. *destitutam*.

P. 611. l. 7. a fin. voc. *similia sunt*, add. not. Reprehendit quoque in LOCKIO BVFFIERIVS, l. c. non omnia satis clare et enucleate esse tradita, eadem saepius repeti, aequiuocis vocibus lectori imponi, negari veritates morales vniuersales, minus firmiter nonnulla probari, asserique ingeniose magis quam solide, frustra distinguere libertatem a voluntate, in quibusdam eum sibi contradicere, in haud paucis multa addenda et emendanda esse, vbi praeiudicium omne nondum eiurauerit, etc.

P. 621. l. 6. a fin. add. not. Plura de Digbaeanis philosophumenis in argumento naturali dabit GASSSENDVS, Physf. Sect. I. L. II. T. I. Opp. qui adeundus.

P. 622. l. 11. pro *Schola*, l. *Scholae*.

Ibid. l. 12. a fin. post voc. PASCHIVS, add. not. Maxime vero consulendus, qui incredibili diligentia, attentione, et felicitate chemiae mysteria inuestigauit, egregium nuper Berolinensium Musarum decus CASPAR NEVMANNVS, ex cuius *Praelectionibus chemicis* a IOANNE CHRISTIANO ZIMMERMANNO, Berol. 1740. 4. vno fasce editis omnium pulcherrime constare potest, quousque ignis beneficio rerum naturalium penetralia sint reclusa.

Pag. 623. l. 20. pro *accefferunt*, l. *accefferint*. p. 624. l. 6. voc. *facti*, add. not. Plurimum hanc viri summi virtutem commendat, qui SAM.

CLAR-

CLARCKII *Sermones de existentia et attributis Dei* Gallica lingua vulgavit RICOTIERIVS, *praef.* p. 13. qui etiam Boyleanae pietatis specimen immortalitate dignum explicat, quo certam auri summam philosophus non minus pius, quam acutus legavit, illis soluendam, qui singulis annis impietatem publicis orationibus essent oppugnaturi. Cui instituto nunquam satis laudando praestantissimas virorum summorum tractationes debemus, quibus atheismi radices rationibus metaphysicis, et imprimis physicis armati succiderunt. Conf. GILB. BYRNET. *Orat. in Boylei funere*, quae Latinae editioni *Sermonum* RICH. BENTLEII subiicitur, p. 480.

P. 629. l. 5. a fin. pro *commilitione*, l. *commilitone*. P. 644. not. m. pon. lin. ult. post voc. *insimularet*. pag. 645. not. r. pon. l. 9. a fin. post voc. *physicorum*. p. 656. l. 11. pro *Hypocratem*, l. *Hippocratem*. ibid. l. 16. pro *Serueti*, l. *Serueto*. p. 657. l. 12. a fin. pro *copusculis*, l. *corpusculis*. p. 661. l. 30. post *magnetica*, add. *usus*. p. 666. l. 3. a fin. pro *enarrandam*, l. *enarranda*. p. 676. l. 11. a fin. pro *maledicentiae*, l. *maledicentia*. p. 679. l. 18. del. *sed defensis quoque*. p. 679. l. 12. a fin. pro *rumore*, l. *rumore*, ib. l. ult. pro *Misir*, l. *Risir*. p. 681. l. 16. pro *manifesto*, l. *manifeste*, ib. l. 25. post *discipulum eius*, pon. *comma*, ib. l. 28. pro *daemones*, l. *daemon es*, ib. l. 31. pro *Anticyris*, l. *Anticyris*. p. 628. l. 20. pro *enarrarit*, l. *enarrant*. p. 683. l. 13. pro *RAMIVS*, l. *LAMIVS*. p. 685. not. n. l. ult. pro *FVAN.* l. *FRAN.* p. 687. l. 15. pro *rum*, l. *eum*. p. 689. l. 15. post voc. *velle*, add. not. conf. *Cheuraeana*, T. II p. 99. et imprimis qui de vera causa reiecta a Spinoza vocationis Heidelbergensis curiose differit, DAV. ANCILLONIVS, in *Memoriis ad vitam et scripta virorum nonnullorum in republica literaria hodie celebrium pertinentibus*, p. 154 seqq. pag. 592. l. 13. pro *auctioribus*, l. *acutioribus*. p. 694. l. 9. a fin. post *quae*, add. *se*. p. 701. l. 8. a fin. pro *Hossivm*, l. *Stossivm*. p. 703. l. 12. pro *Cum*, l. *Eum*. p. 704. l. 9. a fin. pro *nauitatem*, l. *natiuitatem*. p. 705. l. 20. pro *pertinet*, l. *pertinent*, ib. l. penult. pro *adducti*, l. *adducto*. pag. 707. not. o. l. 2. pro *statuant*, l. *statuunt*, ib. l. 4. pro *109.* l. *cog.* ibid. l. 5. pro *BVDDEI*, l. *BVDDEO*. col. 2. l. 1. pro *et*, l. *conf.* p. 725. l. 17. pro *gregie*, l. *grege*. pag. 734. l. 16. pro *donatus*, l. *donatis*. p. 736. l. 3. a fin. pro *qua*, l. *quam*. p. 739. l. 9. post *mirum certe*, add. *et*. p. 749. l. 20. pro *avderrici*, l. *avderrici*. p. 751. l. 5. a fin. pro *immensas*, l. *immersas*. p. 754. l. 8. post *foetum*, add. *Esaiae*. p. 771. l. 16. pro *atheismi*, l. *atheismo*, ib. l. 24. post *Palæini*, add. *filio*. p. 776. l. 26. pro *et*, l. *quam*. p. 778. l. 1. post *ciuiles*, add. *ram*. p. 789. not. p. pro *serie*, l. *serio*. p. 793. l. 7. pro *Iam*, l. *Tam*. p. 795. l. 24. pro *deprehenduntur*, l. *quaeruntur*. p. 800. l. 16. pro *Evdæmon*, *Ioannes Gretserus*, l. *Evdæmon Ioannes, Gretserus*. pag. 811. l. 20. pro *verbi*, l. *vrbi*. p. 826. l. penult. pro *tantum*, l. *tantam*. p. 830. l. 22. post *excurrisse*, add. not. Digressas ex Aegypto esse ad terras alto sub sole calentes colonias aliquot exemplis probat DIOD. SICVLVS, L. I. fin. Qui quoque, L. II. aliam viam narrat, qua religio et consuetudi-



nes Aegypti ad Indos peruenerint. Refert enim Sesostrin Aegyptiorum regem, omni gentis suae eruditione innutritum, post consensum solum in Indiam soluisse, et magno exercitu non modo prouincias, quas postea cepit Alexander M. expugnauisse, sed alias quoque, quas nunquam ille accessit, Gangem transiisse, et vniuersam Mediam vsque ad mare peragruisse, ritus quoque Aegyptiacos inter illas gentes disseminauisse. Quam quidem narrationem in dubium vocat, eruditissimus SHVCKFORDVS, *Harmon. scriptor. sacr. et pref. L. VI. Vol. II. p. 35.* eo quod Herodotus, Manetho, Eusebius, alique ad Indos penetrasse Sesostrin taceant, et Bactriam, Scythiam, Asiam terminos expeditionis eius ponant. Ast non satis firmas hae rationes nobis videntur, vt fidem Diodori in dubium vocare possint. Nam nusquam in Indiam Sesostrin penetrasse scriptores hi negant, Bactriam attigisse diserte tradunt, quae vicina Indiae pars est. Ex qua etiam regione Indi cis Gangem facile sua haurire, vel sacerdotes Aegyptiaci ad eos transire potuerunt. Qui itaque tantam tamque frequentem religionis Aegyptiacae atque Indicae conuenientiam a Sesostris aetate deriuant, (quamuis postea per colonias ex Aegypto tempore pastorum, et post eos in Cambyfis inuasionem, multa quoque ad hanc gentem Aegyptiaca peruenierint,) nihil asserunt, quod verisimilitudine destituatur. Sesostrin enim sacris valde addictum, ipsisque sacerdotibus admirabilem fuisse, vbique locorum autem patriam religionem disseminauisse DIODORVS, l. c. refert. Attentione quoque dignum est, quod is narrat, columnas statuisse Sesostrin in gentibus deuictis, hominis pudenda: haec enim et Aegyptiis in sacris habita fuisse, et hodie Indis sacrosancta, et diuinitatis symbola haberi peruulgatum est, licet Diodorus rationibus Graecanicis occupatus ea ad fortitudinis et timiditatis symbola trahat. Post Sesostris tempora, ex Manethone IOSEPHVS *contra Apion. L. I.* refert, Aegyptios regnante Conchari, vel Timaeo per omnem orbem dispersos esse ab irruptione pastorum, ex Oriente in Aegyptum irruentium, quorum rex Salatis veteres colonas gregatim excedere Aegypto coegerit. Quarum haud paucas ad Indiae ora fuisse delatas, dubitari non potest, sciremusque certe, si extaret libellus Istri, *de coloniis Aegyptiorum* deperditus, vid. VOSSIVS, *de Hist. Graec. L. IV. p. 469.* IONSIUS, *de S. H. Pb. Lib. II. c. 6. p. 170.* Colonias Aegyptiorum autem, religionem, theologiam, ritus, instituta patriae ad peregrinas terras detulisse, Assyria Aegyptiorum Colonia a Belo deducta, si vera est Diodori narratio, ostendit.

Pag. 833. l. 22. pro *solicitate*, l. *sedulitate*. p. 835. l. 15. pro *est*, l. *et*. p. 836. l. 9. a fin. pro *masculinas*, l. *masculinas*. p. 846. not. d. col. 2. lin. 1. pro *creatione*, l. *oratione*.

P. 852. l. 3. post *licere*, add. not. Quid huic potissimum argumento obverti possit, non inuidebimus lectori, vt historici partibus et officio rite fungamur. Nempe cum ea de re monuissimus venerabilem senem *Alphonsum des Vignoles*, cuius immortalia, de chronologia veteri merita sunt, eo quod non doctiorem et accuratiorem huius rei arbitrum nossemus, ille, qua

qua erga nos est benevolentia, circa initia auctumni anni praeteriti fuisse respondit, et hunc nodum soluere conatus est. Dabimus ipsius viri magni epistolam, dignam quae hoc loco, velut appendix quaedam, tota legatur. Ita vero ille:

Votre lettre du 14. Août m'a rappelé me vieilles idées, eu me communiquant un long passage de M Kortholt, qui ne m'étoit pas connu. Il se fonde sur une table chronologique fort rare, que le Président de la Société Royale lui avoit procurée, quand il étoit à Londres. Apparemment c'est la même, dont j'ai un Exemplaire depuis 6. ou 7. ans. Elle a de longueur 38. pouces et demi, et de largeur 21½. pouces mesure d'Angleterre: outre le papier blanc des marges. Elle fut gravée à Rome l'an 1729. et l'année suivante les Journalistes de Trevoux (an. 1730 Janv. 179-182.) donnerent un extrait précis de l'avertissement, qui est à la tête de cette table, et qui finit par ces mots: Edebat Francisc. Fouquet S. I. episcopus Eleutheropolitanus.

Bien loin que cette table démontre que toute la Chronologie des Chinois soit vaine, (quatenus antiqua est,) je trouve qu'elle s'accorde à merveille avec le système, que je me suis fait sur ce sujet, et qui est le plus commun.

1. Puisque M. Kortholt a un exemplaire de cette table, je le prie d'y jeter les yeux sur la première colonne, qui est à la droite suivant la manière des Chinois, et de remarquer que les 52. premiers Quarrez n'ont, ni le nom d'aucun Roi, ni des Années. C'est seulement au bas de la colonne qu'on lit le nom de Guei Lie, dont la première Année répond à Ping Chin, qui est la 53<sup>e</sup>. du cycle. En effet, l'Empereur Guei Lie commença à regner l'an 53<sup>e</sup> du cycle 38<sup>e</sup>. (Martini, p. 140. al. 158. Couplet Tab. p. 15. Menzel, p. 47. Fourmont reflexions etc. T. II. p. 444. col. 1) Indices sensibles que ce n'est ici qu'une suite d'une Table antécédente.

2. L'avertissement, qui précède, dit que l'Epoque, par où la Table commence est vraie et certaine, depuis 400. ans avant J. C. Mais l'Editeur ajoute: „cum autem dico epocham veram historiae Sinensium, intellige, Lector, non initia Sinicae gentis, quae Diluvio ipsi proxima fuisse „persuasissimum habeo, sed tempus illud, quo rerum apud gentem gestarum narratio nixa certis argumentis esse incipit, et digna fide videri „potest.” Ce n'est donc pas ici la première ou la plus ancienne Epoque des Chinois, puis qu'il faut remonter jusqu'au déluge, dont le tems n'est fixé, ni dans l'histoire des Chinois, ni même dans l'Ecriture sainte et sur quoi les Chronologistes ne sont pas d'accord.

3. Le Titre de cette Table Indique plus naturellement le terme, jusqu' où il faut remonter. La Table doit être connexa cum cyclo, qui vulgo Kia Tse dicitur. Comment cela? Si l'on n'y comprend pas les cycles, qui se sont écoulés depuis leur institution. Or depuis Hoam-ti, à qui on attribue l'invention de ce Cycle, il y en a eu 37. complets jusqu'au

au tems de Guei-Lie: et dans nôtre Table il y-en a eu environ autant jusqu'à nôtre Siècle. Ainsi cette dernière Table commence à peupres, au mi lieu de l'intervalle, qui a couru jusqu'à présent. De sorte que par ce moyen nous avons deux epoques Memorables: l'une depuis Hoam-ti l'autre depuis Guei-Lie: et l'on peut naturellement supposer deux Tables de même grandeur et de même forme.

4. La dernière doit être remarquable a plusieurs egards. 1°. C'est la que commencent, les annales de la Chine, que nous avons ici dans la Bibliothèque du Roi: surquoi j'ai déjà publié, (Miscell. Berol. Tom. IV. p. 25.) une Remarque, que voici. Lorsque nôtre Grand Eleêteur fit venir les annales de la Chine, au-lieu qu'on lui envoyât les deux parties générales, qu'elles doivent contenir, on lui envoyât deux exemplaires de la seconde, nescio quo fato comme je disois alors. Ce fut, apparemment, quelque meprise entre le Vendeur et l'Acheteur D'ou pourtant on doit conclurre, que je ne dois compter sûrement que sur cette dernière Partie que nous avons: en quoi nôtre Table sera toujours d'un grande usage.

5. Cette epoque est véritablement importante pour l'Histoire de la Chine. Ce fut sous le Regne de Guei-Lie, que commencèrent les Guerres de 300 ans, dont ont parle communément, a la Chine comme nous faisons aujourd'hui de la Guerre de 30 ans qui arriva au dernier Siècle. Voyez là dessus Martini, Couplet, et Mentzel, déjà citez de meme que la magnifique Histoire du P. du Halde (T. I. p. 357.)

6. En fin nos Annales démontrent aux yeux, qu'elles ne sont, qu'une suite ou une continuation des annales précédentes. 1°. Elles ne commencent ni au Chef de quelque famille Imperiale, ni au commencement de quelque Cycle; ni même a la première Année de Guei-Lie mais, (Misc. Berol. IV. 26.) a l'année 23°. de cet Empereur, nommée Vu-Yin, qui est la 15°. du Cycle suivant. 2°. Sur le dernier Empereur de la Famille Cheu il est dit, que cette Famille regna 876. ans jusqu'à l'expulsion de Nanyam. D'ou on doit conclurre, que Cheu commença à regner l'an 1122. comme cela est marqué dans Martini Couplet et Mentzel.

Ces raisons me paroissent suffisantes pour satisfaire aux difficultez de Mr. Kortbolt. J'espère de prouver l'Histoire de la Chine par des preuves directes dans la Chronologie de Moïse bien entendue, dont vous avez fait Mention a la fin de mon Eloge. J'ai l'honneur etc.

Haëtenus vir celeberrimus, et in temporum antiquorum difficultatibus explicandis acutus atque felix. De quibus eius rationibus dispicere ipsum Lectorem iubemus, ubi rarissimae istius tabulae Sinensis copia et data fuerit, qua nos caremus. Nobis concedi posse facile, videtur, antiquiorem esse Sinarum gentem ista, quae in ea tabula definitur, epocha; ast, si recte viri optimi et celeberrimi verba assequimur, ipse non negat, monere Tabulae editorem, ab ea demum epocha tempus illud inchoandum esse, quo rerum apud hanc gentem gestarum narratio nixa certis argumentis esse incipit, et digna fide videri potest. Ex quo consequitur, antecedentis

dentis temporis rationes non esse certas et expeditas, et nec cum Sinarum nec Scriptorum sacrorum narrationibus satis constare, vt ipse Vir Summus innuit. Id quod ea recolens quae in hoc §. diximus facile comprehendet. Ex hoc vero confici putamus, ad vetustissimam Sinicae gentis historiam ob incertitudinem tuto prouocari non posse. Certiora vero, nisi coniecturis forte fidat, a viro praestantissimo expectantes magno desiderio eius chronologiam a condito mundo ad Mosen exoptamus.

P. 853. l. 2. ad voc. *Noachum ipsum*, add. not. Magno ingenii et eruditionis apparatu hanc opinionem ornare nuper post Whistonum conatus est SCHVCKFORDVS in *Harmon script. Sacr. et prof. Vol. L. I. p. 20. L. II. pag. 69.* Audiendae viri docti rationes sunt, ne praeter fas reiecissemus hanc opinionem videantur. Vrget ille: 1. Fohium ἀπάτορα dici: Noachum vnicum hominem ex diluuiio emergentem fuisse, hincque sine patre extitisse videri potuisse. 2. Matrem Fohium concepisse iride compressam; iridem autem characterem Noachiticae historiae esse. 3. Tradere annales septem pecudum genera sacrificiis Spiritui Summo coeli et terrae offerendis destinata Fohium domi aluisse, haustum autem id videri ex sacris oraculis, septena animalium genera Noachum ex arca eduxisse tradentibus, et ex his sacrificium Deo immolasse testantibus. 4. Nomen Fohii a sacrificiis deriuari. Noachi a venia sacrificio obtenta creaturis ad hominum vsum vtendi. 5. Fohium in provincia Xeusi habitauisse, quae borealis pars Chinae contigua sit monti Ararat, in quo demiserit se arca. Noachum mature populis repleuisse Indiae partes, vt potuerint filii dispersionis has Orientis gentes quae Baetrium et viciniam inhabitauerunt, bello aggredi, illae vero vim vi repellere. Tandem et 6. temporum rationes satis accurate sibi respondere putat. Non carent specie quadam eruditi scriptoris coniecturae, at examen seuerius, si quid iudicamus, non sustinent, nec persuadere nobis posse videntur Fohium cum Noacho eundem esse, pleraque enim nudis hypothesibus nituntur, quibus negatis omnis illa demonstratio corrui. Nam 1. Sinae non dicunt, patrem Fohii ignorari, sed conceptum esse sine patre, vestigio hominis proceri calcato, et iride matre circumdata. Quid hoc praeter iridem, commune phaenomenon, ad historiam Noachi, quem habuisse parentes filii eius in arcam ingressi satis norant. 2. Quae de sacrificiis Fohii traduntur, magis eneruant hypothesin, quam adstruunt. Sacrificauit enim *y hiang xin ky*, id est coelestibus et terrestribus spiritibus, vbi vox Sinica *Ky*, specifica est ad terrestres spiritus significandos, ita vt MINORELLIVS, in *Exam. hist. Sin. Iuuenii*, p. 125. audacter pronuntiet, ne vnum Sinam inueniri, qui has aliter literas explicet, ast quam distat hoc a Noachi sacrificio. 3. Ficulneum autem est, et longe petum, quod a nominis significatione argumentum sumitur. Noachus enim a tranquillitate dictus antequam sacrificasset. Quae vero 4. ex habitatione valde antiqua partium quarundam Indiae borealium concluduntur, non plus euincunt quam terram, quam Noachus post diluuium inhabitauit, non adeo remotam fuisse a Sinenfium terris, vt non mature a

*Hist. philos. Tom. V.*

Ccc ccc

post-

posteris Noachi coloniae deduci illuc potuerint; quod tamen ipso Noacho viuentis factum esse prorsus vero est dissimile. Nec 5. tempora concordare ex iis, quae supra diximus, constat; ex his enim patet, tempora Fohii, qualia a Sinis definiuntur, supra diluuii tempora assurgere. Quod si 6. recordemur, Sinas tradere de Fohio, fuisse eum rudis et belluinis moribus viuentis populi magistrum primum, qui eos ad humanitatis sensum reuocauerit, apertissimum est, Fohium cum Noacho eundem esse non posse, sed ad ea tempora reiciendum esse, quibus coloniae a filiis Noachi per Orientem sparsae tandem veri cultus diuini omnisque rationis usum amiserint. Id quod Noacho viuentis contingere nondum potuit, cum illo atque filiis eius viuentibus familiae eorum institui rationis et reuelationis praefidiis fatis potuerint. Mittamus itaque hanc comparisonem sacrarum literarum historia indignam, certi, Fohiana tempora non esse ita certa, ut is cum Noacho possit vnus idemque haberi.

Pag. 856. lin. 17. pro *regi*, l. *regni*.

P. 870. l. 21. post voc. *diximus*, add. not. Memcii vitam nuper eleganti commentatione exposuit, vir eruditissimus dignusque auita doctrina gloriaque, IOANNES BENEDICTVS CARPZOVIVS. Erat philosopho domesticum nomen Ko, aut Mem-Ko, Iaponensibus, teste KAEMPFFERO *Itiner. Iap. L. III. c. 7. T. II. p. m. 71*. Moosi dicitur. Natus est in regno Tfeu, vel Chu tunc dicto, quod hodie Xantum audit, ex illustrissima gente Mem-sun, anno ante N. C. CCC LXXI. Imperatore Sinarum hieuiam, annis post Confucium septem supra centesimum. Enutritus disciplina Confuciana a praeceptore Tfu-su, (qui ex schola Tsem-su prodierat, ut hic ex Confucii,) tanti sapientiae doctoris praecepta diligenter hausit, collectisque thesauris philosophicis, iter literarium instituit, eo, ut videtur animo, ut Confucium imitaretur; et se gentis moribus emendandis accingeret. Profectus igitur ad regni Cy monarcham Siuen-uam, cum spe frustraretur, nec regis animus mutaretur, septem regna eodem scopo intentus peragraré constituit, bellicis autem tumultibus impeditus est. Ideo reuersus in patriam Chu, scholas aperuit, discipulos non plures nactus, quam septendecim, quibus sapientiae Confucianae mysteria explicuit, libros quoque classicos Sinensium et annales imperii ad normam Confucianam emendauit. Id quod susceptum ab eo illam ob causam annales Sinici referunt, quod valde in contemptum et obliuionem esset adducta Confuciana sapientia, haud pauci quoque, quam non recte intelligebant, perperam interpretarentur. Quibus cum se Memcii praeceptor Tfu-su opposuisset, qui sinceram seruauerat doctrinam Confucii, mirum non est, Memcium ex eius disciplina progressum, eam felici euentu restituisse. Aduersarios autem expertus est, philosophos Yam et Me, quorum haud exigua apud sectatores suos fuit auctoritas, quorum clamoribus cum contemptus quidam Memcii inter Sinas accessisset, eo quod nulla dignitate, nullo magistratu fulgebant, valde industria Memciana in prouehendae philosophiae studio sufflaminata est. His enim causis impeditam Memcii diligentiam scriptores Sinici

Sinici adscribunt. Suspiciamus autem, fuisse hos philosophos ex secta Li Lao Kiun, quam vehementer Confucianae scholae fuisse aduersatam, magna vero auctoritate inter Sinas viguisse supra obseruauimus. Quod itaque viua voce efficere non poterat, scriptis commentaris Confucianis obtinere satagit, magnamque inde et apud Sinas et apud Iaponenses laudem meruit, adeo ut post Confucii scripta libri eius secundum obtinerent locum. Inerat enim viro erudito acumen ingenii, et imprimis facundia, qua Confucium superasse, COVPLETVS, ait, vitae autem innocentia et morum probitate plurimum ei concessisse; aliter tamen aliis de eo pronuntiantibus. Eminent memoria Memcii libris quatuor Su-xu, siue interpretatione librorum quinque classicorum, quos auctoritatem classicam inter Sinas et Iaponenses obtinuisset supra memorauimus. Hos cum libro sententiarum Confucii a Memcio vulgato et aucto, et de bono regimine aliisque ab eo vel scriptis vel commentatione explicatis plurimum suspicit Sinarum secta litterata, quosdam edidit, ut supra dictum Franc. Noëlus, commentariis illustrarunt philosophi nonnulli Sinici. Exemplum auctoritatis, quam tandem in gente sua ob doctrinae claritatem obtinuit esse potest, quod progenies eius Mandarinorum iure et dignitate inter Sinas, ut Confucii, et Laotani, floreat. Obiit anno aetatis octogesimo quarto, ante C. N. CCLXXXVII. cycli Sin. XLI. anno nono. Haec ex COVPLETI et sociorum obseruationibus NOELII praefatione, MENZELII Chronologia Sinica, SPIZELII Literatura Sinica etc. diligenti et iucunda dissertatione collegit, quem laudauit cl. Carpzouius, qui plura desiderantibus adeundus est.

P. 884. l. 6. pro *dicit*, l. *dicitur*. p. 889. l. 20. pro *constare*, l. *docere*. p. 896. l. 4. pro *Et*, l. *Est*, ib. l. 4. a fin. pro *ea*, l. *eam*. p. 903. l. 4. pro *volutantibus*, l. *volutantibus*.

P. 917. l. 5. voc. *M o o s i*, add. not. Hunc Memcium esse ex libris illi tributis constat: et hos solos, non autem ipsum Memcium in Iaponiam peruenisse verisimile est.



Ccc ccc 2

I. INDEX

VILLE DE LYON  
Biblioth. du Palais des Arts

# I. INDEX

## PERSONARVM ET NOMINVM.

<b>A.</b>		Baring, Dan. Eberh.	336, 395	Bozius, Thom.	792
<b>A</b> bbot, Robert.	801	Barrouius, Isaac	640	Brahe, Tycho de	629
<b>A</b> ckersdyk, Cornel. ab		Bartholinus, Thom.	657	Braimhall	154, 178, 803
	587	Barthrouherri	842	Brancha, Io. Franc.	111
<b>A</b> contius, Iac.	585	Basso, Thom.	716	Branchu, Balth.	362
<b>A</b> dami, Tobias	114, 118	Bauschius, Laurent.	662	Braun, Io. Conr.	587
<b>A</b> dario	920	Bayle, Petr.	15, 359, 391	Bredenbourg, Io.	691
<b>A</b> emilius, Anton.	223	Beaufort, Lud.	269	Brinck, Henr.	720
<b>A</b> lberti, Valent.	454, 771	Beaune, Florim.	222	Brixia, Fortunatus a	282
<b>A</b> lgarotti, Franc.	644	Beckher, Guil. Henr.	200	Brunus, Iordanus	12
<b>A</b> lfred, Io. Henr.	584	Becmannus, Isaac	208	Brutus, Steph. Iun.	797
<b>A</b> merpool, Io.	269	- - - Io. Christ.	180,	Bochananus, Georg.	796
<b>A</b> mida	914		802	Buddas	814
<b>A</b> nanus	285	- - Nicol.	763	Buddeus, Io. Franc.	397,
<b>A</b> ndala, Ruardus	271, 384, 391	Bekker, Balthaf.	263, 712		521, 527
<b>A</b> ndreas, Tobias	262	Berkeley	644	Balfinger, Georg. Bernh.	387
<b>A</b> ndreas, Samuel	178, 802	Bernard, Iacob	539	Burdinus, Petr.	228
<b>A</b> nglus, Thomas	274	- - Sam.	607	Burmennus, Franc.	263, 705
<b>A</b> nnan	819	Bernoulli, Io.	380, 392, 645	Bulcherus, Heizo	578
<b>A</b> rgottus, Barthol.	672	- - Nicol.	392, 645	Bupo	909
<b>A</b> rnaldus, Ant.	230,	Beurhufius, Frid.	577, 583		
	280, 587, 591	Beza, Theod.	797	<b>C.</b>	
<b>A</b> rndins, Carol.	778	Blackburn, Rich.	145	<b>C</b> abaens, Nicol.	616
<b>A</b> rnifaeus, Henning.	578	Blyenburg, Guil. a	691, 720	<b>C</b> assa, Carol.	108
<b>A</b> rne, Petr. Frid.	670	Boccalinus, Traian.	783	Cailly, Petr.	282
<b>A</b> shley, Ant.	604	Bodinus, Io.	779	Campanella, Thom.	107, 793
<b>A</b> sellius, Caspar.	657	Boeclerus, Io. Henr.	741	Canzius, Io. Theoph.	362, 387
<b>A</b> thafius Rhetor.	125	Boerhave, Herm.	622	Cardanus, Facius	64
<b>A</b> wbrey, Io.	145	Borellus, Io. Alph.	285	- - Hieronymus	62
		- - Petr.	200, 201	Carmichael, Gersch.	362
<b>B.</b>		Borromaeus, Carol.	87	Carpentarius, Iac.	557
<b>B</b> aconius, Io.	671	Bosius, Io. Andr.	340, 778	- - Nathanael	614
<b>B</b> athurst, Radulph.	145	Bosluetus, Iac. Ben.	279	Carpzouius, Io. Bened.	458
<b>B</b> aillet, Adrian.	201	Boucherius, Io.	798		iun. 537
<b>B</b> aldeus	827	Bouhours	202	Carteria	644
<b>B</b> aranzarius, Redemtus	614	Bouillus, Carl	415	Cartesius, Renat.	31, 153, 200
<b>B</b> arbeyrac, Io.	362	Boulainvilliers	683, 699	Casellius, Io.	579, 581
<b>B</b> arberius, Ioseph. Mar.	340	Bourdin, Petr.	228, 230	Castelli, Ben.	636
<b>B</b> arclaius, Guil.	796, 803	Boyle, Robert.	178, 622, 659	Castera, Perron. de	644
				Catellan,	

# I. INDEX PERSONARVM ET NOMINVM.

Catellan,	391, 593	Curtius, Matth.	66	Felwinger, Io. Paul.	579
Caterus	229	Cusu	848	Fenelon, Franc. Salignac de	
Cavendish, Car.	227	Cyprianus, Ern. Salom.	107	la Motte	594
Cemçu	848			Fermatius	221
Cham-Hy	875	D.		Fertre, du	593
Chandous, de	201	<b>D</b> aillon	716	Fluddus, Rob.	659
Charlotta Elisabetha Palat.		Daniel, P.	202	Foe	811, 812
	382	Darma	910	Fogelius, Mart.	351
Charron, Petr.	722	Deurhof, Guiliel.	701.	Fohi	850, 852
Cherbury, Edm. Herb.	147		705, 720	Fontenelle, Bernard.	336
Chen - cu	873	Dietericus, Conrad.	584	Forge, Mart. de la	266
Chen - Kung	893	Digby, Kenelm	274, 620	- - Ludou. de la	592
Chim - ci	873	Dinet, Phil.	203	Fossius, Christ.	764
Ching - tang	856	Dodwell, Henr.	707	Foucherius, Phil.	391, 591
Chu - cu	873	Drebbelius, Cornel.	659	Francke, Aug. Herm.	461
Chytraeus, David	577	Dresserus, Matthaeus	578	Freigius, Thom.	576
Ciermans, Io.	221	Driessen, Ant.	721	Frischlinus, Nicod.	581
Clarke, Sam.	366, 391, 643	Dukerus, Gisb. Wessl.	270	Frisius, Paul.	583
Clauberg Io.	261, 587	Dumckius, Georg. Petr.	644	Fromondus, Lib.	221
Clavius, Christoph.	628				
Clericus, Io.	362, 542	E.		G.	
Clerfelier, Claud.	234,	<b>E</b> chard, Ioh.	107, 126	<b>G</b> abets, Rob. des	591
	244, 278	Eckard, Io. Georg.	336,	Galilaei, Gal.	150, 215, 634
Cocceius, Io.	267		358, 395	Gallandius, Petr.	556
Cocius, Anton.	91	Eglinus, Raphael	15	Ganquoi	909
Coimbadoxus	908	Elisabetha, Palat.	259	Garnetus, Henr.	801
Confucius	848, 858	Ende, Franc. van den	684	Gassendus, Petr.	149, 180,
Copernicus, Nic.	627	Espagnet Io.	616		230
Coquius, Gisbert	178, 179	Essenius, Andr.	270	Gehring, Iac.	645
- - Edoard	801	Eustachius, Barth.	656	Gentilletus, Vinc.	797
Cotesius, Royer	643			Gerhard, Ephraim	470
Cottonus, Io.	800	E.		- - Io.	582
Couplet, Phil.	848	<b>F</b> abri, Honorat.	239	Gesenius, Frid.	768
Cowardus, Guil.	707	Fabricius, Franc.	576	Geulincx, Arn.	329, 587, 703
Cramerus, Io. Vlr.	378	- - Io. Albert.	397	Gilbertus, Guil.	331, 615
- - Io.	579	- - Io. Andr.	541	Giunsi, Luc. van	720
Crassus, Horat.	636	Faegius, Francisc.	66	Glanuil, Ioseph.	178
la Croze, Math. Veiff.	15	Falcknerus, Io. Christoph.		Glissonius, Franc.	657
Cudworthus, Radulph.	178,		340	Goclenius, Rudolph.	584
	275, 361	Fanchin	873	Goedartius, Io.	660
Cumberland, Rich.	178, 179	Faulhaberius Io.	211	Golius, Iac.	226
Cuperus, Franc.	699	Felde, Io. a	740	Gorlaeus, Dav.	232
Curbachius, Adr.	699	Feller, Ioch. Frid.	336, 358	Gottsched. Io. Christoph.	
Curcellaeus, Stephan.	225	Fellus, Io.	145, 161		358, 695
		Ccc ccc 3		Goueanus,	



## I. INDEX PERSONARVM ET NOMINVM.

Goueanus, Ant.	553	Hooekius, Rob.	659	Lange, Ioachim	384, 427
Gouffetus, Iac.	262	Hoffius, Fr. Guil.	701	- - Carl. Nic.	661
Gracian. Balth.	782	Hotomannus, Franc.	792,	Languet, Hub.	797
Grand, Anton le	273, 587	Houtyn, Abr.	797	Lau, Theod. Lud.	702
Grandamicus, Jacob.	616	Huberus, Vlr.	180	Leenhof, Frid. van	697
Grandis, Io. Francisc.	178	Huddenius	270	Leeuwenhoeck, Anton. a	657
Graswinckel, Theodor	740	Huetius, Petr. Dan.	350	Leibnizius, Godofr. Guil.	
s'Gravesande, Guil. Iac.	643	Hugenus, Christian.	277, 249	- - Iust. Iacob.	154, 202, 335, seq.
Grimaldus, Claud. Phil.	874	Huminel, Io.	249	Leydekker, Melchior.	343
Grotius, Hugo	730	I.	629	- -	261,
- - Guilielm.	740	Iacchaesus			265, 270
Guerentus, Guil.	722	Ianaus	226	Li Lao Kiu	858, 869
Guericke, Otto	659	Iellus, Iarig.	851	Liperlein, Io.	658
Guinardus, Io.	799	Ienichius, Gottlob. Frid.	697	Lipsius, Iust.	793
Guilhelmina Charl. princ.		Ioannes, Andr. Eudaemon	697	Lipstorpheus, Dan.	272
Wall.	382	Iordanus, Carl Steph.	801	Lister, Mart.	660
Gundling, Nic. Hier.	180,			Locke, Io.	602
	366, 521		15, 799	Loescherus, Valent.	397
		K.		Loewenhoeck, Anton.	657
H.		Kæmpfer, Engelb.	814, 907	Longobardus	890
Haerebord, Adr.	237	Kahlius	441, 644	Lucas	697
Halen, Herm. van	270	Kafia	819	Ludouici, Carl. Gunther.	337
Hanschius, Mich. Gottl.	365,	Kaffo	858	Lyserus, Io.	768
	292	Keckermann, Barthol.	583	- - Polycarpus	539
Hansius, Ioach.	578	Keil, Io.	643	M.	
Hartmann, Ph. Iac.	661	Keplerus, Io.	632	Mao - Kiaye	822
Hartfoeker, Nic.	645	Kircherus, Athanas.	616, 661	Machiauellus, Nic.	784
Haruaeus, Guil.	158, 624,	Klausung, Henr.	470	Madratus, Christoph.	87
	656, 657	Klingerus, Gottfr.	772	Mainardinus, Marfilius	795
Hattem, Pontianus ab	702	Knorr, Christian	347	Mallebranche, Nic.	280,
Heidanus, Abr.	226	Kobotus	909		391, 588
Hemmingius, Nic.	739	Kortholt, Sebast.	336	Mansvelt, Regner. a	178,
Hempelius, C. F.	522	- - Christian.	387		587, 692
Henckel, Io. Frid.	661	Kosslobosati	909	Maresius, Sam.	261
Henninges, Henr. de	742	Kragius, Andr.	580	Mariana, Io.	799
Henmann	15	Kufaeler, Abr.	701	Marta, Iac. Ant.	111
Hobbefius, Thom.	145, 230	Kuhnus, Io.	339	Martini, Cornel.	578, 579,
Hoddaeus, Conr.	578	Kulpifius, Io. Georg.	743	- - Iacobus	582
Hofmann, Adolph. Fr.	537	L.		Marius, Simon.	636
- - Daniel	584	Lambecius, Petr.	352	Mafius, Heft. Gottfr.	460,
- - Frider.	624	Lamius, Franc.	427		802
Hoheisel, Frid.	378	Laney, Beniam.	162	Mastricht, Petr. van	265, 270
Hollmann, Sam. Christ.	543			Mayer.	
Hontan, de la	920				

# I. INDEX PERSONARVM ET NOMINVM.

Mayer, Io. Ad.	470	Norris, Io.	701	Rappoltus, Frid.	339
- - Io. Frid.	471	Notholdus, Ant.	579	Rauhaultius, Iac.	278
Maierus, Ludov.	267, 690, 697	O.		Rawley, Guilielm.	90
Melanchthon, Philip.	7, 583	Olieckranzius, Io. Paulin.	743	Ray, Io.	660
Memcius	870	Orchardus	716	Raynoldus, Guil.	798
Menandrino, Marfil. de	795	Orobis, Isaac.	692	Regis, Petr. Sylvan.	180.
Menckenius, Otto	352	Osiander, Io. Adam.	178, 742	Regius, Henr.	223
Menzer, Balth.	768	Ossatus, Arn.	614	Regnerus. Cyprian.	223
Meriana, Maria Sib.	660	P.		Reineccius, Iac.	578.
Merfennus, Marin	149, 207, 230, 242	Palissus, Bernard.	615	Renerius, Henr.	218
Mesmes, Laurent. de	282	Parcker, Sam.	78, 178, 275	Renieri, Vinc.	637
Metius, Iac.	658	Pascal, Blasius	221	Renneimannus, Henning.	578
Meuius, Dau.	749	- - Stephanus	221	Reuius, Iacob.	240
Milton, Io.	802	Pecquetus, Io.	656	Reyher, Sam.	352
Minorelli	847	Peirescius, Nicol.	120, 736	Rhedus, Thom.	578
Miron	593	Pell, Io.	720	Rhegenius, Mich.	273, 467
Mokuren	910	Pellissionius, Paulus	354	Rheticus, Georg. Ioach.	628
Molinaeus, Ludon.	225	Pemberton, Henr.	644	Riccius, Ostilius	635
Mommor, Hubert.	279	Pena, Io.	550	- - Matthaeus	874
Mommort, Petr. Rem.	645	Pereira, Gomeisus	209	Richter, Georg. Frid.	397, 537
Montagne, Mich.	722	Perionius, Io.	557	Riuetus, Andr.	226
Montagnol	593	Petermannus, Io. Andreas	272, 273, 457	Roberual, Aegid. Persona de	220
Moosi	917	Petit	221	Roëllius, Herm. Alex.	262, 270
Mornaues, Phil.	797	Peurbach, Georg.	626	Rogerus, Abraham.	827
Morteira	684	Peyer, Io. Conr.	660	Rohaltus, Iac.	278
Morus, Henr.	178, 276	Pfaffius, Matth. Christoph.	389, 397	Roofi	858, 909
Müller, Io.	626	Pfaffradius, Casp.	578, 584	Rossaeus, Guil.	798
- - Io. Frid.	378	Pfannerus, Tob.	776	Rudbeck, Olaus	657
- - Godofr. Polyc.	541	Pfeifferus, Aug.	458	Rudigerus, Io. Andr.	521, 533
Mydorge, Claud.	207, 228	Picotius	240	Rudolphi, Io. Rud.	542
N.		Piso, Homobonus	656	Rumph, Georg. Ehrh.	660
Naudaeus, Gabr.	63, 119, 778	Placcius, Vincent.	729	S.	
Nequiron		Planerus, Io. Andreas	706	Salamonius, Marius	795
Neufville, Gerard.	261	Plempius, Cornel. Gif.	221	Saldenus, Io.	158, 747
Newtonus, If.	277, 379, 391	Porrius, Brand.	66	Salmasius, Claud.	226
Nicephorus, Hermann.	579	Postellus, Guil.	18	Sanctarellus, Ant.	800
Nicerson	201	Pufendorfius, Sam.	749	Sarpis, Paul.	656
Nicolius, Petr.	587	R.		Scaliger, Iul. Caef.	87
Nien	851	Raey, Io. de	231, 263	- - Ioseph.	581
Niewentyt, Bernard.	357	Ramus, Petr.	548	Scargil, Daniel	161
Noel, Franc.	848			Schall, Io. Adam,	874
				Schar-	

# I. INDEX PERSONARVM ET NOMINVM.

Scharrock, Robert.	178, 179	Stephanus, Robert.	90	Vogelsang, Reiner.	265
Scheiner, Christoph.	636	Stillingfleet, Eduard.	608	Voltaerius, Arouet,	391,
Schelhammer, Günth. Christ.	352	Strimesius, Sam.	774	441, 643	
Scherbius, Phil.	579	Sturmius, Io. Christoph.	273,	Vries, Gerard.	270
Scherzer, Io. Adam.	339, 768	- - Io.	339	Vrfinus, Zach.	581
Scheuchzer, Io. Iac.	624, 661	577	Vuen - Vua	893	
Schlosser, Fridr. Phil.	378	Swammerdam	660	W.	
Schoockius, Mart.	234	Sylvius, Henric.	673	Wackter, Io. Georg.	706
Schottanus, Bernard.	226	Syn - Mu	909	Wagner, Gabr.	273, 467
- - Ioannes	226	Syrbius, Io. Iac.	541	Walch, Io. Georg.	545
Schottenius, Francisc.	178	T.		Wallisius, Io.	178, 380
Schottus, Gasp.	659	Ta - civen	890	Walther, Io. Godofr.	384
Schramm, Io. Maurrit.	670	Talaeus, Audom.	576	Wardus, Sethus	156, 178
Schurmannia, A. Mar.	223	Tamo	822	Wayen, Io. van de	267,
Schurzfleisch, Sam.	741	Tardella, Mich. Angel.	285	270, 713	
Schwarzius, Iof.	763, 775	Telesius, Bernard.	111, 614	Weber, Imman.	362
Schwelingius, Io. Eberh.	272	Tepelius, Io.	201	Weigeliu, Erhard.	340
Scioppius, Gaspar	13	Tertre du	593	Wefenbeccius, Matth.	581
Scotus, Reginald	716	Textor, Io. Wolfgang	749	Whifton, Guilielm.	643
Scribanius, Carol.	800	Thomas Anglus	274	Whitgift, Io.	91
Scribonius, Adam	577	Thomasius, Christian.	272,	Willoughbeius, Fr.	660
Scuderia, Magdalena	383	- - Godofred.	447	Winckler, Bened.	739
Sculdetus, Abrah.	723, 727	- - Iacobus	338, 448	Winstropius, Petr.	764
Seckendorf, Veit. Ludov.	774	Thummigius, Lud. Phil.	367	Wirmarius, Henr.	701
Seldenus, Io.	748	Titius, G. Gerard.	588, 775	Witfius, Herm.	270
Senguerdus, Francisc.	225	Tolandus, Io.	15, 702, 803	Wittichius, Christ.	260, 706
Sennertus, Andreas	618	Torricelli Euangelista	659	- - Iac.	706
- - Daniel	618	Tourneminius, Io.	366	Wolsgryk, Aardus	701
Senninus, Araria	817	Treutlerus, Hieron.	578	Wolffius, Christian.	272, 384,
Septalius, Ludov.	659	Triglandius, Iac.	240	392, 543	
Schafesbury	604	Tschirnhausen, Ehrenfried		Wolzogen, Ludou.	267
Sharrock, Robert.	178	Walther de	598, 659	Wood, Ant.	145
Siaka	816	V.		Wormius, Olaus	661
Sidney, Philip.	26	Vaillant, Seb.	660	X.	
Siluius, Franc.	221	Valentini, Mich. Bern.	660	Xauerius, Franc.	907
Sinali - tachiven	873	Valerianus, Magnus.	659	Xekia	814
Sifen	918	Vaninus, Iul. Caes.	670	Xin - num	856
Sluterus, Seuerin.	578, 768	Velthemius, Valentin.	769	Xinung	851
Snellius, Rudolph.	580	Velthuysen, Lamb.	180, 692	Xun	857
Sophia Charl., reg. Bor.	382	Verbieft, Ferdin.	874	Y.	
Sorberius, Sam.	234	Verse, Albert. de	692	Yao	857
Spanheim. Frider.	265, 270	Verulamius, Fr. Baco de	90,	Yu	857
Speethius, Petr.	701	147, 584		Z.	
Sperlette. Io.	273	Vesalius, Andreas	67	Zafius, Vlricus	576
Sperlingius, Io.	619, 709	Vienna, Realis de	339, 467	Zentgrav, Io. Ioach.	749,
Spinoza, Bened. de	267, 682	Villebressieux	219	774	
Sponius, Carol.	86	Vincenzio, Gregor. de S.	638	Ziegenbalg, Barthol.	827
Stahlius, Georg. Ernest.	426	Virgilius, Marcellus	784	Zieglerus, Casp.	741
Steele, Rich.	156	Vitriarius, Io. Reinh.	743	Zimmermann, Io. Iacob.	629
Steno, Nicol.	657	Voëtius, Gisbert.	224, 265	Zingis, Chanus	811
				Zucchiu, Nicol.	616

## II. INDEX,

## II. INDEX RERVM ET MATERIARVM.

### A

**A**ccidens, quid ex Campanellae sententia 128, 133. ex Hobbessii sententia quid 184  
**Actio**, ex mente Campanellae quid 129 animae quanam 325 voluntaria, Thomassii de illa sententiae 513 extreme bonae quae 515  
**Actus**, qualis necessarius ex Hobbessii sententia 185  
**Admiratio** prima omnium passionum videtur Cartesio 328 eius causa solo est in cerebro 327  
**Aer**, quomodo sol illum faciat 132. non est elementum 134. sentit 138. est spiritus communis 140. secundum Cartesium quid 320. calidus & frigidus vnde ex Sinensium mente, 892. in octo partes diuiditur 893  
**Aeternitas** Dei aliquid maius inuoluit quam durationem 444  
**Affectus**, quid ex Hobbessii sententia 187. vnde eorum nomina 192. vnde in nobis excitentur 426 vbinam sint 502. Thomassii de illis placita 502 primarii quanam 511  
**Alchemista**, in eorum societatem recipitur Leibnitius 343  
**Allicubi** Thomassii de illo sententia 484  
**Alstedius**, eius encyclopaediam magni aestimat Leibnitius et emendare studet 345  
**Amare**, ex mente Leibnitii quid 444  
**Amida**, ex Xekiae mente quis 818. doctrina de illo inter Iaponenses 914  
**Amor**, Thomassii de illo placita 500  
**Amplitudo** secundum Thomassium quid 484  
**Analytici** de eclecticis quanam ita dicendi 11  
**Anatomia**, illi operam impendit Cartesius 218  
**Anima**, quam ratione ad aliud fortiendum disponatur 44. habet naturam atomam 46. homo duas habet 50. an eius mortalitatem statuerit Cardanus 78. quid sit ex mente Campanellae 137, 138, 139. eius cum corpore vnio ex mente Cartesii 304. sedes eius praecipua in cerebro secundum Cartesium 321 ope neruorum sentit 323. de eius passionibus dogmata Cartesii 325.  
*Hist. philos. Tom. V.*

**Anima**, actiones et passionis eius quanam 325. vbinam functiones eius maxime exerceantur 325 et corpus quomodo agant inuicem ex Cartesii mente 325 quomodo aliquid rei recordetur secundum Cartesium 326 quomodo aliquid imaginetur ib. vna homini inest ib. rationalis quid ex mente Leibnitii 408. qua ratione totum vniuersum repraesentet 417 quomodo mutet corpus secundum Leibnitium 418. Leibnitii de earum praesistentia sententia 419 eius cum corpore vnio secundum Leibnitium 422. in corpore organico semper extiterunt 430 eius et spiritus differentia secundum Leibnitium quae 430. non operatur in corpus 442 Thomassii de illa doctrinae virtutis ib. materialitatem eius quanam affirmauerint 707. earum migratio apud Tartaros 811. Xekiae de illis placita 818. Bramanarum de illis placita 840. vbinam illorum felicitas post mortem quaerenda 841. mundi quae sit ex Campanellae mente 139. Iaponensium de illa sententia 917  
**Animal**, imperfectiora ex putridis generari Cardanus statuit 83. quomodo sol illa faciat 132, 135. quidnam illud constituat secundum Leibnitium 417. praesistit 419 in totum destrui nequit 419. spermatica a quonam detecta 657  
**Antlia** pneumatica, quis inuenit illam 659  
**Anxietas**, vnde oriatur 193  
**Appetitus** hominis, quid ex mente Hobbessii 191. ex mente Leibnitii quidnam ita appellandum 406  
**Aqua**, quomodo sol illam faciat 132. non est elementum 134. dulces, vnde gignantur 134. quot particularum species in illa reperiantur ex Cartesii mente 320. est materia a spiritu pulsa 490  
**Argumentatio** ex Campanellae mente quid 130  
**Argumentum** quotuplex 130  
**Aristocratia** non tam conueniens ciuitati quam monarchia 197  
**Aristoteles** contemnitur a Bruno 19. Campanellae iudicium de illo 123  
**Ddd ddd**  
**Arith-**

## II. INDEX

- Arithmetica, quare eius studium tanquam inutile reiecerit Cartesius 213. machinam ad illam facilitandam inuenit Leibnitius 350. binaria a Leibnitio inuenta 358
- Ars, Lullisticam Wittebergae docuisse Brunum verisimile est 22
- Astrologia, nimis deditus illi fuit Cardanus 74. et Campanella 121. mago optimo est necessaria 142
- Atheus, an ex Scioppii epistola Brunus sit iudicandus 13. an fuerit 55. an fuerit Cardanus 77. an Campanella 124. an Hobbesius 173. an eorum fautor Cartesius 333. an Vaninnus 680. an Montanus 727. Spinoza 690, 693. an Machiauelus 790. an Indorum philosophi 872. an Confucius 864. an Foë 872. an Sinenfes ex secta literatorum 873. an veteres Sinenfes 883. an Hontanus 920
- Atomi, eorum naturam ante Gassendum Brunus descripsit 32. qualis Bruni de illis fuerit sententia 37. praeter illos nihil simpliciter plenum 46. eorum nulla species est corruptibilis ib. ex illis solis elementa non constant 49. indiuisibiles non existunt ex Cartesii sententia 307
- Attractio ex Newtoni mente quid 651. pro qualitate occulta habetur 653. defenditur 654
- Auadontas quinam 833
- Auctoritas ex Thomasi mente vnde 519
- Auersio in homine quid 191
- Augustinus an in opinione bestias esse machinas Cartesio praeiuerit 209
- Autodidactus in plerisque est Hobbesius 164. an Ramus fuerit 549
- Axioma in Rami dialectica quid 572
- B.**
- Barometron, quis inuenerit 650
- Beati, an eorum numerus sit paruus 437. eorum sedes ex Xekiae mente 818
- Bekker, Balthasar, vita eius 712. philosophiam Cartesianam contra iniquas criminationes defendit 712. Maresii et Altin-  
gii dissidiis implicatur 713. explicatio eius Catechismi Heidelbergensis auctori-  
tate publica proferbitur 713. Cartesianorum et Cocceianorum partes inuat 714. li-  
ber eius mundus fasciatus 714. systemati causarum occasionalium accedit 715. vnde  
hypothesin suam hauserit 716. liber eius magno cum applausu legitur 717. turbae illi inde a senatu ecclesiastico enatae 718. aduersarii eius 719. vni tantum respon-  
det 720. affectae eius ib. ad palinodiam canendam cogitur 721. non vero cedit sed in sententia persistit vsque ad mortem ib. an omnem diabolum negauerit 721.
- Bellum vniuscuiusque contra omnes quam diu sit conditio hominis 194
- Bestia, quare ex Hobbesii sententia voluntate praedita 192
- Bodinus, Jo. vita eius 779. an parentibus Crypto-Iudaeis natus ib. in fodalicio Car-  
melitarum puer fere religionem est pro-  
fessus 779. munera eius publica ib. Iu-  
daicae incredulitate addictus putatur 780. inter Naturalistas numeratur ib. magiae habetur suspectus ib. plagii reus est 781. libri eius de republica 781
- Bonum nihil est simpliciter 45. aliter sim-  
pliciter aliter ad speciem humanum con-  
tractum definiendum ib. verum dicitur  
vnum immixtum 49. nostrum vnde pen-  
deat ex Cartesii mente 328. quotuplex ex  
mente Leibnitii 435. ex Thomasi sen-  
tentia quid 498. sapientum quotuplex 515.  
eius et mali datur discrimen 817
- Boyle, Robert, vita eius 622. ad conden-  
dam scientiarum societatem Londinensem  
multum confert ib. multis sumptibus in  
explorandam naturam incumbit 623. non  
nuda experientia est contentus 623. sy-  
stemati atomistico manus dat ib. scripta  
eius 623. Grotium de Veritate R. C. ara-  
bico idiomate exprimit 624. multum ad  
medicinam rationalem confert 624
- Brahe, Tycho, de vita eius 629. character  
eius 631. nouo systemate mundano maxi-  
me inclauit 631
- Bramanae s. Braminae vnde eorum nomen  
828. quinam sint ib. ab aliis vestitu desti-  
guuntur 829. vita eorum qualis 829. munus  
eorum ib. Therapeutis veterum sunt simi-  
les 829. sacrum eorum munus 830. eorum  
sectae 832
- Brunus, Jord. quidnam illum excitauerit, no-  
uam tentare philosophiam 9. accurata  
huius viri deest historia 12. quinam de  
illo quaedam narrauerint 13. an ex Sciop-  
pii epistola atheus sit iudicandus 13.  
Brunus

## RERV M ET MATERIARVM.

**Brunus**, parentes eius & natales ignorantur 15. auimi eius dotes ib. familiae Dominici nomen adscribit 16. studia eius ib. monasterium relinquit ib. an Mariae virginitatem negauerit 16. grauius ab eccles. Rom. afficitur iniuriis 17. exulabit e patria 17. biennio Geneuae commorans ibi eiicitur 18. Parisiis philosophiae emendationem crepat 18. an munus professorum illi fuerit oblatum ib. Aristotelem contemnit 19. quid de eius itinere Anglico sentiendum 20. Wittebergae moratur 20. philosophiam ibi docet 21. quam de causa hanc reliquerit urbem 21. Artem Lullisticam ibi docuisse eum verisimile est 22. an diabolum laudauerit ib. an Pragae commoratus sit 23. apud Helmstadientes est versatus 24. ad Francofurtenses est delatus 25. ex Germania illum in Britanniam secessisse conicitur 25. Venetiis ab inquisitioneprehenditur & carceri includitur 26. ad rogum deducitur 27. an de hoc eius mortis genere dubitandum 28. quam de causa concrematus sit 29. character ingenii Bruniani 29. veritates quasdam detexit 31. an Copernicanum mundi systema ante Copernicum detexerit 32. obscuritas & confusio in illius regnat scriptis 33 grammaticae regulas studio negligit 34. spiritum fouet contradictorium ib. sectariam philosophiam maximo persequitur odio 35. in mathematicis disciplinis fuit versatus 36. qualis generis eius sit philosophia 36. scripta eius 38. philosophia eius difficillime delineari potest 40. cogitata eius ex libris de imenso 47. an Spinozismo fuerit addictus 52. iudicium de eius philosophia 54. an fuerit atheus 55. liber eius de bestia triumphante, quonam tempore compositus 61

**Brutum**, qualis in illis sensus, memoria, discursus & intellectus 139. machinas corporeas esse putat Cartesius 329. an in hac opinione Augustinus praeiuerit Cartesio 209. homo fieri potest per transmigrationem 841

**Buddeus Io. Francisc.** parentes eius et educatio, 527. biennii mora stadium academicum absoluit ib. magistri honores cepit aliosque in academia Wittebergense instruit 527. ad academiam Ienensem se

confert ib. ad spartam professoris linguae Graecae & Latinae Coburgi obeundam vocatur 527. Halam ad capeffendum munus professoris philosophiae moralis traducitur 527. Ienae professor theologiae constituitur ib. laudes eius 528. merita eius in philosophiam 528. methodus illius in philosophando an noua 530. doctrinae non cohaerentes & saepe sibi contradicentes illi obiciuntur 532. litibus de philosophia Wolfiana immiscetur 532

**Budsdioistae**, qualis secta 913

### C.

**Cabbala**, an eius beneficio doctus euaserit Campanella 109. an atheismum ex illa hauserit Spinoza 695

**Cadauer**, interfectorum vnde ebulliat praesente homicida 141

**Calculus differentialis**, an illum inuenerit Leibnitius 380

**Calor**, quid sit ex Campanellae sententia 133. eius actionis effectus quinam 135. sentit 138. ex Thomae sententia vnde 488. et frigus causae generationis sunt ex mente Sinensium 892. Sinensium de illo placita 893

**Caluiniani Monarchomachiae** incusantur 801

**Campanella**, Thomas, fontes historiae eius 107. epigramma in illum 107. not. natiuitas eius 108. praecocis ingenii adolescens Neapolim mittitur 108. ordini S. Dominici nomen dat ib. carminibus conditis nomen sibi comparat adolescens 108. an Cabbalae beneficio doctus euaserit 109. mature philosophiam Peripateticam contemnit 109. quidnam illi occasionem nouam condendi philosophiam praeberit 110 apologiam contra Telefii oppugnatorem conficit 111. vbinam hunc librum typis commiserit 112. magna exinde illi enata inuidia ib. in reformanda philosophia gnauiter pergit 113. philosophiam Pythagoricam carmine Lucretiano auspiciatur 113. itinera eius 114. libros in itinere amittit ib. Romanae ecclesiae promachus quare videri voluerit 114. quare in carcerem coniectus 114. crudelissima quaestione saepius examinatur 116. an perduellionis fuerit reus 117. in carcere detentus philosophiam nouam docere potuit 118. tandem ex manibus Neapolitanorum liberatur 119.

D d d d d 2

Campa-

## II. INDEX

**Campanella** quare in carcere S. Officii Romae detentus 119. plenae libertati restituitur ib. conspirante Pontifice clam vrbe est egressus 120. a Peirescio Aquas Sextias accersitur 120. Lutetiae regia munificentia excipitur 120. mors eius ib. eius ingenii character 120. simia Cardani vnde dictus 121. superstitione fuit deditus 121. ad philosophiam emendandam ineptus fuit 122. laudes eius & merita 122. in ciuili doctrina maxime eminuit ib. eius iudicium de Aristotele 123. quibusnam mediis sanctiorem philosophandi rationem promoueri posse putauerit 123. protestantes armis vt extinguant Romanae ecclesiae addicti suadet 124. atheisini accusatur 124. non illius est reus 125. multa scripsit 126. philosophia eius 127. eius dialectica quae-  
nam 127. physica eius quae-  
nam 131. tractatio eius de sensu rerum 136. eius metaphysica 142. philosophia eius moralis quae-  
nam 144

**Canadenses**, vnde notitia, de eorum philosophia haurienda 920

**Cardanus**, Hieronymus, historiae eius scriptores 62. ipse de vita sua commentarium scripsit ib. quando natus 63. parentes eius 64. an illegitimo thoro sit natus ib. infans peste laborat 64. pater illum astrologiae praecepta & Euclidis libros docet 65. iurisprudentia neglecta inuito patre philosophiam sequitur 65. in Ticionensem academiam se confert 66. Saccen-  
se oppidum ib. uxorem ducit 66. calamitates illi ex hoc matrimonio enatae 66. libidinosis cogitationibus cruciatur 67. nimis pauper est ib. medicinam Mediolani publice proficitur 67. oblatos hic honores & munera contemnit ib. ab Eduardo rege in Scotiam vocatus abiit 67. domum reductus Bononiam abiit 68. carceri includitur 68. in Collegio romano recipitur ib. deliro similior, quam philosopho expirat 68. an emortualem sibi animum praedixerit ib. character eius 69. magnus sui fuit admirator 70. auaritiae nimis fuit deditus 70. ineptus gloriae fuit captator ib. in ebuccinandis vitiis suis laudem quaerit 71. gressus eius et vestitus 72. aleae amator fuit ib. miranda de se falso gloriatur 73. genium se habere iactat ib.

superstitioni adhaeret 74. Christi sata ex themate eius genethliaco deriuari putat 75. an Christi sata astris subiecerit 76. an fuerit atheus 77. an mortalitatem animae statuerit 78. an magiae sit suspectus 79. eruditio eius philosophica 80. quae in dialectica digna inuenerit 81. plura emendare potuisset, si sui satis fuisset constans 82. quae-  
nam eius philosophandi ratio 85. ad philosophiam reformandam ineptus habetur ib. scripta eius & stili ratio 86. amici eius & iniunici 87. lites eius cum Scalligero 87

**Caritas ex mente Leibnitii** quid 444

**Cartesius** Renatus, vnde fontes eius historiae petendi 200. eius vitae scriptores 200. vbinam natus 203. quare natalem occultauerit ib. puer sedulo in omnia inquiri-  
t ib. an praeceptores maximo amore sit prosecutus eorumque amicitiam vsque ad mortem coluerit 203. studia eius iuuenilia 204. humanitatis studiis non contentus ad seueriores scientias animum adiecit 205. quonam animo ad philosophiam accesserit ib. ad rationalem & moralem philosophiam imprimis animum applicat 205. quare communem rationandi methodum reliquerit 206. mathematicas artes deperit 206. collegio relicto litterarum quoque studia relinquit 207. Lutetiam mittitur ib. conuiuia & ludos amat 207. viris doctis innotescit ib. ad philosophiam reuocatur 208. militiam eligit 208. non vero philosophiae & artibus mathematicis renunciauit 208. cum Becmanno amicitiam iniiit 208. in secessu tractatum de musica scribit ib. an ei in opinione bestias esse machinas praeiuerit S. Augustinus & Pereira 209. copiis Bavaricis nomen addicit 209. nouum philosophiae systema aedificare secum constituit ib. Deum atque virginem Deiparam rogat, vt viam ad nouam philosophiam condendam sibi monstrant 210. Rosae crucis sodales detegere cupit ib. praeiudicia educationis adolescentiae omnia exuere studet 210. Vlmæ cum viris eruditis sermones instituit 211. ad caesareanas copias se confert ib. variis obfessionibus interest 211. castra relinquit 211. itinera eius post relicta castra 212. in patriam rediit ib. Lutetiam proficiscitur 213.

Carte-

# RERVM ET MATERIARVM.

Cartesius, roseae crucis fraternitati nomen adscripsisse putatur 213. arithmeticae et geometriae studium quare tanquam inutile reiecerit 213. morali doctrinae animum addidit 214. res naturae attente considerat ib. in Britanniam minorem abiit 214. iter eius litterarium 214. an Galilaeum Galilaei conuenerit 215. mora eius Parisiensis 215. scepticum ad tempus agit 215. famae onere grauatus omnibus se subducit 216. detegitur ib. molimina eius philosophica Lutetiae 216. secessus eius in Hollandiam 217. tractatus eius de meteoris vnde enatus 217. anatomiae et chemiae operam impendit 218. animi recreandi causa Londinum excurrit ib. primum sectatorem nanciscitur ib. dioptricam et tractatum de mundo absoluit ib. videri vult ac si terrae motum negaret 219. cum amico quopiam in Scania proficiscitur ib. scripta sua sine nomine edit 220. aduersarium nanciscitur Roberuallium ib. secessus eius Egmondianus 221. aduersarios contra no- uam suam philosophiam prodeuntes vidit 221. incrementa adolescentis eius philo- sophiae inter Batavos 222. an Schurman- niam inter sectatores habuerit 223. controuersiae Ultraeclinae de eius philo- sophia 224. fortuna philosophiae Carte- sianae in Britannia magna et Gallia 227 frustra apud Gallos a Voëtio exosus factus 229. magnificis conditionibus in aulam Gallicam vocatur ib. meditationes phi- losophicas quam fortuna ediderit ibid. Ultraeclini contra illum motus 230. fa- uentiora eius fata in Gallia 233. lites eius ad animum 1647, 254. lis ab illo intenta Schöockio 236. sectatores eius Lei- denses 237. Regii defectio valde sibi dis- plicet 238. studia eius in solitudine Egmondiana 239. incrementa philosophiae suae ib. Regina Christina Sueciae illi fauet 239. Leidenses contra illum tur- bac 240. iter eius Gallicum secundum ib. de stipendio regio annuo illi soluendi prospicitur 240. litteras a Sueciae Regi- na propria manu scriptas accipit 241. tertium eius iter in Galliam 241. cum Gassendo reconciliatur ib. fauor Reginae Sueciae erga illum 242. Holmiam pro-

ficiscitur 243. reginam philosophiam do- cet ib. mors eius et sepultura 244. se- pulchralis eius inscriptio 245. ossa eius ex Suecia in Galliam transferuntur 246. character eius ex delineatione Bailleti 246. laudes eius 248. Pelissonii de illo testimo- nium 250. Leibnitii de illo testimonium ib. quanam in illo reprehendenda 215. an physiologiam suam pro fabula Roma- nensi habuerit 252. sectam condere ma- gnopere studuit 253. obscuritas ei obici- tur 254. plagii suspectus habetur 255. an ab illo liberandus 257. scripta eius 259. fata philosophiae Cartesianae post mortem conditoris 259. vide philosophia Cartesiana. quomodo sectatores eius con- siderandi 285. vnde philosophia eius hau- rienda 286. Cogitationes eius de me- thodo inueniendi verum 287. cur inter opera eius nihil appareat, quod ad ethi- cam referri debeat 289. regulae eius mo- rales 290. Metaphysica eius de principiis cogitandi 291. an impietatis suspectus habendus 299. eius philosophemata de rebus naturalibus 304. principia eius de mundo aspeabili 311. an dogma quod bruta machinae sint a Peirera petiti 329. Leibnitii de illo eiusque conatibus philo- sopheris sententia 330. desiderata in eius philosophia 331. an atheismi fautor 333. in multis Bruni vitio arauit 31  
Causa sine qua non quidnam ex Hobbesii sen- tentia 185. integra quae ib. efficiens quae ib. formalis quae 185. ex ignorantia vera- rum oritur anxietas 193. occasionalium systema quis primus ad id delatus 266. ex- plicatur hoc systema 492  
Cerebrum, in illo solo est causa admirationis 327. sedes praecipua animae 328  
Chemis, quisnam primus eius studium in aca- demiis Protestantium introduxerit 618. illi operam impendit Cartesius 218  
Chemici, eorum merita in physicam refor- matam 628  
Chronologia, Sinicae nulla prorsus est auto- ritas 852  
Circulatio sanguinis a quonam inuenta 656  
Circulus, illi quadratum aequare impossi- bile est 46  
Circumstantia, ex Campanellae mente quid 129  
Ciuitas, causae, cur homines in illa vivere Dd d d d 3 volue-



## II. INDEX

- voluerint ex Hobbii sententia 196. quid-  
 nam ex Hobbii sententia 197. vnde oria-  
 tur ib. illi monarchia conuenientior est  
 aristocratia vel democratia 197  
 Ciuitas Dei, secundum Leibnitium quid 430  
 Coelum, sentit 136. propria virtute moue-  
 tur 140  
 Cogitatio, quid eius nomine intelligamus  
 295. duo in nobis sunt modi cogitandi  
 300. naturam substantiae cogitantis con-  
 stituere dicitur 302. quid ex mente Tho-  
 masii 492. in toto sit cerebro 492. fal-  
 sae & fictae quae 403  
 Cognitio omnium prima & certissima quae  
 ex mente Cartesii 295. quoduplex secun-  
 dum Leibnitium 398. clara quae 399  
 intuitiua vnde 399  
 Colores, vnde oriuntur ex Cardani senten-  
 tia 83. ex Campanellae sententia 133  
 quid ad eorum varietatem producendam  
 opus 651  
 Cometa, quid sit ex Bruni sententia 51. quid  
 ex Cardani 83. quibusnam ex rebus fiant  
 ex Campanellae mente 134  
 Compositum, quanam in re cum simplicibus  
 conueniat secundum Leibnitium 416  
 Conatus quid sit ex Hobbessii mente 186  
 Confucius, quinam eius historiam scripserint  
 858. nomen eius domesticum 859. quan-  
 do natus ib. natiuitas eius miraculosa  
 dicitur 859. adhuc puer grauis et deuotus  
 est ib. studia eius 859. munera eius  
 ib. quare magistratu se abdicauerit ibid.  
 Sinam peragrat 859. in regno Sumi scho-  
 lam aperit 860. ingens suorum discipu-  
 lorum est numerus ib. mores eius atque  
 laudes 860. mors eius 861. honores illi  
 post mortem praestiti 861. an statuae illi  
 posita ib. not. an cultus eius sit religio-  
 sus 863. quanam in illo reprehensa 863  
 atheismi accusatur 864. an magnus phi-  
 losophus 867. Moshemii de illo iudici-  
 um 868  
 Consequentia ex Campanellae mente quid 130  
 Conscientia ex Hobbessii sententia quid 192  
 Consilium, quanam supponat 515  
 Contingentia ex mente Hobbessii quae 185  
 Contrarietas ad vnionem incitat mundum 138  
 Copernicanum systema inuentum 628. astro-  
 nomis valde placet ib. a romana ecclesia  
 damnatur 628. laudes eius 629  
 Corpus hodie non est quod heri fuit 43  
 non est hominis substantia ibid. vnde-  
 nam habeat constructionem 133. ex  
 Hobbessii sententia quid 184. eius exten-  
 sio idem est quod magnitudo eius 184  
 contigua quanam ib. continua quae-  
 nam ib. aequalia quae 184. interire aut  
 generari non potest 184. duo inter se  
 differre quando dicantur 185. eius rela-  
 tio quid 186. eius natura consistit in ex-  
 tensione ex mente Cartesii 305 eius cum  
 anima vnio quae ex Cartesii mente 304  
 viuientis semper est organicum 417. orga-  
 nicum est species machinae diuinae 417.  
 quodlibet viuum habet entelechiam vniam  
 dominantem 417. in perpetuo est fluxu ib.  
 eius cum anima vnio secundum Leibniti-  
 um 432. omnia consistunt ex materia et  
 spiritu 488. eorum diuisio secundum  
 Thomasmum 489. quando per se substi-  
 stere dicatur 490. quanam nobiliora 491  
 corpus protoplasti quale fuerit 491. eius  
 natura quid 507. motus eius secundum  
 Newtonum 648. omnia lumen emittunt  
 et splendent 650. magna calorem suum  
 conseruant diutissime 651. vim suam  
 actuosam vnde accipiant 651. quanam re  
 inuicem agant ib. fluida ex particulis  
 duris composita videntur 652. eorum  
 mutationes vnde 652  
 Corrector typographicus fuit Brunus 25  
 Corruptio ex Sinensium mente quid 894  
 Creatiani quinam 709  
 Creatio secundum Thomasmum quid 486  
 Creaturae, in sole viuientium quanam na-  
 tura 51. opus habent influxu Dei perpe-  
 tuo 442. quare Deo non coaeternae se-  
 cundum Thomasmum 485. quomodo de  
 illis meditari possimus 485. cerebrum  
 mouent ib. ex nihilo extra Deum fa-  
 ctae 485. omnes sunt extensae 488  
 omnes mouentur ib. earum essentia qua-  
 nam in re consistat 486. nulla est extra  
 Deum ib.  
 Cultus demortuorum parentum apud Iapo-  
 nenses qualis 917. an Confucii sit reli-  
 giosus 863. idololatricus Tartarorum fun-  
 damentum eius 811

Dala

# RERVM ET MATERIARVM.

## D.

Dalai Lama apud Tartaros quisnam 811  
 Damnati, eorum poenae quam ob causam  
 perseuerent 437  
 Decorum, primum eius principium quale se-  
 cundum Thomasmum 518  
 Decretum Dei vnicum est atque immutabi-  
 le 436  
 Definitio idem est ac terminus 128. quid ex  
 Campanellae sententia 128. quomodo  
 fiant 130. quale discrimen sit inter no-  
 minalem et realem secundum Leibnitium  
 400  
 Democratia, conuenientior est ciuitati quam  
 monarchia 197. quam de causa illam  
 odio sit persecutus 151  
 Demonstratio, Thomasi de illa sententia 494  
 firma, quae ex Leibnitii mente 400. in-  
 tellectiua vnde oriatur 131  
 Descriptio quid ex Campanellae sententia 130  
 Despectus secundum Cartesium vnde 327  
 Deus est monas, mente Bruni 42. influit  
 per naturam in rationem ib. est monas  
 monadum 44. est simplicissima essentia 48  
 voluntas eius est super omnia 48. in eo  
 idem est posse et esse 51. quo sensu sit  
 substantia 129. Hobbessii de illo senten-  
 tia 175 seqq. Cartesii argumentum pro  
 existentia Dei probatur ab aliis, ab aliis  
 autem reiecitur 296. quid de hoc argu-  
 mento iudicandum 297. Cartesii de Deo  
 placita 298. an eius sapientiam ex orbe  
 proferre annis sit Cartesius 300. non  
 est causa errorum 300. est causa motus  
 vniuersalis 309. in illo omnia vidimus  
 401. quanam in illo ideae 401. Leib-  
 nitii de illo placita 412. attributa eius  
 secundum Leibnitium vnde deriuanda 432  
 concursus eius ad res creatas qualis 433  
 optimum eligit 436. illius influxu per-  
 petuo opus habent creaturae 442. eius  
 aeternitas et immensitas sine creaturis lo-  
 cum non habuissent 443. primum conce-  
 ptus de Deo est aseitas 485. quomodo  
 percipitur 485. in se ipso est et omnes  
 creaturae in ipso, extra eum autem nihil  
 485. habet amplitudinem infinitam 486  
 nihil illum extendit ibid. quomodo de  
 eius essentia homines loqui possunt 491  
 amor est ib. est causa prima omnium

rerum mutabilium 499. quomodo illum  
 descripserit Newtonus 649. Spinozae de  
 illo sententia 694. Persarum de illo sen-  
 tentia 808. Sinensium de illo sententia  
 889. Malabaricorum philosophorum de il-  
 lo sententiae 835  
 Diabolus, an Brunus illum laudauerit 22. an  
 omnem negauerit Balth. Bekker 721. ho-  
 mo fieri potest per transmigrationem 841  
 Dialectica, quanam digna in illa inuenerit  
 Cardanus 81. ex Campanellae mente quae-  
 nam 127. illius reformationis a Ramo  
 susceptae occasio 366. eius summa secun-  
 dum Ramum 575  
 Dianoea in Rami dialectica quid 572  
 Dies, faustos et infaustos esse credunt Bra-  
 minae 842  
 Differentia, quid ex mente Campanellae 128  
 Dignitas ex Hobbessii mente quid 193  
 Discursus, Hobbessii de illo placita 189  
 Dissimilitudo ex Campanellae mente quid 129  
 Distinctio realis quid ex Cartesii sententia  
 302. modalis quoduplex 303. rationis  
 quae ib.  
 Diuissio ex Campanellae mente quid 129  
 Dolor et voluptas fontes omnium passionum  
 sunt 136  
 Digokf quid 819  
 Dubitatio ex Hobbessii sententia quid 192  
 ad quodnam illam restringat Cartesius 292  
 quid de illis dubitatione censendum 293  
 Dubitare de omnibus principio debet philo-  
 sophaturus 43  
 Ductus thoracicus quis illum primus dete-  
 xerit 656  
 Duratio, quid sit ex mente Bruni 45. non  
 est aeternitas Dei 444  
 Durities vniuersae materiae simplicis pro-  
 prietas haberi potest 652

## E.

Ecclesia, Romana, cur philosophiam ecclesi-  
 cam non elegerit 7  
 Ecclesiastici veri quinam sint 4. hodierni in  
 duas classes diuidi possunt 11  
 Effectus quando producat ex mente Hob-  
 bessii 185  
 Elementa atomis solis non constant 49. tria  
 statuit Campanella 133. eorum conditiones  
 quanam 133. ex mente Cartesii quae 315  
 Ele-

## II. INDEX

**Elementa**, ex Leibnitii mente quae 403. **Espagneti** de illis placita 617. quot ex **Sinenfium** sententia 892. quot ex **Bramanarum** mente 842  
**Emanatium** systema amplexus est **Brunus** 52 docet **Xekia** apud **Indos** 820. **Malabarici** philosophi receperunt 835  
**Ens** reuera existens nonnisi vnum esse potest 49. per quodnam distinguatur 128  
**Entelechia**, cuius id nomen tribuendum 406. quodlibet corpus viuum vnā habet dominantem 417  
**Enthymema** ex **Campanellae** sententia quid 130  
**Error**, quodnam omnium principium et fundamentum 45. in ratiocinante quid 191 eorum causa non est **Deus** 300. eorum causae vnde ex **Cartesii** mente 303  
**Essentia**, diuina est infinita 48. quidnam ita dicatur 184. secundum **Thomae** quid 484  
**Ethica**, eius partitio ex **Verulamii** mente 91 **Rudigeri** in ea emendanda studium 540 **Sinenfium** quae 904. de illa circa extremos annos cogitauit **Cartesius** 284. **Iaponensis** quae 917  
**Exemplum** in logica quid 130  
**Exhalationes** morales quae ex mente **Thomae** 513  
**Expositio** quid 130  
**Extensio** infinita reducitur necessario ad indiuiduum 49. corporis idem est quod eius magnitudo 184. naturam corporis constituere dicitur 302. quaedam est finita et quaedam infinita 484. extensum esse et partes habere differunt 486. omnis motus est ib.

### F.

**Facultas** ex **Campanellae** mente quid 129  
**Falsum** et verum vbiā ex **Hobbesii** sententia 190  
**Fanaticismus**, illius accusatur **Malebranche** 592  
**Fatalismus**, an harmonia praestabilita illum introducat 427  
**Felicitas**, quomodo ad illam sapere debemus 43. quam in re consistat 193. 498  
**Felicitas** animae post mortem vbiā quae-renda 841. quomodo acquirenda 913  
**Fides**, quānam ex mente **Hobbesii** opinio 188. vnde 192

**Figura** ex **Campanellae** mente quid 129, 133  
**Fines** rerum non inuestigandos esse in rebus naturalibus **Cartesius** docet 298  
**Finitum** potentia quid ex **Hobbesii** mente 183  
**Flamma**, quid ex mente **Newtoni** 651  
**Fluctuatio** animi secundum **Cartesium** vnde 327  
**Flumina** vnde oriuntur mente **Cardani** 83  
**Foe**, cum **Xekia** idem est 871. quānam in eius natiuitate miranda 871. quomodo secta eius ad **Sinas** delata 872. an atheus ibid.  
**Poemina**, eius et maris differentia vnde 135 an semen emittat ib.  
**Fohi**, quando vixerit 850. primus **Sinenfium** legislator 852. an philosophus fuerit 853 quānam libri eius explicatio 854. **Leibnitii** huius libri explicatio aliis praeferenda 855. eius successorum rationes methodusque philosophandi 856  
**Fokekio**, qualis liber apud **Indos** 819  
**Forma** substantialis nunquam perit 45. ex **Campanellae** mente quid 129, 133  
**Frigus**, vbiā se sustineat ex **Campanellae** mente 132. quid sit 133. et calor causae generationis sunt secundum **Sinenfes** 892. caloris esse priuationem statuit **Cardanus** 82. vnde ex **Thomae** sententia 488

### G.

**Galilaus Galilaus**, ortus eius et educatio 634 arte musica et pingendi delineandique artificio adolescens excellit 635. philosophiae **Aristotelicae** et arti salutari destinatur ib. mathesi plus fauet quam medicinae 635. cathedrae mathematicae in academia **Pisana** praeficitur ib. naturam motus mechanici propius inspicit ib. a rep. **Veneta** in sexennium ad **Patauinam** cathedram conducitur 635. **Thermometron** inuenit ib. tubos opticos conficit 636. quānam in coelo eorum ope detegerit ib. haereseos accusatur 637. sententiam suam de systemate mundano retractat 637. longitudines definire laborat 637. ob sideras observationes oculorum vsu priuatur ib. mors eius 637. hodiernae physicae parens dicitur 638

**Gallen-**

# RERV M ET MATERIARVM.

Gassendus, quatenam de eius nouis inuentis aut Bruno debeant, aut cum illo conspirant 32  
 Gaudium vnde in nobis excitetur ex mente Cartesii 327  
 Generatio quid 185. non datur perfecta secundum Leibnit. 418. eius causae secundum Sinenses quae 892. quid ex Sinensium mente 894. animalium melius inquisita 657  
 Genius, illum se habere Cardanus iactat 73  
 Genus ex mente Campanellae quid 128  
 Geometria, quare eius studium tanquam inutile reiecerit Cartesius 213  
 Gentilincius vita eius 703. systema eius ethicum quale 704. an inter Spinozistas referendus 705  
 Globuli Cartesiani secundi elementi 316  
 Gnanigueuli quinam 831  
 Gokurakf quid 818  
 Grammatica, eius regulas studio et maioris decoris causa negligit Brunus 34  
 Grauis, vnde eorum descensus ex mente Hobbesii 187  
 Grauitas ex Thomae scriptura vnde 488 vnde oriatur 50. vnde eius differentia 187  
 Grotius, Hugo scriptores eius historiae 730 parentes eius 731. nimia illi adhuc puero pangendi carminis facilitas et artis fingendi praestantia inest 731. vnde Arminii partibus fauere coeperit 732. quindecim annorum adulescentis Martianum Capellam notis illustratum suis edit 732. munera eius publica ib. controuersia eius de mari libero 732 not. partes eius in controuersis Arminianis 733. carceribus perpetuis damnatur 734. scripta eius in carcere elaborata 734. ab vxore liberatur 735. in Gallia sedem figit ib. variis afficitur calamitatibus 736. historia libri eius de iure belli et pacis 736. quidnam in illo potissimum egerit 737. insigni plausu excipitur 738. regibus summisque principibus placuit ib. versiones eius ib. quatenam Thomae in hoc libro reprehenderit 739. commentatores et epitomatores huius operis 740. in patriam reuertitur 743. exilio multatus Hamburgum se confert ib. a Suecis legatus in Galliam mittitur 744. in Sueciam ad ra-

tionem administrationis reddendam renouatur 745. missionem a regina petit ib. mors eius 745. quatenam eius in religione sententia 746. character eius ibid. quatenam in illo reprehensa 747  
 Gundlingius, Nic. Hieron. natiuitas eius 522 a patre instruitur ib. studia eius academica et praeceptores 522. sacro ministerio se deuouit ib. a Thomae ad iurisprudentiam excolendam incitatur 523 iuris honores cepisset et vitae academicae se tradidit ib. munus professoris philosophiae extraordinarii illi demandatur et paulo post eloquentiae 523. aliis honoribus ornatur ib. mors eius 523. eius ingenii character ib. merita eius de philosophia 524. via eius ad veritatem 525 hypotheses Leibnitianae saepe illi arriserunt 526

## H.

Harmonia praestabilita quid 422. quidnam Leibnitio de illa cogitandi occasionem praebuerit 423. contradictiones patitur 425. an inimica sit libertati et fatalismum introducat 427  
 Hattemistae qualis secta 702  
 Heroes ex mente Thomae quinam 513  
 Historia naturalis, a quibusnam exulta 660  
 Hobbesius, Thomas, fontes historiae eius litterariae 145. ipse vitae suae historiae versibus comprehendit ib. natiuitas eius 146. Euripidis Medeam metro latino ex Graeco adhuc puer eleganter conuertit 146. annos natus XIV ad Oxonienses Musas ablegatur ib. in familiam comitis Deuoniae transit 146. mature ei philosophia Peripatetica est suspecta visa 146 quomodo ad philosophiam ecclesiam excitatus 147. Thucydidem in anglicum sermonem traducit ib. cum Clifone ad Gallos proficiscitur anno aetatis quadragesimo 148. Euclidi operam dat ib. cum comitis Deuoniae filio ad Gallos proficiscitur 149. cum Gassendo amicitiam init 149. et cum Merfeno ibid. ex Gallia in Italiam profectus cum Galilaeo Galilaei amicitiam init 150. studia eius politica ib. quatenam de causa democratiam

## II. INDEX

odio fit persecutus 151. in Galliam fugit 152. commercium epistolicum cum Cartesio instituit 153. Cartesius ulterio- rem cum illo disceptationem declinat ib. meditationes eius de ciue vnde enatae 154 controuersia eius de necessitate, libertate, fato cum Bramhallo 154. patriis sacris valde addictus a Mersenno mutari non potest 156. liber eius de natura humana 156. eius Leuiathan 157. vnde hic li- ber suspectus factus 157. Cromwellianis partibus animum adiecisse suspicatur 157 regis gratia excidit 158. Parisiis relictis Londini sedem eligit ib. totus se philo- sophiae tradit ib. librum de corpore ab- soluit ib. Geometriam vulgat ib. con- trouersia inde cum geometris illi enata 159. liber eius de homine ib. cum re- ge rursus in gratiam init 160. opera phi- losophica vno fasce comprehensa in lu- cem emittit ib. ad iurisprudentiam An- glicanam et perficiendas artes mathemati- cas se confert 160. principes atque pro- cures eum saepius conueniunt 160. philo- sophia eius in academiis magno suae famae dispendio innotescere coepit 161. Londino rus concedit ib. Homerum vernaculo earmine senex euulgat 162. alii eius li- bri ib. mors eius ib. character eius 162 temperamentum eius 164. in plerisque autodidactus fuit ib. laudes eius 165 reprehensiones eius 166. impietatis ac- cusatur 167. vti et inconstantiae animi ib. Paedantissimus illi obiicitur 169. ia- ctantia in illo reprehenditur 170. an profano erga Christianam religionem fue- rit animo 170. an fuerit atheus 173. ad- uersarii eius 178. sectatores 179. an E- picureus fuerit 180. philosophiae eius de- lineatio 182

Homicida, vnde eo praesente cadauer ebul- liat 141

Homo duas habet animas 50. tres partes habet ib. cur non sit animal 83. eius mens immortalis est et diuina 139. eorum ingenia seu propensiones vnde ex mente Hobbesii 187. quamdiu eius conditio bellum vnus cuiusque contra omnes sit 194 eius ius in statu naturali quidnam ex Hob- bii sententia 194. quando bestiarum in-

star agant 408. quamnam re ab animanti- bus distinguantur 408. ex mente Tho- masii quid 492. non semper cogitat 493 eius immortalitas ex Sinensium mente quae 896. omnes vita beata esse indi- gnos statuit Xekia 819. quomodo ex eius mente euadant beati ib. per transmi- grationem non modo brutum sed et dia- bolus euadere potest 841

Honestum, ex mente Thomasi quid 515 primum eius principium quale 518

Honor, ex Hobbesii mente quid 193

Montanus, an nomen fictum 920. quis fue- rit ib. iudicium de eius dialogis cum barbaro Americano 927

Humilitas secundum Cartesium vnde 321

Hyperbole, eius usum in scientiis physico- mathematicis quis primus ostenderit 638

### I.

Iaponenses, eorum philosophia, quae 907 origines theologiae eorum 907. vetu- stissimi eorum legislatores 908. sectae apud illos quatenam 910

Idea, proprias nos habemus 601. cuiuscun- que rei in Deo est 401. simplices dan- tur 411

Identitas indiscernibilium principium eius quale 403. est fundamentum omnium ve- ritatum mathematicarum 441

Iemina O quis 819

Iesuitae Monarchomachiae suspecti 798. phi- losophiam inter Sinas introducunt 874

Iesus Christus, miracula eius ex themate eius genethliaco deriuari posse putat Cardanus 75. an fata eius astris subiecerit 76

Ignis ex elementorum numero eximitur a Cardano 83. quid sit ib. vnde 133. ab illo omnia entia motum habent 138. vnde excitetur secundum Cartesium 321. ignis et lux non sunt confundenda 491. ex mente Newtoni quid 650

Ignorantia ex mente Campanellae quotu- plex 131

Imaginatio, Hobbesii de illa placita 188. for- tis vnde 408. secundum Thomasi- um vnde 493 quid 507

Imago Dei, reliquiae eius quamnam in re consistant 438

Im.

# RERVM ET MATERIARVM.

**Immensitas Dei** sine creaturis locum non habuisset 443. aliquid maius inuoluit, quam durationem 444  
**Immortalitas animae** an a Cardano negata 78  
**hominis** ex Sinensium mente quae 896  
**Impetus** secundum Hobbesium quid 186  
**Impietas** an Cartesius eius suspectus 299  
**illius** accusatur Hobbeseus 167  
**Imputare** ex Thomae mente quid 519  
**Inane principium et finis omnium rerum** est 819. ex illo omnia producta et in idem omnia resoluentur ib. proprietates eius 819  
**Independentia Dei** secundum Leibnitium 432  
**Indestructibilitas**, eius systema ex Leibnitii mente 418. quid de hoc systemate iudicandum 419  
**Indi**, an eorum philosophia atheismo infecta 812. dogmata sua ex Aegypto acceperunt 824, 830  
**Individuum** proprie dicitur esse ubique 45  
**duo aequalia** non comperiuntur 46. vagum quid 128  
**Inductio** ex Campanellae mente quid 130  
**Induciani** quinam 709  
**Infelicitas** ex Thomae sententia vnde 501  
**Infernum**, Xekiae de illo sententia 819  
**Infinium potentia** quid ex Hobbesei mente 184  
**Ingenium**, quinam bonum habere dicantur 192. hominum vnde oriuntur 187  
**Infantia** ex Hobbesei mente quid 192  
**Insomnia** magni fecit Cardanus 74. vnde 141  
**Instinctus** quid sit ex mente Campanellae 137  
**Intellectus** quid sit ex Cardani mente 83  
**hominis** quid ex Hobbesei sententia 190  
**actius** secundum Thomae quid 490  
**quid** 507. actus eius quid 507. mouetur a voluntate 508. bonum quid iudicat quia voluntas id appetit 509. ubi nam agat ib. seruit voluntati 510. de quibusnam rebus libere iudicet 510  
**Iogigueli** quinam 831  
**Iudicium** quinam bonum habere dicantur 192  
**Iurisconsulti** Wittenbergenses vnde Morali-  
**stae** dicti 742  
**Iurisprudentia**, illam emendare studet Leib-  
**nitius** 354  
**Ius naturale** ex Hobbii sententia quid 194

eius regulae ib. ex mente Leibnitii quid 444. ciuile vim acceperit 446. natu-  
**rae** ex mente Leibnitii vnde 444. eius  
**praeceptum** ibid. supremus eius gradus 445. quinam iuris gentium personam ha-  
**beat** 446. vnde oriatur 516. duplex est  
**ib.** naturale ex mente Thomae quid 516. quare diuinum ib. principium eius  
**cognoscendi** quidnam 517  
**Iustitia**, Hobbii de illa sententiae 195. quid-  
**nam** illam constituat secundum Leibni-  
**tium** 437. ex mente Leibnitii quid 444  
**Iustum**, primum eius principium secundum  
**Thomae** quale 518  
**Ixin** apud Iaponenses quid 915

## K.

**Keplerus**, Io. natiuitas eius et educatio 632  
**ministerio ecclesiastico** se destinat 652  
**Graciam** ad occupandam cathedram ma-  
**thematicam** et ethicam euocatur 632. re-  
**ligionis causa** in Hungariam exul abit ib.  
**muneris** restituitur ib. Tychoni socius  
**additur** ab imperatore 632. arti salutari  
**se tradit** ib. maxima inopia laborat ib.  
**Lincium** euocatur 632. mors eius 633  
**multa vidit**, quibus Cartesius velut nouis  
**inuentis** superbire coepit 633. qua in re  
**disciplinae naturali** vtilissimam operam  
**praestiterit** 633. sidera fecit animata 634  
**Ki** ex mente Sinensium quid 894. per id  
**omnia producta** sunt 895, 896  
**Kio** qualis liber apud Indos 819, 909

## L.

**Lamae**, apud Tartaros quinam 811  
**Languor** secundum Cartesium quid 327  
**Lapis**, quomodo sol lapides faciat 132, 135  
**Legislator** Sinensium primus quis 852. ve-  
**tustissimi Iaponensium** quinam 908  
**Leibnitius**, Godofr. Guil. nonnulla a Bruno  
**recepit** aut aequalia tradidit 32, 417. scri-  
**ptores historiae** eius 335. natiuitas eius 337.  
**diligens est** in legendo scriptores  
**veteres Graecos et Latinos** 338. quindecim  
**annos natus** albo academiae patriae  
**nomen dat** ibid. varii generis ab  
**omnis scientiae libros** legit 338.  
**Ee ee ee a** Leib-

## II. INDEX

Leibnitius, Godofr. Guil. historiam philosophicam a Iacobo Thomasio discit 339. praeceptores eius ibid. Ienam proficiscitur 340. ad syncrētisum inter veteres et recentiores philosophos inclinatur 340. de principio individui specimen academicum defendit 341. nondum duodeviginti annos natus summus in philosophia honoribus ornatur 341. ad iuris disciplinam se conuertit ibid. dissertationes eius ib. summos in utroque iure honores petit 342. quare repulsam passus ibid. Altorfium proficiscitur 342. iuris honoribus ornatur et potestas legum scientiam extra ordinem docendi ei offertur 343. Norimbergam se confert et Alchemistam simulat ibid. In societatem Alchemistarum recipitur ibid. Boineburgio commendatur ibid. Moguntino electori traditur 344. noua eius methodus docendae discendaeque iurisprudentiae ibid. corporis iuris reconcinnandi rationem explicat 344. Alstedii encyclopaediam emendare et augere animo concipit 345. labores eius Moguntini 345. inter consiliarios supremi iudicii reuiforii recipitur 346. in notitiam ducis Brunsvicensis venit ibid. contra Wiffowatium scribit 346. Hypothesin physicam nouam edit 347. nouam theoriā motus abstracti delineat 348. cum Spinoza de vitris opticis per literas agit 348. eius iter Gallicum prius ibid. geometriam sublimiorem addiscit 349. ad romanam ecclesiam transire recusat 349. iter eius Britannicum prius ibid. alterum eius iter Gallicum 350. alterum iter Britannicum ibid. consiliarius aulicus et bibliothecarius a duce Brunsvicensi constituitur 350. machinam arithmeticam inuenit ibid. in societatem scientiarum Parisiensem recipitur ib. Hanoueram petit 351. nouam phosphori rationem indicat ibid. tractatus eius de iure suprematus 351. imperatori seruiendi occasionem post Lambecii mortem captat 352. socius ad acta eruditorum Lipsiensis accedit ibid. iter eius ad colligenda documenta Brunsvicensis 353. domum reuersus in iurisprudentiam

emendandam incumbit 354. cum Pellissonio de tolerantia disputat 354. studium eius in illustrando iure publico 355. eius codex iuris gentium diplomaticus 356. ontologiam emendat 356. nouam de viribus substantiarum scientiam meditatur 357. specimen huius scientiae edit ibid. hypothesin de harmonia praestabilita cum eruditis communicat 357. consiliarius iustitiae intimus declaratur 357. meditationes eius in Lockium de intellectu humano 358. inuenta eius arithmetica binaria 358. principia dynāmica contra obiectiones Sturmianas confirmat 359. Baylio dubia contra harmoniam praestabilitam neccenti respondet ibid. societatis scientiarum Berolini constituendae auctor est 359. Dresdae quoque academiam scientiarum instituere allaborat 360. Theodicaeae opus hortante Regina Bornssiae suscipit 361. de naturis plasticis contra Cudworthum disputat 362. eius de Pufendorfii iure naturae sententia 362. miscellanea Berolinensia edit 363. Theodicaeam prodire iussit ibid. Petro Rufforum imperatori innotescit ibid. conatus eius promouendarum scientiarum in aula Viennensi 364. an Germaniam relinquere et in Gallia sedes figere constituit 366. Schediasma de origine Francorum elaborat 366. controuersia eius cum Tournemino et Gundlingio et Samuele Clarkio ibid. obitus eius 367. eius character 368. viro- rum doctorum de illo iudicia 371. eius merita de disciplinis 373. quidnam in Platone probauerit 375. quidnam in Stoicis probauerit 376. logicam noua luce persuadere est conatus 377. merita eius de metaphysica 378. ingenium eius mere systematicum fuit ibid. mathesin sublimiorem multum iuuat 379. an calculum differentialem inuenerit 380. eruditio eius theologica 380. inexhausta eius est diligentia 381. literarum eius commercium cum purpuratis atque illustrissimis foeminis 382. cum viris eruditis 383. quicquid memorabile in legendo ei visum schedulis inscripsit ib. Leib-

# RERVM ET MATERIARVM.

**Leibnitius**, quanam in illo a viris doctis desiderata et reprehensa 383. apologia pro Leibnitio a nonnullis scripta 387. aduersarii eius 391. sectatores eius 394. eius Theodicaeae historia 396. philosophia eius 397. logicae eius meditationes 398. metaphysica eius 401. theologia eius naturalis 432. theses eius Clarkio oppositae 441. praecepta eius iuris naturalis 444  
**Leuitas** vnde oriatur 50. ex Thomae sententia vnde 488  
**Lex naturalis** ex Hobbii sententia quid 194. eius regulae ib. seq. vbinam obligent 196. earum scientia vera et sola ethica est. ib. magis ad consilia pertinet, quam ad imperia 516. virtus & effectus eius 516. moralis ab origine quae 653  
**Li** apud Sinenses quid 891, 894, 896.  
**Libertas** illam et necessitatem vnum putat Brunus 48. ex Hobbii sententia quid 194. an illi inimica sit harmonia praestabilita 427. in corruptione humana salua manet 438. exempta est a necessitate et coactione ib. ei non nocet praedispositio rerum 439. indifferentiae non datur 510  
**Lingua**, latinam ex usu discit Montanus 723. barbaram eius pronuntiationem ex academia Parisiensi eicere tentat Ramus 559  
**Lingum** apud Bramanos quid 837  
**Locke**, Io. ortus eius atque educatio 603. in Oxoniensem academiam mittitur et Collegio ecclesiae Christi adscribitur 603. cur consuetudine hominum ingenii festiuitate conspicuorum vti coeperit 603. exercitationes academicae negligit ib. Cartesii differendi cogitandique claritate capitur 603. arti salutari se tradit ib. in Germaniam cum legato ad aulam Brandenburgicam concedit 604. in patriam reuersus comiti Shaftesburio innotescit 604. in eius familiam recipitur ib. cum Northumbriae comite in Galliam et Italiam proficiscitur 605. de intellectus humani natura cogitare coepit ib. albo societatis regio adscribitur 605. officia eius publica ib. iter litterarium suscipit 605. Amstelodami sedem figit 606. opus de intellectu humano perficit, & de tolerantia scribit 606. domum redit. ib. munera eius publica ib.

opus de intellectu humano edit 606. in praediis vitam degit 607. collegio delegatorum ad commerciorum res curandas adscribitur 607. librum de educatione liberorum & Christianismum rationi maxime conformem edit. 607. aduersarii inde illi enascuntur ib. mors eius 608. laudes eius ib. liber eius de intellectu humano 609. quanam in illo desideranda 611  
**Locus** est substantia prima incorporea 131. non habet contrarium ib. est extra mundum 132. non datur nisi vnus 134. ex mente Hobbessii quid 184. Cartesii de illo sententia 307. est pars spatii 648  
**Logica**, quot partes illius fecerit Verulamius 96. Verulamii de illa sententia 98. quot partes eius ex mente Campanellae 127. naturalis ex mente Campanellae quid 128. illam noua luce perfundere conatus est Leibnitius 377. quis eius finis primarius 492. emendatio in illa a quibusnam tentata 548. aliae eius emendationes 585. Cartesianorum de illa merita 586  
**Londinum**, ad societatem scientiarum ibi condendam multum confert Boyle 622  
**Longitudo**, illas definire laborat Galilaeus 637  
**Lumen**, vis eius quanam secundum Cartesium 320. innatum quam in re consistat 438. in eius naturam accurate inquit Newtonus 641. vnde eius phaenomena 651. eius radii quid 651, 652. omnia corpora id emittunt 650  
**Luna**, terram illam esse statuit Brunus 51. eius lumen non vniuersum a sole pendere statuit Cardanus 83. quoties illa defecerit animi deliquium passus est Verulamius 106. quam magna eius a terra distantia 311. cur non modo circa solem sed etiam circa terram gyret 318. lunas circa Iouem quis detexerit 636  
**Lux**, quid sit ex sententia Campanellae 132. sentit 138. ex mente Thomae quid 490. lux et ignis non sunt confundenda 491

## M.

**Machiauellus**, Nicol. vita eius 784. an graecae & latinae linguae fuerit ignarus ib. comedias veterum imitatur 785. an exigua illi historiarum notitia 785  
**E e e e e 3** Machia-



## II. INDEX

- Machiauellus**, perduellionis iudicium incurrit 786. an coniurationi contra familiam Medicam adhaeserit 786. mors eius qualis ib. scripta eius 787. eius princeps 787. atheismi nota inuritur ib. plagii accusatur 788. an scriptum eius satyra sit 789. an atheus fuerit 790. iudicium de illo 790. quinam eius principia oppugnarint 791. secta Machiauellistica quatenus 793
- Magia**, an Cardanus eius sit suspectus 79. an Bodinus 780. quotuplex 141
- Magi** dantur 50. ex mente Thomae quinquam 512. optimo necessaria est astrologia 142
- Magnanimitas** secundum Cartesium vnde 327
- Magnetes**, eius naturam quisnam primus scrutauerit 615
- Magnum et paruum** quomodo intelligendum 186
- Malabari**, scriptores de eorum rebus quinam 826. theologi et philosophi eorum 828. tribus distinguuntur 828. duae inter illos religionis sectae 831. philosophia eorum qualis 833. theologia eorum 834. physica eorum 842. doctrina moralis 843.
- Mallebranche**, Nic. parentes eius 589. cur pingi se recusauerit 589. cur solitudinis amans ib. studia eius 589. quonam casu ad philosophiam Cartesianam delatus 589. remissis studiis omnibus philosophiae operam dat 590. liber eius de inquirenda veritate vnde exortus 590. cur tam auide a multis receptus hic liber 591. lites inde illi enatae 591. cur inter Cartesianos spurius relatus 592. fanaticismi et Spinozismi accusatur 592. opiniones eius plane singulares sunt ib. quinam calamum in eum acuerint 593. sectatores eius 593. laudes eius 594. summa libri eius de inquirenda veritate ib. iudicium de Mallebranchii hypothesebus 597
- Malum** nihil est simpliciter 45. nostrum vnde pendeat ex Cartesii mente 328. quotuplex ex mente Leibnitii 435. sententiae Leibnitii de illo ib. vnde 438. ex sententia Thomae quid 498. vnde Bramanae illud deriuent 844
- Mare** vbinam gignatur 134
- Maria**, an eius virginitatem negauerit Jord. 210
- Brunus** 16. illam rogat Cartesius, vt viam ad nouam condendam philosophiam sibi monstret 210
- Martyrium** eius causas non a Deo esse statuit Cardanus 84
- Materia**, ex Bruni mente est anima mundi 37. semper fuit 43. finita partibus constat non infinitis 45. substantia diuina habetur 50. primam statuit Cardanus 83. illam in medio spatii vacui Deus posuit 132. duae eius extremae dispositiones 133. vniuersalis quae 138. prima merum nomen est 184. partes eius ex natura sua indiuisibiles non existunt 307. In toto vniuerso una et eadem existit 308. omnis eius varietas pendet a motu 308. non idem est cum spatio 443. non est aeterna nec necessaria ib. Thomae de illa placita 487. seq. prima ex nihilo a Deo facta est, nec potest esse illi coaeterna 499. quantitas eius sec. Newtonum quid 646. vis eius insita quid 647. quid per eius inertiam fiat ib. varias eius particulas pro ratione spatii Deus creare potest 653. prima ex mente Sinensium quae 893. duplex est ib.
- Materialistae** quinam 707
- Mathesis**, Verulamii de illa sententia 94
- Medicina**, ad rationalem promouendam multum confert Boyle 624
- Meditatio** ex mente Thomae quid 508
- Melanchthon**, Philippus, causa fuit, cur tam diu viam eclecticam non elegerint Protestantes 11
- Membrum**, eorum motus vnde 324
- Memoria** quid sit ex mente Campanellae 137. vbinam ponenda 139. secundum Thomae quid 493
- Mens**, quid sit ex Cardani sententia 84. hominis qualis 139. quando stupeat secundum Leibnitium 407
- Meritum** ex mente Thomae quid 519
- Metalla** in perfectiora mutari possunt 50. illa in aurum transformari possibile esse credunt Bramanae 842
- Metaphysica**, eius partitio ex Verulamii mente 94. quodnam in illa sibi sumserit demonstrandum Campanella 143. Leibnitii 401
- Meta-

## RERVVM ET MATERIARVM.

- Metaphysica Cartesii de principiis cogitandi** 291. fata eius recentiora 664
- Metempsychosin** statuit **Brunus** 59. apud **Tartaros** 811. a **Xekia** docetur 819
- Methodus**, illius regula qualis ex mente **Thomasi** 495
- Metus** secundum **Thomasi** quid 52
- Microscopia** quisnam inuenerit 658
- Minimum** rerum omnium substantiam constituit **Brunus** 41. omnia ex illo oriuntur, componuntur & in id resolvuntur ib. 43. indefinitum est 45. diuisibile non datur 184
- Miraculum**, quam de causa **Deus** illa faciat 441. vnde 442. minora dantur ib.
- Modus**, quidnam **Cartesius** per illos intellexerit 302
- Monarchia** ciuitati conuenientior est quam aristocratia et democratia 197
- Monarchomachi**, quid sint 793. celebriores quinquam 795
- Monas** est essentia numeri 43. simpliciter monadum vna reperta est 44. monas monadum **Deus** est ib. **Leibnitii** de illis placita 401. seqq. an perceptio illis attribueda 405. an perceptionem monadum a **Campanella** habuerit **Leibnitius** 407. not. **Leibnitii** de illis doctrina cum **Bruni** sententis concordant 417
- Montanus**, **Mich.** vita eius 723. latinam linguam vsu discit 723. sibi et studiis suis viuit 724. tentamina eius moralia ib. **Plutarchum** et **Senecam** diligenter legit et non raro expressit 724. laudes eius 725. quaenam in illo reprehensa 725. an **Septicisimi** reus 726. iudicium de illius tentaminibus 726. an **atheismus** in illis lateat 727. cur non publica censura sint notata 727
- Moralia** non cadere sub demonstrationem, origo huius opinionis 751
- Moralis philosophia** **Campanellae** quaenam 144. illi animum addicit **Cartesius** 214. gentis **Malabaricae** 843
- Moralistae**, vnde **Icti Wittenbergenses** ita dicunt 742
- Mores** ex **Hobbesii** sententia quidnam 193. ex **Thomasi** sententia 514. opus habent norma ib.
- Mors** non pertinet ad corporis substantiam 43.
- Mors perfecta** non datur 418. ex **Sinenfium** mente quid 895
- Motus**, velocissimus et maxima quies vnum atque idem sunt 44. quid sit ex mente **Campanellae** 134. eius diuisio, ib. ex **Hobbesii** sententia quid 184. **Cartesii** de illo placita 308. membrum vnde 324. eius leges detexit **Keplerus** 634. causas harum legum **Galilaus** explicauit 658. quantitas eius secundum **Newtonum** quid 647. absolutus quid 648. proprietates eius ib. leges eius secundum **Newtonum** 648. perpetuo imminuitur 652
- Mundus**, alius in simili spatio extra istud, in quo hic mundus est, existere potest, 48. est aeternus 49. caret figura 51. duo effecerunt corpora prima 132. sentit 136. 138. illum ad vnionem incitat contrarietas 138. nullos extensionis suae habet fines 307. **Cartesii** systema mundi 312. generatio eius secundum **Cartesium** quae 315. optimum an **Deus** elegerit fundamentum huius assertionis **Leibnitianum** 415. quo sensu ex **Leibnitii** mente sumendus 433. controuersiae de mundo hoc optimo ex **Leibnitii** sententia 440. an nouum hoc dogma ib. eius aeternitas non tollit illius a **Deo** dependentiam 443. non spectari debet tanquam corpus **Dei** 653. ex **Bramanorum** sententia quomodo creatus 836. quot 839. praesens omnium deterrimus est 840. ex quo ortus est ib. de eius anima **Iaponensium** sententia quo aeternus creditur 917. eius generatio ex **Sinenfium** mente quae 892
- Musculus**, eorum naturam et motum quis indicauerit 657
- Musica** in illa excellit **Galilaus** 635

### N.

- Natalis**, diem natalem quare occultauerit **Cartesius** 203
- Natura** est numerus numerabilis 42. numerus est 51. quomodo virtutis proprietates distinguat 50. quid sit ex mente **Campanellae** 139. ex mente **Thomasi** 506. vniuersa valde simplex est 652
- Naturalis philosophiae** quaenam eius distributio ex **Verulamii** mente 94
- Necesse

## II. INDEX

- Necessitas**, illam & libertatem vnum putat  
Brunus 48. ex decreto Dei quae 436  
hypothetica a Leibnitio asserta an liber-  
tatem evertat 439
- Nervus**, Cartesii de illis placita 222
- Newton**, Isaacus, ortus eius 639. artibus  
mathematicis adhuc puer se dedit ibid.  
quadraturam circuli, hyperbolae etc.  
quomodo deduxerit 639. methodum ex-  
cogitat infinitas series inueniendi 640  
collegio SS. Trinitatis adscribitur 640.  
professor mathematicum Cantabrigiae con-  
stituitur ib. praeses societatis scientiarum  
Londinensis eligitur et Parisiensis mem-  
brum 640. suprema rei monetariae cura  
ei demandatur ib. Philosophiam naturalem  
edit 640. opticae scientiae mysteria pan-  
dere studet 641. eius theoria colorum  
642. oppugnatur ib. in arte critica et  
chronologia est versatus 642. mors eius  
643. honores illi post mortem praestiti  
643, 644. eius philosophia in sectam abijt ib.  
aduersarii eius 645. philosophia eius na-  
turalis 646. an inter metaphysicos quo-  
que referendus ib. hypotheses eius physicae  
650
- Nihil**, quale statuunt Iaponenses 916
- Nireupan** apud Indos quidnam 821
- Nomen**, secundum Campanellam quid 130.  
insignificantia quatenus ex Hobbii mente  
190
- Norma**, qua utitur sapiens erga stultos quo-  
tuplex 515
- Notio**, Leibnitii de illis placita 399
- Nouatores** quinam philosophorum ita dicti  
612
- Numerus** est accidens monadis 43. inter  
illos et figuras accurata intercedit analo-  
gia 50. quid ex mente Hobbii 183. vnde  
oriatur secundum Cartesium 302
- O.**
- Obligatio** externae et internae effectus se-  
cundum Thomaeum 516. eius opposi-  
tum quid ib.
- Oculus** quatenus vis ex illis emanet 143
- Odor** ex mente Campanellae quid 136
- Odium** in philosophos sectarios philosophi-  
am excitauit ecclesiasticam 9
- Omnipotentia** Dei secundum Leibnitium  
quid complectatur 432
- Omniscientia** Dei ex Leibnitii mente quid  
433. ratio eius 441
- Ontologia**, illam emendat Leibnitius 356
- Operatio** seu actus ex Campanellae senten-  
tia quid 129
- Optica**, illius mysteria pandere studet New-  
tonus 641
- Optimismus** quid 415
- Oratio** secundum Hobbesium quid 187
- Ouarium** foeminarum a quonam detectum  
557
- Ouum**, ex illo mundum esse ortum statuunt  
Bramanae 840. vti et Sinenses 900
- P.**
- Paetum**, Hobbii de illis sententia 195
- Padalalogum** apud Bramanas quid 839
- Particula**, primigeniae, Newtoni de illis  
sententia 652
- Pasenda** quatenus secta 832
- Passio** ex mente Campanellae quid 129. vnde  
earum nomina secundum Hobbesium 192.  
ex mente Cartesii quid 323, 325. dogma-  
ta Cartesii de passionibus animae 323. ani-  
mi quotuplex ex mente Thomaeii 512
- Thomaeii** de illis placita 514
- Pax**, quibus passionibus homines ad illam  
perduci possint 194
- Peccatum**, eius permissio quando licita 437.  
eius propagatio a protoplastis quomodo ex-  
plicanda 438. quomodo eorum remissio  
ex Bramanarum sententia obtineri possit 841
- Perceptibilitas** secundum Thomaeum quid  
484
- Perceptio**, nostrae duarum sunt specierum  
325. vnde producantur 326
- Pereira**, an Cartesio praeiuerit in opinione  
bestias esse machinas 209
- Persae** secta fanatica apud illos 808 an illius  
systema Spinozisticum an Cabbalisticum  
809
- Persona** ex Hobbii sententia quae 196
- Phantasia** secundum Thomaeum quid 507
- Phantasinata** vnde et vigilantibus excitentur  
186
- Philologia** studium eius, sectariae philoso-  
phiae manus praebuit

Philo-

# RERVM ET MATERIARVM.

**Philosophia** eius munus quam in re consistat 890  
 -- **rationalis**, de eius reformatione recentiori aetate tentata 544. **naturalis** de eius emendatione 612. **moralis** eius conditio recentiori aetate 722. **exotica** qualis 804. **asiatica** in genere considerata 807  
 -- **Cartesiana**, primus eius sectator quis 218. primi eius aduersarii 221. incrementa eius adolescentis apud Batauos 222. controuersiae **Vltraiectinae** de illa 224. fortuna eius in **Britannia** & **Gallia** 227. sectatores eius **Leidenenses** 237. incrementa eius 239. **Leidenenses** contra illam turbae 240. fata eius post mortem conditoris 259. initio laeta sunt 260. ad demonstrandam religionis **Christianae** veritatem adhibetur 261. noua molimina theologorum illi addictorum in **Belgio** 263. impedimenta ei obiecta 265. **Cocceianae** lites illi immistae 267. decreuit 271. fata eius in **Germania** 272. fortuna eius in **Belgio Hispanico** 273. inter **Britannos** 274. fata eius in **Gallia** 277. **Janseuistae** ei fuerint addicti 280. in **Galliae** academiis interdictum 283. fata eius in **Italia** 284. quomodo eius sectatores considerandi 285  
 -- **eclectica**, quid designet 4. non cum syncretistica confundenda 5. cur tam ferro surrexerit 6. quam occasione excitata 8. causae illius 9. sectis caret 10. an in mathematicam & metaphysicam familiam diuidenda 11. illius addicti in **syntheticam** & **analyticam** classem diuidi possunt 11. quomodo illam distribuit **Verulamius** 96. quanam illius origo ex mente **Hobbesii** 147. not. **Germaniae** industria in illa excolenda 335. illius incrementa 728  
**Philosophaturus** de omnibus principio dubitare debet 43. ad quanam attendere debeat 303  
**Philosophandi** methodi duae quanam 186  
**Philosophus** ex **Sinenfium** mente quis 904  
**Physica** eius partitio ex mente **Verulamii** 94. **Campanellae** quanam 131. a quibusnam emendata atque aucta 614. chemicorum de illa merita 621. mathematicorum in illa excolenda diligentia 625. quidnam praecipuum eius officium secundum **Newtonum** 651. **Malabarica** 842. **Rudigeri Hist. philos. Tom. V.**

**studium** in illa emendanda 537. **Sinenfium** qualis 900  
**Physiologia**, an **Cartesius** suam pro fabula **Romanensi** habuerit 252  
**Plagium**, illius reus est **Bodinus** 781. suspectus habetur **Cartesius** 255. accusatur **Marchiauellus** 788. an illius reus fuerit **Ramus** 565  
**Planetarum** calorem ad nos demandare nequeunt 133. eorum motus qualis 134. cur non circulos perfectos describant 318. irregularitates motus eorum unde 653  
**Planta**, quomodo sol illas faciat 132, 135, illas habere sensus **Cardanus** statuit 83. et **Campanella** 141  
**Plato** quidnam in illo probauerit **Leibnitius** 375  
**Plenum** simpliciter nihil est praeter atomos 46  
**Pneumatologia**, fata eius recentiora 664, 710  
**Poenae**, quisnam illam mereatur 519  
**Politica**, de illa meruit schola **Aristotelis** 777. scriptores historiae litterariae eius 778. **Sinenfium** quae 904. Possibilitas rei unde cognoscatur secundum **Leibnitium** 400  
**Possibile**, an id tantum quod actu sit 434  
**Potentatus** ex mente **Leibnitii** quid 446  
**Potentia** infinita non est, nisi sit possibile infinitum 48. naturalis frustrari non debet, ib. quid sit ex **Hobbesii** mente 192. inuisibiles quid sint secundum **Thomasmum** 506  
**Potestas**, **Hobbesii** de summa sententia 197  
**Psychologia**, recentioris fata 706  
**Praedicamentum**, **Campanellae** de illis placita 129  
**Praeexistencia** animarum a **Leibnitio** assumpta 419, 429  
**Praemium**, quisnam illud mereatur 519  
**Praeludicium**, **Thomasmum** de illis dogmata 495  
**Praepositio** ex **Campanellae** sententia quid 130  
**Praescientia** Dei quonam fundamento nitatur 433. non imponit necessitatem 438  
**Principium** tria statuit **Cardanus** 83. an duplex statuerint **Sinenfies** 902. contradictionis quid 408. rationis sufficientis quid 408. an principium hoc nouum ib. **Leibnitius** illud ad confirmandas veritates metaphysicas primus adhibuit 410. a **Clarckio** oppugnatur ib. sunt veritates indemonstrabiles 493. primo-primum secundum **Thomasmum** quale 493

FFFFF

Prim.

## II. INDEX

**Principium totius naturae ex Sinensium mente** quid 891. identitatis indiscernibilium quale 403. an nouum 404. Iaponensium de primo sententia quae 913  
**Prophetæ ex mente Thomasi quinam** 512  
**Propositio categorica quotuplex** 130. probabiles quænam 131  
**Proprium quid ex Campanellæ sententia** 128  
**Protestantes, cur tam diu apud illos philosophia ecclētica caput extollere nequiverit** 7  
**Protoplasti, eorum corpus sine dubio fuit spirituale** 491. quomodo propagatio peccati ab illis explicanda 438  
**Prouidentia diuina vnde probetur** 499  
**Prudens secundum Thomam quis** 512  
**Pufendorf, Samuel, vita eius** 750. Weigelius illi emendandæ philosophiæ moralis auctor est ib. studium eius iurisprudentiam naturalem emendandi 752. Meursii miscellanea Laconica edit. 753. elementa iurisprudentiæ vniuersalis edit 754. eruditum de illis iudicia 754. Heidelbergæ professor iuris N. constituitur 755. Londinum, in Scania, vocatur ib. eius Ius N. & G. 756. quonam fundamento illud extruxerit 757. compendium eius de officio hominis & ciuis 759. Grotio præferendus est ib. quænam Thomam in illo reprehenderit 760. horrenda ei obiciuntur crimina 760, 771. historici eius labores 761. eius ius feciale diuinum cur scriptum 761. in baronum ordinem extollitur 761. mors & character eius 762. eius litium de I. N. & G. origines 763. series eius controuersiarum 766. controuersia eius cum eruditis in Saxonia 768  
**Pulchrum ex Hobbesii sententia quid** 191  
**Pythagorica philosophia, illam carmine Lucretiano auspicatur Campanella.** 113

### Q.

**Quadratum circulo æquare impossibile est** 46  
**Qualitas, differentes secundum Sinenses quot & quæ** 894  
**Quantitas ex Campanellæ mente quid** 129. vnde oriatur ex mente Hobbesii 186. a substantia extensa in re non differt 306. materiæ sec. Newtonum quæ 646. motus quid 647  
**Quies maxima et motus velocissimus vnum**

et idem sunt 44. particulas corporum inter se coniungit 311. quies & motus quomodo distinguantur sec. Newtonum 648  
**Quiescere quidnam dicatur** 184  
**Quietissimus sectæ Foenæ quinam** 820. seq. Bramanarum 831

### R.

**Ramus, Petrus, vitæ eius scriptores** 548. parentes eius 549. quis eius adolescentiæ status ib. an fuerit autodidactus 549. philosophiam Aristotelico scholasticam et mathesim discit 550. ad organum Aristotelicum examinandum euertendumque se accingit 550. institutiones dialecticas et animaduersiones Aristotelicas edit 551. motus Parisienses ob oppugnatam ab eo logicam Aristotelicam 553. mandato regio de dialectica cum aduersariis suis disputat 554. libri eius proscribuntur et dialecticas atque philosophicas scholas habere illi interdicitur 556. scepticismi accusatur 557. rursus ei datur potestas docendi 558. libros suos prohibitos recudi fecit 558. barbaram linguæ latinæ pronuntiationem ex academia ejicere tentat 559. grauis illi enascitur persecutio 559. in fugam se confert ib. redit 560. peregrinationem litterariam instituit 560. scholas Germanicas inuist et quare 561. Heidelbergæ a studiosis male tractatur 561. in patriam redit & in lamina Parisiensi interficitur 562. virtutes eius ingenii & animi 562. quænam in illo reprehenderint viri docti. 564. an plagii fuerit reus 565. Verulamii de illo sententia 564. Walchii 565. occasio reformationis dialecticæ a Ramo susceptæ quænam 566. ecclēstici philosophi nomen iure suo sibi vindicat 568. consilia eius emendandæ dialecticæ elenchtica 569. genuinos Aristotelis libros esse negat 570. scopus eius ecclēsticus 571. summa dialecticæ eius 571. multa in eius dialectica ex Aristotelicis seruata, multa addita 573. fontes dialecticæ eius 574. iudicia de eius dialectica 574. eius de philosophia merita 575. fata dialecticæ eius post autoris obitum 576. aduersarii eius philosophiæ 581. Ramei mixti & syncrētistæ 583  
**Ratio**

# RERVV ET MATERIARVM.

Ratio est numerus numerans 42. cur in mentem se non facile attollat 43. recta quid ex Hobbessii sententia 190. humana est praedicatum solius intellectus 510. recta quae 511  
 Ratiocinatio ex mente Thomassii quid 508  
 Ratiocinia quibusnam principiis sint superstructa 408  
 Regis, Petr. Sylu. vita eius 281. not.  
 Regius Henric. controuersiae eius cum Voëtio 224. sedatae 226. iteratae 231. haereseos accusatur ibid. thesibus Voëtii scripto respondet 232. eius a Cartesio defectio 237  
 Regulae morales Cartesii 290  
 Relatio quid ex mente Hobbessii 186  
 Religio, quamnam deriserit Brunus 60. christianam parui aestimat Hobbessius 171. quid ex Hobbessii sententia 188. eius semen naturale quibusnam in rebus consistat 193. an philosophicam colant Tartari 810  
 Remiscentia quid sit ex mente Campanellae 137  
 Repugnans praedicabile quid 128  
 Res, earum essentia & existentia vnum idemque habetur 131. quibusnam ex causis componantur 132. earum diuersitas vnde 135. durissimae modicum sentiunt 138. bonae & malae quanam ex Hobbessii sententia 187. nominata quanam 190. naturalium generatio secundum Cartesium quae 315. eius possibilitas vnde cognoscatur 400. earum possibilitas in diuina existentia est fundata 432. quomodo in agendo ab illo dependeant 433. omnes vna eademque sunt substantia ex mente Sinensium 893. quomodo creatae ex Malabaricorum philosophorum sententia 836. earum origines ex mente Sintoistarum 912  
 Resistencia quid ex mente Hobbessii 186  
 Rosae crucis fraternitas, illam detegere cupit Cartesius 210. illi adscriptus putatur 213  
 Rudigerus, Andreas, annos iam XIV. natus studiis demum se addixit 533. a Thomasio filiis suis praeceptor eligitur ibid. Ienam concedit & studiis theologicis inuigilat ibid. Gerac biennio exacto Lipsiam

petit & ad iurisprudentiam se confert 533. arti salutari se tradit 533. diligentia eius in iuuentute erudienda 534. scripta eius, ibid. totum se scribendo docendoque abiecta cura clinica tradit 534. eius in emendanda philosophia studium 535. in logica ibid. variam fortunam habuerunt eius institutiones logicae 536. illi inde enatae controuersiae 537. studium eius in emendanda physica 537. aduersarii eius inde enati 539. eius in ethica studium 540

## S.

Sanctitas circa quanam versetur 437  
 Sapientia ex mente Leibnitii quid 444. quisnam character primarius ad illam ex mente Thomassii 514  
 Sapiens secundum Thomassium quis 512. eorum bonum quotuplex 515. ex Braminarum sententia quisnam 829  
 Sapor, quid ex Campanellae mente 136  
 Scaliger, Iul. Caes. controuersiae eius cum Cardano 87  
 Scepticus an Cartesius illis annumerandus 293. an Montanus 726. Ramus 557  
 Schaerwaeck quanam secta 832  
 Schurmannia, an inter sectatores Cartesii referenda 223  
 Scientia, quanam eius sedes 131. vnde oriatur ex Hobbessii mente 187. signa eius certa quae 191. simplicis intelligentiae quid 433. media quid ibid. ex mente Sinarum quae 891  
 Scire quid sit ex Campanellae sententia 131  
 Secta litteratorum inter Sinenses 873. Bramanarum quae 832. apud Iaponenses quanam 910. inter gentem Malabaricam 831  
 Seldenus, Io. vita eius 748. eius Ius naturae & gentium secundum disciplinam Hebraeorum 748. Pufendorffii & Thomassii de illo iudicia 749. magnus doctrinae nationis Anglicanae dictator audit 748  
 Semen animatum est 135  
 Sennertus, Daniel, primus in Academiis Protestantium chemiae introduxit studium 618  
 Ffffff 2  
 Senner-

## II. INDEX

- Sennertus, Daniel, an eius physica ab Aristoteli-  
 telica non multum differat** 619. Aristoteli-  
 telici in eum insurgunt 619  
**Sensationes quo deferantur** 136  
**Sensibilia vera sunt** 46  
**Sensio, Hobbessii de illa placita** 186, 188. se-  
 cundum Thomassium quomodo fiat 487, 492  
**Sensio, sine illa nihil percipere potest intel-  
 lectus** 494. ex illa oriuntur cogitationes  
 ibid. corporum praesentium dicitur sensus  
 communis 507  
**Sensus, quid sit ex mente Bruni** 42. non  
 ullus fallat, fallaturus 46. funda-  
 mentum scientiae humanae est 130  
 eo duce philosophandum 131. eius  
 distinctio ib. quid sit ex mente Campa-  
 nellae 135, 137, 138. illum omnes res ha-  
 bent 136. est origo omnium 188. di-  
 versitates eorum secundum Cartesium quae  
 322. non fallunt 493. communis secun-  
 dum Thomassium quid 507  
**Sentire quid sit ex Campanellae senten-  
 tia** 131  
**Sermo, quid ex Hobbessii sententia** 187  
**Sidera splendentia mundi sunt** 42. eorum  
 influxum statuit Cardanus 84. ea animata  
 fecit Keplerus 634  
**Similitudo ex Campanellae mente quid** 129  
**Sindosiuistae, qualis secta apud Iaponenses**  
 915  
**Sintoistae, qualis secta apud Iaponenses** 911  
**Sinenses, scriptores de re litteraria eorum**  
 846. scripta eorum philosophica quae  
 edita sunt 848. de eorum philosophia  
 nihil certi est statuendum 850. origines  
 eorum historiae philosophicae obscurae &  
 incertae 850. libri eorum classici 857.  
 fata eorum philosophiae post Confucium  
 869. omnis philosophia & litteratura  
 apud illos supprimitur 870. restauratur  
 871. corrumpitur 873. secta litterato-  
 rum ibid. recentior eorum philosophia  
 874. philosophia Europaea inter illos  
 introducta 874. incertitudo & obscuri-  
 tas eorum philosophiae 876. non valde  
 magnifice de eorum philosophia iudicari  
 potest 881. rationalis philosophiae igna-  
 ri sunt 882. metaphysica eorum 882.  
 an atheismi sit suspecta 883. orthodoxia  
 eorum in doctrina de Deo asserta 883.  
 orthodoxe de spiritibus praecipisse visi  
 884. heterodoxia eorum notata 885.  
 Mosheimii de eorum theologia sententia  
 886. eorum theologia medii acui 890.  
 iudicium de eorum systemate 896. cum  
 Stoico consentit 897. eorum physica  
 qualis 900. philosophia eorum practica  
 quae 902  
**Societas, eruditae physicam doctrinam au-  
 gentes** 661. ad Londinensem condendam  
 multum confert Boyle 622. ad Beroli-  
 nensem Leibnitius 359  
**Sol, creaturae in illo vivunt ex Bruni sen-  
 tentia** 51. unde ortus ex Campanellae  
 sententia 132. quomodo aërem, aquam,  
 lapides, plantas et animalia faciat ibid.  
 movetur continuo 133. propria luce ful-  
 get 312. maculas eius quis detexerit 636  
 quid ex Newtoni mente 651  
**Somnia quid ex mente Hobbessii** 186. Hob-  
 bessii de illis placita 189  
**Somonacodum idem cum Xekia** 814. vid.  
 Xekia.  
**Sonus quid ex mente Campanellae** 135  
**Spatium quidnam sit ex Bruni mente** 51  
 quomodo corpora ad se trahat 137. quid  
 sit ex mente Hobbessii 183. Cartesii de  
 illo sententia 306. Leibnitii 442. Tho-  
 massii de illo dogmata 484, 490. New-  
 toni de illo sententia 648  
**Species ex mente Campanellae quid** 128  
**Spectra, unde** 51  
**Spes ex Thomassii sententia quid** 512  
**Spinoza, Benedict. de historiae eius scripto-  
 res** 682. vita eius 683. a Iudaicis ob  
 religionem in iudicium vocatur 684. Grae-  
 cam et Latinam linguam addiscit ibid.  
 ad theologiam discendam animum appli-  
 cat 685. in Cartesii opera incidit 683  
 ex communione Iudaica exit ibid. nulli  
 Christianorum sectae se addicit ibid.  
 studiis mathematicis se tradit 686. ruri  
 vivit ibid. principia philosophiae Car-  
 tesianae edit 686. an illa sua fecerit 687  
 agam se confert ibid. litterarum com-  
 mercium aluit cum praestantissimis viris  
 687. microscopia et telescopia conficit  
 ibid. virtutes eius 687. sacris Luthe-  
 ranis interdum adfuit 688  
 Spino-

# RERV M ET MATERIARVM

Spinoza, Bened. munus professorium Heidelbergae illi oblatum recusat 689.	Superstitiosus deterior est atheo 500
mors eius ibid. scripta eius atheismum pandere visa 690. tractatus eius theologico - politicus 691. an non mature refutatus 691. opera eius posthuma 692. summa impietatis Spinozisticae 693. an illam ex Cabbala hauserit 695. a sectae condendae gloria animum abstinuit 696. sectatores eius 697 alii Spinozismi suspecti 703	Suppositio quid ex Campanellae sententia 130
Spinozismus, an Brunus illi fuerit addictus 52 an Geulinozius 705. an Mallebranco 592. In Persae 809. an Xekia 820	Suprematus ex mente Leibnitii vnde 446
Spiritus eorum materia a materia corporum nihil prorsus differt 50. quid sit ex Campanellae mente 138. consultat diuinum interdum aliquam intelligentiam 139 animales secundum Cartesium quid 324 differentia inter illum et animam secundum Leibnitium quae 430. secundum Thomassium quid 487. Thomassii de illo placita ibid. omnem eius operationem in corpus negat Bekkerus 714. Sinenfium de illis placita 884-895. Bramanarum de illis placita 840	Syllogismus, illos reicit Verulamius 98 sensatus quibusnam ex propositionibus oriatur 130. ex Campanellae mente quid 130 ex Hobbessii sententia quid 190 Rami de illo placita 572
Spontaneum, quomodo a libero differat 510	Syncretismus, ad philosophicum primo inclinavit Leibnitius 340
Statua, an Confucio posita 861 not.	Systema causarum occasionalium quis primus ad id delatus 266. harmoniae praestabilitae 422. mundanum Tycho-nis de Brahe 631. Copernicanum ante Copernicum an detexerit Brunus 32 Copernicanum inuentum 628. Cartesianum 312
Stellae, vnde ortae ex Campanellae sententia 132. fixae propria luce fulgent ex Cartesii mente 312. fixae, quid ex mente Newtoni 651	Syntheticum, quinam eclecticorum ita dicendi 11
Stoici, quidam in illis probauerit Leibnitius 376. cum illis consentiunt Sinenfes 897	
Stulti eruditi secundum Thomassium quinam 514. tres eorum gradus 515	
Substantia rerum nihil variat 43. vera non est compositum 43. ex Campanellae mente quid 129. Cartesii de illa placita 301. simplices necesse dari statuit Leibnitius 402. quomodo illas vocauerit ibid. animae appellari possunt 407. simplex quaeuis est speculum vniuersi 415. similem hypotheseum ante Leibnitium affirmavit Bouillius ib. creatae non dantur prorsus materia earentes 443	Tactus, quando magis exquisitus 135
Supernaturale quid ex mente Leibnitii 443	Tai-kie, quid sub hoc nomine intellexerint Sinenfes 899
Superstitio, illi fuit addictus Cardanus 74 et Campanella 121	Talapoir, quinam 816
	Tao, qualis secta 870
	Tartar, an religionem philosophicam colant 810
	Telescopia quismam inuenerit 658
	Temperamentum apud Braminas quot 842
	Tempus quidnam ex mente Campanellae 132. potest apprehendi sine motu ib. incepisse non probatur 132. quid sit ex mente Hobbessii 183. quid ex Newtoni mente 647
	Tenuitas, quid sit 134
	Termini quid sint ex Campanellae mente 128
	Terminus, quid ex Hobbessii mente 183 parumper obscuri definiendi 401
	Terra, Bruni sententia de illa 45. motum illius circa solem Brunus statuit 51 quid sit ex Cardani sententia 84. putrae nullus locus competit 134. sentit 136. qualis a coelo apparitura esset 312 quadrata creditur 893. illam inter planetas numerat Cartesius 312. Cartesianus de

## T.



## II. INDEX

de eius geneli sententia 318. est materia a spiritu contracta 490. magnum illam esse magnetem primus statuit Gilbertus 615  
 Theologia naturalis, fata eius recentiora 668. Leibnitii 432. Malabarica 834  
 Theoremata demonstrabilia in quibusnam rebus sint 187  
 Therapeutae, illis similes sunt Bramanae 839  
 Thermometron quis inuenerit 635, 650  
 Thomasius, Christianus, vnde historia eius petenda 447. ortus eius 448. praecceptores eius ibid. quidnam patris diligentiae debuerit 448. prima eius philosophiae conamina in Grotio legendo 449. qua ratione ad iurisprudentiam delatus ibid. in academiam Francofurto-Viadrinam mittitur 450. iuuentutem institutiones iuris docet ib. contra Pufendorsum scribit 450. philosophiae scholasticae castra deserit 451. Batavos accedit 451. patriae restitutus ad forum se confert 452. retrahit pedem a fori strepitu et scholas iuuentuti aperit ibid. prima eius dissidia Lipsiensia 453. Alberti theses refutat et Pufendorsum emendat atque augeat 454  
 introductio eius in philosophiam aulicam 455. latentes sub cinere ignes excitant eius dialogi menstrui 455. turbac inde excitatae 456. quam ratione compositae 457. secundi motus illi excitati 457. atheismi accusatur 458 se defendit 459. motus eius cum H. G. Masio 460. partes eius in controuersis Pietisticis 461. noui tumultus ei excitati 462. voluntario exilio Lipsia discedit et Halae scholas instituit 462. ab electore Brandenburgico inter consiliarios adoptatur 463. litium eius cum Masio continuatio 463. ansam praebet vt noua Halae erigatur academia 464. aliae eius controuersiae 465 obitus eius 466. conatus eius in reformanda philosophia ibid. Antagonistae eius contra philosophiam aulicam 467 eius restauratio philosophiae rationalis 468. emendatio eius philosophiae mora-

lis 469. controuersiae illi inde enatae 470. iurisprudentia naturalis ab illo emendatur 471. rationes, quas in hac emendatione secutus 472. character eius 474. laudes 476. quatenam in illo reprehendenda 479. satyricam scribendi rationem tandem emendauit 481. eius confessio doctrinae suae 482. logica eius 492. metaphysicam a pneumatica distinxit 496. vnde pneumatologiam suam hauserit 496. ethica eius 498. eius ius N. et G. 504  
 Totum quid ex mente Hobbessii 183  
 Traduciani, quinam 709  
 Tranquillitas, in illa consistit hominis summa felicitas secundum Thomasius 498  
 Transcendens ex mente Campanellae quid 128  
 Tschaddi apud Bramanas quid 838  
 Tschirnhausen merita eius de rationali philosophia 598. medicina mentis vnde enata 599. eius methodus detegendi incognitas veritates 600. logicam mathematicam exhibuit 601. quatenam in illo consideranda 602  
 Tschuien apud Bramanas quid 838

### V.

Vacuum simpliciter cum atomis non sufficit 43. quare non detur ex Campanellae mente 132. quale detur ex mente Campanellae 137. ex mente Hobbessii quid 184. non datur 187, 305, 307. sine ratione sufficienti ponitur ex mente Leibnitii 441. principium et finem omnium rerum esse statuit Xekia 820  
 Vacca, illas mactare piaculum est apud Bramanas 841  
 Vaninus, Iul. Caes. historia eius vnde petenda 670. quo anno natus 671. mature ad philosophiam cognoscendam est perductus 671. totus in Auerroistarum hypotheses concedit ib. in physicam potissimum incumbit 672. ad theologiam se confert et iurisprudentiae operam nauat 672. qualis eius discendi ardor ib. Cardani scriptis delectatur ib.  
 Vani-

# RERV ET MATERIARVM.

Vaninus, an Pomponatium habuerit praeceptorem 672. an monachi habitum induerit 673. Germaniam peragrat, in Bohemiam penetrat et in Belgium descendit 673. ubique Atheis se opposuisse iacet ib. ad Gallos delatus Lugdunum peruenit ib. in Britanniam delatus per biennium ibi vixit 674. Genuae sedem figit naturalemque ibi philosophiam praelegit ib. in Italia et Gallia discurret et atheismi suspectus habetur 674. Tolosanae in carcerem coniicitur et atheismi conuictus ad rogam damnatur 675. quid de relatione de eius supplicio censendum 676. scripta eius ex quibus atheismi accusatus 677 quid de eius atheismo statuendum 680

Valuulae coli et ieiuni, quis illas detexerit 657

Varietas omnis ex Leibnitii mente vnde 416

Vasa lymphatica, quis illa primus detexerit 666. lactea quis 657

Veda qualis liber apud Bramanas 830. quotuplex 831. not.

Veneratio, secundum Cartesium vnde 327

Ventus sentit 138

Veritas, quidnam in illa inquirenda attendendum 441. quanam illi obfint 100. quanam in re consistat ex Hobbessii sententia 190. secundum Thomasmum quid 493. indemonstrabiles dantur ibid. quomodo inuenienda 495

Verum et falsum vbinam ex Hobbessii sententia 190. Cartessii cogitationes de methodo illud inueniendi 287

Verulamius, Franc. Baco de, vnde eius historia petenda 90. parentes eius 91 adhuc puer Reginae Elisabethae ob ingenium gratus est 91. in academiam Cantabrigensem mittitur ibid. Aristotelicam philosophiam quare contemserit 92 iuuenis in comitatu legati ad Gallorum regem mittitur 92. in patriam reuersus inter aduocatos extraordinarios recipitur ibid. in clientelam comiti Essexiae se dedit 92. quanam re ingratisimum se huic maecenati praestiterit ib.

in aula Iacobi I. valde gratus est factus 92. munera eius aulica ibid. corrumpi se muneribus patitur 93. in carcerem coniicitur quare 94. liberatur, et omnibus honoribus restituitur 94. a negotiis aulicis abstinere et Musis viuere 94 nimia premitur paupertate 95. mors eius ibid. character eius et merita ib. tractatus eius de augmentis scientiarum 95. eius noui organi recensio 97. nulli sectae inhaeret nec nouam condere cupit 99. ad naturalem philosophiam animum maxime applicat 101. non tamen a morali abstinere ibid. quaedam in illo desiderata 102. an inter occultos Dei aduersarios numerandus 105. laudes eius ibid. quoties luna defecerit, animi deliquium est passus 106

Virtus ex Hobbessii sententia quid 192. falsae, vnde oriuntur 503. quomodo illi studendum ex Sinensium mente 904. quatenam illi obfint 995

Vis ex mente Hobbessii quid 186. impressa quid ex Newtoni mente 647. centripeta quid ibid. huius proprietates ib. inertiae quid 652

Vita vnde oriatur 51. ex mente Thomassii quid 510. hominis quanam in re consistat ex Sinensium mente 895. quot eius classes 842

Vitium, in quouis homine vnum regnat 503

Vnio corporis et animae secundum Cartesium quae 304. secundum Leibnitium 422

Vnitas, eius natura quae 50. est rerum cunctarum essentia tota ib.

Vniuersale quale in intellectu diuino et humano 128

Vniuersalia vnde 302

Vniuersum eius magnitudo et duratio est inscrutabilis 187. vnde fluat habuisse initium 443

Vnum quid dicatur 183

Vocabula sunt definitiones secundum naturam non autem secundum nos 130

Volun-

## II. INDEX RERVM ET MATERIARVM.

**Voluntas Dei** est super omnia 48. ipsa est necessitas ibid. quid sit ex Cardani mente 83. vnde oriatur ex mente Hobbesii 187. quare Bestiae illa sint praeditae 192. nostrae quotuplices 325. sua natura libera est 325. bonum semper habet pro obiecto 434. ad eius naturam requiritur libertas ibid. antecedens et consequens quid 434. productiua et permissiua quid 435. nostra semper agit sponte 439. sine ratione mouente figmentum est 442. quibusnam praecudiciis seducatur 501. quidnam ex mente Thomasiai 502, 503. in illa sunt affectus ibid. Thomasiai de illa placita 508

**Voluptas et dolor** fontes omnium passionum sunt 136. ex Hobbesii sententia vnde 191. corporis voluptati animi contraria est 499

**Vortices Cartesii** ante Cartesium Brunus statuit 32. Cartesii de illis placita 913

### X.

**Xang-ti**, quid per illud intellexerint Sineses 815

**Xekia** idem est cum Budda et Somonacodomo 814. quando vixerit 815. vbinam natus ibid. philosophiam mysticam disseminat 815. quinam parentes eius 816. philosophiam docet annos quadraginta 816. a quonam illam didicerit 817. mors eius ibid. doctrina eius duplex 817. exoterica quatenus ibid. esoterica quatenus 819. an systema eius Spinozisticum 820. discipuli eius 822. eius ex Aegypto in Indiam transuectus 823. varia eius nomina 825. est Foe 871. quomodo eius secta ad Sineses delata 872

### Z.

**Zingis-Chanus** an peculiarem apud Tartaros formauerit religionem 811

**Zodiacus** in quot partes diuisus ex mente Sinesium 693

**Zoroaster**, an eius systema apud Persas hodie adhuc valeat 809

FINIS

TOMI QVINTI ET VLTIMI.



VILLE DE LYON  
Biblioth. du Palais des Arts









